







CONCILIA
GERMANIÆ,

QUÆ

CELSISSIMI PRINCIPIS
JOANNIS MAURITII,
ARCHI-EPISCOPI PRAGENSIS

SUMPTU

CL. JOANNES FRIDERICUS SCHANNAT
MAGNA EX PARTE PRIMUM COLLEGIT,

DEIN

P. JOSEPHUS HARTZHEIM S. J.

EJUSDEM CELSISSIMI IMPENSIS

PLURIMUM AUXIT, CONTINUAVIT,

NOTIS, DIGRESSIONIBUS CRITICIS, CHARTA,
ET PRÆFATIONE CHOROGRAPHICIS
ILLUSTRAVIT.

TOMUS IV.

AB ANNO MCCXC. AD MCCCC.



COLONIÆ AUGUSTÆ AGRIPPINENSIIUM,

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum.

ANNO MDCCLXI.

CUM PERMISSU SUPERIORUM.



REVERENDISSIMO. CELSISSIMO.
DOMINO. DOMINO.

J O A N N I.
M A U R I T I O.
G U S T A V O.
DEI. GRATIA. ARCHI-
EPISCOPO. PRAGENSI.
SEDIS. APOSTOLICÆ. LEGATO. NATO.
S. ROMANI IMPERII PRINCIPI
COMITI. DE. MANDERSCHIED-
B L A N C K E N H E I M.
E T.

GEROLDSTEIN.
LIBERO. BARONI. IN. JUNCKERATH.
DOMINO. IN. BETTINGEN. DAUN. ET. ERP.
UTRIUSQUE SACRÆ CÆSARÆÆ. NEC. NON. GERMANIÆ.
HUNGARIÆ. ET. BOHEMIÆ. REGIÆ. MAJESTATIS.
CONSILIARIO. INTIMO. ACTUALI.
INCLYTI. REGNI. BOHEMIÆ. PRIMATI.
ECCLESiarUM. METROPOLITANÆ. COLONIENSIS. ET.
CATHEDRALIS. ARGENTINENSIS. RESPECTIVE.
PRÆPOSITO. SENIORI. AC. THESAURARIO.

ILLUSTRIS. ECCLESIÆ. COLLEGIATÆ. AD. S. GEREONEM.
PARITER. PRÆPOSITO.
NEC. NON. UNIVERSITATUM. COLONIENSIS. ET. CAROLO. FERDINANDÆ. PRAGENSIS.
CANCELLARIO. PERPETUO. ET. PROTECTORI. &c. &c.

TOMUM QUARTUM D. D. C.

Servus deditissimus
JOSEPHUS HARTZHEIM S. J.

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

TEL: 773-936-5000

FAX: 773-936-5001

WWW.CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CHICAGO.EDU

CATALOGUS ROMANORUM PONTIFICUM

AB ANNO MCCXC. AD MCCCC.

Quorum anni Conciliis Germaniæ præfiguntur.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit in Cate- dra Petri.</i>	<i>Obiit vel abiit à Pontificatu.</i>
S. Cœlestinus V. <i>antea Petrus de Mur- rone, Monachus Italus, Molifinus.</i>	CXCII.	Anno Christi MCCXCIV. Ili. Nonas Julii.	Menses V.	Anno Christi MCCXCIV. Idibus De- cembriis.
Bonifacius VIII. <i>antea Benedictus, Car- dinal. Cajetan, Ana- guinus.</i>	CXCIII.	MCCXCIV. IX. Kalendas Januarii.	Annos VIII. Menses IX. Dies 18.	MCCCIII. V. Idus Octobris Romæ.
Benedictus XI. <i>antea Nicolaus, ex Or- dine Prædicatorum, Tarvisinus.</i>	CXCIV.	MCCCIII. XI. Kalend. Novembris.	Menses VIII.	MCCCIV. pridie nonas Quintiles.
Clemens V. <i>antea Bernardus de Grotto, Archiepiscopus Burdigalensis.</i>	CXCV.	MCCCIV. Nonas Junii.	Annos VIII. Menses X. Dies 8.	MCCCXIV. XII. Kalend. Majas.

*Sub hoc celebratum Concilium Generale XV. Viennæ in Delphinatu:
Cathedra Romæ Avenionem translata ad LXX. annos.*

Joannes XXII. <i>antea Jacobus de Eusa, Cadurcensis, Episco- pus Portuensis.</i>	CXCVI.	MCCCXVI. VII. Idus Augusti Lugduni.	Annos XVIII. Menses iv. minus 2. die- bus.	MCCCXXXIV. pridie nonas Decembriis, Ætatis 92. Avenione.
--	--------	--	---	--

*Antipapa Petrus de Corbario, ex Ordine FF. Minorum, ele-
ctus à Barro Imp. anno 1328. Renuntiat Papatui 1330.
Obiit pœnitens 1333. extremo Septemb. dictus Nicolaus V.*

<i>Nomen & Natio.</i>	<i>Ordo Successio- nis à S. Petro.</i>	<i>Altit Pontificatum.</i>	<i>Sedit in Cathe- dra Petri.</i>	<i>Obiit vel abiit à Pontificatu.</i>
Benedictus XII. <i>antea Jacobus Furne- rius, ex Ord. Cisterc. Tolosanus natu.</i>	CXCVII.	Anno Christi MCCCXXXIV. xiii. Kalend. Januarii.	Annos vii. Menses iv. Dies 6.	Anno Christi MCCCXLII. Die S. Marci.
Clemens VI. <i>antea Petrus Roge- rius, Lemovicensis.</i>	CXCVIII.	MCCCXLII. Nonis Maji.	Annos x. Menses vii.	MCCCLII. viii. idus Decembris.
Innocentius VI. <i>antea Stephanus Al- berti, Lemovicensis, Episcopus Ostiensis.</i>	CXCIX.	MCCCLII. xv. Kalend. Januarii.	Annos ix. Menses viii. Dies 26.	MCCCLXII. pridie idus Septembris.
Urbanus V. <i>antea Guillelmus Gri- moaldus, Abbas S. Vi- ctoris Marsiliæ.</i>	CC.	MCCCLXII. V. Kalend. Novembris.	Annos viii. Mensem i. Dies 22.	MCCCLXX. XIV. Kal. Januar.
Gregorius XI. <i>olim Petrus Rogerius, Lemovicensis.</i>	CCI.	MCCCLXX. iii. Kalend. Januarii.	Annos vii. Menses ii. Dies 27.	MCCCLXXVIII. vi. Kalend. April.
Urbanus VI. <i>olim Bartholomæus Prignanus, Neapolit. archiepisc. Barri.</i>	CCII.	MCCCLXXVIII. vi. idus Aprilis Romæ.	Annos xi. Menses vi. Dies 6.	MCCCXCIX. Idibus Octobr.

*Clemens VII. Antipapa, electus Fundis in Regno Neapolitano,
antea Cardinalis Gebemensis, A. 1378. 19. Septemb. sedit
Avenione. Obiit A. 1394. 16. Septemb. apoplexia. Primus
à XV. Cardinalibus electus in schismate, protrahito usque
ad annum 1429. inter Romanos & Avenione electos.*

Bonifacius IX. <i>antea Petrus, Cardina- lis Thomacellus, Nea- politanus.</i>	CCIII.	MCCCLXXXIX. iv. Non. Novembr. Romæ.	Annos xiv. Menses ii.	MCCCIV. Kal. Octo- bris.
---	--------	--	--------------------------	--------------------------------

*Benedictus XIII. Antipapa, antea Petrus de Luna, Hispanus, electus
A. 1394. 28. Sept. exauferatus in Conc. Pisano A. 1409. 5. Jun.*

SERIES

SERIES REGUM ROMANORUM

EX PRINCIPIBUS GERMANIS

SÆCULO XIV.



ADOLPHUS NASSOVICUS Comes, F. WALRAMI Comititis, & ADELHEIDÆ Catimelibocensis, eligitur *Francfurti* anno 1292. Kalendis Januarii, coronatur Aquisgrani Rex Romanorum cum uxore Imagina, Comitiſſa Limburgenſi, a Sigefrido Archiepiſc. Colonienſi die S. Joannis Baptiſtæ, 24. Junii. Anni 1298. 1. Maji, Feſto Philippi & Jacobi, Gerhardus Archi-Epiſcopus Moguntinus, Wenceslaus II. Rex Bohemæ, Albertus Dux Auftriæ, Duo Marchiones de Brandenburg, Dux Saxoniæ, congregati *Francfurti*, Adolphum contradicentem, coram populo variis de cauſis depoſuerunt, in ejusque locum 23. Junii elegerunt Albertum Auftriacum, Regem Romanorum. Contra Boëmundus archiepiſc. Trever., Rudolphus Comes Palatinus, Ludovicus Dux Bavarie, & pleræque civitates Rhenanæ, Adolpho ad hæſerunt uſque ad mortem, uni Regi legitimo & citra cauſam depoſito. Mors ejus accidit 2. Julii h. a. in prælio commiſſo juxta Wormaciæ inter pagum Gellheim, & Monafterium Roſenthal, in quo ab Alberto æmulo vulneratus, ſubinde occubuit.

ALBERTUS Auftriacus, Rudolphi I. Imperatoris, & Annæ Hohenbergiæ F. Primogenitus, ſecunda vice eligitur 9. Auguſti *Francfurti* ab omnibus Electoribus: die S. Bartholomæi Wicholdus Archiepiſc. Colon. eundem ſoleſſani ritus Romanorum Regem Aquisgrani coronavit. Anno 1308. Kalendis Maji prope Vindoniſſam pagum a Patruce, ejusque aſſedlis conſoſſus, obiit anno Regni decimo.

Uxor Vidua Eliſabetha Comitiſſa Tirolis in loco cædis Monafterium Rönigſee ſcib in Ergovia ædificavit.

HENRICUS VII. Luxemburgi Comes, F. Henrici II. Luxemburgiſis Comititis, & Beatrix, Hannoniæ Comitiſſæ, eligitur Renſe à Rudolpho Comite Palatino Rheni (in quem cæteri Electores compromiſerant) 27. Septembris A. 1308.

Anno 1309. die Epiphaniæ cum Uxore Eliſabetha Brabantina Aquisgrani coronatur Rex Romanorum ab Henrico Virnenburgico, Archiep. Colonienſi. Anno 1310. Legatos ad Papam Clementem V. Avenionem mittit, cujus aſſenſum impetrant, & coronationem poſt Biennium Romæ obtineadam.

Anno 1310. Italiam ingreſſus, pleroſque Magnates & Urbes ſibi devotas homagium præſtare vidit, Mediolani ab Archiepiſcopo in Eccleſia S. Ambroſii 5.

Januarii corona ferrea insignitus fuit, creatis post coronationem ducentis Equitibus. Per totam Italiam, paucis locis exceptis, Vicarios Augustales Imperii creavit. Anno 1312. post multas tricas, die festo SS. Petri & Pauli, in Ecclesia Lateranensi, a se electa, coronatus fuit Imperiali diademate a tribus Cardinalibus, a Papâ Avenione residente ablegatis, Arnoldo Felgnerio Episcopo Sabinenſi, Nicolao Pratenſi Oſtienſi Episcopo, & Luca Flisco. Die prima Augusti Legem Romæ fancivit de *Summa Trinitate* credenda, teste *Tribemio*. Pifis duas alias Leges edidit Codici juris insertas.

Anno 1313. die S. Bartholomæi, VIII. Kal. Septembris, in Hertruria apud Bonconventum oppidum languore ex Dyſenteria deſectus, obiit anno ætatis LI. & diebus XII. Anno Regni V. Imperii I. Menſe uno, diebus xxvi. Veneno porrecto ſub ſacris ſpeciebus Eucharifticis extinctum, fabula eſt, non tantum ignota Scriptoribus corvis, teſte *Tribemio*, ſed testimoniis invictis ipſuſmet Imperatoris, Joannis Bohemiæ Regis, & Balduini Electoris Treverici, & aliorum confutata.

LUDOVICUS IV. BAVARUS, Filius Henrici Severi, Ducis Baviaræ Superioris, Com. Palatini Rheni, & Mathildis Filiæ Rodulphi Habſburgici, naſcitur anno 1287. Patre mortuo A. 1294. Frater natu major Rudolphus pueri tutelam ſibi attribuebat; ſed Albertus Imp. matrem Matildam Tutricem eſſe voluit. Ab hac Viennam ad aulam Cæſaris miſſus, omnibus diſciplinis liberalibus & equeſtribus imbuitur.

Anno 1313. 10. Novembris victor profligat Fridericum Auſtriacum, qui ambiebat tutelam liberorum Ottonis, Baviaræ inferioris Ducis, ſed hic eam Ludovico detulerat: cum eodem devicto pacem init arbitris Wichardo Salisburgenſi Archi-Epiſcopo, Nicolao Ratiſponenſi Episcopo, & Henrico Carinthiorum Duce.

Anno 1314. 20. Octobris Ludovicum Electores Imperii primo per Nuntium, tum per literas accerſitum, eligunt Regem Romanorum. Petrus Archiepiſc. Moguntinus, Balduinus Archiepiſc. Trevirenſis (Frater Henrici VII. Imp. & Patruus Joannis Bohemiæ Regis) Joannes Rex Bohemiæ, Waldemarus Brandeburgicus, Joannes Saxo-Lauenburgicus ſenior, Decretum Electionis ſcribunt Summo Pontifici (Sede tunc vacante) eligendo: vacavit autem ab A. 1314. XII. Kal. Maji ad A. 1316. VII. Idus Auguſt. iidem 5. Electores ſuum vorum notificant per Senatum Francofurtenſem Senatui Aquisgranenſi ſcriptis literis VIII. Kal. Novemb. A. 1314. Die S. Catharinæ a Balduino Trevirenſi Archiepiſc. una cum Beatrice conjuge coronatur Rex Romanorum Aquisgrani, abſentibus, imo recuſantibus Henrico Colon. Archiepiſcopo, & Rudolpho Comite Palatino Rheni, fratre ſeniore Ludovici, licet invitati eſſent ab aliis prope Francofurtum congregatis, nec Procuratores miſſent.

Anno 1316. apud Eſlingam Fridericum Auſtriacum æmulum, a tribus electum, prælio proſtravit, caſis peditibus 700, equitibus 600. Inde victor Spiram concedit Ludovicus, ubi Catharinam Amedæi Sabaudæ Ducis Filiam in thalami fociam aſciſcit: ipſe Imperiali purpura & corona amiſtus, conjugi etiam coronam imponi juſſit.

Anno 1316. JOANNES XXII. Papa Vicarium Imperii in Italia ſe gerit, qua declaratione facta, diſcordiæ pomum inter Imperium & Joannem jaſtum fuit.

Anno

Anno 1318. JOANNES, Bohemix Rex, inter Pontificem & Ludovicum Inducias pepigerat arbiter: verum Papa, audito Rodolpho Episcopo Curienfi, Legato Friderici Austriaci, pro hoc, tanquam rite electo, contra Ludovicum pronuntiat.

Reditur ad arma, & postquam A. 1320. Fridericus Bavariam multo cum milite invasisset, imo sicarium conduxisset, qui æmulum occideret; hic detecta conspiratione punitus fuit pro merito, & Ludovicus adiciis sibi faventibus Bavaris, Bohemis, Moguntinis & Trevericis, æmulo se opponit A. 1321.: nihilominus primo impetui cessit, declinato prælio, & elusis iteratis infidiis, magno fœderatorum numero stipatus, Anno 1322. Decretorium prælum init, in quo ad 22000. peditum, equitum 1500. numerabat sub suo vexillo.

Fridericus, haud minore agmine cinctus apud Ampfing, pagum vicinum Muhlendorff civitati, & ipse in prælum ruit ante adventum fratris Rudolphi die 20. Septembris. Pugnatum ab initio feliciter a Friderico; sed sub Schwippermanno, Belli Duce, Ludovicus resumptis animis plena victoria potitur: captos æmulos Fridericum Pulchrum, & fratrem Henricum humanissimis verbis, uti cognatos, accepit. Fridericus arci Trausnitz includitur, Henricus frater Regi Bohemix custodiendus traditur.

A. 1328. Ludovicus vivis erepta conjuge prima Beatrice, Henrici III. Glogoviensis Filia, Margaretham, Wilhelmi Hollandix & Frisix Comitum senioreni Filiam, Colonix festis nuptiis ducit, & Mechildem Filiam nuptui dat Fridorico Landgravio Thuringix, Marchioni Misnix, qui Guzam filiam Joannis Regis Bohemix repudiaverat.

Anno 1323. mortuo Waldemario Brandenburgico absque liberis, Ludovicus Cæsar filio Ludovico in Comitibus Norimbergenfibus hoc feudum Regno apertum dat, uti & Lusatz partem.

Anno 1316. Papa publicavit Edictum, vacante, uti opinabatur, Imperio, omnia Italix Dominia ad se pertinere, ac neminem sub pœna Banni Vicarium Imperialem dici, aut scribi posse extra suum consensum; Robertum Neapolitanum Regem Vicarium Italix nuncipat, bello invadit Mathæum Vice-Comitem Cæsari Ludovico Regi suo fidum: jamque Gibellinos omnes Italiâ eliminandos, aut necandos hariolabantur Guelfi Pontificix factionis.

Cæterum post mortem Henrici VII. Comes Goritix Henricus, erat Vicarius Imperialis Italix constitutus. Multis interea fortunæ vicibus turbata Italia. Ludovicus de æmulo suo victor, Imperium Italix, a Carolo & Ottone Magnis, Antecessoribus suis acquisitum, restituere Imperio statuit, in quem finem Mathæum Vice-Comitem, a Pontificio exercitu obsessum, suppetiis missis 500. equitum sub Belliduce Bertholdo Neuff, uti & Modoetiam liberat. Joannes XXII. anno 1322. VIII. Idus Octobris Avenione primum Monitorium Ludovico Cæsari mittit, in quo queritur, quod stante dubia electione, Regni administrationem suscipiat, nondum a Papa confirmatus. 2do. Quod Vice-Comiti Mediolanensi *heretico* suppetias

tias mittat. 3tio. Quod filio Ludovico Electoratum Brandenburgicum dederit; subin comminabatur excommunicationem, nisi intra trimestre militem ex Italia abduceret, & ab administrando Imperio desisteret.

Anno 1323. IV. Idus Novembris Norimbergæ Cæsar Legatos mittit ad Papam, Albertum Teutonici Ordinis Equitem, Ewestorpium Sibachium Archidiaconum Wurceburgensem, Comites Bertholdum de Neuffen, Fridericum de Truchendingen, Bertholdum de Greispach cum duobus filiis. Hi Legati Avenionem appulsi nil a Papa, vel Ministris impetraverunt, quam prorogationem trimestris spatii ad duos menses, intra quos Ludovicus Cæsar se Papæ sifteret, de criminibus se purgaret, sub comminatione excommunicationis. Intellecta mente Papæ, Ludovicus XV. Kal. Januarii A. 1324. Norimbergæ Comitia indicit, in quibus coram Nicolao Episcopo Ratisbonensi, & multis Episcopis & Principibus appellando ad futurum liberum Concilium, protestatur 1mo. Se plurium Electorum votis legitime electum fuisse. 2do. Electum nulla Confirmatione indigere. 3tio. Id constare exemplis Henrici Aucupis, Conradi Franconici, Rudolphi Habspurgici, a nullo Papa confirmatorum. Vice-Comites & Galeatos esse suos & Imperii subditos: Patere hæc omnia ex literis informatiis, toto Regno sparsis.

Anno 1324. Octobri mense mediantibus arbitris, & pactis juratis, Fridericus Austriæ Dux post triennalem carcerem liber dimittitur: anno 1325. die Martis ante Natæ Virginis Monachii fuere scriptæ Tabulæ Unionis & Societatis administrandi Imperii inter Ludovicum & Fridericum.

Anno 1327. Cæsar cum valido exercitu, Ducibus, Principibus, & Episcopis, sociis Gibellinis Tridenti Comitia indicit, dein Mediolanensi in Ecclesia S. Ambrosii a Guidone Tarleto, & Friderico Episcopo Tridentino coronam ferream Italiæ suscipit, ac propinati veneni insidias feliciter evasit.

Anno 1327. 20. Octobris Excommunicatio Ludovici dudum intentata, vibratur Florentiæ a Cardinali Urfino Legato Papæ, ob causas varias in Bulla allegatas.

Anno 1328. VII. Idus Januarii Ludovicus Romam ingreditur auxilio Castrucci Castracani, Saræ Columnæ, Jacobi Sabelli, & Theobaldi de S. Eustachio.

In Ecclesia S. Petri a duobus Episcopis, Jacobo Veneto, & Ellerano coronam Imperialem sibi imponi fecit, uti & conjugi Margarethæ, quæ brevi post Filium (Romanum dictum) enixa est, post coronationem Castruccium Castracanium creat Principem Lucæ, vexilliferum Imperii, & Comitem Palatii Lateranensis, dein mortuum A. 1329., cum antea Cæsarem deseruisset.

Romæ existens, auditis lamentis civium Romanorum de absentia Papæ, Avenione hærentis, attentat Papam deponere, varias causas prætexens & inani conatu Antipapam suscitatur Petrum de Corbario ex Ordine Minorum, cui nomen Nicolai V. imponit, a quo iterum coronari vult.

Joannes XXII. *Collectam* orationem contra Ludovicum quotidie dicendam præscribit, Decimas de redditibus Ecclesiasticorum Cameræ Pontificiæ inferendas exigit, & milites cruce signat contra eundem.

Anno

Anno 1327. Marfilium de Padua, & Joannem de Janduno, ex Ordine Minorum, Monachium confugientes, & pro Ludovico Cæsare apologetica scripta edentes, insertis crassissimis erroribus, quod Papæ creatio & depositio sit in manibus Imperatoris: quod ad eundem omnia bona sæcularia spectent: Clericos & Religiosos omnis Domini temporalis incapaces esse: Petrum fuisse æqualem cæteris Apostolis: nullum Primatum, nullam Hierarchiam a Christo stabilitam: omnia hæc a Cæsaribus manasse &c. uti hæresiarchas damnat, excommunicat, & pœnis hæreseos subjicit Avenione X. Kal. Novembris anno Pontificatus XII.

Anno vero 1329. XVI. Kal. Decembris Michaellem de Casena Generalem Ministrum Ord. Minorum, & Guillelmum Occamum, Anglum, ejusdem Familiæ Alumnum, ob Paupertatem Christo assertam sine jure ullo in rebus, usu absumptis, itemque Regulæ S. Francisci propriam, pertinaciter defensam, privat officiis omnibus, deponit, excommunicat ut hæreticos, Avenione XII. Kal. Majas, Pontificatus anno XIII.

Anno 1330. Joannes XXII. novum Vicarium Imperii in Italia constituit Actium Vice-Comitem, Mediolanensem, Literis vero ad Joannem Bohemiæ Regem Ludovico Cæsari fidum datis, recitat omnia huic Principi imputata delicta, & eum jam Regno, ac Imperio excidisse probare nititur.

Eodem anno Cæsar Italiam intrat egregio cum exercitu: Exercitus Cæsareus adverso Marte vincitur, & dispergitur quaquaversum. Hoc casu Papa per Bertrandum Legatum suum Joanni Bohemiæ Regi omnes urbes devictas possidendas cedit, Filium Carolum Romanorum Regem eligendum promittit. Patri Vicarium Italiæ adjunctis variis Officialibus & Consiliariis donat.

Hoc animadverso turmatim Italiæ Principes, Robertus, Florentini, Gonzagæ, Scaligeri, Atefinesi, Vice-Comites pro libertate communi restauranda sedus A. 1331. VI. Idus Augusti contra Joannem Papam, & Joannem Regem Bohemiæ ineunt, & hoc suum consilium Ludovico Cæsari insinuant.

Anno 1334. 4. Decembris Joannes XXII. Avenione obiit anno ætatis 90. relictis in Thesauro Pontificio 25. Millionibus auri signati, præter aurum rude, & gemmas aliaque cimelia pretiosa. Benedictus XII. ex Ordine Cisterciensi Successor eligitur, qui commendas & expectativas Beneficiorum, & Prælaturarum, ab Antecessore concessas, revocat, & annullat.

Anno 1335. Ludovicus Cæsar mittit Legatos Avenionem, Albertum Episc. Frisingensem, & Canonicum Argentiniæ Comitem Hochbergium, hacce cum declaratione, se Neapolim, Sardiniam, & Corsicam sibi non vendicaturum, nec citra Papæ assensum Romam venturum, dummodo absolvatur ab excommunicatione. Verum Franciæ, Neapoleos, & Bohemiæ Reges, tum Poloni & Hungari, Ministros & Papam, propensum ad absolutionem Cæsari dandam, inverterunt.

Anno 1336. 5. Martii Ludovicus Cæsar novam Legationem ad Papam misit cum amplissima submissione, ut ab vinculo hanni absolvetur: sed non auditur.

Hæc ex selectis Bavaricis informationibus, Diplomatis Pontificiis & Cæsareis corroboratis, editis Monachii ab anno 1751. ad 1752. per DD. Langium & Blandellum.

Anno 1337. Rense institutis Comitibus æta Joannis Papæ & condiciones, a Ministris Pontificiis propositæ, cassatæ, & annullatæ fuere. Declaratum uno ore omnium Procerum: "Electum Imperatorem etsi a Papa nec fuerit confirmatus, nec unctus, nec coronatus, verum esse Imperatorem, & Administratorem omnium jurium Imperii. Quicumque aliter docuerit, senserit, fecerit, criminis læsæ Majestatis reum esse, hostem Reipublicæ, & ab Imperio proscriptum, capitis reum: omnia ejus bona Fisco Regio addita." In eodem loco & anno ELECTORES primum inter se concordiam inierunt (Kurfürstliche Verrein) pro suis & Imperii juribus tutandis contra omnes. Idem renovatum in Comitibus Francofurtensibus anni 1338.

Anno 1342. Imperator articulos Paparum Joannis XXII. Benedicti XII. Clementis VI. Comitibus proposuit: Status vero Imperii terminum octo dierum a Cæsare fixum prævenientes, Coloniz congressi, decreverunt: "Postulatis Pontificum destrui Imperium." Rensæ novo Principum Conventu indicto, Literæ ad Papam exaratæ fuere, quibus articuli propositi Ludovico Cæsari, omnino reprobati sunt.

Anno 1347. V. Idus Octobris Ludovicus apud Fürstenfeldium in Bavaria ad venationem egressus, apoplexia tangitur equo insidens, & poenitens obiit anno Regni XXXIII. Imperii XIX., in civitate Monachio Catholico ritu sepultus. Rumor est, sed incertus, apoplexiam ex veneno, propinato die S. Dionysii Martyris, ortam: alii aliam causam & mortis circumstantias pro studio partium afferunt.

FRIDERICUS Pulcher, Austriacus, Alberti Imp. Filius, Nepos Rudolphi I. Imperat. ab Henrico Virnenburgico Archi Episc. Colonia, Rudolpho Comite Palatino Rheim, Rudolpho Juniore Duce Saxoniz Anhaltino, ab Henrico Carinthiorum Duce (quem Joannes Pater Regni Bohemiz & voto Electorali privaverat) adeoque a tribus electis, Bonna coronatur ANTI-REX Romanorum. Sunt, qui velant, eundem aliquo intervallo temporis diplomata Regis tum salutarium, tum cum Rege Ludovico edidisse: sed Bavari Scriptores negant, genuina ulla prolata fuisse, contra Lazium & de Roo. Drevichs prælo apud Mühlendorff A. 1322. Post triennium e carcere liber sub pactis dimissus A. 1325. Interiit ex venenato poculo, ut ajunt, anno 1330.

CAROLUS IV. Marchio Moraviz, Joannis Bohemiz Regis Filius, Nepos Henrici VII. anno 1346. XI. Julii Rensæ apud Confluentiam ab Henrici Virnenburgici Moguntini surrogato, Gerlaco Nassovio, a Balduino Archi ep. Treverico Propatruo suo, a Walramo Juliacenfi Archiep. Colon., Rudolpho Duce Saxoniz, Joanne Rege Bohemiz, Patre suo, eligitur Rex Romanorum. Resistebant multi electo, præsertim Cives Colonienfes & Aquenses: unde Boniz 26. Novembris coro-

coronatus fuit a Walramo, Electore Colonienſi, cæteris Archi-Epiſcopis & Proce-
ribus Inſignia Imperii offerentibus.

Pragenſem Epiſcopum Moguntinz Provinciæ & Metropoli ſubtrahit in-
dulto Pontificio, & Regni Bohemici Primatem creat, dato eidem jure, coronandi
Regis Bohemiz.

Anno 1350. Ludovicus, Marchio Brandenburgeniſ, Inſignia Imperialia;
Lanceam, Claves Domini, gladium Caroli Magni, quæ Monachii aſſervabantur,
poſt mortem Ludovici Imp. Patris ſui, tradidit Carolo IV. in Nuremberg: unde
Innocentius VI. ſpecialem feſtum diem de Lancea & Clavis colendis Germanis
indixit ipſo anno 1354.

Anno 1354. 9. Februarii a Wilhelmo Electore Colonienſi Aquisgrani, loco
debito, cum conjuge Anna coronatur denuo Rex Romanorum.

Anno 1355. Mediolani die Epiphaniæ in Eccleſia S. Ambroſii corona ferrea
redimetur, qua Rex Italiæ: mox V. Aprilis, die ſacro Paſcharis, Romæ a Cardinali
Otienſi, Legato Innocentii VI. in templo S. Petri corona Imperiali cingitur.

Inde in Germaniam reverſus, & Comitibus Norimbergæ indiſtis, Jura Impe-
rii & Electorum per auream Bullam hic ceptam, ſed Metenſibus Comitibus per-
fectam, articulis xxii. prioribus & poſterioribus xxv. conſtatam edidit & publicavit
uti Legem Fundamentalem Imperii.

Die 25. Decembris, Natali Salvatoris noſtri, Electores, & reliqui Proceres,
officia Imperii ſibi attributa, ritu ſolemni apud Imperatorem obierunt prima vice.
Anno 1365. corona Regni Arelatenſis Carolus decoratus fuit in ipſo Arelato a
Guillelmo loci Archi-epiſcopo: quo eodem anno adivit Avenionem, amico de
ſtatu Imperii colloquio Papam Urbanum V. inviſurus. Inde ad Regem Galliz
Carolus V. ſe contulit, omnibus Imperii inſignibus ſpectandus, ejusque primo-
genicum filium Delphinum (poſt Carolus VI. Francorum Regem) creavit lo-
cum tenentem & Vicarium in Regno Arelatenſi ampliffimo diplomate.

Anno 1368. Urbanus V. Papa Imperatricem coronavit die Omnium Sanctorum,
in altari S. Petri coram Imperatore conjuge.

Urbano VI. anno 1378. electo Papæ, adhæſit contra Clementem VII. Anti-
papam a Gallicana ſeſſione obtrutum: unde ab illo Wenceslaus Filius, qui jam
ante ſub Gregorio XI. Francofurti in Regem Romanorum non ſine magna pecunie
proſuſione electus fuerat, confirmatus, & a Friderico Archiep. Colon. Aquisgrani
coronatus fuit Patre vivente.

Anno 1377. Carolus inter multas Leges & Ediſta publica Tungermundæ
XV. Kal. Julii, de Libertate eccleſiaſtica Legem fancivit, qua res & bona Eccle-
ſiarum ſeculari juridiſſioni eximuntur, & omnes, contra Eccleſiam quid atren-
tantes, banno Imperiali coercentur. Hoc Ediſtum in Concilio Conſtantiensi fuit
confirmatum: Feſtum diem Caroli M. quot annis ſolemne Aquisgrani celebrari
præcepit. Generale Studium in Univerſitate Pragenſi (poſt A. 1360.) inſtituit,
munifica ſtipendia Profeſſoribus elargitus. Demum A. 1378. III. Kal. Decembris
in Caſtro Pragenſi ex morbo diſceſſit.

WENCESLAUS, Karoli IV. & Annæ Ducissæ Jauraviensis Filius, Francofurti ante biennium electus, & Aquisgrani a Colonienſi Electore Friderico coronatus fuit Romanorum Rex. Clemens VII, Avenione electus Antipapa, Legatos ad Wenceslaum miſit, ejusdem Patrocinium ambientes; ſed non auditus fuit. Hoc deſuncto, Gallicana ſectio novum Antipapam protrahendo ſchismati obtrudunt: qui & ipſus Legatos ad Wenceslaum miſit, ejus ſuffragium exquiſituros: Cæſar Wenceslaus ex Bohemia Remos venit A. 1398, cum Carolo Francorum Rege, Patruo ſuo, de ſchismate tollendo inter tot Romanos & Avenionenſes Papas tractaturus, inde Legatos Romam ad Bonificium IX., Avenionem ad Benedictum XIII. mittunt, rogatuſque, ut uterque de jure ſuo cedat, & novæ, liberæ, unanimi electioni locum faciat. Subinde Wenceslao in Bohemia reſidente, genio & libidini indulgente, & Imperii curam abiciente, oriuntur diſcordiæ in Germania. Variæ civitates Rheni & Sueviæ ligas & fœdera ineunt inter ſe, & contra varios Duces: quibus Cæſar Wenceslaus accedebat, nunc his, nunc illis. Proceres Germani eum invitant, ut ad Imperium veniat, curam Reipublicæ coram præſens ſuſcipiat; quorum invitationem dum ſpernit, omnium in ſe odia, ipſorum etiam Bohemorum ob perſonalia vitia, ebrietatem, ſexuam, luxuriam meruit & excitavit.

Bohemi eundem captum anno 1393. ſqualido carceri Pragæ includunt: inde poſt XV. hebdomadas elapſus nudus, ad receptaculum ſuum profugit, & ad priorem ferociam relabitur.

Electores eccleſiaſtici & ſæculares, comperta Regis Wenceslai captivitate, Francofurti congreſſi, Rupertum II., Comitem Palatinum Rheni, Vicarium Imperii conſtituunt, Legatos in Bohemiam mittunt, pro libertate Wenceslao reddenda. Hac poſitus, a fratre Sigismundo, & Jodoco Patruale, Moraviæ Marchione, denuo Pragæ, Crumloviz, & Viennæ incarcerationis, iterum evaſit.

In Conventu Moguntino anni 1399. Joannes Moguntinus, Fridericus Colonienſis, Wernerus Treverenſis, Archi-epiſcopi: Rupertus Palatinus, Rudolphus Saxo, Electores, die Lunæ poſt exaltatam Crucem unionem electoralem inter ſe ineunt de conſervandis Juribus Eccleſiæ & Imperii: 1^{mo}. Ne quis citra illorum conſenſum, vel Imperium, vel Vicariatum ſibi arrogaret: 2^{do}. Nulli ullam ab Imperio alienationem concedendam, 3^{io}. nec Mediolanenſem alienationem a ſe confirmandam: 4^{to}. Contra quosvis ſe auxilium mutuum præbituros.

Anno 1400. Die Mercurii poſt S. Urbani Francofurti convenere Electores: Majo menſe diem Comitii ſtatunt. Proteſtatur Wenceslaus per Legatos: alius dies Comitii ſtatuitur. Demum invitatur, ut poſtridie S. Laurentii in *Obern Langſtraſſen* ſupra Rhenum, ex oppoſito Renſe veniat ad Imperium reformandum; ſi veniat, ſe a juramento dicto liberos fore. Præſtituta die 11. Auguſti conveniunt res Electores eccleſiaſtici cum Ruperto Palatino ad locum condictum. Rege Wenceslao per decendium fruſtra expectato: eligunt Rupertum ſedentes extra portas 20 Auguſti, in quo loco Wenceslaum, ut Imperio indignum deponunt, cauſis ſigillatim enumeratis.

Sigis-

Sigismundus, literis ad Cardinales scriptis, conqueritur, Fratrem suum, nec auditum, nec convictum, circa causæ cognitionem Imperio exutum fuisse, & multos Germaniæ Proceres Wenceslao, uti Regi adhuc adhaerisse & adherere cum Clemente VII. & Benedicto XIII. Ipse Wenceslaus adhuc Regio titulo uti perrexit, ejusdemque Legati in Concilio Pisano A. 1409. admissi præ Ruperti Legatis. Obiit demum anno 1418. ex apoplexia.

Memorandi adhuc quatuor Anti-Reges.

- I. **FRIDERICUS SEVERUS**, Misnia Marchio, Frederici II. ex Filia Nepos, gener Ludovici Bavori, cujus Filiam duxerat, eligitur A. 1348. in oppido Chamb in Bavaria, ab Henrico Moguntino Archiepiscopo, Ludovico Brandenburgi Marchione, Ruperto Palatino Saxoni (qui paulo ante in Labastem Anglorum Regi Eduardo, sed ob bellum cum Franco recusanti, Imperii dignitatem obtulerant) hic Fredericus acceptis a Carolo IV. decem Marchiarum milibus juri electionis renuntiat, & suis fensis a Cesare investitur.
- II. **GUNTHERUS**, Comes Schwartzburgicus, anno 1349. Feria VI. post Hilarij Anti-Rex eligitur ab Henrico Archiepiscopo, Moguntino, Ludovico Marchione Brandenburgico, Ruperto Bavaro Palatino Rheni, ejusque fratre Ruperto, quasi Imperium vacaret, dum Carolus IV. jam tertium annum in Regno agebat. Obiit Guntherus 19. Junii anno 1349. cum ante transisset cum Carolo de renuntiando Imperio erga summam XXIV. millium Marchiarum.
- III. **FRIDERICUS**, Dux Brunsvicensis, in Comitibus Francofurtensibus anni 1400. aliis eligitur, aliis designatur ad Imperium. Sed V. Junii ann. b. occiditur.
- IV. **JODOCUS**, Moravia Marchio, eligitur Francofordiæ a Moguntinensi & Coloniensi Electoribus. Brevis obiit Bruna in Moravia, sine Sceptro & Corona sepultus.

*Finis Seriei Regum Romanorum & Anti-Regum
Sæculo XIV. electorum.*





INDEX CHRONOLOGICUS

TOMI QUARTI

CONCILIORUM GERMANIÆ, ET EPISTOLARUM AD CONCILIA PERTINENTIUM, AB ANNO CHRISTI MCCXC. AD ANNUM MCCCC. CUM NUMERO CANONUM, ET EPITOME ACTORUM: ITEM CONCILIORUM, IN SUPPLEMENTO SUBJECTO TOMO IV. INSERENDORUM CONCILII TOMI II. ET III. SUIIS ANNIS.

PROLEGOMENA.

- I. Catalogus Paparum.*
- II. Series Regum Romanorum.*
- III. Index Chronologicus Tomi IV. & Supplementi Tomis II. & III. inferendi.*
- IV. Index Alphabeticus Tom. IV. Conciliorum Germaniæ.*

<i>Annus Christi</i>	SÆCULUM X. XI. XII. XIII.	<i>Pagina Tomi IV.</i>
916.	ALTHEIMENSI Concilio duo Canones addendi.	564
952.	AUGUSTANÆ I. Synodi additamentum <i>Tom. II.</i>	564
1035.	TRIBURIENSI II. Synodo addendus Canon.	565
1074.	MOGUNTINUS XII. Conventus, quomodo inculta terra Rudensheim sit innovanda.	610
1085.	MOGUNTINI XLII. Concilii sub Wezelone archiep. mogunt. Traditio facta de bonis apud villam Lorcha.	611
1090.	MOGUNTINUM XLIII. Concilium sub Ruthardo archiep. Fundatio monasterii Cambergensis.	608
1105.	Synodi V. QUINTÉLEBURGENSIS mentio.	
1107.	MAGDEBURGENSE XI. Concilium Hallæ in Quadragesima. Mentio sola.	661
1120.	HALBERSTADENSIS v. Concilii, varians Lectio sub Reinhardo ep.	565
1121.	HALBERSTADENSIS vi. Synodi, sub Reinhardo episc. varia Lectio.	566
1121.	ERFORDIÆ vi. Concil. Moguntinæ Provincie, inter Præpositum & Canonicos S. Severi lis composita.	613
1127.	MOGUNTINUS XLIV. Conventus Diocesanus sub Adelberto, Lege Synodali definiente, S. Disibodo de locis, ubi creverint fruges, dandam esse decimam.	660
1132.	In THEODONIS Villa VII. Conventus Episcoporum de pace inter Ducem Lotharingæ, & Ecclesiam S. Deodati restaurata.	568
1132.	TREVERENSIS XVII. XXIX. Conventus. Testimoniales de Duce Lotharingæ absoluto sub Ajberrone archiepisc. Treverico.	569
		1141.

Annus Christi

Tom. IV. Pag.

1141. HALBERSTADENSIS VII. Synodi sub Rudolpho episc. ex Originali inspecto editio. 570
1152. TREVERENSE XXX. Concilium Provinciale sub Hellino Archiep. 571
1160. HAMBURGENSE I. Statutum sub Hartwico Bremensi Archiep. de Bremensi Synodo, a Transalbanis Episcopis Lubecensi, Raceburgensi, Swerinenſi annuatim viſenda Hamburgi. 573
1179. LATERANENSI III. Generali XI. Concilio addenda actio: de Bertholdo Bremensi electo a Papa, & per Concilium rejecto a Consecratione. 574
1215. RIGENSE I. Concilium, divisio trifaria proventuum Estoniæ. 575
1224. RIGENSE II. Concilium, sub Alberto episc. Renovat Statuta Innocentii III. de A. 1215. 575
1227. MOGUNTINA XLIV. Synodus sub Sifrido Archiep. De bonis Advocatorum. 615. 575
1230. MINDENSIS Ecclesiæ Statuta II. ab Ottone Cardinali Visitatore edita. 657
1236. HILDESHEIMENSE XII. Concilium, sub Gerardo, de donatione militis, de Gandersheim facta S. Godehardo. 576
1239. In HEILIGENSTAT vel NORTHUSEN, Moguntinæ provinciæ XLV. Compositio Sifridi Archiep. mogunt. & Ottonis Ducis Brunswicensis. 615
1243. MOGUNTINO Concilio XXXVIII. addenda Præfatio. 616
1259. MOGUNTINI XLVI. Provincialis Concilii Statuta VII. 576
1261. MOGUNTINI XLVII. Concilii. Excommunicatio Sophiæ Brabantiæ, & filii ejus Henrici. 617
1266. BREMENSE III. Concilium, sub Widone, Legato S. Sedis Apostolicæ. 579
1275. Ad PATAVIENSE VII. Concilium, a. h. Invitatoria. 582
1279. MINDENSE II. Concilium, sub Volquino Episcopo. 659
1287. HERBIPOLENSIS XI. Concilii clausula, Tomo IV. inferenda. 583

Hactenus supplenda & inferenda Tomis II. & III.

Tom. IV. propria Concilia.

1291. Concilium SALTZBURGI XVI. sub Conrado archiepisc. §. 1. Deliberatio Patrum de suppetiis Terræ sanctæ ferendis: de tribus Ordinibus Hospitaliariorum, Templariorum, & Teutonicorum in unum Ordinem redigendis. §. 2. Epistola Patrum Concilii ad Papam lamentatoria de urbe Acon capta a Turcis. De contractibus matrimonii, & sponsalibus clandestinis impediendis, puniendis. §. 3. Contra Clericos, qui procuraciones sæculares admittunt. §. 4. Contra sectam vagorum Scholarium. §. 5. Contra Maynardum Comitem Tyrolis, & socios, Brixinensis Ecclesiæ bona invadentes. I.
1291. JOANNIS Episcopi Trajectini Epistola Synodica VIII. §. 1. 2. 3. 4. Excommunicantur perturbatores, complices, occupantes Bona ecclesiastica. §. 5. Dammati concubinari. §. 6. Denuntianda vacatura. §. 7. Institutio Beneficiariorum Episcopo reservatur. §. 8. Præceptum, singularum ecclesiarum matricula Episcopo infra mensem exhibenda. §. 9. Decimarum cognitio, & jurisdictio Episcopi est. §. 10. Revocatio omnium commissionum cuivis concessarum. 4
1292. ASCHAFFENBURGENSE II. Concilium, Capitula XXV. sub Gerardo Moguntino metropolita, Moguntinum XLVIII. 7
1292. BREMENSIS Ecclesiæ Concilium Provinciale IV. sub Gyselberto de Brunckhorſt, Archiepiscopo XXVI. 583

<i>Annus Christi</i>		<i>Tom. II. Pag.</i>
1293.	FRANCOFORDIENSIS Synodi XII. mentio ex Lersnero.	186
1293.	ULTRAJECTINUM IX. Concilium sub Joanne episc. Capit. XXXI. penultimo enumerantur castus episcopales reservati.	17
1293.	PATAVIENSE ad S. Hippolytum VIII. Statuta tria.	19
1294.	SALTZBURGENSE XVII. Concilium. Epitome ex Chronographo Mellicensi.	20
1294.	MOGUNTINI Conc. XLVIII. sub Gerharδο archiep. Statutum unum & alterum	186
1294.	PATAVIENSE ad S. Hippolytum in Austria IX. Concilium. §. 1. De forma pilleorum a Clericis gestandorum. §. 2. De Vigilis anticipandis, si in Dominicam incidunt.	187
1294.	ULTRAJECTINUM Concilium X. Mitigatio Statutorum antiquorum. Quatuordecim nova promulgantur sub Joanne episc.	20
1296.	MOGUNTINI Concilii XLIX. sub Gerharδο archiep. Statuta XVI.	21
1296.	HALBERSTADENSE Concilium XX. sub Volrado episc. De dote uxori non constituenda ex hereditariis ultra consensum heredum.	187
1297.	ULTRAJECTINI XI. Concilii sub episcopo Bertholdo Synodica Epistola, de Clericis defectum natalium legumorum habentibus, & plura uno Beneficia possidentibus, Statuta tria.	636
1298.	HERBIPOLENSE Concilium XII. sub Mangoldo episc. Statuta XXI. & plura.	23
1299.	MINDENSE III. Concilium sub Ludolfo episc. contra raptores ecclesiarum bonorum, cujus Statuta Wichboldus metropolita Coloniarum A. 1299. 18. gbris confirmat.	24
1300.	ARGENTINENSE III. Concilium sub Friderico episc. contra concubinatuum.	619
1300.	SALTZBURGENSIS XIX. Concilii Provincialis sub Conrado episc. Legatio ad Papam, ad obtinendam interpretationem decretalis: <i>Super Cathedralium</i> : ob concordiam Regularium & Secularium.	36
1300.	COLONIENSE XXXIV. Concilium sub Wichboldo archiep. Capitula XXII.	95
1300.	MINDENSIS IV. Cathedralis Capituli Statutum, de distributione a Praeposito facienda.	37
1300.	MOGUNTINUM I. Concil. sub Gerardo II. Capitula VII.	190
1300.	MONASTERIENSE IV. Concilium. Mentio facta inter annos 1276. & 1300.	95

Digressio ad Saeculum XIII. a pag. 44. ad 66.

§. I.	De Scientia & Legibus editis a Friderico II. pro Ecclesia contra haereticos. De conversione errorum hujus Saeculi tum inter se, tum cum praecedentibus.	44
§. II.	De Canonibus Germanis Saeculo XIII.	47
§. III.	Quos errores ex hoc Saeculo adoptaverint, & resuscitaverint Calvinus & Luterus.	47
§. IV.	De Haereticis, speciatim Albigenensibus, Waldensibus.	48
§. V.	Quibus modis Ecclesia sit usa contra hos haereticos.	49
§. VI.	Parallelum Saeculi XIII. cum Saeculo IV. & varia media adhibita pro sanandis haereticis.	51
§. VII.	De Albigenensibus speciatim.	53
§. VIII.	De usu gladii contra haereticos.	54
§. IX.	De haeresi Stedingorum & modis contra eos adhibitis.	55
§. X.	De Haereticis in Diocesi Treverica & Moguntina.	55

§. XI. De origines Inquisitionis & Inquisitorum.	55
§. XII. De variis speciebus Inquisitorum.	56
§. XIII. De heresi Flagellantium.	57
§. XIV. De Fraticellis, Beguinis, Beghinis.	57
§. XV. De prima abusu Scriptura sacra in linguam vulgarem versa.	60
§. XVI. De Canonibus penitentialibus Saeculo hoc commutatis.	61
§. XVII. De vero sensu Canonis XXI. Omnis utriusque sexus Lateranensis Concilii.	61

FINIS DIGRESSIONIS AD SÆCULUM XIII.

SÆCULUM XIV.

Annus Christi	Tom. IV. Pag.
1301. CAMERACENSIA III. IV. V. VI. VII. Concilia fuere celebrata annis 1300. 1307. 1308. 1309. 1310. cum hæc non annis distincta, sed in unum collecta ediderit Martenius, ideo huic apno assignamus	66
1301. MOGUNTIE LI. Concilium sub Gerardo archiep. Statuta septem.	95
1301. CAMERACENSE VIII. Concil.	88
1301. WORMATIE XXIV. Concil. Bullæ Bonifacianæ executio urgetur.	661
1302. MINDENSIS V. Synodi sub Ludolpho episcopo Statutum. Excommunicantur negligentes in solvendo censu.	591
1303. CAMERACENSE IX. Concilium.	89
1305. URATISLAVIENSE IV. Concilium sub Henrico archiep. Statuta VI.	97
1306. MONASTERIENSE V. Concilium sub Ottone episc. contra Clericos rebelles.	98
1306. COLONIENSE XXXV. Concilium sub Henrico archiep. Statuta XV.	99
1307. COLONIE XXXVI. Conc. sub Henrico archiep. Statuta XVIII.	106
1308. MINDENSIS VI. Concilii sub Godefrido episc. Renovatio statutorum in præteritis Synodis.	591
1310. CAMERACI X. Concil. sub Petro Episc. Statuta XV.	114
1310. COLONIENSE Concilium Provinciale XXXVII. sub Henrico archiep. Statuta XXIX.	117
1310. TREVERENSE Concilium Provinciale XXXI. sub Balduino archiep. Capitula CLVI.	127
1310. SALISBURGENSE Concilium Provinciale XX. sub Conrado archiep. Determinatio Decimarum solvendarum Summo Pontifici proximo biennio, cum variantibus P. Macbebeck.	166
Declaratio Statutorum eodem anno & Concilio edita.	167
1310. ULTRAJECTINUM XII. Concilium sub Guidone de Hannonia ep. Statuta XI.	168
1310. MONASTERIENSE VI. Concilium sub Ludovico episc. Unum statutum servavit Schatenus.	174
1310. MOGUNTINUM Concilium Provinciale LII. sub Petro Archiepiscopo, constat Libris IV. distinctis in Capitula CLXVI. juxta Codicem MS. Bibliothecæ Julæ. §. 2. Templariorum causa ventilata in eodem Concilio.	174
1312. VIENNENSE in GALLIA Concilium Generale XV. Kal. Octobris incipit. Ad illud omnes Archiepiscopi & Episcopi Germaniæ invitantur a Clemente V. anno IV. & V. Pontificatus, Encyclicis Scriptis.	225
Illo. invitatur Speciatim Colonia Archiepiscopus ad exanens causas Templariorum. Commissarii pro Germania invitantur specialibus Literis a Papa.	231

Annus Christi

Tom. IV. Pag.

Illeio. damnatur Beguni & Begardi in Almannia vagantes : Capit. ad no-
strum de Hæreticis L. V.

234. & 297

Plura alia ibidem additæ.

Hæc tria solum ad Germanicas Ecclesias spectant & Viennensi Concilio.

1311. CAMERACI XI. Concilii Statuta. 240
CAMERACENSIS Episcopi Monitiones. 239
1311. MINDENSIS VII. sub Godefrido Episc. Statutum. De Præbendis
dandis suo tempore Canonicis a Præposito sub jactura officii. 293
1311. ARGENTINENSE IX. Concil. sub Joanne Ochsensteinio. 243
1312. CAMERACI XII. Concilii Statuta. 242
1313. HILDENSEMENSIS Episcopi Statuta, Facultas donandi Eccle-
sias. 294
1313. MINDENSIS VIII. Concilii Statuta sub Godefrido Episc. ne residentia
Beneficiorum, ac illegitimis non admittendis; prohibitio Altaris
portatilis. 294
1313. MINDENSIS IX. sub Godefrido Episc. Statutum: de vita Clericorum:
de non alienandis bonis Ecclesie. 295
1313. CAMERACENSE XII. Concilium. de reverentia Ecclesiarum, juris-
dictione & libertate earum. 236
- Additiones ad Statuta Synodalia Cameracensia anni 1311. 237
1313. MAGDEBURGENSE XII. Concilium Provinciale sub Borchardo II.
Archiep. Statuta IX. 244
1314. HERBIPOLENSE XIII. Concil. sub Andrea Episc. Statuta XXI. 246
1315. CAMERACENSE XIII. Concilium. 248
1316. CAMERACENSE XIV. Concilium. 251
1316. MONASTERIENSE VII. Concil. sub Ludovico Episcopo. 251
1316. WORMATIENSE XLIII. sub Emerico Episc. 256
1316. MOGUNTINUM LIII. sub Petro Archiepisc. Constitutiones pro Re-
gularibus. 259
1317. MOGUNTIAE LIV. Provincialis Concilii mentio. 601
1317. MINDENSE X. Statutum de pane præbendali. 296
1317. CAMERACENSE XV. Concilium sub Petro Episc. varia Statuta. 261
1318. MOGUNTINUM LV. Concil. sub Petro Archiep. Statuta X. 297. & 265
1318. MONASTERIENSE VIII. sub Ludovico Episc. 254
1318. TRAJECTENSE ad Rhenum XIII. Concilium sub Friderico Episc.
Statuta IX. 267
1319. OLOMUCENSE I. Concilium sub Conrado Episc. Canones XXVII. 269
1319. LUBECENSE I. Concilium sub Henrico Episc. Statuta XXII. 269
1320. MAGDEBURGICÆ HALLÆ XIII. Concilium. 274
1320. LEODIENSE XVIII. Concilium sub Adolpho Episc. 276
1321. COLONIENSIS XXXVIII. Concilii sub Henrico II. Archiepisc. Cano-
nes VI. 277
1322. MOGUNTINI LVI. Synodica Erfordie scripta de Bulla Joannis XXII.
ex Avenione Kalend. Augusti contra errores fratris Joannis de Pol-
liaco. 655
1322. POMESANENSE in Prussia I. Concilium. 299
1322. MAGDEBURGENSE XIV. Concilium sub Borchardo Archiep. 280

1322.

Anno Greg.

Tom. IV. Pag.

1322.	COLONIENSE IXL. Concilium Provinciale sub Henrico II. archiep. Diecefana statuta Engelberti sunt Provincialia statuta.	282
1323.	NORIMBERGÆ in Conventu Appellatio Ludovici IV. Regis Roman. ad Concilium futurum.	296
1324.	PADERBORNENSE XIII. Concilium sub Bernardo episc. De ordine Divini officii.	285
1324.	CAMERACENSE XV. sub Henrico II. Statuta Petri episc. confir- mantur.	286
1324.	COLONIENSE XL. Singulare Statutum Henrici II. Moderatio Sta- tutorum.	289
1324.	HALBERSTADII IX. Concilium.	
1327.	COLONIÆ XLI. Concilium sub Henrico II. Archiep. Statuta tria.	293
1327.	CONSTANTIENSIS in Alfatia I. Concilii indictio.	291
1327.	MOGUNTINI XLVII. Concilii mentio.	601
1328.	BREMENSIS III. Concilii mentio sub Burchardo episc.	304
1328.	COLONIENSE XLII. Concil. sub Henrico archiep. Moderatio Sta- tutorum Provincialium.	296
1328.	ASCHAFFENBURGENSIS III. Concilii Capitula II.	599
1328.	HALBERSTADII X. Concilii varians Lectio.	601
1330.	HERBIPOLENSE XIV. Concil. sub Wolframo episc. Capitula VII.	310
1330.	LUBECENSE II. Concilium sub Henrico episc. Statutum.	601
1330.	COLONIÆ XLIII. Concil. sub Henrico archiep. Statuta XVI.	295
1331.	VRATISLAVIÆ V. Concil. sub Nankero episc.	314
	Alacrum eodem anno.	316
1331.	PADERBORNENSIS XIV. Synodus sub Bernardo episc.	313
1331.	WORMATIENSIS XLIV. Synodus sub Gerlaco episc.	601
1332.	VERDENSE I. Concil. De quantitate majoris & minoris Decimæ.	636
1333.	COLONIENSE XLIV. Concilium Autumnale sub Walramo archiep. Statuta V.	429
1335.	COLONIENSE XLV. Verum, XLVI. Autumnale Concilium. Sta- tuta IV.	433
1336.	TRIDENTINA I. Synodus sub Henrico II. Statuta XVIII.	637
1336.	COLONIÆ XLVII. Verum, XLVIII. Autumnale Concilium sub Walramo archiepisc.	439
1337.	TREVERENSE XXXII. Concilium sub Balduino archi-episc.	603
1338.	TREVERENSE XXXIII. Concilium sub Balduino archiep. Renova- tio Statutorum veterum.	318 606
1338.	COLONIÆ XLVIII. II. Autumnales Synodi sub Walramo archiep.	447
1338.	FRANCOFURTI XIII. Convent. Electores mittunt Legatos ad Pa- pam, & ei se submitunt.	321
1338.	SPIRENSIBUS in Comitibus I. Ludovici Regis Professio Catholicæ Fidei, & Responso ad objecta suæ personæ.	323
1338.	SPIRÆ II. Conventus Electorum Ludovici Imp. obsequia Papæ of- ferentium.	322
1338.	Notificatio ex RHENSE, Constitutio Electorum Imperii Romani de suo, & electi Regis Romanorum jure.	328
1338.	FRANCOFURTENSI in Conventu Declaratio Imperatoris & Ele- ctorum Imperii de jure electi Regis immediate a solo Deo descen- dente. VIII. Aug.	334

<i>Annus Christi</i>		<i>Tom. IV. Pag.</i>
1338.	Electorum & Principum Imperii Epistola ad Benedictum XII. PP. pro revocandis sententiis a Joanne XXII. latis.	329
1339.	COLONIÆ L. Synodus sub Walramo archiep. Statuta IV.	454
1339.	TREVIRENSE XXXVI. Concil. Statuta VI.	332
1340.	SALZBURGI XXI. Concil. contra Rodulphum Presbyterum sacri-legum.	607
1342.	LÜBECENSE II. Concil. sub Joanne IV. episc.	335
1342.	OLOMUCENSE II. Concil. sub Joanne episc. Capitula XXII.	336
1342.	PRAGENSEM Ecclesiam Clemens VI. PP. Metropoli Moguntinæ subtrahit & eximit.	347
1343.	TRAJECTINI XIII. sub Joanne Arckelio Synodica Epistola I.	342
1343.	LEODIENSIS XIX. Conc. Ecclesiæ correctiones & additiones ad Statuta Curie Leodiensis.	
1344.	TRAJECTINI XIV. Concilii sub Joanne episc. Canones IV. ex eadem Epistola Canonica.	344
1344.	MAGDEBURGI XV. Concilium Provinciale sub Ottone Archiep.	345
1344.	COLONIÆ LI. Autumnalis Synodus sub Walramo archiep. Statutum I.	457
1344.	AVENIONE Clementis VI. PP. Declaratoria & ampliatoria Archiepiscopus Pragensis.	347
1344.	TREVERICI XXXVII. Concil. Mauritanum Statutum de feriarum vindemialium quantitate.	346
1345.	TRAJECTINI XV. Concilii canonica Epistola III.	348
1346.	TRAJECTINI XVI. Concilii Epistola IV. Synodalis.	350
1346.	COLONIENSIS LII. Autumnalis Concilii Statutum.	458
1347.	ULTRAJECTINI XVII. Concilii Epistola V. Synodica.	351
1348.	COLONIENSE LIII. Autumnale Concil. sub Walramo archiepisc.	460
1348.	TRAJECTINI XVIII. Concilii sub Joanne Arckelio Epistola VI. Synodica.	353
1349.	TREVERENSE XXXV. Concilium. Statuta VI.	332
1349.	AVENIONE Clementis VI. PP. Epistola ad Moguntinum Archiep. Contra Flagellatores hæreticos.	354
1350.	NAUMBURGENSE I. Concilium sub Joanne episcopo.	356
1350.	MOGUNTINO Archiepiscopo Gerlaco scriptæ Literæ a Carolo IV. Imp. de Cleri moribus in Synodo corrigendis.	358
1350.	BREMENSIS II. Synodus sub Godefrido Archiepisc. de œconomis Ecclesiarum.	359
1351.	COLONIENSE LIV. Concilium Vernum sub Wilhelmo Archiep.	465
1351.	TRAJECTENSE XIX. Concilium sub Joanne de Arckel Epistola Synodica VIIma.	360
1351.	TRAJECTINUM XX. Synodica octava, nona.	362
1352.	COLONIENSE LV. Vernum, LVI. Autumnale Concilium sub Wilhelmo Archiepisc.	470
1353.	COLONIÆ LVII. LVIII. Concilium Vernum & Autumnale sub Wilhelmo Archiep.	471
1353.	TRAJECTENSIS XXI. Concilii sub Joanne Arckelio episc. Epistola IX. X. XI. XII. XIII. XIV.	363
1354.	COLONIENSE LIX. Concil. Vernum sub Wilhelmo Archiep. Statuta IV.	475

CONCIL. GERM. TOM. IV. SÆCUL. XIV.

XIX

<i>Annus Christi</i>		<i>Tom. IV. Pag.</i>
1354.	MOGUNTINI LVIII. Concilii sub Gerlaco Archiep. declarante Statuta Conciliorum sub Petro Moguntino Archiep. antecessore.	367
1354.	EICHSTETTENSIS I. Synodus sub Bertholdo episc.	369
	Ejusdem Bertholdi Statutum de festo Insigniorum Christi.	377
1355.	ULTRAJECTINUM XXII. Concilium sub Joanne Episc. Statuta II.	378
	Ejusdem Epistola Synodalis XVI. de immunitate ecclesiastica.	379
1355.	PRAGENSE I. Provinciale Concilium sub Ernesto Archiep. Capp.	381
	LXVIII.	405
	II. Statutum Synodale constans IX. Canonibus.	405
1356.	SPIRENSE III. Concilium sub Gerardo episc. damnatur Bertholdus hæreticus Beguardus.	407
1356.	LUBECENSE III. Concilium sub Bertramo episc. contra luxum vestitum, & IV. Compaternitates Ecclesiasticorum, eodem anno.	
1356.	COLONIENSE LX. Vernum Concilium sub Wilhelmo Archiep.	480
1357.	COLONIENSE LXI. Vernum, LXII. Autumnale Concilium sub Wilhelmo Archiep. Statuta XIV.	482
1358.	CAMINENSIS I. Concilii mentio.	408
1358.	SPIRENSIS IV. Concilii mentio.	482
1360.	COLONIENSE LXIII. Autumnale Concilium sub Wilhelmo Archiep. Bulla Innocentii VI. promulgata.	490
1362.	COLONIENSE LXIV. Concil. Autumnale sub Wilhelmo Archiep.	494
1362.	MAGDEBURGENSE XVI. Concilium sub Theodorico Archiep.	408 661
1364.	AICHSTETTENSE II. Concilium sub Bertholdo episc. Capitula LI.	408
1370.	COLONIÆ LXV. Concilium Autumnale.	496
1370.	MAGDEBURGI XVII. Concil. sub Alberto Archiep. Capitula xxxv.	411
1370.	FRANCOFORDIÆ XIV. Concilium.	496
1370.	MONASTERIENSE VIII. Concilium sub Florentio episc.	511
	Statutum alterum & tertium.	512
1371.	COLONIÆ LXVI. Concilium sub Friderico III. archiepisc. Capitula XX.	498
1372.	COLONIÆ LXVII. Concilium sub Friderico III. archiepisc. Capitula XI.	508
1373.	ROMÆ Urbani IV. PP. Epistola ad Archi-Episcopum Coloniensem: contra Antipapam Clementem nuntiatoria damnatoria.	513
1373.	HERBIFOLENSE XV. Concilium sub Alberto episc: Statuta III.	515
1375.	COLONIENSE LXVIII. Concilium sub Friderico Archiep.	516
1377.	AUGUSTANI II. Concilii mentio.	522
1380.	BRANDENBURGENSIS I. Concilii mentio.	522
1380.	SALTZBURGI XXII. Concilium Provinciale sub Pilgrino Archiep.	524
1380.	AQUISGRANI XXX. Conventus Imperatoris & Principum, acceptantium Urbanum VI. PP.	
1380.	OLOMUCENSIS III. Concilii sub Joanne episc. Epistola Synodica.	523
1381.	PRAGÆ III. Concilium Provinciale sub Joanne Archiep. Statuta VII.	524
1383.	CAMERACI XVI. Concilium.	527
1384.	WORMATIÆ XXV. Synodus sub Eccardo episc.	529
1384.	PRAGENSIS IV. Concilii ad h. a. mentio.	528

<i>Annus Christi</i>		<i>Tom. IV. Pag.</i>
1386.	SALISBURGI XXIII. Concilium sub Pilgrino Archiep. Statuta xvii.	530
1387.	MOGUNTINI LIX. Concilii mentio sub Conrado II. Archiep.	534
1390.	COLONIÆ LXIX. Concilium. Visitatio Ecclesiarum, & subjuncta Decreta Synodalia xvii.	535
1392.	PRAGENSIS V. Synodus sub Archi-Episcopo.	540
1392.	ULTRAJECTINA XXI. Synodus sub Florentio Episcopo: de Pseudo-Episcopis.	537
1393.	MONASTERIENSE IX. Concilium sub Ottone Episc.	541
1393.	MONASTERII X. eodem anno ibid.	543
1396.	HALBERSTADENSIS X. Synodi mentio.	656
1398.	MONASTERIENSE XI. Concilium sub Ottone Episc.	544
1400.	COLONIENSE LXX. Concilium. Capitula XXXV.	548

DIGRESSIO ad SÆCULUM XIV.

§. I.	De Canonistis Germanis hujus Sæculi.	618
§. II.	De Fratricellis & erroribus circa paupertatem Christi & S. Francisci Regula.	621
§. III.	De Beguinis & Beguendis, utrorumque originis differentia hæresi, vel innocentia Bulla Clementis V.	623
§. IV.	De Pseudo-Episcopis Livonia.	626
§. V.	De secta Flagellatorum. BULLA CLEMENTIS II. contra eosdem.	626
§. VI.	De hæresi Lollardorum.	630
§. VII.	De erroribus Eucharistie. BULLA JOANNIS XXII. contra eosdem.	631
§. VIII.	De festo die instituto Laureæ & Clavorum Christi.	633
§. IX.	De duabus Bullis Clementis PP. revocandis.	634
§. X.	De duplici Gladio a magnis Canonistis ante Bonifacium VIII. adhibito.	635
§. XI.	Wenceslaus quædam non fuisse electum Regem Romanorum conditionibus a Papa præscriptis, ostendat Cl. Pagi contra illum Spondanum.	635

FINIS TOMI IV. CONCILIORUM GERMANIÆ

S. D. H. & G.



INDEX ALPHABETICUS CONCILIORUM GERMANIÆ SÆCULI XIV.

*Quo ad Sæculum XIII. XII. X. prætermiffa, referenda fint,
annus adfcriptus docebit.*



A.

Altheimense I.	
Concilium A. CMXVI.	pag. 564
Argentinenfe III. An. MCCC.	p. 36
Argentinenfe IV.	MCCCXI. p. 243
Alchaffenburgense II.	MCCCXII. p. 7
Alchaffenburg. III.	MCCCXXVIII. p. 699
<i>Avenione Epiftola Syno-</i>	
<i>dica</i>	MCCCXLIX. p. 355
<i>Avenione Epift. Synod.</i>	MCCCLIX. p. 354
Augustanum VII. C.	CMLII. p. 564
Augustanum VIII.	MCCCLXXVII. p. 522

B.

Brandenburgense I. C.	MCCCXXC. p. 522
Bremenfe I. Concil.	MCCCLXVI. p. 579
Bremenfe II.	MCCCXII. p. 583
Bremenfe III.	MCCCXXVIII. p. 304
Bremenfe IV.	MCCCL. p. 359

C.

Cameracenfe III. IV.	
V. VI. VII. Conc.	MCCCL. p. 66
Cameracenfe VIII.	MCCCL. p. 88
Cameracenfe IX.	MCCCIII. p. 89
Cameracenfe X.	MCCCXI. p. 240
Cameracenfe XI.	MCCCXIII. p. 236
Cameracenfe XII.	MCCCXV. p. 248
Cameracenfe XIII.	MCCCXVI. p. 251
Cameracenfe XIV.	MCCCXVII. p. 261
Cameracenfe XV.	MCCCXXIV. p. 286
Cameracenfe XVI.	MCCCLXXXIII. 527

Index Alpbab. Conc. Germ. Tom. IV.

Camenenfe I.	MCCCLVIII. p. 408
Colonienfe XXXIV.	MCCC. p. 37
Colonienfe XXXV.	MCCCVI. p. 99
Colonienfe XXXVI.	MCCCXVII. p. 106
Colonienfe XXXVII.	MCCCX. p. 117
Colonienfe XXXVIII.	MCCCXXI. p. 247
Colonienfe IXL.	MCCCXXII. p. 282
Colonienfe XL.	MCCCXXIV. p. 289
Colonienfe XLI.	MCCCXXV. p. 293
Colonienfe XLII.	MCCCXXVIII. p. 296
Colonienfe XLIII.	MCCCXXX. p. 305
Colonienfe XLIV.	MCCCXXXII. p. 429
Colonienfe XLV. XLVI.	MCCCXXXV. p. 433
Colonienfe XLVII.	
XLVIII.	MCCCXXXVI. p. 439
Colonienfe XLIX.	MCCCXXXVIII. 447
Colonienfe L.	MCCCXL. p. 454
Colonienfe LI.	MCCCXLV. p. 457
Colonienfe LII.	MCCCXLVI. p. 458
Colonienfe LIII.	MCCCXLVIII. p. 460
Colonienfe LIV.	MCCCL. p. 465
Colonienfe LV. LVI.	MCCCLII. p. 470
Colonienfe LVII.	
LVIII.	MCCCLIII. p. 471
Colonienfe LIX. Conc.	MCCCLIV. pag. 475
Colonienfe LX.	MCCCLVI. p. 480
Colonienfe LXI. LXII.	MCCCLVII. p. 482
Colonienfe LXIII.	MCCCLX. p. 490
Colonienfe LXIV.	MCCCLXII. p. 494
Colonienfe LXV.	MCCCLXX. p. 496
Colonienfe LXVI.	MCCCLXXI. p. 498
Colonienfe LXVII.	MCCCLXXII. p. 508

E

Colo-

Colonienſe LXVIII.	MCCCLXXV.	p. 516
Colonienſe LXIX.	MCCCLXXVI.	p. 535
Colonienſe LXX.	MCCCLXXVII.	p. 548
Confluentiæ v. Con-		
ventus	MCCCLXXVIII.	p. 358
Conſtantiæ XIII. Conc.	MCCCLXXIX.	p. 291

E.

Erphordiæ VI. Conc.	MCCCLXXX.	p. 613
Eichſterrenſe I.	MCCCLXXXI.	p. 319
Eichſterrenſe II.	MCCCLXXXII.	p. 408

F.

Francofordiæ XII.	MCCCLXXXIII.	p. 586
Francofurti XIII. Con-		
ventus	MCCCLXXXIV.	p. 331
Francofurti XIV. Conv.	MCCCLXXXV.	p. 496

H.

Halbe Magdeburg. I.

Concil.	MCCCLXXXVI.	pag. 274
Halberſtadienſe V.	MCCCLXXXVII.	p. 565
Halberſtadienſe VI.	MCCCLXXXVIII.	p. 566
Halberſtadienſe VII.	MCCCLXXXIX.	p. 570
Halberſtadienſe VIII.	MCCCLXXXX.	p. 636
Halberſtadienſe IX.	MCCCLXXXXI.	p. 601
Hamburgeniſe I.	MCCCLXXXXII.	p. 573
Herbipolenſe XI.	MCCCLXXXXIII.	p. 583
Herbipolenſe XII.	MCCCLXXXXIV.	p. 240
Herbipolenſe XIII.	MCCCLXXXXV.	p. 246
Herbipolenſe XIV.	MCCCLXXXXVI.	p. 515
Herbipolenſe XV.	MCCCLXXXXVII.	p. 529

L.

Lateranenſe III. Genera-

le Concil. anno	MCCCLXXXXVIII.	p. 574
Leodiſenſe XVIII.	MCCCLXXXXIX.	p. 226
Lubecenſe I.	MCCCLXXXXX.	p. 269
Lubecenſe II.	MCCCLXXXXXI.	p. 335

M.

Magdeburgeniſe XI.	MCCCLXXXXXII.	p. 661
Magdeburgeniſe XII.	MCCCLXXXXXIII.	p. 244
Magdeburgeniſe XIII.	MCCCLXXXXXIV.	p. 274
Magdeburgi XIV.	MCCCLXXXXXV.	p. 280
Magdeburgi XV.	MCCCLXXXXXVI.	p. 345
Magdeburgi XVI.	MCCCLXXXXXVII.	p. 498
		661

Magdeburgi XVII.	MCCCLXXXXXVIII.	p. 411
Moguncinum XLI.	MLXXXIV.	p. 610
Moguncinum XLII.	MLXXXV.	p. 611
Moguncinum XLIII.	MLXXXVI.	p. 608
Moguncinum XLIV.	MLXXXVII.	p. 660
Mogunt. anno	MCCCLXXXXXVIII.	p. 616
Moguntin. in Nort-		
hulen XLV.	MCCCLXXXXXIX.	p. 615
Mogunt. XLVI.	MCCCLXXXXXX.	p. 576
Mogunt. XLVII.	MCCCLXXXXXXI.	p. 617
Mogunt. XLVIII.	MCCCLXXXXXXII.	p. 586
Mogunt. XLIX.	MCCCLXXXXXXIII.	p. 587
Mogunt. L.	MCCCLXXXXXXIV.	p. 95
Mogunt. LI.	MCCCLXXXXXXV.	p. 124
Mogunt. LII.	MCCCLXXXXXXVI.	p. 259
Mogunt. LIII.	MCCCLXXXXXXVII.	p. 601
Mogunt. LIV.	MCCCLXXXXXXVIII.	p. 665
Mogunt. LV.	MCCCLXXXXXXIX.	p. 655
Mogunt. LVI.	MCCCLXXXXXXX.	p. 601

Moguntiæ LVII. Con-

ventus anno	MCCCLXXXXXXXI.	p. 321
Mogunt. LVIII.	MCCCLXXXXXXXII.	p. 369
Mogunt. LIX.	MCCCLXXXXXXXIII.	p. 554
Mindenſe I. Conc. A.	MCCCLXXXXXXXIV.	p. 657
Mindenſe II.	MCCCLXXXXXXXV.	p. 599
Mindenſe III.	MCCCLXXXXXXXVI.	p. 590
Mindenſe IV.	MCCCLXXXXXXXVII.	p. 659
Mindenſe V.	MCCCLXXXXXXXVIII.	p. 591
Mindenſe VI.	MCCCLXXXXXXXIX.	p. 591
Mindenſe VII.	MCCCLXXXXXXX.	p. 593
Mindenſe VIII.	MCCCLXXXXXXXI.	p. 596
Mindenſe IX.	MCCCLXXXXXXXII.	p. 594
Monafterienſe IV. C.	MCCCLXXXXXXXIII.	p. 43
Monafterienſe V.	MCCCLXXXXXXXIV.	p. 98
Monafter. VI.	MCCCLXXXXXXXV.	p. 174
Monafter. VII.	MCCCLXXXXXXXVI.	p. 251
Monafter. VIII.	MCCCLXXXXXXXVII.	p. 511
Monafter. IX.	MCCCLXXXXXXXVIII.	p. 541
Monafter. X.	MCCCLXXXXXXXIX.	p. 543
Monafter. XI.	MCCCLXXXXXXX.	p. 544
Monafter. XII.	MCCCLXXXXXXXI.	p. 548

N.

Naumburgi I.	MCCCLXXXXXXXII.	p. 556
--------------	-----------------	--------

Norimbergæ IV. Con-
ventus - - MCCCXXIII. 298

O.

Olomucenſe I. Conc. MCCCXIX. p. 269
Olomucenſe II. - MCCCXLII. p. 336
Olomucenſe III. - MCCCXXC. p. 523

P.

Patavienſe VII. Conc. MCCLXXV. p. 582
Patavii ad S. Hippo-
lytum VIII. - MCCXCIII. p. 19
Patavii ad S. Hippo-
lytum IX. - MCCXCIV. p. 20
Paterbornenſe XIII. MCCCXXIV. 282
Paterbornenſe XIV. MCCCXXI. 313
Pometianienſe in Ruf-
ſia I. - MCCCXXII. p. 599
Pragenſis Metropoleos
erecchio anno MCCCXLII. p. 341
Ampliatio declaration. MCCCXLIV. 347
Pragenſe I. Concil. MCCCIV. p. 381
Pragenſe II. - MCCCIV. p. 405
Pragenſe III. - MCCCXXCI. 524
Pragenſe IV. - MCCCXXCII. 540
Pragenſe V. - MCCCXXCIV. 528

R.

Rigenſe I. Concil. MCCXIV. p. 575
Rigenſe II. - MCCXXIV. p. 575
Rieburgenſe I. - MCCCXXII. p. 599
Rhenſe I. Convent. MCCCXXXVIII. 328
Rhenſe II. Conv. - MCCCXXVIII. 329
Roman. Synodal. Epiſt. MCCCXXIII. 515

S.

Salzburgenſe XVI. MCCXCI. p. 1
Salzburgenſe XVII. MCCXCIV. p. 20
Salzburgenſe XVIII. MCCXCIV. p. 20
Salzburgenſe XIX. MCCC. p. 95
Salzburgenſe XX. MCCCX. p. 166
Salzburgenſe XXI. MCCCXL. p. 607
Salzburgenſe XXII. MCCCXXC. 524
Salzburgenſe XXIII. MCCCXXCVI. 530
Spirenſis IV. Conven-
tus anni - MCCCXXXVIII. 321

Spirenſis V. Conv. MCCCXXXVIII. 323
Spirenſe VI. Concil. MCCCLVI. p. 407

T.

Theodonis Villa VII.
Conventus A. MCCXXII. p. 568

Trajectenſe ad Rhe-
num VIII. - MCCXCI. p. 4
Trajectenſe IX. - MCCXCIII. p. 17
Trajectenſe X. - MCCXCIV. p. 21
Trajectenſe XI. - MCCXCVII. p. 23
Trajectenſe XII. - MCCCX. p. 168
Trajectenſe XIII. - MCCCXXVIII. p. 267
Trajectenſe XIV. - MCCCXLIII. p. 342
Trajectenſe XV. - MCCCXLV. p. 348
Trajectenſe XVI. - MCCCXLVI. p. 350
Trajectenſe XVII. - MCCCXLVII. p. 351
Trajectenſe XVIII. MCCCXLVIII. 353
Trajectenſe XIX. - MCCCL. p. 360
Trajectenſe XX. - MCCCL. p. 362
Trajectenſe XXI. - MCCCLIII. p. 363
Trajectenſe XXII. MCCCLV. p. 378
Treverenſe XXIX. - MCCXXII. p. 569
Treverenſe XXX. - MCLII. p. 571
Treverenſe XXXI. MCCCX. p. 127
Treverenſe XXXII. MCCCXXXVII. 318
Treverenſe XXXIII. MCCCXXXVII. 603
Treverenſe XXXIV. MCCCXXXVIII. 606
Treverenſe XXXV. MCCCXXXVIII. { 318
606
Treverenſe XXXVI. MCCCXXXIX. p. 332
Treverenſe XXXVII. MCCCXLIV. p. 346
Triburienſe II. Conc. MXXXV. p. 565
Tridentinum I. Conc. MCCCXXXVI. 637

V.

Verdenſe I. Concil. MCCCXXXII. 636
Vienneſe in Gallia Gr-
evate Conc. - MCCCXII. { 225
593
Vratislavienſe IV. C. MCCCIV. pag. 97
Vratislavienſe V. - MCCCXXI. p. 314
Vratislavienſe VI. - MCCCXXXI. p. 316
Wormatiz XXIV. - MCCCL. p. 661
Wormatiz XXV. - MCCCXXXI. p. 601
Wormatiz XXVI. - MCCCLXXXIV. 529

FINIS INDICIS ALPHABETICI TOMI IV.
CONCILIOR. GERMANIE.

FACUL-

FACULTAS REV. P. PROVINCIALIS
CUM PRIVILEGIO CÆSAREO.



Um Vidua JOANNIS WILHELMI KRANKAMP, & Hæredes
CHRISTIANI SIMONIS, Bibliopolæ Colonienſes, typis vul-
gare deſiderent Tomum quartum **CONCILIORUM**
GERMANIÆ, à P. *Joſepho Hartzheim*, Societatis
noſtræ Sacerdote, elucubratum; Ego infra ſcriptus,
ejuſdem Societatis in Provincia Rheni Inferioris Præpoſitus Provincialis, poteſtate
ad id mihi facta ab Adm. Rev. P. N. LAURENTIO RICCI, Univerſæ So-
cietatis JESU Præpoſito Generali, liſdem ad primam hanc duntaxat prædicti
Tomi editionem facultatem imperno; ſimulque communico Jus Privilegii Cæ-
ſarei, quo Bibliopolis ac Typographis interdicitur, ne quis Librum ullum à
Societatis noſtræ Patribus conſcriptum, citra conſenſum Superiorum recudere,
ſut alibi recuſum intra fines S. R. Imperii inferre præſumat. In cujus rei fidem
has liſ manu propria ſubſcriptas, ac conſueto officiî mei ſigillo munitas dedi.
Coloniz 4. Januarii 1762.



HIERONYMUS DE WYMAR S. J.
mpp.

CON-



CONCILIA GERMANIÆ.



SÆCULI XIII.

TOMO IV. CONTINUATA.



CONCILIUM SALTZBURGENSE

Anno Christi MCCXCI. Nicolai IV. Papæ IV.

Rodulphi I. Regis XIX.

*De Hospitalariorum, Templariorum, & Teutonicorum Ordinibus
conjungendis.*



ANNO Millesimo Ducentesimo Nonagesimo primo civitas Accaron,
(a) quam solus habebant Christiani in terra sancta, obsessa est
per Saldanens Babylonensem, & per quadraginta dies & noctes sine intermissione impugnata, capta est: & ibidem multa Christianorum milia & capta sunt & occisa: aliqui autem per navigium fugerunt. Et quia multorum erat opinio, quod si fratres domorum

ibidem, scilicet: Hospitalarii, Templarii, & Teutonici, & reliquis populus omnino concordasset, civitas capta non fuisset: mandavit Papa NICOLAUS omnibus Patriarchis, Archi-Episcopus, Episcopus, & aliis Prelatis, ut Concilia Provincialia celebrarent, & deliberarent, qua ope & consilio eadem terra posset subveniri. Et per Concilium habitum Saltzburgæ, rescriptum fuit Domino Papæ & consultum, ut prædicti tres Ordines con-

nirentur

- (a) Accaron, Accon, Ptolemais ultima & invictissima Palæstinae civitas, invicta, nisi ambitio plurium Dominorum, & horrenda scelera Christianorum puniri meruissent excidio funestissimo Anno 1291: cui uti & terræ sanctæ recuperandæ Pontifices vehementissime, sed frustra insudarunt.

Tomus IV. Conciliorum Germaniæ.

A

niruntur ad usum Ordinem, melioribus eorum observantibus in unum redactis: & quod ad successum ejusdem terre sanctæ, Rex Roma-

norm cum Principibus vocaretur. Qui Nuntii antequam venissent ad Curiam, Papa mortuus est: & sic hoc negotium remansit inessatum.

Eberhardus Monachus Altaichenfis pag. 322. primæ editionis apud Canisium Tom. I. antiq.æ. Lethionum. Ex quo Binus, Hardouinus, & Hansfr. Tomo II. German. sacra, qui ad annum 1292. Concilium alligat.

Literas Papæ Nicolai ad Conradum IV. Salisburgensem Episcopum, quas non cancellatas, nec abollitas, nec aliqua sui parte vitiatas accepisse se testatur, misit hic Archi-Episcopus ad Henricum Ratisbonensem Episcopum: die Purificationis S. Mariæ: *Eberhardus eandem recitat.*

Alteras Literas Pontificis ad universos Christi fideles de amissa Palestina post Aconem, seu Trokinaida captam, pro subsidio terræ sanctæ recuperandæ, *Rainaldus indicat ad annum MCCXCI. N. 29.*

SALTZBURGENSIS CONCILII AD APOSTOLICAM SEDEM R E S C R I P T U M,

De calamitatibus Christianorum capta a Barbaris civitate Aconensi in terra Palestina.

LECTæ lætæ plenæ Sanctitatis vestræ Literæ vulnus fecerunt in vulnere, & nova percussio plagam veterem recensavit. Ex eo jam pridem confossum fuit, & faucium cor eorum, qui vivunt in Christi corpore, ejusque spiritu vegetantur, quod locus ille, in quo steterunt pedes ejus, peridorum pedibus conculcatur, quod terra Nativitæ Christi florida, conversatione candida, crucifixione rosea contaminatur ab hostibus crucifixi, & sic iterum JESUS ad illudendum & consequendum traditus est gentibus, dum illi, recrucifigentes sibi denuo Filium Dei & habentes ostentui, Sacramenta sua blasphemant & sacra nequiter execrantur.

Certe quondam terra repromissionis, quæ lac & mel Patribus emanavit, nobis fel amaritudinis lato latice non definit propinare, dum Christus à propria sede repellitur, dum Christiana fides quantum in eis est, extinguatur, dumque nostræ redemptionis insignia velut quælibet abjecta materia pro nihilo reputatur, illudque Dominicum *Sepulchrum* jacet prorsus inglorium, quod Deus per os Prophete fore dixerat *gloriosum*.

Deducant igitur oculi nostri lacrymas per diem & noctem, & non taceant, quoniam contritione maxima contrita est virgo filia populi mei plaga pessima vehementer. Verum mare nostræ amaritudinis nec in hoc terminum

suum constituit, sed extendit in laevis fluctus diluvii exundantis. Nam civitas Aconensis, in qua multitudo Religiosorum collecta Patriam signis nostræ Redemptionis insignem velut de proximo aspiciens, & salutans vicino ejus recreabatur odore: quæque fuit nihilominus urbs fortitudinis iis, qui prælia Domini exercebant, consolationem spei adhuc non modicam ministrabat desolatis solatio terræ sanctæ: expectantibus fidelibus cum desiderio & ardore, si quando, favente Deo, factò generali passagio Christiana militia in ea se colligens, & ex ea gressibus processivis succellive progrediens terram *desiderabilem* recuperare cum gloria mereretur. Sed heu! corona spei nostræ corruit, dolor crescit, causa gemitus geminatur, capta ab hostibus & everta civitate prædicta, quemadmodum scripta vestra lamentabiliter exprefserunt, sicque arcæ Dei per diluvium quodammodo suffocata columbina fidelium simplicitas non invenit, ubi pes ejus in illo maris litore commode requiescat.

Nunc igitur tanto devotius ad Divinum recurramus auxilium, quanto videmus evidentius omni nos rei ac spei humanæ commodo destitutos, levantes manus ad cælum, eum Moysè, Jesum dormientem cum Apostolis fuscitemus, illos nihilominus, qui acceperunt gladii potestatem, prædicationibus inducentes,

ut

ut cum fortissimis Machabæis pro patris legibus animas exponere non formident; quia in hoc conflictu amabili nec victor, nec victus mercede frustrabitur. Nam etsi vincens est ex triumpho felici-

or, victus tamen velocius pervenit & citius ad coronam.

Petrus Codex Diplomat. Part. 2. pag. 164.

Manf. judicat hoc scriptum a Patribus Concilii Saltzburgernsis editum Tom. III. Supplement. pag. 233.

Hæ sunt Constitutiones Domini Chunradi, Venerabilis Archi-Episcopi Ecclesiæ Saltzburgernsis, in hoc Concilio.

I. De Contractibus Matrimonialibus.

Contractibus matrimoniorum, qui non nunquam contra eorundem honestatem, ac juris prohibitionem, in grave animarum periculum clandestine celebrantur, salubriter occurrere cupientes, prioribus statutis super hoc editis adjicimus, & de consilio sacre Synodi statuentes, irrefragabiliter ordinamus, ut quodocunque sponsalia seu matrimonia contrahuntur, non minus quam sex personæ honestæ ac fide dignæ inter sint de vicinia & saltem parochia amborum vel alterius contrahentium, aut loci, in quo contractus agitur, inter quas ad minus tres virilis sexus habeantur. Et in ipso contractu debent pro testibus adhiberi, quæ non sunt de contrahentium familia, vel eidem in una domo cohabitantes, seu domus, in qua fit contractus hujusmodi inquilinæ. Quod si secus fuerit attentatum, contrahentes, operam dantes, si ve scienter præsentiam exuberantes, & sponte in suis domibus hæc fieri patientes, sententiam excommunicationis, quam & his scriptis in eos ferimus, Incidunt ipso facto; in quos etiam (a) alias, pro justo nostri motus arbitrio, animadverti poterit, quæ plus timeatur, volumus & debemus: quam sententiam absolutionis Nobis duximus reservandam. Volumus etiam, ut post contracta quocunque modo sponsalia; vel matrimonia, ipsi contrahentes, vel aliqui de ipsorum mandato speciali, contractum hujusmodi infra mensem, a die ejusdem numerandum, plebano vel plebanis ipsorum contrahentium; seu, si copia ipsorum haberi non poterit, vicariis eorundem, duabus vel tribus personis idoneis presentibus, debeant publicare. Contra ve-

nientes, sententia excommunicationis, quam in his scriptis pronuntiamus, involvi volumus ipso facto: alias, pro excessu gravitate, per nos acrius puniendos: eorundem absolutione nobis libere reservatæ.

II. De Clericis Officialibus.

Juris vestigiis inhaerentes, in hac sacra Synodo denuntiamus publice, & sub pena clericalis privilegii prohibemus, ne Clerici, Religiosi, vel seculares, cujuscunque ordinis, vel prelaturæ procuraciones seculares, sub quibuscunque Principibus, vel alijs laicis assumant, seu ante assumptas retinere præsumant: ne sub nomine pignoris, vel quocunque colore quæsito, sint actores, Procuratores, Conductores, Justinarii, Vicecomites, Prepositi; Administratores, Officiales, quocunque vocentur nomine, in civilibus, vel ministri: quia *nemo militans Deo se debet negotiis secularibus implicare*. Si qui vero juris & nostre prohibitionis transgressores, hæc vel aliquid horum de novo assumpserint, seu ante assumpta non deposuerint statim per omnia & in totum, ipso jure sententiam excommunicationis incurrant: absolutione nobis, si digne pœniteuerint & satisfecerint, reservatæ. In qua excommunicatione si per mensem animo persisteant indurato, ipsos ex tunc a beneficiis, dignitatibus, personaribus, & administrationibus Ecclesiasticis quibuscunque, ac omni privilegio clericali exutos & privatos esse volumus ipso facto, nec ad ea vel similia in posterum aliquatenus admittendos: punitionem illorum, qui ante hanc nostram ordinationem (quam extra Salisburgensem, Gaizentem Archi-

(a) corriges alia.

Tonus IV. Concil. German.

chi-Diaconatus extendi ad præsens volumus) hujusmodi prohibita illicite gere-
re præsumperint, nostræ districtionis
judicio reservantes.

III. De Secta vagorum Scholarium.

Licet contra quosdam sub vagorum
Scholarium nomine discurrentes scurri-
les, maledicos, blasphemos, adulationi-
bus importune vacantes, qui se cleri-
cos in vituperium clericalis ordinis pro-
ficentur, nonnulla pio zelo pro salubri
eorum correctione emanaverint institu-
ta: ex his tamen nullus fructus aut mo-
dicus jam provenit. Publice nudi incedunt,
in furnis jacent, tabernas, ludos &
meretrices frequentant; peccatis suis
victum sibi emunt, inveterati sectam
suam non deserunt: sic ut de
eorum correctione nullus remaneat
locus spei; ideoque prioribus statutis
pro salute animarum suarum, quam quæ-
rimus, salvis: adjicimus & denuntiamus
in hac sacra Synodo, sub pœna privile-
gii clericalis publice prohibentes, ne

quis sectam vagorum Scholarium reproba-
tam assumat, seu in ea permaneat, vel
eam exercere præsumat. Alioquin eos,
qui hujusmodi sectam ante hanc nostram
constitutionem temere assumptam, in-
fra mentem, a tempore promulgationis
ejusdem constitutionis numerandum, pe-
nitent non dimiserit, & illos, qui nunc
assumere præsumperint; ipso facto sta-
tim omni privilegio clericali exui præci-
pimus & nudari: volentes, ut quando-
cumque a Monasteriis, Ecclesiis vel Cle-
ricis, cujuscumque rei importuni aut
violenti fuerint exactores, ipsis eodem
liceat nostra auctoritate capere, invoca-
to ad hoc, si opus fuerit, brachio seculari.
Et eos captos nobis vel Archidia-
conis nostris assignari volumus, nostro
carceri, ut nobis videbitur, includen-
dos: ut sic reatus omne excludat privi-
legium in his, quos vilitas vitæ eo nec
frui patitur, nec gaudere.

Hæc ex Gressero Binius & Hanfz Tom.
III. German. Sacra pag. 432.

Dupinius ait, hæc tria Decreta, quæ sine data in MS. extant, referri ad hoc Concilium
Saltzburgense. *Bibliotheca novæ Auctorum Ecclesiasticorum Tomo X. pag. 197.*

Aliud in eodem Concilio publicatum, nempe: Sententia devotionis in Meinhardum
Comitem Teriolensem, Carinthiæ Ducem, propterea, quod castra Episcopis Tri-
dentino & Brixinenfi erepta, non restituerit. *Hanfz Loco citato.*

Nicolaus Pontifex protervum Principem Maynardum, Tyrolis Comitem, literis de-
hortatur, ut ne diripiat Christi crucifixi opes, ut erepta Brixinenfi Ecclesiæ bona
restituatur, ejusque culpæ socium, Comitem Goritiæ, arguit: rogatque Regem Ro-
manorum Rudolphum, atque Albertum Austriæ Ducem, ut reddi ablata imperent
Literas recitat. *Raynaldus Annal. Ecclesiast. ad annum 1291. §. 66. pag. 451.*

CONCILIIUM ULTRAJECTINUM

STATUTA X.

Anno Christi MCCXCI. Nicolai IV. Papæ IV.

Rodulphi I. Imp. ultimus.

Epistola I. Canonica sub Johanne de Zyrich, Episcopo Trajectensi.

JOHANNES, DEI ET APOSTOLICÆ SEDIS GRATIA EPISCOPUS
TRAJECTENSIS, UNIVERSIS ET SINGULIS TAM CLERICIS QUAM LAICIS NOSTRÆ
CIVITATIS ET DIOCESES SALUTEM IN DOMINO, ET MANDATA NOSTRA
SALUBRITER OBSERVARE.

Cum sicut fama referente dicimus enormes & intolerabiles, quod dolen-
ter referimus, in nostra civitate & Dite-
cessi

cessi tam a Clericis, quam a laicis perpetrati sint frequenter, & adhuc perpetrarentur sæpius; Nos ex nostro officio pastorali aliquibus eorum aliquali remedio volentes obviare, ne impunitatem eorum delictorum homines consuetudini potius, quam emendationi valeant imputare.

I. *In primo* (a) excommunicamus omnes & singulos Clericos & laicos, cuiuscumque conditionis existant, aut status nostræ Civitatis & Diocesis, jurisdictionem Ecclesiasticam de cetero impediens seu perturbantes qualitercumque, seu litteras rumpendo, aut rapiendo, seu nuncios & portatores eorum deludendo, capiendo, detinendo, seu damna, injurias, molestiasque eis inferendo, vel quoquo modo alio dictam jurisdictionem Ecclesiasticam perturbando.

II. Item excommunicamus omnes & singulos fautores & complices (b) eorum, nec non dantes auxilium, & consilium, qualescumque, qualitercumque, publice vel occulte, ut jurisdictio Ecclesiastica perturbetur, impediatur, seu etiam molesteretur.

III. Precipimus etiam omnibus, & singulis, & Presbyteris Ecclesiarum, ut quandocumque aliquis eorum prædictorum emergerit, effertur a Divinis in loco, in quo tale impedimentum, seu perturbatio, seu molestia facta fuerit: etiam ubi dictos malefactores moram facere contigerit, & in prædictis locis & aliis vicinis Ecclesiasticis a Rectores & Presbyteris earundem, eidem malefactores tamdiu excommunicati denuncientur publice, quousque Deo & Nobis, ac passis injuriam condignam emendam præstiterint, & ab hujusmodi sententia, sive sententiis, a nobis beneficium absolutionis meruerint obtinere.

IV. Item excommunicamus (c) auctoritate Apostolica nobis in hac parte commissa, atque nostrâ, manifestos occupatores bonorum ad nos, & Ecclesiam nostram Trajectensem, Canonicos, Capellanos, ac Clericos, ipsius Ecclesie communiter vel divisim spectantium, & notorios malefactores nostros & excom-

municatos publice nunciari volumus, & mandamus singulis vobis Dominicis & Festivis, nisi intra mentem a die notificationis hujusmodi nostri processus eis factæ, bona occupata hujusmodi restituant, & damno illato satisfecerint competenter. Precipimusque in virtute sanctæ obedientie, & sub pœna excommunicationis Decanis ruralibus, & Provisoribus omnibus & singulis, ut nomina dictorum occupatorum; aut injuriam nostrorum detentorum manifestorum, quos præstiterint, & quando sciunt, infra unius spatium mensis a die sciencie eorum, nobis indicent personaliter per litteras, aut per nuncios, aut revelent.

V. Item excommunicamus & excommunicatos denunciamus, & denunciari volumus & mandamus, tam auctoritate nostra, quam etiam virtute constitutionis felicis recordationis Domini Petri Sancti Georgii ad vobum nostrum quondam Diaconi Cardinalis, tum temporis in partibus inferiori Germania Legati omnes & singulos Presbyteros & (d) Clericos nostræ Civitatis & Diocesis cohabitatores, & concubinos manifestos, quousque destiterint, & de hujusmodi sententiis beneficia absolutionum meruerint obtinere. Item cum propter continuationes delictorum necessum sit augeri pœnas in exemplum, districte precipimus & mandamus omnes excommunicatos ab homine vel a Canone, suspensos, aut irregulares ex quacumque causa effectos, de quibus talia publica sunt & notoria, a cunctis fidelibus Christi vitari. Et si laici per plebanos & Presbyteros eorum in ipsorum Ecclesiis, & si Presbyteri aut Clerici extiterint per Decanos, qui eis præstant in eorum capitulis tales quales fuerint publice nunciari, alias contra eos temporaliter gravius processuri, pro ut eorum pertinacitas exigerit, aut juris ratio suadebit, quousque super prædictis absolutiones & dispensationes meruerint obtinere.

VI. Item (e) precipimus in virtute sanctæ obedientie omnibus & singulis Decanis & Presbyteris Ecclesiarum Parochialium, & sub pœna suspensionis ab officio, quam in eos, & singulos eorum ferimus in his scriptis, nisi fecerint, quod

A 3

man-

(a) Excommunicantur jurisdictionis Ecclesie perturbatores.

(b) ac eorum complices.

(c) Clerici tenentes Concubinas.

(d) Occupantes bona Ecclesie.

(e) Varia præcepta Decanis & Provisoribus lata.

mandamus, quibus nomina beneficiorum, quaecumque vacant, aut vacabunt per nostram Dioecesim infra tempus, nec non & nomina beneficiorum Ecclesiasticorum, quae tanto tempore in nostra Dioecesi vacaverint, quod eorum collatio ad Nos seu ad sedem Apostolicam, juxta *Lateranensis statuta Concilii* devoluta est, nobis seu Procuratoribus nostris, ad hoc deputatis seu etiam deputandis, aut Nobis infra unius mensis spatium a tempore scientiae eorundem personaliter, per litteras aut per nuncios studeant intimare.

VII. *Item* praecipimus in virtute sanctae obedientiae, quod nullus Plebanos, Pastores, & curatos Vicarios, quocumque nomine nostrae Civitatis & Dioecesis institutos, destituat motu propriae voluntatis sine iusta & rationabili causa; cum non expediat Ecclesiis & Parochianis eorum Curatos seu Vicarios temporales habere.

VIII. *Item* praecipimus & mandamus Decanis ruralibus & Provisoribus, quocumque nomine nostrae Civitatis, in virtute sanctae obedientiae, & sub poena suspensionis ab officio, quam in eos & quemlibet eorum scriimus in his scriptis, nisi fecerint quod mandamus, ut quilibet eorum singulas Abbacias, Prioratus, Ccenobia, Ecclesias collegiatas, Conventuales & Parochiales, in Capellas seu Decanatus nobis in scriptis nominatum, vel infra unius mensis spatium, & eorum nomina, & numerum integraliter nobis remittat.

IX. *Item* inhibemus omnibus & singulis Decanis ruralibus, Provisoribus nostrae Dioecesis, sub poena suspensionis ab officio, quam in eos & quemlibet eorum scriimus in his scriptis, si contra praesentem inhibitionem venerint quoquo mo-

do, quatenus nullus eorum intromittat de decimis, aut quibuscumque ad nostram jurisdictionem & cognitionem spectantibus, sine nostra licentia speciali: quod si fecerint, suspensionis sententiam ipso facto incurrant, & processus eorum nullius penitus sit momenti.

X. Revocamus etiam quascumque commissiones, ab officio nostro curiae Traiectensis, seu quibuscumque aliis in praedictis factas hucusque, cassantes, irritantes, & irritos nunciantes omnes, & singulos processus de cetero habendos, a quibuscumque virtute commissionum huiusmodi in praedictis, ut praemissum est, concessarum. (f) Praesentem autem processum nostrum hic & in vestra praesentia tam parenter publicatum, & lectum per omnes & singulos Decanos, & Provissores nostrae Civitatis, & Dioecesis in singulis eorum capitulis, convocatis ad hoc specialiter Confratribus Presbyteris eorundem, publicari volumus, ac ipsius copias processus omnes Rectores, & Presbyteros, & Vicarios nostrae Civitatis, & Dioecesis recipere praecipimus & mandamus, ut ipsum processum in eorum Ecclesiis diebus Dominicis & Festivis solemniter, coram omni populo praedicent & diligenter exponant. Et ut nullus impostetum ipsius processus ignorantiam praetendat, cum non sit verisimile remanere incognitum, quod tam solemniter, & tam publice omnibus propalatur. Ad certitudinem praesentis, munimen huic modo processui, sigillum nostrum duximus apponendum. *Actum & datum Traiecti, anno Domini MCCXCI. feria sexta, post festum Beatae Agnetis Martyris & Virginis.*

Bataria sacra Heusdenii pag. 166. & seqq.

(f) Per Jurisdictionis fines publicanda.



CON-

CONCILIIUM ASCHAFFENBURGENSE

PROVINCIALE

Anno Christi MCCXCII. Nicolai IV. Papæ ultimo.
Adolphi Regis I.

IN NOMINE DOMINI AMEN.

GERHARDUS, (a) DEI GRATIA, SANCTÆ MOGUNTINÆ SEDIS
ARCHI-EPISCOPUS, SACRI IMPERII PER GERMANIAM ARCHI-CANCELLARIUS;
UNIVERSIS CHRISTI-FIDELIBUS PER MOGUNTINAM CIVITATEM, DIO-
CESIM, ET PROVINCIAM CONSTITUTIS, SINCERAM IN
DOMINO CARITATEM.

Noverit vestra Caritas, quod Anno Domini MCCXCII. XVII. Kal. Octobr. in Concilio Aschaffenburgensi celebrato, de venerabilium Fratrum nostrorum, S. Moguntinæ ecclesiæ Suffraganeorum, (b) nec non de Prælatorum nostrorum consilio & assensu, universa statuta a nostris Prædecessoribus edita declaravimus & presentibus, declaramus per totam nostram Provinciam fore tanquam provincialia ab omnibus observanda, quibus subscripta duximus annexenda statuta.

I. In primis igitur statuimus, ut si aliquis Clericus vel laicus utriusque sexus cujuscunque dignitatis, Religionis, vel status existat, ausus sit præsumptione dampnabili publice prædicare, occulte docere, credere & tenere quod Sacerdos in mortali peccato existens non possit conficere Corpus Christi, seu sic ligatus, ligare vel absolvere suos subditos a peccatis, pro hæretico & incredulo habeatur, quem errorem hujus sacri approbatione Concilii dampnamus, anathematizamus & penitus reprobumus, cum sacræ Scripturæ dicat auctoritas quod siue bonus siue malus sit minister, per utrumque Deus effectum gratiæ confert: non enim quia sancta sunt, coinquinari possunt, nec ipsa Sacramenta potest hominum malitia profanare: unde quomodocumque Sacerdos pol-

lutus existat, divina non potest polluere Sacramenta, quæ purgatoria cunctarum existunt: licite ergo a quocumque Sacerdote ab Ecclesiâ tolerato, divina mysteria audiantur & alia recipiantur Ecclesiastica Sacramenta.

II. De Sacerdotibus & Campanariis.

Item quod Sacerdotes & Campanarii, qui Sacerdotibus ad Altare circa Baptismum, deporationem Olei Sacri, & Corporis Domini ad infirmos existunt, & juxta quod eorum officium requirit, ministrant, super vestimenta sua suppellicis Sacerdotes, & Campanarii camisiis albis utantur, districte præcipimus observari, quas quidem camisas campanariorum, & suppellicia Sacerdotum populus cujuslibet Parochiæ, quando & quoties necesse fuerit, deinde de cleemosynis, quæ in Parochiis haberi possunt; alioquin de suis propriis sumptibus comparabit, auctoritate totius Concilii statuentes, ut Sacerdos, qui post publicationem hujus statuti suppellicium pro se & camisiam pro suo Campanario non habuerint; intra duos menses post eandem publicationem proxime subsequentes, tamdiu cesser ab officiis divinatorum, donec defectus hujus suppleatur, & dampnum quod ex tali cessatione in oblationibus Sacerdotem contigerit sustinere,

(a) Gerardus de Epstein, secundus hoc nomine, Canonicus Moguntinus, anno 1288. fuit præ Competitore Romæ à Nicolao IV. unctus & consecratus Archi-Episcopus Moguntinus. Obiit 1304. 25. Februarii.

(b) Eylltettensis, Bambergensis, Herbipolensis, Hildesheimensis, Augustanus, Wormatensis, Spirensis enumerantur a Tritemio in *Chronico Hirsingensi* ad h. annum, & a *Serario rerum Moguntia Lib. V. pag. 848.*

Schabus acerbiorum censuram in mores Gerardi II. Tom. II. *Annal. Paderborn. pag. 201* improbat *Schamusius* & *Serarius* *Loc. cit.* bellorum necessitatem excusat.

stinere, per populum suæ Parochiæ refundatur eidem: Verum, quia plerumque, & maxime in Parochiis ruralibus hoc contigit, ut propter Clericorum defectum Sacerdotes solos oporteat celebrare, contra Canonicas Sanctiones inhibentes, ne Presbyter sine ministri suffragio Divina Officia, & maxime Missarum sollempnia præsumat celebrare, inhærentes Concilio *Toletano*, ubi dicitur: *Va soli, quia non habet, cum ceciderit, sublevantem*; provida deliberatione Sacri Concilii decernimus, statuendo, ut omnes Sacerdotes in villis extra oppida celebrantes loco campanariorum illiteratorum, personas de cætero habeant fide dignas, legere & cantare scientes, quæ quidem personæ de ornatu Parochiæ fideliter conservando sufficienti præstita cautione universos redditus percipiant, campanariis laicis hætenus deputatos, nec ab illis officiis sine Archidiaconi consensu valeant amoveri, alioquin contrarium facientes per Diecefanum vel locorum Archidiaconos ad idem faciendum compelli poterunt Ecclesiasticam per Censuram.

III. De portatione Corporis Domini.

Et licet omnes Christi fideles in deportatione Eucharistiæ ad Infirmum sequi conveniat reverenter, præcipue tamen Sacerdotes, dum ipsum Dominicum Corpus in manibus suis gestant, procedere concedit humiliter & devote. Obinde præcipimus statuendo, ut nullus de cætero Sacerdos in deportatione hujus maximi ac saluberrimi Sacramenti, quantumcumque aura mala, via lubrica, vel lutoſa existat in calopedibus ire præsumat: Verum, quod aliqui Sacerdotes ex simplicitate, sive juris ignorantia, quidam ex avaritiæ vicio, qui (a) fere omnium oculos excæcavit, dum Eucharistiam, oleum Infirmorum, & Baptisma parvulorum, sepulturam & alia Sacramenta Ecclesiastica suis subditis amministrant, præteritum extorquent ab ipsis, pro sui erroris & reatus defensione longam illius loci consuetudinem prætendentes, nec advertentes, quod diuturnitas temporis peccatum non dimittit, sed augmentat: Nos inhærentes Concilio *Turonensi*, quod hujusmodi consuetudinem maxime detestatur, ne pro his aut aliquibus Sacramentis Ecclesiasticis

conferendis aliqua de cætero munia quantumcumque modica per Sacerdotes vel Prælatos a suis subditis tanquam debitum exigantur, sub poena excommunicationis sententiæ jam latæ, de approbatione hujus sacri Concilii distriktissime prohibemus, nisi hujusmodi munia sponte & caritative a Christi fidelibus offerantur; Archidiaconis & eorum Officialibus sub eadem poena firmiter injungentes, ut in singulis Synodis, sive Capitulis, quibus solent Clerici convenire, de hujusmodi vicio inquisitionem faciant specialem, & quos in eodem, per probationes legitimas invenierint laborare; si Vicarii fuerint, ipsos sine omni spe restitutionis a suis Archidiaconatibus amovere, Pastores vero ab officiis & beneficiis tamdiu suspendere non omittant, donec super hujusmodi symoniaca pravitate cum ipsis fuerit per suos Episcopos dispensatum: prædicta vero Pastoris suspensione durante, Archidiaconi de redditibus Beneficiorum nihil percipiant eorundem, sed Sacerdotes idoneos in Ecclesiis constituent taliter suspensionum, qui per omne tempus suspensionis eorum percipiant, & in suos usus convertant universos redditus Ecclesiasticos ipsis Pastores competentes. Dignum enim est, ut qui altari servit, vivere debeat de altari, & illi proventus Ecclesiastici merito subtrahuntur, cui Ecclesiæ communio denegatur.

IV. De Monachis & Monialibus.

Præterea etſi contra Monachos & Moniales de suis clauſtris propter aliquos enormes excessus, aut animi levitatem temere fugientes, & in sæculo sæculariter per aliquot temporis spatium conversantes, ac tandem poenitentia ducti ad clauſtra, de quibus profugere præsumperint, humiliter redire volentes, certæ & variæ poenæ, juxta qualitatem & quantitatem excedentium a sanctis Presbyteris sint statutz, quidam tamen Abbates, & quædam Abbatisz, ac cæteri Magistratus penis in sacris Canonibus, sive in sui Ordinis Regula contra hujusmodi profugas personas expressis non existentes contenti, graviore & quasi importabiles poenas ipsis in sui reversione imponere non verentur, vel quod deterius est, easdem personas quantumcumque humiliter supplicantes
vel

(a) corrige: quæ, vel quod.

vel postulantem ad sua claustra, de quibus taliter exiverunt, admittere inhumaniter contradicunt: cum igitur juxta Sacrorum Canonum diversas auctoritates poenae non ampliandae, sed potius sint laxandae, & longe securius sit de misericordia, quam de crudelitate reddere rationem; cum etiam Dominus per os Prophetae pollicetur sit, sic dicens: *Pœcator, in quocunque loco conversus fuerit & ingemuerit, omnium iniquitatum suarum amplius minime recordatur.* Nos

adjicientes, quod ubi Pater familias largus dispensator existit, non decet famulos esse tunc; ut peccandi materia & occasio personis tribus præcludatur, provida deliberatione hujus sacri Concilii decrevimus statendum, & sub poena suspensionis universis Abbatibus, Abbatissis, & cæteris Monasticis Magistratibus ejusdemque ordinis ac conditionis existant, ac quocunque nomine appellentur, injungimus firmiter & districte, ut suis fratribus & sororibus in apostasie labem ex quocunque causa prolapsis, desiderantibus & petentibus cum humiliter ac devotione regressum, finem misericordiae, quem alina Mater Ecclesia claudere nulli poenitenti concessit, more pii Patris familias, qui filium prodigum, & postmodum poenitentem, patre recepit, liberaliter studeant aperire, ita quod hujusmodi personas redire ad sua claustra volentes, quantumcunque eorum excessus graves fuerint vel enormes, juxta cujuslibet Ordinis disciplinam sive regulam in consuetudine observata, sine qualibet conditione recipiant & admittant: ita tamen, quod propter eorum excessus, nec vestitus, nec vestitus subtrahatur eisdem, sed alius, sicut prædiximus, regulariter ponantur: alioquin prædictam suspensionis sententiam per Ordinarios locorum, seu Officiales eorum in omnes contradictores procedente tempore juxta quod eorum potestiva meruit, precipimus promulgari.

V. De Testamentis & Legatis.

Adhæc, quod quædam in quibusdam locis & partibus consuetudo, imo potius corruptela deestabilis observatur: videlicet, quod tam Clericus, quam laicus in lecto ægritudinis constitutus ultra quinque solidorum usualis monetæ, vel

aliam summam juxta loci illius consuetudinem limitatam, nec piis locis, nec personis Ecclesiasticis pro animæ suæ remedio & salute, possint ordinare legata: Considerantes prædictam consuetudinem, & sacri Canonibus, & secularibus Legibus obviare, cum omnia jura clament, quod ultima voluntas, & ultimum hominis testamentum immobile perseverat, & nihil sit, quod magis hominibus debeatur, quam ut supremæ voluntatis liber stylos existat; eandem consuetudinem Deo odibilem, animabus & bonis moribus inimicam, auctoritate hujus sacri Concilii penitus reprobamus, firmiter statuentes, ut unicuique, quem jura a testamentorum non prohibent factione, in sanitate vel in loca ægritudinis constituto, legendi, disponendi, & ordinandi de bonis, a Deo libi collatis, circa pia loca & personas Ecclesiasticas, dummodo suos hæredes contra legem non prætereant Sanctiones, libera sit facultas; volentes & præcipientes districte, ut per locorum Episcopos & cæteros Prælatos jurisdictionem habentes, universi Clerici & laici, impediētes defunctorum legata seu ultimas voluntates, per excommunicationum in personas, & interdicti in loco, sententiæ, octo dierum monitione præmissi ferendas, ab hujusmodi impedimenti desistere compellantur, ad quarum executiones & debitas aggravationes procedente tempore facientes, Episcopi & Prælati, ad quos testamentorum defensio utroque jure suadente dignoscitur pertinere, tam benivolos se exhibeant & paratos, ne hujusmodi negligentia de eorum manibus in die districti judicii requiratur.

VI. De Pastoribus & eorum Vicariis.

Præterea quorundam Pastorum malitias, qui singulis annis Vicarios a suis Ecclesiis, in quibus per consensum Diocesani vel Archidiaconi instituti noscuntur, ob quendam temporalem quæstum amovere litagunt, obviare volentes, Prædecessorum nostrorum statuta duximus annexendum, ut Vicarius taliter institutus, ab eadem vicaria ad instantiam veri Pastoris Ecclesie non amoveatur aliquâ ratione, nisi Pastor actu Sacerdos existens suam Ecclesiam velit regere per se ipsum, vel aliquam rationabilem

causam amotionis contra suum Vicarium coram Dioecetano, vel loci Archidiacono assignare valeat & probare.

VII. *De Ecclesia Parochiali vacante.*

Adhuc quædam consuetudo, imo potius corruptela in quibusdam partibus inolevit: videlicet, quod aliqua Ecclesia parochiali vacante, plures ad eam Clerici a diversis Patronis in discordia præsentantur, quibus coram Dioecetano, vel loci Archidiacono super ipsa Ecclesia contententibus, is, ad quem investitura vel institutio Ecclesie talis spectat, redditus sive fructus ipsius sequestrat, & in suos usus convertit, licet coram ipso durante, imo, quod deterius est, & merito detestandum, item, cui juxta utriusque juris præcepta finem imponere deberet, per diversos circuitus faciat prorogare, ut sic de prædictis redditibus sibi magis ac magis valeat inbursare: cum igitur hujusmodi consuetudo animabus perniciofa, & sacris Canonibus sit repugnans; hujus sacri approbatione Concilii statui-
mus, ut non obstantem consuetudine supradicta, quam penitus reprobamus, per omne illud tempus, quo parochialem Ecclesiam vel Capellam vacare contigerit, is, ad quem investitura seu institutio illius spectat, per duos idoneos Presbyteros illius Capituli, in quo Ecclesia vel Capella talis existit, universos redditus sive fructus, qui vero Rectori Ecclesie cedere consueverant, faciat, procuret, & mander colligi & fideliter conservari; ita quod ei, qui evicerit, totaliter assignentur; alioquin si ille, ad quem investitura pertinet, de hujusmodi redditibus occulte vel manifeste sibi aliquid præsumpserit usurpare, jure investendi ad aliqua beneficia in perpetuum sit privatus, & tale jus ad Superiorem proximum devolvatur, cui etiam duplum ejus, quod per hujusmodi sequestrationem recepit, irremissibiliter restituere teneatur.

VIII. *De Investituris, vel etiam Religiosis obtentis.*

Quamquam antiqua Prædecessorum nostrorum statuta prohibere inveniantur districte, ne aliquis Clericus a laico de Beneficio Ecclesiastico, in quo jus Patronatus obtinet, institui se permittat,

sed potius ab eo præsentatus, ab Episcopo vel loci Archidiacono investituram recipiat, ab altero eorundem, cui id de jure vel de consuetudine competit, approbata; licet etiam Templariis, & Hospitalariis, & aliis Religiosis in eisdem prohibitum sit statutis, ne Ecclesias parochiales, quas de consensu Dioecetanorum, & Ecclesiarum Cathedralium suis domibus seu Monasteriis uniri obtinent, per suos Confratres officiare præsumant, sed Clericos seculares Episcopis, sive Archidiaconis locorum præsentent, qui ipsos investiant tamquam perpetuos Vicarios in eisdem, ordinata ipsis competenti pro sui sustentatione præbenda: quia tamen poena fusticis nondum est prodita contra hujusmodi transgressores, considerantes, quod facilitas venie incitativum tribuit delinquendi; sacri approbatione hujus Concilii hac poena præsumptores predictos duximus puniendos: ut Clericus a Patrono laico, vel etiam Clerico in Beneficio Ecclesiastico sine Episcopi vel Archidiaconi loci consensu & licentia institutus, eodem Beneficio in perpetuum sit privatus, & ipsius collatio ea vice ad Superiorem proximum devolvatur, de quo quidem beneficio si temeritate propria intrinsece se Patronus, jure, quod sibi compete-
bat in eo, perpetuo sit privatus: Templarii vero, & Hospitalarii, & alii Religiosi contrarium facientes non solum Ecclesias ea vice, verum & alias, si quas habebant, prius ipsis unitas sine spe restitutionis ipso jure per hujus Concilii decretum amittant.

IX. *De Laicis non currentes interdictum.*

Item in quibusdam locis, ut accepimus, in tantum excrevit temeritas & præsumptio laicorum, quod si Episcopi auctoritate ordinaria, seu delegata, in terram, villam, aut castrum interdictum generale ponatur, iidem laici officium Sacerdotum, immo quod tunc temporis Sacerdotibus est prohibitum, usurpare conantes, ut Ecclesiastica per hoc magis censura eludatur, apud loca taliter interdicta sepelire præsumunt in cimiterio corpora defunctorum. Licet autem jam pridem contra præsumptores hujusmodi interdictum sit provisum, ut non resumantur prius divina, quam cumulata sic
cor-

corpora fuerint exhumata : quia tamen per illos, contra quos interdictum ponitur, antequam satisfaciant, frequenter in pactum deducitur, ut exhumationis poena ab Ordinario, seu delegato ante omnia simpliciter remittatur ; ne forte hujusmodi delinquentium temeritas hac occasione impunita remaneat, & per hoc ceteris detur audacia similia præsumendi ; sacri approbatione Concilii statuiamus & mandamus, ut quicumque ammōdo intra cimiterium loci interdicti aliquod corpus seu corpora defunctorum sepelire præsumpserint, aut qui talia præsumptibus opem vel operam quocumque modo adhibuerint, Excommunicationis sententiam incurrant ipso facto, a quo non nisi per solum Metropolitanum, aut cui super hoc vices suas specialiter commiserit, absolvantur : Metropolitanus vero, aut ejus in hac parte Vicarius nequaquam ad impendendum talibus beneficium absolutionis procedat, nisi prius sepultis taliter corporibus exhumatis, Ecclesie & personis, quibus ex hoc injuria dignoscatur irrogata, satisfactum fuerit competenter, & nisi super tacta exhumatione & satisfactione præstita, Ordinarii, aut si copia ipsius haberi non valeat, Officialium suorum litteras absolventi ipsi pro testimonio exhibeant & ostendant.

X. *De Discordia Clericorum, & potentum Laicorum attractione.*

Quoniam nonnunquam contingit, quod ad vacantem Episcopatum vel aliam Prælatum duo in discordia eliguntur, & alter, qui minori jure nititur, ut eum, cui majus est acquisitum, per potentiam, vel per tedium fatigare & exhaustum possit, attrahit sibi favorem potentum laicorum, quibus ut ei mutant & assistant, promissiones facit de Beneficiis filiis eorum conferendis, & de juribus & libertatibus Ecclesiasticis remittendis : Nos huic morbo occurrere volentes remedio salutari, præsentis statuto hujusmodi Promissores & potentum Laicorum attractores volumus ipso jure Excommunicationis esse sententia innodatos, & nihilominus eum fore ineligibilem ad hujusmodi dignitatem, mutatores etiam pecuniarum taliter in hoc casu volumus carere actionibus pro mutuo hujusmodi repetendo.

Tomus IV. Concil. German.

XI. *De Judicibus delegatis, & interdictis.*

Ad hæc plerumque contingit, quod judices delegati, seu subdelegati ipsorum ad quos supplices commissiones sub forma communi, a sede Apostolica diriguntur, auctoritate litterarum ipsarum ultra quam parantur fines Recepti Papalis per sententias procedentes, Terras, Civitates, Oppida & Villas occasione privatae personæ, seu privatarum personarum Ecclesiastico subijciunt interdicto, invocantes etiam super hoc Brachium seculare : Nos igitur volentes hujusmodi iniquis processibus obviare, præsentis scripto declaramus de Fratrū nostrorum consilio & consensu quod Sacerdotes nostræ Civitatis, Diocesis, & Provinciae ad observationem seu publicationem sententiarum hujusmodi interdicti minime teneantur, nec etiam invocationi Brachii secularis, si quam faciunt, aliquatenus pareatur.

De Confessione faciendi suo Plebano.

Insuper statuimus, ut si quis de plebe ad minus semel in anno & maxime tempore quadragesimali suam confessionem illi, qui eidem plebi per Diocesannum vel loci Archidiaconum est præfatus, vel de ipsius licentia alteri confessiones generaliter audiendi potestatem habenti non fecerit Sacerdoti, huic si illo anno decesserit, quamvis confessionem faciat in extremis, nihilominus auctoritate hujus Concilii Ecclesiastica denegabitur sepultura, nisi forte aliqua legitima causa suadente locorum Archidiaconi, aut Officiales Diocesanorum sepulturam hujusmodi duxerint indulgendam ; ut alii hac poena deterri ad tam salubris Sacramenti remedium serventis student convolare.

XII. *De Reverentia Prælatorum.*

Præterea in quibusdam Ecclesiis Conventualibus talis consuetudo invaluit ex antiquo, quod Prælati earundem Ecclesiarum in assurgendo, & in aliis prerogativis a Canonicis exhiberi consuevit Reverentia specialis, ut per hujusmodi insignia ipsi Prælati, qui Columnæ Ecclesiarum censentur, ab aliis simplicibus Canonicis possint discerni : sed quidam Canonici immemores juramentū in

B 2

eorum

eorum receptionibus præfati de Ecclesiarum consuetudinibus observandis, nec advertentes, quod sicut Legum sic antiquarum consuetudinum transgressores juxta utriusque juris præcepta non immerito sunt plectendi, contra hujusmodi consuetudines rationabiles juri consonas, & præscriptas ex quadam arrogantia vel etiam similitate, motu proprio venire præsumunt, propter quod non est dubium inobedientia notam, debitam Prælati reverentiam subtrahendo, & perjurii reatum contra suarum Ecclesiarum consuetudinem veniendi, prædictos incurrere transgressores: considerantes igitur, quod tunc Ecclesiasticus Ordo confunditur, cum unicuique honor debitus non servatur, & antiquæ honestates, & approbatas consuetudines, & omnia Ecclesiarum jura illibata servari volentes, Prædecessorum nostrorum Concilio annexendum duximus statuendo, ut quicumque Canonico- rum reverentiam Prælati suo debitam, juxta consuetudinem in sua Ecclesia approbatam, proprio motu subtraxerit tertia vice, & de hoc per duorum de Capitulo juramenta ipsi Capitulo fuerit facta fides, a consortio sui Capituli, & perceptione proventuum suæ Præbendæ, tamquam inobediens & perjurus ad arbitrium sui Episcopi, ipso facto, auctoritate hujus Concilii sit exclusus, per ipsum Episcopum, si ejusdem præsumptoris meruerit pertinacia, gravius puniendus. Si qui vero Prælati vel Canonici præsumptores hujusmodi dispensatione a suo Episcopo non obtenta, ad Capitulares Tractatus, vel ad perceptionem suarum se admiserint Præbendarum, excommunicationis sententiam, quam ex nunc de consensu hujus sacri Concilii ferimus in eosdem, se incurrere noverint ipso facto: quod si præsumptores præfati Tractatibus Capitularibus se ingerere: aut suarum Præbendarum proventus ante dispensationem super prædicta sua inobedientia & perjurii nota, a suo Dioecetano ipsis impensam, temeritate propria contingere præsumpserint ullo modo, ex tunc in illa Ecclesia, cui talis contumelia fuerit irrogata, octo dierum per ejusdem Ecclesiæ Capitulum monitione præmissa, cessetur ab Officiis Divinorum usque ad prædictorum excessuum satisfactione condigna juxta Dioecesani & laici Eccle-

sia Capituli arbitrium imponenda: si autem iidem præsumptores post cessationem Divinorum infra duos menses plene non satisfecerint de commissis, vel saltem non inceperint emendare, per suos Dioecetanos Beneficiis Ecclesiasticis spoliuntur.

XIII. De Captivatoribus Clericorum.

Præterea cum in Prædecessorum nostrorum statutis per penas contra Captivatores Clericorum prodictas adhuc nec Ecclesiis, nec Ecclesiasticis personis sufficienter provisum existat, considerantes, quod pro unius delicto sacri Canonis interdum puniri præcipiunt totam terram, & nonnunquam propter parentum peccata in tertiam & quartam generationem filii puniuntur: Nos de similibus ad similia procedere cupientes provida deliberatione hujus sacri Concilii Prædecessorum nostrorum statutis duximus annexendum, irrefragabiliter statuantes, ut non solum eorum filii, qui Canonicos etiam in minoribus Ordinibus constitutos, & ceteros Clericos pro Clericis se gerentes, ac alias personas Ecclesiasticas captivare, captivatas detinere, occidere, mutilare, aut lethalibus sive nimis atrocibus vulneribus, quibus per medicorum nequit industriam subveniri, vulnerare præsumunt, sed & omnis eorundem sacilegorum utriusque sexus ab ipsis descendens posteritas usque ad quartam generationem, nec ad sacros Ordines, nec ad aliqua Beneficia Ecclesiastica, nec in Claustris aut Cœnobiis cujuscumque Ordinis admittantur: quod si contrarium factum fuerit ex malitia vel etiam ex ignorantia ordinatos ab executione Ordinum perpetuo volumus esse suspensos: receptos vero ad beneficia Ecclesiastica secularium Ecclesiarum pro non receptis haberi decernimus ipso facto, sed ne personis in Monasteriis sive Claustris receptis detur materia ad seculum redeundi, eas in ipsis Monasteriis ita volumus remanere, quod in Conventu ultimi reputentur & nunquam ad officia vel dignitates aliquas assumantur: de illis autem personis, quæ in Ecclesiis Conventualibus aut Monasteriis ante hoc nostrum statutum inveniuntur promovere, auctoritate hujus sacri Concilii hoc districte præcipimus observari, ut si parentes eorum aliquid commiserint præmissorum, prædictæ per-

personæ ob hujusmodi suorum parentum delictum nunquam ad dignitates aliquas assumantur, sed in suis gradibus persistentes ad superiores efficiantur ineligibiles ipso facto, omnibus aliis pœnis contra ordinantes, præsentantes, & recipientes personas hujusmodi, in priori Concilio constitutis, in suo robore duraturis, & quia de Canonicis & ceteris Clericis conviciatoribus & percussoribus per Prædecessorum nostrorum statuta nulla certa forma vel pœna præter eam, quæ in jure communi comprehenditur, invenitur expressa: nos attendentes, quod plus timeri solet, quod specialiter injungitur, quam quod generaliter imperatur, approbatione totius Concilii necessario duximus statuendum, ut Canonici, qui sive vel alterius Ecclesiæ Canonicum verbis probrofici attingerit manifeste, per quartam; si vero convicia manifesta dixerit in Prælatum, per mediam partem anni a perceptione fructuum suæ præbendæ penitus sit exclusus: si quis autem Canonicorum in prædictas personas, etiam citra sanguinis effusionem manus iniecerit temere violentas, pœnas prædictas dupliciter patiatur. pro vulnere autem his personis ab aliquo Canonicorum illato, si etiam nulla membrorum mutilatio ex tali vulnere fuerit subsequuta, sine omni remissione per præmissas pœnas quadrupliciter puniatur, & insuper in utroque casu juxta sui Diocesanî arbitrium læso satisfaciatur competenter, antequam restitutionis beneficium consequatur, sed pro temeraria membri mutilatione, omni beneficio Ecclesiastico sit ipso jure privatus: quæ omnia & singula circa alios Clericos beneficiatos, si personas Ecclesiasticas prædictis modis lædant, seu lædantur ab ipsis, juxta prædictam formam & ordinem sub pœnis eisdem præcipimus observari, salvo tamen aliis pœnis in sacris Canonibus contra temerarios violentarum manuum in Clericos injectores expressis, salvo etiam juribus, quæ vim repellere vi permittunt.

XIV. De Vulneratione Clericorum.

Verum quia a quibusdam solet in dubium revocari, utrum eadem pœna, quæ contra mutilatores in alio Concilio est prodita Clericorum, ad eos qui ipsos

Clericos vulnerant similiter extendatur: nos ambiguitatem hujusmodi interpretatione congrua declarantes, pro illis vulneribus, quæ curari ope nequeunt medicinæ, eandem pœnam, quæ contra captivatores & mutilatores Clericorum in alio Concilio est expressa, per omnia dicimus esse fervendam.

XV. De Nuntiis Ecclesiasticorum Judicum.

Præterea quidam crudeles homines & perversi, dum ad forum Ecclesiasticum in causis etiam, de quibus Ecclesia merito habet cognoscere, ab actoribus evocantur, illius auctoritatis, qua dicitur, *qui honorat missum, mittentem honorat*, immemores existentes, Nuntios Ecclesiasticorum Judicum Citationis, Excommunicationis, vel alias judiciales & juris Litteras deferentes, verbis probrosis, & quandoque diris verberibus, quosdam etiam captivantes, alios interdum suis rebus temere publice spoliantes, multipliciter afficiunt & perturbant, & impediunt citationum & Litterarum executiones in non modicam Ecclesiasticæ libertatis contumeliam & jacturam: considerantes igitur malicis hominum non esse aliquatenus indulgendum, hoc sacro approbante Concilio decernimus statuendum, ut Reus Nuntios acta judicialia deferentes per se vel per alium verberans, spolians, vel captivans, licet etiam non contestata, auctoritate hujus Concilii, habeatur penitus pro convicto: actor vero in causâ reconventionis similia perpetrare per se, vel per alium non formidans, super instituta contra eum actione amplius nullatenus audiat: & insuper uterque, ac omnes alii, qui nomine & occasione eorum, qui talia facere præsumpserint usque ad condignam satisfactionem læso & judicibus exhibendam, excommunicationis sententia, ab ipsis læsis judicibus, summaria cognitione super hujusmodi forefacto præhabita percellatur.

XVI. De injustis Spoliatoribus Clericorum.

Item, cum a nonnullis in dubium revocetur, qualiter statuta contra Ecclesiasticarum personarum spoliatores a nostris Prædecessoribus edita intelligi debeant & servari, præsertim cum spoliator non ultra octo dierum spatium, quod su-

per restitutione spoli facienda statuit Concilium Moguntinum, coram iudice, a quo emanavit monitionis Edictum, comparuerit & se juri obtulerit paritutum, dummodo circa spolum sibi impositum ordo judiciarius observetur. Nos hujusmodi ambiguitatem approbatione hujus sacri Concilii taliter duximus declarandum, ut si conquerens de spolio, ipsum esse spolum notorium asseveraverit coram iudice, & super tali notorio monitionis litteras impetravit actor in pœna rei infra octo dierum spatium non curantis venire, post lapsum ipsorum octo dierum ad probandum hujusmodi notorium admittatur, si reus absens fuerit per contumaciam, si reus præsens, quo probato reus ad restituendum ea, quæ actor se per ipsius violentiam amisisse declaraverit, cum expensis abinde factis & satisfactione condigna sententialiter compellatur: si vero in probatione notorii defecerit reo condemnabitur in expensis, & ex tunc licet quasi contestata super spolio probando observabitur debitus ordo juris: quod si is, cui spolum est impositum, infra terminum monitionis comparens se juri obtulerit paritutum, libellumque & inducias deliberatorias petierit sibi dari, in hoc casu dicimus taliter distinguendum; aut actor tamquam super notorio contra reum, aut simplici forma citationis litteras impetravit: in primo casu ad probandum notorium lite etiam non contestata sine prorogatione qualibet admittetur, & hoc probato, rem ablatam juxta legitimam declarationem ipsius cum expensis legitimis & satisfactione debita per condemnationem judicis consequetur, alioquin reus ab actoris instantia quantum ad spolum sibi impositum totaliter absolvetur cum resolutione legitima expensarum: & hunc modum & processum similiter circa eum, qui infra terminum monitionis justo impedimento derentus venire non poterit, & hoc legione probaverit, per omnia volumus observari: litteras autem super spolio a suis Diocesanis locorum vel eorum Officialibus præcipimus impetrari, alias ab aliis iudicibus impetratas carere viribus decernentes.

XVII. De Judæis.

Licet olim in generali Concilio provide fuerit institutum, ut uterque sexus

de gente Judæorum in omni Christianorum provincia signum vel habitum publice deferre debeat, quo a populo Christiano manifeste distingui valeat & discerni, fueritque adjectum & salubriter provisum in Concilio memorato, ut in diebus Dominiæ Passionis in publicum prodire non debeat gens prædicta, sed in suis se domibus continere clausis domorum hostiis & fenestris; ut sicut in eodem Concilio tangitur, Christianis, qui sacratissimæ passionis memoriam exhibentes lamentationis signa protendunt, illis diebus ab eodem Judæorum populo non illudatur: licet etiam alias in sacris Canonibus prohibeatur expresse, ut Judæi nec publica officia, nec aliquas sæculares habeant dignitates, aut in suis domibus & servis mancipia teneant Christiana: Quia tamen nec contra Judæos, in prædictis præhabitis calibus contrarium facientes, nec contra Christianos potentes, ipsos sine distinctionis signo vel habitu in suis terminis tolerant, nec publicis officiis vel sæcularibus dignitatibus præficientes eosdem, certa & sufficientes pœna in canonibus reperitur: considerantes, quod facilitas venie incitativum tribuit delinquendi, & plus solet eimeri quod specialiter præcipitur, quam quod generaliter imperatur, de multa deliberatione & unanimi approbatione hujus sacri Concilii irrefragabiliter duximus statuendum, ut in universis Civitatibus, oppidis, castris & villis Civitatis, Diocesis & Provincie Moguntinæ Gens Judæorum utriusque sexus infra duos menses post publicationem hujus statuti talia signa & habitum, quibus sine qualibet ambiguitate a Christiano populo distinguatur, sibi elingat & deferat manifeste: dignitatesque sæculares & officia publica, quibus de gente prætata aliquis forte præest, & mancipia Christiana prorsus dimittat, alioquin in omnibus locis, ubi Judæi, huic sacro & salubri Concilio in hac parte obedire nolentes, habitare vel domicilia obtinere noscuntur, in pœnam Christianorum Potentum tamdiu cessentur ab officiis Divinorum, donec per Principes potestates Nobiles Christianos, in quorum Territoriis prædicta gens misera conversatur, ad observationem præmissorum omnium compellantur: ipsi autem Judæi per locorum Diocesanos indirecte per subra-

tionem

tionem communionis Christi fidelium Excommunicationis sententia percellantur : si quis vero de gente præfata in die Parasceve visus fuerit in platea, vel per hostium suæ domus aut fenestram prospicere, ad quod probandum duorum Christianorum stabitur juramento, is loci Diocesano in marca argenti pœnæ nomine teneatur, ad cuius solutionem reus & omnes defendentes eundem per excommunicationis sententiam compellantur, & nequis Christianus aut Judeus hujus statuti ignorantiam valeat allegare, Universis Parochiarum Rectoribus per Moguntin. Civitatem, Diocesim, & Provinciam constitutis, in quorum Parochiis Judei morantur, sub pœna Excommunicationis in quoslibet transgressores auctoritate præsentis Concilii ex nunc latæ, præcipimus firmiter & districte, ut quilibet in sua Parochia in singulis Dominicis diebus, singula quatuor tempora immediate sequentibus infra Missarum solempnia publice præfatum statutum lingua materna exponere non omittant.

XVIII. De Statutis contra Ecclesiarum libertates.

Ad hæc sacro approbante Concilio irritamus & irrita nundiamus omnia statuta & consuetudines, quas civitates vel loca, potestates, Consules, vel quæcumque alie personæ contra libertates Ecclesiæ ac personas Ecclesiasticas edere vel servare adversus canonicas sanctiones præsumpserint, & eadem a suis Capitularibus mandamus infra duos menses post hujus publicationem statuti penitus aboleri, & si similia de cætero acceperint ipso jure decernimus esse nulla : Potestates vero ac omnes Statutarii ipsorum locorum, & qui secundum statuta & consuetudines memoratas judicaverint, ex tunc inhabiles sint omnem in Ecclesia Dei legitimum actum, salvis nihilominus aliis pœnis contra tales in generali Concilio promulgatis.

XIX. De Exactionibus.

Item statuimus, ut quæcumque civitas vel communis, persona publica vel privata collectas sive exactiones, angarias, sive proangarias Ecclesiis vel aliis piis locis ac Ecclesiasticis personis imponere, vel bona Ecclesiastica invadere

præsumpserit, si requisiti emendare contempserint, quadruplum refundant, aut pœna subscripta contra ipsos suosque hæredes districte observetur.

Præterea nullus Ecclesiasticam personam in criminali causa vel civili quæstione, nec aliquam pro rebus, bonis, vel possessionibus Ecclesiarum sive jure personali, quod vulgo Lippgedinge dicitur, quis earundem Ecclesiarum possessiones vel bona possideat, sive alio quocumque titulo trahere præsumat in iudicium trahere.

XX. De Foro competentis.

Jurisdictionem Ecclesiasticam præterquam per vias a Canonibus indultas nullus attemptet aliquatenus impedire & Ecclesiarum vel aliorum locorum communem habentem de jure vel de consuetudine obtenta infringere ac aliquantulum violare.

XXI. De Ungelt.

Novas etiam Exactiones, quæ vulgo *Ungelt* dicuntur, nulla civitatum instituat, & ab institutis post hujus Edicti publicationem infra mentem desistat nec mensuras rerum venalium ab antiquo servatas & a fidelibus approbatas minuire vel mutare præsumat : de servis & mancipiis Ecclesiarum in civitatibus residentibus, post eorundem fervorum mortem, Ecclesiæ debita jura quorum servi & mancipia fuerunt, recipere minime prohibeantur.

XXII. De ultimis Voluntatibus.

Ultimas quoque morientium voluntates nullus impediatur, & causa super testamentis exorta coram nullo præterquam Ecclesiastico iudice tractetur.

XXIII. De Advocatis Ecclesiarum.

Hac etiam in constitutione sancimus, cunctos Ecclesiarum advocatos infra provinciarum nostrarum terminos constitutos, cujuscumque sit præeminentis status, eisdem iuribus esse contentos, quæ ipsis seu eorum Antecessoribus fuerunt concessa tempore, quo advocatiam hujusmodi susceperunt, & ecclesias quarum Advocati essunt defendere studeant & manutenere pro posse.

XXIV. *De Bonorum Ecclesiasticorum Insuperibus.*

Insuper statuimus, ne persona quantumcumque nobilitate aut præeminentia status præfulgeat, Ecclesias ac Ecclesiastica bona, jura, jurisdictiones, & vasallos eorum violenter ac auctoritate propria publice occupare, aut occupando invadere, vel scienter occupatoribus Ecclesias & bona prædicta præstare præsumat quomodolibet per se, vel per alium, aut per alios, consilium, auxilium, vel favorem: & nisi requisitus infra mentem Ecclesie læsæ aut Prælati ipsius dampnum illatum emendaverit; ipso facto sit anathematis vinculo innodatus: decedendum etiam Clericorum peculium occupare vel occupatum detinere, omnibus laicis sub anathematis pena ex nunc prout ex tunc in ipsa lra districtus inhibemus: Quicumque etiam laici ad Beneficia Ecclesiastica quorum Jus Patronatus ad ipsos spectare dinoscitur, sub dolo & fraude personas præsentaverint, si de dolo & malitia convicti fuerint, ea vice dumtaxat Ordinarius loci Ecclesie vacanti, idonea, secundum suam providentiam, provideat de persona.

XXV. *De Religiosis Ordinibus.*

Præterea statuimus, ne Religiosi cujuscumque Ordinis vel Religionis existant fines suorum excedant privilegiorum (cum privilegium mereatur amittere, qui concessa sibi abutitur potestate) si qui etiam Religiosorum per donationem, vel alium legitimum titulum jura Patronatus

aliquorum Beneficiorum Ecclesiasticorum acquisiverint, talia beneficia propria temeritate suis usibus non usurpent, sed ipsis vacantibus ad ea Sacerdotes idoneos præsentent, alioquin elapso tempore a jure statuto Ordinarius loci, prout Ecclesie expediat, providum instituat in curatum: si quis etiam Parochiales infra quarum limites grangias & Monasteri habuerint, terras, agros, prata, vel vineas aut alia bona, de quibus jure decimam solvere tenentur, in decimatione defraudaverint, omnes ipsis ad hoc opem vel operam dantes, & ipsorum servitius intendentes, decernimus ipso facto excommunicationis sententiam incurrisse: quicumque vero ausu temerario contra prædictam constitutionem venerit, cujuscumque status fuerit vel conditionis, ipso facto sit anathematis vinculo innodatus: & si Clericus fuerit, qui talia commiserit, omnibus suis Beneficiis Ecclesiasticis & Dignitatibus privatus, & ad ulteriora percipienda omnino inhabilis & indignus: Laicorum etiam contra præsentem nostram constitutionem in aliquo venientium filii, nepotes usque in quartam generationem, nisi sufficienter injuriam passis satisfactum fuerit, ad omnem honorem & dignitatem Ecclesiasticam inhabiles esse decernimus, & inhibemus sub anathematis pena, quam ex nunc in omnes in contrarium venientes ferimus, eosdem in Ecclesia Dei ulterius promovendi.

Ex codice Manuscripto Canonii S. Petri Erfordie, descriptis Cl. memoria Schannatus.

Serarius dumtaxat meminit *Lib. I. rer. Mogunt. C. 33. & Canonem Archi-Episcopalem* in hoc Concilio statutum fuisse affirmat, unde in editis libris statutorum Moguntinorum *Generale Concilium* nuncupatur: Eiusdem frequenter meminit & statuta excerptit *Petrus* in Concilio Moguntino anni 1310. de quo infra. *Binius, Hardouinus Tom. VII. pag. 1167.* nonnulli perbreve mentionem habet ex *Trithemio* hujus Concilii.

Ex miror *Schmidium* in Dissertatione ad Historiam Conciliorum Moguntinensium hujus Concilii Achenburgensis anno 1292. celebrati, oblitum esse, cum inspexerit Auctores, qui illius citæ ullum dubium meminisse.



SYNODUS DIOECESANA ULTRAJECTINA X.

Anno Christi MCCXCIII. Sede Apostolica vacante.
Adolphi Regis II.

*JOHANNIS DE ZFRICH, Episcopi Ultrajectini, Epistola
Synodalis. Statuta XXXI.*

JOHANNES, DEI ET APOSTOLICÆ SEDIS GRATIA EPISCOPUS
TRAJECTENSIS, UNIVERSIS &c.

Cū ad honorem & laudem Omnipotentis Dei, & salutem animarum, & subditorum nostrorum, & libertatem Ecclesiæ, & Ecclesiasticarum personarum vobis tenore præsentis quædam statuta jure duximus publicanda, & statuere, & addere aliqua, quæ ad horum fiant statum, & commodum subditorum; eadem vobis tenore præsentis intimamus, & per vos volumus subditis nostris solemniter intimari, & sicuti intimata fuerint, mandamus, & præcipimus inviolabiliter observari.

I. Et in primo statuimus, (a) ut mores Clericorum, & maxime Sacerdotum in melius reformentur, continentur & caste vivere studeant universi, quatenus in conspectu Dei puro corde, & mundo corpore valeant celebrare.

II. Item a crapula & ebrietate omnes abstineant diligenter; abusum quorundam Clericorum penitus decernimus abolendum, quod in quibusdam partibus ad potus æquales se obligant potatores, ut & ille iudicio plus laudatur, qui plures inebriat, & secundiores calices exhaurit.

III. Item Clerici & maxime Sacerdotes officia, vel commercia sæcularia, & maxime inhonesta non studeant exercere, Simonie vitium & species usurarum districtius fugientes.

IV. Item ne arma portent illicita, districtius inhibemus.

V. Item ne Sacerdotes ultra tres compadres ad puerum de sacro fonte levandum admittant, districtius inhibemus.

VI. Item statuimus, quod caput ter in aqua ponatur, nisi fuerit debilis, vel

infirmus, vel frigidum tempus; tunc aqua per manum Sacerdotis super caput pueri profundatur, ne propter submersionem vel frigiditatem, seu debilitatem puer extinguatur, & moriatur.

VII. Item frequentem usum tabernaculorum Sacerdotibus inhibemus.

VIII. Item inhibemus, ne aliquis Sacerdos Missam celebret, nisi prius de Horis Canonicis, *Mutinis, & Primam* dixerit.

IX. Item Presbyter lapsus in mortali peccato, non celebret Missam, nisi ante confessus fuerit.

X. Item Sacerdotes vestes portent nimia brevitate, vel longitudine non notandas.

XI. Item ludos theatrales, spectacula, & larvarum ostensiones in ecclesiis & cimiteriis fieri prohibemus.

XII. Item Presbyter duas Missas nullus celebrare præsumat in die, nisi necessitas jure permessa permittat, & tunc in priori Missa ablutiones non sumat post sanguinem.

XIII. Item Presbyteri Parochiales sæpe populum suum habeant commonitum, ut si aliquis infirmetur, citius pro Sacerdote mittat, ut confiteatur, & Sacramenta Ecclesie percipiat, quæ sine pecunie exactiōe præcipimus exhiberi.

XIV. Item inhibemus, ne quis Chrisma, vel Oleum sacrum ab aliquo Episcopo accipiat, quam a nobis.

XV. Item prohibeant Presbyteri subditis suis, ne pueri baptizandi diu teneantur.

XVI.

(a) Statuit: ut mores Clericorum reformentur; continentur vivant, ad æquales baustus se non provocent.

XVI. Item nullus pater vel mater proprium infantem de sacro fonte presumat levare.

XVII. Item prohibemus, ne Sacerdotes, & Procuratores Ecclesiarum calices, & sacra vasa, libros & ornamenta apud *Cauertinos*, vel alios pignori exponant.

XVIII. Item prohibemus, ne aliquis contrahat matrimonium temporibus prohibitis, & clandestinum sub pœna excommunicationis, & ne aliquis inter sit eisdem, sub pœna jure expressa.

XIX. Item Custodes portent tonsuram Clericalem, & prohibemus bigamis etiam, ut non recipiant custodias regendas, quia sunt privilegio Clericali penitus exuti, nisi sint adeo tenues & exiles, quod Clerici non possint sustentari, & hoc nostro arbitrio, vel nostri Officialis retinquitur ordinandum.

XX. Item prohibemus, ne aliqui, qui mortem sibi construxerunt stipulis, inque suspendendo; vel qui suspensi, decollati, rotati, vel alias propter suum scelus, interfecti, in Ecclesiis, vel cimiteriis non sepeliantur, nisi de nostra vel nostri Officialis fuerit licentia speciali.

XXI. Item prohibemus, per pœnam excommunicationis latæ sententiæ in his scriptis, ne aliquis Decanus, vel Provisor de causis matrimonialibus se aliquatenus intromittat, sed ad civitatem Trajectensem transmittant, ibi est copia peritorum.

XXII. Item prohibemus, ne laici se intromittant de decimis novallium, sed ad alios perveniant, ad quos de jure pertinere noscuntur.

XXIII. Item statuimus, si Clericus vel Presbyter capitur, illa Parochia sit ipso facto interdicta; si deducitur extra illam Parochiam captivus; Parochia illa, in qua detinetur, sit similiter interdicta, quousque vinculis absolvatur, & Nobis, & captivo, plenarie fuerit satisfactum.

XXIV. Si vero interficiatur vel mergatur, quod absit, ille Decanatus, in quo tale delictum est perpetratum, maneat totaliter interdictus.

XXV. Item precipimus sub pœna excommunicationis, *Cauertinos* & alios alienigenas senus publice exercentes, & publice usurarios, & hereticos, & sta-

tutarios contra libertatem, & jurisdictionem Ecclesiasticam, & falsarios nostræ monetæ, vel sigillorum, vel nostri officii, nisi ad gremium matris Ecclesiæ revertantur & absolvantur, bis in anno auctoritate nostra denunciari, publice excommunicatos, videlicet, prima Dominica Adventus Domini, & Dominica post Cineres, videlicet, *Invocat me*, nec ab eisdem oblationes recipiant, nec eisdem Ecclesiastica Sacramenta ministrentur, & ad sepulturam Ecclesiasticam minime admittantur.

XXVI. Item inhibemus laicis, sub pœna excommunicationis latæ sententiæ in his scriptis, ne Clericos cogant stare jure coram eis, vel attestent bona eorum, nec se de reconciliatione Cimiteriorum, vel Ecclesiarum aliquatenus intromittant.

XXVII. Item, ne aliqui Clerici vel laici Ecclesias destructas per deluvium, vel per incendium, vel alias quocumque modo ad alia loca transferant, sine nostra licentia speciali, penitus inhibemus. Et si quæ facta fuerint per translationem, monemus sub pœna excommunicationis sententiæ latæ in his scriptis, ut infra mensem a tempore Nobis satisfaciunt de præmissis.

XXVIII. Item precipimus orationes fieri pro pace, & statu Ecclesiæ Trajectensis reformando, videlicet VII. Pl. VI. feriis per singulos.

XXIX. Item prohibemus sub pœna excommunicationis, ne aliqui excommunicatos sepeliant, vel aliquos non excommunicatos in Ecclesiis recipiant, & Cimiteriis violatis, & interdictis.

XXX. Item precipimus, ut quilibet Curatus habeat versus de casibus Episcopalibus, de quibus soli ipsi & superiores habent absolvere, seu illi, qui ab eisdem habent potestatem, & primo casus legantur *in Latina*, & postea *lingua vulgaris* populo exponantur isti versus: (a)

Qui facit incestum, deflorans, aut homicida,
Sacrilegus, Patrum percussor vel Sodomita,
Transgressor voti, perjurus, sacrilegusque,
Et mentita fides, faciens incendis, prolis Oppres-

(a) *Casus Episcopales.*

Oppressor, blasphemus, hæreticus :
omnis adultus
Pontificem super his semper devotus
adibit.

Item præcipimus, quod Curati habeant *Decretalem*, qui est: in *Rubrica: de sententis excommunicationis*, & est Domini Innocentii quarti, (a) & legatur populo, & exponatur lingua matrem, ut sciat populus, quomodo vitari debeant excommunicati ab Episcopo. Item habeant *Decretalem* de pœnis, qui incipit, (b) *LI-CET*: qui loquitur de avaritia Archidiaconi, & illam similiter exponant laici lingua matrem.

XXXI. Item præcipimus, ne aliquis de antiquo Chrismate baptizet, nec de aliquo, quam de illo novo, quod de no-

stra largitione, vel nostra concessione acceperit baptizare, nisi præoccupante morte: & qui contrarium fecerint, noverint se damnationis sententiam pertulisse manifestam.

Hæc Statuta præcipimus inviolabiliter observari, & in qualibet Ecclesia parochiali per Sacerdotes quater in anno, diebus feriatis & festivis publicari, & exponi populo diligenter; videlicet in festo Pentecostes, in festo Michaelis, & in festo Circumcisionis, & in Dominica post Cineres, scilicet: *Invocavit me*. Actum & datum anno Domini MCCXC. tertio, proxima feria tertia post Tyburcii & Sociorum ejus.

Batavia sacra Heusdenii a pag. 167. ad 169.

- (a) Innocentii IV. nullas Canon extat *Tit. 39. Lib. V. Decretalium* Gregorii IX, sed Innocentii III. multas Decretales eodem *Tit.* leguntur: *De excommunicatis ob varias culpas vitandis*.
(b) Canon III. Libri V. Decretalium *Tit. 37. De penis*.

CONCILIIUM PATAVIENSE VII. IN AUSTRIA AD S. HIPPOLYTUM.

Anno Christi MCCXCIV. Cœlestini V. Papæ I.
Adolphi Regis III.

SUMMA. Statuta tria supersunt.

NOS WERNHARDUS Dei Gratia, Ecclesiam Patavienfis Episcopus, Anno Domini MCCXCIV. feria quinta post Dominicam Reminiscere apud S. Hippolytum celebrantes *Capitulum Clericorum* de Consilio venerabilium Fratrum, Abbatum, Præpositorum, Archidiaconorum, & aliorum, qui eidem Capitulo aderant.

I. Statutum recolendæ memoriæ Domini *Godefridi*, Prædecessoris nostri, quo inhibetur, ne Sacerdotibus vel scholaribus vagis, consolationis aliquid

impendatur, præterquam duobus simul venientibus sine armis, & longis cultellis, quibus in charitate voluit modicum patrum dari.

II. *Item Statutum*, quo anticipatores, & supplantatores Clericorum in Ecclesiis & Capellis suspenduntur a Divinis, tenore præsentium revocamus in totum. Quia vero prædictorum Sacerdotum & scholarium vagorum, insolentie adeo per nostram Diœcesin excreverunt, ut etiam in præsentia nostra a Clericis & Ecclesiasticis personis, denegantibus sibi, quod possunt,

Bernhardus, seu Wernhardus, seu Wernherus ex nobilibus de Prumbach, Episcopus Patavienfis XLV. ex Plebano Wiennensi, & Canonico Patavienfi, promotus ad Cathedraliam Pataviensem anno 1285. circa 24. Maji, interfuit Concilio Herbipolensi anni 1287. quo cum & Clero illic præsentem in Actione ad appellavit. Salzburgenfi Synodo anno 1288. interfuit, iterum anno 1291. interfuit Salisburg. Concilio, anno 1293. ipse Pataviz Synodum celebrat: demum hanc anno 1294. cujus statuta pauca servavit *Hansfa*.

Tomus IV. Concil. German.

C 2.

poscant, blasphemias inferant, & imponant: statumus, providemus, & denovo strictius inbibemus, ne Sacerdotes seu scholares hujusmodi, vel eorum aliquis ad panem recipiatur omnino, nec ipsis consolationis aliquid impendatur. Qui vero contrarium fecerit, si Plebanus fuerit, 1. lib. Denariorum. Si vero Vicarius *med. lib.* toties, quoties in hoc casu deliquerit, solvere teneatur. Volumus autem, ut Decani de hujusmodi statuti transgressoribus diligenter inquirent, & emendam prædictam inquirent. Alioquin sciant, se teneri ad solutionem omnium, quæ per eorum incuriam, & negligentiam circa inquisitionem, & requisitionem, hujusmodi negliguntur.

III. *Item statuimus & ordinamus*, ut nullus Clericus alterum, offerendo pecuniam, ante tempus in Vicariam seu administratione, ad quam assumptus est, audeat supplantare, si gravem a nobis efugere voluerit ultionem. Ut autem huic morbo plenius occurramus, inhi-

mus firmiter, & districte, ne Clericus volens Vicariam seu aliam quancunque administrationem in aliqua Ecclesia convenire sibi, ante festum Epiphaniæ cujuslibet anni, quidquam loqui, vel attentare presumat. Alioquin quartam partem omnium, quæ ante festum hujusmodi exhibebit, & nihilominus, qui exhibitionem talem apud se fieri permiserit, tantundem solvere teneatur. Super quo etiam Decani diligenter inquirent, & emendam repetant supradicta. Alioquin penam prædictam incurrant.

IV. Item usurarum voraginem compensare cupientes, omnibus statutis, contra usurarios institutis in suo robore manentibus; statuimus, ut omnis, qui de cætero usuras & usurarum contractus exercere præsumpserit, ad restitutionem usurarum hujusmodi, & nihilominus tantundem nobis solvere teneatur.

Hansf. Germaniæ sacra Tom. I. pag. 442. 443.

CONCILIIUM SALTZBURGENSE

ANNO EODEM.

ANNO MCCXCIV. Concilium Salzburge habetur, ibique Dux Carinthiæ Mainhardus cum omnibus fautoribus suis auctoritate Apostolica excommunicatur, pro detentione quorundam Episcopatum videlicet Tridentini & Brixinensis.

Chronographus Mellicensis.

Ex quo Hansf. German. sacra Tom. I. pag. 435.

Ex quo Mansi Tom. III. Supplem. pag. 247.

CONCILIIUM PATAVIENSE IN AUSTRIA

AD S. HIPPOLYTUM.

Anno Christi MCCXCIV. Cœlestini V. Papæ I.
Adolphi Regis III.

Anno hoc habita est Pataviæ Synodus, cujus Decretum hoc extat de conditione pilcorum a Clericis gestandorum. II. De Vigiliis in Dominicam diem incidentibus anticipandis in Sabbato.

NOS WERNHARDUS, Dei Gratia, Pataviensis Episcopus, anno Domini Millesimo ducentesimo nonagesimo tertio in octava Beati Joannis Baptistæ celebran-

In anni hujus fine & sequentis initio adfuit Wernhardus Pataviensis Concilio Salzburgerensi, in quo Dux Carinthiæ Mainhardus cum omnibus fautoribus suis auctoritate Apostolica excommunicatur, ob detentos Episcopatus Tridentinum & Brixinensem.
Hansf. Tomo I. German. sacra cal. pag. 442.

lebantes Patavie in Cathedrali nostra Ecclesia Synodum Clericorum de Consilio Fratrum nostrorum ac Prælatorum, qui in nostro Capitulo aderant, statutis Prædecessorum nostrorum hæc, quæ sequuntur, duximus apponenda.

I. Imprimis itaque districtius inhibemus, ne Clerici in sacris Ordinibus constituti de quacunque re suffragaturus in pileis suis habeant ejusmodi pileis longiores & superius dependentes, sed nec unquam liceat eis aliqua alia gestare pilea, nisi extra mansiones suas. Quo casu contra æstus vel pluvias pileis, adjuncto capucio, uti possunt; qui vero prædictis suffragaturis uti, vel præter necessi-

tatem prædictum pileum gestare præsumperit, toties MLX. Denarios ad fabricam Pataviensis Ecclesiæ teneatur, quoties hujusmodi sibi vetitis fuerit visus uti, de hoc inquirent Decani, & emendam repetant supradictam.

II. De Vigiliis quoque Sanctorum ab Ecclesia institutis, in quibus est cib's quadragesimalibus jejunandum, præcipimus, ut, si hujusmodi Vigiliæ in diem dominicam inciderint, Rectores Ecclesiarum die Sabbathi præcedente idem jejunium faciant observari, sicut a jure communi antea dignoscitur institutum. *Hæc in Synodo.*

Hansf. German. sacra Tom. I. pag. 442.

SYNODUS ULTRAJECTINA

SUB JOHANNE, EPISCOPO TRAJECTENSI,

Anno Christi MCCXCIV. Cœlestini V. Papæ I.
Adolphi Regis III.

De captionis vel interfectionis Clericorum pœna moderata.

JOHANNES, DEI ET APOSTOLICÆ SEDIS GRATIA EPISCOPUS TRAJECTENSI, DILECTIS NOBIS IN CHRISTO UNIVERSIS ET SINGULIS ECCLESiarum PRÆLATIS, PRÆPOSITIS, ARCHI-DIACONIS, ABBATIBUS, ABBATISSIS, PRIORIBUS, PRIORISSIS, PROVINCIALIBUS ET DECANIS, PLEBANIS ET RECTORIBUS; CAPELLANIS, PRÆBYTERIS, AC CÆTERIS TAM CLERICIS, QUAM LAICIS NOSTRÆ CIVITATIS ET DIOCESES, IN VERBO SALUTARI SALUTEM.

CUM ad honorem Dei, & Ecclesiæ Trajectensis prædictæ statum pacificum, ac Subditorum nostrorum salutem alias sicut scitis, quædam *statuta promulgaverimus* utilia & honesta; quia tamen ex illis quædam, videlicet de captivione, & interfectione Clericorum, ruptura litterarum Ecclesiasticarum, judicium & aliorum perturbatione, & impedimento multiplici Ecclesiasticæ jurisdictionis, licet æquitate suadente, propter delictorum immanitatem satis forent toleranda, aliquibus nobilibus, & aliis, jurisdictioni præessentibus dura nimium videbantur, & ob hoc ea per Nos mitigari, magna & frequenti instantia postulavit: Nos ut ipsi per se & suos justitianos ad obviandum hujusmodi delictis & injuriis, ne fiant, & perpetrata vel perpetrata si fuerint, quod absit, procurandum, quod sceleris & debita

emenda præstetur, eo promptiores, se exhibeant, quo nos procliviores in condescendendo eorum petitionibus invenimus; prædicta *statuta*, aliis in suo robore duraturis, in hunc modum, qui sequitur, duximus mitiganda.

I. Imprimis statuentes, si Presbyter vel Clericus capiatur, Parochia, in qua captus fuerit, Ecclesiastico subiaceat interdicto. Et si ex illa in aliam transferatur, illam similiter interdicimus, quamdiu in illa detinebitur, una cum illa in qua captor morabitur. Si vero occidatur, quod absit; similiter Parochia illa, in qua tantus excessus perpetratus extiterit, & etiam illa, seu illæ in qua, vel quibus dicti malefactores se receptaverint, Ecclesiastico subiaceant interdicto. Et nihilominus malefactor seu malefactores hujusmodi cum complicitibus, & receptatoribus eorundem, ac opem & operam ipsi-

præstantibus, quos & in his scriptis excommunicamus, atque excommunicati tam autoritate canonis, quam nostri tamdiu publice nuncientur, quousque Deo, Nobis & Ecclesiæ, ac passis injuriam, condigna præstetur emenda; & nihilominus absolutionis debitum beneficium meruerint obtinere.

II. *Statutum insuper nostrum, alias per Nos factum*, contra impediētes Ecclesiasticam jurisdictionem, seu perturbantes de cætero qualitercumque, sive litteras rumpendo, seu rapiendo, seu nuncios & portitores eorum lædendo, capiendo, detinendo, seu damna, injurias & molestias inferendo, & prout in dicto statuto plenius continentur, in hoc articulo mitigamus; videlicet quod Parochia, in qua hujusmodi violentia, injuria seu perturbatio facta fuerit, vel ubi dictos malefactores morari contigerit, Ecclesiastico non subiaceat interdictio.

III. *Item cum Ecclesiæ sint tutelæ refugii*, & in eis homines peccatorum veniam consueverint, & debeant postulare, præsentī decreto declaramus Ecclesias, & earum cimiteria gaudere immunitate, & ad eas confugientes ab ullis violenter extrahi non debere; nisi in Ecclesiis, seu cimiteriis prædictis, seu contra ea deliquerint. Quare tunc frustra legis auxilium invocarent, qui committerent contra eandem. Vel nisi publici latrones, vel nocturni populatores agrorum fuerint, qui in stratis publicis faciunt, comburant, & destruunt agros eorum, qui eis non serviunt. Alias enim delinquentes, & ad Ecclesias confugientes gaudere debent emunitate earundem; super eo quod inique fecerint, sc. circa mortem, & membrorum mutilationem, alias legitime puniendi.

IV. *Item præcipimus* sub pœna excommunicationis Clericis quibuscumque nostræ civitatis & Diœcesis, ut tonsuram deferant Clericalem, & vestibus non virgulatis, parvis, sed Clericalibus utantur honestis, ac habitu & tonsura, ut a laicis possint distinguui.

V. *Item inhiibemus* sub pœna excommunicationis, quod nullus Clericus nostræ civitatis & Diœcesis audeat arma portare prohibita.

VI. *Item prohibemus* ne aliqui nuptias celebrent temporibus prohibitis, vi-

delicet a prima die Adventus Domini ad octavam Epiphaniæ. Et a LXXma usque ad octavam Paschæ, & a Dominica ante Ascensionem Domini, usque ad Dominicam Trinitatis, in omnibus illis inclusive:

VII. Nec clandestina matrimonia contrahant, sub pœna excommunicationis, & ne aliquis inter sit eisdem, sub pœna in jure expressa.

VIII. Similiter prohibemus clandestina matrimonia; quæ appellamus ea, quæ sine denunciatione seu bannis in Parochiis contrahentium, per Presbyteros eorum publice præmissis contrahunt.

IX. *Item præcipimus & expresse inhiibemus*, quod nullus Clericus aut Presbyter copulet aliquos extraneos, nec nuptiis eorum inter sit, nisi per litteras patentes, aut per testes idoneos sufficienter constiterit contrahere volentem, aut volentes, alicubi non contraxisse, vel aliud impedimentum legitimum non habere.

X. *Item inhiibemus expresse*, quod Clerici peregrini & incogniti, tam nostræ civitatis & Diœcesis, quam alienæ se Presbyteros asserentes, nullatenus in nostra civitate & Diœcesi admittantur ad celebrandum Divina, nisi legitime ostenderit se promotos.

XI. *Item præcipimus* districte in virtute sanctæ obedientiæ Rectoribus & Presbyteris universis & singulis, ut in eorum Parochiis, *Pater noster*, & *Credo*, præter articulos fidei qualibet die Dominica, nec non decem Præcepta, & septem Sacramenta Ecclesiæ semel in mense, vel saltem ter, aut quater in anno populo, intelligibiliter & lingua materna exponant. Decem Præcepta, prout in Exodo continentur, sunt ista; "Non habebis Deos alienos. Non assumes nomen Dei tui in vanum. Memento, ut diem Sabbati sanctifices. Honora Patrem tuum, & Matrem tuam. Non occides. Non mœchaberis. Non furum facies. Non loqueris contra proximum tuum falsum testimonium. Non concupisces domum proximi tui, nec desiderabis uxorem proximi tui, &c.

XII. De Sacramentis vero Ecclesiasticis, quinque dicuntur necessaria, & duo voluntaria Sacramenta. Necessaria sunt ista: Baptismus, Confirmatio, Pœnitentia.

nikentia, Corpus Christi, & extrema Unctio. Sacramenta voluntaria sunt, Ordines, Matrimonium. Sine Sacramentis autem necessariis homo salvari non potest, si ex contemptu obmittantur.

XIII. Item publicationem illius decretalis extr. de Paris. licet. quam alias fieri mandavimus, præsentibus revocamus.

XIV. Item Statutum nostrum alias publicatum, videlicet, quod nullus Presbyter *deus in die* Missas audeat celebrare, nisi necessitas in iure permessa permittat &c. Taliter intelligimus, videlicet excepto die Nativitatis Domini, & cum finis supervenerit, vel aliqua persona potens advenerit, propter quod, &

quam oportet celebrare. Hæc statuta nostra una cum antiquis a nobis alias promulgatis inviolabiliter observari, & in qualibet Ecclesia Parochiali haberi, & sub pœna excommunicationis, per singulos Rectores seu Vicarios in Ecclesiis residentes, quater in anno prout opportunum fuerit, publicari volumus, exponi populo diligenter. Datum Traiecto anno Domini MCCXCIV. feria quinta post Festum beati Andreæ Apostoli.

Hicce Joannis Syrichii Synodalibus statutis, annexo constitutionem Petri, S. Georgii Cardinalis, de qua in statutis suis mentionem iniecit Joannes Syrichius Episcopus.

Batavia sacra von Heussen pag. 169. 170.

Guilielmi Bertoldi, Episcopi Traiectensis,

Epistola Synodica.

Anno Christi MCCXCVII. Bonifacii VIII. Papæ III.
Adolphi Regis VI.

WILHELMUS, DEI GRATIA, EPISCOPUS TRAJECTENSIS, UNIVERSIS ET SINGULIS NOSTRUM PROCESSUM INSPECTURIS, SALUTEM IN DOMINO SEMPTERNAM, VIRIS VENERABILIBUS IN CHRISTO, NOBIS DILECTIS DECANO ET CAPITULO NOSTRÆ ECCLESIE TRAJECTENSIS.

Propter quorundam Canonicorum duriciam, pertinaciam, discordiam, que nobis ad Capitulum per eosdem vocatis ad dictorum duriciam & pertinaciam per nos tanquam ad Superiorem compescendum, & ipso in capitulo existentibus, de eorum consilio & consensu super vita, moribus ac statu Ecclesiæ, ac personarum, per inquisitionem sedata per nos prius, quæ fuit inter ipsos discordia, quoddam in ipsa Ecclesia defectum in natalibus patientes, in fine dispensatione Sedis Apostolicæ contra iustitiam, in honorem Ecclesiæ ad sacros Ordines promotos, & alios illegitimos simplicem a sede dispensationem habentes, ut possint promoveri: unde Beneficium Ecclesiasticum sine cura obtinere invenimus:

Canonicatus ac Præbendas occupari minus iuste, alios etiam plura beneficia contra statuta Synodalia in ipsa Ecclesia obtinere.

Considerantes itaque nostra interesse, huiusmodi nefandas tolerandas abolere, & ab ipsa Ecclesia penitus extirpare, communicato & deliberato consilio & consensu Decani & Capituli antedictorum, statuimus & ordinamus, & sub pœnis sententiæ expensis, & excommunicationis late in his præcipimus.

I. Ne de cætero aliqui, defectum in natalibus patientes, dispensationem tantum super defectum natalium habentes, nisi in dispensatione Sedis Apostolicæ sibi facta contineatur expresse, quod possint & debeant, per huiusmodi dispensa-

Guillelmus Mechliniensis Heros, ex Lovaniensi Præposito Vir Juris Divini & humani consultissimus, sacri Palatii Iudex ordinarius, eligitur Episcopus Ultrajectinus XLI. post 1294, obiit pro juribus Ecclesiæ suæ pugnans anno 1301. IV. Nonas Julii, fœdit annos V. in magna rerum perturbatione & vicissitudine fortunæ.

penſationem in Eccleſia Cathedrali in Canonicos recipi & admitti, recipiantur in Canonicos in Eccleſia prædicta, maxime cum non ſit intentionis Domini Papæ, aliquem in Cathedrali Eccleſia debere & poſſe Canonicarum & Præbendam obtinere, quin poſſit in Decanum, Archidiaconum, & Episcopum eligi & admitti.

II. Cæterum omnibus dictum deſectum patientibus præcipimus, & peremptorie monemus, ut infra biennium, a data præſentium numerandum, ſe per Sedem Apoſtolicam habitari procurent, ut poſſit dictos Canonicatus, & Præbendas obtinere, alioquin ex tunc eoſdem facere decernimus aliis deferendos.

III. Inſuper inhibemus ſub poenis antedictis, ne aliquis in aliqua una Ec-

cleſiarum noſtræ civitatis & Dioceſis duo beneficia habeat, niſi præbendis Theſauraria, Scholaſtica, ſeu alia officia de conſuetudine ſint annexa, in omnes & ſingulos contrarium facientes, tam conferentes, quam detinentes, ſententias ſuſpenſionis & excommunicationis ſerimus in his ſcriptis. Et præcipimus ſub poena excommunicationis ſententiæ lætæ, in his ſcriptis, eaſdem ſententias per Decanum, ſive per Hebdomadari-um, aut Seniore de Capitulo, qui pro tempore fuerit, publicari. In ejus proceſſus teſtimonium, ſigillum noſtrum præſentibus eſt appenſum. Actum & datum anno Domini MCCXCVII. die Jovis poſt Dominicam, *Meſſerovichas Domini &c.*

Batavia ſæcra pag. 172.

SYNODUS DIOECESANA HERBIPOLENSIS,

A MANEGOLDO, HERBIPOLENSI EPISCOPO, CELEBRATA

Anno Chriſti MCCXCVIII. Bonifacii VIII. Papæ IV.
Adolphi Regis VII.

Iſta Statuta, omnibus animas regentibus valde neceſſaria & utilia, per Nos MANEGOLDUM Episcopum Herbipoleſem anno Dominicæ Incarnationis MCCXCVIII. in plena SYNODO, de conſilio Prælatorum noſtrorum & aſſenſu, de novo ſunt edita; horum ſiquidem Statutorum in quolibet Decanatu Rurenſi copia ad manus præcipitur eſſe una, honeſtum tamen eſt & conſultum, quod in qualibet Patrochia una copia habeatur.

I.

De Dominica præcedente Synodum, Sacerdotes, qui Capellanos non habent in ſuis Parochiis, diligenter inquirent publice in Eccleſiis, ſi qui ſint infirmi in Parochia, & Feria inſequenti, ſive antequam iter arripiant, eos communicent, etiam non requeſiti, & faciant quicquid neceſſe fuerit ad ſalutem animarum, nihilominus tamen procu-

rantes proviſionem eorum fieri per Capellanos vicinos in aliis Eccleſiis remanentes.

Præcipimus inſuper, ut omnes veniant ad Synodum, maxime curam animarum habentes, & ſi inevitabili neceſſitate detenti fuerint, mittant Capellanum ſuum, aut Clericum ſuum loco ſui. In eundo & redeundo honeſte ambulent, & honeſte requirant Hoſpitia, & in eis circum-

Manegoldus, Episcopus Herbipolenſis, ſedit ab anno 1287. ad 1303. idem Concilio Aſchaffenburgensi anno 1292. interfuit, & ab eo redux hanc Synodum celebravit in ſua Eccleſia.

Ducimus hic Manegoldus de Newtamburg anno 1302. obſiſſe videri. *Germania ſæcra Parte I. pag. 15.*

circumspēcte se habeant, ne status Clericorum vertatur in populo in ludibrium, opprobrium, & contemptum, & qui ex causa remanet, eam Decano, & Decanus Episcopo studeat intimare.

Item; præcipimus Sacerdotibus, ut jejuni veniant, & induti superpelliciois ad Synodum.

Item; præcipimus Sacerdotibus sub pœna suspensionis ab officio, quod a tempore publicationis Synodi, omni occasione postposita, majorem Ecclesiam intrare festinent.

II. De Baptisate.

Laicus, qui in necessitate puerum baptisavit, diligenter interrogetur a Sacerdote, quid dixerit, & quid fecerit: & si Sacerdos eum invenerit discreto modo & debito baptisasse, allato puero ad fines Ecclesie, suppleatur quod deest, scilicet: pabulum, sal, aurum inunctio cum saliva; Exorcismi tamen non dicantur super fontes, & sine immersione fiant omnia, quæ fieri solent.

Ad elevandum etiam puerum e sacro Fonte, tres tantum recipiantur.

III. De Divinis Officiis.

Sacerdos celebrans, diligenter attendat, quod hostia sit integra, & vinum non sit acetosum, & quod aquam non obmittat: quod si autem obmiserit, quando advenit, apponet aquam si sine scandalo fieri potest: si vero per negligentiam evenierit, quod perlecto canone, & peracta consecratione, nec sanguis, nec aqua reperitur in calice, debet statim infundere utrumque, & a consecratione sanguinis incipere.

Item præcipimus Sacerdotibus, ut quando inceperint in Canone Missæ: *qui prius est*, tenentes Hostiam, non elevent eam, sed ante pectus detineant, donec dixerint: *Hoc est Corpus meum*, & tunc elevent eam decenter, ita ut possit videri, & post susceptionem Corporis & Sanguinis Domini ab expiendo abstinere, & si abstinere non possint, in loco mundo hoc faciant, qui conculcari non possit.

Si quid de Sanguine Christi ceciderit super corporale, fugenda est parsincta, & ipsum corporale panno mun-

dissimo involutum pro Reliquiis servandum: Si vero super pallam vel super aliud sacrum indumentum, pars inuncta prius fugatur, & postea scindatur & comburatur, vel confusa panno fervetur pro reliquiis, ita tamen, quod super pannum cedula nomina illarum reliquiarum continens apponatur: si autem super aliud commune vestimentum ceciderit, pars inuncta prius fugatur, & comburatur, & cinis in Sacrario reponatur: si super lignum, Lapidem, vel Terram ceciderit, tergendus & radendus est locus ille, & pulvis in Sacrario reponendus: si autem de Corpore Christi super quodlibet aliud Indumentum ceciderit, pars, super qua ceciderit, abluatur, & ablutio a Sacerdote sumatur, vel ab alio mundæ conscientie: si vero super Lapide, Lignum, & Terram, locus radatur & pulvis in Sacrario reponatur: Sacerdos autem, sive Minister, cujus negligentia hoc acciderit, debet mitti ad Episcopum. Si musca, vel aranea, vel aliud tale in ipsum calicem ceciderit, quod vix sine vomitu, & aliquando sine periculo corporis sumi possit, sanguis sumatur superfulso vino, & ipsum quod ceciderit abluatur, & ablutio a Sacerdote sumatur, vel ab alio mundæ conscientie, & postea illud in Sacrario comburatur, quod si fides ipsa id, quod ceciderit, quempiam sumere fecerit; Deo gratus.

Sacerdos die octavo renovet Sacramenta, Eucharistiam, & Fontem benedictum, ne sui vetustate aliqui ad indevotionem, moveri valeant aut errorem. Nullus antequam matutinas Canonicas, primam & tertiam dixerit, Missas celebrare præsumat, præter aliquam necessitatem. Calix post Missam panno mundissimo involvatur, nec Ministri cum eodem calicem intus detergant, sed alio ad hoc specialiter deputato, quod si non satis decens fuerit, vel vetustate contritus, in Sacrario comburatur.

Nullus audeat bis in die celebrare Missam, nisi magna necessitas id exposcat, excepto die Nativitatis Domini: unam autem Missam cantabit Sacerdos in die, & de die; felix enim est. Qui unam digne celebrare potest; & aliam, si necesse est, cantare poterit pro defunctis: ideo autem *de die* est dictum, quod qui-

dam postposito officio feriali Missam celebrent de Sanctis, quorum Festivitates tunc non sunt; sunt enim secundum congruentiam dierum Missarum solemnior celebranda; celebrantes quoque Missam secundam, vinum perfusionis non sumant, sed Ministro habenti bonam conscientiam conferatur.

Inhibetur Presbyteris, ne hostias dent parvis ullo modo, nisi causa communicandi.

Invenimus X. sequentes præfationes in cathalogo tantummodo recipiendas: unam in Paschate videlicet: *te quidem omni*, aliam in Ascensione scilicet: *qui post Resurrectionem*, tertiam Pentecostes. Quartam de Trinitate, *qui cum Unigenito*. Quintam in Festo Beatæ Mariæ. Sextam in Festo sanctæ Crucis. Septimam de Apostolis. Octavam in Natali Domini. Nonam in Epiphania. Decimam in Quadragesima scilicet: *qui corporali*.

Districte præcipimus, ut Sacerdotes Divinum Officium nocturnum & diurnum pariter distincte & aperte, quantum Deus dedit, celebrent & devote: honestum siquidem esset, quod stantes Canonicas Horas dicerent, maxime in diebus festis, ut alii videntes laborem & devotionem glorificent Patrem nostrum, qui in Cœlis est.

Præcipimus, quod in Altari in quo tabula mota fuerit, vel enormiter fracta, Sacerdos non celebret, donec Altare consolidetur, & iterum consecratur: & ampullæ scilicet vini & aquæ in Ministerio Altaris sint munda, integræ, vitreæ, vel stannæ, aureæ sive argentæ, sed ad ablutionem manuum vas grandius deputetur.

Provideant etiam Sacerdotes, quod lavatoria habeant juxta altaria, decentia, munda, ablutionibus cursum liberum exhibentia, nec sine coopertorio relinquuntur: juxta altaria etiam ad minus etiam manutergia habeantur, unum ad primam ablutionem, secundum post Evangelium, tertium post Sacramenti sumptionem, sed & unum sit pendens circa Missale ad tergendum os & nares, si opus fuerit, Sacerdotis.

Sacerdos, sive Diaconus corporalia sæpe abluant, induti superpellicio, in vase mundo ad hoc specialiter deputato, &

omnes ablutiones, si fieri potest, in lavatorio reponantur, vel saltem prima, ceteræ autem in baptisterio: Item altaris linteamina & indumenta Sacerdotalia non nisi a Sacerdote, vel Diacono, vel ab aliqua matrona, vel virgine, sine appositione aliorum pannorum convenienter, quando opus fuerit, abluantur.

Statuimus, ut per omnes Ecclesias Chrisma & Eucharistia sub fidelibus clavibus adhibitis conservetur, ut non possit ab illa temeraria manus extendi: si vero, ad quem spectat custodia, eam incaute reliquerit, tribus mensibus ab officio suspendatur, & si per ejus incuriam aliquid nefandum inde contigerit, gravius puniatur.

In hoc Concilio firmiter inhibemus, ne suppellectilia propria, sive aliena in Ecclesiis admittantur, nisi propter hostiles incurfus aut incendia repentina, sive alias necessitates, ut populum ad eas oporteat habere refugium, sic tamen, ut necessitate cessante cuncta reperantur.

Librum, qui dicitur Manuale, secum habeant singuli Presbyteri Parochiarum, ubi continetur ordo Baptismi, Catechismi, extremæ Unctionis, & hujusmodi libros alios, in quibus possit Divinum tam diurnum, quam nocturnum officium celebrari.

Præcipimus Sacerdotibus: ut omnes redditus Ecclesiæ conscribant, & de rebus Ecclesiæ nihil alienent, nisi per Episcopum: nullus etiam Sacerdos terram transeat sine libro, in quo Canonicas horas omni die legant, prout necesse est; Imagines vetustate deformatæ, & linteamina sacra vetustate attrita, sacris usibus inutilia comburantur in loco mundo, & pulvis juxta parietem recondatur Ecclesiæ, quia posset intuentes ducere in errorem.

Præcipimus Sacerdotibus: ut Divino Officio celebrato, & populo regresso ad propria, Ecclesias suas firmare studeant diligenter.

III. De Cæmeteriis.

Prohibeant Sacerdotes sub pœna excommunicationis, choreas maxime in Cæmeterio, vel in Ecclesiis duci: moneant etiam, ne alibi fiant, quia, ut dicit Augustinus: *Melius est etiam in festis diebus*

diebus fodere vel arare, quam choreas ducere, & quia grave peccatum sit in loco sacro choreas ducere; perpendi potest ex pena secundum rigorem Canonum talibus injungenda: si quis enim choreas, vel balatos in Ecclesiis Sanctorum fecerit, emendationem pollicitus, tribus annis poeniteat. Nullus de novo in Cœmiterio ædificare permittatur, nec domus aliquæ, si dirutæ fuerint, durante per annum ruina, ibi reædificentur, nec finus, nec immunditiæ aliquæ in Cœmiteriis admittantur.

IV. De vita & honestate Clericorum.

Clerici officia vel commercia secularia non exercent, maxime inhonesta nimis; Jocularioribus & Histrionibus non intendunt; Tabernas Presbyteri evitent, nisi forte in itinere constituti: ad aleas, vel taxillos non ludant, nec talibus ludis intersint; coronam & tonsuram habeant competentem, & se in officiis & aliis bonis studiis exercent diligenter. Vestimenta ordinem Clericalem decencia deferant, nimia brevitate vel longitudine non notanda; pannis viridibus, vel rubeis, nec non manicis, aut focularibus, frœnis, sellis, pectoralibus, calcaribus deauratis, aut aliis superfluitatem generantibus non utantur; fibulas omnino non ferant, neque corrigias, auri vel argenti ornatum querentes, sed nec annulos, nisi quibus id competit ex officio dignitatis, palliis diffablatis non utantur in publico, sed vel post collum, vel ante pectus connexis.

Nullus Clericus sententiam sanguinis dicat vel proferat, nec sanguinis iudicium exercent, aut, ubi exercentur, intersint.

Nullus Clericus, Diaconus, Subdiaconus, aut Sacerdos artem Chyrurgicam exercent, aut ubi exercentur, intersint, nec quisquam purgationem aquæ fluentis vel frigidæ, sive ferri candentis, seu ritum cujuslibet benedictionis ante consecrationem impendat.

Continenter & caste vivere studeant universi in sacris Ordinibus constituti, ab omni libidinis vitio præcavescentes, maxime illo, propter quem venit ira Dei in filios diffidentiae, quatenus in conspectu Omnipotentis Dei puro corde &

mundo corpore valeant ministrare. Ne vero facilitas veniæ incentivum tribuat delinquendi, statuimus, ut qui comprehensi fuerint incontinentiæ vitio laborare, prout magis vel minus peccaverint, puniantur secundum Canonicas Sanctiones, quas efficacius & districtius præcipimus observari; ut quos timor Dei a malo non revocat, temporali saltem pœna cohibeantur a peccato. Si quis igitur hac dicta pœna suspensus præsumpserit celebrare Divina, non solum beneficiis spoliatur, verum etiam pro duplici culpa perpetuo deponatur: sciat etiam se irregularitatem incurrisse, a qua non poterit absolvi, nisi auctoritate Sedis Apostolicæ speciali.

A crapula & ebrietate omnes Clerici diligenter abstineant, unde vinum sibi temperent; cum ebrietas mentis inducat exilium & libidinis provocet incentivum: unde illum abusum penitus decrevimus abolendum, quo in quibusdam partibus ad potus æquales suo modo se obligant potatores, & ille iudicio talium plus laudatur, qui plures inebriat & calices secundiore exhaustit: si quis autem ex his culpabilem se exhibuerit, nisi, a Superiore communitus, satisfecerit, ab officio & beneficio suspendatur.

Inhibemus etiam, ut nullus Sacerdos scēminas, de quibus suspicio potest esse, habere secum in domo præsumat, sed si quam de his necessitatem habuerint Presbyteri, habeant in vico domus longe a sua conversatione, & ibi eis necessaria subministrent.

Prohibemus etiam sub pœna excommunicationis districtissime, ut nulla scēmina ad altare præsumat accedere, & Presbytero ministrare, aut inter cancellos stare vel sedere, quando sacra mysteria celebrantur.

Prohibemus Sacerdotibus districtè, ne secum prolem habeant, quam in sacris ordinibus genuerint, propter scandalum evitandum.

Prohibeant Sacerdotes, ne laici publice teneant concubinas, & si post ammonitionem trinam tenuerint, tam ipse, quam ipsa ab ingressu Ecclesiæ arceantur, & si perseveraverint, gravius puniantur.

Item in hoc Concilio est statutum, quod antiquæ Reliquiæ extra caplam ammōdo non ostendantur, nec exponantur venales; inventas autem de novo nemo publice venerari præsumat, nisi prævis auctoritate Romani Pontificis fuerint approbata.

V.

Nullus passim recipiatur ad prædicandum, vel ad audiendum confessiones, five ad injungendum poenitentias, nisi fuerit authentica persona, & ad hoc ab Episcopo destinata, quod licet quilibet Sacerdos in sua ordinatione potestatem ligandi & solvendi recipiat, executionem tamen non recipit, nisi sibi a *Papa*, vel suo Episcopo, conceatur: unde nulli Plebanorum Socii audire confessiones vel prædicare præsumant, nisi de indulgentia speciali Episcopi; Quæstores quoque elemosinarum tantum ea dicant populo, quæ in literis Domini Papæ vel Episcopi continentur, nec ultra prædicare, cantare, vel legere permittantur: Sacerdos autem loci populum sibi commissum diligenter inducat ad elemosinas erogandas pietatis intuitu.

VI.

Statuimus, quod ornamenta Ecclesiæ non obligentur pignori, nisi pro necessitate Ecclesiæ, & de consensu Parochianorum: Calices vero & vestes sacræ Judeis non exponantur, nisi firmiter oblerentur, ne ipsorum manibus valeant attraheri, quibus, ubi possunt, contumeliam irrogant Salvatori.

VII.

Prohibemus Sacerdotibus & aliis Clericis, ut aliqua de Ecclesiis suis Domino terræ, vel cuicumque alii hominibus, vel aliquid tale facere non præsumant, donec habeant sui Episcopi consilium, ut ejus auctoritate fiat, quod fuerit faciendum.

VIII.

Nullus curam animarum habens, vel non Sacerdos Ecclesiam ad firmam vel sub annuo censu recipiat, nec Sacerdos etiam, nisi de Episcopi licentia speciali.

IX.

Prohibemus Sacerdotibus, ut cum res, vel homo Ecclesiæ detinetur, mo-

neant detentorem, ut reddat vel recedat, & Sacerdos & Decanus cautionem recipiant, & coram Episcopo vel Officiali partibus assignent terminum competentem; si autem reddere vel recedere noluerit, & de detentione confiterit, locum, in quo homo vel res Ecclesiæ detinetur, interdicto supponant, si locus est de Dominio detentoris, alioquin detentorem monitione præmissa per Episcopum vel Officialem ejus ad hoc compelli volumus Ecclesiasticam per censuram, & hæc ipsa Ordinatio a Plebanis & Parochis suis frequentius publicetur.

X.

Nullus Clericus, vel Religiosa persona, vel laicus recipiat Decimam de manu laici, nisi per manum Episcopi.

XI.

Districte præcipimus, ne Sacerdotes cultellum cum cuiusde potrent, vel in aliis ordinibus constituti, vel etiam alia arma, nisi iusti causa timoris.

XII. De Testamentis.

Prohibemus Sacerdotibus, ne sua Testamenta ordinent per manum laicalem: & ipsi frequentius prohibeant laicis, ne testamenta sua faciant sine præsentia Sacerdotis, nisi Sacerdos ex industria noluerit interesse.

Præcipimus Clericis, ut immobilia de bonis Ecclesiæ acquisita, tantummodo suis legent Ecclesiis, cum de jure de illis aliud disponere non debeant, five possint: de bonis vero suis mobilibus poterunt facere rationabile testamentum: domum vero, utensilia, ac suppellectilia successori- bus suis relinquunt.

XIII.

Præcipimus omnibus Clericis habentibus Ecclesias, ut ad singula temporaria Ordinum se offerant ordinandos: & qui ordinati sunt, in Ecclesiis suis resideant, nisi eis de licentia Episcopi aliter facere permittatur.

XIV.

Presbyteri super excommunicationibus vel absolutionibus faciendis, & Divinis retinendis, cuicumque sine literis non credant: sententias exequantur audacter, latus stricte servant, nec timore parcentes alicui vel amore.

Cum

Cum aliquid mandabitur Decanis, vel aliis Plebanis, & Mandatores alias certificari de executione non possint, apponant sigilla sua, vel alia authentica, si propria, quod absit, non habeant, ad litteras Mandatoris, in signum executionis per eos fideliter adimpletæ.

XV. De Excommunicationis.

Quando aliquis excommunicatus ab Ecclesia absolvendus est, super hoc pars adverte certificetur, & tunc sollempniter Psalmo penitentiali: *Miserere*, & Oratione: *Absolve*, devote, & cum gravitate absolutio impendenda, injuncta sibi penitentia saluari. Sciendum est, quod excommunicati sunt ipso facto, qui in Clericos, vel Religiosas personas manus injiciunt violentas, incendiarii Cemiteriorum, & Ecclesiarum, & qui litteras Domini Papæ falsant, vel ad hoc ammiculum parant, vel etiam falsas apud se scienter ultra XV. dies servant, vel falsis utuntur etiam ignoranter, si gravis sit ignorantia & lupina. Item excommunicati sunt per Episcopum fortilegia de Sacramentis Ecclesiæ facientes, & qui malinose procuraverint abortum. Sciendum etiam, quod excommunicatus a quolibet Sacerdote absolvi potest in articulo mortis, satisfactione præmissa si fieri potest, si pro offensa mansueta, vel re judicata excommunicatione fuerat innodatus: sane si quisquam tanta paupertate gravetur, quod satisfacere nequeat præter cautionem, dum ad forenam pervenerit pinguorem, etsi nullam aliam præstare possit, recipiatur in communionem.

XVI. De Jejunis.

Sacerdotes præcipiant omnibus ætatem adultam habentibus, instituta Ecclesiastica observare, ut jejunium quadagesimale; Quatuor temporum, Vigiliarum, scilicet: Natalis Domini, Assumptionis Beate Mariæ, Beati Johannis Baptiste, Apostolorum, præcipue Petri & Pauli, Laurentii Martyris, omnium Sanctorum, jejunium in Litanis Majori, Festo beati Marci, & in diebus Rogationum; excipiuntur tamen Vigiliæ Apostolorum Philippi & Jacobi, & beati Johannis Evangeliste, quoniam illorum festivitates intra sollempnitatem Paschalem, istius autem intra Natale Do-

mini celebratur, si quæ autem de Vigiliis jejunandis die Dominico evenierit, indicandum est jejunium die Sabbati præcedenti.

XVII. De Diebus Festivis.

Prænuntiandum est etiam Laicis, ut sciant tempora feriandi per annum, in omni Dominica a vespere usque ad vespeream cum omni veneratione ferianda: Isti autem sunt dies feriati, qui ob reverentiam Dei & Sanctorum noscuntur esse statuti, scilicet: Natale Domini, sancti Stephani, sancti Joannis Evang. Innocentium, sancti Thomæ, Circumcisionis Domini, Epiphaniæ, quatuor Festivitatum beate Mariæ Virg. dies Parasceve cum omni reverentia, & honore, Resurrectionis cum tribus diebus sequentibus ad minus, Ascensionis Domini, Inventionis sanctæ Crucis, Pentecostes cum duobus qui sequuntur, sanctorum Martyrum Bonifacii, Viti, & Albani, Nativitat. beati Johannis Baptiste, XII. Apostolorum, sancti Laurentii, sanctorum Martyrum Kiliani, sociorumque ejus, in quorum honore etiam ista mater vestra est fundata, beate Mariæ Magdalene, sancti Michaelis Archangeli, Dedicationis scilicet Oratorii, & præcipue Dedicationis istius Ecclesiæ, Maris vestre, omnium Sanctorum, sancti Martini, sancti Cyriaci, beate Virginis Catharinæ, beati Nicolai, cum ceteris Festivitatibus ac sollempnitatibus, quas singuli Presbyteri in suis Parochiis ab antiquo collaudaverunt cum populo, non enim illæ Festivitates sunt generaliter omnibus indicende: de reliquis Festivitatibus per annum non sunt cogendi ad feriandum, sed monendum juxta morem antiquum.

XVIII. De Sponsalibus & Matrimonio.

Prohibemus sub poena excommunicationis, & magnæ emendæ, ne aliquæ personæ consentiant in Matrimonium per verba de presenti, donec sint ante fores Ecclesiæ, quando debet Nuptialis benedictio celebrari, possunt autem dare fidem inter se de Matrimonio contrahendo, si sancta Ecclesia id poterit sustinere, ut hoc modo non fiat sine præsentia Sacerdotis, & hoc Sacerdotes frequentius in suis Parochiis publicabunt.

Clandestina Matrimonia penitus inhibemus, prohibentes etiam, ne quis Sacerdos talibus interesse præsumat, & statuentes: ut cum Matrimonia fuerint contrahenda, in Ecclesiis Presbyteri publice proponant competenti termino præfinito, ut infra illud, qui voluerit, legitimum impedimentum opponat, & ipsi Presbyteri nihilominus intellegant, utrum aliquod impedimentum obstat: cum autem probabilis apparuerit conjectura circa copulam contrahendam, contractus prohibetur expresse, donec quid circa illud fieri debeat, constet documentis: si quis autem hujusmodi clandestina matrimonia inire præsumpserit in gradu prohibito etiam ignoranter, soboles de tali conjunctione suscepta prius illegitima censeatur, cum illi taliter contrahendo non expertes scientiæ vel saltem affectionis ignorantia judicantur. Quod si ambo contrahentes impedimentum scientes legitimum, præter Ecclesiæ interdictum, & in conspectu Ecclesiæ contrahere præsumpserunt: sane, si Parochialis Sacerdos tales conjunctos prohibere contempserit, aut etiam quilibet alius Regularis, qui eis præsumpserit interesse, per triennium ab officio suspendatur, quin & his, qui taliter copulari præsumpserint etiam in gradu concessio, condigna penitentia injungatur: si quis autem ad impediendam legitimam copulam maliciosum impedimentum objecerit, Canonicam non effugiet ultionem.

Volumus autem & præcipimus, quod terminus prætaxatus tanto sit temporis intervallo, quod in le tres Dominicos vel Festivis contineat, in quibus tribus edictis perquirat Sacerdos a populo sub pena excommunicationis de legitimitate Sponsi & Sponsæ, qui debent conjungi, videlicet utrum inter eos sit consanguinitas vel affinitas, disparitas cultus, publicæ honestatis justitia, votum solempne, delicti enormitas, error personæ, error conditionis, violentia, sacer ordo, ligamen, & minor ætas, aut compaternitas &c.

Semper sub pena excommunicationis prohibeantur forilegia in nuptiis fieri: si autem in computatione graduum aliqua dubitatio emergerit, in hoc diffinitio Episcopi requiratur, nec Sacerdos

quicquam in casu dubio audeat proferre super Matrimonio, Archidiacono consulto, sed ad ipsum referant quæcumque emerferint super Matrimonii quæstiones.

XIX. De Extrema Unctione & cura infirmorum.

Ad Sacramentum extremæ Unctionis populum sæpe moneant Sacerdotes non tantum divites, sed & pauperes, & maxime a XIII. annis & supra, ut ad id omnes pariter, cum fuerit necesse, exhibeant se paratos, sacrum Oleum cum magna reverentia portant. Docceant sæpe Sacerdotes populum, hoc Sacramentum posse iterari & recipi in qualibet magna necessitate, unde mortis metus poterit formidari.

Statutum est in Concilio Generali, (a) & districtè injunctum medicis corporum, ut cum eos ad infirmos vocari contigerit, ipsos ante omnia moneant & inducant, ut medicos advocent animarum, ut postquam infirmis fuerit de spirituali provisorio salute; ad corporalis medicinæ remedium salubrius procedatur: si quis autem medicorum hujus constitutionis transgressor sit, sitit, tamdiu ab ingressu Ecclesiæ autetur, donec pro transgressione hujusmodi satisfecerit competenter: cæterum cum anima multo pretiosior sit corpore; sub interminatione anathematis prohibetur, ne quis medicorum pro corporali salute adquirenda ægro suadeat, quod in periculum animæ convertatur.

Singuli Sacerdotes singulos habeant calices, in quibus communicantur infirmi, qui decori sint & munda, ut in eis infirmorum devotio excitetur, nec permittatur Diaconis deferre Corpus sanctum Domini infirmis, nisi in necessitate, sed semper cum magna reverentia deferatur in pixide idonea, bene clausa, propter casum: & in eundo ad infirmos & redeundo VII. Psalmos Penitentiales dicant & Litaniam; frequenter moneant laicos ut, ubicumque viderint deferri corpus sanctum Domini, statim genua flectant, tanquam Deo & creatori suo, & junctis manibus donec transferre orent: statuimus etiam: quod quilibet Sacerdos infirmum in extremis laborantem absolvar ab omnibus, a quibus ipsum absolvere potest.

Si

(a) Ex Concilio generali Lateranensi anni 1215. refertur cum infirmitas: De penitent. & remissione Cap. XIII. Lib. V. Decretalium Gregorii noni.

Si quid de Corpore Christi ab ore infirmi ceciderit, vel inde exierit, quod non possit recipi vel sumi, aut comminutum in calice cum modico vino, alteri habendi bonam conscientiam detur: si autem infirmus adeo fuerit arctatus, quod sub forma magna Corpus Christi sumere non possit, sub minima ei detur in calice comminutum, ut cum modico vino in ore instilletur, maxime si sine scandalo fieri possit, ne infirmus obire sine viatico videatur. Ab infirmis in articulo mortis constitutis inquirenda est peccatorum confessio, non poena injungenda; eiseit tamen instimandum, ut conterantur & dolant de peccatis suis universis & singulis non timore poenæ, quam peccando incurrerunt, sed quod Deum Patrem, & Creatorem, & Redemptorem suum offendere præsumpserunt, acerbitates ægritudinis, & flagella pii Pastoris, quamdiu placuerit, cum gaudio sustinentes: si autem convalescerint, statim ad Sacerdotem accedere debent, ut tunc eis poenitentia competens injungatur.

XX.

In Concilio Lateranensi prohibetur, ne aliquis Presbyter in Benedictione Nubentium, Exequiis mortuorum, & aliis Sacramentis pecuniam extorquere præsumat, aut propter hoc nichil impedimenta opponat, debent tamen a Parochianis, quibus impenfa sunt Sacramenta, pæ consuetudines observari, & sunt per episcopum compellendi, qui nituntur laudabilem consuetudinem immutare: imo inhibemus, ne Sacerdos aliquis in casibus hujusmodi sibi jus audeat dicere, sed apud Superiorem querelam deponat.

XXI. De Poenitentia.

Præcipimus: ut Sacerdos Episcopo, vel Poenitentiaris suis, saltem semel in anno confiteatur, permittat autem Episcopus interdum, quoties opus fuerit, eos aliis Sacerdotibus confiteri; Clerici autem, quando Ordines recipere voluerint, Episcopo vel Poenitentiaris suis confiteantur, ne forte per simplicitatem Confessoris irrecti irregularitatem ordinentur.

Doceatur maxime ante Quadragesimam: *Omnis (a) uterque sexus fidelis*, quod postquam ad annos discretionis pervene-

rit, omnia sua peccata saltem semel in anno confiteatur fideliter proprio Sacerdoti, & adjunctam sibi poenitentiam pro suis viribus studeat adimplere, suscipiens reverenter ad minus in Pascha Eucharistiæ Sacramentum, nisi forte de proprio Sacerdotis consilio ob aliquam rationabilem causam ad tempus ab ejus perceptione duxerit abstinendum; alioquin & vivens ab ingressu Ecclesiæ arceatur, & moriens Christiana careat sepultura: unde & hoc salutare statutum frequenter in Ecclesiis publicetur, ne quisquam ex ignorantia cecitate velamen excusationis assumat: si quis autem alieno Sacerdoti voluerit, juxta decreta, confiteri peccata, licentiam prius postulet & etiam obtineat a proprio Sacerdote, cum ipse aliter illum non possit absolvere vel ligare: Sacerdos autem sit discretus & cautus, more periti medici superfundat vinum & oleum vulneribus lauci: diligenter intelligat, quale debeat ei præbere consilium & cujusmodi remedium adhibere, diversis experimentis utendo ad sanandum ægrotum: caveat autem Sacerdos omnino, ne verbo vel signo aut alio quovis modo prodat aliquatenus peccatorem, sed, si prudentiori consilio indigerit, illud absque ulla expressione percaute requirat: quoniam qui in poenitentiali iudicio sibi detectum præsumpserit revelare peccatum, non solum a Sacerdotali officio deponendum decrevimus, verum etiam ad agendam poenitentiam perpetuam in ætrem Monasterium detrudendum. (b)

Sunt tamen nonnulli, qui ignorantia cecitate seducti, cum ad Nos in illis articulis, in quibus Nobis tanquam Episcopo jus dispensandi competet, Parochianos illorum cum litteris suis transmittunt, & nude scribere non verentur: *Tales ad vos mittimus, qui nobis talia crimina sunt confessi, in quibus vobis jus competit dispensandi, unde petimus &c.* quod sub præmissa poena fieri de cætero prohibemus, cum per hoc confessiones certissime prodere videantur, sed sic in genere scribant: *Talem ad vos mittimus, qui perpetravit quendam casum, cujus ad vos dispensatio dignoscatur pertinere &c.* & ex tunc ille nullus ad Nos veniens, illum casum Nobis vel Poenitentiaro nostro non designat confiteri eo modo servato, quod ma-

(a) Canon XXI. Concilii generalis Lateranensis anni 1215. refertur *Lib. V. Decretal. Tit. 38. De poenitent. & remission. Cap. XII.*

(b) Hactenus Canon Lateranensis.

manifesta peccata non sint occulta correctione purganda: quod si quis ad confessionem de criminibus venerit, & quamvis confiteri velit, se tamen asseruerit abstinere non posse, præcipimus: quod eorum confessio est recipienda, eisque de criminibus consilium exhibendum, quia licet non sit vera hujus poenitentia, admittenda est tamen eorum confessio, & salubribus monitis est poenitentia indicenda.

Consulimus & monemus: ne Sacerdos Missam injungat confitentibus, & ut cupiditatis fugiat vitium in hac parte, fructum, qui ex tali injunctione solet Sacerdotibus provenire, censeat pauperibus erogandum.

Ad audiendum confessionem, sibi eminentem locum eligant Sacerdotes, ut communiter possint videri, & in locis absditis extra Ecclesiam nullus recipiat confessionem, nisi in necessitate. In confessione habeat Sacerdos vultum humilem, & oculos in terram, nec indiscrete faciem respiciat confitentis, maxime mulieris, & patienter audiat, quid dixerit, & in spiritu lenitatis, eique pro posse suo pluribus modis persuadeat, ut confiteatur integre, nude, & vere: aliter dicat ei, non valere; in confessione etiam caveant Sacerdotes, ne inquirant nomina personarum, cum quibus peccaverint confitentes, sed circumstantias tantum, quæ possunt aggravare peccatum.

Cum ad Sacerdotem pro peccatis confitendis peccator accesserit, si confitens est ignotus, Sacerdos dicat primo, unde es tu? Clericus, an laicus? & utrum accesserit ad eum de licentia Majoris, & his similia: Item, si Dominus, Servus, pauper, vel dives, miles, vel burgensis, mercator, vel rusticus, pelliparius, vel cerdo, & sic de aliis officiis, & hæc omnia & his similia sunt inquirenda, ut Sacerdos postmodum cognoscat, qualiter & in quibus peccare potest ille, qui confitetur, & qua satisfactione poterit satisfacere, his verbis utendo: *Frater, Dominus non vult mortem peccatoris, sed ut magis convertatur* &c. quod hodie in te declaratur, quoniam non vult te occidere in peccato tuo, sed ut venias ad poenitentiam, tibi inspiravit; videas

igitur, ne stulticia deceptus, aliquod peccatum pudore, timore, vel tremore occultes, ego enim memetipsum consilio subportorem & oratorem peccatorum tuorum &c. Item caveas tibi, ne Deus tibi irascatur, ipse enim novit cogitationes hominum. Item scias, quod si celares ex industria aliquod peccatum mortale, veniam non posses consequi de aliis, nec præ magnitudine, nec præ multitudine occultandum est, aut præ enormitate peccatorum peccatum in confessione, nam ex magna misericordia Dei omnia in confessione lavantur: dicat igitur in nomine Dei: tunc indicet Sacerdos, quod ille inclinatus ad terram, nam ita docuit Dominus, de quo Evangelista dicit: *Inclinato capite emisit spiritum.* Item Sacerdos peccatorem audiens, caveat a cachinno, & risu, vel si sperare velit cum audierit peccata, ne peccator forte erubescat; & forte etiam pertimescat: si autem Sacerdos viderit illum suspirare, vel dubitare, vel etiam palpitare, & quasi palpitando pertransire, dicat ei: *Frater, dicas sincere, quod Dominus est nobiscum, & si vult Sacerdos, cum peccator aliquod peccatum enorme dixerit, poterit dicere: Dominus dimittat tibi, ut cetera familiarius dicat, qui confitetur, & tunc dimittat ipsum ulterius dicere; & caveat Sacerdos, ut cum peccator aliquod peccatum enorme dixerit, statim velit eum increpare: quia aliqui ex hoc erubescunt, & sic peccata sua in confessione relinquunt; non ergo arguendus est tunc, sed audita confessione magnitudo peccatorum est insinuanda.* Item si viderit Sacerdos, ipsum imperfecte & insufficienter dixisse, poterit eum, supplendo defectum ejus, de reliquis inquirere; ut de vit peccatis mortalibus quorum primum est *Superbia*, quæ est, ut *Augustinus*, perverse celsitudinis appetitus, & habet tri species; *Prima*, cum homo a se ipso æstimat habere bonum quod habet, & superbit de hoc, ut de ingenio, scientia, pulchritudine, bonis operibus, & hujusmodi. *Secunda*, cum homo bonum, quod habet, non dicit a Deo esse, sed dicit, quod habet suis meritis. *Tertia*, cum jactat se habere, quod non habet. *Quarta*, quando cæteris despectis singulariter vult videri per

per potentiam; de quibus inquirere poterit Sacerdos. Sequitur de *Invidia*, quæ est dolor alienæ felicitatis cum quis de malo proximi gaudet, & de bonis dolet, & tunc querere poterit de odio, detractio, murmuratio: Sequitur de *Ira*, quæ est, ut ait Augustinus, ulciscendi libido: & est triplex; est enim ira latens in corde; prorumpens in verba contumeliosa, & exercens vindictam, hic poterit querere, si injecerit manus violentas in Clericum, si percussit vel vulneravit proximum suum? Sequitur de *Acedia*, quæ est tedium boni, cum displicet alicui audire Missam, vel Prædicationem, vel interesse Divino Officio: est autem acedia torpor animi bonum inchoare negligens, hic querat, si fuerit negligens in officio, vel aliquid in eo prætermisit, vel fuerit piger in bonis faciendis, & distulit venire ad Ecclesiam diebus Dominicis & diebus Festivis? Sequitur de *Avritia*, quæ est secundum Bernardum, quarumlibet rerum infatigabilis & inhonesta cupido, & multas habet species, quæ sunt: latrocinium, homicidium, mendacium, perjurium, rapina, violentia, contemptus veritatis, obduratio cordis, simonia, & usura, & de his poterit inquirere Sacerdos: Sequitur de *Gula*, quæ est vorax edacitas, naturæ finibus non contenta, & quinque modis circa gulam peccatur, ut dicit Gregorius, primo, cum quis horam comedendi prævenit, secundo, cum quis querit cibaria pretiosa & delicata, tertio, cum quis mensuram excedit, scilicet nimis comedendo, quarto, cum quis nimis ardentem & festine comedit, quinto, cum quis nimis studiose cibaria sua præparat, & de his poterit inquirere Sacerdos. Sequitur de *Luxuria*, quæ est libidinosa voluptatis appetitus. Differentiæ luxuriæ sunt octo, prima est fornicatio, quæ est solui cum soluta; secunda meretricum, quæ fit dupliciter, scilicet, vel per vagam libidinem seu cum diversis, vel cum publice vœnali concumbendo. Tertia adulterium, quo conjugalis thorus violatur. Quarta stuprum, quo virginalis integritas corrumpitur. Quinta sacrilegium, quo continentia circa sacra læditur, ut in Religiosis & in Clericis in sacris Ordinibus, & in his, qui emisserunt votum continentiae. Sexta in-

cestus, quo vinculum consanguinitatis, vel affinitatis, vel compaternitatis corrumpitur. Septima, peccatum contra naturam, quo naturalis usus coeundi pervertitur, & circa inquisitiones hujus peccati caute habeat se Sacerdos, ut, si potest fieri, semper ex circumstantiis procedat, verbi gratia potest inquirere: Accidit tibi pollutio nocturna? si dicat sic; subjungat, aut ex ebrietate, vel crapula, aut præcedente cogitatione, vel ex contabulatione, vel tactu; pollutio enim nocturna alia est ex superfluitate, vel carnis infirmitate, alia ex crapula; alia ex imaginatione procedens & illicita cogitatione: quæ vero ex infirmitate, vel superfluitate naturali, quod idem est, non prohibet a communione Sacramentorum, nec a ministerio Altaris: illa vero, quæ ex crapula, si sit cum imaginatione secernit ab amministrazione, nisi necessitas cogat: si vero pollutio fuerit ex cogitatione præcedente, peccatum est, sed distinguitur, quia si cogitatio illa non processit ad consensum, pollutio ex illa proveniens veniale peccatum est; si vero processit ad consensum, tunc est mortale. Octava est libidinosus coitus conjugalis, qui multipliciter accipitur, alius enim licitus, alius fragilis, alius impetuosus, licitus est triplex, ut quando fit causa prolis ad cultum Dei, vel causa reddendi debitum, vel causa fornicationis vitandæ, non in se, sed in conjugate, & in his nulum dicitur esse peccatum. Fragilis est, quando fit causa delectationis; & tunc distinguitur, quia si amor illius delectationis præponitur Deo, mortale peccatum est; si vero postponitur, veniale. Impetuosus est, qui ex sola libidine proveniens metas honestatis & rationis transcendit, quod fit quinque modis; primo causa sanandæ libidinis per meretricias blanditias; secundo fit cum contra naturalem modum; tertio cum fit tempore prohibito; quarto cum fit loco prohibito. Quinto cum acceditur ad prægnantem vicinam partui, vel quæ est in fluxu menstrui.

Postmodum queratur de X. Præceptis Legis, sine quibus non est salus, utrum aliquis sit transgressus: Primum est; *Non habebis Deos alienos coram me.* Querat ergo utrum experimenta, vel incantationes, vel conjurationes pro

mulieribus, vel sortilegia pro rebus inveniendis fecerit, vel auguria servaverit, vel divinatores consultuerit? Secunda est: *Non affumes nomen Domini Dei tui in vanum*, hic quærat, utrum perjurium fecerit, vel habuerit verba extranea de Christo, & de Beata Maria? Tertium est: *Sabbata sanctifices*, hic inquirendum est, utrum die Dominico aliqua opera servilia fecerit vel festivo, ut arare, fodere, & similia, secundum quod visum fuerit ad officium continentis. Quartum est: *Honora Patrem & Matrem*, quærat hic, si patrem vel matrem percusserit, vel factis vel dictis ad iracundiam provocaverit, vel si eis in necessariis, si indigebant, non subvenerit? Quintum: *Non occides*, quærat, utrum occiderit voluntarie verbo, vel opere, consilio, vel auxilio: Item, si viderit aliquem in articulo mortis, & penuriam patientem, & eum statim pro posse suo non liberaverit, vel conceptum interemit, vel periculum docuit, vel venenum alicui miscuit. Sextum: *Non machaberis*, quærat, utrum uxorem proximi cognoverit, vel osculatus fuerit, vel inhoneste tractaverit, & ut eam haberet, quod ponit, fecit. Septimum est: *Non fur-tum facies*, quærat, si furtum fecerit, vel si furtive, quid rapuerit, quando & a quibus, & ubi & unde, & si latronibus consenserit. Octavum: *Non falsum testimonium dices*, quærat, si aliquis pro suo testimonio, vel occasione sui, res suas amiserit. Nonum: *Non concupiscas rem proximi tui*, hic prohibetur rei immobilis concupiscentia secundum Augustinum. Decimum: *Non desiderabis uxorem* &c. prohibetur concupiscentia rei mobilis & immobilis, estque secundum originem unum Præceptum cum præcedenti. Quærat igitur, si utrimque concupiscit rem aliquam de his, quæ hic prohibentur, concupiscit.

De quinque Sensibus corporis quærat primo de *Visu*, utrum libenter videat mulieres vel fornicatores, cum debuisset oculos avertere. Item si ivit ad videndum spectacula hujusmodi. Item de *Oderatu*, utrum detulerit species ad emittendum odorem bonum, ut mulieres alliceret. De *Auditu*, utrum libenter cantilenas, & alia vana, aut turpiloquia audierit. De *Gustu*, utrum falsas

carnes superfluas, provocantes luxuriam, comederit, vinum purum, vel forbilia biberit, vel provocaverit luxuriam, aut jejunia debita absque necessitate fregit. De *Tactu*, utrum mulieres tetigerit inhoneste.

Post hæc; quærat de officio, utrum in ipso aliquam fraudem fecerit, item quærat de interiore homine, de cogitationibus malis. . . . Postea quærat de circumstantiis aggravantibus peccatum, quæ in omnibus peccatis inquirenda sunt: *Præter*, in qua ætate fuerit, cum peccare mortaliter coeperit? Item quis fuerit, utrum eras liber, vel servus, seu in officio constitutus, sciens, aut ignarus, consanguineus, affinis, vel extraneus; Item, quid fecerit, utrum commiserit adulterium, vel fornicationem, homicidium, & similia? Item, ubi fecerit? utrum in sacro loco, vel prophano, aut in alio loco, cui excellentia debuit, ut sunt domus Dominorum, & aliorum multorum. Item, per quos, utrum per mediatores, aut nuntios, quia omnes tales sunt participes criminis, & dampnationis, & ipse confitens est obligatus pro pœnis ipsorum. Item, cum quibus, virgine, conjugata, soluta vel oppressa. Item, quoties debet confiteri simpliciter, & Sacerdos interrogare non peccata, sed quotiens, quia vulnus iteratum tardius sanatur? Item, cur, & quali temptationi, utrum prævenit temptationem, vel fuerit præventus ab ea sponte, an coactus cupiditate, an paupertate, vel ludo, vel jocundo animo. Item, de modo agendi. Item, in Quadragesima, vel in alio tempore, scilicet in Festis, & in similibus. Item, utrum ante penitentiam, an post, ipsam frangendo. Item, debet confiteri peccator de bonis obmissis, & malo exemplo. Item, confessione facta Sacerdos incipiat dicere contenti magnitudinem, & enormitatem cujuslibet peccati, sic addendo: Frater, vides te facinora perpetrasse, proponis de cetero non redire? si dicat sic; Dominus transferat a te peccata tua, unde tamen penam temporalem oportet te sustinere, aut hic, aut in purgatorio, jam elige tibi hic, vel ibi sustinere pœnas pro peccato Deo commissio: pro quolibet enim peccato deberet tibi imponi septennis penitentia: tamen quia ego & tu in-

firmi

firmi furus; & fragiles, dabo tibi, quod tu portare poteris, & tunc Sacerdos secundum arbitrium suum imponat pœnitentiam; ita quod respondeat peccatis, si fieri potest.

Tribus autem modis peccat homo, primo in Deum, secundo in proximum, tertio in se ipsum. Item, in Deum per blasphemiam, & huiusmodi, & tunc debet satisfacere per confessionem. Item, in proximum per rapinam, & tunc debet satisfacere per operis satisfactionem, restitutionem, vel elemosynam. Item, in se ipso, per gulam & luxuriam, & tunc debet satisfacere per vigilias, disciplinas, jejunia, & alias carnis macerationes.

Caveant tamen Sacerdotes cujuscunque status vel societatis fuerint, sive Religiosi, ne in his casibus in quibus solum dispensandi vel absolvendi jus Episcopo competit, absolvant aliquatenus pœnitentem, sed ipsum sub forma superius tradita, ad eundem remittant absolvendum, cum illis articulis potestatem solvendi non habeant vel ligandi, quia sic in illis solvendo aliqua vel ligando, absque licentia Episcopi speciali, in suæ damnationis pœnam animæ, miserabiliter decipiant pœnitentes.

Episcopus autem in his casibus dispensare potest: videlicet: cum falsario, scilicet ut detineatur, vel ad Papam mittatur, item cum idiota, jam promotus, quod maneat in statu suo. Item cum sacrilego, item cum promotus per saltum. Item cum servo promotus, si vult eum redimere. Item cum hæretico converso. Item cum Clerico suo ordinato ab alio Episcopo, & eo inconsulto. Item cum fure rerum Ecclesiasticarum, quod mitigetur ei pœna; item in eo quod tempore famis vendantur res Ecclesiasticæ, pro alimentis pauperum & redemptione captivorum. Item quod suspensus in patibulo, vel alias mortuus, vel occisus sine Eucharistia, si apparuerint signa pœnitentiæ, sepeliatur in Cimiterio. Item; cum Monacho ubi sit Capellanus populi in Parochiali Ecclesia, & hoc, si potest habere focium Monachum, alias non. Item cum alio qui juravit temere dum tamen juramentum non vergat in detrimentum animæ vel corporis. Item cum illis, qui fornicario coitu cognoverint

moniales. Item cum incestuoso, qui per errorem cognovit sororem uxoris. Item cum incestuoso similiter. Item potest dimittere pœnam Sacerdoti, qui male custodivit Eucharistiam, si mus comederit species. Item quod Sacerdos celebret eadem die in Altari ubi Episcopus celebravit. Item in pœna, si Presbyter baptizat cum veteri Chrismate. Item cum eo, qui ignoranter recepit ordines ab Episcopo excommunicato. Item cum Presbytero, qui pugnavit in duello, si mors infecuta non fuerit, vel debilitatio membrorum; item cum sectis in cunabulis, vel a Dominis, vel ab aliis, & cum castratis timore lepræ, & cum illis, qui ita nati sunt, ut promoveantur & qui promoti remaneant in ordinibus suis. Item executione officii sui præter quam in Missa, qui propter vitium carnis se castravit. Item cum Sacerdote, qui plures simul habuit concubinas. Item cum Sacerdote extraneo, vel qui celebrat occulte, licet non habeat litteras vel testetur de ordinatione sua. Item cum Rectoribus Ecclesiarum, si non veniant ad Synodum: semper enim tenentur venire; alias possunt puniri. Item potest mutare Canonicum, vel alium Clericum mutare ex causa rationabili de dignitate ad dignitatem & de beneficio ad beneficium, hoc ipsum per se facere non possunt. Item, quod viro converso uxor in sæculo remaneat, castimonia promissa, si non est suspecta persona. Item in voto quod in melius commutetur, nisi Hierosolymitano, & continentia. Item cum Sacerdote incauto, si in aliquo officium suum contingenti peccat. Item in observatione jejuniorum ex justa causa, etiam quod infirmi comedant carnes. Item cum Subdiacono vel Diacono, qui contraxit matrimonium, super beneficio in executione officii, si tamen contraxit cum Virgine, secus cum corrupta, vel dum contraxit bis. Item cum incestuoso, qui contraxit post pœnitentiam. Item cum illis qui contraxerunt Matrimonium contra interdictum Ecclesiæ ubi non est perpetua prohibitio. Item potest dispensare cum illo, qui ignoranter beneficium habuit simoniace, non in beneficio illo, sed in alio. Item cum homicidis, parricidis, & uxoricidis, quod contrahant Matrimonium. Item cum raptoribus secundum

dum formam juris. Item cum fure, item cum sacrilego. Item cum Clerico percussore, item cum Presbytero homicida in casu inevitabili dummodo illum casum non incidat sua culpa. Item cum eo, qui furtim ordines recepit. Item cum illis, qui modicam lationem per violentam manuum injectionem Clericis fecerunt, item mortuum excommunicatum a se vel Decessore suo, post mortem absolvere, si apparuerint penitentiae signo in eo, item subscripti in foro penitentiali similiter ad Episcopum sunt mittendi; videlicet, Homicida factio vel verbo, vel consensu; Simoniacus cujuscunque generis, in Ecclesia communem luxuriam committens cum vidua vel Sarracena; deflorator virginis seductæ; abutens Chrismate vel Eucharistia. Furtum in Ecclesia committens, & Clericus cujus negligentia hoc contingit, item coeuns cum Moniali, & muliere cum Religioso. Verberans patrem vel matrem. Item ille, qui in mortem conjugis machinatur, item contrahens matrimonium post votum castitatis, item procurans abortum sive sterilitatem in se vel in alio. Item excommunicatus nolens exire Ecclesiam & Divinum Officium perturbans, item contrahens Matrimonium post sponsalia cum alio, juramento interposito contracta, item invocans demonem. Item scienter corpus excommunicati in Ecclesia vel cimiterio sepeliens, item clandestine Matrimonium contra-

hens, item pro sacrilegio, violatione Ecclesiarum, item pro quolibet vitio contra naturam, item pro quolibet incestu. Item coeuns cum illa, quam baptizavit vel cujus confessionem audivit. Item excommunicatus ab Episcopo, vel usurarius manifestus & sic Sacerdotes in confessionibus majora majoribus reservantes solliciti existant, ut penitentibus pondus importabile non imponent; licet recipere sint parati & sic penitentiam temperent injungendam, ut a studio non cogantur cessare scolares, vel ab officio suo fabri vel alii, vel ut Dominum suum cursum sequi non possit, nec peccato occulto publicam penitentiam imponent, nec etiam publice penitentem scire faciant penitere.

In his ergo & aliis salutaribus monitis & doctrinis vos Sacerdotes, præcipue curam animarum habentes & regentes plebes vobis commissas a Domino caute, fideliter & diligenter instruere & informare studeatis & verbo & exemplo edificate, ne in extremo judicio sanguis earum de vestris manibus requiratur, imo talentum vobis traditum cum tanto lucro reddatis, quod, reddita ratione, tanquam fideles servi & prudentes, pro remunerationis præmio sempiterna gaudia una cum grege vobis credito recipere debeatis, ad quæ nos omnes perducatur ille, qui in æternitate vivit & regnat, amen.

Ex Cod. MS. Bibloth. Carmelit. Bambergens.

CONCILIIUM ARGENTINENSE

SUB FRIDERICO EPISCOPO.

Anno Christi MCCC. Bonifacii VIII. Papæ VI.
Alberti Regis II.

Fridericus Episcopus (a) inter ea, quæ ad honestatem Sacerdotalem pertineant, supra jus Pontificium, statutaque Provincialia Moguntina Metropolitana, Legem sanctissimam contra execrabilem concubinatum addidit, & promulgavit, quo more *Pii Patris* gravissimis

pænis etiam privationis beneficiorum affici, decrevit eos, qui famam suam negligunt, & reverentiam maculant Clericalem, focarias palam domi suæ nutrientes.

Wimpbelius in Catalogo Episcoporum Argentensium, & ex eo Guilielmus.

(a) *Fridericus de Liechtenberg, ex Præposito Ecclesiæ eligitur Episcopus Argentinensis 5. Septembris 1299. & ab Alberto Rege Romanorum regalia; ab Gerardo vero Archiepiscopo suo Moguntino, confirmationem electionis accipit eo die, quo electus fuerat. Obiit 1306. 20. Septembris. Sedit annis VI.*

SYNO-



SYNODUS COLONIENSIS

A WICHBALDO (a) ARCHI-EPISCOPO CELEBRATA

Anno Christi MCCC. Bonifacii VIII. Papæ VI.
Alberti Regis II.

TITULI CAPITULORUM XXII.

- | | |
|---|---|
| <p><i>I. De ætate & qualitate præficiendorum Ecclesiarum Parochialibus.</i></p> <p><i>II. De nominibus Pastorum, non residendum, & non ordinaturum, tradendis per Decanos.</i></p> <p><i>III. De apostatis, discessoribus, & vagis Clericis.</i></p> <p><i>IV. De illis, qui plura beneficia acceptant, & habent in una eademque Ecclesia.</i></p> <p><i>V. De Testamentis Clericorum.</i></p> <p><i>VI. De Testamentis Laicorum, & quorum debeant admoneri per Sacerdotes.</i></p> <p><i>VII. De Legatis fabricæ Ecclesiæ Coloniensis, & de pena celantium legata.</i></p> <p><i>VIII. Quod quilibet potest in læso infirmitatis condere testamentum, & ligare proprietatem, relicto usufructu, non obstant quocumque statuto.</i></p> <p><i>IX. Pœna contra contrarios statuentes.</i></p> <p><i>X. De inventario faciendo per manifestos, & quando licet apprehendere bona, inventario non confecto.</i></p> | <p><i>XI. De bonis Clericorum decedentium, & de huiusmodi bonis se intramententibus.</i></p> <p><i>XII. De manifestis usurariis.</i></p> <p><i>XIII. Ne quæstus fiat in Ecclesia, vel via publica per Concionatores quæstuarios.</i></p> <p><i>XIV. Ne aliquis detineat legata fabricæ majoris Ecclesiæ Coloniensis.</i></p> <p><i>XV. Ut unusquisque promoveat fabricam majoris Ecclesiæ Coloniensis.</i></p> <p><i>XVI. De laicis Provisoribus fructuarum Ecclesiasticarum.</i></p> <p><i>XVII. Ne campanarii sint illiterati.</i></p> <p><i>XVIII. Contra falsarios monetarum, & eorum receptores.</i></p> <p><i>XIX. Ne aliquis exsequatur mandata indebite, seu de scriptis.</i></p> <p><i>XX. Contra suspendentes totas vel litteras comminatorias ad portas, seu fores.</i></p> <p><i>XXI. Contra detentores ceracenſus.</i></p> <p><i>XXII. Quibus bonorum statutorum copia necessario habenda.</i></p> |
|---|---|

STATUTA D. WICHBOLDI, ARCHI-EPISCOPI COLONIENSIS.

WICHBOLDUS, DEI GRATIA, SANCTÆ COLONIENSIS ECCLESIAE ARCHI-EPISCOPUS, SACRI IMPERII PER ITALIAM ARCHI-CANCELLARIUS; UNIVERSIS PRÆLATIS, CAPITULIS, CONVENTIBUS, COLLEGIIS, ECCLESiarum REGTORIBUS, TOTIQUE UNIVERSITATI CLERI ET POPULI SUÆ CIVITATIS, ET DIOECESIS COLONIENSIS; SALUTEM ET INFRA SCRIPTORUM MEMORIAM PERPETUAM OBSERVANDAM.

- I. De ætate & qualitate præficiendorum Ecclesiarum Parochialibus.*

Licet Sacris Canonibus sit institutum, ne aliquis ad regimen Parochialis Ecclesiæ assumatur, nisi qui jam vigesimum quintum annum ætatis attigerit, & scientia, & moribus commendatus existat: plures tamen huius salubris statuti invenimus transgressores. Vo-

lentes igitur periculis animarum prospicere; inhibemus universis Archidiaconis, ac aliis, qui de consuetudine investire habere dignoscuntur, ne deinceps aliquem puerum vel aliquem alium, qui vigesimum quintum ætatis annum non attigerit, sibi præsentatum de huiusmodi Parochialibus Ecclesiis investiant, vel admittant. Contrarium facientes,

E 3

(a) Wichboldus, ex Decano majoris Ecclesiæ Coloniensis, electus anno MCCXCVII. Sedit ad annum 1306. 6. Augusti.

res, non solum ab ingressu Ecclesie suspendimus in his scriptis, verum etiam ipsam investituram decernimus non tenere.

II. De nominibus Pastorum non residentium, & non Ordinatorum tradendis per Decanos.

Item cum secundum jus, quilibet, qui ad curam animarum regendarum assumitur, ut gregis sibi crediti diligentius gerere curam possit, in Parochiali Ecclesia, cujus Rector extiterit, residere personaliter, & ad eam promoveri teneatur; alioqui etiam nulla monitione premissa, ipsa Ecclesia sit privatus: vobis Decanis Christianitatem committimus, & mandamus; quatenus nomina illorum, qui in vestris Decanatibus hujusmodi Ecclesias, utpote minores annis, occupant; & nomina Pastorum non residentium personaliter, in his scriptis nobis intra mensem post presentem diem tradatis, ut hujusmodi negligentiam & defectum de Prelatorum nostro consilio reformemus. Alioqui in vos ex tunc sententiam excommunicationis ferimus in his scriptis, & id ipsum in qualibet Synodo volumus observari in forma supradicta.

III. De apostatis, discursoribus, & vagis Clericis.

Quia vero, ut intelleximus, aliqui Clerici, utpote apostate, discursores, & vagi, de aliis Provinciis & Diocesisibus ad Diocesim nostram Colonensem venientes, regimen animarum & officiationem Ecclesiarum sibi assumunt, qui ab aliis Diocesisibus tamquam irregulares & indigni, pro eorum culpis & excessibus sunt remoti: statuimus, ut nullus deinceps Presbyter alienus ad regimen & ad curam animarum, loco coadjutoris, vel vicarii, aut socii per Pastores Ecclesiarum, vel Capellarum, aut altarium Rectores, assumatur absque literis testimonialibus proprii Episcopi, profitentis talem rite secundum claves Ecclesie ordinatum esse, & executionem sui officii habere: ita quod per Deanos Christianitatem, in quorum Decanatibus assumi desiderant examinati, tunc demum admittantur tales, cum in his inventi fuerint idonei, ut dictum est. Pastores vero & Capellani, ac altarium Recto-

res nostre Diocesis, qui his spreto, aliquem Clericum ignotum, dicentem se Presbyterum, assumpserint, excommunicationis sententiam, nisi intra sex dies a se talem amoverint, se ex tunc ipso facto noverint incursum, & alias pro modo culpae, canonice puniendos.

IV. De illis, qui plura beneficia acceptant, & habent in una eademque Ecclesia.

Cum item Sanctissimus Pater Dominus Bonifacius octavus summus Pontifex, inter cetera statuerit, ne aliquis deinceps, nisi unicum Personatum, Dignitatem, Preposituram, Administrationem vel Officia perpetua, quocumque nomine censeatur, cum Præbenda insimul, absque dispensatione Sedis Apostolicæ in eadem Ecclesia obtinere, vel jam obventa tenere valeat: & si a quocumque secus presumpsum fuerit, illud irritum sit omnino, nos quia nonnulli in observatione hujusmodi statuti se exhibent negligentes, in ipsorum negligentiam supplere cupientes, mandamus vobis universis, ad quos talium ordinatio seu collatio spectare dinoscitur, ne deinceps talia faciant, & attentent, sed ea personis, intra tempus legitimum habilibus conferant. Alioqui nos eadem confereamus.

V. De Testamentis Clericorum.

Præcipimus, ut Sacerdotes denuncient suis subditis, quod omnes, quibus a jure inhibitu non est, liberam testamenti condendi habeant facultatem. Et Clerici bona, maxime immobilia, & quæ per Ecclesiam sunt adepti, sive per modum testamenti sive alias, non transferant ad filios vel nepotes, aut ad alios suos consanguineos; sed relinquunt ea Ecclesie, a qua sunt profecta, sed intuitu elemosynæ, pauperibus, religiosis, & piis locis, & illis, qui ipsis servierunt, sive consanguinei sint; sive alii, aliqua juxta serviti meritum de mobilibus dare possunt. De aliis vero bonis, quæ ex hereditate, artificio, vel doctrina, vel alias non ex bonis Ecclesiasticis ad Clericos pervenerint, Clerici possunt disponere pro suo arbitrio. Excommunicamus & excommunicatos denunciamus omnes Clericos, qui bona mobilia Ecclesiarum, filiis suis, nepotibus,

bus, vel consanguineis, seu aliis conferunt, vel in ipsos transferunt, & ab Ecclesia alienant sua propria voluntate, & sine consensu nostrorum.

VI. De Testamentis Laicorum, & quorum debeant adimnari per Sacerdotes.

Præcipimus, & monemus, ut laici in præsentia sui Sacerdotis testamenta sua faciant, nisi improvisa necessitas emerferit. Item omnibus Sacerdotibus præcipimus, quod hortentur omnes Clericos, & laicos testamenta sua facere, & quod non differant usque ad angustiam mortis, sed ea faciant, dum adhuc competes sunt suæ mentis & corporis. Et in testamentis suis faciendis consulant Sacerdotes suis subditis, quod declarent sua debita & forefacta: & quod ex primo restitui faciant seu præcipiant de bonis suis: & quod postmodum legent aliqua fabricæ Ecclesiæ totius Civitatis & Diocesis Colonienfis, & suæ Parochiali Ecclesiæ, & etiam religiosis & piis locis, & pauperibus aliis, secundum arbitrium testantis.

VII. De Legatis fabricæ Ecclesiæ sancti Petri & de pensis celantium legata.

Si quis vero Fabricæ Ecclesiæ sancti Petri, Parochiali Ecclesiæ suæ aliquid legaverit in suo testamento, eidem viginti dies de injuncta sibi pœnitentia relaxamus, & sicut testamenta Parochianorum publice & coram discretis personis. Et cum aliqua Ecclesiæ sancti Petri legantur, hoc Presbyter significet Colonie procuratori fabricæ, & nomina eorum, qui prædictæ fabricæ legata fecerint, intra mensem: suspendimus autem, & suspensos denuntiamus omnes Presbyteros, qui celant legata fabricæ prædictæ, nisi ea procuratori ejus denuntient intra duos menses a tempore scientiæ: excommunicamus etiam omnes laicos, qui celaverint prædicta legata.

VIII. Quod quilibet potest in lecto infirmitatis condere testamentum, & legare proprietatem, retento usufructu, non obstante quocumque statuto.

Quoniam autem in aliquibus locis nostræ Diocesis quædam consuetudo ino-

levit, quæ dicenda potius est corruptela, cum sit contraria rationi, & contra jura Canonica & Civilia, videlicet quod Judices & Scabini, & Consilarii quorundam oppidorum dicunt, statuunt, vel judicant, & faciunt observari, & per consuetudinem tenent, quod nullum testamentum, donatio vel legatum teneat super immobilibus, quod vel quæ a decumbentibus in lecto in pios usus, vel alias personas, fuerit factum vel facta: nec etiam quod vel quæ sunt ab aliquo per applicationem proprietatis in pia loca vel alias personas, retento a donatore seu a testatore usufructu, nisi ab eodem usufructus cum proprietate transferatur & deferatur: Nos huic manifesto errori obviare volentes, consuetudines prædictas seu statutum reprobamus: statuantes etiam, quod quilibet tam sanus quam infirmus, qui liberam habet a jure testamenti factionem & compos mentis existerit, libere possit condere testamentum, & donare & legare, tam proprietates, quam usufructum; & etiam utrumque, tam proprietates quam usufructum: & secundum ejus voluntatem, & dispositionem procedat universa præmissa, cum ultima voluntas libera esse debeat, & liberum, quod non redeat, arbitrium.

IX. Pœna contra contrarium statuentes.

Præcipientes districtius, quod si in aliqua Parochia aliquando Judices, Scabini vel Consilarii, secundum dictas consuetudines seu statutum; reprobata, seu reprobata judicaverint vel fecerint observari, denuntientur Officiali nostro, & ipse Officialis noster contra prædictos tam Scabinos, quam Consilarios, & partem ad hoc instantem nominatim procedat.

X. De Inventario faciendo per manifestos & quando liceat apprehendere bona inventario non confecto.

Verum, quia executores seu manifestos testamentorum nonnunquam in executionibus testamentorum perperam procedentes, bona ad executiones testamenti pertinentia clam furripiunt & celant; & postmodum cum rationem executionis suæ facere debent, negant se habere

habere bona quanta receperunt, furtum & rapinam committentes, & ultimam voluntatem defuncti minime exsequentes: nos malitiis talium obviare volentes, statimur & ordinamus; quod nullus exsecutorum seu manusidelium bona testatoris ad exsecutionem suam pertinentia invadat vel recipiat, vel de eisdem aliquatenus se intromittat, nisi facto prius inventario, id est, quadam scriptura, in qua continebuntur, quæ & qualia bona testator post se reliquerit, ad exsecutionem prædictam pertinentia: quæ ipse exsecutor seu manusidelis recipiet, & levabit; & debita, forefacta, & legata ipsius testatoris restituens, adimplebit. Et illud inventarium fiet per probos viros & idoneos, videlicet per Presbyterum, & duos Scabinos loci, vel Synodales non suspectos, & sigillabit sub sigillo Presbyteri, vel alicujus authenticæ personæ; unde exsecutores petant a testatore, si poterit fieri, quod ipsos de bonis suis, & de debitis suis certificet. Nam in hoc stabitur assertioni testatoris. Et nos excommunicamus, & excommunicatos denunciamus omnes exsecutores, seu manusideles, qui bona decedentium, quorum sunt exsecutores, prius non facto modo prædicto inventario, invadunt & recipiunt, & levant. Et nihilominus ipsi exsecutores & manusideles, si bona prædicta, non facto inventario, levaverint, dum a Creditoribus seu a Legatariis defuncti tenebuntur & condemnabuntur: exceptis rebus, quæ servari non possunt, quas res, si necessitas exegerit, exsecutores alienare poterunt, non facto inventario, in præsentia Sacerdotis loci, vel duorum vel trium Scabinorum, vel Synodaliū, vel fide dignorum: & pecuniam de dicta receptione ipsi exsecutores deponant in certo loco, nec ea utantur, nisi dicto inventario facto. Alioqui dictas excommunicationis sententias incurrant. Et si defunctus aliquod debitum sub pœna ad usuras, seu ad alia pericula, vel ad alia damna debeat; poterunt exsecutores seu manusideles de bonis defuncti solvere debitum, pœnam, usuras, & alia pericula, & damno extinguendo, non facto etiam inventario, si ipsum inventarium commode fieri non potest. Et si debitum, pœna, usura,

seu aliis impedimentis instantibus (b) sunt augmentanda, vel etiam exsequiæ dicti defuncti fuerint faciendæ: hoc tamen fiat in præsentia Presbyteri, duorum vel trium Scabinorum, Synodaliū, vel aliorum proborum: alioqui dicta excommunicationis sententia ligentur. Si vero Presbyter loci fuerit exsecutor, tunc faciat fieri inventarium ipsum in præsentia Decani loci, vel alterius authenticæ personæ, duorum vel trium Scabinorum, Synodaliū, & aliorum proborum. Præcipimus etiam Sacerdotibus loci & ipsis exsecutoribus seu manusidelibus, quod copiam inventarii prædicti referant nobis intra duos menses, si intra Diœcesim nostram fuerimus: alias nostro Officiali, a tempore, quo factum fuerit. Et præcipimus hoc per nostrum Officiale regiltrari: nec aliquid recipiatur pro sigillo. Cum autem testator decesserit, ipsi exsecutores seu manusideles, pro facto inventario, bona ad exsecutionem pertinentia apprehendant: & exsequantur ultimam voluntatem dicti defuncti: faciendo proclamari in loco, in quo morabatur defunctus, & pluries esse & converteri consuevit; ut & omnes creditores ipsius defuncti, & a quibus aliqua extorserat, compareant certa die sua debita ostensuri; & tunc ipsi exsecutores, seu manusideles, primo creditoribus, a quibus, quid injuste extorserat, satisfaciant & de residuo legatariis, cuilibet pro rata bonorum defuncti: & Officialis noster per censuram Ecclesiasticam compellat exsecutores & heredes defuncti, ad implendam & exsequendam defuncti voluntatem.

XI. De bonis Clericorum decedentium, & de hujusmodi bonis se intro-mittentibus.

Sed quia nonnulli terrarum Domini, Judices, & alii officarii laici, bona Clericorum nostræ Diœcesis decedentium ex testamento, vel ab intestato, auctoritate propria, & violenter rapiunt, occupant, & arrestant, in præjudicium Ecclesiasticæ libertatis, quominus decedentium ultima voluntas pro salute animarum eorundem decedentium valeat adimplere: nos tam præsumptuosos excessus corrigere volentes, monemus omnes nobi-

(b) forte: sit augmentandum.

Nobiles, Judices terræ, Advocatos, terrarum Dominos, & laicos quoscumque, ne deinceps talia attentare præsumant. Contrarium facientes (quos ipso facto tunc in his scriptis excommunicamus) excommunicatos in Ecclesiis vestris, & præcipue in Parochiis, in quibus talia perpetrantur, & in quibus tales morantur, vos universi Rectores Ecclesiarum publice nuncietis. Quam excommunicationis sententiam, si per quindenam post hujusmodi delictum perpetratum, animo sustinuerint indurato: districtum, sive terram, si Dominus terræ est, alioqui locum, ubi talia perpetrata noscuntur, ubi forefactores tales manserint, Ecclesiastico supponimus interdicto.

XII. De manifestis usurariis.

Excommunicamus, & excommunicatos denuntiamus omnes usurarios manifestos; & singulis diebus Dominicis & Festivis a quolibet Sacerdote denuntientur excommunicati. Nullus Sacerdos oblationes manifestorum usurariorum recipiat, nec ad communionem eos admittat: nisi satisfaciunt de usuris, secundum constitutionem felicitis recordationis Domini Gregorii Papæ X. quæ incipit: *Quoniam usurarii* &c. Nullus testamentis manifesti usurarii interfit, nec ad poenitentiam & communionem eos admittat: nisi de usuris satisfecerint, secundum formam constitutionis dicti Domini Papæ. Et testamenta manifestorum usurariorum, qui secundum formam dictæ constitutionis non satisfecerint de usuris, nulla sint ipso jure, dum autem manifesti usurarii, secundum formam dictæ constitutionis satisfecerint, ad Sacramenta Ecclesiastica (c) admittantur. Manifestos autem usurarios dicimus, de quibus per sententiam, vel per confessionem factam in jure, aut evidentiam, quæ aliqua tergiversatione non potest celari, constiterit evidenter. Et illos etiam, qui super usuris diffamati, intra tempus statuendum ab eo, qui super hoc habet potestatem, se non purgaverint, reputamus pro manifestis usurariis puniendos. Præcipimus etiam singulis Sacerdotibus Parochialibus, quod moneant in Parochiis suis frequenter in generali & in speciali, de

quibus constiterit, usurarios, & infame-
tos publice de usuris, ac contractus
illicitos præemptionum exercentes, ut
ab usuris & talibus contractibus desistant
intra septem dies a tempore dictæ mo-
nitionis. Alioqui ipsi ex tunc dicti usu-
rarii, & præemptores, excommunicen-
tur in speciali, de quibus constiterit;
& de quibus non constiterit, in generali
& diffamati, si se non expurgaverint,
pro convictis habeantur. Et si taliter
moniti, & excommunicati, desistere no-
luerint, nominatim excommunicentur,
& nomina eorundem nostro Officiali re-
ferantur, salvo jure Nostro & Archi-
diaconi in præmissis. Præcipimus etiam
constitutiones dicti Domini Papæ, con-
tra usurarios alienigenas editas, firmiter
observari. Sacerdotes non permittant
questionarios Goliardos, (d) vel quoscum-
que alios ignotos, intra Parochiam suam
in Ecclesia, vel in via, vel in platea, vel
in quibuscumque locis Parochiæ fir-
mè prædicare, vel ostentiam deferre indul-
gentias pro quæstu faciendo. Sed tales,
& omnes, qui eis assistunt, Presbyter
loci excommunicet; & ad removendum
ipsos invocet auxilium brachii secularis,
si necesse fuerit.

XIII. Ne quæstus fiat in Ecclesia, vel via publica per Concionatores Quæstuarum.

Sacerdotes non permittant Prædi-
catores quæstionarios celebrare super
arcas, vel pulvere campanulas manuales
per vicos, neque in Ecclesia: & ipsi
Presbyteri singulis diebus Dominicis &
Festivis moneant Parochianos suos, &
etiam sub poena excommunicationis in-
hibeant eisdem, ne tales audiant, prop-
ter pericula hæresum & errorum, quos
sepius seminant. Et si quis tales vi-
derit, denuntiet Presbytero: & Presby-
ter faciat eos teneri per justitiam secu-
larem, & Nobis remitti. Præcipimus
etiam, quod Ecclesiæ interdixit a Nobis,
nostro Capitulo, Archi-Diacono loci, vel
Officiali, seu quocumque Judice ordi-
nario nullatenus aperiantur, nec qua-
cumque auctoritate, pro quocumque
quæstu faciendo, nisi de speciali manda-
to nostro.

XIV.

(c) deest: non.

(d) Goliardus, jocularis publicus, Gallier: Bouffones, & olim Clerici Ribaldi.

Tomus IV. Concilior. German.

XIV. *Ne aliquis detineat legata fabricæ majoris Ecclesiæ Colonienfis.*

Monemus item omnes Sacerdotes, & alios quoscunque nostræ Diocesis, qui elemosynas fidelium, ad opus fabricæ Ecclesiæ majoris Colonienfis collatas detinent, quod intra mensem satisfaciant, de eisdem Procuratori, seu Procuratoribus dictæ fabricæ. Alioqui ipsos suspendimus: & si per octo dies dictam suspensionem sustinuerint, ipsos excommunicamus: & etiam omnes illos, qui dictas elemosynas surripuerunt, celaverunt, & distraxerunt, surripiunt, celant, & distrahunt, in fraudem dictæ fabricæ Colonienfis.

XV. *Ut unusquisque promoveat fabricam majoris Ecclesiæ Colonienfis.*

Item precipimus, & injungimus universis Presbyteris Colonienfis Diocesis, sub pœna suspensionis & excommunicationis; quatenus dictum negotium fabricæ apud suos subditos promoveant diligenter & fideliter in Ecclesiis, testamentis & confessionibus. Et si pro hujusmodi negotiis suspensi vel excommunicati fuerint, non absolvantur, nisi per Nos, seu nostrum Officialem.

XVI. *De laicis Provisis structurarum Ecclesiasticarum.*

Item statuimus, quod laici Provisores parochialium Ecclesiarum, qui pro conservatione structurarum, luminarium, & comparatione ornamentorum instituntur, certis ad hoc, vel non certis redditibus deputatis, nihil ordinent, vel disponant absque consilio Plebanorum: & quod bis in anno, videlicet: in crastino *beati Margaretae, & beati Petri ad Cathedram*, de administratione ejus commissi Plebanis suis teneantur reddere rationem: ut, si quid inordinate egerint, per ipsos Plebanos pro utilitate Ecclesiarum suarum, prout secundum Deum & suas conscientias expedire viderint, corrigant, & reforment.

XVII. *Ne Campanarii sint illiterati.*

Prohibemus item, ne deinceps campanarii in villis & Ecclesiis Parochialibus ibidem assumantur, nisi litterati, qui in defectu respondentis ad altare, cum canis lincis affiant, in Missis deser-

vientes Presbytero, ne ministrator careat socio sibi respondente.

XVIII. *Contra falsarios monetarum, & eorum receptores.*

Quia nonnulli in diversis partibus nostræ Diocesis falsas seu adulterinas monetas cudunt, & cudi faciunt; propter quod respublica læditur, & damna plurima subiectis nostris, & toti Provinciæ inferunt: unde in hac nostra Synodo statuimus, & sub pœna excommunicationis precipimus, ut ubicunque tales falsarii reperti fuerint, tam ipsi falsarii, quam receptores eorumdem, cujuscunque sint status, vel gradus, aut dignitatis, per Plebanos locorum moncantur, ut a talibus prorsus desistant & indilate. Ipsique, qui in suis districtibus eosdem falsarios recipiunt & (d) euentur, eos falsarios removeant, nullatenus reversuros: alioqui ipsi falsarii & eorumdem receptores, quos post triduum ab hujusmodi monitione numerandum, in his scriptis excommunicamus, excommunicati publice nuntientur: & cessari in locis, ubi talia committuntur, quamdiu falsarii ibi steterint, precipimus a Divinis.

XIX. *Ne aliquis exsequatur mandata indebite seu de scriptis.*

Quamvis rescripta stricti juris sint, nec ad alias personas, quam, quæ eisdem continentur expresse, aliquatenus extendantur: nonnulli tamen hujusmodi rescriptis in casibus a jure non concessis abutuntur, & sua mandata dirigunt, & sententias de facto fulminant contra aliquos, ad quos eorumdem jurisdictio nullatenus se extendit. Volentes igitur talibus nefandis ausibus obviare, statuimus, & sub pœna excommunicationis late sententiæ in his scriptis firmiter prohibemus, ne aliquis deinceps subditorum nostrorum, cujuscunque status seu conditionis, aliqua mandata alicujus judicis delegati contra personas authentico non expresse, recipiat aut executioni demandet, etiam si narretur in mandato casus a jure concessus; nisi super hoc prius a Nobis, vel Officiali nostro, habita & obtenta licentia speciali, cum talia mandata contra alias personas plerumque ex malitia & odii fomite procedere videantur. Illum autem,

(d) *et tenent.*

autem, quod hujusmodi mandata contra alias personas emiseric in casu a jure non concessio, aut per Nos non admissio, vel per Officialem nostrum non approbato, propter hoc excommunicationis sententia, quam in his scriptis ferimus, decernimus subjacere.

XX. *Contra suspendentes tedas vel litteras communitorias ad portas seu fores.*

Quia vero nonnulli, ut intelleximus tedas & litteras annexas ante portas & januas aliquorum religiosorum & granges (a) eorum, suspendere non formidant, in quibus incendia, homicidia, & alia damna, & maleficia se illaturos eis, ante quorum ædificia dictas litteras & tedas suspendunt, inferre publice comminantur, nisi intra certum terminum eisdem malefactoribus aliqua pecunia summa pro ipsorum arbitrio persolvatur: nos talibus maleficiis, quantum possumus, obviare volentes; præcipimus universa Ecclesiarum Rectoribus, quod singulis diebus Dominicis & Festivis hujusmodi malefactores & dictarum litterarum scriptores, fautoresque operum & operam dicta malefactoribus præstantes, & omnes, qui præmissa sciverint, vel consensu fuerint, (nisi Nobis vel Pœnitentiarum nostro revelent intra octo dies, postquam talia intellexerint) quos in his scriptis excommunicamus, excommunicatos publice denuncient, & præcipiant ab omnibus artibus evitari, & revelari eosdem.

[a] Granges, vel grangie, sunt prædia rusticana cum horreis frugum pro Monasteriis alimentis, in quibus religiosi Inspectores habitabant.

XXI. *Contra Detentores cerocensuum.*

Item præcipimus, ut universi Ecclesiarum Rectores moneant omnes cerocensuales Ecclesiarum, & Ecclesiasticarum personarum, quocumque nomine censentur, qui cerocensum debitum subtrahunt, & non solvunt, & qui dictum cerocensum hæcenus non solverunt: quod de subtractione satisfaciunt intra mensem, & deinceps debitum temporibus & statutis persolvant dictum cerocensum, ut tenentur. Alioqui dictos subtrahentes & non solventes, quos excommunicamus in his scriptis, excommunicatos publice nuntient singulis diebus Dominicis & Festivis.

XXII. *Quibus bonorum statutorum copia necessario habenda?*

Præcipimus etiam omnibus Decanis Christianitatum & plebania locorum, ut prædictorum omnium copiam a Sigillifero Curie nostræ Colonienfis intra quindenam recipiant, & sibi fieri procurent sub correctione debita: alioqui contrarium facientes, quos ex nunc prout extunc, excommunicamus in his scriptis, excommunicationis sententiam volumus subjacere. Item Decani Christianitatum nomina plebanorum sui Decanatus ad præsens absentium, Nobis vel Officiali nostro dent in scriptis sub pena prædicta.

*Statuta Colonienfis impressa anno 1554.
Colonia, in Folio.
Ex his Labbé Tomi XI. Concil. p. 1107.
Harduinus Tomo VII. Concilior. p. 1215.*

SYNODI MONASTERIENSES

INTER MCCLXXVI. ET MCCC. CELEBRATÆ.

EVERHARDUS DE DIESTE, Episcopus Monasteriensis XXXII. obiit anno MCCC. 8. Decembris, iudice Schateno, Hic præter multa summa cum laude gesta, fuit disciplina Ecclesiastica in Clero severus Assessor, quem in rem annuas Synodos nemo isto Præside diligentius celebrare visus.

Extant multa ejus Decreta, inter quæ & illud de ægris & morituris: "Præcipi-

mus, ut sumpta Eucharistia, Sacerdos
"habeat calicem paratum cum vino &
"aqua.

Colligit hinc Schatenus Sæculo XII. & XIII. ægris & moribundis Eucharistiam sub una specie panis tantum tributam fuisse. Tomo II. *Annal. Paderbornensium* ad annum 1300. pag. 192.

Tomus IV. Concil. German.

F 2

DIGRES.

DIGRESSIO AD SÆCULUM XIII.

§. I. De Scientia & Legibus editis a Friderico II. pro Ecclesia, & contra Hæreticos.

I. Inter ea bella, quæ cum quibusdam Principibus sacris & laicis gessit, multa specimina edidit scientiæ non solum linguarum Latine, & Græcæ, Germanicæ, Gallicæ, Saracenicæ, sed & juris publici & sacri magnam & copiosam scientiam possedit: ejus indicium primum sunt libri Feodorum ab Hugolino JCo Bononiensi collecti approbatio, imo jussu Augusti Friderici collectio instituta dicinar. Gobelius *Cosmographiæ ætate VI. Cap. LXIV.*

II. Sædium literarum apud Neapolim confirmavit, & mandavit, ut nullus de Regno Siciliæ pro scholis requirendis partes externas requireret, & sub certa poena mandavit, ut omnes existentes in studiis in alijs partibus, infra certum terminum Neapolim pro studiis inherendis relirent, & voluit, nulli floere publice discere vel docere (præter in puerilibus Grammaticæ) per totum Regnum alibi, quam Neapoli, concessio de super privilegio. Gobelius *Loco citato.*

III. Leges pro Regno Siciliæ edidit. Nunc ad Germaniam:

IV. Bullam dictam *aurum* edidit de libertate Ecclesiastica anno MCCXIII. datam Egrie per manum Beroldi de Niffe Regalis aulæ Cancellarii, relatum a nobis *Tom. III. pag. 495. & seq.*

In ea Bulla fitetur primo: se Romanæ Ecclesiæ ædum, veluti speciali matri suæ obedientiam, honorem, & reverentiam ab antecessoribus Regibus & Imperatoribus impensam non diminuturam, sed magis aucturam. *Exstat apud Gretserum Tom. VI. pag. 641. Cap. X. De magnificentia Principum erga Sedem Apostolicam.*

2. Prætorum Ecclesiæ viduæ electiones a toto, vel majori parte Capituli faciendas promittit, contra abusum quorundam Prædecessorum suorum.

3. Appellationes in causis Ecclesiasticis ad Sedem Apostolicam libere faciendas concedit.

4. Abusum quorundam antecessorum in occupandis bonis Ecclesiarum vacantium dimittit, & refutat ex hoc principio: *Quæ sunt Caesaris, Caesar; quæ Dei, Deo reddenda.*

5. Auxilium & operam promittit eradicandis hæreticorum erroribus.

6. Possessiones Ecclesiæ Romanæ ab

antecessoribus, vel alijs quibusve detentas liberare & quietas dimittit, & ad eas obtinendas bona fide adjutorium promittit, eas dein enumerat.

7. 8. Regnum Siciliæ, Corsicam, & Sardiniam Sedi Apostolicæ, & ad eas, quæ ad hæc Regna pertineant, libere dimittit, & renuntiat: uni devotus Filius, & Catholicus Princeps.

Baronius Tom. XI. ad 1097. N. 71. pag. 718.

Vide Gretserum *Tom. V. noviss. edition. pag. 228.* ubi confutat Goldastum fingentem hanc constitutionem irritam, ausum dicere imprudentem & juvenili fervore hanc constitutionem edidisse.

Idem Scharidus Calvinista ex Goldasto recoquit: Item Vitriarius eam revocatum scribit *Lib. I. tit. 2. pag. 67.*

V. Rursum post annos VI. similem auream Bullam dedit Fridericus II. Honorio III. datam Hagenæ, anno Regni in Germania VI, in Sicilia XXII, Indiæ. VIII. anni MCCXX.

Anno MCCXII. mense Aprili, Indiæ. XV. Fridericus II. Romæ existens Comitatum Fundanum a Richardo Comite de Aquila Ecclesiæ Romanæ donatum confirmat. Litteras confirmatorias refert Raynaldus *ex libro censuum Ecclesiæ Romanæ ad hunc annum No. 226.*

Vid. Pagi in *Breviario historico Pontific. Romanorum Tom. III. pag. 288.*

VI. Edictum de cassandis statutis, adversus libertatem Ecclesiasticam editis, datum Romæ in die Coronationis anno MCCXX. die 22. Novembris: ab Honorio III. PP. confirmatum h. a. Vide *Cæcubinæ Bullarum Romani Tom. I. pag. 90.* & ab Innocentio IV. anni MCCXLIII. & a Bonifacio VIII. A. MCCXCI. Demum in Corpus Juris civilis relatum post libros Feodorum. *Nostro Tom. III. Conciliorum pag. 505.*

VII. Constitutio alia ejusdem Augusti pro libertate Ecclesiastica, eodem tempore in Castris apud S. Leonem ex Goldasto relata est *Nostro Tom. III. pag. 503.*

VIII. Edictum Imp. Friderici II, quo omnibus detentoribus possessionum Comitatus Mathildis Comitissæ ad Sedem Apostolicam

licam pertinentis, restitutionem sub pena mille marcarum argenti iungit. In filios vero Comitem Alberti de Geroled & Neris, castrum Gonzague ad dictum Comitatum spectans detinentes; nec, prout mandatum fuit, Pontificiis Capellanis tradentes sententiam Banni promulgat. Datum in Castris apud S. Leonem A. MCCXX. Indiët. IX. 8. Kalend. Octobris scđ 24. Septembris. *Relatum Tom. III. Concilior. German. pag. 512.*

IX. Compromissum inter Gregorium IX. PP. & Fridericum II. ad vim invenendam, quomodo cum honore Ecclesie *Gartano & S. Agathe civitates*, & omnes cum bonis suis de regno Sicilie, quos in fidem suam recepit Ecclesia, ad Imperatorem revertantur. Actum apud S. Germanum anni MCCXX. Vid. *Ughelli Italia sacra Tom. III. pag. MCVIII.*

X. Privilegium pro libertate Ecclesiastica Germanicis Ecclesiis concessum. Datum a Friderico II. quando anno MCCXII. Mongonie iterum electus est Rex, & denuo promulgatum in Curia Francofordienſi anni MCCXXIV. continet octo Partes:

1. Spolia Ecclesiarum vacantium, non Fisco Regio, sed heredi defuncti vel successori cessant.
2. Nulla telonia, nec novas monetas contra Ecclesie jura erigenda
3. Servos fugitivos a nemine recipiendos.
4. Omnis damnificatio Ecclesie interdicitur.
5. Feuda nulli Principi Ecclesiastico subtrahenda.
6. Excommunicatos vitandos, contrumaces proſcribendos.
7. Nullum opus novum in Ecclesie fundo construendum.
8. Officialium Regis jurisdictio circumſcribitur.

Ex Archivio Metropolitanæ Ecclesie Colonia: eadem refertur in I. parte recessuum Imperii anno MDCCXLVII. pag. 14. Francofurti cum aliqua varietate.

XI. Apologia missa Gregorio IX. Pontifici per Episcopos suos Legatos circa annum MCCXXXIX. *Tom. III. nostro pag. 562.*

Hactenus Edicta Angustalia pro Ecclesia, & Ecclesie Romanae, aliarumque Privilegia.

Sequuntur Edicta contra hostes Ecclesie, seu Hæreticos edita.

XII. Friderici II. Augusti constitutio de libertate concessa gentibus ex Livonia, Elſco-

via, Prussia, ad Catholicæ Fidei unitatem converſis.

Petrus de Vinis Epistolarum in Lib. VI. Epistola XXX. Tom. III. pag. 540.

XIII. Constitutio contra hæreticos Friderici II. anno MCCXX. 22. Februarii Paduæ Indiët. XII. Contat membris novem:

Exordium notandum: " Commiſſi nobis cœlis cura Regiminis & Imperialis, cui dante Domino præſidemus ſitigium dignitatis; Materialem, QUO DIVISIM " A SACERDOTIO FUNGIMUR gladium adversus hostes fidei, & in exterminium hæreticæ pravitate exigunt exercendum, ut viperæos perfidæ filios contra DEUM & Ecclesiam insultantes, tanquam materni uteri corrosores, in iudicio & iustitia persequamur, maleficos vivere non passuri, per quorum sententiam seducendum mundus seducitur, & gregi fidelium per oves morbidas gravior infligitur corruptela.

Petrus de Vinis L. I. Epistola 25. 26. 27. ex quo Goldastus Tom. I. Constitut. Imp. & nostro Tom. III. pag. 506.

Præceſſerät Ecclesie prædicatione sanæ & Catholicæ Fidei doctrinæ, hæreticorum monitio, increpatio, denum in pertinaces gladius spiritualis excommunicationis vibratus fuerat, & penitentium condemnatio ad perpetuum carcerem. Dum hæc omnia non fuſſerent paci Ecclesie & imperii restituendæ, cum tumultuari pergerent hæretici, invocavit Innocentius III. in Concilio (a) Lateranensi hoc Sæculo XIII. brachium ſeculare, ſaluti animarum, & paci publicæ consulens.

XIV. Constitutio II. ejusdem Augusti datæ Paduæ eodem die 22. Februarii MCC. XX. XII. Augusti.

Apud Raynaldum in annalibus Ecclesiasticis ad b. a. T. III. nostro pag. 508. 509.

Relat. inter jus civile post Lib. IV. Feudorum, confirmata ab Honorio III.

Augustus enarratis nominibus quæ hæretici ſibi arrogabant, eorumque criminis gravitate, & pertinacia in crimine, & perverso zelo dilatandæ hæreſeos, ſtatuit primo, crimen hæreſeos vel hæreticorum quocunque nomine conſentitur damnati ab Ecclesia hæretici, inter publica crimina numerandum, & vindicandum gravius crimine læſæ Majestatis Imperialis: idem ait veteribus legibus eſſe indictum, & ſicut perducſionis & Majestatis reis omnia bona adiuvantur, & poſt obitum memoria damnatur; ſic & Patenorum punienda hæreſis.

Nemine deferente, inquirendos hos hæreticos

reticos ab Officialibus, in venos carcerari, examinari, a viris Ecclesiasticis judicari debere: si iudicari & damnati, nolint resipiscere, mortem pati, & in conspectu hominum comburi debere.

XV. Constitutio tertia eodem loco & anno data incipit: *Patremorum complices, receptatores. T. III. Cons. Germ. pag. 508. 509.* Sedecim patris coercent, ibidem enumeratis, demum quocunque nomine censeantur, perpetua infamia damnatur.

Petrus de Vinctis tandem refert L. I. Epistolaram. epist. 27.

Odoarius Ransaldi in annalibus ad annum MCCXX.

Concludo cum Lupoldo Bebenbergenfi Episcopo fecisti proximi XIV. scriptore cap. X. L. de Zelo *Peterum Germaniam Principum in Christianam Religionem*: Licet prisci Romanorum Imperatores, qui ante, tempora transiit Imperii de Grecis in Germanos, in Personam Caroli M. facta, Romano Imperio praesuerunt, Clerum, & Ecclesiam multis privilegiis libertaverunt, ut patet C. de *Sacrosanctis Ecclesiis*, quasi per totum & in authentica de *sanctis Episcopis* per totam collatione nova, quorum aliquae etiam ponuntur in libris juris Canonici causa XVI. questione I. generaliter verbo *juxta*, & verbo *placet* causa XXXI. quest. 8. universos ita sancimus. Eadem tamen privilegia nequaquam adaequari possunt privilegiis Frederico II. & aliis antedictis Germanorum Principum.

Idem *Ludolphus Episcopus eodem Lib. cap. II.* Idem *Fredericus II.* plures bonas & utiles leges ad dilandam Fidem Catholicam edidit pro exterminio haereticæ pravitatis, quæ sunt per Bonifacium VIII. in quantum Dei & Ecclesiæ sanctæ honorem promovere, & non obstant Canonicis institutis approbata, ut patet extravag. de *haereticis*, Cap. *Ut inquisitiones*, in principio L. VI. Ad decus & honorem, in titulo de *Statutis*, & consuetudinibus contra Ecclesiasticam libertatem editis in §. *Grazon*, in §. *Statuimus*, §. *Si vero*, & §. *Credentes*. collatione decima, *Hærenus Lupoldus*.

Addemus nunc Testamentum ejusdem *Frederici Angusti*. Igitur finem vite appropinquantem videns Testamentum condidit; in eo multa millia unciarum auri equitibus Hierosolomitans & hospitalariis S. Joannis

reliquit pro compensatione fructuum, quos debitos ex beneficiis in regno sitis toto belli tempore percipere non poterant.

2. Ad recuperandam terram sanctam magnam auri vim reliquit erogandam arbitrio & consilio equitum Hierosolymitanorum.

3. Omnibus inimicis atque Imperio rebellibus sincero cordis affectu ignovit, exceptis regnicolis, quos, cum ipsum inmerentem nefarie prodere moliti essent, justitiæ rigori commisit.

4. Filiis præcepit, ut, qui quocunque terrarum loco jussu ipsius in vioculis detinerentur, hos liberos dimitterent.

5. Inter manus Archi-Episcopi Panormitani aliorumque Religiosorum ad delictorum recognitionem se se convertit; quin etiam consilio quorundam sapientium sacrosanctæ Ecclesiæ obedientie se se addixit jurjurando præstito, omnibus ejus mandatis se iturum & obtemperaturum esse. Ita *Colenatus*, *Maybardinus*, & *Gualelmus de Puto*; ordinavit, ut quæ ad Ecclesiam legitime spectarent, eidem benigne atque prolixè restituerentur.

6. Conradum Filium, Regem Germaniæ, hæredem regni Neapolitani, & Impetii Romani ex asse fecit.

7. Henrico Filio, ejus nominis secundo, & legitimo, cum centum millibus unciarum auri Regnum Siciliæ reliquit, ut id ex arbitrio Conradi administraret.

8. *Frederico Nepoti*, ex Filio Henrico primogenito suo jam in carcere defuncto, Austriæ Ducatum cum decem millibus unciarum auri concessit.

9. *Manfredus* Filius ejus (a) naturalis, Princeps Tarentinus, dictionum imperialium, quæ sunt a Capua usque ad Aquileam, Gubernator decemalis est constitutus. Esti autem cuius filiorum suorum portionem assignasset, voluit tamen, ut omnes *Conrado*, tanquam legitimo hæredi, & Imperatori obedientiam præstarent. Sic ultimam voluntatem erga Deum, Ecclesiam & Imperium, & liberos testatam relinquens, peccata sua Archi-Episcopo Panormitano confessus est, ab eoque absolutus pie obiit 13. Decembris MCCL. Florentini 10. Aprilis, & in Siciliam delatus pompa regia sepultus in Panormitana Ecclesia, quod vivens jussisset. Curante *Manfredo*. *Hæc ex Alberto Stadenfi, Paulo*

(a) Ejusdem *Manfredi* Litteræ ad *Conradum* sic moris circumstantiis describunt: " In ipsi mortis indicis . . . Sacrosanctam Romanam Ecclesiam matrem suam in corde contrito velut " Fidei orthodoxæ Zelator humiliter recognovit, & damna, quæ dudum Ecclesiæ injuræ " Romane vel potius provocatus inoleverat, integre restauranda sancivit. *Balsarus Tom. I. Miscellaneorum pag. 475.*

Apparet & hinc calumnia nonnullorum stringentium mortem violentam: aut veneno procuratam contra antiquorum sinceram narrationem.

Paulo Langio in Chronico Citzensi, Browero Spandano aliisque amicis & hostibus Frederici II. sufficere. Videns mortem suam indubitanter imminere contritus pro peccatis suis confessionem fecit plenissimam cum lacrymarum ubertate se Deo commendans, & Ordini Cisterciensi, unde habitum Cistercium ante mortem, ut nobis suorum fidelium patefecit certa relatio, humiliter ac devote suscepit: & quia mors in foribus erat, quidam Episcopus ex parte Dei, qui neminem in se credentem vult perire, ipsum satisfactionem promittentem, absolvit.

Matthæus Paris. Cœvus, & fide dignissimus autor: licet quoad Pontificis annum infusissimum ubique monstret, denum subiungit Testamentum, quod quidam Prostantes negant extitisse.

Gregorius id refert præfatione in hortum sanctæ Crucis. Tom. III. novæ editionis. ante paginam 31.

§. II. De Canonistis Germanis Sæculi XIII.

Canonistas Germaniæ raros in hoc Sæculo reperio, præter Petrum de Vineis, Cancellarium Frederici II. & M. Thaddæum Sueffanum Iuliciarium Curie Regiæ, qui coram Pontifice, & Concilio Lugdunensi jura sui Imperatoris strenue defendere conati sunt, ut ostendunt Petri de Vineis literæ impressæ.

Vid. Dumont Corps Diplomatique T. I. pag. 183. Plenipotentiæ Frederici II. ad Innocentium IV. datum Comiti Thobolano, & Magistro Petro de Vineis, & Thaddæo de Sueffia, agendi cum Papa. Matthæus Paris Histor. major. pag. 629. Rainaldus Tom. XIII. ad annum 244.

Unicum excipio JOANNEM (b) SEMECA, Præpositum Ecclesiæ Cathedralis Halberstadiensis, qui Teutonicus tum dicebatur (sed distinguendus est a Joanne Teutonico IV. Prædicatore Generali, Papæ Penitentiario, & Episcopo in Hungaria) hic primum (saltem inter Germanos, si non absolute) Hercules audacia aggressus glossare Decretum, a Gratiano compilatum, quod ante eum nemo, & post eum nullus excellentius fecit. Fuit insignis Juris Doctor, Præpositus Ecclesiæ S. Stephani Halberstadiensis, qui non Clementi IV., sed Innocentio IV. PP. tum per Germaniam sicut Galliam, decimas a Clero in redemptionem terræ sanctæ exigenti, appellationem opposuit, quæ pro sua, ut decebat, Papa temeritate excommunicavit, privavitque Præposituram. Sed erant magni in Germania viri, qui

Joannem non descendendum putabant. *Kramertz Saxoniæ L. VIII. C. 27. Obiit MCCXLV. teste Clarissimo Leutze in Historia Diplomatica Halberstadli pag. 167. Vitam ejus accuratius magnâ enarraute. Mors Semece diremit litem.*

Italia duos maximos viros alebat Innocentium III. & Gregorium IX. Præni opera seorsim excudicavit Clarissimus vir Stephanus Baluzius. Gregorii IX. zelum pro Canonico jure legimus in Decretalium Libris V. quos S. Raymundi de penna fortis, primum Præpositi Ecclesiæ Barcinonensis, post Ordinem FF. Prædicatorum ingressi, Papa Capellani & Confessarii studio, in hanc formam, quam adhuc videmus, redactos posterius reliquit.

Ipse Fredericus II. uti optimarum artium, ac scientiarum cultor & promotore, Universitates Neapolitanam & Patavinam excitavit. Viennensis in Austria anno MCCXXXIX. erecta florere cepit.

Inter Theologos Albertus M. Prædicatorum, & subin Episcopus Ratibonensis, Germaniam Patriam suam illustravit.

§. III. De Hæreticis Sæculi XIII.

Fredericus II. Imperator hæreticis vel ad Fidem orthodoxam reducendis, vel pertinacibus corrigendis vigili oculo inrensus enumerat in sua constitutione A. MCCXX. [Vide Tom. III. Concil. pag. 509.] XIX. minimum suis nominibus infamibus distinctos.

1. Pararenos. 2. Speronistas. 3. Leonistas. 4. Arnaldistas. 5. Circumcisos. 6. Passaginos. 7. Josepinos. 8. Carracensis. 9. Albanenses. 10. Bennaroles. 12. Comitiss. 13. Waldenses. 14. Buggaros. 15. Commimellos. 16. Bartinos. 17. Ortholinos. 18. Cum illis de aqua tigris. 19. Purperes de Lugduno. 20. & omnes hæreticos utriusque sexus, quocunque nomine censeantur.

Nos in Concilio Trevirensi anni MCCXXXI. reperimus tres scholas hæreticorum in ea Metropoli, & de eorundem Pseudo-Papæ Gregorio, & Pseudo-Archiepiscopo Treverico Theodorico, ab se ipsis hæreticis supposito. Vide Epistolam Gregorii legitimi Papæ de hæreticis in Germania grassantibus, Tom. III. pag. 544. circa A. MCCXXXIII. in qua eorum abominanda flagitia recenset, ad Henricum filium Frederici II. scribens, idem diversas hæresum species dicit, sed nullam specificè nominat.

In Concilio Moguntino anni MCCXXXII. de hæreticis Luciferianis multis in Germania combustis: in eadem de prosperibus Lugdunensibus, pag. 543. eodem Tom. III.

Stedini

(b) Decretum Gratiani cum glossis Joannis Teutonici, Præpositi Halberstadiensis, impressum erat anno 1512. Basileæ, opera, & typo Joannis Amosbachii.

Stedingi hostes Ecclesie per Archi-Episcopum Bremensem bello impenantur, cum predicatione Verbi Divini rejicerentur. *Ibid.* pag. 551. Eorundem conversio & absolutio a Papa procurata pag. 553. 554. anno MCCXXXVII.

Anno MCCLXI. *l. T. pag. 595.* Moguntini Concilii Canone primo damnantur universi heretici, quibuscunque nominibus eosentur, fides quidem habentes diversas, sed cunctas invicem colligatas, qui de vanitate convicti, ab Ecclesia damnati, seculari iudicio relinquuntur, animadversione debita puniendi.

§. IV. De hereticis, speciatim Albigenfibus, Waldensibus.

Anno MCCX. predicata fuit crux contra Albigenfes in Alemannia & Francia: & ascenderant contra eos Leopoldus Dux Austrie, Anno MCCXI. Adolphus Comes de Monte, Walhelmas Comes Juliacensis, & alii multi. *Casarius Heisterbachensis L. V. Maraculorum C. XXI.* coevus scriptor, eodem Capite describit errores Albigenfium.

Circa initium Saeculi XI. in Cambraco intra quinquennium plures heretici comprehensi, examinati ab Episcopo, combusti omnes.

In Argentina Civitate decem heretici combusti circa MCCXXII. sub Bertramo Metensi Episcopo haereticus Waldosiana delicta.

Arnoldi haeretici Colonie combusti pertinacia sub Reinoldo memoratur, adeoque A. 1177. Heisterbach *l. V. cap. XIX.* Bezuntii duo homines heretici combusti.

Hæc ex Casario Saeculi XIII. scriptore. L. V. cap. XVIII.

Quæro nunc an inter tot hereticos, sub Friderico II. penis affectos, unitis quædam, aut mutus nexu reperitur? vel utrum singuli suos singulares ab aliis diversos errores habuerint?

Respondeo ex iis, quæ Saeculo XI. de Catharis, Tanchelmo, Albigenfibus dicta fuere.

Incipiamus ab illis, qui chorum ducunt: WALDIENSES, Pauperes de Lugduno, Leonistæ vel Lionistæ, videntur sub tribus nominibus idem heretici esse, quorum auctor, vel potius occasio fuit Petrus Waldo, Mercator opulentus in urbe Lugduno. Hic morte subitanea amicus, in cuius societate casu versabatur, confisteramus, vitam & mores mutare statuit: quare opibus omnibus, quibus circumfluebat, in egenos populares distribuit, Apostolorum exemplum & vitam imitari statuit: nec de secta,

vel coru erigendo, cogitavit. Interim permulti, hoc luculento facto moti, se ad idem vitæ genus addixerunt: qui ob similem opum contentum pauperes de Lugduno (Gallice *Lions*,) vel *Waldenses*, vel *Waldenses* compellati fuere.

Inde ab anno MCLV. dicebantur & in *Sabbatati*, ob calepodiorum genus, quæ aperta, vel incisa pedibus subdebant: idem dicebantur *Patarni*, quia teste Friderico II. Augusto, pariendo penas, a civili & Ecclesiastica potestate inflicta, se Martyribus exequabant. Patarnos vult Volaterranus dici, ab urbe Lycie Patara, unde Manichæi heretici ortum duxerint.

Cathari, vel *Græci* vocabantur, ut Gregorius conjicit, a Germanica voce *Katzer*, litigatores, divisores. Alii a Græco *κατα*, *κατα*, quia sanctiores se aestimabant reliquis.

Leonistæ ab ea civitate, in qua nidificaverant. *Arnaldistæ*, quia ex nonnullis erroribus contra legitimam auctoritatem Ecclesie Arnaldo de Brixia communicabant.

Bulgari vocabantur in Bulgaria: ibi enim inter Croatiam, & Dalmatiam suum Patrum *Bartolomæum* creaverunt, alii inde Bulgares & Bulgari varia aberratione dicebantur.

Arrianistæ, quia cum Arrianis de Trinitate male sentiebant: Carrazenses a Carrasco Lombardie oppido: Barryni a Barro monte circa Lacum Larium: Comitæ a Como urbe: Otrolivi, alias Otrolibienfes &c. verbo Waldenses in innumeras sectas subdivisi cum essent, uti nostro tempore Lutheri & Calvini discipuli, mirum non est, quod in diversis locis a diversis Doctoribus varia nomina acceperint. Sic nos habemus Carothidios, Munzeros, Schwencfeldios, Osiandristas, Ubiquistas, & ceterum diversis sectas a solo Luthero pullulantes, ut in *codice de heret. cap. 28.* Præsteolus ostendit.

Petrus ipse Waldo, literarum rudis, materno idioma novum testamentum explicabat sectatoribus suis, quibus etiam laicis, & a nullo Episcopo missis, visum fuit, prædicandi verbi Dei officium assumere. His, cum Episcopus, & Clerus obstitisset, imo ipse Romanus Pontifex in hos omnes insurgeret, ceperunt furere, & obloqui, veluti invidentibus Apostolice vitæ, quam ducere se putabant. Lucius III. Papa eos excommunicavit: sed eheu ipsa paternæ Pontificum correctione peiores evaserunt, & pernicioses. Unde primo errori, quo actualem abdicationem omnium opum necessariam omnibus ad salutem affirmabant, addiderunt inobedientiam, & contemptum omnis Potestatis Ecclesiasticæ: coarctant in se-

ctas,

das, latius se secreverunt, calceis scissura spem, capillis nunquam factis, sed promissis, arrogata potestate laicis omnibus prædicandi Verbi Divini, imo consecrandi & absolvendi: Cleri mores & opes enlumabantur: negabant, Clero esse potestatem prædicandi & absolvendi, ubi non imitaretur vitam Apostolicam: demum circa Sacramenta, cultum Sanctorum, Purgatorium, indulgentias, caerimonias Ecclesiæ stolidis & variis modis errabant, imo delirabant, exente Sæculo XII. & ultra medium Sæculum XIII. Ex urbe Lugdunensi in omnem Franciam, Belgium, & Germaniam Rhenum; imo in Italiam & Hispaniam progressi sunt. Et licet a Papa Honorio infanti inquisitores, toto orbe eos persequerentur, & ad finem mentem reducere fangerent, aut ex Catholica Ecclesia removere: licet Fridericus II. Augustus, & reliqui Germaniæ, & Gallie Proceres eosdem compellerent, imo penis corporeis exterminarent; nihilominus Sæculo XIII. vehementer multiplicati fuere. Denique in Regno Aragoniæ, & vallibus Pedemonti reliquæ mansere usque ad Sæculum XVI. quo Occolampadius, & Bucerus duo Germaniæ hæretici egerunt cum missis ab Waldensibus ad eosdem nuntiis, & quibusdam erroribus eorum rejectis, aliis a Buccro adoptatis novam crambem recoxerunt anno subin MD. CXXX. conchi fuere Calvinistas Prædicantes pro suis Pastoribus acceptare, ut narrat Dupinius *Tom. X. nova Bibliotheca Scriptorum Ecclesiasticorum* pag. 165.

JOANNEM HUSS Bohemum Sæculo XV. in Concilio Constantiensi aliquos Waldensium errores amplexum pertinaciter, & combustum suo loco dicemus.

PETRUS DRESENSIS, Mistæ natus, Waldensium secutus est infamias Sæculo xv. & Bohemiæ inficiendæ suæ hæresi collaboravit. *Protocols in Eleacho hereticorum.* Anno MDLX. miserunt Waldenses Bohemum legationem ad Calvinum, cujus mentionem facit Beza in vita Calvini: "Tum quoque (MDLX) Waldenses Boemi, quos vocant, duobus fratribus ad Calvinum missis, quædam ab ea sunt de religione percontari, quibus ille, sicut par erat, benigne satisfecit, eos etiam cohortatus, ut cum reliquis Ecclesiis se conjungerent.

Calvino autem & Luthero confessionem Waldensium oblatam displicuisse, & licet, aliquot articulos ex una [nam varias & multifarias confessiones habuere Waldenses] acceptaverint, quia tamen bonas & pios fratres, utpote ætate majores, nunciis optabant; revera tamen capitale odium inter Lutheranos, & Waldenses, uti inter Lutheranos, & Calvinistas, intercessisse ex

eorum libris manifeste ostendit *Gretserus*, prolatis eorum verbis, *Tom. XII. nova editionis. parte II. in præloquio cap. VII. pag. 15. 16. & in Triade Scriptorum adversus Waldenses in præloquio cap. IV. pag. 114. 115.*

Errores Waldensium narrant & confutant sequentes auctores coævi.

I. Lucas Tudensis in Hispania Episcopus, qui scripsit contra errores Waldensium.

II. Reinerus Ordinis Prædicatorum: truncate & addimentis hetericis maculatus editus fuerat a Flaccio Illyrico & Frehero: sed ex MS. codice integrum, non adulteratum, edidit *Gretserus: Tom. XII. nova editionis Gretserianæ; subjicit Anonymi indicem errorum a Waldensibus adoptatorum. pag. 95.*

III. Petrus de Pilichdorff S. Theol. Professor, scripsit *librum contra sectam Waldensium*, & subjicit refutationem errorum, quibus Waldenses distinentur, incerti auctoris. *pag. 87.* Dein edit Triadem scriptorum coævorum Germaniæ inferioris hætenus non editorum, qui contra Waldenses scripserunt circa A. MDCXIV.

IV. Ebrardum Bethuniensem in Flandria.

V. Bernardum Fontis calidi Abbatem.

VI. Ermengardum ex hæresiarcha Waldensi ferventem Catholicum conversum.

§. V. Quibus mediis Ecclesia Sæculo XIII. usa sit ad errores Waldensium & Albigenisum extirpandos.

Ecclesia Catholica Sæculo XIII. eadem, quæ nunc, longe diversissimo sensu intellexit errores Waldensium, quàm Lutherus, Calvinus, Marthæus Flacius Illyricus, Sleidanus &c. Quibus Waldenses huius viri habentur, quique progenitores suos volant, & bonos fratres, si qui nunc in Polonia, vel vallibus Sabaudie supersunt sub pelle Calviniana.

Igitur Ecclesia Sæculo XIII. mediis sex usa est ad hæresin Waldensem compescendam.

Primo prædicando his cæcis verbum Dei, & sanam ac sobriam Scripturæ sacræ intelligentiam. Prædicarunt Episcopi & Pastores: dein in Ducatu Mediolanensi fratres Humiliani: rursus fratres Prædicatores sub suo Patriarcha S. Dominico: FF. Minores, qui non minorem vigorem in Evangelicæ paupertatis usa exercebant in vita, victu, vestitu, quam Waldenses, & Pauperes de Lug-

dano : sed hoc magno discrimine : nam hi Catholici pauperes obediebant Episcopis, & Ecclesiae, hujusque doctrinam, Sacramenta, & ritus religiose observabant, contra ac Waldenses derisores, contemptores, & violatores Hierarchiae Ecclesiasticae, & omnium Sacramentorum ac rituum.

Secundum medium fuere libri contra eos scripti, & divulgati, quos jam enumeravi : in quibus emittit Ecbertus, primo Boanensis Canonicus, post Abbas Schönangienfis, cujus decem Tractatus supersunt : Theologos, Polemicos hujus Saeculi contra Waldenses exhibet Grefserus Operum Tom. XII. Parte II.

Tertium medium fuere Concilia Ecclesiae tum publica, & oecumenica Lateranense generale XI. sub Alexandro III. A. MCLXXIX. & Lateranense IV. sub Innocentio III. oecumenicum generale XII. anno MCCXV. Deinde Concilia Provincialia & localia, ut Tom. III. pag. 392. Colonienfe anno MCLXIII. contra Catharos : & *Attrebatense* A. MCLXXXIII. contra Patarenos Tom. III. p. 427.

Quartum : Papa cruciatam indixit, & Catholici, qui crucis assumpto caractere ad haereticorum exterminium sese armabant, illa gaudebant indulgentia, illoque sancto privilegio erant muniti, quae accedentibus ad terrae sanctae subsidium concedebantur. L. VI. tit. De haereticis.

Quintum medium. Inquisitores Fidei statuti ab Innocentio III. in subsidium Episcopalis curae, quorum solerti indagatione, & potestate examinandi suspectos de fide, repressa fuit hominum rudium opificum, artificum, (qui Doctores inter Waldenses & Albigenes erant) audacia, & ignorantia patetacta.

Sextum & ultimum medium fuere Germaniae Regum & Imperatorum edicta & leges : inter hos Fridericus II. Augustus tunc pro tutanda Ecclesia, & iniunicis Ecclesiae, hoc est, haereticis compescendis, (c) ferventissimus fuit.

Refert ea edicta seu leges Grefserus *Noviss. edition. Tomi XII. Parte II. pag. 13. & seqq.* qui eorundem etiam in corpus Juris civilis relatorum, [*Authent. de statutis & consuetudinibus* §. 32.] subdivisorum anatomiam statuit Fridericus II. in authentica Juri canonico & civili inserta haec auctoritate Imperiali edidit.

I. Gazaros, Patarenos, Leonistas, Speronistas, Arnaldistas, Circumcisos, & omnes haereticos utriusque sexus quocunque NO-

MINE CENSEANTUR perpetua damnat infamia.

II. Eisdem diffidat, id est, hostes publicos declarat.

III. Bannit : id est : banno suo subicit ; *Er thut sie in den Reichs-Bann, oder Reichs-Acht.*

IV. Praecipit ut bona talium confiscentur, nec ad eos ulterius revertantur.

V. Ut filii eorum ad successionem non possint pervenire.

VI. In constitutione (cap. 25. L. 1. Epistolae Petri de Vincis) statuit idem Augustus ; Ut haeretici cujuscunque nominis, ubicumque per imperium ab Ecclesia, hoc est, a jure Ecclesiastico, damnati fuerint, & saeculari judici assignati, hoc est, brachio saeculari traditi, debita animadversione, id est, mortis supplicio puniantur.

VII. Ut si qui haeretici, postquam deprehensi, terribi metu mortis redire voluerint ad fidei unitatem, juxta Canonicas sanctiones ad agendam poenitentiam in perpetuum carcerem detrudantur.

VIII. Decernit cap. 26., ut crimen haereseos inter publica crimina numeretur.

IX. Ut horribilius aestimetur, quam crimen laesae Majestatis Imperatoriae.

X. Eisdem illis poenas statuit, quae in perduellionis reos jam olim sanctae sunt.

XI. Ut si in erroris concepti instantia perseverent, vivi in conspectu hominum comburantur.

XII. In cap. 27. Patarenos, Speronistas, & alios quoscunque haereticos perpetua infamia inurit.

XIII. Juber ut suspecti de haeresi, nisi mandante Ecclesia juxta considerationem suspicionis ac qualitatem personae, propriam innocentiam congrua probaverint purgatione ; tanquam infames, banniti, ab omnibus habeantur, ita, ut si per annum manserint, damnatis haereticis accenseri debeant. cap. excommunicatus 13. *extravag. de haereticis.*

XIV. Credentes praeterea, Receptores, Defensores, & Fautores haereticorum, banno subicit : statuens, ut si, postquam quilibet talium ab Ecclesia excommunicatione notatus, satisfacere contempserit intra annum, extunc ipso jure sit factus infamis.

XV. Ita, ut at ad publica officia admitti nequeat :

XVI.

(c) In tantum Albienfum error invaluit, ut brevi intervallo temporis infecerit usque ad mille civitates, & si non fuisset gladius fidelium repressus ; puto, quod totam Europam corripuisset. Haec *Cesarinus L. V. Miraculorum Cap. XXI.* coevus Auctor scribens in & de anno 1210. qui praedicabatur crux in Alemannia contra Albigenes.

XVI. Nec ad eligendum aliquos ad huiusmodi officia vel consilia :

XVII. Nec ad dicendum testimonium :

XVIII. Nec testandi liberam habeat facultatem.

XIX. Nec in ulla hereditate succedat.

XX. Nullus ei teneatur respondere super quocunque negotio ; sed ipse aliis respondere cogatur.

XXI. Si iudex fuerit ; ut ejus sententia nullam habeat firmitatem.

XXII. Nec causæ ad ejus audientiam perferantur.

XXIII. Si Advocatus ; ejus patrocinium nullatenus admittatur.

XXIV. Si tabellio ; instrumenta per eam confecta nullius sint momenti.

XXV. Omne insuper proclamationis & appellationis beneficium , hæreticis receptatoribus , & fautoribus eorundem , penitus adimit Imperator.

XXVI. Hæreticorum receptatorum , fautorum , & advocatorum hæredes ac posteror , usque ad secundam progeniem , cunctis beneficiis temporalibus , publicisque officiis , & honoribus privat Imperator.

XXVII. Semit , ut Possessores , Consules , seu Rectores , quibuscunque fungantur officiis , pro defensione Fidei præstent publice juramentum ; quod de terris , suæ jurisdictioni subjectis , universos hæreticos ab Ecclesiis denotatos , bona fide pro viribus exterminare studebunt ; ita quod ammōdo , quādoque fuerit quis in Possessionem sive perpetuam , sive temporalem , assumptus , hoc teneatur capitulum juramento firmare : alioqui nec pro Possessoribus , nec pro Consulibus habeantur , & eorum sententiis irritas extunc decernit , & inanes.

XXVIII. Si Dominus temporalis requisitus & admonitus ab Ecclesia , terram suam purgare neglexerit ab hæretica pravitare : post annum , a tempore admonitionis elapsa , terram illius ipsis exponimus Catholicis occupandam , qui eam exterminatis hæreticis absque ulla contradictione possideant , & in fidei pietate conservent , salvo jure Domini Principatus : dummodo super hoc nullam præstet obstaculum , nec aliquid aliud impedimentum opponat : eadem nihilominus lege servata contra eos , qui non habent Dominos principales.

XXIX. Quicunque hæretici reperti fuerint in civitatibus , oppidis , seu locis Imperii , per Inquisitores aliquos , a Sede Apostolica datos , & alios Catholicæ Fidei zelatores , ii , qui jurisdictionem ibidem habuerint , ad Inquisitorum , & aliorum Catholicorum

virorum infirmationem eos capere teneantur , & eos ceptos arctius custodire , donec per censuram Ecclesiasticam damnatos , damnabili morte periant , qui fidei Sacramenta , & gloriam æternæ viæ damnabunt.

XXX. Inquisitores de Ordinibus Prædicatorum & Minorum contra eosdem hæreticos instruit Papa.

XXXI. Eosdem Inquisitores Præfectis , & Magistratibus sedulo commendavit Imperator : Universitati vestræ mandamus , quatenus quocunque , & ad quemcunque vestrum pervenerint , benigne recipiatis eosdem , & personas eorum ab injuria hæreticorum , eis infamantium , conservantes irredimēs , omne consilium , ducatum , & auxilium impendatis pro acceptis coram Deo negotiis exequendis . Hæreticos vero , quos vobis ostenderit , ipsi in jurisdictione vestra singuli capientes , diligenti custodia detinete , ut post Ecclesiasticæ damnationis iudicium penam subeant , quam merentur : scilicet , quod in ipsis executione negotii geram Deo & laudabile Nobis obsequium conferatis ; si ad expellendam de partibus nostri Imperii novam , & insolitam hæreticæ pravitatis infamiam opem , & operam una cum eisdem Fratribus præstiteritis efficacem : & si quis exinde foret negligens , vel remissus , ac inutilis ; coram Deo , & in conspectu Nostro poterit merito culpabilis apparere.

XXXII. Denique illud etiam statuit Imperator , ut si qui simulato abjurassent hæresin ; deprehensi & hæreticos , & hypocrisicos suæ capitali penam subirent.

Hæc est summa penarum in hæreticos dictatarum a Friderico II. ex quatuor constitutionibus , quarum tres reperiuntur in calce Libri I. Epistolarum Petri de Vincis , quarta ad calcem quatuor Librorum de Feudis , ubi & approbatio Honorii Pontificis Maximi.

Grægorius noviss. edition. Tom. XII. Parte II. pag. 13. 14. 15.

§. VI. Parallelum Sæculi XIII. Catholicici cum Sæculo IV. & V. Catholico , & penarum ab Imperatoribus Catholicis in hæreticos latarum.

LEgenti Fridericianas constitutiones contra hæreticos , videtur iusto acerbior & levior hic Princeps in hæreticos Waldenses , Albigeneses , & cæteros sui Sæculi fuisse : item favores nova vel insoliti & nostræ Europæ , qualis saltem nunc est , intolerabiles , sed in ipsa historia Ecclesiastica comparatis

Fridericum Augustum Germanum Constantinis, Theodosius Magis, Gratianis, Arcadiis, Honoris, Valentiniano i. n. m., qui intra Saeculum iv. & v. floruerunt Catholica religionis & rebus gestis pro Imperio, & Ecclesia Christi celeberrimi. Horum supersunt Leges LXXVI. de haereticis latae intra annum Christi ccc. & annum cccxxviii. comprehensae titulo quinto Libri xvi. Codicis Theodosiani praeter Leges permultas toto Libro hoc xvi. & aliis insertas ab eisdem Augustis sancitas contra haereticos, schismaticos, Titulo i. *De Fide Catholica*. Titulo ii. *De Episcopis, Ecclesiis, & Clericis*. Titulo iii. *De Monachis*. Tit. iv. *De his, qui super religionem contendunt*. Tit. vi. *Ne sanctum Baptisma steretur*. Tit. vii. *De apostatis*. Tit. viii. *De Judeis, Caliculis, Samaritanis*. Tit. ix. *Ne Christianum municipium Judeus habeat*. Tit. x. *De pagani, sacrificii, & templis*. Tit. xi. *De religione*.

Solo quinto in Titulo versabor, ex quo elicio primo, jam tum eo Saeculo haereses, in sectas innumeras divisas, non minus inter se discordes singulas, quam contradicentes Ecclesiae Catholicae omnes fuisse. Sane Gothofredus in Paratitlo hujus Tituli v. observat xxxvii. haereticos nomine, & errore, & autore diversos, in his lxxvi. Legibus feriri, damnari: quorum praecipui Manichei, Phryges, Donatistae, Arriani, Macedoniani, Eunomiani, Nestoriani, Joviniani, ex quibus innumeri errores errores novos prioribus addiderunt, alii eosdem emolliuerunt, adoperarunt ad aliquam concordiam cum Catholicis lucrandam: alii severiores, rigidiores Manetis, Arii, errores praerulerant, & nihil cum Catholicis commune volvere. Similis discordia fuit Saeculo xiii. etsi enim Primarii Waldenses, Albigenes, & Arnaldistae essent; in plurimas tamen sectas abierunt, quorum permultas, cum recensisset Augustus, demum subiungit: & quotquot haereticorum nomine censentur.

Secundum parallelum: haeretici Saeculi iv. & v. non minus, quam Catholici suos Episcopos habere, & ordines Ecclesiasticos, magistros, doctores, in his legibus sine citatos, & damnatos affectarunt. Saeculo xiii. omnibus aetiam infimae, & ignarissimae plebeculae opificibus, Scripturae sacrae doctio, ac lectio commissa, & plerumque Sutoribus, Sartoriis, Textoribus, cum doctioe omnium Mysteriorum functio credebatur.

Tertio. Inter tot Catholicos Augustos nati sunt haeretici duos haereticos Constantium & Valentem a saecul. xii. & xiii. ceteri omnes Catholici Augusti fuerunt in Oriente & Germanis: nullum edictum haeretici pro se habuere, nonnulli tamen Augusti in aliquos Romanos Pon-

tifices animo acerbiorum fuerunt, & Schismatici aliquot antipapamnaverunt: quod schisma, etsi ex se solo haereticis non sit, solet tamen in haeresin degenerare, aut cum haeresi conjungi.

Quartum Parallelum Media iv. & v. Saeculo adhibita erant haec sanandis haereticis: Pontificum, & Episcoporum Catholicorum praedicatorum? sanctissima interpretatio Verbi Divini tum in concionibus, tum in libris scriptis, qui supersunt, deum auctoritas in Concilis, puta Niceno, aliisque (quibus enumerandis superfedeo) cum luce clarior sit Historia Ecclesiastica. Saeculo xiii. quae media adhibita fuerint ab Ecclesia pro errantibus oviculis in viam reducendis §. iv. ostendimus.

Quintum Parallelum inter Imperatores illos Orientis & Occidentis Saeculo iv. & v. & Fridericum folius Occidentis Imperatorem Augustum Saeculo xiii. Nulla est poena a Friderico n. Augusto inflicta, quam non influxerint Augusti Saeculi iv. & v. pertinacibus, & ad poenitentiam converti reculantibus. Inspectantur leges tit. v. libri XVI. Theodosiani cum commentario Gothofredi.

I. Doctores haereticorum docere veriti, urbibus pulsati, in exilium deportati; disputare publice de Religione turbis coadunatis vetiti, alioquin competentis poena, & digno supplicio coerceri iussi.

II. Aliquando bonis omnibus confiscentis, aliis decem libris auri multati.

III. Ceteris insuisti damnati, conventicula sancta haereticorum verita tam nocte, quam die, interdicta poena proscriptionis & exilii, & sanguinis quandoque.

IV. Loca, in quibus haereticorum conventicula, vel habitacula haereticorum, aut confiscata, aut Ecclesiis, & Clericis Catholicis vindicata. Conductoribus, Procuratoribus haereticorum, villicis variae poenae indictae: quandoque etiam ultimae animadversionis. Catholicis haereticorum ceteris dissuadendi potestas data.

V. Participes, conscii ejusdem superstitionis pari affecti poena, in communione haereticis dictata.

VI. Infamia notati per edicta publica, a conversatione hominum summoti: ab officiis & administratione publicis prohibiti, denegata facultas testandi, donandi, & dona accipiendi; imo contrahendi, emendi, vendendi, jus ademptum; ex sedibus suis ex moribus pelli iussi, summo supplicio affecti: Inquisitores & Executores constituti, qui haereticos e latebris erutos, ad iudices deferrent.

Figura facio. Legat, qui volet Gothofredum

fredi partitione in ritalem hunc v. & vide-
ba Fridericum n. penas fere easdem statu-
isse, quas Constantini, & Theodosii Magni
de fuerunt, præsertim contra Maniche-
os, & Donatistas, Circumcelliones omni-
um bipedum crudelissimos, & spurcissimos
hereticos.

Manifeste igitur parallelus est usus Im-
periali auctoritatis Sæculo iv. & xiii. pro
compescendis pertinacibus & perduellibus
Dei & Ecclesiæ hostibus.

Exceptiones hæreticorum five Donati-
storum Sæculo v. five Albigenis Sæculo
xiii. five nostri temporis hæreticorum, sunt
eadem: *Ima. Fides libera omnibus; nemo
ad eam cogendus. Ildā. Deus non gladio,
sed prædicatione voluit homines ad Evan-
gelium duci. Iii. Libertas conscientie cuius
permittit: quilibet homo est interpret
suis Verbi Divini, & solus iudex sibi ipsi,*
que principia polemici scriptores jam ab-
solute confutant: & ut semel dictum non sunt
propositiones hæreticæ, sed stolidæ, im-
pie, Dei & juri naturali contrariæ, omni-
um Atheorum & Sceleratorum & perduelli-
um apologia, que ad nos hic non spe-
ctant.

§. VII. De Albigenisbus Spe- ciatim.

Albigenes Sæculo xii. & xiii. orti, &
propagati multis videntur lidem esse,
qui *Waldenses*: sed licet postea inter se cõ-
cuerint, uti omnes hæretici sunt cõcordes in
oppugnanda Ecclesiæ Catholice auctoritate:
atramen alio ex motivo & principio orti
sunt Waldenses, qui æthæram abdicationem
omnium honorum temporalium, uti neces-
sariam ad salutem asserabant, & a Papa pe-
tierant suæ sectæ approbationem, Papæ &
Clero, e quo rejecti fuerant, succensebant,
& odio immani contra eos, & eisdem con-
tradictendi libidine urebantur.

Contra Albigenes in urbe *Albia vel
Albiga*, Augusta civitate Episcopali, sub
Metropoli Bituricensi orti sunt, quo au-
tore, nescitur, & ipsi sectæ suæ autorem
neminem prodebant. Hoc ex omnibus cõ-
viciis, & suppositis scriptoribus certum, eos
Maneris, & Manicheorum errores adoptasse.
Duplex stantebat principium: unum *hu-
manum*, a quo spiritus inviolabiles, alterum *ma-
lum* principium, a quo omnia corpora vili-
bilia, & vetus testamentum prodierit. Hinc
omnia corpora non tantum, ut inutilia,
sed ut *mala* reprobant: negabant Chri-
stum Corpus assumptisse, negabant corpora
resurrectura, omnia Sacramenta, corporeis
signis constantia, repudiabant. Inde ima-
gines, reliquias corporales, demum ipsam

matrimonium, abominabantur, nec caritæ,
nec vino urebantur. Que omnia consequen-
tia sunt ex admissio principio malo; omnia
corporæ rei in se, vel substantialiter malle.

Lacus Tudenſis Episcopus eorundem
errores scripto confutavit in Hispania: in
Germania nostra Cæſarius Helthebæſenſis
cœvus. *Miraculorum L. P. vap. XXI.* Ali-
quot eorum errores recenset.

*Pantaleonita ad ann. MCCXXVI. apud
Freherum pag. 294.*

*Magnam Chronicon Belgicum ad annum
MCCXXVI. pag. 213. edente Pistorio.*

Belium Cruce lignatorum, quod pro
recuperanda e Saracénorum manibus Terra
Sanctæ Principibus Christianis Pontifices Sæ-
culo xiii. in iunxerunt, eodem Sæculo exstín-
te, & xiii. incunæ contra Albigenes com-
pescendos, & ad obedientiam erga Eccle-
ſiam & Republicam hos baptizatos obli-
gandos vertendum, & impendendum cen-
ſuerunt Innocentius m. & Concilium Latera-
nense anni mcccvi. imò varia Concilia Na-
tionalia, & Provincialia, & Diocesana.

Anno mcccii. Conradus Episcopus Por-
tuenſis, & Cardinales, legatos fuit, & cru-
cem prædicavit assumendum contra Albi-
genes. Sed nullibi acerbius exarsit bel-
lum, quam in Gallie Meridionalis par-
tibus, Aquitania Provincia, Dauphinat, &
Infubria. Albigenum Dux & Tutor erat
Comes Tolosanus, aliique nobiles varia Pa-
pa anno mcccvi. dnos Legatos eo miſit.
Rainerum & Guidonem, commendavitque
eos Principibus, & Prelatis Gallie, ut hæ-
reticorum conversioni, prædicando verbo
variatis, incumbarent. Anno mcccix.
bona hæreticorum pertinacium Fisco addita
voluit: Abbati Cisterciensi, aliisque religio-
ſis & ſecularibus nova mandata de conver-
tendis ad Eccleſiam dedit, sed fructu non
magno admodum. Didacus Episcopus Auxi-
menſis, in cujus Comitatu erat S. Domini-
cus, non verbo tantum, sed exemplo præ-
lucente corrigendas errantes monuit, & de-
poneretur ſaltum, luxum Clerici, imitaren-
tur Apostolicum paupertatem; tum enim
verò Dominum benedicturum Predicationi
Evangelicæ. Ipſe Episcopus primus depo-
ſit ſplendida familia, mutatis vestibus in
ſimplicem habitu, cum paucis Clericis comi-
tatus aliis prævit, & S. Dominicus cum
ſociis ſponte ſua paupertatem voluntariam
profeſſus, ſummo zelo Verbum Dei prædi-
cavit, unde PRÆDICATORUM nomen
ordo ejusdem meruit.

Sed Comite Tolosano fortissime obſi-
ſtente cum multis civitatibus & millenis hæ-
reticis, ad arma deveniendum fuit, dura-
vitque bellum hoc ſacrum varia fortuna &
eventu, nunc pro Catholicis, nunc pro hæ-
reticis.

reticis: aliquando victoribus, alias ad tempus victis, precipientibus & supplicantibus pro abolitione ab excommunicatione & poenitentia: mox reviviscuntibus & ad arma ac perditionem redeuntibus. Varii interim pacti articuli fuerunt & conditiones hinc inde ab A. MCCXXIX. ad MCCXXXIV. quae cum Franciscum spectent, nihil faciunt ad hactenus Ecclesiarum Germaniae.

§. VIII. De usu gladii contra haereticos.

Subjungo Clarissimi viri Ludovici Thomassini ex Congregatione Oratorii Presbyteri animadversionem in has expeditiones, ut vocant *Cruciatas*, seu Cruce signatorum militares, contra haereticos hoc Saeculo XIII. introductas.

I. Pontifices & Episcopi Germaniae, Galliae, Hispaniae, hactenus non nisi gladio spiritali usi erant contra periculosos, Ecclesiae Catholicae per Baptismum incorporatos filios, hoc est, excommunicatione a societate Fidelium & usu Sacramentorum se Ecclesiae bonorum abjudicatione: quem gladium Christus dederat: *Si Ecclesiam non auferitis, se tibi sicut Ethnicus & Publicanus;* uti Episcopi primorum Saeculorum contra Manichaeos & Donatistas aliis armis usi non sunt.

II. Verum cum Albigenses, Manichaeorum imitatores, eorundem exemplo, Rempublicam, & Ecclesiam turbarent vesanis concionibus, excussu jugo obedientiae, invaderent templum, Antistes, & Clericos Catholicos: violarent personas sacras, expollerent Monasteria, judicavit Papa & Episcopi, implorandam esse potentiam saecularem, ut gladio suo vesaniam & furorem [*verba sunt Theodosii & Constantini*] haereticorum comprimerent, & pacem ac obedientiam Ecclesiae, & Regno instituerent. Sicut [*sic S. Leo I.*] licet Ecclesiastica disciplina Sacerdotali contenta iudicio, cruentas non efficit ultiones; Catholicorum tamen Principum constitutionibus adjuvatur, ut saepe querant homines salutare remedium, dum corporale super se movent evenire supplicium.

Cum igitur Patribus Concilii Lateranensis recitarentur caedes, & devastaciones, direptiones Albigensium contra Catholicorum personas & Ecclesias, primo quidem Decretum fuit Canone III. anni MCCXXV. post Ecclesiae exumen & condemnationem praevias:

" Dammati haeretici secularibus Poestibus praesentibus, aut eorum balivis relinquantur, animadversione debita puniendi. Clericis prius a suis Ordinibus degradatis, ita, quod bona huiusmodi damnatorum,

" si laici fuerint, confiscentur; si vero Clerici, applicentur Ecclesiae, a quibus stipendia perceperunt.

Decreta fuerat expeditio cruciata in Concilio Lateranensi sub Alexandro III. A. MCCXXX. Anno MCCIV. Innocentius III. eorum promovendae aliborsat adhuc. Anno MCCVII. in campum prodire exercitus haereticus jam ante bene instructus, Ecclesiae & Ecclesiasticis exterminandis destinatus: & strius apparuit exercitus Catholicus: magnoque opere, & annis multis fudatum & pugnanum, ut urbes & Provinciae redirent ad Ecclesiam, & sacram fidem avorum suorum.

Ipse Comes Tolosanus, soli audita fama cruciatae expeditionis contra se instructus, ad petendam pacem supplicat Papae. fuit, etiam post saepe relapsus bellum redintegravit. Denique non Ecclesiae, sed Regis Franciae, Comitibus de Montfort, Regis Arragoniae, aliorumque secularium Principum gladio cruento domita fuit vesana haereticis Albigensium, cujus errores multis annis ante interperant, quam Ecclesia imploraret brachium saeculare.

Non fuit igitur alia mens, alia disciplina, alia intentio Ecclesiae Catholicae Saeculi XIII. & Ecclesiae Saeculorum IV. & V.; uti nec Pontificum & Episcoporum mens alia fuit utroque tempore.

Audiamus exordium Constitutionis Frederici II. separantis gladium Imperialem a gladio Ecclesiastico excommunicationis, eamque constitutionem, & contentas in ea potestas non Episcopis, sed Principibus secularibus, exequendas scribentis: " *Cognovimus tibi nobis cura regiminis coelitus, & Imperiale, cui dante Domino praesidemus, fastigium dignitatis, MATERIALEM, quoque DIVINUM a SACERDOTIO fungimur, gladium adversus hostes fidei in exterminium haereticos praevitatis, exigunt exercendum, ut vipereos perfidiae filios contra Deum, & Ecclesiam insultantes, tanquam materiam uteri corrosivos, in iudicio & iustitia persequamur, maleficos vivere non passuri, per quorum sententiam seducentem mundus inficitur, & gregi fidelium per oves morbosas gravius infligitur corruptio.* " I. Statuimus itaque sancientes, ut haeretici quocumque nomine constantur, ubique per Imperium DAMNATI fuerint AB ECCLESIA & SAECULARI BRACHIO ASSIGNATI, animadversione debita puniantur.

Ecce Officium Ecclesiastici, & Officium Imperialis gladii. Ecclesiae competit damnatio haereticis erroris, excommunicatio, delegatio Sacramentorum, sepultura, ac de minimis (ut Italia ibidem innuit Augustus) haere-

hæretici ad fidei unitatem revertentis juxta Canonice functiones ad agenda penitentiam in *perpetuum carcerem detrufio*.

Post hunc gladium spirituale sequitur pena gladii materialis, quo *fungitur Imperator devotus a Sacerdotio*, & pecuniarum corporum execratio, uti offendimus in *edictis Constantinianis, & Fridericianis*. Hæc sufficiunt ad indicandam originem, usum, & finem expeditionum *Cruce signatorum* contra obstinatos, & publicæ quietis turbatores.

§. IX. De hæresi Stedingorum, & mediis quibus cohibiti fuerunt.

STedingi, hæreticorum genus, duntaxat notum Germanis, florem versus in Frisia, Ducibus, & Comitibus Brunsvicensi & Holstinico, videntur nomen duxisse a civitate Stedensi, vel quia ibi orti sunt, vel quia plurimi, aut præcipui ipsorum illic innotabant. Eorum errores recensimus *Tom. III. pag. 551.*

Accrevit eorum numerus adeo vehementer, ut per plures Episcopos Hammburgensem, Lubecensem, Raccburgensem, Mindensem, diffunderentur, & gravibus injuriis ac caedibus atrocibus Clerum, & Monasteria vexarent.

Postquam illis auctoritate Episcopali & Pontificis, veritas prædicata fuit, & errores eorundem obsoleti, & spurci detecti, nec tamen ad frugem redierant; Pontifex & Episcopi exercitum Cruce signatorum contra eos colligendum censuerunt; ut vim Ecclesiæ illam repellere, & forte hæc vel comminatione, vel exhibitione Catholici exercitus respicerent.

Post prædicationem, ex Catholicis Principibus Henricus Dominus de Brunswic, Henricus Dux Brabantie, Florentius Comes Hollandiæ, Theodorus Comes de Clevia, Otto de Gelria, Henricus Oldenburgi, Wilhelmus Julæ, Adolphus Marchiæ, Theodoricus Limburgi Comes, exercitus Catholici Cruce signati ad XL. millia, Duces erant contra Stedingos: & breviter tempore eorum, licet furiose dimicantium, ad sex millia interfecerunt: alii Visurgis fluctibus hausti, alii in omnem terram dispersi.

Pontifex Gregorius IX. Episcopis Paderbornensi, Hildesheimensi, Verdeni, Monasteriensi, Oßemburgensi scribit, ut non tantum prædicationis officio assistant Episcopi, Bremensi, Raccburgensi, Mindensi, Lubecensi; sed & indulgentiam peccatorum annuunt populo contra eos hæreticos mi-

nistur, aut auxilio ad eorum conversionem adfuturis.

Demum cum illorum hæreticorum multi supplicarent apud Papam pro venia, Pontifex continuo ad Episcopos scripsit pro eorundem reconciliatione procuranda. *Vid. III. T. pag. 553. 554.*

§. X. De hæreticis in Diœcesi Trevirensi & Moguntina.

Circa MCCXXXI. varii hæretici in Archidiœcesi Trevirensi versabantur, de quibus Gregorius IX. monet Theodoricum Archi-Episcopum eorum scelera & errores reperies *III. T. pag. 539.* & post remedia spiritualia, etiam in obstinatos supplicia corporalia. *Lege Synodum Trevericam anni MCCXXXI.* Et vâtriciem hæreticorum, qui & Archi-Episcopum Trevericum ex sua lara effluerant, & Pontificem eodem nomine, quo tunc Pontifex Romanus, & Trevirensis Archi-Episcopus gaudebant: qua strophæ examen Archi-Episcopi deludebant, dum se eandem fidem profiteri, quam Pontifex Romanus & Episcopus profitebantur callido mendacio assererebant. Nempe uni errori & mendacio regendo & palliando decem mendaciis opus est.

Ex hoc iterum exemplo liquet, nec Papam, nec Imperatorem, nec Principes Germaniæ, nec Episcopos gladium materiale arripuisse, nisi postquam hæretici suis erroribus sparsis undequaque vim, furorē, cædes, vastationes adjunxissent, & paternis monitis Ecclesiæ omnem obedientiam denegassent.

Manet semper verum Ecclesiæ non habere nisi gladium spirituale contra hæreticos corrigendos; quod si Imperator det Episcopis Germaniæ gladium materiale, cur vetarentur eo uti post inutiliter adhibita media omnia spiritualia non tam hæreticis, quam perduellibus Ecclesiæ, provinciarum vastatoribus dampnandis? Profecto si Regiæ, vel Cæsareæ Majestatis violentioribus summum supplicium leges omnes decernunt, cur Divinæ Majestatis, & Ecclesiæ Christi hostes non sentiant Regem [a] non sine causa gladium gestantem, vindicem in tramei, qui malum agit.

§. XI. De origine Inquisitionis, & Inquisitorum in hæreticos.

Episcopus esse primitivos Missionarios, & Inquisitores hæreticis corrigendis, a Christi

(a) Ad Romanos XIII. 4.

Christo destinatos, ex vi suæ vocationis Episcopalis certum est. *APOSTOLI, MISSIONARII, & a Christo missi* voces synonymæ sunt, græca una, latina altera: cum ergo Episcopi Apostolorum vice in Ecclesia Dei instituti sint ex Christi ordinatione, evidens est eos a Christo missos ad docendum (b) *Gentes omnia quæcunque Christus mandaverat*: Eiusdem officii est, docere veritatem, & errorem veritati contrarium, sæpe sub furo, aut specie verosimili tectum detegere, arguere, & eradicare.

Sunt igitur & fuerunt Episcopi primævi & connaturales Inquisitores & Iudices damnandorum errorum, veritati Evangelicæ a se prædicatæ contrariorum.

Antiquissimum exemplar hujus auctoritatis & officii Episcopalis in damnandis hæreticis, sive in Germania ortis, sive in Germaniam aliunde illatis habes *Tom. I. Conciliorum Germaniæ pag. 72. & 76.*

Eruperant anno Christi dcccxlvi. hæretici in Germaniam nostram Adalbertus, & Goldastus, & Clemens, Exepiscopi sacrilegi, & contumaces hæretici, hos Zacharias Papa Bonifacio, tunc Regionario Germaniæ Episcopo scribebat, in medium deducendos, & eorum causam subtili discretionis cribrandam (hoc est *Inquisitoris officium*) dein, si deviantes a rectitudinis Catholicæ tramite usquequaque reppereritis. Et convicti, inclinati fuerint ad viam converti rectitudinis; ut bonum atque placitum in oculis vestris paruerit. cum Principe Provinciæ CARLO-MANNO & PIPPINO disponite, secundum sacrorum Canonum sancita.

De Sidonii & Virgili, Presbyterorum in Bavaria, erroribus retulerat Bonifacius Zachariæ Papæ, qui anno dcccxlvi. rescribit: " Ut eos, coacto Concilio, ab Ecclesia pellat, Sacerdotii honore privatos." Eodem tempore, innuit Papa, Pippino Duci invitorias a se scriptas, ut Virgilius Papæ præsentatus, & subtili inquisitione requisitus, si erroneus fuerit inventus, Canonicis Sanctionibus condemnatur. *Tom. I. Concil. German. pag. 86.* Sed in eadem Epistola, facta enarratione variorum errorum & hæreseon, in Austrasia & Germania pullulantium, generatim scribit: " Hos itaque Ministros Sanctæ & non Christi, ubicunque reppereris, Carissime Nobis, aggregato Provinciali & Sacerdotali Collegio omnimode devota: & a Sacerdotali honore privatos, sub regula monachica, & penitentia submissos, vitam finire ordinabis, ut carne afflictæ, ad viam quandoque redeant rectitudinis. *Tom. I. Concil. German. pag. 85.*

Ecce igitur Episcoporum officium Saculo octavo. I. Errantes quoscunque maxi-

me hæreticos inquirere, examinare, docere: si pertinaces corrigi nolint, deponere, si sint Clerici; si laici, excommunicare, acedemum in perpetuum carcerem penitentiae ergo detrudere. Idem jus inquirendi, corrigendi hæreticos, darum Episcopis, agnitum fuit, denuo in Concilio generali Lateranensi anni MCCXV.

§. XII. De Inquisitoribus hæreseon, substitutis ad subsidium Episcoporum, vel a Concilio, vel a Papa, vel ab Episcopis.

Innocentius III. primus omnium constituit Inquisitores Catholicæ Fidei adversus Albigeneses.

Saudinus in vitis Pontificum Romanorum pag. 406.

Van Espen Juris Ecclesiastici universi Parte I. tit. 22. Cap. III. §. 3.

Sæculo XIII. Oriente Abbates Ordinis Cisterciensis, & varii Theologi ex ea sacra familia fuere, a Papa Innocentio III. invitati ad subsidium ferendum Episcopis in inquirendis, & examinandis, & dedocendis hæreticis Waldensibus & Albigenisibus; quorum sermo, ut cancer serpebat.

Didacus Episcopus Auximensis cum S. Dominico, & hic cum fratribus suis allaboravit extirpando zizanio ex agro Dominico.

Fratres Minores ex Familia S. Francisci, fuere & ipsi missi ab eodem Papa tum ad infideles, tum ad hæreticos convertendos ad veritatem Catholicæ Fidei; & his subinde a Papa datum Officium Inquisitionis in hæreticos, qui, ut ordinarie lucem fugiunt, nocturna conventicula agitabant, in iisque viri & mulieres indoctissimi & vilissimi generis homines, suo delirio cerebro interpretabantur scripturas, plebem turbantes, & commoventes ad seditionem.

Fridericus II. Augustus constitutione I. contra hæreticos *Tom. III. pag. 507.* Fratres Prædicatores, & Minores pro fidei negotio in partibus Imperii sua contra hæreticos deputatos, sub Imperii speciali defensione receptos, vult esse inoffensos, & Universitati civitatum vel provinciarum mandat, ut eos benigne recipiant, servent indemnes ab hæreticorum insidiantium incurfu, & auxilium eis impendant.

Tholose primum instituta Inquisitio per hos Regulares, a Papa munitis potestate, dein in Italia, & Hispania. In Germania locum non inveniit. Ipsi Episcopi Inquisitores sunt primævi, connaturales, & ordinarii, a Deo vocati, ad errores arguendos & extirpandos.

§. XIII.

(b) Matthæi XXVIII, 19, 20.

§. XIII. De hæresi Flagellantium.

HÆC Perusii in Italia nata circa A. MCCLX. per Galliam & Germaniam erravit: ii nudato tergore ad sanguinem se cedebant; bini & bini incedentes, præibat Presbyter crucem ferens: mulieres Domi flagris tergora lacerabant. Hæc actio ad imitationem Christi flagellati ex corde contrito profecta mali nullam speciem habebat: & fuisse ab initio multi, hoc penitentiae genus exercentes, ad frugem conversi, reſtituta ablata iniuste, & opera caritatis exercita.

Verum non contenti hac sui laceratione, prædicabant, hac sola via remissionem peccatorum consequendam. Conſitebantur invicem peccata sua, &c.

Sæculo XIV. frequenti circa MCCCXL. eruperat similis enthuſiaſmus ex Hungaria ſe publice flagellantium (de qua ſecta ibi) a Clemente VI. anno MCCCXLIX. vetita & damnata fuit, licet Cardinales multi iis faverent, uti ſanctiſſimis hominibus, ad poſtulentiam averruncandam idoneis.

§. XIV. De erroribus Fraticellorum, Beguinorum, Bogardorum, ſimiliumque, Pauperes Lugdunenses perperam æmulantium.

PAUPERES de Lugduno ſi aliud nihil intendiſſent, quam æmulari paupertatem Apoſtolorum, imaginem a Chriſto, ſue vite mercedem, magnam ab Eccleſia Chriſti habu- dem, & approbationem tuliſſent: uti S. FRANCISCUS Seraphici Ordinis Patriarcha ob heroicum contemptum ætatem temporalium bonorum, Deo & hominibus gratiſſimus fuit. Nempe idem contemptui opum terrenarum humilitatem conjunxit, & obedientiam erga Eccleſiam Chriſti, ejuſque Praelatos in omni vita præ ſe tulit: ac ideo longiſſimo intervallo abſuit ab iis, qui propter ipſam abjectionem opum terrenarum ſe anteferebant aliis, quos ſobrie uti opibus, a Deo ſibi datis & acquiſitis, videbant. 2da. Divites conſemnebant, ſingebantque, actualem abjectionem omnium terrenarum opum ad ſalutem æternam eſſe neceſſariam. 3ta. Contemnebant Clerum ob divitiarum uſum. 4ta. Obedientiam Eccleſiæ Praelatis denegabant. 5ta. Eos Chriſti, & Apoſtolorum Succeſſores eſſe inſiciabantur.

Nos ut rem ab ovo deducamus, varios errores & hæreſes circa paupertatem Chriſti

Tomus IV. Concil. German.

& Apoſtolorum, quæ Chriſtianis imitanda in Evangelio proponitur, enarrabimus.

Apoſtoli dicti fuere quidam hæretici apud Epiphanium hæreſi LXL. & apud S. Auguſtinum hæreſi XL. qui in Piſidia degebant, teſte Damasceno. Tempus eorum incertum reputat Præcolus; ſed Sæculi quarti anno XXIV. ſimilium hæreticorum fit mentio in Concilio Gangrenſi, relato a nobis Tom. I. pag. 153. In Prefatione ejuſdem Concilii ſic legitur: "Inventi ſunt etiam diſceſſiones & ſeparationes a Dominicis inſtitutis in Eccleſiis Dei docere, id eſt, traditiones Eccleſiaſticas, & ea, quæ in Eccleſia aguntur, debere contemnere: privatisque coenaticulis inſtitutis ad imitationem eorum, quæ in domo Dei aguntur, præſumere celebrare. . . . Subin ſpectum eorum errores enumerantur, inter quos & hic: "Divites fideles, qui non renuntiant omnibus, quæ poſſident, ſpem apud Deum non habere. . . . Propterea ergo coactum eſt hoc Concilium, in Eccleſia Gangrenſi habitum, ut Canones illos exponeret, quibus probatur, memorati erroris aſſertores contra Eccleſiam eſſe. In fine addunt Patres Gangrenſis Concilii: "Renuntiationem ſecularium negotiorum cum humilitate reccipimus: . . . divitias cum juſtitia & operibus bonis non ſpernimus: & habitum ſimplicem ac veſtem vilioſam pro corporis diligentia inſuſcitum laudamus." En ſapientiſſimam reſolutionem Concilii ſuper paupertate: Negat actualem renuntiationem neceſſariam eſſe ad ſpem ſalutis habendam omnibus fidelibus. Laudat actualem renuntiationem cum humilitate, ne ideo ſe præferant divitibus juſtis, nec Eccleſiæ Canonicis, & Legibus; laudat abjectum luxum & ornatum veritatem, ſed hæc abſolute neceſſaria eſſe negat: Vide Tom. I. Concil. German. pag. 155.

Anno MCCLXVIII. V. Idus Martii Honorius IV. edit conſtitutionem, quæ damnatur ſecta Ordinis Apoſtolorum ſub religioſo habitu per Italiam, aliasque Orbis partes mendicando diſcurrans, quos uti Synodo Lugdunenſi inobedientes damnat, & habitu privandos mandat omnibus Episcopis; pergentibus his tumultuari Nicolaus IV. Honorii ſucceſſor hos Pſeudo-Apoſtolos a Gerardo Sagarello ortos iterum inquiri, examinari, habitu exui præcepit. Pagi in Breviario Hiſtoriæ Pontificiæ Tom. III. pag. 458. 459. in vita Honorii IV.

Julianus apoſtata ex pejori ſine legem tulit, ne Chriſtiani bonorum ſuorum inſuſoribus reſiſtant, vel ulla ſe ratione defendant, æjens, ex præcepto Evangelii id iis interdictum.

Gregorius Nazianzenus.

H

Pele

Pelagius Monachus Britannus inter multos errores & in hoc erravit, quod dixerit, necessarium esse remissionem actualium omnium honorum temporalium.

Guillelmus de sancto amore contra mendicitatem Prædicatorum & Minorum scripsit; dicens, vel opere manuum, vel suis opibus vivendum; nequaquam vero licere, facta remissione, actualem pauperiorem in se sectari, ut quis mendicaret ab aliis victum & amictum.

Jam ut in tanta Narrationum varietate de Fratricellis, Beghards, Beguinis aliquot certi dicamus, quod si, qui Catalogos hæreticorum fecerunt, non sitis accurate observare:

Distinguo primo Fratricellos & Beghinos Seculi xiv. a Fratricellis & Beguinis Seculi xiv. sub Joanne xxi. & Benedicto xii. Pontificibus, qui videntur dissentisse a mente Nicolai iii. ejusque Bulla: *Exiit, qui seminat*, de quibus in Dissertatione ad Seculum xiv.

Fratricelli, Seculo xiii. noti, varios a variis Scriptoribus Auctores, seu Patriarchas habuere: Alii simpliciter dicunt, eos tertium ordinem S. Francisci fuisse, quod ipsi mentiebantur: Alii eos ex Apothecis ex ordine S. Francisci ortum duxisse, ut Natalis Alexander *Seculi XIII. Historie Ecclesiæ* art. X. pag. 99. asseruit: Alii a Joanne Petro Oliva prognatos, qui in Ordine Seraphico obiit anno mcccxvii. Narbonæ: Alii a Petro de Corbaria Antipapa, sed penitente, converso, & in gratiam recepto.

Quas opiniones omnes falsas esse, Waddingus in *Minorum Annalibus* crudite ostendit. Item Dermicus Thales in *Nitela Ordinis Minorum*. Auctor igitur Fratricellorum fuit Hermannus Pongilupus Ferrariensis medio Seculo xii. qui magnam multitudinem hominum sub pauperis specie ad se traxit, & tantum valuit apud sectatores suos, ut moeni imaginem in ara Cathedralis Ecclesiæ Ferrariensis collocarint, cultumque publicum eidem deferrent.

Hi sectarii religiosum habitum assumebant, sivebat observari a se Regulam S. Francisci, nisi nulli Superiori Ordinis Seraphici parerent: sed crearent inter se suos Ministros, Custodes, Guardianos.

Demum, cum S. Francisci filios se dicere non auderent, qui humilitatem & obedientiam erga Ecclesiam semper præ se tulit a Celestino V. Papa Eremiticæ vite amore descendere se mentiebantur, tunc a, nescio quo, Episcopo habitum hunc suscepisse, denique se esse de tertio ordine S. Francisci jactabant. Idem cum quoniamverum multiplicarentur, & Bizochi, & Bogardi, & Beg-

hini, & Pauperes de Lugduno compellerentur; Bonifacius vii. errori finem inodumque positurus julii Ferrariz Pongilupi exhumari corpus & comburi, memoræque ejus, uti hæreticarum, mathema dixit.

Haftenus Hippolytus Helyot in Historia Ordinis Religiosorum Tom. vii. pag. 89. versionis Germanicæ. Reliqua ad Seculum xiv. quo Fratricelli & Beguni solentur damnavi sunt.

Interim futendum est, inter tot emulatores & reformatores pauperis Christi & Apostolorum, inter Begius & Beguinos, non omnes fuisse hæreticos: sed præter Ordinem Fratrum Minorum universum Catholicum, & Catholicæ Fidei tenacissimum, facere & alii dicti pauperes Catholici in Provincia Tarraconensi, oppositi pauperibus de Lugduno, perduellibus contra Ecclesiam, Horum Duces fuisse Bernardus & Durandus de Osa, qui consilia Evangelica amplectebantur ad literam, bonis suis omnia distribuabant pauperibus, legebant Scripturam sacram, manibus laborabant, hæreticos impugnabant, orationi vacabant, continentiam colebant, in communitate vivebant, decimas vel oblationes more licitorum faciebant sed in verbis nullam singularitatem affebant, uti pauperes de Lugduno. Hos sub nomine Fratrum HUMILIATORUM in Provincia Mediolanensi valde celeberrimi approbavit Innocentius iii.

Dupinius Tom. X. nova Bibliotheca Auctorum Ecclesiasticorum pag. 173. 174.

Similis opinio sit de Beguinis. Audimus Auctorem magni Chronici Belgii. Eodem anno MCCvii. multe mulieres, tam senes, quam juvenes, contempto Seculo cum suis delectationibus, spolio Christo, qui cit in cælis, servire desiderantes, fecerunt sibi congregationes simul habitantes, & vocantur Beguinæ. Quas vero tribulationes, & contrarietates sunt perpele in principio, & quantæ extiterint sanctitatis, in Prologo vite B. Mariæ de Oegnaies plenius declaratur.

Apud Pistorium Tomo uno Scriptorum rerum Germanicarum mibi pag. 212.

Crætopolus Frater minor Conventualis in *Libello de Hæreticis anno MDXC. edito*, Beguinæ, ait, esse mulierculas honeste in societate, sine voto cohabitantes, a quibus dum volunt, recedant: sunt tamen hæretica pravitare infectæ, puta, eæ, quæ Seculo xiv. in Concilio Viennensi fuisse denuntiate, sed quod omnes Beguinæ fuerint hujusmodi errore infectæ, nec dicit Crætopolus, nec Clementis Papa, nec verum est.

Haftenus de Pauperibus & Beguinis continentibus in Catholica Ecclesia toleratis Seculo XIII.

Dico-

Dicendum nunc de Beguinis hereticis, de quibus Godofridus S. Pantaleonis Colonia Monachus ad annum MCCXII. hæc notat:

"Eodem anno multitudo populi ex omni Saxonis, Westphalia, & Frisia, & diversis partibus, cruce signati ad expugnandos Beguinos proficiscuntur; quorum multi terrore exercitus relictis civitatibus & castris fugerunt: alii miseratione Dei per Cardinalem, qui a Sede Romana illuc missus fuerat, relicto errore ad fidem Catholicam revocantur. Ecclesie aperiuntur, & mundantur, Officia Divina resumunt, Missæ publicæ coram peregrinis celebrantur. His ita patris quidam cruce signati ad natale solum revertuntur, quidam cum Duce Austriæ Lupoldo ad Hispanos contra Ethnicos pugnaturos progrediuntur." *Ex editione Fræberi Tom. I. Script. Germ.* Ego credo, contra Albigenes, non contra Beguinos, hanc expeditionem cruce signatorum anno MCCXII. factam, ut Cæsius cœvus scripsit.

In Concilio Leodiensi anni MCC. LXXXVII. §. XIX. Beghinæ tolerantur, sed cum limitatione: "Item præcipimus, quod omnes Beghinæ, privilegio Beghinali gaudere volentes, intrent curiam Beghinarum: & præcipimus commorantibus intra curiam Beghinarum, quod distinguant habitum suum ab habitu Beghinarum, & si aliqua Beghina extra curiam accesserit moraturæ, vel egesta fuerit propter incontinentiam, vel aliud delictum, habitum non deferat Beghinarum. Præterea omnes Beghinas negotiatrices, vel mercatrices manifestas, amplius quam decem marcharum in negotiationibus habentes, a privilegiis Beghinarum excludimus, nec eas a solutione eorum, seu exactioem volumus esse liberas. Alias autem in curiis commorantes declaramus ad præmissa non teneri. *Vid. Tom. III. Concil. German. pag. 717.*

Ex hac constitutione Concilii Leodiensis discimus:

Primo. Sæculo XIII. exeunte per multas Beghinas in Diocesi Leodiensi vixisse. 2. Eas in una curia simul cohabitasse: 3. Habitum distinctum a vulgari gestasse: 4. Privilegia easdem habuisse, in Pontificalia, an Episcopalia, an ab aliquo Comite Brabantie, aliove, quis divinet? 5. Episcopoli jurisdictioni subiectas fuisse: 6. Negotiationes quasdam exigui pretii habuisse, forte pro victu & amictu acquirendo, consequenter nil hæreticos inter eas deprehensum; sed evangelicas quasdam sub eodem habitu scandalum dedisse populo: unde eas privilegio Beghinali excidisse declarat Episcopus, secus ac manentes in curia Beghinarum.

Tomus IV. Concil. German.

Nunc de Beghardis, qua mentio fit hoc Sæculo?

Circa annum MCCL. in Concilio Moguntino hoc statutum legitur: "Statuimus, quod secta, & habitus, nec non conventicula Beghardorum, clamantium per plateas & vicos civitatum, oppidorum, & villarum hoc vulgare: *Storh dutch Bett*, id est, *Panem per Deum*, vel: *Panem a Deo*, vel: *Panem propter Deum*, & quæ alie singularitates a Sancta Dei Ecclesia non receptæ, sunt penitus reprobata. Et mandatur universis Plebanis per Civitates, Diocesum, & Provincias Moguntinas constitutis, ut eosdem Beghardos publice, tribus diebus Dominicis, vel Festivis ammonerent, ut huiusmodi singularitatibus desisterent, se teneant sicut alii Christiani, & quod non prædicent in cavernis, vel in aliis locis secretis, & non conveniant cum Beguinis, se conformantibus eisdem in moribus, habitu, & incessu; alioquin extra Parochias suas expellant. Idem etiam de Beguinis pestiferis statuimus.

Ex hoc Concilio, quod post annum MCCXLV. & post Concilium Lugdunense celebratum fuit, discimus 1^{mo}. Beghardos publica mendicitate, aliisque singularitatibus notis in vestitu, a reliquo vulgo se secrevisse, nullo tamen erroris, vel hæreseos crimine notatos: 2^{do}. Eosdem prædicasse sectam suam: 3^{to}. Maxime in cavernis & locis secretis: 4^{to}. Commercium cum Beghinis habuisse valde suspectum, cæterum iustos abstinere a publica mendicatione, aliisque notis singularis vitæ, & a commercio Beghinarum, quæ *pestifera* vocantur, abs dubio ob hoc commercium clandestinum in cavernis & locis secretis: demum, utrosque plebanis obedire debuisse.

Hæc ex Concilio Germanicæ. Sed Joannes Trithemius in *Chronico Hirsingensi* ad annum Sæculi XII. penultimum MCCXC. statuit quidem Hermannum Pongilupum, apud urbem Ferrarie ante annos XX. sepulcrum, fuisse a Papa Bonifacio VIII. diligentissima inquisitione per Italiam facta, exhumatum & comburi iustum. Sed originem eorum Fratricellorum altius repetit, nempe a Tanchelmo apud Antverpiam in Brabantia hæretico, per S. Norbertum impugnato, deinde ante, & post Tanchelimum *Catharos* hæreticos viguisse, & ex horum facibus surrexisse pestilentes hæreticos, qui se *Fratricellos* nuncupabant: magnam sanctitatem, coram nescientibus dolosorum, simulantes, & multos in profundum erroris non solum laicos, sed etiam Clericos & Monachos traxisse. Tum enarrat novem articulos pestilentissimos & infandos: prætexentes se vitam Christi, & Apostolorum primæviam

H 2

rerum

rerum omnium abdicatione imitari: Papam, & quisquis id non faciat, damnatos esse: apud se solos veniam peccatorum impetrari: neque luxuriosis & incestis nocturnis actionibus quidquam peccari: quia *omnia munda mundi*, ridicula interpretatione garriant. Et hos paucos impiissimos de multis refert Trithemius, honestatis causa ceteros silens: addit, non obstante diligentia Papæ & Episcoporum, sectam illam brevi extirpari non potuisse. Joannem XXII. Sæculo proximo eidem extirpandæ maximam operam adhibuisse. Narrat subinde, quæ arte nocturna infanda conventicula Mediolani detecta sint, & mulier Wilhelma, Sacerdos Fratricellorum, combusta, quæ sancta, ad omnibus habebatur.

Trithemius Tom. II. ultima editionis Chron. Hirsingensis ad annum 1299. pag. 74. & seqq.

Fratricellus reuiuiscens per Dulcinum Novariensem anno MCCCIII. & anno MCCCXP. in oppido quadam Cremenfi, Patavienfi Diocesi, loco suo annotabimus in Sæculo XIV.

§. XV. De primo abusu Scripturæ sacre in linguam vulgi versa.

Waldensium secta non constabat ab initio, nisi ex plebe rusticana, ex agricolis, opificibus, textoribus, fabris, porcaris, furoribus, sartoribus, mulierculis idiotis, quibus omnibus & singulis Biblia legenda, & interpretanda dabantur in manus, successores erant & imitatores Cathororum æque fanatici, æque perduelles contra Hierarchiam.

"Hi pauperes (teste *Rainerio coarvo*) novum testamentum & vetus, vulgariter in linguam, vulgo Francico ulatum, transfulerunt, & sic docent, & discunt: & quia sunt laici & idiotæ, falso & corrupte exponunt Scripturam. v. g. *sui*, id est, porci cum non receperunt: *sui* dicentes pro *suis*, increpa *serai arundinis*, die *Schmalben*: *Hirundinis* pro *arundinis* accipiendo: Psalmis varios ridiculos titulos imponebant idiotisimo gallico. Deinde omnium erat interpretari Scripturam, docere, disputare, populum vocare ad disputationes in foro, in campo, in testis: discipulus septem dierum alium quærebat, quem doceret. Alii etiam verbis Catholicis voces substituebant: nominabant Ecclesiam, *domum straminam*: Clericos vocabant *Scribas*, Religiosos *Phariseos*, utrosque exterminare summis votis ardebant.

"Significavit Nobis Venerabilis Frater noster Metensis Episcopus (verba sunt Innocentii III. Lib. II. Epist. 468. edition. Co-

lon.) "quod tam in Diocesi, quam in urbe Metensi, laicorum, & mulierum multitudo non modica, tracta quodammodo desiderio Scripturarum, Evangelia, Epistolas Pauli, Psalteria, moralia Jobi, & plures alios sibi libros fecit in Gallico sermone transferri. Ecce Waldensibus excogitatum medium, suos errores sub furo verbi Divini ventilandi. Præbuerant jam dudum Sueci & Germani Ulphitum, Nockerum, & alios Bibliorum interpretes Germanos, sed cum obedientia & reverentia erga Ecclesiam, & Doctores, & Pastores Catholicos.

Audi nunc fructum interpretationis vernaculæ, in manus vulgi sparsæ ex eodem Innocentio eodem loco. "Translationi hujusmodi (*Bibliorum Francice translatorum*) adeo libenter, utinam prudenter, intendunt, ut secretis conventionibus talia inter se laici & mulieres erubescere præsumant, adeo. Et sibi invicem prædicare: 3to. Qui etiam aspernantur eorum confortum, qui se similibus non immiscant, & a se repellant alienos, qui aures & animos talibus non apponunt. 4to. Quos, cum aliqui Parochialium Sacerdotum super his cortipere voluissent, ipsi eis in faciem resisterunt, conantes rationes inducere de Scripturis, quod ab his non deberent aliquatenus prohiberi. 5to. Quidam etiam ex eis simplicitatem Sacerdotum suorum sustineant, & cum ipsis per eos verbum falsum proponunt, se melius habere in libellis suis, & prudentius se posse id eloqui submurmurant in occulto.

Eadem arte Wicleffus in Anglia, Hussus in Bohemia usi sunt: nempe scripturam in vernaculam Anglicanam, & Bohemicam, versam juxta sensum, & glossam, & commentarios suos. Sed maneamus in Sæculo XIII.

Innocentius III. non solum ad Episcopum Metensem scripsit, ut in hos errantes, & eorum errores inquirat, & pejorare solitos ad veritatis professionem adducat, sed similis argumenti litteras scripsit ad Abbatem Cisterciensem, ut Metis accedat, Episcopum adjuvet, & adherentes prædictæ translationi Francicæ, si fieri potest, auctoritate Apostolica corrigat &c.

Admiremur hic Ecclesiæ Catholicæ providentiam in deposito doctrinæ sanctæ custodiendo.

Dum fideles sunt dociles, & attendunt verbis Pastorum suorum, lingua vulgari vulgo explicantium verbum Dei, permittit illis populus versionem bibliorum in idioma vulgare, sed à Pastoribus approbatam, sobrie explanationi Ecclesiæ Catholicæ consentaneam. Dum vero quilibet idiora arrogare sibi vult, suo cerebro Verbum Divinum

num interpretari, corrumpere, adulterare, & alios seducere ad prævum sensum; habet mandatum a Christo, non projiciendi margaritas ante porcos, nec sanctum danda canibus. Igitur manet in Ecclesia Dei perpetuum discrimen inter Apostolos & Discipulos, Pastores & Oves, Patres & Filios. Horum est docere omnes gentes, frangere panem parvulis, aperire librum legis, discernere inter infirmos, carnales, parvulos, & inter spirituales, idoneos aliis docendis, non tantum primo Sæculo, sed & xxi. & xvi. & hoc xvin. Contra fideliū est, tacere, audire, sequi vocem Pastorum interpretantium, non ut est verbum hominum, sed sicut est vere Verbum Dei. 1. *Thessalon.* 11. 13.

Ex eadem Sapientia, urgente Concilio Oecumenico Tridentino Sessione xviii. MDLXII. 18. Januarii fluxerant regulæ Indicis a Pio IV. editæ, de usu Bibliorum, vulgari lingua verborum, non nisi iudicio Episcopi aut Parochi, Confessariūve vulgo permittendo. Eodem sub Pio IV. facere *Sessione secunda* delecti Disquisitores & Censores librorum editorum, pag. mibi 197. Rursum *Seff. XXV.* pag. 621. præcipit Concil. Tridentinum, ut delecti Censores censuram Papæ offerant, ut ejus iudicio & auctoritate hæretici terrentur. Antea *Seff. IV.* Decreto de editione & usu *sanctarum Scripturarum* indicatus, & dein sub Pio V. Successore editus index.

§. XVI. De Canonibus penitentialibus mutatis in alia opera Sæculo XIII.

Quam graves, acerbas, & diurnas penitentias variis peccatorum graviorum generibus Concilia canonibus antiquis primo millennio imposuerint, docet historia Ecclesiæ Catholicæ, & nos ipsi *Tomo I. Sæculo I. & II. & III.* Sæculo autem XII. promulgatis expeditionibus sacris Cruce signatorum pro vindicanda terra sancta e manibus Saracenorum: 1190. iudicavit Ecclesia Canones penitenciales antiquos severissimos convertendos in hæc opera pia recuperandæ Palestinæ ergo, datis indulgentiis penarum pluribus annis redimendarum. 200. Sæculo XIII. iudicavit Ecclesia similes expeditiones sacras Cruce signatorum instituendas contra hæreticos, Dei, & Ecclesiæ Christi, & ejus Antistitem violatores, homicidas, vastatores: in eumque finem mutandas penitentias antiquas in subsidium bellicum, contra hæreticos Waldenses, Albigeneses, Stedingos, &c.

Hactenus hæretici (exceptis Manichæis & Donatistis) fuerant hæretici errantes,

& in errores inducentes: sed postquam rem publicam & Ecclesiam damnis, vastationibus, bellis, credibus, tumultibus lanieverant: postquam exercitus formidandos multorum millium, in incendiis urbium & Ecclesiarum, in eadem Episcoporum, Cleri, & populi Catholici collegerant; media omnia extrema, etiam corporalis impendenda fuerant, ut furor & insania eorum compesceretur.

Inter ea media fuerunt expeditiones *Cruce signatorum*, & quia nemo lubens suam personam, res, & bona a Deo sibi data, ultionis discrimini exponit, nisi saltem spiritualibus premiis invitetur; ideo Ecclesia invitavit omnes, relaxatis Canonibus Penitentiarum ob antiquos Canones debitarum, ad militiam sacram suscipiendam, sive contra Paganos, sive contra hæreticos. Et ab eo tempore vigor Canonum penitentialium remissus fuit.

§. XVII. De vero sensu Canonis XXI. OMNIS UTRIUSQUE SEXUS, in Concilio Lateranensi anni MCCXV. editi.

Canonem hunc legere potes integrum relictum in Concilio Colonienſi anni 1281. *Cap. VIII.* pag. 665. *Tom. III. nostro.* Constat tribus partibus:

1. Lex est pro omnibus utriusque sexus fidelibus, usu rationis præditis, peccata omnia confitendi fideliter, saltem semel in anno *PROPRIO Sacerdoti*, & injunctam sibi penitentiam pro viribus adimplendi, & suscipiendi reverenter Eucharistiam ad minus in Pascha, nisi forte quis de consilio proprii Sacerdotis, ob aliquam rationabilem causam ad tempus ab ejus perceptione duxerit abstinendum: alioquin & vivens ab ingressu Ecclesiæ arceatur, & moriens Christiana caret sepultura. . . . Si quis autem *ALIENO Sacerdoti* iusta de causa confiteri velit peccata, licentiam prius postulet, & obtineat a proprio Sacerdote, cum aliter illum non possit solvere, vel ligare.

2da Pars tractat de discretione Confessarii.

3ta De ejusdem obligatione ad Silentium.

De primæ partis questione graves controversiæ exarierunt inter hæc V. Sæcula, post Lateranensē Concilium evoluta, quæ vel hoc Sæculo XVIII. ab quibusdam resuscitantur. *Questio prima est*, quis nomine proprii Sacerdotis intelligatur. Supponuntur enim Dioceses Episcoporum subdivisæ in Parochias, hoc est, in varias Ecclesias speciales,

ciales, in quarum districtu, ab Episcopis circumscripto, habitantes fideles Baptismum & reliqua Sacramenta capebant ab idoneo Sacerdote, constimto ab Episcopo Diaconos, ac post mortem suo in Cimiterio Catholico sepeliuntur, cui vicissim Parocho Decimæ agri circumscripti, & alimenta a Parochianis debeantur.

Cum enim Episcopus omnibus sue Dioceseos fidelibus ob vultum, & locorum distantiam Sacramenta porrigere solus nequeat; Episcopi eligunt personas idoneas (a) in cuiusque curæ animarum verbo & Sacramentis pascendarum partem veluti in cooperatores transfundunt, & Parochos creant, investunt, moderantur, regunt, & ob defectus forte deprehensos, vel senium, amovunt ab officio parochiali, aliosque substitunt.

Fuere autem & Seculo XIII. viri eruditi, qui censuerunt, voce *proprius Sacerdotis*, solum illam personam, Ecclesie sibi creditæ ordinariam administrantem, intelligi, excluso Episcopo Diaconos, & Pontifice Romano, qui capite universæ Ecclesie: nec eos posse absolvi Parochianos, nisi licentia a proprio Parocho accepta, adeoque & Papam, & Episcopum esse *alienos Sacerdotes* respectu Parochiani. Ejusmodi interpretes hujus Canonis fuisse Henricus Dascensis, Christianus Bellovacensis, Guillelmus de sancto amore, Magistri Universitatis Parisiensis. Contraria sententia nonnullorum fuit (inter quos Magister Henricus ex mendicantium ordine) quem Episcopus Argentinensis in Concilio Moguntino anni MCCLXI. accusavit, in concionibus publicis prædicasse, "quod auctoritas mendicantium sit altior, quam plebanorum, quod nullus teneatur plebano suo, quocunque anni tempore confiteri. Vide Tom. III. pag. 615.

Utraque sententia absurda & erronea: & prima quidem damnata ab Alexandro IV. anno MCCLVII. II. Octobris. Quam absurdum enim id est, Episcopum, a quo jurisdictionem accipit Parochus, Papam, a quo jurisdictionem Episcopus accipit, non habere jurisdictionem in Parochianos, quorum sunt veri Pastores jure Divino statuti? vel eam amittere, dum Parochum alicui portioni sui gregis præponunt?

Quam absurdum, Papam, aut Episcopum, aut approbatores ab alterutro, aut alterutrum Vicarios, aut Penitentiariorum esse *alienos* Sacerdotes respectu fidelium sibi jure Divino subditorum? . . . Sane nullus Episcopus eligendo, investiendo, confirmando Parochum aufert sibi jurisdictionem in Parochianos vel Diocesanos.

Examinemus vim vocis: *proprius*:

I. Proprius opponitur *alieno*.

Opponitur autem communi, generali, universalitati, mediato, principali.

Episcopus est Parochus omnium Dioceseorum communis & medius, præcipuus: Papa eorum universalissimus principalis, independens, sed neuter *alienus*, quia voce utitur *Lacerantense* Concilium uti opposita *proprio*.

Hierarchie Ecclesiasticæ notitiæ nos ducit in rei quæsitæ clarum ideam, Hierarchia Ecclesiæ consistit ex Papa, Episcopis, Parochis, Diaconis. Exordium autem divisionis Ecclesiarum Cathedralium, in quibus Episcopi sedebant, ducendum a tempore Apostolorum. Antiquissimæ Ecclesiæ Germaniæ Rhenanæ Treverensis, Coloniaensis, Moguntina & Pontifice Romano Legatos ad se viros Apostolicos Ecclesiarum suarum Auditores memorant; Ecclesiæ Germaniæ Orientales, Aquilegensis, Sabionensis, Laurencensis ab Apostolorum Discipulis fundatas se gloriantur. Seculo VIII. medio, in Germania Mediterranea, Thuringiæ, & Bavarie Papæ Gregorius & Zacharias misere Bonifacium, qui Baviarum in IV. Episcopatus divisit: Germaniam, ut ita dicam mediam in IV. item, Wurzburgensem, Eustadiensem, Bambergensensem, Erphordensem, in iisque Episcopos collocavit, consecravit: Tom. I. Concil. German. pag. 41. 45.

Seculo VIII. extremo Carolus M. licentia ab Papæ Hadriano accepta, & Hildebaldo Archi-Episcopo moderante, in Saxonia VIII. Episcopatus fundavit nominatis personis, & dotavit eisdem Decimis. Vid. Tom. I. pag. 329. & pag. 246.

Quibus Hildebaldo sacrum charactorem Episcopalem communicavit in civitatibus, quæ tum celebriores erant, Osnabruggæ, Bremæ, Halberstadio, Hildesheimio, Verda, Paterborna, Minda, Münigardeworla (quæ nunc Monasterium dicitur) quæ fundationes Ludovicus Pius perfecit, tum adjunctis Hamburgum. Hos novos Episcopatus coevi auctores appellant *Parochias*. Nos aliter loquimur & scribimus nunc hoc Seculo XVIII.

Otto I. Magnus in Concilio Ravennatenſi anno DCCCCLXVIII. præſente Pontifice Joanne XIII. funditi a ſe Archi-Epiſcopus Magdeburgenſis inſtitutionem abſolvi, & auctorizari fecit. Vid. Tom. II. pag. 633. Et primo Archi-Epiſcopo variis privilegia a Papa concedi; dein eidem ſubjici Suffraganeos Miſnenſem, Hevelbergenſem, Brandeburgenſem, Merſeburgenſem, Cizzenſem. Tom. II. pag. 633. 634.

Idem

(a) *Hujus rei gratia reliqui (Paulus Ticom) Ti Creta, ut . . . conſtituas per civitates Presbyteros, ſicut & ego diſpoſui tibi. Ad Tit. I. v. 5.*

Idem Otto Dania Cismarina subiectis, curavit eam in tres Episcopatus distribui, eosque Hammaburgensi Archi-episcopo subijci, Sleswicensem, Ripensem, Arbulensem. *Vid. Adam Bremensem Hist. Ecclesiast. Lib. II. Cap. II. Petrum Lambecium orig. Hamburg. Lib. II. Cap. II.*

Ecce originem Episcopatum, in quos Germania divisa est a Sæculo I. ad Xum, semper auctoritatem commodantibus Episcopis Romanis, qua Vicariis Christi, & in toto Orbe jurisdictionem supremam obtinentibus, iudice Carolo & Ottone Magnis, Augulis Principibus Germanie.

Est igitur Papa fons omnis Hierarchie Episcopalis a Christo statutus.

Supposita divisione Episcopatum consequens erat, ut quisvis Episcopus suo districtu, & fidelibus in eo commorantibus regendis, verbo, Sacramentisque pacendis contentus esset, & obtineret a regimine fidelium aliense Dioceseos. De his in Oriente antiquissimi, & sexcentis reiterati Canones sunt. Inter Canones, Apostolorum dictos, XIVtus. Ut Episcopis aliena Parochia minime pervaleat. Can. XVtus. Ut Clerici proprias non derelinquant Parochias. Can. XVI. Ut Episcopus, qui Clericos alterius susceperit, communionem privetur. *Tom. I. Concil. German. pag. 132.*

In Concilio Antiocheno anni CCCXLI. Cap. IX. & XIII. Nullus Episcopus ex alia Provincia audeat ad aliam transgredi, & ad promotionem Ministerii aliquos in Ecclesiis ordinare, licet consensum videantur parbo-re nonnulli: nisi literis tamen Metropolitanis, quam cæterorum, qui cum eo sunt, Episcoporum, rogatus adveniat. *Tom. I. Concil. German. pag. 158.*

Anno CCCLXXXI. in Concilio Constantinopolitano generali III. Cap. II. definitus fuit ordo servandus inter singulorum Dioceses tum definitas, quarum alie Alexandrinis, alie Antiochenis Episcopis tribuantur. *Tom. I. Concil. German. pag. 167.*

Anno CCCLI. in Concilio Chalcedonensi statutum Cap. V. Nulli Episcopo vel Clerico licere transmigrationem de civitate in civitatem. *Tom. I. pag. 177. & Cap. XVII.* "Singulorum Ecclesiarum rusticis Parochias" vel possessiones manere inconcussas illis "Episcopis, qui eas retinere noscuntur, & maxime, si per tricennium eas absque vi obtinentes, sub dispensatione rexerunt. Prohibetur ergo invadi Parochiarum, maxime lege tricennalis possessionis munitarum. Ioter Græcos enim translatio Episcoporum de civitate in civitatem frequentissimum erat, licet tot Canonibus vetita. Hic Parochia iterum pro Diocesi sumitur.

Addatur Canon XIX. Concilii Sardicenis *Tom. I. pag. 193.* Canon XXI. Concilii Africani *Tom. I. pag. 211.* Rursum Canon LXXXV. LXXXVIII. *Tom. I. pag. 227.*

Hos Codicis Dionysiani Canones Carolus M. adoptavit in suo Capitulari Aquisgranensi anni DCCLXXXIX. Cap. XII. *Tom. I. pag. 269. & ibid. pag. 272.* Can. XXIV. ex Chalcedonensi & Sardicensi Conciliis: item in Concilio Francofordiensi anni DCCXCIV. Can. VII. & XXVII. *Tom. I. pag. 325. 327.* E quibus Canonibus eruo.

1. Papam a tota Germania, imo a toto Occidente, fuisse agnatum Præstatem Ecclesiæ Hierarchie iure Divino, sine cuius auctoritate & conscientia, nec Episcopatus institui, nec definire, & inter se discernere liceat cuiquam.

2. Papam de facto omnes Episcopos Germaniæ instituisse, & vel per se, vel per suos Legatos consecrasse, & potestatem Episcopalem usdem contulisse.

3. Quemvis Episcopum Germaniæ in civitate sedisse, quæ ideo Cathedralis vocabatur, ob Cathedralis Ecclesiæ: in eque civitate ab initio unicam Ecclesiam fuisse: in qua cives omnes baptizabantur, docebantur, & reliqua Sacramenta ab Episcopo accipiebant.

4. Nullam rure Ecclesiam fuisse, sed ruricolos dictos Dominicos ad civitatem compulso, ibidem mysteriis Divinis imbutos fuisse.

5. Episcopum in civitate unicam, co-operatores Clericos instituisse Presbyteros, & Diaconos, qui coram Episcopo nil audebant, nec baptizare, nec reconciliare, nec sacrum facere: at ex ejus delegatione poterant obire munera sacra, Episcopo propria. Hic status Ecclesiæ Catholice fuit tribus primis Sæculis, iudice Thomassino.

At a IV. ad X. & sequentia Sæcula, multiplicato grege Catholicorum, Episcopi ædificaverunt plures Ecclesias, in iisque Presbyteros statuerunt, qui certo ac definito numero fidelium, circa eam Ecclesiam habitantium, Sacramenta ministrarent, accepta & limitata ab Episcopo auctoritate, & reservatione variorum peccatorum suæ Episcopali potestati.

Hic ex Hiistoria Ecclesiastica Germaniæ, a primo Sæculo ad XIII. certo præjedis: patet, Innocentium III. & Patres Concilii Lateranensis per proprium Sacramentum intellexisse Rectorem Parochiæ, ab Episcopo institutum, consequenter To propriam non excludere potestatem Episcopalem neque Pontificiam. Falsum igitur, & absurdum, & incredibile, Pontificem & Episcopos

pos ita tribuere Parocho facultatem; ut eam subimeret ipsis auferant.

Errat igitur Henricus Gandavenfis, opinans, *proprio Sacerdoti* ita datam facultatem absolventi, ut ab ea excludatur Episcopus & Papa, aut ab iis approbati Vicarii, Pœnitentarii, five seculares, five regulares. Hæc pro resolutione.

Nunc videamus, quomodo is Canon in Germania servatus sit & a variis Pontificibus intellectus.

Anno MCCXV. mense Novembri celebratum fuit Concilium Lateranense IV. Generale XII., ejusque Canone XXI. ista lex, de Confessione *proprio Sacerdoti*, ab omnibus fidelibus adultis, quot annis facienda.

Anno MCCXXVII. Gregorius IX. primus scripta ad omnes Episcopos Bulla, data Anagninæ 26. Julii dedit Fratribus Prædicatoribus privilegium audiendi confessiones, & prædicandi citra licentiam a Parocho, vel Episcopis petendam.

Anno MCCXLIV. Innocentius IV. Bulla ad Episcopos Angliæ privilegium æque illimitatum mendicantibus indulgit, quod Angliæ Episcopi rejecerant, ut *Dupinus Tom. X. Biblioth. Ecclesiast. pag. 175.*

Anno MCCXLVI. Concilium Moguntinum, Fritslariæ coactum, Canonem Lateranensem integrum refert: & a quovis regulari vel seculari solvi fidelem posse negat sine licentia *proprio Sacerdoti. Tom. III. pag. 574.*

Anno MCCL. Facultas Theologica Parisina suadet, tutius esse confiteri Parochis, quam regularibus, cum Parochorum iurdictio sit certa, Regularium autem a quibusdam in dubium vocetur.

Anno MCCLIV. Innocentius IV. obque-rens Episcoporum & abusus nonnullorum Regularium, præcipit Bulla: *Nihil novum*, ut ne audiant confessiones sine licentia Parochorum.

Anno MCCLIV. Alexander IV. fidei-claro Decrero: *Nec insolitum*: revocat Bullam Antecessoris. 22. Decembris anni h.

MCCLVI. 21. Octobris idem Papa confirmat Regularibus privilegium, audiendi confessiones absque licentia postulatâ a Parochis.

Cum Henricus, alius Odo, Dacensis, Christianus Belluacensis, & Guillelmus a S. Amore, Doctores Parisini, id perfricte negarent;

Anno MCCLVII. Alexander IV. contra eosdem rejectos id privilegium confirmat.

Anno MCCLXXXI. Martinus IV. Bulla: *Ad Ulter.* Fratribus Minoribus inscri-

pta: Volumus (ait) auctoritate Apostolica, per Provinciales Ministros, cum Definitoriis in Capitulis congregatis, facultatem concedi examinatis, & approbatis aliis, prædicandi, & audiendi confessiones, absolventi pœnitentes libere, ut a nemine impediantur quomodolibet. *Fuit autem idem Papa, quod ii qui fratribus confitebantur, eisdem suis Parochialibus Presbyteris, saltem semel in anno, prout Generale Lateranense statuit, confiteri teneantur.*

In Concilio Mogantino Wakherus Episcopus Argentinæ accusavit varias propositiones Mendicantium anno MCCLXI. anno. *Quod nullus tentaret Plebano suo confiteri etiam quocunque tempore anni. ad. Quod Sacerdos, vinculo peccati mortalis ligatus, alium simili vinculo ligatum absolvere non possit. Tom. III. pag. 615.* Dubitatum hæc fuit; Et hæc altera *Quæstio* erat: An eisdem peccata, quæ regulari confessus es, iterum Parocho confiteri debeas? Responderunt Parisini DD. affirmative; Regulares negabant multis ex rationibus. Super ea questione omnes Archiepiscopi, Episcopi & Clerici Regni Franciæ solemnes nuntios cum viris sapientibus ad Sedem Apostolicam miserunt, & quilibet eorum centesimam partem omnium reddituum & proventuum Ecclesiasticorum contribuit nuntiis pro expensis.

Eberhardus Altavauss in annalibus apud Casimium Tomo I. antiquæ lectionis pag. 526.

Anno MCCLXXXIV. Concilium Provinciale Saltzburgense simpliciter Canonem Lateranensem anni MCCXV. renovat & instituat. *Tom. III. Conc. Germ. pag. 640.*

Anno MCCLXXXI. Concil. Colonien- se Cap. VIII. renovat totum Canonem: *Omnes utriusque sexus: ut proprio Sacerdoti plene & integre confiteantur. Tom. III. pag. 665. 666.*

Anno MCCXCII. Althaffenburgen- se Concilium confirmat Canonem Lateranensem, & Plebano faciendam confessionem. *Tom. IV. Conc. Germ. pag. 25.*

Anno MCCC. Bonifacius VIII. Bulla *Super Cathedram*. jubet, ut superiores Regularum adeant Prælatos, & ab iis petant facultatem, administrandi Sacramenta pœnitentiæ pro iis, quos ipsi idoneos judicaverint. Hocce officio peracto, Ordinatio recufante, se Papam datum ex plenitudine potestatis facultatem, quoties ab eo peterent.

Anno MCCCIV. Benedictus X. Bulla: *Inter cunctos*. palam declaravit, fideles confessos peccata suis Regularibus, non teneri eisdem confiteri Parochis, præter excommunicationem, cujus absolutionem Parocho refer-

refervat : aut si fors sua peccata non rite confecti essent.

Jubet tamen, ut Superiores Regulares scripto perant facultatem ab Episcopo Diocesano : quo recusante, nihilominus possint audire peccata fidelium ex auctoritate Papæ.

Anno MCCCIX. Clemens V. in Concilio Viconensi Generali Can. *Dudum*. revocat Beodielinam Bullam, & Bonifacii VIII. *Super Cathedram*. Bullam confirmat.

Haftenus Dupin. Bibliotheca nova Tom. X. pag. 173. prater illa, quæ Germaniam spectant.

Anno MDLXIII. die 15. Julii Concilium Tridentinum Sess. XXIII. Cap. XV. De Reformatione. item omnem decidit: "Quamvis Presbyteri in sua Ordinatione a peccatis absolvendi potestatem accipiant, decernit Sanctæ Synodus, nullum etiam Regulare posse confessiones secularium, etiam Sacerdotum, audire, nec ad id IDONEUM reputari, nisi aut parochiale beneficium, aut ab Episcopis per examen, si illis videbitur esse necessarium, aut alias idoneus judicetur, & approbationem, quæ gratis detur, obtineat : privilegiis, & consuetudine quæcunque, etiam immemorabili non obstantibus. Igitur approbatio Episcopi facit Sacerdotes idoneos, & proprios audiendis confessionibus secularium, & non alienis. Nec enim Sacerdos curatus alia ex causa fit proprius Sacerdos, quam quod ab Episcopo approbetur ad excipiendas confessiones Parochianorum.

Institutio Papæ est juris Divini, & clare in verbo Dei scripto agnoscitur :

Institutio & Divisio Episcopatum est item juris Divini, & clare in verbo Dei scripto agnoscitur.

Paulus constituit Episcopos Timotheum Ephesi, (a) Titum in Insula Creta (b) eique dedit facultatem instituendi Presbyteros per civitates, id est, Episcopos. Onesimum, &c.

Joannes septem Episcopos in Asia minore instituerat, illisque constitutis, nihilominus septem illos gubernabat, ut ait S. Hieronymus.

S. Jacobus Hierosolymæ fuit ab Apostolis coordinatus Episcopus. *Actuum C. XV. 23.*

Haftenus ex verbo Dei scripto.

Ex verbo Dei tradito pene omnes Orbis Romani ac noti Sæculo I. Christiani Episcopi, ab Apostolis fuere constituti, consecrati. *Eusebius Lib. I. Histor. Ecclesiast.*

Divisio Episcopatum & Dioceseon in Parochiis, non nisi tertio aut quarto Sæculo videtur orta esse, multiplicato numero fidelium in civitatibus, & ruræ; ita ut Episcopus civitatis solus in sua Cathedrali Ecclesia, quæ unica erat in Provincia v. g. Lycia, Caria, Lyconia; nec civibus, nec ruralis posset facere satis, ergo licet Parochi succedere dicantur in locum LXXII. Discipulorum, uti *Genesi videtur*, eorum tamen usus serius &mero humano jure in Ecclesia Dei inchoavit, & invaluit, uti hodieque patet.

- (a) Epistolis I. & II. ad Timotheum, jam tum Ephesi Episcopum per gratiam, quæ dato fuerat Timotheo, per Prophetiam cum impositione manuum Presbyterii. I. Timoth. IV. 14.
(b) Ad Titum I. 5.



CONCILIA GERMANIÆ

SÆCULI XIV.

STATUTA SYNODALIA ECCLESIAE CAMERACENSIS SÆCULI XIV.

AB ANNO MCCC. AD MCCCX.

De pertinentibus ad Synodum.

Districte præcipimus, quod Prælati, Personæ, sive Patroni, & duæ partes Sacerdotum Parochialium, qui sunt mente discretiores, & ad labores corporum viribus aptiores, ad arbitrium & electionem Decanorum suorum ad Synodum veniant, veniendoque, morando, & redeundo honeste se habeant. Iter veniendi non nimis cito arripiant, nec a Synodo illicentiarum recedant. Jejuni intrent Synodum.

Modus intrandi Synodum.

Presbyteri sint induti superpelliceo cum stola, Decani cum alba & stola, Abbates in albis & chori cappa cum baculo pastoralis.

Inhibemus etiam sub pœna excommunicationis, ne quis moretur in Synodo, ad quam non pertinet, nec Synodum negotiis impertinentibus aut alias turbare vel impedire præsumat.

De Expensis.

Decani & Presbyteri ad Synodum venientes electis ad hoc de consensu Capellanorum suorum duobus Provisoribus idoneis & peritis, faciant adeo moderatas expensas, quod Presbyteri remanentes, qui Parochiis aliorum deservire tenentur, per excessum expensarum & sumtum non graventur.

Instructio ad computandum.

Item, præcipimus, quod Decani nostri venientes ad Synodum bene muniti & instructi de computis suis ad computandum compareant adeo tempestive, quod pro defectu eorum non oporteat illos, quos tangit hujusmodi negotium, in eodem computo nimiam moram trahere, alioquin ipsi, per quos moram hujusmodi fieri contigerit, expensas, quæ fient propter hoc, de suo proprio solvere tenebuntur.

Scriptio nominum & locorum, a quibus leges capiunt.

Item Decani in computis suis scribant loca & nomina eorum, a quibus leges quascumque recipiunt, & causas, ob quas eas recipiunt, nisi ex hoc timeatur oriri scandalum, seu periculum corporis imminere.

Nomina Usurariorum & Excommunicatorum.

Item Decani omnium usurariorum manifestorum, & excommunicatorum per annum & diem, totius sui Decanatus nomina, & causas excommunicationis in scedula deferant anno quolibet ad Synodum vel ad computum.

Nomina Presbyterorum obeuntium.

Item Decani referant ad Synodum nomina Presbyterorum omnium, qui illo

Hæc Statuta ex MS. Codice Abbatiae Grimbergensis, descripserunt DD. Martene & Durand. *Collectionis amplissimæ vet. Monument. Tom. VII.*, quæ Statuta edita fuerunt in variis Synodis Ecclesiæ Cameracensis: certe 25. Synodi minimum in ea Ecclesia celebratæ fuere Sæculo XIV. ab A. 1300. ad 1400: excerpta ex his leges Statuta post Synodum Cameracensem anno 1550. celebratam, & Parisiis ac Cameraci reculsam anno 1729. Videntur igitur PP. Concilii Cameracensis anni 1550. has Synodos integras habuisse, ex quibus excerpterunt varia Statuta eo anno renovata, & promulgata, & deinceps in Ecclesia Cameracensi servanda; reliquis forte ob antiquiorem usum abolitis, vel præteritis.

illo anno in suis Decanatibus obierunt, & in Synodo absolvantur, & Presbyter quilibet in reditu suo unam Missam de *Requiem* cum toto servitio mortuorum pro eisdem dicere teneatur.

Pœna non venientium ad Synodum, qui venire teneantur.

Item Prælatas personas, seu Patronos & Sacerdotes, ut tenentur, non venientes ad Synodum, qui non fuerint canonice impediti, aut legitime excusati, seu quibus non detulerimus, nisi infra mensem super huiusmodi inobedientia emendam Nobis, seu Officiali nostro Cameracensi præbuerint competentem, ex tunc a Divinis suspendimus, & suspensos auctoritate Synodali nunciamus.

De Baptismo.

Baptismus honorabiliter & caute celebretur, cum aperta distinctione & forma verborum, in quibus consistit Sacramentum, id est, salus seu virtus Baptismi, quæ talis est:

Petre, ego te baptizo in nomine Patris, & Filii, & Spiritus Sancti. Amen.

Quæ verba dicantur ab eo, qui baptizatum mergit, & dum immergit: & ut caveatur periculum baptizandi, non immergat caput pueri in aquam, sed baptizans super verticem pueri ter infundat aquam cum bacino vel alio mundo vase & honesto.

Juxta fontes instituat piscina aperta, ubi laventur manus eorum, qui tenuerunt puerum, & vas lavetur, quo infusus fuit puer, super piscinam autem illam ponatur cooperculum.

Renovetur aqua fontium, quotiens necesse fuerit, & vetus amoveatur, & nova benedicatur & chrismetur, sed antequam nova apponatur, fontes diligenter mundentur propter reverentiam Sacramenti.

Instructio baptizandi.

Item doceant Presbyteri viros & mulieres formam & verba baptismi in propria lingua, quibus valeant in necessitate infantem baptizare, etiam parentes, si alius defuerit, & postmodum deferatur puer ad Sacerdotem, qui diligenter interroget, quid Baptizator dixerit, aut quid fecerit, & si invenerit om-

nia rite facta dicta, faciat puero ea, quæ solent fieri post immersionem. Si autem invenerit, aut dubitaverit, puerum non esse rite baptizatum, baptizet eum sub hac forma. *Petre si non es baptizatus, ego te baptizo in nomine Patris, & Filii, & Spiritus Sancti.*

Et doceant Presbyteri, quod si Pater & Mater infantis infantem suum in necessitate baptizaverunt, non propter hoc dimittant, quin habeant se ut conjuges, sicut ante; item si caput infantis nascentis extra appareat, & timeatur de morte ejus, antequam perfecte nascatur, infundat aquam, qui adierit, super caput infantis nascentis dicens: *Infans, ego te baptizo in nomine Patris, & Filii, & Spiritus Sancti. Amen.* Si autem pervenerit vivus ad ortum legitimum, de novo baptizetur sub huiusmodi verbis: *Pater, si non es baptizatus, ego te baptizo in nomine Patris, & Filii, & Spiritus Sancti. Amen.*

Quid faciendum est de muliere mortua in partu, & ejus partu.

Si mulier mortua fuerit in partu, non negentur ei aliqua jura Christianitatis sed in Ecclesia deferatur, in cimiterio tumuletur, nisi aliquid obliterit, quia poenam non debemus ei vertere in culpam. Si certum sit, quod pariens mortua fuerit, teneatur os ejus apertum, & cum magna cautela uterus ejus aperiat, ut infans vivus, si possit fieri, educatur. Et baptizetur, si autem mortuus reperitur, extra Cimiterium tumuletur.

Quot debent levare Puerum?

Ad levandum puerum de fontibus quatuor personæ laicæ & sæculares, duo scilicet masculi, & duæ feminae in paternos & maternas, sive pueri levandi sunt, sive masculi, sive feminae, admittantur. Et si presentibus placuerit, quatuor alie sæculares in sacris ordinibus constitutæ, seu religiose in religione approbata professæ cum supradictis assumantur.

Excommunicatio de pluribus.

Præcipientes sub pœna excommunicationis ne plures personæ in paternos, seu maternas admittantur, quibus injungatur, quod orationem Dominicam,

Symbolum Apostolorum, & *Ave Maria* doceant eos, quos de fontibus levaverunt.

Fontes ut operculo & sera custodiantur cum sollicitudine diligenti, Chrisma & Oleum sacrum, & Oleum infirmorum in ampullis metallicis certis titulis distinguantur, & desuper diligenter obstruantur. Si autem oportuerit Chrimati, Oleo sancto, vel Oleo infirmorum aliud solem apponi, caute & diligenter misceatur appositum cum Chrimate, Oleo sancto & Oleo infirmorum.

De Confirmatione.

Horrentur Presbyteri subditos suos, ut pueros suos septuaginta & supra adducant ad Episcopum confirmandos, cum munda & decenti capillatura, lotis frontibus, & cum bandellis, modis apertis & spissa tela, & tertia die reducant ad Ecclesiam confirmatos, ut ibidem frontes eorum laventur a Presbyteris cum cinere vel sale, & bandella eorum comburantur, & aqua lotionum frontium cum cinere bandellorum in piscinam reponatur. Unus solus reneat, & liget confirmandum, non Pater, nec Mater, qui, si pluries fuerit confirmatus, graviter puniatur.

De Penitentia.

Sacerdotes moneant subditos suos, ut omnes a quatuordecim annis & supra, præcipue in quadragesimali tempore, & ante Dominicam in ramis Palmarum, ad confessionem frequenter veniant, & saltem semel in anno confiteantur proprio Sacerdoti, id est, Presbytero Parochiali, qui ideo magis proprie dicitur esse proprius (a) Sacerdos, quia non solum confessiones audit, & absolvit, sed etiam administrat alia Sacramenta Ecclesiastica. Confiteantur autem nullatenus alterius peccata, sed duntaxat sua & præcipue omnia mortalia, distincte cum circumstantiis & aggravationibus, quæ notantur hoc versu:

Quis, quid, ubi, per quos, quotiens, cur, quomodo, quando.

Ex hoc erit in habitu humili & contrito. Venialia autem saltem in summa confiteantur eisdem. Qui Sacerdotes cum attenta diligentia in Ecclesia, loco aperto, post solis ortum & ante so-

lis occasum, nisi necessitas aliud poposce-rit, in superpellico vel cappa rotunda, cum stola, sedendo, vultibus & oculis in terram demissis, mansuete audiant confessiones eorundem, ipsis poenitentias peccatis suis contrarias injungendo, ut scilicet pro peccato luxurie jejunium & abstinenciam: pro peccatis spiritualibus, meditationes & orationes, & similia, pro furto & detractione rei alienæ primo restitutionem, aut satisfactionem integram & nihilominus aliam congruam poenitentiam pro eisdem.

In actu confessionis, nec confitens, nec Sacerdos verba confabulationis, aut alia, quæ ad salutem non pertineant confitentis, immiscere præsumat.

Casus Episcopo referendi.

Reservamus nobis majora peccata, videlicet peccata contra naturam in viro ultra vigesimum annum, homicidia, incendia, simoniam, hæreses, apostasias, sacrilegium ultra quadraginta solidos, incestus cum patre, matre, filio, filia, sorore, fratre & cum religiosis mulieribus professis, injectiones manuum violentas in parentes ex deliberatione factas, sortilegia in Sacramentis, videlicet de Eucharistia, vel Chrimate. Oppressiones parvulorum voluntarie procuratas, negligentias parentum in igne vel aqua natos perditionum, perjury solemniam, vel fidei fractiones solennes in curia Cameracensi. Votorum solemnium transgressionem, maleficia impediendum coitum, procuraciones sterilitatum vel abortivorum, propinationes veneni, magnas blasphemias Deo factas, casus eorum, qui falsificent literas curiæ nostræ vel abutuntur eisdem. Omnes excommunicationes tam à nobis, quam à canone latas, exceptis inferius nominatis & expressis & omnia alia peccata illis graviora.

Casus Penitentiarii per Decanatus commissi.

Committimus Penitentiarii nostris generalibus per Decanatus deputatis, peccata contra naturam in omni ætate a mulieribus perpetrata, & in viris ultra vigesimum annum.

Pollutiones manuum in omni ætate. Perjury, fidei fractiones, quæ non fuerint

(a) Canon XXI. *Omnia utriusque sexus Concilii Lateranensis anni 1215.*

rint facta in curia Cameracensi; votorum non solemnium transgressiones, injectiones manuum in parentes, ubi non fuerit gravis læsio vel deliberatio; Sortilegia, quæ non fuerint de Eucharistia & Chrismate. Injectiones manuum parvulorum in Clericum usque ad vigesimum annum. Oppressiones parvulorum non voluntarias, sed casuales. Clandestinas nuptias incestas, exceptis patre & matre, filio, filia, fratre & sorore. Omnia adulteria, hoc salvo, quod si clandestinæ nuptiæ, incestus, & adulteria per duos testes, aut plures, qui his interfuerunt (innoverunt) aut alias per communem famam vel infamiam, prius super his Ecclesiæ, vel nostram jurisdictionem exercennibus faciant satis. Injectiones manuum mulierum in Clericum vel Sacerdotem, ubi non est enormis læsio, quæ tamen probari possit, ut prædictum est, prius læsio, & Ecclesiæ [a] satisfaciatur. Sacrilegia usque ad quadraginta Solidos, in tantum, quod debita restitutio fiat Ecclesiæ de eisdem: omnia peccata, in quibus habent potestatem.

Casus Presbyteri Parochialibus Deputati.

Curatis & eorum vices gerentibus committuntur inordinatus concubitus cum mulieribus, mollietates, peccata contra naturam in ætate puerili in viris usque ad quartum decimum annum, & in mulieribus usque ad vigesimum quintum. Adulteria ex parte una provenientia. Damnificationes & furta, dummodo fiat restitutio, quam cito facultas se obtulerit. Sacrilegium usque ad decem solidos, dummodo fiat restitutio Ecclesiæ; levis injectio manuum in parentes sortilegia in rebus minimis & communibus, ubi non est horror & turpitudine; perjurya privata, in quibus nullus damnificatur, stuprum virginum, abortus non procurati, sed casuales.

De Casibus Nobis, & Penitentiaris nostris reservatis.

Curatis & eorum vices gerentibus, excepto mortis articulo, interdiciamus omnem potestatem pertinentem ad penitentiariorum Decanatus, sive ad Episcopum, sub forma rigoris.

Sacerdotes confessiones mulierum,

eum quibus peccaverunt, fautores & mediatores non audiant, donec saltem a peccatis inter eos patratas alias confessi fuerint competenter, & cessaverit infamia, si qua fuerit propter hoc contra eos, sed mittant eos ad honestos & idoneos Confessores.

Quibus debent Presbyteri Parochiales confiteri?

Item statuimus, quod in quolibet Decanatu ad audiendum confessiones Sacerdotum, qui etiam sunt Penitentiararii generales in ipsis Decanatibus, quatuor Presbyteri parati ad hoc discreti & idonei assumantur, a quibus & non ab aliis, auctoritate nostra a peccatis suis saltem mortalibus, inuncta eis salutari penitentia, absolvantur.

Ne autem Missarum solemnia plus solito differantur, si Presbyteri non possunt quotidie adire confessores suos prædictos, eligant sibi alium vel alios idoneos confessores, ita tamen quod postea quam cito poterunt, adeant prædictos confessores sibi deputatos, & eadem peccata, saltem mortalia, quæ confessi fuerunt, ipsis confessoribus ab eis sic electis, & aliis, si qua sint, confiteantur prædictis confessoribus in singulis Decanatibus deputatis.

Solemnis penitentia pro crimine publico.

Item statuimus, quod si cui imponenda est solemnis penitentia pro crimine publico, vel vulgariter, quod totam villam commoverit, remittendus est ad Nos, ut in die Cinerum ejiciatur ab Ecclesia, & in die Cænæ recipiatur.

Item, ad tollendam inter parochiales Presbyteros & Capellanos perpetuos nostræ Civitatis & Diocesis in Ecclesiis parochialibus omnimodam materiam questionis, statuimus, ut Capellani perpetui in contrariis audiendis, Presbyteris parochialibus subveoiant, & succurrant in his, quæ ad opus parochiale pertinent eo tempore, quo constabit dictos Presbyteros occasione curæ seu curiæ nostræ Cameracensis esse impeditos, vel infirmitate proprii corporis esse detentos, dum tamen infirmitas hujusmodi XV. dierum numerum non excedat, salvis nihilominus ordinationibus,

a Nobis & Prædecessoribus nostris factis super Capellanis, qui per Nos aut Prædecessores nostros ordinate consistunt.

Monitio ad credulitatem.

Item Sacerdotes moneant subditos suos, ut perfecte dicant: *Pater noster, Ave Maria, Credo in Deum*, & saltem dicant bis, in mane scilicet & in vespere, & iungant ista scientibus nomine penitentia, & ea dicant ignorantes.

Item statuimus, quod habens constitutionem Clericalem addiscat & studeat quotidie dicere septem Psalmos.

Item, quod acolythus horas gloriose Virginis MARIE quotidie dicat.

Item, quod existens in sacris Ordinibus sive sit beneficiatus, sive non, horas Canonicas videlicet de die, & B. MARIE Virginis dicere quotidie non omitat.

Instructio in Fide.

Item statuimus, quod curati Ecclesiarum singulis diebus Dominicis, vel saltem semel in mense suos Parochianos ammoncant, & suos filios instruant ad fidem addiscendam, videlicet: *Ave Maria, Pater noster, Credo in Deum.*

Nomina non Consecrati.

Item precipimus omnibus Presbyteris parochialibus Civitatis & Diocesis Cameracensis, ut nomina Parochianorum, qui eis non consentunt sua peccata, nec Eucharistiam recipiunt, saltem semel in anno, nisi id de consilio proprii Sacerdotis omittant, infra mensem postquam ad eorum noticiam pervenerint, nobis referant aut rescribant.

Res per furtum acquise.

Presbyteri suis parochialibus inhi-beant, ne qui rem furtivam, vel furti suspectam emere scienter presumant; quod si fecus fecerint, sciant se ad restitutionem teneri.

Licentia ad viandum.

Item Presbyteri suis parochianis precipiant, quod illi, qui procul ad mundinas, aut peregre sunt ituri, licentiam a suo Sacerdote accipiant, sumendi Ecclesiastica Sacramenta in via, si necesse fuerit, & Sacerdos non eis denegare presumat.

(b) *Supple: voverint, vel quid simile.*

Item statuimus, quod Presbyteri, & alii, qui vice nostra & auctoritate audiunt confessiones, continententes moneant & inducant, quod saltem semel in anno peregre visitent matrem suam Cameracensem Ecclesiam, & si forsan lidem & precipue mulieres alias peregrinationes (b). Ipsas & maxime mulieribus, quibus parcendum est propter sexum, in peregrinationem ad dictam Cameracensem Ecclesiam unam vel plures, pensatis peregrinationibus pro promissa laboribus & expensis auctoritate nostra commurent. Sacerdotes frequenter & diligenter instruant subditos suos de Symbolo, & articulo fidei.

De Eucharistia.

Sacerdos in vestibus Sacerdotalibus mundis & benedictis accedat ad Missam celebrandam. Manipulus habeat duos pedes sub brachio de longitudine: stola ad minus ad paramentum alba se extendat. Alba & casula integre, & non dilute habeantur & observentur. Amictus integer sit, & sepe mundeatur. Cingulum mundum, integrum, longum & benedictum habeatur. Presbyteri sub alba sint indui superpellicio, vel tunica linea, quæ Gallice dicitur: *Sarcot*. Non content sine calceamentis vel caligis, cum caligis attingentibus super genua.

Celebrans in mortali peccato scienter.

Noverint Sacerdotes, quod si cum conscientia peccati mortalis ad celebrandam Missam acceperint & celebraverint, ad minus ter peccant mortaliter: *Primo*, quod presumunt indigne accedere, *Secundo*, quod indigni coniciunt & contingunt Eucharistiam, & tenent sacra vasa: *Tertio*, quia indigne manducant Corpus Christi & Sanguinem bibunt.

Altare ad celebrandum ad minus pareatur duabus pallis benedictis, duo corporalia ad necessitatem unius altaris ad minus habeantur, quæ sint mundissima & benedicta, & apte plicature.

Pannus, cum quo calix extergitur, cum veneratione custodiatur in calice, vel super altare, sicut Reliquie. Ceteri panni, quibus parca & calix involvuntur, mundi custodiantur.

Missale super involutum camisia lineae

nea & munda altari superponatur, & habeat sudarium vel manutergium dependens, quo Presbyteri nares, faciem, & os detergant.

Loca circa altare ab araneorum telis & pulveribus, & cæteris immunditiis sæpius circum mundentur, cortinæ convenientes, quæ *alte* dicuntur, a lateribus altaris utriusque appendantur, nec temere ab aliquo retrahantur.

Cortina conveniens sursum super altare extendatur, quæ contegat & defendat altare ab incommodis immunditiarum descendentiis.

Calix & patena, in quibus conficitur corpus Christi, sint argentei vel aurei integri, & calix sit cum firmo pede, non tirubans.

Nullus Sacerdos sine Clerico celebrare præsumat, qui Clericus desuper habeat lineam tunicam, vel superpellicium, vel cappam rotundam, & calciatus incedat, Clericus autem vel Sacerdos non faciat aperturas sub ascellis in tunica linea, vel superpelliceis, quibus ejiciantur brachia sine manicis, tunice lineæ vel superpellicei in ministerio altaris. Ampullæ vini & aquæ integræ & munda intus & exterius observentur, & signo notabili distinguantur vasa vini a vasis aquæ.

Vinum ampullæ de tertio in tertium diem ad minus renovetur: vinum rubicundum, si commode possit haberi, ad celebrandum ministretur.

Piscina, qua lavat Sacerdos manus post consecrationem, munda teneatur, & cooperiatur.

Exteriorium post illam lotionem mundum habeatur, & reverenter alba tela, vel cortina linea vel serica regatur, & cum corporali abluatur ab aliquo Sacerdote, vel persona religiosa, aqua ablutionis in piscinam sacram mittatur. Idem faciat de exteriorio calicis, ipsum quando vetus vel minus honestum fuerit, super piscinam sacram comburatur, & cinis in piscinam recondatur.

Idem habeat Sacerdos proprium manutergium, quo manits tergat ante celebrationem, vel ante contactum sacrorum, ut Eucharistiæ, Christinatis, & Olei sacri.

Clericus autem non tergat manus suas ad prædictum manutergium, vel exteriorium, sed habeat aliud manutergium.

Sacerdos sit diligens in electione Hostiæ consecrandæ, ut sit integra, solida, non nimis vetusta, & in appositione vini & aquæ, discernat odore, quid sit utrumque, vel ab alio faciat gustu discerni.

De aqua apponantur duæ guttæ vel tres. Sacerdos autem attente & distinctè legat in Canone, quæ dicenda sunt.

Sacerdos non eleve Hostiam ad levandum populo nisi prius dixerit hæc verba: *Hoc est enim Corpus meum*, & tunc pulsetur campana magna ex una parte tribus vicibus, ut fideles, qui audierint, ubicumque fuerint, adorent.

Si Sacerdos, cum venerit ad consecrationem vel ad perceptionem nihil in calice invenerit, innuat, quod offeratur ei vinum cum aqua, quibus appositis, dicat verba canonis ab illo loco: *Simili modo postquam canendum est &c.* usque ad finem & faciat signacula, quæ ex tunc fieri solent super sanguinem. Ille autem, quæ facta sunt super Eucharistiam, non reitet; Quod si aquam non invenerit, & gustaverit, non reitet Sacramentum Sanguinis, sed transeat cum consueto modo. Ille autem, per cuius negligentiam hoc evenierit, jejuset tribus diebus a se distantibus in pane & aqua; Siquid de sanguine ceciderit super corporale vel super pallam Altaris, pars corporalis vel palte intincta sanguine ter diligenter abluatur, & aqua ablutionis a Presbytero jejuno, vel persona religiosa & jejuna sumatur, & poterit dictis pannis uti, sicut prius, post ablutionem prædictam.

Si sanguis super alium pannum ceciderit, pars intincta abscindatur & comburatur, & cinis in sacra piscina recondatur. Si super lignum & lapidem vel terram solidam ceciderit, illa pars si commode fieri possit, a Sacerdote ablinguatur, & postmodum radatur, & rasura combusti in sacram piscinam ponatur.

Item si in sanguine mûsca vel aranea vel aliquod abominabile ceciderit, quod

quod vix sine periculo vel vomitu non poterit sumi, caute abstrahatur, & super patenam vel alium calicem abluatur vino & post sanguinis functionem solitam, illa lotio bestix in piscina reponatur, & bestia super piscinam comburatur.

Si Corpus Domini super pallam ceciderit, his lavetur vino vel aqua, & a Presbytero sumatur. Si super aliud vestimentum ceciderit, pars illa abscindatur & comburatur, & cinis in piscinam projiciatur.

Calix ad communicandum infirmos mundus & integer habeatur, & cooperus custodiat, & si facultas suppetat, fiat argenteus.

Pixis, in qua Corpus Christi referatur, vel ad infirmos deferatur, sit eburnea vel argentea, vel ad minus cuppa bene eliminata, & semper pannus lineus albus vel sericus & mundus infra pixidem ponatur, super quem Corpus Christi in pixide collocetur.

Cum infirmus communicari voluerit, prius visitet eum Presbyter sine Corpore Domini, si commode fieri possit, & diligenter audiat confessionem ejus & post ad Ecclesiam redeat, & cum iterum erit ad communicandum infirmum, prius aliquanto spacio pulsetur campana aliquo certo signo ad hoc distincto, ut fideles ad Ecclesiam conveniant, qui Sacerdotem deferentem Dominum suum, & omnes reverenter & ordinate subsequantur, & orationes suas, quas sciunt, dicant devote pro infirmo eundo & redeundo: Sacerdos autem eat & redeat dicendo septem Psalmos, & si via fuerit longior, addat quindecim Psalmos, Litaniam & ceteras orationes.

Incedat autem Sacerdos ad communicandum, cum lucerna & campanula præcedentibus. Expectent autem fideles, donec infirmus communicetur & redeant usque ad Ecclesiam post Sacerdotem semper deferentem Corpus Domini, ne populus in redeundo nihil adoret. Si qui autem maligni hanc processionem perturbaverint; per censuram Ecclesiasticam compellantur. Deferatur autem Corpus Christi venerabiliter & solemniter, posito decenti cooperculo super Calicem, cruce superposita,

panno & fimbriis sericis adornatis. Si infirmus frequenter vomitu levi occasione patiat, non conferatur ei Corpus Christi, sed credat, quia spiritualiter accepit; Ante autem, quam Sacerdos communicet infirmum, dicat ei; si credit, quod sub illa specie Panis sit Corpus Christi, natum de Virgine, passum in Cruce, & resuscitatum tertia die? quod si confessus fuerit verbo, vel signo, communicet eum, si altera non obstitit causa; si autem communicatus evomuerit, partes caute & diligenter colligantur, quæ reperiri possunt, & cum vino a Sacerdote vel ab aliquo fidei sumantur, residuum vomitus comburatur, & ponatur in terram juxta Altare, vel alibi in sacro loco, ubi commode poterit poni. Cum autem Corpus Christi deferatur, fideles, coram quibus deferatur, si commode fieri possit, genua flectant, pectus tundant, & inclinato capite, junctis manibus adorent, equitantes autem non dedignentur descendere equum, ut adorent eum, qui pro ipsis descendit de coelis.

Præcipimus, ut nullus Sacerdos audeat celebrare Missam, nisi prius dixerit Matutinas Canonicas & primam.

Item præcipimus omnibus & singulis Presbyteris, quod Eucharistiam seu Hostias consecratas pro infirmis servatas, renovent in hyeme, & æstatæ secundum quod honestum fuerit, aliter ipsos de inhonestate abominabili graviter puniæmus.

Corpus Christi super Altare in honesto loco vel armario sub clave sollicitè custodiat. Similiter Chrisma, Oleum sacrum, & Oleum infirmorum sed in alio loco.

Item doceant Sacerdotes subditos suos, ut cum venerint ad communicandum die Paschæ, vel alia die, jejuni, devoti, & confessi accedant, & nulli extranei se immisceant, nisi viator & peregrinus, & hoc de licentia sui Sacerdotis.

Hostiæ non consecratæ, quæ dicuntur panis benedictus, nulli dentur.

Pueri

Pueri autem non communicentur, nisi aequam discretionem fidei habere dignoscantur, ut intra circiter decennium.

Item præcipimus, ut die Paschæ, & cæteris diebus, quibus fideles communicantur, tot hostiæ consecrentur, ut non oporteat frangi, quando fideles communicantur.

Inhibemus, ne aliquis Sacerdos bis in die Missam celebrare præsumat, nisi in magna necessitate & urgenti, videlicet in diebus Paschæ, Pentecostes, & omnium Sanctorum, quibus solet copiosa multitudo populi communicari. Item propter carentiam alterius Presbyteri, succurrendo, absenti impedito, vel infirmo. Item, si magna persona superveniat, videlicet Archi-Diaconus, & Dominus loci, vel alia consimilis persona. Item propter præsens funus: item propter instantes nuptias: item, ut conficiatur corpus Christi propter infirmos, si instat viaticum sibi præbere: item propter duas Missas, si concurrunt in die: item propter duas Ecclesias commendatas vel annexas, duplicem casum volumus in hoc concurrere, videlicet carentiam Sacerdotis, & quod priori Missa perfusionem & absolutionem manuum non sumperit Sacerdos, sed infundat in sacram piscinam. Illos autem, qui bis in die, nisi in casibus supradictis sine nostra licentia speciali celebrare præsumpserint, anathematis vinculo innodamus.

Item excommunicamus curam animarum habentes, qui sine nostra licentia speciali deservire præsumunt in duabus Ecclesiis seu Capellanis, nisi una Ecclesia dependente ab altera. Capellani enim non habentes sufficientes redditus, & Presbyteri mercenarii valeant in duabus Ecclesiis non parochialibus deservire, dum tamen non celebrent bis in die, nisi in casibus supradictis, & quod loca sua sibi debito servitio non fraudentur.

Præcipimus autem Decanis, quod si commode possint habere Presbyteros non beneficiatos, quod eos ponant in succursibus deservendis: & si Presbyteri in Ecclesiis per Archi-Diaconum instituti, voluerint personaliter in suis Ecclesiis deservire, volumus, quod omni-

bus præponantur, pretium solitum, & debitum recepturi.

Item inhibemus, quod Presbyteri & Capellani non celebrent in Capellanis nondum confirmatis, nisi qui canonice fuerint ibi instituti, & in possessionem corporalem per loci Archi-Diaconum missi; contra-facientes autem in excommunicationis sententiam incidant, ipso facto.

Item statuimus, quod nullus apostata scienter ad celebrandum Divina Officia in aliqua Ecclesia admittatur.

Nullus fidelis arcendus a communicatione, nisi excommunicatus vel interdictus, aut aliquo notorio crimine notatus, videlicet publicæ meretrices, mimi, histriones.

Item omnes, qui faciunt sortilegia de corpore Christi, vel de Chrismate, seu de quocumque alio Sacramento, excommunicamus, & a Presbyteris præcipimus excommunicatos nunciari.

Item inhibemus, ne Presbyter, si sit notorius fornicator, videlicet ipsa rei evidentiā concubinam domo, mensa, & lecto tenens, vicinis hæc scientibus, seu filiis inde natis vagantibus, hæc attestantibus, Missam celebrare audeat, cum sit suspensus quoad se, & quoad alios, celebrando irregularis efficiatur.

De Matrimonio.

Matrimonium cum honore & reverentia celebretur in facie Ecclesie, non cum ritu vel jocosè, ne contemnatur.

Inhibeant Presbyteri parochiales subditis suis, ne sponsalia contrahant, aut dent fidem de matrimonio inter eos pariter contrahendo, nisi coram Presbytero saltem alterius contrahere volentium, vel illius, in cujus ipsi contrahere volentes, vel eorum alter Parochia commoratur, & hoc fiat in loco publico, Ecclesia videlicet, cimiterio vel capella, & coram pluribus aliis fide dignis. Et si aliter contraxerint sponsalia, nisi infra octo dies ea iterent coram altero de Presbyteris antedictis, non procedat Presbyter ulterius ad bannorum proclamationes, nec matrimonii solemnisationem sine Nostra, & Officialis nostri licentia speciali, & qui hoc scienter fa-

cere præsumpserit, ipso facto se noverit suspensum.

Insuper excommunicamus, & denunciarī in generali excommunicatos præcipimus omnes illos & illas, qui post afflictionem, sive clandestinam, sive in manu Presbyteri factam, ante solemnisationem matrimonii se carnaliter cognoverint, & illos, qui clandestine nuptias fieri procuraverint, seu ipsis præsumpserint interesse.

Item excommunicamus omnes, qui clandestinas nuptias contrahunt, & Presbyteros, qui hujusmodi clandestinas nuptias celebrant. Clandestinas autem nuptias vocamus, quibus non præcesserunt tres banni, in Ecclesia propria infra mensem solemniter tribus diebus solemnibus a se distantibus more solito proclamati, vel de quibus per Nos, vel per Officiale nostrum non exitit dispensatum.

Item excommunicamus omnes, qui contra matrimonium falsā impedimenta proposuerunt, vel verba celaverunt scilicet, amore, præcepto, odio, vel favore, vel aliqua alia quacumque causa, & præcipimus eos excommunicatos propter hoc frequenter a Presbyteris nunciari, quod si nemo hancorum proclamationi se opposuerit, & loci Presbyteri verisimilem, aut veram contra matrimonium habeant conjecturam; Nobis, aut Officiali nostro Cameracensi in consuleis super hoc, ad solemnisationem matrimonii non procedant, & si contra hoc fecerint, excommunicationis sententiam se noverint incurrisse.

Impedimenta autem matrimonii sunt frigidas, seu impossibilitas coeundi naturalis per defectum caloris: accidentalis per maleficium, habitus religionis cum professione, ordo Subdiaconatus & supra; cognatio consanguinitatis, affinitas, compaternitas, vocum solemnē factum in manu Episcopi, vel alterius, ex parte alterius ad hoc destinati; conditio servilis, dispar cultus Paganismi, vel Judaismi, vis, coactio, violentia, error personæ, honestas, publicæ honestatis iustitia, puta, si unus fratrum desponsaverit aliquam puellam septennem & supra, eo mortuo, frater ejus vel consanguineus in quarto gradu non potest eam habere in uxorem.

Presbyteri autem pro Sacramento matrimonii, vel aliorum Sacramentorum Ecclesiasticorum nihil exigant vel recipiant, nisi forsan vel gratis offeratur, vel ex liberali, & non onerosa consuetudine debeat.

Item statuimus, quod matrimonium non celebretur, nec solemnifetur, nisi de mandato Nostro speciali, vel Officialis nostri, in diebus, qui sunt inter primum Sabbatum Adventus Domini & crastinum Epiphaniæ, & inter sabbatum Septuagesimæ, & crastinum octavarum Paschæ; & inter sabbatum immediate præcedens Dominicam in Rogationibus, & crastinum Trinitatis. In sabbato autem, & in anteceditis crastinis matrimonium licite celebratur.

Item præcipimus, quod nullus Presbyter aliquam mulierem in die, qua inter ipsam & virum matrimonium fuerit solemnifatum, ad purificationem seu messianem admittere præsumat, nisi de Nostra, aut Officialis nostri licentia speciali.

Item præcipimus omnibus Presbyteris Civitatis & Diocesis Cameracensis, ut ipsi in Parochiis suis diligenter requirant, si sint aliqui conjuncti matrimonialiter in casu illicito, & contra Canonicas Sanctiones: & si quos tales invenerint, Nobis eorum nomina infra mensem, postquam ad eorum noticiam pervenerint, referant & rescribant.

Item inhibemus in virtute sanctæ obediencie, & sub pena suspensionis Decanis nostris Christianitatis, ne de causis matrimonialibus, & aliis quibuscumque se aliquatenus intromittant, nisi de speciali commissione Nostra, vel Officialis nostri Cameracensis; præcipientes omnibus Presbyteris subditis nostris, ne Decanis, nisi prius facta fide de speciali commissione hujusmodi pareant vel intendant, salvo informationibus ex eorum officio faciendis, non in figura iudicii inter partem & partem, sed ad litem cessandi, vel personas Ecclesiasticas, vel eorum bona repetendi, aut instruta negotia Nobis, aut Officiali nostro referendi, super quibus nil penitus immutamus. Decani contraria facientes ipso facto se noverint suspensos, & nos nihilominus processus factos coram eis, & sententias hujusmodi ab eis super inhi-

inhibitione latas, decernimus irritas & inanes.

Item, ne matrimonia clandestina debito effectu defraudentur propter testes excommunicatos, tam auctoritate Concilii Provincie Remensis, quam Synodalis, pro eo, quod illis matrimoniis clandestinis interfuerunt, statuimus, & statuendo declaramus, quod depositiones talium testium valeant, & robur obtineant firmitatis, dummodo a Nobis vel Officiali nostro Cameracensi, velejus locum tenente, ante depositionem eorum ad cautelam fuerint absoluti.

De sacris Ordinationibus.

Præcipimus omnibus Clericis habentibus Ecclesias parochiales, Capellanas, Præposituras, vel alias animarum curas, ut ad singula sacrorum Ordinum tempora se offerant ante dies Ordinum, sic apto tempore examinandi, ut nos possimus inquirere de idoneitate & sufficientia eorumdem, & infra tempus debicum, secundum quod onus beneficii requirit, se faciant ad omnes Ordines promoveri, & personaliter resideant in eodem, & ad hæc iuramentis propriis se adstringant.

Item præcipimus Sacerdotibus parochialibus, quod infra mensem a tempore fixæ primæ residentie curam animarum Ecclesiarum ab Episcopo recipere non postponant, & infra mensem alium super hoc Decanis suis faciant certam fidem, alioquin pro anno illo foranei reputentur.

Item excommunicamus omnes, qui illicitiati ab alienis Episcopis, seu a Nobis, se fecerint ad tonsuram Clericalem & alios Ordines promoveri.

Item & illos, qui per saltum in sacris Ordinibus fuerint promoti, inhibentibus Decanis nostris, ne tales ponant in succursibus deservendis, nec ab Archidiaconis in possessionem corporalem admittantur, licet a patronis presentati, nisi cum eis super hoc a Nobis fuerit dispensatum.

Item inhibemus, ne parochialis Ecclesia conferatur alicui, qui vicissimum quintum annum non attigerit, quoniam talis collatio nulla est ipso jure.

Resignationes curarum fiant in manus Episcopi, & alias non valeant.

Tomus IV. Concil. German.

Item præcipimus, quod Presbyteri parochiales & Capellani perpetui in Ecclesiis & Capellaniis suis continue personaliter resideant, spatio duorum mensium, tam pro diebus continuis, quam interpolatis numerando, pro absentia a dictis Ecclesiis & Capellaniis, eis dumtaxat indulto, alioquin foranei censentur, & suarum Ecclesiarum & Capellaniarum fructus Nobis & locorum Archidiaconis applicentur.

De Extrema Unctione.

Cum reverentia, Aqua benedicta, & Cruce præcedentibus, per Sacerdotem deferatur Oleum sacrum ad infirmos, & diligenter dicantur septem Psalmi, Litania & orationes ad hoc institutæ, ille autem, qui inungit, inungendo reverenter & distincte proferat hæc verba ad oculos: *Per istam Unionem, & summi sanctum & piissimum misericordiam indulget tibi Deus, quicquid deliquisti per Visum*, ad aures: *per Auditum*, ad nares: *per Odoratam*, ad os: *per Gustum*, ad manus: *per Tactum*: ad pedes: *per gressum*, semper repetendo: *Per istam Unionem*, ut supra.

Manus Sacerdotis de foris inungantur, manus autem aliorum deintus.

Ad Sacramentum extremæ Unionis sæpe Presbyteri moneant subditos suos indifferenter a XIV. annis & supra, ut singuli, cum necesse fuerit, inungantur, nec pauperes pro egestate se excusent. Si non potest infirmus habere multitudinem candelarum, vel indumenta linea, quæ cum reverentia in hoc Sacramento exhiberi solent; nec propter hoc dimittat Sacerdos inungere, sed sufficiat candela una.

Inuncti vero cum stupa diligenter in locis inunctis extergantur, & stupæ comburantur. Et cinis in sacro loco ponatur: docentes Sacerdotes, quod hoc Sacramentum licite iterari potest in qualibet gravi & periculosa infirmitate. Illud Sacramentum utile est ad tria, quæ notantur his versibus.

Ungor in extremis, ut fiat gratia major,

Et morbus levior, & mea pena minor.

K 2

Suscip:

Suscepturi quodcumque Sacramentum, prius conscientia mündentur: honor & reverentia a Presbyteris, Clericis, & laicis Sacramentis supradictis omnibus impendantur.

De Clericis.

Clerici tonsuram rotundam, & competentem habeant, & eam saltem septies in anno radi faciant, vestibusque honestis utantur in forma, & colore, & pretio honestatem decentibus Clericalem. Vestibus regulatis & parvis sub pœna sententiae laeae non utantur, nisi super hoc a nobis fuerint dispensati. Deauratis frenis, pectoralibus, & calceis non utantur.

Clerici autem in sacris Ordinibus constituti, præcipue Diaconi & Presbyteri clausum ferant indumentum & honestum, & si secus fecerint, ipsos in decem solidos Turonenses, totiens quotiens contraverint, teneri volumus, nostram jurisdictionem exercenti, & locorum Archidiaconis applicandos.

Statuimus similiter, quod Presbyteri curati civitatis & Diocesis Cameracensis pileos publice in capitibus suis deferant, ut ab aliis Sacerdotibus dinoscantur.

Clerici in sacris promouendi Epistolam, & Evangelium in veste Ecclesiastica cantent, sive legant, nec se immisceant officii artificiosis, seu ministeriis secularibus, nec turpibus, illicitis & prohibitis quæstibus & negotiis similibus, videlicet, ne sint campfores, tabernarii, carnifices, nec proxenetæ, qui vulgariter dicuntur *Cartiers* vel *Ampliers* in curia laicali vel huiusmodi, quæ sine peccato aut scandalo modernis temporibus non exercentur: à quibus negotiationibus vel quæstibus, nisi post tertiam monitionem, quam eis a locorum Presbytero fieri precipimus, omnino destiterint, eos in talibus, vel etiam in veste vel habitu non clericali, Ecclesia non defendet.

Districte præcipiendo inhibemus, ne aliqui Presbyteri tam curati, quam alii, in domibus suis feminas habeant, exceptis dumtaxat matre, amica, sorore, cum quibus, seu pro quibus nullas secum habeant pedissequas, de quibus sinistra

possit suspicio suboriri: nec invitent Parochianos suos cum uxoribus coram se cum ad prandium, vel cenam, nec ad eorum declinent hospitia Presbyteri, ubi possit aliqua super hoc infamia aut scandalum suboriri.

Non divertant etiam ad tabernas, nec inter scurnarios (a) sedent, nec domunculas frequentent, quæ scunæ (a) vocantur, nec intersint ludibriorum spectaculis, jocularioribus, & choreis, nec talia in Ecclesiis & cimiteriis fieri aut exerceri permittant, Ecclesiisque frequentent, & præcipue diebus Dominicis & Festivis eas frequentare & in eis prout eis est datum desuper, cantare & legere non postponant.

Presbyteri & Capellani in domibus locorum beneficiorum suorum moram trahant, & eas redeant competenter, alioquin Decani de bonis beneficiorum, sive vacent, sive non, eas competenter faciant retineri, & semel in defectus huiusmodi investigent.

Item Presbyteri decimas a laicis non nisi de nostra licentia, recipiant, nec grangias seu terras alienas, aut bona ad censam seu firmam recipiant, cum id species negotiationis existat.

Item statuimus, quod ubicunque a prædictis iustitæ secularis certa pena pecuniaria statuitur contra laicos excedentes, Clerici pro similibus excessibus eadem pena, & ultra in duobus solidis teneantur: & alias, secundum conditionem delinquentis, & personæ, cui iniuria deferretur, ad qualitatem & quantitatem delicti puniantur, prout Officialis Cameracensis, aut Decanus loci, in quo delinquentes moram trahant, de hoc duxerit decernendum.

Item Decanis prædictis nostram committimus potestatem, ut ubi inter laicos super inimiciis treugæ datæ fuerint, compellant per censuram Ecclesiasticam, & invocando, si necesse fuerit, auxilium brachii secularis, Clericos de parentela, & quorum interest; ad consentiendum dictis treugis, dandum & tenendum eisdem.

Item excommunicamus omnes Presbyteros & Clericos in sacris Ordinibus constitutos, qui (b) bragentias intrabunt secularium Dominorum: & eos, qui jam intra-

(a) Scurnarie, forte Seabularie vel ancille publicarum tabernarum. Scunæ, forte pro domo scenica hystriorum.

(b) Bragentia, forte pro Braxatoria domo publica.

intraverunt eandem, nisi infra mensem exeant ab eisdem, qui etsi per mensem in se sustinuerint excommunicationis sententiam antedictam, ex tunc pro illo anno beneficiorum suorum Ecclesiasticorum fructibus sint privati.

Item præcipimus, quod in Monasteriis & Prioratibus Monachorum debitus personarum numerus observetur: & si hoc omisum fuerit, prædices, ad quos pertinet, poena Canonica puniuntur.

Item statuimus, quod nulla persona religiosa sola extra Monasterium in curtibus commoretur.

Item statuimus, ut omnes Presbyteri nobis subjecti, propter culpam suam excommunicati, durante excommunicatione ipsa, suorum beneficiorum Ecclesiasticorum fructus amittant, & nobis, & locorum Archidiaconis applicentur.

Item, quia intelleximus, quod plures Sacerdotes furtive Ecclesias Parochiales in Diocesi Cameracensi sunt ingressi, absque eo, quod a nobis, vel vices nostras gerente, seu Prædecessoribus nostris curam receperint eorundem:

Item aliqui per Archidiaconum loci, vel auctoritate sua non sunt missi in possessionem Ecclesiarum corporalem, quas obtinent; præcipimus, quod omnes Decani Christianitatis nostræ Diocesis super his diligenter inquireant, & quos tales invenerint, nobis eorum nomina infra mensem, postquam ad eorum notitiam pervenerint, referant & perscribant.

Item, præcipimus, quod Presbyteri Parochiales, vel eorum vices exercentes, diebus Dominicis & Festivis solemnitatibus, præcedente campanarum pulsatione, Divinum Officium cantent solemniter die ac nocte. Item, & quod singulis diebus Dominicis, pro solemnitate diei, intra Ecclesiam, & qualibet feria secunda pro animabus in Cimiterio, ante Missam cum Clero & populo eis subditis, prout consuetum est, processionaliter incedant, dicendo diebus Dominicis unum responsum de Trinitate, & si sit Festum, de Sancto, cujus festum evenierit. Feria autem so-

cunda *Miserere mei Deus*, *De Profundis*, cum omnibus aliis consuetudinibus. Si vero feria secunda tempus nocivum, vel aliud huiusmodi, (aut) cimiterium interdictum fuerit, fiat processio intra Ecclesiam, & si Festum solemne eadem feria evenierit, fiat processio die immediate sequenti.

Item Capellani perpetui in Parochiis, in quibus Capellanix suæ consistunt, residentiam corporalem faciant, & cum curatis locorum in Ecclesiis Parochialibus Vesperis & Matutinis, Missis diebus Dominicis & Festivis inter sint, secundum conscientiam a Deo sibi collatam, cantando & legendo.

Nomina autem rebellium Presbyteri seu Decani Nobis, vel Officiali nostro nuncient vel rescribant.

Item prohibemus, ne laici unacum Clericis in choro, seu in cancello interesse præsumant, dum ibidem Divina celebrantur, nisi nobiles existant, & tales, qui ibidem consueverunt Presbyteros in Divinis adjuvare.

De Reverentia, Jurisdictione, & Libertate Ecclesiarum, Cimiteriorum & Personarum Ecclesiasticarum.

Inhibemus, ne in Cimiteriis & Ecclesiis placita secularia teneantur, non exerceantur ludi jaculatorum & histriorum, forum rerum venalium, bannaque, seu edicta iustitiæ secularis proclamantur.

Interdicti & excommunicati in Ecclesiis, dum prædicantur, interesse ibidem possunt; sed prædicatione finita, in continentem recedant.

Item, præcipimus Presbyteris Parochialibus, & Capellanis, quatenus Divinis Officiis in eorum Ecclesiis & Capellis celebratis, tam ante prandium, quam post, Ecclesias & Capellas suas claudant, & clausas ac mundas teneant, nisi causa honesta & inevitabilis ratio poposcerit aperiri.

Item statuimus, quod in Parochiis, in quibus oves vel arietes nutrirî contingat, curatis eorundem & patronis decimæ lanarum & vellorum pro rata temporis solvantur, non obstantibus consue-

consuetudinibus, & statuto contrariis quibuscumque: frandem vel dolum in eis perpetrantes, excommunicamus, a qua excommunicatione, nisi per Nos, aut Officiale nostrum dumtaxat, non possunt absolvi.

Item statuimus, ut quicumque possessiones Clericorum invadunt injuste, & bona mobilia ipsorum rapiunt, nisi infra quinque dies post presumptionem hujusmodi, ea efficaciter restituerint cum integra satisfactione parati, & nobis condigna emenda, ex tunc ipsos, ipso facto excommunicamus.

Item statuimus, ut nullus laicus, excepto Domino & Patrono loci, nisi reliquerit Ecclesiam duos solidos annui redditus, in Ecclesia sepeliatur.

Item statuimus, quod ubicumque obediuntur Ecclesiis vel cimiteria adversus eos, qui ibidem refugii causa fugiunt, ita quod non possit accessus haberi pro deferente vitæ necessaria ad eosdem, moneantur per locorum Presbyteros obfessores, ut recedant, & ab obfessione desistant, & eos libere ire permittant; alioquin cessetur a Divinis, & obfessores ipso facto ex tunc excommunicamus, & propter presentiam hujusmodi ad Ecclesiam confugientium, etiam majori excommunicatione innodati fuerint, Presbyteri ibidem celebrare non possint.

Item, statuimus, ut quicumque maleficium perpetrat in cimiterio, vel in Ecclesia, per quod atrociter sanguis effundatur in ipsis Ecclesia vel cimiterio; ad X. libras Parisienses nobis pro pacta reconciliationis teneatur: & si dictas X. libras non possit solvere, id quod non poterit, Parochiani loci teneantur solvere.

Item intelleximus, quod quidam Prælati, Presbyteri, & Beneficiarii calices, libros, & alia ornamenta seu utensilia Ecclesiarum beneficiorum suorum pro debitis suis, (a) debitoribus suis obligare præsumunt de facto, licet de jure talis obligatio non valeat, propter quod Divinorum celebratio impeditur, in animarum suarum periculum, Ecclesiarum, & Beneficiorum suorum præjudicium & gravamen, & in scandalum plurimorum; quare Decanis nostris mandamus, quatenus inhi-beant ipsis sub pœna suspensionis,

ne quis eorum calices, libros, & ornamenta seu utensilia Ecclesiarum ex causa prædicta de facto accipere præsumat.

Denuntiamus insuper obligationes tales, siquidem de calicibus sacris & ornamentis, seu utensilibus prædictis de facto fieri contigerit, non valere; & nihilominus talia facientes, seu attentantes esse graviter puniendos.

Cum per justitiam laicalem excessus puniri non debeant Clericorum, nec ab eis levari emenda de eisdem; cum ad solos Judices Ecclesiasticos, non seculares, pertinere noscantur; Nos juxta tenorem Provincialis Concilii, & tam temporali, quam nostra auctoritate monemus omnes & singulos nostræ Diocesis, & civitatis Cameracensis justitiam secularem exercentes, ne pro prædictis, seu occasione eorundem, levant aliquid de bonis hujusmodi, nec exquirant, vel exigant quoquomodo; & si secus fecerint, ipsos excommunicationis sententia auctoritate nostra innodamus.

Cum nonnulli tam Clerici, quam laici nostræ Diocesis & Civitatis Cameracensis conspirationem, societatem, caritatem, confraternitatem, & communitatem fecerint, ut intelleximus, aut facere nitantur, quod si aliquis de sua societate, confraternitate, caritate, vel communitate, seu de suis subditis, aut de suo territorio conveniatur in foro Ecclesiastico, aut contra eum procedatur, etiam in casu, in quo poterit de jure vel de consuetudine ibidem conveniri, quod non ad sumptus communes eorum defendantur: propter quod interdicta Ecclesiastica non est dubium impediri; Nos juxta tenorem dicti Provincialis Concilii, ac ipsius & nostræ auctoritate, ut prius, monemus omnes & singulos, tam Clericos, quam laicos, Civitatis & Diocesis prædictarum, quod si talia fecerint, ea revocent infra mensem, & de cætero de talibus abstineant, nec talia committant, & talibus non utantur, alioquin ipsos excommunicamus ex tunc ipso facto.

Item præcipimus, quod Presbyteri omnia bona & redditus tam ad se, quam ad suas Ecclesias pertinentia, in Missilibus distincte conscribant, alienata renovent, nec de dictis bonis quidquam ven-

(a) *lego*: creditoribus.

vendere aut alienare sine nostra licentia præsumant, quoniam talis venditio & alienatio non valent.

Item præcipimus, quod bona immobilia de bonis Ecclesiarum acquisita, eis Ecclesiis remaneant, nec ea quisquam filiis naturalibus, nepotibus, & consanguineis dare aut assignare præsumat, seu quicquam de bonis Ecclesiasticis acquirere, quod sub aliquo colore vel mercimonio transeat ad velle, & quod fecus factum fuerit, decernimus irritum & inane.

Item statuimus, quod cimiteria, in quibus excommunicatorum corpora sepeliri contigerit per præsumptionem propinquorum eorundem, vel alias contra Ecclesiasticum interdictum, reconcilientur per appositionem aquæ ab Episcopo benedictæ, sicut in deliberationibus & reconciliationibus Ecclesiarum & cimiteriorum fieri consuevit;

Item, si qui in cimiterio scienter ædificaverint, a Presbyteris excommunicentur.

Curati Parochiales suos Parochianos hortentur præcipue in principio suarum infirmitatum, ut confiteantur suo curato, & vaticum de consilio ejus recipiant, ac sua testamenta conficiant, debita, ac forefacta faciendo solvi, & quadam piis locis erogari.

Item statuimus, ut nullus executor intromittat se de bonis executionis ultimæ voluntatis cujusvis defuncti, seu se immisceat eisdem, nisi prius facta littera in præsentia plurimorum de inventariis bonorum defuncti, quæ videlicet, qualia, & quantæ sint; contra facientes ad poenam condignam nobis solvendam teneri volumus.

Item statuimus, quod executores testamentorum super legatis & aliis ex parte defuncti in causam tracti, si in dolo, vel in culpa lapsi inveniantur manifeste; de suo, non de bonis executionis, adversario litis expensas refundere teneantur.

Concedimus Presbyteris, Parochianis, & Capellanis perpetuis, qui in solo Ecclesiæ, vel Capellanix suæ, de bonis undecumque acquisitis, nova ædificia construxerint, quod pro modo valoris medietatis ædificiorum prædictorum possint

suas ultimas voluntates ordinare, & quod ipsa ædificia usque ad valorem prædictum valeant obligare, æstimatione valoris hujusmodi tempore mortis eorundem super hoc faciendi.

Item, cum plures plura bona ad diversas pecuniarum summas ex testamento fidelium datas, concessas & legatas ad opus Capellaniarum seu Beneficiorum Ecclesiasticorum instruendorum, & emolumenta, quæ proveniunt ex iis, sibi tenere præsumpserint, & præsumunt; præcipimus, quod Presbyteri tales, & eorum nomina nobis nominent, & revelent, seu Officiali nostro, qui per censuram eos compellat Ecclesiasticam, si necesse fuerit, ad restitutionem omnium prædictorum, ut in usus, ad quos deputata & ordinata sunt, convertantur.

Item, præcipimus, ut Presbyteri testamenta sua non per laicos, sed solum in præsentia alicujus Presbyteri ordinem sub testimonio competenti, nisi necessitas ad hoc ardeat aliter eos, & insuper, ut laici testamenta sine sui præsentia Sacerdotis, si præsentia ipsius commode haberi possit, facere non præsumant: quod laicos, & alios subditos suos Presbyteri admonent, ut testamenta sua, dum adhuc sunt compotes & mentium, & corporum, condere non omittant, & ad faciendas elemosynas tam fabricæ Cameracensis, quam Ecclesiis propriis, & pauperibus, eos precibus & monitis inducant.

Item statuimus, ut quilibet pro salute animæ suæ de rebus sibi debitis, causæ suæ ultimæ voluntatis, vel alias disponere valeat libere & quiete. In omnes, qui contra hujusmodi testamentum fecerint, aut venerint directe, aut indirecte, tacite, vel expresse, clam, vel palam, vel ne hæc fiant, consilium & auxilium præbuerint vel favorem, in his scriptis excommunicationis sententia proferetur.

Item statuimus, quod singuli Presbyteri in suis Parochiis moneant auctoritate Synodali publice, in facie Ecclesiarum suarum omnes, qui testamentum & dispositiones & ultimas voluntates defuncti receperint exequendum, ut infra annum, si commode possit fieri, dictas executiones perficiant, & compleant de

de consilio proprii Sacerdotis; alioquin eos excommunicationis sententia innotandum.

De Exequiis Mortuorum.

Statuimus, ut si curati Ecclesiastici decedant intra Festum Nativitatis S. Johannis Baptiste & Festum Magdalene, fructus maturos, separatos à solo suis faciant.

Item: si, terris Ecclesiæ ab ipsis exoulis, decedant inter dicta festa, volumus, ut sumptus culturæ earum reddantur mandato eorundem, residuum vero fructuum Ecclesiæ cedant nobis & Archidiacono loci, salvo semper servitio Ecclesiæ. Si inter Festa B. Mariæ Magdalene & Purificationis B. Mariæ Virginis decederint, omnes fructus pro tempore sequenti cedant, ut supra: ita quod pro rata perceptorum & percipiendorum fructuum ad deservendum Ecclesiæ usque sequens Festum Nativitatis B. Johannis Baptiste, quilibet pars partem, seu portionem eam tangentem apponat. Si autem inter Festum Purificationis & festum Nativitatis S. Johannis Baptiste decederint, omnes fructus faciant suos, ita quod de illis deserviat Ecclesiæ per consilium Decani loci. Quod quidem statutum, & alia de materia hujusmodi facientia mentionem, ad Capellanos seu Capellanos volumus extendi.

Item statuimus, quod nullus Presbyter funus alienæ Parochiæ defuncti sepelire præsumat.

Quod si secus fecerit, & ossa defuncti, & omne emolumentum, quod occasione sepulturæ recepisse cognoscetur, restituere proprio curato tenebitur: & nihilominus eum graviter puniemus, nisi defunctus, salvo jure Parochiali, ibidem elegerit sepulturam, aut si fuerit de longinquis partibus peregrinus.

Districte præcipimus, ut Presbyteris & Capellanis defunctis campæ pulsentur solemniter, & Divinum Officium celebraretur: quod in crastino octavarum Paschæ celebraretur in omnibus Ecclesiis Parochialibus anniversarium omnium confratrum Ecclesiæ B. Mariæ Cameracensis.

Item, statuimus, quod Sacerdotes audito obitu suorum Parochianorum ab-

solvant eos cum psalmo: *De profundis*, & Collecta, postmodum dicant Viglias, & alia, quæ defunctis debentur: & hoc, quando ipsi Parochiani excommunicati non decederint, aut si excommunicatorum copiam non potuerint habere, per suos Curatos in forma Ecclesiæ absoluti, sed signa penitentiae tantum^(b) apparuerint in eis, pro absolutione impetranda, etiam ab excommunicatione eorundem.

Corpora defunctorum de nocte in domibus custodiantur, sed si in Ecclesiam deferantur, omnibus exclusis, ostia claudantur.

Usurarii, nisi de usuris, & excommunicati, nisi pro quo excommunicati fuerint, satisfecerint nobis, & parri advenire, saltem per cautionem competentem, ab eis vel eorum hæredibus receptam per Presbyterum loci, si satisfaciendum fuerit: si vero non satisfaciendum fuerit, per receptum de stando mandato Ecclesiæ juramentum, nullatenus absolvantur, nec tradantur Ecclesiasticæ sepulture, si decedant; volumus autem, ut infra mensem, cum accepta fuerit, per ipsum curatum nobis hujusmodi cautio remittatur.

Item statuimus, quod Capellani perpetui Sacramentum a curatis locorum suorum in infirmitatibus suis Eucharistiam accipiant, & si decedant, in Capellis suis sepeliantur, nisi ex devotione, salvo jure Parochiali, alibi eligerint sepeliri.

Item, statuimus, ut nullus sustinens ex culpa excommunicationem per annum & diem, latam in ipsum, auctoritate nostra quacunque per Presbyterum absolvetur, in morte non tradatur Ecclesiasticæ sepulture; alioquin contra faciens noverit se suspensum.

Quia nonnulli terras Parochiæ, Ecclesiarum & Capellaniarum, sub melioratione ad censam recipere formidant a Rectoribus & Capellanis eorundem, pro eo, quod si ipsos Rectores & Capellanos ante terminum censæ decedere & resignare contingat, eorum Successores dictam censam & conventiones super eis factas retractare possunt, si velint, & penitus annullare: Item, quod Censuarius melioratione dictarum terrarum, si quam fecerit, est ea omnino defraudatus, propter

^(b) forte: tamen pro tantum.

propter quod plures terre beneficiorum Ecclesiasticorum quotidie pejorantur; Idecirco statuiamus, quod si quis Presbyter & Capellanus terras sui beneficii in parte vel in toto alicui ad censam concesserit, ipseque Censuarius eas per suam industriam, laborem & expensam melioraverit, ac ipsum concedentem ante terminum censæ decedere ac resignare contingat, successori ipsius concedentis vel resignantis conventiones a suo prædecessore cum dicto Censuario super dicta causa habitas, tenere & adimplere, ac ipsam meliorationem ad decretum proborum ab ipsis Successoribus & Censuario eligendorum, eidem Censuatori reddere, & restituere ante omnia teneatur, pro ut idem eligendi seu electi duxerint ordinandum.

De Vigiliis, & aliis Jejuniiis totius anni.

Dies immediate præcedentes Festivitates jejunia habentes vocantur Vigiliæ, quia antiquitus mariti cum uxoribus & filiabus suis ad Ecclesiam illis diebus conveniebant, & ibi cum cereis & luminaribus per totam noctem vigilabant, & quia contingebat in his vigilis corrumpi virgines, & ad multa maleficia exercenda majorem opportunitatem haberi, ideo vigilie & jejunia sunt translata, & ista jejunia adhuc vigiliarum nuncupantur, antiquum morem, & non nomen variando.

Sunt autem XI. Vigiliæ singulis annis in Diocesi Cameracensi, ab universis ætatem habentibus jejunandæ, scilicet Ascensio, Pentecostes, Nativitas B. Johannis Baptiste, Petri & Pauli Apostolorum, Laurentii Martyris, Assumptio B. Mariæ, Matthæi Apostoli, Simonis & Judæ Apostolorum, omnium Sanctorum, Andreæ Apostoli, Nativitas Domini.

Si vigilie Dominicis diebus eveniant, sabbatis præcedentibus jejunantur.

Item tenentur jejunare in die Sancti Marci Evangelistæ, si Dominica non fuerit, si vero Dominica fuerit, feria II. sequenti, nisi aliud obstat, ut habetur Capitulo sequenti de festis.

Item, tenentur jejunare feria II. feria III. & feria IV. ante Ascensionem Domini.

Item, teneantur jejunare feria IV. temporum, quorum primum est feria IV. feria VI. & Sabbato inter Pentecosten & Trinitatem, & sit in estate, quæ est fervida, ut simus ferventes in caritate.

Tomus IV. Concil. German.

Secundum jejunium quatuor temporum sit feria IV. feria VI. & Sabbato post exaltationem Crucis, & sit in autumnus, in quo tempore est fructuosum, ut in nobis proveniant & abundant bonorum operum fructus. Tertium jejunium quatuor temporum sit feria IV. feria VI. & Sabbato post festum Lucie & Alberti, & sit in hieme, in quo cadunt folia & moriuntur herbe, ut in nobis defluant vitia & moriantur. Quartum jejunium quatuor temporum sit feria IV. feria VI. & Sabbato post diem Cinerum, & sit in vere, in quo omnia virent, ut vireant in nobis opera virtutum, sine quibus nihil est perfectum.

Fiant autem hæc jejunia per dies præfatos, quia magis penitenciales quam alii dies hebdomadæ ab Ecclesia denotantur. Et tres sunt dies, ut quicquid corde, ore, & opere contra unum in substantia, & trinum in personis deliquimus, per hæc jejunia quatuor temporum his tribus diebus expiemus. Quando A. E. F. G. sunt literæ Dominicales, jejunium Quadragesimæ ante Nativitatem Domini incipit VI. Idus Novembris. Superest hujusmodi Quadragesima & a Religiosis jejunatur. Item omnes ætatem habentes tenentur jejunare ex præcepto Ecclesiæ Quadragesimæ ante Pascha.

De Fyfta.

Præcipimus majora festa ab omnibus subditis nostris diligenter observari, in quibus non debent, nec possunt Presbyteri licentiarum subditos suos pro accommodatione carrucarum, vel equorum, vel animalium ad hæc deputatorum pro se, vel pro aliis quibuscumque, videlicet omni die Dominica, in Circumcisione Domini, in Epiphania Domini, in Purificatione B. Mariæ, in Annunciatione Dominica, in Parasceve autem per totum Divinum Officium, in die Paschæ, feria II. in Pascha, in die Philippi & Jacobi, in inventione Sanctæ Crucis, in Ascensione Domini, in die Pentecostes, feria II. sequenti, in die Sanctæ Trinitatis, in die S. Sacramenti, in Nativitate S. Johannis Baptiste, in passionibus Petri & Pauli Apostolorum, in die Magdalene, in die Jacobi Apostoli, & Christophori, in die Laurentii, in die Assumptionis B. Mariæ Virginis, in die Bartholomæi Apostoli, in die Nativitatis B. Mariæ Virginis, in exaltatione S. Crucis, in die Matthæi Apostoli, in die Michaelis Arch-

L

chan-

changel, in die Simonis & Judæ, in die omnium Sanctorum, in die Martini Episcopi hyemalis, in die Catharinæ Virginis, in die S. Andree Apostoli, in die Nicolai hyemalis, in die Thomæ Apostoli, in die Nativitatis Domini, in die Stephani Protho-Martyris, in die Johannis Evangeliste, in die Patroni Ecclesiæ, & in die Dedicationis.

Festa autem sequentia vocamus minora, in quibus licet arare & carrucare, videlicet in conversione S. Pauli, in Cathedra S. Petri, in die S. Lucæ Evangeliste, in die S. Nicassii, in die Sanctorum Innocentium, feria III, & feria IV. in Pascha & Pentecoste.

Statuimus autem, quod si festum Annuntiationis Dominicæ Sabbato in Ramis Palmarum occurrerit, ibidem ferietur, & celebretur, sed ultimæ Vesperæ fient de tempore, & memoria tantum fiet de S. MARIA per Antiphonam, Versum & Collectam. Si vero Dominica in Ramis Palmarum vel deinceps, usque ad diem Paschæ evenierit, ferietur & celebretur feria III. post *Quasi modo*, nisi fuerit annorum (a) Pascha, quod tunc usque ad feriam V. sequentem differetur.

Item festum Marci Evangeliste, si in die Paschæ vel deinceps usque post octavas Paschæ occurrerit, statuimus, quod ferietur & celebretur feria IV. post *Quasi modo*, & fiat jejunium cum Letania majore, processio ipsa die.

Si autem aliqua alia die evenierit, fiat festum Evangeliste ipsa die Dominica, & jejunium & processio cum Letania majore fiat feria II. sequenti, quæ non ferietur.

Si festum B. Ambrosii in hebdomada Paschali evenierit, fiat officium Sancti feria III. post *Quasi modo*: si autem Dominica in Ramis Palmarum, vel deinceps usque ad diem Paschæ evenierit, fiat feria VI. ante Ramos Palmarum. Item, si Ascensio Domini, & inventio S. Crucis eodem die occurrant, Officium festi S. Crucis fiat feria VI. sequenti, sed non ferietur. Si festum B. Andree Apostoli Dominica prima Adventus Domini eve-

nerit, fiat feria II. sequenti, & non ferietur, & vigilia five jejunium fiat sabbato precedenti, & festum B. Eligii feria III. sequenti immediate.

Si festum Purificationis in Dominica Septuagesimæ evenierit, ibidem ferietur & celebretur, & fiat Sabbato precedenti; & si festum B. Agnetis in Septuagesima evenierit, fiat feria VI. precedenti. Eodem modo fiat de aliis Sanctis, si necesse fuerit.

Quinque sunt festa mobilia, videlicet Septuagesima, Quadragesima, Pascha, Rogationes & Pentecostes, quæ ideo mobilia dicuntur, quia certum locum non habent in calendario, quorum notitia sic habetur.

Dies Paschæ celebratur semper tertia Dominica primæ lunationis, quæ est post nonas Martii, accipiendo lunationes secundum veterum aureum numerum. Dominica decima precedente diem Paschæ Septuagesima celebratur, Dominica septima precedente diem Paschæ prima Dominica Quadragesimæ five dies Brandonum, (b) Dominica sexta sequente diem Paschæ Dominica in rogationibus celebratur, & sequenti feria V. est Ascensio Domini, Dominica VIII. sequenti diem Paschæ celebratur dies Pentecostes, intelligendo diem Paschæ & alios dies Dominicos inclusive.

Adventus Domini semper in Dominica propinquiore festo B. Andree Apostoli, five Dominica præcedat, five sequatur, & si festum Apostoli sit die Dominica, eadem die incipiant Adventus Domini & debet transferri festum Apostoli sicut supra dictum est.

De minoribus festis duplicibus.

Præcipimus, ut festa beatorum Apostolorum & Evangelistarum, item Ss. Confessorum Gregorii, Augustini, Ambrosii Episcoporum, & Hieronymi Presbyteri in singulis Ecclesiis Civitatis, & Diocesis Cameracensis, sub officio duplici annis singulis celebrentur, secundum quod in nova constitutione summi Pontificis super hoc edita plenius continetur.

De

(a) Pascha annorum aliquibus est dies sabbati ante octavam Paschæ, anniversarius illius, quo ego baptizatus fui, quasi reperio annus illius diei, quo vestimenta alba a me baptizato oblata fuere. Aliis dicitur dies anniversaria illius, quo quis baptizatus est, quod in vel post Quadragesimam redire solebat: & cum oblationibus solemnibus & convivio celebrabatur a baptizato & competrinis. *Radholfus Tungrenf.*

(b) Ideo sic dicta, quia hujus Dominicæ diei sub Vesperas pueri Brandonibus, id est, facibus accensis festinare vel ludere solebant. *Festus in Lexico.*

De Indulgentiis.

Nos omnibus vere pœnitentibus & confessis, qui Matrem suam Ecclesiam nostram Cameracensem devote visitaverint, quadraginta dies, quotiens hoc fecerint, de injunctis sibi pœnitentiis misericorditer relaxamus.

Item statuimus, quod Presbyteri Parochiales diligenter expriment suis subditis in facie Ecclesiarum suarum, *Constitutionem Provinciale*, per quam Benefactoribus pauperum Parochialium suorum, tam a Domino Reverendo Remensi Archiepiscopo, quam ab omnibus ejus Suffraganeis XL dies indulgentiarum conceduntur, qui dies faciunt summam quadringentorum & octoginta dierum.

Item omnibus, & singulis deferentibus funera, & maxime pauperum, de domibus ad Ecclesiam, & de Ecclesia ad fossam sive Cimiterium seu qui Missa & sepultura eorum intererint, X. dies indulgentiarum auctoritate Synodali concedimus.

Item, omnibus & singulis flectentibus genua & dicentibus *Pater noster*, dum in Missa audierint nominare hoc nomen *JESU*, seu hoc nomen *MARIA*, seu hæc verba, *Verbum Caro factum est*, auctoritate prædicta X. dies indulgentiarum auctoritate nostra concedimus.

Item statuimus, quod concomitantibus de die Presbyterum, Corpus Christi deferentem, eundo X. dies, & redeundo alios X. dies indulgentiarum auctoritate nostra concedimus, concomitantes autem, si de nocte, indulgentias volumus habere duplicatas.

Item concomitanti Presbyterum eundem cum Sacramento extreme Unctionis infirmorum, si de die concomitetur eundo V. dies, redeundo V. dies indulgentiarum concedimus auctoritate prædicta; si autem de nocte taliter concomitanti fuerint, eis indulgentiam concedimus duplicatam.

Item omnibus vere pœnitentibus & confessis, qui officio & obsequiis Presbyterorum, & Capellanorum intererint. X. dies indulgentiarum concedimus.

Item, omnibus qui processionibus devote faciendis diebus Dominicis & die

Lunæ interesse voluerint, & aliis diebus, in quibus processiones fieri consueverint in Ecclesiis suis Parochialibus, pro qualibet processione cujuslibet diei X. dies indulgentiarum concedimus.

Item omnibus vere pœnitentibus & confessis, qui ob reverentiam Sacerdotii, nobis vel alicui Sacerdoti insurgent, totiens, quotiens hoc reverenter & devote fecerint, X. dies indulgentiarum concedimus auctoritate Synodali.

Item omnibus Sacerdotibus, qui devote prædicationi in Capitulo Decanorum faciendæ interfuerint, XX. dies de injunctis sibi pœnitentiis misericorditer relaxamus.

Item omnibus subditis nostris vere pœnitentibus & confessis, qui primæ Missæ novorum Sacerdotum interfuerint, & pro nobis, & pro nostris, & Ecclesiæ nostræ negotiis devote oraverint, XX. dies de injunctis sibi pœnitentiis misericorditer relaxamus.

De Executoribus Mandatorum Synodali.

Constitutionem CONCILII LUGDUNENSIS præcipimus per Presbyteros seu eorum vices gerentes, in facie Ecclesiarum suarum saltem semel in mense coram populo in lingua materna publicari de verbo ad verbum, quam inferius duximus apponendam, quæ talis est:

Quicumque pro eo, quod in Reges & Principes, Barones, & Nobiles, Ballivos & quolibet Ministros eorum, aut quoscunque alios excommunicationis, suspensionis, seu interdicti sententia fuerit promulgata, licentiam alicui dederint occidendi, capiendi, seu alius in personis, aut bonis suis temporalibus vel suorum gravandi eas, qui tales sententias tulerint, seu quorum occasione fuerint prolatæ, vel easdem sententias observantes, vel taliter excommunicatis communicare volentes, nisi licentiam ipsam re integra revoverint, aut si ad bonarum captivorum processum est occasione ipsius licentiæ, nisi bona ipsa infra VIII. dierum spatium fuerint restituta, vel satisfactio pro ipsis impensa; in excommunicationis sententiam incidunt ipso facto; eademque sententia sunt innodati omnes, qui ausi fuerint prædicta sententia data uti, aliquo præmissorum, ad quæ committenda licentiam dari præbuerint, alius committere suo metu; Qui

autem in eadem sententia permanferint duorum
mensium spatio, ex tunc ab ea non possint,
nisi per Apostolicam Sedem absolutionis benefi-
cium obtinere. Datum Lugduni, Calendis
Novembris, Pontificatus Nostri anno III.

Item constitutiones S. S. Patris Do-
mini Bonifacii VIII. eodem modo præ-
cipimus ab omnibus Presbyteris paro-
chialibus, vel eorum vices gerentibus,
saltem quater in anno in facie Ecclesia-
rum suarum in lingua materna nunciari
& exponi.

De Pedagiis.

" Quamquam Pedagiorum exactio-
nes tam de Jure Canonico quam ci-
vili, regulariter & merito sint damna-
te, tantum (a) tamen districtius, ne ab
" Ecclesia & personis Ecclesiasticis talia
" exigantur, prohiberi oportet, quanto,
" si fiat, major inde transgressionis rea-
tus incurritur, & offensa evidentior
" comprobatur; Cum igitur Ecclesia,
" Ecclesiasticæque personæ ad eos ipsa-
rum non solum jure humano, quia
" immo & Divino, secularium persona-
rum exactionibus sint immunes.
" Constitutiones felices recordationis
" Alexandri Papæ IV. Prædecessoris no-
stri, qui statuit Ecclesias, & Ecclesia-
sticos personas ad pedagia & guidagia
" penitus non teneri, nec ad exhiben-
dum, & solvendum talia pro rebus
" suis propriis, quas non causa negoti-
andi deferunt, vel deferri faciunt, seu
" transmitti, volentes propter multorum
" abusum penæ adminiculo adjuvare,
" adjicimus districtius inhibendo, con-
traria consuetudine quorumcunque,
" quæ dicenda est corruptela verius, non
" obstante, ut nec collegium, nec uni-
versitas, nec aliqua etiam singularis
" persona, cujuscunque sit dignitatis,
" conditionis, aut status, aut præfatis
" Ecclesiis, seu personis per personis
" ipsi a rebus prædictis talia exigant vel
" extorqueant, per se vel per alium,
" suo nomine vel etiam alieno, aut eas
" ad hujusmodi persolvenda compellant.
" Qui vero contra fecerint, si personæ
" fuerint singulares, excommunicamus;
" si autem fuerit Collegium seu Univer-
sitas civitatis seu castri, vel loci alterius
" cujuscunque, ipsa civitas, castrum,
" vel locus interdicti sententia ipso facto,
" incurrant, nec ab excommunicatione

" hujusmodi absolutionem vel interdicti
" relaxationem obtineant, donec exacta
" plenarie restituerint, & de transgres-
" sione satisfecerint competenter.

*Item alia de impediendis jurisdictionem
Ecclesiasticam.*

" Quoniam, ut intelleximus, quo-
" rundam justitiariorum, ballivorum,
" judicumve secularium, ac tempora-
" rium Dominorum in quibusdam parti-
" bus præsumptuosa temeritas sic ex-
" crevit, ut terris eorum sive districti-
" bus literas Apostolicas impetrantes,
" vel ad Judices ordinarios Ecclesiasticos
" recurrentes super causis, negotiis, seu
" questionibus, quæ ratione persona-
" rum aut rerum de jure vel de antiqua
" consuetudine ad forum Ecclesiasticum
" pertinent, obtinere non possunt in eis-
" dem per eosdem ordinarios Judices,
" vel per Apostolicas literas justitiæ
" complementum, quin potius super
" illis retrahere ad judicium seculare,
" vel a lite, causa, seu questione desistere
" compelluntur. Nos justitiam nostram
" & nostræ ipsius negligere nolentes,
" qui alios in sua justitia convenimus,
" obtinere, statuimus, ac quis impetra-
" tores literarum nostrarum, vel alios
" in foro Ecclesiastico litigantes, seu liti-
" gare volentes, sive ambæ partes hoc
" voluerint, sive una, actoris videlicet,
" aut rei, super causis, quæ ad forum
" Ecclesiasticum solum spectant, vel
" etiam solius actoris, in illis, quæ ad
" utramque forum ratione personarum,
" negotiorum, vel rerum de jure vel
" de antiqua consuetudine pertinere no-
" scantur, per se, vel per alium ad
" desistendum, vel in foro seculari de
" questionibus hujusmodi litigantium
" per eorundem Judicium Ecclesiastico-
" rum, vel impetrantium, aut litigan-
" tium, seu volentium litigare, aut pro-
" pinguiorum, nec non ipsarum rerum
" illorum, aut Ecclesiarum suarum cap-
" ticon, modisve aliis quibuscunque
" compellat, seu compelli faciat, aut
" procuret, nec per se, aliosve impe-
" diat, quominus coram Judicibus Ec-
" clesiasticis delegatis, seu ordinariis
" querelantes de causis, quæ, ut præ-
" missum est, ad cognitionem pertinent
" eorundem, possint libere obtinere
" justitiam, nec ad prædicta facienda det-
" consi-

(a) lege: tanto.

" consilium, auxilium, vel favorem.
 " Si quis vero contra præsumpserit, ex-
 " communicationi se, ipso facto, nove-
 " rit subiacere, a qua nisi causa tam
 " iudici, cujus cognitio fuerit impedita,
 " vel jurisdictio usurpata, quam parti,
 " quæ est turbata, in prosecutione sui
 " juris fuerit, de justitia, damnis, &
 " expensis, & interesse prius per eum-
 " dem integre fuerit satisfactum, nulla-
 " tenus absolvatur.

CONSTITUTIO.

" Clericis laicos infestos oppido
 " tradit antiquitas, quod præsentium ex-
 " perimenta temporum manifeste decla-
 " rant, dum suis finibus non contenti
 " niruntur in vetum, ad illicita frena
 " relaxant, nec prudentes attendunt,
 " quam sit eis in Clericos, Ecclesiasticas-
 " ve personas, & bona interdicta po-
 " testas; Ecclesiarum Prelatis, Ecclesiis,
 " Ecclesiasticisque personis regularibus
 " & secularibus imponunt onera gravia,
 " ipsosque tallant, & eis collectas im-
 " ponunt, ab ipsis suorum proventuum,
 " vel bonorum dimidiam decimam,
 " vel vicissimam, vel quamvis aliam por-
 " tionem, aut quotam exigunt & extor-
 " quent, eosque moluntur malefice
 " subijcere servituti, suæque subnittere
 " ditioni, & quod dolentes, referimus,
 " nonnulli Ecclesiarum Prelati, Eccle-
 " siasticæque personæ trepidant, ubi
 " trepidandum non est, transitoriam pa-
 " cem querentes, plus timentes Maje-
 " statem temporalem offendere, quam
 " æternam, talium abusibus non tam te-
 " merarie, quam improvide acquiescunt,
 " & Apostolica auctoritate seu licentia
 " non obtenta. Nos igitur talibus ini-
 " quis actibus obviare volentes, de fra-
 " trum nostrorum consilio auctoritate
 " Apostolica statuimus, quod, quicum-
 " que Prelati, Ecclesiasticæque personæ,
 " religiosæ vel seculares quorumcunque
 " ordinum, conditionum, statuum col-
 " lectas, vel talliam, decimam, vicissi-
 " mam, seu centesimam suorum & Ec-
 " clesiarum conventuum, seu bonorum
 " laicis solverint, vel promiserint, vel
 " se soluturos concesserint, vel quam-
 " vis aliam quantitatem portionem, aut
 " quotam ipsorum proventuum, vel
 " bonorum restitutionis, vel valoris ip-

" sorum sub auditorii, mutui, conventio-
 " nis, subsidii, vel doni nomine, seu
 " quovis alio titulo, modove, quæsito
 " colore, absque auctoritate sedis ejus-
 " dem, nec non Imperatores, Reges,
 " seu Principes, Duces, Comites, vel
 " Barones, vel etiam Potestates, Capi-
 " tanei, vel Officiales, vel Rectores,
 " quocumque nomine censeantur, civi-
 " tatum, castrorum, seu quorumcun-
 " que locorum, constitutorum ubilibet,
 " & quivis alii, cujuscumque præmi-
 " nentiae, conditionis, & status, qui ta-
 " lia imposuerint, exegerint, vel rece-
 " perint, aut apud ædes sacras deposita
 " Ecclesiarum vel Ecclesiasticarum per-
 " sonarum ubilibet arrestaverint, sissi-
 " verint, seu occupare præsumpserint,
 " vel arrestari, sissiri, vel occupari man-
 " daverint, aut occupata, sissata, vel
 " arrestata receperint, nec non omnes,
 " qui scienter in prædictis dederint con-
 " silium, auxilium, vel favorem, publi-
 " ce, vel occulte, eo ipso sententiam ex-
 " communicationis incurrant.

" Universitates quoque, quæ in
 " his culpabiles fuerint, Ecclesiastico
 " supponimus interdicto: Prelatis &
 " personis Ecclesiasticis supradictis in
 " virtute sanctæ obedientiæ, & sub po-
 " na depositionis ditricte mandantes, ut
 " talibus absque expressa licentia dicte
 " sedis nullatenus acquiescant, quod-
 " que sub prætextu cujuscumque obli-
 " gationis, promissionis, & concessio-
 " nis factarum hæcenus, vel faciendarum
 " in antea, postquam hujusmodi con-
 " stitutionis prohibitio, seu præceptum
 " ad notitiam ipsorum pervenerint, ni-
 " hil solvant, nec supradicti seculares
 " quoquo modo recipiant & si solven-
 " rint, vel prædicta receperint, in ex-
 " communicationis sententiam incidant
 " ipso facto. A supradictis autem
 " tem excommunicationis & interdicti
 " sententiis nullus absolvi valeat, præ-
 " terquam in mortis articulo absque Se-
 " dis Apostolicæ auctoritate & licentia
 " speciali, cum nostræ intentionis exis-
 " tat tam horrendum secularium pote-
 " statum abulum nullatenus sub dissimu-
 " latione transire, non obstantibus qui-
 " buscumque privilegiis, sub quibus-
 " cumque tenoribus, formis vel modis,
 " aut verborum conceptione concessis

" Imperatoribus, Regibus, & aliis su-
 " praëdictis, quæ contra præmissa nul-
 " latenus volumus alicui, vel aliquibus
 " suffragari."

*De Judicibus, Delegatis & Sub-
 delegatis.*

Statutum, quod circa Judices a So-
 cietate Apostolica deputatos nuper edidi-
 mus, cum quædam contenta in eo,
 quæ pro communi utilitate credebantur
 inducta, sicut experientia docuit, tende-
 re dinoscantur ad noxam, sanctione
 præsentis, quam irrefragabiliter observa-
 ri mandamus, suadente utilitate, in
 melius duximus reformandum. Statui-
 mus igitur, ut nullus, nisi dignitates
 prædictas, aut personatus obtinentibus,
 seu Ecclesiarum cathedralium Canonicis
 Cameracensis Diocesis, auctoritate lite-
 rarum Sedis Apostolicæ vel Legatorum
 ejusdem (cause) committantur, aut
 audiantur alibi, quam in civitate vel lo-
 cis singulis, ubi possit commodè copia
 peritorum haberi. Cum vero ejusdem
 civitatis seu Diocesis fuerit actor & reus,
 extra ipsas causâ non committatur, nec
 conveniatur aliquis eorumdem, qui ab
 ipso contra aliquem de sua Diocesi vel
 ab antiquo contra eum & ejus Capitulum
 seu contra Universitatem civitatis, villæ,
 aut castri fuerit actio dirigenda, vel nisi
 actor eandem civitatem seu Diocesim in-
 trare non audeat, aut sui adversarii po-
 tentiam merito perhorrescens, cum in-
 fra ipsas nequeat invenire secure, in his
 quippe casibus (a) contra dictas civita-
 tem vel Diocesim possit contra prædictos
 causâ (b) omitti. Nullus tamen eorum
 ultra diocetam unam a fine Diocesis suæ
 valeat conveniri, scilicet in duobus ulti-
 mis casibus, nisi impetrans de dicto ter-
 rore, quod in literis commissionis ex-
 primere teneatur, primo judici fidem
 faciat saltem per proprium juramen-
 tum; Judex vero nullatenus in causâ
 procedat, sed partes a sua jurisdictione
 dimittens impetrantem eundem in ex-
 pensis legitimis alteri parti condem-
 net.

Quando autem actor & reus civi-
 tatis & Diocesis fuerint diversarum, si
 autem in civitate vel Diocesi rei judicem
 habere recuset, ipsum non in sua, sed
 in alia civitate vel Diocesi libere impetra-

re valeat, reumque trahere ultra unam
 diocetam, sicut in casu alio præmittitur,
 minime sit remotus.

In nullo quoque casuum prædicto-
 rum judex extra civitatem vel Diocese-
 sim, in quibus fuerit deputatus, citet
 partes, nec de causâ sibi commissâ cog-
 noscat, nisi ad id expressius accesserit
 eorumdem assensus, neque alibi, quam
 infra illos, & personis dumtaxat de-
 signatis superius committere quomodoli-
 bet vices suas.

Insuper ut gratis & cum omni pu-
 ritate judicium coram ipso procedat,
 nullum munus vel quicquam aliud, nisi
 forsan esculentum vel poculentum mera
 liberalitate oblatum, quod paucis possit
 consumi diebus, vel nisi cum ipsum
 propter causâ sibi commissâ contige-
 rit extra domicilium suum proficisci, mo-
 deratas expensas recipere ab eisdem par-
 tibus qualitercumque præsumat, provi-
 surus attente, quod in his expensis mo-
 dum nequaquam excedat, nec plus ab
 una parte quam ex alia exigat, cum
 commune gerat negotium utriusque
 quandoque causæ sibi commissæ utilitas
 vel necessitas non exegerit occasionem
 propter habendas expensas, proficiscen-
 di extra domunculam, non assumat, sed
 ubi notabiliter fuerint pauperes litigan-
 tes, tunc pro expensis nihil prorsus exi-
 gat ab eisdem.

De Assessore assumendo.

Assessorem autem, ut quandoque
 faciant aliqui fraudulentè, nisi eo indi-
 geant, quod conscientie relinquitur
 eisdem, sibi nequaquam adjungant,
 alioquin de suo proprio teneatur provi-
 dere eidem. Siquis autem indigeat, ip-
 sum neutri parti suspectum assumens,
 eidem de competenti salario providere
 moderando ab eo, faciat a partibus com-
 munitè provideri.

De Notariis.

Notarius vel Notarii in causis sibi
 commissis scribentur, qui ut plurimum
 in exigendo salario metas rationis ex-
 cedant, ut quod ad ipsius spectat officia,
 prudenter refrerent, nec cum ipsis, aut
 cum Assessore præfeto lucrum parti-
 pet ullo modo. Siquid autem contra

(a) forte: extra.

(b) forte: committi.

tra constitutionem præsentem receperit, ad ipsius restitutionem integram teneatur, nulla eorum, quibus restitutio facienda fuerit, remissione ullatenus profutura.

De Testibus producendis.

Pro ferendo quoque testimonio, prætextu cujus aliqui aliquos fraudulenter interdum a iudicibus vocari procurant, ut eos laboribus & expensis fatigent, aut extorqueant aliquid ab eisdem, nullum ullatenus convocat, nisi quando conditio & status tunc requirunt; sed nec tunc, nisi quando a producendo competenter vocatis pro testimonio, veniendo, stando, & redeundo, faciat ministrari expensas.

Quidquid autem contra præmissa, vel eorum aliquid contigerit attentari, sit ipso jure irritum & inane.

De (a) Gubernatoriis impetrandis.

Hac constitutione perpetuo valitura statuimus, ut conservatores, qui aliquibus, ut in manifestis injuriis & violentiis teneantur, eisdem plerumque a Sede Apostolica conceduntur, decetero deputari non possint, nisi Episcopi vel eorum Superiores, vel Abbates, Dignitates & Personatus in Cathedralibus vel Collegiatis Ecclesiis obnantes, nullusque deputati sibi conservatoris esse valeat conservator, nisi aliquis Regibus & Reginis, qui sicut dignitatis altitudine præminent, sic prærogativa gratiæ ipsos convenit anteferri, dumtaxat exceptis, deinceps conservatorem habeant eum, qui sub ipsius jurisdictione, Dominio vel districtu Ecclesiastico vel temporali consistat. Conservatores autem hujusmodi extra civitatem vel Dioecesim, in quibus fuerunt deputati, vel alibi, quam in civitate seu locis insignibus, ubi possit copia peritorum haberi, contra quoscumque procedere, (&) aliquos ultra unam diëtam a fine Diocesium eorundem trahere non præsumant.

Vices quoque suas, citationibus & sententiarum denuntiationibus dumtaxat

exceptis, quæ per alios valeant exercere, nulli committere possit, nisi hoc eis competierit ex beneficio literarum sed nec tunc, nisi infra civitatem aut Dioecesim in quibus deputati fuerint, & personis tantum, quæ superius sunt expressæ.

Ut autem Conservatores limites sibi traditæ potestatis, quos frequenter excedunt, metu poenæ diligenter observent, decrevimus, ut si de aliis, quam de manifestis injuriis & violentiis scienter se intromiserint, seu ad alia, quæ judicalem indaginem exigunt, suam extenderint potestatem, eo ipso per unum annum ab officio sint suspensi: pars vero, quæ hæc procuraverit fieri, sententiam excommunicationis incurrat, a qua non possit absolvi, nisi ei, quem sic fatigavit indebite, prius satisfaciatur integraliter de expensis.

Officium autem quorumcumque Conservatorum ipso jure quo ad non excepta negotia, per obitum concedentis volumus expirare.

Circa munera vero & expensas Assessorum & Notarios & personas testimonio convocandas illa præcipimus in hujusmodi conservatoribus per omnia observari, quæ in delegatis iudicibus constitutio a nobis super hoc edita observanda decrevit. Quidquid autem contra præmissa vel eorum aliquid attentari contigerit, omnino decernimus irritum & inane.

Ne exhibetur obsequium Ecclesiasticum personis.

Eos qui temporale Dominium obtinent cum suis subditis, ne Prelatis, aut Ecclesiis seu personis Ecclesiasticis quicquam vendant, aut emant aliquis ab eis, neque ipsum bladam molant, coquant panem, aut alia obsequia exhibere præsumant, aliquando jura interdiciunt, cum talia in derogationem libertatis Ecclesiasticæ facere præsumant, eo ipso excommunicatione sententiæ decernimus subjacere.

(a) forte: Conservatoribus.

CONCILIIUM CAMERACENSE

Anno Christi MCCCCL. Bonifacii VIII. Papæ VI.
Alberti Regis III.

*Statutum Concilii Remensis (a) Provinciæ,
Anno Domini MCCCCL. secunda die Mercurii ante Clementem,
promulgatum in Concilio Cameracensi.*

§. I. Clerico detento à Laicis, cessatur
in loco a Divinis.

Præmissis igitur statuimus & decernimus auctoritate Concilii, quod si in aliqua civitate, vel in aliquo loco nostræ (a) Remensis Provinciæ contingat, quemquam Clericum detineri per laicalem iustitiam, per quam dictus Clericus fuerit ab Episcopo loci illius, vel Officiali, vel Decano rurali, seu ex parte alicujus eorum legitime requisitus, cessatur a Divinis in loco captionis, & detentionis, quousque fuerit competenter restitutus.

§. II. Clerico à Laicis capto, vel aliò abducto, cessatur à Divinis.

Item, si Clericus per iustitiam laicalem capiatur in aliqua Diocesi, & extrahatur ab ea, & ad aliam ducatur; cessatur similiter a Divinis, & in loco, ubi fuerit captus, & in loco ipsius capientis, per quem fuerit deductus, quousque ad Diocesim fuerit reductus, & iustificenter restitutus.

§. III. Laici jurisdictionem in Clericos exercentes excommunicantur.

Item, cum per iustitiam laicalem non debeant puniri excessus Clericorum, nec ab ea levare emenda de eisdem, cum hæc ad solos Judices Ecclesiasticos, non seculares pertinere noscantur, monemus auctoritate prædicta omnes, & singulos nostræ Provinciæ, ne pro dictis, seu occasione eorumdem levare aliquid, vel recipiant, vel exigant, quoquo modo: alioquin contrahentes, excommu-

nicationis sententia auctoritate prædicta innodamus.

§. IV. Judices conspirantes contra Cleri libertatem excommunicantur, nisi cessent.

Item, cum nonnulli Scabini, Reges, Gubernatores, Judicatores communitatum, locorum, seu territoriorum nostræ Remensis Provinciæ, prout intelleximus, conspirationem, aut conjunctionem facere nitantur, quod si aliquis de sua communitate, vel de suis subditis, seu de suo territorio, conveniatur in foro Ecclesiastico, aut contra eum procedatur in casu, in quo potest de jure, seu de consuetudine ibidem conveniri, quod eum ad sumptus communes defendant, propter quod jurisdictionem Ecclesiasticam non est dubium impediri; monemus omnes & singulos jam dictæ Provinciæ, quod si talia fecerint, revocent ea intra mensem, & quod de cætero a talibus abstineant; nec talia committant, & talibus non utantur, alioquin excommunicationi subjaceant ipso facto.

§. V. Laici impediētes forum Ecclesiasticum excommunicantur.

Item, cum nonnulli temporales Domini suis inhiſcant subditis, ne quis eorum alium trahat in foro Ecclesiastico, in casu a jure seu consuetudine permissio, quin immo contra sic facientem & contrahentem procedunt frequenter ad captionem persone trahentis, & bonorum ejusdem amicorum trahen-

(a) Cameracum Nerviorum, qui sunt populi Belgicæ secundæ civitatis, fuit sub Provincia & Metropoli Remensi. Sæculo XVI. agente Rege Hispaniarum, Robertus Crojus primus Archi-Episcopus renuntiatus fuit anno 1562. 22. Maji per Paulum IV. siquæ Cameracum subtrahit Remensi Provinciæ, & propria Metropolis evasit.

" taphentis, ac bonorum ipsorum; Nos
" ne talia faciant prohibentes, contra
" facientes excommunicationis vinculo
" innodamus, & denunciamus a Cano-
" ne excommunicatos.

§. VI. *Abbatē contra Episcopī jurisdictionem conspirantes, nisi revocent infra mensem, excommunicantur.*

" Item, cum nonnulli Abbates hu-
" jusmodi Provinciæ inter se ordinave-
" rint, & conspirationem fecerint (quod
" si contingat aliquem Episcopum contra
" Abbatem aliquem velle procedere
" sibi subdicio, vel alias puniendum,
" quod ad defensionem ejusdem contri-
" buent, & ad sumptus communes om-
" nium defendentur) quod non est du-
" bium fore in judicium jurisdictionis
" sui Episcopi, & contra juramentum
" suæ possessionis, per quam suo Epi-
" scopo est astrictus, & contra Eccle-
" siasticam libertatem; Monemus tales,
" quod hæc revocent infra mensem,
" & a talibus se abstineant; alioquin

" excommunicationi subiaceant ipso
" facto.

§. VII. *Inferiores excommunicationi immo, citandi ad Concilium.*

" Item, quod si excommunicati
" publica sententia excommunicationis,
" per biennium, & amplius animo su-
" stinuerint indurato, vocentur ad pro-
" ximum Concilium tamquam suspecti
" de hæresi, & in eodem Concilio contra
" tales, ut justum fuerit, proceda-
" tur; quæ omnia redigi fecimus in
" scriptis, & in ipso Concilio solemniter
" promulgari. Præcipientes districtius,
" & mandantes auctoritate prædicti Con-
" cili, universis & singulis Provinciæ
" Remensis, quatenus, quæ taliter pro
" defensione libertatis Ecclesiasticæ, &
" ipsarum Ecclesiarum statu pacifico
" duximus ordinanda, prout superius
" continetur, servant, & teneant illi-
" bata.

Mortem Tom. VII. Collectionis ampliffima: Loco citato.

CONCILIIUM CAMERACENSE

Anno Christi MCCCIII. Bonifacii VIII. Papæ VIII.
Alberti Regis V.

Statutum Concilii Remensis Provinciæ, anno

Domini MCCCIII. Sancta die Veneris ante Circumcisionem.

Promulgatum in Concilio Cameracensi.

§. I. *Excommunicati, nominatim publice nec admittendi ad Ecclesiam, nec sepeliendi.*

" In primis igitur statuimus & decre-
" vimus auctoritate Concilii, ne
" quævis seculares, & religiosi, exem-
" tæ, & non exemptæ perlonge excom-
" municatos & interdictos *nominatim*
" publice ad Divina, neve corpora de-
" functorum talium ad Ecclesiasticam
" sepulturam admittant; alioquin talibus
" ab ipsis Canonibus est ingressus Ec-
" clesiæ interdictus. Ut tam salubria
" statuta publicentur frequenter, ad-
" jicientes auctoritatē præsentis Concilii,
" quod omnes & singuli, cujuscumque
" status, dignitatis, professionis, aut

Tomus IV. Concilior. German.

" conditionis existant, qui talibus Divi-
" nis celebrandis, & sepulturis facien-
" dis interesse præsumperint, vel qui
" opem in his auxiliium præstiterint,
" & favorem, post mensem a tempore
" publicationis præsentis in singulis Dia-
" cesibus Remensis Provinciæ faciendæ, ex-
" communicationi subiaceant ipso facto,
" simili sententiâ percellentes omnes &
" singulos, qui matrimonia clandestina
" fecerint, seu contraxerint, aut procu-
" raverint fieri, seu ipsis præsumperint
" interesse.

§. II. *Imponentes talia Clericis mandata, & excommunicandi.*

" Quia nonnulli servientes tempo-
" raliū Dominorum, & justiciæ lai-
" callis,

M

" calis, afferentes pro suo libito, Clericos tam non uxoratos, quam uxoratos, qui tamen cum unica & virgine contraxerint, esse publicos mercatores, tallias, & collectas imponunt eisdem, & extorquent ab invitis, quamquam clericaliter vivant, nullis se mercimoniis implicantes, ac moniti auctoritate Ordinariorum locorum, ut desistant, reculant parere, quamquam offeratur eisdem, ut facta fide coram ipsis Ordinariis, quod dicti Clerici non sint tales manifesti mercatores, tallias, & collectas huiusmodi permittant levare, ipsi tamen iudicis & partis officio fungentes cognitionem super hoc sibi vindicant & assument. Et quia de his, ut asserunt, sibi constat, bona doctorum Clericorum mobilia capiunt, vendunt, & detrahunt, in magnum prejudicium & gravamen ipsorum. Pro modo etiam omnium facultatum ipsorum Clericorum, licet in minimo solum eos asserant mercatores, tallias, & collectas imponunt, & extorquent ab eis: Nos vero attendentes premissa fieri contra libertates & consuetudines Ecclesiasticas novas, notorias, & antiquas, talia amodo fieri prohibemus; alioquin post mensem a tempore publicationis predictae, omnes illos, & singulos, qui talia amodo fieri procurant, mandare, aut facta suo nomine rata habere, auxilium, consilium, opem, vel favorem clam vel palam prestare presumpserint, auctoritate predicti Concilii, monitione tamen competenti premissa, excommunicamus in his scriptis.

§. III. *Insuperantes per annum in excommunicatione, privandi sepultura Ecclesiastica.*

" Item, quia non caret nota haereticæ pravitate in contemptum potestatis, & clavium Sanctæ Matris Ecclesiæ, excommunicationis sententiam quamvis Catholicam in se sustinere, præsertim per annum, & amplius: volens canci huic vulneroso, ne sui contagione corrumpat alios, & pernicioso seducat exemplo, igneum quod superest, injicere ferrum; Statuimus

" auctoritate præsentis Concilii, ut tales, qui taliter excommunicationem in se latam sustinuerint, careant Ecclesiastica sepultura, nisi saltem in extremis se poeniterint, & ad condignam satisfactionem venerint, & emendam.

§. IV. *Vocati ad Concilium, si non venerint, suspecti habeantur de hæresi.*

" Item, cum excommunicati per biennium & amplius ad præsens Concilium sint vocati, peremptorie, & personaliter responsuri, super tanto excessu, qui notam seu speciem hæresis non evadit; qui non venerint, vel apparuerint per idoneos responsales, ipsos omnes, & singulos reputamus contumaces, purgationem eis omnibus, & singulis, quos sic suspectos habemus de hæresi, indicentes canonice; ad quam præstandam secundum juris formam, ipsos & singulos eorum suis singulis Diocesanis termino super hoc competenti præfigendo eisdem ab ordinariis supradictis decernimus teneri.

" Diligenti deliberatione habita, honestate considerata, & ut superfluitatibus abstinetur, ut omnes & singule personæ Ecclesiasticæ Rhenensis Provinciae in singulis conviviis sint contentæ potagio, & duobus ferculis sine fraude, nisi magnitudo personarum superveniendum aliud requirat, & tunc cum predictis poterunt uti aliquo intermedio ferculo, ita, quod si in conviviis huiusmodi, Reges, Duces, Comites, Barones, & alios excellentes congerit interesse, præsentis statuto minime sint adstricti. Si quis vero contra præmissa vel aliquod præmissorum attentaverit, vel attentare presumpserit, poena puniatur condigna. Quæ omnia redigi fecimus in scripturis, & in ipso Concilio solemniter promulgari: præcipientes distinctius & mandantes auctoritate dicti Concilii universis & singulis personis Provinciae Rhenensis, quatenus, quæ taliter pro defensione libertatis Ecclesiasticæ, & ipsarum Ecclesiarum statu pacifico duximus ordinanda, prout superius continentur, servant, & teneant illibata.

Sequuntur

*Sequuntur Constitutiones continuæ Concilii Cameracensis Sæculi XIII.
sed annorum incertorum.*

De Litteris Curie differendis.

Sacerdotes superiorum suorum mandata sine dilatione, & periculo portitorum ipsorum mandatorum diligenter, & fideliter exequantur; & mandata Nostra seu Curie nostræ Cameracensis; & propria habeant sigilla, & unica, quæ appendeant in signum completæ executionis mandatis ipsi, vel faciendis rescriptionibus ad eandem; nec aliquid exigant, nisi solum denarium in forti moneta pro sigillo. Nullum excommunicatum pro absoluto habeant, nisi eis de absolutione facta fuerit certa fides. Et cum aliquem absolverint, dicant: *Miserere mei Deus*, absolvendis coram eis ante ostium Ecclesiæ flexis genibus constitutis. Cum vero Missam celebraturi erunt, alta voce proclamant, quod omnes excommunicati Ecclesiam exeant, donec Missa fuerit celebrata. Et quia plerumque Presbyteri & Capellani propter metum proprii corporis, non audent nominatim monere singulariter personas huiusmodi, quod exeant, statui- mus quod singulis diebus Dominicis & Festivis Presbyteri in suis Ecclesiis excommunicent, & denuntiant omnes & singulos excommunicatos illos *authoritate Synodali*, qui sciunt se esse ligatos sententia excommunicationis, & publice denuntiatos, nisi post monitionem a Presbyteris, & Capellanis ante Missarum solemniam exierint Ecclesiam, Oratorium, vel Capellanas; nec excommunicatos huiusmodi Sacerdotes potestatem habeant absolvendi, sed eos remittant ad suos superiores absolvendos. Si autem tales nec sic Ecclesiam vel Oratorium aut Capellanas exire renuerint, Presbyteri, vel Capellani in eorum præsentia celebrare non præsumant, propter periculum, quod ipsi incurrerent ipso facto, nisi forsan huiusmodi excommunicati ad Ecclesiam confugerint; ut ab inimicis tuerentur, *ut supra dictum est titulo: De Libertate Ecclesiarum.* Sacerdotes autem semel saltem in mense in facie Ecclesiarum suarum publice excommunicent, & excommunicatos denuntient omnes, qui directe, vel indirecte, clam

Tomus IV. Concil. German.

vel palam, publice vel occulte impediunt & perturbant jurisdictionem Ecclesiasticam, & præcipue Curie Cameracensis, minas inferendo, inhibendo, præcipiendo, bona capiendo, & personas litigantes percutiendo, fratrum, consanguineorum, & amicorum, aut alias vexando, damnificando, factis etiam quæsitis fraudulenter, falsis executionibus quoquo modo: intimantes eisdem, quod, nisi resipuerint, Nos contra eos nominatim ad excommunicationis & aggravationis, & interdicti sententias & subtractionem Ecclesiasticorum Sacramentorum procedere nullatenus omittemus.

De denuntiandis excommunicatis.

Item Sacerdotes excommunicent, & excommunicatos denuntient omnes illos & singulos, cujuscunque sint conditionis, dignitatis, vel status, qui conspirationem faciunt contra suos Prælatos & Presbyteros, & eorum libertates & jura, verbo vel facto publice vel occulte.

Ubi Portitores Litterarum curie capiuntur, detinentur &c. cessatur a Divinis.

Item statuimus, quod ubicumque portitores litterarum nostræ Curie Cameracensis, aut etiam ipsæ litteræ, & insuper ubicumque Clerici tam Beneficiati, quam non Beneficiati, & ubicumque bona Ecclesiastica Clericorum Beneficiatorum violenter capiuntur, & detinentur, & ubicumque captores moram trahunt, tam in locis ubi capiuntur personæ, portitores litterarum, vel bona huiusmodi; quam etiam in locis ubi detinentur seu auferuntur, omnino a Divinis cessetur: nec sine nostra, aut Officialis nostri licentia organa reassumantur ibidem.

Cautela pro salvandis Portitoribus Litterarum Curie.

Item statuimus, ut cum portitor litterarum Curie nostræ ad quemvis executorum ipsarum accedet; si ibidem executor videt periculum imminere, ipsum

portitorem non offendar, nec (a) pro-
cedat, nec alias revelet, seu revelari
faciat parti adverſæ: immo ſi ſciat
aut credat infidias poni, vel peri-
culum imminere dicto portitori per
partem adverſam, ſeu ipſe procurator
litteras ipſas ſibi præſentatas ſtatim ſi-
gillet, & tradat ſigillatas ipſi portitori,
retento dicti mandati in ſuis tabellis, aut
pergameno breviculo, ſeu tenore, nec
mandatum ipſum parti adverſæ inſinuet,
vel inſinuari permittat, aut procuret,
donec idem portitor poterit per duas vel
per tres leucas poſt ſigillationem & tra-
ditionem prædictam, eſſe reverſus a di-
cto loco; alioquin contra facientes ex
tunc ſuſpēdimus ipſo facto.

De numero Citationum ad Curiam.

Item ſtatuiſmus, quod nullatenus ci-
tationum curiæ noſtræ numerum octo per-
ſonarum excedat.

De termino Citationis ſervando.

Item præcipimus omnibus ſubditis
noſtris, ne aliquam faciant citationem
contra aliquem de mandato Curie Camera-
cenſis, niſi per competentem terminum
ante diem citationis, ſecundum quod di-
ſtantiæ locorum requirit.

*De Interdicto poſt proclamationem
banni.*

Item ſtatuiſmus, quod ubicumque
publice per Dominos temporales, Ballivos,
Præpoſitos, Majores ſervientes, aut laica-
lem juſticiam eorundem proclamantur,
& edicuntur expreſſe banna & præcepta
ſeu fuerint inhibitiones contra juridi-
ctionem curiæ noſtræ Cameracenſis, &
poſſeſſionem juridiſctionis ejuſdem, ceſ-
ſetur a Divinis.

*Refugium Clericorum executionum tempore
interdicti.*

Et ſi Præſbyteri pro executionibus
mandatorum noſtrorum, aut curiæ noſtræ
Cameracenſis, vel pro obſervatione præ-
ſentium ſtatutorum, aut retentione, ſeu
defenſione jurium ſuorum parochialium,
neca laics minis (b) impetratis vel fa-
ctis, quod juſto metu, qui nunc in con-
ſtanti virum cadit, perterriti, in
propris Parochiis morari non audeant
perſonæ earundem, volumus, ut apud

Camericum cauſa ſtudioſum, & ſecuri-
tatis, præmiſſis durantibus, moram fa-
ciant, ut Scholares: & ſi alias non ha-
beant, unde vivant, ſi in præmiſſis cul-
pa nec dolus proceſſerint ab eiſdem, per
Nos, & Archidiaconos de vitæ neceſſa-
riis providebitur competententer.

*De publicandis ſemel in anno Bullis
Bonifacii VIII.*

Item inhibemus Sacerdotibus, &
aliis Eccleſiaſtis Prælatiſ, ne mandata Exe-
cutorum, vel Judicum a Sede Apoſtoli-
ca Deputatorum, niſi prius diligenter
viſo authenticis, etiam de falſitate non
ſuſpecto, aliquatenus exequantur citan-
do, vel vocando in his ſubditos noſtros,
vel procedendo alias contra eos extra ci-
vitatem vel Diœceſim Cameracenſem,
niſi in litteris Domini Papæ, virtute qua-
rum proceſſus tales petuntur fieri, hanc
clauſulam, *Non obſtante tali conſtitutione*,
expreſſe viderint contineri.

*De vitando Clericis foro Dominorum
Secularium.*

Item præcipimus quod Clerici, ſive
Religioſi, ſive alii fuerint, foro & juris-
diſctioni, ſeu coherſioni Domini-
orum temporalium nullatenus ſe ſuppo-
nant, in his ſpecialiter, quæ nos contra
ad forum Eccleſiaſticum de jure, uſu,
vel conſuetudine pertinere (judicamus)
quod ſi ſecus fecerint, excommunicamus
eosdem.

*Impedientes Synodum ſupponuntur
interdicti.*

Item ſtatuiſmus, quod ubicumque
malicioſe vel violentè impediatur *Syn-
odus*, ſeu Capitulum Decanorum, in locis,
ubi conſueverunt fieri, ceſſetur a Divinis,
& impedientes ipſo facto excommunica-
mus.

*Citra Mandatum Curie nulla Exe-
cutio.*

Item præcipimus, ut ſubditi noſtri
vel alii mandata Curie Remenſis ſine pla-
cito noſtro, aut Officialis noſtri Camer-
acenſis, aut etiam ipſius conſenſu, prout
in conſtitutione alias continetur, nulla-
tenus exequantur.

Multa

(a) forte: nec prodar.

(b) forte: intentatis.

Multa non exequentium.

Item statuimus, quod curati Parochiales ad Decanorum suorum evocationem venire & congregari teneantur sub pœna decem solidorum, quam pœnam a non venientibus exteris de Decanatu Curatis venientibus volumus applicari: precipientes Decanis, quod ipsi tales ad solvendam dictam pecuniam, si necesse fuerit, per censuram Ecclesiasticam inducant, & compellant.

Si quis Clericus in nostra Diœcesi aliquod crimen commiserit, occasione cujus bona mobilia ipsius Clerici per Nos pro emenda possint aut debeant arrestari, sequestrari, seu etiam confiscari: si laicalis iustitia bona huiusmodi saisiverit seu levaverit, nisi ad Nostrum, vel Officialis Nostri, vel Decani, aut Presbyteri loci mandatum; Nobis vel Officiali nostro, Decano prædictis, vel alii ex Nostra vel Officialis Nostri prædicti parte ibidem destinato, hac nomine Nostro deliberentur integre, ex tunc omnino cessetur a Divinis ibidem. Et quia constat tales ipsa bona contra dictum mandatum in saisina seu sequestratione, aut levata detineri facientes nostram jurisdictionem Ecclesiasticam impedire, ipsos auctoritate, *Canonis* excommunicationi decernimus subiacere, & Nos volumus esse excommunicatos, & a Presbyteris in facie Ecclesiarum suarum publicari, a qua excommunicatione nisi per Nos, aut Officiale nostrum non possint absolvi.

Delinquentes Clerici denunciandi.

Præcipitur cuilibet Presbytero, qui sciverit in sua parochia aliquem Clericum tam grave delictum perpetrasse, ut in continenti, quam cito poterit, bona mobilia talis Clerici delinquentis in manu nostra ponat, quodque Nobis, & Officiali nostro, aut Decano loci hac quam citius poterit, significare non postponat.

De Quæstuariis.

Item præcipimus, quod Quæstuarii non permittantur quoquo modo in Ecclesiis vel extra in vicis & plateis prædicare, vel sua negotia exponere, nisi hoc ex nostrarum habeant beneficio litterarum; nec admittantur Quæstuarii, qui litteras deferunt a nostra forma communi con-

cessas Quæstuariis deviantes. Ipsi autem Presbyteri, vel eorum vices gerentes exponant & promoveant eorum negotia bona fide.

De iisdem.

Item statuimus, quod Decani nostræ Christianitatis Quæstuariis litteras ad quæstam faciendam concedere non præsumant, sub pœna suspensionis: quas si concesserint, eas irritas nuuciamus.

De iisdem.

Item statuimus, quod Decani, seu Presbyteri curati, vel eorum vices gerentes, futuros proventus eorundem Quæstuariorum in Ecclesiis suis percipiendos emere, vel ad firmam recipere non præsumant.

De iisdem.

Item Quæstores quæstas suas non faciant, nec eas Presbyteri recipiant diebus solemnibus, quibus populus communicare consueverit, videlicet in festo Paschæ, Pentecostes, omnium Sanctorum, Natalis Domini, Dedicationis Ecclesiæ, & Patroni loci.

De iisdem.

Item præcipimus Decanis nostris, ut Quæstores cum litteris nostris, seu Curie nostræ Cameracensis permittant ire libere per suos Decanatus ad quærendum fidelium elemosynas, dum tamen non impediatur Divinum officium per eosdem: alioquin contrarium facientes, graviter puniemus.

De occultantibus Leges & mandata Episcopalis.

Item quicumque Decanorum nostrorum seu Presbyterorum amodo Leges Nobis & Archi-Diacono locorum debitas in suis Decanatibus, seu Parochiis scienter occultaverint, seu fraudem fecerint in eisdem, quominus integre, & legitime persolvantur Nobis, & Archi-Diacono locorum; nisi infra mensem post occultationem & fraudem huiusmodi satisfecerint, seu revelaverint, a Nobis se extunc noverint suspensos.

De non absolvendis excommunicatis a quovis, extra articulum mortis.

Item, ut censura Ecclesiastica magis timeatur, statuimus, ut omnes excommunicati a Nobis, & Officiali nostro pro

suis absolutionibus obtinendis, ad Nos, vel ad Curiam nostram Cameracensem accedant, aut Procuratorem sufficienter instructum mittant pro potestate absolvendi eosdem; præterquam in mortis articulo; nec a quibuslibet aliis penitus admittentur.

De reviviscētis obligationis excommunicatorum, si in articulo mortis &c.

Item statuimus, ut quicumque excommunicatus a Nobis, aut Officiali nostro absolvatur a suo curato in articulo mortis; si convalescit, nisi infra mensem post convalescentiam Nobis, & parti adversæ satisfiat de offensa, in prius sententiam noverit se incursum, & Sacerdotes tales denuncient excommunicatos, secundum quod a partibus adversis fuerint requisiti.

Pena non exequentium Cameracensis vel Bonifacii VIII. mandata.

Item statuimus & præcipimus omnibus Presbyteris, Curatis, & eorum vices gerentibus, ut ipsi omnes & singuli statum contra impeditores libertatum, seu jurisdictionis Ecclesiasticæ, & præcipue civitatis nostræ Cameracensis tam auctoritate Synodi, quam Provincialis Concilii editum, nec non & Constitutionem felicis recordationis Domini Bonifacii Papæ VIII. quæ sic incipit: *Quoniam, ut intelleximus, quorundam Fideiisiorum &c.* ut supra, diebus Dominicis semel in singulo mense, vel saltem sexies in anno, in facie Ecclesiarum eorundem alta & intelligibili voce, coram Clero, & omni populo, in lingua materna publicent & exponant: alioquin ad penam decem Solidorum Tirolensium, ad opus nostrum, & Archidiaconi locorum ab ipso deficiente infra annum suo Decano sub pena suspensionis, quam si hoc non impleverint, incurant ipso facto, solvendorum.

Quo die non faciēda Executio.

Item fraudi aliquorum obviare cupientes, prohibemus, ne quis Presbyter, seu executor, mandatum nostrum omni feria sexta ante Pascha, in Vigilia, vel in die Pasche, in Vigilia & in die Pentecostes, in Vigilia & in die Nativitatis Domini, tunc post præsentatum de excommunicando aliquo aliquatenus exequatur.

Revocatio omnium prævorum gratiarum.

Item revocamus omnes gratias, & litteras generales non perpetuas, cuiuscunque formæ seu tenoris existant, quibuscunque personis, & ex quacunque causa a Nobis, vel Officiali nostro Cameracensi concessas, etiam, quantumcunque in eis contineatur: non obstante revocatione generali, vel speciali auctoritate nostra faciēda.

Revocatio commissionum ante Concilium emanatarum.

Item revocamus omnes commissiones Decanis nostræ Christianitatis, & Presbyteris civitatis & Diocesis Cameracensis, & aliis subditis nostris, a nobis cognoscendi de causis matrimonii, & de Sponsalibus matrimonium tangeantibus quoquo modo.

Item revocamus omnem potestatem seu licentiam, si quam Nos aut Officialis noster concessimus Justitiariis secularibus quibuscunque laicis, super arrestatione, captionem, & detentionem Clericorum & Ecclesiasticarum personarum, & bonorum eorundem.

Item Penitentiariorum a Nobis seu auctoritate nostra constitutos, & potestatem eis commissam revocamus.

Præsentia autem statuta, præcepta, mandata, & inhibitiones a subditis nostris sub pena viginti solidorum Tirolensium, & aliis poenis ad Nostrum arbitrium, aut Officialis Nostri Cameracensis, ad opus nostrum, & Archidiaconi locorum, quotiescunque contra fecerint, præcipimus inviolabiliter observari.

Item præcipimus sub pena viginti solidorum Tirolensium, ut omnes Decani Nostri Christianitatis infra mensem, & Presbyter Parochialis infra Nativitatem Domini tunc immediate sequentem, præsentia statuta, præcepta, & inhibitiones habeant, quibus eos ex toto uti volumus, & mandamus sub poenis antedictis.

Presbyteri Parochiales ad Capitula generalia Decanorum suorum, & ad eorum convocationem veniant, & intersint, & pareant ordinationibus eorundem. Et Decani in singulis Capitulis suis partem de Statutis Synodalibus legi faciant, & sic de Capitulo in Capitulum, donec omnia in anno fuerint plene lecta.

Martens Tom. VII. Coll. ampl. Loc. cit.

CON-

CONCILIIUM SALISBURGENSE

Anno Christi MCCC. Bonifacii VIII. Papæ VI.
Alberti Regis II.

*Gerhardus Archi-Episcopus cum Suffraganeis consulunt Papam de
vero sensu Constitutionis: SUPER CATHEDRAM.*

Bonifacius Papa motus multorum querulantium clamoribus pro bono pacis & concordie Cleri ex una, & Fratrum Prædicatorum & Minorum ex altera parte fecit institutionem quandam, quæ incipit: *Super Cathedram.*

Ea constitutio, cum publicaretur per Salzburgensem Provinciam, & Clerus, & populus eam desideraret in omnibus articulis observare; ipsi Prædicatores & Minores eam attendere non cu-

rabant. Propter quod Chunradus Salzburgenfis Archi-Episcopus, hactenus Consilio Suffraganeorum tuorum, misit Nuntios ad Romanam Curiam, qui tandem a Domino Papa obtinuerunt declarationem ejusdem Constitutionis.

Annales Eberhardi Altavensis, Archi-Diaconi Rotisponensis, apud Henricum Canisium Tom. I. antiq. Litterar. p. 338. Hunsfr. Germania Sacra Tom. II. pag. 439. ex eadem.

Et definivit Papa sequens &c. minime necessarium esse eam literatam eorundem peccatorum confessionem, licet salubris foret oberubescensiam.

Demum post multas Theologorum præsertim Launoy, Juenini & Espendii altercationes de vero sensu Canonis: *Omnia utriusque sexus.* Benedictus XIV. Lib. XI. de Synodo Diocesana Cap. XV. hoc sapientissimo cõsilio docet: "Quamvis proprii Sacerdotis, nomine *Parochus*, designetur: Nemo tamen salva fide inficiari potest Summum Pontificem in tota Ecclesia, & Episcopum quemlibet in commissis sibi Diocesi proprium Parochum esse, qui fidelium confessiones excipere, & facultatem illas excipiendi alteri delegare valent. Eandem esse mentem Ecclesie & Cleri Gallicani Natalis Alexander Dissertat. IV. ad historiam Sæculi XIII. ostendit.

CONCILIIUM MOGUNTINUM

Anno Christi MCCCL. Bonifacii VIII. Papæ VII.
Alberti Regis III.

NOS GERARDUS II. DEI GRATIA, SANCTÆ MOGUNTINÆ SEDIS
ARCHI-EPISCOPUS &c.

AD Laudem Dei, animarum salutem, Cleri honestatem, Emendationem & quietem Deo Famulantium, ex officii nostri debito, ampliandam, per communis iuris, & æquitatis tramites incedentes, præcipimus & mandamus, in virtute sanctæ obedientiæ, & sub pœna excommunicationis; in omnibus Eccle-

siis civitatis & Diocesis nostræ Mogunt. inter Canonicos, & Confratres, præbendas æqualiter ministrari, damnantes & reprobantes, & de medio Fratrum tollescentes inæqualitatem & sectionem præbendarum, quas majores & puariles appellant, quibus sine dubio rixæ, lites, contentiones periculose, dissensiones, odia,

Gerhardus de Epstein, ex Canonicis Moguntino & Archi-Diacono Treverensi creatus Nicolao IV. Papa Romæ Archi-Episcopus Moguntinus ob schisma electorum anno 1288. is præter Aschaffenburgensem Synodum Provincialem anni 1292. [de qua *Sturmius* pag. 848. & *Nos* eo anno] hanc Diocesanam celebravit. *Teste MS. Erfordienf.* Sedit ab A. 1288. ad A. 1304. 25. Februarii, quo obiit, *teste Tritemio.*

odia, & rancores in Ecclesiis, sicut experientia optima rerum magistra nos docuit, oriuntur. Antiqua distributione præbendarum, secundum primævam & justam institutionem earum, processu temporis per præbendas inibi vacaturas, seu alias habita facultate, ad æqualitatis compendium proinde revocanda, ut sicut in magnis, ita quoque in minoribus membris suis, firmam Ecclesia teneat unitatem.

II. Inhibemus etiam in Ecclesiis electiones fieri Canonicorum ad Præbendas, vel Canonicatus non vacantes, sub penis, quæ super hoc in FRISIOLARIENSI CONCILIO sunt expressæ, decernimus etiam, & pronuntiamus electiones hujusmodi, si quæ tenere factæ sunt, aut fuerint, irritas & inanes; Nobis, aut nostris Successoribus tot præbendarum collationes in Ecclesiis reservantes, quotquot in eis electiones hujusmodi sunt, aut fuerint celebratæ: nisi cum aliquibus taliter electis, per Nos, aut nostros Antecessores vel Successores, per virtutem præfati Concilii, propter urgentem necessitatem, & evidentem utilitatem, sit, aut fuerit dispensatum.

III. Caterum; Prædecessorum nostrorum, & nostra statuta veterem renovantes, & deduci volentes in notitiam luculentam, excommunicamus omnes Clericos, Monachos, Canonicos, qui colligationes, seu confederationes illas fecerint, fidei aut juramenti inpositione, contra sacrorum Canonum instituta, cum ex hujusmodi colligationibus suboriantur discordiæ, quæ bonum obedientiæ destruunt, nervum Ecclesiasticæ disciplinæ dissolvunt, bona Ecclesiarum dissipant, & immensa pericula pariunt animatum, nisi mox ipsi confederantes, sicut de facto se colligarunt, ab invicem se absolvant: pronuntiamus autem & publicamus: neminem ex hujusmodi colligationibus, seu conjunctionibus, obligari.

IV. Insuper; districtissime prohibemus: ne aliqua Clericorum, Calices, Libris, Cruces, vestimenta sacerdotalia, obliget apud Judæos, ne per ipsos in his facta nefaria perpetrentur.

V. Præterea; omnes sententias excommunicationis & interdicti, quas,

anno transacto, in Synodo Moguntina promulgavimus contra Dominum Albertum, Romanorum Regem, suos adjuutores, complices, & fautores, Ecclesiis nostræ Moguntinæ per injuriam invalores, cum inter Nos, & ipsos sit concordia & compositio amicabile ordinata, quantum in Nobis est tollimus, & in præsentibus revocamus.

VI. Præterea; processus, & acta judiciorum per nostræ Sedis Judices, vel Archi Diaconos Ecclesiarum Moguntinæ, aut Officiales eorum, habitas, & habita in civitate Moguntia, post inhibitionem nostram, quam ipsis direximus: ne aliquam in civitate Moguntina jurisdictionem exercerent, cum adjectione decreti, decernimus & pronuntiamus penitus non tenere.

VII. Insuper, omnes Quæstuarios, & pensiones eorum qualescumque publice lucrativas, quas in Ecclesiis, vel coram populo solent proponere, suspendimus, propter multas rationabiles causas, donec a Nobis examinentur mature, & nostræ auctoritatis præsidio denuo muniantur.

Datum in Synodo Moguntina, anno Domini MCCC. VIII. Idus Junii.

Ex codic. MS. S. Petri Erfordiensis descriptis Cl. Schæfferus h. m.

Struvius Moguntiacarum rerum Lib. I. C. XXXIII. non meminit hujus Concilii inter annos MCCXCI, quo ponit XVII. Concilium, & MCCCX. quo ponit decimum octavum Concilium Moguntinum.

Schmidius in Dissertatione ad historiam Conciliorum Moguntinæ inter annos MCCLXI & MCOCX. nil hujus meminit Concilii.

§. VIII. In hoc eodem Concilio Moguntino anno MCCC. Albertum Regem Romanorum ab excommunicatione absolutum fuisse, annotavit Cl. Schæfferus: quia ob Adolphum Nassovium anno MCCXCIX. casum, Albertus excommunicatus fuit. Anno MCCCII. in amicitiam Alberti Regis restitutum fuisse Gerhardum Mogunt. *Scribit Struvius.*

CON-

CONCILIUM WRATISLAVIENSE

Anno Christi MCCCXV. Clementis V. Papæ I.

Alberti Regis VII.

SUB HENRICO EPISCOPO PRÆSIDENTE.

IN nomine Domini, Amen. Quoniam nonnulli tam Laici, quam Clerici nostræ Diœcesis, timorem Domini non habentes, dum pro aliqua causa legitima, vel eorum culpis exigentibus, per Nos, vel per aliquos alios Judices, excommunicationis sententia innodantur; in excommunicationis ipsius sententia in propriæ salutis dispendium & honoris, interdum per plures annos tam contempnibiliter, quam damnabiliter ausu diabolico perseverant: Igitur Nos, Dei gratia, HENRICUS, Episcopus Wratislaviensis, ad morbum curandum huiusmodi attendentes, quia ea vindicta juxta Sanctiones Canonicas, quæ ad correctionem magis valet, magisque timeatur, ingeri debeat & infligi; cum Deum placando, & recognoscendo hoc solum bene agitur, ut vita hominum corrigatur; de consilio & consensu nostri Wratislaviensis Capituli, Fratrum nostrorum, quorum nomina inferius annotantur, proinde duximus statuendum:

I. Ut quicumque nostræ Diœcesis homo, sive Laicus, sive Clericus, qualis de cetero per annum in excommunicationis sententia, per quemcunque Judicem Ecclesiasticum in ipsam rite prolata, contumaciter præsumpserit perdurare, huiusmodi bona mobilia, quæ in ipsa Diœcesi obtinet, universa per Principes & Potestates seculares, ad nostram tamen & Ecclesiæ requisitionem, debeant confiscari.

II. Si autem Clericus excommunicationis sententiam per annum sustinuerit animo pertinaci, fructibus Beneficii, vel Beneficiorum suorum, quos in ipsa Diœcesi nostræ habet, per annum eundem, quo in sententia persistit, ipso facto irrecoverabiliter sit privatus. Quos tamen fructus Beneficii, vel Beneficiorum, si consumpserit forsan illo anno, tunc sequentis anni redditibus omnino careat: quos pro ipsa fabrica Ecclesiæ

nostræ decrevimus collocandos; sola sustentatione duntaxat ipsi Clerico ad nostram, vel Successoris nostri moderationem de ipsis redditibus, sive fructibus reservata atque permessa.

III. Præterea, quia plerique Plebani, & alii Ecclesiarum Parochialium Rectores, processus sive mandata nostra, & nostrorum Officialium, seu Judicum, aut negligenter exequuntur, aut exequi omnino differunt, in Nostrum, ac jurisdictionis nostræ non modicum contemptum, ac dispendium eorum, quorum negotia aguntur: & licet contra tales per Constitutiones alias ante sit proviſum: Nos tamen non tam nova condentes, quam vetera recententes, de consensu nostri Capituli supradicti, statuimus & mandamus, ut omnes & singuli nostræ Diœceseos Clerici tam religiosi, quam seculares, Beneficia Ecclesiastica, vel proveniunt alios Ecclesiasticos in ipsa Diœcesi nostra obtinentes, sive sint Prælati, sive Rectores Ecclesiarum, vel Vicarii, aut quivis alii Clerici constituti in Ecclesiis (a) nostræ Diœcesis, quibuscunque, quoties & quando per Nos, aut per alios Judices competentes, quibus obedire de jure teneantur, mandatum aliquod maxime literatorie receperint exequendum; ipsum ea, quæ decet, fidelitate & reverentia exequantur. Non solum sigilla non executi mandato, sicut plerique consueverunt facere, literis apponendo, sed etiam omnia & singula sine subterfugio, quæ per ipsas inducunt fuerint literas, fideliter & efficaciter adimplendo.

IV. Quicumque vero in hoc aut per negligentiam, vel contemptum repertus fuerit excessisse, sententiam suspensionis ab officio a nullo quam a Nobis, aut Officiali nostro Wratislaviensi, aut Vicario nostro generali, postquam satisfecerit, relaxandam, & penam nihilominus trium marcarum usualis argenti ipsum incur;

(a) *leges nostræ.*

N

incurrere volumus ipso facto; cuius quidem poenæ seu pecuniæ dimidietas fabricæ Cathedralis Ecclesiæ nostræ cedat, & alia dimedietas Judici, cuius mandatum contemptum fuerit seu neglectum.

Præcipimus itaque Judicibus universis sub poenâ suspensionis ab officio firmiter injungentes, ut prædictam poenam a delinquentibus exigant, & eam sine Nostra, & Successorum nostrorum licentia non relaxent.

V. Cæterum sunt nonnulli nostræ Diœceseos Clerici, qui solum respicientes præsentia, sed quod in futurum emineat (a) nil penitentes, tantis debitis se onerant, quod Beneficiorum, Ecclesiarumque redditus, quos habent, interdum non sufficiant ad debita solvendum: sique contingit, ut successores eorum in eodem Beneficio indebito modo graventur.

Igitur Nos volentes super eo salubriter providere de consensu Fratrum nostrorum præsentis SYNODALI statuto firmiter prohibemus, ne quisquam de cætero alicui Clerico Diœcesis nostræ cuiusque conditionis aut status existat, quidquam credere vel mutuare præstet, ultra quam beneficii vel beneficiorum, quæ obtinet, valor fructuum extendat illorum, quæ per mortem ipsi Clerico per annum debeant deservire. Quicumque vero in contrarium fecerit, amplius credendo vel mutuando Clerico,

illud perdat, & creditori contra suum successorem debitorum actio sit negata.

VI. Ne vero prætextu ignorantie in præmissis se valeant excusare, præcipimus sub poenâ suspensionis ab officio, & nihilominus Synodali, ut unusquisque Archi-Diaconus copiam præsentium a Curia nostra recipiat, & eandem Archi-Presbyteris suis tradat; per ipsos postmodum Archi-Presbyteros aliis Ecclesiarum Rectoribus sibi subditis infra unum mensem a dato præsentium assignandam: ita quod quilibet Rector Ecclesiæ seu Plebanus Constitutiones easdem in Ecclesia sua habeat applicatas parieti & affixas, pro faciendâ etiam copia eorum nullum preium penitus exigatur. Anno Domini *Millesimo trecentesimo quinto*, XIII. Kal. Decembris, præsentibus [b] Nobis, nostra Diœcesana Synodo, nostræ Ecclesiæ Cathedralis Clero, de tota Diœcesi convocato, præsens Constitutio est solemniter publicata. Præsentibus & expresse consentientibus his nostris Fratribus: Domino Magistro Jacobo Præposito, Domino Cantore Vito, Domino Walbone Scholastico, Arnoldo Lignicensi, & Joanne Oppolensi Archi-Diaconis: Nicolao Præposito Sanctæ Crucis: Magistro Paulo, Henrico albo, Nicolao Bamczkonis; Canonicis Ecclesiæ Wratislaviensis, & aliis multis. Amen.

Lutwig. Continuatio II. Spicilegi Ecclesiastici pag. 1176. 1177.

(a) forte: imminet.

(b) forte: præsentibus Nobis nostræ Diœcesanæ Synodo.

CONCILIIUM MONASTERIENSE

SUB OTTONE EPISCOPO.

Anno Christi MCCCVI. Clementis V. Papæ II.
Alberti Regis VIII.

SUMMA. Otto Episcopus Cleri sibi rebelles vitia perstringit, & multa sanxit pro Cleri disciplina.

OTTO, Episcopus Monasteriensis, Sacerdotum Clerico suo a Canonicis Principis Ecclesiæ Monasteriensis perebat. Id illi precibus Episcopi denegarunt, & dederunt Proconsulis Rickii silio, juveni indigno.

Obstitit Episcopus, qua opportuni-

tate Canonici tanquam filii civium contemnerentur ab Episcopo, Magistratum & Cives contra eum concitant.

Episcopus nihil veritus perduelles Synodum Cleri cogit, in qua multa Cleri vitia perstringit, multa sanxit adversus eos, qui aut per corruptelas ingressi essent

essent Sacerdotium, aut plura præter unum possiderent.

His Statutis magis offensi Episcopatum Ottoni derogare, & Conradum Comitem de Monte eligere attentant.

Otto appellat ad Henricum Virmenburchicum Coloniensem Metropolitam suum: at hic potius causam Conradi perperam electi, quam Ottonis injustissime depositi, fovere videbatur. *Levoldo teste.*

Igitur Otto ad Clementem Pontificem in Gallis morantem appellat, qui Ottonem auditum coram Cardinalibus innoxium pronuntiat: Canonicis imperat Episcopi sui receptionem sub gravibus poenis. Qui tam Legatis missis Ottonem revocant, Otto moritur MCCCVIII.

Schætenus Tomo II. Annal. Paderbornæ Lib. XII. pag. 303. 304.

CONCILIIUM COLONIENSE

Anno Christi MCCCVI. Clementis V. Papæ II.

Alberti Regis VIII.

SUB HENRICO VIRMENBURGICO ARCHI-EPISCOPO.

CAPITULA XV.

Capitula seu Rubricæ Statutorum Ecclesiæ Coloniensis, editorum à bonæ memoriæ Domino HENRICO, Archi-Episcopo Coloniensi.

SUMMA CAPITULORUM.

- | | |
|---|---|
| <p><i>Cap. I. Contra Beggardas vel Beggardas, Apostolorum nomines se vulgo injamantes, movamque sub umbra paupertatis religionem simulantes, contraque illorum errores.</i></p> <p><i>II. De instantia hæreticorum supradictorum, quæ posset fieri.</i></p> <p><i>III. Contra hæreticos utriusque sexus.</i></p> <p><i>IV. Contra publicos usurarios.</i></p> <p><i>V. Contra illos, qui faciant statuta in præjudicium Ecclesiasticæ libertatis, & Episcopalis jurisdictionis.</i></p> <p><i>VI. Contra perturbatores jurisdictionis Officialis nostri, & aliorum Officialium, jurisdictionem habentium.</i></p> <p><i>VII. Contra Prælatos usurpantes sibi jurisdictionem Episcopalem.</i></p> <p><i>VIII. Quod bona Prælatorum, & maxime Archi-Episcoporum, & Episcoporum;</i></p> | <p><i>cedant post mortem ipsorum, successoribus eorumdem.</i></p> <p><i>IX. Contra falsarios litterarum.</i></p> <p><i>X. Ne alienus seu ignotus permittatur celebrare in Ecclesiis.</i></p> <p><i>XI. Quod pro clandestino matrimonio excommunicatus nullus absolvere habet, nisi Officialis Coloniensis.</i></p> <p><i>XII. Contra illos, qui temere absolvunt excommunicatos ab Episcopo, seu ejus Officiali, & qui adulterant litteras aut monetas.</i></p> <p><i>XIII. Contra illos, qui truncos erigunt in plateis, & oblationes tollunt.</i></p> <p><i>XIV. Ne quis inducat alium ad sepulturam eligendam extra suam Ecclesiam Parochialem.</i></p> <p><i>XV. Quod Clerici vel Religiosi non debent coram Judice seculari in causam trahi, nec eorum bono judicio seculari arrogari.</i></p> |
|---|---|

IN

Celebratum fuit hoc Concilium anno primo Archi-Episcopatus sui, Dominica *Invocavit*: Meminit ejus *Schætenus in Annal. Paderbornæ ad b. a. pag. 203.* & Provincialium Episcoporum Synodum in Quadragesima habitam scribit. Ejus nec *Binius*, nec cæteri Synodographi meminerunt, etsi jam anno 1554. typo Coloniensi impressum extaret.

Tomo IV. Concil. German.

N 2

IN NOMINE SANCTÆ ET INDIVIDUÆ TRINITATIS, id est, PATRIS,
ET FILII, ET SPIRITUS SANCTI, AMEN.

HENRICUS, DEI GRATIA, SANCTÆ COLONIENSIS ECCLESIE
ARCHI EPISCOPUS, SACRI IMPERII PER ITALIAM ARCHI-CANCELLARIUS,
UNIVERSIS ECCLESiarUM PRÆLATIS, RECTORIBUS, CLERICIS, ET
CHRISTI-FIDELIBUS SALUTEM IN DOMINO SEMPTERNAM.

Quoniam humana natura longe prioribus plus solito temporibus laboratur ad delicta, & humana cupiditas licium mater, & pacis æmula, discordias & diffensiones adinvenit, quibus humana quies, Ecclesiarum & Clericorum libertas opprimuntur: Nos perversorum actibus finem, quo possumus remedio, prospicere cupientes, ad honorem Dei, Sanctæ Matris Romanæ Ecclesiæ, nec non Colonienfis & Filiarum ejus, pro ipsarum pace, & salubri statu, & libertate servanda, Prædecessorum nostrorum Statuta ordinaria confirmamus, & de consilio & assensu Capituli nostri, & Prælatorum Colonienfium infra scripta.

I. *Contra Beggardos & Beggardas, Apostolorum nomine se vulgo infumantes, novamque sub umbra paupertatis religionem simulantes, contraque librorum erroris.*

Licet Patres consula prohibitionem statuerint, (*) ne quis novam religionem fingeret, vel habitum novæ religionis, quam Sedes Apostolicæ auctoritas non firmasset, sibi propria temeritate assumeret: sed si frugem vitæ melioris concupisceret, unam sibi assumeret de religionibus approbatis: quidem tamen (nescientes un concessis) laici mares & femine idiotæ prorsus, ad illicita freno laxantes, superstitionis adinventionibus fatagunt invenire novos ritus, & habitus sive mores, in discrimen multorum, cum scandalum, & discordiam plerumque pariant novitates: novumque vivendi modum & habitum sub paupertatis umbra tenentes Beggardi & Beggardas, & Apostoli videlicet vulgariter appellati, contra sanctorum Patrum & Sedis Apostolicæ sanctiones, questum publicum (a) via prohibita vendicantes, vitæ alia manibus quaerere, prout consueverant, non curando, in religionorum (qui in sanctæ religionis habitu, per sa-

crofanctam Romanam Ecclesiam approbatæ, Domino famulantur, per quorum studium vinea Domini culta, multiplicatos crescit in fructus) discrimen Christianæ religionis & orthodoxæ fidei detrimentum: nonne, qui contra sanctorum Patrum edicta & Sedis Apostolicæ sanctiones moliantur taliter, de hæresi suspectos notorii sceleris eorum præsumptuosa temeritas notat? Qui (b) more hostis antiqui, se in lucis Angelum transformantis, multorum animas decipiunt, & seducunt, cum elemosyna talibus in charitate non existentibus, quos Canonum censura excommunicationis poena ipsò facto percellit, facta sit vacua & vana. Et non obstante, quod verbum Dominicum ad primum hominem est translatum: In (c) fulsere vultus tui visceris pater tuus: Quod ad fortes & sui compotes moraliter intelligitur esse dictum: & tales in ocio victum vendicantes, elemosynas rapiunt, quæ infirmis & debilibus fuerant pauperibus ministrandæ. Immo scriptum est: *Sudet (d) elemosyna in manu tua, donec reperias justum, cui des eam.* Sed forte tales afferunt se esse justos. Sed respondeant, cujus testimonio & judicio eorum est justitia comprobata? Non Ecclesiæ, in Christo Dei, Apostolorum & Sanctorum sanguine dedicatæ: in cujus scandalum, infirmorumque & debilibus pauperum detrimentum, sub paupertatis umbra novum vivendi ritum & habitum invenerunt: in quam judicandi & discernendi inter justum & impium autoritas, in Pezri persona est translata: cui dicitur, *Quodcumque (e) ligaveris & solveris super terram, erit solutum, & ligatum in caelis:* quasi dicens: quem justificaveris, approbamus: & quemcumque damnaveris impium reprobamus. Cesset ergo horum vana religio, & celeri conversione judicio Ecclesiæ se submittant. Vere hi Canonum contemptores, in Spiritum San-

(*) Concilium Lateranense IV. anno 1215. Cap. 13. sub Innocentio III.

(a) eis prohibuitur.

(b) II. Cor. XI.

(c) Genesis III, 18.

(d) Eccles. XXIX, 12, 15, 16. (e) Matt. XVI, 19.

Sanctum, a quo formam Christiana religio & vivendi sumptis exordium, graviter delinquere comprobantur, cum videlicet Spiritus Sancti instinctu, per ora sanctorum Præfatum sacri sint Canonis instituti. Hi sunt *hypocrita tristes*, a quibus in Evangelio dicitur esse cavendum, qui (f) facies suas exterminant, ut appareant hominibus jejunantes. Ili (g) sunt fontes sine aqua, & nebulae turbinibus agitate, quibus umbra mortis & caligo tenebrarum, juxta verbum veritatis prolatum Apostolicæ vocis oraculo, retervatur: Quorum aliqui a veritatis & fidei orthodoxæ comperti sunt transire deviare & errores & zizania feminare. Quos ut omittamus eorumdem errores aliquos (h) scripti præfatis testimonio ad futurorum memoriam publicamus. Mendaciter enim & falso dicunt: Qui non sequitur me, non potest salvari, quia non solum peccare: Si ex hoc Divinitati similes se mentiundo, more sitant, qui (i) superbia propria corrui de cælo prostratus, cum potius tales sub peccatorum labe marcescant: Qui montem (id est) Christum ineffabilem sapientiam, tangere, id est, erroribus lacerare, a quo lapidabuntur, id est, hæc & in futuro, ignis incendio cremabuntur, & irritare intrepide præsumpserunt. Ajunt etiam: Nisi mulier virginitatem in matrimonio perditam delectet, & delinquo dephoret, salvari non potest: quasi matrimonium sit peccatum, cum tamen ipsum ante peccatum in loco sancto, a Sanctorum Sanctissimo fuerit institutum: (k) quæ virginitas in fœtum sololis compensatur, per quam humana natura (l) stabilitate perdurat: quam assumere ipso dignando, paulominus ab Angelis minoratus, creaturis cæteris prædotavit. Item ore prophano, lingua super terram corrente, blasphemant Deum fore in quidam perditione, qui tam pot, quam misericorditer, ut nos redimeret, voluit incarnari, cum Divina natura peccati & corruptio-

nis neficia, passa diminutionem, seu alterationem non fuit, sed illibata persistens, una in duabus naturis substantia, accepit ipse de nostro, ut Divinitatis ejus participes fieremus. Horum etiam aliqui contra Regem & Proprietatem erroribus insultantes, dicunt: quod quilibet habens uxorem legitimum, causâ sequendi Deum propria voluntate, tam, invocata ea, possit dimittere, contra Sanctorum Patrum decreta, & doctrinam Apostoli, prohibentis [m] ab invito uxorem viro, & virum ab uxore sine causâ dimitti. Et scriptum est: Quod ergo [n] Deus conjunxit, homo non separet. Ex quo ostenditur, fore (o) indissolubile sine causâ matrimonii Sacramentum: per quam auctoritatem Divinam, Ecclesiæ Primæbus (quorum est in talibus judicium expectandum) sine causâ dissolutio hujusmodi est interdicta: quanto magis subditis simplicibus, quorum non est judicare, sed potius judicari?

II. De Infantia hereticorum supradictorum, quæ possit fieri.

Sed forte dicunt: Qui (p) Spiritu Dei aguntur, non sunt sub lege. At respondeant, quomodo Spiritu Dei agantur, qui contra Spiritum Dei agunt, prohibentis vitum ab uxore, & e converso sine causâ dimitti, judicio Ecclesiæ approbata, ut superius est probatum? Verum dicunt, quod hoc eis cælitus sit revelatum: sed, quomodo sciunt, quod hæc revelatio sit cælestis, cum satan (q) in lucis Angelum se transformet? sed forte instabunt, quia scriptum est, Lex (s) non est imposita iusto, iustos se esse, & sine peccato, jactantes. At erubescant profecto impii, attendentes Apostolum Paulum egregium Ecclesiæ Doctorem, Electionis vas, Spiritu Sancto plenum, qui ait: Nihil (s) mihi conficius sum, sed non in hoc justificatus sum, & alibi beatissimus Joannes: Si (r) enim dixerimus, quod peccatum non habemus,

N 3

temus,

(f) Matt. VI.

(g) Jude I.

(h) Errores octo capitales Beguinarum, & Beguinarum hereticorum Alemannie condemnant sigillatim Clemens V. in Concilio generali Viennensi anno 1311. Lib. V. Clementinarum Tit. III. Cap. III. Ad nostrum. Tribuimus octo eorum errores recitat in Chronico Hieronymensi ad annum 1311.

(i) Etsi. XIV.

(k) forte: & ipsa.

(l) stabiliter.

(m) I. Cor. VII.

(n) Matt. XIX.

(o) indivisibile.

(p) Rom. VIII. Gal. V.

(q) II. Cor. XI.

(r) I. Tim. I.

(s) I. Cor. IV.

(t) I. Joan. I.

hemus, nos ipsi decipimus. Et sanctus Job, de se ipso loquens, inquit: & (u) *simplex* (id est iustus) *hoc ipsum ignorabit anima mea*. Hi sunt haeretici, qui sedes Christianae Religionis dissolvere moluntur. Item dicunt fallaciter mendicantes, *simplicem fornicationem non esse peccatum*, cum tamen inter decem Praecepta, Dei digito designata, Mosi a Deo tradita in montis excessu, expresse fornicatio fuerit interdicta: & qui fornicari (x) prohibuit, inter simplicem fornicationem & aliam non distinxit. Hanc etiam Sanctorum (y) Regula & Canones interdunt, & simpliciter prohibita, quia mala, generaliter vetita comprobantur: & quod non est Sanctorum decreto sanctum, sed potius interdictum, non est superstitiosum, contrariis, falsis adinventionibus praesumendum. Quos errores praesentibus refutamus, talesque excommunicatos & haereticos judicamus, & nisi celesiter & publice resipiscant, saeculari iudicio comprimendos. Et quod amaricata mente ferimus, eorum aliqui laici ac litteras nescientes, Predicatoribus & Minoribus in sermonibus eorum, & predicationibus publicis, quibus in agro Theologiae sapientiae continue laborantibus, predicationis verbum per sanctam Ecclesiam est commissum (z) Dei, & Fidei secreta luceant, non sine vehementi suspitione pravitate haereticae, publice resisterent in fidei injuriam, & sanctae Ecclesiae, errorum & caecitatis caliginem in veritatis lucem spargentes, temere insultarunt. Quotum insolentis & pestiferis actionibus, quo possumus remedio, disponimus contraire, ne per taciturnitatem, eorum consentire delictis, & per impunitatem eos fovere deus nobis censuramus: Eos igitur omnes & singulos praesentibus requirimus & monemus, quatenus intra unius mensis spatium, habitu huiusmodi assumpto dimisso, resumptoque priori, ad genus vivendi pristinum revertantur, manibus vitae necessaria iustis (ut solebant) laboribus acquirere. Alioqui ipsos omnes & singulos eis & eorum cuilibet dicto mense pro Canonica monitione, & termino peremptorio currente, in his scriptis excommunicamus, & a gremio Ma-

tris Ecclesiae separamus, nisi medio tempore coram nobis causam rationabilem ostenderint, quare id facere minime teneantur. Quod si excommunicationis sententiam per alios quindecim dies immediate sequentes animo sustinerint indurato, contra ipsos tanquam de haeresi suspectos, spiritualiter & temporaliter procedemus: sub simili poena mandantes, & districte praecipientes omnibus & singulis Prelatis, Ecclesiarum Rectoribus, eoque Vicariis nostrae civitatis & Dioecesis, quatenus ipsos Beggardon & Beggardas, ac qui se Apostolos appellant, in suis Ecclesiis excommunicatos, extrunc publice denuntient tam diu, donec suum recognoscens excessum, ad gremium sanctae Matris Ecclesiae revertantur, & DEO, Nobis, & Ecclesiam condigna satisfactione impensa, a Nobis mereantur absolutionis beneficium obtineri.

III. Contra haereticos utriusque sexus.

Quia vero plus solet timeri, quod specialiter interdicitur, quam quod generaliter imperatur: excommunicamus & anathematizamus omnes haereticos utriusque sexus, & qui eis dederint consilium, auxilium vel favorem, publice vel occulte, vel qui aliter de fide, articulis fidei, Ecclesiasticis Sacramentis & Matrimonio, sentire, praedicare, vel docere praesumpserint, quam servat, docet, & praedicat sacrosancta Romana Ecclesia, Mater omnium Fidelium & Magistra.

IV. Contra publicos usurarios.

Sed & omnes usurarios, usuras publice exercentes requirimus & monemus, quatenus suae saluti prospicientes, deinceps ab usurarum actione, quae animas devorant, & aliorum exhauriunt facultates, prorsus abstineant. Requiritur insuper omnes Scabinos oppidorum & locorum quorumlibet, ut tales, nisi resipiscant, ab eorum conspectu & cohabitatione repellant. Alioqui contra ipsos ad executionem & observationem poenarum inflictarum eis a jure, prout iustum fuerit, procedemus.

V.

(u) Job. IX.

(x) Deut. XXIII.

(y) Act. XV, 29.

(z) Innocentii III. & Honorii III. iussu, & Friderici II. Augusti Constitutione anni 1220. Predicatores & Minores contra haereticos deputati commendantur. *Tom. III. Concil. German. pag. 307.*

V. *Contra illos, qui faciunt statuta in præjudicium Ecclesiasticæ libertatis, & Episcopalis jurisdictionis.*

Omnes item illos, qui statuta ediderint vel servaverint facta in præjudicium Ecclesiasticæ libertatis & nostre jurisdictionis, nisi infra mensem ea revocaverint cum effectu, quos Canonum censura extunc decrevit, excommunicatione notatos (a), quæ statuta Nos nihilominus ordinaria auctoritate cassamus, & irritamus, immo cassa & irrita nunciamus. Et nisi intra mensem, a lapsu mensis prædicti numerandum, ea prout de facto fecerunt, maturiori consilio studeant revocare, eos (Canonica monitione præmissa) excommunicamus, & in his scriptis statuimus excommunicationis sententiæ subjacere. Talesque præcipimus per Ecclesiarum Rectores singulis diebus Dominicis & Festivis excommunicatos publice nunciari. Quod si in his exequendis iidem rectores negligentes fuerint, ipsos (trium dierum Canonica monitione præmissa) in his scriptis excommunicamus. Quam si animo indurato sustinuerint, contra eos ad privationem beneficiorum, prout eorum rebelliois exegerit qualitas, procedemus.

VI. *Contra perturbatores jurisdictionis Officialis nostri, & aliorum Officialium jurisdictionem habentium.*

Item omnes illos, qui in consistorio nostro vel alias, dum Officialis noster, vel alii Officiales jurisdictionem habentes, præfederint pro iustitia reddenda, cujuscumque fuerint conditionis aut status, in Clericos, Advocatos, Notarios, Procuratores & Officiatos dictæ Curie nostræ, & alios, manus injecerint temere violentas: quisque ad hoc eis dederint publice vel occulte auxilium, consilium, vel favorem, quos Canonica monitione præmissa in his scriptis excommunicationis sententiæ decernimus subjacere: & nisi intra triduum condignam præstiterint emendam, per locorum Rectores (unde fuerint taliter excedentes) ad denunciationem Officialis nostri & aliorum, in eorum Parochiis cessetur a Divinis, usquequo fuerit satisfactum, nisi super cessatione cum eis fuerit dispensatum.

VII. *Contra Prælatos usurpantes sibi Jurisdictionem Episcopalem.*

Monemus item omnes & singulos jurisdictionem habentes & non habentes, specialiter Decanum Tremoniensem, in Wittene, in Hagene, & in Essende Christianitatum Decanos de causis ad Nos & Consistorium nostrum de jure vel consuetudine spectantibus maxime matrimonialibus, & aliis quibuscunque causis cognitionem exigentibus præterquam in Synodalibus, (b) quocunque modo, causa, vel colore quæsito, se intromittant, disponent, vel cognoscant, vel audiant: sed ad Nos & Officialis nostri sine difficultate remittant examen, sine Canonico decidendas.

Qui vero contra fecerint, in nostram jurisdictionem falcem mittendo, ipso facto excommunicationis sententiæ statuimus subjacere, ipsorum sententias, & processus super eis latos, & habitos, nihilominus cassamus, & irritamus, cassos & irritos præsentibus nuntiamus. Contra quos soletur invigilabimus, ut tales pœna canonica castigemus.

VIII. *Quod bona Prælatorum, & maxime Archiepiscoporum, & Episcoporum, cadunt post mortem suis Successoribus.*

Cum autem nulli sanæ mentis in dubium veniat, quin bona mobilia & immobilia, a Prælati quocunque titulo conquesta, & ad eos, dum viverent, pertinentia, post eorum obitum, apud quoscunque fuerint deposita, credita, commodata, debita, vel mutuata Clericis, Religiosis pariter & laicis utriusque sexus, ad eorum Ecclesias libere revertantur, ad ipsas quoque pertineant, cum nullus sit, nec a jure hæres proximior censetur, quam qui cum Domino per honorum fastigia copulatur. Et nuper ad nostram notitiam pervenit, quod nonnulli Clerici & Religiosi & laici utriusque sexus bona Prædecessorum nostrorum, & maxime bonæ memoriæ Domini WICHOLDI Prædecessoris nostri, in auro, & argento, in vasis scyphis aureis, & argenteis, gemmis preciosis, annulis, pannis aureis, libris pagamentis, & diversis pecuniarum summis consistentia (quam

(a) excommunicatos declaramus.

(b) addit: ut ne.

(quæ reliquerunt, Ecclesiæ Colonienſi, & Nobis de jure competunt, nec poſſunt per alios ſine animarum periculo detineri) depoſita, credita, commodata, mutuata, pignorata, debita hucusque decernere damnabiliter præſumpſerunt, & adhuc detinent, Nobis & Eccleſiæ reſtitutione & plenaria ſatiſfactione non facta, in ipſorum periculum animarum, & ſcandalum plurimorum. Nos igitur volentes (ut juramento tenemur adſtricti) alienata, diſtracta, & male decernita, Noſtra & Eccleſiæ noſtræ bona, ad juſ poſſeſſionis, & proprietatis antiquæ omni ſtudio & remedio, quo poſſumus, revocare, omnes & ſingulos Clericos prædictos, Religioſos, & laicos urriusque ſexus, qui bona Prædeceſſorum noſtrorum, & præcipue Domini WICHBOLDI, ab eis dimiſſa, ſeu penes eos depoſita, commodata, tradita, mutuata, pignorata, vel alias quocunque alio titulo vel cauſa, modo penes eos exiſtentia, habent, poſſident, vel detinent, ſub quocunque prætextu vel colore, in quibuſcunque rebus conſiſtant, auro, argento, vaſis, annulis, pannis aureis, libris, pecuniarum ſummis, privilegiis, litteris, & instrumentis, vel aliis rebus & bonis, ad Nos & Eccleſiam noſtram ſpectantibus, præſentibus requirimus & monemus primo, ſecundo, & tertio, ut ipſa bona intra XXX. dies Nobis, & Eccleſiæ noſtræ Colonienſi reſtituant & aſſignent. Scientes vero habentes, tenentes, & poſſidentes bona hujusmodi, intra idem tempus revelent Nobis, & F. Johanni Pœnitentiario noſtro publice vel occulte. Alioqui dictis triginta diebus, eis & eorum cuilibet pro canonica monitione & termino peremptorio currentibus, ipſos & eorum quemlibet in hiſ ſcriptis excommunicamus, & a gremio Sanctæ Matris Eccleſiæ ſeparamus, & ſub excommunicationis poena latæ ſententiæ in hiſ ſcriptis injungimus, & diſtrictè præcipimus omnibus Prælatiſ, Eccleſiarum Reſtoribus, eorumque Vicariis, quatenus ſingulis diebus Dominicis & Feſtiviſ prædictos excommunicatos in genere, & quorum nomina ſciri poterunt, nominatim, excommunicatos publice coram ſideli populo, accenſis & extinctis candelis, campanis pullatis, intra Miſſarum ſolennia

denunciare procurent. Alioqui negligentes & contemnentes, excommunicationis ſententiæ decernimus ſubjacere: volentes & diſtrictè præcipientes, quod hujusmodi noſtram requiſitionem & monitionem ſolenniter publicent ſingulis diebus Dominicis & Feſtiviſ intra menſem, ne quis ignorantiam de cætero prætereundum valeat in hoc caſu.

IX. *Contra falſarios Literarum?*

Falſarios item Literarum, & Sedis Apoſtolice instrumentorum, noſtrorumque Prædeceſſorum, & Eccleſiæ noſtræ, & ſigillorum ipſiſ literiſ appenſorum, in hiſ ſcriptiſ excommunicationiſ vinculo innodamus, a qua præterquam a Nobis, ſeu in mortis articulo tales nolumus liberari.

X. *Ne alienus ſeu ignotus permittatur celebrare in Eccleſiis.*

Cum item a jure ſit penitus interdictum, ne quis ad celebrandum plebiſ ſeu in Capelliſ permitti debeat, niſi de ipſiſ Ordinatione canonica, maxime Sacerdotio, conſtiterit, & niſi conſtet eum rite ſecundum claves Eccleſiæ ordinatum, cum multi (licet ordinati prius non fuerint, vel per ſaltum) ſe rite aſſerunt ordinatos in periculum animarum: Monemus univerſos, & ſingulos Prælatos, Eccleſiarum Reſtores, eorumque Vicarios, eiſ & eorum cuilibet diſtrictè mandantes, quatenus nullum, cujuſcunque fuerit conditioniſ & ſtatuſ Clericum, Beneficiuſ Eccleſiaſticuſ in noſtra Civitate & Dioceſi non habentem, ad celebrandum in ordine vel ordinibuſ aliquibuſ, in eorum Eccleſiis, ſeu Capelliſ, ſeu altaribuſ permittant: niſi prius de ſua canonica ordinatione, coram Nobiſ, aut Officiali noſtro docuerit, & ſuper hoc a Nobiſ per litteraſ licentiam habuerit ſpecialem. Contrafacienteſ vero, ſtatuendo decernimus, propter hoc excommunicationiſ ſententiæ ſubjacere.

XI. *Quod pro clandeſtino matrimonio excommunicatoſ nulluſ habet abſolvere, niſi Officialiſ Colonienſiſ.*

Licet etiam haſtenuſ, Sacerdotiſ ruralibuſ & Decaniſ, ne excommunicatoſ pro matrimoniſ clandeſtine contractiſ,

tractis, aut contrahendis, absolverent, & reconciliarent, fuerit interdictum: quidam tamen (ut ad nostram audientiam frequens sæpe querela deduxit) tales absolvere de facto, quamvis de jure non possent, contra vetitum præsumpserunt. Nos vero hoc innovare volentes districtius inhibemus, ne tales absolvere vel reconciliare præsumant. Contra facientes, excommunicationis ipso facto sententiæ decernimus subjacere. Et nihilominus hujusmodi absolutionem decernimus non valere, quas absolutiones & reconciliações soli Officiali nostro præsentibus reservamus.

XII. *Contra illos, qui temere absolvent excommunicatos ab Episcopo seu Officiali, & qui adulterant literas aut monetam.*

Cum autem minor in majorem non habeat potestatem, districtius inhibemus omnibus nostris subditis, cujuscunque præeminentiæ, ordinis, conditionis vel status fuerint, ne excommunicatos, suspensos, vel interdictos a Nobis, seu Officiali nostro absolvere vel reconciliare, publice vel occulte præsumant, seu excommunicatorum nomina de literis nostris & Curie nostræ radere, tollere, vel suppressere, vel delere, vel monetam nostram præscindere, falsificare, pondere, vel diminuire præsumant. Contra facientes, taliter absolvendo ligatos, excommunicationi ipso facto decernimus subjacere. Ipsosque rāsōres nominum excommunicatorum, vel suppressores, tanquam falsarios volumus judicari: precipientes, statuta nostra omnia & singula sub poenis in eis contentis inviolabiliter observari. Et ne possit ignorantia quoquomodo præterdi, precipimus omnibus & singulis Prælati, Rectoribus Ecclesiarum, eorumque Vicariis, quod copiam in scriptis recipere, & habere intra mensem a data præsentium sub poena simili teneantur.

XIII. *Contra illos, qui truncos erigunt in plateis, & oblationes tollunt.*

Item cum ex usurpatione quadam per aliquorum laicorum insolentias sit inductum, quod trunci lignei eriguntur in plateis publicis & locis aliis, ad recipiendum ibidem elemosynas fidelium

(cum ex reverentia Sanctorum, in Ecclesiis, altaribus, & aliis locis Deo sacratis, oblationes sint, & munera offerenda) & nihilominus oblationes in hujusmodi truncis repositas, & legata facta Ecclesiis, Plebanis, & Rectoribus Ecclesiarum inficiis, pro sua distribuunt voluntate, cum ad ipsos Rectores prædictorum distributio & ordinatio, & non ad ipsos laicos de jure pertinere noscatur, id de cætero fieri prohibemus. Contrarium facientes excommunicationis sententiæ ipso facto decernimus subjacere.

XIV. *Ne quis inducat alium ad sepulturam eligendam extra suam Ecclesiam Parochialem.*

Prohibemus item districtè sub excommunicationis poena latæ sententiæ in his scriptis, ne quis cujuscunque status, ordinis, sive conditionis exiit, aliquem inducat, cogat, vel seducat, ut alibi, quam in propria Parochia eligat sepulturam, nisi sponte, & ultroneus a se ipso alibi duxerit eligendum.

XV. *Quod Clerici vel Religiosi non debent coram Judice seculari in causam trahi, nec coram bona judicio seculari arrestari.*

Quum item Clerici & Religiosi coram judicio seculari non debeant in causam trahi, suo vel Ecclesiæ, vel alicujus alterius nomine, aut bona eorum seculari judicio arrestari, nec a laicis contra eos dictari sententia: idcirco hæc fieri sub interminatione excommunicationis (quam serimus in his scriptis) firmiter prohibentes, & Prædecessorum nostrorum statuta in hoc casu edicta innovantes, statuimus, ut si laicus Clericum, aut Religiosum ad forum traxerit seculare, vel bona Ecclesiarum, vel Ecclesiasticarum personarum, sive religiosarum, ad ipsos communiter vel divisim spectantia, judicio seculari arrestaverit, seu procuraverit arrestari, idem laicus omnino cadat a causa: & nihilominus per Ordinarium ipsius excommunicatus nuntiatur publice usque ad satisfactionem condignam. Præterea Judex secularis & Scabini loci, in quo hoc contingerit, per Ordinarium ipsius loci moneantur, ut de talibus se nullatenus in-

tromittant, penitus desistendo & revocando intra triduum, si in aliquo occasione hujusmodi in præjudicium ipsius Clerici vel Religiosi est processum. Alioquin ipsi Judices & Seabini per Ordinarium eundem sine dilatione qualibet excommunicentur, & excommunicati publice usque ad satisfactionem condignam nuntientur. In qua excommunicatione, si per quindenam perduraverint, locus ille extunc sit Ecclesiastico suppositus interdictio: quod non relaxetur,

nisi prius sit sufficienter satisfactum passo injuriam & Nobis, ac Ecclesie: & judicatum, si quod factum est contra ipsum Clericum aut Religiosum, & si quod aliud est subsecutum, sit penitus revocatum. *Lechte & publicatæ sunt hæc Constitutiones Feria secunda post Dominicam INVOCAVIT, Anno Domini Millesimo trecentesimo sexto.*

Ex editione Statutorum Colonienſi Quatelsiana an. 1554.

Meminerit Lector cordatus, exemplar manuscriptum Bibliothecæ, seu Archivi Archiepiscopatus Colonienſis, quod hæc in editione usui nobis fuit, Scaturita ista, quæ hæc proxime & continuo sequuntur, sic digesta habere.

HENRICUS ex illustri gente Virnenburgica electus Colonienſis Archiepiscopus anno MCCCIII. mense Majo, cum ab alia factione eligerentur Rainaldus Westerburgius Bonnenſis Præpositus, ab alia Wilhelmus Juliaenſis Traiectenſis S. Servatii Præpositus, Archiepiscopus Leodiensis, qui respice a Bonificio VIII. confirmatus, paulo post in Bello Flandro Gallico occubuit ante aditum Cathedrali. Henricus cum Rainaldo ad Curiam Pontificis in Galliam profectus anno MCCCIV. illi a Clemente V. Confirmationem & Pallium Lugduni impetravit, XVIII. Decembris Coloniam reversus, a Clero suscipitur, & Concilia V. minimum celebravit: Primum hoc anno MCCCVI. Alterum A. MCCCVII. Tertium Provinciale celebre A. MCCCX. Concilio generali Viennensi A. MCCCXI. interfuit & subscripsit. Quartum anno MCCCXXI. Quintum Provinciale A. MCCCXXII. in quo Synodi præcedentis Sanctiones, ac Festum S. Ursule ac Sodaliū Virginum per Diocēsim vscum laboribus stricte servari præcepit, item crastinum S. Mariæ Magdalene, quod est Translationis SS. Magorum, diem dedicatæ Ecclesiæ ipso die Bb. Cosinæ & Damiani.

Anno MCCCXXII. in die Cosinæ & Damiani SS. Reges Magi transferuntur ad locum, in quo nunc manent, & novus Chorus consecratur, & Archiepiscopus celebrat Concilium Provinciale.

Hæc coævus Levallus Northoejus in chronica Comitum de Marca, edita a Meibomio Hanoviae anno 1613. in Folio, interfuisse eundem Concilio anni 1322. ait Mörckenſius in indice Chronol. Apologetico.

CONCILIIUM COLONIENSE DIOECESANUM

Anno Christi MCCCXVII. Clementis V. Papæ II.
Alberti Regis IX.

Capitula seu Rubricæ Statutorum Ecclesiæ Colonienſis a D. Henrico, Archiepiscopo Colonienſi, secundario editorum.

- I. De celebratione Festorum.
- II. Quando Gloria in Excelsis, & Te Deum laudamus sit cantandum?
- III. Quæ feria sint jejunanda?
- IV. De Anno bissextili, seu qualiter bissextus sit servandus?
- V. De celebratione Festorum Annuntiationis B. MARIE Virginis, & aliorum San-

ctorum, intra octavas Paschæ venientium.

VI. De festo St. Trinitatis & Eucharistiæ.

VII. De nocturnis dicendis.

VIII. De officio Scholastici.

IX. De observatione Capitularum sive Tractatum Capitularium.

- X. De recipiendis quotidianis distributionibus tempore interdicti.
 XI. Ne aliquis Sacerdos plures quam unam primam Missam celebret.
 XII. Quibus diebus Parochiani teneantur venire ad Ecclesiam suam Parochialem.
 XIII. Quod Religiosi mutuum, vel debitum non contrahant, Et quod Clerici officia non exercent inhoneſta.
 XIV. Contra Clericos, tonsuram Clericalem Et vestes Clericales non deferentes.

- XV. Ne quis Laicus arrostet, vel detineat bona Clericorum.
 XVI. Ne Laici faciant statuta in prejudicium alicujus Ecclesie.
 XVII. Contra Moniales violatas, exeuntes suum Monasterium, Et contra violatores earumdem.
 XVIII. Ne Monachus aut Monialis abique Professionis sue habitu incedat.

In Nomine Sanctæ & Individuæ Trinitatis, id est, Patris, & Filii, & Spiritus Sancti. Amen. Anno Domini MCCCXVII. quarta die mensis Martii, quæ est crastinum Dominicæ INVOCANT. Indiæ. V.

HENRICUS, DEI GRATIA, SANCTÆ COLONIENSIS ECCLESIE ARCHIEPISCOPUS, SACRI IMPERII PER ITALIAM ARCHICANCELLARIUS, DILECTIS IN CHRISTO PRIORIBUS MAJORIS ECCLESIE, ALLARUMQUE ECCLESiarum COLLEGIATARUM CAPITULIS, COLLEGIS, PRIORISSIS, CONVENTIBUS, CHRISTIANITATUM DECANIS, ECCLESiarum RECTORIBUS, ALIISQUE SUE CIVITATIS, ET DIOECESIS COLONIENSIS CHRISTI FADELIBUS SALUTEM IN DOMINO SEMPERNAM.

Quoniam humana natura longe prioribus plus solito temporibus labitur ad delicta, & humana cupiditas litium mater, & pacis æmula, discordias, & dissensiones adinvenit, quibus humana quies, Ecclesiarum & Clericorum libertas opprimitur: Nos perverſorum actibus finem, quo possumus remedio, prospicere cupientes ad honorem Dei, Sanctæ maris Romanæ Ecclesie, nec non Coloniensis & Filiarum ejus, pro ipsarum pace & salubri statu & libertate servanda, Prædecessorum nostrorum statuta ordinaria confirmamus, & de consensu & assensu Capituli nostri, & Prælatorum Coloniensium, statuta edimus infra scripta.

I. De celebratione Festorum.

Ut uniformitas in observantia Divinorum Officiorum, & Festorum Sanctorum, quæ per anni circulum occurrunt, observetur, districte præcipimus, & mandamus, ut omnes Ecclesie tam Conventuales, quam alie Parochiales, Capitularia sua habeant, & corrigant secundum Capitularium nostrum Ecclesie majoris Coloniensis, & Festa infra scripta Christi fideles teneant & celebrent, & solenniter observetur: videlicet

In Januario, festum Circumcisionis
Tonus IP. Concil. German.

Domini, Epiphaniæ, Agnetis Virginis, Conversionis S. Pauli.

In Febuario, Festa Purificationis B. Virginis MARIE, Cathedræ S. Petri, Matthæ Apostoli.

In Martio, Annuntiationis B. Virginis MARIE.

In Aprili nullum festum, nisi forte festum Paschæ, & Georgii Martyris occurrerint.

In Majo, festa Apostolorum Philippi & Jacobi, ac inventionis S. Crucis.

In Junio, festum Nativitatis B. Joannis Baptiste, item Petri & Pauli Apostolorum.

In Julio, B. Mariæ Magdalene, Jacobi Apostoli, Pantaleonis Martyris.

In Augusto, festa B. Petri ad Vincula, Laurentii Martyris, Assumptionis Beatæ Virginis MARIE, Bartholomæi Apostoli, Decollationis Beati Joannis Baptiste.

In Septembri, festa Nativitatis Beatæ MARIE Virginis, Exaltationis Sanctæ Crucis, Matthæi Apostoli, S. Michaelis Archangeli.

In Octobri, festa Beatorum Gereonis & Victoris, undecim milium Virginum, Severini Episcopi, Simonis & Judæ Apostolorum.

In Novembri, festa Omnium Sanctorum, Martini Episcopi, Cuniberti Episcopi, Cæciliæ Virginis, Catharinæ Virginis, & Andreæ Apostoli.

In Decembri, festa S. Nicolai Episcopi, Thomæ Apostoli, Nativitatis Domini, S. Stephani Proto-Martyris, S. Joannis Evangelistæ, & Sanctorum Innocentium. Festum quoque Paschæ, in quocunque mense accidar, cum tribus diebus immediate sequentibus & ac dies Ascensionis Domini, festum item Pentecostes cum tribus diebus sequentibus per se solenniter celebrentur. Et volumus, crastinum B. Mariæ Magdalensæ, quo corpora trium REGUM Beatorum Coloniam pervenerunt, ac diem Dedicacionis majoris Ecclesiæ Colonienfis, Cosmæ & Damiani, Coloniz tantum, sicut dies Apostolorum, cum solennitate Divinorum, & celebratione populi observari. Præterea quælibet Ecclesiæ festum sui Patroni & Dedicacionis solenniter peragat. Omnia vero festa, prædicta exceptis, non precipimus solenniter celebrari. Sed devotioni hominum relinquuntur, ita quod, qui noluerit ea celebrare, propter hoc non culpam, nec poenam incurrat. Proviso tamen, quod in dictis festis, & in aliis infra scriptis, videlicet: *Filiani & Sebastiani, Agathe Virginis, Gregorii Papæ, Benedicti Abbatis, Ambrosii Episcopi, Divisionis Apostolorum, Augustini Episcopi, Barnabæ Apostoli, Egidii Abbatis, Lamberti, Mauriti, & Sociorum ejus, Hieronymi Presbyteri, Remigii, Disolfi, Luca Evangelistæ*, novem Lectiones observentur. Ista tamen festa nunc ultimo posita, nolumus, ut populus, cessando a suis operibus, celebrare teneatur.

II. Quando Gloria in Excelsis, & Te Deum laudamus, sit cantandum.

Item statuimus, ut in festo Annunciationis, & in festo Purificationis Beatæ Virginis MARIE, & Beati Petri ad Cathedram, beati Matthiæ Apostoli, quando intra Septuagesimam evenerint, *Te Deum laudamus*, & *Gloria in Excelsis*, decantentur. Hoc adjecto, quod quocunque *Gloria in Excelsis*, in quocunque festo decantatur, semper *Te Deum laudamus*, cantabitur, præterquam in tribus diebus, hoc est, in Paschæ, & in Pentecostes vigiliis, & in sancta nocte Nati-

vitatis Domini, in quibus ante primam Missam, *Te Deum*, non cantabitur.

III. Quæ feria sunt jejunanda?

Statuimus etiam, quod in omnibus Vigiliis, videlicet: *Assumptionis Beatæ MARIE Virginis, festorum Paschæ, Pentecostes, Nativitatis Domini*, nec non *Apostolorum, & Omnium Sanctorum*, ac *Beati Laurentii Martyris*, cum quarta & sexta feriis ac sabbato *Quatuor Temporum* jejunetur. Ab his excipiuntur *Vigilia Beatorum Joannis Evangelistæ, & Philippi & Jacobi Apostolorum*, quæ non jejunantur. Litania major, quæ est in die Sancti Marci Evangelistæ, & Litania minor, quæ observatur per tres dies Rogationum, videlicet feria secunda, tertia, & quarta, ac sabbatum post Dominicam, quæ cantatur: *Miserordia Domini*, pro subitanea morte secundum consuetudinem Diocesis Coloniensis, a carnibus abstinendo, a fidelium populis jejunetur. Sanctorum quoque vigiliæ jejunandæ, quorum Festivitates feria secunda occurrunt, in præcedenti sunt sabbato jejunandæ. Jejunium vero sabbati, locorum consuetudinibus duximus committendum.

IV. De anno bissextili, seu qualiter bissextus sit observandus.

Quum item nonnulla discrepantia inter Ecclesias Conventuales, & Parochiales in Officiis Divinorum de anno bissextili frequenter existat: statuimus, quod quocunque anno bissextus occurrat, quælibet Ecclesiæ vigiliam beati Matthiæ Apostoli, super quam quarto anno ipse bissextus cadit, ipsam vigiliam beati Matthiæ Apostoli bissextis Kalendas Martii, in una Litera Kalendarii stando, pro una die computando, in sequentem diem proroget, & ultimo die, id est, post vigiliam eandem, festum B. Matthiæ Apostoli celebret, juxta hos versus:

Bissextum sexta Martii tenere Kalenda:

Posteriore die celebrantur festa Matthea.

Si cadit in lucem Domini, supponit sequentem:

Terminus est festum nunquam celebrantur eadem.

Quod sic intelligendum est, quod dum est annus bissextilis, tunc dies illa, quæ,

si non esset annus bissextilis, foret ipsa dies festi Beati Matthiae, erit vigilia dicti festi: & deinde posteriori die celebrabitur festum, nisi tunc in lucem Domini, id est, in diem Dominicam cadat: quo casu transponatur festum ejus in secundam feriam sequentem, quo ad plenum officium, absque celebratione populi peragendum. Hoc sic intelligitur, quod si ipsum festum intra Septuagesimam, vel Quinquagesimam in die Dominica eveniat, quod nunc feria secunda quoad officium in Ecclesia absque celebratione populi peragatur.

V. *De celebratione festorum Assumptionis B. MARIE Virginis, & aliorum Sanctorum intra Octavas Paschæ venientium.*

Festum item Annuntiationis B. Virginis quoties in Dominica Palmarum, vel intra septimanam Passionis Domini, aut ipsa die Paschæ evenit: in vigilia Palmarum cum Divino officio & celebratione populi prævenitur solenniter, & celebretur. Festa vero *Tiburtii, & Valeriani*, ac *Marci Evangelistæ*, si & ipsa die Paschæ, vel intra Octavas ejusdem evenierint, quo ad peragendum officium eorundem, post octavas Paschæ transponantur: Hoc excepto, quod in ipsa die Beati Marci Evangelistæ, si intra ipsas octavas occurrat, Litania major cum processione & crucibus observabitur per omnia, ut moris est sola carnis abstinentia, propter Paschatis festi reverentiam, in hoc excepta.

Quoties autem extra tempus Septuagesimæ usque ad Pascha, & Adventum Domini, festum IX. lectionum proprium habens officium, Dominica die occurrat, ab Ecclesia ordinarie celebrandum, in eadem Dominica celebretur. Alias quocunque tempore evenit, dum Dominica suum proprium habuerit officium, quod sequenti die Dominica repeti non poterit, festum novem lectionum, absque tamen celebratione populi, secunda feria sequenti in Ecclesiis cum pleno Divinorum officio peragatur. Solo festo Annuntiationis Beatæ Virginis, si ultra vigiliam Palmarum occurrat, quod extrinsecus quocunque tempore evenit, in ipsa vigilia cum officio & celebratione populi

si plenarie volumus peragi, ab his excepto.

VI. *De Festo St. Trinitatis & Eucharistiæ.*

Statuimus etiam, quod Festum Sæ. Trinitatis proxima Dominica post octavas Pentecostes, quæ vocatur octava Trinitatis, cum IX. lectionibus, & debita solemnitate fiat. In hebdomada vero præcedente, videlicet ab octava Pentecostes, in secundis vespere usque ad Dominicam prædictam cantetur, & legatur de Trinitate, prout consuevit: & post dictum festum Trinitatis per hebdomadam sequentem, cantetur officium Dominicæ, S. Domine, in tua misericordia. In quinta autem feria ejusdem hebdomadæ celebretur solenniter festum Eucharistiæ, prout hæctenus a nostris Antecessoribus est statutum.

VII. *De Nocturnis dicendis.*

Item statuimus, ut in omnibus Ecclesiis nostræ Diocesis, singulis noctibus in Matutinis dicantur Psalmi Nocturnales, sive seriales ad Nocturnos, nisi ea die sit festum tale quod Missam propriam habeat vel collectam. Invitatoria, Responsoria, & Laudes, sicut & horæ diei, de Sancto, cujus est festum, cantentur, quemadmodum in majori Ecclesia observatur: nisi tunc alicujus Patroni Ecclesiæ Festum seu commemoratio fuerit peragenda.

VIII. *De Officio Scholastici.*

Ut vero unicuique Ecclesiæ, quæ habet distinctos Personatus & Officia, juxta eorundem personatum & officiorum onus, honor debitus observetur: statuimus & ordinamus, ut salvo ordine Prælatorum Ecclesiæ nostræ Colonienfis, in cæteris Ecclesiis nostræ civitatis & Diocesis, Scholastici ipsarum Ecclesiarum distinctos, certos, & perpetuos redditus, ipsi annexos & deputatos Scholasticæ habentes, Stallum in Choro & Locum in Capitulo, ac vocem post Decanum Ecclesiarum suarum extrinsecus in antea habeant, & subintrent. Quod sub pœna excommunicationis lætæ sententiæ in his scriptis a singulis conventualibus Ecclesiis præcipimus observari. Dignum est enim, ut qui cæteris, officiis

etis maioribus, præferuntur, etiam alios in sublimitate graduum antecedant, cum onus emolumentum sequi debeat, & e converso. Per hoc tamen nolumus antiquioribus Canonicis ex ingressu, in petitionibus suis rationabilibus aliquatenus derogari.

IX. *De Observatione Capitularum, sive Tractatum Capitularium.*

Item sicut a bonæ memoriæ Domino Conrado Archi-Episcopo Colonienſi Prædecessore nostro novimus, in ejus Provinciali Concilio constitutum, innovando statuiamus, ut in qualibet Ecclesia collegiata, ad modum Ecclesiæ nostræ Colonienſis, Decanus, & Fratres (præterquam in festivitatis) Vigiliis, Missis pro Defunctis, ac commendatione peractis, distincte ingredientes domum Capituli, ante omnem tractatum disciplinæ, vel etiam præbendæ, aut cujuscunque alterius negotii, tabulæ Capitularis lecturam habentis distincte in scripto, quid unicuique sit cantandum vel legendum in choro, audiant diligenter: ac insuper lunationes mensium, ac Kalendæ, & obitus legantur, nec non aliqua lectio de regula, & vita Clericorum legatur. Et tunc immediate de disciplina fiat, quod fuerit faciendum, & alia consequenter post ipsam disciplinam tractentur negotia, quæ ad utilitatem, & necessitatem fuerint spectantia publicam seu privam. Et si aliquando Decanus non fuerit præsens, propter hoc non omitatur ullatenus, quin Fratres domum Capituli intrent ad audiendum ipsius tabulæ Capitularis lecturam, ut sciant, quid unicuique in choro sit legendum & cantandum.

X. *De recipiendis distributionibus tempore interdicti.*

Quoniam vero non modicus est error inter Canonicos, volentes presentias, seu distributiones quotidianas habere, quæ non nisi presentibus in choro debentur, quas nonnunquam extorquent diversis fraudibus ad hoc quesitis, & maxime in locis interdictis, Divinis non curant officiis interesse, quanquam ad hæc teneantur, presentias ejusmodi alias nullatenus habituri, quique complures Conventualium, & Parochialium Eccle-

siarum Prælati, Canonici & Rector, in observatione interdicti credentes, Ecclesiæ interdictas tunc penitus fore claudendas, quasi DEO tum non fore serviendum; Nos, inventis contra præmissa Apostolicæ sedis remediis, volentes fraudibus hujusmodi obviare, statuiamus, & ordinamus, ut Decani in distributione presentiarum hujusmodi, cuilibet pro rata horarum tam matutini, vigiliarum seu Missæ animarum, qui eis non interfuerint, subtrahant partem suam, nec non in observantia interdicti: ac etiam locorum plebani, juxta constitutionem piæ recordationis Domini Bonifacii Papæ VIII. super præmissis editam se regant, contra eam sub pœna excommunicationis, & in virtute sanctæ Obedientiæ nullatenus veniendo, Cujus constitutionis tenorem, ut cuilibet pateat, duximus subscribendum in hæc verba: (a)

Alena mater Ecclesiæ plerumque nonnulla rationabiliter ordinat & consulte, quæ fudente subjectionum utilitate, postmodum consultis, & rationabilibus revocat, in melius se commutat. Sane a nostris dudum fuit Prædecessoribus constitutum, ut in terris, seu locis suppositis Ecclesiastico interdicto, nulla (certis casibus & Sacramentis exceptis) Divina celebrarentur officia, vel ministrarentur Ecclesiastica Sacramenta. Quia vero ex distributione hujusmodi statutorum exerceat inde votum populi, pullulant hæreses, infinita pericula animarum insurgunt, ac Ecclesiæ sui culpa eorum debita obsequia subtrahantur; cum fratribus nostris deliberatione super his habita diligenti, concedimus, quod tempore interdicti ab homine vel a jure prolati, non tantummodo morientes, sed & viventes, tam sani quam infirmi, ad penitentiam (qua propter proinitatem & facilitatem hominum ad peccandum, summe necessaria est) licite admittantur; dum tamen excommunicati non fuerint, quos admitti, præterquam in mortis articulo, nolumus ad eandem. Illis autem, propter quorum culpam, dolum, vel fraudem lata est sententia interdicti, vel qui ad perpetrandum delictum (cujus occasione ipsum interdictum est latum) præbuerunt consilium, auxilium, aut favorem, nisi de ipso delicto, si sint tales, quod idem facere valeant, prius satisfecerint, vel de satisfaciendo idoneam dederint cautionem, aut si satisfacere nequeant, vel hujusmodi cautionem præstare, jura-verint, quod, cum poterint, satisfecerint, & ad

(a) In VI. *De sententia excommunicationis.* Cap. XXIV.

Et ad satisfactionem hujusmodi per eum, vel per eos, qui facere ipsam debent, & possunt, præsumendum consilium, & auxilium, ac juxta posse suum fideliter laborabunt, non est penitentia beneficium aliquatenus concedendum.

Nec tunc etiam quo ad istos, nec quo ad alios, qui circa hoc minime deliquerunt, (ubi civitas, vel locus alius, seu universitas interdicti existant) faciendus est relaxatio interdicti, sed est eis solummodo injungenda penitentia solutoria.

Aspicimus præterea, quod singulis diebus in Ecclesiis, & in Monasteriis Missæ celebrentur, & alia dicantur Divina Officia sicut prius, submissa tamen voce, januis clausis, excommunicatis, & interdictis exclusis, & compari etiam non possitis. Et tam Canonici, quam Clerici Ecclesiarum, in quibus distributiones quotidianæ illis, qui horis interstant Canonici, distribuuntur: si ad officia non venerint supra dicta, distributiones easdem amittant, sicut interdicti perierint non existente, si Divinis Officiis non adessent. In Festivitatibus vero Natalis Domini, Paschæ, Pentecostes, & Assumptionis Virginis Gloriosa, campanæ pulsantur, & januis apertis Divina Officia alta voce solemniter celebrentur, excommunicatis præfatus exclusis, sed interdictis admittis, quibus ob reverentiam dictarum solemnitatum, & ut ipsi ad humilitatis gratiam, & reconciliationis affectum facilius inclinentur, præfatis diebus participationem permittimus Divinorum. Sic tamen, quod illi, propter quorum excessum interdictum hujusmodi est prolatum, altari nullatenus appropinquent. Cæteris, quæ circa observationem interdictorum a nostris Prædecessoribus sunt instituta, in suo robore servantur, non obstantibus quibuscumque Privilegiis, Ecclesiis, Monasteriis, Ordinibus, seu Religiosis, vel personis Ecclesiasticis, Regularibus, seu Secularibus, exemptis, sub quacunque forma, vel expressione verborum ab Apostolica Sede concessis, quæ contra tenorem præfatis constitutionis nullis volumus suffragari, cum quibuscumque tam Secularibus, quam Regularibus, suffragari debeat, ut tempore interdicti modo præmissis diebus celebrent supra dictis.

XI. Ne aliquis Sacerdos plures, quam unam primam Missam celebret.

Statuimus item, & ordinamus, quod nullus Sacerdos, cujuscumque status, conditionis, aut religionis existat, postquam in Sacerdotem, seu Presbyterum,

sive in nostra, sive in alia Dicecesi ordinatus extiterit, in Civitate vel Dicecesi Colonienſi pluries quam semel, quocumque ad hoc colore quaesito primam suam Missam, quam Cleri & populi ad hoc convocatione celebret, nec etiam Capitula, seu Conventus, seu Canonici in Festivitatibus, & diebus Dominicis dimissa Divinorum solennitate in Ecclesia sua propria, ut non decet, & tamen hæcenus pluries visum est fieri, ad hujusmodi Missas discurrant: nisi tunc, cum aliqui Prælati, Canonici seu Plebani, conjuncti in primo, vel in secundo gradu novello Sacerdoti, ad primam Missam specialiter invitentur. Alioquin contrarium facientes se noverint excommunicationis sententia subiacere.

XII. Quibus diebus Parochiani teneantur venire ad Ecclesiam suam Parochialem?

Quia vero dubium quibusdam extitit de Festis, in quibus Parochiani suam Ecclesiam Parochialem de jure debeant annis singulis frequentare, hoc declarando statuimus, quod sicut in quatuor partes annus distinguitur, quarum initia in his versibus continentur:

Vex Petro datur, aſtas eximè ſequitur:

Hanc dabit Urbanus, autumnum Sympho-

riamus:

Festum Clementis, caput est hyemis ve-

nientis.

Ita in his quatuor partibus anni, quatuor Festivitates occurrunt, quibus Parochiani venire tenentur ad suas Ecclesias Parochiales: utpote Pascha in vere, Pentecoste in æstate, Festum omnium Sanctorum in autumnus, Festum Nativitatis Domini in hyeme. Et in his Festivitatibus Parochianus quilibet, nisi rationabilis & evidens causa eum legitime excusans subſit, frequentet suam Ecclesiam Parochialem. In aliis etiam quibusdam festis, scilicet in Dedicatione Ecclesie cujuslibet, Epiphania Domini, quatuor Festis B. Mariæ Virginis, die Cinerum, Dominica Palmarum, necnon in Jejunis, sive Rogationum, dum processiones hinc ab Ecclesia, & Ascensionis Domini, ac Apostolorum, Nativitatis B. Joannis Baptiste, diebus Dominicis, ac Die commemorationis Animarum, & Patroni Ecclesie cujuslibet,

ipſi

ipsi Parochiani Ecclesiam suam Parochialem visitent, & frequentent, sui Plebanimandata de instructione fidei, salubriter audient.

XIII. Quod Religiosi mutuum vel debitum non contrahant, Et Clerici Officia non exercent inhonestis.

Ceterum quia nonnulli Religiosi, & Clerici contractibus & negotiis, eorum regulæ, & statui contrariis impudenter se immiscunt: statuimus (quemadmodum etiam a jure cautum & alias statutum est) ut nullus Religiosus præter Abbatem sui, Præpositum, & Prioris licentiam, ubi Præpositus & Prior sunt in Conventu majores, cujuscunque status, aut conditionis existat, proprium vel peculium habeat, fidejubeat, pecuniam mutuo recipiat, seu negociationes cujuscunque rei lucris causa exerceat: si secus fecerit, Abbas & Conventus respondere de hoc non tenebuntur, nec obligari ex contractu hujusmodi erunt, immo ipsi contractus ipso jure nulli sint, nec valeant. Nec non Monachi contrarium facientes, suspensionis ab officio, & excommunicationis sententias incurrant. Caveant ergo sibi laici & alii, ne de cætero cum talibus religiosis contrahant, nisi ex prædicta licentia superioris, seu quibus ratione officii vel administrationis sibi commissæ de jure competere dinoscatur. Similiter Clericis inhibemus, ne exercent negotia turpia & officia inhonestis, quæ non decet Clericos: qualia sunt usura & omnes species usuræ, turpis questus, cum aliquid carius venditur seu propter diem, seu propter terminum. Necromantia, seu incantationis superstitionis, officium macellarii, tabernarii, negociatoris, proxenæ, fullonis, furoris, textoris: nec sint histiones, joculatores, judices seculares, telonarii. Contrarium facientes, a suis Prelatis super hoc poena debita puniantur.

XIV. Contra Clericos Tensuram Clericalem, Et vestes Clericales non deferentes.

Item præcipimus in virtute sanctæ obedientiæ, Decanis Ecclesiarum & Christianitatis cujuslibet, ut Canonicos, Ecclesiarum Pastores, & Vicarios, aliosque

Clericos coronas non habentes, & inordinatam criniam lasciviam [prout jam in Cleri deformitate apud plures inolevit] habentes, per suspensionem Præbendarum, reddituum Canonicorum, & suspensionis ab officio sententiam, quam ferimus in his scriptis, coronam & tonsuram deferre cogant debitam Clericis & honestam. Nec non Canonicos, Ecclesiarum Rectores, Vicarios & Clericos prædictos, ab usu caligarum rubearum, viridum, & glaucarum, & diversi coloris panni, ac calceorum, varietate incisionis militaris distinctorum, cogant sub poena consimili abstinere. Sed nigris caligis ac calceis suo statui congruentibus (nisi infirmitatis causa fecerint, quod eorum conscientie relinquimus) sint contenti. Decet enim, ut quos vitæ puritas ab aliis distinguit, etiam habitus decencia [quo, quod corde gerunt, ore prædicent, & actu demonstrent, tamquam militiæ Domini & Ecclesiæ militanti specialiter deputati] a secularibus sint distincti.

XV. Ne quis Laicus arrestet, vel detineat bona Clericorum.

Statuimus item & inhibemus sub poena excommunicationis late sententiæ in his scriptis, ne quis laicus quacunque auctoritate seu potentia seculari personas, seu bona mobilia aut immobilia, vel res Ecclesiasticas arrestet, detineat, vel invadat, cum questio talium nostræ jurisdictioni de jure sit & esse debeat specialiter reservata.

XVI. Ne laici faciant statuta in præjudicium alicujus Ecclesiæ.

Inhibemus etiam laicis universis & singulis, ne quis statuta de oblationibus in Dei Ecclesia minuendis faciat, prout in quibusdam Ecclesiis, sicut ad Nos pervenit, statutum dicitur: Ne nisi certæ personæ & sub certo numero, in Missis cum sponis vel funeribus, vel alias offerant, dinoscitur institutum quidem per laicos, cum laicis (quos obsequendi manet necessitas, non auctoritatis imperandi) nulla super personas Ecclesiasticas attributa penitus sit facultas. Unde statutum hujusmodi, ubicumque in nostra Dicecesi, vel a quibuscunque factum fuerit, tamquam nullius firmitatis existens, nec ab Ecclesia probatum, decer-

decernimus non valere: immo utentes ipso, & defensores ejusdem excommunicationis sententiae decernimus subjacere, ne id, quod inspiratione Divina devotioni hominum relinquitur, alicujus humanæ pravitatis ingenio depravetur.

XVII. Contra Moniales violatas excentes suum Monasterium, & violatores eorumdem.

Quum præcipue religionis deformationi summopere intendamus occurrere, ac disciplinam monasticam, ubicunque rupta fuerit, sollicitè reformare, quia periculosius trahitur in exemplum, quod in scandalum vergit plurimorum: igitur quoniam nonnullæ nostræ civitates & Diocesis sacre Moniales violantur, & quandoque sic violatæ ab eisdem extra sua Monasteria ducuntur, & ab ipsis cum animarum suarum gravi periculo, ac multorum scandalo publice detinentur: sicque diu detentæ, per eosdem precibus aliquando, & frequenter minis ac violentia ad sua Monasteria restituantur: quæ omnia & singula cum sint contra Deum, bonos mores destruant, ac sacram religionem deforment, & Nos ipsa sorda aure transire non debeat: statuimus, ut viri, cujuscunque status, aut conditionis existant, qui aliquid vel aliqua commiserint præmissorum, ipso facto sententiam excommunicationis incurrant, & per suos Plebanos (quoniam Abbatissæ, Magistræ, Priorissæ Conventuum & Monasteriorum, in quibus suæ salutis immemores hoc facinus commiserunt, requisierint) ex vi præsentis statuti publice denuntientur, donec Deo de peccatis, Nobis, ac ipsis Monasteriis de injuria & vituperio, ad plenum satisfecerint, & per Nos veniam & beneficium absolutionis consequantur. Ipsæ vero Moniales nostræ Civitatis & Diocesis, ut præmissum est, quæ sic lapsæ fuerint, ne ex impunitate ipsarum aliæ ad consimilia provocentur, quia pronus est ad malum hominis animus & facilis veniæ præbet incentivum delinquentibus, per Abbatissas, Magistras, seu Priorissas, & Con-

ventus suorum Monasteriorum aliter non recipiantur, nisi ad poenam carceris, ubi per abstinentiam, ac alias castigaciones puniri poterunt, prout discretioni Abbatissarum, Magistrarum, aut Priorissarum videbitur expedire. Eadem etiam concedenti majore parte Conventuum suorum, si se humiliter, & devotè in sua poenitentia gesserint, de suis carceribus poterunt elevari: & extrunc, quamdiu vixerint, sine velo incendant, intimum locum in Conventu, ubilibet teneant, & omni voce in Capitulo tractatibus & electionibus quibuscunque penitus sine private, donec per Nos ad laudabilem ipsarum conversationem ac testimonium totius Monasterii earundem, ad præmissa in parte, vel in toto restitui mereantur.

XVIII. Ne Monachus, aut Monialis absque Professionis sue habitu incedant.

Volumus etiam, ut nullus Abbas, Abbatissa, Magistra, seu Priorissa, Monachus, seu Monacha, sive Monialis habitu religionis abjecto, in Ecclesiis, vicis, vel plateis, aut alienubi, nisi in religione sua procedant, vel Abbas, seu Abbatissa, Magistra, seu Priorissa, Monachus, seu Monialis absque nostra licentia Consulorem aliunde, quam de religione sua sibi competit, licentiam tribus eligendi. Cætera omnia, quæ pie memoratæ Dominus CONRADUS Coloniensis Archi-Episcopus in Concilio suo Provinciali de Monachis & Monialibus, & Clericis, ceterique nostri Prædecessores pro cultu Divino ac Cleri libertate Ecclesiastica hætenus statuerunt; quæ de Prælatorum & Capitulorum nostrorum consilio approbamus & confirmamus, in suo robore volumus permanere, & tam ista statuta nostra, quam illa a quibuslibet tam Conventualibus Ecclesiis, quam Ecclesiarum Rectoribus Parochialium, per copiam de verbo ad verbum haberi, & in perpetuum inviolabiliter observari. Pronunciatum & actum Colonie in Ecclesia nostra Majori, de nostro, nostrorumque Prælatorum, & Cleri consilio, & assensu. Anno [a] Domini & die supradictis.

CON-

(a) id est: MCCCVII. IV. die Martii.

Tomus IV. Concil. German.

CONCILIIUM CAMERACENSE

ADDITIONES à Reverendo Patre PETRO, Cameracensi
Episcopo,

Anno Christi MCCCX. Clementis V. Papæ VI.
Henrici VII. Regis II.

*Item in titulo de Reverentia & jurisdictione
Ecclesiarum, & libertate Ecclesiasticarum
Personarum, & Cimiteriorum.*

UT Ecclesie, & Cimiteria sanguinis, & seminis effusione polluta, & si qua pollui contigerit in posterum, diabolo instigante, sub tanta diu non remaneant fœditate status, ut si ille seu illi, quorum factio seu culpa polluta sunt, vel fuerint in futuro, infra mensem reconciliationem dictarum Ecclesiarum vel Cimiteriorum non procuraverint cum effectu, postquam fuerint super hoc per Curatum Ecclesiarum prædictarum vel Cimiteriorum legitime requisiti, Canonico tamen impedimento cessante, excommunicationis vinculo sint innodati, & excommunicati publice & nuntiatim nominentur seu nuntientur. Verumtamen si ille, vel illi, quorum factio seu culpa est dicta pollutio, vel contigerit fieri, nostræ non sint jurisdictioni spirituali subiecti, aut propter paupertatem suam dictam reconciliationem procurare non valeant cum effectu, Parochi dictarum Ecclesiarum, & Cimiteriorum teneantur reconciliationem ipsorum efficaciter procurare infra duos menses, postquam super hoc a suo Curato fuerint legitime requisiti. Et si negligentes fuerint, vel remissi, extunc infra dictam Parochiam cessetura Divinis; & si quos tunc de dictis Parochiis mori contigerit, sine Nostra vel Officialis nostri licentia non tradantur Ecclesiasticæ sepulture, donec dictam reconciliationem procuraverint cum effectu: curati vero, in quorum Parochia præmissa contigerit fieri, similiter eisdem cito providendum, & observandum, sicut præmittitur sollicite, ne possint de negligentia reprehendi.

Titulo de Penitentia.

Sacerdotes curati vel vices eorum gerentes, & alii, qui vice nostra Confessiones audiunt, eos, qui propositum non habent abstinendi a peccatis, nequaquam absolvant sine penitentia: eos non relinquant tamen, sed cum hoc eos moneant caritative, ut interim agant, quidquid boni possunt, ut Deus eorum corda ad veram contritionem & penitentiam illustret.

Titulo de Matrimonio.

Propter simplicitatem quorundam Presbyterorum, qui quandoque suos subditos in ipsorum præsentia, ipsis Presbyteris verba proferentibus, ad matrimonium contrahendum inducunt & admittunt per verba consensum exprimentia de presenti, cum potius debeant admittere eos ad sponsalia inter eos contrahenda per verba tantummodo de futuro. Ex qua simplicitate plerumque multa incommoda & animabus damnosa provenire noscuntur; statuimus, & precipimus in virtute sanctæ Obedientiæ omnibus Presbyteris in nostris civitate & Diocesi Cameracensi constitutis, quod de cætero in sponsalibus, seu fideationibus utantur dumtaxat verbis talibus vel consimilibus: *Petre vis promittere per fidem tuam, quod Bertam, qua hic est, accipies in uxorem, si impedimentum Canonicum non obstat.* Eteconverso his dictis accipiat manus contrahere volentium & dicat. *Tu promittis, quod dictam Bertam accipies in uxorem, si impedimentum Canonicum non obstat, & sic econtra.*

Item eodem titulo.

Statuimus ne quis Presbyter aut Capellanus benedictionem in secundis nuptiis audeat celebrare; quodque Sacerdotes

tes mulieres non purificent, præterquam in mortis articulo, nisi jacuerint per mensem post Nativitatem sui partus.

Item in eodem titulo.

Prohibemus ne Sacerdotes seu Capellani aut Vicarii eorundem, mulieres jacentes de partu damnato coitu nefario vel fornicario & manifesto, ad purificationem recipiant, sine nostra vel Officialis nostri Cameracensis, aut Decanorum locorum civitatis Cameracensis excepta licentia speciali. Qui contra hoc facere præsumplerit, excommunicationis sententiam, eo ipso, incurrat; & nihilominus per Officiale nostrum aut Decanum loci graviter, prout culpa ipsius exegerit, puniatur.

Item titulo de Exequiis Mortuorum.

Inhibemus Presbyteris Parochialibus & Capellanis sub pœna suspensionis, & excommunicationis, ne quis eorum suspensos, excommunicatos seu interdictos Ecclesiastico subjectos, aut alios in mortali peccato notorio existentes, tradant Ecclesiasticæ sepulturæ, nisi in mortis articulo signa pœnitentiæ apparuerint in eisdem.

Item titulo de libertate Ecclesiarum & Cimiteriorum.

Ecclesiæ pollutæ sanguinis aut seminis effusione reconcilientur per Nos, vel de mandato nostro, seu Officialis nostri, sive Ecclesiæ vel Cimiteria fuerint dedicata, sive non, & quousque fuerint reconciliata, nullus ibidem sepeliatur.

Item eodem titulo.

Si Cimiterium fuerit pollutum sanguinis, vel seminis effusione, propter hoc Ecclesia non est polluta; sed si Ecclesia fuerit polluta aliquo prædictorum, Cimiterium erit pollutum, si Ecclesiæ fuerit contiguum; non autem si ab Ecclesia sit remorum; & quousque fuerit reconciliatum, nullus ibidem tumuletur.

Item eodem titulo.

Cum alias statuimus, quod Capellani perpetui Sacramenta sua a curatis locorum suorum in infirmitatibus suis accipiant, & si decesserint, in Capellis suis sepelirentur, nisi quis ex devotione

Tomus IV. Concil. German.

(a) forte: factio vel crimine supplendum.

alibi, salvo jure Parochiali, eligeret sepulturam. Statutum hujusmodi intelligimus, & statuendo declaramus, quod si emolumentum ratione exequiarum talium Capellanorum aliis quam curatis locorum ex consuetudine competat, per statutum dictum nolumus nec intendimus dictæ consuetudini in aliquo derogare.

De reverentia Jurisdictionis, & libertate Ecclesiarum, Cimiteriorum, & Ecclesiasticarum personarum.

Quia plerumque accidit, ut quando aliqui confugiunt ad Ecclesias seu Monasteria, aut Cimiteria causâ immunitatis ac libertatis Ecclesiarum seu Monasteriorum, aut Cimiteriorum: hujusmodi inimici seu persecutores talium confugientium aut alibi ad certa dicta loca jurisdictionem exercentes quandoque violant Ecclesias, Monasteria, seu Cimiteria hujusmodi, & ab eis ipsos confugientes extrahunt, quandoque verbo, per subtractionem victus, & aliorum pro ipsis confugientibus necessariorum, aut modo alio, dictos confugientes inducunt; seu compellunt, ut exeant immunitatem, seu libertatem hujusmodi. Statuimus una cum aliis pœnis super his statutis, ut in locis, in quibus de cetero talia perpetrari contigerit, quocumque etiam colore quæsito, & ubi violatores, & perperatores hujusmodi moram traxerint, cessetur a Divinis, nec sine nostra, aut Officialis nostri licentia organa resumantur ibidem.

Item statuimus, quod nulli extranei, & ignoti tamquam mercenarii Capellani, ad deservendum in Officio Sacerdotii, in civitate & Diœcesi Cameracensi de cetero admittantur, nisi constet per litteras suorum Ordinarium, aut ut alias legitime, quod sunt vitæ laudabilis & honestæ conversationis, & quod in Sacerdotii ordinem Canonice sint promoti.

Item titulo libertatis Ecclesiasticæ.

Cum aliqui Justitiani seu servientes aliquos bonis suis cedentes seu cedere volentes, aut alios fori Ecclesiastici obligantes, super quorum (a) cognitio ad forum Ecclesiasticum pertinet de consuetudine vel de jure, per captionem bonorum suorum & corporum adinvenientes, quan-

doque non causam pro causa, compellunt ad desistendum a prosecutione suâ litis; & quandoque etiam occasione delictorum, pro quibus facta est cessio, cedentes hujusmodi capiunt, & carceri mancipant, non obstante cessione facta, eaque sprete & contemta, in derogationem libertatis Ecclesiasticæ, sic excommunicationem a Canone latæ sententiæ incurrendo ipso facto: Nos omnes & singulos tales, ac dantes eis in hoc auxilium & juvamen, auctoritate Canonis denuntiamus, excommunicamus, mandantes omnibus, & eorum vices gerentibus, in nostro Episcopatu constitutis, quatenus singulis diebus Dominicis & Festis, campanis pulsatis, candelis accensis, ipsos denuntient excommunicatos: ad absolutionem talium, quorum absolutionem Nobis, seu Officiali reservamus, nullatenus procedent, nisi in mortis articulo, sine nostra licentia speciali.

Item titulo de Executione Mandatorum.

Inhibemus Decanis nostris Christianitatis, ne pro sigillo sui Decanatus, quibuscunque litteris apponendo, ultra sex Denarios Turonenses fortis monetæ recipiant.

Item titulo de Matrimonio.

Pro bannis proclamandis seu faciendis & suis litteris testimonialibus concedendis, tam Decani, quam Sacerdotes non ultra tres solidos Turonenses recipiant.

Item statuto ubi dicitur: Nec aliquid Presbyteri exigant, nisi solum denarium Turonens. in forti monetâ pro sigillo; addimus: Et Clerici Parochiales similiter denarium Turonensem fortis monetæ pro pœna,

& labore in executione facienda, dumtaxat recipiant.

Titulo de Executione Mandatorum Synodali.

Cum ut censura Ecclesiastica magis timeretur, statuimus ut omnes excommunicati a nobis, vel Officiali nostro pro suis absolutionibus obtinendis, ad Nos, vel ad curiam nostram Cameracensem accedant, atque procuratorem sufficienter instructum mittant, potestatem absolventi habentem, eosdem, præterquam in mortis articulo, a quibuslibet aliis adimentes, quia tum, sicut intelleximus, nonnulli propter paupertatem & inopiam eorundem excommunicati decedunt, statuimus quod Decani Christianitatis locorum, in suis Decanatibus Cameracensis civitatis, excepta de registris, quæ sibi mittuntur, & de aliis quæ ad suum officium spectent, dumtaxat, . . . excommunicatos possint absolvere eosdem; Decanis, quoad hæc ex abundanti, vices nostras committentes.

Titulo de Festis.

Statuimus, & omnibus subditis nostris Ecclesiasticis in virtute sanctæ obedientiæ præcipimus, injungentes, ut cum apud eam exuberare debeat devotio fidelium, erga eam, quæ nostra est apud Deum mediatrix & impetratrix promissima gratiarum; festum Conceptionis Gloriosissimæ Virginis Mariæ octavâ die mensis Decembris, cum Marutinis & Missâ, ceterisque Divinis obsequiis devote celebrent. Et præcipimus dictum festum tamquam festum & solemne, sub pœna excommunicationis reverenter observari ab omnibus Christianis.

Ex Martenii Collectione amplissima Tom. VII. Loc. cit.

Admonitio de Synodis Cameracensis Ecclesiæ Sæculi XIV. celebratis.

Ex nova editione Statutorum Ecclesiæ Cameracensis anno 1739. in 4to Parisiis impressorum, referuntur antiqua Statuta Synodorum Cameracensium Numero 27. celebratarum ab annis 1300. ad 1398. scilicet bis annis celebrata fuere Synodi Cameracenses: Annis 1300. 1301. 1307. 1308. 1309. 1310. 1311. 1312. 1313. 1314. 1315. 1316. 1317. 1319. 1320. 1321. 1323. 1324. 1325. 1330. 1333. 1334. 1335. 1336. 1343. 1348. 1369. 1398. ex horum annorum Synodis varia Statuta extraxerunt Patres Concilii Cameracensis anno 1550. Cameraci congregati, eaque recognoverunt, correxerunt, & innovata servari præceperunt in Civitate & Diocesi Cameracensi. Habuerunt abs dubio hi Patres hæc omnes Synodos Sæculo XIV. celebratas integras, quales & nos impres-

impressum fuisset, si hujusmodi codicem nacti fuisset, aut nunciari potuisset: cujus defectu hæc statuta Ecclesie Cameracensis hoc Seculo edita, quæ MARTENIUS in Abbatia Grimbergenſi ab aliquo Collectore asservata reperit, nunc edimus.

CONCILIIUM COLONIENSE PROVINCIALE

SUB HENRICO VERNENBURGICO ARCHIEPISCOPO,
Anno Christi MCCCX. Clementis V. Papæ VI.
Henrici VII. Regis II.

*Statuta quædam Provincialia D. HENRICI, Archi-Episcopi Colo-
niensis, quorum Capitula sunt hæc:*

- I. De revocatione Statutorum contra libertatem Ecclesiasticam factorum.
- II. De occisoribus, mutilatoribus, & captivatoribus Clericorum.
- III. Ne quis licet exactiones Ecclesiis imponat, ratione Advocatie, quam super bonis Ecclesiasticis habet.
- IV. De invasoribus, occupatoribus, & detentoribus rerum & bonorum Ecclesiasticorum.
- V. De occupantibus bona Ecclesiarum, & Ecclesiasticorum personarum, & Legata fabricæ Ecclesie Cwonensis.
- VI. De vita, & honestate Clericorum.
- VII. De Vicariis, quo ad Versus & Lectiones in Matutinis.
- VIII. De ætate Presbyterorum ordinandorum.
- IX. De concubiniis Clericis.
- X. Quod Clericis publica cenenda, & penitentia non sit imponenda.
- XI. Quod non nisi Ordinati ad sacros Ordines, legant Epistolas vel Evangelia.
- XII. Quod nullus Ecclesiam curatam teneat, nisi ab Episcopo vel Archi-Diacono institutur.
- XIII. Quod provisi de Beneficiis auctoritate Apostolica, se faciant juxta formam provisionis ordinari.
- XIV. Quod fructus Canonice suspensorum decedentium, cedant Ecclesie, & non successoribus suspensorum.
- XV. Quod Clericus non leget concubinis suis, vel spuris annum gratis sue.
- XVI. De Campanariis, quod sint literati, & in albis ministrent.
- XVII. Quod Decani & Plebani horum exornent ornamenta Ecclesie.
- XVIII. Quod fructus Canonice suspensorum cedant Capitulis, non singularibus de Capitulo personis.
- XIX. Quod Ecclesia, vel Cemiterium non consecrentur, nisi de dotatione loci Diocesano constiterit.
- XX. Quod Parochiani non nisi a suo Plebano communionem recipiant.
- XXI. Quod non fiant imprecationes, nec cantetur Media Vita, contra aliquas personas.
- XXII. De matrimonii clandestinis.
- XXIII. Quod Annus Domini de cætero in Nativitate Domini observetur & innovetur.
- XXIV. De Tabellionibus.
- XXV. De Sacramentis.
- XXVI. Quod Plebanis non denegetur Cõrina vel Oleum sacrum.
- XXVII. De statu Religiosorum.
- XXVIII. De Monachis & Monialibus.
- XXIX. Quibus Statuta ista Provincialia habitum & observatu necessaria?

Recusa hæc Synodus inter Provinciales ab Reverendissimo & Illustrissimo Episcopo Osnabrugensi Francisco Guillelmo Bivaro, inter alia Synodalia Osnabrugensis Ecclesie Colonie apud Jodocum Kalcovium anno 1633. in Folio. Nomina 3. Episcoporum Suffraganeorum, & Legatorum Leodii & Monasterii, leges in fine.

Ad honorem Sanctæ & Individuæ Trinitatis, Patris, & Filii, & Spiritus Sancti, ac Gloriosæ Virginis Mariæ, atque S. Petri, ac omnium Sanctorum.

NOS HENRICUS, DEI gratia, Archi-Episcopus Colonienſis, cupientes in hoc Concilio nostro Provinciali de mandato speciali Sanctissimi in Christo Patris ac Domini nostri CLEMENTIS, Sacrosanctæ Romanæ Ecclesiæ Summi Pontificis indulto, de Capituli ac Prælatorum nostrorum consilio, & assensu, per infra scripta Statuta nostra omnibus paterna sollicitudine providere, ut quies Ecclesiis & Ecclesiasticis personis procuretur, & pacis perturbatores a suis delictis pœnæ formidine arceantur, infra scriptas Constitutiones observandas perpetuo in præsentiarum duximus promulgandas.

I. De revocatione statutorum, contra libertatem Ecclesiasticam factorum.

Inprimis, cum ad decus & decorem Ecclesiæ nihil magis expediat, quam quod, ut expurgatis erroribus, & statutis iniquis sublatis, ipsa plenâ quiete vigeat, & securâ gaudeat libertate, præcepta Sacrorum Canonum imitantes, omnia statuta, pæcta, & ordinationes contra libertatem Ecclesiarum & Ecclesiasticarum personarum edita seu editas, damnamus, reprobamus, & cassamus, & irrita, seu irritas nunciamus: Mandantes universis nostræ Diocesis & Provinciæ subditis, ut ea a locis suis intra mensem a notificatione præsentium, faciant penitus aboleri: & locorum Plebani moneant subditos diebus Dominicis & Festivis nominatim, quos in his culpabiles siverint, aliis in genere, quatenus hujusmodi de facto statuta de facto revocent; alias eos ad id per excommunicationis sententiam volumus coarctari. Verum, quia intelleximus, quod in nonnullis locis laici (qui non contenti de propria ipsorum impietate, & malevolentia, etiam alios Christi fideles a sua devotione, & bonis operibus retrahere moliantur) statuerunt, & statuunt sub certa conspiratione & confederatione, ne quis de cætero Ecclesiis, Ecclesiasticis seu Religiosis personis, bona, prædia, districtus, jura & Domina aliqua vendat, leget, aut donec, vel

quovis titulo in eos transferat, vel in nuptiis, aut exequiis mortuorum, aut alias Sacerdotibus Parochialium Ecclesiarum, & aliarum offerant, nisi sub certo numero personarum, & certo tempore Missæ, seu inter se taxant, quid quilibet offerre debeat, contrarium facientibus pœnas pecuniarias infligendo: Et quia hæc obviant directe Ecclesiasticæ libertati, conspirationes, colligationes, & ordinationes hujusmodi, seu fœdera, & pæcta, & deinceps, si contigerit facienda, decernimus non tenere, nec aliquem fore, vel esse debere ad eorundem observantiam obligatum.

Item statuta & consuetudines a laicis (cujuscunque status, aut conditionis existant) introducta, seu introductas super eo, quod dicti laici antiquarum decimarum occasione, quas in aliquibus Parochiis vel largitione Principum, aut donatione aliorum, seu alia de causâ percipiunt, decimas Novalium in terris propriis quibuscumque Parochiis obvenientes occupant, attrahunt, vel sibi vendicant: revocamus, & cassamus statuentes, & præcipientes, ut præfati laici & quicumque alii, ab occupatione, detentione, vel usurpatione earundem decimarum Novalium, postquam ad agrum Regium pervenerint, seu perveniunt, penitus desistant, & de ablatis satisfaciant tam Nobis, quam Ecclesiis, Ecclesiasticisque personis, quibus ipse decimæ Novalium de jure competere dinoscuntur, easdem decimas Nobis & Ecclesiis, ad quas pertinent, de cætero possidendas pacifice relinquentes.

II. De Occisoribus, Mutilatoribus, & Captivatoribus Clericorum.

Item statutum Venerabilis quondam ENGLBERTI Colonienſis Archi-Episcopi, Prædecessoris nostri, contra injectores manuum in Clericos, Ecclesiasticasve personas, olim per ipsum editum, cum pœnæ majoris adjectione contra captivatores Clericorum observari volentes, statuimus, ut cum facilegi, qui, *suadente diabolo*, DEI

timo-

timore postposito, manus injiciunt in Clericum, vel alias personas Ecclesiasticas & religiosas temere violentas, & ex hoc incident excommunicationis sententiam *Canonis* jam prolati, quod occisores, mutilatores, & percussores atrociter Clericorum & Ecclesiasticarum personarum, & Clericos capientes, & in captivitate detinentes seu per captivitatem aliquam pecuniam ab eis extorquentes, seu talium Receptatores, & Defensores, propter hoc authoritate *Canonis* late sententia excommunicati, cum omnibus operam & consilium ad præmissa adhibentibus, per omnes Ecclesias Diocesis, in qua hujusmodi perpetrantur, per Decanos, Ecclesiarum Rectores & Presbyteros, quamprimum ipsis hoc per famam publicam vel rei evidentiam, vel per fidem duarum fide dignarum personarum ipsis faciendam, aut per mandatum seu sententiam iudicis constituent, campanis pulsatis, & candelis accensis, nominatum, quorum nomina sciri poterunt, alias in genere, excommunicati publice nuntientur, & arctius evitandi, donec satisfecerint de commissis, & debite absolutionis beneficium meruerint obtinere. Præterea in aggravationem pœnæ hujusmodi malefactorum, statuimus, ut omnis locus, ad quem tales excommunicati venerint, vel ipsos Clericos deduxerint, quamdiu ipsi captivatores, & captivati ibidem fuerint, & post tres dies post eorum inde recessum, nec non locus, in quo talis violentia facta fuerit, quem quidem locum, seu Ecclesiam, aut Ecclesiastico supponimus interdicto, & interdicti teneantur. Et si hujusmodi sacrilegi seu malefactores, Principes, Nobiles seu Barones fuerint, & terram, jurisdictiones, districtum, munitiones, seu castra habuerint, & intra tres menses a tempore perpetrati delicti, etiam captivatis dimissis, non satisfecerint de delicto, extunc tota terra & districtus eorum, quos post lapsum dictorum trium mensium simili modo interdiciamus, Ecclesiastico (ipso facto) sit supposita interdicto. Si autem alii fuerint, quam Nobiles & terrarum Domini, tunc ipsi Domini terræ, in quorum districtibus manent, & Domicilium habent sacrilegi anathemati, vel ubi tam enormæ scelus commissum extiterit, intra quindecim

dies, postquam de delicto hujusmodi constituent, per famam publicam, vel evidentiam facti, vel per denuntiationem Decani seu Presbyteri (quam ab ipso Decano seu Presbytero loci fieri præcipimus) sub pœna excommunicationis, quam cito per famam, querimoniam alicujus, rei evidentiam, aut alio modo ipsis constiterit, præfatos sacrilegos tales habent per detentionem personarum suarum, & privationem bonorum suorum, ut liberato captivo DEO, Ecclesie, & læso emendam præsent de commissis. Si vero dicti Domini terrarum præfatos sacrilegos habere nequiverint, nec bona in eis habuerint, sed alias commanere in eorum districtibus consueverint, procedant per proscriptionem contra eos, de terra sua ipsos exellendo, & per justitiam seu iudices suos id fieri mandent, & procurent: alioqui statuimus, quod extunc ipsi Domini terræ, & eorum iudices, & alii, per quos regitur jurisdictio secularis, excommunicationis sententiam incurant ipso facto. Et si per quindenam, dictam excommunicationem animo sustinuerint indurato, extunc tota terram Ecclesiastico sit supposita interdicto. Præterea, ne per mutationem locorum, præfati sacrilegi hujusmodi possint malitiam palliare, volumus, quod si ipsi sacrilegi de una Diocesi ad aliam in nostra Provincia se transferant, vel captivos prædictos deduxerint, quod ad requisitionem Diocesani, in cujus Diocesi hæc perpetrata sunt, vel ejus Officialis, seu amicorum captivatorum, seu captivati, facta Ordinario loci seu Diocesano alterius, ad quam se sic transtulerint, fide per mandatum seu juramentum de præmissis, statuta eadem in omni forma; qua supra dicitur, ibi observentur. Si vero Domini terrarum, vel alii nobiles, & jurisdictiones temporales habentes, fuerint malefactores seu violatores interdicti, Capellani eorum (si quos habent) quamprimum seiverint Dominos suos Clericum captivasse, detinere in munitionibus, aut Dominiis suis, vel capi mandasse, vel aliquid aliud de præmissis fecisse, amodo coram ipsis non celebrent Divina: sed ut delicto commissio intra quindecim dies satisfaciant, ipsos admovent diligenter: alioqui extunc ab eis, & mansionibus eorum recedant, nec eis communicent.

Cor.

contrarium facientes, quos in his scriptis excommunicamus, excommunicatos volumus nunciari. Et si contra hæc Divinis se immiscuerint, notam irregularitatis incidendo, & in ea permanserint per annum unum animo indurato, ipsos extunc beneficiis Ecclesiasticis (quæ in Diocesis, in quibus manent, obtinent) ipso facto decernimus privatos esse, & eisdem ipsis beneficiis privamus per presentes: injungentes beneficiorum Patronis, quod extunc aliis personis idoneis beneficia hujusmodi conferant, quibus iidem sunt privati: alioqui termino juris elapso, potestas conferendi dicta beneficia ad superiorem devolvatur. Si vero dicti irregulares beneficia non habent in Diocesis, in quibus manent, ipsos ab eisdem Diocesis perpetuo eliminamus, & amovemus, ipsos etiam, tametsi per importunitatem suam absolutionem obtinerent, de cætero ad aliqua officia vel beneficia Ecclesiastica nullatenus admissuri.

Præterea, si captivans Clericum vel Religiosum, vel detinens, ac sacrilegus hujusmodi poenis vilipensis, congrua satisfactione neglecta, per annum unum in excommunicatione hujusmodi perdurare animo præsumpserit obstinato: statuimus, ut nulli de filiabus, filiis, fratribus, & sororibus, & eorum filiis, & filiabus, usque ad tertium gradum inclusive linea descendente, vel illi etiam, qui ad captivitatem hujusmodi, open, vel operam impenderit, vel captivum Clericum in suis vinculis detinuerint, ad Ordines, seu Beneficia, aut etiam Prælaturas in nostra Diocesi, seu alia, in qua hæc fecerint, admittantur, cum ex delicto parentum ipso facto inhabiles reddantur ad hujusmodi consequenda. Statuentes; & mandantes Examinatoribus Clericorum, Capitulis, Conventibus, Patronis, & Archi-Diaconis, ac Prælati, ut nullum ex talibus ad Ordines admittant, Capitulum vero & Conventus, nullum ex eis ad Præbendam eligant; Patroni nullum ex ipsis præsentent: Archi-Diaconi & Prælati tales non investiant ullo modo: alioqui Capitula & Conventus, Patroni & Archi-Diaconi, ac Prælati, ipso facto jus suum amittant, & ea vice ad proximum superiorem devolvatur. Et nihilominus talium

personarum receptio, investitura & admissio sit irrita ipso facto, nec ipsis jus quærat in beneficiis sic adeptis. Feuda, & si qua prædicti sacrilegi ab Ecclesiis vel Ecclesiasticis personis tenuerint, post lapsum anni, per quem excommunicationem sustinuerint, ad Ecclesias & personas Ecclesiasticas libere revertantur, ita, ut si ipsi sacrilegi ultra se de hujusmodi feudis ingesserint, contra eos tanquam contra invalores Ecclesiarum, procedatur.

Verum, cum futuris periculis sit maturis remediis obviandum, ne post vulneratam causam ad remedium difficilius in bonis recurratur, de Clericis Clericos capientibus, aut capi mandantibus, aut adversus Ecclesiam se hostibus Ecclesie associantibus, Ecclesiasque invadentibus, ut contra sacrilegos hujusmodi perfectius, quo poterit, procedatur: statuimus, ut si qui Clerici & Prælati beneficiati, cujuscumque dignitatis, status, aut conditionis existant, bono opere spirituali rejecto in tam præsumptuosam & detestabilem profanditatem malorum dilabuntur, quod Clericos Religiososve personas capiunt, vulnerant, & detinent captivos, aut contra Ecclesias suas Cathedralis, aut alias, quarum Prælati, Canonici, vel Rectores existunt, cum hostibus ipsarum Ecclesiarum se confederant, vel in acie hostium contra suos Diocesanos, & Ecclesias armati comparent, Archi-Episcopos, & Episcopos, & Ecclesias suas, & Collegia, seu Capitula, vel bona eorumdem rapiunt, vel rapi faciunt, aut mandant, detinent, vel detineri mandant, seu arrestari procurant, per abusum & judicium potentie secularis; dum hæc vel eorum aliquod, per evidentiam facti vel sceleris perpetrati, aut per confessionem propriam coram duobus testibus fide dignis factam, aut Judicis sententiam, vel alio modo legitimo liquent, quos (salva poena Canonis) extunc, ut exnunc, absque alterius mandati expectatione, excommunicationis sententiam (quam in his scriptis, propter hoc tanquam delictum notorium in eos ferimus) incurrere volumus ipso facto. In qua quidem sententia, si per annum unum perseveraverint animo indurato, cum tanto gravius Clerici, cujus-

cujusunque status, dignitatis, aut conditionis existant, hujusmodi committentes, sint puniendi, quanto hæc sunt in ipsis magis detestanda, & tanquam ingrati.^(a) Cum autem Ecclesias proprias invaserint, dignitates, personatus, & beneficia sua amittere debeant, seu ea demeruerint, extunc post lapsum anni absque Judicis sententia, dignitatibus, beneficiis, personatibus, & omnibus, quæ in Diocesi, in qua præmissa, vel eorum aliquod commiserint, habent, & obtinent, virtute, & auctoritate præsentis Concilii nostri, ipso facto sint privati: quos etiam ex causis præmissis privamus eisdem, absque spe restitutionis ad ipsa, propter atrocitatem criminis in hoc casu: Mandantes, ut de ipsis dignitatibus, personatibus, & beneficiis per illos, ad quos hoc spectat, extunc ordinetur, & conferantur personis aliis intra tempus juris: alioqui eorum collatio ad Superiorem devolvatur. Et si antedicti Clerici sic privati, non obstant, quod forsitan de facto dignitates & beneficia habent, adhuc detinent, & Patroni de ipsis negligunt ordinare; post hæc se ingesserint dignitatibus, personatibus, & beneficiis eisdem: fructus suos non faciant, nec actus eorum Capitulares cuicumque suffragium præstent, vel afferant nocumentum. Clericos vero hujusmodi committentes, non beneficiatos, extunc ut exnunc excludi volumus, & inhabiles existere ad dignitates, personatus, officia, & beneficia quolibet in Diocesi, in qua talia perpetraverint.

III. *Ne quis Laicus exactiones Ecclesiarum imponat ratione Advocatie, quam super bonis Ecclesiasticis habet.*

Monemus item omnes Nobiles, terrarum Dominos, Scabinos, Consules, Judices, Sæculares, & Universitates, ac alios laicos, cujusunque status existant, ne de cætero occasione *Advocatarum*, quas quidam ex eis super bona Ecclesiastica habent, vel quocunque alio nomine, vel colore ad hoc quæsito, tallias, collectas, exactiones, petitiones, assisas ^(b), contributiones, servicia indebita, & ultra quam jus Advocatie, juxta Scabinorum sententiam, ubi Advocati

sunt, permittit, ipsis Ecclesiis, Ecclesiasticisve personis, hominibus, mancipiis, & bonis earumdem imponant, vel imponere, exigere, aut recipere præsumant: vel quominus bona Ecclesiastica colantur, & ipse Ecclesie eisdem pacifice fruantur, per arrestationem, vel prohibitionem, aut alias prohibeant, ne bona Ecclesiarum colant, vel homines suos, dum in expeditionibus suis vadunt, vel alio modo procedunt, in grangiis & curtiis earundem Ecclesiarum & Monasteriorum ponant, alias contra ipsos volumus procedi per sententiam excommunicationis, quousque satisfaciunt de commissis.

IV. *De invasoribus, occupatoribus, & detentoribus rerum, & bonorum Ecclesiasticorum.*

Item statutum Prædecessoris nostri ENGILBERTI quondam Colonienfis Archi-Episcopi, quod sic incipit: *Atque ad reprimendum importunam præsumptionem raptorum, predonum, & invasorum bonorum & rerum Ecclesiarum &c. innovantes, exnunc de verbo ad verbum, prout in eodem continetur, volumus, & præcipimus firmiter observari.* Similiter & statuta ejusdem nostri Prædecessoris ENGILBERTI, de effractoribus, & incendiariis Ecclesiarum, & quod sic incipit: *Contra incendiarios autem & effractores Ecclesiarum, & Monasteriorum, cum ipso facto sint excommunicati, &c. prout in eodem statuto continetur, innovantes, volumus, & præcipimus observari.*

V. *De occupantibus bona Ecclesiarum & Ecclesiasticarum personarum, & Legata fabricæ Ecclesiæ Colonienfis.*

Cum nonnulli tam Clerici, quam laici utriusque sexus homines, bona mobilia vel immobilia, ad Ecclesias, Monasteria, vel alia pia loca, nec non ad dignitates, personatus, & beneficia pertinentia, vel ad fabricam Coloniensem, & aliarum Ecclesiarum legata, seu bona illicite acquisita, ipsi fabricæ cedentia, aut tacite & expresse occupent, & detineant minus iuste in fraudem Ecclesiarum, & Monasteriorum, ac aliorum prædictorum: Nos eorum in hac parte fraudibus obviare volentes, statuimus, & præ-

(a) forte: ingrati.

(b) forte: accisias.

& præcipimus, ut quicumque, cujus-
cunque status, aut conditionis existant,
in præfenti, vel pro tempore, hujusmodi
bona & legata, ac illicite acquisita,
Ecclesiis, Prælati & Clericis scientibus
vel ignorantibus, sub se habuerint, in-
tra mensem a præfentis statuti publica-
tione ea, quæ ad præfens apud eos
sunt, & se habere sciunt, vel quocun-
que tempore, dum innotuerit ipsis, se
bona consimilia tenere, vel occupare,
similiter intra mensem, eisdem fabricæ
nostræ Colonienfî, & Ecclesiis, Mona-
steriis, Prælati, Ecclesiarum Rectori-
bus, aut aliis locis piis restituant, atque
reddant. Alias ad id extrunc per excom-
municationis sententiam compellantur.

VI. De vita & honestate Clericorum.

Statutum item bonæ memoriæ S.
FRIDI quondam Colonienfîs Archi-
episcopi, Prædecessoris nostri, inter alia
statuta sua de vita & honestate Clerico-
rum editum, quod sic incipit: *Ex Con-
cilio Generale statuimus, & præcipimus, ut
universi Clerici continenter & caste vivant &c.*
innovantes, præcipimus firmiter obser-
vari.

VII. De Vicariis, quo ad Versus & Lectiones in Matutinis.

Intelleximus etiam, quod quan-
quam in quibusdam Ecclesiis Vicarii ali-
qui adstricti sint suis septimanas serva-
re, celebrando Missas in principali, seu
summo Altari, & ceteras horas quas-
cunque, Lectiones tamen in Matutinis
legere, vel Versus cantare in eisdem Ec-
clesiis, de consuetudine prohibentur:
propter quæ, occasione Canonicorum
absentium, contingit interdum in eis-
dem Ecclesiis negligentias fieri, & Ma-
tutinas cum cantu penitus prætermitti.
Attendentes igitur absurdum esse, quod
majora & solenniora [ut est dictum]
ipsis Vicariis permittantur, utpote Mis-
sarum celebratio in summo Altari, &
minima denegentur: ad tollendam ne-
gligentiam hujusmodi, præcipimus De-
canis, ut ipsi Vicariis eisdem deinceps
injungant Versus cantare, & Lectiones
legere, prout viderint expedire. Eos,
qui ipsis in hoc non paruerint, sicut in
cæteris, corrigendo, salva correptione

contra Canonicos, qui in præmissis fue-
rint negligentes.

VIII. De ætate Presbyterorum ordinan- dorum.

Statuimus item, ut nullus Clericus
secularis ad Sacerdotii gradum, nisi
vigessimum quintum annum ætatis suæ
attigerit, aliasque ad hoc idoneus exite-
rit, ordinetur, ut levitate juvenili, quæ
prona est ad delictum, transcurfâ, Sa-
cerdotes in agendis discretionem habeant
suo statui congruentem.

IX. De concubiniis Clericis.

Quoniam item plures Canones, &
Statuta edita sint super continentia Cle-
ricali, quia tamen natura prona est
labilis ad incontinentiam: idcirco ut qui-
libet Clericus saltem pœnæ gravioris
formidine strictius se contineat; statu-
mus, ut nullus Clericus, & nullus om-
nino Presbyter, concubinam vel in do-
mo sua, vel extra publice teneat, aut
habeat: cui necessaria administret. Alio-
qui a Divinis noverit se suspensum: &
talibus suspensis celebrantibus, nullus
Divina audiat, nec pro Capellanis, nec
Sociis eos teneat. Contrarium facientes,
ut desistant, per excommunicationis sen-
tentiam arceantur, salvo pœnis per bonæ
memoriæ CONRADUM Archi-
episcopum Colonienfem, Prædecessorem
nostrum, contra concubinariorum, & con-
cubinas hujusmodi inhiuentis. Qui vero
relaxatis (c) voluntatem habent, in
lacum miseræ, & in lutum faciès se in-
mergunt, ut salutis æternæ coronam, &
honestatis normam, & sacrarum virgi-
num pudiciam violare præsumperint,
cujuscumque regulæ vel habitus monia-
lium tales existerint, propter tam flagi-
tiosum crimen, si carnis commercium
temerarium fuerit subsecutum, excom-
municationis sententia (quam in his
scriptis ferimus) se noverint innodatos.
Sanctimoniales vero, quæ hujusmodi
crimen flagitiosum perpetraverint, nul-
larenus deinceps ad officium aliquod in
Monasterio admittantur: sed in signum
iniquitatis suæ (salvis pœnis contra tales
Sanctimoniales editis, prout hæc in Con-
cilio Venerabilis Patris, Domini CON-
RADI Portuenfîs, & S. Rufinæ Episcopi,
olim

(c) forte: voluptatum.

olim Apostolicæ Sedis per Alemaniam Legati sunt promulgatæ) taliter a suis Superioribus corrigantur, quod earum correctio aliis terrorem incutiat, ea amplius non committendi.

X. Quod Clericis publica emenda & poenitentia non sit imponenda.

Item cum Clericis publica actio poenitentiae sit prohibita, statuimus, ut in nulla Ecclesiarum nostræ Civitatis, Diocesis, & Provincie, aliqua emenda seu poenitentia publica ipsis imponatur; cum ex talibus infames reddantur, sicut in aliquibus Ecclesiis intelleximus observatum: videlicet, quod Canonici & Clerici alii ante cruces in Processionibus, & in Choro, diebus, quibus ceteri in albis procedunt, in nigris cappis circum-eunt, & incedunt, in publico & in facie laicorum: quod de cætero in virtute sanctæ obedientie fieri prohibemus. Sed Superiores eorum, juxta qualitatem delicti, poenitentias ipsis Clericis imponant suo ordini congruentes. Si secus actum fuerit, decernimus ipsos Clericos ad hujusmodi emendas publicas non teneri.

XI. Quod novissimi Ordinati, ad sacros Ordines legant Epistolas, vel Evangelia.

Statuimus item, ut non nisi Ordinati legitime ad sacros Ordines, Epistolas, vel Evangelia legant, indui vestimenta sacris, cum id obviet Canonici institutis. Contrarium facientes a suis Decanis puniantur.

XII. Quod nullus Ecclesiam curatam teneat, nisi ab Episcopo, vel Archidiacono institutur.

Item statuimus, quod nullus Ecclesiam curatam de cætero teneat, vel regendam recipiat, aut susceptam tenere præsumat, nisi a Nobis, vel Archidiacono, & eorum vices gerentibus (quibus hoc de jure vel consuetudine competere dinoscitur) de eadem fuerit legitime institutus, cum alias non habeat claves ligandi, vel solvendi. Contrarium faciens, nisi dictam Ecclesiam dimittat, monitione viginti dierum præmissa; exnunc excommunicationis sententiam (quam in ipsum in his scriptis ferimus) incidat ipso facto, nec plebs ei obediat, vel intendat.

Tomus IV. Concilior. German.

XIII. Quod provisio de Beneficiis auctoritate Apostolica, se faciant juxta formam provisionis ordinari.

Statuimus etiam, ut quibus in nostra civitate est de Beneficiis Ecclesiasticis auctoritate Apostolica provisum, sic quod ad ea, prout onus beneficiorum eorundem requirit, promoveri teneantur; se faciant juxta formam provisionis eorundem ad dicta beneficia promoveri: aliqui ea vacare decernimus, & eorundem collationem devolvi ad superiorem, ut per ipsos intra tempus juris de personis aliis ordinetur. Et si contra hæc Clerici hujusmodi fructus eorundem beneficiorum perciperint, illos suos non faciant, nec ipsis ministrentur: quod in virtute sanctæ obedientie duximus injungendum.

XIV. Quod Fructus Canonico-rum suspensorum decedentium, cedant Ecclesie, & non Successoribus suspensorum.

Statuimus & hoc, ut, si qui Canonici suspensi decederint, quod propter hoc Ecclesie annis gratiæ & eorum fructibus post obitum cujuslibet ex consuetudine currentibus non fraudentur: Sed ipsis Ecclesiis, & non Successoribus suspensorum, cedant pro redditibus perpetuis comparandis, ad communem utilitatem Ecclesiarum, ne Ecclesie ipsæ ex alieno delicto jacturam sentiant in hoc casu.

XV. Quod Clericus non leget concubinis suis, vel spuris animam gratia sua.

Nullus item annis gratiæ abutens, fructus annorum suorum spuris; vel concubinis suis leget aut donet. Contrarium faciens, Ecclesiastica careat sepultura & legatum hujusmodi non teneat in hoc casu, sed cedat Ecclesie a qua processit. Item Vicarii Ecclesiarum collegiarum, vel aliarum Ecclesiarum, ad ordinem, quem onus beneficiorum suorum requirit, a tempore susceptorum beneficiorum promoveantur, & personaliter resideant in eisdem. Alias eisdem Vicariis seu Beneficiis, si non promoventur, nec personaliter eas deservierint, ipso facto, post lapsum anni juris, impedimento cessante, sint priva-

Q 2

d,

ti, & Collatores eorundem Vicariorum seu Capellaniarum, de ipsis, personis aliis (id facientibus) studeant providere. Idem de Vicariis jam existentibus volumus observari, ne votum Christi fidelium, qui huiusmodi Vicarias pro remedio animarum suarum, vel pro cultu Divino ampliando instituerunt, & dotaverunt easdem, per alium non promotorum & non deservientium negligentiam defraudentur.

XVI. De Campanariis, quod sint literati & in albis ministrarent.

Presbyteri item, sub albis, camisas habeant. Et campanarii (quos literatos semper assumi volumus, ut saltem in responsionibus communibus Presbytero valeant respondere) similiter tempore Divinorum camisis mundis, & albis sint induti, nec quotidianis vestimentis suis in suo officio administrent indecenter: alias per locorum Decanos & Plebanos, ad sui officii exercitium nullatenus admitantur: quod ipsis Decanis & Plebanis in virtute sanctæ obediencie duximus injungendum.

XVII. Quod Decani & Plebani locorum, examinent ornamenta Ecclesiæ.

Decani item & Plebani examinent libros, & ornamenta necessaria, ad Divinum cultum in Ecclesiis sibi subiectis, & ubi necesse fuerit, per conservatores dictæ Ecclesiæ & Parochianos intra mensem post admonitionem eorundem suppleri faciant, in rebelles excommunicationis sententiam promulgando.

XVIII. Quod fructus Canonicorum suspensionum cedant Capitulis, non singularibus de Capitulo personis.

Statuimus item, ut fructus Canonicorum suspensionum, durante suspensione eorundem, cedant Capitulis ad communes usus Ecclesiarum suarum, prout in Ecclesia nostra Colonienſi observatur, cui expedit in hoc casu ceteris nostræ Diocesis & Provinciæ Ecclesiis conformari: ne ipsi Canonici suspensi, eosdem fructus per aliquas alias personas singulares, vendicantes sibi, ex

aliqua consuetudine, immo potius corruptela, ipsos competere, recuperent: & per consequens, ad frequentationem chori, per suspensiones huiusmodi nequeant coartari: si tamen constet, ipsas personas singulares, per dictorum fructuum restitutionem dare Canonicis suspensis occasionem, suspensiones huiusmodi non curandi.

XIX. Quod Ecclesiæ vel Cemiterium non consecrentur, nisi de dotatione loci Diocesano constiterit.

Inhibemus item, ne aliqua Ecclesia, vel cemiterium, dotata, de qua dotatione ante omnia Nobis, seu loci Diocesano fidem fieri volumus, amodo consecrentur.

XX. Quod Parochiani non nisi a suo Plebano communionem recipiant.

Statuimus item, ut nullus Parochianus ab alio, quam a suo vero Plebano communionem recipiat, nisi de hoc privilegiis authenticis sit munitus. Contrarium facientes, a perceptione Corporis Christi abſtineant, quousque ipsi Plebano satisfecerint de contemptu.

XXI. Quod non sunt imprecationes, nec cæctur MEDIA VITA, contra aliquas personas.

Prohibemus item, ne in aliqua Ecclesiarum nobis subiectarum, imprecationes fiant, nec decanetur MEDIA VITA contra aliquas personas, nisi de nostra licentia speciali, cum nostra intersit discutere, quando sint talia facienda.

XXII. De Matrimoniiſ Clauſestinis.

Prohibemus item, ne quis Matrimoniiſ Clauſestinis interſit, & quod proclamaſiones fiant ubique de Matrimoniiſ contrahendis. Et si qui contrarium fecerint, & excommunicationis sententias inciderint, abſolutiones talium, Nobis seu nostro Officialiſ ſpecialiter reſervamus.

XXIII. *Quod annus Domini (a) de cætero in Nativitate Domini observetur, & innovetur.*

Statuimus etiam, ut exnunc de cætero annus Domini observetur, ut in Nativitate Christi innovetur quolibet anno, prout sacrosancta Romana Ecclesia id observat, quæ est omnium Ecclesiarum caput & magistra: ut errores & difficultates (qui propter diversitatem inceptionis anni Nativitatis ejusdem multoties eveniunt) de cætero evitentur.

XXIV. *De Tabellionibus.*

Statuimus item, ut Tabelliones seu Notarii publici, quoties alicui appellationi, protestationi, aut provocationi aliive actui in publico faciendo interfuerint, provideant sibi, ut Officiali nostro, seu Judici, aut aliis, coram quibus appellatur, dent sub eodem contextu copiam appellationis sub expensis appellantis: quas appellantis seu provocantis, & protestantis aliqua fieri volumus, ut Judex, an deferat appellationi, nec ne, deliberare valeat, ne ipsis Judicibus, qui limitatum terminum super hoc a jure habent, currat tempus. Item cum Officialium tabellionatus sit publicum, & communis, ut quilibet tabellio, nisi & confecti per ipsum, intra sex dies, quam ex parte illius, cujus interest, fuerit requisitus, sub expensis partis hoc requireris, quas per taxationem Curie nostræ, & Diocesis cuiuslibet taxari volumus, copiam sub sigillo suo det, & assignet. In quibus duobus articulis si tabelliones negligentes fuerint, & de hoc constiterit per rei evidentiam, aut alio modo, ac ipsi appellantes seu protestantes hujusmodi facere contempserint; ex tunc excommunicationis sententiam incidunt, cujus relaxationem Nobis specialiter reservamus.

XXV. *De Sacramentis.*

Item statutum pie memorie SIFRI DI Colonienfis Archi-Episcopi Prædecessoris nostri, de septem Sacramentis, inter alia statuta sua editum, quod inci-

pit, Statuimus, ut baptizantur bono aliter celebretur &c. in omni sua forma, pro instructione simplicium Clericorum, qualiter in administratione eorundem Sacramentorum se habere debeant, volumus, & præcipimus observari.

XXVI. *Quod Plebanis non denegetur Chrisma vel Oleum factum.*

Statuimus etiam, ut nullis Plebanis Chrisma vel Oleum factum, ab his, qui hæc administrare solent, occasione cuiusvis petitionis cathedralici, seu synodatici non soluti, denegetur vel subtrahatur: cum necessarium sit in Vigilia Paschæ, & aliis temporibus, pro renovatione fontis baptismatis, hæc in Ecclesiis haberi: sed ad solutionem predictorum, dicti Plebani, si necesse fuerit, viis aliis compellantur, ne parochianis ex alieno delicto, Sacramenta prædicta, quæ gratis dari debent, indebite subtrahantur.

XXVII. *De Statu Religiosorum.*

Item statuimus, ut Religiosi Ordinis B. Benedicti Abbatis, in crastino exaltationis sanctæ Crucis, omni anno celebrent Concilia sua in Civitatibus Cathedralibus, & in Monasteriis sui Ordinis, si qua sunt in eisdem: alias in vicino in aliqua Ecclesia dicte civitatis, quam ad hoc viderint sibi aptam. Ad quod Concilium Abbates singulorum Monasteriorum, quilibet eorum cum duobus Monachis veniant, & habeant inter se duos Superiores Abbates ordinis sui dicte Diocesis, qui procurent ibidem legi Regulam B. Benedicti, & Provinciale Concilium bonæ memorie Domini CONRADI Colonienfis Archiepiscopi Prædecessoris nostri super statu & Regulari disciplina dicti ordinis per ipsum olim observatum. Quod quidem Concilium sic incipit: *In Nomine Domini Amen.* (b) *Conradus Dei Gratia sanctæ Colonienfis Ecclesie Archiepiscopus: salutem & bono statui omnium, cujuscunque Professionis seu Ordinis, sed nostrorum Dominorum maxime debitoris existentes in Domino, sicut in nostra visitatione negotium informationis, & correctionis*
Q 3 Cleri.

(a) Ante MCCCX. Ecclesia Colonienfis cum Gallicana Annus a Paschate auspicabatur. Anno MCCCCXXVIII. adhuc annus Rectoris Magnifici & Decanorum inchoabatur a die Annuntiatione Virginis 25. Martii, pridie enim 24. Martii erat Electio Rectoris & Decanorum, si anno integro Magistratus gessissent, quod tam raram erant: non enim ultra trimetris obligabantur.

(b) Tomi III. Concil. nostrorum pag. 594. de anno 1260. totum refertur.

" Clericis per statuta Canonica expedi-
 " mus competenter, ita de Monachis
 " satagentes id ipsum suo modo, quo
 " comperens fuerit, expedire, imprimis
 " statuimus, quod omnium Monasterio-
 " rum nigri habitus Monachi Ordinis S.
 " Benedicti, Divinum Officium in can-
 " tando & legendo, secundum quod re-
 " gula ejusdem S. Benedicti præcipit,
 " exsequantur: & sic finit. Datum &
 " pronuntiatum Colonie quarto idus
 " Martii. Anno Domini MCCLX. "

Quæ etiam statuta sunt ab aliis Præ-
 decessoribus nostris, de observantia regulæ,
 ibidem legantur. Et si qua pro Mona-
 steriorum dicti ordinis statu, & cor-
 rectione fratrum rebellium, ac Divini cul-
 tus ordinatione ordinanda sunt, ordinen-
 tur: & quæ ibidem distincta secundum
 eorum regulam fuerint, observentur. Si
 qui vero Monachi rebelles fuerint, nec
 per Abbates corrigi possent, illos Nobis,
 vel loci Diocæsano volumus præsen-
 tari.

XXVIII. *Item de Monachis & Monia-
 libus.*

Si qui etiam Monachi vel Sanctimon-
 niales beatorum BENEDICTI & AUGUSTINI
 Ordinum, præter superioris licentiam bona mobilia apud se, vel apud
 alios in deposito negotiationis, aut alia de
 causa habuerint, illa suo superiori & con-
 ventui resignent, & eisdem ad cautelam
 quolibet anno intra quindenam ante Fe-
 stum Paschæ intiment, specificent, reve-
 lent, & demonstrent, & ad manus ejus-
 dem superioris Abbatis in præsentia con-
 ventus resignent penitus, atque tradant
 Monachi & Moniales ejusdem. Con-
 trarium facientes, seu qui bona hujus-
 modi dolo deserint possidere, excom-
 municentur, & puniantur secundum inde
 statuta. Et quicumque alii utriusque
 sexus homines, præfata bona sub quovis
 nomine sub se habuerint, tales, nisi e-
 dem bona intra mensem simili modo ad
 manus Superioris ejusdem Monachi vel
 Monialis reportent & resignent, excom-
 municationis volumus sententiam incur-
 rere eo facto.

Item de eisdem.

Item præcipimus & statuimus, ut
 Monachi & Moniales in civitatibus atque

villis absque religionis habitu non discer-
 rant: nec ullus Monachus seu Monialis
 in pluribus Monasteriis, quod (b) in
 uno, Dignitates, Personatus seu Officia
 & Præbendam obtineat: sed recepta se-
 cunda dignitate, Personatu, Officio cum
 Præbenda, Collator primæ dignitatis,
 Personatus, Officii, & Præbendæ Prio-
 ris, eam seu eas alii conferat intra tem-
 pus juris: nec Monachis, vel Moniali-
 bus prædictis, tempore absentie suæ fructus
 cedant suarum Præbendarum: quia
 sic viderentur aliquid proprii possidere.
 Sed Monachis ad studendum aptis, de
 suorū Superiorum providentia poterit
 de necessitatibus provideri.

Item adhuc de eisdem.

Item statuendo prohibemus, ne in
 aliquo Monasterio Monachorum, vel
 Monialium, cujuscunque conditionis vel
 regulæ existant, in receptione vel ad-
 missione Monachi seu Sanctimonialis ad
 ipsum ordinem, pecunia exigatur, vel
 pro receptione talis personæ ad religio-
 nem, pacta, conditiones, aut conven-
 tiones de pecunia, vel alia re temporalī
 ipsi Religiosi faciant, quovis nomine vel
 colore ad hoc quæsito: quod ipsis om-
 nibus, & singulis in virtute sanctæ obe-
 dientiæ duximus injungendum. Sed id
 ex post parentes & amici personæ
 receptæ pro elemosyna & devotionis
 causa, absque pacto libere contulerint,
 recipere valeant, dum tamen id fiat pure
 & simpliciter sine fraude.

Item quarto de eisdem.

Ceterum statuimus, ut Moniales
 ipsæ, sub perpetuo in suis Monasteriis
 clausura maneant, ac nulli (nisi de illius,
 ad quem pertinuerit, speciali licentia)
 ingressus vel accessus pateat ad easdem:
 ut sic a publicis, & mundanis conspecti-
 bus separate, Domino liberius servire
 valeant, ac læviendi opportunitate sub-
 lata, ipsi Domino JESU CHRISTO,
 cui integritatem suam spontanea volun-
 tate devoverunt, corda & opera sua in
 omni sanctimonia custodiant, juxta con-
 stitutionem D. BONIFACII Papæ VIII,
 quæ incipit: *Periculoso & detestabili quæren-
 dam Monialium status &c.* quam in præ-
 missis & aliis in eadem constitutione de-
 tentis, volumus, & præcipimus firmiter
 obser-

(b) quam, loco: quod.

observari. Nulla etiam mulier solenne votum continentiae emitat, quæ non elegerit suo clausura certa, vel approbata alicujus Ordinis remanere: ne propter levitatem sexus, si in sæculo remanserit, sicut prius, continentiae votum dissolvens, gravius delinquat in hoc casu: nisi ad talem ætatem pervenerit, quod de incontinentiæ vitio amodo contra ipsam suspicio non habeatur.

Quia vero per præsentia statuta nostra *Provincialis*, communi utilitati Ecclesiarum & Ecclesiasticarum personarum, pro conservatione libertatis earundem, ac repressione ipsas infestantium, ut speramus, auctore Domino salubriter providetur; præcipimus & mandamus in virtute sanctæ obedientiæ, ut statuta nostra ab omnibus Ecclesiis, & Ecclesiasticis personis nobis subditis, & in hoc Concilio nostro congregatis, inviolabiliter, fraude, & dolo seclusis, firmiterque observentur. Alias post tres menses a publicatione præsentis statutorum eorundem, volumus venientes contra ipsa, extunc poenas incurrere contentas in eisdem.

Et ne quenkum ipsa statuta lateant, vel latere possint, statuimus, ut Collegia, Capitula, Conventus, Monasteria, Decani, Ecclesiarum Rectores, & cæteri, quorum interest, intra dictos tres menses a publicatione Statutorum ipsorum, copiam recipiant & sibi procurarent eorundem. Alioqui ipsos, qui in hoc culpabiles extiterint, extunc suspendi volumus ab officio Divinorum.

Actum, pronuntiatum, & datum in Palatio nostro Colonienfi, præsentibus Venerabilibus *Guidone Traiectensis*, *Engilberto Osnabrugensis*, *Godefrido Mindensis Ecclesiarum Episcopis*, nec non Nuntiis solennibus Venerabilis *Theobaldi Leodiensis Episcopi*, & Capituli *Monasteriensis*, Sede ipsa vacante: ac Prælati, & Clero nostræ Civitatis & Diocesis Colonienfi in dicto Concilio solenniter congregatis, in crastino Dominicæ *Innocentii*, nec non feria tertia & quarta sequentibus, Concilio ipso durante, Anno Domini MCCCX.

Statuta Synodorum Colonienfium, anno 1354. impressa Colonia apud barethes Quentel.

CONCILIIUM TREVERENSE PROVINCIALE

Anno Christi MCCCX. Clementis V. Papæ VI.
Henrici VII. Regis II.

SUB BALDUINO, ARCHI-EPISCOPO TREVERENSI,
HENRICI VII. REGIS FRATRE.

DIVISUM EST IN CAPITA CLVI.

IN NOMINE DOMINI. AMEN.

Ista sunt Statuta salubria Provincialis Concilii Trevirensis, edita per Reverendum in Christo Patrem & Dominum, Dominum BALDUINUM, Dei gratia, Sanctæ Trevirensis Ecclesiæ Archi-Episcopum, Sacri Imperii per (a) Regnum Arelatense Archi-Cancellarium, & publicata in Ecclesia Beati Petri Trevirensis, Anno Domini MCCCXXXIX. (b) die (c) mensis Aprilis, (d) & approbata concorditer per ipsum (e) Provinciale Concilium. Inter quæ quam plures

(a) Galliam &

(c) XVIII. die mensis Aprilis.

(e) Episcopi Provinciæ Trevericæ anno 1310. erant Ruinaldus de Bar, Episcopus Metensis, ab A. 1301. ad 1316. Joannes d'Arfillieres Episcopus Tullensis ab A. 1310. ad 1320. Nicolaus de Nova villa Episcopus Verulanensis ab A. 1310. ad 1313. sub Balduino, Comite Luxemburgensi, Metropoli Trevirensi, ab A. 1308. ad 1355.

(b) decimo.

(d) ratificata &

plures instructiones Canonice ad laudem Dei & necessariae (f) ad utilem eruditionem personarum Ecclesiasticarum, & Sæcularium Trevirensis civitatis ac Provinciæ continentur.

I. De excrenda Justitia adversus violentos Ecclesiarum oppressores.

Quoniam (g) quidem esse omnium perfectissimam virtutem arbitrandum esse hominibus, justitiam scilicet, quæ suum omnibus distribuit, conatus illicitos reprimens, & errata condemnans, quæ aliis augetur virtutibus & perficit virtuosos; eo quod justitiam colere, summum noscitur esse bonum; quod & licet universis incumbat, specialiter tamen in pontificali culmine constitui, qui juris executores existunt, (h) tenentur justitiæ, eo quod reintegranda omnia sunt ordinatione Pontificum ipsorum (i) secundum varietatem temporum, per quorumcumque violentiam, oppressiones & fraudes ab Ecclesiis subtrahuntur, Ecclesiasticis quæ personis ablata sunt. Ad hoc enim Deus (k) præordinavit Episcopos, ut injustitias removeant, presumptiones abiciant, & Domino in suis servientibus opem ferant. Quod maxime fieri convenit, cum illi graviter opprimunt, de quibus dictum est: *Nolite tangere Christos meos*, (kk) per quos Presbyteri & hi, qui in sorte Domini assumpti sunt, non absque mysterio nuncupantur. Porro quantis oppressionibus & violentiis, injuriis, blasphemis & jacturis his diebus per (l) hostis antiqui versutias afficiantur, crucientur, ledantur, & opprimantur contra justitiam in nostra Trevirensi Provinciâ, personæ Ecclesiasticæ & Presbyteri, illi potissime, qui serventiores in servicio Salvatoris existunt, nullus est, qui hæsitet. Obquam rem & licet omnes (m) humiliter oporteat sub potenti manu Dei, ut in tribulationis tempore liberentur, ex injuncto tamen Nobis officio Pastoralis hujusmodi insolentis tenemur obistere, ac per defensionem justitiæ

eos mucrone inexpugnabili constitutionum utilium contringere, ut (n) resistere valeant ascendentibus ex adverso. Cum itaque considerata locorum, hominum, & temporum conditione introducantur causæ, scripturarum (o) remedia rationes & jura, quod in Apocalypsi competenter describitur, dum Johannes septem Ecclesiis scribit, in unaquaque earum specialia vitia (p) comprehendens: quod (q) secundum Apostolum evidenter declaratur, dum per singulas singulariter Ecclesias diversis remediis medetur illatis vulneribus. Ne per exhibitionem unius solius Collyrii adinstar periti medici perireum omnium oculi curarentur. (r) Pro communi omnium nostrorum utilitate subditorum, provida deliberatione statuimus, atque (s) præcipimus, incendiarios Ecclesiarum, locorum religiosorum, ac eorum receptatores scienter, singulis diebus Dominicis excommunicatos denunciari per omnes conventuales & parochiales Ecclesias & per omnia Monasteria tam Monachorum, quam Monialium Civitatis, Diocesis, Provinciæ Trevirensis, decernentes ipsos ex tunc ab omnibus evitandos. Cum autem ipsi incendiarii post publicationem hujusmodi excommunicationis absolvi non possint, nisi a summo Pontifice; Nos, ut lidem incendiarii & Receptores eorum super hoc aliquam ignorantiam non prætendant, statuimus, ut hoc ipsis intimeretur per parochiales prædictos ante denunciationem prædictam.

II. Contra Prædones & Violatores Ecclesiarum.

Item de Violatoribus Ecclesiarum & Monasteriorum, seu quorumcumque religiosorum & sacrorum locorum fratribus, statuimus, quatenus in loco, ad quem prædam Ecclesiarum & locorum

- (f) necessariam & utilem. (g) Unam quidem esse omnium perfectissimam virtutem arbitrandum est hominibus, justitiam scilicet. (h) & ad exercitium tenentur, (i) quæcumque (k) præordinavit (kk) Psalmo CIV, 15. (l) exquisitas (m) I. Petri V, 6. (n) resisti valeat. (o) scripturarumque (p) comprehendens. (q) Quin etiam (r) præcipimus. (s) Caput secundum: De incendiariis Ecclesiis. (t) Caput tertium: De violatoribus Ecclesiis.

rum seu personarum Ecclesiasticarum duxerint, quamdiu est, & erit ibi præda, vel ipse prædo, vel prædæ emtor, cessetur videlicet in ejusdem loci Parochiali Ecclesia penitus a Divinis per eorundem Ecclesiarum Parochiales Presbyteros, cujuscumque superioris Judicis Ecclesiastici Trevirensis Provincie mandato minime expectato: ita tamen, quod iidem Parochiales Presbyteri causam cessationis hujusmodi, contra quem & pro quo eadem sit cessatio, suis Episcopis, seu Officialibus eorum quam primum commode potuerint, non differant intimare. Si autem in ipsa Parochia Conventus seu Collegium fuerit, januis clausis ejusdem Parochie, Parochianis exclusis, voce submissa, ita quod foris audiri non valeant, Divina celebrentur ibidem.

III. (f) De Parochianis, qui sine officio Missæ sepeliuntur.

Si quis autem Parochianorum prædictorum decesserit, sine officio Missæ cum solis commendationibus sepeliatur in atrio, excepto prædone, prædæ emtore, fautoribus, seu receptatoribus eorundem. Præmissa vero servantur, quam cito de præmissis constiterit, per facti vel spoli evidenciam vel Sacramentum spoliari, si honesta sit persona. Si quid autem circa præmissa, & cessationes hujusmodi dubitationis, seu questionis emeris; iudicio Episcoporum, (u) & aliorum generalium Officialium, quorum idem est auditorium, relinquatur; per quos restituta præda, resumptis organis, iidem violatores, tractores, prædones, fautores, & receptatores eorum damna & interesse (w) spoliato Parochialibus Ecclesiis & Presbyteris per censuram Ecclesiasticam restituere compellantur, quæ ratione cessationis hujusmodi spoliatus, eadem Ecclesiæ & (x) Presbyteri incurserunt. Super quibus damnis credatur juramento spoliati & Presbyteri, si honeste sunt persone, & excommunicati nuntientur usque ad satisfactionem condignam præmissorum.

IV. Contra Raptores. (y)

His autem adjicientes decernimus, ut si raptores, violatores, seu prædones quarumcunque rerum vel personarum Ecclesiasticarum infra mensem, a quo, ut prædicitur, cessari contigerit, contra eos prædam non restituerint, nec satisfecerint de præmissis, absque alio mandato, auctoritate præsentis statuti; per Parochiales Presbyteros excommunicentur, & excommunicati ipso facto sint, & etiam (z) nuntientur, interdicta terræ eorundem raptorum, violatorum, & prædonum, si quam habent. Et si Dominum Superiorem habeant temporalem, moneatur Dominus, ut eos ad condignam satisfactionem compellat infra alium mensem a tempore monitionis sibi factæ. Quod si facere neglexerit, extunc terra ejusdem temporalis Domini sub Ecclesiastico sit posita interdicto. Quod autem dicimus de raptores, extendi volumus in eum, qui rapinam fieri procuraret.

V. De captione Clericorum. (a)

Statuimus, ut captivatores Clericorum absque auctoritate Superioris Ecclesiastici, qui hoc facere possit & debeat, de qua quidem auctoritate consistit: adjuutores & defensores eorum, quam primum de captivazione hujusmodi constiterit per evidentiam facti, vel alias legitime, per Parochiales Presbyteros excommunicati denuntientur. Si autem a die denunciationis Clericum captivatum infra triduum non restituerint, terra ipsorum, si quam habent, Ecclesiastico sit supposita interdicto. Si vero a tempore interdicti hujusmodi infra mensem non respuerint; eorum Domini temporales a locorum Ordinariis moneantur, ut captivatores & detentores Clericorum ad eorum restitutionem compellant, alioquin ipsi Domini (b) per Ordinarios excommunicentur, ac excommunicati denuntiari mandentur. Quod si excommunicationis sententia non proficit, contra eos terræ ipsorum, si quas habent, extunc Ecclesiastico sint suppositæ interdicto.

VI.

(f) Caput quartum: De sepultura interdictorum.

(w) spoliatus

(y) Caput V. De restitutionibus spoli.

(u) Caput VI. De captivatoribus Clericorum.

(a) & eorum

(x) Presbyteriorum

(z) publice nuntientur.

(b) temporales

VL (c) *Ut raptus denuntiatur excommunicatus.*

Et quia super constitutionum & sententiarum executionibus est juris subsidium, & ordinariorum Judicum auxilium implorandum; statuimus, quod si raptores, captivatores, prædo excommunicati fuerint nuntiati; vel terræ eorum, si quas habeant, interdictio sint suppositæ a Judice ordinario unius Civitatis, vel Diocesis, Provincie Trevirensis; aliarum Diocesum ejusdem Provincie Ordinarii, qui ex parte spoliatorum seu captivorum super hoc requisiti fuerint, in finis Civitatibus & Diocesis eundem raptorem seu captivatorem excommunicatum denuntient, ipsamque faciant ab omnibus evitari; terras, si quas habeat, sub suis jurisdictionibus Ecclesiastico interdictio supponentes.

VII. (d) *Contra Celebrantes in locis interdictis.*

Item, statuimus, si Presbyter vel Clericus in sacro Ordine constitutus, in ipso interdictio scienter celebraverit; vel ipse Presbyter vel Clericus interdictus, suspensus, vel excommunicatus, maxime a Judice, Divina, ut prius, celebrare pertinaciter præsumpserit; & a loci Ordinario monitus non desisterit, ac infra competentem dilationem secum super hoc canonice dispensari non obtinuerit, per suum Episcopum & ad mandatum suum, ut sit cæteris in exemplum, corporaliter capiatur, ut circumstantiis provida deliberatione pensatis, in perpetuum, vel ad tempus, prout Episcopus expedire providerit, carceri mancipetur ad poenitentiam peragendam.

VIII. (e) *Contra non velle tonsurantes.*

Item cum ante Sacramentale signum, quod per manus impositionem imprimitur & confertur, nullus secundum B. ISIDORUM dici debeat de sorte Domini; sub poena excommunicationis lætæ sententiæ firmiter precipiendo statuimus, ut nullus de civitate, Diocesi, & Provincia Trevirensi signum Clericale, seu Clericalem tonsuram, per quam secundum veriorum sententiam Ordo Cle-

ricalis confertur, deferat, seu sibi radi faciat, acolythatus etiam ordinem non recipiat, antequam per eum, qui possit & debeat, sibi in collatione primæ Clericalis tonsuræ manus impositio & benedictio Sacramentaliter imponatur.

IX. *Ne plures uno die recipiantur Ordines.*

Item sub poena excommunicationis lætæ sententiæ omnibus subditis nostræ Civitatis, Diocesis, & Provincie Trevirensis, propter multorum abusum clandestinum, qui hætenus fieri consuevit, inhibemus, ne quisquam eorum primam tonsuram cum aliis omnibus minoribus, seu acolythatum cum sacro Subdiaconatus ordine, maxime cum consuetudo Trevirensis Provincie repugnet; una & eadem die recipere præsumat. Quod si contra præsumptum fuerit, hujusmodi ordines totaliter jure reprobande recipiens ab executione eorumdem Ordinum sit suspensus, cum receptio plurium Ordinum una die sit generaliter reprobanda.

X. *Ne spiritualia vendantur ante receptionem.*

Item cum spiritualia, nullo dato promisso, per quod privata utilitas, seu lascivia induci valeat, pure & simpliciter conferri debeant, prout in antiquis Sanctorum Patrum Sanctionibus continetur: sub poena excommunicationis lætæ sententiæ omnibus personis Ecclesiasticis Civitatis & Diocesis Provincie Trevirensis firmiter inhibemus, ne quisquam ante vel post receptionem, in Canonicum, in Monachum, vel in fratrem, seu adoptionem cujuscumque beneficii Ecclesiastici, ratione hujusmodi receptionis prandium seu convivium commune, prout hætenus in quibusdam Ecclesiis fieri consuevit, seu eidem prandio, in quo non morum commendanda instructio, sed reprobanda ventris repletio fieri consuevit, interlit. Verum, ut ad honorem Dei, & Ecclesiarum decus, utilitas augeatur, precipimus, quod in Ecclesiis, in quibus super hujusmodi conviviis tempore præsentis statuti consuetudo servabatur, loco convivii hujusmodi post receptionem pure & simplici-

(c) Caput VII. *Honthemio.*

(d) Caput VIII.

(e) Apud illum Honthemium sequitur Caput IX. *De Executionibus Testamentorum.*

ter factam, præstetur una cappa ad ornamentum Ecclesie valoris centum grossorum Turonensium antiquorum, ubi alias cappa majoris vel minoris pretii minime solvebatur.

XI. *Ut nullus alium præsentet.*

Item sub pœna læte sententiæ omnibus perpetuis Vicariis Civitatis, Diocesis, & Provinciæ Trevirensis inhibemus, ne quis alium Vicarium, seu perpetuum mercenarium ad titulos Vicariorum suarum, prout hactenus factum fuisse comperimus, præsentare præsumat, nec admittatur ad Ecclesiam taliter præsentatus, decernentes irritum & inane, quidquid contra hoc fuerit attentatum.

XII. *De non resistentibus.*

Item sub prædicta pœna firmiter præcipimus, ne quæcunque persona Ecclesiastica nostræ civitatis, & Diocesis, Provinciæ Trevirensis grossos fructus Ecclesiastici beneficii percipiat, nisi in eodem beneficio residentiam fecerit, ut tenetur, & faciat personalem, nisi cum eo fuerit dispensatum.

XIII. *Contra Executores testamentorum.*

Item, quia Executores testamentorum, seu ultimarum voluntatum decedentium, plerumque in nostra civitate, Diocesi, & Provincia Trevirensi, executionem testamentorum hujusmodi, etiam super his, quæ a testatoribus ad pias causas legata vel disposita sunt, nondum infra annum, sed plerumque biennium, & tempus multo longius adimplere negligunt: quin imo plerique executores bona decedentium hujusmodi sibi appropriantes, dividentes inter se, præfatas ultimas voluntates & dispositiones dolose exequi totaliter prætermittunt: quamquam secundum civiles etiam sanctiones extrema voluntas testatoris cujuslibet infra annum debeat executioni demandari, alias est defunctorum piis voluntatibus per locorum Episcopos providendum: innovando statuimus, quatenus iidem Executores per locorum Ordinarios moneantur, ut factis primitus, & quam cito fieri poterit, ab eis inventario super bonis receptis, infra annum a tempore obitus testatoris, & hujus executores receptas ultimas dispo-

sitiones prædictas, præcipue ad pias causas, fideliter exequantur: super quo locorum Episcopis, seu eorum vices gerentibus fidem faciant, alioquin Executores prædicti bona executioni sibi commissa Episcopis deliberent anno lapso, per manus Episcoporum, secundum dispositionem defuncti dividenda, & ordinanda. Quod si executores ipsius facere contemlerint, ipso facto, sententiam excommunicationis incurrant: quam excommunicationis sententiam, si per alium mensem indurato animo sustinuerint, ex tunc cessetur in Parochiis usque ad satisfactionem condignam. Contra eos, si Episcopis expedire videbitur, penitus cessetur a Divinis.

XIV. *Contra gerentes cucuteras (d) & rigatas. (e)*

Item, cum prima facie quilibet præsumatur talis, qualis is esse, cujus habitum fert, comprobatur, & in nostra Civitate, Diocesi, & Provincia Trevirensi quam plures Presbyteri, Canonici, & Clerici rigatas & scataras vestes gestantes, nec non mitras, ut vulgariter dicimus, seu cuculas, [f] coram Episcopis & Ordinariis, & etiam in Ecclesiis, in quibus beneficia obtinent, deferentes, venerabile signum Clericale, per quod ipsi in sortem Domini sunt, deferre præsumptuosa superbia vilipendant, ut milites armatæ militiæ esse videantur, qui sanctæ cœlestis militiæ esse debent, & quibus non sub terreftris, sed cœlesti militia stipendiis provideretur; sub pœna excommunicationis læte sententiæ omnibus Presbyteris, Canonicis, & Clericis in sacris Ordinibus constitutis, & beneficia Ecclesiastica obtinentibus, firmiter inhibemus, ne deinceps hujusmodi vestes rigatas & scataras in Ecclesiis, in quibus Beneficii existunt, tempore, quo celebrantur Divina, de cætero deferre præsumant; sed consuram Clericalem convenientem deferant secundum qualitatem Beneficii & conditionem personæ, honeste, gestu, habitu, & incessu taliter se habentes, ut honeste vivendo in conversatione laudabili sint cæteris in exemplum.

(d) cucutera cucula, tegumentum capitis, simile cucullo monachali.

(e) rigata, id est, similis depicta variegata.

(f) scataras, in scacarij speciem variegata.

XV. *Contra Beneficiatos non tonsuratos per manus Episcopi.*

Item, abusus damnablem, qui in nostra Civitate, Diœcesi, & Provincia Trevirensi inolevit, amoventes, omnibus personis nobis subditis sub pœna excommunicationis latæ sententiæ firmiter inhibemus, ne quis antequam primam tonsuram per manus impositionem Sacramentalem receperit, sibi de quocumque Beneficio Ecclesiastico provideri procuret. Si autem contrarium per quamvis personam factum est, illud extunc decernimus irritum & inane.

XVI. (f) *Contra Presbyteros exigentes a Parochianis pecuniam.*

Item cum secundum Canonicas sanctiones nihil sit pro Sacramentis Ecclesiasticis exigendum, sed sint gratis & sine dilatione aliqua exhibenda (quantum pie consuetudines super his erga sanctam Ecclesiam pia devotione a fidelibus introductæ debent observari) quam plures parochiales Presbyteri nostræ Trevirensis Provinciæ, prout didicimus, ubi consuetudo non est super certo eis dando, consuetudinem prætendentes, pro sepulchris, Christinis, & Unctionis receptione, & administratione immoderatos pecuniæ nummos, & alias res extorquent ac exigunt ab invitis; inessrenatam utique aviditatem eorum refrenare volentes, statuimus ut prætextu consuetudinis, quæ sub certo eis solvendo notoria non fuerit ab antiquo, dicti Presbyteri pro sepulchris, & exequiis mortuorum ultra duodecim solidos parvorum Turonensium recipere seu exigere non præsumant; sed etiam minori summa sint contenti, secundum morientium facultates: super quibus eorum conscientias oneramus. In locis vero & Parochiis, in quibus super receptione certi & determinati majoris vel minoris pretii eis solvendi, super quo etiam contenti sint, seu rei cujuslibet alterius consuetudo dubia non existit, sed a Parochianis & aliis, quorum interest recognoscitur ita esse, nihil per hoc præfens statutum volumus immutari: quin hujusmodi pia consuetudo notoria simpliciter observetur.

XVII. (g) *Contra incorporaciones Ecclesiarum.*

Item cum (b) cessiones seu collationes Ecclesiarum, quas incorporaciones vocant, in quantum Ecclesiis & Monasteriis, non personis conferuntur, ad perpetuas alienationes pertineant, super eisdem Ecclesiis incorporandis in nostra civitate, Diœcesi, & Provincia Trevirensi, per importunitatem (i) potentium ab Ecclesiis Prelatis & Capitulis faciendis tantæ & totiens gratiæ factæ fuerunt & fieri sperantur in posterum, quod Parochiales Presbyteri vix jam habent, & habere posse videntur, unde secundum statum eorum commode sustententur, sed per incorporaciones hujusmodi, per quas redditus & decimæ a Parochialibus Ecclesiis subtrahuntur, licet de jure communi pertineant ad eisdem, plurimis eisdem Parochialibus Presbyteris pro hospitalitate tenenda, & Episcopalis juribus exsolvendis non suppetant facultates, sicque quam pluribus Presbyteris & (k) Rectoribus in Ecclesiis deservientibus spiritualia seminantibus, ipsi carnalia non metunt: vineam plantant & colunt, & de ejus fructu non edunt; extraneis in messes eorum falces mittentibus, contra Apostolum, secundum quem laborantem agricolam prius oportet suscipere de fructibus suis, maxime cum *serviens altari vivere debeat* (l) altari. Nos itaque ut militanti stipendia minime subtrahantur; statuimus, ut deinceps in nostra civitate, Diœcesi & Provincia Trevirensi, hujusmodi (m) institutiones seu incorporaciones Ecclesiarum non fiant in Ecclesiis & Monasteriis, nisi sub sit causa notoria & legitima, de qua consistet; & nisi vocatis & præsentibus omnibus, qui fuerint evocandi, solemniter adhibeantur, quæ consideratis circumstantiis universis super alienationibus rerum ecclesiasticarum adhiberi debent secundum Canonicas sanctiones: ita quod incorporaciones hujusmodi ipso facto non valeant, nisi contractu præhabito inter Episcopos & Ecclesiarum cathedralium Capitula, causa rationalis vel urgens necessitas, seu earundem Ecclesiarum evidens utilitas

cos-

(f) Hoc est Caput XI. Honthemio: De exigentibus munera pro Sacramentis.

(g) Caput XII. Honthemio.

(h) Lectoribus

(b) concessiones

(i) de altari.

(i) potentium

(m) concessiones

eisdem Episcopos & Capitula communiter ad prædictas incorporaciones de cætero faciendas inducat. Si qui vero aliquid contra fecerint, seu procuraverint fieri, illud decernimus irritum & inane. Per hoc tamen præsens nostrum statutum in nullo derogavimus incorporacionibus Ecclesiarum hæctenus rite factis.

XVIII. (a) *Contra Presbyteros se irreverenter habentes.*

Item, cum Presbyteri & persone Ecclesiasticæ, maxime in sacris Ordinibus constitutæ, in castris Divinis sub Ecclesiasticis stipendiis militare noscuntur, ut Ecclesiasticum ordinem agnoscunt, in aliud secularis vice genus, Ecclesiasticæ disciplinæ sprete reverentia, non transcendunt, statuimus, quin imo statuta a sanctis Patribus innovamus, ne Presbyteri seu Clerici in sacris Ordinibus constituti, & maxime Monachi, seculares negotiaciones exercent, & præcipue tabernas non teneant, lucris turpibus non insistant, munera injusta non accipiant, justitiam non vendant pro seculari quaestu, aliquem pretio non advocent, (a) nec in (p) plateis secularibus, orphanorum, & viduarum, & personarum miserabilium defensione (q) excepta, disputare contendant. Conductatores, aut Procuratores in casibus non permixtis rerum secularium non existant, aleas non sequantur, spectacula secularia fugiant, ornamenta (r) non statuta & conditioni suæ minime convenientia neque desiderant, neque gestent, in delictis superfluis non vivant, gulam fugiant, & sobrietatem sectentur, pondera injusta, seu mensuras, non habeant, circa otiosa & superflua non intendant. Si quis autem Presbyterorum, & Clericorum, & Monachorum contra hoc salutare statutum ausu temerario aliquid attentare præsumpserit, competentis monitione præmissa, a suo Episcopo, quousque resipuerit, & condigne satisfecerit, de commisso excommuni-

cetur, & a temere (s) tentatis per censuram Ecclesiasticam compellatur.

XIX. (t) *Pro matriculario habendo in Parochiali Ecclesia.*

Item, prout jam dudum a sanctis Patribus in generali Concilio statutum est, præcipiendo firmiter innovamus, quod quilibet Presbyter, Pastor, seu Vicarius in quacumque Parochiali Ecclesia Divina celebrans, nisi propter paupertatem nimiam, & notoriam excuseretur, Clericum, vel personam (u) saltem litteratam secum habeat, qui sibi competenter legendo & cantando respondeat in Divinis, quacumque contraria consuetudine non obstante, per quam in quam pluribus locis agricola, & alii puri laici litteras penitus ignorantes, qui secus altare, dum sacra Mysteria celebrantur, stare, vel sedere non debent, per quos potius impediiri plerumque consueverat altaris ministerium, quam ipsi decenter in eodem ministerio deservirent. Scriptum namque est, quod Osias lepra percussus est a Domino; eo quod usurpare voluerit Officium Sacerdotis.

XX. (x) *Pro mandatis exequendis.*

Item, quia per malitiam, desidiarum, & subterfugia personarum Ecclesiasticarum, & Presbyterorum, qui ad suorum Superiorum mandata exequenda tenentur, plerumque effectus justitiæ multipliciter impeditur; statuimus, ut Presbyteri, quibus alicujus mandati executio a suo Superiore committitur, si super executione hujusmodi quidquam (y) dolose egerint, seu fuerint negligentes; illi, seu illis, pro quibus mandatum directum fuerit, (z) etiam interesse teneantur, & damnis, quæ ob id incurrerint, coram iudice, a quo mandatum emanaverat, declarandis. Si vero iidem Presbyteri, seu quicumque executores illi, pro executione mandatorum hujusmodi damna passi fuerint, non relaxetur sententia, quantumcumque pars in hoc contentis, R 3 sentiat,

(a) Caput XIII. *Hontbenius.*

(q) concepta. *Hontbenius.*

(t) Caput XIV. *Hontbenius: De Ministris altaris, & quod quilibet Rector Ecclesie debet habere personam litteratam.*

(x) Caput XV. *De non exequendis mandata Superiorum.*

(z) ad interesse.

(a) non conducant.

(r) statui, pro non statuta.

(u) silem, absq.

(p) phicis secularibus.

(s) attentatis.

(y) malitiose egerint.

sentiat, nisi prius eisdem Presbyteris & Executoribus de damnis huiusmodi per eum, qui damna intulerit, ad arbitrium iudicis fuerit satisfactum.

XXI. (a) *Contra minus inferentes
Ecclesiasticis personis.*

Item quicumque persona Ecclesiastica vel secularis personæ Ecclesiasticæ minus corporales intulerit, & monita a suo Superiore eam assecurare noluerit, ad fidem assecurationem præstandam indilate ad id per excommunicationis sententiam compellatur.

XXII. (b) *De illis, qui altariis ser-
vunt.*

Item cum is, qui altario servit, secundum Apostolum de altari vivere debeat, pro ut alias in provinciali Concilio Treverensi fuerat institutum; innovando præcipimus, ut per locorum Ordinarios deservientibus in Ecclesiis Parochialibus, & præcipue perpetuis Vicariis competens portio assignetur. Quod si iidem deservientes seu Vicarii quovis modo minorem, aut minus sufficientem acceptaverint portionem, nihilominus actionem habeant contra earundem Ecclesiarum Rectores, aut alios fructuum earundem perceptores ad augmentum portionis ejusdem. Quod enim militantes Deo Presbyteri mendicare non debeant, non specialiter in favorem personæ inductum est, sed totius ordinis clericalis. Et si deservientes prædicti, seu Vicarii, ad assignationem debitæ portionis agere non valeant, seu quia lites abhorrent, nolunt super hoc (c) deponere questionem; locorum Ordinarii super huiusmodi portione assignanda debita, suum officium de plano & absque judiciali strepitu interponant, quamprimum id advenit ad notitiam eorundem.

XXIII. (d) *Qualiter in Ecclesiis Para-
chialibus se est regendum per
laicos.*

Item in Parochialibus Ecclesiis cantentur seu legantur, considerata qualitate temporis, horæ canonicæ, impedimento cessante, ad Parochiales matrices Ec-

clesias, Parochiani de villis circumstantibus, & Capellis, seu Oratoris attingentibus, saltem quibuslibet diebus Dominicis, in solemnibus Festivitatibus, sub pœna excommunicationis teneantur accedere, ut ibidem Missarum solemnia audiant, prout in generali Concilio est a sanctis Patribus institutum, præcipue, ne honor Matricis Ecclesiæ pereat per Capellas, nisi Capella forte adeo sit remota, vel aquarum inundario, seu aliud (e) subsistat, per quod super hoc rationabiliter valeant excusari; in eademque Capella de redditibus adeo sit provisorum, quod de auctoritate Episcopi loci ejusdem possit & debeat in diebus talibus ibidem celebrare Sacerdos.

XXIV. (f) *Contra Decimas oc-
cupantes.*

Item Decimæ prædiales non in domibus sicut hætenus in plerisque locis fieri consuevit, sed in agris, vineisque, pratis & in aliis locis, ex quibus proveniunt, sub pœna excommunicationis integraliter persolvantur, nullis deductis expensis, quæ factæ fuerint circa rem huiusmodi decimandam.

XXV. (g) *Contra Decimas ru-
rales.*

Item cum causæ matrimoniales tractari debeant per discretos iudices, qui potestatem habeant judicandi, & statuta Canonum non ignorent, firmiter inhibemus, ne Decani rurales, seu forenses Archi-Presbyteri, Ecclesiarum Pastores, seu Vicarii de causis matrimonialibus cognoscere, vel judicare præsumant. Si contra factum fuerit, irritum nuntiantes.

XXVI. *Contra excommunicatos, qui per
annum pervivaces sunt.*

Item, cum excommunicationis sententia, quæ est Ecclesiæ mucro, vilipendatur a pluribus, statuimus, quod si excommunicatus ab ordinario iudice per annum in sua pervicacia, & excommunicatione (h) ab eodem iudice moneatur Dominus temporalis, ut infra terminum competentem eundem excommunicatum redire ad sanctæ matris Ecclesiæ unita-

(a) Caput XVI. eodem titulo.

(c) actionem instigare.

(e) impedimentum.

(g) Cap. XX. Coram quibus causa matrimoniales debent tractari.

(h) persistat,

(b) Cap. XVII. De portione perpetuorum Vicariorum.

(d) Cap. XVIII. De Canonici bonis dicendis.

(f) Cap. XIX. De Decimis prædialibus.

(g) Cap. XX. Coram quibus causa matrimoniales debent tractari.

(h) persistat,

unitatem compellat. Alioquin ipse Dominus temporalis excommunicetur; quam excommunicationem si per mensem sustinuerit, ex tunc terra ejus, si quam habet, prout & in quantum eidem iudici videbitur, supponatur Ecclesiastico interdicto.

XXVII. (i) *Contra illos, qui obligant bona Ecclesie.*

Item quia quamplures Ecclesiarum Prælati, & potissime Abbates, Abbatifcæ, Priores, Præpositi, & alie personæ Ecclesiasticæ nostræ Civitatis, Diocesis, & Provinciæ Trevirensis bona Ecclesiarum, Monasteriorum & Prioratuum adeo prodigaliter dissipando (k) refundunt, vendunt, distrahant, obligant; & adeo exquisitis conventionibus illicitis, etiam ipsis legum conditoribus incognitis, alienant, hæcenusque dilacerando & dilapidando bona eadem consumpserunt, quod etiam de pluribus Ecclesiis, Monasteriis, & Prioratibus, in quibus per largitiones Imperatorum, Regum, & Principum, ac erogationes fidelium superabundare consueverant possessiones & redditus, peccatis exigentibus, personæ Clerici & Monachi ac conversi locorum eorundem, in eisdem locis & extra, cultu Divino, cui assumti fuerant, derelicto, in vili ac indecenti habitu, usque ad exinanitionem extremæ virtutis deducti, mendicare coguntur (l) in locis, & hujusmodi claustris, seu dormitoriis solemnibus ab antiquo, & quæ antiquis temporibus propter eorum sublimitatem operis sumptuosi, alienigenis & incolis mirifici (m) videbantur, vix eisdem personis Clericis, Monachis & Conversis potest diversoriam, ut ab imbribus & grandinibus protegantur; propter quod eadem personæ diversiori laicorum cedunt & scandalo, in totius Clericalis cætus opprobrium & contemptum. Prædictis itaque dispensis, in quantum Nobis, Deo auctore, permissum est, obviare volentes, maxime, cum sicut anima sine corpore corporaliter non vivit; ita sine temporaliibus spiritualia diu esse nequeunt; præsentî constitutione sub interminatione Divini iudicii prædictis Prælati,

Abbatibus, Prioribus, Priorissis, & aliis personis Ecclesiasticis firmiter inhibemus, ne imposterum bona Ecclesiarum, & locorum sacrorum immobilia aliquatenus obligent, distrahant, seu etiam alienent, per se vel per alium, nisi tractatu præhabito super hoc cum omnibus personis Ecclesiasticis eorundem locorum, requisitoque & habito consensu, & singulorum consilio, ejusdem loci evidens necessitas id fieri exposcat. Et quæ prædictis suis Prælati subditi super hujusmodi alienationibus, alios vero oppressionibus, formidolosis terroribus consentire contra proprias conscientias ut plurimum non verentur; præsentî constitutioni adjicimus, ut demceps hujusmodi bonorum immobilium obligatio, seu alienatio facta in casibus non permisis, ipso facto non valeat, nisi una cum coconsensu prædictorum, auctoritas Diocesis Episcopi intervenierit. Omnes enim Basilicæ sui territorii in ejus potestate consistunt; quam quidem nonnulli considerata utilitate loci cum solerti causâ cognitione idem Episcopus impendat. Si quis autem contra hoc salutare consilium quidquam attentare præsumpserit, tam alienans (n) dispositionis rei, quam recipiens (o) restitutionis ejusdem cum fructibus pœnas sustineant, nec pretium hujusmodi male recipiens ab Ecclesia recipiat; sed ad Ecclesiam, Monasteria, & loca, quorum eadem bona sunt, libere revertantur.

XXVIII. (p) *Contra Monachos, qui vadunt per civitates.*

Item sub pœna excommunicationis præcipimus & inhibemus, ne Monachi extra claustrum per civitates, castra, seu villas incedere seu discurrere de cætero præsumant, nisi ratione administrationis, si quam habent, hoc eis juxta regulares observantias sit permissum, vel nisi Abbatibus seu Prioribus claustralibus super hoc licentia intercedat, quam idem Abbas, seu Prior sub pœna excommunicationis eis non impendat, nisi hoc exegerit Monasterii evidens necessitas, vel patens utilitas eorundem, super quo ipsorum, Abbatibus, & Prioribus conscientias oneramus.

XXIX.

(i) Caput XXII. *De alienationibus Bonorum Ecclesiasticorum.*

(k) profundunt.

(l) inque locis,

(m) mirifica.

(n) o: possessiones, corrigat Illust. Houthemius.

(p) Caput XXIII. *De Religiosis extra claustra vagantibus.*

XXIX. (g) *Contra illos, qui monetam falsam procurant.*

Item, quia nonnulli motu damnabili ac nefando scelere, prout intelleximus, monetam adulterinam & falsam in suis prædiis & claustris exercere præsumant: (r) cujusmodi facinus ipsi etiam gentiles multipliciter damnaverunt; firmiter omnibus Presbyteris injungimus, ut in omnibus locis & Parochiis suis, in quibus hujusmodi falsam & adulterinam monetam per quoscumque cudi seu fabricari cognoverint, in continenti cessent, cujuscumque Superioris sui mandato minime expectato, penitus a Divinis; causamque cessationis hujusmodi & rei seriem Diocesano Episcopo non differant, quam primum poterunt, intimare. Qui Episcopus extunc ad excommunicationem falsorum monetariorum hujusmodi spiritualiter & temporaliter totis viribus totaque intentione procedat: damna ob prædictam cessationem Ecclesiis & Presbyteris obviantia, restitui integraliter faciens.

XXX. (s) *Contra Canonicos.*

Item, cum in *Trevirensi Provinciali Concilio* præsentibus in eodem recordationum felicium *Theoderico* Trevirorum, *Johanne* Metensi, *Rogero* Tullensi, *Radulfo* Virdunensi Episcopis, propter multas abusiones annus gratiæ fuerit aliàs revocatus; Nos considerantes, quod hujusmodi revocatio in quamdam dissensionem est deducta; sicque Cathedralium, & Collegiatarum Ecclesiarum quamplurimi Canonici, propriis commodis inhiantes, in grave præjudicium successorum, Ecclesiarum damnum, & plerumque in illusionem provisionum a Sede Apostolica super obtentis Canonizatibus & Præbendis in eisdem Ecclesiis a personis idoneis obtentorum, fructus Præbendarum suarum per annum unum, & post eorum obitum sibi retinere & appropriare contendunt, annum talem, qui juxta hoc pro Successoribus & Ecclesiis *bissextilis* dici debet, *annum gratiæ* nuncupantes: per cujus retentionem nondum Canonici, quamdiu vivunt, super deducendis lasciviis & prodigalita-

tibus spem assument, præsentis constitutione statuimus, ut quacumque consuetudine, imo verius corruptela contraria non obstante, nulli Canonico talem annum, talisque anni reditus liceat retinere; (t) quem si hæcenus retinuerint, vel eum deinceps retinere contingat, talis retentio qualitercumque fiat, seu facta fuerit, nullius sit momenti. Non teneantur etiam Capitula Ecclesiarum Executoribus, seu Creditoribus Canonico- rum annum hujusmodi retinendum, seu alii eorum nomine de prædicti anni fructibus & reditibus respondere. Sed ad instituendos successores Canonicos transeant pleno jure. Si quid in contrarium actum fuerit, irritum nuntiantes, & hoc *Provinciale Statutum* Episcopi Diocesani *Trevirensis* Provinciæ in suis civitatibus, & Diocesi per censuram Ecclesiasticam inviolabiliter a suis subditis observari procurent.

XXXI. (u) *Item de usurariis, quod restituant.*

Præcipimus districtè, ut omnes usurarii restituant, quidquid ultra sortem perceperunt, sub pœna contra eos in *Lateranensi Concilio* edita, quæ talis est: "Statuimus, ut usurarii manifesti, nec" ad communionem admittantur altaris, "nec Christianam, si in hoc peccato" decesserint, accipiant sepulturam, nec" oblationes eorum quisquam recipiat. Qui autem acceperit, aut Christianæ tradiderit sepulturæ, quod acceperint, reddere compellantur, & donec ad arbitrium sui Episcopi satisfecerint, ab officii sui maneant executione suspensi.

XXXII. *Ut usurarii reddant pignora.*

Item præcipimus, ut forte deducta reddant pignora & remittant.

XXXIII. *Ne committant usuras nomine tutela.*

Item districtè præcipimus, ut nomine tutelæ vel procuracionis, vel timore Domini sui aliquas non committant usuras: quia non suo nomine, nec alieno potest quis scenus aqualiter exercere.

XXXIV.

(g) Caput XXIV. *De falsa moneta.*

(s) Caput XXV. *De anno gratiæ.*

(u) Caput XXVI. *De usurariis manifestis.*

(r) præsumunt.

(t) quin, si

XXXIV. *Contra illos, qui pecuniam mutuunt ante messem.*

Item præcipimus, ne ea intentione mutuent pecuniam suam ante messem vel vindemiam, recepturi in messe vel vindemiis bladum, vel vinum pro multo minori pretio, quam verisimile sit tunc valere, sub pœnis prædictis.

XXXV. (x) *Contra cogentes frangere Fæsta.*

Item statuimus sub Divinæ ultionis pœna, & præcipimus, ut Nobiles & Domini terre permittant homines suos dies Fæstos observare, & non compellant eos (p) evectiones publicas, seu alias angarias præstare.

XXXVI. (z) *Contra usurarios & caverinos.*

Item præcipimus districte, ut circa caverinos & alios usurarios ita se habeant, sicut in generali Concilio est statutum.

XXXVII. (a) *Ne Clerici litigare compellantur coram secularibus Judicibus.*

Item cum de consuetudine approbata, & tamdiu observata, quam memoria non existat, tam Religiosi, quam Clerici injuriatores & molestatores suos coram suis Judicibus, videlicet Ecclesiasticis, in causam traxerint, (b) & nonnulli Barones, Balivi, Nobiles, Præpositi, & villici, & alii laici, potestatem secularem habentes, Civitatis, Diocesis, & Provinciæ Trevirensis tam Religiosos, quam Clericos coram se litigare compellant, ut non patiantur eos jus suum prosequi coram Ecclesiasticis Judicibus: præcipimus vobis & universis Presbyteris, quatenus in Ecclesiis vestris prædictas personas moneatis, ut ab hujusmodi tam Religiosorum, quam Clericorum molestatione desistant. Nos omnes illas personas, quæ post jam dictam monitionem Religiosos & Clericos compulerint coram se litigare, excommunicationis vinculo innodamus, & præ-

cipimus eos singulis diebus Dominicis & Fæstivis excommunicatos denunciari.

XXXVIII. (c) *Ne Monachis duo officia assignentur.*

Item nulli Monacho, vel Moniali, duo officia in eodem Monasterio, sub pœna excommunicationis latæ sententiæ, assignentur. Singula namque officia sunt personis idoneis assignanda.

XXXIX. (e) *De Novitiis.*

Item præcipimus, ut omnes Novitii post annos discretionis & probationis statim faciant professionem expressam in manu Abbatis, vel alterius secundum consuetudines locorum rationabiles descriptas.

XL. (d) *De Monachis & Monialibus.*

Item præcipimus districte, ut Monachi, & Moniales omnibus proprietatibus, quas hæcenus habuerunt, sine difficultate renuntient: ut omnia in communes usus Monasterii redigantur. Qui vero renunciare renuerit, excommunicetur. Qui, si nec sic resipuerint, per Abbatem, vel per Abbatissam; aut si non, per Episcopos, aut eorum Officiales ad id compellantur.

XLI. (e) *Item de Monachis.*

Item districte prohibemus, ne Monachi denarios, quos in oblationibus Missarum recipiunt, sibi reservare præsumant; sed Abbati, & cui præceperit, assignentur in communes usus fratrum expendendi. Item de denariis anniversariorum, & omnium, quæ ad manus eorum devolvuntur, nemo sibi quicquam appropriare præsumat, nec per Monachos vel Moniales dividantur, sicut hæcenus per abusum fieri ab aliquibus consuevit, sed in communes usus omnium redigantur.

XLII. (f) *De Abbatibus & Abbatissis.*

Item præcipimus Abbatibus & Abbatissis, ut suis subditis tam in vestitu, quam in vestitu, secundum Monasterii possi-

(x) Cap. XXVII. *De celebratione Fæstorum.*

(z) Cap. XXVIII. *Caverinis.*

(b) trahant.

(c) Caput XXX. hic in duo est distinctum, in Trevirico unum.

(d) Caput XXXI. *De proprietatibus Monachorum.*

(e) Caput XXXII. *De administrationibus Superiorum inter suos Monachos.*

(y) exactiones Treviricum, melius evectiones.

(a) Cap. XXIX. *eodem titulo.*

(f) Idem Caput cum antecedente.

(g) Idem Caput cum antecedente.

possibilitatem, necessaria administrent, panis vero & vinum, ac alia necessaria dentur fratribus ac fororibus in communi ad sufficientem necessitatem eorum: nec alicui ad vitam, nec ad certum tempus specialiter assignetur, & quod utriusque (g) in communi superfluerit, iterum in communiterem referrent, vel pauperibus distribuunt, & hospitalia pauperum in omnibus Monasteriis restituerent. (d)

XLIII. (i) *Ne Religiosi habeant seruos.*

Item inhihemus, ne Monachi, vel Moniales habeant famulos, vel seruiantes utriusque sexus speciales, nisi forsitan in talibus constituti sint officiis, quod ipsis omnimode carere non possint. Et tunc de consensu Prælatorum suorum assumant eosdem. Si quis autem alias tales personas retinere præsumserit, expelli eas de Monasterio sub pena excommunicationis precipimus per Prælatos.

XLIV. (k) *Ne Monachi ludant cum istis.*

Item, ludos chorearum, scacorum, [f]armillorum, & globorum Monachis interdiciamus omnino; & ne infra septa sui claustrum, vel ipsum claustrum habere tabernas, neve infra ipsas ibi vel alibi sedere, ludere, seu bibere aliquis eorum audeat, sub pena excommunicationis late sententiæ firmiter inhihemus.

XLV. (m) *De Abbatibus & Monachis.*

Item, precipimus districte, ne Abbates, vel Monachi, Abbatesse, vel Moniales, sub pena excommunicationis late sententiæ, (n) mantella seu torcoccia aperta portant de cætero, nec habeant pannos de nigra bruneta, nec de moreta; sed quanto haberi possunt humilioris pretii, prout regula precipit; item cucullas habeant cum amplis capucis, & talis. Quando equitant cappis utantur & clausis.

(g) uni vel in communi.

(i) Caput XXXIII. *II. Hombenio.*

(j) annulorum

(n) late sententiæ, *abest a Treverico.*

(o) Idem cum Capitulo præcedente: *sed sic legitur:* Item, ut dictum est, pellis puniceo, vel purpureo colore tincta, aut pellibus, alioque pretiosiori panno subducta, districte Religiosis omnibus inhihemus sub pena excommunicationis.

(p) Cap. XXXVI. *De custodia Claustrorum.*

(q) vel dormiat ullo modo.

(u) Caput XXXVIII. *Contra falsos Apostolos.*

Caput Lunigii XLIX. non est in Treverico.

XLVI. (o) *Ne Monachi portant bruneta.*

Item, ut dictum est, de bruneta nigra, sive de moreta & pellicia, seu foraturis de vario, seu grisio, & alias exquisitas, sive sumtuosas pelles districte Religiosis omnibus sub pena excommunicationis late sententiæ firmiter inhihemus.

XLVII. (p) *Ut claustra ferrentur de nocte.*

Item claves claustrum sint semper apud Priorem, vel Priorissam, vel Magistrum; nec sine licentia aliquis Monachus, seu Monialis, maxime de nocte sub pena excommunicationis late sententiæ (q) exire audeat; nec aliquam mulierem Monachus, cuiuscunque conditionis sit, in ambitum Monasterii introducere præsumat, sine Abbatis vel Prælati sui licentia speciali; introducta tamen cum licentia non intrus comedat. (r)

XLVIII. (t) *De Testamentis mortuorum.*

Item, cum nihil magis hominibus debeatur, quam [t] supremæ voluntatis liber sit stylus, & liberum, quod iterum non redit, arbitrium; sub interminatione Divini Iudicii precipimus, quod nullus executor ultime voluntatis, præsertim ad pias causas constitutus, a Creditoribus vel Legatariis testatoris audeat percipere vel exigere pecuniam pro debito suo, seu pro legato, seu debito eis solvendo, seu pro executione facienda. Quod si fecerint, ipso facto sententiam excommunicationis incurrant.

XLIX. (u) *Contra Executores Testamentorum.*

Item, cum plures executores testamentorum defunctorum, maxime ad pias causas deputati, jam diu exequi volun-

(b) & eis consueti redditus assignentur.

(k) Cap. XXXIV.

(m) Cap. XXXV. *De vestibus Monachorum & Monialium.*

(q) late sententiæ, *abest a Treverico.*

(r) Cap. XXXVII. *De ultima voluntate.*

(t) ut

(u) Caput Lunigii XLIX. non est in Treverico.

luntates ultimas eorum in suæ salutis dispendium, & dictorum decedentium detrimentum neglexerint: monemus ipsos omnes & singulos primo & secundo, præcipientes eisdem, ut infra annum dicta testamenta exequantur: alioquin ad executionem eorum ex tunc per locorum Episcopos procedatur, in quantum de jure fieri poterit & debet.

L. (x) *Contra Begardos, ut non recipiantur.*

Item, inhibemus sub pœna excommunicationis, ne quis in nostra Civitate, Diœcesi, & Provincia Trevirenſi aliquem vel aliquos de illis rusticis, qui se Apostolos appellant, in domum suam recipiat, aut eis elemosynam croget, cum prout in antiquis Statutis Synodaliſus continetur, Sedes Apostolica tales reproberit, & in eorum receptores & fautores excommunicationis sententiam tulerit ipſo facto.

LI. (y) *Contra Begardos laicos.*

Item, cum quidam sint laici in Civitate, Diœcesi, & Provincia Trevirenſi, qui sub prætextu cujusdam religionis (z) ſicte, *Begardos* se appellant, cum tabardis, & tunicis longis, & longis capuciis cum (a) ocio intendentes, ac labores manuum deſectantes, conventiculante ſe aliquibus temporibus faciunt, & conſervant, ſequè ſingunt coram perſonis ſimplicibus expoſitores ſacrarum Scripturarum: nos vitam eorum, qui extra religionem approbatam validam (b) mendicantes diſcurrunt, (c) monemus omnes & ſingulos hujusmodi *Begardos*, quos a quolibet Parochiali Presbytero a ſua Parochia moneri volumus diligenter, ut infra quindenam a præmiſſis deſiſtant, & de laboribus ſuis vivant, circa labores, ſicut cæteri homines, ſe exponant: alioquin ipſos & quemlibet eorum, quos excommunicamus in hiſ ſcriptis, denuntiare in Parochialiſus Eccleſiis excommunicatos præcipimus & mandamus ſingulis diebus Dominicis. (d)

LII. (r) *Contra ladentes Clericos, & Portitores litterarum.*

Item, ſtatimus, quod ſi quis cujuſcumque dignitatis ſeu conditionis exiſtat, Nuncios, aut Executores Eccleſiaſticorum Judicum, & alias literas eorundem, actave judicialia deferentes, hac occasione, verberare, capere, vel detinere, occultare, carceri mancipare, aut quod gravius eſt, interficere, litteras, vel acta prædictæ perſonis memoratis auferre, ſeu ea rumpere, vel cancellare, ſeu alias deſtruere quoquo modo, vel ſic ablata celare præſuſerit, aut iſta fieri procuraverit, vel facientibus conſilium, vel opem duxerit adhibendam; excommunicationis ſententiæ, quam ex nunc, ut extunc in ipſum ſerimus, ſubjaceat ipſo facto: a qua niſi prius tam Judici, cujus auctoritatem contemſerat, quam paſſo injuriam, & cæteris, quorum intererit, prout exceſſus poſtularerit atrocitas, ſatificet competentem, nullatenus abſolvatur.

LIII. [f] *Contra quaſtores, & petentes ad calices, ſine licentia Episcoporum.*

Item prohibemus ſub pœna excommunicationis, ne quis de cætero cujuſcumque conditionis exiſtat, vadat per terram cum calicibus, obſque litteris Episcopali loci ad petendam pecuniam, quia multa ex hoc trahiſſe & deceptiones committantur.

LIV. (g) *Contra facientes convivium in exequiis deſuncti.*

Præterea, cum in exequiis mortuorum lugendum ſit potius, quam convivandum, inhibemus ſub pœna excommunicationis, ne convivium, & comellationes teneantur de cætero, quæ per hæredes, ſeu ſucceſſores deſuncti in eiſdem exequiis fieri conſueverunt; ſed ſumus hi in uſus pauperum, & in pias cauſas in remedium animæ deſuncti potius convertantur.

LV.

(x) Caput L. Lunigii in Treverico non eſt.

(y) Caput LI. eſt in Treverico XXXIX. *De Begardis.*

(a) cum, amiſſum.

(c) merito reprobandes.

(f) Caput XL. *De impediendis Nautis Judicum Eccleſiaſticorum.* Contextus idem.

(g) Caput XLII. *De exequiis mortuorum.*

Tonus IV. Concil. German.

LV. (b) *Ne sine lumine post campanam vadant.*

In locis, in quibus post sonitum campanæ, vel buccinæ, & nocte laici sine lumine ire prohibentur, Clericos & Monachos hujusmodi nostræ constitutionis auctoritate eandem prohibitionem volumus observare: alioquin pœnæ pecuniariæ laicis propter hoc impositæ eos decrevimus subiacere, quam per Archi-Presbyteros nostros, vel per Capellanos locorum ipsorum, nomine Episcoporum, ab ipsis Clericis exigi, & levari volumus & mandamus: quam si forte legitime requisiti solvere renuerint, eandem pœnam duplicatam per eos solvere per censuram Ecclesiasticam compellantur, ut per hoc laicorum vitetur scandalum, & Clerici ab illicitis arceantur.

LVI. (i) *De Clericis & Laicis, quod se habeant boniste.*

Districte quoque inhibemus, ne Clerici seu Sacerdotes ad anniversaria convenientes, in Sabbato carnes comedere presumant: vinum quoque temperent, & se vino honeste recreent, & se habeant mature & pacifice, & sine murmure, & cum gratiarum actione recipiant & comedant, quod eis fuerit appositum, nec sibi parari faciant cibaria delicata, sed solum pro corporis refectione necessaria, ne longi temporis victum brevis hora consumat, & ne quæ sua, sed quæ Christi sunt, querere videantur. A crapula & ebrietate, a plausibus, risibus, cachinnis insolitis, ac inanibus fabulis, jocis & solatiis, ac distractionibus, de verbis otiosis atque superfluis, & a rixis contentionibus omnino studeant evitare. Paulus (k) quidem Corinthios reprehendit, quia inconvenienter conveniebant cœnam Domini manducare. (l)

LVII. *Contra retrahentes, ne anniversaria fiant.*

Postremo in virtute sanctæ obedientiæ præcipimus, ne quisquam verbo vel facto aliquos inducere, vel retrahere presumat, ne anniversaria fieri solita fiant in

Ecclesiis, in quarum Cimiteriis corpora defunctorum, pro quibus fiunt, sepulta sunt.

LVIII. (m) *Ne Clericus ludat cum taxillis.*

Item Clericus aliquis cum taxillis publice vel occulte ludere non presumat. Clerici vero in sacris ordinibus constituti, vel beneficium Ecclesiasticum habentes, qui in platea, vel in loco publico publice cum taxillis ludere presumpserint, ipso facto [n] sui ordinis sint suspensi. *Ludere* in præmissis casibus intelligimus *ad pumila*, ut sic dicamus, ponendo eum, qui transverferat [o], vel qui ludi est particeps, vel lucrum exinde consequitur, sive damnum. Præmissam tamen pœnam extendi nolumus ad ludentes socialiter & solatii causa, & in domibus honestis, & cum personis honestis, non ambitionis vel avaritiæ causa.

LIX. (p) *Contra Clericos, qui securitatem faciunt coram Sæcularibus.*

Nullus Clericus securitatem vel fidejussionem præstet, vel faciat, coram quacunque persona vel curia sæculari de stando vel parendo juri coram ea (q) forte ratione feudorum vel possessionum, quæ seu quas ab ea tenet.

LX. (r) *Contra Statuentes & Scriptores contra libertatem Ecclesiasticam.*

Sane Honorius Papa IV, excommunicationis sententiam protulit contra Statutores, vel Scriptores statutorum contra Ecclesiæ libertatem, nec non & contra Potestates, Consules, Rectores, & Consiliarios locorum, ubi hujusmodi statuta fuerint observata, & insuper contra eos, qui secundum ea presumpserint judicare, vel in publicam formam redigere aut fuerint judicata. Hanc autem excommunicationis sententiam illos incurere decernimus, qui contra Privilegia & libertates Clericorum & Ecclesiarum statuere, ordinare, præcipere, & interdicare expresse, vel indirecte, per se, vel per alios presumunt, & (s) præcipiunt, ne quis

(k) Caput XLIII. *De Clericis & Monachis noctu ambulantis.*

(l) Caput XLV. *Ne in anniversariis confessiones fiant.*

(m) (h) hoc comma abest a Treverico.

(n) ab executione.

(o) nisi.

(p) transverfat,

(q) Cap. XLVIII.

(m) Caput XLVI.

(p) Cap. XLVII.

(r) vel recipiunt.

quis in Ecclesiarum, vel Clericorum elibans panem coquat, vel in molendinis eorum molat: ne quis eis ignem det, vel aquam ferat: ne quis eorum possessiones colat, aut defendat, sed impune destruat; aut ne quis cum eis commercium habeat, vel quomodolibet participet, aut loquatur, aut eis de decimis, primitiis, oblationibus vel aliis juribus spiritualibus non respondeat, aut his similia agunt: & qui talia facta per alios, in quos Dominium habent, seu Officiales suos, requisiti non revocant cum effectu. A qua sententia excommunicationis nullatenus absolvantur, donec de damnis & injuriis, propter hoc personis Ecclesiasticis, & Ecclesiis illatis, satisfecerint competenter.

LXI. (†) *Ne aliquis conjurationes contra Ecclesiasticas personas & libertatem facere presumat.*

Districte ergo precipimus, ne aliquis sub pena excommunicationis latae sententiae, conjurationes, collegationes, confraternitates, seu alias quascunque obligationes, fide, vel juramenta, seu qualibet alia confirmatae vallatas facere presumat contra Ecclesias, vel Ecclesiasticas personas, seu contra Ecclesiasticam libertatem.

LXII. (u) *Ne aliquis de novo Altare adificet absque licentia Diocesis.*

Prohibemus sub pena excommunicationis, ne deinceps quisquam Ecclesiam, Capellam, Oratoria, Hospitalia, seu alia pia loca & religiosa in Trevirensi Provincia ædificet; vel Altare in eadem Provincia aliquod erigat, sine nostra vel Episcopi loci licentia speciali. (x) Sed Altaria portatilia in lata & spatiosa fiant, quod Calix & Hostia possint super illis convenienti distantia locari.

LXIII. (y) *Sententia contra obligantes Ornamenta Ecclesiastica.*

Inhibemus sub pena excommuni-

cationis, ut nullus Clericus vel laicus Calices, Libros, sacras Vestes, & alia Ornamenta Ecclesiastica, per se vel per alium vendere, distrahere, pignori obligare, vel alias quomodolibet alienare presumat absque nostra, vel Episcopi loci licentia speciali. Qui vero contra fecerint, Clerici in sacris Ordinibus constituti suspensionis; laici vero & Clerici, in minoribus constituti, excommunicationis sententias incurrant ipso facto. Qui autem tales res in pignus scienter receperit, eas illi Ecclesiae, cujus sunt, libere restituere teneatur, nulla recuperata pecunia ab eadem. Sed & quicumque Clericus regularis, vel secularis, res hujusmodi pro quocumque debito cujuscumque ReCTORIS vel Capellani sui Ecclesiae propria auctoritate capere presumpserit, praeter poenam excommunicationis, quam ipsum incurrere decernimus, ipso facto a debito ipso cadat.

LXIV. (z) *Ne indecentia in Ecclesiis & Cimiteriis fiant.*

Ne Domini aut Judices seculares, aut Ballivi, aut Officiales, seu nuntii curiae secularis in Ecclesiis vel Cimiteriis, vel Ecclesiarum atriis, causas, lites, aut contentiones, seu placita audiant, penitus inhibemus; sed nec sententias ibi proferant, nec praecpta, banna, edicta, subhastrationes, (a) vel executiones faciant, nec aliquos ad quamcumque poenam corporalem condemnatos per loca ipsa deducant. Tales enim sententiae & processus reprobantur a jure. Sed nec aliqui congregationes, consilia, parlamenta, vel choreas facere, vel cantilenas dicere, vel mercata tenere, vel merces vendere, vel aliquas ludibria, vel inhonesta agere (b) praesument.

LXV. (c) *De Presbyteris, ut teneant congruam hospitalitatem.*

Quoniam quidquid habent Clerici pauperum est, districte precipimus omnibus

(†) Cap. XLIX. *Ne quis Oratoria faciat*, abest a Lunigio. Cap. L. *De altari portatili*, ulque ad Caput XLIX, quod non reperio in Treverico. Caput LXI. habet Martene, sed sine titulo, licet numero distinctum a Cap. LX.

(u) Hoc Martenii & Lunigii Caput LXII. est Hontheimii Caput XLIX.

(x) Est novum Capitulum Hontheimio, Martenio idem cum precedente.

(y) Abest ab Hontheimio hoc Caput Martenii LXIII.

(z) Est Caput LI. Treverici exemplaris: *Ne causa seculares in Cimiteriis tractentur.*

(a) arreationes, loco: subhastrationes.

(b) ibidem

(c) Caput LII.

nibus Presbyteris, Rectoribus & (d) Vicariis, ut in suis Ecclesiis hospitalitatem teneant congruentem; provisio tamen per Ecclesias ipsas, ut in prandis, cenis, vel herbergiis, & similibus, & quibuslibet aliis gravationibus, laicis quibuscumque se non submittant, aut de novo illis (e) eos quocumque modo tributarios, vel censuales faciant, si condignam effugere voluerint ultionem. Sed nec de Ecclesiis aut rebus, aut Ecclesiasticis negotiis laicorum iudicio aut voluntate quomodolibet disponant. Laici autem, aut alii quilibet, qui in præmissis, aut in talibus (f) quæstis, indebitis servitiis, vel similibus, Ecclesias vel Ecclesiastica bona quælibet gravare, aut Ecclesiasticas personas ad hoc quomodolibet compellere præsumpserint, nisi legitime ab ordinariis moniti a talibus destiterint, aut jam commissa emendare distulerint, excommunicationis sententiæ extunc ipso facto volumus subiacere.

LXVI. (g) *Qualiter pecunia Ecclesie a Presbytero debet distribui.*

Interdicimus, ne Rectores, vel Beneficiarii de pecunia, ratione Ecclesiarum suarum acquisita emanant possessiones, seu reditus perpetuos nomine hæredum suorum, vel etiam alieno. Sed ad opus suum duntaxat & Ecclesiarum suarum faciant confici super his instrumenta. (*) Nullos laicorum sub excommunicationis poena late sententiæ bona decedentium Clericorum occupare, aut detinere præsumat; sed ad utilitatem ipsius Ecclesie conserventur.

LXVII. (b)

Adhuc iubemus, ut Rectores & Beneficiarii in ædificiis, reparationibus Ecclesiarum, & Domorum, in libris quoque & ornamentis, & aliis ad Divinum cultum necessariis, juxta facultates ipsarum Ecclesiarum studeant, cum opus fuerit taliter se habere, quod eorum exemplo Parochiani & alii merito ad hoc invitentur, præcipue quia ipsi ad talia possunt cogi.

(d) Curatis, loco: Vicariis.

(f) causis, loco: quæstis.

(b) Caput LV.

(d) Caput LVII.

LXVIII. (i) *Ut nullus cum Calice ligneo celebret.*

Omnibus Sacerdotibus nostræ Provinciæ Trevirensis interdicimus, ne quis eorum cum Calice ligneo, vel vitreo, vel stanneo, vel plumbeo, vel de pelte, (k) vel de auricalco, vel de electro, infra nostram Provinciæ ulterius celebrare præsumat. Igitur unaquæque Ecclesia calicem saltem argenteum cum patena habeat.

LXIX. (l) *Ut imagines Ecclesie sint supra Altare.*

Præcipimus, ut in unaquaque Ecclesia ante vel post, vel super Altare sit imago, vel sculptura, vel scriptura, vel pictura expresse designans, & cuilibet intuitu manifestans, in cuius Sancti meritum & honorem sit ipsum Altare constructum.

LXX. (m) *Quod Presbyteri in Ecclesiis personalem residentiam faciant, nisi dispensentur.*

Statuimus, monemus, atque præcipimus omnibus Rectoribus atque Capellanis curatis Ecclesiarum nostræ Civitatis, Diocesis, & Provinciæ Trevirensis, ut in suis Ecclesiis infra mensem a die recitationis præsentis constitutionis computandum, residentiam faciant personalem, & hospitalitates ibidem teneant, prout facultates Ecclesiarum suarum commodè poterunt supportare: alioquin præsentis constitutionis auctoritate ab ipsis beneficiis se noverint esse suspensos, nisi cum eis Canonice fuerit dispensatum.

LXXI. (n) *Ut nullus census Ecclesie sue ad firmam sine licentia Episcopi sui obliget.*

Cupientes hospitalitatem in Ecclesiis observari, interdicimus, ut nullus Ecclesias ad censum, seu ad firmam det vel concedat, seu fructus ejus obliget, absque nostra & Episcoporum locorum licentia speciali; sed & si quis ex aliqua rationabili causa ad censum, seu ad firmam dandi licentiam a nobis, seu loci Episcopo obti-

(e) illas tributarias.

(g) Cap. LIII. apud Nonthemium.

(i) Caput LVI.

(m) Caput LVIII.

(*) Caput novum LIV.

(k) abest a Martenio.

(n) Cap. LIX.

obtinuerit ; non tamen alicui seculari (o) personale aliquod officium (p) quocumque seculari regimini gerenti ad censuram, obligare, seu affirmare presumat : alioquin contractum ipsum nullas vires habere decernimus ; & ipsum ad firmam contra hoc jam initos revocamus, & omnino viribus vacuamus.

LXXII. (q) *Quod Ecclesie non obferantur laici.*

Distincte præcipimus omnibus Archiepiscopis, Curatis, & perpetuis Vicariis, ne propter debitum proprium, vel Ecclesie, propria auctoritate denegare presumant quibuscumque personis ingressum Ecclesie, aut differre Ecclesiastica Sacramenta, quæ eis sunt absque dilatione aliqua concedenda.

LXXIII. (r) *Ut heredes moneantur, ut infra XI. dies testamentum, si fuerit, Episcopo deponatur.*

Item statuimus, ut quandocumque (s) aliquem in Parochia cujuscumque Presbyteri nostræ Civitatis, Diocesis, & Provinciæ Trevirensis, testamentum, vel quamlibet aliam ultimam voluntatem ordinare, vel disponere contigerit ; post mortem testatoris per ejusdem Parochiæ Presbyterum (t) moneantur heredes, vel heres, vel ipsius ultimæ voluntatis Executor, vel Executores, vel ille, vel illi, penes quem, vel quos scriptura ultimæ voluntatis fuerit ; quod ipsam infra XI. dies a tempore obitus testatoris computandos, Nobis vel Officiali nostro in nostra Civitate, Diocesi & Provincia ; Episcopis vero locorum, vel Officialibus eorum in nostra provincia, apertam vel aperiendam exhibeant, ne elemosyna, seu legata ad pias causas remaneant insoluta, & ut pia ultima voluntas testatoris debitum sortiatur effectum. Quod si infra præmissos XI. dies id non fecerint,

impedimento cessante, excommunicationis sententiam incurrant ipso facto.

LXXIV. (u) *Contra illos, qui tenentur solvere pro Defuncto.*

Statuimus, ut heredes & successores defuncti, qui juraverat (x) solvere, seu reddere pecuniam illicite acquisitam, vel res alias, seu legata, moneantur per locorum ordinarios ; ut sicut ille juraverat, solvere, seu reddere, ita ipsi adimpleant, & ad hoc, si necesse fuerit, per censuram Ecclesiasticam, sicut iustum fuerit, compellantur. (y) Et nihil est, quod magis debeat hominibus, quam ut eorum supremæ voluntatis [z] elogia impleantur.

LXXV. *Ut testator vocet Rectorem, vel Capellanum.*

Statuimus, atque ordinamus, ut quicumque de bonis suis testari, atque de anima sua disponere voluerit, Rectorem, seu Capellanum, sive Curatum, qui ejus debet noscere conscientiam, & conditionem, a quo Ecclesiastica Sacramenta recipit vivens, advocet, per quem salubrius, & juvari & dirigi poterit in his, quæ ad salutem animæ suæ pertinent, peragendis.

LXXVI. (a) *Contra Executores, ut moneantur super Testamentis.*

Præcipimus quoque in virtute sanctæ obedientiæ Rectoribus Ecclesiarum universis, ut annis singulis in quatuor diebus Dominicis, videlicet semel in quolibet quatuor temporum, publice infra Missarum solemnias moneant generaliter omnes & singulos Executores testamentorum, & seu quamlibet ultimarum voluntatum & dispositionum, & etiam quoslibet heredes & successores, & generaliter quascumque personas, quæ teneban-

[o] personæ [p] in quocumque regimine.

[q] Caput LX. De Sacramentis datus.

[r] quicumque, loco: quandocumque.

[s] Cap. LXII. De restitutione pecunie male acquisitæ.

[t] jurant, pro juraverat: quod videtur aptius.

[u] Novum Caput in Trevirico LXIII. De Testamentis. Quia nihil est.

[v] Legata impleantur, statuimus atque ordinamus, ut quicumque de bonis suis: sed Hæreticus sub uno Capite, quod Mortem in duo dividit.

[w] Caput LXIV. re idem cum hoc Cap. LXXVI.

[x] Cap. LXI. De Testamentis exhibendis.

[y] Capellanum

nebantur aliqua dare, solvere, vel facere ad pias causas, seu quoslibet pios usus, juxta defunctorum dispositiones, ut illa infra anni spatium, a testatoris obitu computandum, dare, solvere, & facere teneantur; nisi quod agendum est prolixius tempore necessario de sui natura, vel ex testatoris dispositione exposcit. Hoc autem habere locum intelligimus in casibus post præfixam constitutionem futuris. In casibus vero, quæ ante præsentis constitutionis promulgationem (b) dari, solvi, vel fieri debuerunt; annum ipsum a revocatione præsentis constitutionis decernimus computandum; alioquin quæ infra præmissum tempus hoc implere neglexerint, excommunicationis sententiam ipso facto incurrant. Eisdem quoque Rectoribus & Capellanis sub pœna suspensionis ab officio præcipiendum mandamus, ut infra XX. dies post lapsum anni præmissum, Nobis vel Officiali nostro in civitate, & Diocesi nostra, & locorum Episcopis in nostra provincia fideliter nuntiare (c) procurent personas, quas noverint in suis Parochiis, quæ præmissa (d) sciunt, infra præmissum tempus non implevisse, ut per Nos vel Episcopos ad hoc per competentia remedia urgeantur, vel per Nos ipsos, seu Episcopos, prout jura suaderent, pias ipsorum decedentium voluntates executioni debitæ demandentur. Prædicta (e) autem ad pias causas in extrema voluntate eorum, Parochiali Sacerdote, seu Curato, & duobus aut tribus fide dignis testibus sine quacumque scriptura inde confecta, firma decernimus permanere.

LXXVII. (f) *Contra illos, qui bona testatorum ad se appropriant.*

Præcipimus quoque, & præceptum fuisse hætenus declaramus, ut testamentorum seu ultimarum voluntatum Executores titulo emptionis, vel quovis alio titulo nihil omnino propria auctoritate de bonis restituant testatoria, nisi forte ab illo legatum vel concessum sibi expresse fuerit. Qui vero contra fecerint, premium amittant, si ex causa emtionis se

duxerint retinere. Si vero ex alia causa, Judicis ordinarii (g) loco arbitrio puniantur.

LXXVIII. (h) *Ut Clerici, & Ecclesiastica persona testari possint.*

Prædecessorum nostrorum vestigiis inherentes, permittimus de gratia speciali, quod Clerici beneficiati nostræ Civitatis, Diocesis & Provincie, solutis omnibus Ecclesiarum & Beneficiorum suorum debitis, disponere possint libere, & testari, dum mentis suæ compotes existunt, de bonis mobilibus & se moventibus, obtentu Ecclesiarum, & beneficiorum suorum acquisitis: ita dumtaxat, quod Ecclesias suas, & beneficia, & domos, utensilibus & animalibus, quæ agriculturæ ipsius Ecclesiæ deputata sunt, nequaquam spoliarent, seu rapiant, (i) & insuper sufficientia victualia & sumptus necessarios usque ad novos fructus colligendos, pro futuri Successoris ac servitorum Ecclesiæ ac ministrorum necessariorum congrua sustentatione reservent.

LXXIX. (k) *Contra sortilegos & alios, qui cavalleres accipiunt.*

Divinationes, sortilegia, auguria, & quælibet alia similia superstitiosa remedia, sive in (l) imprecationibus, ac conjurationibus, sive in (m) votis, quas brevia seu characteres vocant, aut etiam in quibuscumque rebus ad collum, vel alibi suspendendis vel ligandis consistant, tamquam damnata ab omnibus Christi fidelibus Nobis subditis observari, vel fieri, eisdemque fidem adhiberi penitus prohibemus. Nullus ergo paganorum morem secutus, ad Divinos, sortilegos, vel augures, pro vita, vel pro morte, hominum, vel animalium, vel rerum amissione, aut contra grandines, aut tempestates, aut ut a viro, vel, ut a muliere magis ametur, aut pro qualibet alio remedio superstitioso, vel consilio ab illa (n) expectando recurrat, aut eos in domum suam, quasi ut malum foris mittant, vel maleficium (o) nuncient, introducat.

LXXX.

(b) a recitatione, *velles: mo:* a revocatione.

(d) sciunt, *missa in Treverco.*

(f) Caput LXV.

(i) sed illa & insuper

[m] notis, *loco:* votis.

(g) loci

(k) Cap. LXVII.

[n] expectando

(c) denunciare

(e) Relicta, *loco:* Prædicta.

(b) Caput LXVI.

(l) in præcantationibus

(o) inveniant,

LXXX. (p) *Contra illos, qui Psalterium per sortem inspiciunt.*

Nullus etiam super *sortes*, quas *Sanctorum*, seu *Apostolorum*, vel *Psalterii* vocant, aut cujuscumque Scripturæ inspectione Divinationis scientiam profiteatur, aut futura promittat, aut quælibet maleficia in tabulis, vel codicibus in (q) astralabo requirat.

LXXXI. (r) *Contra mulieres de nocte equitantes.*

Nulla mulier se nocturnis horis equitare cum Diana Dea paganorum, vel cum (s) Herodiana innumera mulierum multitudine profiteatur. Hæc enim Dæmoniaca est illusio.

LXXXII. (r) *Ut in collectionibus herbarum incantationes non fiant.*

Nec non in herbarum collectionibus carmina, incantationes, aut alias observationes, præter Dominicam orationem & Symbolum adhibeat, nec in Brevis suspendendis, vel ligandis aliquid præter illa scribat. Dæmonium ramen sustinenti, licet petras & herbas sine incantatione habere. Dies quoque Ægyptiaci, constellationes, lunationes, Calendæ Januarii, initia mensium, dies mensis, cursus Solis, Lunæ, syderum superstitiose observari non debent, credendo in illis virtutem seu necessitatem interesse. Sed nec in præmissis diebus, seu temporibus, mensæ cum ampullis & lampadibus in domibus sunt parandæ, & per vicos & plateas cantores & chori [t] ducendi.

LXXXIII. (r) *Contra insipientes animalia.*

Nulla etiam tempora fausta, vel infausa existimanda, ut quis in eis velit, aut nolit aliquid inchoare, nec ad volatum vel garritum avium, vel ad motum alicujus membri, aut ad alicujus animalis aspectum aliquid esse prospere venturum, vel non, est pronosticandum.

LXXXIV. (u) *Contra illos, qui per XII. signa cæli eventus prædicunt.*

Interdicimus etiam, ne quis per duodecim signa cæli, nascentium in illis mores, actus, eventus, aut effectus prædicere præsumat; & ne homo pro domo fabricanda, aut conjugio sociando, vel hujusmodi illa observet. Quicumque autem post generales prohibitiones, quas in Missarum solemnibus diebus Dominicis per Sacerdotes super his fieri præcipimus, si contra fecerint, ingressus Ecclesiæ & Ecclesiastica Sacramenta eis omnino interdiciantur; & si necesse fuerit, excommunicationis vinculo innodentur, aliisque juris remediis per locorum Ordinarios a talibus arceantur.

LXXXV. (x) *Contra Quæstores fidei agentes.*

Quamplurimi dicunt, se esse Quæstores Hospitalium, Ecclesiarum, & locorum religiosorum & piorum, falso mentientes, falsas literas portant, aliqua etiam falsa & adulterina signa sibi imponunt. Nonnulli quoque Sanctuaria se deferre prætendentes, abusiones multas in Religionum, & Ecclesiarum, & locorum, quorum nomine quæstus exercent, (y) infamiam & scandalum plurimorum faciunt. Idcirco volentes circa hoc remedium quale possumus adhibere, omnibus & singulis Rectoribus, & Curatis nostræ Civitatis, Diocesis, & Provinciæ in virtute sanctæ obedientiæ præcipimus, ne de cætero ullum Quæstorem in suis Ecclesiis, sine Nostris, vel Episcopi loci, aut sine literis Apostolicis admittant.

LXXXVI. (z) *Contra extraneos Presbyteros.*

Distictius quoque inhihemus, sub poena excommunicationis latæ sententiæ, ne aliquis Sacerdos non habens Parochiam, sive animarum curam, matrimonia celebret, corpora defunctorum sepeliat, baptizet, Confessiones audiat, Eucharistiam, & alia Sacramenta Ecclesiastica ministret populo, sine Nostra, aut

[p] Caput LXVIII.

[r] Hæc tria sub uno Cap. LXVIII. *Hontbenius.*

(s) choreæ

(y) ad infamiam

[q] in astralabo

(u) Caput LXIX.

(x) Caput LXX.

(z) Cap. LXXI.

(s) Herodiade & innumera

(x) Caput LXX.

Per quos Matrimonium debeat celebrari.

aut Episcopi (a) loci licentia speciali, aut illius, cui animarum cura in illo loco commissæ est: Cum constet absoluciones & remissiones ab eo absque licentia huiusmodi, tamquam a non suo Iudice factas, nisi dumtaxat in casu necessitatis, nullius fore momenti. Neminem enim licet faciem suam mittere in messem alienam iuxta illud: *Ingressus es, ut (*) advena, numquid, ut Iudices nos?* sed nec aliquis Sacerdos in alterius Ecclesia, vel Parochia diebus Dominicis, vel aliis Solemnitatibus Missas publicas celebrare præsumat, donec Rector, Vicarius, vel Capellanus Missam celebraverit, nisi de ipsius Rectoris vel Vicarii licentia speciali: cum secundum Canonicas Sanctiones nulli Sacerdoti licet Missas peculiares sive privatas dicere, per quas populus a publicis Missarum solemnibus, quæ hora debita fieri consueverunt, talibus diebus abstrahatur, nec absque illius licentia saltem tacita in generali Missis publicis celebrare vel baptizare, aut aliquid aliud, quod ad Rectoris, seu Vicarii spectat officium, agere præsumat.

LXXXVII. (b) *Contra illegitimos filios, ne administrant in Divinis Officiis.*

Omnibus Sacerdotibus, sub pena excommunicationis late sententiæ precipimus, ne filius illegitimus sibi ad altare ministrantibus Divina officia celebrare præsumant. (c) Omnibus insuper curas gerentibus animarum precipimus, ne Horas Canonicas, vel aliud quodcumque Officium Ecclesiasticum, sine superpellicio, impedimento cessante, in Ecclesiis dicere, vel celebrare præsumant. In Ecclesia consecrata sanguinis vel seminis effusione, aut incendio, vel violentia polluta, priusquam canonice fuerit reconciliata, arctius inhibemus Divina officia celebrari.

LXXXVIII. (d) *Contra infideles, ne sepeliuntur.*

Sed & si in cimiterio consecrato Ecclesiæ contiguo hoc contigerit, vel si excommunicatus fuerit, aut infidelis ibi sepultus sit; tunc absque Nostra, vel Episcopi loci licentia speciali quisquam in cimiterio eodem non sepeliatur.

LXXXIX. (e) *Contra Sacerdotes audientes Confessiones.*

Nullus Sacerdos nobis subditus, cui animarum commissa non fuerit cura, Parochianum alterius ad confessionem admitat, absque Nostra, vel Episcopi loci, seu proprii Presbyteri licentia speciali, nisi forte Parochiali Sacerdote in gravissima ægitudine constituto, vel nisi tanta fuerit multitudo, quod ad confessiones audiendas Parochialis Sacerdos sufficere non possit; in quibus casibus concedimus, quod possit de licentia Parochialis Sacerdotis, & etiam in gravi articulo necessitatis. (f) Quamvis omnes fideles in tribus anni temporibus, videlicet in Natali, in Pascha, in Pentecoste ad communionem corporis & sanguinis Domini sint monendi.

XC. (g) *Contra illos, qui nolunt confiteri peccata sua.*

Præcipimus tamen, ut omnes subditi nostri semel in anno Capellano, seu Rectori, in cuius Parochia degunt, vel aliis de ejus licentia confiteantur peccata; & saltem in Paschate Eucharistiam recipiant, nisi de licentia sui abstinerint Confessoris: alioquin a Rectoribus & Capellanis, viventes ab ingressu Ecclesiæ, & Sacramentis Ecclesiasticis arceantur, morientibus Ecclesiastica sepultura denegetur.

XCI. *Contra illos, qui confessi sunt.*

Et insuper in virtute sanctæ obediendi precipimus omnibus Rectoribus, &

(a) Agnoscebant ergo Episcopi Germaniæ penes se esse licentiam non solum Parochos approbandi, sed & aliis Religiosis vel Secularibus idoneis licentiam dandi, ut Confessiones suorum subditorum audiant: neque per Canonem Concilii Lateranensis omnis utriusque sexus Episcopo vel Papæ licentiam denegari absolventi per se, vel per delegatos a se.

(*) Genes. XIX, 9.

(d) Iterum Caput separatim LXXIV.

(e) Cap. LXXVI. *Quamvis omnes.*

(f) Est unam cum priori Capitulo, & conjungendum, ut apparet ex contextu.

(b) Caput LXXII.

(c) Caput separatim LXXIII. in Treverico codice.

(g) Cap. LXXV.

& Curatis Capellanis curam animarum gerentibus, sub poena excommunicationis, ut Clericos, & laicos, qui præmissa facere non curaverint, sed in peccato suo pertinaciter remanserint, Nobis vel locorum Episcopis notificent, & eorum nomina in scriptis assignent, ut ex hoc canonice puniantur: (b) Quoniam circa majora majus periculum vertitur, idcirco cautius est agendum.

XCII. *Ne aliquis se intromittat in casibus Episcopaliibus.*

Interdicimus igitur in virtute sanctæ obedientiæ, & præcipimus omnibus Reſtoribus, & quibuslibet aliis subditis nostris nostræ Civitatis, Diocesis, & Provinciæ audientibus confessiones, ne in casibus Episcopaliibus de jure vel consuetudine ad Nos, & ad Episcopos pertinentibus se quomodolibet intromittant; sed ad Nos, & ad Episcopos, seu (i) Pœnitentiariorum nostros illi fideliter remittere curent, & ne aliquis prætextu ignorantie, se in talibus valeat excusare, aliquos ex illis hic ducimus exprimendos.

XCIII. *Alii mittendi sunt ad Dominum Episcopum.*

Primo quidem mittendi sunt ad Nos votorum fractores, & post votum castitatis matrimonium contrahentes.

Secundo. Contrahentes matrimonium, prima vivente, & (k) continens, & religionem intrans, & sacrum ordinem suscipiens invita uxore post carnalem copulam subsecutum.

Tertio. Confessus, se credidisse hæreticam pravitatem, & se hæreticos recepiſſe, & iis favisse.

Quarta. Simoniacus quocumque genere Simonie præterquam mentalis.

Quinto. Ab Episcopo alieno sine licentia proprii Episcopi ordinatus, vel confuratus.

Sexto. Homicidium faciens facto, præcepto, consilio, consensu, (l) excitatione, vel quolibet alio modo.

Septimo. Concipiens filium non a viro, quem vir credens esse filium, illum nutrit, vel instruere intendit.

Oſavo. Vir, qui in mortem conjugis, & uxor, quæ in mortem viri cum effectu machinatur.

Novo. Presbyter celebrans scienter in Ecclesia, vel Parochia interdicta, & Sacerdos (m) nuptias benedicens.

Decimo. Clericus vel laicus scienter corpus excommunicati vel etiam tempore interdicti non excommunicati in Cimiterio sepeliens.

Undecimo. Excommunicatus a Canone in illis casibus, in quibus Episcopus absolvere potest, & etiam irregularis in illis casibus, in quibus Episcopus dispensare potest.

Duodecimo. Matrimonium clandestine contrahentes, & omnes, qui scienter interficiunt, qui secundum antiqua Statuta Synodalia nostræ Provinciæ excommunicationis vinculo sunt innodati.

Tertio decimo. Falsarius literarum Apostolicarum, sive Episcopaliū, vel Officialium, sive publicorum instrumentorum.

Quarto decimo. Sacerdos scienter celebrans in Altari non consecrato, vel sine Sacris in Divinis, celebrans, etiam (n) jejunus. Item non ordinatus in Presbyterum, Missam celebrans, & non ordinatus in Diaconum solemniter & publice Evangelium legens, & non ordinatus in Subdiaconum solemniter, & cum vestimentis Subdiaconi Epistolam in Millarum solemniter legens.

Decimo quinto. Clericus jurans tactis sacrosanctis Evangelijs & perjurans, & quando dubitatur, utrum aliquid (o) sacrum sit servandum vel non.

Sexto decimo. Ubi cumque solemniter pœnitentia est injungenda, non dicimus hoc de publica.

Septimo decimo. Incendiarum & effraſtores Ecclesiarum & Domorum Ecclesiasticarum, & nocturni depopulatores agro-

(b) Hic inchoatur Cap. LXXVII. *De casibus reservatis Episcopo*: quod incommode discepsatur in Marteniano codice.

(i) Primarios, Trevericum: melius nostrum Pœnitentiariorum.

(k) Melius Trevericum: & contrahens, vel religionem intrans, vel sacrum

(l) exhortatione, non: excitatione.

(n) non jejunus

(m) Sacramentum

agrorum, & famosi latrones, qui in itineribus insidiantur.

Decimo octavo. Per saltum aliquo ordine prætermisso, vel etiam furtive & contra prohibitionem promotus, & baptizatus, & reordinatus & reconfirmatus.

Decimo nono. Excommunicatus, suspensus, vel interdictus celebrans Missam scienter, vel officium suum solemniter, sicut prius agens, & qui excommunicatus, vel interdictus ordinem vel Beneficium suscepit.

Vicesimo. Coiens cum Moniali sacra, Virgine vel non.

Vicesimo primo. Desultores Virginum, vi oppressæ, & raptæ.

Vicesimo secundo. Opprimens, sive perimens prolem suam studiose, vel negligenter, ante partum, vel post.

Vicesimo tertio. Quomolibet abutens Chrismate, vel Hostia, vel alia re sacra.

Vicesimo quarto. Rapinam, vel sacrilegium committens in Ecclesia.

Vicesimo quinto. Scienter bapizans proprium filium, & etiam uxoris suæ ex alio viro, vel e converso, præter in articulo necessitatis, vel etiam aliis deficientibus, vel etiam in Carechismo, vel confirmatione tenens.

Vicesimo sexto. In Ecclesia maxime consecrata luxuriam committens, humanum semen quomodocumque ibidem studiose emittens.

Vicesimo septimo. Scienter coiens cum Iudæa vel Saracena, vel Pagana, & e converso.

Vicesimo octavo. Verberans patrem vel matrem, vel alias enormes eis injurias irrogans.

Vicesimo nono. Sortilegi, Divinatores, malefici, incantatores, augures, aruspices, daemones pro quacumque causa invocantes, vel similia facientes.

Tricesimo. Contrahentes matrimonium post sponsalia cum aliis juramento interposito contracta, illis per Ecclesiam non dissolutis.

Tricesimo primo. Violator Ecclesiæ, vel Camiterii.

Tricesimo secundo. Peccatum Sodomiticum committens (p) cum quibuslibet consanguineis vel affinibus.

Tricesimo tertio. (q) Sacerdotes, vel Ministri, quorum culpa vel negligentia aliquid inhonestum circa Sacramentum Altaris evenerit.

Tricesimo quarto. (r) Cognoscentes consanguineas suæ uxoris vel sponsæ.

Tricesimo quinto. (s) Procurans, quomodocumque sit, sive per se, sive per alium in alio sterilitatem.

Tricesimo sexto. (t) Blasphemans Deum publice, vel Matrem ejus, vel Sanctos, vel falsum testimonium professrens, & laicus juramenti transgressor; qui tamen post transgressionem satisfaci de eo, quod juraverat facere, vel servare.

Tricesimo septimo. (u) Sacerdos coiens cum ea, quam bapizavit, vel confessiones audivit, vel etiam cum ea, quæ speciali affinitate sibi est conjuncta.

Tricesimo octavo. Contrahens matrimonium cum ea, quam cognovit per adulterium, superflite legitima uxore sua, vel e contra.

Tricesimo nono. (x) Mulier, cujus vir diu abfuit, & de illius morte certitudo non habetur, contra prohibitionem Ecclesiæ matrimonium cum alio contrahens, idem & e converso.

XCIV. [y] *Contra non habentes ætatem matrimonii.*

Inhibemus Rectoribus & Sacerdotibus, ne matrimonialia admittant inter aliquos, qui non sunt ætatis nubilis, sive ambo, sive alter eorum tantum deficiat in ætate; vel etiam ubi dubitatur, utrum matrimonium teneat an non, vel si de hoc lis mota fuerit, solemnizare in Ecclesia præsumant sine Nostra, aut Episcoporum locorum, vel Officialium licentia speciali.

XCV.

(p) vel cum brutis commiscens. *Tricesimo tertio.* Incessum committens cum quibuscumque.

(q) In Treverico est 34. casus.

(r) 35. in Treverico.

(s) 36us casus.

(t) 37imus.

(u) est 38vus.

(x) est 40mus casus.

(y) Caput LXXVIII.

XCV. (2) *Contra clandestina Matrimonia.*

Declaramus & pronunciamus, quod quicumque clandestina matrimonia seu sponsalia contra juris prohibitionem contrahunt, tam ipsi contrahentes, quam ipsi omnes Laici, & Clerici, ac Religiosi, qui non sunt Presbyteri, qui scienter & sponte, non casu fortuito, tali matrimonio interfunt, per Constitutiones tam *Provincialis Concilii*, quam Prædecessorum nostrorum, excommunicationis; Presbyteri vero suspensionis per triennium incurrunt sententias (a) ipso facto.

XCVI. *Contra non facientes proclamationes.*

Inhibemus igitur, & inhibitu esse declaramus de jure, ne sponsalia, seu matrimonia clandestine contrahantur: sed cum contrahenda fuerint matrimonia, Sacerdotes; publice tcr, scilicet, per dies Dominicos, vel Festivos proponant, & proclamationem faciant in Ecclesiis competenti termino præfinito, ut infra illum, qui voluerit, legitimu impedimentu opponat; & ipsi Sacerdotes nihilominus per se ipsos fideliter & diligenter investigent, utrum aliquod impedimentu obstat. Quod si apparuerit, vel etiam de facto ipso sit probabilis conjectura, contractus matrimonii interdicitur expresse, donec quid super hoc fieri debeat, per loci Ordinariu declaretur. Sacerdos vero, qui tales conjunctiones solemnizare præsumserit, aut quilibet Regularis, qui in eis interesse præsumserit, per trienniu ab officio suspendantur; gravius nihilominus puniendus, prout culpæ ipsius gravitas postulat; sed & illi, qui taliter copulari præsumserint, condigna poenitentia injungatur; & si sic conjuncti permanserint, Ecclesia (b) contra eos tamquam publicos concubinarioru reputabit. Verumtamen, si clandestine contrahentes talia matrimonia, postea in facie Ecclesie (c) publice voluerint, ab Ecclesia recipienda & approbanda sunt, tamquam a principio in conspectu Ecclesie contracta, nisi vel condanguineitas, vel aliud legitimu impedimentu appareat: Ita videlicet quod publice coram

Sacerdote & aliis pluribus personis consistantur se matrimoniu contraxisse, vel de novo in Ecclesia matrimoniu contrahant de præfenti, eisque, si postulaverint, detur benedictio nuptialis, injecta tamen prius eis per Sacerdotem poenitentia competenti, pro eo, quod clandestine contraxerunt. Prædictæ autem proclamationes non remittantur a quoquam, nisi super una, vel duabus dumtaxat ex causis Nos, vel Episcopi loci velimus gratiam facere specialem.

XCVII. (d) *De Personis ignotis.*

Nullus autem Sacerdos personas ignotas de remotis partibus venientes matrimonialiter copulare præsumat, sive ambæ ignotæ fuerint, sive altera illarum tantum: nec tale matrimoniu faciendum denunciet in Ecclesia, sine nostra, vel Episcopi loci licentia speciali.

XCVIII. (e) *De alieno Parochiano.*

Sed nec aliquis Sacerdotum alienum Parochianu ad matrimoniu recipiat, ignorante proprio Sacerdote.

XCIX. (e) *De Sponsis Et Sponsa.*

Si vero Sponsus & Sponsa de diversis Parochiis fuerint, matrimoniu possunt contrahere & nuptialem benedictionem recipere in quacumque Ecclesia maluerint, dum tamen literas nostras, vel certos nuncios suorum Presbyterorum ostendant, continentes, quod in Ecclesia, quorum sunt Parochiani, matrimoniu fuerit legitime denunciatum contrahendum, & quod ipsi Presbyteri nullu sciunt, vel audiverunt impedimentu, quominus inter eos possit matrimoniu esse, licet autem aliqui transulerint domiciliu suu in Parochiam alienam: nihilominus tamen denunciatio matrimonii contrahendi fiat in prima Ecclesia, in cujus Parochia diu morati sunt, & etiam in illa, in qua suu transulerint domiciliu & morantur: præcipue si noviter se transulerint. Eis autem, quæ rupta fide sponsationu matrimoniu cum aliis contrahunt, non detur nuptialis benedictio.

T 3

C.

(2) Caput LXXIX.
(c) publicare(a) sententiam
(d) Caput LXXX.(b) contra abest a Treverico.
(c) Idem cum præcedente.

C. (f) *Contra illos, qui illegitimi sunt nati, ut ad primam Tonfuram non accedant.*

Præcipimus, ut nullus illegitime natus ad primam Tonfuram, vel aliquos Ecclesiasticos Ordines, vel Ecclesiastica Beneficia se ingerat, seu præsentet, vel præsentari faciat absque legitima dispensatione. Qui vero contrarium fecerit, & qui talem scienter præsentaverit, præter pœnam juris, ipsum excommunicationis vinculo innodamus. Illegitimi quoque Beneficia Ecclesiastica absque sufficienti dispensatione obtinentes, ipso facto se noverint privatos.

CL. (g) *Contra excommunicatos.*

Excommunicatos, aut nominatim interdictos per totam nostram Provinciam ab omnibus Regularibus & secularibus exemptis, & non exemptis præcipimus in Divinis Officiis & Sacramentis Ecclesiasticis evitare: quia nulli debent in hoc aliquibus privilegiis se tueri. Qui vero contra fecerint, vel tales ad sepulturam Ecclesiasticam admiserint, vel receperint, aut celebrare in Ecclesia interdicta præsumperint, Ecclesiæ in quibus talia fient, subiaceant interdicto.

CII. (b) *Ut Præcepta Ecclesiæ denuntientur.*

Præcipimus Rectoribus, & Capellanis Ecclesiarum omnibus sub pœna excommunicationis, ut præcepta, sententias interdicti, & excommunicationis, quæ Nos vel Episcopi nostræ Provinciæ, vel Officiales nostri, vel alius auctoritate mandaverimus observari, mandabimus in futuro, postpositis odio, gratia, vel timore, fideliter observent, & quantum in eis fuerit, faciant ab aliis observari.

CIII. (i) *Contra retinentes litteras dolose.*

Item præcipimus sub pœna excommunicationis latæ sententiæ, quod omnes illi, qui retinent scienter & dolose, contra debitorum voluntatem omnia in-

strumenta & litteras ipsorum debitorum, de quibus plane satisfactum est, quod eadem instrumenta eis restituant infra mensem, ex quo præsens statutum ad eos pervenerit, & restituendi habuerint facultatem.

CIV. (k) *Contra illos, qui faciunt contra mandata Ecclesiastica.*

Nos (l) quoque, qui propter executionem statuti & ordinationis præmissorum, vel alia qualibet occasione Clericos, vel laicos, qui aliquos ad nostram Curiam, & Ecclesiasticos Judices citari, vel trahi fecerint, vel interdicti, aut excommunicationis, vel alias sententias, & processus contra eos obtinuerint, aut ibi in iudicio contenderint, vel etiam Officialium Nuncios, Judices nostros, & Episcoporum, qui hujusmodi sententias tulerint, & processus fecerint, compellere per captionem personarum vel rerum suarum, vel alio quocumque modo ad desistendum, vel obtinendum absolutiones, vel revocationes hujusmodi faciendas. (m) Eos, qui in causis ad forum Ecclesiasticum pertinentibus executiones aliquas contra quascumque personas fecerint, capientes, & qui eos capi, vel alias ladi mandaverint, seu procuraverint, nisi infra unius mensis spatium cum debita satisfactione præmissa emendaverint, & cum (n) steterint, in his scriptis excommunicationis vinculo innodamus. (o) Ne autem circa hæc, quæ (p) notoria sunt, omittamus, & ne quis ignorantiam possit prætexere in præmissis, duas constitutiones felicis recordationis GREGORII PAPÆ X. præsentī constitutioni de verbo ad verbum duximus subnectendas. Quarum prima est:

CV. (q) *Contra illos, qui faciunt absolutiones per vim & metum.*

" Absolutionis beneficium (*) excommunicationis, vel quancunque
" revocationem ipsius, aut suspensionis,
" seu etiam interdicti per vim, vel per
" metum extortam præsentis constitutionis

(f) Caput LXXXI.

(g) Caput LXXXII.

(h) Caput LXXXIII.

(i) Caput LXXXIV.

(k) Caput idem cum priore.

(l) Eos, pro: Nos.

(m) *subintellige: sub pœna excommunicationis monendos præcipimus, deim inchoatur*

Caput LXXXV. Eos etiam, qui in causis,

(n) effectu destituerint, *legē: destituerint.*

(o) Cap. LXXXVI. *De extortis absolutionibus.*

(p) necessaria

(q) Continuatio prima Gregorii X.

(r) ab excommunicationis sententiā

"nis autoritate omnibus viribus vacuamus. Si autem sive vindicta, sive violentia crescat malignandi audacia; eos qui absolutionem, seu revocationem hujusmodi vi vel metu extorserint, excommunicationis sententiæ decrevimus subjacere.

CVI. (r) *Contra illos, qui capiunt, vel interficiunt propter sententias.*

"Item alia hæc est: Quicumque, eo quod in Reges, Principes, Barones, Nobiles, Ballivos, vel quoscunque Ministros, aut quoscunque alios excommunicationis seu interdicti sententia fuerit promulgata, licentiam dederit alicui occidendi, capiendi, seu alias in personis aut bonis suis, aut suorum gravandi: eos, qui tales sententias protulerint, sive quorum sunt occasione prolata, vel easdem sententias observantes, seu taliter excommunicatis communicare volentes, nisi [r] sententiam re integra revocaverint, vel si ad honorum captionem occasione ipsius (r) sententiæ sit processum, nisi bona ipsa fuerint infra octo dierum spatium restituta, aut satisfactio pro ipsis impensa, in excommunicationis sententiam incidant ipso facto. Eadem sint sententia innodati omnes, qui ausi fuerint prædicta licentia data uti, vel aliquo præmissorum, ad quæ committenda dari licentiam prohibemus, aliaque committere sub motu. Qui autem in eadem sententia permanserint duorum mensium spatio, extunc ab ea non possint, nisi per sedem Apostolicam absolutionis beneficium obtinere.

CVII. (u) *Contra Ballivos, & Judices sæculares.*

Illud quoque sub excommunicationis pœna prohibemus, ne quisquam Civitatis, Diœcesis & Provinciæ nostræ Clericos, seu Ecclesiasticas personas trahere, seu trahi facere præsumat, super quibuscunque personalibus actionibus, coram quocunque Judice, Domino, Ballivo, vel alio temporali, vel sæculari,

seu sæcularem jurisdictionem habente. Clerici vero hoc facientes, excommunicationis sententiam incurrant ipso facto.

CVIII. (x) *Contra Dominos temporales, qui capi faciunt Clericos, vel alios propter sententiam.*

Sed nec ipsi de facto coram talibus, & super talibus, sive a Clericis, sive a laicis (*) capti fuerint, in ipsis consentiant, aut coram eis respondeant, sub eadem excommunicationis pœna, præter alias pœnas de jure scriptas. Nos enim sententias condemnationis & processus quoslibet coram talibus, sive per eos, sive eorum auctoritate, & mandato, habentes, & habendos, irritos decernimus & inanes. Si autem Domini temporales, vel sæculares Judices, Ballivi præmissi, & alii quicumque quomodolibet directe, vel indirecte, per se, vel per alios tales in se consentire, aut sibi respondere, compellere, aut ab eis aliquid extorquere præsumserint; ipsi Domini Judices, Ballivi, & quilibet alii excommunicationis sententiæ, ipso facto, se noverint subjacere, a qua absolvi non possint, nisi prius eis restituant, quod a talibus habuerint; nec remissio eorum, a quibus exactum extiterit, ipsos extorquentes aliquatenus valeat excusare.

CIX. (y) *Contra illos, qui detinent bona & jura Ecclesiarum.*

Injuncti Nobis officii cura, & commissa præterita nos compellunt, ut tam præteritis innovatione statuti, quam debitarum adjectione penarum, Nostræ, & subditorum nostrorum Ecclesiæ indeminatibus consulamus: ne Nos, qui alios in sua justitia foveré tenemur, jus nostrum, & Ecclesiarum improvide negligere videamur. Quia igitur nonnulli bona & jura nostra, & Ecclesiarum nostrarum prædictarum spiritualia Ecclesiastica & temporalia modis variis occupare, & occupata detinere, Dei timore postposito, non verentur: alii vero feuda & retrofeuda, bona & jura, quæ a Nobis, & Ecclesiis nostræ Provinciæ tenere debent, [z] & alia

(r) Constitutio secunda ejusdem Papæ.

(s) licentiæ

(x) Idem cum priori contextu.

(y) Caput LXXXVIII.

(r) licentiam re integra

(u) Cap. LXXXVII.

(*) tracti fuerint,

(z) & omisum.

aliis personis recognoscere, vel submittere non formidant. Idcirco præcipimus sub pœna excommunicationis latæ sententiæ, ipsis occupantibus, & detentoribus, ut bona & jura nostra, & Ecclesiarum absque nostra, & antecessorum nostrorum, seu earundem Ecclesiarum Prælatorum licentiâ & assensu minus iuste occupata, & detenta, plene, integre, & effectualiter nobis, & eis restituere, & agnoscere debeant: ipsis vero recognitoribus, submissoribus Ecclesiarum, feudorum, & retro-feudorum, ut recognitiones & submissiones quomodolibet factas totaliter infra mensem, ex quo præsens statutum ad eos pervenerit, cum effectu revocare non omittant.

CX. (a) *Contra illos, qui recognitiones & submissiones recipi demittunt.*

Requirimus insuper, & monemus eos, qui recognitiones & submissiones hujusmodi per se, vel per alios quomodolibet receperint, aut recipi fecerint, ut omni fraude cessante, infra idem tempus illa libere resignare, remittere, & repudiare, & dimittere non omittant, de quibus restitutione, resignatione, remissione, seu repudiatione infra xx. dies post dictum mensem sufficienter Nos, & Ecclesiarum Prælatos certificare pociunt per legitima documenta.

CXI. *Contra illos, qui alienant bona Ecclesiastica.*

Ad hoc interdicimus omnibus & singulis Nobis & Ecclesiis subditis quæcumque bona Ecclesiastica, vel mundana jura, feuda, vel retrofeuda, quomodolibet tenentibus vel possidentibus, ne de cetero illa in totum, vel in partem quomodolibet vel titulo alienare, transferre, recognoscere, vel submittere quibuscumque personis Ecclesiasticis, vel Mundanis, Collegiis, Universitatibus, seu Villis sine nostra aut Successorum nostrorum ac Prælatorum dictarum Ecclesiarum licentiâ speciali præsumant: & ne quisquam recognitiones & submissiones hujusmodi scienter amodo præsumant. In contra facientes exnunc, ut ex tunc in personas singulares excommunicationis; in Collegia seu Universitates interdicti, in

his scriptis sententias promulgamus: & insuper occupationes: detentiones, alienationes, recognitiones, & submissiones ipsas, irritas nunciamus, & totaliter annullamus. Eidem quoque excommunicationis sententiæ decernimus subjacere eos, qui bona mobilia, feuda, jura, jurisdictiones, & libertates quarumlibet Ecclesiarum nostræ Civitatis, Diocesis, & Provinciæ quomodolibet usurpare, & occupata detinere præsumpserint, nisi infra duorum mensium spatium a præsentis publicatione constitutionis connumerandum, taliter occupata, vel detenta, cum omnibus fructibus & proventibus inde perceptis plene & integre restituerint illis Ecclesiis seu Ecclesiasticis personis, ad quas pertinere noscuntur: Universis & singulis Ecclesiarum Rectoribus, & Curatis præcipientes, quod præsentem Constitutionem Parochianis suis studeant diligenter exponere; & si forte quemquam hac excommunicatione ligatum noverint, illi sepulturam in morte seu aliqua Ecclesiastica Sacramenta in vita non ministrent, vel admittant etiam ad Divina.

CXII. (b) *Contra indoctos Medicos.*

Quia sicut intelleximus, plerique indocti, & quorum vita, & mores incognita sunt civitati, castris, oppidis, & villis nostris, & nostræ provinciæ in arte Medicinæ & Chirurgiæ, & aliis artibus, docere, dicere, & predicare contendunt: & circa exhibendas medicinas & collyria quam plures imperiti, & inexperti se ingerunt, ex quibus quam plurima dispendia provenisse noscuntur, magistrique esse cupiunt, qui discipuli non fuerunt: districte, sub pœna excommunicationis latæ sententiæ inhibemus, ne quis deinceps in Civitate, Diocesi nostra & Provincia artem Medicinæ & Chirurgiæ exercere seu docere præsumat, absque nostra licentiâ seu Episcoporum locorum speciali. Decet enim ut prius examinentur & approbentur tam in scientia, quam moribus hi, qui circa salutem corporum, quæ rebus quibuslibet præponenda existit, seasserunt expertos; cum maxime in talibus tam periculosi,

(a) Connexum cum priori.

(b) Cap. LXXXIV. *De Physicis & Medicis.*

loſis, & arduis quilibet ignorans præſu-
mi debeat, niſi probaverit ſe ſcientem.

CXIII. (c) *Contra Clericos male ſe
gerentes.*

Item præcipimus, quod unusquis-
que maxime Clericus dolos & conjura-
tiones caveat, odium, & æmulationes,
obreſtationes, atque invidiam fugiat,
non vagis oculis, non effreni lingua
verborum, non petulant (d) fluídoque
geſtu incedat, ſed pudorem, & vere-
cundiam mentis ſimplici habitu, inceſſu-
que oſtendat, obſcenitatem verborum
etiam (e) in membrorum, & operum
penitus exſecretur. Senioribus debitam
præbeat obedientiam, neque ullo jaſtan-
tiae ſtudio ſe ipſum attollat, bonis mori-
bus ſtudeat, ab omnibus illicitis cor, &
linguam, & corpus, Deo auctore, con-
ſervet. Omnis enim jaſtantia atque im-
moderatio a moribus bonis eſt aliena.
Curam pauperum, peregrinorum, (f)
alienarum miſerabilium perſonarum ha-
beat, præſentes (g) eis caritativam recte o-
nem, prout ei a Deo fuerit inspiratum.
Viduas, & Orphanos, & Pupillos de-
ſendat, & tam in his, quam in aliis to-
tius boni laudabile exemplum exhibeat.

CXIV. (g) *Qualiter pueri baptizentur.*

Item, ſi mulier in puerperio deceſ-
ſerit, & partus maternis in viſceribus
adhuc jacere credatur, uterus mulieris
ſine mora aperiat, & puer, ſi vivus
eductus fuerit, baptizetur. Si vero
mortuus, extra cimiterium tumuletur.
Sed ſi puer mortuus probabiliter creda-
tur, tunc ſine apertione mulier in cimi-
terio cum partu tumuletur. Si autem
muliere in partu laborante infans in ven-
tre matris tantum caput emiſerit, &
nasci nequeat, mox aliqua de obſetrici-
bus, aquam ſuper caput infantis infun-
dat, dicens: *Ego baptizo te in nomine Pa-
tris, & Filii, & Spiritus Sancti, Amen.*
Et erit baptizatus.

Idemque dicendum eſt, prout qui-
dam aſſerunt, ſi major pars corporis
præter caput appareat, baptizetur; ſe-
cus, ſi minor, ſolus pes, vel ſola ma-

nus appareat, baptizari non debet, quod
ſi fiat, nihil agitur. Cum enim partus
tunc non nalcatur, nec tunc etiam re-
nalcari poteſt. Cæterum, ſi ſolum caput,
vel ſolum major pars corporis appareat,
nec diſcerni poteſt cujus ſexus ſit, tunc
obſtetric levando caput cum aqua fa-
ciendo crucem ſuper caput dicat ſic:
*Creatura Dei, ego te baptizo in nomine Pa-
tris, & Filii, & Spiritus Sancti.* Et erit
baptizatus.

CXV. (h) *De Confirmatione.*

Confirmatio eſt ſecundum Sacra-
mentum Eccleſiaſticum ab ipſo Chriſto
inſtitutum, qui Apoſtolos ſuos confirma-
vit, & per eos, eorumque ſucceſſores
populos confirmandos decrevit. In hoc
Sacramento, ſicut in Baptiſmo, com-
paternitas contrahitur, impediens ma-
trimonium contrahendum, & dirimens
jam contractum. Nullus poteſt bis con-
firmari, nullus, niſi ipſe baptizatus ſit,
aliū confirmatum præſentet. Nullus
propriū filium, vel e converſo, nec
vir, nec uxor (i) infantem aliquem ad
confirmationem teneant, aut præſentent,
non plures unum confirmandum, aut
unus plures confirmandos præſentet, ne
oblivio ex diuturnitate temporis, vel
perſonarum multiplicitate proveniens,
peccati occaſionem inducat. Nullus hoc
Sacramentum, niſi baptizatus fuerit, ac-
cipiat. Confirmandus, ſi adultus ſit,
prius debet confiteri peccata. In Con-
firmatione nomina poſſunt mutari. Ne-
mo ſine hoc Sacramento debet vitam
finire, ideoque ſemper dicatur laicis, ne
diu exſpectent Epilcopi ſui adventum
ad confirmandum; ſed pueros mittant
ad loca proxima, ubi Epilcopum audie-
rint advenſiſſe.

CXVI. *Contra illos, qui alieno Sacerdoti
peccata confeſſentur.*

Nullus alieno Sacerdoti peccata ſua
confeſſetur, niſi prius a proprio petita
licentia, & obtenta: quam nullus re-
quiſitus malicioſe dare & recuſare præ-
ſumat. In quibusdam tamen caſibus li-
bere poteſt, quis confeſſeri alieno (k) Sa-
cer-

(c) Caput XC. *De boſtate Clericorum.*

(e) & membrorum

(g) Caput XCI. *De ſeta mortuo.*

(k) Variæ declarationes Canonis: Omnis utriusque ſexus.

(d) tumidoque

(f) aliorum

(h) Caput XCII.

(i) forte: præſans

(j) ſumit

cerdoti, licentia non petita. *Primo*, si Episcopus hoc alii delegaverit. *Secundo*, si in aliena Parochia peccaverit, potest de illo peccato Sacerdoti illius Parochiæ confiteri. *Tertio*, si suum domicilium in aliam transfulerit Parochiam. *Quarto*, si est vagabundus. *Quinto*, si mortis periculum sibi imminet, nec habere potest proprium Sacerdotem: quo etiam casu posset laico (1) Catholico confiteri. Sed nec aliquis Sacerdos alterius Parochianum ad confessionem sine licentia sui Sacerdotis admittat. Debet autem confitens seipsum, non alium accusare, nec personam illius, cum qua peccavit, debet nominatim exprimere. Sed nec Confessor de illa quærere debet. Nec debet etiam per Nuncium, vel Scripturam, sed ore proprio confiteri, ut qui per se ipsum peccavit, per se ipsum confiteatur, & erubescat. Ad hoc confessiones mulierum in loco non occulto, sed in patenti quis audiat, nec earum facies aspiciat, sed vel capucium ante oculos teneat, vel alibi faciem avertat: & si forte horribile peccatum audierit, non spuat, nec faciem suam torqueat, aut signum aliquod faciat, propter quod peccatorem deterreat, vel rubore, seu verecundia confundat: ita ut reliqua peccata sibi timeat revelare. Sacerdos diligenter peccatorem admoneat, & directe inducat, ut omnia peccata sua humiliter, vere, integre, simpliciter, & fideliter confiteatur, nec verecundia vel timore aliqua celet. Ostendens ei, quia non homini, sed Deo, cuius personam repræsentat, ipse locuturus est, & quod etiam ipse Sacerdos peccator est, & quod beati Petrus & Paulus peccatores fuerunt, (m) quod res pene contra naturam est, ut (n) commissio quis sine peccato sit; & humanum est peccare, sed diabolicum est in peccato perseverare; dicens ei, quod si fiste & palliate confiteatur, vel si aliquod mortale peccatum celaverit, vel scienter dimiserit, vel partem peccatorum uni Sacerdoti, partem alii confiteatur, talis poenitentia ad æternam salutem non sufficit promerendam.

Intelligens igitur Presbyter ea, quæ confitens dicere voluerit, sollicitandò eum studiose, ut cogitet, ne aliquod peccatum prætermittat, de delictorum quoque circumstantiis prudenter & caute interroget, non tanquam scire appetens, sed ut melius & salubrius consulere sciat, & utatur consilio CONCILII GENERALIS, ubi sic dicitur: (m) "Sacerdos" autem sit discretus & cautus, ut more "periti medici superinfundat vinum & "oleum vulneribus faciat, diligenter "inquirens, & peccatorum circumstan- "tias, & peccati, quibus prudenter "intelligat, quale debet illi præstare "consilium, & cujusmodi remedium "adhibere." Interroget ergo in genere, & de diversis, videlicet utrum peccaverit peccato superbiæ, gulæ, luxuriæ, & sic de aliis. Unde AUGUSTINUS: Diligens inquisitor, & subtilis investigator sapienter, & quasi astute interroget a peccatore id, quod forte ignorat, vel verecundia vult occultare.

CXVII. (o) *Qualiter Sacerdos debet audire Confessiones.*

Cognito ergo crimine (p) varietates ejus non dubitet investigare, videlicet locum, tempus, sexum, conditionem, causam, intentionem, personam, modum, & alia necessaria, non tamen (q) conspiciendo nimias circumstantias, nec interrogando de inutilitatibus, nec quærando de illis, quæ confitens forte ignorat, vel nunquam audivit. In his instruat, & ad peccatum (r) declarandum inducat. Nam & secundum GREGORIUM loquendo, specificando, & increpando sæpe culpa detegitur, quam nescit ille, qui confitetur. Et nec inquirat, unde persona, cum qua confitens peccavit. Quærat etiam Sacerdos a confitente, utrum doleat de commissis, dicens ei, quod non gaudebit se conversum, nisi doleat se fuisse perversum: & an proponat ulterius non peccare, & poenitentiam agere de commissis? Et si responderit se a peccatis abstinere non posse, vel nolle, aut ab aliquibus vult absti-

(1) humilitatis causâ, non sacramentaliter

(n) commissio omittit Trevir.

(o) In Treverico non est novus titulus, sed continuatio prioris.

(p) videlicet secundum locum, tempus, sexum, conditionem, causam, intentionem varietates ejus

(q) specificando, pro: conspiciendo.

(m) eo quod

(nn) Lateranensis IV. Generalis XII. Canone XXI.

(r) ad peccandum Trevir. melius Martene.

abstinere, & in aliquibus remanere, nihilominus Sacerdos confessionem ejus debet audire, & de peccatis consilium præbere. Prius tamen, quam sibi consulat, ei patienter dicat, quod si quis quæcumque habet, pauperibus erogaret, & quamdiu vixerit, in pane & aqua jejunaret, & alia bona faceret, nihil sibi proficeret ad vitam æternam obtinendam, quamdiu in peccato commisso remanserit, vel propositum & voluntatem committendi habnerit, nec etiam ab aliquo peccato absolvat; nisi de omnibus penituerit, & nisi propositum habuerit iterum non peccandi, ad quod toto posse & studio eum inducat. Quod si forte ipsum ad veram penitentiam & confessionem inducere nequiverit, præbeat ei de peccatis confessis consilium dicens in hunc modum: Frater, dico tibi & consulo, quod jejunes, oras, elemosynas, (r) & alia bona facias. Hæc tamen tibi ad æternam vitam non sufficiunt, & ad salutem æternam obtinendam, quamdiu in peccato vel peccandi remanseris voluntate: quia nihil prodest jejunare, orare, & alia opera religionis facere, nisi penitus ab iniquitate revocetur: & secundum ISAIAM irrisor est, & non penitens, qui adhuc agit, quod penitet. Opera enim sine caritate apud Deum nec justitiam, nec innocentiam præstant. Talem tamen penitentiam facias, ut per hæc bona & alia, quæ feceris, dignetur Dominus cor tuum ad veram penitentiam illustrare. Et facta generali confessione, scilicet: *Confiteor Deo* &c. non absolvat a peccatis, sed dicat ei, quod non recipiat corpus Christi, quamdiu in peccato, & voluntate, & proposito iterum peccandi manebit. Provident tamen, quantum potest, ne in desperationis illum inducat periculum. (s) Judæi Judam desperare fecerunt.

CXVIII. (u) *Ut Sacerdos confitentem confortet.*

Et quia contraria contrariis curantur, Sacerdos peccatori peccata confitenti, & proposito ulterius non peccandi habenti suadeat, & imponat penitentiam, & correctionem per contrarium sibi respondentem.

(r) des,

(u) In Treverico sine novo titulo continuatur.

Tomas II. Concil. German.

CXIX. *Contra superbiam, avaritiam, & gulam.*

Contra superbiam enim suadeat humilitatem & jungat orationem; contra avaritiam elemosynam affluentem; contra gulam ciborum abstinentiam & sobrietatem; contra luxuriam, jejunium, & orationes, peregrinationes, disciplinas, & alias carnis macerationes imponendo, semper tamen juxta personæ conditionem, penitentiam, quam poterit supportare, ne forte nimium gravetur, (x) gravius peccet etiam injustam penitentiam imponendo & infringendo.

CXX. *Quam debent injungere infirmis penitentiam.*

Nam secundum JOANNEM CHRYSOSTOMUM, si erramus, modicam penitentiam injungendo, melius est propter misericordiam talem dare, quam propter crudelitatem magnam infringi. Ubi enim Paterfamilias largus est, Dispensator non debet esse tenax: & secundum AMBROSIIUM, melius est penitentias tales præstare per misericordiam, quam prætereundere inclementiam. Imposita ergo penitentia & facta generali confessione, *Confiteor Deo*, &c. dicat sic; injungo talem penitentiam tibi, seu satisfactionem pro peccatis, quæ per contritionem confessus es. Et imponens manus super caput ejus dicat: "Indulgendam & remissionem omnium peccatorum tuorum tribuat tibi omnipotens, & misericors Dominus. Amen." Et ego auctoritate Domini nostri *Jesû Christi*, & beatorum Apostolorum Petri & Pauli, & officii mihi commissi, & auctoritate, qua fungor, absolvo te ab his, quæ confessus es, & contritus. " Et dicat ei, quod si postmodum reduxerit ad memoriam alia peccata, quæ non sit confessus, redeat ad eum, ut ea confiteatur.

CXXI. *Contra illos, qui debent porcare infirmis.*

Infirmis autem non est penitentia injungenda, sed solum innotescenda seu declaranda. Dicat enim Sacerdos infirmo, cujus peccata audivit: Frater,

(s) sicut Judæi

(x) forte: & gravius

si sanus esses pro his peccatis, quæ confessus es, deberes tot annis vel taliter pœnitere; sed quia infirmus, nullam injungo pœnitentiam tibi ad præsens corporalem. Si tamen de ista infirmitate te mori contigerit, facias tantum dari pauperibus, vel piis locis, vel tot Missas celebrari, vel similia loco prædictæ (y) pecuniz. Si vero convalueris, tamen pœnitentiam facias. Et imponens manum super caput ejus, absolvat eum de peccatis, prout jam de sano dictum est. Quod si forte infirmus pro pœnitentia recipienda Sacerdotem petiit, vel aliqua signa pœnitentiæ ostendit, & priusquam Sacerdos veniat, ille obmutescat, vel amens fiat; Sacerdos postea veniens, sive ad nutum infirmi, sive ad testimonium illorum, qui illum Presbyterum vel pœnitentiam petentem, vel alia signa pœnitentiæ facientem audierunt, ei (z) imponere (zz) quidquid humanitatis & consolationis potest, absolvendo eum, & reconciliando, & orationes dicendo, osculum Crucis sibi dando, in Cimiterio sepeliendo, & similia faciendo. (a) Caveat enim Sacerdos omnino, ne aut verbo speciali, ut dicendo, ego non sum fur, vel adulter, quasi dicat, tu es talis; vel generali, ego scio qualis tu es; aut signo, aut quolibet alio, (b) favore, odio, vel timore prodatur, vel revelet peccatorem. Sed si forte (c) pro pœnitentia pro peccato injungenda dubitaverit, & Episcopi, vel alterius prudentioris consilio indigerit, illud caute & generaliter sub aliis terminis absque alicujus personæ expressione requirat. Alioquin deponatur, & in arctum Monasterium ad agendam ibi perpetuam pœnitentiam detrudi debet.

CXXII. (d) Ut Medici infirmos moneant de salute.

Medicis corporum sub excommunicationis pœna præcipimus, ut infirmos moneant, & inducant, quod ante omnia

Medicos advocent animarum, ut postmodum ad corporalis medicinæ salubrius remedium procedatur. Et insuper sub excommunicationis pœna prohibemus, ne infirmis pro corporali salute suadeant aliquid dare, quod in periculum sit animarum.

CXXIII. (e) Contra non facientes restitutionem.

Illud quoque notandum est, quod non remittitur peccatum, nisi restituatur, vel emendetur ablatum, seu restituendum, si emendandi facultas adsit. Non enim potest quis vere pœnitere, nec debet aperte absolvi, nec pœnitentia sibi (f) induci, nisi prius restituatur, vel emendet rapinam, furtum, sacrilegium, incendium, usuram, vel res ex naufragio vel incendio habitas, seu quaslibet indebitas extorsiones, vel censum retentum præter voluntatem Domini, cui debetur, vel damna (g) cujuscunque contra justitiam data, & generaliter cujuslibet rei alienæ scienter contra justitiam debitam detentionem. In his siquidem omnibus & singulis Sacerdos debet præcipere confitenti, ut statim satisfaciatur juxta posse: & si peccatum occultum fuerit, fieri debet occulte per ipsum Sacerdotem, vel per aliam fidellem personam, suppresso nomine, confitentis restitutio, seu emenda: si autem pœnitens non habet rem, quam restituere debet, vel alia bona mobilia vel immobilia, unde statim satisfacere possit; vel habet, seu potest, ista (b) tamen, cui restitutio facienda est, præsens non est, nec esse potest, & confitens apparet vere pœnitens & contritus propiciens firmiter cum poterit satisfacere; sibi pœnitentia injungatur; & si sit infirmus, præcipiat heredibus, ut si mori eum contigerit, de his plene satisfacere curent pro eodem. (h) Omnibus autem pœnitentibus sanis vel infirmis, qui aliis tenentur aliquid restituere, non excusantur præcipiendo suis heredibus, quod resti-

(y) pœnitentiæ, non: pecuniz.

(a) Caput XCIV. De pœnitentia injungenda,

(b) modo, favore

(d) Caput XCV. Treverici codicis.

(f) indici

(b) is tamen, loco: ista

(i) Caput XCVII. De restitutionibus in Confessionibus faciendis. Omnes pœnitentes . . . non excusantur.

(z) impendere (zz) debet, omissum. & inquisitione facienda. Caveat.

(c) super, loco: pro

(e) Caput XCVI.

(g) cucumque

restitutionem faciant vel emendam, nisi ipsimet in toto vel in parte statim restituant, vel emendent, si hoc commode facere possint. Tenetur enim alienæ rei detentor, & etiam ejus heres ad restitutionem, in quantum illius hereditas sufficere potest.

CXXIV. (k) *Contra illos, quibus restitutio commissa est facere.*

Facienda autem est restitutio Domino rei, vel heredibus ejus, si inveniri possint ab his, qui bona hujus habuerunt, seu damna intulerunt, vel heredibus eorum: sed si diligenter inquisiti, & congruo tempore expectati non inveniuntur, sed, qui & ubi sint, ignoratur: tunc consilio Sacerdotis res illa in pias causas, præsertim in pauperum sustentationem, distribuatur pro illius anima, cujus fuit: fiatque distributio præcipue in pias causas, vel in pauperes ipsius loci, territorii, in quo res reperta, vel capta, seu damnum datum fuit. Si vero scitur persona, cui est emenda seu restitutio facienda, agit tamen in remotis partibus, nec speratur, quod debet redire: mittatur ei, si fieri possit commode & secure, vel pro eo reservetur. Quod si non venerit, si mortuus fuerit, pro anima ejus cum consilio Ecclesiæ pauperibus erogetur, & hoc, si res restituenda sit modica. Si vero magni valoris, debet mitti illi ad expensas detentoris; vel si res, vel summa modica est, & debitor inops sit, ei relinquatur, ut pro anima illius oret.

CXXV. (l) *Contra illos, qui pecuniam inveniunt.*

Qui pecuniam vel aliam rem in via, vel alibi invenit, tenetur eam reddere ei, qui eam amisit, vel perdidit, si eum poterit invenire: sed si nescitur, cujus fuerit, aut forte scitur, sed inveniri non potest, publicetur hoc per Sacerdotes, vel præcones in Ecclesiâ, vel in loco, ubi inventa est: & Dominus expectatus non inventus (ll), cujus fuerit, erogetur cum consilio Ecclesiæ pauperibus illius loci, pro illius anima, cujus fuit: vel si mo-

dica, sit res, vel summa inventa, & inventor egenus, juxta personæ & rei qualitatem sibi concedi poterit, ut eam pro elemosyna retineat, & pro anima ejus oret, cujus fuit.

CXXVI. [m] *Contra vapores.*

Confessor vero debet scire & discernere, quidquid habet judicare: quoniam nemo bene judicat, qui [n] ignorat. Noscere debet, quod quando plures in rapinis faciendis concurrunt simul, quilibet a se occupata tenetur restituere; dum tamen in occupationibus per alios factis culpabilis non existat. Si enim culpabilis fuerit, quia forte aliis, ut raperent, consuluit; tunc ejus dolo & consilio damnum datum, sic in solidum, in quantum facere potest, tenetur præcipue in foro conscientia. Sed & si rapinam passus adversus consiliarios rapinæ & raptores accusationes, seu actiones suas ex justa, vel injusta causa exercere non vult, ei tamen satisfaciendum est, nisi forte ipse spoliatus raptori, qui primus & principaliter tenebatur, & [o] plures secum habuerit, liberaliter remiserit: quo casu est consiliarius, qui nihil habuit, liberatus. Sed si consiliarius a rapinam passus est absolutus, non ideo alii, ad quos pervenerint, liberantur, nisi illos expresse intellexerit liberare.

CXXVII. (p) *Contra dantes consilium raptoribus.*

Ceterum si non dederit quis consilium de rapina faciendâ; ivit tantum cum rapitore, non ut ad rapinam, cum dissuasit, juvaret, sed ut raptorem, ne ab aliquo lædi posset, juvaret, vel defenderet: tunc, si nulla res ablata est, ad nullius rei restitutionem tenetur; sed si raptor aliqua abstulerit, bene tenetur: quia etsi non consilium, opem tamen ad rapinam dedit: quod verum est, si raptor sine eo res asportare nequiverisset, quod si potuisset, iste non tenetur: si vero raptor nihil abstulerit, sed aliud damnum intulerit, tunc nullo modo tenetur, qui rapinam dissuasit, licet ad hoc ut (q) cum

V 3

raptor-

(k) In Treverico continuatur cum Capite XCVII.

(l) Non est nova divisio, sed continuatio prioris.

[m] Continuatio cum priore.

[o] & quæ res habuerit, Trevir. forte: qui

(p) In Treverico, uno contextu cum antecedentibus.

(ll) adde: fuerit,

(n) quod ignorat.

(q) ut raptorem defenderet.

raptore iverit; si tamen raptor nullo modo ivisset, nisi ejus habuisset comitatum, bene tenetur; quia etiam si verbo diffusit, opem tamen dedit, & factio consuluat.

Generaliter autem restitutio facienda est qualitercumque in alterius, cujus interest, præjudicium acquisitum sit: puta quia damnum per injuriam datum est. Ubi vero nullus interest, tamen alias illicite acquisitum est, quod sine peccato retineri non potest, ut sicut aliqui dicunt in iis, que excommunicatus acquirit, & etiam ubi ipse, vel ejus heres sit, tunc idem de consilio Confessoris est eorum pauperibus erogandum, vel eidem, si egeat, ut pramittitur, relinquendum. Facienda est enim restitutio ejus, quod quis per furtum, rapinam, oppressionem, dolum, vel calumniam acquisivit; ut per hoc omnes casus comprehendamus, in quibus sive per accusationes, sive iudicis officio competit repetitio. (r) Tenetur quis etiam restituere, quod alteri debitum est, sive jure naturali & civili, sive naturali tantum; quale est illud, quod servo debetur. Si vero civili tantum debitum est, ut si heres credens hereditatem sufficere, solvit integre legatum, de quo poterat falcidiani detrudere, legatarius ei restituere tenetur, quamvis quidam contradicant, pro eo, quod falcidiani detrudere æquum est, super qua æquitate lex facta est: & idem videtur in eo, qui scripsit se pecuniam spe future (s) murationis debere; qui tamen nihil in veritate accepit, quia licet biennium, post quod *exceptio personæ non numerata* non compert, lapsum sit; non tamen tenetur in foro conscientie reddere, seu dare aliquid illi creditori, cui jure civili teneretur per exceptionem admissam.

CXXXVIII. (r) *Contra hypocritas.*

Item hypocrita, qui sub specie boni Christiani multa acquisivit recipiendo in se executiones testamentorum, vel alia, (u) ea restituere tenetur. quæ per fraudem quesivit: sed forte non illi, qui dedit, quia mercedem suam jam consecutus est: sed faciat sibi amicos de Mam-

mona iniquitatis, in pios usus talia convertendo. (x) Sane restituisse seu satisfecisse quis videtur, qualitercumque quis satisfecerit, etiam si re non restituta ei, cui restitutio, seu emenda facienda est, [y] actionibus minime precedentibus, ex quo sibi donavit, vel remisit: dum tamen sit persona talis, que donare vel remittere possit; quia satisfacere est ad voluntatem creditoris satisfacere.

CXXXIX. (z) *De illis, qui ad restitutionem tenentur.*

Cerum si is, qui ad restitutionem tenetur, evidenter omnino non solvendo factus est; tunc juxta præmissa sufficit contritio cum proposito reddendi, quando commodè poterit: quia ejus, qui nihil habet, nihil periculo esse potest, & Deus cor interrogat, lex autem opera quærit. Si tamen Confessor dubitat, an ille sit adeo pauper, ut diximus, tunc consulat ei, ut bonis cedat; quod si fecerit, satis est: Tunc ejus nota est paupertas. Sed & quamvis bonis cedat, nihilominus debet ei injungere penitentiam salutarem. Quod facere debet etiam si plene solveret, seu satisfaceret. Talis namque duos offendit, scilicet Deum, qui præcepit: *Furtum non facias*, in quo omnis non iusta & illicita alienæ rei occupatio, sive acquisitio prohibetur, qui etiam dixit: *Dulges proximum tuum sicut te ipsum*, & iterum: *Non concupiscas rem proximi tui*. Unde pro transgressione Divini præcepti, injungat ei penitentiam salutarem, per quam Deo satisfaciatur. Offendit etiam proximum, rem illius illicite occupando, seu contrectando, vel sibi quomodolibet injuriam irrogando: unde ad restitutionem seu satisfactionem, si facilitas adsit vel non adsit facultas, saltem ad cedendum bonis tenetur, & alter (a) istorum alterum non excludit, unde non sufficit restitutio, seu satisfactio, vel cessio, nisi penitentia, per quam satisfaciatur, sequatur. Si vero omnino solvendo non est, sed vult in parte vel in toto,olvere poterit, non tamen commodè, & sine periculo sustentationis suæ aut uxoris & familiæ: tunc Confessor debet illum ad veram contritionem & peniten-

(r) Novus titulus, vel potius iteratus: *De restitutionibus.*

(s) Continuum sine titulo.

(y) pactionibus

(u) vel alias

(z) de eodem interjectum.

(r) numerationis

(x) de eodem interjectum.

(a) alterum istorum

nitentiam inducere, dicens illi, "Fili, restitue, quod potes, ut sic poenam inferni evites, & cum Deo in Caelis æternaliter glorieris," & ponat secundum Augustinum ante oculos ejus judicium Dei: terreat ejus conscientiam, & persuadeat pœnitentiam. Et si nolit restituere, nec converti, vel conteri; non potest sibi pœnitentia, sed solum consilium juxta præmissa impendi debet. Si vero ad pœnitentiam & contritionem potest induci, tunc dicat illi, quod statim, vel infra certum tempus quicquid commode emendare poterit, emendet; & de reliquo ab eo, cui satisfieri debet, veniam postulet humiliter & devote: quam si obtinere potest, bene est: alioquin componat, seu ordinet cum ipso, ut cum ejus voluntate paulatim singulis annis, & mensibus emendet, quod poterit, donec fuerit plene satisfactum, moderatâ tamen vitæ sustentatione sibi & familiæ reservatâ.

CXXX. (b) *De restitutione Testamenti & de emendatione.*

Quod si forte plures sunt, cum quibus satisfacere, vel emendare debet; quorum aliqui dilationem concedere, aut totum remittere voluerint, alii vero non; tunc Confessor consulat illi, ut ad judicem fori contentiosi accedat: qui vocatis omnibus stabit iudicio majoris partis. Hæc autem majoritas in hoc casu intelligitur, tam respectu debiti, quam etiam respectu (c) minorum personarum. Si vero omnia paria sunt; præferenda quidem erit humanior sententia, scilicet illorum, qui in concedenda dilatione consentiunt, ne quantum ad hoc interesset inter Hypothecarios & Chyrogapharios scriptores, al. creditores. Si autem nullam potest misericordiam invenire, tunc tenetur statim solvere, vel bonis cedere, quia talis peccator semper est in mora, præsertim ubi is, cui restitutio seu emenda fieri debet, multum periculose eget. Jura tamen reis condemnatis etiam quadri-mestree tempus ad solvendum concedunt. Ubi autem non est tanta, & tam periculosa creditoris egestas, nec ipse induci potest ad dilationem aliquam conceden-

dam, nec etiam (d) debitorum ad statim emendandum, vel restituendum; sunt qui dicunt, quod tunc Sacerdos potest suam conscientiam informare ex eo quod intendit utiliter agere negotium creditoris. Si enim videt, quod creditor non potest in prompto, vel in cito, aut ita commode suum recuperare; potest pœnitenti, recepto ab eo juramento, & idonea cautione, si quam præstare potest, moderatam dilationem ad (e) absolvendum concedere; & sub conditione, scilicet si hoc infra diem statutum adimpleverit, absolvere: ut sic creditor debitum sibi recuperet, & ille in desperationem non incidat: quamquam rigor juris positivi aliud suadeat in hoc casu.

CXXXI. (f) *Contra fures, qui faciunt elemosynas.*

Nemini licet furari furi vel raptori, usurario, vel avaro, rem furtivam, vel raptam, ut ipse ex ea elemosynam faciat, quia non sunt facienda mala, ut eveniant bona. Aufert enim illi facultatem restituendi rem, qui ad eam tenetur. Nec rapinam seu furtum justificat, eo quod largas raptor ex invasa re elemosynas facit: imo species furti est, velle de alieno largiri, qui rem aliquam sibi ad certum tempus recepit commodatam, eam alteri (g) committendo, furtum committit: sed & creditor, qui re sibi obligata utitur, infcio debitor, furtum committit. Quo casu ad estimationem usus, etiam re Domino restituta tenetur.

CXXXII. (b) *Si circa illicite acquisitorum restitutionem ambiguitas oritur, tunc erit Episcoporum consilium.*

Illud quoque notandum est; quod si circa illicite acquisitorum restitutionem ambiguitas oritur, aut si res vel summa, quæ restitutioni subjacet, magna est: tunc erit nostrum & Episcoporum consilium expectandum. Ad hoc statuimus, quod Sacerdos damna data, seu fore facta sibi a consentientibus, ut aliis restituant assignata, restituere non differat, nec sibi retinere præsumat.

CXXXIII.

(b) Nulla intercapdo in Treverice, sed continuatio.

(c) respectu numeri personarum.

(d) debitor ad statim

(e) ad solvendum

(f) Est divisio in Treverico, sed titulus idem: *De restitutionibus.*

(g) commodando

(b) Titulus novus, cum in Treverico sit continuatio.

CXXXIII. [i] *Contra excommunicatos, qui tenent Beneficia, si salvari desiderant.*

Illud quoque præterendum non est, quod qui excommunicatus, vel ab homine suspensus, vel aliter absque titulo Canonico Ecclesiasticum recipit Beneficium; si salvari desiderat, omnia inde recepta Ecclesie restituat, & Beneficium dimittat, nisi cum eo per Sedem Apostolicam fuerit dispensatum.

CXXXIV. (k) *Contra illos, qui faciunt guerras.*

Item declaramus, & denuntiamus, quod quicumque Doctrinam temporalem, vel alium potentem inducit ad guerram injuste movendam, vel prædam capiendam; in solidum ad restitutionem tenetur. Ceterum si duo facientes principaliter guerram pacificantur ad invicem, & damna hinc inde data remittant; talis quidem remissio non extenditur ad homines, & subditos illorum, nisi de expresso eorum consensu sit facta remissio: imo est [l] emenda & restitutio facienda. Nam & ab illis non possent ipsi diu, guerra non existente, sine rapina extorquere tantundem, vel nisi pax forsan aliter fieri non posset. Nam tunc utiliter partis utriusque negotium geritur.

CXXXV. (m) *Contra illos, qui judicant injuste.*

Assessores quoque, & Advocati incitantes & inducentes ex certa scientia, & contra conscientiam iudicem ad injuste judicandum, in solidum ad restitutionem tenentur: quia si occasionem damni dat, damnum dedisse videtur: si vero Judex simplex est, & judicat secundum conscientiam, deceptus tamen consilio Assessoris bona fide electi, qui communiter justus, & peritus credebatur; excusatus est, & Assessor tenetur. Tenentur etiam & Judex & Assessor ad restitutionem, si se imperitos scientes de judicando vel assistendo intromittant: quia culpa est se immiscere rei non ad se pertinenti, & talem Assessorem scienter eli-

gens in culpa est. Rursus Assessor percipiens certum salarium, & ultra illud aliquid extorquens, ad restitutionem tenetur. Alii veto inferiores officii & nuntii, sive missi & similes, si certum percipiunt salarium, & ultra illud aliquid extorquent, ad restitutionem tenentur: si vero certum non percipiant salarium, & ultra debitum modum & loci morem aliquem per vim, per immoderatam improbitatem, (n) tunc quidem, licet ad restitutionem non teneantur, debent tamen inde tanquam de improbe acquisito eleemosynas facere. Prohibitus advocare, & Religiosus Beneficiatus; & in sacris constitutus, si in certis casibus advocare presumit, licet non cogatur salarium ei, a quo percipit, restituere, quia ejus non interest, ex quo ille in aliqua culpa amissionis causæ non fuit: tenetur tamen juxta Sacerdotis consilium, illud in pias causas largiri. Si vero per cavillationes & malitias suas adversario avvocato (o) justam causam abstulit, vel aggravavit contra conscientiam allegando, seu positionem duplicem, vel captiosam faciendo, vel falsum testem instruendo, vel clientulum suum ad vera neganda inducendo, vel litem ex industria protrahendo & similia; tunc in solidum illi ad verum interesse (p) tenentur. Quod si propter ejus negligentiam, vel ignorantiam clientulus suus causam amisit, tenetur illi non solum salarium extortum; verum etiam damnum litis restituere. Nam imperitia culpæ (q) annullatur. Verum, quamquam liceat ei vendere justum patrocinium, & (r) jurisperito consilium: pauperi tamen gratis consulere debet, si absque labore magno & studio respondere potest, ut sicut gratis accepit, sic & gratis det.

CXXXVI. (s) *Contra testem corruptum.*

Testis corruptus ad restitutionem damni ei faciendam tenetur: (t) quia propter ejus falsum testimonium causam suam amisit. Si vero recipit præmium propter verum testimonium dicendum: tunc

(i) In Treverico Caput XCVIII.

(l) & eis emenda

(n) extorquent

(o) annuuntur.

(p) qui, pro: quia.

(k) Cap. XCIX. De guerra injusta.

(m) Cap. C. De Assessibus & Advocatis.

(n) Advocatus

(p) tenetur.

(r) jurisperitorum

(s) Caput CL. De testibus corruptis.

tunc quod percepit, juxta Sacerdotis consilium in pios usus erogare tenetur.

CXXXVII. *Contra Judicem, qui recipit pecuniam.*

Idemque est de Judice recepta pecunia justam sententiam proferente, testis tamen & judex delegatus sumus moderatos, & assessor competens salarium licite recipere possunt.

CXXXVIII. (u) *Contra accusatores.*

Accusatores, & denunciatores criminum hoc calumniose agentes ad illam damni restitutionem tenentur. Sed qui ex odio, non ex caritate denunciant, poenitentiam inde agere debent. Tales etiam non solum ad restitutionem damni, seu pecunie (x) tenentur: ut si forte, vel per se, vel per alios cantilenas dixerint, vel libellum famosum scripserint, seu legerint, vel famam & honorem illius detraxerint in locis illis, in quibus sciunt illum ex premissis fore infamatum, profiteantur publice, se mentitos fuisse. Ubi autem a diversis, & super diversis infamatus est: tunc arbitrio infamati, vel saltem judicis se se super purgent, veniam insuper ab eo super hoc postulantes. Deteriores si quidem sunt, qui aliorum vitam, mores, famamque corrumpunt; quam hi, qui aliorum substantias, prædique diripiunt.

CXXXIX. (y) *Item de Judice.*

Constitutiones contra salutem animæ edite servandæ non sunt: imo conditores earum, & statutorum iniquorum, quæ sunt contra jus naturale, quod in Evangelio continetur, & in Ecclesiarum præjudicium, & contra Ecclesiasticam libertatem, & eorum Consilarii & Scriptores, & secundum ea judicantes, & ea observantes & extorquentes, ad restitutionem damni ex hoc secuti in solidum obligantur. Idemque est, si fiat contra jus positivum ad pauperes opprimendos & justitiam impediendam, & (z) super

leges ipsæ & statuta ipso jure non (a) tenentur.

CXL. (b) *Item de usuris.*

Usurarii (c) inhonesta & prohibita lucra exercentes, ad eorum restitutionem tenentur. Quidquid autem fortè accidit, usura est: unde scriptum est: (d) *Mutuum date nihil inde sperantes.* Sed nec ab infideli usuras recipere licet. Si quis tamen receperit, satisficiat inde auctoritate Ecclesie illis Christianis, a quibus forsitan ille infidelis usuras extorquebat, vel quibus est alteri obligatus, vel in æde sacra ad id faciendum deponat, & taliter liberatur. Quodsi usurarius multa de fœnore lucratus est, de rigore juris etiam talia lucra restituere tenetur, sicut fur, vel raptor, inter quos numeratur, quia tamen, qui (e) *nimis emungit, sanguinem elicit*; videtur nobis, pro ut & sapientibus visum est, in hoc casu sufficere debitori, si sortem, & sumtus, & moderatum interesse duxerit, & non talia recipere lucra, qualia hoc sumum repetere (f) usuris. Cautum inde est, quod post talem restitutionem, remissionem de talibus lucris ab illo possit debitor.

CXLI. (g)

Ceterum uxor & filii, & familiares usurarii, furis & raptoris de talibus lucris concedentes, & inducentes, & unde vivant, aliunde non habentes, excusati videntur, si inde peccato non consentiant; sed potius illum ad restituendum & corrigendum inducant: quod verum est, si sit (b) species verisimilis de illius correctione, & utantur tali moderamine, ut super hoc non subtrahatur illi in totum, vel in magna parte restituendi facultas. Si enim nulla sit (b) species de ejus correctione, tunc illi, si sunt in illis eis aliqua bona separata, de eis vivant. Quia potius debent omnia mala pati, quam tali & tanto malo consentire. Si autem vir crudelis non permittit uxorem de alio comedere, nihilominus tamen vivat

(a) Cap. CII. *De accusantibus & denuntiantibus criminibus.*

(y) Caput CIII. *De pravis constitutionibus contra Jura & Evangelia.*

(z) insuper leges ipsæ

(a) tenent.

(b) Cap. CIV. *De lucris inhonestis.*

(c) & alii

(d) Lucæ VI, 35.

(e) Proverb. XXX, 31.

(f) cum usuris tantum.

(g) Continetur sine numero novo per titulo in Trever.

(b) spes verisimilis

vivar de dote sua, seu sponsalicio, si quod habet, hoc denunciaret amicis, vel Episcopo, ut illum compescat: quod si nulla monitione compesci poterit, comedat cum cordis dolore, potius quam fame moriatur. Nam talis necessitas poenam furti excusat, quam citius & commodè poterit, restituat, & ad cautelam poenitentiam agat.

CXLII. [f] *De questis collectis.*

Circa questas collectas, tallias, sciendum est, quod si Dominus in [k] concessionem rei suæ [f] retinuit, quod possit talliare homines, & [m] collectiones, potest licite facere, omnino (n) colonus de hoc aliquis ex certa scientia retinens, vel subtrahens, vel celans, ad restitutionem tenetur: dum tamen antiqua & solita fiat tallia, & talis, quæ etiam scitur, & (o) probatur, traditurque ab initio, quod ex iusta causa fuerit imposita: verum, si non fuit dictum quanta tallia fiat, sed in concessione rei fuit (p) interminatæ dictum, quod Dominus in tali homine, vel casamento possit talliam facere; intelligendum est de modica tallia, considerata hominis facultate, & casamenti qualitate; si vero Dominus immoderate extorsit, debet (q) restitutio per Sacerdotem induci. Si (r) colonus exactus tacite & expresse Domini (s) dolo, & fraude aliquid Domino offert, Dominus gratis recipiens restituere non tenetur: locus tamen est, si violenter, aut minis, vel terroribus extorsit. Quod si forte ipse, & ejus prædecessores (t) exegerint ab hominibus suis, quæ si venderet quidquid habet, restituere non posset: tunc consular ei Sacerdos, ut remittat hominibus in compensationem aliquam terram, vel aliquos casus, ad quos ei forte tenentur: vel concedat eis aliquam

libertatem, vel construat hospitale, vel aliquid aliud pium agat, cum consensu (u) pauperum, vel successorum illorum, certum facientes elemosynam de alieno, seu illicite acquisito.

CXLIII. (x)

Volumus omnes scire, quod si habens (y) omnia aliena bona ad restitutionem tenetur, puta, quod habuerit ex injusto bello, vel ex furto, vel rapina, vel simonia, vel usura, vel ex naufragio, vel ex injusto pedagio, vel ex injustis talliis, vel vi, vel metu extorcit, in ludo causa cupiditatis acquisivit, vel Judex, vel Assessor, seu Officialis indebita aliqua acquisivit, in his quidem, & similibus casibus, si sunt notorii, quibus quis ad restitutionem (*) non tenetur: (a) puta, quia histrionatu vel similibus acquisivit, ex talibus quidem acquisitis vel elemosyna vel personalis decima dari & recipi possunt. Nam licet tales turpiter agant, non tamen turpiter recipiunt. Sed & ubi aliquis ad restitutionem non tenetur; si tamen ex notorio peccato provenit, Ecclesia recipere non debet, ne peccatum comprobare videatur. Secus, si occultum sit, licet Prælatus hoc sciat.

CXLIV. (b)

Regulariter autem quicumque ex illicita negotiatione, vel aliter sine calumnia aliquid acquirit, quod (c) eum iuxta præmissa retinere non tenetur, prudenter agit, si illud in pios usus erogat, de sui Confessoris consilio. Non damnamus tamen eum, si suis heredibus talia relinquit. De eo vero, quod restitutioni subjacet, elemosyna fieri non debet. Nam species furti est, velle, ut prædiximus, de alieno largiri. Non debet, quis male (d) inquirere, ut bene dispen-

(i) Caput CV. *De questis & talliis.*

(f) instituit, pro: retinuit,

(g) & probabiliter creditur, quod ab initio

(h) indeterminatæ

(i) Sed si colonus non exactus

(j) tot exegerint

(k) Caput CVI. *De facientibus elemosynam de alieno.*

(l) omnia, absq.

(m) Elemosyna vel decima a tali dari vel recipi non debet. Si vero ad restitutionem

(n) non tenetur, puta, quia in histrionatu

(o) Nullus novus numerus, sed continuatio.

(p) acquirere

(m) & colonos

(k) in concessione

(n) imo colonus

(*) ex iusta causa fuerit imposita:

(g) ad restitutionem

(h) absque omni dolo & fraude

(u) damns pauperum,

(z) non, absq.

(c) cum, absq.

dispenset. Nam abominabiles sunt hostiæ, quæ ex scelere offeuntur. Religiosi autem & Clerici administrationem habentes possunt elemosynam & oblationem facere: quinimo quicquid eis superest, tenentur pauperibus erogare: quoniam (e) aliquid habent Clerici, pauperum est. Nisi forte suis Superioribus vel Ecclesiis illud ex debito restituere teneantur, parique ratione hoc licite facere possunt in studio, vel peregrinatione de suorum Abbatum, & Prælatorum licentia excentes. Religiosus, (f) seu Clausstralis cujuscumque religionis proprio carens, nullam administrationem, vel officium habens, quia nec proprium, nec etiam voluntatem habendi habere debet, elemosynam & oblationem facere non potest, nisi forte cum Abbatibus voluntate de omnibus rebus hoc faciat, vel nisi forte hominem ad mortem esurientem videat: tunc ei de licentia summi Abbatis (g) Dei omnia sunt communia, id est communicanda, juxta illud: *Pescis fame morientem. Si non poteris, occidisti.*

CXLV. (b) *De uxore, quæ potest facere elemosynam de propriis bonis.*

Uxor quoque de rebus (i) paternis, id est, suis propriis, potest etiam viro invito elemosynas & oblationes facere; sed & de bonis viri, de illius licentia & permissione, hoc indistincte facere potest & debet: quin imo de pane, vino, & similibus, qui de laudabili & approbato more, quasi ubique ad uxoris dispensationem pertinere solent, etiam sine illius expressa licentia, moderate tamen, hoc facere potest; informans sibi conscientiam, quia vir ejus ratum habere debeat, etiam si aliquando hoc leviter sibi, ad terrorem forte, ne immoderate det, effectum prohibuerit. Informans etiam sibi conscientiam ex pauperis qualitate, credens, quod si vir illum videret, id ipsum faceret: sin autem creditur omnino viro displicere, nec

aliquo modo valet suam conscientiam informare, nullatenus cum (k) alius scandalo det.

CXLVI. *De dotibus.*

Quod vero de rebus viri diximus, idem est de dotibus, quorum maritus Dominus est, intelligi debet: (l) Filius familias de castrensi, & de quasi castrensi peculio. Nam (m) quoniam ad illa, Pater familias cenetur, elemosynam & oblationem facere potest: de adventitio & profectio sine Patris licentia vel permissione id agere. (n)

CXLVII. (o) *Omnes Fideles flexis genibus debent adorare Corpus Christi.*

Quando Corpus Domini fertur vel refertur ad infirmos, omnes fideles illud devoto & reverenter, flexis genibus eundo & redeundo adorent. Nos autem omnibus penitentibus, & humiliter confectis ipsum Corpus Christi (p) assequentibus, XL. dies de injunctis sibi penitentibus misericorditer relaxamus.

CXLVIII. (q) *Ne Moniales pro delictis priventur præbendis.*

Item sub pœna excommunicationis firmiter inhibemus, ne Monachi, seu Moniales pro delictis ab eis commissis præbendis suis priventur: sed in suis Monasteriis recipiantur, in quibus puniantur & corrigantur, considerata (*) qualibet delicti, secundum regulares observantias & alias, prout secundum deum & justitiam Superioribus & Prælati eorumdem Monasterii videbitur expedire.

CXLIX. (r) *Nullus excommunicari debet, nisi pro peccato mortali.*

Item cum nullus excommunicari debeat, nisi pro peccato mortali, & contumacia, de qua dubitandum non est, quin peccatum mortale existat.

CL.

(e) quicquid habent

(f) tamen, pro: seu

(g) scilicet Dei,

(b) Trevir. continuat: hic novus titulus.

(i) forte: paraphernalibus

(k) illius scandalo

(l) Divisio est in Treverico, sed non novus numerus.

(m) quantum ad illa, pro: quoniam.

(n) nequit, nisi in casibus illis, in quibus de jure donare potest.

(o) Caput idem, sed numero CVII.

(p) associantibus

(q) Caput CVIII.

(*) qualitate

(r) Caput CLX.

CL. (1) *Ut Presbyteri maneant omnes Parochianos.*

Præcipimus sub pena excommunicationis, quod omnes Presbyteri maneant in suis Ecclesiis, & inducant Parochianos suos, ut cum super excommunicationibus in eos latis fuerint per Ecclesiam militantem absoluti, nihilominus confiteantur & conterantur de peccato contumacie vel inobedientiæ, pro quo excommunicati fuerunt. Hoc enim expedit eis ad salutem.

CLL (1) *Contra Religiosos.*

Item sub pena excommunicationis omnibus Religiosis mendicantibus utriusque sexus, cujuscumque religionis exsistant, nostræ Civitatis, Diocesis, & Provinciæ, firmiter inhibemus, ne extra sua Monasteria & Claustra novas mansiones sibi appropriare, seu nova beneficia (*) ad suos usus constituere presumant, sine nostrâ & Episcoporum locorum licentia speciali; nisi hoc eis a Sede Apostolica specialiter sit indulgent: super quo Nobis & locorum Ordinariis fidem facere teneantur.

CLLII (u) *De Decimis Ecclesiarum.*

Item cum decimæ de jure communis ad Parochiales Ecclesias pertineant, omne dubitationis scrupulum amoventes, declaramus, quod omnium novallium decimæ ad easdem Ecclesias pertinent pleno jure. Nullus itaque hujusmodi novallium decimas contra voluntatem Presbyterorum Parochialium sibi appropriare præsumat, seu recipere, nisi super hoc Sedis Apostolicæ Privilegio sit munitus. Novale vero volumus omnes scire (x) agrum seu quodcumque prædium de novo ad culturam redactum: de quo non exstat memoria, quod aliquando cultus fuit. Privilegiaque super hujusmodi novallis Religiosis concessa, non de quolibet tali novali intelligenda fore credimus, sed de illo duntaxat, cujus decimam religiosus (y) potest convenienter absque gravi detrimento

to Parochialis Ecclesiæ retinere: tum talis sit sæpe locus incultus, de quo Parochialis Ecclesiæ percepit magnos decimarum ratione proventus.

CLIII. (2) *Contra Tabelliones.*

Item (*) sub pena excommunicationis laxe sententiæ omnibus auctoritate Imperiali Notariis & Tabellionibus præcipimus, ut quandocumque in causis Spiritualibus & Ecclesiasticis conficere contigerit instrumenta, super eisdem instrumentis faciendis prius recipiant prothocollo, quæ penes se dimittant in cartis: ut ex hoc per eos in essentialibus nihil mutetur. Et quia qui male agit, odit lucem, statuimus, ut iidem tabelliones non occulte in privatis domibus, sed publice & in loco publico hujusmodi prothocollo & (u) creanta super conficiendis ab eis instrumentis recipiant, adhibitis ad minus duobus testibus fide dignis, nisi contractus talis sit, qui de consensu partium contrahentium ulque ad certum tempus; vel ad voluntatem eorundem contrahentium teneri debeat in secreto.

CLIV. *Contra Sacerdotes qui nolunt recommendare statuta.*

Item in virtutē sanctæ obedientiæ omnibus Suffraganeis nostris & eorum vices gerentibus præcipimus, ut hæc statuta sublubria recipiant infra mensem, & ea in suis Synodis Episcopalibus, vel alias quamprimum potuerint, congregatis omnibus Ecclesiarum sibi subditarum Prælati, Rectoribus, Vicariis, & personis Ecclesiasticis utriusque sexus, & publice legere & nuntiare procurent, ac deinceps annis singulis in perpetuum suis subditis & in suis Synodis eadem statuta provincialia recommendari faciant; ea præcipientes ab omnibus observari, & insuper omnium Ecclesiarum Cathedralium, Collegiarum, & Monasteriorum, tam Monachorum, quam Monialium Abbates, Abbatissæ, Priores, nec non Archiepiscopatu, Decanatu, Archiepiscopi vel Decani quamprimum commode

(1) Est continuatum cum præcedenti sine novo numero.

(2) Caput CX. *De ædificiis religiosorum mendicantium.*

(u) Cap. CXL. *De Decimis Novallium.*

(x) Caput CVII. *De receptione Statutorum.*

(y) sic habent tria MSS.

(*) esse agrum.

(*) Hoc Caput abest a Treverico.

(*) forte: ædificia

(y) post conventus

mode potuerint, sub pœna excommunicationis, copiam de hujusmodi statutis cum moderatis expensis recipiant, & de eis Vicariis Ecclesiarum & aliis personis Ecclesiasticis prefati Archi-Presbyteri & Decani in suis Archi-Presbyteratibus, & Decanatibus sint copia: in tantum quod modis omnibus sub pœna prædicta omnes personæ Ecclesiasticæ eadem statuta penes se habent infra instantem Nativitatem Domini.

CLV. (b) *Ut Presbyteri his in anno statuta legant.*

Et quia dilatio temporis oblivionem inducit, præcipimus sub eadem pœna ut illi in suis Decanatibus congregati, omnibus Presbyteris sibi subditis, annis singulis, certa die, vel diebus eadem statuta relegant, ut super eis plenius instruantur. Presbyteri autem sicut bis in anno statuta eadem legant & videant, & in quantum Parochianos suos turgent, & super eis instrui possunt, ipsa statuta in suis Ecclesiis semel in anno una die, si fieri potest, vel pluribus in vulgari publicent, exponant, prout melius poterunt secundum (c) sententiam a Deo sibi datam, ut nemini in nostra Civitate, Diœcesi, & Provincia lateant ea, quæ in nostro provinciali Concilio sunt causa salubritatis instituta.

CLVI. (d) *Ad eandem absoluti-
onem.*

Postremo Venerabilibus Fratribus nostris, Episcopis Suffraganeis nostræ Provincie committimus cunctis in sua Civitate & Diœcesi plenariam potestatem ab-

solvendi suos subditos ab omnibus prædictis sententiis per nos latis, si quas incurrerint: ita tamen quod prius satisfecerint cunctis, eisdem statutis semper in (e) solo robore daturis. Item omnibus Presbyteris Nobis subditis Civitatis, Diœcesis, & Provincie nostræ Trevirensis vere pœnitentibus & confessis, qui quolibet mense, vel sæpius unam Missam celebraverint de *Sancto Spiritu*, & aliis personis Ecclesiasticis, & secularibus preces Deo devotas & orationes, & præcipue orationem Dominicam cum salutatione beate Virginis, erga Deum pia devotione effuderint, pro statu pacifico Imperii, & Regni, & personarum piissimi Principis charissimi Domini & Fratris nostri HENRICI, (f) Dei Gratia Romanorum Regis semper Augusti, & Serenissimæ Domine Augustæ, Margarete, (g) felicissimæ Conjugis sum, quæ sibi a Deo data est, & ut Deus ipsos & Nos ab omnibus adversis protegat, & defendat, progressusque eorum, & nostros ad laudem Dei de virtute in virtutem dirigat, & prosperari faciat: quoties dictam Missam celebraverint, & prædictas preces celebraverint, XL dies de injunctis sibi pœnitentiis misericorditer relaxamus. Et hoc Presbyteri in suis Ecclesiis, quamprimum commode potuerint, non differant omnibus intimare. Insuper (h) scire volumus universos, quod nos Balduinus prædictus Trevirensis Archi-Episcopus Nobis super præmissis omnibus & singulis reservamus potestatem addendi, minuendi, corrigendi, interpretandi, & declarandi, quoties visum fuerit expedire.

Martene Tomo IV. Thesauri anecdotorum eam Synodum divisam in Capita CLVI. descripsit ex tribus MSS. codicibus: 1. Ecclesie Metensis. 2. Collegii Soc. JESU Metensis. 3. Conventus Cælestinorum Metensis.

Luwig Continuatio II. Spicilegi Ecclesiastici ex eodem Martene a pag. 92. ad pag. 120. sed non laudato Auctore.

Ilmus Hombenius Historie pragmaticæ Trevericæ Tomo II. eum edidit ex codice Treveris impresso Statutorum Trevericarum anno 1549. cujus variantes cum titulorum divisiones, tam variarum vocum diversas Lectiones hic annotavimus.

(b) Continuatur sine titulo.

(c) scientiam a Deo sibi datam,

(d) Caput CXIII. & ultimum hujus Provincialis Concilii.

(e) suo, pro: solo

(f) Henricus VII. Rex Germaniæ electus anno 1308. 27. Novembris, Comes Luxemburgensis, & Frater Balduini Archiep. Treverici.

(g) Margarethæ Brabantinæ Comitissæ, Conjugis Augustæ, Fratris Balduini.

(h) Hic incipit Caput CXIV. Trevericæ impressionis: cum Marteniana editio distinxerit hoc Concilium in Capita CLVI. Ex Treverica impressione variantes sumptæ,

CONCILIIUM SALTZBURGENSE PROVINCIALE XXVIII.

Anno Christi MCCCX. Clementis V. Papæ VI.
Henrici VII. Regis II.

SUB CONRADO IV. ARCHI-EPISCOPO.

*SUMMA. Determinatio Decimæ biennii solvendæ summo Pontifici
quoad quantitatem, terminos solutionis, à quibus, & ex quibus.*

Concordaverunt (a) omnes in hoc, quod summa decimæ duorum annorum, si qua fuerit, vel esse potuerit persolvenda, solvi debeat summo Pontifici CLEMENTI PP. V., in terminis infra scriptis; ita duntaxat, quod primus terminus solutionis faciendæ de primo anno, qui incipiet in isto proximo festo S. Georgii, sit in proximo futuro festo B. Martini. Et secundus terminus solutionis faciendæ ejusdem anni sit in proximo subsequenti festo S. Georgii. Et primus terminus secundi anni, sit in alio subsequenti festo S. Martini, secundus vero terminus & ultimus sit posthoc in subsequenti festo S. Georgii. Et quod decimam dabit de omnibus possessionibus, bonis, & redditibus & Beneficiis Ecclesiasticis. Hæc de eis, qui Beneficiorum intuitu possident, expensis necessariis deductis. Necessarias vero expensas esse dixerunt quas stando, colendo, colligendo, conservando impendunt, sine quibus res subsistere non potest, & quod Ecclesiæ, quarum reditus pro majori vel pro media parte in obligationibus, legatis & testatis consistunt, de iisdem oblationibus legatiz seu test. decimam solvere teneantur. Item Capitula, Collegia seu Conventus in communi de suis redditibus decimabunt. Item si quis ex uno Beneficio 6. marcarum argenti ponderis (b) præ redditus duntaxat, eos non decimabunt. Ultra vero si habuerit, decimas inde solvet. Aut si plura beneficia habuit, quæ conjuncta prædictarum marcarum exce-

dant numerum, de ambabus infimul decimabunt. Hospitalis vero & domus leproforum, cum annexis sibi Ecclesiis super quibus fundata sunt, decimas non præstabunt: de infirmariis, Vestiaris, Sacristiis & Hospitalibus Religiosorum non decimabuntur, nisi si ultra provisiones necessarias de illis officiis exhibendas esset excessus reddituum illorum officiorum, tunc de illo residuo fiet decimatio communi decimæ opponenda. Pastores vero & Vicarii infimul, vel quilibet pro parte sua decimabunt, ita tamen, quod plene de omnibus redditibus Ecclesiæ decima persolvatur. Ordinarii personas providas deputabunt, qui eandem decimam colligent & servabunt, & si Nuntius Domini Apostolici eisdem unum aut plures voluerit adjungere, suæ relinquatur optioni. Præterea sub juramento solventium decima persolvatur. Item Ordinarii subiectos ad solutionem decimæ per Censuram Ecclesiasticam poterunt coarctare; Item Decima fiat de Bonis Ecclesiarum hac taxatione præmissa, ut tempus æstimationis solvendæ decimæ bladi & vini sit inter festum S. Michaelis, & S. Martini. De caseis autem solvatur decima, sicut Prælati consueverunt, denaria suis rusticis loco caseorum recipere in festo S. Georgii secundum jus & terræ consuetudinem.

Codex Bibliothecæ Casaræ ab Hanfizio adductus.

Hanfiz. Tom. II. German. sacræ fol. 442.

Canisius Tom. I. antiq. Lection. pag. 623.

DECLA-

(a) Bernhardus Pataviensis, qui obiit anno 1313. die S. Pantaleonis, centenarius ipse, & ceteri Suffraganei pag. 167. enumerati.

In Concilio lectæ sunt Literæ Papales, continentes gratias factas volentibus transfretare, vel eleemosynas suas largientibus in subsidium terræ sanctæ, & processus habitus contra Templarios; & Papa petivit decimam omnium Proventuum Ecclesiasticorum per biennium sibi dari; quam petitionem Concilium admisit. *Hanfiz. loco citato.*

(b) præsentis

DECLARATIO STATUTORUM PRÆE- TIUM, EODEM ANNO, IN EODEM CONCILIO EDITA.

- §. I. *Statuti de Clericis tabernariis.*
- §. II. *Statuti de rationibus faciendis a Prælati Ecclesiarum.*
- §. III. *Statuti de Clericis joculatoribus.*
- §. IV. *Statuti de annali Capitulo Benedictinorum & Præpositorum Canonii.*
- §. V. *Statuti contra laicos facientes exactiones, talias, collectas a Clero.*

NOS CONRADUS Dei Gratia S. Saltzburgenſis Eccleſiæ Archiepiſcopus A. S. Legatus. Wernhardus Pataviſenſis, Joannes Brixinenſis, Heinricus Gurc. Albertus Chyem. Fridericus Secovi. Wernhardus Lavent. Eccleſiarum Epifcopi in hoc ſacroſancto Provinciali Concilio Saltzburg. congregato, de confilio & conſenſu Procuratorum Venerabilium Friſing. & Ratisp. Epifcoporum, plenum ad hoc mandatum habentium, ac aſſenſu Prælatorum Saltzb. Provinciæ in hoc Concilio aggregatorum nec non Procuratorum aſſenſu, hujus ſacri approbatione Concilii, quædam ſtatuta pœnalia Priorum *Provincialium Conciliorum* ex certis & legitimis cauſis, ut animarum periculum caveatur, taliter duximus moderanda; *Primo* ſtatutum de Clericis tabernariis, quod incipit; **CLERICUS NON VIATOR**, cum hoc moderamine declaramus quod cauſæ rationabiles & honeſtæ intelligi debeant iſtæ. Quod ſi Clericus non viator in ſacris conſtitutus, aut religioſus tabernam intraverit ad honorandum quempiam amicum, Dominum & quamcunque honorabilem perſonam, vel ſi in præmeditate intret, obliſus conſtitutionis, ſeu ex quacunque neceſſaria vel utili cauſa, non voluptuoſa, ibique biberit vel comederit, pœna ſtatuti præhabiti non ligetur. Hæc tamen moderatio ad Luſores non extendatur.

§. II. Item ſtatutum de rationibus faciendis, quod incipit: *Item ne*, taliter mitigamus, quod revocata pœna ſuſpenſionis ab ingreſſu Eccleſiæ, Prælati, qui collegio, aut tribus per collegium deputatis ſaltem ſemel in anno non fecerit rationem, & a clauſtri Officialibus præſentibus aut Vicinis clauſt. bis, & a

remote diſtantibus ſemel in anno non audierit rationes, ab adminiſtratione temporalium ſit ſuſpenſus, quam ſuſpenſionem ſi per tres meſes poſt annum rationibus deputatum ſuſtinuerit, animo indurato, ex tunc arbitrio Ordinarii puniatur.

§. III. Item juxta conſtitutionem Domini Bonifacii, quæ eſt talis: *Clerici*, qui clericali ordini non modicum detrahentes, ſe *Joculatores* ſeu *Galiardos* faciunt, aut Buſſones, ſi per annum artem illam ignominioſam exercuerint ipſo jure, ſi autem tempore breviori, & tertio admoniti non reliquerint, careant omni privilegio clericali. Monemus hujus approbatione Concilii omnes & ſingulos tales, ut talem habitum & vitam non aſſument, & aſſumptam deponent, infra tres meſes, quorum unum pro primo, alterum pro ſecundo, & tertium pro tertio termino peremptorio aſſignamus, ſi pœnam prædictam, quam ipſo facto incidunt, voluerint evitare.

§. IV. Item monemus Abbates Ord. S. Benedicti & Præpoſitos & Prælatos S. Auguſtini totius noſtræ Provinciæ, ut Provincialia Capicula ſua uſque ad feſtum Purificationis proxime futurum celebrent, juxta formam a ſacris Canonibus eis datam, & deinde de triennio in triennium juxta formam ſacrorum Canonum jam prædictam.

§. V. CLEMENS &c. Paſtoralis cura ſolicitudinis Nobis divinitus ſuper cunctas Chriſtiani populi nationes injuncta, Nos vigilare remediis ſubjeſtorum, eorundem periculis obviare, ac ſcandalâ removere compellit, ſane q. ex conſtitutione ſe. re. hōi. Pap. (c) 8. noſtri,

(c) ſorte: Bonifacii octavi corriget *Canisus Tom. I. antiquar. Lection.*

stri, quæ incipit: *Clericos Laicos*. Et ex declaratione seu declarationibus ex illa postmodum subsecutis nonnulla scandala pericula magna, & incommoda gravia sunt secuta & ampliora sequi, nisi cleri (d) remedio succurratur, præsumitur verisimilis (e) in futurum, Nos de consilio Fratrum nostrorum constitutionem & declarationem seu declarationes prædictas & quicquid ex eis secutum est, vel ob eas penitus revocamus, & eas habere volumus pro infectis, volentes & firmiter statuantes illud contra quoscunque laicos, exigentes seu exorquentes ab Ecclesiis, Ecclesiasticisque personis talias seu collectas,

aut exactiones quascunque & contra dantes ad id faciendum auxilium, consilium, vel favorem nec non circa præstandas subventiones laicis ab Ecclesiis Prælati & aliis Viris Ecclesiasticis inviolabiliter observari, quod super his a Prædecessoribus nostris in *Lateran.* & generali Concilio, quæ Nos sub obsecratione Divini Judicii præcipimus observari districte, salubriter est provisum. Data Lugduni Cal. Febr. Pontificatus nostri Anno Secundo.

*Henrici Camfii Tomo I. antiqua Lectio-
nis anno 1601. impressa, ex quo
Binus & Synodographi.*

(d) forte: celeri remedio

(e) lego: verosimiliter.

CONCILIIUM ULTRAJECTINUM

Anno Christi MCCCX. Clementis V. Papæ VI.

Henrici VII. Regis II.

SUB GUIDONE DE HANNONIA, EPISCOPO TRAJECTENSI XLII.

STATUTA XL.

*Hæc sunt Statuta Reverendi in Christo Patris, Domini GUIDONIS,
Dei gratia, Episcopi Trajectensis.*

I. Imprimis præcipimus & mandamus, quod tantum tres personæ ad suscipiendum puerum de sacro fonte Baptismatis per Sacerdotem admittantur, sic videlicet, quod, si suscipiendus puer sit masculus, una mulier & duo viri intersint. Si vero femina, unus vir & duæ mulieres; & pater suscipiendi pueri nullatenus admittatur.

II. Item præcipimus & mandamus, quod Sacerdos in suis Ecclesiis publice, & pluries suis Parochianis insinuet, quod in Confirmatione, quæ post Baptismum in frontibus puerorum per Episcopos haberi fieri, sicut in Baptismo paternitas contrahatur, quæ non solum matrimonium impedit contrahendum, sed etiam dirimit jam contractum.

III. Item statuendo præcipimus, quod Sacerdotes confessiones audientes referrent Nobis *majora peccata*, utpote homicidia, facinorosa, incendia, peccata contra naturam, sive Sodomitica, sive concubitus personarum Conventualium, in sacris Ordinibus constitutarum; ince-

stus, videlicet cum consanguinea, vel affine, vel cum ea, quæ votum castitatis emit. Insectores manuum in parentes; oppressiones parvulorum, negligentiam parentum, in igne vel aqua naros amittentium: veneficia, perjuria solemnia, fidei fractores ac votorum fractores, simonias, adulteria manifesta, hæreses, apostasias, maleficia eorum, qui maleficiunt conjuges, ne possint coire, vel qui procurant sterilitatem mulierum, vel abortum, vel falsarios, qui literas, aut sigillum, aut monetam falsificant. In his autem casibus Presbyteri, confitentes ad Nos mittant personas absolvendas, nec etiam eas absolvant, nisi de nostra licentia specialiter, vel in mortis articulo constitutas. Licentiam autem concessam a Nobis, seu auctoritate nostra, quibuscumque personis, sive Religiosis, sive aliis a peccatis hujusmodi absolvendi, hæc presentibus penitus revocamus. Intendimus etiam de novo super his salubriter disponere, & super hoc aliquibus personis idoneis, pro ut videbitur expedire, committere vices nostras.

IV.

IV. Item præcipimus statuendo, quod Sacerdotes, & Ecclesiarum Rectores diligenter attendant, si qui Parochianorum suorum non veniant saltem semel in anno ad Confessionem, & ipsos Nobis, seu Officiario significant puniendos.

V. Item statuendo præcipimus omnibus Sacerdotibus, quod in principio Missæ ab eis celebrandæ moneant omnes excommunicatos, ut Ecclesia exeant, nec Missæ intersint. Moneant etiam omnes Christi fideles in Ecclesiis existentes, ut si aliquem in Ecclesia sciverint excommunicatum, illum denuncient Sacerdoti, & cum ei innoverit, non celebret, nisi excommunicatus exierit.

VI. Item præcipimus & prohibemus, ne Clerici sine nostra licentia armati incedant, vel arma, nisi itinerantes extra civitatem, vel villas deferant. Item prohibemus, ne Sacerdotes vel Clerici calceos, vel solures portent laqueos. Item præcipimus sub pœna excommunicationis Clericis quibuscunque nostræ Civitatis & Diœcesis, ut tonsuram assidue deferant Clericalem, & vestibus non virgulis, non ptitis, sed Clericalibus utantur honestis, ut a laicis discerni possint habitu & tonsura.

VII. Item excommunicamus, & excommunicatos in his scriptis publice denunciamus, tam auctoritate nostra, quam etiam virtute Constitutionis felicis recordationis Domini PETRI, Sancti Georgii ad velum aureum quondam Diaconi Cardinalis, omnes Sacerdotes & Clericos nostræ Civitatis & Diœcesis, (a) focarias habentes, donec eas a se, alias non admisiuri smoverint, & absolutionis beneficium meruerint obtinere.

VIII. Item inhibemus expresse in his scriptis, quod Clerici peregrini & incogniti, tam nostræ Civitatis & Diœcesis, quam alienæ, se Presbyteros asserentes, nullatenus in nostrâ Civitate & Diœcesi admittantur ad celebrandum Divina, nisi ostenderint legitimè se promotos.

IX. Item præcipimus districte in virtute sanctæ obediendiæ Rectoribus & Presbyteris Ecclesiarum unversis, ut eorum Parochianis *Pater noster*, & *Credo* præter articulos Fidei qualibet die Dominica, nec non decem Præcepta & septem Sacramenta Ecclesiæ semel in mente vel saltem ter, vel quater in anno populo intelligibiliter, & lingua materna exponant. Decem Præcepta, prout in Exodo continentur, sunt ista: Non habebis Deos alienos. Non assumes nomen Dei tui in vanum. Memento, ut diem Sabbathi sanctifices. Honora Patrem tuum & Matrem tuam. Non occides. Non furum facies. Non loqueris falsum testimonium contra proximum tuum. Non concupisces rem proximi tui. Diliges proximum tuum sicut te ipsum. De Sacramentis vero Ecclesiasticis quinque dicuntur necessaria, & duo voluntaria. Sacramenta necessaria sunt ista: Baptismus, Confirmatio, Pœnitentia, Corpus Christi, extrema Unctio. Sacramenta vero voluntaria sunt ista: Ordo, & Matrimonium. Sine autem Sacramentis necessariis nemo salvari potest, si ex contemptu omittantur.

X. Item præcipimus, quod Curati habeant decretalem: DECREVIMUS &c. in Rubrica: *Desintencia excommunicationis*, & est Domini Alexandri quarti, & legatur populo, & exponatur lingua materna, ut sciat populus, quomodo evitari debeat excommunicatus, ut hic decrevimus, & ut Iudices sæculares, per censuram Ecclesiasticam ab Ecclesiasticis Iudicibus Canonica monitione præmissâ, repellant excommunicatos, & ab agendo, patrocinando, & testificando in suis Curis & Iudiciis expellantur.

XI. Item prohibemus, ne aliqui Clerici & laici Ecclesias destrudas per diluvium vel incendium, vel alias quoquo modo ad alia loca transferant, sine nostra licentia speciali; & si facta fuerit huiusmodi translatio, monemus eos, qui huiusmodi translationem fecerunt sub pœ-

(a) Per focarias seu ancillas culinarias intelliguntur concubinæ Clericorum & Sacerdotum hic & passim in Conciliis Germaniæ. *Gangii Lexicon*, verbo: *focaria*.

Guido, Frater Comitis Hollandiæ, Ecclesiæ Leodiensis Thesaurarius, contra æmulum Adolphum Waldeck a Clemente V. ad Generale Concilium Viennense invictus, anno 1311. oblatum Cardinalitium pileum recusavit. Obiit anno 1317. 4. Kal. Junii. Sedit annos XVI.

Tomus IV. Concil. German.

na excommunicationis late sententię in his scriptis, ut infra mensē a tempore nocturne, Nobis & passis injuriam satisfaciunt in pręmissis.

XII. Item prohibemus, ne aliquis Presbyter celebret, nisi de horis Canonicis solum *Matutinam* & *Primam* expleverit. Item inhibemus, ne aliquis Sacerdos duas Missas celebret in una die, nisi necessitas in jure permissa permittat; & tunc in priori Missa ablutionem post sanguinem non sumat.

XIII. Item prohibemus, ne aliquis Presbyter duabus Ecclesiis sine Nostra, seu Officiarii nostri licentia deserviat, nisi una ab altera dependeat, vel unam inticularum, & aliam a Nobis, seu Officiario nostro habeat commendatam.

XIV. Item prohibemus, ne Sacerdos vel Ecclesiarum Rectores, Provisores, vel Procuratores earundem, calices, sacra vasa, libros & ornamenta Ecclesię pignori exponant, nisi evidens Ecclesię necessitas requirat; & tunc hoc fiat de consensu illorum, quorum interest. Alioquin inpignorantes & recipientes sunt ipso facto excommunicati.

XV. Item precipimus, ut Presbyteri Parochiales sæpius populum suum habeant communium, ut si aliquis infirmetur, citius pro Sacerdote mittat, ut confiteatur, & Ecclesiastica Sacramenta recipiat, quę sine exactione pecunię eis precipimus exhiberi. Item statuimus, ut Custodes Ecclesię de cetero portent tonsuram Clericalem.

XVI. Item statuimus, ut bigami de cetero non recipiant custodias, seu ab aliquibus recipiantur ad easdem, nisi sint adeo tenues & exiles, quod Clerici non possint sustentari, & hoc Officiarii nostri arbitrio relinquatur.

XVII. Item precipimus districte, ne quis Chrisma, vel Oleum ab aliquo alio Episcopo recipiat, quam a Nobis. Item precipimus, quod Chrisma & Oleum sacrum sub diligenti clausura, cujus claves Presbyter habeat, reservetur.

XVIII. Item in his scriptis excommunicamus omnes illos & illas, qui vel quę de Sacramento altaris, vel de ipso altari, vel in altari, vel in Chrismate, vel

de alio Sacramento, vel Sacramentis fortilegia faciunt, vel fieri procurant quoquo modo.¹

XIX. Item statuimus, quod, si Canonicus, vel Presbyter, vel Clericus intra Civitates & Dioceses nostras capiatur, nisi ille vel illi, qui jurisdictioni temporali præsunt ibidem, infra quindenam a die perpetrati delicti ipsum procurent a vinculis absolvi, & res ablatas sibi restitui, ac etiam contumeliam irrogatam Ecclesię, & sibi emendar, ex tunc in antea Parochia, in qua idem captus fuerit, Ecclesiastico subiaceat interdicto. Etiam si extra illam in aliam transferatur, quam similiter interdicimus, quamdiu in illa detinebitur, una cum alia in qua captor, seu captores morabuntur; & nihilominus malefactores hujusmodi, si plures fuerint, cum fautoribus complicitibus & receptoribus eorundem, quos similiter in his scriptis excommunicamus, tam auctoritate *Canonum*, quam nostra, & tandiu excommunicati publice nuncientur, quousque Deo, Ecclesię, & Nobis, ac passo injuriam, condigna præstetur emenda, & absolutionis debitę beneficium meruerint obtinere.

XX. Si vero occidantur, quod absit, nisi ille, vel illi, qui jurisdictioni inibi præsunt temporali, infra mensē a die perpetrati delicti computandum, Deo, Nobis, & Ecclesię de tanto excessu, quantum in ipsis fuerit, procuraverint præstari emendam, ^(b) addicimus, quod ex tunc illud territorium, officium, civitas, vel oppidum, in quo delictum tale fuerit perpetratum, etiam si in eo plures sint Ecclesię, Ecclesiastico subiaceant interdicto: & nihilominus malefactorem, vel malefactores, item omnes & singulos impediētes nostram jurisdictionem Ecclesiasticam, seu perturbando qualitercunque, sive litteras rumpendo, seu rapiendo, aut nuncios, seu portitores earundem: habendo, capiendo, detinendo, seu damna, injurias & molestias inferendo, complices ac fautores eorum, quos etiam in his scriptis excommunicamus, & excommunicatos a *Canonibus* declaramus, statuentes, quod, nisi illi, vel ille, qui jurisdictioni inibi præsunt temporali, ubi prædicta delicta, vel eorum aliqua fuerint perpetrata, malefactores, seu perpetratores hujusmodi

(b) forte: edicimus, qualiter

modi, infra quindenam a die perpetrati delicti computandum, Nobis præstaverint, vel de injuria emendam præstari condignam procuraverint, ex tunc cessatur a Divinis in Parochia, in qua tale impedimentum, perturbatio, seu violentia, seu molestia perpetrata fuerit. Et etiam ubi dictos malefactorem, seu malefactores morari contigerit, quosque Deo, Nobis injuriam passio, &c.

XXI. Item omnes & singulos excommunicamus in his scriptis, spoliatores, raptores, seu prædones Ecclesiarum, & bonorum Ecclesiasticorum. Ne autem quis cum discrimine alieno incerto vagetur, volumus & mandamus, ut si collegium vel aliqua persona Ecclesiastica singulariter se depredatam, vel spoliatam, aut spoliata a quoquam asseruerit, illud summarie coram Nobis seu Officiario nostro proprio, si sit singularis persona, & si Collegium, per duos eorum pro fratribus corporaliter præstato juramento asserat; spoliatores, prædones, aut raptores specificans, & res ablatas exprimens, & valorem quo factio, si admonitionem nostram seu Officiarii nostri raptor, seu spoliator bona hujusmodi ablata non restituerit, & Nobis, & passio vel passis injuriam, condignam emendam non præstiterit, ex tunc autoritate nostra excommunicatus publice nunciatur, & ad interdicti sententiam, & ad alias poenas Canonicas, si excommunicati pertinacitas meruerit, procedatur, nisi idem, qui hujusmodi factum commississe asseritur, infra tempus præmissum coram Nobis seu Officiario nostro comparuerit, suam innocentiam propositurus, & causam rationabilem, quare ad id minime teneatur, ostensurus. Quam si legitime ostenderit, & ille, qui se spoliatum asseruit, inventus fuerit injustam querimoniam detulisse, in expensis legitimis ac omnium interesse adversario condemnatur, alias puniendus, pro ut juris rigor vel æquitatis ratio fuerit judicanti, & suadebit.

XXII. Item prohibemus tam Clericis quam laicis, cujusunque conditionis aut status existant, sub poena excommunicationis læte sententiæ in his scriptis, ne quis impediatur publice vel occulte, minis aliquibus aut precibus,

per se vel per alium aut alios, quominus bona, aut prædia, aut decimæ Ecclesiarum, venditione, locatione, vel per emphyteosim, donatione, seu aliis modis, scilicet per Procuratorem, vel Procuratores Ecclesiarum utiliter disponatur. Quam excommunicationis sententiam, si qui in contrarium faciendo incurrerint, præcipimus, in ipsos innovari, & eos publice excommunicatos nunciari, donec Ecclesiæ, contra quam prædicto modo deliquerint, dictum excessum emendaverint, vel nisi infra mensem coram Nobis seu Officiario nostro, contra præmissa rationem ostenderint efficacem.

XXIII. Item statuimus & monemus quoscunque Presbyteros & Clericos, in nostra civitate & Diocesi Beneficiatos aut Beneficiandos, ut infra duorum mensium spatium, postquam primum in pacifica possessione beneficiorum suorum & perceptione eorum fructuum fuerint, si eorum beneficia residentiam personalem exigant, secundum beneficiorum ipsorum exigentiam eadem cum affectu deserviant, & personaliter resident in eisdem. Alioquin eos & eorum quolibet, quos ex tunc pro ut ex nunc excommunicamus, & excommunicatos publice volumus nunciari, nisi infra prædictum tempus dispensationes super hujusmodi residentia, aut causam, quominus residere teneantur, ostendant, & super hoc a Nobis, seu Officiario nostro litteras testimoniales meruerint obtinere.

XXIV. Item præcipiendo inhibemus omnibus & singulis Archidiaconis, Præpositis ac quibuscunque aliis Prelatis nostræ Civitatis & Diocesis, & eorum Officialibus & Decanis, sub poena suspensionis ab officio & excommunicationis, quas in eos, & in eorum quolibet serimus in his scriptis, si contra presentem inhibitionem venerint quoquo modo quatenus nullus, eorum se intromittat, de causis seu casibus ad nostram jurisdictionem, seu cognitionem spectantibus, nec per se, vel alium, vel alios cognoscant judicialiter de eisdem, absque nostra licentia speciali; quod si fecerint, dictas suspensionis excommunicationisque sententias ipso facto incur-

rant, & processus eorum nullius penitus sint momenti.

XXV. Item prohibemus sub poena prædicta, ne quis Decanus ruralis de causis matrimonialibus, seu hæresis aliquatenus se intromittat.

XXVI. Item prohibemus sub poena excommunicationis, ne quis nuptias celebret temporibus prohibitis, videlicet a prima Dominica Adventus Domini usque ad octavas Epiphaniæ ejusdem, & a LXXma usque ad octavas Paschæ, & a Dominica ante Ascensionem Domini, usque ad Dominicam Trinitatis omnibus inclusive, nisi ab Officiario nostro licentiam meruerit contrahendi.

XXVII. Item omnes clandestina matrimonia contrahentes, excommunicamus. Item ne aliquis clandestinis interit matrimonii, sub poena excommunicationis inhibemus. Clandestina autem matrimonia appellamus, quæ sine denunciatione solemni, seu bannis competentibus in Parochiis contrahere volentium, per Presbyteros eorum publice non præmissis, contrahuntur.

XXVIII. Item prohibemus sub poena excommunicationis late sententiæ in his scriptis, ne laici se intromittant de decimis novalium Sz. ad illos pertineant, ad quos de jure aut consuetudine pertinere dinoscuntur.

XXIX. Item præcipimus expresse & prohibemus, quod nullus Capellanus sine licentia sui Rectoris seu Rectorum Ecclesiarum, cui vel quibus contrahere volentes subfunt, ipsos matrimonialiter copulare præsumat.

XXX. Item prohibemus sub poena excommunicationis late sententiæ in his scriptis, ne quis aliquem excommunicatum in Ecclesia, seu Cimiterio ejusdem audeat sepelire, seu cadaver excommunicati in Ecclesia seu Cimiterio ponere super terram.

XXXI. Item prohibemus sub poena excommunicationis, ne aliquis in Cimiteriis interdicto, vel violato a quoquam sepeliatur.

XXXII. Item Prohibemus, ne in Ecclesiis, Porticu, seu Cimiteriis eorundem, secularia placita teneantur.

XXXIII. Item prohibemus sub poena excommunicationis, ne aliqui, qui mortem sibi conseruerunt, se ipsos laqueo suspendendo, vel qui suspensi, decollati vel rotati, aut alias propter suum scelus interfecti sunt, in Ecclesiis vel Cimiteriis sepeliantur, nisi de nostra seu Officiarii nostri licentiæ speciali.

XXXIV. Item excommunicamus in his scriptis, & excommunicatos denunciari volumus omnes & singulos, qui in homicidium, furtum, vel raptum, incendium, veneficium, seu quodcumque aliud scelus enorme committendum conspiraverint quoquo modo, quorum etiam absolutionem Nobis seu illis, quibus illam specialiter duxerimus committendum, præsentibus reservamus.

XXXV. Præterea passionem, promissionem, obligationem in hujusmodi conspirationibus ab ipsis conspiratoribus interpositas, etiam iuramento, vel qualibet alia firmitate vallate fuerint, cum contra iustitiam & proximi caritatem sint interpositæ, decrevimus non tenere, & hujusmodi juramentis tanquam illicitis. (a)

XXXVI. Item præcipimus in virtute obedientiæ omnibus Provisoribus seu Officiariis nostris foraneis & Decanis, Christianitatis nostræ Dicecesis sub poena excommunicationis & suspensionis ab officio, quam in eos & singulos eorum fecimus in his scriptis, nisi fecerint, quod mandamus, quatenus nomina beneficiorum seu officiorum quorumcumque, quæ vacant, vel a festo omnium Sanctorum proxime præterito vacaverint, aut infra tempus per nostram Dicecesim Trajectensem vacare contigerit; nec non etiam nomina beneficiorum Ecclesiasticorum, quæ tanto tempore in nostra Dicecesi vacaverint, quia eorum collatio ad Nos seu Sedem Apostolicam secundum *Lateranensis* statuta consilii est devoluta, Nobis seu Officiario nostro infra unius mensis spatium a tempore scientiæ eorum personaliter, aut per parentes litteras studeant intimare.

XXXVII. Item statuendo præcipimus, quod de cætero in perpetuum per nostram civitatem & Dicecesim data annorum Domini ipso die natiuitatis ejusdem

(a) *Supple*: neminem tenet.

dem secundum morem Romanum, ac statuta nostræ *Metropolitane* Ecclesiæ innovetur. Scribendo anno Nativitatis Domini MCCCX.

XXXVIII. Item præcipimus & mandamus, ut nullus Sacerdos vel Clericus Quæstiores elemosynarum ad petitiones suas faciendas, in Ecclesiis, seu cæmeteriis earum deinceps admittat, nisi nostras vel Officiarii nostri litteras super hujusmodi quæstionibus admittendis habuerint testimoniales.

XXXIX. Item præcipimus & mandamus sub pena excommunicationis prædictæ, ut de cætero nullus Sacerdos in Capellania aliqua tanquam Capellanus audeat celebrare, nisi ipsa Capellania confirmata, & ipse Capellanus a Nobis seu Officiario nostro, cui specialiter commissimus, in eodem Canonicè fuerit institutus.

XL. Item cum inter cætera criminosa crimen HÆRESIS detestabilis, & fidei Christianæ inagis obnoxium reputatur, præcipimus & mandamus omnibus Provisoribus & Decanis Christiani-

tatis, ut diligenter inquireant. Et si quem vel quos super hujusmodi crimine diffamatum seu diffamatos invenerint, Nobis seu Officiario nostro, quantocius poterunt, non differant innumere, & conversationem eorum plenius describendo.

Hæc Statuta & Præcepta præcipimus inviolabiliter observari, & a quolibet Provifore & Decano ante eorum ab hinc recessum & a quolibet Presbytero Parochialis Ecclesiæ intra mensem recipi, & haberi, & sub pena excommunicationis sententiæ lætæ in his scriptis prædicta statuta, per singulos Presbyteros & Sacerdotes in ter, vel quater publicari, & exponi diligenter. Datum Anno Domini MCCCX. Feria tertia post Misas Domini Alleluja, alleluja, Alleluja.

Expliciunt Statuta Synodalia Domini Guidonis, Episcopi Trajectensis.

Heusden Batavia sacra a pag. 474. ad 477.

GUIDO Avennius, Leodiensis, Episcopus Ultrajectinus XLII.

*W*ilhelmo occiso, diversis Canonicorum suffragis certatum: Aliis Guidonem, Fratrem Comitum Hollandia, Ecclesia Leodiensis Thesaurarium; Aliis Adolphum Waldeck, majoris Ecclesiæ Praepositum, eligentibus.

Sed Guido pro eo assentientibus magnis Principibus, obtinuit Episcopatum.

Erat autem Guido Episcopus aspectu decorus, statura venustus, sermone facundus, ingenio clarus, consilio cæutus, ac multis virtutibus extollendus. Inter ceteras mira parcimonia; maximis enim debitis praeogratus, ad tempus secessit in Galliam, illic parce vixit, donec pecuniam, cui obstrictus erat, exsolvere posset. Nam a CLÉMENTE V. qui primus Sædem Avennensem transtulit, anno 1311. ad Generale Viennense Concilium, in quo de recuperatione terra sancta tractabatur, & Templariorum ordo sublatus est, vocatus, & eodem anno, teste Trithemio, illic adveniens, oblitum sibi mediante Rege Francorum PHILIPPO Cardinalitium Galeram, religiosius artifice recusavit; indignum sese tanto, ait Noviomagus, honore existimari, quem bo-

dus tam multi etiam ambiunt. At Rex confiderans integritatem, & modestiam viri, annuum ei designat ex publico arario stipendium. Stellingwerffus, Transsylvania populus, falso rumore de morte Episcopi delusus, adversus eum rebellant: sed a Guidone reduce compescuntur. Quid a vicis postulaverit Guido, patet ex Charta anni 1313, quam exhibet Mattheus Analect. Tom. V. pag. 868. demum cum exebat Trajectensibus sua jura & privilegia, (quorum diplomata a Bucelio in Hedam pag. 235. &c. recensentur) confirmasset Guido, subita vi morbi pressus, (non sine suspitione accepti veneni) obiit 4. Kal. Junii anno Christi 1317. in aetate dignitatis XVI. Sepultus in Ecclesiæ majori ad partem Chori meridionalem ex opposito decessoris, ad altare D. Laurentii.

Ejus Statuta Synodalia hic representavimus.

Necrologus S. Petri Ultrajecti hæc refert de Guidone: " IV. Kal. Junii anno MDCCC. septimo decimo obiit Guido de Hannonia, Episcopus Trajectensis. Majoris vero Ecclesiæ Memoriale sic de eodem: IV. Kal.

Abel. Janii, anno Domini CIO. CCC. XVII. obiit Reverendus Pater, Dominus Guido, Episcopus Trajectenſis, in cujus memoria dantur centum libræ bonarum, quas miniſtrabat Comes Hollandiæ, qui pro tempore fuerit, Camerario noſtro, de Decimis ſitis in Nigencop, dividendis in omnes Prælatos & Canonicos civitatis, tali conditione, quod omnes conve-

niant ad majorem Eccleſiam; & quicumque non fuerit præſens a principio Vigiliarum & Miſſæ uſque ad ſinem, nihil recipit, omni exceptione excluſa. Inde quilibet Vicariorum habeat XII. den. bonorum, & debebit dare pro qualibet libra viginti groſſas antiquas bonas.

Batavia ſæcra pag. 172.

CONCILIUM MONASTERIENSE IV.

Anno Chriſti MCCCX. Clementis V. Papæ VI.
Henrici VII. Regis II.

LUDOVICUS, DEI gratia, Monasterienſis Eccleſiæ electus & confirmatus; Univerſis præſentia villaris volumus eſſe notum, quod in Generali Synodo Eccleſiæ Monasterienſis, cui perſonaliter præſedimus, coram Nobis per ſententiam Synodalem extitit definitum, videlicet quod omnis inhabitans

domum vel caſam infra ſep̄ta doctis ad Eccleſiam aliquam pertigentis non teneatur ſequi forum ſeculare, imo ab jure & coercionem ſeculari penitus ſit exemptus. Datum anno 1310.

Schætenus Tomo II. Annal. Paderbornenſ. pag. 220. nec plura habet.

CONCILIUM MOGUNTINUM PROVINCIALE XLII.

SUB PETRO ARCHI-EPISCOPO

Anno Chriſti MCCCX. Clementis V. Papæ VI.
Henrici VII. Regis II.

COMPLECTITUR CAPITULA CLXVI. SECUNDUM COD. MS. MEMBRANEUM ACADEMIÆ JULIÆ HELMSTADIENSIS.

In nomine Patris, & Filii, & Spiritus Sancti. Amen.

PETRUS, DEI gratia, Sanctæ Moguntinenſis Sedis Archi-Epiſcopus, Sacri Romani Imperii per Germaniam Archi-Cancellarius: Univerſis Prælatiſ, Capituliſ, Conventibuſ, Cleriſ, & Clericiſ, ac Chriſti fidelibuſ, ſive Religioſiſ, ſive Sæcularibuſ per Moguntinenſem Civitatem, Diœceſiſ, (a) ac Provinciam conſtitutiſ, Salutem in Domino, & præſentium repetite (b) lectioniſ notiitiã & obſervantiã (c) inconvulſã.

PRO-

(a) Diœceſim edit. Moguntina 1509. Neumanni.

(c) obſervationem.

(b) repetitæ, eadem editio.

PROHEMIUM.

AD honorem Dei Omnipotentis, gloriosissime Virginis Mariæ Matris ejus; beatorum Petri & Pauli Apostolorum; beati Martini Patroni nostri ac Sanctorum omnium pro communi Ecclesiarum ac Cleri Civitatis, Diocesis, ac Provinciæ Moguntinensis bono statu, diversas constitutiones a venerabilibus Patribus felicissime recordationis Prædecessoribus nostris (quorum vestigiis inheremus) editas: in diversis chartulis seu libellis dispersas, ita ut de quibusdam earum, an essent constitutiones Provinciales, aut constitutionum hujusmodi vim habuerint, poterat verisimiliter dubitari: in unam compilationem, seu libellum, ad tollendum [d] hoc dubium ex officii nostri debito: superfluis relictis, duximus redigendas sub certis & consuetis titulis ordiuando: quasdam ex

his obscuras declarando, quasdam etiam per novellas editiones nostras innovando: causâ etiam brevitatis & utilitatis paucula de communi jure pro flosculis fructu tamen non vacuis admiscendo, pro loci & præsentis temporis qualitate. Volentes igitur ut univ ersi, qui nobis sive Diocesana lege sive Metropolitana auctoritate subesse consensent: hoc tamen libello pro constitutionibus Provincialibus in futurum utantur, districtius inhibemus, ne quis in antea pro constitutionibus hujusmodi præsumat in judicio vel extra, aliis uti chartulis, seu quaternis, quos fide carere decernimus in hac parte, hoc (e) sacro Concilio (cui una cum *Fratribus & Prælatu* nostris aliis præsidemus) auctore Domino, approbante.

INCIPIT LIBER PRIMUS. (f)

DE SUMMA TRINITATE ET FIDE CATHOLICA.

Summarius.

Laici simpliciter; Clerici autem explicite credant, quod Romana credit Ecclesia.

QUæ propter sui exquisitam & probatissimam perfectionem, ac clarissimam ac lucidissimam veritatem, adjectione, vel declaratione ulla non indigent [ad] quas in primis tanquam ad principium, medium & finem salutis omnium, corda nostra manus & oculos elevamus devoti. Nihil aliud est credendum, tenendum vel docendum, nisi quod Romana credit, tenet & docet Ecclesia, piissima, sanctissima & prudentissima Mater nostra. Ita tamen, ut omnes Prælati articulos fidei principales (g) fideliter suos subditos doceant: laicos simpliciter credere sicut Ecclesia; Clericos vero explicite & distincte,

Summarius.

Ne quis præsumat predicare, quod Sacerdos in mortali peccato non possit conficere: solvere vel ligare.

Ex Concilio Alschaffenburgenſi Domini (b) Petri Archi-Episcopi Moguntini contra hæreticos.

In primis igitur statuimus, ut si (i) aliquis Clericorum vel laicus utriusque sexus, cujuscunque dignitatis, religionis, vel status existat, ausus sit præsumptione damnabili publice predicare, vel occulte docere, credere vel tenere, quod Sacerdos in mortali peccato existens, non possit conficere Corpus Christi, seu (k) sic ligatus non possit ligare vel solvere suos subditos a peccatis, pro hæretico & incredulo habeatur, quem errorem hujusmodi fieri Concilii approbatione condemnamus, anathematizamus & penitus reprobamus, cum sacre Scripture dicat auctoritas, quod sive bonus sive malus sit

(d) in hoc

(e) hæc

(f) Distinctio Capitulorum hujus Concilii in IV. Libros, sola extat in antiquissima editione in Folio, sine anni & loci mentione, quæ impressio dividit omnia Capitula in LXII. non, uti Codex Helmſtadensis in CL. XVI. Capitula.

(g) Provinciales

(h) sub Gerardo Archi-Episcopo.

(i) alius

(k) seu si sit

sit Minister, per utrumque Deus effectum confert. Non enim que sancta sunt, inquinari possunt, nec ipsa Sacramenta potest hominum malitia profanare. Unde Sacerdos, quotumcunque pollutus existat, Divina non potest poluere Sacramenta, quæ Purgatoria cunctarum contagionum existunt. Licite ergo a quocunque Sacerdote ab Ecclesia tolerato Divina Mysteria audiantur: & alia recipiantur Ecclesiastica Sacramenta.

DE CONSTITUTIONIBUS.

Summarius.

Canones & Constitutiones Provinciales Clerici sciunt.

Ex Concilio, ut supra.

Canonum statuta primum, & demum constitutiones provinciales tam a nostris Predecessoribus, quam a Nobis editas, ab omnibus (&) sciri, ac inviolabiliter observari mandamus sub obtentu juris & honoris. Post presentem publicationem ignorans ignorabitur & negligens negligetur.

Summarius sequentis Capituli.

Statuta provincialia habeantur in Choris Cathedralium & Collegiatorum Ecclesiarum, & in Synodis omni anno legantur.

Statutum D. Petri Archi-Episcopi Moguntini.

Statuimus, ut prefens libellus constitutionum Provincialium, in singulis Cathedralibus sub sigillo nostro, ac deinde in aliis Ecclesiis Conventualibus infra tres menses a publicatione presentium computandos sub sigillis Ordinariorum sine excusatione qualibet habeatur conscriptus, & in Choro jaceat, sic ut possit patere cuilibet legere seu videre volenti. Ut autem communis utilitas predictarum constitutionum in notitiam luculentam cunctorum deveniat, Venerabilibus Fratribus & Coepiscopis nostris injungimus & mandamus in virtute sancte obediencie, quatenus ipsas mox scribi faciant & procurent, ac anno quolibet in singulis eorum Synodis coram toto Clero ibi, si commode fieri poterit; Alioquin alibi legi faciant, & injungant

subditis suis, ut quilibet eas sibi procuraret, & tenorem earum memorie commenderet, & maxime Archi-Diaconis, ut & suis subditis scilicet Decanis ruralibus, Camerariis & Plebanis hoc injungant. Nos insuper de Omnipotentis DEI misericordia, Beatorum Petri & Pauli Apostolorum ejus auctoritate, nec non Beati Martini Patroni nostri meritis confisi, qui eas sibi procuraverint, legerint, audierint, quotienscunque fecerint, quadraginta dies de injuncta sibi poenitentia misericorditer relaxamus.

DE RESCRIPTIS.

Summarius.

Nullus Legati vel Subdelegati citatio, vel processus admittatur, nisi a fine Diocesis ad unum diem.

Ex Concilio D. Petri Archi-Episcopi Moguntiniensis.

Cum secundum functiones: Preses Provincie delegatos Principis ad ipsius Presidis Provinciam declinantes non debeat ex officii debito (1) sincere amplius facere, quam eorum legatio se extendit, sacro approbante Concilio statuimus, ut nullus Plebanus, seu Vicarius, seu quisque alter Clericus, vel Prelatus citationem vel processum alium a Judice delegato Sedis Apostolice, vel Subdelegato sibi directos, de citando quemcunque, vel trahendo ultra unam diem vulgarem notorie computandam a fine Diocesis, ipsorum Judicum, de quorum auctoritate ante omnia constare debet, aliquatenus (m) exequitur. Super forma vero rescripti, si aliquis dubitaverit, ad Officiales recurrat. Si quis autem contrarium attentare presumpserit, cum hoc quoque (n) ipso jure irritus est (o) processus, per mentem ab ingressu Ecclesie suspendatur.

Ex Concilio D. Petri.

Mortuo mandatore mandatum exspirat: si eo vivente non fuerit perpetuatum. Fines autem mandati exacta diligentia sunt servandi.

DE

(1) servari, inviolabiliter custodiri.

(n) qui

(1) finire

(o) processu

(m) exequatur.

DE CONSUETUDINE.

Summarius.

Appellationes Sedis Moguntinensis subditis Suffraganeorum possunt committi.

Ex Concilio Fritzlarienti D. Siffredi
Archiepiscopi Moguntini.

Ecclesia Moguntina & antiqua & rationabili consuetudine dinoscitur obtinuisse, quod causas ad eam per appellationem delatas, subditis Suffraganeorum suorum committere valeat, & compellere (p) jurisdictionem hujusmodi suscipere detrahentes: que ex his causis noscitur introducta, *Primo*, ut vitetur circuitus, cum per Diocesim Metropolitani eos ad id possit compellere. *Secundo*, ut propter locorum distantiam parcatur partium laboribus & expensis: quorum, si non reciperent delegationes hujusmodi: cogerantur partes cum dispendio apud Sedem Metropolitaniam litigare. Hujusmodi sacri approbatione Concilii statuimus, antiquam consuetudinem declarantes, ut sedes Moguntinensis causas hujusmodi subditis Suffraganeorum suorum valeat delegare, & animadvertere in rebelles.

Ex Concilio Moguntino D. Petri Archiepiscopi Moguntinensis.

Huic statuto adjicimus & observatum ex consuetudine declaramus ex causis premillis idem in (q) citationibus, aliis processibus causarum hujusmodi apud sedem ipsam in (r) antea ventilandis, ac omnino decernimus ac precipimus observandum.

Summarius.

Male consuetudines in Ecclesia delantur.

Ex eodem Concilio D. Petri Archiepiscopi.

Consuetudines, que gravamen Ecclesie inducere dinoscuntur, invalidas publicamus, locorum Ordinariis, ut in omnem eventum eis resistant, firmiter injungentes.

(p) interdictione,

(q) in iuribus & aliis

(r) Moguntia

Tomus IV. Concil. German.

Z

DE SCRUTINIO IN ORDINE
FACIENDO.*Summarius.*

Vicarii in Spiritualibus ad sacros Ordines, & Prelati ad Beneficiorum investituram neminem admittant, cujus patres, avi, aut progenitores Clericum captivaverunt, aut mutilaverunt.

Ex Concilio D. Petri Archiepiscopi
Moguntinensis.

Statuimus ad terrorem malefactorum, ut universi Episcopi Provincie Moguntinensis, ac eorum Vicarii, qui volunt & debent suis temporibus Ordines celebrare, committant expresse Examinatoribus Clericorum ordinandorum sub anathematis interminatione, ut inter cetera perquirenda, fidei diligentia perquirant sub obtentu honoris percipiendi a singulis ordinandis, ut si patres, avi, aut progenitores eorum usque ad quartam lineam ascendentes captivaverint, captivum detinuerint, occiderint, aut mutilaverint temere Clericum aliquem in sacris Ordinibus constitutum, & pro Clerico se gerentem. Eum autem, quem in aliquo premisorum effectuum per aliquem progenitorum suorum usque ad lineam memoratam invenerint: si factum hujusmodi sit notorium, non admittant, Prelati quoque vel eorum vices gerentes, quorum interest investire, instruereque presentatos, ante investituram sive institutionem cum summa diligentia de his querant, & quos tales invenerint, nullo modo investiant, vel instituant ad aliquod beneficium vel officium Ecclesiasticum, juxta formam Statutorum a Predecessoribus nostris desuper editorum. Examinatores insuper & Prelati, ac eorum vices gerentes, qui secus in premillis agere presumpserint in futurum, suspensionis sententia percillantur: alias per locorum Ordinarios graviter puniendi.

DE RENUNTIATIONE VEL PERMUTATIONE BENEFICIORUM.

Ex Concilio D. Petri Moguntini, ut
supra.

Nullus Ecclesiam vel Beneficium
Ee-

Ecclesiasticum dimittere vel recipere presumat, sine Superioris sui auctoritate, quod sub pena excommunicationis omnibus firmiter inhibemus.

DE TEMPORIBUS ORDINUM, ET
QUALITATE ORDINAN-
DORUM.

Summarius.

*Ordinandus, & ante examinis admissionem sit
recentior, & de impedimentis Ordinationum
[si quod habet] confessus, & ad Vica-
rium nomen perpetuum ordinetur.*

ex Concilio Mogantino D. Gerhardi.

Statuimus, quod nullus ad examinationem aliquatenus admittatur, nisi recentior confessus fuerit omnia delicta sua idoneo Sacerdoti, & quia pauci sunt, qui sua delicta vel sequelas intelligant delictorum, per discretum Confessorem (1) studeat instrui ordinandus; an sibi expediat ordinari? vel ob irregularitatis alicujus sequelam ei sit potius abstinendum? Item nullus promovendus ad Ordines admittatur ad titulum Vicarie, nisi sit perpetua Vicaria, a qua non possit ad (2) Pastoris sive Ordinantis placitum amoveri.

DE ETATE, ET QUALITATE, ET OR-
DINE PREFICIENDORUM.

Summarius.

*Nemo ante viginti quintum ad Curatum
investiatur beneficium.*

ex Concilio Mogantino D. Petri.

Jus commune pœnæ adjectione juvamus, distributive inhibentes, ne aliquis Prelatus, vel ejus Vicarius, aut ejus vices gerens, cujus interest investire: aliquem minore annis, qui videlicet non attingat vicessim quintum annum, ad Parochie Ecclesiam investire presumat: alioquin & factum ipsum irritum, & Prelatum, seu ejus Vicarium hujusmodi inhibitionis temerarium transgressorem (3) & factu hujusmodi ab ejus officio decrevimus suspendendum per unum annum proxime subsequentem, alias etiam ad arbitrium sui Ordinarii puniendum.

(1) valeat instrui

(2) ex facto

(3) subditis suis aut eis,

(2) ad inordinatum placitum amoveri.

(3) Hoc Caput postponitur Cap. sequenti: De officio Archi-Diacon.

DE FILIIS PRESBYTERORUM.

Summarius.

*Legitime natus, neque ad Ordines, neque ad
Beneficium sine dispensatione admittatur.*

ex Concilio D. Petri Moguntin.

Nullus illegitime natus ad aliquem sacrum Ordinem, vel Beneficium, aut Officium curam habens animarum sine dispensatione Sedis Apostolicæ admittatur in aliqua Ecclesia seculari. Ex tales, qui hactenus sunt admitti, si de his constiterit, per eorum Ordinarios repellantur. Alioquin severiter contrarium facientes per unum mensem ab ingressu Ecclesie noverint se suspensos.

DE CLERICIS PEREGRINIS.

Summarius.

*Abest & ignoti ad Ordines vel Officium
sine literis non admittantur.*

ex Concilio Friezlarienti D. Siffredi.

Peregrini & ignoti Clerici nullo modo recipiantur ad Ordines vel Officium, nisi literis Episcoporum suorum commendatitiis & dimissoriis sint muniti.

DE OFFICIO ARCHI-DIACONA-
TUS. (x)

Summarius.

Nemo inibeat; quominus appelletur.

Inhibemus Episcopis, Archi-Diaconis, & Prelatis, ac eorum Officialibus universis sub pœna suspensionis, quam in omnes facientes contrarium promulgamus, ne in (1) subditos suos, aut eos, qui litigant, aut litigaverunt coram eis aliquam faciant inhibitionem, seu impedimentum aliquod, sub quocunque colore vel modo, publice vel occulte, quominus causas suas appellationum, seu quascunque alias ad examen Superiorum possint deferre.

Summarius.

*Archi-Diaconi in certis causis usque ad XX.
solidorum summam; Diaconi in
reliquis cognoscent.*

Felices recordationis Domini WERN-
HERI Predecessoris nostri vestigiis inherentes, quædam ex statutis ipsius pro
com-

communi bono in hoc sacro Concilio duximus innovanda : cum moderatione infra scripta: de Fratrum nostrorum Concilio statuentes, ut Archi-Diaconi, & Officiales eorum Civitatis, Dioecesis, & Provincia Moguntinensis super causis decidendis per ipsos certis finibus, quos prefatus Dominus WERNHERUS Archi-Diaconus Ecclesiarum Moguntinens. & eorum Officialibus posuisse dinoscitur, scilicet, ut de causis super matrimoniis, Ecclesiis, investituris (z) & usuris, usque ad summam XX. solidorum Moguntinens. cognoscentes duxerant, sint contenti. Causas aliis Dioecesanorum examini & eorum officiis reservatis. Quod si contrarium facere presumpserint, iudicata per eos alias, quam in dictis casibus sint irrita ipso iure. Ex nihilominus per Ordinarios a suis officiis suspendantur.

DE OFFICIO VICARII

Summarius.

Sufficiens & honesta provisio fiat Vicariis de proventus Ecclesie.

ex Concilio Fritzlarienti D. Siffridi.

Et quia Ecclesiarum Rectores Vicariis suis (a) relinquunt adeo exiguum portionem, quod ex ea congrue nequeant sustentari, GENERALI Concilio inherentes, statuimus, ut ipsi Vicariis sufficiens, & honesta portio de proventus Ecclesie assignetur. Alioquin ipsos Rectores suis Ecclesiis decernimus spolios.

Summarius.

Sine legitima causa Vicarius non amoveatur.

Ex Concilio Aschaffenburgensi Domini Gerhardi.

Preterea quorundam Pastorum malitias [qui singulis annis Vicarios a suis Ecclesiis, in quibus per consensum Dioecetani vel Archi-Diaconi institui noscuntur: ob quandam turpem questum amovere satagunt] obviare volentes, Predecessorum nostrorum statuta duximus annectendum, ut Vicarius taliter institutus ab eadem Vicaria ad instantiam veri Pastoris, non (b) aliqua ratione, nisi

Pastor actu Sacerdos existens suam velit Ecclesiam regere per se ipsum, vel aliquam causam rationabilem, amodoni contra suum Vicarium coram Dioecetano vel loci Archi-Diacono assignare velit & valeat probare.

ex Concilio Fritzlarienti D. Siffridi.

Summarius.

Ne conducti Sacerdotes ponantur ad beneficia, sed Vicarii perpetui auctoritate Superioris.

Quia enormis quedam consuetudo in quibusdam Alemannie partibus contra Canonicas Sanctiones invaluit, ut ponantur in Ecclesiis Sacerdotes conducti, vel Vicarii temporales, ne id de cetero fiat, auctoritate legationis, qua fungimur, modis omnibus inhibemus. Sed cum Vicarius poni debeat & possit, perpetuus instituitur de assensu & auctoritate Dioecetani, & Archi-Diaconi loci ejusdem. Nec Episcopus, vel Archi-Diaconus talem instituat, nisi ei tantum de bonis Ecclesie coram eo fuerit assignatum: unde jura Episcopi & Archi-Diaconi possit persolvere, & congruam ac sufficientem sustentationem habere.

DE OFFICIO DELEGATI.

Summarius.

Legatis & Subdelegatis Rescriptorum suorum fines excedentibus, & invocationi brachii secularis, quem faciunt Sacerdotes, parere non tenentur.

ex Concilio Fritzlarienti D. Gerhardi, MS. Helmstädtense ex Concilio Aschaffenburgensi.

Ad hec (c) plerumque contingit, quod Judices delegati vel subdelegati, ad quos simplices commissiones sub forma [d] communi impetrantur seu descripti precedentis, terras, civitates, oppida, & villas Ecclesiastico subijciunt interdicto: Invocantes etiam super hoc brachium seculare. Nos igitur volentes hujusmodi iniquis processibus obviare, presenti scripto declaramus, de Fratrum nostrorum consilio & assensu, quod Sacerdotes nostre civitatis ac Provincia ad observationem seu publicationem senten-

(z) & usuris, *omissum.*

(c) adhuc

(a) negant sustentationem

(d) Decreti

(b) non alia

sententiarum hujusmodi interdicti minime teneantur, nec invocationi brachii secularis, quam sic faciunt, aliquatenus est parendum. Super interdicto aurem ponendo recurratur ad decretalem extravagantem Bonifacii octavi, quæ incipit: *PROVIDE ATTENDENTES*.

DE OFFICIO ORDINARII.

Summarius.

Plebani & ipse reverenter ad infirmos Evangelium deferat, & plebem suam, quomodo tunc & in elevatione Altaris veneranda sit, doceret.

Ex Concilio Fritzlariensi D. Siffredi.

Sacerdos vero quilibet plebem suam doceat diligenter, ut cum in celebratione Missarum elevatur Hostia salutaris, quilibet devoto flectat genua, vel saltem reverenter se inclinet. Idem faciat, cum Presbyter eam portat ad infirmum, quam in decenti habitu, supposito mundo velamine, ferat manifeste ac honorifice ante pectus suum cum omni reverentia ac in timore: semper nolla parvula & lumine (nisi locorum repugnet distantia, & temporis quantitas) precedente, ut ex hoc apud homines fides & devotio augeatur.

Summarius.

Episcopi in summis festis per se, vel alios predicent, & in Ecclesiis suis Cathedralibus nisi necessitate impediti, celebrent.

Ex eodem Concilio quo supra.

Antiquum statutum Moguntin. Concilii renovantes precipimus, ut Episcopi summis festivitibus populo Verbum Dei proponant, vel per se presentibus, vel per alios ad hoc idoneos proponi faciant & indulgentiam populo faciant, Missamque in eisdem festivitibus in Ecclesiis Cathedralibus celebrent, nisi magna necessitate fuerint impediti.

Summarius.

Singuli Episcopi pro Clericis incorrigibilibus carceres habeant juxta Ecclesiam suam Cathedrali.

Ex eodem Concilio quo supra.

Ad hec statumus, ut singuli Episcorum suos carceres habeant juxta Ecclesiam Cathedrali; in quibus falsarii

Clerici vel Monachi incorrigibiles & apostate vel alii qui hoc meruerunt, includantur, ad quod efficacius exequendum alie Ecclesie, si opus fuerit, subsidium conferant & juvamen.

DE MAJORITATE ET OBEDIENTIA.

Summarius.

Capellani nobilium in archibus residentes: sub suspensibus & excommunicationis pena, Episcopo vel Archi-Diacono obedientiam præstent: ad Synodos veniant, & ubi persona Ecclesiastica captiva vel preda spiritualium personarum detinetur, a Divinis abstineant.

Ex eodem Concilio eisdem D. Siffredi.

Sacro etiam approbante Concilio statumus, ut nulli Clerici, nobilium Capellani, in Castrorum, Dominorum suorum celebrare præsumant: vel alia Sacramenta Ecclesiastica conferre, nisi ante Episcopo vel loci Archi-Diacono obedientiam faciant manualementem, & ad Synodos veniant, & Capitula certis temporibus & statutis, recepturi mandata Ecclesiastica & prolaturi suis Dominis & eorum castrensibus, secundum quod fuerit opportunum. Cum plebani, in quorum terminis castra consistunt, hoc facere frequenter non audeant, propter tyrannidem Dominorum. Qui autem ante obedientiam præstitam Capellas tales officiare presumpserint, a Prelatis suspensi & excommunicati per vicinarum Ecclesiarum plebanos tanto tempore denuntientur, quousque satisfaciant, & obediant, ut est (e) dictum. Statuentes etiam sub excommunicationis pena jam late sententie, districte mandantes, ut si quis (f) preda vel spoliis spiritualium personarum, seu etiam Ecclesiasticam personam captivam ad aliquam civitatem, villam vel oppidum sive castrum adduci contigerit. Sacerdotes Capellani civitatum, villarum, vel castrorum; postquam hoc sciverint, non expectato super eo Superioris mandato, abstineant a Divinis.

Summa.

(e) debitum

(f) si quando

Summarius.

Canonici solitam reverentiam Prelatis suis subtrahentes excommunicati a consorcio Capituli, & ad arbitrium Episcopi puniantur. Ipsi autem temere se Capitulo ingerentibus, nique ad satisfactionem cessetur a Divinis. Prelati autem & Canonici, qui prædictos transgressores ad Capitulum sine emendatione admittunt, excommunicantur.

Ex Concilio Aschaffenburgensi D. Gerhardi.

Præterea in quibusdam Ecclesiis, Conventualibus talis consuetudo invaluit ex antiquo, quod Prelatis earundem Ecclesiarum in assurgendo & in aliis prerogativis, a Canonici exhiberi consuevit reverentia specialis: ut per huiusmodi insignia ipsi Prelati, qui columnæ Ecclesiarum censentur, ab aliis simplicibus Canonici possint discerni. Sed quidam Canonici immemores juramenti in eorum receptionibus præstiti de Ecclesiarum consuetudinibus observandis, nec advertentes, quod sicut legum, sic antiquarum consuetudinum transgressores juxta utriusque juris præcepta non immerito sunt plectendi, quod contra huiusmodi consuetudines rationabiles, juri consonas & præscriptas, quadam arrogantia vel similitate motu proprio venire præsumunt. Propter quod non est dubium inobedientie notam, debitam Prelatis reverentiam subtrahendo & perjurii reatum contra suarum Ecclesiarum consuetudinem veniendo, prædictos incurrere presumptores. Considerantes igitur, quod Ecclesiasticus ordo confunditur, cum unicuique honor debitus non servatur, & antiquas honestates & approbatas consuetudines & omnia Ecclesiarum jura illibata servare volentes, Predecessorum nostrorum consilio annuendum duximus, statuendo, ut quicumque Canonici reverentiam Prelato suo debitam, juxta consuetudinem in sua Ecclesia approbatam, proprio motu subtraxit trina vice, & de hoc per duorum de Capitulo juramentum ipsi Capitulo facta fuerit fides: a consorcio sui Capituli, & perceptione proventuum sue Prebende tamquam inobediens & perjurus, ad arbitrium sui Episcopi ipso facto, auctoritate huius Concilii sit exclusus per ipsum Episcopum, si ejusdem

presumptoris meruit pertinacia, gravior puniendus. Si qui vero Prelati, vel Canonici, presumptores huiusmodi (dispensatione a suo Episcopo non obtenta) ad Capitulares tractatus, vel ad perceptionem suarum admiserint Prebendarum, excommunicationis sententiâ huius sacri Concilii approbatione decernimus percellendos. Quod si presumptores præfati tractatibus capicularibus se ingerere, aut prebendarum suarum proventus ante dispensationem super prædicta inobedientia & perjurii nota a suo Diocesano ipsis impenitam: temeritate propria ipsis contingere (g) presumperint ullo modo, ex tunc in illa Ecclesia, cui talis contumelia fuerit irrogata: octo dierum per ejusdem Ecclesie Capitulum monitione premissa, cessetur ab officiis Divinorum, usque ad prædictorum excessuum satisfactionem condignam juxta Diocesani, & lèse Ecclesie Capituli arbitrium imponendam. Si autem iidem presumptores post cessationem Divinorum infra duos menses non satisfecerint plene de commissis, vel saltem non incepterint emendare, per suos Diocesanos Beneficiis Ecclesiasticis spolientur.

Summarius.

Ecclesiastici fideliter orant Deum pro Rege Romano, Regina & liberis suis.

Ex Concilio Moguntin. D. Petri.

Insuper universis Sacerdotibus, & cunctis, qui Christiana Religione censentur, tam religiosis quam secularibus constitutis per civitatem, Diocesim & Provinciam Moguntinam injungimus & mandamus, ut pro Gloriosissimo Rege nostro Domino N. romanorum Rege semper Augusto, & pro Serenissima Domina nostra Regina, Romanorum semper Augusta ejus Uxore, Domina nostra, nec non eorum liberis, in Missis & Orationibus suis devotissime deprecantur Deum, ut eos semper dirigat & conserve. in bono, Amen.

DE POSTULANDO.

Summarius.

Sacerdotes non nisi pro certis personis postulare permittuntur.

Ex Concilio Fritzleriensi D. Siffridi. Item cum Sacerdos sit, nulli nocere

eere, omnibus velle prodesse, districte precipimus, ne Presbyteri, nisi pro se ipsis, Ecclesia sua, vel dum necessitas imminet, pro personis conjunctis vel miserabilibus vel Dominis suis, & tunc gratis & sine quaestu quolibet postulare presumant, alias a patrocinio repellantur, quod multo fortius de Ecclesiarum (b) Prælatibus volumus observari.

Summarius.

Religiosi tamen in Monasteriorum suorum causis advocari permittuntur.

Statutum D. Wernheri.

Preterea cum servum Dei non oporteat litigare: omnibus religiosis præcipue Monachis (qui non docentes sed plangentis habent officium) advocacionis officium sub quocunque pretexto, nisi de licentia Prelatorum suorum literis declarata, & in causis Monasterii sui tantum, inhibemus, sub interminatione Divine maledictionis & sub pena suspensionis ab officio, quam extunc ferimus, exercere. Statuentes, ut Prelati, qui tale genus potius ranarum coexistentium, quam Monachorum regulari discipline vacantium neglexerint, distinctione, qua convenit, coercere, suspensionem ab administratione spiritualium & temporalium, incendant ipso facto.

Summarius.

Monachi neque in Ecclesiastico neque civili judicio, nisi pro Monasterio suo advocare presumant.

Ex Concilio D. Wernheri.

Ceterum cum dicat A. [i] *Nemo militans Deo, implicet se secularibus negotiis.* Et juxta decretum Eugenii Pape. Nullus Monachorum pro lucro terreno de Monasterio exire nefandissimo ausu presumere debeat: sacrorum Canonum statuta imitatores, districtius inhibemus, ne quis Monachus in quocunque judicio Ecclesiastico vel civili presumat aliquatenus advocare, nisi forte de licentia &c. ut supra.

DE HIS, QUÆ VI METUSVE CAUSA FIUNT.

Summarius.

Metus amissionis verum aut corporis, nisi legitime probatus, Clericos, quominus superiorum mandata exequantur, non excusat, in non faciendis autem nullus omnino excusat.

Ex Concilio Friezariensi D. Siffridi.

Quia Clerici & Religiosi nonnulli, non attendentes, quantum sit obedientie bonum, quod victimis antefertur, & quod peccatum est ariolandi, nolle acquiescere, (k) & scelus idololatriæ obdure non velle, amissionem rerum suarum & corporis, vanum metum allegant frequenter, ne cogantur mandatum exequi Prælatorum, quocunque (i) prosperitatis tempore multa bona receperint, laute vixerint de Patrimonio Crucifixi, imminente Ecclesiæ necessitatis articulo, pro honore alius adversitates sustinere detrectant, qui cum foret summe dives, ad obediendum Deo, qui pro nostra salute onus subiit voluntarie paupertatis, ex quo propter contemptum clavium Ecclesiæ, nervus Ecclesiasticæ discipline dissolvitur, & animas miserabiliter periclitari contingit, sacri hujus Concilii ocellaria deliberatione statui-mus, ut nulla rerum perditio, aut metus corporis, legitime, nisi sit probatus, subditos inobedientes, mandatum Prelati exequi non curantes, valeat excusare, adeo quodsi metus corporis, non simpliciter proprio juramento, sed legitimis coram eo, a quo mandatum subditus recepit, ostensus fuerit documentis, nihilominus loco cedat, ne ootam transgressiois incurrere videatur. In his autem, que in non faciendo consistunt, ut puta, cum mandatur oon communicare excommunicatis, non celebrare coram interdictis, ac aliis hujusmodi, nullus omnino nec rerum, nec corporum quantumcunque probatus fuerit metus, excuset, cum pro nullo metu quia debeat peccatum mortale committere, quod ex inobedientia surgere Sacrorum auctoritatibus comprobatur.

Summa.

(i) Presbyteris

(j) Apostolus, II. Tim. II, 4.

(k) I. Regum XV, 23.

(l) qui, cum *Luwig Continuat. II. Specilegii Ecclesiastici* pag. 42.

Summarius.

Excommunicationis, suspensionis, vel interdicti absolutionem, vel revocationem extorquens, excommunicatus est ipso jure.

EX CONCILIO DOMINI PETRI.

(1) Nos, qui absolutionem, vel quancunque revocationem ab excommunicationis, suspensionis vel interdicti sententiis per vim vel per merum extorserint, cum hoc, (2) quod hujusmodi revocationis sententie subiacere.

DE ALIENATIONE JUDICII MUTANDI CAUSA FACTA.

Summarius.

Alioni cessurus iuxta de causa, & in iudicis presentia ac licentia cedat, se quoque vere celere juret.

EX CONCILIO QUO SUPRA.

Quia plerumque cessiones actionum in fraudem fiunt. (m) Aliqui vero jure & simpliciter ex causa legitima vel ex causis; statuimus, ut cessiones actionum, que iustis causis vel causa precedunt, in presentia Episcoporum, seu Judicum, vel Officialium suorum de licentia eorundem (si subfunt legitime causae) fiant. Jurent (n) etiam cedentes, quod non simulent sed vere cedant, alioquin secus factas decernimus non tenere

LIBER SECUNDUS.

DE JUDICIIS.

Summarius.

Qui propter crudelitatem vel potentiam conmode citari non possunt, in eorum Parochia citentur. Quod si fieri non potest, & id legitime probari, sunt quoque citandi infra unam dietam a Cathedrali, in eadem tribus Dominicis, alioquin ad tres quindenas in ambone publice citentur.

EX CONCILIO FRIEULARIENSIS D. SIFFRIDI.

Et quia quidam per potentiam, quidam propter crudelitatem magnam personaliter citari non possunt, quidam etiam, qui in castris habitant, ita quod nulla ad eos citatio possit pervenire. Idcirco provida & necessaria deliberatione sta-

tuimus, ut contra tales, citationes (o) editum, apud Parochialem ipsorum Ecclesiam publice & legitime proponatur. Quod si Parochialis Sacerdos tales citare non possit, coram superiore (p) non simplici vel proprio juramento, sed iustis probaverint documentis, in Cathedrali Ecclesia tribus Dominicis continuis publice citentur in ambone, dummodo citandi infra unam dietam sint a Cathedrali Ecclesia constituti. Alioquin ad tres quindenas solenniter evocentur, & extunc contra hujusmodi ac si personaliter citati fuerint, procedatur (q) ne ex malicia commodum valeant reportare, statutum novissime celebratum, quantum ad hunc articulum, corrigentes.

Summarius.

Reus per se vel alium nuncios judiciales quomodocunque offensus pro comodo habetur. Actor in revocatione super actione instituta amplius non auditur, uterque vero & omnes, talia perpetrantes ad satisfaciendum iudicibus & legi excommunicatione compelluntur.

EX CONCILIO UBI SUPRA.

Præterea quidam crudeles homines & perversi, dum ad forum Ecclesiasticum, in causis etiam, de quibus merito Ecclesia habet cognoscere, ab actoribus advocantur, illius auctoritatis, qua dicitur, *Qui bonum missam, mittentem bonum, inmemores exilentes*, nuncios Ecclesiasticorum Judicum, citationis, excommunicationis, vel alias judiciales, vel juris literas deferentes, verbis profrosis, & quibuscunque diris verberibus, quosdam etiam captivantes, alios interdum suis rebus temere & publice spoliantes multipliciter afficiunt & perturbant, & impediunt citationum & literarum executiones, in non modicam Ecclesiastice libertatis conrumeliam & jacturam. Considerantes igitur maliciis hominum obviandum, & non esse aliquatenus indulgendum, hoc sacro approbante Concilio duximus statuendum, ut reus nuncios, acta judicialia deferentes per se vel per alium verberans, spoliens, vel captivans, licet etiam non contestata, auctoritate hujus Concilii habeatur penitus pro convicto.

- (1) Eos, (2) quod hujusmodi revocationes sint irritæ, statuimus & publicamus, excommunicationis sententiæ subiacere. *Lauig. loc. cit.*
 (m) alienam, non procedentes (n) jurent (o) citationem
 (p) motivo sufficienti, vel proposito juramento, vel iustis
 (q) *Deest in typo Mogantino A. 1309.*

viſto. Aſtor vero in cauſa reconventionis, ſi talia perpetrare per ſe vel per alium (r) oon formidans, ſuper inſtituta contra reum actione, amplius nullatenus audiat. Et inſuper uterque ac omnes alij, qui nomine & occasione eorum talia facere præſumpſerint, uſque ad condignam ſatiffactionem leſo & iudicibus, ſummaria cognitione ſuper huiusmodi forefacto præhabita, excommunicationis ſententia percellantur.

DE FORO COMPETENTI.

Summarius.

Aſter Clericum malicioſe trahens ad ſeculare iudicium, poſtea coram Eccleſiaſtico etiam iudicio non audiat. Iudex autem, qui citationem decernit, excommu-

nietur.

Ex Concilio Moguntino D. Gerhardi.

Ad hoc (r) quod Prælati tam Regulares quam ſeculares & alij Clerici paſſim trahuntur contra Eccleſiaſticam libertatem ad iudicium ſeculare, cum hoc penitus ſit abſurdum: Scituimus, ut aſtor, qui talem malicioſe attentaverit actionem, etiam coram Eccleſiaſtico Iudice conquerens, poſtmodum nullatenus audiat, & nihilominus, ſi compertum fuerit eum de Eccleſiaſtica perſona calumniioſe huiusmodi moviſſe querelam, ipſe Iudex, qui ea recepta citationem emiſit, excommunicationis ſententia conſtringatur uſque ad condignam ſatiffactionem artius evitaodus.

Summarius.

Pro nulla re perſona Eccleſiaſtica ad iudicium trahatur ſeculare.

Ex Concilio Aſchaffenburgenſi D. Gerhardi.

Præterea oullus Eccleſiaſticam perſonam in criminali cauſa, vel civili quaſtione, nec (r) aliquam pro rebus, bonis, vel poſſeſſionibus Eccleſiarum, ſive jure perſonali (quod vulgo *Likeding* dicitur) (u) quis earundem Eccleſiarum poſſeſſiones vel bona poſſideat, ſive alio quicunque titulo, trahere præſumat in iudicium ſeculare.

(r) ſimilia

(u) quamvis, præ: quis.

(r) Ad hæc

Lunig: qui.

Summarius.

Judices Eccleſiaſtici de cauſis mere laicis ſi non intromittant.

Ex eodem Concilio, quo ſupra.

Huic adjicimus ſanctioni, prioris *Statuta Concilii* ſeſtantes, ne Prælati, vel quilibet Iudices Eccleſiaſtici de cauſa, quas habent ad invicem laici, ſe nullatenus intromittant, niſi tales ſint cauſe, quas ad forum Eccleſiaſticum oon ſit dubium pertinere, ne ex hoc ſeculare iudicium (quod eſt valde in congruum) enervetur.

DE SEQUESTRATIONIBUS

Summarius.

Redditi Parochialis Eccleſie vel Capelle vacantis, a duobus ejusdem Capituli Presbyteris collecti, viſtori aſſignantur, ejusdem autem inveſtitor, ſub pena reſtitutionis dupli, & pri-

vationis inveſtendi in perpetuum, nihil

de eisdem ſibi uſurpet.

Ex Concilio Moguntino. Moguntinum impr. Aſchaffenburgenſi, & Lunig.

Ad hæc quandam conſuetudinem imo potius corruptelam vidimus, que in quibusdā partibus inolevit, videlicet, quod aliqua Eccleſia Parochiali vacante, plures ad eam Clerici a diverſis Patronis in diſcordia præſentantur: quibus coram Dioceſano, vel loci Archidiacono ſuper ipſa Eccleſia contendentibus, is, ad quem inveſtitura, vel inſtitutio Eccleſie talis ſpectat, redditus ſive fructus ipſius ſequatrat, & in ſuos uſus convertit, liſe coram ipſo durante. Immo quod deterius eſt, & merito deſtandū, liſem, cui juxta utriusque juris præcepta finem imponere deberet, per diverſos circuitus ſatagit prorogare, ut ſic de prædictis redditibus magis & magis valeat imbuſfare. Cum igitur huiusmodi conſuetudo aſimabus pernicioſa & ſacris Canonibus ſit repugnans, huius ſacri Concilii approbatione ſtatuiſmus, ut non obſtante cooſuetudine ſupradicta (quam penitus reprobaſmus) per omne illud tempus quo Parochialem Eccleſiam vel Capellam Vicariam vacare contingerit, is ad quem inveſtitura vel inſtitutio ejus ſpectat, per duos idoneos Presbyteros & illius

(r) ut, præ: nec

illius Capituli, in quo Ecclesia vel Capella talis consistit, universos redditus sive fructus, qui vero Rectori cedere consueverunt, faciat, procuret, & mandet colligi & fideliter conservari, ita quod ei, qui vicerit, totaliter assignentur. Alioquin si ille, ad quem vestitura pertinet, de hujusmodi redditibus occulte vel manifeste aliquid sibi servaverit, ac usurpare presumpserit, jure investiendi ad aliqua Beneficia obtinenda in perpetuum sit privatus. Ex tale jus ad Superiorem proximum devolvatur. Qui etiam duplum ejus, quod per hujusmodi sequestrationem recepit, irreversibiliter restituere teneatur.

DE JURE JURANDO

Summarius.

Monachorum, & Canonicoꝝ regularium, vel secularium contra Canonicas sanctiones confederatio, siue fiat interposita cautio, siue sine ea, neminem obligat, ipsi autem conjurantes sunt excommunicati; & detecta conjuratione, hi quidem a Monasteriis suis excludendi, illi vero Officiis & Beneficiis suis privandi.

ex Concilio Fritzlarjensi D. Siffredi.

Excommunicamus preterea Clericos, Monachos & Canonicos universos, qui colligationes siue confederationes ulas fecerint, fidei vel juramenti interposita cautio, siue in detectionibus faciendis, siue pro aliis quibuscunque negotiis contra Canonicas sanctiones. Cum ex hujusmodi colligationibus suboriantur discordie, que Ecclesiasticam dissolvunt disciplinam, bona Ecclesiastica dissipant, & pericula patiuntur animarum: volentes ex confederatione hujusmodi neminem obligari. Eadem quoque excommunicationis sententia innodamus eos, qui conjurationes siue confederationes tales fecerint, sine difficultate & dilatione quomodolibet, quousque ab invicem se absolvant. Ex quicumque detecti fuerint, confederationes hujusmodi attentare, si Monachi aut Canonici fuerint regulares, de suis Monasteriis tamquam membra putrida excludantur. Si Clerici seculares fuerint, Officiis & Beneficiis in perpetuum spolientur.

(x) Reliqua omisa in impresso Moguntia A. 1509.

Tomus IV. Concil. German.

DE APPELLATIONIBUS.

Summarius.

Appellantes a sententia diffinitiva, si infra duos menses appellationem non persequantur, ab inferioribus iudicibus in pristinas sententias retrudantur, eisque stare cogantur, donec vel appellationem persequantur, vel parent judicatis.

ex Concilio Moguntino D. Petri.

Quia sepe contingit in causis appellationum interpositarum a sententia diffinitiva revocari per Superiores, ante omnia secundum formam juris attentata: & absolvi appellantes, & ipsis revocantibus, predicti appellantes in elusionem juris, iudicium, & partis appellate a prosecutione appellationis sue desistant. Ne igitur provilio facta ad remedium (ut experimento didicimus) tendat ad noxam, statuimus, ut si infra duos menses post revocationem hujusmodi ipsi appellantes prosequi appellationes suas non curaverint, extunc per inferiores iudices, a quibus appellarunt, in pristinas sententias retrudantur, & tandiu eisdem ligati publice denuncientur, quousque iusta causa cessante ad appellationum suarum prosecutionem moram expiando redire festinent, (x) vel parent judicatis.

DE VITA ET HONESTATE CLERICORUM.

Summarius.

Clerici officia & commercia secularia non exercent. Tabernis, nisi in itinere, choreis & spectaculis non interfunt. Tonsuram congruam habent, caste vivant. Propter incontinentiam autem suspensi, si celebraverint, & Beneficiis priventur, & perpetuo deponantur, a solo Papa dispensationem obtenturi.

ex Concilio Fritzlarjensi D. Siffredi.

Clerici officia vel commercia secularia non exercent, maxime inhonesta, prorsus tabernas evitent, nisi forte causâ necessitatis in itinere constituti. Choreis & publicis spectaculis non interfunt, (y) coronam & tonsuram habeant congruentem, ad quod per Prelatos suos per subtractionem beneficii & officii compellantur.

(y) comam & tonsuram.

A a

pellantur. Et si Prelati eorum in his desides fuerint & remissi, per Episcopum suum vel Metropolitanum (si Episcopus negligens fuerit) a suis dignitatibus suspendantur, & ut Clericorum mores & actus in melius refoventur; continenter, & caste vivere studeant universi, presertim in sacris Ordinibus constituti, quatenus in conspectu Dei Omnipotentis puro corde & mundo corpore valeant ministrare. Quicumque autem propter vitium incontinentie a suo Prelato suspensus presumpserit celebrare Divina, non solum Ecclesiasticis spoliatur Beneficiis, verum etiam pro hac duplici causa perpetuo deponatur. Nec credat aliquis posse per alium cum talibus celebrantibus, nisi per Romanum Pontificem dispensari.

Summary.

Clerici vagabundi non recipiantur, nihil eis detur, ad Ordines & Beneficia, nisi bene prius emendati, non admittantur. Pauperes tamen tam Clerici, quam Laici iuxta necessitate peregrinantes, ab elemosyna & hospitio non excludantur.

Clericos vagabundos (quos vulgus *Eberhardinos* vocat) quorum vita est Deo odibilis, & laicos scandalizat: priori inberentes Concilio a Clericis & personis Ecclesiasticis (a) recipi prohibemus, firmiter (a) statuentes, ne aliquid eisdem detur. Nolumus tamen, ut hujus occasione statuti, Clerici, vel seculares pauperes, quos quaecunque iuxta necessitas peregrinare compellit, a charitatis operibus excludantur, dummodo pauperes elemosynam vel hospitium sibi postulent inquit Divine remunerationis impendi, cum necessitatis tempore sine personarum differentia elemosyna sit impendenda, adjicientes, qui *Eberhardini* prefati vitam ducunt reprobam & infamem, ne ad laicos Ordines vel Ecclesiastica Beneficia aliquatenus admittantur, ut nostrum non vituperetur ministerium, nisi per longam morum emendationem, ac honeste vite conversationem (Diocesani judicio moderandam) temporis antea inventi fuerint infamiam expiisse, & tunc dispensative ad sacros Ordines & Ecclesiastica Beneficia eis aditus concedatur.

Summary.

Clerici vagabundi celebrare presumentes, de mandato Episcopi vel Archiepiscopi cum auxilio, si opus est, seculari incarcerationentur.

Ad hec, quia Clerici vagabundi (qui *Eberhardini* dicuntur) quorum vita Deo est odibilis, Clericos & ipsos laicos scandalizant, discurrendo per terras in villis, que carent propriis Sacerdotibus, aliquin (b) celebrare presumunt, seu quod verius est, quantum in ipsis est, Divina Officia prophanare, statumus, ut tales ad mandata tum Diocesani, seu loci Archiepiscopi teneantur in custodia carcerali. Ad hoc, si necesse fuerit, invocando auxilium ¹seculari, salvis nihilominus constitutionibus contra tales a nostris Predecessoribus promulgatis.

Summary.

Monialium claustra nullis Clericorum, Monachorum, aut Prelatorum sine necessitate ingrediantur. Ipse etiam Moniales claustra, de Monasteriis, nisi ex necessitate non ingrediantur, Prelatis suis obediant, nemini nisi de eorum licentia consueantur, & fenestre earum parlatorie duplicata habeant ferramenta.

ex Concilio Fritzlarensi D. Siffredi.

Claustra Monialium nullis Clericorum vel Monachorum, sine causa honesta & bono testimonio introeat. Alioquin Prelatus suus ipsum debite subiecit ultioni. Neque Moniales de suis egrediantur Monasteria, nisi Monasteriorum necessitas id exposcat, & tunc velate incendant. Illis aures tamen ob hanc causam egredi liceat, quibus administratio est commissa, vel que a Superiore hoc receperunt in mandatis: hoc quidem non de illis Monialibus, que claustra sunt, volumus intelligi, cum illis exire omnino non liceat, sed de illis, que sine claustrum vitam consueverunt ducere laxiorem. Statumus insuper, ut in singulis Monasteriis fenestre parlatorie duplicata habeant ferramenta. Et ut Moniales suis Prepositis, & Prelatis in rebus licitis & honestis obediant, nec (c) cuicumque propter eorum licentiam sua consueantur peccata. Ipsi autem Prepositi, sive Prelati claustra Monia-

(a) velut personas ecclesiasticas, pro: & personis ecclesiasticis.

(a) finaliter, pro: firmiter.

(b) aliquando

(c) cuicumque aliter

Monialium nullo modo introeant, nisi magna & evidens causa necessitatis id expostulat.

Summarius.

Sacerdotes superpellicis, Et Campanarii camissis, ex elemosynis Parochie, aut propriis sumptibus procuratis in Diocesis Officiis Et Sacramentis ministrandi utantur. Alioquin Sacerdotes cessent a Divinis: damnum autem in oblationibus sibi tunc emergens populus refundat. Rurales etiam Presbyteri, loco campanariorum personis literatis disponant, quibus campanariorum emulamenta cedant, neque tales sine Archi-Diaconi consensu amoveantur.

EX Concilio, quo supra. Aschaffenburgensi impr. Mog. A. 1509.

Item, quod Sacerdos & Campanarii, qui Sacerdotibus ad altare, circa Baptismum, deportationem Olei, & Corporis Domini ad infirmos assistunt, & (juxta quod officium eorum requirit) ministrant, super vestimenta sua superpellicis, Sacerdotes & Campanarii camissis albis utantur, districte precipimus observari. Quas quidem camissas campanariorum & superpellicias Sacerdotum populus cuiuslibet Parochie, quando & quotiens necesse fuerit, de elemosynis, que in Parochia haberi possunt, procurent, alioquin de suis propriis sumptibus procurabunt. Approbatione totius Concilii statuentes, ut Sacerdotes, qui post publicationem hujus (d) statuti superpellicium pro se, & camissam pro suo campanariore non habuerint, infra duos menses post eandem publicationem (e) prime subsequentes, tandem cessent ab officiis Divinorum, donec defectus hujusmodi supplicetur, & damnum, quod ex tali cessatione in oblationibus contigerit, Sacerdotem sustinere, per populum sue Parochie refundatur eidem. Verum quia (f) in Parochiis ruralibus plurimum & maxime hoc contingit, quod propter defectum Clericorum, Sacerdotes solos oportet celebrare contra Canonicas Sanctiones, inhibemus, ne Presbyter sine Ministris suffragio Divina Officia, & maxime Missarum solennia celebrare presu-

mat, inherentes Concilio Trulitano, ubi dicitur: *Pa soli, (g) quia cum ceciderit, non habet subleasantem.* Provida deliberatione sacri Concilii duximus statuendum, ut omnes Sacerdotes in villis, extra oppida celebrantes, loco campanariorum illetratorum, personas de cetero habeant fide dignas, legere & cantare scientes, quæ quidem perline de ornatu Parochie fideliter conservando sufficienti prestita cautione universos redditus percipiant campanariis laicis hætenus deputatos: Nec ab illis officiis sine Archi-Diaconi consensu valeant amoveri. Alioquin contrarium facere presumentes, per Diocesenum vel loci Archi-Diaconum ad id compelli poterunt faciendum, Ecclesiasticam per censuram.

Summarius.

Sacerdotes Eucharistiam ad infirmos deferentes calopedibus non incedant. Nullus etiam Beneficiatus, vel in Sacris constitutus, ullam ejusdem loci Ecclesiam tempore Drorum sine habitu veligianis, aut mitratus sub pena suspensionis ingreditur.

EX Concilio Aschaffenburgensi.

Et licet omnes Christi Fideles in deportatione Venerabilis Eucharistie ad infirmos sequi conveniat reverenter, precipue tamen Sacerdotes, dum ipsum Dominicum corpus in manibus suis gestant, procedere concedat humiliter & devore, obinde precipiendo statuimus, ut nullus Sacerdos in deportando hujusmodi maximum & saluberrimum Sacramentum, quantumcunque aura mala, via lubrica, vel lutoſa exiſtat, (b) in calopedibus ire presumat. Item precipimus, statuimus, & monemus, quod nullus Beneficiatus, vel in sacris Ordinibus constitutus, Ecclesiam, vel Chorum Ecclesie Cathedralis, aut aliarum Ecclesiarum tempore Divini Officii sine religione, vel mitratus intrare presumat. Contrarium facientes, poenam suspensionis incurrant, per Decanos, sive Prelatos, sive alios Superiores Ecclesie illius, quibus constitit, aut per nos infligendam.

Summa.

(d) hujus Concilii

(e) proxime sequentes

(f) plerumque & maxime in Parochiis

(g) Ecclesiast. IV, 10.

(b) Calopodium, genus calcei ex ligno, quod solum focculum vel calopedes vocant.

Summarius.

Clerici vagabundi, Goliardi, sive Jocaletores, si per annum tales permanserint, Clericali careant privilegio, & ad nullas Canonico actus admittantur.

ex Concilio D. Petri.

Cum Clerici vagabundi seu Goliardi non modicum detrudere dinoscantur Clericali Ordinis dignitati, statuimus, ut si per annum artem predictam ignominiosam exercuerint, ex tunc careant omni privilegio Clericali, neque ad aliquos actus canonicos & legitimos admittantur, sicque publica reipsum infamia & repulsa, ruboreque suffusa, a statu hujusmodi pelfero retrocedant.

Summarius.

Clerici beneficiis per assumptionem status secularis apostatantes, si ad Ecclesiam vel Prebendam redire voluerint, tamdiu inclaufrentur, quamdiu se ab Ecclesia vel Prebenda alienaverint.

Ex Concilio Fritzlarienti 1311. *Contra Clericos militares, qui quovis habitum portant Clericalem, quemcumque secularem.*

Contra Clericos militares, qui Clericali stemmate derelicto (g) comam nutriunt, & gestant habitum laicalem coram Prelatis suis, & in Ecclesiis, & in quibus habent beneficia, neque reverenter incedunt, demum post tyrocinia, & actus alios militares, quos interdum exercent, habitum pristinum resumentes, ad beneficia se per ipsa admitti impune desiderant. Sic terram viis duabus ingredi non verentur. Hoc sacro Concilio approbante statuimus, ut apostatantes hujusmodi, si antequam a suis Prelatis, sive Capitulis evocati, & priusquam habitis beneficiis fuerint spoliati, ad suas Ecclesias sive Prebendas redire voluerint, non aliter admittantur, nisi discipline claustralis carcerem tanto tempore sustineant, quanto a suis Ecclesiis confiterit eos se taliter alienasse. (b) Ne minus satisfactionis prolixitas, quam prevaricationis diuturnitas prorogetur.

(g) militari zeumate

DE COHABITATIONE CLERICORUM ET MULIERUM.

Summarius.

Prelati, quorum interest, publicam Clericorum & Mulierum cohabitationem corrigant. Qui autem hoc propter quistum negligunt, a Prælationis sue honore deiciantur. Et hoc ad minus semel in anno in Archi-Diœcesiali Capitulo, & semel in Episcopali Synodo publicetur. Et quisquis eorum hoc omiserit, ab officio est suspensus.

ex Concilio Fritzlarienti.

Publice cohabitationis vitium multis successive laboribus extirpatum, quorundam negligentia Prælatorum, imo, quod detestabilius est, aliquorum malitia, qui quistum existimant pietatem, sentitur iterum pullulare. Quia propter Prælati universis, Archidiaconis videlicet, Decanis, ac aliis, quorum interest hujusmodi excessus corrigere, hujus sacri Concilii auctoritate districte precipimus, ut tam periculose recidivo pervigili studio succurrere non prætermittant, ne subditorum sanguis de eorum manibus requiratur, ac eorum negligentia per locorum Episcopos gravissime puniatur. Si quis autem, quod absit, ob quistum turpem, peccatum hujusmodi ad se delatum, in subditiis suis fovere, vel dissimulare presumpserit, illi per suos Prælatos ab eis deiciantur honoribus, quos acceptio fordium talium dehonora. Ut autem hec statuta saluberrima districtius & efficacius observentur: Auctoritas hujus sacri Concilii provida liberatione constituit, ut singuli Archidiaconi in Capitulo Clericorum suorum bis vel saltem semel in anno ea publice legi faciant, & nihilominus semel in anno in Episcopali Synodo publicentur. Ne quis per ignorantiam se valeat excusare. Si quis autem in publicatione horum statutorum cessaverit, temporibus pretaxatis hujus sacri auctoritate Concilii, ab officiis noverint se suspensos.

Summarius.

Clericus post Canonicam admonitionem publice concubinam tenens, Officio, & Beneficio spoliatur, quod si non curaverit, excommunicatur. Qui vero usque ad hec tempora tam tenuerit, si sit Can-

(b) Sequens comma abest ab impresso A. 1309.

Canonicus, ad cibum quadragesimalem quadragesima diebus inclaufretur, quod si contempserit, neque Prebende sue fructus ei ministrentur, neque ad Chori & Capituli consortium admittatur, nisi penitentia peracta aut saltem incepta, & nisi juret cum aon refumere. Quod si eam refumpserit, Beneficio privetur. Prelati autem hunc excessum dissimulantes excommunicationi subjaceant.

EX Concilio Fritzlarienti D. Siffredi.

Licet multa super incontinentia Clericorum, sanctorum Patrum hæcenus emanarunt instituta, quia tamen adhuc nonnulli Clerici lumbos suos cingulo continentie, ut accepimus, non accingunt, & in anime sue grave periculum, & scandalum plurimorum, non attendentes, quod scriptum est. (i) *Sancti estote, quia ego sanctus sum Dominus Deus vester.* Nos, qui saltem circa undecimam horam missi sumus, ut nociva de vinea Domini Sabaoth ex officio Nobis injuncto, quantum ipse dederit, extirperemus, quia [k] zelus nos comedit *Domus Dei.* Hujus sacri Concilii approbatione duximus statuendum. Precipimus igitur, ut Clerici continenter & caste vivere studeant universi, maxime in sacris Ordinibus constituti, quatenus in conspectu omnipotentis Dei puro corde valeant ministrare. Si quis autem Clericorum visus fuerit deinceps incontinentie vitio laborare, detinendo concubinam, nisi post admonitionem Canonicam illam prorsus a se expulerit, ex tunc Officio & Beneficio spoliatur. (l) Si vero rectorem sue libidinis non curaverit evitare, quia crescente concubina crescere debet & pena, anathematis gladio feriatur. Qui vero obicenis voluptatibus inhiantes, concubinas ipsas usque ad hæc tempora publice tenuerint, ne delictum preteritum transeat impunitum, eos sub tali pena duximus religandos, ut si Canonici fuerint, quadragesimali diebus in claustris suis quadragesimali cibo jejurent. Si autem hoc agere contempserint, Præpositis, Decanis, & Capitulis Ecclesiarum sub anathemate prohibemus, ne præbendam fructus eis ministrent, vel ad cho-

rum vel ad consortium Capituli eos admittant, nisi digna penitentia incepta vel peracta, & prestito juramento, quod eas ulterius non resumant. Qui vero sic amotas resumpserint, decernimus eos beneficiis esse privandos. Statuentes, ut illi ad quorum collationem eorum beneficia pertinent, ea personis idoneis assignent infra tempus (m) in *Lateranensi Concilio* comprehensum, alioquin primus superior extunc ea student assignare. Si vero Decani vel alii eorum Coniuges excessum scientes dissimulare presumpserint, eos excommunicationis vinculo subjacere denuntiamus.

Summarius.

Sacerdos publice concubinam tenens de facto est ab officio suspensus, quæ sententia durante, si celebrat, a Diocesi expellatur.

EX Concilio Moguntino D. Wernheri.

Item Sacerdos, qui (n) in domo publice ausu sacrilego presumpserit retinere, suspensionis ab officio sententiam Canonis incidat ipso facto, quæ sententia durante, si Divina presumpserit celebrare, sciat de omni miseriordia postposita, de nostra Diocesi expellendum.

Summarius.

Archidiaconi Clericos suos rurales concubinos foventes aut dissimulantes, sunt ab officiis suspensi, & si in tali presumptione permanserint, Episcopi eos a dignitatibus moveant, & eos alius assignent.

EX Concilio Fritzlarienti D. Siffredi.

De Clericis concubiniis ruralibus rigor superius expressus observetur, quorum Archidiaconi, si eos in suis iniquitatibus voluerint confovere, vel eorum dissimulare excessus, sciant ab officiis se suspensos, & si in (o) presumptione permanserint, eos precipimus per Episcopos suos (p) vel alios, ad quos donatio spectat, personis idoneis assignentur.

(i) Levitici XI, 44.

(k) Psalmo LXXVIII, 10. Joannis II, 17.

(l) *Sequenti comma:* Si vero...feriatur, abest ab impr. A. 1509.

(m) *Lateran. Concil. anni 1215. Can. 14.*

(n) concubinam

(o) in suspensione

(p) a dignitatibus removeri, quæ dignitates per episcopos, vel alios, ad quos donatio spectat,

DE CLERICIS NON RESIDENTIBUS.

SUMMARIUS.

Presentia, que in Divinis Officiis, Vigiliis, & Missis Defunctorum distribuuntur, non nisi interessentibus debentur, exceptis, quos aut egritudo aut evidens Ecclesie utilitas, aut Superioris excusant auctoritas. Preter haec, aut alias causas, absentes, & presentia recipientes, ad restitutionem tenentur, a quo nulla eos consuetudo excusat.

ex Concilio D. Petri

Statuimus, ut in Ecclesiis Cathedralibus & aliis Collegiatis Canonici, & alii Beneficiarii nullas distributiones quotidianas seu manualia Beneficia, que (p) tamen residentibus, & qui Divinis intersunt officiis dari debeant, in absentia percipiant. Qui vero aliter de distributionibus ipsis quicquam receperint, exceptis illis, quos corporalis necessitas, aut evidens utilitas Ecclesie seu Superioris auctoritas & dispensatio (q) revelat & excusat, ad restitutionem omnium que receperint, Ecclesie teneantur. Nec ante restitutionem ad Capitula seu tractatus Capitulares aliquatenus admittantur. Et idem de distributionibus pro defunctorum anniversariis largiendis decrevimus observandum. Contra predictam vero nolumus aliquam consuetudinem suffragari.

SUMMARIUS.

Habentes in civitatibus unum Curatum, & aliud in Collegio Beneficium aut eligant alterum, in quo resident, aut ad dimittendum unum compellantur, nisi ex gratia Episcopi ambo retinere permittantur.

ex Concilio Fritzlarienti.

Quia vero plebani civitatum, locum in Ecclesiis conventualibus obtinentes, circa curam Parochiarum frequenter occupati minus possunt in Ecclesiis, & maxime in prelaturis, quas obtinent (prout eorum spectat officium) deservire, statuimus, ut eligant, quod in Parochia vel in conventuali Ecclesia resident, & ad dimittendam alteram compellantur, nisi utramque de gratia Archiepiscopi vel Diocesani, qui pro tempore fuerint, valeant retinere.

(p) tantum residentibus
(r) districte precipimus

DE INSTITUTIONIBUS.

SUMMARIUS.

Admittendus ad curam juret, in ademptione se Simoniam non commississe.

ex Concilio Fritzlarienti.

Statuimus, ut nullus Clericus ad curam animarum admittatur ab Episcopo vel Archidiacono, nisi prius juraverit, quod nullam in ademptione Beneficii, ad cuius est curam presentatus, commiserit Simoniam.

SUMMARIUS.

Clericus a Patronis suis laicis sive Clericis, sine Episcopi vel Archidiaconi licentia ad Beneficium institutus eodem Beneficio privetur: Ejusdemque collectio ea vice ad primum Superiorem devalvatur; Patronus autem temere de investitura se intromittens, si laicus sit, jure suo perpetuo privetur, Religiosi vero & alios & aliam sibi unitas Ecclesias amittant.

ex Concilio Althausenburgenfi.

Quoniam antiqua Predecessorum nostrorum statuta prohibere inveniantur, (r) ne aliquis Clericus a laico de Beneficio Ecclesiastico, in quo jus obtinet Patronatus, intrinsece se permittat, sed potius presentatus ab eo, ab Episcopo, vel loci Archidiacono investituram recipiat ab altero eorundem, cui id de jure vel de consuetudine competit approbata. Licet etiam Templariis, & Hospitalariis, & aliis Religiosis in eisdem prohibuit sit stantis, ne Ecclesias Parochiales, quas de consensu Diocesani & Cathedralium Ecclesiarum suis domibus, seu Monasteriis uniri obtinent, per suos Confratres officiare presumant; sed Clericos seculares Episcopis sive Archidiaconis locorum presentent, qui ipsos investiant, tanquam perpetuos Vicarios in eisdem, ordinata ipsis competenti pro sua sustentatione prebenda. Quia (s) cum pena sufficiens nondum est prodita contra hujusmodi transgressores: Considerantes, quod facilitas venie incentivum tribuit delinquendi; sacri approbatione Concilii hujus hac poena presumptores predictos duximus puniendos, ut Clericus a Patrono laico vel etiam Clerico in Beneficio Ecclesiastico sine Episcopi, vel loci Archidiaconi licentia, vel

con-

(q) forte: relevat
(s) quare, pro: quia

consensu institutus, eodem beneficio in perpetuum sit privatus, & ipsius collatio ea vice ad Superiorem proximum devolvatur. De quo quidem beneficio, si temeritate propria intromiserit se Patronus, jure, quod sibi competeat in eo, perpetuo sit privatus. Templarii vero, & Hospitalarii, & alii Religiosi contrarium facere presumptes, non solum Ecclesias ea vice, sed etiam alias (si quas habebant) ipsi unitas sine spe restitutionis ipso jure hujus Concilii decreto amittant.

Summarius.

Templarii, Hospitalarii, & ceteri Religiosi sine Episcopi vel Archi-Diaconi institutione in Ecclesiis Diocesano subiectis celebrantes, sententias inter se vel Ecclesias suas latus violentes, eorum in predictis defensores: in talibus interdictionibus celebrantes, & in eisdem Divina audientes, ipso facto sunt excommunicati, Prelati autem infra mensem, post monitionem Diocesani huiusmodi excessus corrigere dissimulantes, una cum Conventibus suis, juxta sibi & ordini suo in dictis Ecclesiis competens, de facto amittunt.

ex Concilio Aschaffenburgensi.

Ad hoc, quum Templarii, & Hospitalarii, & alii Religiosi, qui a Prelatis ordinis sui ad regendas Parochiales Ecclesias destinantur, Episcopis Diocesanis subiectas sine institutione ipsorum, aut Archidiaconorum ministrare presumunt, in illis sententias Ecclesiasticas in se, vel in Ecclesiis predictas ab Episcopo, vel Archidiacono, sive Decano prolatas aliquoties temeritate propria, & nonnunquam de Prelatorum suorum conniventia, vel mandato violare presumunt: dicentes, se ad observantiam sententiarum huiusmodi non teneri, obtentu privilegii ordinis sui ab Apostolica Sede concessi. Statuimus hoc sacro Concilio approbante, quatenus in predictis Ecclesiis sine institutione debita Diocesani, ac Archidiaconi celebrantes, & sententias aut in se, aut in Ecclesias predictas per Diocesanos, vel Archidiaconum, vel alios delegatos ipsorum prolatas violentes, exceptis casibus a jure permissis, nec non defendentes eos in contemptum huiusmodi, ac in Ecclesiis predictis in-

terdictis celebrantes, aut audientes Divina, ipso facto sententiam excommunicationis incurrant, Prelati quoque eorum regulares, cum suis Conventibus scienter dissimulantes excessus huiusmodi, post admonitionem Episcopi Diocesani corrigere infra mensem (t) juxta sibi, & ordini suo in predictis Ecclesiis competens ipso facto amittant.

DE CONCESSIONE PREBENDE AUT ECCLESIE NON VACANTIS.

Summarius.

Ad Canonicatus nondum vacantes, non tenent eligi, & tunc ad residentiam compelli debet, sed non nisi cum hoc iuxta necessitas, & utilitas exegerit, que ante huiusmodi electionem est Episcopo exponenda. Si vero plures simul, aut successive eligantur, ipso jure electio non tenet, & tunc Episcopus ad tot prebendas eligere potest, quot persone fuerint nominatæ.

ex Concilio Aschaffenburgensi.

Item nullus in Canonicum eligatur Beneficio non vacante, nisi iuxta necessitas vel utilitas (u) id postulaverit, & tunc unum tantum & non plures assumi permittimus, & is qui taliter assumptus fuerit, statim ad residentiam compellatur. Si qui contra hoc statutum aliquos vel successive vel simul plures elegerint, quod factum est, ipso jure non tenent. Et Episcopus ad tot Prebendas potestatem habeat eligendi, quot persone fuerint assumptæ, hujus auctoritate Concilii statuentes, ut ante receptionem persone in Canonicum assumende, persone necessitas, & utilitas ex receptione huius secutura, loci Episcopo primitus exponatur, ne per surreptionis astutiam in fraudem huius Concilii aliquid attentetur.

NE SEDE VACANTE ALIQUID INNOVETUR.

Summarius.

Qui pro vacante Episcopatu aut Prelatura consequenda, potentium sibi laicorum attrabunt favorem, aut filius suis beneficia pro assistentia permittunt. Ipso facto & jure sunt excommunicati, & deinceps ad huiusmodi dignitatem ineligibiles. Qui vero taliter ad Prelaturas aspirantibus pecunias mutant, alii- ne pro matris repetendo privantur.

(t) infra mensem, ubi ab impr. A. 1309.

(u) ecclesiam

ex Concilio Aschaffenburgenſi, ex
Fritzlarieſi impr. A. 1509.

Quoniam nonnunquam contingit, quod ad vacantem Episcopatum; vel aliam Prelaturam duo in discordia eliguntur, & alter, qui minori juri innitur, ut eum, cui majus jus est adquisitionem, per potentiam vel tedium fatigare & exhaustire possit; attrahit sibi favorem potentum laicorum, quibus ut ei mutant, & assistant, promissiones facit de beneficiis, filiis eorum conferendis, & de juribus, & de libertatibus Ecclesiasticis remittendis. Nos huic morbo occurrere volentes, remedio salutari presenti statuto hujusmodi promissores, & potentum laicorum attractores, volumus ipso facto & jure excommunicationis esse sententiis innodatos, & nihilominus eum fore ineligibilem ad hujusmodi dignitatem. Mutuatores etiam pecuniarum taliter in hoc casu volumus carere actionibus, pro mutuo hujusmodi repetendo.

Summarius.

Episcopo defuncto, vel Sede vacante Ecclesia bona occupans, de facto est excommunicatus, quem successor sine satisfactione & Capituli consensu absolvi non patiarur.

ex Concilio Moguntino, ex eodem
Fritzlarieſi impr. A. 1509.

Quicumque autem defuncto Episcopo relicta ab eo, ac sede vacante, bona Ecclesie occupaverit, ipso facto (quam nunc in talem ferimus) sententiam excommunicationis incurrat, quam Successor inviolabiliter faciens observari nullatenus relaxet, sine restitutione, & satisfactione condigna de sui Capituli consilio & consensu.

UT ECCLESIASTICA BENEFICIA,
SINE DIMINUTIONE CONFE-
RANTUR.

Summarius.

Laicus in Ecclesia sui Patronatus habens, si in presentatione ad eandem, decime vel aliarum obventionum partem ex pacto sibi vel suis reservat, excommunicatur, ejusque terra, donec Ecclesiam liberam dimiserit, interdicatur. Clericus autem talem presentationem acceptans

(x) frenum

(y) cum possint, impr. A. 1509.

Officio & Beneficio privetur, neque ad Beneficia vel actus Ecclesiasticos admittatur, nisi per Papam fuerit secum dispensatum: Episcopus vero vel Archidiaconus, qui talibus scienter curam committit animarum, perpetuo a Beneficiorum institutione suspendatur.

ex Concilio Fritzlarieſi.

Quoniam in quibusdam Alemanie partibus Fundatores Ecclesiarum, vel heredes ipsorum, potestate (in qua hucusque Ecclesia eos sustinuit) abutuntur, partem decimarum vel aliarum obventionum Ecclesiasticarum, in quibus jus obtinent Patronatus, sibi retinentes ex pacto, cum presentant Clericos ad easdem; Huic vulneri cancroso & simoniaco censure ferrum (x) apponimus, decernentes, ut ex quo constiterit Patronum hoc perpetrasse flagitium, anathemate feriat, & ejus terra ponatur sub Ecclesiastico interdicto, donec Ecclesiam liberam sub suo jure dimittat, salvo jure Patronatus, quod eis de jure reservamus, quod (y) possint per juris ignorantiam excusari. Qui vero ceca cupiditate ducti taliter a Patronis presentationem receperint, Officio, Beneficioque priventur, nec ad Beneficia vel actus Ecclesiasticos admittantur, nisi per Sedem Apostolicam secum fuerit dispensatum. Episcopi vero vel Archidiaconi, qui talibus scienter curam commiserint animarum, ab institutione Beneficiorum & collatione perpetuo sint suspensi.

Summarius.

Clerici notantes se a Patronis certa Beneficii ad quod presentandi sunt, portione privari; si id Episcopis non conquerruntur, ab eisdem & suspendantur & Beneficiis priventur. Si vero conquesti sint: Episcopus talem Patronum per censuram Ecclesiasticam cobibeat, & si pertinax persistierit, futura presentatione privetur.

ex eodem Concilio quo supra.

Cum Beneficia Ecclesiastica sine diminutione conferri debeant, quidam Ecclesiarum Patroni, (personis idoneis pretermis) tales ad ea presentant, qui portione quantalibet debeant esse contenti, reliquam totaliter usibus suis applicando. Unde ad hujus mali perniciem extirpandam, statuimus, ut si tales Clerici

Clerici se portione debita spoliari videntes, ad Episcopum suum querelam non detulerint, auctoritate hujus Concilii sint ipso jure suspensi, & nihilominus eisdem Ecclesiis spoliarentur per Episcopum, & plebano idoneo providetur de ipsis. Si vero ad Superiorem hanc detulerint questionem, ipse Patronum per censuram Ecclesiasticam ab hujusmodi molestationis onere compescat. Adjicientes nihilominus, quod si in hoc pertinax Patronus existerit, ad presentationem talis Ecclesie, cum proximo vacaverit, nullatenus admittatur.

DE REBUS ECCLESIE NON ALIENANDIS.

Summarius.

Sine consensu Capituli, Administratores, neque res Ecclesie penitus alienent, neque memora fecari faciant. Abbates vero, & eorum officiiati, si id fecerint, ab officiis suis perpetuum deponantur, in mutuo autem & rerum immobilium obligatione, Canones observentur.

ex Concilio Friburgensi.

Inedicimus etiam prioris Concilii Statuta sectantes, ne Administratores de rebus ad eorum administrationem pertinentibus sine consensu majoris & sanioris partis Capituli quicumque (*) penitus alienare presumant. Verbis autem alienationis, donationis, venditionis, obligationis, permutationis, vel emphytheotii (a) (sicin quibusdam Ecclesiis fieri consuevit) perpetuum contractum volumus comprehendere, & si quid contra factum fuerit, irritum decernimus & inane. Foresta quoque nemorum secari non faciant, sine Fratrum consilio & consensu, quod si fecerint, in utrum fratrum pretium convertatur. Abbas vero, vel officiiati cujuscunque Monasterii, si de rebus Ecclesie sue quecumque citra formam Canonicam alienare presumpserint, ipsum Superior (cum id ei ex certis claruit argumentis) a suo in continenti deponat officio, nec de cetero ad dignitatem aliquam vel administrationem Ecclesiasticam admittatur, nisi secum sit per loci Episcopum misericorditer dispensatum: auctoritate presentis Concilii decernentes, ut in mutuo con-

trahendo, nec non obligatione immobilium sacri Canones observentur, qui eos creditores tantum appellant, nisi probeant mutuum in Ecclesie utilitatem cessasse.

Summarius.

Ad obligandum, nulli privato aliquid de rebus Ecclesie concedatur: concessa vero infra mensem redimantur, & Ecclesie reddantur.

ex eodem, quo supra.

Item de rebus Ecclesie & ornatu nulli private persone ad obligandum aliquid concedatur, & si aliquibus sunt concessa, illa infra mensem redimere & Ecclesie restituere compellantur.

Summarius.

In quolibet Ecclesia Procuratores Fabricæ annuos ejus proventus in utilitatem Ecclesie convertant, & omni anno de ipsis rationem reddant: omnino autem caveant, ne inter personas dividantur, aut Prebendorum expensæ de eis solvantur, quæ ex suspensionibus sunt faciendæ.

ex eodem, quo supra Concilio.

Item statuimus, ut proventus annui fabricæ, uni vel duabus personis fide dignis in singulis Ecclesiis committantur, qui eos ad opus Ecclesie convertant utiliter. Et singulis annis justum de ipsis & certam Capitulo reddant rationem, & ne idem redditus dividantur, vel ad expensam messium vel autumnii, seu extraordinaria onera convertantur, quæ de Prebendis suspensis sunt potius faciendæ, districtissime prohibemus.

Summarius.

Ornatus & libri Ecclesie semel ad minus in anno visitentur, & sub sigillo conscribantur.

ex eodem.

Statuimus (b) etiam, quod ornatus & libri Ecclesie bis vel semel ad minus in anno inspiciantur a Capitulo diligenter, & sub sigillis Prelatorum & Capituli ponantur sigillatim in scripto, ut sciat imposterum, si de ipsis augmentatum sit aliquid, vel subtractum.

Summa

(a) quidquam (a) lego: emphytheotico
Tome IV. Concil. Germ.

(b) Totum hoc Capitulum abest ab impr. A. 1509

Summarius.

*Ecclesiarum, Dignitatum, & Officiorum ejus
predia & redditus, ac ad quolibet officia
spectantia, omnia sub sigillo Prelatorum
& Capituli conscribantur.*

EX eodem.

At quoniam pauci sunt in singulis Ecclesiis, qui predia & redditus plene cognoscant, nisi illi officii forsitan fuerint; & multa, vel aliqua propter negligentiam officiorum vel statum temporis inaequalem, ex eo sunt perdita vel distracta; (b) Statuimus, quod predia & redditus Ecclesiarum communes & specialiter dignitatum & officiorum, & (c) que quali ratione cujuslibet officii fieri debeant, sub sigillo Prelatorum & Capituli plenissime conscribantur.

Summarius.

*Residentes & de licentia Capituli in studio
existentes equaliter participant redditus compa-
ratos de proventibus annorum fabricae, & quae
intuitu pietatis sine speciali conditione Eccle-
siae conferuntur, hoc est, in corpore Pre-
bendarum, non autem in distribu-
tionibus quotidianis.*

EX eodem.

Volumus (d) etiam & presentium auctoritate statuimus, ut redditus, qui de proventibus annorum fabricae exnunc in posterum poterunt procurari, & proventus illorum bonorum, qui de cetero sine speciali conditione fuerint collata Ecclesiis intuitu pietatis, fratres presentes, & qui sunt in studio per licentiam Capituli, integre & plene percipiant. Ut libentius & frequentius in choro deserviant, & fideles quilibet ad eleemosynas Ecclesiae conferendas ardentius invitentur.

Summarius.

*Ecclesiarum Advocati stipendii & servitiis
ad defensionem jurium, possessionum & boni-
um sibi assignatis sint contenti. Nihil aliud
pro tantis sibi usurpent: Advocatias, si quas
diviserint, reintegrent: feudatarii taliter occu-
patis dimittant, alioquin & Advocati & Feu-
datarii per excommunicationem & interdi-
ctum ab Ordinariis ad hoc com-
pellantur.*

EX Concilio Moguntino.

Ceterum (e) nonnulli Ecclesiarum Advocati spe defensionis eorum, in Advocatos ea conditione primo assumpti, quod de certis stipendiis & servitiis spontaneae deputatis eisdem, ipsarum Ecclesiarum jura, possessiones, & homines defendere debeant, facti sunt ex defensoribus offensores, eo quod tam immoderatis exactionibus & servitiis angariant homines, quod non possunt propriis Dominis persolvere census suos, aliasque illicite dividentes Advocatias in partes, (f) inferioribus suis eas in grave ipsarum Ecclesiarum dispendium infeudare presunt: & quia privilegium meretur amittere, qui concessa sibi abutitur potestate; statuimus, quod sponte sibi assignatis stipendiis & servitiis sint contenti, prout coram Imperio est obtentum, sententia Principum approbante, aliasque Ecclesiarum jura, possessiones, & homines defendant & protegant, ut tenentur. Nihil aliud potestatis sibi in eorum juribus, possessionibus & hominibus usurpantes, reintegrent Advocatias, quas in partes dilacerasse & suis infeudasse dinoscuntur. Feudatarii vero eas taliter occupatas dimittant. Quod si non fecerint infra mensem moniti per Ordinarios, aut alios suos Superiores, ipsi Advocatus & Feudatarius ad id faciendum per excommunicationis & interdicti sententias compellantur. Demum statuimus, ut si quis Ecclesiarum vel Clericorum bona vel homines temere invaserit, spoliis, incendiis, vel rapinis, aut tollendo pignora, occasione etiam cujuscumque questionis, quam contra Ecclesie alicujus Advocatum se proponit habere, secundum Statuta Concilii Moguntinensis contra hujusmodi temerarios invafores edita procedatur.

Summarius.

Ecclesiarum Advocati juribus in prima Advocacie susceptione sibi assignatis sint contenti, Ecclesiasque suas pro viribus defendant.

EX Concilio Aischaffenburgenfi.

Hac in Constitutione sancimus, cunctos Ecclesiarum Advocatos infra Provinciam

(b) destruxit. impr. A. 1509.

(d) Totum Corpus: Volumus. abest ab impresso A. 1509.

(f) in partes, abest: ab aliis

(c) & quae, hoc comma omissum in impr. A. 1509.

(e) Cum nonnulli

vincie nostre terminos constitutos, cuiuscumque præminentiis sine status; eisdem iuribus esse contentos, que ipsi seu eorum antecessoribus fuerint concessa tempore, quo Advocatiam huiusmodi susceperunt, ac Ecclesias, quarum Advocati existunt, defendere studeant, ac manutenere pro posse.

Summarius.

Nemo Ecclesiam, ejus bona, jurisdictiones, jura, aut eorum vasallos violenter, aut propria auctoritate occupet, vel occupantibus per se, vel alium consilium, auxilium, & favorem præstet. Quisquis autem hoc fecerit, nisi requisitus infra mensem damnnum restituerit, ipso facto sit excommunicatus.

ex eodem Concilio, quo supra.

Insuper statuimus, ne persona, quantumcumque nobilitate, aut preeminencia status presulgeat, Ecclesias, aut Ecclesiastica bona, jurisdictiones, jura, & vasallos eorum violenter, aut auctoritate propria publice occupare, aut occupando invadere, vel scienter occupantibus Ecclesias, vel bona Ecclesiastica & predicta, prestare presumat quomodolibet per se, vel per alium, aut alios consilium, auxilium, & favorem. Et nisi requisitus infra mensem Ecclesie lese, aut Prelato ipsius, damnum illatum emendaverit, ipso facto sit anathematis vinculo innodatus.

Summarius.

Bona Ecclesie non dentur in suppignus, ad perpetuum contractum alienationis verum Ecclesie roborandum, sine consensu Episcopi & solemnitatibus juris sub pena Episcoporum suspensionis ab ingressu Ecclesie, aliorum autem Prelatorum ab officio & beneficio, reliquarum vero personarum excommunicationis.

ex Concilio D. Petri.

Hoc sacro Concilio approbante districtius inhibemus, ne aliquis Episcopus, vel Prelatus, Capitulum, vel Conventus, aliqua bona (g) immobilia pro suppignoribus (que vulgariter Unterspfand dicuntur) ponant, aut obligent quibuscunque personis ad contractum alienationis rerum Ecclesie perpetuum

roborandum, sine expresso consensu loci Episcopi, & juris solemnitatibus, que in huiusmodi rerum alienationibus requiruntur. Alioquin factum ipsum decernimus irritum & inane. Episcopos, qui hec fecerint, ab ingressu Ecclesie suspendendos, alios vero Prelatos ab officio & beneficio, personas vero alias excommunicationis sententia ipso facto decernimus innodandas.

Summarius.

Nullus Prelatus cuicumque personam de rebus Ecclesie constituat, donec ei de beneficio provideat; factum enim non tenet, & tam promissor, quam promissarius ab officio & beneficio sunt suspendendi.

ex eodem Concilio D. Petri.

Insuper inhibemus districtè, ne aliquis Prelatus cuicumque annuam pensionem de rebus Ecclesie constituat se daturum, donec provideat sibi de beneficio competenti. Alioquin factum ipsum decernimus non tenere, ac promissorem, sive promissarium ab officio & beneficio decernimus suspendendos.

DE VENDITIONE ET EMPTIONE.

Summarius.

Nemo scienter predam emat vel tenet, sed mox restituat, alioquin excommunicatur.

ex Concilio Firzlarienti.

Nullus etiam predam aliquam scienter emere vel tenere presumat, alioquin nisi ipsam statim restituat, excommunicationis sententia percellatur.

DE PIGNORIBUS.

Summarius.

Licet predam, cui jus Patronatus annexum est, alteri obligetur, ipsum tamen jus Patronatus semper apud obligantem manet.

ex Concilio, quo supra.

Ad omnem quoque dubitationis sive questionis materiam amputandam statuimus, ut si quis predium suum, cui jus attinet Patronatus, cuicumque obligaverit, indistinctè jus presentendi apud ipsum obligantem residueat, cum tale jus estimari non possit, & ergo in fortem nequeat computari, (h) cum semper fructus

(g) mobilia

(h) Sequentia duo commata absint ab impr. A. 1509.

fructus rei pignorate in sortem debeant computari juxta Canonicas & legitimas Sanctiones.

DE TESTAMENTIS ET ULTIMIS VOLUNTATIBUS.

Summarius.

Legata, qua Clerici de rebus Ecclesie concubinis & filiis suis faciunt, non tenent, debent autem Ecclesie applicari.

ex Concilio, quo supra.

Clericus de proventibus anni gratie, vel alias de rebus Ecclesie adquisitis, concubine sue, vel filiis in fornicatione genitis, (i) quicumque penitus non relinquunt: quod si fecerit, legatum non teneat, & quod taliter est relictum, Ecclesie applicetur.

Summarius.

Ecclesiastica Clericus privetur sepultura, qui de rebus Ecclesie aliquid in testamento relinquit concubinis & spuris suis, qui & ipso facto eisdem rebus careant, eorum etiam Ecclesia interdicatur, qui tale testamentum mutare, aut res tales dictis personis prestare ministrare.

ex eodem Concilio, quo supra.

Ad abolendam de domo Domini consuetudinem, vel potius corruptelam, seu temeritatem, qua Clerici (qui signum pudicitie deberent laicis ostendere, quibus sunt positi in exemplum) in articulo sue huius penitentiae, fructus prebendarum suarum concubinis & spuris suis legant in ultima voluntate, rigor Ecclesiasticus debet exerceri. Quare sub anathematis vinculo prohibemus, ne de cetero Clerici annis gratie abutentes, cum de rebus Ecclesie nullum possint condere testamentum, fructus beneficiorum etiam Ecclesiasticorum spuris vel concubinis dimittant. Qui vero contra hanc inhibitionem venire presumpserint, in signum perditionis sue Ecclesiastica careant sepultura, & quibus taliter fructus legantur, eis careant ipso jure. Qui autem testamentum tale post mortem manutenere volunt, & per quorum manus personis illis fructus Prebende fuerint ministrati, Ecclesia ipsa supposita sit interdicto.

(i) quidquam penitus non relinquit. *Impr. A. 1509.*

(*) elegerint

(n) quando

(i) enim, pro: etiam

(o) lege: non praeterierant

Summarius.

Morienti, qui in vita manusdeles non elegit, duo ex Ecclesia deputantur, qui ejus legata exequantur.

ex Concilio Fritzlarensi.

Item legata (k) secundum dispositionem mortemum ordinantur, Collectoribus ad hoc duobus de Ecclesia deputatis, si in vita sua non manusdeles (*) elegerant super eis.

Summarius.

Fructus anni gratie non nisi in relevationem debitorum quam aliunde solvi non possint, aut pro aliqua pia causa decedentis Clerici in usum Ecclesie concedantur.

ex Concilio D. Gerhardi Mogunrini.

Sunt nonnulli, qui anno gratie, qui pro relevatione debitorum in fructibus Beneficiorum defunctis Clericis est concessus, damnabiliter abutuntur, fructus ipsius anni consanguineis suis vel aliis, quibus voluerint, relinquentes, ex quo provenit duplex injuria, Ecclesie, sed & persone: fraudatur (l) etiam Ecclesia per dictum anni spatium (m) servitore, privatur etiam persona succedens in percipiendis fructibus jure suo: quod de cetero fieri prohibentes, sacri approbatione Concilii, statuimus, quod nisi pro relevatione debitorum, (n) quam aliunde solvi non possint, anni gratie Clerici non utantur, vel nisi ipsius anni fructus pro aliqua pia causa ipsi relinquant Ecclesie, a qua idem Beneficium habuisse noscuntur.

Summarius.

Omnibus, quibus jura testamentorum fallaciam non prohibent, libera semper sit facultas disponendi de bonis suis ad pia loca & Ecclesiasticas personas, dummodo heredes suos (o) pretereant. Eos autem, qui vel defunctorum legata, vel ultimas voluntates impedire nituntur, Episcopi & Archidiaconi per excommunicationem in personas, & interdictum in loca coercant. Ad quod exequendum dicti Prelati, quorum est testamenta defendere, merito se debent benivolos exhibere.

ex Concilio Alchassenburgenfi.

Ad hec, quia quedam in quibusdam partibus consuetudo imo corruptela detestata-

(k) seu dispositiones

(m) fruicione

testabilis observatur, videlicet quod tam Clericus, quam laicus in lecto egritudinis constitutus, ultra v. solidos usuales monete, vel aliam summam juxta loci illius consuetudinem limitatam, nec piis locis nec personis Ecclesiasticis pro anime sue remedio & salute aliqua possit ordinare legata. Considerantes predictam consuetudinem & sacris Canonibus & secularibus etiam legibus obviare, cum omnia jura clament, quod ultima voluntas, & ultimum hominis testamentum (e) immobile perseveret, & nihil sit, quod magis hominibus debeat, quam ut supreme voluntatis liber stilus existat; eandem consuetudinem Deo odibilem, animabus & moribus inimicam, auctoritate hujus sacri Concilii penitus reprobamus, firmiter statuantes, ut quibuscunque, quos jura & testamentorum non prohibent fatione, & in sanitate, & in lecto egritudinis constitutus, legandi, ordinandi, & disponendi de bonis sibi collatis circa pia loca & personis Ecclesiasticas (dummodo contra suos, legitimas non precereant sanctiones) libera sit voluntas & facultas. Volentes & precipientes districte, ut per locorum Episcopos & ceteros Prelatos jurisdictionem habentes, universi Clerici & laici impediendo defunctorum legata, vel ultimas voluntates, per excommunicationis in personas, & interdicti in loca sententias, octo dierum monitione premissa ferendas, ab hujusmodi impedimenti desistere compellantur, ad quorum (p) executiones & debitas aggravationes procedente tempore faciendas, Episcopi & Prelati (ad quorum testamentorum defensio utroque jure suadente dinoscitur pertinere) tam benevolos se exhibeant & paratos, ne hujusmodi negligentia de eorum manibus in die districti iudicii requiratur.

SUMMARY.

Ordinarii Executores compellant, ut proutquam de rebus defuncti se intromittant, sub fide digno testimonio inventarium faciant, & infra annum omnia exequantur.

ex Concilio D. Petri Moguntino.

Statuimus & a cunctis precipimus inviolabiliter observari, ut manu fideles, & ad exequendum ultimas decedentium voluntates electi, antequam de rebus &

de bonis defuncti se aliquatenus intromittant: inventarium faciant sub fide dignorum testimonio de eisdem, ac infra annum cuncta disponant secundum placita defunctorum, ad que per locorum Ordinarios districtissime compellantur.

DE SEPULTURIS.

SUMMARY.

Quadragesima dies indulgentiarum consequatur, qui se in Parochiis suis faciunt sepeliri.

ex eodem Concilio, quo supra.

Cum sacris Canonibus sit consonum, ubi quis vivus recepit Ecclesiastica Sacramenta, quod ibi etiam mortuus requiescat: omnibus Christi Fidelibus, qui sepulti fuerint in suis Ecclesiis Parochialibus, de omnipotentis Dei misericordia & beatorum Petri & Pauli Apostolorum ejus, & beati Martini Patroni nostri meritis confisi, in relevamen suorum peccaminum quadragesima dies indulgentiarum de injuncta sibi penitentis misericorditer relaxamus.

SUMMARY.

Omnes Sacerdotes provincie Moguntine tenentur [cessante causa legitima] dicere Missam pro defunctis pro Archi-Episcopo vel Episcopo infra octo dies, postquam sibi de morte alicujus eorum constiterit.

ex eodem Concilio, quo supra.

Insuper statuimus, & sub pena suspensionis precipimus firmiter & mandamus, ut omnes Sacerdotes provincie Moguntinensis cujuscunque dignitatis, eminentie, status vel religionis fuerint, infra octo dies (causa legitima cessante) postquam eis de morte Archi-Episcopi vel Episcopi cujuscunque predictae provincie constiterit, Missam pro defunctis dicant in remedium anime Episcopi memorati.

DE PAROCHIIS, ET ALIENIS PAROCHIANIS.

SUMMARY.

Sub juramento in receptione Sacerdotii prefito, & Divini iudicii interminatione inhibetur omnibus Religiosis & secularibus Sacerdotibus, ne extra casum necessitatis alienum Parochiam ad confessionem recipiant, vel aliquod Sacramentum

B b 3

mentum

(e) inviolabile

(p) excommunicationes

*mentum conferant, nisi de obtenta proprii Sac-
cerdotis licentia. Et hoc plebs singulis
Dominicis debent subditis suis
publicare.*

Ex Concilio Moguntino D. Petri.

Sane gravis & clamorosa querela non-
stris auribus inculcatur, quod nonnulli
suis iuribus & finibus non contenti, Pa-
rochianos alienos presumunt recipere tem-
ere ad Divina, contra Canonicas san-
ctiones, & cum dictorum Parochiano-
rum Iudices non existant, nec ligandi
nec solvendi in eos acceperint potesta-
tem, se tamen iudices faciendo, in foro
penitentiali periculose absolvunt & ligant
pro sue libitu voluntatis, sicque ipsis,
qui proprios spernunt Presbyteros, mi-
nime absolutis, illud saluterum nostre
peregrinationis viaticum (g) quod non
proficit, nisi prius a criminum labe mun-
datis, (h) in animarum suarum, & eo-
rum qui id non dijudicantes, indiscere
recipiunt, conferre periculum non ven-
tur. Sicque disti eorum Sacerdotes
(qui curam recipiendo), suam pro ipsis
animam obligaverunt dum sibi taliter
subtrahunt, (r) statim ignorantes ipso-
rum, non possunt, quod in eis egrotum
est, sanare, nec consolidare infirmum,
nec alligare contractum, & sic dum cu-
rationis necessaria non adhibentur reme-
dia, invaliscentibus morbis usque ad in-
teremptionem lesio dilatat, unde Sa-
cerdotes nullam possunt de sic pereunti-
bus animabus superno iudici reddere ra-
tionem; Nos sanctorum Patrum, qui Ec-
clesie sancte Dei, & personis Ecclesiasti-
cis terminos, quos non licet transgredi,
posuerunt, statuta considerantes, hujus
sacri approbatione Concilii, universis Sacer-
dotibus tam Religiosis quam secularibus
cujuscumque conditionis, ordinis sive
status existant in Civitatibus, Diocesi-
bus vel Provincia Moguntina degentibus,
sub debito juramenti, quod Episcopo in
receptione Sacerdotii prestiterunt, & sub
interminatione Divini iudicii firmiter in-
hibemus, ne quis alienum Parochianum
(cujus cura per Episcopum, vel loci Ar-
chidiaconum, seu ejus super eo Vicarium
alii est commissa) presumat excepta ne-
cessitatis causa, (que legem non habet)
ad confessionem recipere, vel ad porri-

gendum ei aliquod Ecclesiasticum Sacra-
mentum, nisi petita desuper & obtenta
licentia proprii Sacerdotis. Cum certi &
indubitati juris existat, talem a tali cri-
mine solvi non posse aliquatenus, vel (r)
ligari, & ex hoc ordinem Ecclesie per
majores & sanctos Patres Divina provi-
dencia institutum confundi. Quod per
universos plebanos singulis diebus Domi-
nicis & Festivis coram suis plebibus pre-
cipimus publicari.

DE STATU MONACHORUM.

*Eadem verba habes supra de vita & honestate
Clericorum, Capitulo quarto ad finem.*

Ex Concilio Fritzlarienti.

Statuimus insuper, ut in singulis Mo-
nasteriis fenestre Parlatorie duplicata ha-
beant ferramenta. Et ut Moniales suis
Prepositis & Prelatis in rebus licitis & ho-
nestis obediant, nec cuicumque alteri
preter eorum licentiam sua consuecantur
peccata, ipsi Prepositi sive Prelati clau-
stra Monialium non introeant, nisi mag-
na & evidens necessitas id exposcat.

Summarius.

*Monachi & Moniales compaternitatem non
contrahunt. Moniales agentes ab amicis sine
scitu Magistrarum suarum nihil recipiunt; sed
& oblato & labores earum venire de-
bent in commune.*

ex eodem Concilio quo supra.

Compaternitatem a Monachis, &
Monialibus contrahi strictissime prohi-
bemus, statuentes, ut si aliqua claustra
Monialium ad inopiam tantam devenie-
rint, quod ibi de proventibus Monaste-
rii sustentari non possunt, & ab amicis
panem & vinum, denarios vel aliquid
hujusmodi transmittatur eisdem, non
hoc prius recipiant, quam Abbatisse vel
Magistre sue id significant; ut ejus arbi-
trio, quod de hoc, quod missum est fie-
ri debeat, statuatur, & labores earum ven-
niant in commune, quod & de Monachis
irrefragabiliter volumus observari.

Summa-

(g) quod non proficit, usque in animarum suarum omisit impressio A. 1509.

(r) subtrahuntur,

(s) ligari impr. A. 1509.

Summarius.

Nullus Religiosus utatur vestibus alterius coloris, quam ordini suo congruat. Nullus Abbas vel Abbatissa habeat duas Abbantias. Nullus Monachus vel Monialis duo officia in Monasterio.

ex eodem Concilio.

Statuimus etiam, ut juxta Concilium proxime celebratum Monachi & alii Religiosi quilibet alterius coloris vestibus, quam eorum ordini congruat, non utantur, seu quotidiane, sive pluviales existant. Ut etiam Monasteria sanctorum Augustini, Benedicti ad observationem sue regulæ efficacius reformentur, prohibemus districte, ne quis Abbas vel Abbatissa duas habeat Abbantias, & nulli Monacho vel Moniali duo officia in Monasterio assignentur, nisi Abbatis providentia de consensu Capituli propter evidentem necessitatem vel utilitatem Monasterii aliter duxerit ordinandum.

Summarius.

Nullus non professus vel non professa, etiam si diu in religione persistit, in Abbatem vel Abbatissam, vel ad officium aliquod eligatur.

ex eodem Concilio.

Nullus Monachus in Abbatem, & in aliquod officium, nisi dudum professus fuerit, assumatur. Et si qui jam aliter sunt assumpti, a suis removeantur officiis, & alii substituantur eisdem. Quod de Monialibus etiam decernimus observandum. Hoc priori Concilio in non Professorum odium adjungentes, ut cum juxta decretum Pelagii, Abbas sit a Monachis eligendus; nullus omnino non professus, quantacunque temporis diuturnitate in religione duraverit, ad electionem Abbatis aliquatenus admittatur, nec ei valeat suffragari, sive de facto, sive de consuetudine, quod una cum ceteris Monachis ad alios tractatus Ecclesie antea sit admissus.

Summarius.

Sequens Capitulum disposuit de Abbatum, Abbatissarum, Monachorum, Monialium, & Canonico-regularium, post Novitiatum Professione, proprietatibus, abdicatione, de ludis, vestibus, dormituriis & convensionis lo-

cis, pellitibus, calceis, cappis, secularium habitaculis juxta Monasteria, de alterius Monasterii Monachis recipiendis, de victu, de lapsu in carnale vitium, de necessariorum administratione, de mulierculis nullam regulam, vel continentiam professis.

Ex eodem Concilio.

Novitii jam adulti, si post annum probationis in manum Abbatis facere professionem recusaverint, de Monasterio expellantur, quod etiam de Monialibus observetur. Nullus Monachus vel Monialis in duobus Monasteriis locum habeat vel prebendam. Item quicquid Monachus vel Monialis, undecunque provenierit, adquirat suis appropriare usibus non presumat, sed totum in communes usus Monasterii redigat. Item nullus Monachus vel Monialis proprium quid habeat, & qui proprium habuisse in morte fuerint deprehensi, Ecclesiastica careant sepultura, & qui sepulti sunt, jam exhumentur. Si quis vero ipsorum ad mandatum sui Prelati propriis renuntiare noluerit, de Monasterio expellatur. Ludos aleorum, chorearum, scacorum, taxillorum, annulorum & glorum Monachis & Monialibus prohibemus districte. Item Abbates & Monachi mantella & chirothecas non portent, nec pannos de nigro bruneto, vel alios preciosos. Sed quanto possunt haberi precii vilioris, juxta quod precipit regula eorundem. Abbates & Abbatissæ in communi dormiant dormitrio cum Monachis vel Monialibus suis, & in refectorio communi vescantur, nisi quenquam justa necessitas propter magnos & honestos hospites id minime observare compellat. Item Abbatibus quam Monachis vulpina pellicia & de cuniculis prohibemus, sed agnitis tantum utantur. Item Monachi calceos, qui stivales dicuntur, non habeant, sed alios sue regule competentes. Item Abbates cappas rotundas ad modum Episcoporum in usu quotidiano non portent, sed cum manicis, ut eorum ordo postulet & requirit: nec ipsi nec Monachi, qui equitant, mantella deferant super cappas, quas clausas fore censuimus. Hoc etiam statutum lucidius declarantes, statuimus, ut tam Monachi quam Abbates in cappis nigris equitent & rotundis, vel in habitu usitato. Insuper inhibemus distri-

districte, occasione qualibet (*) seclusa a responsione ne domos vel habitacula sua faciant juxta Monasteria Monachorum, quia frequenter ex hoc contra Monachos sinistra presumptio est exorta, nisi forte alicui persone omni suspitione carenti id de consensu & auctoritate Diocesani Episcopi permittatur: Abbas vero, qui contra hoc fieri consenserit, gravi subiaceat ultioni. Item Abbas nullum Monachum alterius Monasterii, sine literis dimissoriis proprii Abbatis, in suo Monasterio recipere vel tenere presumat. Item Monachi carnibus in refectorio non vescantur, nisi in infirmaria, cum egrotant. Item quicumque Monachus in lapsum carnis ceciderit, de quo fuerit manifestum, ad nullam deinceps dignitatem, nec ad aliquod officium Monasterii assumatur, nisi propter manifestam emendationem, & honestam, ac religiosam conversationem ipsius, per Diocesani Episcopum secum fuerit misericorditer dispensatum. Eidem quoque pene subiaceat, si de hoc infamatus fuerit, nec canonice potuerit se purgare, & in penam sui criminis de cetero ultimus sit in Choro, & in Capitulo, vocem non habeat ad aliquam Monasterii ordinationem tractandam, nisi propter emendationem manifestam, Abbatis providentia de consensu Conventus ipsum duxerit admittendum. Si vero Abbas, vel Monachus in officio constitutus, in similem lapsum ceciderit, a suo statim removeatur officio, quod & circa Præpositum fieri volumus, si de hoc infamatus fuerit, nisi canonice se expurget, (†) & nihilominus penis illis subiaceat, que de simplici Monacho superius sunt expresse. Idem de Abbatibus & Monialibus statuimus observandum. Et hec omnia, que statuta sunt de Monacho circa continentiam, priorum abdicationem, & similia, ad Canonicos volumus regulares extendi, licet ad esum carniū, & quedam alia, regule infervant laxiori. Item præcipimus Abbatibus, Abbatissis, nec non aliis omnibus Monasteriorum Rectoribus, ut subsidis suis secundum unicuiusque Monasterii facultatem, tam in victu, quam in vestitu necessaria amministrent. Item

juxta prioris Statuta Concilii prohibemus, ne muliercule, que votum continentie emiserunt, mutantes habitum secularem, nec tamen alicui certe regule se astringentes, per vicos passim discurrant. Sed si proprie suppetant eis facultates, continenter in suis vivant domibus & honeste, si vero sint pauperes, manuum suarum laboribus & honestis serviciis necessaria sibi querant: Plebanis suis sine subdite, & eorundem consilio regantur.

Summarius.

Nulla in Beginum assumatur, nisi quadragesimum annum exceperit, & probate opinionis existat.

xx eodem.

Ad hoc, quia juvenicularum Beginarum lapsus frequens & evidens, statum religionis deformat, & scandalizat plurimos; statuimus, ut nulla de cetero in earum numerum admitatur, nisi quadragesimum ætatis sue annum exceperit, probate opinionis existat, sexagenarium numerum (quem scripsit Apostolus talibus assumendis) propter fragilitatem nostri temporis, ad quadragenarium numerum restringentes.

Summarius.

Singuli Plebani sub pena suspensionis tribus Dominicis & Festivis diebus, Beghardos & Beguttas moneant, ut seclum suum singularem, & ab Ecclesia non approbatam derelinquant. Alioquin ex Parochiis suis sub pena excommunicationis eos ejicient, & tales vicini Sacerdotibus denunciarent.

Seclum & habitum, nec non conventicula suspitione mali non vacua BEGHARDORUM, clamantium per vicos, & plateas civitatum, oppidorum & villarum hoc vulgare (Brod durch Gott) nec non quaslibet alias singularitates a sancta Dei Ecclesia non receptas colentium reprobamus in hoc sacro Concilio, & damnamus, mandantes sub pena suspensionis universis Plebanis per civitates, Dioceses, & Provinciam Moguntinensem constitutis, ut tales Beghardos, aut (*) Bicornos publice tribus Dominicis diebus & Festivis admoneant, quos

&c

(*) seculares domos, reliquis vocibus omittis impr. A. 1509.

(†) & nihilominus, omittum in impresso A. 1509. usque ad: Idem de Abbatissis.

(*) Bicornos impr. A. 1509.

& nos presentibus admonemus, ut hujusmodi singularitaribus derelictis se teneant, sicut alii Christiani, (γ) & quod non predicent in cameris vel aliis locis publicis vel secretis, & cum Beginis se conformantibus eisdem in moribus, habitu, & incessu. Alioquin extrunc ipsos extra terminos suarum Parochiarum per excommunicationis sententiam *au-*
thoritate hujus Concilii, repellere (z) non omittant, denuncianteque (a) vicinis Sacerdotibus, ut tales sic repulsi in suis Parochiis non admittant. Idem de *Beginis* predictis pestiferis duximus statuendum.

Summarius.

Sub anathemate nullus Clericus vel Religiosus domos Beginarum ingrediatur.

Sub pena etiam anathematis prohibemus, ne Clericus vel Religiosus quispian in domum intret earundem, sed si quis ex justa causa & honesta cuicunque earum loqui voluerit, hoc in Ecclesia sub bono testimonio faciat manifeste, ne sinistra contra ipsum suspicio oriatur. Alioquin gravi subiaceat ultioni.

Summarius.

Religiosi in Convitiis cum secularibus convivio non faciant, neque ad convivio faciendum, neque alias, quidquam usus suis approprient sub pena carceris octo dierum.

ex Concilio Moguntinensi.

Plerique Religiosi maxime Ordinis Sancti Benedicti non verentur convivio frequentare; seculares etiam personas ad ipsa Convivia pro comessationibus invitantes, ex quo non solum scandalizantur extranei, sed etiam Confratres eorum, religio dissolvitur, & honestas monastica deformatur. Cum igitur juxta Sanctorum Statuta Canonum, & Venerabilium Conciliorum Decreta, Monacho non liceat, undecunque provenierit, aliquid suis usibus appropriare privatis, *Sacri approbatione Concilii* talia de cetero fieri, ex quacunque causa prohibemus. Si quis autem transgressor extiterit, pro qualibet transgressione carceralem octo dierum in graviore culpa subeat disciplinam.

Summarius.

Cujuscunque ordinis aut status apostata, redire volentes: a Prelatis suis sub pena suspensionis non excludantur, neque visus aut vestitus eis subtrahatur, disciplina tamen consueta & regulari puniuntur.

ex Concilio Aschaffenburgensi.

Preterea etiam contra Monachos & Moniales de suis claustris propter aliquos enormes excessus, aut animi levitate temere fugientes, & in seculo seculariter per aliquot temporum spacia conversantes, & tandem poenitentia ducti, ad claustra, de quibus profugere prelumpserunt, humiliter redire volentes, certo & varie poene juxta qualitatem, & quantitatem excedentium a sanctis Patribus sunt statuta. Quidam tamen Abbates, & Abbatissae, ac ceteri Magistratus poenis in sacris Canonibus, sive in sui Ordinis Regula contra hujusmodi profugas personas expressis non existentibus contenti, graviore, & quasi importabiles poenas in sui reversione imponere non verentur. Vel (quod deterius est) easdem personas quantumcunque humiliter postulantes, ad sua claustra, a quibus taliter exiverint, admittere inhumaniter contradicunt. Cum igitur juxta Sanctorum Canonum diversas auctoritates, poene non ampliande, sed potius sint (b) laxande, & longe sit securius de misericordia, quam de crudelitate reddere rationem. Cum & Dominus per os Prophete pollicetur sit, sic dicens: *Peccator (c) in quacunque bona conversus fuerit, & ingenuerit, omnem iniquitatem suorum amplius non recordabor*: Nos advertentes, quod ubi Pater familias largus dispensator existit, non decet famulum esse tenacem, ut peccandi materia, & occasio personis talibus precludatur, provida deliberatione *hujus sacri Concilii* decrevimus statuendum: Et sub poena suspensionis universis Abbatibus, Abbatissis, & ceteris monasticis Magistratibus, cujuscunque ordinis aut conditionis existant, aut quocunque nomine appellentur, injungimus firmiter & districte, ut suis fratribus & sororibus in apostasia labem ex quacunque causa prolapsis, defi-

(γ) Hac absunt ab impr. A. 1509. usque ad Alioquin.

(a) Hic sensus absit usque ad idem de Beginis.

(c) Ezechiel, XXXIII, 12.

(a) repellentes, non admittant.

(b) eredo: restringende,

desiderantibus ac petentibus cum humilitate ac devotione regressum, suum misericordie (quem alma mater Ecclesia claudere nulli pœnitenti consuevit) more pii Patrisfamilias, qui filium primo prodigum, & postmodum pœnitentem paterne recepit, liberaliter studeant aperire, ita, quod huiusmodi personas redire ad sua claustra volentes, quantumcunque graves fuerint earum excessus vel enormes, iuxta cuiuslibet Ordinis disciplinam, sive regulam, & consuetudinem observatam, sine qualibet contradictione recipiant & admittant, ita tamen, quod propter eorum excessus, nec victus nec vestitus subtrahatur eisdem, sed alias, sicut prediximus, regulariter puniantur. Alioquin predictam suspensionis sententiam per Ordinarios locorum, seu Officiales eorum in omnes contraditores procedente tempore, iuxta quod eorum protervia meruerit, precipimus promulgari.

DE CAPELLIS MONACHORUM.

Summarius.

Episcopi & Archidiaconi sui consensu Capituli Ecclesie Cathedralis, consensum non prestant Hospitalarii, & alii Religiosi, ad Ecclesiarum incorporationem.

ex Concilio Fritzlarienti.

Renovantes etiam Concilium, quod novissime celebratum fuit, firmiter prohibemus, ne Episcopi vel Archidiaconi concessionibus Ecclesiarum, que (d) sunt Templariis, Hospitalariis, & aliis Religiosis, cuiuslibet approbationis consensum ullo modo exhibeant, nisi requisito & habito prius consensu Capituli Ecclesie Cathedralis. Alter concessionis huiusmodi sive factus, sive de cetero faciendas, vires decernimus non habere.

Summarius.

Religiosi Ecclesias suas per seculares Presbyteros faciunt inofficari.

ex Concilio Moguntinensi.

Ad hec cum Religiosi quidam alicui per Fratres sui Ordinis officiant Ecclesias sibi unitas, & id fratribus ipsis sit dissolutionis occasio, quia iidem eo promptiores sunt ad lubricum, quo ex religioso titulo se autumant exemptos,

ac Prelati eorundem per Archidiaconos tales corrigi minime patiantur, sed quasi pro Ordinis (e) scandalo vitando ipsos ad domos suas revocant, vel ad alias Parochias mittunt illos, auctoritate huius sacri Concilii hoc duximus annectendum, ut Religiosorum Ecclesie non per Fratres eorum officientur, sed per Clericos seculares, ut saltem de reliquis, qui de mensa Religiosorum ceciderint, sustentari valeant pauperes Sacerdotes, qui in vituperium nostri (f) ministerii publicis egestate laborant, ita quod sint verissima illa verba Hieronymi dicentis in Canone: *Mendicat infelix Clericus in plateis.*

DE JURE PATRONATUS.

Summarius.

Tam Clericus, quam laicus a jure presentandi ea vice suscipitur, sed & excommunicetur, qui Rectore defuncto dotem & Ecclesiam in mobilibus vel immobilibus spoliat, tandem autem Ecclesiam tunc Archidiaconus, aut eo negligente, Superior conferat.

ex Concilio Moguntino D. Petri.

Ad extirpandam illam detestabilem corruptelam quorundam Patronorum Ecclesiarum, qui Rectoribus eorum defunctis spoliant dotem, & Ecclesiam omnibus rebus mobilibus, & interdum immobilibus, in salutis proprie dispendium & scandalum plurimorum, statuimus, ut si Clericus, siue laicus hoc facere presumpserit, sit a jure presentandi ea vice suspensus, [g] & loci Archidiaconus, & si ipse negligens fuerit, Superior, Ecclesiam conferat ipsa vice. Uterque autem excommunicetur, & artius evitetur, donec cum debita satisfactione restituat sic ablata.

Summarius.

Ecclesiarum Advocati, & Patroni, si aliud, quam quod eis ab antiquo debebatur, ab Ecclesiis, aut Clericis decedentibus diriperint, & post trinam monitionem non restituerint, Advocati a jure Advocatie, Patroni vero a jure Patronatus & presentandi cadunt ipso facto, quod Ordinarius cum invocatum auxilium secularis districte exequantur.

ex Concilio quo supra.

Quia plerique Advocati ecclesiarum suis

(d) fuerint impr. A. 1509.

(f) ministerii impr. A. 1509.

(e) summa regenda, loco scandalo vitando

(g) Reliqua usque ad debita satisfactio. absque ab impr. 1509.

fuis terminis non contenti, ultra pensio-
nem, & redditus seu proventus ab anti-
quo eis deputatos, diripiunt & usurpant
sibi bona & res dictarum Ecclesiarum,
propter quod spiritualia, que sine tem-
poralibus consistere non possunt, dictis
Ecclesiis subtrahuntur: Scavimus, ut si
post trinam monitionem de restituendis
hujusmodi ablatis factam, predicti non
restituunt, nec satisfaciunt, ut tenentur,
extunc ipso facto a jure Advocacie de-
cernimus predictos cecidisse. Idem con-
tra Patronos Ecclesiarum, qui bona Cle-
ricorum decedentium sibi usurpant, con-
tra Statuta LUODUNENSIS CONCILII, ut
a jure Patronatus ac presentandi cadant,
& hoc statutum per locorum Ordinarios
districte (invocato adhuc, si opus
fuerit) auxilio brachii secularis, decer-
nimus exequendum.

DE CONSECRATIONE ECCLESIE, VEL ALTARIS.

Summarius.

*Ecclesiam violatam, nemo, quam Episcopus
reconciliare potest.*

ex Concilio Fritzlarienti.

Ex quia de Ecclesiarum reconcilia-
tione dubitari consuevit a multis, *presen-
tis auctoritate Concilii* declaramus, quod
Ecclesia violata per alium, quam per
Episcopum reconciliari non possit, cum
ea, que sunt Episcopalis ordinis, non
nisi Episcopo valeant demandari.

DE CELEBRATIONE MISSARUM.

Summarius.

*Sub Missa numerorum solenni alie pro defunctis
non celebrantur, nisi submissa voce &
sine nota.*

ex Concilio, quo supra.

Auctoritate quoque presenti distri-
ctius prohibemus, ne aliqui Sacerdotes
in Ecclesiis vel Parochiis infra Missam
animarum solennem, Missam celebrent
pro defunctis, nisi rogati fuerint a de-
functi parentibus & amicis, & tunc
unam vel plures celebrent submissa voce
& sine nota.

Summarius.

*Sacerdotes in Sacramentis ministrandi, &
alii Divinis Officiis, induantur superpel-
litis, que post altare referentur.*

ex Concilio, quo supra.

Ut Sacramenta Ecclesie munditis &
reverentius ministrantur, priori Concilio
inherentes, statuimus, ut Sacerdotes
Baptismum, Oleum infirmorum, seu
Viaticum ministrantes, cum suis albis, vel
superpellicis sint induti, que penes al-
tare referentur, & in eundo, & re-
deundo, cum infirmis videntur, (b) par-
iter & in Missa eis utantur.

Summarius.

*Novi Sacerdotes convivia per se vel alios in
primiciis non procurent, ante tamen vel post
octo dierum spacio interposito, amicos,
sine tamen insolentis convocatione
possunt.*

ex Concilio Moguntinensi D. Petri.

Predecessorum nostrorum ductu ve-
stigis statuimus, inhabentes sub pena
suspensionis, quam in omnes temerarios
transgressores hujus Sacri approbatione
Concilii decernimus profereudam, ut nul-
lus Sacerdotum novitiorum, illa die,
qua celebrare debuerit, primam Missam,
in exordio publicationis sacratissimi sui
officii, oblaturus Deo primicias gratie ac
salutis sibi collate, aliquos ad convivium
invitare, aut invitatos habere, aut pro-
curare per se vel per alium ullo modo
presumat, sed ad solum Deum (cujus
militie est adscriptus) dirigat aciem sui
cordis, maxime die illa devotus, curis
& sollicitudinibus temporalium, quibus
mentes hominum distrahuntur, exutus,
remotis vanitatibus, histrionum cursi-
bus, tumultibus, & insolentis reprobo-
rum, qui etiam sepe venire assolent non
vocati. Si quis autem ante vel post
(i) octo plurimumve dierum spacio inter-
medio, amicorum honestam convoca-
tionem habere voluerit, illud absque
histrionum tumultibus fieri non veta-
mus.

DE

(b) portent, impr. A. 1509.

Tomus IV. Concil. German.

(i) duorum triumve dierum impr. A. 1509.

DE BAPTISMO, ET EJUS EFFECTU. DE OBSERVATIONE JEJUNIORUM.

Summarius.

In baptizandis pueris formam Baptismi, & ipsi Sacerdotes in latini fideliter observent & doceant laicos in suo idiomate rite observare, postquam in necessitate pueros a parentibus baptizari, verum tunc de observata forma fideliter inquirent, quam si servatam invenerint, solum approbent, uergantque pueri pectus & scapulas oleo, verticem autem Chrismate: sin minus, tunc rite baptizetur puer a Sacerdote.

ex Concilio Fritzlarisiensi.

Baptismus cum summa reverentia celebretur, maxime in distinctione & prolatione verborum, in quibus Sacramenti virtus consistit: his scilicet verbis: *Ego baptizo te in nomine Patris, & Filii, & Spiritus Sancti.* Docent etiam Sacerdotes tam mares quam feminas in necessitate debere parvulos baptizare eadem forma in suo idiomate, & quod patres & matres proprios infantes, si summa necessitas exigat, poterunt baptizare. Et si Sacerdotes super hoc diligentius requirentes, debitam formam in Baptismate observatam invenerint, quod factum est, approbent, supponentes circa baptizatum, quoad unctiones olei in pectore & in scapulis, & Chrismatis in vertice, quod a laicis est omisum. Si autem in Baptismate debitam formam non invenerint observatam, non differant pueros baptizare.

DE CUSTODIA EUCHARISTIE.

Summarius.

Ecclesiastica Sacramenta fideliter sub clavibus custodiantur, corporalia, palle, vasa sacra, & Ministrorum vestimenta munda serventur.

ex eodem, quo supra.

Item statuimus, ut in cunctis Ecclesiis Baptismus, Oleum, Chrisma, & Eucharistia sub fidei custodia clavibus adhibitis conserventur, ne possit ad illa manus temeraria extendi. Palle quoque altaris, vasa & corporalia, & vestimenta Ministrorum munda & nitida conserventur. Nimis enim videtur absurdum in sacris sordes negligere, que non decerent etiam in prophanis.

(h) ordinandis *impres. A. 1509.*

Summarius.

Adulteri & discreti Statuta ab Ecclesia jejunia neque infringunt, neque cum votis committunt.

ex Concilio Fritzlarisiensi.

Ad huc etiam prohibemus, ne quis adultus pariter & discretus ordinaria & Statuta jejunia, ut Quadragesime, quatuor Temporum, & Vigiliarum presumat infringere. Nec hujusmodi necessaria jejunia pretextu voti & extraordinarii jejuni violent, cum tale damnum tali lucro Deus nolit compensari, inherentes etiam priori Concilio pravam quorundam consuetudinem reprobamus, qui sextam feriam violant, sabbato, quarta feria vel alia die hebdomadae jejunantes, hoc de cetero fieri *hujus auctoritate Concilii* reprobamus & firmiter prohibemus.

DE ECCLESIIS EDIFICANDIS. (k)

Summarius.

Quisquis sine Diocesani Episcopi consensu, & primaria lapidis Benedictione Ecclesiam novam fundaverit, aut fundatum transulerit, Ecclesiasticus ab officio suspendatur, laicus autem ad satisfactionem usque excommunicatur. Altaria superflua tollantur, neque novum Altare fiat, nisi cum Episcopi consensu detetur.

ex eodem Concilio quo supra.

Prohibemus etiam, ne Religiosi vel quilibet alii Ecclesias de novo fundare vel fundatas transferre, sine Episcopi Diocesani licentia & sine primaria lapidis benedictione presumant, aliter fundata Ecclesia diruatur, & is, qui fundavit, si Clericus existat vel Monachus, ab officio suspendatur. Alia pena nihilominus juxta superioris arbitrium puniendus. Si laicus existat usque ad satisfactionem condignam, excommunicationis vinculo innodetur. Item Altaria superflua per Ecclesias Parochiales omnino tollantur, (l) cum singulis Ecclesiis non Conventualibus, ad plus tria sufficiant. Nec Altare aliquod de novo fiat, nisi Episcopo permittente. Nec tunc etiam, nisi eidem Altari tantum in proventibus assignetur, ut saltem luminaria ultra victum ministri habeant competenter.

Summa-

(l) *omissum usque: Nec altare.*

Summarius.

Suffraganei sunt Episcopi aliorum in Pontificatu Vicarii sine speciali suorum Episcoporum licentia Ecclesiam ullam, aut Oratorium non deducunt. In quorum etiam assumptione caveatur, ne Parochiali Ecclesie, sub qua morantur, sint nocuimento, Et sciant se ex generali sibi data commissione, nullam dispensandi, ligandi aut solvendi in Diocesano subditis, nisi nominatim exprimat, habere potestatem.

ex Concilio Moguntino.

Inhibemus, ne Religiosi vel alii quilibet Ecclesias de novo fundare vel fundatas transferre &c. (m) Cum igitur ex hoc, quod aliqui in civitatibus, oppidis, villis, & interdum in rure vel nemore se passim receptantes, Ecclesias, Oratoria construant & Capellas, quas abinde postmodum recedentes, desolatas dimittunt, loca sacra contingat sepius prophanari: auctoritate sacri Concilii duximus statuendum, quod nullus ex Episcopis istis, qui interdum in consecrationibus Ecclesiarum vices Diocesano- rum exercent in locis de novo fundatis, vel fundandis, Ecclesiam, Oratorium, dedecent seu Capellam, aut lapidem primarium ponant, nisi de Diocesani licentia speciali, ut juxta provisionem Prioris Concilii, ad taxationem Diocesani sacre Domus provideatur de dote & lumine competentem, ne talibus recedentibus ea facilitate, qua veniunt, loca sacra desolari & prophanari contingat. Et ob hoc etiam, quod antequam adventantes: (n) de novo firmiter in loco, Diocesani providentia precaveat, ne Parochiali Ecclesie (infra cujus terminos se recipiunt) sint successu temporis nocuimento. Ad hec illis Episcopis, qui vices Diocesano- rum in consecrationibus gerunt, prohibemus expresse, ne generis- lis commissionis pretexto, aliquas Conventuales Ecclesias dedecent quoquo modo, vel in eis primarium lapidem ponant: nisi eia hoc a Diocesano specialiter committatur. Interpretatione congrua declarantes, quod iidem Episcopi ratione commissionis hujusmodi, cum Diocesano subditis dispensandi, ligandi & solvendi eisdem in manifestis casibus vel occultis, nullam obtine-

ant potestatem, nisi Diocesanus eis hoc duxerit specialiter concedendum.

Summarius.

Solus Episcopus primarium lapidem benedicere Et locare, aut hoc alteri Episcopo, demandare debet.

ex Concilio Fritularienfi.

Hoc presentis auctoritate Concilii declarantes, quod Episcopus primarium lapidem benedicere, & in fundamento locare in persona propria teneatur, nec benedictionem lapidis, nec positionem ejusdem debeat ulli, quam Episcopo demandare.

DE IMMUNITATE ECCLESiarUM, CIMITERII ET RERUM AD EAS PERTINENTIUM.

Summarius.

Ecclesias inaccessibiles Et ob hoc ejusdem mortuorum ossibus cineribus perfodientes, ipsorumque auxilium, Et consultores sunt excommunicati, eorum etiam loca, quoniam domicilia Et receptacula cum talibus Ecclesiis interdicuntur, s. d. Et eorumque familie Sacramenta subtrahuntur, Ecclesiastica sepultura negatur, donec munitione demolatur.

ex Concilio Moguntinenfi.

Excommunicamus etiam & anathematizamus omnes, qui dedicatas Deo Ecclesias ausu sacrilego prophanantes, faciunt munitiones de ipsis, & ad firmandum eas, (o) profodiunt cimiterium, ossibus mortuorum ejectis, omnes quoque adhibentes operam, consilium vel juvamen decernimus excommunicationis sententie subiacere. Ecclesias etiam taliter prophanatas, & nihilominus omnia illa loca, in quibus auctores, aut opem, consilium, operam, vel juvamen prestantes, habent domicilia vel receptacula, subijcimus exnunc Ecclesiastico interdicto. In gravio- rem etiam penam (p) subrahantur eorum familie Sacramenta, Ecclesiastica careant sepultura, donec cum debita satisfactione munitione destruantur.

C c 3

Summus.

(m) intendant impr. A. 1509.

(o) perfodiunt impr. A. 1509.

(n) advenientes de novo firmentur in loco. impr. 1509.

(p) emissum in impr. A. 1509. usque ad Ecclesiastica.

Summarius.

Ordinarii per Ecclesiasticas precaveant censuras, ut a spiritualibus personis pedagia, telones, & alie hujusmodi angarie contra libertatem longo tempore obtentam iniuste extorquantur, extortis ut resituantur.

EX Concilio Moguntinenſi.

Preterea, quia quidam a personis Ecclesiasticis contra libertatem earum & approbatam consuetudinem ex antiquis obtentam temporibus, ab eis pedagia & telones interdum extorquent iniuste, tales ad abstinendum ab hujusmodi eorum angariis, & ad restituendum sic extorta iniuste, per Ordinarios suos monitione premissa per Ecclesiasticam cogantur censuram.

Summarius.

Irrita sunt Statuta & consuetudines, que editae sunt vel servantur a quocunque contra Ecclesie, aut Ecclesiasticorum libertatem judicantes, aut secundum eas, inhabiles sunt ipso facto ad omnem legitimum actum in Ecclesia Dei.

EX Concilio Aſchaffenburgensi.

Ad hec sacro approbante Concilio irritamus & irrita nunciamus omnia statuta & consuetudines, que civitates vel loca, potestates, consules, vel quecunque alie persone contra libertatis Ecclesie, aut personas Ecclesiasticas edere vel servare contra Canonicas sanctiones presumpserint, & easdem a suis Capitulariis mandamus infra duos menses post hujusmodi publicationem statuti penitus aboleri, & (a) similia de cetero attentaverint, ipso jure decernimus esse nulla. Potestas vero & omnes Statutarii ipsorum locorum, & qui secundum statuta, & consuetudines memoratas judicaverint, extunc inhabiles ad omnem sint in Ecclesia legitimum actum, salvo nihilominus penis aliis contra tales in generali Concilio promulgatis.

Summarius.

Quisquis Ecclesiam, pias locis, vel personis Ecclesiasticis collectas, exactiones, vel angarias imposuerit, vel bona Ecclesiastica invaserit, nisi satisfecerit, quadruplum refundat.

(p) Item statuimus, ut quecunque civitas vel communitas, persona publica, vel privata, collectas, sive exactiones, angarias sive perangarias Ecclesiis, vel aliis piis locis aut Ecclesiasticis personis imposuerint, vel bona Ecclesiastica invadere presumpserint, quadruplum refundant, si requisiti contempserint emendare.

Summarius.

Jurisdictionem Ecclesiasticam impedire, & emunitatem sacrorum locorum infringere vel violare nemo presumat.

Jurisdictionem Ecclesiasticam (preterquam per vias a Canonibus indultas) nullus attentet aliquatenus impedire & Ecclesiarum & aliorum locorum emunitatem hactenus de jure vel de consuetudine obtentam infringere, aut aliquatiter violare.

Summarius.

Ungeltam communitas nulla instituat, institutam deponat, venenalem mensuras non immutet, servorum autem & mancipiorum Ecclesie decedentium jura, quibus debentur, permittat.

Novas etiam (q) exactiones (que vulgo UNGELT dicuntur) nulla civitatem instituat, & ab institutis post hujusmodi edicti publicationem infra mensem destitutis, nec (r) mensuras rerum venalium ab antiquo servatis & a fidelibus approbatis minuire vel immutare presumat. De servis & mancipiis Ecclesiarum in civitatibus residentibus post eorum servorum mortem, (r) etiam debita jura, quorum servi & mancipia fuerant, recipere minime prohibeantur.

Summarius.

Nemo Ecclesias, Ecclesiasticorum bona, jura, jurisdictiones, aut eorum vassalla violenter occupet, invadat, vel ad hoc auxilium, consilium, vel

(a) si impr. A. 1509.

(q) novas exactiones

(r) Ecclesiarum, loco: etiam

(p) Caput totum omisſum in impr. A. 1509.

(r) usuris, loco: mensuras

vel favorem per se vel per alium prestat. Occupata nisi infra mensem reddiderit, sit ipso facto excommunicatus. Nullus etiam laicus sub anathemate debet decedentium Clericorum peculium occupare.

Insuper statuimus, ut nulla persona quacumque nobilitate, aut preeminentie statu prefulgeat, Ecclesias, aut Ecclesiastica bona, jura, jurisdictiones, & vasallos eorum violenter, aut auctoritate propria publice occupare, aut occupando invadere, vel scienter occupantis Ecclesias & bona predicta prestare presumat quomodolibet per se, vel per alium aut alios, consilium, auxilium vel favorem, & nisi infra mensem Ecclesie lese vel Prelato ipsius damnum illatum emendaverit, ipso facto sit anathematis vinculo innodatus. Decedentium etiam Clericorum peculium occupare, vel (r) occupantium detinere, omnibus laicis sub anathematis pena, ex nunc prout ex tunc in ipsos lata distinctus inhibemus.

LIBER QUARTUS.

DE SPONSALIBUS ET MATRIMONIIS.

Summarius.

Matrimonium in conspectu Ecclesie reverenter celebratur, sed ante ejus contractum, fiat in Ecclesia per Presbyteros tribus Dominicis vel Festivis proclamatio de impedimentis sub pena excommunicationis, si quibus constitit revelandis. Impedimentum autem celantes, postea neque ad accusationem, neque ad testimonium contra matrimonium admittuntur.

Ex Concilio Frizlarienti.

Matrimonium, secundum quod in Concilio novissime celebrato, statuitur cum omni reverentia & honore in conspectu Ecclesie celebratur. Et cum matrimonium fuerit contrahendum, per Presbyteros in Ecclesiis tribus Dominicis & Festivis a se distans publicè proponatur, ut si quoddam impedimentum contrahendi matrimonium noverint aliqui, illud infra terminum competentem ab ipsis Presbyteris prefigendum in facie Ecclesie sine difficultate revelent. Excommunicationis quoque sententia in genere proferatur in omnes hujusmodi impedimentum celantes, a qua sine satisfactione

debita nullatenus absolvantur. Et si qui tempore hujusmodi denuntiationis presentes fuerint, & impedimentum celaverint, postmodum nec ad accusationem, nec ad testimonium contra ipsum matrimonium admittantur.

Summarius.

Nullus Sacerdos, etiam si Plebanus sit vel Archipresbyter, causas matrimoniales audire debet.

Ex eodem Concilio quo supra.

Causas matrimoniales nullus Sacerdos, Archi-Presbyter, vel Plebanus (sine speciali mandato Episcopi) audire presumat, aliter ejus sententia vel processus nullum obtineat firmitatem, & ipse transgressor durissime puniatur.

DE COGNATIONE SPIRITUALI

Summarius.

Nullus a Sacerdote baptizatus potest cum ejusdem Sacerdotis filia matrimonium contrahere.

Item Statuta Canonum, in quibus est providè ordinatum, ut nullus baptizatus a Sacerdote cum (u) eadem Sacerdotis filia audeat matrimonium contrahere, cum inter talem baptizatum & Sacerdotis filiam spiritualis fraternitas generetur, firmiter precipimus observari.

Summarius.

Ad Baptismum & Confirmationem unus tantum Patrinus assumatur.

Statuimus (x) ut unus tantum sumatur Patrinus in Sacramento baptismatis & confirmationis, ad impedimenta matrimonii precavenda.

DE SIMONIA ET NE ALIQUID PRO SPIRITUALIBUS EXIGATUR.

Summarius.

Ordinandus cautionem vel provisionem de non petendo ab Ordinatore beneficio, quia simoniacum est, non interponat.

Ex Concilio Aschaffenburgensi.

Nullus quoque ordinandus de non (y) petendo Beneficio ab Ordinatore sive Presentatore ipsius cautionem vel provisionem aliquam interponet, quia hoc simoniacum est, & contra Canonicas sanctiones.

Sum-

(r) occupatum
(y) non, absq.

(u) ejusdem impr. 1509.

(x) Hoc Capitulum abest ab impr. A. 1509.

Summarius.

Pro Eucharistia, Oleo infirmorum, Baptismate, Chrismate, Oleo sancto, Sepultura, Et aliis Sacramentis ministrandis sponte quædam oblata licet, quomolibet vero exacta munera sub pena excommunicationis recipere non licet. Qui vero taliter in Synodo convictus fuerit, si Vicarius est, omnino ab Archidiaconatu amoveatur. Si autem Pastor ab Officio Et Beneficio, donec ab Episcopo super eo dispensationem obtinuerit, suspendatur.

Et Sacerdos, qui interea Ecclesie deservit, singulos ejusdem prout recipiat.

ex eodem Concilio, quo supra.

Verum, quia aliqui Sacerdotes ex simplicitate, sive juris ignorantia, quidam ex avaritiæ vicio (quod fere omnium oculis excæcavit) dum Eucharistiam, Oleum (2) sanctum, Sepulturam, aut alia Sacramenta Ecclesiastica suis subditis administrant, pretium extorquent ex ipsis, pro sui erroris & reatus defensione, longam illius loci consuetudinem pretendentes, nec advertentes, quod diuturnitas temporis peccatum non diminuit sed augmentat. Nos inherentes Concilio Turonensi, quod hujusmodi consuetudinem maxime detestatur, ne pro hujusmodi aut aliquibus Sacramentis conferendis aliqua de cetero munera quantumcunque modica per Prelatos vel Sacerdotes a suis subditis (tamquam debitum) exigant, sub pena excommunicationis sententiæ jam late, de approbatione hujusmodi sacri Concilii districte prohibemus: nisi munera hujusmodi sponte & charitative a Christi fidelibus offerantur Archidiaconis, & eorum Officialibus, sub eadem pena firmiter injungentes, ut in singulis Synodis sive Capitulis, quibus solent Clerici convenire, de hujusmodi vicio inquisitionem faciant specialem, & quos in eodem per probationes legitimas invenerint laborare: si Vicarii fuerint, ipsos sine omni spe restitutionis a suis Archidiaconatibus amoveant: Pastores vero ab Officiis & Beneficiis tamdiu suspendere non omittant, donec super hujusmodi simoniaca pravitate cum ipsis per suos Episcopos fuerit dispensatum. Predicta vero suspensione Pastorum durante Archidiaconi de redditibus Beneficiorum nihil percipiant eorundem, sed Sacerdo-

tes idoneos in Ecclesiis constituent taliter suspensionis percipiant, & in suos usus convertant universos redditus Ecclesiasticos ipsis Pastoribus competentibus, (a) dignum enim est, ut qui Altari servit, vivere debeat de Altari, sed & illi proventus Ecclesiastici merito subtrahuntur, cui Ecclesie communio denegatur.

DE JUDEIS.

Summarius.

Judei per excommunicationem, Christiani autem communitatem Rectores per Divinorum cessationem compellantur efficere, ut Judei habitum Et signa, quibus a Christianis interoscantur, publice gerant, Dignitates vel Officia publica Et mancipia Christiana non habeant, visus etiam in parafese in plateis Judeus, aut per ostium sive fenestram prospiciant, Diacesano marcham argenti tenetur. Que omnia Rectores Parochiarum sub pena excommunicationis in locis ubi Judei morantur, singulis Dominicis post singulas quatuor angarias publice populo innuabunt.

ex Concilio Alshaffenburgenfi.

Licet enim in generali Concilio providetur, ut uterque sexus, de gente Judeorum in omni Christianorum provincia signum (b) publice deferre debeat (c) quod a populo Christiano manifesti distingui valeat & discerni, fuitque adjectum & salubriter provifum in Concilio memorato, ut in diebus Dominicæ Passionis in publicum prodire non debeat gens prædicta, sed in suis se continere domibus, clausis ostiis & fenestris, ne sicut in eodem Concilio tangitur, Christianis, quo sacratissime Passionis memoriam exhibentes lamentationis signa pretendunt, illis diebus ab eodem populo Judeorum illudatur. Licet etiam alias in sacris Canonibus prohibitum inveniat expresse, ut Judei nec publica officia, nec aliquas seculares dignitates habeant, aut in suis domibus & servitiis mancipia teneant Christiana. Quia tamen nec contra Judeos in predictis prohibitis casibus contrarium facientes, nec contra Christianos potentes (ipsos sine distinctionis signo vel habitu in suis terminis tolerantes, aut publicis officiis vel secularibus dignitatibus preficientes eosdem, certa

(2) Oleum infirmorum & Baptisma,

(b) vel habitum

(a) competentes

(c) frequenter abest.

certa & sufficiens pena in Canonibus reperitur) considerantes, quod facilitas venie incentivum tribuat delinquendi, & plus solet timeri, quod specialiter precipitur, quam quod generaliter imperatur; de multa deliberatione & unanimi approbatione hujus sacri Concilii irrefragabiliter duximus statuendum, ut in universis civitatibus, oppidis, castris, & villis Civitatis, Diocesis, & Provincie Moguntine gens Judæorum utriusque sexus infra duos menses post publicationem hujus statuti, talia signa & habitum (quibus sine qualibet ambiguitate a Christiano populo distinguatur) sibi eligat & deferat manifeste, dignitatesque seculares & officia publica, quibus de gente prefata forte aliquis preest, & mancipia Christiana, prius dimittat. Alioquin in omnibus locis, ubi Judæi huic sacro & salubri Concilio in hac parte obedire nolentes habitare, vel domicilia obtinere nesciunt, in penam Christianorum potentium, tamdiu cessent ab Officiis Divinorum, donec per Principes, Potestates, & Nobiles Christianos, in quorum territorio predicta gens conversatur, ad observationem premissorum omnium compellatur. (d) Ipsi autem Judæi per locorum Diocesanos indirecte per subtractionem communionis fidei excommunicationis sententia percellantur. Si quis vero de gente predicta in die Parasceves visus fuerit in plateis, vel per ostium ac fenestram sue domus prospicere, ad quod probandum duorum Christianorum stabitur iuramento, idem loci Diocesano in marcha argenti pœne nomine teneatur, ad cuius solutionem reus, & omnes defendentes eundem, per excommunicationis sententiam compellantur. Et ne quis Christianus aut Judæus hujus statuti ignorantiam valeat allegare, universis Parochiarum Rectoribus per Moguntinensem Civitatem, Diocesim, & Provinciam constitutis, in quorum Parochiis Judæi morantur, sub pœna excommunicationis in quolibet transgressores, auctoritate presentis Concilii, exnunc late precipimus firmiter & districte, ut quilibet in sua Parochia singulis Dominicis diebus,

(e) singula quatuor tempora immediate subsequenti, infra Missarum solennia, publice prefatum statutum lingua materna exponere non omitat.

Summarius.

Per excommunicationis sententiam, & exclusionem commercii Judæorum cum aliis Christianis, prohibentur Christiani in domibus Judæorum, & cum Judæis habitare.

ex Concilio Moguntino D. Petri.

Item cum in sacro Concilio olim sacratissime sit statutum, ne Judæi sub alendorum puerorum obtentu, nec pro servitio, nec pro qualibet alia causa, Christiana mancipia habere permittantur in domibus suis. Et quod excommunicentur Christiani, qui cum ipsis presumpserint habitare, cum ipsi propter continuum conversationem & assiduam familiaritatem ad suam superstitionem, & perditionem execrabilem, (f) incontinentium possint simplicium Christianorum animos de facili inclinare. Nos, qui Dei injurias graviter portamus, hujus Canonis auctoritate statuimus, ut omnes Christiani nostre Provincie sub quocunque preterito domos Judæorum inhabitantes, infra duos menses post publicationem hujus statuti, de Judæorum domibus, nunquam postmodum reversuri, recedant. Alioquin Christiani contrarium facientes per sententiam excommunicationis percellantur, & alii Christiani tamdiu a Judæorum familiaritate & commercio coerceantur, quamdiu Judæi hujusmodi Christianos in domibus suis presumpserint retinere.

DE HERETICIS.

Summarius.

Omnes heretici sive laici, sive Clerici, sunt excommunicati, qui primo ab Ecclesia per sententiam damnantur, & deinde a seculari judicio puniuntur, Clerici tamen prius ab Ordinibus degradati.

ex Concilio Fritzlarisiensi.

Excommunicamus & anathematizamus (g) omnes hereticos, quibuscunque

(d) Hoc comma usque: Si quis. abest a Mogunt. impr. A. 1509.

(e) Hoc incisum, singulis quatuor: usque: infra Missarum, non est in impr.

(f) incontinentium abest.

(g) ante omnia universos

que nominibus censeantur, facies quidem habentes diversas, sed caudas ad invicem colligatas, quia de vanitate conveniunt in idipsum. Damna vero per Ecclesiam, seculari iudicio relinquuntur, animadversione debita puniendi, Clericis prius a suis Ordinibus degradatis.

Summarius.

Christiani ad Iudaismum transcentes, vel redeuntes, heretici reputantur.

Statuimus, imo Statutum BONIFACII publicamus, ut contra Christianos, qui ad ritum transiverint, vel redierint Iudeorum, etiam si huiusmodi redeuntes, dum erant infantes, aut mortis metu, non tamen precise (b) coacti baptizati fuerint, tanquam contra hereticos, si fuerint de hoc confessi, aut per Christianos vel Iudeos convicti, & sicut contra fautores, receptatores, & defensores hereticorum, ita contra fautores, receptatores, & defensores talium per locorum Ordinarios procedatur.

DE RAPTORIBUS.

Summarius.

Sub Archi-Diaconatu, ubi Clericus captus vel detentus est, cessatur a Divinis, infra loca autem, ubi tales captivatores & eorum adjuutores domicilium, jurisdictionem, vel receptaculum habent, interdictum servatur.

ALLEXANDER EPISCOPUS, SERVUS SERVORUM DEI, Dilectis Filiis, Capitulo, & Clerico civitatis & Diocesis Moguntinensis salutem & Apostolicam Benedictionem. His, qui ab Ecclesiarum Prelatis pro ipsorum unitatibus & defensione libertatis Ecclesiastice provide statuuntur, digne adjicimus Apostolici muniminis firmitatem, ut inemendata consistant, cum nostro fuerint presidio communita. Significatis quidem Nobis, quod bone memorie GERHARDUS, Archi-Episcopus Moguntinensis, attendens, quod per statuta bone memorie SIFFRIDI Archi-Episcopi Moguntinensis Predecessoris sui, auctoritate Apostolica edita contra illos, qui Prelatos & Canonicos Moguntinensis Civitatis & Diocesis ausu sacrilego capere, & detinere captivos contra libertatem Ecclesiasticam presumebant,

non fuerat sufficienter eorum maliciis obviatum: Et volens contra tante iniquitatis malum salubriter providere, diligenti meditatione prehabita, de sui Capituli, nec non Archi-Diaconorum, aliorumque Prelatorum earundem Civitatis, & Diocesis consilio & assensu statuit, & ordinavit, ut in terminis Archi-Diaconi illius, ubi Prelatum vel Religiosum aliquem, seu Clericum in sacris Ordinibus constitutum, & pro Clerico se gerentem capi, vel detineri contingeret, eo ipso cessaret ab Officiis Divinorum: Statuit insuper & etiam ordinavit, ut in omnibus locis, in quibus Clericorum captivatores, & eorum complices, qui eis in huiusmodi maleficio consilium vel auxilium prestarent, domicilium, seu jurisdictionem de facto, vel de jure obtinerent, in illis quoque locis, ubi tales receptacula habuerint, infra eandem Civitates & Dioceses servetur strictissime interdictum, ita videlicet, ut corpora mortuorum ad sepulturam Ecclesiasticam nullatenus admittantur: Et si forte in Ecclesiis vel Cimiteriis per abusum laicalis potentie huiusmodi corpora tumulata fuerint, in eis prefatum interdictum, nisi prius ejectis exinde predictis corporibus, nullatenus relaxetur. Alia etiam statuta salubria & honesta contra presumptores eodem in favorem ejusdem libertatis Ecclesiastice Archi-Episcopus edidit supradictus, prout in eisdem literis confectis exinde plenius continetur. Nos igitur (i) universis supplicationibus inclinati, quod super hoc ab eodem Archi-Episcopo provide factum est, ratum habentes & gratum, illud auctoritate Apostolica confirmamus, & presecotis scripti patrocinio communimus. Tenorem literarum ipsarum de verbo ad verbum inferi facientes presentibus, qui est talis:

TENOR STATUTI DOMINI GERHARDI,

De quo in Bulla Pape Alexandri fit mentio, quod & in totam Provinciam prorogatum est, & in ea precipitis observari: infra Capitulo: Sacri.

IN Nomine Domini Amen. GERHARDUS Dei Gratia Moguntinensis Sedis Archi-Episcopus, Sacri Imperii per Germaniam Archi-Cancellarius, universis

(b) sed

(i) vestris

versis per Moguntinensem Diocesem constitutis, salutem in Domino. Cum per illud statutum, quod Dominus SIFRIDUS pie memorie Predecessor noster olim contra captivatores Clericorum edidit, auctoritate Sedis Apostolice super hoc statuendo specialiter sibi data, non sit adhuc sufficienter provisum, aliasque Prelati ac Clerus nostre Diocesis a nonnullis perditionis filiis multipliciter aggraventur contra Ecclesiasticam libertatem: quia nova contra novos morbos oportet antidota preparari; multa deliberatione prehabita, de consilio & consensu Archidiaconi, Prolocutorum, & Capituli nostri, statuerimus, & jam nunc in quolibet transgressores excommunicationis sententiam promulgamus, ut non solum in terminis illius Archidiaconatus, in quo Prelatum, vel Religiosum aliquem, seu Clericum habentem sacros Ordines, & pro Clerico se gerentem temere captivari; sed in terminis Archidiaconi, in quo quempiam Clericum detineri consuevit, ipso facto cessetur ab Officiis Divinorum, ut sic tam Nobiles, quam (k) Magnates, quam etiam populares cum pliche contra (l) malefactores hujusmodi & Divinorum carentia provocati, confurgant, ad liberationem illius, qui ausu sacrilego derinetur captivus, auxilium prestituri: specialiter autem in omnibus locis illis, in quibus captivatores & eorum complices nostre Diocesis in maleficio ipsis consilium, auxilium aut juvamen prestantes domicilium obtinent, & sive de jure jurisdictionem exercent, aut ubi habent reptaculum, servetur districtissime interdictum. Ita videlicet, quod corpora mortuorum ad Ecclesiasticam sepulturam nullatenus admittantur, quinimo si per violentiam laicalem in Ecclesiis vel cimiteriis fuerint tumulata, ibi (m) non relaxetur aliquo modo sententia interdicti, nisi prius ejectis illis corporibus sic per laicalem potentiam tumularis. Durante etiam hujusmodi interdicto, Sacerdotes aliud facere non presumant, nisi quod in diebus Dominicis proposito suis plebibus Verbo Dei, pronuntiatis quoque diebus Festivis, que in illa septima-

na occurrunt, eos aqua benedicta aspergant, nullum omnino dicant officium in aperto (hic servatur decretalis ALMA) semel in hebdomada absque signo campanarum clausis ostiis, cum suo tantum ministro pro conciliando varico sub silentio Missam dicant, presatum interdictum juxta modum & formam prescriptam reverenter & fideliter servaturi. Archidiaconi quoque & eorum Officiales in aliis locis nostre Diocesis requisiti, predictos sacrilegos ab omnibus suis subditis excommunicatos denunciari faciant publice singulis diebus Dominicis & Festivis, donec captivatus liber & indemnis cum satisfactione debita dimittatur.

summaris.

Eorum, qui Clericos captivare, detinere, occidere, mutilare, aut vulnerare presumpserunt, tam filii, quam tota eorum usque in quartam generationem posteritas, neque ad sacros Ordines, neque ad beneficia nec claustra admittantur.

ex Concilio Aischaffenburgenſi.

(n) Preterea cum in Predecessorum nostrorum statutis per penas contra captivatores Clericorum proditas adhuc nec Ecclesiis, nec Ecclesiasticis personis sufficienter provisum existat: Considerantes, quod pro unius delicto sacri Canones interdum puniri precipiant totam terram, & nonnunquam propter parentum peccata in tertiam & quartam generationem filii puniuntur. Nos de similibus ad similia procedere cupientes, provida deliberatione sacri Concilii, Predecessorum nostrorum statutis duximus annexendum, irrefragabiliter statuantes, ut non solum eorum filii, qui Canonici etiam in minoribus ordinibus constitutos, & ceteros Clericos pro Clericis se gerentes, ac alias personas Ecclesiasticas captivare, vel captivos detinere, occidere, mutilare, aut letalibus, sive nimis atrocibus vulneribus, quibus per medicorum industriam nequit subveniri, vulnerare presumunt, sed & omnes eorundem sacrilegorum utriusque sexus ab ipsis descendens posteritas usque ad quartam generationem.

(k) Magistratus, Lanig & Neumann: Magnates.

(l) molestationes Mogunt. impress. A. 1509.

(m) Hoc Caput in impresso A. 1509. omisſum, uti & in Lanig.

nerationem, nec ad sacros ordines, nec ad aliqua Ecclesiastica Beneficia, nec in claustris, nec cenobis cujuscunque ordinis admittantur. Quodsi contrarium factum fuerit ex malitia vel ignorantia; ordinatos ab executione ordinum perpetuo volumus esse suspensos. Receptos vero ad Beneficia Ecclesiastica secularium Ecclesiarum, pro non receptis haberi decernimus ipso facto. Sed ne personis, in Monasteriis sive Claustris receptis, detur materia ad seculum redeundi, eas in ipsis quidem Monasteriis ita volumus remanere, quod in Conventu sint, & ultimi reputentur, at nunquam ad officia vel dignitates aliquas assumantur. De illis autem personis, que in Ecclesiis Conventualibus aut Monasteriis ante hoc nostrum statutum inveniuntur promote, auctoritate hujus sacri Concilii hoc districte precipimus observari, ut si parentes ipsorum aliquid commiserint premissorum, predictæ persone ob hujusmodi parentum suorum delictum nunquam ad Personatus vel dignitates aliquas assumantur, sed in suis gradibus persistentes ad ulteriores efficiantur ineligibiles ipso facto; omnibus aliis penis contra ordinantes, presentantes & recipientes personas hujusmodi, in priori Concilio constitutis in suo robore duraturis.

Summarius.

Capitulum, (o) Concilium, Scriptores captivatorum Clericorum, si Clerici sunt, sub pena excommunicationis a Dominis suis recedant. Advocati autem, qui detentoribus Clericorum consulendo vel scribendo patrocinium vel defensionem prestant, sunt excommunicati.

Ex Concilio Aschaffenburgenfi.

Nos igitur statuta ipsa non solum approbamus, verum etiam duximus adiungendum, firmiter statuantes, quod si temerarii captivatores Clericorum, aliquos de familia sua habuerint (p) Clericos, ut puta Capellanos, Consiliarios & Scriptores, iidem se statim retrahant a communione eorum non solum in Divinis, sed etiam in menfis, ac aliis, quibus excommunicato quomodolibet communicari illicite: item nec consiliis

eorum intersint, nisi forte tractatum haberent cum eis de procuranda liberatione eorum, quam si infra duos menses procurare non potuerint, sub pena excommunicationis jam late sententie precipimus, quod ex tunc non solum a consilio & scribendo se abstrahant, sed omnino recedant ab eis: quam si iidem Clerici per unum mensem sustinuerint, ex tunc periculum suorum Beneficiorum incurrant, ita quod ipsorum Beneficia aliis conferri valeant, nec non inhabiles ad alia capienda ex tali mora reddantur. Ad hoc statuimus, ut Advocatus, qui patrocinium vel defensionem assumpserit quorumlibet Clericorum detentorum, ac eos, qui occultum dederint consilium, vel literas exculpationis dixerint, vel scripserint, vel literas quascunque a Superiore impetraverint, quibus a liberatione Clerici, vel refusione damnorum, vel de satisfactione Ecclesie se quoquo modo de facto valeant colorare, nisi prius Clericum dimiserit, ablata restituerit, ac Ecclesie satisfecerit de offensa, excommunicationis sententia innodamus.

Summarius.

Quantum amici Clericorum captivatorum dederint, vel promiserint pro liberatione captivati, tantumdem tenentur Diocesano. Detentor autem Clerici, si per mensem Clericum detinuerit, vel infra annum se absolvi non fecerit, cadit ab omnibus feudis ab Ecclesia obtentis. Episcopo vero captivato, tota captivatorum familia ab eo recedere tenetur. Captivatores autem eorum posteritas perpetuo cadunt a feudis, que habent ab Ecclesia, que & deinceps Ecclesie applicentur.

Ex eodem Concilio quo supra.

Statuimus etiam, ut nullus manu fidelis amicus, vel aliquis habens potestatem rerum captivati, promittat, vel det aliquid pro liberatione ipsius, vel de dando interponat se, vel alias aliquam cautionem faciat. Quod si contra statutum hujus sacri Concilii quisquam in casu hujusmodi inventus fuerit aliquid dedisse vel promisisse, in tanto Diocesano pene nomine teneatur. Adjicientes, quod si detentor Clerici per unum mensem Clericum detinuerit captivatum, aut eo dimisso

(o) Hoc Caput apud Lunigium tribus præmissis Capitulis præponitur. *Lung Continuat. II. Specul. Eccl. pag. 60. 61.*

(p) Clericos omittit *Lung.*

misso, infra annum, a tempore captivitatis Clerici computandum, satisfactione neglecta, non obtinuerit se absolvi; ex tunc ab omnibus feudis cadat ipso jure, quæ a quibuscunque Ecclesiis dinoscitur obrinere. Hec omnia contra captivatores Episcoporum multo fortius volumus observari. Eo adjecto, quod Episcopo captivato, Clerici & familia captivatoris statim recedere teneantur. Qui quoque (g) tales captivatores ipso facto non solum a jure cadant perpetuo feudorum, quæ captivitatis tempore a quibuscunque Ecclesiis derinebant, verum etiam ipso facto cum omni sua posteritate fiant inhabiles in eternum, ac feuda quelibet, quæ habebant captivitatis tempore, proprietati Ecclesie applicent, (r) & hi, qui feuda eis duxerint concedenda, ipso facto sententiam excommunicationis incurrant. Quod si proximi Domini feudorum, feuda illa in quibus casibus premis Episcoporum vel Clericorum captivatores ceciderint, infra mensem unum vel alius coocedere, vel ad se neglexerint revocare, ex tunc feudorum ipsorum collatio ad superiorem proximum devolvatur, quod de occisoribus & mutilatoribus Clericorum multo fortius volumus observari.

Summarius.

Quod, & quomodo contra personarum Ecclesiasticarum spoliatores in jure sit procedendum, non obstante statuto quodam Moguntino, quo cavetur, spoliis restitutionem infra octo dierum spacium facientem.

ex Concilio Aschaffenburgensi.

Item a nonnullis in dubium revocatur, qualiter statuta (s) contra Ecclesiasticarum personarum spoliatores a nostris Predecessoribus edita, intelligi debeant & servari, presertim cum spoliator non infra octo dierum spacium, quod super restitutione spoliis facienda, Concilium statuit Moguntin. coram Judice, a quo emanavit monitionis edictum, comparuit, & se juri obtulerit paritum, dummodo circa spoliis sibi impositum ordo judiciarius observetur. Nos hujusmodi ambiguitatem approbatione *hujus sacri Concilii* taliter duximus de-

claram, ut si conquerens de spolio, ipsum spoliis esse notorium asseveraverit coram Judice, & super tali spolio notorio monitionis literas impetraverit, actor in penam rei, infra octo dierum spacium venire non curantis, (t) post lapsum ipsorum octo dierum, ad probandum hujusmodi notorium admittatur: si reus absens fuerit per contumaciam, si reus presens: quo probato, reus ad restitutionem ea, quæ actor se per ipsius violentiam amisisse declaraverit, cum expensis ob inde factis, & satisfactione condigna sententialiter compellatur. Si vero in probatione notorii defecerit, reo condemnabitur in expensis, & ex tunc licet quasi contestata super spolio probando observabitur debitus ordo juris. Quod si is, cui impositum est spoliis, infra terminum monitionis comparens se juri obtulerit paritum, libellumque & inducias deliberatorias petierit sibi dari; in hoc casu dicimus taliter distinguendum: Aut actor tanquam super notorio contra reum, aut in simplici citationis forma literas impetravit: In primo casu ad probandum notorium, licet etiam non contestata, sine prorogatione quelibet admittatur, & hoc probato, rem ablatam juxta legitimam declarationem ipsius cum expensis legitimis & satisfactione debita per (u) condonationem judicis consequetur. Alioquin reus ab actoris instantia, quantum ad spoliis sibi impositum totaliter absolvetur, cum restitutione legitimæ expensarum. Ex hunc modum & processum, similiter circa eum, qui infra monitionis terminum iusto impedimento detentus venire non poterit, & hoc legitime probaverit, per omnia volumus observari. Literas autem super spolio a solis Diocesanis locorum, vel eorum Officialibus precipimus impetrari, alias ab aliis iudicibus impetratas carere viribus decernentes.

Sequens Capitulum supra ponitur sub titulo:

DE IMMUNITATE ECCLESIA- SIARUM, in fine.

Insuper (x) statuimus, ne persona quancunque nobilitate aut preeminencia status presuleat, Ecclesias, aut Ecclesiastica bona, jura, jurisdictiones, &

D d 3

valal-

(g) quodque tales

(r) quelibet, omisso qualiter *Lunig.*

(u) condemnationem *Lunig.*

(t) applicentur,

(r) Verba intermedia omittit *Lunig.*

(x) *Lunig* continuat, cum antecedentibus.

vasallos eorum, violenter, aut auctoritate propria publice occupare, aut occupando invadere, vel scienter occupantibus Ecclesiis aut predicta bona, prestare presumat, quomodolibet per se, vel per alium, aut alios consilium, auxilium, vel favorem. Et nisi requisitus infra mensem [y] Ecclesie sese, aut Prelato ipsius, damnum illatum emendaverit, ipso facto sit anathematis vinculo innodatus, decedendum etiam Clericorum peculium occupare, vel occupatos detinere omnibus laicis sub anathematis poena ex nunc prout ex tunc in ipsos lata districtius inhibemus.

Summarius.

Statuta de Clericorum, Episcoporumque captivatoribus, detentoribus, occisoribus, mutilatoribus, vulneratoribus, & spoliatoribus precipiuntur per totam Provinciam Moguntinam districte servari. Prorogantur etiam ad incendiarios, effractores, & temerarios Ecclesiarum destructores. Ubi autem absolutio vel dispensatio necessaria est, eam Moguntinensi Archiepiscopo impertitur, dummodo tamen prius de satisfactione per Episcopum loci sit certior factus.

Episcopus impertitur, dummodo tamen prius de satisfactione per Episcopum loci sit certior factus.

EX Concilio Moguntino D. Petri.

Sacri hujus approbatione Concilii statuta Predecessorum nostrorum conera captivatores, detentores, occisores, mutilatores, vulneratores, & spoliatores Clericorum, nec non multo fortius Episcoporum edita, specialiter innovamus, approbamus, & per totam Provinciam Moguntinensem precipimus, ut pupillam oculi custodiri ab omnibus, & cum summa diligentia observari. Etiam contra incendiarios, effractores, & destructores temerarios Ecclesiarum Dei, contra quos similiter statuta hujusmodi prorogamus, provide statuantes, ut in omnibus casibus, in quibus absolutio vel dispensatio est petenda in causa vel causis, in Conciliorum statutis quomodolibet comprehensis, & maxime in prescriptis, ut Clerus & Ecclesie conserventur in pace. Post satisfactionem debitam & condignam, Metropolitanus, qui pro tempore fuerit Moguntin. valeat ratione previa dispensare, si ei per Episcopum

loci, vel Officiale suum super satisfactioe hujusmodi patentibus literis & bonis nunciis destinandis, fuerit facta fides.

DE USURIS.

Summarius.

Notarii usurarii Ecclesiastica careant sepultura, non minus tamen heredes ad restitutionem compellantur, usurarium autem sepelens, beneficio privetur, & singulis Dominicis usurarii excommunicantur, qui, si sint notarii, in egritudine non audiuntur, nisi vel ipsi satisfecerint, vel heredes.

EX Concilio Friezlarienti. *Lunig.* ex Aichaffenburgenfi.

Contra usurarios juxta statutum LATERANENSIS Concilii procedatur, ut si notorius fuerit ipsorum excessus, sine distinctione qualibet, Ecclesiastica careat sepultura: nihilominus eorum heredibus ad restituendum usuras per centuram Ecclesiasticam compellendis. Si quis autem tales sepelire presumpserit, suis beneficiis spolieur. Excommunicationis etiam sententia singulis diebus solennibus proferatur in omnes, quicunque usuras de cetero presumpserint exercere. Hoc priori Concilio adjucentes, ut si notorius usurarius demum in egritudine constituti absolvi desiderent, nullatenus audiantur, nisi prius satisfactio (a) in quantum possibile fuerit de usuris.

Summarius.

Definit hoc Capitulum penam usurariorum publicorum, consistoriarum, vel confessorum, a juratis proclamatorum, de usura suspectorum, & usuras solventium, nec tamen usurarios accusantium: preterea usurarium oblationem non recipiendam, Ecclesiasticam sepulturam, altarique Communionem eis negandam, & Sacerdotum predicta admittentium, penam. Item usurarios non nisi ab Episcopis & Archiepiscopis & Diaconibus esse absolvendos. Insuper quomodo agendum cum usurariis resistere volentibus, sed & absolutionem suam usque ad extrema differentibus. Postremo de familia usurariorum temere per mensem in excommunicatione durantium.

Statuit & hoc Dominus GERHARDUS,

(y) infra mensem, *omittit Lunig.*

(a) vel heredes suos tales habeant, quod pro eis satisfactio, in quantum possibile fuerit de usuris. *Ita Lunig.*

DUS, ut in usurarios omnes cunctis diebus Dominicis & Festivis per locorum Plebanos, & eorum Vicarios auctoritate nostra excommunicationis sententia proferatur, ita ut, qui publice exercent usuras, aut qui coram Ecclesia de usura convicti fuerint vel confessi, aut qui per juratos villarum pro usurariis sunt publice proclamati, excommunicentur solenniter nominatim: qui vero de usure vicio sola sunt suspitione notabiles, nisi datis sibi super hoc a Prelatis, Plebanis, sive Vicariis certis terminis, se de hujusmodi vicio legitime coram Ecclesia expurgaverint, & debitores usurarum & fidejussores datos forsitan super eis absolverint simpliciter & publice ab usuris, excommunicentur similiter nominatim, cum eis, qui solvunt usuras, nec accusant eos post monitionem factam eisdem infra mensem. Ab usurariis autem manifestis juxta LATERANENSE Concilium nullus omnino oblationes recipiat, nec ad communionem admittantur Altaris. Nec si in hoc decesserint peccato, recipiantur ad Ecclesiasticam sepulturam. Qui autem contra premissa fecerint, ea, que acceperint, restituere compellantur: & donec secundum nostrum arbitrium satisfecerint, ab officii sui maneant executione suspensi. Tales autem si respicere non curaverint a peccato, deinde post restitutionem, que male extorserunt per usurariam pravitatem, si ad restitutionem omnium eorum suffecerint facultates, vel si in totum solvendo non fuerint, prius restituta ea, ad quam sufficerent, portione, de reddendo residuo sortuito tempore sufficientem cautionem adhibeant eis, vel eorum hereditibus, si existant, a quibus extorserint usuras: alioquin pauperibus vel piis locis juxta ordinationem Judicum sedis nostre, aut Archidiaconorum satisfactione, idonea prestita cautione, ab eisdem judicibus, aut Archidiaconis absolutionis beneficium consequantur. Nos enim solum eis absolutionem talium duximus committendam, ne per quorundam Sacerdotum simplicitatem, & per maliciam aliorum, qui contra (a) constitutionem hujusmodi proprium questum querunt, non saluam animarum vel commodum proximorum, quibus est merito restitutio fa-

cienda, contra usurarios aliquid incongruum statuatur. Quod si usurarii prescripti spe finalis penitentie & absolutionis extreme, claves Ecclesie sani contempserint, & temere sustinuerint anathema, seque in extremis absolvi petierint, juxta provisionem Fritzlarensis Concilii non statim sub proprio juramento est eis absolutio impendenda, nisi prius cuncta male extorta restituant, dummodo tantum in bonis mobilibus & immobilibus habeant, quod restitueri valeant universa, vel saltem refundant, in quantum eorum facultates se exstendunt, & de reliquo refundendo & satisfaciendo Ecclesie, sanitate recepta & copia rerum nata, dederint fidejussores idoneos, consanguineosque & affines: quod si fidejussores tales non extiterint, & in eis appareant vere signa penitentie, recepto sub forma prescripta proprio juramento, admittantur ad penitentie & Eucharistie Sacramentum. Sed in penam tam diuturni contemptus clavium Ecclesie, ad terrorem aliorum, negetur eis extrema Unctio, & Ecclesiastica sepultura, nisi forte suadente causa legitima hoc a Nobis ex gratia contigerit indulgeri. Ad que etiam duo ultima consequenda, non sufficiant, proprium juramentum, & penitentie signa premissa, cum Pater & Mater male adquisita restituere sint parati, sed forsitan filii contradicunt, & pro parentibus nolunt premissas exponere cautiones: vel cum uxor pro marito vel e converso maritus pro uxore similia facere detrectaverint. Adjicientes, quod si usurarii manifesti per mensem unum temere in excommunicatione duraverint, extunc uxoribus & filiis, ac propriis ipsorum mancipiis Divina Sacramenta & Eucharistia subtrahantur, baptismate parvulorum, & penitentia morientium exceptis, servientibus aliis, & ancillis, & conducticiis, & colonis eorum, excommunicationis gladio feriendis.

Summarius.

Nullum privilegium Usurarios, Ecclesiarum & Clericorum spoliatores & captivatores tueri, quoniam super tali eorum crimine possint conveniri.

Proterea cum delictum, privilegium emunitatis non habeat, & delinquen-

(a) restitutionem

quentem pena, non dignitas merito (d) comiteretur. Statuimus, ut quilibet sive miles, sive ministerialis noster existat, seu quocunque privilegio fori prescriptione presulerit, super usuris, cessante in hoc crimine omni privilegio, a nostris iudicibus valeat conveniri, cum privilegium meretur amittere, qui sui fori & honoris tam utiliter abutitur potestate. Nihilominus & hec contra captivatores, spoliatores Ecclesiarum & Clericorum, sive ministeriales sint, vel alias gaudeant privilegio, & contra fidei iustros datos ab usurariis, volumus observari, videlicet quod per nostros iudices valeant de talibus insolentis coartari.

DE CRIMINE FALSI.

Summarius.

Apostolicas & aliorum literas afferentes non admittantur, nisi prius per Diaconum vel Cathedralem Capitulum sint examinate, & ipsi per alterius eorum literas sint admissi. Tales autem citra predictam formam recipiens ipso jure ab Officio & Beneficio est suspensus. Quisquis vero aliter petitiones suas promoveri presumpsit, debet a pœbanis & aliis, ad quas venerit, una cum rebus suis occupari, & Diacono vel Archi-Episcopo presentari.

ex Concilio Fritzlarienti.

Ex quia plerique falsarii literis Apostolicis & aliorum Prelatorum testimoniis afferunt se munitos; hoc sanctum decrevit Concilium, ne tales, qualicunque scripta deferant, a Clericis, vel a quibuslibet aliis personis Ecclesiasticis recipiantur in Ecclesiis, vel in domo, nisi prius ipsorum litere per Episcopum Diœcesis, si ejus copia possit haberi, alioquin per Capitulum Ecclesie Cathedralis examinate fuerint diligenter, & nisi ipsius Episcopi. (e) literis testimonialibus sint muniti. Et hoc ideo, quia per Sacerdotes simplices non potest de facili literarum veritas vel falsitas indagari. Sane quecumque persona Ecclesiastica citra hanc formam tales receperit, ipso jure ab officio & beneficio per triennium sit suspensa, alia pœna nihilominus juxta Superioris arbitrium punienda. Illud quoque presentis auctoritate Concilii huic Capitulo duximus

annectendum, ut si tales sine dictis literis testimonialibus petitiones suas presumpserint promovere, Pœbani civitatis & villarum, ac alii, ad quos veniant, eos cum rebus eorum per seculare judicium, si alias detineri non possint, non dubitent occupare, Diacono, seu Archidiacono presentandos.

DE SORTILEGIIS.

Summarius.

Omnes sortilegi sunt excommunicati, & a solis Episcopis extra mortis articulum absolvendi, quod singulis Dominicis & Festis est per Pœbanos in Ecclesiis publicandum.

ex Concilio Fritzlarienti.

Excommunicamus & anathematizamus omnes sortilegos, firmiter prohibentes, ne ab alio, quam a suo Episcopo, nisi forsitan in mortis articulo, absolvantur: & hanc excommunicationis sententiam singulis diebus Dominicis & Festis per Sacerdotes in eorum Ecclesiis & Capellis precipimus publicari.

DE CLERICO EXCOMMUNICATO MINISTRANTE.

Summarius.

Clericus excommunicatus vel suspensus ingerens se Divinis ab officio deponitur, sit infamis, & ad beneficia inhabilis, nisi a Sede Apostolica secum dispensetur.

ex Concilio Fritzlarienti.

Cum scriptum sit in lege Domini, quod quicumque non obtemperasset (f) Sacerdotibus, ut extra castra positis dilapidaretur a populo, aut gladio cervice subiecta expiaretur contemptum: Et ideo primitiva Ecclesia, inobedientes ejusdem Ecclesie, rabido ore demonum trahebantur; multi nomine Sacerdotes censuram Ecclesie contemnentes, excommunicari vel suspensi a Prelatis suis, exigentibus culpis eorum, & immemores, quod Episcopis & Prelatis clavium colorum sit collata potestas, attentare sibi interdita ministeria non verentur. Contra quos volumus rigorem Ecclesiasticum exercere. Statuimus igitur, ut tales sine spe restitutionis ab officio deponantur, & infames ac detestabiles facti, de

cetero-

(d) communicetur. *Lanig.*
(f) Deuteronom. XVII, 12.

(e) vel Capitali, vel Capellani, *Lanig.*

ceterb ad Beneficia Ecclesiastica nullatenus admittantur, nisi per poenitentiam approbatam, & conversationem laudabilem Sedis Apostolice gratiam meruerint obtinere.

DE PRIVILEGIIS ET EXCESSIBUS PRIVILEGIATORUM.

Summarius.

Religiosi privilegiorum suorum fines non excedant, jura Patronatus ad Beneficia habentes, ea tenere suis usibus non usurpent, sed idoneos Sacerdotes ad ea presentent. Alioquin lapsa juris termino, Ordinarius de eis providebit. Excommunicati sunt etiam ipso facto, qui auxilium Religiosis prestant, ut de bonis, unde decimas solvere tenentur, Ecclesias in decimis defraudent, qui, si Clerici fuerint, beneficiis & dignitatibus sunt privati, locorum vero filii & nepotes in quartam usque generationem, ad dignitatem Ecclesiasticam sunt inhabiles.

xx Concilio Aschaffenburgensi.

Præterea statuimus, ne Religiosi, cuiusque religionis vel ordinis existant, privilegiati fines suorum excedant privilegiorum; cum privilegium mereatur amittere, qui concessa sibi abutitur potestate. Si qui etiam Religiosorum per donationem, vel alium legitimum titulum jura Patronatus aliquorum Beneficiorum Ecclesiasticorum acquisiverint, talia Beneficia propria temeritate suis usibus non usurpent, sed ipsis vacantibus, ad ea Sacerdotes idoneos presentent, alioquin elapsa tempore a jure statuto, Ordinarius loci, prout Ecclesie expediet, providum instituat Vicarium. Si (g) quis etiam Ecclesias Parochiales, intra quarum limites, grangias, & Monasteria haberent, terras, agros, prata, vel vineas, aut alia bona, de quibus jure decimam solvere tenentur, in decimatione defraudaverint, omnes ipsis ad hoc opem vel operam dantes, & ipsorum servitiis intendentes, decernimus ipso facto excommunicationis sententiam incurrisse. Quicumque vero ausu temerario contra predictam constitutionem venerit, cujusunque status fuerit, vel conditionis, ipso facto sit anathematis vinculo innodatus. Et si Clericus fuerit, qui talia commiserit, aut opem vel ope-

ram, consilium aut auxilium predicta, vel aliquid predictorum adhibuerit perpetrandi, omnibus sit Beneficiis Ecclesiasticis & dignitatibus privatus, & ad ulteriora percipienda sit omnino inhabilis & indignus. Laicorum etiam contra presentem nostram constitutionem in aliquo venientium filios & nepotes, usque in quartam generationem, nisi sufficienter injuriam passis satisfactum fuerit) ad omnem honorem & dignitatem Ecclesiasticam inhabiles decernimus esse, & etiam inhibemus sub anathematis pena; quam exnunc in omnes contrarium facientes ferimus, eosdem in Ecclesia Dei ulterius promoveri.

DE INJURIIS ET DAMNO DATO.

Summarius.

Canonicus publice convicia dicens Canonico, per quartam Prelato, per mediam anni partem a Capitulo & fructibus sit suspensus; manus injiciens violentas, dupliciter; vulnerans quadrupliciter dallas penas patitur, & prorsusquam restituatur, juxta Diocesani arbitrium lesa satisfaciatur. Quod si mutilaverit etiam, omni beneficium sit ipso jure privatus, que omnia circa alios etiam Clericos beneficiatus eque sunt servanda.

Ex Concilio Aschaffenburgensi.

Et quia de Canonicis & ceteris Clericis conviciatoribus & percussoribus, per Predecessorum nostrorum Concilia seu Statuta, nulla certa forma vel pena, præteream, que jure communi comprehenditur, invenitur expressa. Nos attendentes, quod plus timeri solet, quod specialiter injungitur, quam quod generaliter imperatur, approbatione totius Concilii necessario duximus statuendum, ut Canonicus, qui sue vel alterius Ecclesie Canonicum verbis probrosis affecerit manifeste, per quartam; si vero convicia manifesta dixerit in Prelatum, per mediam partem anni a tractatu & consortio sui Capituli, nec non a perceptione fructuum sue prebende penitus sit exclusus. Si quis autem Canonicorum in predictas personas, etiam citra sanguinis effusionem, manus injecerit violentas, penas predictas dupliciter patiatur, pro vulnere vero hujusmodi personis ab aliquo Canonicorum illato, si etiam

(g) Si quas. *Lunig.*

Tomus IV. Concilior. German.

am nulla membri mutilatio ex tali vulnere fuerit subsecuta, sine omni remissione per premissas penas quadrupliciter puniatur, & insuper in utroque casu juxta sui Diocesani arbitrium lēto satisfaciatur competenter, antequam restitutionis beneficium assequatur. Sed pro temeraria membri mutilatione, omni Beneficio Ecclesiastico sit ipso jure privatus. Que omnia & singula circa alios Clericos Beneficiatos, si personas Ecclesiasticas predictis modis ledant, vel ledantur ab ipsis, juxta premissam formam & ordinem sub penis eisdem precipimus observari. Salvis tamen aliis penis in sacris Canonibus contra temerarios violentarum manuum in Clericos injectores expressis. Salvis etiam aliis juribus, que vim vi repellere permittunt.

DE PENIS. (k)

Summarius.

Hoc Capitulum insequens vestigia C. Felicis (l) eo tit. Lib VI. Primo punit insequentes, percutientes, aut capientes Archi-Episcopos vel Episcopos, & ejus criminis socios. Secundo: Eorum filios & nepotes. Tertio: Ipsos insecutoribus penam addit. Quarto: Punit, a quo sint absolvendi. Quinto: Quam satisfactionem, cum absolventur, facere debeant. Sexto: Quid per absolutionem talem consequantur? Ultimo: Precipit secularibus potestatibus, ut hanc constitutionem districte observent, & observari faciant, & contravenientibus penam imponit.

EX Concilio, quo supra.

Hoc sacro approbante Concilio statimus, ut si quis in hoc sacrilegii genus irreperit, quod Archi-Episcopum fuerit hostiliter insecutus vel percusserit, aut ceperit, vel fieri jusserit, vel factum ratum habuerit, vel consilium dederit, aut favorem, aut postea receptaverit, vel defenderit eundem, sicut reus criminis lese Majestatis perpetuo sit infamis, diffidatus nihilominus & bannitus, sit intestabilis, & dentur cuncta ejus(m) edificia in ruinam. Et ut perpetue notam infamie, perpetua ruina testetur, nullo tempore reparentur, nullus ei debita reddere, nullus in judicio respondere teneatur. Quidquid etiam in bonis ip-

sius invenitur, ipsi Ecclesie, cuius est Episcopus, applicetur, ut ex illis nihil transmittat ad posteros, sed potius cum ipso quodammodo damnetur & sua. Si quis vero feuda, Officium vel Beneficium spirituale seu temporale ab aliquibus Ecclesiis obtinet, sit eis ipso jure privatus, que sic libere ad Ecclesias revertantur, quod Ecclesiarum Rectores de ipsis pro sua voluntate disponant. Quod si quis predictorum, filios habeat vel nepotes per rectam lineam descendentes Beneficiatos, quovis Beneficio, sint eis ipso jure privati. Nulli preterea talium filiorum vel nepotum per virilem sexum descendendum ab eisdem alicujus aperiatur janua dignitatis aut honoris Ecclesiastici vel mundani. Et ut magis famosa sit ejus infamia, ab omnibus actibus legitimis repellatur. Volumus etiam & statuto presenti adjicimus, ut ex insecutione predicta sicut ex insecutione manuum violenta, ipso facto excommunicationis sententiam quis incurrat, & tam insecutor quam alii supradicti tanti mali participes, quamdiu in sua contumacia perseveraverint, singulis diebus Dominicis & Festivis, pollatis campanis, & candelis accensis, per omnes illius loci Ecclesias, in quibus tantum fuerit facinus perpetratum, nec non civitatum & Diocesum vicinarum excommunicati publice denuntientur. Nec ab alio, quam Provinciali Concilio, vel a summo Pontifice possint absolutionem (preterquam in mortis articulo) obtinere. Cum autem fuerint absolvendi, primo sufficienter & idonee caveatur, quod inferende pene parebunt, & auxiliante Domino penitentiam peragent injungendam. Deinde per omnes illius loci Ecclesias principales, vicinorumque locorum diebus Dominicis & solennibus incedant nudi coram populo, femoralia tantum habentes, & virgas seu ferulas ferentes in manibus, cum quibus per easdem Ecclesias publice fustigentur: ituri postmodum ad Sedem Apostolicam, & ibidem acturi penitentiam per annum integrum, nec inde postmodum reverturi, absque dicti Archi-Episcopi vel Episcopi lesi seu sic offensi, & Ecclesie sue licentia speciali. Ceterum cum tales

(k) qui Episcopum percusserit, addit *Lunig.*

(l) Honorii tertii renovata a Bonifacio VIII. Tit. IX. Libri V. Decretalium in VI. De Penis.

(m) beneficia *impr. A. 1509.*

tales gratiam reconciliationis meruerint, beneficio absolutionis obtento, indulgeatur eis licentia, ut suum & suorum injuriam persequantur, & debitorum illorum, que contracta fuerint, de postmodum acquisitis repetitio non negetur. Preterea precipimus, ut Praefides, provinciarum Domini seu Rectores, Sculteti, & alii Domini temporales, civitatum, oppidorum, castrorum, villarum, & aliorum locorum contra presumptos predictos, praesentis statuti tenorem districte observent & faciant observari: quod si non fecerint, tam ipsi quam Officiales eorum infra mensem, (1) postmodum res ad noticiam eorum pervenerit, eo facto sententiam excommunicationis incurrant, civitates vero & universitates alie, quam (m) talia presumptes receperint, vel qui in his consilium vel auxilium dederint, vel infra mensem saltem taliter delinquentes, prout tanti facinoris enormitas exegerit, & facilitas (n) eis affuerit, non duxerint puniendos, Ecclesiastico subiaceant interdicto.

DE PENITENTIIS (o) ET REMISSIONIBUS.

Summarius.

Confessor summam in confessionibus diligentiam adhibeat, confitentis conditionem vel statum taceat, peccati qualitatem, locum, vel circumstantias non speciet. Quin imo peccatorem nullatenus prodet, alioquin & ab officio deponatur, & in Monasterium detradatur.

ex Concilio Fritzlarienti.

In confessionibus audiendis, maximam adhibeant diligentiam Sacerdotes, ita ut à penitentibus usitata peccata, & communia sigillatim: inusitata vero tantum per quasdam circumlocutiones caute perquirant, ne inexpertis detur materia, quod ante nescierant, perpetrandi. Caveat autem primum Sacerdos, ne verbo vel signo vel aliquo modo aliquatenus prodar peccatorem, sed si

prudenter consilio indigerit, illud absque omni persone expressione caute perquirat, quam (p) qui peccatum in penitentiali iudicio sibi detectum presumptis revelare, non solum a Sacerdotali officio deponendum decernimus, verum etiam ad agendum penitentiam in artum Monasterium detradendum. Verum quia quidem Confessores, etiam personam confitentis non expriment, circumlocutionibus tamen confitentium & peccati confitentium & peccati confitentis circumstantias sub quodam generalitatis involucre indirecte publicant confitentem: Adeoque Concilium proxime celebratum clarius elucidando statuimus, ut nullus Sacerdos expressa religione, conditione, seu statu, alicujus peccatum recitet confitentis, imo nea peccati qualitas, locus, seu vicinia perpetrati facinoris specificetur ullo modo, cum ex huiusmodi circumlocutionum indiciis, auditoris industria personam interdum eliciat peccatoris, & ex specificatione peccati humana fragilitas ad perpetrandum similia forsitan provocetur.

Summarius.

Prius infirmi confessio (extra tamen mortis periculum) secreta nuntiatur, & deinde salutari Eucharistia ad eum deferatur.

(q) ex eodem, quo supra.

Et quia plerumque infirmos confiteri sua peccata propter multorum (r) penitentiam erubescit, id a Sacerdotibus precipimus districte observari, ut prius familiariter & sincere audiant confessionem ipsius, si mortis periculum non existat, & postea ad eum deferant cum devotione, reverentia & habitu concordenti, Eucharistiam salutarem.

Sum-

(1) postquam. *Lunig.*

(m) quæ. *Lunig.*

(n) facultas. *Lunig.*

(o) & de pena Confessorum revelantium confessiones. *Lunig.*

(p) quoniam, loco: quam. *Lunig.*

(q) De Visitatione infirmorum & Confessione eorundem. *præmittit Lunig.*

(r) praesentiam. rectius *Lunig.*

Summarius.

Penitentes ad reconciliationem non admittantur, nisi de peccatis & vera penitentia Sacerdotis sui literas exhibeant, in quibusdam etiam vestis & tonsura solemniter penitentis requiratur.

(1) ex Concilio, quo supra.

Quia reconciliationis ministerium vilipenditur a plerisque, eo quod ad reconciliationem passim quilibet admittatur. (1) Districte precipimus, ne quisquam ad reconciliationis beneficium de cetero admittatur, (u) nisi literas Plebani sui vel Sacerdotis exhibeat, continentes (x) veram penitentiam injunctam sibi, vel saltem partem ejus peregerit, & utrum penitens videatur. Nec ad reconciliationem recipiantur aliqui, nisi vestem & tonsuram habeant solemniter penitentis, ut ex his, utrum vere & perfecte peniteant, vel non, cognoscantur.

Summarius.

Confessor aliorum peccata expresso nomine non inquirat, Missas pro penitentia non injungat, ut ipse legat, neque efficiat, ut pro vivis tricenarium fiat.

Ex eodem, quo supra.

Prohibemus etiam, ne quis Sacerdos ab uno sibi confiteute de aliorum peccatis, nominibus expressis inquirat, & ne Missas, quas penitentibus procurandas injuxerit, ipsemet celebrare presumat, & ne pro vivis fiat aliquod tricenarium vel annuale.

(y) Summarius.

Religiosi neque Beginis aut Beghardis, neque secularibus aliis Eucharistiam, aut alia Sacramenta porrigant, a Processionibus solemnibus predicando, aut quibuscunque alleluia populum non abstrahant, sed ut eis intersit, & matricem Ecclesiam in Festivitatibus frequentet, populum sepe admoveant.

ex Concilio Moguntino.

Quamvis Ecclesia toleret, quod cum conniventia proprii Sacerdotis subditi plebanorum pro maturiori consilio

adipiscendo religiosis quibusdam confiteantur interdum: Nolumus tamen, imo sacri Concilii auctoritate sub pena excommunicationis jam late sententie veramus omnibus religiosis, ne subditos plebanorum, maxime autem Beginas & Beghardos, aut inclusas ac alias personas hujusmodi communicent Corpore Domini, aut alia porrigant Ecclesiastica Sacramenta parvulis vel adultis. Hoc etiam sub eadem pena omnibus religiosis firmiter inhibentes, ut, cum stationes, & processiones solennes, quas observat Ecclesia generalis, ex institutione Ecclesie, & magne auctoritatis, & multe opitulationis existant, utpote in quibus Dominus honoratur votis communibus, & placatur, ne populum abstrahant ab eisdem, predicationes tunc temporis instaurando, imo in predicationibus suis sedulo proponant eisdem, quod talibus tenentur interesse, & quod peccant se ab hujusmodi abstrahendo. Eidem etiam populo frequentius exponant, quod ad Matricem Ecclesiam in precipuis Festivitatibus tenentur accedere & illam sui presentia honorare, a qua Sacramentorum gratia in eos quasi ex fontali gurgite influit, & descendit. Ipsique tunc abstineant ab omnibus alleluia, quibus abstrahi posset populus, quo minus ad solennitatem veniat sue matris.

Summarius.

In Dedications Ecclesie, etiam si a pluribus Episcopis dedicetur, non dentur indulgentie ultra annum, in anniversario autem diei quadraginta, carcerum vero relaxatio & penitentium introductio soli dei Cene Domini reserventur.

(z) ex eodem quo supra Concilio.

Preterea, cum indulgentiarum nimietas claves Ecclesie (a) exceptibiles reddat, penitentialem satisfactionem enervet, & Pontificalem auctoritatem annihilat, generali Concilio inherendo statui-
mus, quod nullus in dedicatione cujuslibet Basilice det indulgentiam ultra annum, seu ab uno Episcopo seu a pluribus dedicetur, & in anniversario XL. dies, in dedicationibus autem talium, ac ordinum

(1) De reconciliationibus penitentium, titulum præmittit Luvig.

Inter duo (1) & (u) posita, omisit Luvig.

(y) De Confessionibus audiendis. Luvig. præmittit.

(z) De indulgentiis in Dedicationsibus. Titulus apud Luvig.

(a) contemptibiles reddat. Luvig.

(x) utrum veram. Luvig.

num temporibus relaxari carenas, ac penitentes introduci omnino vetamus. Sed hoc fiet tantummodo in Festo Cene Domini ad hoc ordinato.

Summarius.

Plebs inducatur, ut in Quadragesime initio confiteatur, & in Paschate communicetur.

Ex Concilio Friezlarienti.

Sacerdotes frequenter moneant plebem suam, ut initio Quadragesime ad confessionem veniant, & saltem in Resurrectione Christi accipiant corpus Dominicum, si velint inter Catholicos reputari.

Summarius.

Episcopi duas penitentiarios, unum penes se, alium in Ecclesia Cathedrali habent, ad quos in casibus Episcopis reservatis recurratur, & ipsi Episcoporum auctoritate dispensent, quod Archidiaconi, Archipresbyteri, & Plebani suis Presbyteris subditis intimare & injungere debent.

Ex Concilio Friezlarienti.

Quia frequenter in penitentis injungendis quidam casus emergunt, qui propter Sacerdotum ignorantiam expediri non possunt, & qui etiam dispensationem Episcopalem requirant, omnino salubriter duximus statuendum, quod quilibet Episcopus, eo quod propter occupationes multiplices, ejus copia quamquam (b) haberi non possit, unum penitentiarum juxta se habeat honestum providum & discretum, & nihilominus alium instituat in Ecclesia sua Cathedrali, ut saltem ad ipsorum alterum sit recursus in hujusmodi casibus, in quibus Episcopi dispensandi obtinent facultatem, ipsorum auctoritate dispensent, Archidiaconi quoque, Archipresbyteri, & Plebani suis subditis (c) Presbyteris in penitentiali judicio discreti injungant, ut in casibus memoratis sive occulti sive manifesti existant, recursum habeant ad Penitentiarios supra dictos, opportunum ab eis consilium requirentes.

(b) quandoque. *Lonig.*

(d) videlicet

(c) Plebanis

Summarius.

In peccatis, quibus restitutio annexa est, ipsa ante omnia injungatur, si fieri possit.

ex eodem quo supra.

In furto, rapina, usura, fraude, ante omnia injungant penitentibus, ut si possint ablata restituant, alias nulla valebit eis satisfactio ad salutem, cum non dimittatur peccatum, nisi restituatur ablatum.

Summarius.

Tres casus Apostolico reservati.

Cum autem tria sint peccata, que in satisfactionibus injungendis sunt Domino Apostolico reservanda, sed (d) in Clericos vel quoscumque Religiosos injectio manuum violenta, Ecclesiarum vel Religiosorum locorum incendia, & simonia in ordine perpetrata. In aliis vero peccatis minoribus secundum quantitatem culpe & pluralitatem, continentis possibilitatem, satisfactionem temperent Sacerdotes.

Summarius.

Casus Episcopis reservati.

Statuimus, quod Sacerdotes in satisfactionibus injungendis in religione sedent, majora majoribus reservent, utpote homicidia, sacrilegia, incendia, peccata contra naturam, concubitus personarum conventualium in sacris Ordinibus constitutarum, incestus (e) vitus cum consanguinea vel affini, vel cum ea, quæ votum castitatis emisit publice, injectiones manuum in parentes, oppressiones parvulorum, negligentia parentum in igne vel in aqua natos amittentium, veneficia, perjuria, solennia, fidei fractores, votorum transgressores, simoniam, adulteria, hereses, apostasias, maleficia eorum, qui maleficiunt conjuges, ne possint coire, vel qui procurant sterilitatem mulierum vel abortum, falsarios, qui sigilla literæ, vel monetarum falsificant, in hujusmodi peccatis vel similibus detentos mittant Sacerdotes ad Episcopos absolvendos, nec absolvant præterquam in mortis articulo absque loci Episcopi licentia speciali. Declaran-

E c 3

tes,

(e) scilicet in Clericos

tes, quod illi, quibus hoc duxerimus committendum, potestatem illud aliis personis non habeant committendi. In dubio autem consulat Episcopum vel ejus vices gerentem, vel alios sapientes, quorum consilio penitentem absolvant, vel transmittant ad alium absolvendum.

DE SENTENTIA EXCOMMUNICATIONIS.

Summarius.

Excommunicationem & ejus absolutionem tempore sanitatis porri facientes non nisi prestituto juramento, & data cautione idonea de satisfactione, quantum est possibile, in extremis ad reconciliationem non admittantur.

Ex Concilio Frizlarienti.

Quia Clerici & quidam laici vinculo excommunicationis allecti, fiducia finalis penitentie, & absolutionis extreme, claves Ecclesie contemnunt tempore sanitatis, hujus sacri Concilii auctoritate statuimus, ut tales in extremis ad reconciliationis beneficium nullatenus admittantur dumtaxat sub proprio juramento, nisi idoneam cautionem prestant, quod si moriantur, sive convalescant per se vel per suos, in quantum est ipsis possibile, satisfaciant de commissis.

Summarius.

Ad excommunicatorum vitatium, ad interdicti observantiam non oportet, ut singulis intimatio fiat, sed sufficit in loco aliquo sollemnitate publicationem fieri.

Ex eodem Concilio, quo supra.

Plerique Clerici ac etiam alii, cum excommunicatis publice communicasse contra (f) scientiam arguuntur, eo se pretextu maliciose excusant, quod excommunicatio talium eis specialiter non fuerit nuntiata, unde necessario *Sacri approbatione Concilii* statuimus decernendo, ut postquam excommunicationis vel interdicti sententie publice proferantur, & in Cathedrali Ecclesia, Synodo, vel Capitulo, vel alias in locis debitis sollemniter promulgantur, non sit necessarium eas diversorum auribus inculcari, imo post

publicationem hujusmodi, singuli ad vitandum taliter excommunicatos, etiam si specialiter eis denuntiati non fuerint, dummodo qualitercunque eis excommunicatio innotuerit, teneantur. Cum talis ignorantia crassa sit, penitus & supina.

(g) Summarius.

Excommunicatio in neminem feratur, nisi admonitione, qua per idoneas personas probari possit, premissa.

ex eodem Concilio.

Quante presumptionis & temeritatis exultat, quod, qui servare debent Canonicas Sanctiones, in quibus apertius continetur (quod nullus aliquem sine rationabili causa excommunicare presumat) eas frangere non formidant, pluresque non animo justicie, sed livore odii vel favore adversariorum, excommunicationis vinculo innodantes, nullus peritus ignorat. Quare firmiter prohibemus, ne quis excommunicationis sententiam in aliquem (nisi competenti admonitione premissa, & presentibus personis idoneis, per quas, si necesse fuerit, posset probari admonitio) promulgare presumat. Et si Praelatus contra hoc fecerit, & admonitus errorem suum non revocaverit, per mensem ab ingressu Ecclesie sit exclusus.

(b) Summarius.

Excommunicatum ab excommunicante Episcopo vicinis Episcopis denuntiatur, debent ipsi etiam vicini Episcopi vitare. Alioquin Ecclesie Cathedralis Canonici eisdem Episcopos excommunicato communicantes, aut non vitantes, vitare tenentur.

ex Concilio Frizlarienti.

Si Episcopus aliquem excommunicaverit certa de causa, denuntiet vicinis Episcopis per suas patentes literas, ut excommunicatum faciant denuntiari & vitari. Et tunc sine difficultate aliqua, vicini Episcopi excommunicatum faciant publice denuntiari, & in Diocesibus suis artius vitari. Si vero Episcopi in hoc fuerint negligentes, vel excommunicatis communicaverint, tamdiu Cathedralium Ecclesiarum Canonici sibi non

(f) conscientiam

(g) De injusta excommunicatione. Titulus promissus apud Lunig.

(b) De excommunicatione. Longio titulus.

non communicent, quamdiu huic salubri statuto presumpserint obviare.

(i) *Summarius.*

Quisquis intra cimiterium, loci interdicti defunctum sepelierit, vel opem ad hoc prestiterit, est ipso facto excommunicatus, & a solo Episcopo, vel ejus Vicario absolvendus, exhumato tamen prius corpore sepulti, & injuriam passis satisfacto. Et quod super predictis duobus expeditis, Ordinariorum vel Officialium suorum literas ostendat.

Ex Concilio Aschaffenburgensi.

Item in quibusdam locis (ut accepimus) in tantum excrevit temeritas, & presumptio laicorum, quod si quando auctoritate ordinaria seu delegata in terram, villam, castra interdictum generale ponatur, iidem laici officium Sacerdotum, imo quod tunc temporis ipsis Sacerdotibus est prohibitum, usurpare conantes, ut Ecclesiasticam per hoc censuram magis elidant, apud loca taliter interdicta sepelire presumunt in cimiterio corpora mortuorum. Licet autem jam pridem contra presumptiones hujusmodi inter alia sit provisum, ut non prius resumantur Divina, quam tumulata sic corpora fuerint exhumata, quia tamen per illos, contra quos interdictum ponitur, antequam satisfaciant, frequenter in pactum deducitur, ut exhumationis pena ab ordinario seu delegato ante omnia simpliciter dimittatur. Ne forte hujusmodi delinquentium temeritas hac occasione impunita remaneat, & per hoc ceteris detur audacia similia presumendi, *Sacri approbatione Concilii* statuimus, & mandamus, ut quicumque amodo intra cimiterium loci interdicti aliquid corpus seu corpora defunctorum sepelire presumpserint, qui talia presumptibus opem vel operam quocunque modo exhibuerint, excommunicationis sententiam incurrant ipso facto, a qua non nisi per solum Metropolitanum vel Diocesenum, aut cui super hoc vires suas specialiter commiserint, absolvantur. Metropolitanus vero, vel Diocesanus, vel eorum in hac parte Vicarius, ne (k) quisquam ad impendendum talibus beneficium absolutionis,

procedant, nisi prius sepultis taliter corporibus exhumatis, Ecclesie & personis, quibus ex hoc injuria dinoscitur irrogata, satisfactum fuerit competenter, & (l) super facta exhumatione (m) prestita, ordinarii, aut si copia ipsius haberi non valeat, officium (n) suorum literas absolvendi ipsi pro testimonio exhibeant & ostendant

Ex Concilio Moguntino D. Petri.

Juxta sanctorum Patrum statuta excommunicatis nec vivis nec defunctis communicare licet, & statim cum in suis Ecclesiis Parochialibus, vel in aliis, prout jura permittunt, denunciata fuerint nominatim, mox ab omnibus tam exemptis quam non exemptis debent vitari, nec ex tunc aliquis, qui hoc scire tenetur, credat se per ignorantiam excusari, cum talis denuntiatio publica neque possit, neque debeat singulorum auribus inculcari.

DE VERBORUM SIGNIFICATIONIBUS.

Intelligentia verborum ex causis dicendi assumenda est, verba intentioni deserviunt, ea enim, que in voce earum, que in anima passionum, sunt notæ, in omni sermone ad communem verbi intelligentiam recurendum est.

DE REGULIS JURIS.

Sanctorum Patrum regulis & statutis quivis Christianus regatur in vita, verbis & factis, ut sciat & faciat, quod acceptum est omnipotenti Deo, qui vivit & regnat per omnia secula seculorum. Amen.

FINIS CONCILII PROVINCIALIS
MOGUNTINI ANNI M.CCC.X.

Impressum 1mo. in Folio sine anno & die in Bibliotheca Colonienſi S. J. majori.

Impressum 2do. Moguntiae A. 1509.

Impressum 3tio. Hagenoæ A. 1512, in 4to expensis Conradi Hyst, typo Henrici Gran.

Impressum 4to. in 4to, post Concilia Egstetensia solus Index.

Idem Concilium Moguntinum Anni M.CCC.X, recusum fuit 5to. à Clariss. Lunigio Continuatione secunda Spicilegii

(i) De his, qui corpora mortuorum sepeliunt tempore interdicti. Titulus apud Lunig.

(k) nequaquam, Lunig.

(m) & satisfactione prestita

(l) nisi, Lunig.

(n) Officialium

gii Ecclesiastici. I. Theil impresst bey den kaiserlichen Erben A. MDCCXXI. pag. 38. ad 67. sed in fine post: Per omnia secula seculorum. Amen. §. ultimo: De regulis parit, subiungit sequentia Lunigius: Unde, Deus scit.

" Felicis recordationis Domini
" WERNHERI, Predecessoris nostri,
" vestigiis inherentes quedam ex sta-
" tutis ipsius, perquam bone in hoc
" sacro Concilio duximus innovanda, cum
" moderatione infra scripta, de Fra-
" trum nostrorum consilio statuentes,
" ut Archi-Diaconi, & Officiales eorum
" Civitatum, Diocesis, & Provincie Mo-
" guntine super causis decidendis per
" ipsos certos finibus, quos prefatus Do-
" minus WERNHERUS Archi-Dia-
" nis Ecclesiarum Moguntinarum, &

" eorum Officialibus posuisse dignoscitur,
" scilicet: ut de causis super matrimo-
" niis, Ecclesie investituris, & usuris
" usque ad summam viginti solidorum
" Moguntin. duntaxat contra delinquentes
" statuere sint contenti: causis aliis
" Diocesānorum Vicarii examini, & eo-
" rum Officialium reservatis.

" Quod si contrarium facere pre-
" sumperint, iudicata per eos aliis, quam
" in dictis casibus, sint irrita ipso jure, &
" nihilominus per Ordinarios ipsorum
" a suis officiis suspendantur.

*Hoc sacrum Concilium Domini Archi-Epi-
scopi PETRI Moguntin. habitum est
Moguntie anno Domini Millesimo tre-
centesimo decimo, feria II. III. & IV.
post Dominicam, quæ cantatur: Jubi-
late Deo.*

Nos edidimus hoc Concilium ex typo Hagenoensi anni 1112, sed contulimus cum dupli-
plici Impresso, nempe Primo sine anno & loco in folio impresso. 2do. Cum edi-
tione Lunigii.

Manuscriptum extat hoc Concilium in Bibliotheca Basileensi, referente Theodoro Spi-
tzelio. 2do. extat MS. Chartaceum in Augusta Guelpherbyrana. 3tium MS. mem-
branceum in Bibliotheca Academiæ Julæ, quæ Helmshtadii est.

Ex qua Schmidius dedit indicem Capitulorum CLXVI. in quæ hoc Concilium distribu-
tum est in Historia Conciliorum Moguntinensium. Cum ceteri indices Capitula
referant sine Numeris & Summariis Capitula, quæ solus impressus Liber Hagenæ
habet.

Ante Titulum: DE VITA ET HONESTATE CLERICORUM. pag. 185. hujus Tomi
omissa fuit hæc Divisio: LIBER III.

IN HOC CONCILIO MOGUNTINO ANNI MCCCX.

Templariorum appellatio acceptatur.

*Quid in causa Templariorum in hoc Concilio Moguntinensi anno 1310, gestum fuerit,
ita narrat Severius.*

Romani Pontificis jussu tractata est
Templariorum causa. Comparuit autem in Synodo, quemadmodum
refert MS. L. (Latomianum) HUGO
Comes Sylvestris & Rheni, qui morabatur in Grunbach prope Meyenheim
cum XX. fratribus, sub habitu ordinis
probe armatis. Hi omnes, non quidem
vocati, sed ultro & subito in consessum
Patrum irrumpunt, omnibus attonitis.
Archiepiscopus viros considerans, ac
violentiam timens, placide jubet,
Commendator ut sedeat, & si quid
habeat in medium afferendum, ut
deponat. Qui clara & libera voce exoritur,
se suosque confratres inquit intellexisse,
hanc Synodum, sui ordinis de-

lendi gratia, potissimum congregatam ex
commissione Romani Pontificis: Enormia
enim quedam scelera, & plusquam
ethnica flagitia illis objici, quæ in privato
designarent: quod ipsis sane esset gravissimum
& intolerabile: maxime, quod non ordinarie
auditi, nec convicti condemnarentur. Quare
coram ista Patrum congregatione se appellare &
provocare ad futurum Pontificem, ipsique
universum Clerum: publice quoque protestari,
eos, qui propter talia flagitia alibi igni traditi
essent, & combusti, constanter pernegasse,
se quidquam eorum designasse; atque in ea
confessione tormenta & mortem perpeffos.
Imo Dei Opt. Max. singulari iudicio & miraculo

culo eorum innocentiam comprobata, quod albæ chlamydes, ac rubricatæ Cruces, igni non potuerunt absumi. Archiepiscopus his auditis, ne tumultus suboriretur, protestationem eorum admisit, seque cum Romano Pontifice acturum respondit, ut quieti esse possint: atque ita ad propria sunt dimissi. Postea vero PETRUS aliam commissionem obtinuit, juxta quam procedens, prædictos censuit absolvendos. Actum anno 1311. Cal. Julii, 'ut Naucerus ex quodam Jacobo Moguntino tradit. *Hec Serarius Moguntiacar. Rer. L. V. in Petro Archiepisc. XXXIX. Quod ultimo loco hic subjungitur: Actum anno 1311. Intelligendum*

videtur de anno, quo prædicti Templarii Fratres absoluti a PETRO Archiepisc. fuerunt, non de tempore, quo in Concilio Moguntinensi comparuerunt.

Serarius Lib. V. Moguntiacarum rerum Cap. 39. pag. 850. ex MS. codice.

Templarii in Burgundia, Alsatia, Suevia, Francia orientali, Bavaria, Thuringia, Saxonia constituti fuere mandato Apostolico capti & examinati per tormenta, quorum plures fuere combusti, atque extra Patriam proscripti, vel Cænobia aliorum Religiosorum ingressi.

Tribemius in Chronico Hirsingensi ad annum MCCCXVII ult. editionis.

Encyclica CLEMENTIS V. PP. ad omnes

Episcopos Germaniæ & Principes Europæ Invitatoria ad Concilium Generale Viennense A. 1311. inchoandum.

Carissimo in Christo Filio HENRICO, Regi Romanorum illustri.

Eodem stilo Archi-Episcopo Moguntino, & Episc. Mandamus, quatenus vos Archi-Episcopo, ac Pragensis, Moraviensis, Constantiensis, & Argentinenf. Episcopi.

In eodem modo Archi-Episcopo Bisuntino, & Episcopis. Mandamus, quatenus vos Fratres, Archi-Episcopo, ac Basiliensf. Episcopo.

In eodem modo Archi-Episcopo Salsburgensf. & Episcopis. Mandamus, quatenus vos Fratres, Archi-Episcopo, & Pataviensf, Ratisponensf. & Baubergensf. Episc.

In eodem modo Archi-Episcopo Bremensf. & Episcopis. Mandamus, quatenus vos Fratres, Archi-Episcopo, & Lubicensf. & Bardvicensf. Episcop.

In eodem modo Archi-Episcopo Magdeburgensf. & Episcopis. Mandamus, quatenus vos Fratres, Archi-Episcopo, & Brandenburg. Episcop.

In eodem modo Archi-Episcopo Colonienf. & Episcopis. Mandamus, quatenus vos Fratres, Archi-Episcopo, & Leodiensf. Trajectensf. Episcop.

In

Concilium Viennæ indictum a Clemente V. anno 1308, fuit Encyclica Pictavis scripta ad omnes Episcopos & Principes Europæ, inchoandum post biennium Viennæ Allobrogum anno 1311. Kalendis Octobris: duravit circiter VII. menses: tres fuere Sessiones. Finis triplex: I. Subsidium terræ sanctæ recuperandæ, & disciplinæ Ecclesiasticæ instauratio. II. Abolitio Ordinis militum Templariorum saltem provisionalis. III. Variarum opinionum damnatio Petri Joannis Olivi.

Damnatio Fraticellorum, Dulcinistarum, Beghardorum & Beghinarum in Alemannia vagantium.

Tomus IV. Concil. German.

F f

In eodem modo Archi-Episcopo Treverensi, & Episcopis. Mandamus, quatenus vos Fratres, Archi-Episcopo, & Metensis Episc.

In eodem modo Archi-Episcopo Rigenfi, & Episcopis. Mandamus, quatenus vos Fratres, Archi-Episcopo.

Carissimo in Christo Filio PHILIPPO, Regi Francorum illustri.

Regnans in Cœlis triumphans Ecclesia, cujus Pastor est Pater æternus, cui Sanctorum ministrant agmina, & laudis gloriam Angelorum Chori decantant, in terris ad sui similitudinem & repræsentationem constituit Ecclesiam militantem, Unigenito Filio DEI vivo Domino JESU CHRISTO ineffabili commercio copulatam, in quo idem Unigenitus Dei Filius a Patre progrediens per illustrationem Paracleti procedentis pariter ab utroque, statuit fidei fundamentum. Sane Romana Ecclesia, Mater alma Fidelium, Caput est, disponente Domino, Ecclesiarum aliarum omnium, & Magistra, a qua velut a primitivo fonte ad lingulas alias ejusdem fidei rivuli derivantur, ad cujus regimen voluit Christi clementia Romanum Pontificem vice sui deputare Ministrum, ut instructionem & doctrinam ipsius eloquio veritatis Evangelicæ traditam, cuncti renati fonte Baptismatis teneant & conservent: ut, qui sub hac doctrina cursum vitæ recte peregerint, salvi fiant, qui vero ab ea devierint, condemnentur. Ipsa nempe Romana MATER Ecclesia juxta exigentiam possibilitatis ipsius, ad cunctas Orbis Provincias, in quibus Divini nominis cultus viget, Fideique Catholicæ observantia rutilat, (a) sedulæ considerationis extendens, ac subjiciens ab olim suæ considerationis examini:

Diuturnæ calamitatis angustias, illius specialis hereditatis Dominicæ, videlicet Terræ sanctæ ab infidelibus miserabiliter conculcatæ, in qua idem Patris æterni Filius nostræ carnis indumento contextus, salutem humani generis pietate ineffabili extitit operatus, quamque sua ipse voluit corporali insignire præsentia, & proprii asperione sanguinis voluit consecrare, multa sollicitudine studuit. Eidem terræ

retro actis temporibus, quibus potuit remediis, ut eriperet ab ipsis impiis subvenire. Et quia inter cæteros, quos professio Christianæ religionis includit Milites & Fratres Domus militiæ Templi Hierosolymitani, sicut est toti orbi notorium, tanquam speciales ejusdem militiæ pugiles & jam dictæ terræ præcipui defensionis ipsius terræ negotium principaliter gerere videbantur, ipsos & eorum Ordinem specialis favoris plenitudine prosequens, eos adversus Christi hostes crudis armavit signaculo, multis exaltavit honoribus, ditavit facultatibus, ac diversis libertatibus & privilegiis communivit.

Id nimirum, cum crederentur in Domini servitio, sub regulari habitu fideliter militare, sibi quasi cunctorum manus fidelium cum multiplici erogatione bonorum sentiebant multifarie, multisque modis propterea adjutrices.

Sed pro dolor nova & calamitosa vox de malignitatis fratrum ipsorum enormitate progrediens nostrum replevit, imo verius perturbavit auditum. Hæc enim vox nuntia lamentationis & gemitus audientibus horrorem ingerit, commovet animos, mentes turbat, & cunctis fidei Christianæ cultoribus novæ & ineffabilis amaritudinis calicem subministrat, & dum facti seriem ejus necessitate poscente depromimus, noster attenuatur præ angustia spiritus, & valetudinis fatigata confractibus membra singula præ nimio dolore tabescunt.

Dudum siquidem circa nostræ promotionis ad apicem Summi Pontificatus initium (b) etiam, antequam Lugdunum, (c) ubi recepimus nostræ coronationis Insignia veniremus, & post tam ibi, quam alibi secreta quorundam nobis insinuatione intimavit, quod Magister, Præceptores, & alii fratres dictæ militiæ templi, & etiam ipse

Ordo,

(a) intuitum

(b) Bernardus de Agutis, alias de Goto, Archi-Episcopus Burdegalenfis Perusie eligitur Nonis Junii A. 1305. Nomen assumpsit Clementis V.

(c) A. 1305. XVIII. Kal. Decembris Lugduni in æde S. Augusti, accitis ex Italia Cardinalibus transiit se Avenionem, ubi Sedes Pontificum hæc circiter septuaginta annos,

Ordo, qui ad defensionem Patrimonii ipsius Domini nostri JESU CHRISTI fuerant in Transmanis deputati, contra ipsum Dominum in scelus Apostasie nefandum, detestabile idololatriæ vitium, execrabile facinus Sodomorum, & hæreses varias erant lapsa. Sed quia non erat verosimile nec credibile videbatur, quod viri tam religiosi, qui præcipue pro Christi nomine suum sæpe sanguinem effundere, ac personas suas mortis periculo frequenter exponere credebantur, quique multa & magna tam in Divinis officiis, quam in jejuniis, & aliis observantiis devotionis signa frequentius prætendebant, suæ sic essent salutis immemores, quod talia perpetrarent, hujusmodi insinuationi ac delationi ipsorum ejusdem Domini nostri exemplis in Canonice Scripturæ doctrinis edocti, aurem nolimus inclinare.

Deinde vero Tu, (d) cui eadem fuerant facinorosa nuntiata non *typo avaritia*, cum de bonis Templariorum nihil tibi vindicare, vel appropriare intendas, imo a nobis & Ecclesiæ per deputandos super hoc a nobis administranda, gubernanda, conservanda, & custodienda liberaliter, & devote in regno tuo dimisisti, manum tuam exinde totaliter amovendo, sed fidei orthodoxæ fervore tuorum Progenitorum vestigia clara sequens accensus, de præmissis quantum licite potuisti, te informans, ad instruendum, & informandum nos super his multis, & magnas nobis informationes per tuos nuntios, & literas destinasti. Infamia vero contra Templarios ipsos increbescente validius, super sceleribus antedictis: & quia etiam quidam miles ejusdem Ordinis magnæ nobilitatis, & qui non levis opinio- nis in dicto Ordine habebatur, coram nobis secreto juratus deposuit, quod in receptione Fratrum præfati Ordinis hæc consuetudo, vel verus corruptela servatur, quod ad recipientis vel ab eo deputati suggestionem, qui recipitur, Christum Jesum negat, & super crucem sibi ostensam spuit in virupenum Crucifixi; & quædam alia faciunt recipiens, & receptus, quæ non sunt licita, nec humane conveniunt honestati, prout ipse tunc

confessus extitit coram nobis, urgente nos ad id officii nostri debito, vitare nequivimus, quin tot, & tantis clamoribus accommodaremus auditum: sed cum demum fama publica deferente, ac clamorosa insinuatione, Tui, nec non & Ducum, Comitum, & Baronum, ac aliorum Nobilium, Clerici quoque, ac populi dicti Regni tui, ad nostram propter hoc tam per se, quam per Procuratores, & Syndicos præsentiam venientium (quod dolenter referimus) ad nostram audientiam pervenisset, quod Magister, Præceptores, & alii Fratres dicti Ordinis, & ipse Ordo præfatis, & pluribus aliis erant criminibus irretiti; & præmissa per multas confessiones, attestaciones, & depositiones præfati Magistri, & plurium Præceptorum, & Fratrum Ordinis præfati coram multis præfatis, & hæreticæ pravitate Inquisitore in Regno Franciæ factas, habitas, & receptas, & in publicam Scripturam redactas, Nobisque & Fratribus nostris ostensas, probari quodam modo viderentur, ac nihilominus fama & clamores prædicti in tantum invaluisse, & etiam ascendissent, tam contra ipsum Ordinem, quam contra personas singulares ejusdem, quod sine gravi scandalo præteriri non poterat, nec absque eminenti periculo tolerari: Nos illius, cujus vices licet immeriti in terris gerimus, vestigiis inhzrentes, *ad inquirendum de prædictis* ratione prævia duximus procedendum, multosque de Præceptoribus, Presbyteris, Miltibus, & aliis Fratribus dicti Ordinis reputationis non modicæ, in nostra præsentia constitutos, præfatis ab eis juramento, quod super præmissis meram & plenam nobis dicerent veritatem, super prædictis interrogavimus & examinavimus usque ad numerum *septuaginta duorum*, multis ex fratribus nostris nobis assistentibus diligenter, eorumque confessiones per publicas manus in authenticam scripturam redactas, illico in nostra, & dictorum fratrum nostrorum præsentia, ac deinde interposito aliquorum dierum spatio in consistorio legi fecimus coram ipsis, & illas in suo vulgari cuilibet eorum exponi. Qui perseverantes in illis, eam

ex-

- (d) Philippus pulcher Rex Franciæ, quem ostendit Papa perperam accusari, quasi ex avaritia Ordinem Templariorum extinguere procurasset. Hoc comma inferum ad solum Regem Francorum spectat: reliqua Epistola ad omnes Principes & Episcopos scripta sunt.

Tomus IV. Concilior. German.

F f 3

expresse & sponte, prout recitatz fuerant, approbarunt. Postquam cum Magistro, & præcipuis Præceptoribus præfati Ordinis intendentes, super præmissis inquirere per Nos ipsos ipsum Magistrum, & Franciæ, Terræ ultramarinæ, Normandiæ, Aquitanie, ac Pictaviæ Præceptores majores, Nobis tunc Pictavis existentibus mandavimus presentari. Sed quoniam quidam ex eis sic infirmabantur tunc temporis, quod equitare non poterant, nec ad nostram præsentiam quoquo modo adduci, nos cum eis scire volentes de præmissis omnibus veritatem, & an vera essent, quæ continebantur in eorum confessionibus & depositionibus, quas coram Inquisitore pravitatis hæreticæ in Regno tuo præfato, & præsentibus quibusdam Notariis publicis, & multis aliis bonis viris dicebantur fecisse, Nobis & Fratribus nostris per ipsum Inquisitorem sub manibus publicis exhibitis, & ostensis dilectis filiis nostris *Berengario tituli Sanctorum Nerei, & Achillei, & Stephano tituli Sancti Cyriaci in thermis*, Presbyteris, ac *Laudolpho Sancti Angeli Diacono, CARDINALIBUS*, de quorum præsentia, experientia, & fidelitate indubitam fiduciam obtinemus, commisimus, & mandavimus, ut ipsi cum præfatis Magistro, & Præceptoribus inquirerent, tam contra ipsos & alias singulares personas dicti Ordinis generaliter, quam contra ipsum Ordinem super præmissis cum diligentia veritatem, & quidquid super his invenirent, Nobis referre, ac eorum confessiones & depositiones per manum publicam in scriptis redactas nostro Apostolatu deferre, ac presentare curarent, eisdem Magistro, & Præceptoribus absolutionis beneficium a sententia excommunicationis, quam pro præmissis, si vera essent, incurrerant, si absolutionem humiliter, ac devote peterent, ut deberent, juxta formam Ecclesiæ impensuri. Qui Cardinales ad ipsos Magistrum & Præceptores personaliter accedentes, eis sui adventus causam exposuerunt, & quoniam tam persone quam res ipsorum, & aliorum Templariorum in dicto regno tuo consentium in manibus nostris erant, quod libere absque metu cujusquam plene, ac pure super præmissis omnibus ipsis Cardinalibus dicerent veritatem, eis auctoritate Apostolica injunxerunt. Qui Magister & Præceptores

Franciæ, *terre ultramarine, Normandiæ, Aquitanie, ac Pictaviæ* coram ipsis tribus Cardinalibus præsentibus, quatuor tabellionibus publicis & multis aliis bonis viris ad sancta Dei Evangelia ab eis corporaliter tacta, præstato juramento, quod super præmissis omnibus meram & plenam veritatem, coram ipsis singulariter libere ac sponte absque coactione qualibet, & timore deposuerunt, & confessi fuerunt inter cetera Christi abnegationem & spuitionem super Crucem, cum in Ordine Templi recepti fuerunt, & quidam ex eis se sub eadem forma scilicet cum abnegatione Christi, & spuitione super Crucem fratres multos recepisse: sunt etiam quidam ex eis quedam alia horribilia, & inhonesta confessi, quæ ut eorum ad præfens parcamus verecundiæ, subicemus. Dixerunt præterea, & confessi fuerunt, esse vera, quæ in eorum confessionibus & depositionibus continentur, quas dudum fecerant coram Inquisitore hæreticæ pravitatis, quæ confessiones & depositiones dictorum Magistri & Præceptorum in scripturam publicam per quatuor tabelliones redactæ: publicos, in ipsorum Magistri & Præceptorum, & quorundam aliorum bonorum virorum præsentia, ac deinde interposito aliquorum dierum spatio coram ipsis, eisdem lectæ fuerunt de mandato & in præsentia Cardinalium prædictorum, & in suo vulgari expositæ cuilibet eorundem. Qui perseverantes in illis, eas expresse & sponte, prout recitatz fuerant, approbarunt, & post confessiones & depositiones ab ipsis Cardinalibus ab excommunicatione, quam pro præmissis incurrerant, absolutionem flexis genibus, manibus completis humiliter & devote ac cum lachrymarum effusione non modica petierunt: ipsi vero Cardinales, quia Ecclesia non claudit gremium redeunti, ab eisdem Magistro & Præceptoribus hæresi abjurata, expresse ipsi secundum formam Ecclesiæ auctoritate nostra, absolutionis beneficium impenderunt, ac deinde ad nostram præsentiam redeunt, confessiones, & depositiones præbatorum Magistri, & Præceptorum in scripturam publicam per manus publicas, ut est dictum, redactas Nobis præsentaverunt, & quæ cum dictis Magistro & Præceptoribus fecerant, retulerunt: ex quibus

bus confessionibus & depositionibus, ac relatione invenimus sepefectos Magistrum & fratres in præmissis & circa præmissa licet quosdam ex eis in pluribus, & alios in paucioribus graviter deliquisse. Attendentes autem, quod scelera tam horrenda transire incorrecta absque Dei omnipotentis, & omnium Catholicorum injuris non poterant, nec debebant; decrevimus de fratrum nostrorum consilio per Ordinarios locorum, ac per alios fideles, & sapientes viros ad hoc deputandos a Nobis contra singulares personas ipsius Ordinis, nec non contra dictum Ordinem per certas directas personas, quas ad hoc duximus deputandas super præmissis criminibus, & excessibus inquirendum, iis nempe, quæ magis flere cogimur, quam narrare cor nostrum passione nimia cruciatur, & cum tanta proinde Nobis imminet gemendi materia, fletum non possumus declinare. Quisnam Catholicus hæc audiens, nimis non doleat, & prorumpat in luctum? quis fidelis hujusmodi finistrum eventum intelligens amara non emittat suspiria, verbaque lamentationis, & mæstitudinis non erumpet (i)? cum tota Christianitas hujusmodi doloris sit particeps, & hic casus fideles percutiat universos. Ex his etiam, dum ministerio debite considerationis, nostræ mentis presentatur obtutibus, igitur in nostris meditationibus exardescit, & ad tanta discrimina relevanda suspirat affectus, zelus accenditur, & spiritus anxietur. Ad quod cum nos sufficere commodè non posse sciamus, *levamus oculos nostros ad montem*, montem quidem Dei, montem uberem, montem pinguem, unde opportunum nobis provenire auxilium, & humiliter petimus, & devoto speramus, & quia salubre in his adhiberi remedium interest generaliter omnium, Nos cum eisdem fratribus nostris, aliisque viris prudentibus exacto, ac frequenti tractatu præhabito, prout tante necessitatis instantia exigebat, de ipsorum fratrum consilio, *universale consilium* sicut imitatione digna sanctorum Patrum consuetudo laudabilis longevæ observationis exemplo nos instruit, a proximis *Kalend. Octobris ad duos annos immediate sequenter* decrevimus congregandum, ut in eo, tam circa dictum ordinem, & personas singulares, & bona ejusdem, & alia,

quæ statim tangunt Fidei Catholicæ, quam circa recuperationem, & subsidium terræ sanctæ, ac reparationem, ordinationem, & stabilitatem Ecclesiarum, & Ecclesiasticarum personarum & libertatum eorum, illa Deo auspice communi consilio inveniantur provisio, & ejusdem approbatione Concilii roboretur; per cuius salutiferam executionem virtus altissimi eliminatis erroribus, roborata fide, ad tramitem veritatis reductis errantibus, redintegrata ejusdem fidei unitate, extirpatis vitiis, virtutibusque plantatis, correctis excessibus, moribus reformatis, repressis oppressionibus, libertate solida, stabilitate munita, recuperatis deperditis & ejusdem terræ statu prospero reparato, occupata restituatur, vastata restauret, & restaurata conservet; Nobisque viam aperiat idem ipse, qui novit; & facultatem tribuat ipse qui potest; ut sic in præmissis juxta intentum animi nostri desiderium sibi ministrare possimus salubriter, quod idem verus ejusdem Universalis Sponsus Ecclesiæ ipsam dilectam suam purgatam maculis, munitam virtute, ac monilibus ornatam, unam semper habeat & formosam ad sui nominis laudem, & gloriam, ad animarum profectum, robur fidei, pacem, & exaltationem populi Christiani. Quia vero persecutio tanti propositi tempore indiget, ut deductum maturius facilius auctore effectum debitum sortiatur, prædictum tempus ad id duximus deputandum. Unde venerabilibus Fratribus nostris Archiepiscopis, Episcopis, ac dilectis filiis electis, Abbatibus, Prioribus, Decanis, Præpositis, Archidiaconis, Archipresbyteris, & aliis Ecclesiarum Prælati, exemptis, & non exemptis; eorumque Capitulis, & Conventibus per alias nostras literas præcipiendo *mandamus*, ut idem Archiepiscopi nec non ceteri Episcopi per ipsorum Archiepiscoporum Provincias constituti in eisdem literis nominati, reliquis ipsorum Episcoporum in dictis Provinciis remanentibus ad ea, quæ *Pontificale officium* exigunt, tam in iis quam illarum dictarum Provinciarum, qui *ad hujusmodi Concilium universale* accesserint, civitatibus, & Diocesibus exercenda, omni negligentia relegata, cunctis, prout talis, & tunc negotii qualitas exigit dispositis, & paratis, sic medio tempore

(i) lege: cruciet.

se accingant ad iter, quod in hujusmodi decreto termino, quem eis & aliis peremptorie assignamus in Viennem, Civitate, lidem Archiepiscopi, & Episcopi taliter nominati personaliter: alii vero remanentes Episcopi, electi, Abbates, Priores, Decani, Præpositi, Archidiaconi, Presbyteri, & Prelati, Capitula, & Conventus per eosdem Archiepiscopos & Episcopos ad prædictum Concilium accessuros, quibus ad omnia, quæ in eodem Concilio statuuntur, & fuerint opportuna, concedant plenariam potestatem, de qua sufficienter constet per publica documenta nostro se conspectui representent. Quod si forsitan ipsis Archiepiscopis, & Episcopis accessus hujusmodi noluerint concedere potestatem, eo casu venire, vel alios procuratores idoneos cum potestate simili ad idem teneantur Concilium destinare. Non obstantibus quibuscumque privilegiis, seu indulgentiis quibuscumque personis, Ordini, dignitati, seu Collegio sub quacunque verborum forma vel expressione a prædicta Sede concessis: per quæ possit effectus mandati nostri hujusmodi quomodolibet impediri, aut eidem in aliquo derogari mandavimus insuper, ut lidem Archiepiscopi & Prælati per se vel per alios viros prudentes, Deum timentes & habentes præ oculis omnia, quæ correctionis & reformationis limam expolunt, inquirentes subtiliter, & conscribentes fideliter, eadem ad ipsius Concilii notitiam deferant. Et Nos nihilominus variis modis & viis solers studium, & efficacem operam dare proponimus, ut omnia talia in examen hujusmodi deducta Concilii, correctionem, & directionem recipiant opportunam. Hoc etiam in eisdem nostris literis adjecto, ut nullus inobedi-

tie notam, & Canonice ultionis acrimoniam vitare desiderans, fallacium excusationum velamento muniat vel ex inopinentis itinerum, quæ Domino *prævia indirecta*, & in vias planas aspera sua omnipotentia convertente cessabunt, frivole allegationis munimenta confingat, ut tam a sancti prosecutione operis se subducatur: sed occurrant singuli voluntarii ad id, quod & Divinus congruit voluntati, & salutem animarum, ac utilitatem respicit singulorum. Ceterum quia multipliciter expedit, ut tam celebre Concilium *Tua & aliorum Catholicorum Principum decoretur presentia ut salubri consilio*, & auxilio fulciatur, serenitatem Regiam rogamus, & hortamur attentius in remissionem Tibi peccaminum suadentes, quod præscriptis loco & termino in eodem Concilio, captata interim ad hoc opportunitate studeas *personaliter interesse*, meditatione provida prudenter attendens, quod in hoc non solum labor, quem ad tam sancti & utilis negotii promotionem assumes, Tibi cedit ad meritum, verum etiam aliorum, qui ad veniendum ad idem Concilium efficacius tuo inducentur, exemplo, & nihilominus vota Tua nobis poteris familiarius aperire, quæ ip omni benevolentia libenter ad exauditionis gratiam, quantum cum Deo, ac Ecclesie honore poterimus, admittemus. *Datum Pissavis secundo idus Augusti, Pontificatus Nostri anno tertio.* (d)

Indixit ergo Papa biennio ante Concilium generale A. 1311. Viennæ celebrandum Kal. Octobris, sed juxta *Tribemium* Kal. Novembri.

Litteræ hæc Encyclicæ Clementis V. extant apud *Binum Concil. Tom. III. Parte II. pag. 769. Et seqq.*

(d) Anno 1309. Nonis Junii, Perusii absens, electus fuerat Clemens V. ergo annus 1308. erat tertius: mortuus est Clemens XII. Kalendis Maji A. 1314. ad rupem Mauram Diocesis Nemausensis, dum Burdigalam pergeret anno Sedis octavo, mense X. die XV. ex quo Pontificatum conscenderat.

In eodem Concilio Viennensi statutum, ut in Scholis Romanæ Curie & Academiis Parisiensi, Oxoniensi, Boloynensi, & Salmanticensi publici linguarum, Hebraicæ, Arabicæ, & Chaldææ Professores instituerentur. *De Magistris, Cap. Inter sollicitudines.* Statutum II. Festam Corporis Christi ab Urbano IV. institutam, debito honore & cultu peragendum ab omnibus Christianis.

Petierat etiam Rex Francie Philippus, ut memoria Bonifacii VII. tanquam hæretici & Pseudo-Pontificis aboleretur: cui petitioni Regiæ Concilium licet XLIV. articulis Bonifacio impunitis sollicitaretur, denegavit assensum & Bonifacium VIII. Catholicum & legitimum Papam fuisse declaravit.

Lite.

Litteræ Commissoriae (a) ad Henricum Archiepiscopum Coloniensem, ejusque Suffraganeos scriptæ a Clemente V. PP. de citandis & examinandis Templariis.

Similis formæ Commissiones aliis Germaniæ Archi- & Episcopis delegata fuere a CLEMENTE V.

Faciens misericordiam cum servo suo Dei Filius Dominus Jesus Christus, ad hoc nos voluit in specula eminenti Apostolatus assumi, ut gerentes licet immeriti vices ejus in terris, in cunctis nostris actibus & processibus, vestigia, quantum patitur humana fragilitas, imitemur. Sane dudum circa nostræ promotionis ad apicem summi Pontificatus initium etiam antequam Lugdunum, ubi recepimus nostræ coronationis insignia, veniremus, & post eam &c. ut supra in *Epistola ad Philippum Regem Francorum mutatis mutandis*, usque ad id; graviter deliquisse. Sequitur: Verum quia in universis mundi partibus, per quas idem ordo diffunditur, ac fratres degunt ipsius, super his non possumus inquirere per nos ipsos, fraternitati vestræ de fratrum nostrorum consilio per Apostolica scripta mandamus, quatenus vos & quilibet vestrum, videlicet in suis civitate & Diocesi una cum venerabilibus Fratribus nostris *Maguntinensi, Trevirensi & Mogaburgensi Archiepiscopis, ac Basilensi & Constantiensi Episcopis, & dilectis Fillis Abbate Monasterii de Crudelio, & Priore de longo Ponte Cluniacensis Ordinis, Vivariensis, & Parisiensis Diocesis, Paulo de Chadarossa Præposito Cavallicensi, Decano sancti Servatii Trajectensis, Magistro Bernardo, Raymundi Archidiacono Majoricensi, Joanne dicto Presbytero Longo Tullenli Capellano nostro & Magistro Laurentio de Fusciberte Basilicæ sanctæ Mariæ Majoris de urbe, Canonici Ecclesiarum vel undecim, decem, novem, octo, septem, sex, quinque, quatuor, tribus, duobus, aut uno ex ipsis, quos vobis in hac parte propter negotii magnitudinem duximus adjungendos, vocatis per publicum citationis edictum per vos & ipsos adjunctos, vel eorum aliquos sive aliquem in locis, de quibus vobis & iis videbitur faciendam, qui fue-*

rint evocandi contra singulares personas & fratres dicti ordinis in civitatibus & Diocælibus vestris degentes etiam si aliunde venerint, vel illuc adducti forsan exierint, super articulis, quos vobis sub Bulla nostra inclusas transmittimus, & super aliis de quibus prudentiæ vestræ videbitur expedire, veritatem cum diligentia inquiratis. Volumus insuper, quod inquisitione seu inquisitionibus hujusmodi factis per Provinciale Concilium contra ipsos, singulares personas & fratres, qui in eadem provincia fuerint, seu pro eis super his, de quibus contra eos inquisitum exierit, absolutoria, seu condemnatoria sententia juxta juris exigentiam proferatur. Inquisitore nihilominus seu Inquisitoribus ejusdem pravitatis hæreticæ in ipsa provincia per Sedem Apostolicam depuratis tam ad dictas inquisitiones, quam ad hujusmodi prolationem sententiæ admittis. Proviso, quod de inquirendo vel sententiando contra prefatum ordinem, & contra magnum Præceptorem dicti ordinis in Regno Alemanniz constitutum, contra quos per certas personas inquiri mandavimus, vos intermittere nullatenus præsumatis. Nostræ etiam intentionis existit & volumus, quod tu Frater Archiepiscopo in hujusmodi inquisitionis per tuos Suffraganeos, ut præmittitur faciendæ negotio, cum singulis eisdem suffraganeis, quibus ad hoc te similiter duximus adjungendum, una cum prædictis aliis adjunctis, vel undecim, decem, novem, octo, septem, sex, quinque, quatuor, tribus, duobus aut uno ex ipsis, sive etiam per te ipsum, procedas, si potueris, juxta formam super hoc adjunctis traditam memoratis. Datum Pictavis 2. Idus Augusti, Pontificatus nostri anno tertio.

Ex Archivis Ecclesiæ Metropolitane Coloniae Binius descripsit Tomo III. Concil. Part. II.

Com.

(a) Hæc Litteræ commissoriae ex originali in Archivo Metropolitano asservato, descriptas edidit *Binius Conciliorum Tom. III. Part. II. pag. 783.*

Commissionis vero, quæ adjunctis datæ, formam procedendi præscribunt, Literæ sic se habent:

CLEMENS EPISCOPUS, SERVUS SERVORUM DEI, VENERABILIBUS FRATRIBUS MOGUNTINENSI, TREVERENSI, ET MAGDEBURGENSI ARCHI-EPISCOPIS, AC BASILIENSI, CONSTANTIENSI EPISCOPIS, AC DILECTIS FILIIS, ABBATI MONASTERII DE CRUDARIO, ET PRIORI DE LONGO PONTE, CLUNIACENSIS ORDINIS, VIVARIENSIS, PARIENSIS DIOECESIS. PAULO DE CHADAROSSA, PRÆPOSITO CAVALLICENSI, DECANO S. SERVATHI TRAJECTENSIS, MAGISTRO BERNARDO, RAYMUNDI ARCHI-DIAcono MAJORICENSI. JOANNI DICTO LONGO PRESBYTERO DE ALEMANIA, CAPELLANO NOSTRO ROMANICENSI, ET MAGISTRO LAURENTIO DE FUSCHIRTE BASILICÆ SANCTÆ MARIE MAJORIS DE URBE, CANONICIS ECCLESIAE, SALUTEM ET APOSTOLICAM BENEDICTIONEM.

Faciens misericordiam cum servo Dei Filius &c. *ut præcedente Bulla ad Archi-Episcopum Coloniensem data usque ad illa verba non possumus; inquirere per nos ipsos, sequitur: discretionem vestram, de quorum circumspicione specialem fiduciam gerimus, de fratrum nostrorum consilio per Apostolica scripta mandamus, quatenus ad Coloniensem Civitatem & Dioecesim ac Provinciam personaliter accedentes, una cum venerabilibus Fratribus nostris Archi-Episcopo Colonienfi, ejusque Suffraganeis, quibus vos propter hujusmodi negotii magnitudinem in hac parte duximus adjungendos, cum quolibet eorum, videlicet in suis civitate & Dioecesi vocatis &c. usque ad illa verba:*

Testes autem, si qui a vobis requisiti, vel admoniti vel citati, ut super dictis articulis ferant veritatis testimonium

coram vobis, se prece vel precio gratia vel amore, odio vel timore a ferendo testimonio subtraxerint, nec non fautores, receptatores, & defensores prædictorum fratrum, qui a vobis citati vel vocati, ut præmittitur, coram vobis non comparuerint, eos insuper, qui prædictam vestram inquisitionem directe vel indirecte, publice vel occulte vel per se vel alium seu alios vel alias quoquo modo præsumperint impedire, per censuram Ecclesiasticam appellatione postposita compescatis. Invocato ad hoc, si opus fuerit, auxilio brachii secularis. Quod si non omnes his exequendis potueritis interesse, undecim, decem, novem, octo, septem, sex, quinque, quatuor, aut duo, seu unus vestrum ea nihilominus exequantur. Nostræ etiam intentionis existit &c. *ut supra mutatis pauculis.*

Captis per Inquisitores ex hac commissione militibus fere omnibus accidit, ut bona eorundem mobilia, diversorum prædis exponerentur, possessiones, ac redditus occuparentur, ac jura eorundem occultata subtraherentur. Ne itaque detrimentum sentirent loca pia, quibus eorum bona applicanda erant, idem Pontifex ad omnes Christi fideles hoc modo rescripsit.

CLEMENS EPISCOPUS, SERVUS SERVORUM DEI, AD PERPETUAM REI MEMORIAM.

AD omnium fere noticiam credimus pervenisse nefanda scelera, & crimina abhorrenda hæresis (b) notorie sapientia, quibus *Ordo & Persona Templariorum* non levibus argumentis, sed manifestis indiciis, & violentis præsumptionibus diffamati noscuntur super abnegatione, videlicet Domini Salvatoris nostri Jesu Christi, & super nefanda, temeraria & præsumptuosa, & hæretica

conspuione super ejusdem imaginem Crucifixi, nec non & super pluribus articulis, quos, quia fore credimus manifestos, exprimi non oportet, sicque ex crebrescente infamia, & imminenti-bus scandalis plurimis minime contemnendis, quæ non leviter *totam scandalizabant Ecclesiam*, urgente conscientia, per totum orbem terrarum jam dudum ipsos capi mandavimus, & tandem cepimus; Super

(b) forte: hæresin.

Super his contra eos inquirere per Nos ipsos nonnullis ex fratribus nostris adfici-
tis ad inquisitionem prædictam nobiscum
sollicite peragendum, tandem presentatis
notis personis eisdem non parvo, sed
grandi numero, non leviter, sed mag-
næ auctoritatis viris olim in ordine supra-
dicto Sacerdotibus, Præceptoribus, mi-
litibus & servientibus, per eorum con-
fessiones & depositiones spontaneas, libe-
re factas coram Nobis & Fratribus ipsis
in secreto prius, & postmodum coram
Nobis totoque Collegio Fratrum nostro-
rum, Sanctæ Romanæ Ecclesiæ Cardina-
lium, patuit manifeste, quod ad personas
ipsas confitentes dicta crimina, & scele-
ra esse vera: iidemque confitentes om-
nes & singuli, suum humiliter recogno-
scentes errorem, Nostram & Apostoli-
cæ sedis non iustitiam, sed misericordi-
am & veniam implorarunt, quibus cum
omni humilitate & reverentiâ, & proprii
eorum recognitione erroris omnino per-
sistentibus, pro absolutione ab excommu-
nicationis sententia, quam ex hujusmo-
di hæresibus & sceleribus incurrant,
ipsis misericorditer impendenda, Nos,
qui licet indigni Vicarii sumus illi-
us, *cujus Miserationes (c) super omnia
opera ejus existunt*, quia Romana Mater
Ecclesia non claudit, prout nec claudere
debet, gremium redeunt, sed potius
errantem ovem ad ovile Dominicum su-
per humeros proprios reportare; facta
a supradictis confitentibus cum magna
humilitate & reverentia debita, abjura-
tione hujusmodi hæreseos secundum Ca-
nonicas sanctiones, eisdem fecimus juxta
formam Ecclesiæ munus absolutionis im-
pendi, injungendi propterea salutarem
penitentiam, Nobis & dictæ sedi, seu
quibus id committendum duxerimus,
potestate specialiter reservati.

Ex prædictis itaque confessionibus,
& nonnullis aliis causis legitimis non im-
merito excitati, visis etiam diversis
processibus contra singulares personas
dicti Ordinis super ipsis sceleribus & cri-
minibus factis per locorum Ordinarios,
& Inquisitorem generalem hereticæ pra-
vicitatis in Regno Franciæ, in quibus
multorum aliorum confessiones & depo-
sitiones contineri videbantur aperte, ex
quibus violenta suspicio contra Ordinem

ipsum, & personas ejusdem habebatur
super criminibus antedictis contra om-
nes singulares personas dicti Ordinis,
nec non & ipsum Ordinem: cum omni
diligentia & sollicitudine per alias no-
stras literas mandavimus inquire, ut per
hujusmodi inquisitiones de supradictis
criminibus & infamis, contra Ordinem
& personas præfatos, (d) vel pro ipsis
veritas elucescat.

Verum, quia occasione hujusmodi
subsecutorum processuum & captionum
personarum, Ordinis prælibati bona ip-
sius mobilia, quæ vel pro ipso ordine,
si reperiat innocentis, vel alias pro sub-
sidio Terræ sanctæ, & contra perfidos
Saracenos, inimicos Fidei Christianæ, ad
quæ bona prædicta per fideles ipsa lar-
gentes deputata fuerunt, & Nos ipsi ea-
dem bona una cum aliis bonis immobi-
lium eorundem ad ea decrevimus depu-
tanda, nequiter a nonnullis subtrahita,
penes aliquos maliciose, indebite, &
injuste absconsa & calata feruntur in
grave ipsorum animarum periculum, Ec-
clesiæ prædictæ contemptum, & dictæ
Terræ præjudicium, dispendium & ja-
cturam.

Nos volentes debitum in hac parte
remedium adhibere, universis & singu-
lis sub virtute obedientiæ, ac excom-
municationis poena, quam excommu-
nicationem contra facientes post unius
mensis spacium a notitia præsentium
immediate sequentes cujuscumque præ-
eminentiæ, dignitatis, status, vel con-
ditionis existant, Ecclesiastici vel mun-
dani, etiam si Pontificali præfulgeant
dignitate, incurrere volumus ipso facto,
auctoritate Apostolica districte præci-
pando mandamus, quatenus habentes,
tenentes & possidentes, ut prædicatur,
per se, vel alium, seu alios aliquos pecu-
niarum summas, vel alia mobilia bona
quæcumque, vel se moventia persona-
rum vel ordinis prædictorum, sive cau-
sa depositi, vel alia quacumque causa,
occasione vel titulo: si qui, qui etiam
personis vel Ordini ante dictis in qua-
cumque summa vel quantitate pecuniæ
obnoxii, vel alias quomodolibet fuerint
obligati, ex quacumque causa vel titu-
lo, vel ab eis aliquid receperint, vel ip-
sorum nomine per quemcumque, aut
pro

(c) Psalmo CXIV, 9.

(d) forte: præfatos,

Tomus IV. Concilii German.

G g

pro ipsis; libere integraliter & sine diminutione restituant, reddant & solvant, sub instrumentis publicis, locorum Ordinariis, sive Superintendentibus administrationi honorum dicti Ordinis per sedem ipsam deputatis, vel etiam deputandis.

Non obstantibus quibuscunque promissionibus super his ab ipsis præstitis, pœnis, juramentis, cautionibus, obligationibus, seu fideiussionibus forsitan roboratis.

Si qui autem etiam nihil habentes de bonis prædictis, nihilque debentes eisdem, ac in nullo ipsis quomodolibet obligati, sciverint aliquem aliquid habere, tenere vel possidere de ipsis bonis, ut superius est expressum, aut aliquem debitorem dictorum Ordinis & personarum, vel eis quomodolibet obligatum, sive aliquem aliquid ab eis, vel ipsis, vel eorum nomine, vel alicujus eorum recepisse, infra idem tempus Ordinariis, vel Superintendentibus prælatis sub instru-

mentis similibus aperte revelent; alioquin supradictam sententiam ipsos incurere volumus ipso facto: quam si ipsi & alii superius nominati per sex menses sustinuerint animo indurato; Ordinariis ipsis & quibuslibet aliis absolutionem eorum penitus interdicimus, ipsam Nobis & Successoribus nostris, præterquam in moris articulo tantummodo reservantes.

Et ut prædictorum ignorantiam nemo præterdere valeat, hujusmodi processum nostrum mandamus & volumus per illos, quibus in aliis nostris literis id committimus, in locis contentis in eis solemniter publicari. Datum Pictavis 2. Idus Augusti, Pontificatus nostri anno tertio.

*Binus Concil. Tom. III. Part. II. p. 783.
ex Archivio Ecclesiæ Metropolitanæ
Coloniensis.*

Effectum hujus Pontificiæ Commissionis *leges apud Tritheimium Tom. II. Chronici Hirsfingensis & S. Antoninum, & Joannem Mariam, a Binio citatos & descriptos, clausula Bullæ: Quamquam de JURE non possumus tamen ad plenitudinem potestatis dictum Ordinem reprobamus.* Non fuit ergo juridica damnatio Ordinis sententia, quia nec totus Ordo citatus, multo minus singuli solum Præceptores auditi fuerunt, sed fuit damnatio provisionalis ex plenitudine Papalis potestatis, ut Papa ipse in Bulla dicit.

In eodem Concilio Viennensi CLEMENS V. damnat sectam Beguardorum & Beguinarum in Regno Alemanniæ vulgariter appellatarum, & octo eorum errores: exiens Dicecesanorum & Inquisitorum officium contra eos. SESSIONE TERTIA.

AD nostrum (qui desideranter in votis gerimus, ut Fides Catholica nostris prosperetur temporibus, & pravitas hæretica de sinibus fidelium extirpetur) non sine displicentia grandi pervenit auditum, quod secunda quedam abominabilis quorundam hominum malignorum, qui *Beguardi*, & quarundam infidelium mulierum, quæ *Beguine* vulgariter appellantur in Regno Alemanniæ (procurante satore malorum operum) damnabiliter insurrexerunt, tenens & asserens doctrina sua sacrilega & perversa inferius designatos errores.

Primo videlicet, quod homo in vita præsentis tantum & talem perfectionis gradum potest acquirere, quod reddatur penitus impeccabilis, & amplius in gratia proficere non valebit. Nam, ut dicunt, si quis semper posset proficere, posset aliquis Christo perfectior inveniri.

Secundo. Quod jejunare non oportet

hominem, nec orare, postquam gradum perfectionis hujusmodi fuerit assecutus: quia tunc sensualitas est ita perfecte spiritui & rationi subiecta, quod homo potest libere corpori concedere, quodquid placet.

Tertio. Quod illi, qui sunt in prædicto gradu perfectionis, & spiritu libertatis, non sunt humanæ subiecti obedientie, nec ad aliqua præcepta Ecclesiæ obligantur, quia, ut asserunt, ubi Spiritus Domini, ibi libertas.

Quarto. Quod homo potest ita finalem beatitudinem secundum omnem gradum perfectionis in præsentis assequi, sicut eam in vita obinebit beata.

Quinto. Quod quælibet intellectualis natura in se ipsa naturaliter est beata, quodque anima non indiget lumine gloriæ ipsam elevante ad Deum videndum, & eo beate fruendum.

Sexto. Quod se in actibus exercere virtut-

virtutum, est hominis imperfecti, & perfecta anima licentia a se virtutes.

Septimo. Mulieris osculum (cum ad hoc natura non inclinet) est mortale peccatum. Actus autem carnalis (cum ad hoc natura inclinet) peccatum non est, maxime cum tentatur exercens.

Octavo. Quod in elevatione Corporis JESU CHRISTI non debent assurgere, nec eidem reverentiam exhibere, asserentes, quod esset imperfectionis eisdem, si a puritate & altitudine sue contemplationis tantum descenderent, quod circa Ministerium, seu Sacramentum Eucharistiae, aut passionem humanitatis Christi aliqua cogitarent.

Nonnulla etiam alia sub quadam simulata sanctitatis specie dicunt, faciunt, & committunt, quæ oculis Divinae Majestatis offendunt, & grave in se continent periculum animarum. Cum autem ex debito commissi Nobis officii hujusmodi sectam detestabilem, & præmissos ipsius execrandos errores (ne propagentur ulterius, & per eos corda fide-

lium damnabiliter corrumpantur) extirpare ab Ecclesia Catholica necessaria habeamus.

NOS, SACRO APPROBANTE CONCILIO, sectam ipsam cum præmissis erroribus damnamus & reprobamus omnino, inhibentes districtius, ne quis ipsos de cætero teneat, approbet, vel defendat. Eos autem, qui secus egerint, animadversione Canonica decernimus puniendos.

Porro Dioecesani, & illarum partium Inquisitores hæreticæ pravitatis, in quibus Beguardi & Beguinae hujusmodi commorantur, suum officium circa eos diligenter exerceant: Inquirentes de vita & moribus ipsorum, qualiter consentiant de articulis Fidei, & Ecclesiæ Sacramentis. In illos vero, quos culpabiles repperint (nisi abjuratis sponte prædictis erroribus penituerint, & satisfactoriam exhibuerint competentem) debitam exerceant ultionem.

Lib. V. Clementinarum. Tit. III. De Hæreticis. cap. Ad Nostrum.

Tribemius in Chronico Hersaugensi eosdem octo errores refert.

Odoricus autem *Raynaldus in Annalibus Ecclesiasticis* ad annum 1312. §. 17. refert ex *Henrico Sterone*, ex *Alvaro Pelagio coarvo*, *De planctu Ecclesiæ Tit. II. Cap. 52.* non solum originem horum hæreticorum, sed & loca scripturæ, quibus abutebantur ad suos errores firmandos, & eorundem locorum per scripturæ loca opposita Catholice exposita confutationem. Rursum eorundem confutationem ex *Cardinali de Tiere cremata*, ex *S. Antonino III. Parte Tit. 21.* quæ nos Polemici Scriptoris ponderanda relinquimus.


Bizochi, Beghardi Pseudo-Apostoli, Dulcinistæ, Libertini, nomina sunt hæreticorum, veluti ipse caput ex Hydra Waldensium hæreseos pullulantem, ait *Alvarus Pelagius*.

Ex eadem Hydra Lolhardi & Fraticelli prodierunt, Germaniam, & reliquas Orbis Catholici Ecclesias invadentes, sæpius puniti, damnati, sæpissime recrudescentes.

In hoc Concilio Viennensi, celebrato in Delphinata, adeoque extra Germaniam, fieri hæc tria acta, quæ Germaniam spectant:

- I. Suppressio Templariorum in Germania, & bonorum in Germania sitorum applicatio facta Ordini Hospitaliorum, nunc Melitensium. II. Inquisitio & examen Templariorum, commissum Archi-episcopis, & Episcopis Germaniæ. III. Condemnatio Beguinorum & Beguinarum in Alemannia commorantium, quorum puniitio & exterminatio negligenter peracta fuit, ut conqueritur *Alvarus Pelagius coarvus*. Reliqua illis acta, uti imperatæ suppetiæ pro recuperanda Terra sancta: damnatio errorum Joannis Pauli Olive, & Spiritualium inter Minores, & Dulcinistarum, & exemptio ab Ordinariis concessa Cisterciensibus, Nos præcise Germanos non tangunt.

Vide *nostram Digressionem ad Sæculum XIII. §. XIV. pag. 57. hujus Tomi*, ubi Antecessores & Sectatores Beghardorum & Begardarum enumeravimus, & diversitatem sententiarum variarum exhibuimus de iis. De hæreticis, & eorum erroribus confer Concilium Colonienſe anni 1306. Canon. I. pag. 100. hujus Tomi, Concilium Treverense anni 1310. Cap. 50. & 51. pag. 139. h. Tomi.



CONCILIIUM CAMERACENSE

Anno Christi MCCCXIII. Clementis V. Papæ VIII.
Henrici VII. Regis VI.

In titulo de Reverentia & Jurisdictione, & Libertate Ecclesiarum.

Quia plerumque cum nonnulli Domini, aut iustitiarum secularium nostræ Diocesis, plus sectantur motum animi, quam iudicium rationis, personas Ecclesiasticas ad solvendum debita, super quibus coram illis contra ipsos eorum exhibentur litteræ, vel probationes, quibus iudicantur, damnabili præsumptione compellunt per captionem dictorum, vel alias, cum eis nulla competat iurisdictio in hac parte. Nos huic præsumptioni pestiferæ, quæ in nostra Diocesi nimium invalescit, occurrere cupientes, statuendo præcipimus, quod nulli Domini, aut iustitiarum temporales talia præsumant facere de cetero. Si quis contra hoc salubre statutum personas Ecclesiasticas ad solvenda debita contra statuta Canonica compellere præsumpserit, ipso facto, sententia excommunicationis sit ligatus.

Ex querelis lacrymabilibus personarum Ecclesiasticarum, tam regularium, quam secularium nostræ Diocesis percipimus, quod nonnulli diabolico succensi Spiritu, Divinum iudicium contemnunt, Ecclesias frequenter destruunt, animalia interficiunt, & rapiunt, & grangias, & domos succendunt, & nonnunquam personas Ecclesiasticas capiunt, & captas detinent pro suæ libitu voluntatis; unde quia multum crescentibus non opus est exemplo, ne de cetero fiant talia, inhibemus, statuentes, quod si quis deinceps præmissa fecerit, vel fieri mandaverit, ipso facto excommunicationis vinculo cum omnibus illis, qui in his, ut fiant, dabunt auxilium, consilium, favorem, sit ligatus. Is etenim cujus nomine præmissa fiunt, si postquam ad ejus noticiam pervenerit, rata habuerit eadem, sit ligatus sententia excommunicationis.

Præcipimus etiam in virtute sanctæ obedientiæ, & sub pœna suspensionis & excommunicationis omnibus, & singulis curiæ nostræ Diocesis, ut diebus Dominicis & Festis, dum Missarum sollemnia celebrantur, inter Offertorium, & Præfationem denuntient palam & publice excommunicatos omnes illos, qui litterarum nostrarum, vel Officialis nostri Cameracensis, vel alias ad forum Ecclesiasticum recurrentes super causis, quæ ad idem forum jure, vel antiqua consuetudine pertinere noscuntur, ad desistendum coram nobis ad iudicium Ecclesiasticum vel impetrantium, aut litigantium, vel volentium litigare, aut propinquorum ipsorum, seu rerum ipsarum, aut Ecclesiarum suarum, & captionem, vel modis aliis quibuscumque compellunt, seu compelli faciunt, vel procurant, per se, seu per alios, quominus coram Nobis, vel Officiali nostro, vel iudicibus Ecclesiasticis querelantur de causis, quæ ut præmissum est, ad cognitionem nostram pertinent, vel Officialis nostri, possint libere, justequè obtinere; & qui ad præmissa facienda dant consilium, auxilium, vel favorem; a qua sententia absolvi non possunt, nisi Nobis, vel Officiali nostro, seu iudicibus, quorum cognitio fuerit impedita, vel iurisdictio usurpata, quam parti, quæ in prosecutione turbata fuerit sui juris, de injuriis, damnis, vel expensis, & interesse, prius per eundem integre fuerit satisfactum, prout hoc in constitutione felicis recordationis Domini Bonifacii Papæ Octavi plenius continetur.

Item denuntiamus excommunicatos ut supra, qui equos, & animalia personarum Ecclesiasticarum, tam Regularium, quam secularium nostræ Diocesis interficiunt, rapiunt, & domos

mos incendunt, & ipsas personas Ecclesiasticas capiunt, prout in nostra constitutione, quæ incipit: *Ex querelis lamentabilibus*, plenius continetur.

Item denuntientur excommunicati diebus quibuscumque Dominicis & Festivis, ut supra, omnes iudices seculares nostræ Diocesis, qui personas Ecclesiasticas compellunt per litterarum suarum

captionem vel aliter, ad solvendum debita, super quibus coram illis contra ipsos exhibentur eorum litteræ, vel probationes aliquæ inducuntur, prout in nostra constitutione alias edita continetur.

Tomo VII. Collectionis amplissima Martini & Davandi.

Hæ sunt Additiones Statutorum Synodaliū

Sedis Cameracensis A. 1311.

Et Additiones super Titulum notantur ordine Alphabeti.

Anno Domini MCCCXI. sabbato in festo S. Remigii in Capitulo Octobris, in Synodo Cameracensi celebrata in Ecclesia B. Martini de Castello Cameracensi. Reverendus in Christo Pater ac Dominus P. (a) Dei gratia, Cameracensis Episcopus, de Statutis antiquis Synodalibus diminuit, addidit & distinxit, ut sequitur:

Primo in titulo: *De Baptismo*, addimus post illa verba: *Ego te baptizo in nomine Patris, & Filii, & Spiritus Sancti. Amen:* Nec addantur, nec inferantur aliqua verba alia.

Item in eodem titulo in paragrapho: *Ad levandum puerum*, post illa verba: *In sacris Ordinibus constitutus*, amovemus ista verba: *seu Religiosa in religione approbata professe.*

Item in titulo: *De Confirmatione*, post illa verba: *Non pater, nec mater*, addimus ista verba: *istud Sacramentum non est iterandum.*

Item, titulo: *De casibus Presbyteris Parochialibus reservatis*, in paragrapho: *Sacerdotes confessionem*, post illud verbum: *non audiant*, addimus ista verba: *nisi in articulo necessitatis.* Cætera verba dicti paragraphi usque ad paragraphum amovemus.

Item, in eodem titulo, in paragrapho, qui incipit: *Item statuimus, quod in quolibet Decanatu*, &c. taliter amovemus (statuendo, quod quilibet Curatus possit eligere sibi idoneum Confessorem,

qui ipsum absolvit a peccatis sibi confessis, exceptis casibus Nobis, & Pœnitentiariis nostris reservatis.

Item, in titulo: *De Eucharistia*, in paragrapho: *Item inhibemus, ne aliquis Sacerdos &c.* post illa verba, addimus ista verba: *sub pena excommunicationis*; & de fine paragraphi prædicti amovemus verba, quæ sic incipiunt: *Illi autem, qui his in die*, &c. usque ad finem dicti paragraphi.

Item, in eodem titulo in paragrapho, qui sic incipit: *Item, statuimus, quod nullus episcopus*, amovemus illa verba, quæ sic incipiunt: *Illi, qui diebus Dominicis, & in Solemnitatibus*, &c. usque in finem dicti paragraphi.

Item, in titulo: *De Matrimonio*, in paragrapho: *Item, statuimus, quod Matrimonium non celebretur*, &c. amovemus illa verba: *nisi de mandato nostro, vel Officialis nostri speciali.*

Item, in titulo: *De vita & honestate Clericorum*, in paragrapho: *Vestibus virgulis*, volumus paragraphum ita esse: *Vestibus virgulis pariter, & aliis inhonestis Clerici non utantur, nisi a Nobis cum eisdem fuerit dispensatum: quod si Beneficiati fuerint, vel in sacris Ordinibus constituti, sententiam excommunicationis incurrant ipso facto. Alii vero Clerici ad penam XL. solidorum Turo-nensium Nobis teneantur.* Cætera vero dicti paragraphi amovemus totaliter.

Item, in titulo: *De reverentia & jurisdictione Ecclesiarum*, sub paragrapho:

G g 3 *Item*

(a) Petrus de Levis, seu de Mirepois, Episcopus Montis Pessulani, ad Sedem Cameracensem evocatur anno 1310, elevat Corpus S. Waldeudis A. 1313. in præsentia Abbatum Laubienfis & S. Gisleini: ob continuam civium seditionem Sedem hanc reliquit, & Bajocensem acceptavit anno 1324. Episcopus XIV. Cameracensis.

Castillon. sacre Belgii Chronologia.

Item statuimus, ut qui maleficium perpetravit &c. circa finem dicti paragraphi post illa verba: Parochi Ecclesiarum, addimus ista verba: si sunt in culpa.

Item, in titulo: De Testamentis, in paragrapho: Item statuimus, quod singuli Presbyteri &c. apponimus ista verba: de consilio proprii Sacerdotis, juxta dispositionem testatorum.

Item, in eodem titulo, in paragrapho: Item statuimus omnibus Presbyteris curatis, in fine dicti statuti amovemus ista verba posita: Incurrant ipso facto in loco, & loco illorum ponimus: graviter puniuntur.

In titulo: De Jurisdictione Ecclesiarum, & cimiteriorum, ut supra in paragrapho: Statuimus, quod cimiteria excommunicatorum, &c. amovemus illa verba: interdictorum, & abortivorum.

Cum laicis disponendi de rebus Ecclesie nulla sit potestas, statuimus, quod si Abbates, Priores, Conventus, & personae Ecclesiasticae contingat possessiones, redditus perpetuo, vel ad vitam aliquibus personis vendere, aut alio modo, ordinare, vel alienare, quod pro hujusmodi alienationibus tenendis, & observandis, se coram Dominis temporalibus, seu Officialis suis nullo modo se obligent, super hoc ad eosdem recurrant, nec ad dona, vel ad poenam quaecumque super his, vel bonis suis capiendis, vel levandis per dictos temporales se obligent: & etiam hujusmodi alienationes faciant secundum Canonicas sanctiones, cum omni debita juris solemnitate, decreto, & confirmatione nostris intervenientibus: quod si secus attemptare praesumpserint, declaramus alienationes irritas, & omnes contrarium facientes excommunicamus, & jam factas irritas nunciamus.

Item statuimus, quod si aliqua Ecclesia nostrae Diocesis interdicto particulari sit interdicta, quod in Capella ejusdem contigua interdictum hujusmodi observetur.

Statuimus, quod si contigua non existat, intentio tamen nostra est, quod si per statuta Synodalia in Ecclesia Parochiali cessetur, quod in omnibus Ecclesiis & Capellis Parochiae cessetur, etiam si dictae Ecclesiae vel Capellae ejusdem contiguae non existant.

Item statuimus, quod quotiescumque contingit cessari in nostra Diocesi a Divinis, causas cessationis, nomina eorum, quorum causa cessatur, & alias circumstantias, Curati, seu vices eorum gerentes locorum, in quibus cessatur, infra octo dies Decanis suis, & Decani infra XV. dies Nobis vel Officiali nostro referant vel rescribant; alias ad poenam XX. solidorum Turonensium, quotienscumque contra fecerint, Nobis solvere teneantur.

Item statuimus, quod si in Ecclesia nostrae Diocesis contingit, quod abste, aliquos excessus enormes & detestabiles committi, scilicet homicidia in Ecclesiis, incendia Ecclesiarum, vel ab immunitate Ecclesiae extrahere violenter; Curati, in quorum Parochia talia acciderint, Decano loci infra octo dies a tempore notitiae, & Decani infra XV. dies postmodum nomina malefactorum, factum hujusmodi, qualiter possimus informari, Nobis, vel Officiali nostro referant; quod si secus fecerint, ipsos graviter puniemus.

Item, in titulo: de Matrimonio. Quod si sponsalibus, & matrimoniis aliquis se opposuerit, Curati locorum, seu eorum vices gerentes, quibus oppositiones hujusmodi fieri contigerit, opposcentes, & contrahere volentes coram Officiali nostro citent, pro hujusmodi oppositionibus terminandis, & non coram Decanis nostris, alioquin contrarium facientes suspendimus a Divinis.

Item titulo: de Matrimonio, statuimus, quod si duo contrahere volentes matrimonium, sint oriundi de diversis Decanatibus nostrae Diocesis, Curatus alterius eorum litteras testimoniales super matrimonio celebrando scribat Decano suo. Si vero sint ejusdem Decanatus, Curatus alii Curato litteras praedictas mittere poterit.

Quod si oriundus de Diocesi nostra contrahere voluerit, cum aliqua persona de Diocesi aliena, Curatus dirigat litteras matrimoniales Decano suo, & Decanus Officiali nostro, pro quibus concedendis, Curatus duos solidos Turonenses, & Decanus totidem recipient, & non ultra. Quod si secus fecerint, ad interesse pariter, & restitutionem duplicem paribus teneantur.

EXPLICIUNT STATUTA.

Inci.

Incipiunt Monitiones dicti Episcopi Cameracensis.

Cum tam ex nobilitate principali nostri Comitatus Cameracensis, quam ex concessione Imperatorum in solidum liceat nulli alii monetam infra limites nostri Comitatus Cameracensis facere cudi vel fabricari: Nos quoque pro nostro tempore, & Prædecessores nostri soli & in solidum pro suis temporibus fuerimus in possessione pacifica a tempore, cujus contrarii memoria non existat, faciendi, cudi & fabricari monetam hujusmodi infra limites prædictos; monemus omnes & singulos Nobis subditos cujuscumque sint status, aut conditionis primo, secundo, & tertio, & peremptorie, ne monetam aliquam sub nomine alio, quam sub nostro & charactere nostro infra limites prædictos quomodolibet fabricent, aut fabricam recipiant, seu approbent, aut utantur eadem qualicumque causa ejusdem approbandæ; alioquin contrarium facientes excommunicamus ipso facto, in his scriptis; & nihilominus penas, quas fabricantes monetam falsam, & adulteram, ac utentes eadem debent incurrere, se noverint incursumos.

De Testamentis.

Item statuimus, quod quilibet Curatus nomina decedentium in Parochia sua, nomina Executorum, & tempus decessus cujuslibet ipsorum Decano Christianitatis dicti loci notificet competenter infra mensem a tempore decessus numerando, Decani vero intra tres menses a tempore, quo certificati fuerint per Curatum, Nobis, aut Officiali nostro, seu Sigillifero, aut a Nobis super hoc deputando notificent competenter; alioquin omnes, & singuli Decani, qui in præmissis, aut præmissorum aliquibus negligentes fuerint, & remissi, ipso facto teneantur solvere pro emenda centum solidos Turonenses, pro quolibet defectu, Curati vero XX. solidos ejusdem monetæ, Nobis & Archi-Diacono loci applicandos.

Item districte præcipimus & injungimus omnibus Decanis nostræ Christianitatis, quod quilibet in Decanatu suo diligenter inquirat, si sint aliquæ Capellæ minus sufficienter dotatæ, aut

non admortificatæ competenter; & si celebretur in Capellis aliquibus per Episcopum non confirmatis, & de nominibus eorum, qui talibus defervunt contra inhibitionem Synodalem, ut infra Natalem Domini Nos & Officiale nostrum super præmissis omnibus & singulis certificare procurent, vel eos graviter puniemus.

Item statuimus, quod nullus Curatus Capellanum mercenarium habeat de alia Dicecesi, sine nostra, aut Officialis nostri licentia speciali: aliter de factis & excessibus noverit se teneri.

Item Statuta facta per Capitulum nostrum Cameracense, sub quacumque forma verborum edita, sedē vacante, auctoritate nostra confirmamus, & ipsa præcipimus observari, quamdiu nostræ placuerit voluntati, absolutionem in eisdem latorum statutis reservantes.

Item revocamus omnes gratias, & litteras generales non perpetuatas, cujuscumque formæ seu tenoris existant, a quibuscumque pœnis, & ex quacumque causa, a Prædecessoribus, a Capitulo Cameracensi sedē vacante, a Nobis quoque & a Vicariis nostris seu Officiali nostro Cameracensi concessas, etiam quantumcumque in eis teneantur: Non obstantē revocatione generali vel speciali, seu auctoritate nostra faciendā.

Item revocamus omnes commissiones, Decanis nostræ Christianitatis, & Presbyteris civitatis, & Dicecesis Cameracensis, & aliis subditis nostris quomodolibet concessas, cognoscendi de causis matrimonialibus, & sponsalia, seu matrimonialia tangentibus quocummodo.

Item revocamus potestatem, sive licentiam, si quam nos, aut Officialis noster concessit justitiariis secularibus quibuscumque laicis super arrestatione, captione, & detentione Clericorum & Ecclesiasticarum personarum & bonorum eorundem.

Item Penitentiariorum a Nobis seu auctoritate nostra constitutos, & potestatem concessam revocamus. Præsentia autem statuta, præcepta & mandata, & prohibitiones a subditis nostris sub pœ-

na viginti solidorum Turonensium, & aliis penis ad nostrum arbitrium & Officialis nostri Cameracensis, ad opus nostrum & Archidiaconi locorum, quotiescumque contra fecerint, præcipimus inviolabiliter observari.

Item præcipimus sub pena viginti solidorum Turonensium, ut omnes Decani nostri Christianitatis infra mensem,

& Presbyteri Parochiales civitatis, & Diœcesis infra quindenam immediate sequentem, præsentia statuta, præcepta & inhibitiones habeant, quibus eos uti volumus, & ex toto mandamus sub penis antedictis.

Martene Collectio amplissima Monumentorum Tomo VII.

STATUTA CONCILII CAMERACENSIS ANNI MCCCXI.

AD publicandum in Ecclesiis Parochialibus Dominicis diebus, & Festis sub pena X. solidorum Parisiensium, a Presbytero negligente recipienda, quod Procurator residens in civitate, seu suburbis Camerac. pro qualibet assignatione diei XII. Parisienses dumtaxat pro salario recipiat sine fraude.

Item Procurator Foraneus veniens eques de quindena in quindenam quinque solidos Parisienses, pedes XXX. denarios Parisienses.

Item Procurator veniens eques de ebdomada in ebdomadam tres solidos, & sex denarios Parisienses, nec conveniant de majori salario, nisi pro Officiali, vel Sigillifero, petita super hoc licentia & obtenta.

Item Procuratores deferentes litteras contumaciales ad Monachos contumaces, ut de contemptu satisfaciunt Officiali, si pars contumax citata ad instantiam partis adversæ, ad videndum fieri taxationem expensarum velit satisfacere de expensis, non petantur nec recipiantur a personis sic monitis majores expensæ, quam consuetum sit taxari in curia.

Officialis sedis Cameracensis vacantis omnibus Decanis, Presbyteris, & Capellanis in Civitate, & Diœcesi Cameracensi constitutis, ad quos præsentis litteræ pervenerint, salutem in Domino. Olim felices recordationis summus Pontifex GREGORIUS Decimus usurariorum voraginem, qui animas detinent, qui animas devorant, & facultates exhauriunt, salubriter cupiens refrenare, constitutionem *Lateranensis Concilii quinti* contra usurarios editam, sub Divinæ maledictionis interminatione præcepit inviolabiliter observari. Attendentes itaque, quod quominus fœneratoribus affutura foret

fœnerandi commoditas, eo magis eis esset adimenda fœnus exercendi libertas, generali constitutione sancivit, ut nec Collegium, nec alia universitas, vel singula persona cujuscumque status, aut dignitatis existat, alienigenas, & alios non oriundos de terris ipsorum publice pecuniarum (fœnus) exercentes, aut exercere volentes, & ad hæc domos in terris suis conducere, vel conductas habere, aut alias habitare permitterent, sed hujusmodi usurarios omnes infra tres menses de terris expellerent, numquam aliquos tales admitterent.

Sancivit etiam, ut nemo det illis ad fœnus exercendum: in pœnam transgressorum, ut qui contrarium fecerit præmissorum, si personæ Ecclesiasticæ, Patriarchæ, Archi-Episcopi, Episcopi fuerint, suspensionis; minores vero sæculares personæ, excommunicationis; Collegium autem, seu alia universitas interdicti sententia ipso facto se noscent incursum; quam si per mensem animo sustinuerint indurato, terræ ipsorum, quamdiu in eis iidem usurarii morarentur, extunc Ecclesiastico subiaceant interdicto. Adjecitque, ut laici per suos Ordinarios ab hujusmodi excessu; cessante privilegio, per censuram Ecclesiasticam compescantur. Quia vero nec sic quorundam malitia contra Dei timorem conquievit, & parum sit jura condere, nisi sit, qui ea teneat, vobis omnibus & singulis in virtute sanctæ obedientiæ, & sub pœna suspensionis & excommunicationis, quas in vos ferimus in his scriptis, si contra quod mandamus, feceritis, firmiter duximus injungendum, quatenus dictam constitutionem, juxta quod superius scriptum est, nec non & prædictam Lateranensis Concilii, qua cavetur, ut usurarii mani-

felli,

festi, nec ad communicationem Altaris admittantur, nec Christianam, si in hoc peccato decesserint, accipiant sepulturam, quodque eorum oblationes nullus accipiat in vestris Ecclesiis; singulis diebus Dominicis, & Festivis intra Missarum solemnias publicare, & poenas in transgressores dictorum constitutas Canonum, quas in dictos transgressores notorios, quantum in nobis est, tenore presentium publicamus, palam, & publice promulgari, & ad notitiam singulorum, quos de præmissis suspectos habebitis, proferre, & eorum subus inculcare, ne causari possint ignorantiam, vestra non omittat desidia, dictasque constitutiones observent, & in locis vestris per censuram Ecclesiasticam faciatis firmiter observari, dictosque usurarios in locis vobis subditis commorantes, in generali, nec non in speciali, & nominatim illos, quos usurarius lucris (quos utriusque testamenti nimirum paginâ detestatur,) aut per facti evidentiam, sive rei, seu confessionem eorum, vel alterius notorie, & manifeste vobis constiterit damnabiliter instituisse, & ad hoc insistere, canonice moneri, ut infra XV. dies post receptam presentationem, (quorum quinque pro primo, alios quinque pro secundo, & alios quinque pro tertio & peremptorio termino eisdem assignamus,) ab his, & similibus lucris detestabilibus, & eorum exercitio cessent penitus & desistant, extortaque ab eisdem per usurarum pravitatem, eis, a quibus talia sunt extorta, vel eorum heredibus integraliter restituant, & reddant sine fraude infra terminum supra dictum, Nobisque, & Ecclesiæ super his præsentem emendam competentem, shoquin ipsos notos, & manifestos, de quorum nominibus constiterit, quos extunc, & exnunc excommunicamus in his scriptis, in facie Ecclesiarum vestrarum singulis diebus Dominicis & Festis nominatim, palam, & publice, & alios in generali excommunicatos nunciatis, sine alterius expectatione mandati, & sine representatione presentium. Quod nisi feceritis, nomina dictorum Collegiorum, Universitatum, singularium personarum, transgressorum, usurariorum, seu feneratorum, monitorum, & excommunicatorum, si qui sint, in hoc instanti festo

B. Remigii in capite Octobris Cameracensiter fideliter referentur, si canonicam volueritis effugere ultionem: ita quod in his exsequendis, unus vestrum alium seu alios non expectet. Datum anno Domini MCCCXCVI. (a) Feria III. post Nativitatem B. MARIE Virginis.

Item titulo de vita & bonestate Clericorum.

Statuimus, quod omnes Presbyteri Curati faculares Civitatis & Diocesis Cameracensis pileos publice & continue in capitibus suis deferant, ut ab aliis Sacerdotibus dignoscantur.

Item in eodem titulo.

Statuimus, ut omnes Curati Parochialium Ecclesiarum Civitatis, & Diocesis Cameracensis, dum in ipsa civitate fuerint, per vicos & plateas civitatis ejusdem incedentes cappam rotundam, seu honestum tabardum desuper vestimenta deferant. Si autem secus fecerint, post duos menses a tempore statutorum presentium in ipsa Synodo promulgatorum, noverint se suspensos.

Item eodem titulo.

Statuimus, quod nulli Clerici vestes deferant radiatas; alioquin si in maleficiis, seu in aliquibus forefactis fuerint deprehensi, non defendant eos, sed erunt extorres omnino ab immunitate Ecclesiæ, quæ ad Clericorum cautelam, & laicorum violentiam coercendi (gratia) dignoscitur instituta.

Item statuimus, ut omnes Presbyteri Nobis subditi, propter suam culpam excommunicati, durante excommunicatione ipsa, suorum Beneficiorum Ecclesiasticorum fructus amittant, & Episcopo Cameracensi, & locorum Archidiacono applicentur.

Item titulo de jurisdictione, & libertate Ecclesiarum & Cimiteriorum.

Statuimus, ut obfessores Cimiteriorum, & Ecclesiarum, & obsidentes confugientes ad ipsas Ecclesias, seu Cimiteria, nisi exeant, ipso facto, excommunicationis sententiam incurrant.

Item

(a) forte: MCCCXVI. si verus est annus ab initio notatus MCCCXI.

Item titulo de vita & honestate Clericorum.

Alias statutum fuit, quod omnes Presbyteri curati sæculares civitatis & Diœcesis Cameracensis, pileos publice & continue in capitibus suis, ac per vicos & plateas civitatis ejusdem incedentes, cap-pam rotundam, vel honestum tabardum desuper vestimenta sua deferant, alioquin noverint se suspensos: Nos cum eis mitius agere cupientes, a dicto statuto de-trahimus hæc vocabula: *continue*, & eidem statuto adjicientes post verba illa: *honestum tabardum*, hæc verba: *seu rotundum & honestum habitum*. Pœnam autem in dicto statuto contentam, videlicet, no-verint se suspensos, revocamus: loco illius pœnæ aliam pœnam subrogamus, videlicet si secus fecerint, ipsos in V. solidos Turonenses totiens quotiens con-venierint, teneri volumus Domino Came-racensi Episcopo, & locorum Archidia-conis applicandos.

Item eodem titulo.

Statuimus, ne Clerici mitras, seu cucufas in capitibus suis in choro de-ferant, dum ibidem Divina celebrantur.

Item de executione statutorum Syno-dalium.

Statuimus, ut Presbyter seu Executor quicumque alienum Parochianum excom-municans, seu excommunicatum denun-cians ejusdem Parochianum, proprium Sacerdotem infra octo dies sub pœna suspensionis super hoc certificare non omittat.

Item cum alias statutum fuerit, quod omnes Presbyteri Nobis subjecti propter suam culpam excommunicati, durante excommunicatione, suorum Beneficio-rum fructus amittant, &c. Huic statuto adjicietur: Præcipimus universis Decanis nostris Christianitatis, quod nomina dic-torum excommunicatorum, & quanti-tatem dictorum fructuum Nobis infra mensem a tempore notoria, juramen-to ab ipsis præstito, intimare non omit-tant.

*Martene & Durand veterum Scriptorum
& Monumentorum Collectio amplissima
Tomo VII. a pag. 1352. ad 1356.*

STATUTA NOVA CONCILII CAMERACENSIS ANNI MCCCXII.

*Statuta hæc sunt noviter facta, in Synodo Cameracensi celebrata in
majori Ecclesia anno Domini MCCCXII. die Mercurii, in
festo S. Luca Evangelistæ.*

QUoniam legitur in Canone: *Qui-cumque ex Deo esse videntur, arma mi-litaria non sumant*, statuimus, ut nullus Clericus, cujuscumque generis ar-ma deferat, sine Nostra aut Officialis no-stri licentia speciali, alias ad quinquaginta solidorum pœnam teneantur, & arma ni-hilominus amittant.

Item statuimus, quod singuli Pres-byteri in scripturis habeant nomina suo-rum Parochianorum excommunicatorum: qua de causa excommunicati sunt: utrum pro judicato, vel contentu, vel aliter; & nomina illorum, ad quorum instantiam sunt excommunicati, diem etiam, quo primo denuntiantur: & singulis annis per mensem ante Synodum Decanis referant Parochianos suos excommunicatos per annum, vel ad pœnam XX. solidorum Parisiensium teneantur: & Decani ad Sy-

nodum reportent secundum antiqua sta-tuta, alias nomine pœnæ ad XI. solidos Parisienses teneantur.

Item statuimus, ut singuli Presby-teri alta voce, & intelligibili in facie Ec-clesiarum suarum singulis diebus Domini-cis, & Festivis Parochianos suos excom-municatos denuntient nominatim & di-strictè, ut rubore confusi, ad unitatem sanctæ Matris Ecclesiæ citius revertantur, & eorum nomina habeant in cedula, vel quaterno; alias quotiens omiserint, in quinque solidis Turonensibus teneantur.

Item statuimus, quod Decani in suis litteris absolutionis nomina expriment, a qua sententia absolvent; & ad quorum instantiam tales absoluti excommunica-tionis sententiam incurrerunt; aliter Pres-byteri Decanorum litteras excommuni-catorum nullatenus exsequantur.

Item

CONCILIIUM MAGDEBURGENSE

Anno Christi MCCCXIII. Clementis V. Papæ VIII.

Henrici VII. Reg. Roman. V.

BORCHARDUS, DEI GRATIA, MAGDEBURGENSIS ECCLESIAE
ARCHI-EPISCOPUS, UNIVERIS PRÆLATIS, TOTIQUE CLERO EJUSDEM
PROVINCIAE SINCERAM IN DOMINO SALUTEM.

Scriptum est in Canone, quo dictum est: *Seniores Provinciae tuae congrega, et eos interroga*; a Sacrosanctæ Romanæ Ecclesiæ Summo Pontifice, Beati Petri Apostoli Successore, ad Metropolitanæ Sedis Antistitem congrue emanavit: nam & ipse, sicut olim a Sanctis Patribus dinoscitur institutum, cum suis Suffraganeis, annis singulis Provinciale Concilium jubetur celebrare, propter quod recte dictum est ad eum: *Seniores Provinciae tuæ congrega*; in quo quidem Concilio congregato de corrigendis excessibus & moribus reformandis, præsertim in Clero habeat cum timore Dei tractatum, & maxime, quæ statuta sunt juxta Canonicas Regulas, ut ea observari faciat, poenam debitam transgressoribus infligendo. Et ut hæc omnia consilio & salubrius peragantur, expedit ea fieri *Suffraganeorum suorum approbatione & consilio* sibi in omnibus assistente. Spectat nihilominus ad ipsius Metropolitanæ circumspeditionem & providentiam, juxta creditæ sibi dispensationis officium, subditorum commodis,

profectibus, & quieti sollicitudinis studium adhibere, præcipue laicorum quorundam, qui Clericis opido sunt infesti, nunc antiquorum Statutorum declaratione & suppletionem, nunc vero novorum editione, prout possibile fuerit, infusus & ausus nefarios reprimendo. Ipsi namque finibus suis non contenti nituntur in vetitum, ad illicita fræna relaxant, Ecclesiarum Prælati, Ecclesiasticisque personis, & rebus etiam earundem onera imponunt gravia, ipsasque vexationibus plurimis callidis frequenter aggravant & molestant: propter quod contra hujusmodi præsumptores summa suadet necessitas, gratia suffragante Divina pro pace, quiete, ac utilitate publica salubriter providendum.

I. De captivitatibus Archi-Episcopum, vel Episcopum intra Provinciam, & eorum poenis.

Sacro igitur approbante Concilio, statuimus, & sanximus: quod si quis deinceps

Burchardus dictus Lappe, nobilis Dominus de Querfurt, ex gente Schraplavia, anno 1307. die S. Catharinæ eligitur Archi-Episcopus Magdeburgi. Romam petit & consecratur a Papa, Pallium impetrat. Anno 1308. initio Maji, Roma reversus, XIV. Templarios ex sua Diocesi ejicit, eorumque prædia occupat. Anno 1310. ab Henrico Rege VII. infeodatur de omnibus Regaliis feudis, & administratione, ac jurisdictione plenissima in Magdeburgensem civitatem & Diocesim: Primus habuit Suffraganeum in Pontificalibus Joannem de Bockerum, ex Priore Augustiniano Episcopum Coroniacensem.

Anno 1312. a Clemente V. Brevi scripto, jubentur Burchardus III. Magdeburgensis, & Gevehardus Merseburgensis Episcopi, Templariorum bona in Balliva Brandenburgensi transferre in Ordinem Johannitarum (*Lamig Reichs Archiv Parte Speciali Continuation. I. De Ordine Meliteni vel Johannitarum*) tunc adhuc Rhodiorum Equitum. Cum urbe Magdeburgensi novennio bellum gessit, anno 1314. a civibus captus: post juratus liber dimittitur, solutus juramento a Papa, anno 1325. 29. Augusti iterum a civibus capitur, 21. Septembris vechè occiditur in carcere. Cædes anno integro tegitur: anno 1326. 1. Decembris exhumatur, & in sua Metropolitana Ecclesia sepelitur. Joannes XXII. Magdeburgenses Anno constrinxit: auctores cædis anno uno exilio urbis multati. Anno 1334. Joannes XXII. absolvit interfectores Burchardi, teste *Cl. Lenzsen*, qui in ejus summa teterima scribit, celi *Kranzhaus* & alii magnas & veras laudes Burchardi tribuant. In *Pandula. München Scriptores rerum Saxoniar. Tom. III. col. 325. 394. Tom. II. col. 979.*

ceps in hoc sacrilegii genus nefandum irrepperit, quod Archi-Episcopum, vel Episcopum Magdeburgensis Provincie, intra Provinciam ipsam ceperit, seu captum denuerit in eadem, vel socius fuerit facientis, aut fieri mandaverit, vel factum ratum habuerit, aut consilium dederit, vel favorem, eandem cum eo excommunicationis sententiam incidat ipso facto, ab omnibus arctius evitandus, accensis candelis & pulsatis campanis per totam Provinciam, denuntietur excommunicatus, singulis diebus Dominicis & Festivis, & cessetur nihilominus in pœnam ampliozem ipsius, in tota Provincia a Solemnis Divinorum.

II. *De captione vel detentione Archi-Episcopi, vel Episcopi, extra Provinciam commissa.*

Si vero Archi-Episcopi, vel Episcopi nostræ Provincie captio vel detentio extra Provinciam committatur; ex tunc omnes Episcopi alii, & etiam Archi-Episcopus ipse, si tunc captus fuerit, cum suis Capitulis infra XV. dies, aut etiam prius, si commodè fieri poterit, postquam ad eorum notitiam de captione Archi-Episcopi, vel Episcopi pervenerit, Archi-episcopum, vel Episcopum extraneum, in cujus Diœcesi detinetur captivus, requirere debent, ut exhibens consilium & auxilium opum in tota sua Diœcesi cessare faciat a Solemnis Divinorum, omnibus aliis supradictis in nostrâ Provincia observandis, tempore captivitatis hujusmodi in suo robore duraturis.

III. *De penis filiorum, & filiarum, ac posterorum hujusmodi malefactorum.*

Cæterum, quia dignum est, ut propter enormitatem culpæ, pœnarum modus exuberet, statuimus: quod filii, & filæ, & omnes eorum posteri, qui, vel quæ usque in quartam generationem per rectam lineam tam masculinam, quam femininam a prædictis malefactoribus descendere dignoscuntur, in nulla Ecclesiæ nostræ Provincie ad beneficium aliquod Ecclesiasticum, ante præstatam satisfactionem debitam & congruentem aliquantulum assumantur.

Et, ne in oblivionem veritas veniens vagetur in terra, statuimus, ut nomina prædictorum Episcopo loci tradan-

tur per ipsum scripturæ memoriæ perhennanda, qui etiam talium nominum copiam ad alios transmittat Episcopos.

IV. *De penis spoliantium res Ecclesiarum, & personarum Ecclesiasticarum.*

Quia non solum sacrilegi a jure censentur, qui in personas Ecclesiasticas manus intrunt temere violentas, verum etiam & illi, qui res Ecclesiarum, & personarum Ecclesiasticarum spoliunt, diripiunt, & invadunt; præsentî constitutione sanximus, quod spoliatores & invasores hujusmodi, si legitima monitione præmissa, de damnis & injuriis irrogatis, infra terminum competentem ad hoc assignatum, eisdem satisfactionem competentem exhibere contempnerint, excommunicationis vinculo constringantur.

V. *De penis laicorum Ecclesias incastellantium.*

Quia jura Canonum Ecclesias incastellari a laicis vetuerunt, Nos volentes prohibitionem eandem pœnarum adjunctione juvare, statuimus: quod si qui laicorum ipsas incastellare, & de ipsis propugnacula facere non formidant, ipso facto excommunicationis sententiam incurrant, & terræ ipsorum, si quas habent, vel locus, in quo de jure, vel de facto jurisdictionem exercent, Ecclesiastico sit suppositus interdicto.

VI. *De facientibus statuta contra Ecclesiasticam libertatem.*

Insuper statuimus: quod omnes, qui Statuta facere, edere, vel mandare servari præsumpserint in derogationem, subversionem, & conculcationem Ecclesiasticæ libertatis, & præcipue munera sacro Altari offerre volentium, suis statutis illicitis restringentes, excommunicationis sententiam incurrant, nisi infra mensem super hoc moniti talia statuta omnino revocent, & faciant removeri nullo unquam tempore valitura.

VII. *De penis Clericorum, & Monachorum frequentantium tabernas, & obsecrantium habitum & tonsuram.*

Cum Clerici debeant non solum interiore, sed etiam exteriore ornatu fulgere, præsentis approbatione Concilii prohibemus: ne quis Clericus, vel Monachus

chus tabernas frequentare præsumat, vel habitum, vel tonsuram congruentem & debitam portare contempnat, quia huic ornatui, qui in ipsis nitere debet videretur non modicum adversari; transgressores vero prædictorum ingressu Ecclesiæ suspendantur, & hi, qui contra tonsuram decentem delinquerint, redditus suorum beneficiorum non recipiant.

VIII. *De faciendâ computatione per Ecclesiarum Provissores.*

Insuper statuimus, quod laici, Ecclesiarum Parochialium Provissores, qui Altermanni vulgari vocabulo nuncupantur, de rebus Ecclesiarum, quas receperunt & expenderunt ad requisitionem Rectoris Ecclesiæ, quem ad hanc in virtute sanctæ obedientiæ duximus adfringendum, bis in anno in præsentia

honestiorum virorum, rationes reddere teneantur.

IX. *De revocatione Statutorum Provincialium præscriptis statutis habentia adversa.*

Postremo præcipimus & mandamus, ut nulla statuta alia a nostris Prædecessoribus in suis Conciliis promulgata, si statutis nostris præmissis reperiantur contraria, vel adversa, quisquam recipiat, vel secundum ea judicet. Per hoc nihilominus statuta alia, si quæ fuerint, minime revocantes.

Datum Magdeburgi in Concilio Anno Domini MCCCXIII. Nonas Martii.

Ex codice MS. Ecclesiæ Metropolitanae Moguntinæ descriptis Cl. Schannatus.

CONCILIIUM HERBIPOLENSE

SUB ANDREA EPISCOPO

A.C. MCCCXIV. XVI. Kal. Junii. Sede Roman. vac.
Henrici VII. Regis VI.

ANDREAS, DEI GRATIA, HERBIPOLENSIS EPISCOPUS &c.

Vestigiis Prædecessorum nostrorum inherentes, ad animarum salutem & Cleri emendationem ampliandam, de consilio Prælatorum, & Capituli Ecclesiæ nostræ, quædam in præsentî *Synodo* duximus statuenda, quæ a vobis omnibus ac singulis diligenter inantea volumus observari.

I.

Prohibemus itaque, quod nullus habeat plures Vicarias; quia cum Vicarii teneantur Ecclesiis personaliter deservire, alienum est ab ordine juris, ut Vicarius Vicarium præsumat substituere quomodo; nam taliter substitutus non Pastor, sed mercenarius, cujus non sunt oves propriæ, potius est censendus, qui videns lupum fugit, & dimittit oves quas lupus rapit miserabiliter, & dispergit. Sane cum majoribus honoribus functos, inferiores recipere non sit decus, prohibetur: quod nullus Pastor cujuscumque Ecclesiæ existens, se de regimine Vicariæ aliquâliter intromittat,

nisi nostrâ licentiâ hoc fiat, & causâ rationabilis id exposcat.

II.

Quia nonnulli Sacerdotes curati Diocesis nostræ in mittendo Parochianos suos in Cæna Domini Herbipolim ad nostram præsentiam, sunt per omnia desides & remissi, statuimus & præcipimus eis in virtute sanctæ obedientiæ, ut in omnem eventum ipsos Parochianos ad diem & locum prædictos transmittere non obmittant.

III.

Consuetudini generali, quæ est optima Legum interpres, in civitate & Diocesi nostris hæcenus inconcussæ servatæ, Nos conformare volentes, statuimus: quod funus quodlibet apud alienam Ecclesiam sepeliendum, prius ad Parochialem deportetur; nam sicut funeratus a priore Sacerdote Curato, dum viveret, Ecclesiastica Sacramenta recepit, sic congruum est & honestum, ut habendo Missam in propria Ecclesia, ultimum vale recipiat ab eadem.

IV.

I V.

Eleemosynarum Quæstores, terminum audacie suæ ponere nescientes, sed ut facultates uno die exhaurire valeant plurimorum, de & super litteras quorundam Prælatorum recipiunt & extorqueant *visum*, Nos, sub excommunicationis poena læte sententiæ præsentis Edicto irrefragabiliter inhibemus: ne deinceps Quæstores quicumque ad petendum eleemosynas in Ecclesiis & locis quibusvis admittantur, neque promoveantur, nisi veras ac originales (s) sententiam, quam ex nunc in huiusmodi transgressore ferimus, per præsentem incurrere volumus ipso facto, salvis nihilominus aliis poenis a iure statutis contra tales. Sic quoque, ut firmiter speramus, minores, Divina suffragante clementia, de thesauris & divinis ad eos ab eorum parentibus delatis, in egestatum miserias, citra ipsorum vitium, de cætero, ut hætenus lamentabiliter contigit, non dilabentur.

Hoc statutum pro utilitate minorum inductum, per Plebanos locorum annis singulis, pluribus diebus Dominicis in theurionico, in ambonibus Ecclesiarum suarum ad populum publicetur.

V. De Jure jurando.

Statuitur contra conspiratores: quod Clerici, Monachi, & Canonici universi, qui colligationes, seu confederationes ulas fecerint, fidei vel juramenti cautione interposita, sive in Electionibus faciendis, sive in aliis quibuscumque negotiis, contra sanctiones Canonicas, excommunicati sint, nec ex confederatione huiusmodi debet aliquis obligari.

VI. De Jure Patronatus.

Item prohibemus in virtute sanctæ obedientiæ, & sub poena suspensionis ab ingressu Ecclesiæ, & sub obstaculatione Divini Judicii, ne Sacerdotes & aliæ Ecclesiasticæ personæ, a Patronis Ecclesiarum ad Ecclesias Parochiales vacantes, nomine & vice alicujus minoris, impuberis, vel alterius, ætatem legitimam non habentis, se faciant pro veris Rectoribus præsentari, quia ab isto exonerabili abusu, qui irrepsit prohi dolor! in nostra civitate & Diocesi, (ut accepimus) Ecclesia Dei, & animæ Fidelium damnablem decipiuntur; &, præter

alia mala, quæ ex his pullulant, ipsa Ecclesia inficitur simoniaca pravitate; qui quidem sic instituti (apud Laicos *Kartbentreges* vulgariter nuncupantur) & qui hætenus præsentati sic fuerant fraudulenter, eas Parochias a se abdicens & resignent, quod eis sub prædicta poena firmiter præcipimus per præsentem.

VII. De Divinis Officiis.

Ad decorem Domus Domini, & ad cultum Divini Officii ibidem ampliandum, & ut Christi Fideles ad Divinorum Officiorum frequentiam ac etiam devotionem salubrius invitentur, statui-
mus, & ordinamus, & nihilominus Curatis Sacerdotibus in virtute sanctæ obedientiæ injungimus, quod ipsi de cætero in Ecclesiis suis, debitis horis cottidie, pulsatim campanæ ad hoc signo, non in cameris, stubis, seu aliis locis (ut nonnulli ex eis hætenus facere ex accidia consueverunt) saltem Matutinum, & Vespertinum Officium dicant, cum commode fieri poterit: nisi eos quandoque inevitabilis necessitas, seu impedimentum legitimum ab hoc retrahat & excuset: quia ex isto abusu plures libri Ecclesiarum huiusmodi furto asportantur, ac etiam locis præhabitis deteriorantur graviter ipsi libri: alioquin ad solutionem librorum, sic perditorum, & deterioratorum, juxta modum præhabiti, dicti Plebani tenebuntur, & nihilominus super eo legitime puniantur.

VIII.

Item aliquam Ecclesiæ nostræ, Matris vestræ, consuetudinem, quæ retro temporibus in desuetudine negligenter abiit, innovare volentes, statui-
mus, imo etiam omnibus Clericis Civitatis, & Diocesis, maxime Curatis præcipimus in virtute sanctæ obedientiæ in his scriptis: ut in Ordine & in Officio Divino, & in Festorum mobilium, dierumque celebrium indictione, Dominicalium quoque Historiarum expositione, jejuniorum publicationes & observantia, quo-
ad se, & subditos suos, in omnibus ipsi nostræ Ecclesiæ se se conforment, quem Divinum Ordinem in scriptis a Successore Ecclesiæ nostræ de cætero in perpetuum singulis annis recipere debent, diem etiam Sancti Kiliani, & Dedicationis ejusdem Ecclesiæ solemni-
cele-

(s) *Supple:* Litteras acceptæ facultatis exhibuerint; sin,

celebrent: eisdem diebus, & in septimana Pentecostes, cum plebibus suis eandem Ecclesiam nostram devote visitent Ecclesiarum Plebani, qui, & quorum Prædecessores, ab antiquis temporibus hoc facere consueverunt. Ipsi quoque Plebani, in diebus Patronorum, & Dedicationis Ecclesiarum suarum, solempnes ferias cum plebe sua teneant, & observent.

Item in die Dedicationis Ecclesie nostræ, quæ occurrit in die *Columbani*, Divinum Officium Plebani locorum Diocesis nostræ, de Maryribus peragant, & observent.

Item Anniversarium Reverendi Domini Brunonis, quondam Episcopi Herbipolensis, per nostros subditos civitatis, & Diocesis nostræ, *Sabbato post diem beati Urbani*, quo feliciter diem extremum clausit, peragi præcipimus, juxta consuetudinem, humiliter & devote.

IX.

Præcipimus insuper, quod singulis annis Sacerdotes Curati, in *Cena Domini*, vasa munda *Herbipolim* transmittant ad recipiendum in eis Crisma & Oleum sanctum, quæ quidem vasa debent esse debitis characteribus signata.

X. De *Spanfulibus* & *Matrimonio*.

Statuimus: ut nullus, cujuscunque conditionis existat, viros, seu mulieres, per vim, coactionem. . . .

. . . . *Hiatus*

XI. Si, sede Episcopi vacante, Capitulum in Spiritualibus negligenter & perperam administret, Archiepiscopus ob negligentiam vel violentiam Capituli, eo vocatus, tunc su-

per hoc cognitione præmissa, Visitatorem, seu Administratorem eidem Ecclesie licite poterit deputare.

Cum evidens est Episcopi sententiam esse injustam vel indifferam.

XII. Cum visitat Provinciam, potest litteras remissionis peccaminum concedere.

XIII. Cum visitat, potest Suffraganeorum subditorum confessiones audire, absolvere, ac penitentias injungere.

XIV. Cum ad eum deferretur questio per consultationem.

XV. In his, quæ tangunt totam provinciam communiter.

XVI. Quoad Congregationem sacram Concilii Provincialis, & quæ ibi aguntur & statuuntur.

XVII. In injuriis notoriis sibi, vel Familie suæ, vel suis Nuntiis, cum visitationis exerceret officium irrogatis.

XVIII. Ratione privilegii sibi a Papa concessi.

XIX. Si inter Episcopum, & Capitulum suum fiat contractus aliquis super rebus immobilibus, tunc, ne Episcopus possit esse autorizator in re propria.

XX. Quando Episcopus recusatur tanquam suspectus, vel alia de causa mittit ei partes, & refert totam causam.

XXI. Ratione consuetudinis, dummodo rationabiles sint & præscriptæ.

Datum *Herbipoli* Anno Dom. Incar. MCCCXIV. XVI. Kal. Junii.

Ex *Sebedis Joannis Gamans Soc. Jesu* descripsit Cl. Schannatus.

CONCILIIUM CAMERACENSE

ANNO DOMINI MCCC.XV.

Titulo de executione Statutorum Synodaliū.

Quia plerumque ex dilata executione Mandatorum vel Statutorum nostrorum Synodaliū scandala provenerunt; statuimus, mandamus, & præcipimus, ut ubicunque per Statuta

nostra Synodalia cessandum fuerit à Divinis, cessetur ibidem juxta Statuta prædicta, absque alienius Nostri, vel Officialis nostri Cameracensis expectatione mandati.

In titulo: De exequiis Mortuorum, & ea tangentiibus.

In paragrapho: *Sunt in terris Ecclesie ab ipfis excelsis, &c.* post verba: *decident inter fissa*, addimus ita: *vel in aliqua alia parte auri, dum tamen fructus aliquos non perciperint.*

Item denuntiantur excommunicati, auctoritate Concilii Provincialis.

Item titulo de Matrimonio.

Quia in quibusdam paribus nostræ Cameracensis Diocesis, quod dolentes referimus, nonnulli tam viri, quam uxores simul matrimonialiter copulati, ad suggestionem diaboli, qui semper in hoc mundo parat discordias, & non cessat zizania seminare, Christique fideles ab unitate fidei separare, ex qua volunt displicentia, seu discordia sua, temeritate propria & absque Ecclesie iudicio contra præceptum Domini & Apostolicas sanctiones se se ab invicem separare, & dividunt de facto, divortium inter se ad sui libitum celebrando, viri scilicet dimissis suis uxoribus propriis alias uxores, etiam viris aliis conjugatas, & uxores alios viros sibi damnabiliter associant & conjungunt, alter alteri in domo, loco, & aliis, quasi vir & uxor conjugati, penitus adhaerendo, & in Dei, & Ecclesie scandalum publice, & luxuriose vivendo. Nos ergo tantis in Ecclesia Dei scandalis, tanisque erroribus, & subditorum nostrorum animarum periculis, prout ex debito teneamur officii, occurrere cupientes, statuendo præcipimus, ne aliqui de cetero tam viri, quam uxores, absque Ecclesie iudicio sese ab invicem separent, aut dividant causa divortii inter eos faciendi. Qui vero contrarium fecerit, in excommunicationis sententiam, quam in ipsos ferimus, incidant ipso facto.

Item Titulo de Testamentis.

Quia in quibusdam villis nostræ diocesis Cameracensis, sunt nonnulli laici, tam iudices, quam non iudices, asserentes, & sustinere nitentes ultimas decedentium voluntates, ac eorum testamenta non aliter valere, tenere, aut habere roboris firmitatem, nisi in prædictorum confessione Scabini loci, aut saltem duo de ipsis præsentis interfuerint

ad hoc vocati specialiter, & rogati, asserentes secundum usum suum, quem prætendunt, quod per alios testes, quam Scabinos, probari non valeat ultima dispositio testamentorum. Nos igitur attendentes, quod prædictus abusus evidenter est contrarius rationi, quodque per prædictum abusum, si non tolleretur, de cetero prædictas defunctorum voluntates sæpe & sæpius indebite contingeret irritari; statuendo præcipimus, ne quis occasione abusus huiusmodi prædicta defunctorum testamenta, aut eorum voluntates ultimas, aliter tamen rite factas, impedire aut impugnare presumat. Qui vero contrarium fecerit, in excommunicationis sententiam incidat ipso facto.

Item eodem titulo.

Item, quia in quibusdam locis & villis nostræ Cameracensis Diocesis, nonnulli laicalis iustitie asserunt, & sustinere nituntur, quod secundum usum suum legata & donationes causa mortis, quas faciunt decedentes, non valeant, nec habeant roboris firmitatem, nisi testator de lecto mortis confurgens, extra domum, in qua jaceret, per XI. pedum spatium pedes vadat, & ibidem de bonis suis ordinet & disponat: Sunt etiam aliqui laici iudices asserentes, quod non valent, nec tenent legata, donationes, & elemosynæ defunctorum, nisi de datis & relictis testator in vita sua, propria manu legatorum, & donatorum propriam possessionem tradiderit; & saisinam, ad iniquitatem suam, & malitiam tollendam quemdam abusum nefandissimum, pro consuetudine prætendentium; (a) Nos igitur attendentes, quam pie, quam favorabiles sunt ultimæ voluntates, ex quantoque cupiditatis & malitiæ fomite (b) sumperit fundamentum, statuimus, ut legata, donationes, & elemosynæ defunctorum valeant, & teneant, siue in lecto mortis, siue in domo facta fuerint, etsi de prædictis datis, & legatis, legatorum & donatorum in vita sua possessionem non tradiderit, vel saisinam, dicto abusu contrario non obstante, dum tamen non super sit alia causa legitima, propter quam possint, & debeant impugnari: inhibentes, ne quicumque iudices occasione dictorum abusus, vel

(a) forte: prætendentes.

(b) Supple: hæc prætentio.

vel

vel alicujus eorumdem, dicta legata, aut legationes fraudulenter impediunt, aut impugnare præsumunt. Qui vero contrarium facere præsumperint, in excommunicationis sententiam incidant ipso facto.

Item præcipimus & mandamus firmiter injungendo omnibus, & singulis Parochialium Ecclesiarum Curatis Cameracenſis Diœceſis, ut hæc statuta, in hac sancta Synodo facta per nos, singulis diebus Dominicis in Ecclesiis suis coram populo in materna lingua publicent, & exponant. Qui vero in his exequendis repertus fuerit negligens, vel remissus, pro sua negligentia graviter se sentiat puniendum.

Excommunicatos a Canone nuntiamus eos, qui excom, & non excom, interdicti tempore, in casibus non concessis a jure, vel excommunicatos publice, vel nominatim interdictos, vel usurarios manifestos, scienter in cimiteriis fuerint aut sepelire.

Item titulo de Matrimonio.

Excommunicatos a Canone nuntiamus eos, qui in gradibus consanguinitatis, vel affinitatis æ matrimonii constitutionem^(a) Canonice prohiberi scientes, contrahere non verentur, quorum nomina per Curatos locorum, ubi moram trahunt, cum ad ipsorum notitiam pervenerint, notificari volumus absque mora, ut contra tales, prout justum fuerit, procedere valeamus.

Item titulo de sententia excommunicationis.

Excommunicatos a Canone nuntiamus omnes & singulos Religiosos, tam exemptos, quam non exemptos, qui in civitate Cameracensi, villis, aut castris nostræ Cameracenſis Diœceſis, in quibus Cathedrali, vel Matricem loci Ecclesiam auctoritate statutorum Provincialium vel Synodali interdictum, seu cessationem sciverint observari in suis hic lacratum est unum folium.

^(a) forte: constitutos canonice

. ab illo statuto, quod incipit :

Item Sacerdotes excommunicant, & nuntiant excommunicatos omnes illos, &c. illa verba : *excommunicatos denuntiant*, subtrahimus, & post illa verba in fine dicti statuti contenta : videlicet *publice vel occulte statuendo*, addimus hæc verba: Quos etiam ex tunc ipso facto excommunicamus, nec non omnes, & singulos consilium, auxilium, mandatum, aut favorem dantes circa conspirationem hujusmodi, sub qua, & per quam intelligimus, & declaramus contineri alligaciones, confederationes, ac durationes expensarum, seu casuum contributiones.

Item titulo de executione Statutorum Synodali.

Nonnulli Presbyteri, & Capellani scientes, seu scire debentes, se teneri ad observationem Statutorum Synodali, Statuta hujusmodi in causa cessationis non observant, sed potius statutis hujusmodi spretis, & contemptis, ignorantiam in hoc casu affectantes, seu fingentes, celebrare, ubi cessare debet, & aliter, quam de jure est permittum, scienter præsumunt. Nos cupientes contra hæc statuendo adhibere remedium optimum, tales ipso facto, ex tunc a Divinis suspendimus; & si suspensi hujusmodi per sex dies non se abstinuerint, excommunicamus eosdem, & excommunicatos mandamus publice notuari.

Item eodem titulo.

Abſolutionem, seu relaxationem a sententia excommunicationis, suspensionis, seu interdicti, in dictis statutis antiquis, vel novis contenta, si quis eas incurrerit, Nobis, aut Episcopo Cameracensi, seu ejus locum tenenti, aut Officiali Cameracensi specialiter, præterquam in mortis articulo, reservamus.

Martini & Durand Veterum Scriptorum & Monumentorum amplissima Collectio Tomi VII. pag. 1350. - 1352.



CONCILIIUM CAMERACENSE A. MCCCXVI.

Statuta facta anno MCCCXVI. prima die mensis Octobris in Ecclesia Cameracensi.

QUoniam pro funebus, quæ in exequiis defunctorum apportantur, antequam fiant exequiæ, a nonnullis fiunt illicitæ pactiones, Ecclesiis, atque personis Ecclesiasticis damnosæ, inhibemus præcipiendo in virtute sanctæ obedientiæ, & sub pœna excommunicationis, ne de cætero pactiones fiant de ipsis funeribus, antequam ipsæ exequiæ factæ fuerint, & corpus, pro quo fiunt, traditum sit Ecclesiasticæ sepulturæ.

Item denanciamus excommunicatos a Canone omnes illos, qui servant, & ser-

vari faciunt statuta edita, & consuetudines introductas contra Ecclesiæ libertatem.

Item statuimus descriptores statutorum ipsorum, nec non Scabinos, Rectores, & Consiliarios locorum, ubi de cætero hujusmodi statuta & consuetudines editæ fuerint & observatæ, nec non eos, qui secundum ea præsumpserint judicare, excommunicatos esse.

Martene vet. Monument. ampl. Collectio Tom. VII.

CONCILIIUM MONASTERIENSE

SUB LUDOVICO EPISCOPO, Primum A. 1317. Fer. II. post Lætare,
Alterum A. 1318. Fer. II. post Gereonis.

Anno Christi MCCCXVII. Joannis XXII. Papæ II.
Ludovici Bavari Regis IV.

Statuta Reverendi in Christo Patris ac Domini, Domini LUDOVICI, Monasteriensis Episcopi, feliciter incipiunt.

LUDOVICUS, DEI GRATIA, MONASTERIENSIS ECCLESIE EPISCOPUS, DILECTIS IN CHRISTO ABBATIBUS, PRIORIBUS, DECANIS, PRÆPOSITIS, ARCHIDIACONIS, ECCLESiarUM ET CAPELLARUM RECTORIBUS, ET ALTARIUM, NEC NON UNIVERSO CLERO NOSTRÆ CIVITATIS ET DIOCESEOS MONASTERIENSIS SALUTEM IN EO, QUI OMNIUM VERA SALUS EST.

PRæcipimus Sacerdotibus sub pœna suspensionis ab officio, ut cum visitant infirmos cum sacro Corpore Domini, vel etiam pro extrema Unctione faciendâ, decenter incedant, & reverenter, & superpellicciati saltem in do-

mo, in qua Sacramentum hujusmodi debilibus administrant, vel aliquomodo sine socio, & dato signo campanulæ hujusmodi Sacramentum non deportent, nisi evidens periculum morientis aliud expeteret faciendum, etiam duas Hostias

Ludovicus, ex Landgraviis Hassiæ, a Clemente V. Papa electus & confirmatus A. 1309. Episcopus Monasteriensis XXXV. introductus in possessionem Principatus ab Ottone, Cliviæ Comite, avunculo suo. Sedit annos 49. Mortuus A. 1357. die S. Agneti. XV. bella gessit, & creditam sibi Dioccesin pacificavit. V. *Stangense Annal. Westphal. Lib. III. pag. 404.*

Filius erat Henrici conducti pueri, Ducis Brabantiae, & Patris omnium Landgravorum Hassiæ, ex ejus adâ uxore Mechtilde, filia Theodorici, Comitis VIII. Cliviæ, 4. fratrum & 7. sororum frater. Bellicosus quidem, at Literatorum magnus Patronus, Dioccesin suam pacatorem & mitiorem reddidit laudatissimus Princeps.

Tomus IV. Concil. German.

stias ad minus secum deferent, cum infirmis Sacramentum Eucharistiæ administrent, ne populus fidelium idololatriam incurrens, credat in pixide Corpus Domini contineri. Cæterum, ut Clericorum mores & actus in melius reformentur, statuimus, ut continenter & caste Clerici vivere studeant, universi præsertim in sacris Ordinibus constituti ab omni vitio libidinis præcavescentes, quatenus in conspectu Dei omnipotentis puro & mundo corde valeant ministrare: manifestam itaque cohabitationem Clericis sub districtione firmissime prohibemus. Item Clerici officia, vel commercia sæcularia, maxime inhonesta, non studeant exercere. Item præcipimus omnibus Clericis, ut se, prout onus Beneficii sui requirit, infra tempus a jure concessum faciant, si potuerint, vel valuerint, ordinari. Item statuimus, & mandamus, ut Clerici cum habitu incedant secundum sacrorum Canonum instituta, nec vestes dissolutas, utpote auro vel argento in pectoralibus, manicis, vel alia quacunque sui parte, deferant confibulatas, vel alias abusive, & contra Clericalem decetiam deornatas: calceos etiam incisos, & perforatos ferro vel alio instrumento ad hoc apto, vel instar laicorum, non deferant quoquomodo: & coronam in capite, per quam insigne decus Clericalis militiæ elucescit, more debito & consueto rasam absque aliqua palliatione deferant in aperto: cum moribus hujusmodi, quasi communis in Clero irrepperit devotio, & ideo necesse est invigilare curiosius circa ipsum. Omnibus igitur & singulis Abbatibus, Præpositis, Prioribus, Decanis, Archidiaconis, ac Prælati quibuscunque nostræ civitatis, & Diœcesis Monasteriensis, quocunque nomine censeantur, in virtute sanctæ obedientiæ, & sub poena excommunicationis districtè præcipiendo, mandamus, quatenus omnes vestros subditos moneatis, quos etiam Nos monemus per præsentem, ut ab hujusmodi se abstineant infra mensem, ac Clericaliter incedant habitu & tonsura: contrarium facientes Ecclesiastica censura compescatis, alioquin vestram suppletes negligentiam per Nos, vel Officalem nostrum contra vos & tales districtione, qua convenit, procedemus. Item præcipimus, & provide ordinamus, ut campanarii, seu cu-

stodes Ecclesiarum sint litterati, ita ut cum Plebano cantare valeant tempore opportuno, nec de cætero sine Rectoris Ecclesiæ consilio vel assensu aliqui ad officium hujusmodi affamantur.

Item, quod propter indiscretam absolutionem, quam in articulo mortis nonnunquam Sacerdotes incaute impendunt, ab excommunicationis sententiis absolvent homines sine juris processu, pericula proveniunt animarum, & multarum insurgit perplexitas quæstionum; circa hoc taliter duximus statuendum, ut nullus Sacerdotum de cætero excommunicatos pro manifesta offensa, ut puta, de qua in jure confessus, vel convictus, seu per sententiam condemnatus, vel alias adeo est notoria per facti evidentiam, quod nullus possit tergiversatione celari, nisi in articulo mortis absolvere non præsumat, nisi satisfaciant de offensa, vel satisfaciendi præstent pignoratioriam, seu fidejussoriam cautionem, vel in eorum defectum juratoriam, quæ, cum refutetur, ubi constat ad solvendum bona aliqua mobilia, vel immobilia possidere. Sed potius cum approbatione & consensu hæredum, & cohæredum, si commode haberi possint, qui si consensum negarint, saltem per absolvendum, quantum in eo est, ipsi læso vel offenso, si præsto fuit, vel ad manus Presbyteri eorum nomine obligentur: cum experientia, quæ efficax est rerum magistra, didicimus aliquos in fraudem creditorum, vel per injuriam offensorum, a se abdicasse omnia bona sua, seque sic non posse satisfacere, nec cavere juramento damnabiliter mentientes. Pro contumacia vero excommunicati de parendo juri similiter præbeant cautionem. Nullus etiam Sacerdotum manifestos raptore, maxime propter hoc excommunicatos, (quamvis non habentibus, unde satisfaciunt, vel cavere non valentibus, ut superius est præmissum, Sacramentum Eucharistiæ non negent) ad terrorem aliorum, & in detestationem tanti criminis, Nobis, & Officiali nostro inconsultis, (a) non admittat ad Ecclesiasticam sepulturam: nec pro aliquo jure sibi debito, vel propter injuriam, vel similitatem, vel etiam alicujus laici inhibitionem absque Superioris auctoritate Sacerdotes suis subditis negent Pœnitentiæ, vel Eucharistiæ Sa-

gra-

(a) forte: non, omittendum.

cramentum. Item meminimus alia nos statuta contra manifestos usurarios edidisse, ex quibus, quia rarus aut nullus fructus hucusque provenit, hæc dictis statutis duximus annectenda, & etiam delaranda: mandantes, ut nullus Sacerdos manifestis usurariis in vita, vel in morte beneficium absolutionis impendat, nisi illis, quibus est restitutio facienda de usuris extortis satisfaciant pro suarum viribus facultatum, vel de satisfaciendo pignoratiorum, vel fidejussorum, si præsto sint, vel illam, quam ab eis acquirere possint, & in eorum defectu Sacerdoti exhibeant cautionem. Manifesti vero usurarii sunt censendi, qui de hoc in iure confessi fuerint, vel convicti, seu per sententiam condemnati, aut in sancta Synodo accusati super hoc, vel a iudice suo impetiti super hoc, infra terminum competentem se de hoc legitime non purgaverint, seu defecerint in purgando. Monemus etiam Archi-Diaconos, vel alios Prælatos Ecclesiasticos, quibus de officio suo competit hoc, ut ad extirpandum scelus tam execrabile, quod hominum facultates devorat, & exhaurit, tanto studiosius invigilent, quanto damnabilius relinquitur incorrectum. Qui vero contra præmissa, vel aliquid præmissorum illud est (b) sit reservandum, proinde duximus statuendum, ut laici se de cætero de talibus non intromittant absque consilio, & consensu Rectorum Parochialium Ecclesiarum, volentes, quod duo viri honesti & idonei in singulis Ecclesiis Parochialibus Rectori Ecclesiæ adjungantur, qui singulas claves habentes cum Plebano, oblationes universas ad luminaria, vel ad fabricam pertinentes, in una arca concludent, & de simili consensu, assumptis ad hoc, cum opus fuerit, de Parochiis aliquibus providis & honestis facturi, prout expedire viderint utilitatibus & necessitatibus Ecclesiarum. Insuper prohibemus sub insinuatione maledictionis æternæ, ne laici de cætero in Ecclesiis, cimiteriis, aut plateis publicis truncos, aut imagines ratione questus ponant, vel defrant cum tabulis circumeuntes, questum congregantes absque consilio, voluntate, & ordinatione Rectorum Parochialium Ecclesiarum, nisi taliter conquistata in usus & utilitates Ecclesiarum convertantur, de quibus omnibus tam receptis, quam ex-

positis, Rectores Ecclesiarum cum Magistris fabricarum singulis annis in Synodo Quadragesimali coram Archi-Diaconis suis teneantur reddere rationem, de qua computatione Archi-Diaconi nihil emolumenti sibi poterunt vindicare. Qui vero contra fecerint, si personæ fuerint sæculares, excommunicationis sententiam; si vero Collegium, vel Universitas civitatis, vel castri, vel loci alterius, cujuscunque ipsa civitas, castrum, vel locus, interdicti sententiam ipso facto incurrant. Monitione tamen canonica præmissa, nec ab excommunicatione hujusmodi absolutionem, vel interdicti relaxationem obtineant, donec de transgressione competenter satisfecerint. Item, ne Clerici nostræ Civitatis vel Diocesis vanitatis, vel levitatis, ac indevotionis signa præterevidentur, ipsi in virtute sanctæ obedientiæ, & sub pœna excommunicationis districte prohibemus, ne rubeas vestes, seu rubeos pileos, aut capillos, aut crocei coloris amodo portare præsumant: quod nisi infra octo dies hujusmodi habitum mutant, eum de cætero nullatenus portaturi, contra tales utpote rebelles districtius procedemus. Item, quia gravis & damnosa querela nostris auribus assidue inculcatur de eo, quod multi tam Clerici, quam laici, qui lætantur, dum malefaciunt, & in rebus pessimis gloriantur, noctem vertentes in diem, vagantur per plateas, domos, & hospitia, & habitacula muliercularum frequentantes: cum ad eas causa explendæ libidinis non pater introitus, vel accessus, domos, hospitia, & habitacula hujusmodi jactu lapidum hostiliter invadentes, ipsas mulierculas, ac alios homines, cum quibus cohabitant, diffamant, ac multipliciter molestant, & perturbant, unde de cætero sub pœna excommunicationis districtissime id fieri prohibemus. Qui vero præmissas inhibitiones animo petulanti contempserit, diem ultionis, & nostræ potentæ non immerito acrimoniam poterit formidare. Datum, actum, & pronunciatum in nostra Sancta Synodo, Anno Domini Millesimo CCC. XVII. Feria secunda post Dominicam Latere.

(b) Latet hic mendum in impresso, nec cohærent proxima prioribus.

Aliud Statutum ejusdem.

LUDOVICUS, DEI GRATIA, MONASTERIENSIS ECCLESIAE EPISCOPUS, PREPOSITIS, DECANIS TAM RELIGIOSIS, QUAM SECULARIBUS, NEC NON UNIVERSIS ECCLESiarUM RECTORIBUS, ET CLERICIS, ORDINIS, SEU STATUS CUJUSCUNQUE NOSTRÆ CIVITATIS ET DIOCESEOS MONASTERIENSIS, AD QUOS PRÆSENTES LITERÆ PERVENERINT, SALUTEM IN DOMINO SEMPTERNAM.

Quamvis secundam factorum Canonum instituta, inceptor ausu temerario venire præsumpserit, Divine ultionis, & nostræ acrimoniam non immerito poterit formidare. Actum, & statutum, & pronuntiatum anno Domini

Millesimo CCC. decimo quinto, Feria secunda post Dominicam *Lætare*.

Impressio Monasterii A. 1486. recedit Ludwig Continuat II. Specilegi Ecclesiastici pag. 802.

CONCILIIUM MONASTERIENSE

ANNI MCCCXVIII

Statutum ejusdem Ludovici Episc. Synodi secundæ anni 1318.

Feria II. post Gerconis.

LUDOVICUS, DEI GRATIA, MONASTERIENSIS ECCLESIAE EPISCOPUS, UNIVERSIS MONASTERIORUM, ECCLESiarUM, CAPELLARUM, RECTORIBUS, PRÆLATIS, PRESBYTERIS, ET CLERICIS QUIBUSCUNQUE CIVITATIS ET DIOCESEOS MONASTERIENSIS CUJUSCUNQUE STATUS, CONDITIONIS, AUT ORDINIS EXISTANT, ET EORUM VICIS GERENTIBUS, SALUTEM IN DOMINO SEMPTERNAM.

Ecclesiasticis utilitatibus deservientes, vel defudantes, Ecclesiastica dignum est remuneratione gaudere, ut, qui se voluntariis obsequiorum necessitatibus sponte subiciunt, digne nostris promissionibus consolentur. Sane sicut Nobis querela frequens multorum infnuat, quod nonnulli Ecclesiarum Parochialium Rectores, quos abesse contigerit, ita quod in suis Ecclesiis residentiam facere nequeunt personalem, ab his, quibus locant Ecclesias suas, tantum percipiunt annuatim, quod ipsorum Rectorum Vicarii non possunt de residuo commode sustentari, & jura Episcopalia solvere, & alia eis incumbencia onera supportare, propter quod sæpe contingit, quod non inveniuntur personæ idoneæ, ex quo pericula imminant animarum. Nos itaque volentes super hoc salubre remedium adhibere, præsentî decreto statuimus, ut cum aliqui Ecclesias suas locare propter causas legitimas & rationabiles voluerint, illud in Archidiaconorum præsentia suorum faciant consilio pariter & consensu, qui solum Deum habentes præ oculis ordinant, prout Ecclesiis, & personis hinc

inde omni fraude & dolo exclusis, videntur expedire: adjicientes, ut taliter instituti in dictorum Archidiaconorum præsentia singulis annis dictam institutionem teneantur innovare. Propterea qui in Cathedrali veteris Ecclesiæ Sancti Pauli, Sancti Martini, Sancti Ludwigi Ecclesiarum Archidiaconos non habent, illarum Nobis potestatem Ecclesiarum, aut nostro Officiali in similibus reservamus. Item præcipimus & mandamus, ut nulli Ecclesiarum Rectores, quicquam de anno in annum ratione locationis prædictæ vel conditionis recipiant, vel requirant, aut exigere præsumant: quoquomodo contrarium facientes, sententiam excommunicationis volumus incurrere ipso facto; quod summum in rebus bonum est, justitiam colere, ac sua cujusque jura servare, & subiectos non servire, quod potestatis est fieri, sed quod æquum est, custodire. Frequens itaque & assidua querela ad Nos circumstrepit, quod quidam laici ausu sacrilego non solum de rebus & personis Ecclesiasticis, & maxime Parochialium Ecclesiarum se ingerunt, verum etiam de reliquis oblationum, & lega-

legatis, clavibus, & Ecclesiarum ornamentis se intromittunt contra Ecclesiasticam libertatem: Nos vero attendentes, quod cum laicis de rebus & personis Ecclesiasticis disponendi, & iudicandi, vel de eorum vita aliquid investigandi nulla tributa sit facultas, sed Episcoporum iudicio, quidquid illud manuum violentarum in Clericos, seu Ecclesiasticas personas, seculares, vel regulares, ipso facto sint vinculo anathematis innodari. Nos tamen considerantes, quod Clericos, & Ecclesiasticas persone nostræ Diocesis multo plus solito a nonnullis perditionis filijs ausu sacrilego contra Ecclesiasticam libertatem aggravantur, attendentes etiam, quod pro unius delicto sacri Canonis interdum puniri præcipiunt totam terram, & nonnunquam propter parentum peccata in tertiam, vel quartam generationem filii puniuntur; unde piæ recordationis Domini EVERHARDI Episcopi, Prædecessoris nostri, vestigiis inhaerentes, quibusdam additis & detractis, provida deliberatione prehabita de Concilio honorabilem Virorum, Archidiaconorum, Prælatorum, & Capituli nostri, contra invasores, occisores, mutilatores, captivatores Clericorum hæc in perpetuum valitura constitutione sanximus, ut si quis deinceps in hoc genus sacrilegi irrepat, quod Clericos, vel Ecclesiasticas personas, religiosas, vel seculares insectus fuerit hostiliter, vel ceperit, aut percussit, vel socius fuerit facientis, aut fieri mandaverit, aut factum ratum habuerit, aut consilium dedit, vel favorem: aut postea receptaverit, vel defensusit eundem scienter; sicut famæ suæ prodigus ab officiis suis publicis repulsus sit; statuente, ut non solum in termino ipsius Archidiaconatus, in quo quempiam talium detineri constitit, ipso facto cesset ab Officio Divinorum, ut tam nobiles, quam populares cum plebe contra malefactores hujusmodi ex Divinorum carentia provocati consurgant ad emendam occisi, vel ad ipsius debitam liberationem, qui ausu sacrilego detinentur captivi, auxilium præstent. Presenti nihilominus adjicimus sanctioni, ut in quibuscunque locis & Parochiis occisores, mutilatores, vel raptores, & eorum complices nostræ civitatis, & Diocesis in maleficio hujusmodi

consilium, auxilium, vel juvamen publice, vel occulte, domicilium, vel receptaculum præstantes eisdem, ad quæ loca pervenerint, ut per triduum post eorum inde recessum, dummodo mandatum emanaverit, ut præmittitur, districtissime observetur interdictum. Archidiaconi quoque, & Officiales Curie nostræ in quibuscunque locis nostræ Diocesis requiescit, prædictos sacrilegos ab omnibus suis subditis excommunicatos, & ab omnibus Christi Fidelibus artius evitandos campanis pulsatis, candelis accensis singulis diebus Dominicis & Festis faciant publice nuntiari, donec emenda de occiso, vel mutilato fiat sufficiens, & condigna, vel captivus liber & indemnus cum satisfactione debita demittatur; adjicientes, quod si detentor Clerici per octo dietum spatium Clericum detinuerit captivatum, ac eo dimisso infra annum, a tempore captivitatis Clerici computandum, satisfactione neglecta, ex tunc omnibus feudis suis careat ipso jure, quæ cum quibuscunque Ecclesiis dinoscitur obtinere. Cæterum, quod dignum est, ut nefandi ratione flagitii ultionis severitas amplius extendatur, & propter enormitatem culparum plagarum modus exuberet, nec penis solitis contentetur; statuimus, & ordinamus, ut non solum eorum filii, qui instinctu diaboli sponte aut malitiose Prælatos, aut Clericos prædictos, aut alias personas Ecclesiasticas occidere, mutilare, captivare, detinere, vel vulnerare præsumunt letaliter, sed omnis posteritas istorum sacrilegorum utriusque sexus ab ipsis descendens usque ad tertiam generationem, nec ad sacros Ordines, nec ad aliqua Beneficia Ecclesiastica, nec in Claustris, aut Cœnobiis cujuscunque Ordinis admittantur. Quod si contrarium factum fuerit ex malicia, vel affectata ignorantia, ordinatos ab executione ordinum perpetuo volumus esse suspendendos, receptos vero ad Beneficia Ecclesiastica secularium Ecclesiarum pro non receptis habere volumus ipso facto. Sed ne personis, in Monasteriis, seu Claustris receptis, detur materia ad seculum redeundi, eas in ipsis quidem Monasteriis volumus remanere, ita tamen, quod in conventu ultimi reputentur, & nunquam ad Officia vel dignitates assumantur. Et quod prætex-

tu potentiz secularis frequenter ipsa mandata nostra, Officialis nostri, seu Officialium, vel Archidiaconorum, vel aliorum Judicum impediri contingit, ne ad loca, in quibus exequenda sunt, deferantur statuta contra infautores, occisores, mutilatores, & captivatores Clericorum; nec non & raptores locorum, Ecclesiarum, & Ecclesiasticarum personarum, seu rerum earundem, ac violatores immunitatum, ac alia statuta per Prædecessores nostros, & Nos pro libertate Ecclesiastica conservanda, edita, quo minus observentur, contingat effectum debitum non fortiri: ne malicia prohibitionum eadem statuta in suis territoriis recipi, & servari absque vindicta crescat; Statuimus eos, qui talia faciunt, poenam statutorum incidere juxta moderationem superscriptam in hoc casu editam contra ipsos.

Quod ubicunque Ecclesiasticæ personæ occiduntur, mutilantur, vulnerantur, capiuntur, arrestantur, seu occupantur: bona Ecclesiastica judicio seculari vel potentia invaduntur seculari in personis propriis, vel rebus earundem, seu bona Ecclesiastica mobilia, vel immobilia, cum de hoc juxta modum prenotatum, per facti evidentiam, vel famam publicam Archidiacono, vel Plebano, vel Presbytero loci, ubi hæc facta fuerint, quibus in hoc fidem ad-

hiberi volumus, innouerit statuta eadem ab Nostro, vel Officialis nostri, ac cujusvis alterius judicio delegati (c) Ordinarii mandati expectatione observent ipso facto, ut tam cessando a Divinis, quam denunciando dictos malefactores, & eorum complices in locis, in quibus degunt, & domicilia habuerint, seu spoliū factum fuerit, vel deductum, & consumptum, vel aliis locis, ut præmittitur, juxta dictorum statutorum continentiam, & ipsorum præcipue declarationem, quæ per bonæ memoriæ Dominum EVERHARDUM Episcopum, Prædecessorem nostrum, sunt statuta; Contrarium facientes poenas inobedientiæ non evadent. Præsentis nostri mandati copiam ab omnibus recipi volumus præcipue de Archidiaconis, & locorum Plebanis, ut eo diligentius observetur. Ut autem hæc proinde statuta tam a Nobis, quam ab aliis inviolabiliter observentur, præsentem paginam tam Nostro, quam Ecclesiæ nostræ Monasteriensis sigillis fecimus communiri. Datum, actum, & pronuntiatum Monasterii, anno Domini Milleesimo CCC. XVIII. in secunda Synodo nostra generali, Feria secunda post festum Beatorum Gereonis & Victoris Martyrum.

Ex codice impresso Monasterii Westphalorum A. 1486. in 4to. una cum Conciliis Provincialibus Colonia actis.

(c) *adde: absque.*

SYNODUS DIOECESANA WORMATIENSIS,

Anno Christi MCCCXVI. Joannis XXII. Papæ I.
Ludovici Bavari Regis III.

Ab EMERICO de SCHONECK, Episc. Wormat. celebrata, per quam Divinum Officium ritu æquali ac uniformi celebrari præcipitur, nec non varii abusus, qui in illud irrepsierant, tolluntur.

EMERICUS, DEI GRATIA, EPISCOPUS WORMACIENSIS, UNIVERSIS PRÆPOSITIS, DECANIS, COLLEGIIS, PLEBANIS, VICE-PLEBANIS, CETERISQUE ECCLESiarUM, ET CAPELLARUM RECTORIBUS, PER NOSTRAM CIVITATEM ET DIOECESIM WORMATIENSEM CONSTITUTIS,
SALUTEM IN DOMINO SEMPTERNAM.

DUm nuper, juxta Pastoralis officii in majori, & aliis Ecclesiis Collegiatis debitum, quod nobis incumbit, prædictæ civitatis, & Diocesis nostræ Wor-

Wormaciensis, sanctæ Visitationis exerceremus officium, invenimus in eisdem Ecclesiis ordinem atque modum Divini officii discordantem & disparem observari; quod, quia Sanctorum Patrum, & Canonice obstat Instituti, ordinem universum a Clero seculari totius nostræ civitatis & Diocesis uniformiter & perpetuis temporibus observandum compilari & conscribi fecimus, & hoc de Capituli nostri majoris Ecclesiæ consilio pariter, & assensu.

Quapropter omnibus & singulis Decanis, Capitulis, Collegiis, & Archipresbyteris, in virtute sanctæ obedientiæ, & sub poena suspensionis, firmiter injungimus, & mandamus: quatenus dictum ordinem, prout infra scribitur, de verbo ad verbum conscriptum, & sigillo nostro pendenti sigillarum infra hunc, & Festum Beatorum Philippi, & Jacobi Apostolorum, nunc venturum proxime, recipiant, & ipsum ex tunc in Ecclesiis suis, secundum ipsius tenorem & formam incommutabiliter & diligenter observent, & per alios faciant observari.

I. Ordo autem talis est, videlicet: quod a Festo Paschæ, usque ad Dominicam, qua imponitur historia: *Deus omnipotens* &c. in matutinali Officio tres Psalmi, cum tribus Lectionibus observentur, & idem ordo infra octavas Sanctorum, veras octavas habentium, poterit observari; pro reliqua vero parte anni totius, singulis diebus, aut novem Lectiones cum totidem Psalmis, aut Nocturnus cum tribus Lectionibus observari debet, & si dies alicujus Sancti evenit, de quo non habeantur novem Lectiones, tunc Invitatorium erit de Sancto, & Nocturnus legitur, & tres Lectiones cum totidem Responsoris, & Laudes cum Psalmis: *Dominus regnavit*, & sequentibus, cum Antiphonis debitis de Sancto ad horas quolibet cantabuntur; diebus autem Dominicis, cum historia serialis dicitur, in primo Nocturno XII. Psalmi, & in secundo, & tertio Nocturno III. Psalmi, & ad primam: *Deus, Deus meus respice in me*, &c. cum cæteris sequentibus & consuetis Psalmis dicuntur.

Item singulis diebus ad Vesperas, & in Matutinis ad Laudes, Hymnus dica-

tur; five fiat Officium de Feria, vel de Sancto.

Item omni die ad Primam: *Jem lucis orto* &c. & ad Tertiam: *Nunc Sancte* &c. ad Sextam: *Rehor potens* &c. ad Nonam: *Reverens Deus* &c. Hymni dicantur; sed infra Octavas Paschæ, Pentecostes, & Nativitatis Domini, dicti Hymni ad Horas obmittuntur, ab Octavis autem Paschæ, usque ad Ascensionem Domini, in fine dictorum Hymnorum, versus: *Quasi solus auctor omnium* &c. cum sequenti; & ab Ascensione Domini usque ad Festum Pentecostes, in fine eorundem Hymnorum ad Horas, versus: *Oramus Domine* &c. cum duobus sequentibus similiter cantabuntur.

Item de Beata Virgine, in Matutinis novem Lectionum isti Psalmi legentur; in primo Nocturno: *Dominus Dominus noster* &c. *Celi enarrant* &c. *Dominus est terra* &c. In secundo Nocturno: *Erudavit* &c. *Deus noster refugium* &c. *Fundamenta* &c. In tertio Nocturno: *Cantate I.* &c. *Dominus regnavit* &c. *Cantate II.* &c.

Item de Virginibus, infra scripti Psalmi legentur in primo Nocturno: *Dominus Dominus noster* &c. *In Domino confido* &c. *Dominus, quis habitabit* &c. In secundo Nocturno: *Celi enarrant* &c. *Dominus in virtute* &c. *Dominus est terra* &c. In tertio Nocturno: *Erudavit* &c. *Deus noster refugium* &c. *Fundamenta* &c.

Item, quotienscumque Matutine dicuntur cum tribus vel novem Lectionibus, finalis five jubilus, qui diei consuevit in fine Antiphonarum, obmittatur. In omnibus aliis, si qua super observatione Divini Officii aliquibus orta fuerint, super his ad consuetudinem majoris Ecclesiæ recurrant, & quemadmodum servatur in illa, similiter idem modus in omnibus aliis observetur; præscriptum vero Ordinem, per Clerum secularem tantum, & non per Religiosos five Regulares, teneri & observari præcipimus: sed dicti Regulares five Religiosi servabunt inconcussè suum Ordinem in Divinis Officiis debitum, ac habitum consuetum.

II. Præterea, cum proficuum, imo necessarium sit, ut receptæ ab antiquo

consuetudines quædam, ob novellarum adinventionum superstitiones refratandas, convenerunt in melius. Inde est, quod cum a nostris Antecessoribus ad Nos usque pervenerit, ut in sacra nocte Dominicæ Resurrectionis, ad sustollendam Crucifixi imaginem de sepulchro, ubi in Parasceve locata fuerat, nimia virorum, & mulierum numerositas certatim se se comprimendo, Ecclesiam simul cum Canonicis, & Vicariis, introire niterentur, opinantes erronee: quod si viderent Crucifixi imaginem sustolli, evaderent hoc anno inevitabilem mortis horam. His itaque obviantes statuimus: ut Resurrectionis Mysterium, ante ingressum plebis in Ecclesiam, deinceps peragatur, debita cum devotione & reverentia.

III. Insuper, cum decorem Domus DEI omnes Christiani, & præcipue Viri Ecclesiastici diligere debeant & amare, Propheta attestante, dum ait: *Dilexi (a) Domum, decorem Domus tuæ*, ac etiam Clericorum mores in melius reformari & componi debeant; hinc est, quod considerantes illud, quod olim a Prædecessoribus nostris, causâ devotionis ordinatum fuerat, & statutum, videlicet: ut Sacerdotes singulis annis in Festivitate Beati Joannis Evang. unum ex se eligant, qui more Episcopi illa die Missam gloriose celebrât & festive, nunc in ludibrium vertitur, & in Ecclesia ludi fiunt theatrales, & non solum in Ecclesia introducuntur monstra larvarum, verum etiam Presbyteri, Diaconi, & Subdiaconi insanie suæ ludibria exercere præsumunt, facientes prandia sumptuosa, & cum tympanis & cymbalis ducentes choreas per domos & plateas civitatis, non attendentes, quod Apostolus non solum a malo, sed etiam ab omni specie mali præcipit abstinere.

Igitur, ne id quod ob devotionem inchoatum est, ad indevotionem & lu-

(a) Psalmo XXV, 8.

dibrium vergat populorum, statuimus: ut nulli Canonici vel Prebendarii Ecclesiarum nostræ Diocesis talia præsumant de cetero exercere. Præterea districte inhibemus: ne Sacerdos, qui, ut in festo S. Joannis, more solito, Missam celebret, assumetur, aliquam personam Ecclesiasticam vel mundanam, mimos, vigellatores, vel tympanatores ad eam, vel ad prandium invitet, vel illos, aut alios, qui musicis instrumentis canere consueverunt, in Ecclesia, vel extra, in domo, vel platea, eundo, vel corizando, sequatur; sed devote & solemniter, injunctum sibi officium celebret; de mane vero, officio cum omni solemnitate curiali completo, post, si voluerit, Sacerdotem, qui sibi tanquam Capellanus afficit in altari, Diaconum & Subdiaconum, qui ei conclubraverunt, ministrando, ad prandium vocare, & eis Prebendam suam, cum gratiarum actione benivole imperietur. Prandio autem facto, prædictus Sacerdos non equo, non asino, more insani, per vicos equitet & plateas, sed si aliquantulum jocundari delectet, Ecclesiam cum Religione intrat, & circumstantibus non impetuose, sed cum mansuetudine, aquam projiciat & aspergat.

Si quis vero Canonicorum vel Prebendariorum Ecclesiarum nostræ Diocesis contra hoc statutum in aliquo præmissorum forefecerit, sciat se a beneficio ipso factum suspensum, & antequam restituatur, carcerem claustralem iteraturum; imo rigidius contra se procedendum, si id meruerit protervitas delinquentis.

Actz, & publice sunt pronuntiatæ hæc Ordinationes, Anno Dom. MCCC. XVI. Feria IV. post *Quasi modo geniti*. in nostra Synodo generali.

Ex Archæo Wormatiensi descriptæ Cl. Schmatius h.m.



SYNODUS MOGUNTINA

Anno Christi MCCCXVI. Sede Romana vacante.

Ludovici Bavari Regis II.

*Constitutiones pro Monachis, Diœcesis Moguntinæ, editæ a PETRO
Archi-Episcopo Moguntino.*

PETRUS, DEI GRATIA, SANCTÆ MOGUNTINÆ SEDIS ARCHIEPISCOPUS &c. HONORABILIBUS ET RELIGIOSIS VIRIS ABBATIBUS, PRIORIBUS, ET CONVENTIBUS MONASTERIORUM PER CIVITATEM ET DIOECESIM NOSTRAS MOGUNT. CONSTITUTORUM, DEVOTIS DILECTIS, SALUTEM IN DOMINO.

Inter præsentis sæculi molimina hoc præcipue inger caritatis opera bene agitur, ut vita hominum corrigatur; cum itaque nuper in Monasteriis vestris sanctæ Visitationis Officium, Deo cooperante ageremus, quædam, quæ correctione & reformatione indigent, invenimus in eisdem.

I. Ad Reformationem itaque considerationis nostræ oculum vertentes, primo ordinamus, disponimus, & mandamus firmiter observari, ut ab hinc inantea Fratres & personæ de Conventu Prælati suis debitam reverentiam, & honorem non negligant exhibere;

II. Item præcipimus vobis Abbatibus, & Prioribus, ut correctioni Fratrum, & subditorum vestrorum, quod circa Divinum Officium, frequentationem Chori, observantiam jejuniorum, & alias Regulares consuetudines se teneant, & informant, sollicite intendatis.

III. Item substantialia Regulæ vestræ, in abstinendo a carnibus, lineis vestimentis, & lectisteriis, culcitris de plumis factis, præcipimus cum diligentia observari; & si simul in Refectorio propter sterilitatem & decrepescentiam temporum comedere non possint, quod hac vice patienter toleramus, tamen inantea volumus, ut omnes simul in Refectorio debeant convenire ad comedendum, & specialia cubicula evitare.

IV. Præcipimus insuper, ut Camerarii, Censuarii, Cellerarii, & alii Officiarii, de officiis suis, & specialiter Camerarius de redditibus Camera, rationem sive

computationem faciat ad minus semel in anno in præsentia Abbatis: distributionem autem eorum, quæ ad sua officia pertinent, secundum consilium ipsius Abbatis facere teneantur.

V. Item mandamus: ut si ex aliqua causa licita & honesta, aliquis Monachorum (de Abbatis, vel Prioris tamen licentia, sine qua nullus Monachorum exeat) Monasterium egrediatur, id sine sui Ordinis socio, præcipue in civitate nostra Moguntina, non præsumat.

VI. Item vobis Abbatibus, & Prioribus firmiter injungimus: ut diligenter perspicatis, ne aliquibus personis suspensis ad septa Monasteriorum vestrorum introitus, vel aditus pateat aliquatiter.

VII. Item vobis Abbatibus, Prioribus, ceterisque Officiariis districte præcipimus, ut ea, quæ Prælaturarum & Officiarum vestrorum requirunt officia, tam diligenter, & tam provide expleatis, ut nullam de vobis inantea negligentiam audiamus, sed vestram potius habeamus diligentiam, (a) sunt, a suis amoveantur officii, & alii substituantur eisdem; quod de Monialibus etiam decernimus statuendum. Hoc, *priori Concilio*, in non Professorum odium adjungentes: ut, cum juxta decretum PELAGII, Abbas sita Monachis eligendus, nullus omnino non professus, quantumcumque temporis diurnitate ibi duraverit, ad electionem Abbatis admittatur, nec valeat ei suffragari sive de facto, sive de consuetudine, scilicet: quia cum cæteris Monachis ad tractatus alios Ecclesiæ antea non sit admixtus.

(a) *Hiatus aliquis. pro: sunt, lege: secus.*

VIII. Item Monachi, jam adulti, si post annum probationis in manus Abbatis professionem facere recusaverint, de Monasterio expellantur. Id quod etiam de Monialibus observetur.

IX. Item nullus Monachus, vel Monialis, in duobus Monasteriis locum habeat vel prebendam.

X. Item quicquid Monachus vel Monialis, undecumque illud provenierit acquisiverit, suis applicare usibus non præsumat, sed totum in communes usus Monasterii dirigatur.

XI. Item nullus Monachus, vel Monialis, proprium quid habeat, ac qui proprium habuisse, in morte fuerit deprehensus, Ecclesiastica careat sepultura, & si sepultus est jam, exhumetur; si quis vero ipsorum, ad mandatum sui Prælati, propriis renuntiare noluerit, de Monasterio expellatur.

XII. Item ludus (b) alearum, corearum, scaccorum, taxillorum, annulorum, & globorum, Monachis, & Monialibus prohibemus districte.

XIII. Item Abbates, & Monachi, Mantella vel Sarchotes (c) non portent, nec pannos de nigro brunetto, sed quanto possunt haberi prætio viliori, juxta quod præcipit Regula eorundem.

XIV. Item Abbates in communi dormiant dormitorio cum suis Monachis, in Refectorio communi vescantur, nisi quando justa necessitas propter magnos & honestos hospites id non fieri eosdem compellat. Idem de Abbatissis statuimus servandum.

XV. Item tam Abbatibus, quam Monachis, vulpina pellicia, & de cuniculis prohibemus, sed agninis tantum utantur.

XVI. Item Monachi calceos strigos, qui stivales dicuntur, non habeant, sed alios suæ Regulæ competentes.

XVII. Item Abbates, cappas rotundas, ad modum Episcoporum, in usu cotidiano non portent, sed ut eorum Ordo postular & requirit; nec ipsi, nec Monachi, quando equitant, mantella deferant super cappas, quas clausas fore censemus: hoc etiam statutum lucidius declarantes, statuimus, ut tam Abbates, quam Monachi cappis nigris

equitent & rotundis, vel in habitu usitato.

XVIII. Item inhibemus districte, ne occasione qualibet sæculares personæ domos, vel habitacula sua faciant juxta Monasteria Monachorum, quia frequenter ex hoc contra Monachos sinistra præsumptio est exorta: nisi forte alicui personæ, omni suspitione carenti, id de consensu & autoritate Diocesani Episcopi permittatur; Abbates vero, qui contra hoc fieri præsumperint, gravi subjaceant ultioni.

XIX. Item Abbas nullum Monachum alterius Monasterii sine litteris dimissoriis proprii Abbatis in suo Monasterio recipere, vel tenere præsumat.

XX. Item Monachi in Refectorio carnibus non utantur, nisi in Infirmerio, cum ægrotant.

XXI. Item quicumque Monachus in lapsum carnis ceciderit, de quo fuerit manifestum, ad nullam amplius dignitatem, nec ad aliquod officium Monasterii assumatur: nisi propter manifestam emendationem, & honestam, ac religiosam conversationem ipsius, per Diocesanum Episcopum secum fuerit misericorditer dispensatum; eidem quoque subjaceat, si super hoc fuerit infamatus, nec canonice possit se excusare, & in pœnam sui criminis de cætero ultimus sit in Choro, & in Capitulo vocem non habeat ad aliquam Monasterii ordinationem tractandum: nisi post emendationem manifestam, Abbatis providentia de consensu Conventus ipsum duxerit admitendum. Si vero Abbas, vel Monachus in officio constitutus, in similem lapsum ceciderit, a suo statim amoveatur officio. Quod circa Præpositum fieri volumus, si de hoc infamatus fuerit; nisi canonice se expuret, & nihilominus pœnæ illi subjaceat, quæ de simplici Monacho superius est expressa. Idem de Abbatissis, & Monialibus statuimus ad servandum, & omnia, quæ statuta sunt de Monacho circa continentiam, propriorum abdicationem & similia, ad Canonicos Regulares volumus extendi, licet quo ad esum carniæ, & quædam alia, Regulæ interserviant laxiori.

XXII. Item plerique Religiosi, maxime Ordinis Sancti Benedicti, non ventur convivia celebrare, Sæculares etiam

(b) lege: ludos:

(c) Surcotium, *Du Fresne in Glossario*: superhumeralè interpretatur.

etiam personas ad ipsa Coenobia pro commellationibus invitantes, ex quo non solum scandalizantur extranei, & Confratres, immo eorum religio dissolvitur, & modestia monastica deformatur. Cum igitur juxta Sanctorum Canonum Statuta, & Venerabilium Conciliorum Decreta, Monacho non liceat, undecumque provenierit, aliquid suis usibus appropriare privatis, Sacri hujus Concilii approbatione, talia de cætero de quacunque causa fieri prohibemus. Si quis autem transgressor extiterit pro quolibet transgressionem carceralem VIII. dierum in graviori culpa subeat disciplinam.

XXIII. Item compaternitatem a Monachis & Monialibus contrahi districtius prohibemus, statuentes: ut si aliqua claustra Monialium ad inopiam tantam devenierint, quod illis de proventibus Monasterii sustentari non possunt, & ab amicis panis, vinum, (d) commendare.

(d) *Hiatus.*

CONCILIIUM CAMERACENSE

Anno Christi MCCCXVII. Joannis XXII. Papæ II.
Ludovici Bavari Regis III.

Die Sabbati in Festo B. Remigii.

Reverendus in Christo Pater P. (a) Dei gratia, Cameracensis Episcopus, tenens suam Synodum in Ecclesia sua Cameracensi fecit, & addidit hoc statutum.

Quoniam sicut experientia docuit, nonnulli Sacerdotes, immo verius deceptores, in alia Meste falcem suam immittere non verentes, in nostris civitate & Dicecesi sine Nostra, vel Curatorum ipsorum Civitatis & Dicecesis licentia, in ejusdem Ecclesiis, & eorum Parochiis præsumunt temeritate propria audire confessionem, & ministrare Ecclesiastica Sacramenta contra sacrum Canonum institutum, cum sibi consentientes absolvere nequeant vel ligare, vel ipsa Ecclesiastica ministrare. Nos tante temeritati & animarum periculis occurrere cupientes, statuendo prohibemus,

XXIV. In his correctionibus, licet animadvertimus, quod exemplo Sanctorum Patrum, in corrigendis subditorum delictis, non semper sit rigori, verum etiam aliquoties lenitati & salubribus monitis innotandum, dictasque correctiones ea occasione sine poenarum adjectione fecerimus ista vice; si tamen inantea, quod aliter, nostris, super præfatis articulis in præfata correctione contentis, non pareatis monitis & præceptis, quæ tam benigne & leniter facimus, ad correctionem cum severitate, qua convenit, canonice procedemus, ut sic quos timor Dei, & salubria, paternaque monita a malo non revocant, coerceat rigor & severitas discipline.

Datum Moguntie in Synodo, Anno Domini MCCCXVI. III. Non. Martii.

*Ex Schedis Georgii Helmicii descriptis
Cl. Sebnanatur.*

ne quicumque Sacerdos sine Nostra, vel prædictorum Curatorum licentia audire confessiones, vel ipsa Sacramenta ministrare præsumat, nisi in mortis articulo, ubi non posset haberi copia Curatorum. Si quis autem hoc facere præsumperit, excommunicationis vinculo sit ligatus, salvo autem auctoritatibus, & privilegiis Apostolicis, quorum volumus esse defensores.

Item denuntiamus excommunicatos omnes hæreticos, credentes & fautores eorumdem & omnes schismaticos.

Item omnes illos, qui jurisdictionem

(a) Petrus de Levis sive de Mirepoix, Episcopus Montis Pessulani, ad Sedem Cameracensem evocatus anno 1310. elevavit Corpus S. Waldetrudis anno 1313. in præsentia Abbatum Laubiensis & S. Gisleini. Ob continuam civium seditionem Sedem Cameracensem reliquit, & Bajacensem acceptavit anno 1324. *Castilanius in Sacra Belgii Chronologia pag. 345.*

nem Ecclesiasticam & libertatem Ecclesiæ impediunt , & qui in his impediendis præstant auxilium , consilium & favorem.

Item denuntiamus excommunicatos a *Canone* omnes illos , qui temporale Dominium obtinentes , suis subditis interdican , ne Prælati aut Clerici seu personis Ecclesiasticis quicquam vendant , aut emant aliquid ab eisdem , neque eis bladum molant , coquant panem , & alia obsequia exhibere præsumant.

Item denuntiamus excommunicatos a *Canone Synodali* omnes illos , qui civitatem nostram Cameracensem , castra , villas , nemora , prata , molendina , vinaria , & alia loca & jura ad nostram temporalem mensam pertinentia violenter invadunt , & injuriose occupant , & illos , qui eisdem in præmissis , aut aliquo præmissorum auxilium , consilium , vel favorem præstant , & terras eorumdem suppositas Ecclesiastico interdicto.

Item denuntiamus excommunicatos a *Canone Synodali* omnes illos , qui in nostro Comitatu Cameracensi incendia domorum vel segetum faciunt , & omnes illos , qui eisdem in præmissis præstant auxilium , consilium vel favorem , & eorum terras suppositas Ecclesiastico interdicto.

Item denuntiamus excommunicatos a *Canone Synodali* omnes illos , qui in nostro Comitatu Cameracensi agricultores euntes , & redeuntes ad agriculturam , & in ipsa euntes , & animalia , quibus arant , & semina , quæ portant ad agrum , hostiliter capiunt , vulnerant , & interficiunt ; & omnes qui eisdem in præmissis consentiunt , præstant auxilium , consilium , vel favorem.

Præcipimus omnibus Curatis in virtute sanctæ obedientiæ nostrarum civitatis & Diocesis , ut prædictas denuntiationes publice faciant in vulgari singulis diebus Dominicis & Festis , cum ibi erit major populi multitudo : negligentes poena Canonica feriantur.

Dignum esse dinoscitur , ut quos timor Dei a malo non revocat , ipsos tamen coerceat Ecclesiasticæ severitas disciplinæ , præcipue Clericos , quos Ecclesiæ Dei sibi filios prout speciales , ipsos

libertatibus , privilegio inter alios suos filios præmunivit , ac suis propriis insigniis voluit insigniri , si ipsam matrem contemnant , si ipsius immunitates infligant , si ipsius matris privilegio in contemptum ipsius uti volunt , per quæ amicorum , ac omni alio cessante subsidio , a morte etiam sæpissime liberantur , quid mirum , si eos , qui seipsos ab ejus immunitatibus exemerunt , absque causa , a communione sua , & suorum filiorum fidelium segreget & expellat ? cum igitur nonnulli Clerici de suis excessibus & delictis , coram Dominis , & Justiciariis temporalibus obligant , & eligunt respondere , & absque sui Judicii Ecclesiastici licentia , eorum jurisdictioni & correctioni voluntarie se submitunt , & cum eis de delictis & excessibus transigunt , & componunt , ut correctionem Ecclesiasticam possint effugere , a qua misericordiam & veniam debent humiliter implorare , quod cadit in totius Cleri vituperium , & Ecclesiasticæ libertatis præjudicium , & contemptum , contra sanctiones Canonicas noscitur esse factum. Nos super his occurrere , prout debemus , & possumus , juris remediis cupientes , statuimus , & firmiter inhibemus , ne de cetero quivis Clericus gaudere debens privilegio Clericali , coram laicali justitia , præcipue in delictis , respondeat , aut jurisdictione temporali se voluntarie submittat. Qui vero contrarium fecerit , excommunicationis sententiam ipso facto se noverit incursum.

Sunt nonnulli tam Clerici , quam laici scientes coram Officiali Cameracensi ex officio citati super his excessibus , & præventi , qui cum Decanis ruralibus post citationem , & processum dictæ Curie transigunt , vel componunt , & his non contenti litteras quitationis ab ipsis Decanis sub anteriori data fraudulenter impetrant , sicque processus inchoatus eliditur , Curia decipitur , & in præjudicium Decani , & Archi-Diaconi sumptibus inanibus , & gravibus oneratur : Nos igitur prædictis Decanis & partibus inhibemus , ne talia committere audeant vel præsumant. Qui autem contrarium scienter fecerint in præmissis , suspensionis Presbyteri , excommunicationis alii (penam) incurrant ipso facto.

Licet

Licet per Constitutionem *Clementinam* jam dictam fuerit inhibendum, ne quis, nisi in Ecclesiis, in quibus sint fontes ad hoc specialiter deputati, aliquem audeat baptizare, liberis Regum & Principum dumtaxat exceptis, ut cum adjectione prædicta constitutio magis in reverentia teneatur, hæc eadem auctoritate ordinaria inhibemus, statuentes, ut qui de cætero contrarium fecerit, sententiam excommunicationis incidat ipso facto.

Item excommunicatos a Canone nuntiamus Religiosos cujuscumque ordinis vel conditionis existant, tam peremptorie, quam non peremptorie, qui cum cathedrali vel matricem Ecclesiam, Sæcra Synodalia vel Provincialia de cessando viderint, aut sciverint observare, contra tenorem illius *Clementine* constitutionis, quæ incipit: *Ex frequentibus* &c. in suis Ecclesiis & Monasteriis publice celebrant, excepta moderatione illius constitutionis: *Anno Mæster*.

Item excommunicatos nuntiamus a Canone, interdictos, & excommunicatos, qui a celebrantibus moniti competenter, ut exeat, exire noluerint, sed ibidem remanere præsumpserint, per Sedem Apostolicam absolvendos.

Item præcipimus omnibus Curatis Cameracensis Diocesis, ut statuta, & denuntiationes in præfenti Synodo factas, legant singulis diebus Dominicis, cum ipsos Divina celebrare contigerit in suis Ecclesiis Parochialibus, populo ibidem congregato publicent, & in lingua materna exponant sub pœna X. solidorum Parisiensium, quotiens in negligentia de non publicando fuerint reprehensi. Ut Abbates, Priores, Decani, Presbyteri, ac omnes alii, qui ad sanctam Synodum Cameracensem venire tenentur, & pro temporibus tenebuntur, reddantur in posterum certiores, qua diēdebeant ad dictam Synodum comparere, sicque cum deliberatione pleniori de sibi ad hoc opportunis valeant providere, statuimus, & in hac sancta Synodo ordinamus, ut de anno in annum in Festo B. Remigii in capite Octobris dicta Synodus de cætero teneatur: quam quidem diē omnibus & singulis tam de Diocesi, quam extra, ad dictam Synodum venire debentibus de jure, consuetudine, vel alio quo-

quomodo præfingimus ad comparandum, præsentandum seu audiendum consentiendum ea, quæ in dicta Synodo statuimus fieri, publicari, vel ordinari de anno in annum contigerit, pro terminis assignamus, ita quod aliis vocationibus vel citationibus de cætero non sit opus, nisi per Reverendum in Christo Patrem Dominum Cameracensem Episcopum, seu ejus Vicarios, dictam Synodum ad aliam diē assignari contigerit, vel transferri.

Quia plerumque nonnulli Curati Cameracensis Diocesis, vel vices eorum gerentes, & Clerici variis sigillis utuntur, nunc uno sigillo, nunc alio, executionem, rescriptionem, & alias litteras, quas quandoque Officiali, aut Sigillifero Curie Cameracensis dirigunt sigillando, propter quæ sæpiissime super agnitione dictorum sigillorum dubitationes, & altercationes in dicta Curia sunt subortæ, ut sic dictæ dubitationes & altercationes ad certitudinem reducantur, & in causis in dicta Curia vendicandis, de cætero sanius procedatur, statuimus & ordinamus, ut unusquisque curatus proprium sigillum sub nomine suæ Parochialis Ecclesiæ habeat infra mensem, & eo solo utatur in prædictis executionibus, rescriptionibus, & aliis litteris sigillandis, quas tam super executionibus mandatorum curie Cameracensis, quam ipsarum, quas per se (vel) Clericum suum, vel aliter contigerit sigillare. Si autem quemquam ipsorum Ecclesiam suam contigerit ex causa permutationis, vel alias dimittere, sigillum hujusmodi suo relinquat Successori. Quisquis autem contrarium fecerit, pœnam XX. solidorum Parisiensium eo ipso se noverit incursum, Domino Cameracensi applicandorum, & per Decanum loci levandorum.

Præcipimus omnibus & singulis Decanis Christianitatis, Diocesis Cameracensis, sub pœna suspensionis firmiter injungentes, ut impressionem omnium sigillorum, quibus utuntur curati sibi subditi in sigillandis executionibus mandatorum dictæ Curie Cameracensis, ac aliis litteris, quas frequenter dictæ curie transmittunt Officiali, vel Sigillifero, infra instans Festum B. Martini transmittere non omittant.

Queri-

Querimonias quamplurimorum Cameracenſis Diœceſis recepimus. Inter ter alia continent, quod nonnulli curati Parochialium Eccleſiarum, ac eorum vices gerentes prædictæ Diœceſis pro executionibus mandatorum curiæ Cameracenſis, faciendis ſcripturis, ac ſigillis ſuis, non ad modum rationis, ſed ad libitum voluntatis, pecuniam majorem, quam deceat indebite exigunt, & extorquent, in ſcandalum dictæ curiæ, & dictorum conquerentium præjudicium & gravamen. Nos vero talibus immoderatis exactionibus, prout poſſumus & debemus, viam concludere cupientes, ac eiſdem curatis, & Vicariis pro ſuis pœnis, & laboribus, moderare tamen, ſubvenire volentes, ſtatuiſmus, & ordinamus, ut unusquisque eorundem pro qualibet executione mandatorum dictæ curiæ, infra metas ſuæ Parochialis Eccleſiæ faciendæ, uno denario pro ſigillis, uno denario pro reſcriptione, ſi ſint, & per eum ſcribatur, duos denarios pro ſcriptura, & unum pro ſigillo; pro procuratore vero, ſi per eum ſigilletur, & ſcribatur, ſex denarios. Si vero eidem ſcriptura tradatur ſigillandæ, pro ſigillo duos denarios, pro receptione vero juramenti de calumnia vel deciſorii, ut continetur, affirmat, & negat, vel confiteatur dumtaxat in ſubſtantia, pro ſcriptura, & ſigillo VI. denarios, pro executione vero teſtimonii, & ſcriptura ſuper deſiſtione eorundem, & aliis ſcripturis, ſuper quibus non eſt impoſita taxatio pro octo vocabula integra contineat, monosyllabis in dicto vocabulorum numero minime computatis, inhibemus eiſdem, vel eorum cuilibet, ne ultra taxationem hujusmodi aliquid audeant de cetero recipere vel præſumant. Si quis vero eorundem contra hoc facere præſumpſerit, totiens quotiens ſuper hoc reprehendus fuerit, poenam decem ſolidorum Pariſienſium incurrat, ipſo factò, Domino Cameracenſi Epifcopo applicandorum.

Excommunicatos a Canone nuntiamus omnes, qui in in tempore interdicti deſunctorum corpora in cimiteriis,

nifi in caſibus a jure conceſſis, & qui excommunicatos publice vel nominatim interdiktos, aut uſurarios manifeſtos ſcienter præſumpſerint ſepelire.

Item excommunicatos a Canone nuntiamus omnes, qui a perſonis Eccleſiaſticis, quos non negotiandi cauſa deſerunt, ſeu deſerri faciunt, pedagia aliqua ſuo vel alieno nomine exigunt, vel extorquent.

Item excommunicatos a Canone nuntiamus omnes perſonas, quæ ſcienter in gradibus a jure prohibitis, vel in ſacris ordinibus conſtitutæ, aut in religionibus profeſſæ contrahere non verentur.

Item denuntiamus excommunicatum a Canone religioſum, tam exemptum, quam non exemptum, qui in Parochiis alienis Sacramentum Unionis extremæ, aut Matrimonium ſcienter ſolemnizare præſument, Parochialis Presbyteri non habita licentia ſpeciali, per Sedem Apoſtolicam dumtaxat abſolvendum. Eos vero, qui hoc fieri procuraverint, aut in his auxilium, vel conſilium præſtaverint, aut in his ſcienter interfuerint, excommunicationis ſententiæ innodamus.

Item excommunicatos a Canone nuntiamus omnes excommunicatos publice aut interdiktos, (qui) dum Miſſarum ſolemnia celebrantur, moniti, ut de Eccleſiis exeant, remanere præſumpſerint, per Sedem Apoſtolicam dumtaxat abſolvendos.

Eadem vero ſententiæ ſint ligati, qui eis, ut exeant, inhibere præſumunt.

Præcipimus in virtute ſanctæ obedientiæ, & ſub poena excommunicationis omnibus, & ſingulis Presbyteris Eccleſiarum noſtrarum civitatis & Diœceſis Cameracenſis, ut Statuta in hac *Synodo* facta, per denunciatores in Eccleſiis ſuis ſingulis diebus Dominicis, cum ibi fuerit major multitudo populi, publice faciant promulgari: negligentes autem poenam X. ſolidorum Turonenſium, quotiens negligentes fuerint, (incurrant) per Decanos noſtros levandorum.

Martene & Durand Collectio ampliffima
Tom. VII.

SYNODUS MOGUNTINA

SUB PETRO (a) ARCHI-EPISCOPO,

Anno Christi MCCCXVIII. Joannis XXII. Papæ II.
Ludovici Bavari Regis IV.P. DEI GRATIA, SANCTÆ MOGUNTINÆ SEDIS ARCHI-EPISCOPUS,
SACRI IMPERII PER GERMANIAM ARCHICANCELLARIUS, UNIVERSIS
ET SINGULIS PER CIVITATEM ET DIOECESIM MOGUNTINAM
CONSTITUTIS, SALUTEM IN DOMINO ET NOTITIAM
SUBSCRIPTORUM.

CUM, sicut non sine dolore & frequenti querela didicimus plurimum, nonnulli Archi Diaconi nostræ Diecefis, contra *Statuta Provincialis Concilii Moguntini*, pœnas etiam comprehensas in Statutis hujusmodi non verentes, fructus Beneficiorum, super quibus coram ipsis, aut eorum Officialibus lis vertitur, pendente lite suis usibus applicant, & hæcenus applicarent, facientes propterea, litem facilliter & brevi tempore possibilem terminari, in grave tam beneficiorum, quam partium præjudicium prorogari, quanquam ipsi fructus, pendente lite forent ei, qui in lite vinceret, reservandi. Nos, quia parum valerent jura vel Statuta condere, nisi executioni debite mandarentur, ex debito nostri Officii Pastoralis transgressiones hujusmodi, urgente etiam ad hoc nos conscientia, pœnis in prædictis statutis comprehensis prævenire taliter cupientes, ne sit aliis exemplum, similia perpetrandi, jus etiam nobis per hoc acquisitum (b) volentes negligere in hac parte, in hac Sancta Synodo sub pœna excommunicationis lætæ sententiæ in his scriptis, quam contrarium facientes incidere volumus ipso facto, statuimus, & firmiter inhibemus, ne aliquis Archi-Diaconus civitatis & Diecefis Moguntinæ, qui hæcenus talia perpetravit, quemquam de quocunque beneficio presumat in-

antea investire, & ne aliqui ab ipsis aliquas investituras de cetero ad quæcumque beneficia presumant recipere ullo modo, sed a Nobis investituras recipiant, ad quos vigore prædictorum statutorum pertinet investire: decernentes cum hoc irritum & inane, si secus ad quemquam fuerit attemptatum: eos etiam, qui hæcenus contrarium attemptaverunt, in virtute sanctæ obedientiæ præsentibus amonemus, ut de commissis infra unius mensis spatium satisficiant, ut tenentur, alioquin contra eos modis, quibus expediat, procedemus.

II. Item sub pœna excommunicationis prædictæ lætæ sententiæ in his scriptis districtius inhibemus, ne Archi-Diaconi, vel eorum Officiales judicent, vel Notarii aliquid scribant, vel Advocati Advocacionis officium exercent, aut Procuratores procurent coram ipsis in causis quibuscunque pecuniariis, duarum marcarum argenti excedentibus quantitatem, ad quam summam alias ipsis de speciali gratia ultra statuta prædicta concessimus judicare, licet ultra summam prædictam sæpe, sicut didicimus, judicaverint, & judicent prædicta nostra gratia abutendo.

III. Item multorum clamoribus excitati, justis quoque & necessariis causis nos moventibus in hac parte, sub pœna excommunicationis, quam transgressio-

rem

(a) Petrus de Aichspalt, Medicus Henrici Lutzenburgensis, & olim Rudolphi Regis, missus fuit ad Clementem V. Pictavos in Gallia, pro imperanda Mitra Moguntina Baldoino Treverensi fratri Regis: sed cum idem Petrus Clementem V. ægrotañtem arte sua curasset, rejecto Baldoino, ex consensu Cardinalium eundem Petrum, qui Basileensis Episcopus erat, Archi-Episcopum Moguntinum creavit, consecravit, Palsp donavit. Sedit annos XIV. Obiit anno 1320.

(b) lege: nolentes.

rem quemlibet incurere volumus latæ sententiæ in his scriptis, firmiter inhibemus, ne aliquis Archi-Diaconus civitatis vel Diocesis Moguntinæ, aut ejus vices gerens pro eo, quod aliquem, vel aliquos de aliquibus Beneficiis Ecclesiasticis investiat, quidquam exigat, extorqueat, recipiat, vel requirat, & ne aliqui per se, vel per alium, quidquam pro eo, quod investiat, dare præsumant, excepto litterarum sallario, quod tamen unum fertonem argenti non excedat: quapropter Archi-Diaconi, vel vices eorum gerentes, a veris Patronis ad Beneficia Ecclesiastica in concordia præsentatos Canonice ultra unius mensis spatium non differant investire, aliqui nos post lapsum dicti mensis, nisi rationabilis causa obstitit, investiemus taliter præsentatos.

IV. Item sub prædicta pœna excommunicationis latæ sententiæ, quam in his scriptis proferimus, & transgressores incurere volumus ipso facto, præsentibus, ne aliquis sine nostra, obinenda dono speciali gratia, licentia super eo, fructus Beneficii vel Beneficiorum, quæ tenet cum cura, in quo, vel in quibus non facit residentiam personalem, recipiat, vel se de eis, vel per alium aliquatenus intromittat, sed ipsos nostræ dispositioni pro mensa nostra dimittat, cui nostræ mensæ ex speciali indulto Sedis Apostolicæ competere disolcuntur; & etiam, ut non promoti infra statuta a jure temporaria, ad quos Beneficia, quæ tenent, requirunt, se de fructibus Beneficiorum talium nullatenus intromittant, sed nostræ dispositioni ipsos dimittant, in usus debitos convertendos.

V. Item sub pœna excommunicationis jam latæ sententiæ omnibus & singulis Ecclesiarum Plebanis & Vicariis præcipimus, quæ sibi demandantur, accipiant, nullam etiam pro sigillatione litterarum hujusmodi recipiant pecuniæ quantitatem, volentes, quod post prædictos duos menses nulli executioni credatur, nisi fuerit sigillo ejus, cui scripta fuerat, sigillata.

VI. Item statuimus in hac *Sancta Synodo*, & firmiter præcipimus in his scriptis, quod per totam civitatem & Diocesim Moguntinam cessatio Divino-

rum clausis januis, & exclusio populo, uniformiter observetur.

VII. Item, quia Stationarii, sive Quæstuarii, sicut experimentaliter didicimus, sæpe & quidem frequenter nostris litteris abutuntur, & licet aliquando ad tempus aliqua sint concessæ, quod diutius est transactum, tamen ipsi uti præsumunt, ac si habeant roboris firmitatem, homines miserabiliter defraudando; nonnulli etiam falsis utantur litteris in hac parte, sicut nobis scientibus hoc plurimum est compertum. Nos igitur præmissis adhibere opportunum remedium cupientes, omnes litteras nostras sub quacunque forma, vel sub quocunque tenore, quibuscunque Monasteriis Ecclesiasticis vel personis datas, vel concessas, in his scriptis penitus revocamus, & de cætero nolumus habere alicujus roboris firmitatem, & si ex aliquibus justis causis ad hoc nos moventibus aliquas concedemus, illas Prælati & Plebani locorum, ubi devenerint, inspiciant diligenter, & si in data ipsarum eas viderint expirasse, vel in ipsis deprehenderint falsitatem, aut utens ipsis, plus per eas præsumat facere, quam vires litterarum hujusmodi patiuntur, utentem talibus litteris non obmittant corporaliter detinere, quousque quid cum tali fieri debeat, a Nobis recipiant in mandatis.

VIII. Item exequendo Constitutionem publice nuper editam, sub pœna excommunicationis in eadem Constitutione prolata præcipimus firmiter & mandamus, ne aliqua pro *Begina* se de cætero teneat, statu, habitu, re vel nomine, aut alio quovis modo, & ne aliquis hominum ipsas foveat in statu vel habitu Beginarum.

IX. Item omnes concessiones quibuscunque personis religiosis super audiendis Confessionibus, in casibus nobis a jure reservatis, & super ministrandis Ecclesiasticis Sacramentis subditis Plebanorum, præsentibus revocamus; nolentes, quod de cætero habeant roboris firmitatem.

X. Item sub pœna excommunicationis latæ sententiæ præsentibus inhibemus, ne vagæ restitutiones alicui hominum, quam *Joanni de Treveri* Prebendario, & *Dilectissimo Fess* Vicario Ecclesiæ Mo-

Moguncinæ nostris Pœnitentiariis præfententur, vel etiam ad aliquos utrosque abos convertantur absque nostra licentia speciali.

Fratres autem Prædicatores, Minores, Augustinenses, & Carmelitas, cum ipsi Pauperes elaborant vineam Domini, & in ea multarum salutis proficiant animarum verbo pariter & exemplo; Discretionem vestram duximus commendandos, diligentius injungentes, ut cum ad vestras Parochias pervenerint, propter Deum benivole recipiatis, & benigne per-

tractetis eorundem, sub pœna excommunicationis precipientes, ne aliquis contra iustitiam ipsos perturbet vel molestat. Datum anno Domini MCCCXVIII. VII. Idus Junii.

Ex codice MS. Bibliotheca Academiae Marburgensis post Concilium Moguntinum anno 1310. celebrati, descriptum Cl. Sebonnatus hac Petri Moguntini Statuta hoc anno publicata.

Hujus Synodi nec Stravins, nec Cl. Joannes intromiserunt.

CONCILIIUM ULTRAJECTINUM

Anno Christi MCCCXVIII. Joannis XXII. Papæ II. Ludovici Bavari Regis IV.

Statuta Domini FREDERICI (a) Episcopi Trajectensis Ecclesie.

NOS FREDERICUS, Dei Gratia, Episcopus Trajectensis, videntes plurimos defectus & pericula enormia Ecclesiis nostris subiectis, propter absentiam Rectorum Ecclesiarum, & aliorum Beneficiorum, quæ personalem exigunt residentiam, imminere: per hanc enim tollitur hospitalitas, & grex Dominicus minus sufficienter, & indebite gubernatur: *Mercenarius (b) enim est, cuius non sunt oves propriæ, cum viderit lupum venientem, fugit & recedit.*

I. Presenti decreto statuimus, præcipimusque in virtute sanctæ obedientiæ, & sub pœnis suspensionis & excommunicationis lætæ sententiæ in his scriptis, firmiter & stricte mandantes; ut quilibet Rector Ecclesiæ, cui cura incumbit animarum, & quivis Beneficiarius de Beneficio quocunque, quod personalem requirit residentiam, infra duos menses a data presentium, in sua personaliter resideat Ecclesiæ vel Beneficio, nec se de cætero aliquatenus absentare præsumat; alioquin quicunque secus fece-

rit, sententiam suspensionis & excommunicationis ipso facto incurrit.

II. Et si quis, quod absit, per duos alios menses immediate sequentes, dictas nostras sententias in contemptum clavi-um sanctæ majoris Ecclesiæ sustinuerit, extunc suo beneficio, quod personalem requirit residentiam, eo ipso sit privatus, & Provisores seu Collatores Ecclesiarum, vel Beneficiorum hujusmodi, seu hi, qui de illis disponere habent, de ipsis infra tempus statutum ordinent & disponant. Alioquin ex tunc de illis dispo-tere poterimus, & auctore Domino feliciter disponemus.

III. Item statuimus sub pœna excommunicationis lætæ sententiæ, & virtute sanctæ obedientiæ in his scriptis districte & firmiter inhibemus, ne quis Decanus, Sacerdos, vel aliquis aliter in partibus Friis, vel alias in nostra Diocesi, ullo tempore de casibus majoribus, vel causis & casibus Episcopalibus, Nobis a jure specialiter reservatis recognoscatur, vel alias quomodolibet aliquatenus se in-

(a) Fridericus Zrichensis, quadragesimus tertius a S. Willibrordo Ultrajectensium Episcopus, ex Præposito S. Petri Ultrajecti fuit anno 1317. creatus Episcopus. Multa pericula sanxit, & Prædecessoris Guidonis Avennis statuta confirmavit. Obiit 10. Julii 1322. *Cassillon in sacra Belgii Chronologia.* (b) Joannis X, 12.

eromitate, nisi obtentis a Nobis auctoritate & mandato speciali; quibus obtentis a Nobis per concessa sibi tempora libere continue poterit exercere. Qui vero contra nostram hanc inhibitionem facere presumpserit aut fecerit, excommunicationis sententia ipso facto sit ligatus, a qua a nullo, præterquam a Nobis, seu Officiario nostro absolvi valeat, nisi in puncto mortis, præstata tunc cautione de satisfaciendo Ecclesiæ, & nobis de tantæ temeritatis audacia perpetrata.

IV. Item statuimus in virtute sanctæ obedienciæ, & sub pena latæ sententiæ in his scriptis præcipiendo mandamus, ne quis nostræ civitatis vel Diocesis, cujuscunque status, gradus, aut dignitatis existat, a sententiis excommunicationis, suspensionis, vel interdicti virtute *Statutorum Synodali* nostrorum, vel Prædecessorum nostrorum laici, actione matrimoniorum clandestinorum, vel alias quomolibet absolvi valeat; absolutiones autem omnium hujusmodi Nobis, seu Officiario nostro præsentibus referamus.

V. Item statuimus, districtè præcipiendo mandantes, ne Centiliarii, seu Consules, aut Procuratores Ecclesiarum Parochialium nostræ civitatis & Diocesis, de rebus Ecclesiarum ipsarum, sine consilio, & consensu nostro, seu Presbyterorum earundem ordinare, & disponere præsumant; alioquin sententiæ excommunicationis subiaceant ipso facto.

VI. Item statuimus, si quis in Nuncios seu Procuratores litterarum Curie nostræ Trajectensis, seu Officialium foraneorum, aut Provisorum manus iniecerit violentis, aut litteras Curie nostræ, seu Officialium eorundem ruperit vel subripuerit, si hic habens jurisdictionem temporalem, eo ipso excommunicatus existat, & terra sua Ecclesiastico subjaceat interdicto: si vero sit persona privata, sententiæ excommunicationis sit ligata, & in Parochia qualibet, ubi malefactorum talem esse confiterit, cessetur a divinis.

VII. Præcipimus quoque universis & singulis Ecclesiarum Rectoribus, Presbyteris, Capellanis, & Clericis nostræ civitatis & Diocesis quibuscunque, ut præsens nostrum statutum, & pœnas, ac sententias in eo insertas, sine expecta-

tione alterius mandati statim post notitiam commissi irrefragabiliter observent, & in Ecclesiis suis denuntient singulis diebus Dominicis & Festivis, tale delictum commissum esse per talem, & propter has hujusmodi secundum qualitatem delicti fecitas esse, & eas firmiter ab omnibus observandas, cum intimamine etiam, quod si absolutionem super sententiis hujusmodi breviter a Nobis non procuraverint seu Officiario nostro, pœnæ & sententiæ acriores ulsigentur.

Alioquin Rectores & Presbyteri non observantes hoc nostrum statutum in omni sua forma & parte, excommunicationis sententias ipso facto se noverint incurrisse. Ne vero inter viros religiosi ordinum mendicantium, qui utique in Ecclesia Dei fructum afferunt cum patientia, & quorum consiliis & doctrinis virtutes plantari solent, & vicia exstirpari, ex parte una, & Clerum, cui in eadem Ecclesia commissum est regimen animarum, discordiæ, quæ mater est litium, persistendi suscipiat incensivum, præmissis sane duximus statuendum.

VIII. Sciendum, quod tam Decani Christianitatis, quam Provatores, Ecclesiarum Rectores *DECRET-LES LIBRI SEPTIMI* noviter emanatas, quas Nobis hic altantibus cum ea, quæ decet reverentia, publicamus, sicut in ejus cavetur principio, & in *Subole*, & in *Judicis* observandum; quarum Decretalium una titulo: *De Sepulchris*, incipiens, dudum a BONIFACIO Papa 8vo: reliquæ in titulo: *De religiosis domibus*, super *Beghinorum* cœtibz abolendis, cujus principium sic existit: *Cum de quibusdam mulieribus Beghinabus* &c. collocantur; tertia vero eodem libro: *De Hæretica*, contra hæreticos *Begehards*, & *Beghinas*, qui incipit: *AD NOSTRAM*, penes se & suas Ecclesias habeant & observent.

IX. Cæterum universa & singula statuta, monita, & mandata Reverendissimorum Patrum & Dominorum JOHANNIS DE SIRC, & GUIDONIS DE HANONIA, Trajectentium Episcoporum, felicitis recordationis Prædecessorum nostrorum, præsentibus confirmamus, mandantes ea sub pena in ipsis, & cæteris institutis inviolabiliter observari, quousque de maturiori consilio illa duxerimus emendare. Præcipientes insuper

super universis & singulis Ecclesiarum Rectoribus communiter & divisim, in nostra civitate & Diocesi constitutis, ut ipsa & hæc nostra statuta in suis Ecclesiis habeant & recipiant incunctanter, eis-que utantur, & illa teneant sine addictione qualibet & obviarent. In quorum omnium testimonium & robur perpetuo

valiturum, sigillum nostrum præsentibus duximus apponendum. Actum, publicatum, datum anno Domini MCCCXVIII. Feria VI. post Dominicam Oculi.

*Explicunt Statuta Domini FREDERICI,
quondam Episcopi Trajectensis.*

Housdenii Batavia Sacra.

SYNODUS OLOMUCENSIS IN CREMSIR (a)

Anno Christi MCCCXVIII. Joannis XXII. Papæ II.
Ludovici Bavari Regis IV.

CONRADUS, (b) DEI, ET APOSTOLICÆ SEDIS GRATIA, EPISCOPUS
OLOMUCENSIS &c.

Constitutiones, sive statuta Predecessorum nostrorum diligentius requerentes, nec in Cathedrali, nec in aliis Ecclesiis, requirendo superius de eisdem, ipsas potuimus invenire; vel si quæ constitutiones ex ipsis particulariter receptæ fuissent, non taliter conscriptæ fuerunt nec receptæ sub sigillis authenticis, ut ipsis possit fides in iudiciis, vel extra iudicium adhiberi, vel pœnæ infligi transgressoribus eorumdem; propter quod volumus, & in virtute sanctæ obedientiæ præcipimus & mandamus, quatenus nostras constitutiones, quas in præfati promulgamus *Synodo*, utantur Clerici nostræ Diocesis, & non alii, & ipsas diligenter infra unum mensem a publicatione præsentium, conscribi faciant, in ipsis contenta suo loco, & tempore, observando.

Caput I. *Contra Concubinarias.*

Licet a sanctis Patribus in sanctorum Canonum editione, contra cohabitatores manifestos plurima emanaverint instituta, in quibus Canonibus evidenter prænotatur, quod nullus Sacerdotis Missam audiat, quem indubitanter, habere nove-

rit concubinam. Nos, hujusmodi vitium a sanctis Patribus, & eorum institutionibus prohiberi, & detestari scientes, & sicut Religioni Sacerdotum convenit, prosequendum cupientes, monemus omnes Prælatos, & Clericos nostræ Diocesis, ut continenter & caste studeant vivere, & quod suspectas fœminas nullatenus secum teneant in domo, & in hoc studeant, ut eorum vita Deo & hominibus sit placibilis, & in suis actibus irreprehensibiles habeantur; statutum Provincialis Concilii contra cohabitatores & incontinentes promulgatum exequi volentes, exequamur in præfati, sic quod tales cohabitatores ex vigore & auctoritate prædicti Concilii, ex nunc prout ex tunc, sicut in eodem Provinciali Concilio continetur statuo, sint privati Beneficiis, & adiutorum Officiis sint suspensi: propter hoc enim sine qualibet ammonitione in Beneficiorum privatione, & Divinorum suspensione procedentes, pœnam Concilii infligimus, cum veraciter intelleximus, quod statutum Concilii prædicti eo tempore, quo felicis memoris P. Episcopus in civitate Cremsir Synodum celebravit, fuerit publicatum. Cum & Domi-

L 1 3 nica

(a) Cremsir, civitas est cum Collegio Canonicorum, & egregia arte adita fluvio Moravi. in Diocesi Olomucensi, residentia Episcopi Olomucensis. *Huher in Conversationis Lexico.*

(b) Conradus, Comitibus publicis electus, magnanimus Ecclesiæ suæ defensor & tutor, ordine XXI. Constitutiones saluberrimas Clero suæ Diocesis sancivit, & plurimis Ecclesiarum ornamentis imo redditibus Cathedrali auxit: obiit anno MCCCXXVI. ante altare S. Cordule in sua Ecclesia tumulatus. *Ex MS. a Calixto Pragensi Archiepiscopo, communicato.*

nica voce sancto Petro dictum fuit : *Si diligis me, (a) pascere oves meas* ; ex quo colligitur, si is qui omnipotentis Dei oves pascere renuit, Pastorem suum se minime ostendit amare ; & ne de grege Nobis commisso, quorum sanguis de nostris requireretur manibus, depereat quidquam, sed ex pastorum suorum solertia & corporali presentia deservetur.

Cap. II. *Contra non residentes.*

Univerfos Plebanos, & Curatos nostræ Diœcesis presentibus ammonemus, ut infra unum mensem a publicatione presentium, præteritis tamen non parentes negligentis, ad suas revertantur Ecclesias, & in eisdem residentiam faciant personalem; illis dumtaxat, qui causa studii, vel alias ex causa legitima, de nostra licentia se possint a suis Ecclesiis absentare; quod si infra mensem ad Ecclesias, per presentes ammoniti, non redierint, Nos ad præsentationem illorum, qui Jus Patronatus in eisdem Ecclesiis obtinent, alios ad ipsas Ecclesias confirmare nullatenus differemus; quinimo prædictarum Ecclesiarum desertores, quos non Pastores, sed pavidos mercenarios reputamus, post lapsum duorum mensium a publicatione presentium, ipsorum privamus Beneficiis, & denuntiamus esse privatos, præjudicium nullum per hoc Patronis ex publicatione presentium, si post lapsum duorum mensium personas idoneas ad vacantia Beneficia ex constitutione presentis Nobis presentaverint, inferendo; cui statuto etiam Ecclesiæ nostræ Cathedralis Canonicos, dum non in altero ipsorum resideant, ut tenentur, includi volumus.

Cap. III. *Ut nullus Plebanus aliam Ecclesiam conveniat.*

Nullus Parochianus, propriam obtinens, aliam Parochiam, vel fructus sive proventus alterius Parochiæ conveniat sub spe lucri; si ex causa legitima, nostra tamen obtenta licentia, aliquis, pro censu annuo suam Ecclesiam velit locare, hanc alteri, & non Beneficiato proventus & fructus Beneficii sui locet. Nos enim locatorem fructuum suorum Beneficiato, alias excommunicamus in his scriptis, conductorem vero in V. marcas grossi. denariorum condemnamus no-

stræ Cameræ applicandas, & nihilominus suspendimus eum ab ingressu Ecclesiæ & Divinis.

Cap. IV. *De Exhortatione faciendâ ad Plebem.*

Item statuimus: ut Plebani, & Clerici nostræ Diœcesis in suis Parochialibus Ecclesiis, diebus Dominicis & Festivis, plebem sibi commissam diligenter ammoncant, ut in Festivitatibus solemnibus, videlicet: Nativit. Christi, Resurrectionis, & Pentecostes, suo vero Plebano, & non alteri sua confiteantur peccata, & ad communionem Corporis & Sanguinis Domini in eisdem Festis præparent & accedant, maxime in Festo Paschatis: & si quos invenerint, qui in Festo Paschatis sua peccata non confessi fuerint, & sacram communionem non assumpserint, viventes ab ingressu Ecclesiæ arcuantur, & morientes Ecclesiastica careant sepultura.

Cap. V. *De procurandis infirmis.*

Item, quod Plebani, & Clerici infirmos visitent, & eos reconcilient, post eorum confessionem ipsis injungendo penitentiam, ipsos etiam Oleo sancto ungant, & manu communicent, & Corpus Domini ad ipsos, vexillo, lumine, & nota ipsos antecedente, deferant reverenter. Nullus etiam ex Plebanis vel Clericis nostræ Diœcesis pro baptizandis Infantibus, sepeliendis mortuis, aut reconciliandis infirmis munus aliquod exigat, aut recipiat.

Cap. VI. *Ne sacra Vasa, & Ornamenta in pignus dentur.*

Sacra etiam Vasa & Vestimenta Sacerdotum Negotiarioris aut Tabernatoris pro pignore non exponantur, & si quis inventus fuerit de præmissis aliquid impignorasse; in quantum obligavit prædicta, tantum suo Episcopo solvere teneatur, & nihilominus obligans sit suspensus a Divinis.

Cap. VII. *Contra eos, qui sine licentia Episcopi Ecclesias amministrant.*

Statuimus etiam, quod si quis Clericus secularis, vel Religiosus in aliqua Ecclesia nostræ Diœcesis, institutione nostra non habita, in Spiritualibus vel in

secularibus administrare præsumperit, ipso jure omne jus, quod in eisdem Ecclesiis competebat, amittant, nec ad aliud Beneficium, etiamsi media persona intercesserit, de cetero admittantur.

Cap. VIII. *De vita, & honestate Clericorum.*

Volentes, ut Clerus nostræ Diœcesis in suis actibus universis sit Deo placibilis, & etiam contra ipsum Clerum nulla possit haberi suspicio vel scandalum; universis præcipimus & mandamus, ut nullus tabernam intret, nisi sit in itinere constitutus, & tunc in ipsa taberna, causa necessitatis prædictæ, moras faciens, ullatenus ad taxillos vel ad aleas ludat: & si in ipsa taberna ludum taxillorum vel alearum exercuit, statim unam marcam Nobis solvere teneatur; & si qui Sacerdotes vel Clerici vagabundi in tabernis inventi fuerint, talia, quæ prædiximus, peregrisse, statim per Archidiaconos & Decanos locorum capiantur, & a nostrâ Diœcesi, ne sint in aliorum scandalum, penitus expellantur.

Cap. IX. *Ne Plebanus suos, vel alios subditos excommunicet, nisi servata forma.*

Statuimus, quod Ecclesiarum Plebani subditos suos non excommunicent nisi servata forma; & non excommunicent, nisi pro notoriis excessibus; & causam excommunicationis in scriptis assignent, ut coram Nobis eadem, si per excommunicatum ad Nos desuper quærela pervenerit, approbari valeat, vel si causa rationalis non fuerit inventa, injuste excommunicato ad interesse condempnentur, & alias puniantur.

Cap. X. *Quod omnes Ecclesia, non solventes decimales denarios, sint subditi interdito.*

Statuimus etiam, ut decimales denarii, qui Nobis de tabernis, molenis, curculis, & ab aliis de jure debentur, per nostræ Diœcesis Plebanos in singulis Parochiis, statim, incipiendo a Festo S. Michaelis usque ad Festum S. Martini, fideliter & integraliter colligantur, & in Octava S. Martini, sicut alias sunt soluti, solvantur plenarie; & per quoscumque Plebanos ipsi denarii in

Octava S. Martini soluti non fuerint, ipsorum Ecclesiarum, elapso termino prædicto, sint Ecclesiastico interdito suppositæ.

Cap. XI. *De incendiariis.*

Licet a Prædecessoribus nostris, sicut audimus, contra nocuos & pestiferos incendiarios, eorumque complices ac fautores, vel alios, ipsis incendiariis conscribentes cartulas, per quas illi, quibus incendium, seu vexationem inferre minitantur, ab ipsis incendiariis redimant dampnum, quondam statuta fuerint promulgata, non tamen ipsorum malitia sufficienter punita videntur, imo quotidie per ipsos incendiarios damna plurima causantur, quæ alias, si carerent fautoribus, vel scriptoribus, vel eorum negotia gerentibus, nullatenus inferreantur; Nos huic morbo obviantes vel obviare volentes, præsentî constitutione sanximus & invocata Spiritus Sancti gratia, auctoritate Ss. Petri & Pauli App. & nostrâ, in omnes incendiarios ac eorum fautores, receptatores, vel quomodolibet ipsis consilium, auxilium, vel favorem præstantes publice vel occulte, cujuscumque dignitatis, conditionis aut status existant, excommunicationis sententiam in scriptis præsentibus promulgamus: & si Clericus repertus fuerit prædictorum incendiariorum negotia gerere, vel cartulas ipsis conscribere, si de hoc testibus, vel alias præsumptione vehementer convictus fuerit, suo nihilominus Beneficio perpetuo spoliatur, & si Beneficium non habuerit, per annum detrusus in carcerem, perpetua notatus infamia, sine aliquo remissionis gratia, a nostrâ repellatur Diœcesi: Religiosi etiam, si inventi fuerint, talia perpetrasse, per suos Superiores in perpetuum carcerem detrudantur.

Cap. XII. *Contra illicitos Ecclesiarum occupatores.*

Pastores, non intrantes per ostium, sed aliunde venientes, tanquam fures, & non instituti per Episcopum occupantes Ecclesias, & alias se procurantes intrudi per potentiam sæcularem, omni jure, si quod eis competere in Beneficiis taliter occupatis, ex constitutione præsentî sunt privati & inhabiles reddantur ad alia Beneficia, nisi cum ipsis per Sedem Apostolicam fuerit dispensatum.

Cap.

Cap. XIII. *Ne Patroni suos Plebanos deprædantur.*

Patroni, qui Plebanos, aut Clericos extra dotem, vel in dote, in toto vel in parte in rebus suis, vel alias aliqua re mobili, seu equo, veste, pecoribus, sive suppellectilibus spoliaverint, & moniti, infra dies octo, ablata non restituerint, in Patroni ipsius injuriam cesserit a Divinis: hanc tamen ammonitionem per Episcopum, vel Archidiaconum loci, fieri volumus, priusquam cesserit a Divinis, & quod etiam Episcopo, vel Archidiacono loci de ipsa spoliatione fides fiat.

Cap. XIV. *Ne Clerici ad Judicium trahantur seculares.*

Licet a sanctis Patribus institutum fuerit, ut nullus Clericus trahi debeat ad judicium seculare, pœna vero actoribus & reis per Cationes ad hoc sit infligenda; cui pœnæ prolatæ aliam pœnam adjicimus: statuentes: ut actor, si sit laicus, ipso facto sententiam excommunicationis incurrat: Clericus vero si sit Beneficio, quod obtinet, ipso jure sit privatus; Clerici etiam, si, quæ ipsis illatæ fuissent injuriæ, contra Prælatos suos, spreto Episcopo suo, laicis secularibus conqueruntur, ipso facto, Beneficiis, quæ obtinent, sint privati, & excommunicati præsentibus constitutionibus a nostra Diœcesi repellantur, cum tales spirituales jurisdictionem enervent, & sint sanctorum Canonum contemptores.

Cap. XV. *Ne Sæcularis Clericos audeat judicare.*

Judices vero seculares, qui Clericos judicare præsumperint, per præfentes, sint excommunicationis vinculo innodati.

Cap. XVI. *De Theloneis.*

Si Clericus cum rebus, quas secum pro suis ducit usibus, locum transit, ubi thelonium exigitur, vel pedagium recipitur, Theloneum ab eodem recipiens, excommunicationis sententiam incurrat, nec absolvatur nisi dupliciter restituat, quod recipit.

Cap. XVII. *Ne aliquis, præter Officialem aut Archidiaconum, causas Matrimoniales judicet.*

Item prohibemus sub pœna excom-

municationis, ne aliquis causas matrimoniales judicet, nisi Officialis, vel Archidiaconus, idque per se, & non per aliquem substitutum; cum Matrimoniales causæ judicandæ sint per illos, qui statuta Canonum non ignorant.

Cap. XVIII. *Ne quis sine formatis majoribus Ordinibus assumat.*

Inhibemus etiam, ne in celebratione Ordinum aliquis per examinationem ad ultiores Ordines recipiatur, nisi de Prioribus susceptis, per Episcoporum authenticas litteras sigilla fecerint plenam fidem.

Cap. XIX. *De Infantibus baptizandis.*

Nullus baptizandus non baptizatus ultra unius mensis spatium reservetur, & pueri non alibi, quam intra Ecclesiam, nisi necessitatis articulus intervenit, exceptis filiis Principum, baptizentur.

Cap. XX. *Ut Matrimonia in facie Ecclesiæ contrahantur.*

Prohibemus etiam, quod Matrimonia alibi, nisi in facie Ecclesiæ contrahantur, & hoc Plebani suis intiment Plebanis singulis diebus Dominicis & Festivis; Et quod constitutio sive inhibicio de clandestina deponatione a Plebanis observetur.

Cap. XXI. *Ut Plebanus in sua dote residat.*

Nullus Plebanus circa suam residens Ecclesiam, alibi residat, quam in dote. Si quis vero Plebanus, vel Clericus, concubinae filiis aut filiabus agros emisse, & ipsis donasse, vel alias res immobiles Ecclesiæ compertus fuerit tradidisse, ad cujus utilitatem cedere debent, eos restituere teneatur.

Cap. XXII. *Ut Religiosi vacantes Ecclesias suis usibus non usurpent.*

Item ex Concilio Fritzlarensi statui-mus: ut Religiosi, qui per donationem, seu alium titulum legitimum, jus Patronatus aliquorum Beneficiorum Ecclesiasticorum obtinent, vel acquisierint in futuro, talia beneficia suis usibus non usurpent; sed ipsis vacantibus, ad ea Sacerdotes seculares & idoneos Diœcesano præfentent, alioquin elapso tempore a jure statuto, Diœcesanus, prout Eccle-

Ecclesie expedierit, idoneo provideat de Pastore.

Cap. XXIII. Contra Clericorum captivatores.

Ex Concilio *Affenburgensi* statui-
mus: quod omnes, qui Clericos in
sacris Ordinibus constitutos, vel pro
Clericis se gerentes, maxime Praelatos
& Canonicos Ecclesie Cathedralis, ac
alias personas Ecclesiasticas captivare,
captivatas detinere, occidere, mutilare,
aut lethalibus vulneribus afficere præ-
sumpserint, sint ipso facto excommuni-
cati, & non solum in terminis illius Ar-
chi-Diaconatus, in quo Praelatus, Ca-
nonicus, Religiosus, vel Clericus cap-
tivatus, sed etiam in alio Archi-Diacono-
nato, ubi tales detinentur, cessetur a
Divinis ipso facto.

Cap. XXIV. De Interfectorum sepulturis.

Item de sepultura interfectorum sta-
tuimus: quod si ante mortem ipsorum
de contritione apparuerit, sepeliantur
apud Ecclesias; si vero de ipsorum con-
tritione per signa vel testes, Plebano,
apud cujus Ecclesiam sepeliri debent,
fuerit probatum, si tamen statutis a jure
temporibus alias confessi fuerint, & Eu-
charistiam acceperint, nec evidenter
appareat, quod in mortalibus fuerint
peccatis, possunt interempti apud ipsam
Ecclesiam sepeliri.

Cap. XXV. De his, qui sepeliri non debent.

De his autem, qui sepeliri apud
Ecclesiam non debent, intelligi volumus,
qui in peccatis mortalibus, & nulla
præveniente gratia interimuntur.

**Cap. XXVI. Ne Religiosi fructus Ecclesia-
rium sibi retineant.**

Nonnulli Religiosi nostræ Dicecesis,
juxta Patronatus in Parochialibus Ecclesiis
obtinentes, cum prædictæ vacant Eccle-
siae, personas minus idoneas præsentant,
iisque certos proventus, appropriatis
sibi reliquis, relinquunt, de quibus con-
digne non valeant sustentari, nec nostræ
Ecclesie, nec Archi-Diaconorum onera
solvi possunt. Propter quod præsentem
statuto sancimus, ut si Ecclesiarum pro-
ventus diminuti fuerint, infra mensem
unum a publicatione præsentium, ad
statum pristinum reducantur: si vero
Religiosi sibi dicunt competere ex privi-

legio Sedis Apostolicæ, ut congruo su-
sistentatione relicta Plebano, fructus alios
suis possint incorporare Monasteriis,
nobis privilegia exhibeant, infra men-
sem, sic, quod deliberatione habita, (a) ul-
lum privilegiatis Monasteriis vel Parochiis
præjudicium generetur.

**Cap. XXVII. Ne Laici Clericos in dispo-
sitione rerum suarum impediunt.**

Ex eo quod Nobiles Laici, Judi-
ces, Advocati, & alii temporale Domi-
nium obinentes, decimas villarum, seu
possessionum, suo Dominio immediate
subjectarum, prætextu prædictæ potestatis
sue, sibi, & non aliis vendi seu locari
permittant in præjudicium Ecclesiasti-
cæ libertatis, contra Rectores Ecclesia-
rum, Ecclesiasticasve personas, ad quas
eadem bona spectant, ac emptores seu
conductores, si secus fieret, graves ge-
rentes inimicitias, unde Ecclesiis, Ec-
clesiasticisve personis damna non modi-
ca, ac inter laicos prædictos altercacio-
nes & odia didicimus oriri. Hujusmo-
di igitur venditiones seu locationes præ-
dictis laicis & Judicibus, seu Dominis,
aut etiam Advocatis, per ipsos fieri pro-
hibemus; si qui vero vendendo vel lo-
cando, emendo vel commutando secus
fecerint, seu decimas ipsas, ad quos
pertinent, libere deducere, quocum-
que maluerint, non permiserint, ex-
communicationis sententiam eos incide-
re volumus ipso facto, adicientes nihil-
ominus, ut prius nostra constitutio pro-
xima Dominica, ac annis singulis in Fe-
sto Ss. Trinitatis & duabus Dominicis se-
quentibus, coram populo in Ecclesiis
Parochialibus publicetur.

Nos *Comadus*, Dei Gratia, Episco-
pus Olomucensis, Anno Domini MCCC-
XVIII. proxima die Dominica post di-
em S. Mauricii, & Sociorum ejus, in
Civitate nostra *Cremis*, Synodum hanc no-
stram celebrantes, Praelatis, & Canonicis
Ecclesie nostræ, ac aliis secularibus,
& Religiosis Praelatis, Presbyteris, ne-
non Plebanis, & toto Clero nostræ Dice-
cesis præsentibus, ac prædictas constitu-
tiones in ipsa Synodo pervulgavimus,
volentes: ut per totam Dicecesim ipsæ
constitutiones serventur ab omnibus, &
eis utantur in nostris Judiciis & extra
Judicium, & exequantur suo loco, &
tempore in ipsis contenta.

Cl. Schannat descripsit ex codice Moguntino.

(a) forte: nullum, legendum.

Tomus IV. Concil. German.

M m

CONCI-

CONCILIIUM HALLÆ MAGDEBURGICÆ.

SUB BURCHARDO, ARCHIEPISC. MAGDEBURG.

Anno Christi MCCCXX. Joannis XXII. Papæ IV.
Ludovici Bavari Regis VI.

BORCHARDUS, DEI GRATIA, SANCTÆ MAGDEBURGENSIS
ECCLESIE ARCHIEPISCOPUS &c.

Consulta Canonum & Legum pe-
ritia super Ecclesiarum rebus, &
libertatibus conservandis, rebusque
earum non alienandis, nisi in certis ca-
sibus, & forma a jure permixta per suas
constitutiones multam adhibuisse sollici-
tudinem reperitur. Unde legitur in sacris
Canonibus, quod *omne id, quod Domino con-
secratur*, sive fuerit homo, sive animal,
sive ager, sive quidquam aliud, *sanctum
est Domino*, & ad *jus pertinet Sacerdotum*:
propter quod inexcusabilis erit omnis
homo, qui Domino, quod ei competit,
aufert, vastat, eripit, & invadit, &
usque ad emendationem, Ecclesiarumque
satisfactionem ut sacrilegus judicatur,
& si emendare noluerit, excommunica-
tionis vinculo contringitur. Præterea
& in eisdem scribitur, quod quicumque
militum, vel cujuscumque Ordinis vel
Professionis persona, prædia Ecclesiastica,
a quocumque Rege, vel Principe secu-
lari, Episcopis, vel Abbatibus, aut
aliis Ecclesiarum Rectoribus largita,
invaleret, vel sine eorum consensu tene-
rit, nisi eadem Ecclesiarum restituat, excom-
municatione ligetur.

*De auferentibus Bona mobilia, Jura, &
Jurisdictiones Ecclesiarum.*

Quia tamen in observatione Cano-
num prædictorum, nonnulli timore,
odio, vel favore in promulganda ex-
communicationis sententia contra tales
se exhibent negligenter, Nos volentes
illorum negligentiam periculosa statu-
torum nostrorum executione supplere,

universos, qui bona mobilia vel immo-
bilia, seu jura aut Jurisdictiones ad Ec-
clesias pertinentes auferunt aut invadunt,
aut susceperint, vel detinuerint, seu
alios in talibus defensionibus, præstando
auxilium, vel favorem, cujuscumque
sint ordinis, præeminentiæ, conditionis,
aut status, sacri hujus approbatione
Concilii statuimus: nisi per Executorem,
cui competet jurisdictio, contra tales lo-
gione moniti, ab hujusmodi injuriis
desisterint infra mensis, oblata vel de-
tenta restituendo, eo ipso sententiam
excommunicationis incurrant; quam si
in animarum suarum periculum ac Ec-
clesiarum præjudicium, ac jacturam per
mentem immediate sequentem animis
sustinuerint induratis, ab universis Pro-
vinciæ nostræ Executoribus cum super
hoc per litteras dicti Executoris, per
quem processit monitio, requisiti fue-
rint, excommunicari publice nunci-
entur, quousque per restitutionem vel
satisfactionem debitam se correxerint
cum effectu, & nihilominus in locis, in
quibus domicilium obtinuerint, & in
quibus se receperint, quamdiu ibi mor-
antur traxerint, cesset penitus a solemn-
ibus Divinorum, statutis prioribus, quo
ad aggravationes sententiarum in suo ro-
bore duraturis.

De quibusdam abusibus infestationis.

Quidam fraudulentus infestationis
abusus, qui *Umschale* vulgariter nomina-
tur, hæcenus apud quosdam invaluit in
duobus infra scriptis casibus habens lo-
cum. Pri-

- (a) Burchardus III. de Scarpelaw Comes, vir sobrius, pius, castus, fortis, prudens, &
qui jura Ecclesiarum suarum magno cum labore tueretur, creatus Archiepiscopus A. 1308.
A civibus Magdeburgensibus, Hallensibus, & Callensibus horrendo parricidio in
carcere occiditur A. 1325. nocte S. Mathæi Apostoli: cædes anno integro celatur.
Sedit annos 18. *Krautzius Wandalie Lib. VIII. c. 13. cui præ omnibus recentioribus
ecclesiasticis calumniatoribus credendum.*

Primo videlicet, quando Vassallus ad eam gravi infirmitate detinetur, quod de periculo mortis propinquo formidat, vel ad partes longinquas, non cito reversurus, se transferre proponit, tunc de suo feodo, quod ipse a Domino suo tenet, alium infeodat, hac intentione, ut si ad convalescentiam ab ægitudine redierit, vel a loco, ad quem proficisci intendit, ad propriam remeavit, feodum ad ipsum libere revertatur; quem quidem infeodationis abutem, ut & Vassallum dolum reprobum jura Patrie in tantum abhorrent, quod taliter infeodantem privandum esse feodi beneficio decreverint, & ipsum feodum, post privationem, libere reverti debere ad prioris Domini potestatem.

Secundo vero, dum Vassallus feodum, quod a Domino est datum eidem, in aliquem alium aut per venditionem, seu alium modum transferre desiderans, & ille alius ad feodum tale aspirans, tamen se de eo infeodari, propter suæ conditionis statum, recusat, aut forte contemnit: & dolose procurat, ut homines sui tale feodum ab ipso priore Vassallo recipiant, & ad ipsius utilitatem & commodum referent, quo quidem casu dubium non est, verum Dominum defraudari; unde in hoc casu jura Patrie statuerunt: quod si Dominus Vassallum taliter infeodantem apud alios suos Vassallos inculaverit, si ipse inculatus talem infeodationem forte fuerit confessus, feodo tali est ipso facto privatus, & ad Dominum priorem devolvitur; si vero taliter se infeodasse negaverit, negationem hujusmodi veram esse probabit proprio juramento, & deinde, id est, post juramentum præstitum, mandabit ei, vel eis, quibus feodum prius concessit, quod ipsi ipsius feodi possessionem ad se debeant infra sex hebdomadas efficaciter collocare, seu ejus possessionem nancisci, alioquin ipso feodo sint privandi: & feodum post privationem reddere debet ad potestatem Domini non principalis, sed Vassalli sui prioris: feodum namque sine feodi possessione nihil juris tribuit ad feodum licite retinendum. Nos itaque in favorem Ecclesiarum, & in odium præsumptorum, approbantes omnia in præmissis, statuimus: quod si quis feodum in casibus prædictis amissum retine-

re contenderit, nec ad priorem Dominum reveri permiserit, seu impedimentum ad hoc aliquod præstiterit, eo ipso sententiam excommunicationis incurrat, in omnibus locis nostræ Provincie, in quibus expedierit, solempniter publicandam.

De parvis Prælati, Canonici, vel Ministri propriam Ecclesiam hostiliter impugnantis.

Si quis Prælati, Canonici, aut Minister in aliqua Cathedrali, vel Collegiata Ecclesia in tantam eruperit temeritatem, ac detestandæ ingræitudinis vitium inciderit, quod Ecclesiam propriam, in qua Dignitatem, Canoniciatum, aut Beneficium obtinet, bonorum ipsius adipe impingatus, per se, aut cum aliis ejusdem Ecclesiæ persecutoribus & inimicis hostiliter impugnaverit vel invaserit; Ne talis ac tanta malitia incrementum accipiat, aliisque præsumptoribus transeat in exemplum, & tales poenæ formidine a suæ temeritatis audacia refrænentur, proinde duximus statuendum: ut quicumque talia, tanque enormia contra matrem suam Ecclesiam præsumpserit, si Prælati fuerit, dignitate, Canonici canoniciatu, Minister beneficio ipso facto priventur, & tanquam membrum putidum ab eadem Ecclesia perpetuo sit abscissus, (b) cum indignum sit juxta doctrinam Canonum, ut Ecclesia, quæ suscepit extraneum, in sinu suo foveat invalorem.

De modo executionis statuti prædicti.

Ad hoc, ut statutum præfens plenum sortiatur effectum, voluit Ecclesia hoc ordine in ipso procedi, quod videlicet superior Prælati Ecclesiæ taliter impugnatæ, requisito prius Capituli sui consilio, super eo monere debeat salubriter tam enormiter delinquentem, quod infra mensem vel ultra, juxta monitoris arbitrium statuendum, ab impugnatione & invasione hujusmodi abstinere de cætero debeat, & super damnis & injuriis irrogatis satisfactionem iis, quorum interest, impendere competentem, si poenas prædictas voluerint evitare; quod si moniti a Prioribus suis malis cessare, aut emendare secundum arbitrium Prælati, & Capituli, juxta qualitatem delicti,

(b) pro: abscissus.

ac

M m 2

ac possibilitatem ipsius animo contempserint oblinato; id Prælatum Ecclesiæ præponat, quod talis præsumptor tumore inflatus superbix, & spiritu rebellionis assumpto monitioni suæ in præmissis parere contumaciter designatur. Et si Prælatum, & Capitulum simul diligenti deliberatione præhabita, hujusmodi ingratitude filium reputaverint, & decreverint in pœnas præsentis statuti ex suis demeritis & iniquitatibus incurrisse; ex tunc statutum ipsum, privationem beneficiorum infligens, ut prædicitur, quoad pœnam, vel pœnas inflicta, roboris obtineat firmitatem. Præfens vero statutum non tantum in secularibus Ecclesiis, verum etiam in Regularibus volumus observari.

Extorso pena ejusdem statuti ad posteritatem submittentium civitatem Magdeburgensem.

Dudum quædam statuta *anterioris nostri Concilii* provide fuit deliberatio præhabita, ne Rectores, seu Majores civitatis, vel oppidi alicujus in præjudicium veri Domini, videlicet Archi-Episcopi, Episcopi, aut alterius Prælati Ecclesiastici, civitatem vel oppidum alterius Domini subjacerent ditioni, certas pœnas in eodem expressas, transgressoribus infligendo. Verum, quia subiectio & submissio hujusmodi grave præjudicium afferunt & jacturam, expedit, ut assumptione talium, malitia hominum cumularum pœnarum formidine coerceretur. Sanximus igitur in casu præmissio, ut si submissio, & subiectio, de quibus prædicitur, fuerint aliquando per cives Magdeburgenses, aut Hallenses præsumptæ, quod, præter pœnas in prædicto sta-

tuto contentas, hi, qui talia fecerint, vel mandaverint, vel cum prohibere possint, admiserint, in suis filiis, & filiabus, ac omni eorum posteritate usque ad quartam generationem, eas pœnas incurrant ipso facto, quæ in *Concilio Magdeburgensi* expresse continentur.

Quod Rectores Ecclesiarum debite & licite pulsare faciant ad Divina.

Considerantes Divinum cultum non minui, sed augeri, & Ministros Ecclesiarum in Divinis peragendis officiis nullatenus impediri debere, statuimus: quod Rectores Ecclesiarum, quibus celebratio Divinorum, & cura templi est commissæ, ad pullandum & pulsari faciendum pro conventionem populi ad Divinorum auditionem, & ad alia, quæ salutem respiciunt animarum, libere quæcumque eis hora placuerit, & congrua fuerit, habeant potestatem, nec a tali libertate a quoquam possint vel debeant prohiberi, cum indignum valde sit, quod ex arbitrio sic pendeant alieno, & per laicos certa forma, aut hora ipsa minime congrua imponatur. Si quis autem contrarium hujus statuti attemptare præsumpserit, prohibitionem aut impedimentum aliquod inferendo, nisi monitus per Rectorem Ecclesiæ cessaverit infra mensem, eo ipso sententiam excommunicationis incurrat, non obstante, si qua consuetudo in contrarium allegetur: quæ cum Ecclesiis sit onerosa, merito est reprobanda juxta Canonum Sanctiones.

Datum.

Ex codice MS. Ecclesiæ Maguntinæ descripta Cl. Schwanstus b. m.

Statutum ADULFI, Leodiensis Episcopi,

Anno MCCCXX. editum.

ADULPHUS, DEI GRATIA, LEODIENSIS EPISCOPUS, UNIVERSIS ABBATIBUS, PRIORIBUS, PRÆPOSITIS, ARCHI-DIACONIS, DECANIS, CAPITULIS, CONVENTIBUS, ET CAPELLANIS, PLEBANIS, RECTORIBUS, CLERICIS NOstrarum CIVITATIS ET DIOCESIS LEODIENSIS, NEC NON ET CETERIS PRÆSBYTERIS, ET CLERICIS IN EADEM CIVITATE, ET DIOCESI ORIENTIBUS, SALUTEM IN DOMINO SEMPERNAM.

Dudum in *Concilio Lugdunensi* dignoscitur statutum, ne causæ, quæ auctoritate litterarum Sedis Apostolicæ

vel Legatorum ejusdem committuntur, alibi, quam in civitatibus vel in locis insignibus, ubi copia jurisperitorum haberi potest

potest, ullatenus audiantur. Quod attendens bonæ memoriæ Dominus JOHANNES, dudum Episcopus Leodiensis Prædecessor noster, Speculator, & Ordinarius totius suæ Diocesis, in ea personam Christi representans, duxerit in quantum potuit in generali Synodo, ut sciri posset, in quibus locis Diocesis Leodiensis causæ hujusmodi possent & deberent agitari, de ipsis super hoc ordinando, consideratis locis ipsius civitatis & Diocesis, in quibus jurisperiti tunc temporis residebant, & eorum copia frequentius habeatur, loca ipsa propriis vocabulis exprimenda, videlicet *Leodium, Hoyum, Dinantium, Namurcum, Fossil, Thuclini-um, Nivella, Louvainum, Aquas, Trajectum, Tongris & Thenis in monte*, prohibendo, ne in aliis locis ipsius Diocesis, quam prædictis, causæ hujusmodi tractarentur in futurum, nec hoc de partium procederet voluntate. Verum cum succedente tempore felices recordationis BONIFACIUS Papa VIII, id quod in dicto fuerat actum Concilio, renovans, edita super hoc *nova decretali*, statuerit, ne causæ prædictæ alibi quam in civitatibus, & locis, in quibus commode jurisperitum copia haberi possit. (a) Nihilominus tamen quidam defensionis & consilii copiam suis adversariis adferre conantes, in locis ipsis litterarum Apostolicarum auctoritate suos adversarios citari faciunt, & eos ibidem iudices a sede prædicta deputati litigare compellunt, in sui erroris fomentum, ordinationem ipsius nostri Præ-

decessoris allegantes, & non attendentes, quod cessante ibidem jurisperitorum copia, & quod ibi commode haberi non potest; ex tenore ipsius Domini BONIFACII decernitur irritum & inane, quidquid in talibus locis auctoritate litterarum Apostolicarum fuerit attentatum. Quocirca Nos diversis ac frequentibus nostrorum subditorum clamoribus, & querelis excitati, nolentes ulterius nostros subditos prætextu ordinationis præfate, cujus causâ jam cessavit, a iuris tramite deviare, & animarum periculis, & malignantium malitiis, in quantum possumus, obviare volentes, ordinationem, declarationem, & constitutionem ipsas Prædecessionis nostri prælibari, habita cum nostro venerabili Capitulo Leodiensi deliberatione diligenti, & multis jurisperitis, dicimus non tenere, nec loca ipsa præter civitatem Leodiensem, talia esse, quod secundum constitutionem antedicti Domini BONIFACII, causæ auctoritate litterarum Apostolicarum audiri possint ibidem, cum notorium sit & existat, quod jurisperitorum copia ibi non sit, nec commode haberi possit ibidem. In quorum omnium testimonium præsentem nostram declarationem fecimus nostri Sigilli munimine roborari. Datum anno Domini M. CCC. XX. in crastino Dominicæ, quo cantatur *Cantate*.

Tomo VII. Collectiois amplissima veterum Monumentorum Martene & Durand pag. 308. 309.

Adolphus a Marka ex Præposito Wormatiensi creatur Episcopus Leodiensis a Clemente V, Episcopus consecratur a Berengario Cardinali Dominica infra octavam Pentecostes anno 1313, quo anno Leodium venit. Mortuus 3. Novembris A. 1344.

(a) *suppl.* : agantur.

CONCILIIUM COLONIENSE

Anno Christi MCCCXXI. Joannis XXII. Papæ V.
Ludovici Bavari Regis VII.

CAPITULA SEU RUBRICÆ STATUTORUM ECCLESIE COLONIENSIS, EDITORUM A BONÆ MEMORIÆ DOMINO HENRICO, ARCHIEPISCOPO COLONIENSI.

- I. Ne Clerici saeculares seu Religiosi, negotiis secularibus se immisceant.
- II. Quod Clerici saeculares aut Religiosi, tonsuram & coronam debitam in capite deferant.
- III. Quod Clerici vestibus virgatis vel paratis, aut aliis eorum statui contrariis, non utantur.

IV. Quod Clerici inordinati, non admittantur ad tractatus capitulares.

V. De modo celebrandi primam Missam, postquam aliquis in Sacerdotem est promotus.

VI. De locis insignibus Diœcesis Colonienſis, ubi causa Ecclesiastica tractari possunt & debent.

IN NOMINE DOMINI. AMEN.

HENRICUS, DEI GRATIA, SANCTÆ COLONIENSIS ECCLESIAE ARCHI-EPISCOPUS &c. AD PERPETUAM

REI MEMORIAM.

Licet consulta provisione a sanctis Patribus, ac etiam a nostris Prædecessoribus, ac a Nobis super vita & honestate Clericorum diversa promulgata sint statuta, tamen, quia in eorum observatione se multi (quod gravi nimirum cum animi turbatione referimus) non exhibent reverentes, ad illicita, & honori ac statui Clericali non congruentia, fræna laxantes, ex Officii Nobis commissi debito cogimur ipsos, quos ad observantiam iurium & statutorum huiusmodi, virtutum premia non inducunt, tam adjectarum exaggeratione penarum, quam adjiciendarum de novo formiduc, ab ausibus temerariis refrenare, de nostri Capituli & Prælatorum consilio & consensu:

I. Ne Clerici seculares seu Religiosi, negotiis secularibus se immisceant.

Statuimus, ne Clerici seculares aut Religiosi, cuiuscunque status sive conditionis existant, negotiis secularibus a jure prohibitis, præsertim tabernariorum officio, immiscere, aut ea exercere præsumant. Mandantes in virtute sanctæ obedientiæ universis Archi-Diaconis, Prioribus, Prælati, ac ceteris quibuscunque, ad quos Clericorum tam secularium, quam Religiosorum nostræ civitatis & Diœcesis spectat correctio, ut ipsi suos subiectos ab huiusmodi tabernariorum officio animadversione debita destituisse compellant. Et ut ad (a) hoc arctius compescantur, monemus ex nunc omnes Sæculares, Clericos, & Religiosos Nobis subiectos, termino mensis unius

ipsis pro monitione legitima indulto, ne de cætero huiusmodi tabernariorum Officium, quisquam eorum publice exercere præsumat. Alioqui auctoritate præsentis statuti, taliter officium huiusmodi exercentes, pœnis in constitutione Clementis Papæ V. extra: *De vita & honestate Clericorum*, quæ incipit: *Diocesani*, expressis, præter alias pœnas Canonicas, ipso facto volumus subiacere. Et nihilominus hos, qui Beneficiis habuerint, a perceptione fructuum Beneficiorum suorum, & ab ingressu Ecclesiæ, eo ipso volumus (b) fore suspensos: quas suspensionum sententias, si per alium mensem sustinuerint sublequentem, tam habentes Beneficia, quam non habentes, a Divinorum officio exnunc, prout extunc, suspendiamus in his scriptis. In quibus suspensionum sententiis si per reliquum mensem tunc sequentem persistierint, in quemlibet eorum in his scriptis excommunicationis sententiam promulgamus. Quod statutum ad personas summarum sive Ecclesiarum secularium, sive Monasteriorum, cum omni suo vigore duximus extendendum.

Nolumus tamen per præmissa quencquam a venditione vinorum, si qua ei a Beneficiis suis, seu aliunde, præter negotiationis causam, derivata fuerint, dummodo hoc sine dolo, nec in fraudem præsentis statuti, fecerit modis hætenus consuetis, & decentibus, prohibere.

II. Quod Clerici seculares & Religiosi, Tonsuram & Coronam debitam in capite deferant.

Item statuimus, ut quilibet Clericus sive

Henricus Comes de Virnenburg anno 1306. electus, a Clemente V. præ duobus compeditoribus confirmatus fuit: Patruus erat Henrici, ex Præposito Bonnenſi, Archi-episcopi Moguntini, qui obiit 1353. & Joannis Virnenburgici Comitis, Præpositi Xantenſis, & Episcopi Monasteriensi & Ultrajectini, qui obiit 1371. 9. Kal. Julii. Cl. Joannis rerum Moguntiacarum T. I. pag. 1722. (a) ab (b) esse

sive secularis, sive Religiosus, cujuscunque dignitatis, conditionis, aut status existat, habeat Tonfuram & Coronam in capite, suo Ordini & statui congruentes, maxime deferendo quotidie coronam in capite, quæ secundum sui Ordinis & status decentiam, detecta appareat sine fraude in capite non abraſo, seu cum forſice ſuperpedinem detonſo vel decurtato, niſi infirmitas, vel quia Scholaris in Scholis eſt, vel quia alia eum legitima cauſa excuſet. Alioqui Beneficia habentes, aut in ſacris exiſtentes, qui talem coronam juxta prædictum modum deinceps aſſidue non portaverint, monitione quindecim dierum præmiſſa, interdicti ſententiam ab ingreſſu Eccleſiæ, quam in his ſcriptis ex nunc ſerimus, ſe noverint incurſuros. Modificationem vero longitudinis & brevitatis crinium, ſalva coronæ decentia, ſecundum modum prædictum, iſiſ, ad quos iſorum Clericorum correctio pertinet, committimus: in virtute ſanctæ obedienciæ injungentes eiſdem, ut quilibet, prout ad eum perſinet, ſuos ſubditos correctione debita ad portandum & habendum tonſuram debitam non negligat adigere: ne ſi iſi circa hoc inventi fuerint negligentes, oporteat Nos iſorum deſidiam cogitare & punire.

III. *Quod Clerici veſtibus virgulis vel partitis, aut aliis eorum ſtatui contrariis, non utantur.*

Cum ſelicis recordationis CLEMENS PAPA QUINTUS ſub certis pœnis ſtatuerit, ne aliquis Clericus virgulata vel partita publice veſte utatur, niſi rationabilis cauſa ſubſit, hujusmodi pœnas in iſa conſtitutione Clementina (quæ eſt extra: *De vita & bonitate Clericorum*, & incipit, *Quoniam qui adjectis*) contentas, auctoritate præſentis ſtatuti, in omnes & ſingulos Clericos noſtræ civitatis & Dioceſis, veſtes ſecutatus, omnino virides, aut omnino glaucas, aut omnino rubeas, aut in lateribus ſciſſas, vel ante pectus notabiliter ſciſſas, aut nodatas, publice deſuper ſine cauſa rationabili portantes (monitione unius menſis præmiſſa, ut talibus veſtibus de cætero non utantur) decernimus extendendas: volentes & ſtatuentes, ut poſt hujus menſis terminum, tales, talibus

veſtibus publice de cætero utentes, pœnas hujusmodi incident ipſo facto. Ex-pedit enim, ut ipſos pœna ſimilis comitetur, quos facinus par coſequinat, & comquat.

IV. *Quod Clerici inordinati, non admittantur ad tractatus capitulares.*

Licet Canon ſelicis recordationis CLEMENS PAPA quinti, *extrav. De ætate & qualitate Ordinandorum*, qui incipit: *Ut ſi*, inter cætera ſtatuerit, ut nulus in Eccleſiis Cathedralibus, vocem in Capitulo habeat, etiamſi hoc ſibi ab aliis libere concedatur, niſi ſaltem in Subdiaconatus ordine fuerit conſtitutus, non obſtantibus quibzvis conſuetudinibus ſeu ſtatutis: quia tamen nonnulli Clerici in ſacris non exiſtentes, non obſtante prohibitione Canonis antedicti, de facto tractatibus capitularibus (etiſi vox eorum de jure non valeat) cum aliis vocem habentibus pertinaciter ſe ingerunt, & immiſcent: Nos volentes prædicti Canonis intentionem præſenti ſtatuto juvari, ſtatimus, ne aliquis Canonicus, aut Clericus in ſacris non exiſtens, Capitularibus ſe immiſceat tractatibus quoquo modo, niſi ad hoc expreſſe per ſuum Decanum & Capitulum invitetur: per quam tamen invitationem non credat ſe vocem in Capitulo habiturum. Iurentionis tamen noſtræ non exiſtit, quin ad ſuſcipiendum diſciplinarem correctionem venire ad vocationem ſui Superioris, vel ad ſignum campanæ ſecundum conſuetudinem ſuæ Eccleſiæ, ſeu Monafterii priſtinam, non eo minus teneatur temporibus debitis & conſuetis: qua diſciplinari correctione completa, ultro exeat & recedat, niſi (ut dictum eſt) remaneat invitatus, per-mittendo eos libere & pacifice, qui voces in Capitulo habuerint, negocia capitularia diſponere & tractare: in contrarium facientes, excommunicationis ſententiam, quam in his ſcriptis ſerimus, monitione quindecim dierum præmiſſa promulgamus.

V. *De modo celebrandi primæ Miſſæ, poſtquam aliquis in Sacerdotem fuerit promotus.*

Item cum quosdam Clericos a vitiis impellat adeo cæcitas, ut dum ad ſacrum Sacerdotii Ordinem promoventur, in quo ob

ob ipsius ordinis dignitatem, ab omni nedum malo, verum etiam ab omni specie mali, prorsus deberent præ cæteris abstinere, quibusdam modis inhonestis, & illicitis, statumque eorum omnino non decentibus, lucrum extorquendi, alios antecederent. Plures enim Missas, quas *primas Missas* vocant, in diversis locis publice celebrant, omnibus, quibus possunt, non solum per se ipsos, aut per suos familiares, verum per quasdam mulieres præcones in plateis, & locis publicis, ubi populus convenire consuevit, quod huiusmodi Missas celebrare intendant, præconizantes & proclamantes, non sine scandalo & verecundia convocatis. Nos id de cetero omnino fieri prohibemus, statuentes, ne aliquis Sacerdos de novo promotus, & de cetero promovendus, aliquam primam Missam, cantet seu celebret sub titulo *primæ Missæ*, nisi duntaxat unam: quam etiam non celebrabit alibi, quam in Ecclesia, in qua Beneficiatus est, vel si Religiosus fuerit, in Monasterio suo: non Beneficiatus vero, in Ecclesia Parochiali sui domicilii, vel originis: nec (ut præmissum est) præconizationes, seu proclamationes in locis & in plateis publicis, ubi populus transire seu convenire consuevit, fieri per se, vel per alios procurabit: immo exclusi omni fraude, hoc fieri non permittet. Contrarium facientes, excommunicationis sententiam auctoritate præsentis statuti incurrant ipso facto.

(a) forte: sic.

VI. *De locis insignibus Diocesis Coloniensis, ubi causa Ecclesiastica tractari possunt, & debent.*

Cum item felicitis recordationis BONIFACIUS Papa VIII. inter cætera statuerit, ne causæ Apostolicæ alibi, quam in locis insignibus audiantur: & nonnulli nostræ civitatis & Diocesis homines, auctoritate literarum Sedis Apostolicæ aliquos ad diversa loca, reputantes ea loca esse insignia, citari procurant, ipsis citatis econtra asserentibus, loca talia non debere pro insignibus reputari, & inter litigantes sæpius dubio sit (a) exorto, contingit ipsas partes vexari laboribus gravibus & expensis: Nos hoc dubium auctoritate præsentis statuti propter quietem litigantem tollere intendentes, civitatem nostram *Coloniensem, Bonensem, Sesslem, Sifstam, ac Tuitium*, loca fore insignia, & esse talia, ubi causæ Apostolicæ tractari de jure poterunt, & ea pro locis haberi debere insignibus: cætera vero loca nostræ Diocesis, præter quinque loca prædicta, fore minus insignia, & talia, ubi causæ Apostolicæ tractari de jure non poterunt, declaramus. In quorum omnium testimonium, & roboris firmitatem, sigillum nostrum una cum sigillo *Cepituli nostri* præsentibus est appensum. Datum anno Domini M. CCC. XXI. in crastino B. Remigii Confessoris.

Ex Statutorum Typo Quenteliano anni 1554.

CONCILIIUM MAGDEBURGENSE

Anno Christi MCCCXXII. Joannis XXII. Papæ VI.
Ludovici Bavari Regis VIII.

BORCHARDUS, DEI GRATIA, ARCHI-EPISCOPUS SANCTÆ MAGDEBURGENSIS ECCLESIAE &c.

Circumspecta juris providentia congrua provisione disposuit, quod constitutionum decreta, nunc novorum Jurum editione, nunc antiquorum additione, detractio, ac declaratione, utilitate suadente, valeant prout personæ, causæ, loca, tempora, negotia, & instantis necessitas postulaverint, in melius

reformari; cum enim dicat Canon, quod ob hoc Leges condicæ sint, ut earum metu humana coercentur audacia, tutaque sit inter improbos innocentia, & in ipsis improbis formidato supplicio refrænetur malitia & nocendi facultas. Ob hoc necesse est, quod secundum necessitatem prædictarum varietatum leges & statu-

statuta hominum, per quæ contra præmissa optinum remedium adhibetur, immutationis quandam recipiant novitatem, ita quod singulis de novo morbis emergentibus sua auxilia coaptentur. Sane in Concilio [a] *Provinciali dictum in Magdeburgensi Ecclesia, disponente Domino*, celebrato, statuta quædam pro reprimendis oppressiõibus, reformandis moribus, & corrigendis excessibus, ac libertatibus conservandis, *Sacro approbante Concilio*, edidimus, prout tunc temporis, communi utilitate pensata, vidimus expedire. Nunc vero præsentium experientia temporum quædam in eisdem statutis *supplenda*, quædam etiam *restringenda*, & aliqua eorum expositionis *declaratione adjuvanda*, aperius manifestat.

I. Sancti igitur *hujus approbatione Concilii* adjicimus & sanximus: poenas omnes per denuntiationem, excommunicationem, cessationem a solemnibus Divinorum, & suberactionibus Ecclesiasticorum Sacramentorum ac Ecclesiasticæ sepulcræ, & unctionis extremæ in priori Magdeburgensi Concilio nostro ei inflicta, qui Archi-Episcopum, vel Episcopum Magdeburgensis Provincie intra Provinciam ipsam caperit, aut captum detinuerit in eadem, vel socius fuerit detentionis, æqua ratione extendendas ad eum, qui Archi-Episcopum, vel Episcopum ejusdem Provincie perculserit, seu etiam vulneraverit, aut socius facientis fuerit, seu alia commiserit, quæ jam de captivatoribus sunt antedicta.

II. Insuper in poenam ampliorem addennes, quod quilibet de predictis præsumptoribus, sicut reus criminis læsæ Majestatis, perpetuo sit infamis, nullus ei debita reddere, nullus ei in judicio respondere teneatur, si qua vero pœoda ab Ecclesia, cujus Archi-Episcopum, vel Episcopum in præmissis offenderit, obtinet, sit eis ipso jure privatus, & sic libere ad Ecclesiam revertantur.

III. Loca etiam, in quibus iidem captivatores, percussores, vel vulneratores, ac alii predicti, vel eorum aliquis domicilium obrinet, aut jurisdictionem de jure vel facto exercet, similiter & locus, in quo detinetur Archi-Episcopus, vel Episcopus sic captivus, generali sub-

jaceat interdicto. Verum, quia in Concilio anteriori cavetur: omnes poenas contra captivatores ibidem statutas inviolabiliter observandas, donec captum liberum & solum dimitti contingat, præstita prius satisfactio debita & condigna; pari ratione duximus statuendum: quod antequam percussio seu vulnerato fuerit, per emendam condignam satisfactum, nequaquam cessandum esse ab executione, seu observatione poenarum percussoribus, seu vulneratoribus superius inflictarum.

IV. Cæterum; quia Archiepiscopi, vel Episcopi capto vel percussio, aut vulneratio, si evenierint, non poterunt forsitan statim esse cognite, statimur: quod quandocumque super aliquo eorum, saltem per famam publicam divulgantem, noticia habeatur, ex tunc absque dilacione quacumque, denunciatio & cessatio a solemnibus Divinorum, & interdictum, sine ulla notificatione alia, districtius observentur, & iidem malefactores in genere excommunicati publice nuntientur: in specie vero, non nisi constitit per mandatum, singulis diebus Dominicis accensis candelis & pulsatis campanis, prout in *priori Magdeburgensi Concilio* de talibus est statutum.

V. Similiter volumus ad noticiam captionis Abbatis, Præpositi, Archidiaconi, Canonici vel Rectoris alienjus Ecclesiæ, aut Clerici cujuscumque sufficere pro executione faciendæ insinuationem, quam super hoc publica defert fama.

VI. Præterea, detestanda quorundam temeritas, qui in sua causa jus sibi (b) dicere contra personas Ecclesiasticas exhibent se molestos; cum enim aliquid questionis contra personas Ecclesiasticas habere proponunt, licet personæ tales paratæ sint, & paratas se exhibeant stare juri coram iudice competente, nihilominus tamen iidem temerarii impignoratores, qui vulgo *Pandatores* dicuntur, in bonis seu rebus ad personas hujusmodi spectantibus committere non verentur, ex quo quidem facto quandoque damna gravia & tædia inferuntur. Cum igitur non

est

(a) Anno 1313. pag. 244. hujus Tomi.

Tomus IV. Concil. German.

(b) forte legendum: dicendo.

est maliciis hominum indulgendum, provida deliberatione sanximus: quod tales, qui impignorationes seu *pandationes* hujusmodi contra personas Ecclesiasticas, ut prædicatur, attemptare præsumunt, nisi, postquam super hoc a Judice competente moniti fuerint, intra duos dies post monitionem eandem proximos revocent cum effectu & de damnis satisfaciant competenter, excommunicationis sententiam incident ipso facto, & nihilominus tamen perdant ea, quæ jure sibi dicunt debita, cum sibi jus dicere non liceat, sicut legitime perhibent functiones.

VII. Postremo statuimus, districtius & providemus consilcius, quod statu-

ta præsentis Concilii debeant statutis prioribus prioris Magdeburgensis Concilii indivisibiliter aggregari, & quod quilibet Archidiaconorum & Archipresbyterorum habere apud se debeat copiam eorundem, & quod statuta eorundem ad minus semel in anno in Synodis generalibus publice recitentur, quod etiam servari volumus in Synodis particularibus, in quibus consueverunt Archidiaconi seu Archipresbyteri residere.

Datum Magdeburgi.

*Ex codice MS. Bibliotheca Metropolitana
Ecclesiæ Moguntina descriptæ Cl.
Schumann b. m.*

CONCILIUM PROVINCIALE COLONIENSE

SUB HENRICO SANCTÆ COLONIENSIS ECCLESIAE ARCHIEPISCOPO
HABITUM

Anno Christi MCCCXXII. Joannis XXII. Papæ VI.
Ludovici Bavari Regis VIII.

Diœcesana D. Engelberti Statuta, hoc in Concilio facta sunt Provincialia.

HENRICUS, DEI GRATIA, SANCTÆ COLONIENSIS ECCLESIAE
ARCHIEPISCOPUS, SACRI IMPERII PER ITALIAM ARCHICANCELLARIUS,
SACRO PRÆSENTE PROVINCIALI CONCILIO,
AD PERPETUAM REI MEMORIAM.

Reipublicæ curam gerentes, illud affectanter in corde gerimus, ut nostris subiectis pacem, quietem, & tranquillum statum præparemus, ac nunc antiquorum extensione decretorum, libertatem, ac immunitatem Ecclesiasticam conservemus, ac insurgentium contra ipsam conatus & appetus noxios, etiam poenarum adjectionibus retrenemus. Sane jam dudum felicitis recordationis D. ENGELBERTUS Coloniensis Archiepiscopus Prædecessor noster, Speculator providus & subditorum suorum Defensor inclutus, ad magnanimitatem, & defendendam libertatem & immunitatem Ecclesiarum, & Ecclesiasticarum personarum, ac eorum, qui in sortem Domini sunt vocati, complu-

ci quam civilis) statuta Synodalia non tam salubria, & utilia, quam necessaria promulgavit: eaque poenarum adjectionibus (sicut erat expediens) vallavit provide & consulte: quæ de consilio & consensu nostri Capituli Coloniensis, ac Venerabilium Patrum Dominorum GODEFRIDI Patrum Dominorum GODEFRIDI Oinaburgensis, & GODEFRIDI Mindensis, ac Procuratorum Venerabilium Dominorum ADOLPHI Leodiensis, & LUDOVICI Monasteriensis Ecclesiarum Episcoporum, nostrorum Suffraganeorum, & Procuratorum Ecclesiæ Trajectensis, ipsa Trajectensi Sede vacante, in presenti nostro Concilio Provinciali congregatorum salvis prædictorum Suffraganeorum nostrorum statutis Synodalibus, si quæ habeant, eis & eorum Ecclesiis, Monaste-

riis,

riis, & piis locis, Ecclesiasticisque personis plenius providentibus: quibus per presentes præjudicare non intendimus, sed ea in suo robore volumus permanere: auctoritate præsentium duximus approbanda, innovanda, & auctorizanda, ac ad totam nostram provinciam, ut uniformitas in ea inducatur, in omnibus suis modo & forma, & tenoribus extendenda: ipsaque ad totam nostram provinciam extendimus per presentes, decernentes ea, ut provincialia statuta & decreta, modo debere firmiter teneri & observari. Quorum quidem statutorum tenor, de verbo ad verbum dinoscitur effectus:

IN NOMINE DOMINI AMEN.

ENGELBERTUS, DEI GRATIA, &c.

Item.

I. Contra eos, qui manus in Clericos vel personas Ecclesiasticas injiciunt temere violentas.

STATUIMUS, ut scelerique, qui suadente diabolo, Dei timore postposito manus injiciunt in Cleric. &c. *ut supra.*

Hæc omnia & singula statuta, auctoritate præsentis Concilii Provincialis, in omnibus suis modo, & forma, & clausulis, & tenoribus, & penarum adjectionibus, ad totam nostram Provinciam extendimus, & Statuta Provincialia facimus: decernentes, ut statuta provincialia, debere teneri & observari, sic quod in qualibet civitate & Diocesi Provincie nostræ ea teneantur & observentur, sicut sub verbis nostræ civitatis & Diocesis tanquam Synodalia, sunt concepta ac promulgata, & hæcenus observata: salvis tamen aliis statutis Synodalibus Ecclesiæ nostræ Colonienfis, a Nobis sive Prædecessoribus nostris editis: ac etiam statutis Suffraganeorum nostrorum, si quæ habent, quibus si reperiuntur in aliquo præsentibus statutis contraria vel diversa ab eisdem, in quantum, & in eo, in quo melius & plenius provident Ecclesiis, Monasteriis & piis locis, Ecclesiasticisque personis, & earum rebus, & non istis: si vero melius & plenius præsentibus statutis, eisdem providetur: istis, & non illis, decernimus fore standum.

Et hoc, num melius & plenius per ista statuta, an per illa provideatur, iudicio sive arbitrio executorum ipsorum statutorum duximus relinquendum. Præterea executionem præsentium statutorum, ac absolutionem, suspensionem, & relaxationem sententiarum in eisdem latorum, seu eorum auctoritate ferendarum, ad nos & ad nostrum Officiale Coloniensem in nostra Civitate, & Diocesi, & ad quemlibet nostrorum Suffraganeorum, & ad eorum Officiales, sive ad ipsos, ad quos de jure, vel de consuetudine, quo ad Synodalia eorum statuta, pertinet, in singulis suis civitatibus & Diocesibus volumus pertinere. Verum, ut omnis ambiguitas, perplexitas, & difficultas, quo ad observantiam præsentium statutorum, in futurum evitentur: de consensu expresso, & auctoritate præsentis Provincialis Concilii, retinemus, & reservamus Nobis potestatem, facultatem, & auctoritatem præsentia, provincialia statuta, quo ad nostram civitatem & Diocesin, & etiam quoad singulas civitates & Dioceses nostrorum Suffraganeorum, si ab aliquo Episcoporum nostrorum Suffraganeorum & eorum Capitulo requisiti super eo fuerimus, de consilio Priorum & Capituli Ecclesiæ nostræ Colonienfis, in Synodo tamen nostra Diocesana, corrigendi, emendandi, interpretandi, tollendi, & in melius commutandi: si hoc Nobis ex causis necessariis & legitimis videbitur expedire, Provinciali Concilio ad id minime convocato. Quia vero per ipsa præsentia statuta Provincialia, communi utilitati Ecclesiarum & Ecclesiasticarum personarum, ac ipsarum bonorum, ut speramus, auctore Domino salubriter providetur, præcipimus, & mandamus in virtute sanctæ obedientiæ, ut ea ab omnibus Ecclesiis & Ecclesiasticis personis nostræ Provincie inviolabiliter & firmiter fraude & dolo exclusis, observentur juxta modum & formam supradictos. In quorum omnium & singulorum testimonium, ea per Hermannum dictum (d) Ratze, publicum Imperiali auctoritate Notarium, conferri, & in hanc publicam formam redigi, ejusque signo consueto signari mandavimus, ac Nostro, & Capituli nostri Colonienfis sigillis spensis muniri.

Acta

(d) Ratze.

Tonus IV. Concil. German.

N n *

Acta sunt hæc in Concilio nostro Provinciali Colonienſi celebrato ſub anno a Nativitate Domini M. CCC. XXII. ultima die Menſis Octobris, in Palatio noſtro Colonienſi, præſentibus Capitulo noſtræ Eccleſiæ Colonienſis, ac Venerabilibus in CHRISTO Patribus, & Dominis, *GODEFRIDO Oſnaburgenſi*, & *GODEFRIDO Mündensſi* Eccleſiarum Dei Gratia Episcopis, noſtris Suffraganeis, proſe & ſuis Eccleſiis: ac Venerabili in CHRISTO Patre & Domino HERMANNO Hennenſis Eccleſiæ Episcopopo, & (e) Lenoldo de Northoff Canonico Leodienſi, Venerabilis in CHRISTO Patris ac Domini D. Adolphi Leodienſis, & dilectis in Chriſto Magiſtro (f) Rudgero de Aldendorpe, Doctore decretorum, & Friderico de Bicken Canonico Monasterienſibus, Venerabilis in CHRISTO Patris & Domini (g) LUDOVICI Monasterienſis Dei Grana Episcoporum, noſtrorum Suffraganeorum Procuratoribus: ac dilectis in Chriſto Magiſtro Keynero Doctore in Theologia, ac Gerardo de (b) Vorne Canonico Trajeſtenſibus, nomine Capituli Trajeſtenſis Eccleſiæ, ipſa Eccleſia Trajeſtenſi Episcopopi ſolatio viduata, in præmiſſis omnibus, & ſingulis, conſequentibus, & ſuum conſenſum expreſſe adhibentibus. Præſentibus etiam S. Pantaleonis & S. Martini Colonien. ac S. Cornelii Inden. Gladbachen. Tuitien. Brauweileren. & Sibergen. Monasteriorum Abbatibus Ordinis S. Benedicthi: Bonnen. S. Severini & S. Andreæ Eccleſiarum Colopienſium Præpoſitis: Item Bonnen. S. Gereonis Colonien. Sanâten. S. Andreæ, S. Severini, S. Cuniberti, Ss. Apoſtolorum, S. Mariæ ad Gradus, Decanis Eccleſiarum civitatis & Dioceſis Colonien.: Officiali noſtro Colonienſi, & Eſſenſis, & Carpenſis (Colonienſis Dioceſis) Eccleſiarum Præpoſitis, ac aliis Prælatiſ, Canonicis, Eccleſiarum Rectoribus, & Clericis noſtrarum civitatis & Dioceſis, ac Provinciæ in multitudine copioſa.

Et ego Hermannus dictus Ratze, de Colonia, publicus Imperiali auctoritate Notarius antedictus, præmiſſis omnibus & ſingulis, dum ageretur, una cum perſonis prænominatis præſens in-

terſui, & omnia & ſingula, prout ſuperius in præſentibus rotulis per me con-nexis & ſignatis, de mandato Reverend. in Chriſto Patris & Domini D. Henrici Colonien. Eccleſiæ Archi-Episcopopi prædicti continentur, conſcripti, & in hanc publicam formam redegei, meoque ſigno conſueto ſignavi, vocatus & rogatus.

Et Nos GODEFRIDUS, Dei Gratia, Oſnaburgenſis Eccleſiæ Episcopopus, quia omnibus contentis & expreſſis in præſenti instrumento, cui noſtra præſens litera tranſſigitur, præſentes in Concilio Provinciali interſuimus, eſſeque tanquam utilibus & neceſſariis Eccleſiis Eccleſiaſticisque perſonis & earum rebus, conſenſum noſtrum præhabita matura deliberatione, adhibuimus, pro Nobis, & Eccleſia noſtra prædicta: idcirco ſigillum noſtrum, in ſignum præſtiti conſenſus & auctoritatis a Nobis, & a toto Concilio, præſentibus duximus apponendum. Actum & datum die & loco, de quibus in ipſo instrumento fit mentio.

Et Nos GODEFRIDUS, Dei Gratia, Mündensſis Eccleſiæ Episcopopus, quia omnibus contentis & expreſſis in præſenti instrumento, cui noſtra præſens litera tranſſigitur, præſentes in Concilio provinciali interſuimus, eſſeque tanquam utilibus & neceſſariis Eccleſiis Eccleſiaſticisque perſonis, & earum rebus, conſenſum noſtrum præhabita matura deliberatione, adhibuimus pro Nobis, & Eccleſia noſtra prædicta: idcirco Sigillum noſtrum, in ſignum præſtiti conſenſus & auctoritatis a Nobis, & a toto Concilio, præſentibus duximus apponendum. Actum & datum die & loco, de quibus in ipſo instrumento fit mentio. Anno Domini, milieſimo trecentefimo viceſimo ſecundo.

Univerſis præſentibus literas viſuris & audituris, ADOLPHUS, Dei Gratia, Leodienſis Episcopopus, ſalutem & cognoscere veritatem. Noveritis, quod quia Venerabilis in Chriſto Pater & Dominus, Dominus Hermannus, Hennenſis Episcopopus, vices noſtras gerentes in Pontificalibus, & Levoldus de Northoff Canonicus Leodienſis, Procuratores noſtri, ipſi Concilio Provinciali Reve-

(c) Levoldo

(f) Rutgero

(g) Ludolphi

(b) Vrone

Reverend. in Christo Patris & Domini D. Henrici, Dei Gratia, sanctæ Colonienſis Eccleſiæ Archi-Epiſcopi, Coloniz celebrato, de quo in inſtrumento publico, cui præſens noſtra tranſigitur littera, fit mentio, Nomine noſtro, & Eccleſiæ noſtræ interfuerunt, ac omnibus & ſingulis contentis & expreſſis in eodem inſtrumento, & præteritum pro rogationi ſtatutorum Synodaliſum bonæ memoriæ Domini ENGELBERTI ſanctæ Colonienſis Eccleſiæ Archiepiſcopi, ad totam Provinciam Colonienſem, aliſque in dicto inſtrumento contentis, tan-

quam utilibus & neceſſariis Eccleſiis, Eccleſiaſticisque perſonis, & earum rebus, pro Nobis & noſtra Eccleſia nomine procuratorio conſenſerunt: Ideoque Nos ea, quæ per ipſos in hoc negotio acta ſunt, ratificantes, & approbantes, Sigillum noſtrum, in ſignum adhibiti conſenſus, & auctoritatis a Nobis ſimiliter & approbationis, præſentibus duximus apponendum. Datum Anno Domini M. CCC. XXII. in craſtino B. Martini Epiſcopi.

Impreſſum Colonia A. 1554. Quenteliana in Officina.

PADERBORNÆ SYNODUS

SUB BERNARDO, LIPPENSI COMITE, EPISC. PADERBORNENSI.

Anno Chriſti MCCCXXIV. Joannis XXII. Papæ VIII.
Ludovici Bavari regis X.

Hoc anno decore magis Epiſcopi munere occupatus, convocato omni ſuo Clero & Religioſorum ordine celebrem Paderbornæ Synodum celebravit, quam hoc præſco Epiſcoporum ritu, ut in ea ætæ notum, ingreſſus.

Post Hymnos hanc, quam *Primam* dicunt, decantatos, Epiſcopus Capitulem locum intravit, ac poſtquam cum *Præſulibus* Eccleſiæ & Canonicis pertractaſſet ea, quæ in Synodo proponenda, quæque ad mores Cleri populique corrigendos decernenda eſſent, proceſſit ad Chorum Baſilicæ ſequentibus Canonicis, conſeditque ad aram Principem, ubi retento candido indumento, ſumpſit Cappam & Inſulam Epiſcopalem capiti impoſitam, chiroceas, pedum paſtorale & annulum, inde præciſus rite perſolatus inter duos Abbates Inſulis quoque conſpicuos, medius deductus ad Synodi locum: hos ſecuti Præpoſitus & Decanus palliis quoque ſacris decori, poſt illos cæteri Canonici, & Clerus omnis, ordine ſuo ſacris quoque indumentis ornati. Agmen illud ſacrum præceſſere duo Scholares cum ſigno crucis, poſt illos duo alii Scholares, quorum alter thuribulum, alter candelabrum geſtabat, hos conſecuti Diaconus & Subdiaconus, quorum alter librum Evangelii, alter ſacras veſtes præ-

ferebat: demum Cantores, duo Canonici, ac Camerarius, a quo Sella Epiſcopalis deportabatur. Ita Synodum ingreſſus Epiſcopus, in qua cum multa utiliter conſtituta ſunt tum ordo Divinorum Officiorum per ſingulos anni feſtos dies accuratiſſime digeſtus, atque integro, qui ſuper eſt, libro præſcriptus. Quam in rem hoc Epiſcopi mandatum, quod libri Præſatio habet, in Synodo palam recitarum.

" Hunc ordinem Divinorum Officio-
rum Venerabilis Pater Dominus BER-
NARDUS DE LIPPIA, Paderbornenſis
Eccleſiæ Epiſcopus, ex diverſis Præ-
latorum ejusdem Eccleſiæ Libris anti-
quis colligi & ſcribi fecit, & ſtatuit ab
univerſo ejusdem Eccleſiæ Clero in
perpetuum obſervari, ipſo die Galli
Confeſſoris in *Generali Synodo*, Anno
Domini MCCCXXIV. & mandavit, quod
quicumque Præſatus aut Clericus poſt
publicationem ſine conſilio ſui Epi-
ſcopi & Capituli ſimul aliqua in iſto
ordine mutaverit, ipſo facto in anathe-
mate ſit.

*ſcibatur Lib. XIII. Annal. Paderborn.
ad hunc annum.*

CONCILIIUM CAMERACENSE

Anno Christi MCCCXXIV. Joannis XXII. Papæ VIII.
Ludovici Bavari Regis X.

*Statuta edita per Rev. Patrem Dominum PETRUM,
olim Episcopum Cameracensem.*

Licet usurarum crimen utriusque testamenti pagina detestetur, & in Concilio Lateranensi fuerit contra manifestos usurarios salubriter institutum, quod hujusmodi usurarii manifesti, nec ad communionem Altaris, nec Christianam, si in hoc peccato decesserint, accipiant sepulturam, nec etiam oblationes eorum quisquam accipiat. Sintque contra usurarios præcipue manifestos, & in eorum odium constitutiones, & Canones multiplices promulgati; nonnulli tamen nostrarum civitatis & Diocesis Cameracensis, prout ad nostrum fide digna relatio perduxit auditum, tante sunt insolentiae, & avaritiae reatibus exæcati, quod non solum usurariorum crimen exercent, immo in suis malitiis & insolentis gloriantes, pro manifestis usurariis cupientes haberi, quædam signa tenent, & habent ante domos seu tenebras eorum, per quas, quod sint usurarii, divulgatur, & esse cognoscitur, ad instar tabernariorum, qui ante tabernam pro signo tabernæ circulum domii tenere solent appensum, aut qui mensam scenebrem exercent publice. Nos igitur cupientes per aggravationem poenarum tales, & consimiles insolentias, & præsumptiones perniciosas exemplo de civitate & Diocesi nostris Cameracens. penitus extirpare, & usurarios ipsos ab usurarum voragine cohibere, præsentī Synodali statuto decernimus, & declaramus omnes tales usurarios hujusmodi signa tenentes, aut mensam scenebrem exercentes, manifestos usurarios judicandos, & fore contra ipsos tamquam manifestos usurarios procedendum, ipsos, & omnes alios usurarios manifestos in civitate, & Diocesi prædictis nostris manentes excommunicamus, & excommunicatos præcipimus nunciari publice, & tamquam excommunicatos ab omnibus evitari: injungentes

omnibus Presbyteris, Capellanis sub poena suspensionis & excommunicationis, ut prædictos usurarios manifestos auctoritate præsentis Synodalis statuti publice denuntient in eorum officiis excommunicatos, & contra ipsos poenas prædictas Concilii Lateranensis diligenter observent.

Item, quia sunt aliqui usurarii, qui non sunt manifesti, utras tamen, licet occulte, & usurarios contractus indifferenter exercentes, quos publica fama usurarios esse demonstrat, eos ad Ecclesiasticam sepulturam præcipimus non admitti.

Item titulo de Testamentis.

Ad occurrendum negligentis, fraudibus, & malitiis, quæ circa exequendas pias decedentium voluntates sæpius committuntur, hoc Synodali statuto provida deliberatione duximus ordinandum, ut omnes & singuli nostrarum civitatis & Diocesis Cameracensis ultimarum voluntatum exsecutores, qui a testatoribus electi, onus executionis duxerint assumendum, de bonis ad executionem eis commissam pertinentibus, infra mensem a die obitus defuncti numerando, inventarium sub manu publica, vel per juratum loci, vel saltem sub fide dignorum testimonio fideliter facere teneantur, quibus omnia singula bona nominatim scribantur, & eorum valorem, seu precia juxta æstimationem per æstimatores locorum super hoc juratos plenarie declarent, & hujusmodi inventario sic confecto, præfati exsecutores, si bona executionis hujusmodi ad centum librarum Turonensium valorem ascendant, per se vel per alium cum testamento seu ultima voluntate testatoris eorum Officiali nostro Cameracensi, vel ejus locum tenenti se infra

men-

mentem alium representent, ac de ejusmodi testamento, & inventario copiam faciant; quam copiam penes Curiam nostram Cameracensem volumus remanere, ut per hujusmodi copiam informetur Officialis prædictus super fidelitate, & diligentia ipsorum executorum circa executionem prædictam, & ut negligentias & defectus eorum melius corrigere valeat, & supplere, ac ipsos exsequutores instruere, qualiter se habere debeant in executione prædictarum; quia si minoris valoris extiterint, Decani nostri Christianitatis præmissa facere, & complere teneantur. Volumus etiam, & statuendo præcipimus, ut executores ipsi infra annum a die mortis testatorum executionem ipsam adimpleant, juxta ordinationem & voluntatem defuncti, ac Officiali nostro prædicto, aut illi vel illis, quibus duxerit commitendum, de dictæ executionis receiptis, solutis, & erogatis per ipsos ac de gestis, & administrationis per eos reddant fideliter rationem. Et ut præsens statutum firmitus observetur, eadem duximus subjungenda, ut omnes & singuli Presbyteri Curati locorum, ubi testatores decedunt, vel eorum loca tenentes, exsequutores hujusmodi super dicto inventario, ut præmittitur, faciundo & ad Curiam nostram cum testamento deferendo auctoritate nostra sub poena excommunicationis moneant diligenter, ac Domino Officiali nostro per eorum litteras patentes insinuent ipsorum testatorum & executorum nomina, (a) ipsos exsequutores monuerint, & utrum monitioni paruerint de ipso inventario faciundo.

Hoc igitur Synodale statutum, quo ad providendum piis decedentium votis & animarum salutem, eorum creditoribus, legatis, piis locis, & pauperibus, ac eorum hæredibus, & omnibus, qui in dispositione defuncti sunt, emolumentum aliquod percepturi salubriter, & prout ad Nos, de jure pertinet, duximus faciendum, præcipimus subditis nostris sub penis suspensionis, & excommunicationis injungimus firmiter, & inviolabiliter observandum.

Ceterum, quod ex quorundam fide dignorum miserabili relatione didicimus, quod nonnulli nostrarum civitatis, &

Diecefis tam Curati, quam Capellani domos Ecclesiarum, Capellaniarumque suarum adeo male retineant, & sustentant, quod aliquæ ipsarum protinus corruerunt, aliæ proximæ eunt in ruinam, aliæ vero non modicum indigunt in pluribus suis partibus reparatione festina. Idcirco tantis Ecclesiarum incommodioribus occurrere volentes, statuimus, ut omnes Decani Christianitatis intra annum, ipsas domos, quæ minantur ruinam, reparari faciant, alias vero, quæ penitus corruerunt, reedificari modo utiliori quoprobet, si & prout ultra salutarum delerentium eisdem Ecclesiis, Ecclesiarum & Capellaniarum ipsarum suppetunt facultates: quod nisi fecerint Provisoribus, & in præmissis negligentes fuerint & remissi, contra ipsos juxta modum negligentie suæ & culpe procedemus. Ad perpetuam rememorationem, & fautorum cautelam Nos VICARII GENERALES venerabilis Capituli Ecclesie Cameracensis, sede vacante, ex speciali commissione, & potestate Nobis super hoc concessa a dicto Capitulo, nunc locum Episcopi Cameracensis tenentibus, ratione sedis vacantis (b) Anno M.CCC. XXIV. in die B. Remigii in capite Octobris, in dicta Ecclesia sacram Synodum celebrantes, statuimus, præcipimus, & ordinamus, addimus, & subrahimus de consilio, & assensu Archidiaconi Ecclesie prædictæ, seu Vicariorum suorum in modum, qui sequitur.

Primo cum alias fuit statutum, quod quilibet Curatus civitatis & Dicefis Cameracensis statuta Synodalia integraliter habeat, & nonnulli negligentes, immo verius inobedientes, dicta statuta non habuerint, nec adhuc habeant; præcipimus quod quilibet dictorum Curatorum statuta Synodalia habeat integraliter infra instantem Festum Nativitatis Domini, & hoc sub poena XL. solidorum Parisiensium, dicto Capitulo, vel futuro Episcopo & Archidiacono applicandum, & solvendum.

Statuentes, quod si quempiam ipsorum Curatorum Ecclesiarum suarum ex causa permutationis, vel alias quoquo modo dimittere contigerit, statuta hujusmodi reservec successori. Si quis autem contrarium fecerit, poenam XL. solidorum Parisiensium, ut supra, applicandum

(a) *Supple forte*: postquam.

(b) Inter Petrum de Levis anno 1324. ad Bajacensem Solum translatum & Guidonem de Avencia e Polonia Episcopum, notitur quando, a Joanne XXII. furrogatum.

dorum, & per Decanos Christianitatis levandorum, eo ipso se noverit incursum.

Item in titulo de Matrimonio.

A statuto, quod sic incipit: *Statuimus, quod si duo Matrimonium contrahere volentes de diversis Decanatus oriundi, &c.* Subtrahimus ista verba: *usque ad interesse partis, & restitutionem duplicem partium teneantur*; quorum loco subrogamus ista verba, videlicet: *pœnam XL. solidorum Parisiensem incurrant, medietatem, ut supra, & parti denuntianti aliam medietatem applicandam, & nihilominus ad interesse ipsius partis teneantur.*

Item statuimus, quod quicumque fecerit se ad sacros Ordines promoveri, ad titulum sui patrimonii, secundum quod hactenus est consuetum, quod de cætero, quamdiu idem promotus vixerit, vel donec competenter fuerit Beneficiatus, non possit dictum patrimonium ad titulum, cuius ordinatus fuerit, alienare, vendere, vel extra manus suas ponere, cum bona & emolumenta provenientia ex dicto patrimonio habeat, levet, & percipiat dictus promotus, & in suos proprios usus sine fraude convertat, nisi causam legitimam coram suo Ordinario allegaverit, & per ipsum Ordinatum cum ipso dispensatum fuerit, quod dictum patrimonium vendere possit & alienare.

Item statuimus, quod si contigerit domus Curatorum, & Capellanorum impejorari propter negligentiam Decanorum Christianitatis, qui eos tenentur visitare, dicti Decani, ob quorum defectum acciderit, & eorum beneficia teneantur dictas domos relevare, vel reparari facere suis sumptibus propriis, & expensis.

Item sequitur clausula contenta in litteris felicis recordationis Domini CLEMENTIS Papæ V. super restitutione Comitatus & civitatis Cameracensis facta Episcopo, Preposito, Decano, cum Capitulo Cameracensi, adversus commissiones, usurpationes, & occupationes predictarum civitatis & Comitatus, annulationem, & irrationem quorumcumque propterea consequutorum, quæ sequitur in hæc verba:

"Item inhibemus universis & singulis "cujuscumque conditionis, præminentie,

"dignitatis, ordinis, vel status existant, ne "contra hujusmodi nostram retractationem, revocationem, annulationem, restitutionem, depositionem, & absolutionem, quicquam attentare præsumant; "Nos enim omnes & singulos, cujuscumque præminentie, dignitatis, ordinis, vel conditionis existant, qui contra hujusmodi nostram inhibitionem, revocationem, annulationem, detractationem, depositionem, restitutionem, absolutionem attentare, nec non & omnes, qui prædictas civitatem, & Diocesim Cameracensem quomodolibet in posterum occupare præsumferint, excommunicationis sententiam, quam ex tunc, prout ex nunc in contrarium facientes ferimus, incurere volumus ipso facto, & in civitates & terras contrarium præsumentes, interdicti sententias promulgamus; & nihilominus ex nunc decrevimus irritum & inane, si secus super his contra hujusmodi inhibitionem nostram contigerit attentari, non obstante, si aliquibus a Sede Apostolica sit indultum, quod interdicti, suspendi, vel excommunicari non possint per litteras Apostolicas non facientes plenam, & expressam de verbo ad verbum de indulto hujusmodi mentionem.

Item precipimus, quos omnes Decani Christianitatis, & Curati Ecclesiarum civitatis & Diocesis Cameracensis, hæc prædicta nova statuta, præcepta, & mandata, ordinationes, & additiones, subtractiones, & clausulam prædictam, dicti Decani videlicet infra decem dies, & dicti Curati infra instans festum Omnium Sanctorum habeant: quibus statutis una cum aliis uti volumus & mandamus. Dictaque statuta nova, additiones, & subtractiones, nec non & clausulam prædictam singulis diebus Dominicis & Festivis in Ecclesiis suis, cum major ibidem aderit populi multitudo, in lingua materna sub poenis antedictis insinuare, exponere, notificare, & publicare procurent.

Statuta expliciunt Synodalia Deo gratias.

Martene & Durand veterum Scriptorum & Monumentorum Collectio amplissima Tomo VII. a pag. 1356. ad 1359. ex MS. Abbatia Grimbergensi.

Statu-

*Statutum singulare D. HENRICI, Ecclesiæ
Coloniensis Archi-Episcopi, editum*

Anno Christi MCCCXXIV. Joannis XXII. Papæ VIII.
Ludovici Bavari regis X.

*Moderatio Statutorum Provincialium Ecclesiæ Coloniensis, auctoritate
Apostolica facta per D. HENRICUM Archi-Episcopum prædi-
ctum, quoad cives & civitatem Coloniensem.*

IN NOMINE DOMINI. AMEN.

HENRICUS, DEI GRATIA, SANCTÆ COLONIENSIS ECCLESIAE
ARCHI-EPISCOPUS, SACRI IMPERII PER ITALIAM ARCHI-CANCELLARIUS,
DILECTIS IN CHRISTO PRÆPOSITIS, ET ARCHI-DIACONIS, ABBATIBUS,
DECANIS, PRIORIBUS, ET PRÆLATIS, ECCLESiarUM RECTORIBUS NOS-
TRARUM CIVITATIS ET DIOECESIS, AC ALIIS NOSTRIS SUBDITIS
UNIVERSIS, SALUTEM IN DOMINO SEMPERNAM.

Nuper literas digna Dei providentia
Sanctissimi in Christo Patris &
Domini D. JOANNIS PAPÆ XXII. Sa-
crofanctæ Romanæ ac universalis Eccle-
siæ Summi Pontificis, Nobis directas,
recepimus in hæc verba:

JOANNES Episcopus, Servus Servorum
Dei, Venerabili Fratri Archi-Episcopo
Coloniensi salutem & Apostolicam Benedictionem.
Significaverant Nobis dilecti Filii,
Judices, Scabini, Consules, & communitas
Civitatis Coloniensis, quod quædam Statuta
auctoritate ordinaria edidisti, in quibus inter
alia continetur, quod violentes immunitatem
seu dotes Ecclesiarum, hominem videlicet extra-
hendo de eis, vel eam modo alio violando, ipso
facto excommunicationis sententiam incurrant;
& si plures fuerint, vel Judex secularis, qui
hujusmodi violentiam fecerint, locus, in quo
tales domicilium habuerint, ipso facto subja-
ceat interdicto: & in loco, ubi immunitas
lesæ fuerit, cesset protinus a Divinis. Et
quod quilibet locus seu Parochia tuarum civita-
tis & Diocesis, ad quem vel ad quam prædo-
nes, raptores, & invasores honorum, & re-
rum Ecclesiarum, & Ecclesiasticarum perso-
narum pervenerint, seu præda, vel spoliū, vel
rapina deducta, vel ubi præde ipsius emptor
fuerit, ipso facto Ecclesiastico sint supposita
interdicto: & quamdiu ibi malefactores hujus-
modi, vel præda, spoliū, vel rapina, seu
ipsius emptor fuerit, cesset etiam a Divinis:

& si per triduum ibi siterint, licet extunc re-
cesserint, vel ad alia loca se transfulerint, vel
præda, seu spoliū alias deductum fuerit, ni-
hilominus Parochia, seu locus, in quo triduo
manserant, vel ubi præda & spoliū consum-
pta fuerant, per duos menses subiaceat interdi-
cto, nisi medio tempore fuerit satisfactum,
prout in eisdem statutis dicitur plenius conti-
neri. Cum itaque sicut dicti Judices, Scabi-
ni, Consules, & communitas Nobis signifi-
cave curarunt, dicta civitas sit spatiosa pluri-
mum & diffusa, habens decem & octo Para-
chias magnas principales, & multas Collegia-
tas Ecclesias, plurimasque Capellas: & si tota
Colonia censeatur in tali forefacto locus unus,
tota per consequens civitas reputabitur inter-
dicta: & sic propter forefacta, quæ propter
magnitudinem ejusdem civitatis, frequenter in
aliqua ex prædictis Parochiis committuntur,
vix erit tempus aliquod, in quo dicta civitas
non subiaceat interdicto. Sicque hujusmodi in-
terdicto durante, insepulta manerent in civitate
prædicta in magna multitudine corpora de-
functorum, & quorum favore sanorum in-
fectio sequeretur: infantes fraudarentur Ecce-
lasticis Sacramentis, cresceret indevotio populi,
hæreses pullularent, & infinita pericula insur-
gerent animarum: magna etiam & periculosa
exinde scandala possent sequi. Ac propterea
Nobis humiliter supplicarunt, ut animarum
periculis, & scandalis obviantes, quæ exinde
possent sequi, statuta moderari, & mitigare

Tomus IV. Concilior. German.

○ ○

præ-

prædicta auctoritate Apostolica dignemur. Nos eorum supplicationibus inclinati, fraternitatem tuam requirimus, & rogamus attente, tibi per Apostolica scripta mandantes, quatenus prudenter attendens, quo tempore interdicti Divina organa suspenduntur & laudes, nec etiam Sacramenta Ecclesiastica ministrantur, ut solent: adulescentes & parvuli participantes variis Sacramentis, minus inflammantur, & solidantur in fide: Fidelium tepescit devotio, barbes pallulant, & multiplicentur pericula animarum: prædicta statuta sic studeas temperare, quod ex singulari delicto in una parte civitatis commissio, tota prædicta civitas non subiacet interdictio, sed pena huiusmodi non extendatur extra Parochiam, in qua forefactum huiusmodi fuerit perpetratum; nisi per Rectores, Iudices, Consules, Strabones, vel Officiales civitatis prædictæ, quocumque nomine censeantur, excessus præfati fuerint perpetrati: quo casu, statuta prædicta in suo robore perseverent. Datum Avinionæ VII. Idus Martii, Pontificatus nostri anno septimo.

Verum licet per Nos nequaquam statuta huiusmodi, immo per bonæ memoriæ D. Engelbertum quondam Coloniensem Archi-Episcopum Prædecessorem nostrum, de consilio Capituli nostri, & Priorum, ac Prelatorum nostrorum, jam dudum longe retroactis temporibus edita existant, pro Ecclesiis, Ecclesiasticarum personarum, ac earum bonorum libertate observanda, ac per Nos publica utilitate pensata, de consilio, & consensu Capituli nostri, Suffraganeorum nostrorum, Capitulorumque suorum, seu ipsorum Procuratorum, ac Priorum, & Prelatorum nostrorum in pleno Concilio Provinciali, quod alias celebravimus, facta Provincialia, & ad totam nostram Provinciam sint extensa: existat etiam cautum, non sine consulta provisione in eisdem statutis, locum fore censendum, quo ad observantiam interdicti, & cessationis Divinorum in casibus antedictis, totam civitatem Coloniensem, & non tantum Parochiam, in qua ipsum committi contingit forefactum, ne Rectores, Consules, Scabini vel Officiales, & communies civitatis prædictæ, forefacto aliquo in una ipsius civitatis parte perpetrato, dum ipsi una Parochia tantum sit interdicta, in aliis Ecclesiis civitatis ejusdem audiendi Divina copia superesset, forefactores &

delinquentes in talibus jam præfatis, in literis Apostolicis contentis, ad præstandas læsæ emendas debitas inducere non curarent: sed potius tota interdicta civitate, Divinorum carentia contra tales forefactores acius incitari, eos ad huiusmodi emendas præstandas inducere fortius festinarent; nec per consequens virtute literarum prædictarum astringamur de jure ad aliquam moderationem eorundem statutorum faciendam, nec præfatus Sanctissimus Pater & Dominus noster, si præmissorum veritatis noticiam habuisset, prædictas suas literas concessisset: tamen ut juxta intentionem ipsorum civium, dictas literas ad Nos impetrantium, & ne ad aliquorum perfusionem de facto, de aliqua Nota inobedientiæ arguamur, & ut ipsi promptiores existant, ad contovendum libertatem Ecclesiasticam, personasque Ecclesiasticas defendendum, & a noxiis præservandum: taliter de consensu nostri Capituli, ac Priorum, & Capitulorum nostrorum, circa observantiam interdicti, & cessationem a Divinis, auctoritate statutorum prædictorum, quo ad civitatem Coloniensem, in casibus, ad quos dictæ literæ Apostolicæ se extendunt, duximus ordinandum, & disponendum: Quod propter violationem Ecclesiarum, immunitatum, seu dotum in una parte civitatis commissam, in sola Parochia, in qua hanc committi contingerit, statim juxta moderationem infra scriptam cessetur a Divinis: Et si plures fuerint, vel Iudex secularis, qui huiusmodi violentiam fecerint, in Parochia etiam, in qua tales domicilium habuerint, Ecclesiasticum tervetur interdictum: In aliis autem Ecclesiis Collegiatis, Conventualibus, & Parochialibus civitatis Colonienfis propter hoc intra quindecim dies a tempore huiusmodi commissæ violentiæ per Plebanum Parochiæ, in qua violentia ipsa commissæ fuerit, Concilio civitatis Colonienfis, vel Magistro consulum, sive aliquibus ex ipsis consilibus notificatæ computandum, committentem, sive committentes compellant ad emendam, ad satisfactionem condignam præstandam, ne cessetur a Divinis, nec Ecclesiasticum servetur interdictum: sed ipsum interdictum, sive cessationem a Divinis, per eosdem quindecim dies suspen-

suspendimus, & teneri volumus ac decernimus in suspensio: nisi per iudices, Magistros civium, Consules, Scabinos, vel Officiales, aut communitatem civitatis prædictæ, vel eis mandantibus, aut ratum habentibus, seu forefactores huiusmodi in crimine suo scienter defensores, excessus huiusmodi fuerint perpetrati. Quo casu, statuta prædicta, sicut ab Engilberto primordialiter sunt edita, prout ipsæ literæ Apostolicæ innuunt, perseverant. Verum si intra quindecim dies post expositam sive notificatam huiusmodi violentiam, consilio civitatis Colonienfis, sive Magistro consulum, aut aliquibus ex ipsis consulibus, forefactor, sive forefactores de commissa per ipsos violentia non satisfecerint, extunc absque aliqua interpellatione, Statuta Provincialia prædicta in omni forma primæva, exactâ diligentia observentur. Volumus autem, quod in Parochia, in qua huiusmodi violentia fuerit perpetrata, intra quindecim dierum prædictorum spatium, postquam ipse Plebanus, seu ejus Vicarius ipsam violentiam consilio civitatis, seu Magistro consulum, aut aliquibus ex ipsis consulibus notificaverit, & non ante, nec alias, corpora defunctorum cum solennitate Missæ, tradi possint Ecclesiasticæ sepulture, ipsum interdictum, sive cessationem Divinorum, quo ad sepulturam, & solennitatem exequiarum ipsarum suspendentes. Super probatione vero notificationis huiusmodi factæ, stare volumus ipsius Plebani, sive ejus Vicarii, si in dubium revocaretur juramento. Notificationem insuper ipsam factam, idem Plebanus, sive ejus Vicarius Capitulo nostro intimabit, ut sciri possit, quando quindecim dies prædicti sint elap-

si. Ne vero notificatio aliquo colore quaesito differatur, præcipimus, ut Plebanus, seu ejus vices gerens, in cujus Parochia violentia fuerit perpetrata, statim postquam hoc sibi constiterit, prout secundum statuta constandum est, notificationem ipsam faciat secundum modum prædictum. Quam si per triduum, postquam sibi sic constiterit, facere neglexerit Plebanus, seu ejus vices gerens, eo ipso ab officio & beneficio sint suspensi. Et si adhuc per triduum subsequens hanc intimationem non fecerint, ut est dictum, eo ipso excommunicationis sententia (quam in eos in his scriptis ferimus) sint nodati. Quæ omnia & singula in observantia interdictorum, sive cessatione a Divinis, secundum statuta præfata in suis Capitulis & Clausulis contra raptos, invasores, & prædones bonorum, & rerum Ecclesiarum, seu Ecclesiasticarum personarum, ipsum spoliū, rapinam, & invasionem intra civitatem Coloniensem committentes, seu domicilium habentes, volumus observari. Per præmissa vero, quæ tantum ad civitatem Coloniensem extendi volumus, quo ad observantiam eorundem statutorum, sive interdictorum, & cessationem a Divinis, quicquam non intendimus inducere, sive aliquid innovare. In quorum omnium firmitatem, & testimonium, sigillum nostrum, una cum sigillo Capituli nostri præsentibus est appentum. Quod Nos Capitulum pro Nobis & Prioribus Colonienfibus, in signum consensus nostri præstiti, præsentibus duximus apponendum. Datum anno Domini MCCCXXIV. crastino Dominicæ, qua cantatur *Invocavit*.

Ex Typo Quenteliano Statutorum Colonienfium anni 1554.

Indictio Synodi Constantiensis

in annum Chr. MCCCXXVII. Joannis XXII. PP. XI.

Ludovici Bavari Regis XI.

Prævia Visitatione generali, jussu RUDOLFI, Constantienfis Episcopi, facta.

RUDOLPHUS, DEI GRATIA, EPISCOPUS CONSTANTIENSIS &c.

Vobis Officiali Curie nostræ, & Marquardo Henen, Capellano nostro, seriose committimus & mandamus: quatenus in exercendo Visitationis Officio,

Tomus II. Concil. German.

O o 2

Vobis

Vobis per Nos ad præfens commissio, sitis diligentes, & recipiatis singulorum visitandorum juramenta, neminem supponentes; si vero aliqui fuerint, quocumque nomine censeantur, qui ad ammonitionem, & requisitionem, vestras, jurare recusaverint, ab illis recipiatis, quod habere poteritis, & ad minus, quod in fide Sacerdotii, vel voto sui Ordinis, dicant vobis, super inquirendis ab ipsis articulis, veritatem; non obmittentes visitationem propter hoc, si aliqui facere recusaverint juramenta; protestantes tamen, quod in hoc contenti non sitis, sed oporteat vos id Nobis intimare, quid super eo decreverimus faciendum.

Cæterum volumus: ut conscribatis Nobis singulariter & specificè, sub eisdem præstandis juramentis, singulorum Beneficiorum, maxime Ecclesiarum Parochialium, tam incorporatarum, quam aliarum, universos & singulos redditus, & proventus tam in decimis majoribus & minoribus, quam dotibus ipsarum Ecclesiarum, ad communem æstimationem æstimatis; scribatis etiam divisim portiones Vice-Pastorum, ac Vicario-perpetuorum, nec non nomina Patronorum Ecclesiarum singularum, & quantum ultra hoc remaneat Ecclesiis, & Monasteriis, quibus ipsæ Parochiales Ecclesiæ incorporatæ existunt, & etiam Pastoribus Ecclesiarum non incorporatarum, quia hujusmodi Vicariæ nonnunquam cum diminutione reddituum conferuntur.

Intendimus etiam ex præmissis, si commodè poterimus, imposterum ordinare æqualitatem in contributionibus singularum Ecclesiarum, quæ in decimis, procuracionibus, subsidiiis, ac aliis in taxa sunt maxime inæquales.

Item; ingeratis & scribatis, inter cætera, Nobis, de Altaribus fundatis in Ecclesiis quibuscunque, a tempore, quo Ecclesiæ nostræ Constantiensis præsumimus, an sint dotata, consecrata, & per Nos confirmata; de quibus omnibus, maxime de ipsorum Altarium confirmatio-

nibus, Nos volumus per nostras desuper traditas litteras informari.

Item; Convocationem omnium Præpositorum, Abbatum, Priorum Prioratuum, Decanorum Ecclesiarum Collegiatarum, ac Decanorum Christianitatum, nostrarum civitatis, & Diocesis Constantiensis, quam habere intendimus in Constantia; in crastino Decollationis Beati Joannis Baptistæ, proxime venturo, & etiam terminorum solutionis, procuracionis præsentis Visitationis, videlicet: crastinum Remigii proximum, intimabitis, ubi fuerint intimanda.

Præterea Formulam juramenti præstandi per singulos visitandos, vobis specialiter mittimus, hic appositam.

Formula Juramenti, quam sex, & sex, simul jurabunt.

" Quod Ego dicam vobis Commis-
" sariis Domini nostri Episcopi Constan-
" tiensis, Sanctæ Visitationis Officium
" hic exercentibus, veritatem, quam
" scio, vel credo super his, quæ refor-
" manda fuerint tam in capite, quam in
" membris, & tam super statu Ecclesia-
" rum, quam personarum &c. ac etiam
" specialiter super his, de quibus requi-
" situs fuero, & eorum circumstantiis;
" occultis tamen exceptis. Sic me Deus
" adjuvet &c. "

Ut autem celerius fiat expeditio hujusmodi visitationis, & vobis commodiosior, omnes defectus tam in spiritualibus; quam in temporalibus, quos ipsi visitandi dare voluerint, vobis dari & exhiberi in scriptis specialiter faciatis.

Item; Decanis Christianitatum dicatis specialiter, quod quilibet eorum veniat cum duobus ad plus de suo Capitulo Fratribus, magis idoneis, quos ad hoc ipsa Capitula duxerint deputandos, & quod sint dispositi ad manendum Constantiæ per tres dies.

Datum Constantiæ Sabbatho post Festum Nativitatis Beati Joannis Baptistæ.

Ex Codice MSS. FF. Cavmelitarum Wurceburgii descripsit Cl. Sebmatus h. m.

No-

Rudolphus III. Comes a Montfort, Vir insigni sapientia præditus, unanimibus Canonico-
rum Senatus sententiis Episcopus eligitur anno 1318. Præfuit annis XIV. Ludovico Bavaro constanter adhæsit, & ideo excommunicatus fuit: postularus etiam ad Curienfis Ecclesiæ administrationem. Obiit A. 1332.

NOTATIO SCHANNATI.

Hæc omnia apprime conveniunt cum iis, quæ *Joan. Vitscheranus*, auctor cœvus, in Chronico suo a *Cl. Eckharto Tom. I. Script. German.* edito, refert in hæc verba sequentia:

- Anno Domini MCCCXXVII. Episcopus *Rudolfus* Constantiensis, de *Munfort* oriundus, totum Clerum suum in Constantia ad *Synodum Episcopalem* celebrandam, convocatum, visitari, & pro suo excessu corrigi præcepit, & ut se alterutrum studiose & discrete accusarent Clerici in suis deictis emendandis, statum rigidum dedit; qui obtemperantes iussioni suæ coram Examinatoribus & Visitatoribus ad hoc electis & institutis, satis acriter (ut aliqui ex eis mihi pandebant) hoc fecerunt, qui ipsi pœnas seu pœnitentias pecuniarias inflixerunt, &c.

Statuta Synodalia D. HENRICI, Archiepiscopi Colonienfis, edita anno Domini MCCCXXVII.

I. De curtibus non locandis Monachis.

II. De absentia Monachis more Canonicorum secularium non solvenda.

III. Et de non recipiendis Monachis vel Monialibus dato precio, seu sub spe præmii post receptionem exigendi.

HENRICUS, DEI GRATIA, SANCTÆ COLONIENSIS ECCLESIE ARCHIEPISCOPUS, SACRI IMPERII PER ITALIAM ARCHICANCELLARIUS, DELECTIS IN CHRISTO UNIVERSIS ABBATIBUS ET ABBATISSIS, AC EORUM CONVENTIBUS MONACHORUM ET SANCTIMONIALIUM NOSTRÆ DIOECESIS, SALUTEM IN DOMINO.

Licet ex injuncti Nobis debito Pastoralis Officii, super cunctum Nobis gregem commissum, ne lupus gregem invadat, invigilare pro omni nostra possibilitate, & modis omnibus teneamur: specialius tamen Nobis incumbere non ambigimus, ut sibi nostræ figamus considerationis aciem vigilantius, ubi majora disponuntur pericula animarum. Ubi enim majus vertitur periculum, cautius est agendum. Sane in Monasteriis vestris aliqui ex vobis, curtes vestras, sub certa solvenda pensione, de facto frequenter a longis temporibus conduxerunt & adhuc conducunt, & se ad hujusmodi solvendas pensiones, ac si possint habere propria, & contractuum commercia nomine proprio exercere, vobis obligant, & in hujusmodi curtibus sic conductis mansiones sibi facientes, soli moram trahere contigue non formidant, non attendentes improvide, qualiter Monachum habere proprium & proprio nomine civiles exercere contactus jura abhorreant, & quam utiliter detestentur, ac a natura Monachi adeo esse debeat aliena, ut etiam Summus Pontifex profiteatur expresse, se non posse contra hoc

licentiam indulgere: nec Monachus inter seculares homines, solus spiritualium hostium conflictum debeat de jure seu poterit expectare: eique testante jure, pro terreno aliquo lucro exire Monasterium, in ausum reputetur nefandissimum: adeoque quilibet Monachus suo, debeat esse contentus Monasterio, ut Canonis dicat autoritas, *quod sicut pisces sine aqua vita carent, ita sine Monasterio Monachus*. Item Monachos & Moniales, aliqui & aliquæ ex vobis sub certis precii, aut sub spe præcii recipitis sub paupertatis prætextu hoc vitium palliantes, non timentes pœnas contra hoc per *Lateranense* (a) Concilium promulgatas. Præterea in nonnullis vestris Monasteriis aliqui ex vobis impetrata ad stibendum Superioris licentia, dum reveruntur, fructus suæ exigunt absentie, ac si forent Canonici seculares, & ipsis Monachis æqualiter, habere redditus, sit indultum: & sub hujusmodi abusus modo, vos eis tales fructus estis soliti assignare. Quæ omnia & singula omnino obviant Canonici institutis, scandalum in Clero & populo generant, & dissolutionem monasticæ parant disciplinæ. Proinde

O o j

quia

(a) *Lateranense anni 1215. sub Innocentio III. Cap. LXIV. Binius T. III. Concilior. Part. II. pag. 694.*

quia iste morbus inter vos magis irrepsit. Etsi contra præmissa a sacris Summorum Pontificum & sacrorum generalium Conciliorum Canonibus per pœnas gravissimas sit provissum: quia tamen hujusmodi Canones & pœnas, forsitan ignorantia ducti, non curant ad animum revocare: hoc nostro mandato, in quantum possumus, medelam adhibere duximus competentem. Vobis igitur universis & singulis in virtute sanctæ obedientiæ, & sub pœna excommunicationis, quam in quolibet vestrum in hoc culpabilem, monitione duodecim dierum præmissa, quorum quatuor pro primo, quatuor pro secundo, & residuos quatuor pro tertio, & peremptorio termino, vobis universis & singulis assignamus, serimus in his scriptis: districtius mandantes, ut a præmissis omnibus & singulis, quocunque ad hoc quaesito colore de cætero abstineatis omnino, nec curem aliquam alicui Monacho locare sub quocunque titulo, aut absenti Monacho ratione suæ absentię quicquam tanquam sibi debitum

exigenti dare, & Monachum, aut Monialem dato precio, seu sub spe pretii post receptionem exigendi recipere, aut postea etiam exigere alqualiter præsumatis. Alioqui præcipimus universis nostræ civitatis & Diocesis Rectoribus, & eorum vices gerentibus, quatenus in præmissis inter vos culpabiles, denuncient, quoties & quando requisiti fuerint, prædicta excommunicatione notatos. Et intimamus vobis per præsentem, quod nisi de præmissis, omni fraude & simulatione circa ea cessantibus, caveatis, ad executionem pœnarum Canonum prædictorum, & per nostram aggravationem sententiæ, ac alias per censuræ coercionem Ecclesiasticæ, prout hoc rigor juris poposcerit. (a) Et ne hujus nostri mandati causari ignorantiam valeatis, in sancta Synodo, in nostra Colonienſi Ecclesia, in crastino præsentis Dominicæ celebranda, ipsum mandatum volumus solenniter publicari. Datum anno Domini M.CCC.XXVII. die Dominica, qua cantatur, INVOCAVIT.

(a) *supple*: procedemus.

De Collectoribus Fabricæ Ecclesiæ Colonienſis nullatenus impediendis. Ut laici manum deponant. Oblationes, seu elemosynas ad Fabricam inter se non dividant, aut quicquam sibi de his retineant, sed ut hæc sine diminutione Collectoribus assignentur. Et ne trunci in Ecclesiis vel Capellis erigantur. Et quæ pro Fraternitate S. Petri veniant, per se serventur, faciendo computum collectoribus. Ut lecto Evangelio, collectores Verbum Dei populo proponant, & prædicare volentes, postea incipiant.

Præcipitur universis Abbasibus, Prioribus, Præpositis, Archi-Diaconis, Decanis, investitis Pastoribus, Plebanis, Viceplebanis, ceterisque Ecclesiarum seu Capellarum Rectoribus, in Colonienſi Diocesi constitutis, per Reverendum in Christo Patrem, & Dominum, D. HENRICUM Colonienſem Archi-Episcopum, de Prælatorum suorum, & Capituli Colonienſis consilio & assensu, & statuitur, & mandatur sub interminatione maledictionis æternæ, & sub obtestatione Divini, & tremendi Judicii; nec non sub pœna anathematis prohibetur, ne aliquis, cujuscunque conditionis, status, vel ordinis fuerit, audeat Fabricam Colonienſem, seu collectores vel nuncios ipsius publice vel occulte, quibuscunque viis vel coloribus ad hoc quæ-

sitis, quomodolibet impedire. Injungitur similiter, & mandatur omnibus prædictis, nec non laicis, quibuscunque etiam nominibus, sive templarii, sive custodes Ecclesiæ, aut quocunque alio titulo nuncupentur, ne de cætero quolibet oblationes, elemosynas seu largitiones quascunque datas vel oblatas dividant, & sibi partem aliquam retineant, seu se de eis alqualiter intromittant: sed negotium fabricæ ipsius fideliter promoveant, omnino manum deponant. Et ipsis nunciis seu collectoribus omnia oblata vel donata sine diminutione assignent. Procuratori ipsius fabricæ ad usus ejusdem diligentius præsentanda. Præterea inhiherur, ne de cætero trunci in Ecclesiis, vel Capellis erigantur: sed positi & erecti, intra mensem a tempore publica-

licationis hujusmodi funditus evellantur. Præcipitur insuper, ut omnia illa, quæ pro *Fraternitate Beati Petri* Apostolorum Principis largiuntur, distincte, & per se referrentur, ipsisque nuntiis, seu collectoribus specialiter sine commutatione alicujus alterius integraliter assignentur, ita quod de hujusmodi oblationibus reddatur ipsis nuntiis, vel procuratori computus specialis. Cæterum præcipitur, sicut prius, ut statim lecto Evangelio, Ecclesiarum, seu Capellarum Rectores ordinent, & disponant, ut nunci, seu collectores dictæ fabricæ, Verbum Dei populo proponant, & postulent oblationes, & suffragia sine impetu opportune: & si postmodum alii prædicare habuerint, sermonem suum incipiant: ut sic nunci expediti, valeant ad alias Ecclesias, in quibus eorum adventus celeriter expectatur, sine longa mora ulterius proficisci. Idem Dominus noster Archiepiscopus omnes Prælatos, Plebanos,

Vicarios, Ecclesiarum Rectores, seu eorum vices gerentes, Presbyteros, Clericos, & laicos, cujuscunque officii, status, vel conditionis extiterint, qui contra has inhibitionem, ordinationem, & statum veniunt, in parte, & in toto, nisi excessum eorum intra septem dies, quos eis pro monitione assignamus, emendaverint, excommunicationis sententiâ eo ipso voluit subjacere: mandans & committens Officiali Coloniensi, quatenus, dum ipse a Procuratore fabricæ Coloniensis, vel aliquo eorundem fuerit requisitus, præmissa & præmissorum quilibet exequatur, & a suis subditis quibuscunque exequi faciat diligenter, prout negotium, & utilitas ipsius fabricæ id exposcit. Facta est publicatio ordinationis, inhibitionis, & statuti hujusmodi, Coloniæ: crastino INVOCAVIT, in congregatione Concilii Synodalis, Anno Domini M. CCC. XXVII.

I. Contra Moniales divagantes, & Monachos apostatas.

II. Item, ne Canonici, vel Monachi sine examinatione literaturæ ad Ordines admittantur.

HENRICUS, DEI GRATIA, SANCTÆ COLONIENSIS ECCLESİÆ ARCHIEPISCOPUS, SACRI IMPERII PER ITALIAM ARCHICANCELLARIUS, UNIVERSIS CHRISTI-FIDELIBUS AUDITURIS PRÆSENTES LITERAS ET VISURIS, SALUTEM IN OMNIUM SALVATORE.

Quamquam sub prohibitione stricta a jure statutum existat, ne Sanctimonialia, monastica modestiâ impudenter abjectâ, extra Monasteria sua divagentur, nisi pro causis, eis a jure permisis: tamen frequenter extra eadem Monasteria sua per vicos & plateas discurrunt, & personarum secularium habitacula frequentantes, non in habitu tantum religioso, verum etiam eo relicto, in habitu seculari se ostendunt, & in tanta vanitate mundanis adspectibus se admittunt, quod ex hoc possint contra propriæ conscientię suæ puritatem, suspexit non immerito reputari. Et quamquam varie contra Sanctimoniales easdem comminationes poenarum hæcenus emanarunt, tamen in veritum nitentes, quanto plus ab istis prohibentur, tanto ardentius, quo ad hujusmodi suas vanitates exercendas, inflammantur. Quare mandamus, & præcipimus om-

nibus & singulis Sanctimonialibus, præsentibus & futuris, cujuscunque sint religionis vel ordinis, nostræ civitatis & Diocesis, ut in suis Monasteriis de cætero sub clausura perpetua permaneant juxta canonicas Sanchiones, ita, quod nulli earum religionem tacite vel expresse professæ, a suo Monasterio exire liceat, nisi forte tali morbo evidenter earum aliquam laborare constaret, quod non possit servire Deo, cui corda sua & corpora omni sanctimonia subdiderunt. Salvo, quod Abbatissa & Priorissa, seu Magistra, per quas Monasteria eadem reguntur, cum honesta & decente societate exire poterit, dum pro hoc Monasterii sui negotiis fuerit faciendum, ad Monasterium suum absque honoris dispendio, quamprimum poterit, reversura. Alioqui Sanctimoniales hujusmodi extra Monasterium suum vagantes, & quamdiu in hoc persistunt, inhibemus peni-

penitus admitti ad Divina, nisi ex rationabili & manifesta causa, ac de illius, ad quem pertinuerit, exiverint licentia speciali, & de hoc Divina celebrantibus, ac eas hospitantibus, prius sufficiens fides fiat. Alias scienter eis presentibus Divina celebrare presumens, suspensionis ab ingressu Ecclesiæ, & eas sic divagantes hospicio recipiens, excommunicationis sententiam incidant ipso facto. Illas vero Sanctimoniales, quæ habitu religionis suæ dimisso, extra Monasteria sua divagantur, & quæ ex hoc sententiam excommunicationis a Canone jam prolatam inciderunt ipso facto, excommunicatas volumus & precipimus nunciari. Inhibentes sub pena excommunicationis, ne quis eis tanquam apostatis & excommunicatis, communicet quoquo modo, vel foveat easdem in tali apostasia scienter, ne tanquam criminosis in crimine confentens, consimili laqueo valeat irreti.

Statutum II. Insuper mandamus & precipimus, immo inhibemus, ne aliquis de cætero Ecclesiæ collegiatæ Canonici vel Religiosi ad Monasterii sui titulum ordinandus (quorum Ecclesiarum & Monasteriorum, exemptorum, & non exemptorum, Canonici, vel Monachus, seu Fratres, sine examinatione literaturæ, & intitutione ordinari consueverunt) ad Ordines admittantur, nisi prius de ætate & corporis idoneitate (cum corpore vitiati non sint ad Ordines huiusmodi admittendi) per Examinatores, ad examen ordinarium tempore

celebrationis Ordinum deputatos vel deputandos, sint examinati, & intitulati, sicut cæteri sub communi titulo ordinandi. Alias admittentes & ordinantes eosdem, & Ordines sic prohibiti recipientes (quos ex nunc, ne contra faciant, monemus in his scriptis) post lapsum duorum mensium & publicationem presentium mandatorum, suspensionis ab ingressu Ecclesiæ sententiam incurrant ipso facto: & hoc in sacra sancta Synodo, Prioribus, Clero, & Christiani-fidelium multitudine presentibus, publicari mandavimus, & ab omnibus precipimus servari, ne quis contra ipsa, crassa se valeat ignorantia excusare: precipientes universis Capellis, Conventibus mendicantium, & non mendicantium, Christianitatum Decanis, & locorum Plebanis, ut intra decem dies post harum publicationem, sub sigillo majori Officialis Curie nostræ Colonienfis, horum copiam recipiant, & singulis mensibus, prima Dominica die mensis, in sermonibus suis, Plebanus hora Missæ, & mendicantes in eorum prædicationibus, materna lingua in vulgari & intelligibiliter publicent, & exponant. In horum testimonium presentes literas appensione sigilli nostri fecimus communiri. *Datum anno Domini M. CCC. XXVI. in crastino Beati Remigii.* In cujus copiarum testimonium, sigillum Officialitatis Curie nostræ presentibus literis duximus appendendum.

Statuta Ecclesiæ Colonienfis anni 1554. editionis Colonienfis.

Statutum singulare D. HENRICI, Ecclesiæ

Colonienfis Archi-Episcopi, editum anno Domini MCCCXXIV.

Iteratum & quasi renovatum anno Domini MCCCXXVIII.

Moderatio Statutorum Provincialium secundario facta auctoritate Apostolica per D. HENRICUM Archi-Episcopum, quoad cives & civitatem Coloniensem.

IN NOMINE DOMINI. AMEN.

HENRICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHI-CANCELLARIUS.

&c. ut supra pag. 289.

JOANNES EPISCOPUS, SERVUS SERVORUM DEI, VENERABILI FRATRI ARCHIEPISCOPO COLONIENSI &c. ut supra pag. 289. *Datum Avinione VII. Idus Martii, Pontificatus nostri anno VII.*

NOS

NOS hujusmodi *Literis Apostolicis* reverenter obedire volentes, ut tenemur, de consensu nostri Capituli, ac Priorum, & Prælatorum nostrorum prædictorum, circa observantiam interdicti, & cessationem a Divinis, auctoritate Statutorum prædictorum, quoad civitatem Coloniensem, taliter duximus ordinandum & disponendum, & ipsa *Statuta moderandum*, quod propter violationem Ecclesiarum, seu Ecclesiasticarum immunitatum, seu dotum, in sola Parochia, in qua hanc committi contigerit, cessetur a Divinis: in aliis autem Ecclesiis Collegiatis, Conventualibus, & Parochialibus civitatis Colonienfis, propter hoc intra mensem a tempore notificationis scilicet per Plebanum Parochie, in qua violentia perpetrata fuerit, consilio civitatis Colonienfis, aut Magistris Consulum, sive aliquibus ex ipsis Consulibus notificatione computandum, ut delinquentem, seu committentem compellant ad satisfactionem condignam præstandam, si commitrens sive forefactor, de civitate Colonienfi, & sub potestate Magistrorum & Consulum fuerit dicte civitatis, non cessetur a Divinis, nec Ecclesiasticum servetur interdictum: sed ipsum interdictum, sive cessationem a Divinis, per eundem mensem relaxamus, ac teneri volumus, & decernimus relaxatum. Verum si intra prædictum terminum post expostam, sive notificatam hujusmodi violentiam, consilio civitatis, sive Magistris consulum, aut aliquibus ex ipsis consulibus, forefactor, sive forefactores de commissa per ipsos, seu per ipsum violentia non satisfecerint, dummodo iidem forefactores sive forefactor, jurisdictionis, & potestati dictorum Magistrorum, & Consulum substiterint, ita quod ipsum, seu ipsos ad præstandam

hujusmodi emendam compellere de forefacto poterunt; extunc *Statuta Provinciae prædictæ*, in sui forma primæ, & exacta diligentia observentur. Si autem prædicti delinquentes aut forefactores, seu delinquens aut forefactor, extraneus fuerit, aut de civitate Colonienfi recesserit, ita quod prædicti Magistri & Consules, in ipsum seu ipsos jurisdictionem aut potestatem non habuerint, aut exercere possint in prædicta civitate Colonienfi, aut in Ecclesiis Collegiatis, Conventualibus, aut Parochialibus civitatis prædictæ, prædicta statuta nullatenus observentur: sed ipsum interdictum sive cessationem ob hujusmodi delictum, promulgatum, relaxamus, ac teneri volumus, & decernimus relaxatum. Volumus autem, quod in Parochia, in qua violentia hujusmodi fuerit perpetrata, propter quam fuerit cessandum, ut dictum est, intra spatium quatuor septimanarum, postquam ipse Plebanus, aut ejus Vicarius ipsam violentiam consilio civitatis, aut Magistris Consulum, aut aliquibus ex ipsis notificaverit, & non ante, nec alias, corpora defunctorum cum solennitate Missæ tradi possint Ecclesiasticæ sepulture, ipsum interdictum, sive cessationem Divinorum, quo ad sepulturam & solennitatem exequiarum ipsarum presentibus suspendentes. In cujus rei testimonium, sigillum nostrum una cum sigillo Capituli nostri prædicti, presentibus est appensum. Quod Nos Capitulum, pro Nobis & Prioribus Colonienfibus, in signum consensu nostri prædicti, presentibus duximus apponendum. Datum anno Domini mcccxxvii. in vigilia Nativitatis B. MARIE Virginis.

Statuta Ecclesie Colonienfis, editionis Coloniæ, anni 1554.



Protestatio & Appellatio. LUDOVICI IV.

Regis Romanorum, qua Advocati S. Romanæ Ecclesiæ, & S. Imperii, Custodis Fidei Catholicæ, a gravaminibus illatis & comminatis ad Concilium generale quantocius congregandum.

Anno Christi MCCCXXIII. Joannis XXII. Papæ VIII.
Ludovici IV. Regis IX.

IN CHRISTI NOMINE. AMEN.

De Dominico, quod fuit decima quinta Kalendas Januarii, sub anno Incarnationis Dominicæ Millesimo trecentesimo vicesimo tertio, in Nuremberg in domo *Alberti Elmer*, presentibus honorabilibus Viris, *Domino Henrico de Lepide, Prapósito Ecclesiæ Sanctæ Mariæ novi Collegii civitatis Eysletensis; Magistro Ulrico Prapósito Ecclesiæ S. Stephani civitatis Babenbergensis; Domino Conrado in Stauff, Canonico veteris Capellæ civitatis Ratisponensis; Domino Gotfrido, Plebano in Ambergh Diocesis Ratisponensis; Magistro Friderico Notario civitatis Nurembergensis; Domino Henrico, Plebano in Pfulendorf Diocesis Constantiensis; Henrico Hausfurio Clerico, nec non Ottone de Werdha Canonico Ecclesiæ Pysane, ac multis aliis Ecclesiarum Prælati & Clerici, nec non & laici, & multe auctoritatis viris, testibus rogatis & vocatis, & nos Heridigno quondam Conrado de Babenberg, Clerico Diocesis Babenbergensis, publico Imperiali auctoritate Notario, Serenissimus Princeps, Dominus Ludovicus Romanorum Rex semper Augustus, coram Reverendo Patre, Domino NICOLAO Venerabili Episcopo Ecclesiæ Ratisponensis, & testibus supradictis, nec non & aliis Prælati & Ecclesiasticis personis & secularibus, tamquam coram authenticis, publicis & honestis personis infra scriptis proposuit,*

& in scriptis fecit protestationes, & deinde appellavit, & in scriptis infra scriptam appellationem interposuit, ut inferius continetur, quarum protestationum tenor sequitur in hac forma:

Coram vobis Venerabili Patre, Domino NICOLAO, Episcopo Ecclesiæ Ratisponensis, & vobis honor. Viris, Domino Henrico de Lepide, Prapósito Ecclesiæ Sanctæ Mariæ novi Collegii civitatis Eysletensis; Magistro Ulrico, Prapósito Ecclesiæ S. Stephani civitatis Babenbergensis; Domino Conrado Plebano in Stauff, Canonico veteris Capellæ civitatis Ratisponensis; Gotfrido Plebano in Ambergh, Diocesis Ratisponensis; Magistro Friderico Notario civitatis Nurembergensis, Henrico Plebano in Pfulendorf Diocesis Constantiensis; Henrico Hausfurio, nec non Ottone de Werdha, Canonico Ecclesiæ Pysane, & te HERDEGNO, publico Imperiali auctoritate Notario, tamquam coram viris idoneis & personis authenticis. Nos Ludovicus, Romanorum Rex semper Augustus, comparemus, & infra scriptas protestationes nostras, coram vobis proponimus, & in scriptis offerimus, ac si in presentia Domini nostri; Summi Pontificis, cujus copiam artante termino tamquam absentis, & remote distantis, habere non possumus, essemus personaliter constitui, promittentes expresse, quod

Anno MCCCXXII. cum Ludovicus IV. Viſtor Friderici, Imperii administrationem, non expectata Pontificis sententia, & subditorum sibi in Italia Patrocinium continuaret; Joannes Papa VIII. Idus Octobris A. 1323. Monitorium publicavit, & processum contra ipsum factum ad Ludovicum misit, cui sub pena excommunicationis injunxit: ut intra III. mensium sparium a defensione Italorum abstinere, & ab omni Regni & Imperii administratione cessaret, nisi post festam ejus personæ a Sede Apostolica approbationem; prohibens omnibus eidem præstandam obedientiam. Hoc Monitorium misit ad Germaniæ & omnium Regnorum Archi-Episcopos. V. *Reynaldus hoc anno 1323. n. 30. Pag. in Breviario Tomo IV. pag. 77.*

Ludovicus hoc nuntio accepto sententiæ Pontificiæ, nuntios ad Papam ablegavit Nurembergæ II. Idus Novembris A. 1323. Regni A. IX. ante reditum Legatorum ab Avinionē protestatur ut supra.

quod eandem in ipsius Summi Pontificis, quamprimum commode poterimus, notitiam deducemus, & coram eo invocabimus, & publicabimus, prout fuerit opportunum.

In primis protestamur, quod Sanctam Ecclesiam Romanam, Magistrum Fidei Catholicæ, matrem & alumnæ nostræ colere, diligere & fovere, statum ejus solidare, & jura servare semper intendimus bona fide. (a) Item quod hostes ejus & rebelles quoslibet, quos scimus, vel a professione dictæ fidei aberrantes, tamquam fidelis advocatus & servidus Christianæ Fidei Zelator, hostiliter persequi & exterminare volumus toto posse. Item quod non credimus, contra Sanctam Ecclesiam Nos unquam in aliquo excessisse, & si quando exce-

deremus, parati sumus ad ejus correctionem humiliter emendari, & sub regula discipline suæ obedienter consistere, & suo consilio & regimine gubernari. Item quod eidem volumus reverentiam debitam & honorem. Protestamur insuper, quod Domino nostro Summo Pontifici eam, quam debemus, & quemadmodum Romanis Pontificibus, Romanorum Imperatores & Reges Prædecessores nostri obedientiam, devotionem & reverentiam gesserunt & habuerunt, volumus similiter gerere & habere. Item protestamur, quod statum Romani Imperii & jura, res, & honores suos salvos sine præjudicio cujuslibet juxta debitum fidei nostræ, & virtutem præstiti Sacramenti, quantum scimus & possumus, nostris temporibus similiter disponimus custodire,

Tenor vero Appellationis prædicti Domini LUDOVICI Romanorum Regis dignoscitur esse talis:

IN CHRISTI NOMINE. AMEN.

Coram vobis Venerabilis Patre, Domino Nicolo, Episcopo Ecclesiæ Ratisponensis, & vobis honorabilibus viris Domino Henrico de Lapide, Præposito Ecclesiæ Sanctæ MARIE novi Collegii civitatis Eystettensis: Magistro Ulrico, Præposito Ecclesiæ S. Stephani Babenbergensis: Domino Guinrado de Stauff, Canonico veteris Capelle in Ratispona: Domino Gotfrido, Plebano in Amberg, Diacono Ratisponensis: Magistro Friderico, Notario civitatis Nurembergensis: Henrico Plebano in Pfundersdorf, Diacono Constanciae: Henrico Haimerio, nec non Ottone de Werde, Canonico Ecclesiæ Psalma: Et te Herdegno publico Notario infra scripto, tanquam autenticis personis, honestis & publicis, ac si in præsentia Domini nostri Summi Pontificis essemus præsentialiter constituti. Nos LUDOVICUS, Dei gratia, Romanorum Rex semper Augustus, dicimus, asserimus, & proponimus, quod licet Domino nostro Summo Pontifici, & S. Romanæ Eccle-

sia, Matri nostræ, sinceræ devotionis affectum cum debita reverentia semper exhibuerimus & honore; ad nostrum tamen, quod contra præmissa minime sperabamus, recenter pervenit auditum, eundem in Romana Curia quosdam processus contra nos, minus gratiosos, publicasse, imo quod salva reverentia dicamus, animosos nimis & odiosos & injuriosos, ex causis non veris, & contra jura & rationem habitos & confictos, vergentes in nostrum & Sacri Imperii dispendium, & jacturam, & scandalum plurimorum, unde dissidiis & schismatibus materia præparatur. Cum tam patenter cernitur, in dissidationem integritatis Ecclesiæ, injurias inde procedere, unde debet fons juris & justitiæ derivari.

Idem namque Summus Pontifex in ipsis processibus, sicut fertur, dicit & asserit: "Nos nomen Regni & titulum Regium nobis illicite usurpasse, eo quod

(a) Ab hæresi hæc protestatio, & ejus fautores facile eum excusant, sed non perinde ab infami Schismatis crimine, quando anno 1328. 12. Maji populo Romano adulanti & ob absentiam Papæ ab urbe irritato, Antipapam Petrum de Corbaria ex ordine Minorum proposuit: & hæreseos varia conficta crimina Joanni XXII. exprobavit, quasi ideo Pontificatus excidisset: demum quando ab hoc suo Antipapa coronari voluit. En quo studia partium & popularis furor Principem ad absurdissima facinoræ præcipit!

" quod ad se electionis nostræ, *quam dicit in discordia celebratam*, & personæ electæ examinationem, approbationem, admissionem, repulsionem, & reprobationem quoque astruat pertinere; & priusquam hujusmodi nostra electio admittitur, & persona approbata, vel alterius coelecti nostri fuisset per Sedem Apostolicam reprobata, nobis non licuerit assumere nomen & titulum prælibatum, cum interim non Rex fuerimus, nec pro Rege haberi, vel Rex nominari debuimus, sed *electus*.

" Dicit præterea, quod hujusmodi præsumpto nomine & titulo non contenti, ad administrationem jurium Regni & Imperii, in manifestam injuriam Romanæ Ecclesiæ, ad quam vacantis ejusdem Imperii, sicut in præsentiarum vacat, regimen pertinere dignoscitur, Nos ingesserimus & immicuerimus indebitè, exigendo & recipiendo fidelitatis in Alemaniæ, & nonnullis Italiæ partibus, a personis Ecclesiasticis, & secularibus Vassallis Imperii, juramenta, ac dignitatibus, honoribus & officiis ejusdem Imperii, exemplo posito de Marchionatu Magdeburgensi (a) pro libito disponendo, & plura alia exercendo, quæ ad ipsorum Regni & Imperii regimen non est dubium pertinere.

" Adjecit insuper, quod ejusdem Ecclesiæ rebellibus, sicut Galazio de Vice-Comitibus, & ejus fratribus de hæresi condemnatis, & nonnullis aliis contra dictam Ecclesiam, suam injuriam & negationem (b) Fidei & Imperii prosequentem, Nos defensorem constituimus & fautorem, propter quæ sumpta modo plenitudine potestatis, de fratribus suorum, *ut dicit consilio*, Nos monuisse dicitur, quod (1) infra trium mensium spacium ab administratione, fautoria, & defensione prædictis prorsus abstinere, (2) ipsam administrationem minime recepturi, nisi tunc demum, cum electionem nostram admitti & personam contingerit approbari: (3) Quodque gesta per Nos post præsumptum nomen & titulum studeremus, quantum pateretur possibilitas, infra eundem

terminum realiter revocare, (4) alioquin contra Nos ad publicationem poenarum, quas propter præmissos excessus incidisse noscitur, & alias quantum suaderet justitia, procederet, nostra absentia non obstante.

" Ad hæc universis personis Ecclesiasticis & secularibus, cujuscunque præeminentiæ extiterint, etiam si Pontificali vel Regali præfulgeant dignitate, & civitatibus, communicatibus, & universitatibus, sub certis poenis (5) inhibuisse dicitur, ne Nobis, tamquam Regi, in iis, quæ Regni & Imperii contingunt regimen, nisi tunc demum, cum electionem & personam nostram per sedem eandem approbari & admitti contingerit, in aliquo pareant vel intendat: & ne nobis in quibuscunque ad prælibatum regimen spectantibus præbeant quomodolibet consilium, auxilium, vel favorem, non obstantibus quibuslibet juramentis, nobis tanquam Regi, vel in Romanum Regem electo, a quibusvis personis præstitis, (6) quæ decernit penitus non tenere, nec fore aliquatenus observanda, cum jurantem non obligent, tanquam ei præstita, cui præstari non deberent, & quæ sine detrimento salutis, & animæ periculo servari nequeant, sicut dicit. Seu si etiam, quod etiam excommunicari, interdicti, vel suspendi non valeant, alicui, vel aliquibus, speciali privilegio sit indultum, quod contra præmissa nulli vult penitus suffragari.

" Protestatur insuper, quod per dilationem prædicti termini *trium mensium* non vult aliquo modo obligari, quin ea pendente ad publicationem poenarum, quas incidimus, procedere valeat, vel alias, sicut sibi visum fuerit, expedire. Et ut processus hujusmodi in nostram noticiam deducatur, eum ostiis & liminaribus Avenion. Ecclesiæ in chartis & membranis conscriptum affixit, ut sic nobis suo sonoro præconio innotescat, ac si personaliter nobis insinuatus & publicatus solenniter extitisset, constitutione qualibet non obstante in contrarium.

Verum Nos circumcincti stola justitiæ, & amicti pallio veritatis, in hac parte

(a) Brandeburgensi

(b) negotium.

parte facti & juris confusii, clare responde-
mus & dicimus ad præmissa, (1) quod
hactenus a tempore, cujus non est me-
moriam, circa electos Romanorum Reges
& Principes, sic est de jure & consuetudine
observatum, & tenent, dicunt, & sen-
tiant, & semper tenuerunt, dixerunt, &
senferunt Principes & meliores ac majores
Imperii, & est maxime in partibus Alema-
niæ adeo notorium apud omnes, ut non
sit, qui dubitet, vel ignoret, quod Ro-
manus Rex eo solum, quod electus est
a Principibus Electoribus, ad quos perti-
net ipsius electio, omnibus vel majori
numero eorundem, & coronatus corona
regia in solitis locis & consuetis; Rex
est, & pro Rege habetur, & Rex nomi-
natur, & eidem ab omnibus pareatur &
intenditur, sicut Regi, & jura regni libe-
re administrat, fidelitates & obedientiam
recipit, feuda confert, & de bonis,
honoribus, & dignitatibus & officiis regi-
ni juxta beneplacitum ordinat & dispo-
nit.

Quare cum notorie constet, (2)
Nos a longe majori numero Electorum,
ad quos jus eligendi Regem pertinet, ri-
te esse electos, & diademate regio coro-
natos in locis debitis & consuetis, &
hoc ipso nomen & titulum præbatur,
& jus administrandi jura regni, & de ip-
sius rebus, honoribus, dignitatibus &
officiis disponendi legitime affectos;
manifeste patet, (3) quod in injuriam no-
stram & gravamen dicit Nos illicite no-
men & titulum usurpasse, & in administra-
torem & dispositionem præfatas indebi-
te ingressisse; cum potius quemadmodum
alii Romani Reges Prædecessores nostri
in hac parte usi sunt, & Nos utamur
licite jure nostro, cum etiam circiter de-
cem annos, nomen, & titulum, admi-
nistrationem & dispositionem hujusmodi
in pacifica possessione continue scripseri-
mus, & gesserimus absque reprobatione
electionis, & personæ nostræ, si tamen
poterant reprobari, & citra impeditio-
nem & contradictionem, si cujus forte po-
terant interesse, sicut est notorie manife-
stum; nimis est injuriosum & juri con-
trarium, quod nunc primum ipse Domi-

nus Apostolicus lege imperpetua, parte in-
audita, negotio indiscusso, & juris ordine præ-
termisso, contra Nos queritur, invehi-
tur, & procedit, intendens, ac si abje-
cto nomine & titulo, & deposita admi-
nistratione prætermissa, Nos ipsos quasi
capite minuamus. Licet sepe missi ad eum
per Nos nuntii, & rescriptis suis literis per
eos, vel in illis nunquam fuerimus repre-
hensi. Et quia ex præmissis per evidentiam
& effectum operis patet, quod sacri
regni regimen gubernamus; propterea
veritate discere, quod dicit Imperium
nunc vacare & ejusdem sibi regimen pertinere.
Ex quo enim Rex sumus, & jura regni
administramus, ut Rex, & in possessione
regendi regnum Romanum sumus, &
fuimus multis annis, non poterit dici va-
care, quod habet Regem regentem &
regendi regnum & imperium potestatem
habentem, solis duntaxat infulis Imperia-
libus coronandum.

(4) Nec concedimus ita simpliciter,
ut proponitur, ad Sedem Apostolicam,
examinationem, admissionem, & appro-
bationem electionis, & personæ nostræ
repulsionem & reprobationem pertinere,
sicut assertit. Sed si, quod non credimus,
pertineret, hoc unum demum sibi locum
vendicare forte posset, si per querelam,
vel per viam supplicationis, appellatio-
nis, vel provocationis, vel alio modo ad
ipsam sedem fuisset devolutum ipsum ne-
gocium vel deductum; quæ locum non
obtinuit in præsentem; vel in forte petitis
per Nos infulis imperialibus, vel deno-
minatione nostra, ex causis legitimis ju-
re scriptis, quas ad Nos locum non cre-
dimus habuisse, personam nostram con-
tignisset exigente iustitia refutari. Deno-
minatio quippe personæ vel electionis ad-
missio habita subsequenter, Nobis non
jus, nomen vel titulum tribuissent, quæ
jam ex ipsa electione sortiti sumus, sed
ea potius detexissent, approbassent, &
latius commendassent. Hæc veritas ra-
tione juvatur, Canonibus & legibus ful-
citur, & Summorum utriusque juris Do-
ctorum sententiis comprobatur, & usu,
& consuetudine longissimi temporis decla-
ratur.

P p 3

Quod

- (2) Vide Literas autographas, & ab Augustano Episcopo vidimatas apud Hermannum Ba-
varie Cancellarium a pag. 19. in Ludovico IV. Imperatore defuncto, & Literas Reipub-
licæ Francofurtensis ad Aquisgranenses eodem anno 1314. scriptas pag. 13. Her-
manni.

Quod vero adjunxit, Nos GALIAZIO de Vicecomitibus, & ejus Fratribus de hæresi condemnatis, & nonnullis aliis Ecclesiæ Romanæ rebellibus, quos tamen non denominat, defensionem exhibuisse, ut asserit, & favorem, penitus nihil scimus. Nam si dicti Galeazius & Fratres sui sunt *de hæresi condemnati*, Nobis non innotuit, nec per ipsum Summum Pontificem, vel alium, qui voluit, aut potuit, Nobis insinuatione debita est detectum. Ipsum ergo tanquam in facto consistens, & in remotis actum rationabiliter poteramus ignorare. Imo quem favorem, aut defensionem eis vel aliis, quos nescimus, vel quos denominat, exhibuimus, & quomodo sint vel fuerint rebelles Ecclesiæ, non videmus; aperte conjicimus (c) & per effectum operis cognoscimus, nonnullos rebelles nomini Ecclesiæ, qui per fidem devotionis suæ molientibus contra statum, & jura Imperii non (d) renituntur.

Scimus, & in nonnullis partibus Italiæ est auditum, quod ad Reverendum Patrem, Dominum Cardinalem, (e) qui in istis partibus legationis officioungebatur, generosos viros, Comites, nuntios destinavimus, facturos ejus auxilio pacem, treugas, & concordias inter partes, quæ sibi invicem guerras, lites, & mala plurima inferebant, frequenti eandem partium querimonia, & pietatis officio excitati. Ipse vero legatus, qui venit mittere non pacem, sed gladium, quod suæ professioni minime congruebat, dictos nuncios, & eorum dicta, & bonas exhortationes & rogamina non attendens,

nimis eos dimisit in nostram & ipsorum ignominiam inhoneste, & bellum fidelibus Mediolanensibus, & obsidionem civitati (f) in virtute valida præparavit, ipsamque in Nostram & ipsius Sacri Imperii injuriam capere nissus fuit, quibus dicti Comites, quantum poterant, præsidium afferebant. In quo non Galeazius & Fratrum suorum, sed nostrum & Sacri Imperii negotium actum fuit, nec ipsis defensio seu favor sunt exhibiti, quos constat remotos a suis Officiis extitisse.

Sed certe quoniam in Nos retorque nititur hæreticorum & rebellium Sanctæ Romanæ Ecclesiæ fautoriam, Nos sibi ipsi objicientes, & contra eum Dei zelo ducti, & Christianæ fidei fervore accensi, ad conservationem fidei & extirpationem zizanix hæreticæ pravitatis dicimus, proponimus, & nos adstringimus & offerimus, coram Reverendis Patribus Dominis Cardinalibus non suspectis, aut in collatione *Sacri Concilii generalis*, vel alias, ubi opportunum fuerit, legitime probaturos, quod ipse dissimulatur, defensor, & fautor hæreticæ (g) pravitatis ejus, quæ totam Sanctam Ecclesiam inficit & conturbat, & a confessione retrahit pœnitentes, & generandis in spiritu viam claudit. Nam cum ad ipsius Summi Pontificis audientiam gravibus, & frequentibus, Archi-Episcoporum, Episcoporum, & nonnullorum inferioris gradus Prælatorum querimoniis sit deductum, & legitime propositum coram eo, *generalem Ministrum*, (h) *custodes Guardianos*, & *Frates Minores Ordinis S. Francisci*,

(c) conjicimus vel convincimus

(d) non redundat.

(e) Bertrandus, Pontificis Joannis XXII. Legatus, & Guelforum Dux, & cruce signatorum contra Ludovicum & Italos, Gebellinos contra Galeazium Vice-Comitem Mediolanensem subditum Regi & Imperio, & Gibellinorum Principum unum anno 1323. obsessum a Bertrando.

(f) Anno 1323.

(g) **Δ** hæresi, & hæresis suspitione omnino liberum fuisse Joannem XXII. ostendunt *Henricus Spondanus & Pagi in Breviario Tomo IV. pag. 101. 102.* maxime, quia 3. Decembris A. 1334. convocatis Cardinalibus & Prælatibus, & Tabellionibus publicis, omnia sua dicta & scripta submittit determinationi Ecclesiæ, & Successorum suorum: & speciatim, circa id, quod animæ purgatæ, a corpore separatæ, videant Deum a facie ad faciem. Post quam declarationem ex profluvio ventris pie & sancte obiit, orans & psallens, Avenione.

(h) Michaellem Cæsenatem generalem Ministrum Minorum, Marsilium Menandrinum Patavinum, Rectorem Academiæ Viennensis, Joannem Jandunum Perusinum, Guillelmum Ockamum Anglos, variarum hæresium vere reos, præsertim 2dum & 3tium a Joanne XXII. anno 1327. X. Kalendas Aprilis damnatos fuisse, ostendit Bulla apud

cisti, quod ipsi sint secreta confessionis proditores, & peteretur ab eo, ut hoc tanquam perniciosissimum in Ecclesia Sancta Dei, unde periclitabantur animæ, aditus ad gratiam obstruatur, & peccatorum remissio negligitur, juxta debitum Pastoralis Officii emendaret; ipse tanquam tergiversando, dissimulando, & zelando morbum hujusmodi pestiferum, & lethalem, mortem animæ perpetuam inferentem, curare salutifero, & debito medicamine, non curavit, dictis fratribus in hac parte S. Romanæ Ecclesiæ & fidei Catholice inimicis, constituens se fauorem.

Ceterum prout certis patet in indicis, & evidentibus convincitur argumentis, ipse contra Divinæ dispositionis ordinationem, per quam in firmamento Ecclesiæ militantis duo magna luminaria Deus fecit, Pontificalem videlicet auctoritatem, & Imperatoriam Majestatem, illud ut præfisset diei, spiritalia disponendo; alterum, ut præfisset nocti, temporalia judicando; manifeste nititur luminis alterius, potestatis scilicet radios secularis suffocare, unde in confusionem & errorem sancta reponitur Ecclesia, causabantur hæreses, ingerentur lites, suscitabantur scandala, & Ecclesia Romana carens Præposito Advocato, resistere non poterit insurgentibus ex adverso.

Nos igitur, qui Divina dispositione constituti sumus *Propagatores, Custos Fidei Catholica, SACROSANCTÆ ROMANÆ ECCLESIAE ADVOCATUS*, & Sacri Imperii Rex & Princeps, volentes Nos potius murum pro Domo Israel, & Fidem, quam deligendo manum apud extraneum pro iis dedimus, & juramentum

corporaliter per Nos præstitum Dei adjutorio inviolabiliter observare, sentiens Nos & Jura Imperii ac nostra, Sanctam Professionem Catholicam, Sanctam Romanam Ecclesiam ex prædictis processibus, nec non monitionibus, præceptis, inhibitionibus, comminationibus, sententiis, absolutionibus, relaxationibus, & singulis in eis contentis graviter & enormiter, superscriptis de causis aggravatos esse, & posse etiam in posterum quam plurimum aggravari; a superscriptis gravaminibus iniquis, indebite & injuste illatis & comminatis, & a processibus *DICTI SUMMI PONTIFICIS* manifeste iniquis & injuriis, ex causis non veris, præjudicialibus & insolitis, juris Ordine non servato, contra Nos factis & confectis, in scriptis Sanctam Sedem Apostolicam nomine nostro, & omnium huic appellationi inhaerentium, & adherere voluntum *APPELLAMUS & APOSTOLOS PETIMUS*, & iterum ac iterum petimus cum instantia Nobis dari, si est, qui ipsas Nobis dare possit. Subjicientes ex nunc, Nos & omnia jura nostra & Imperii in præmissis omnibus & singulis, sub protectione dicte Sedis Apostolicæ speciali, quam appellationem & omnia & singula supra scripta coram eodem Domino Summo Pontifice interposuissetus, & fecissemus, sed sui absentis, & remote distantis artante termino præfixo, copiam habere nequivimus; eam tamen quamprimum commode poterimus, in ejus notitiam deducemus, & coram eo interponemus, proponemus, & dicemus, ac innovabimus ex causis supra expressis, & aliis de novo iterum exprimendis, & publicabimus loco & tempore, sicut fuerint publicanda.

Cum

apud *Brevium & Ryndham ad hunc annum, & Balzium Tom. II. Anecdotorum columnæ 704. Natalis Alexander.*

Quorum præsertim Martini Patavini pestilentissimos et rores contra Hierarchiam contemnens Papa speciatim circa Paupertatem Christi & Apostolorum in usa rerum temporalium ad demonstrandam equitatem Constitutionum: *Ad conditores, & : Cum inter, a se editarum, aliam insuper Bullam, quæ incipit: Quia quorundam.* IV. Idus Novembris A. 1324. edidit, quæ præmissis gravibus responsionibus ad singulas detractorum objectiones, inserta amplia de clavibus scientiæ & potestatis disputatione ab hæresi se purgavit. *Pagi in Breviario Tomo IV. pag. 80.*

Factis autem hic objectionibus de revelatis a Minoribus secretis confessionibus, videtur Ludovicus ex suggestione calumniantium huic suæ appellationi inferuisse. Cum certum sit speciali eorumdem de paupertate Christi dispensationi Imperatorem se immiscere noluisse, necum eorum opinionem adoptasse: Quod non obstat, quia eosdem ad se recurrentes, veluti communes Joannis XXII. inimicos, fovit & tuitus sit. Aliud autem est, eos ad se recurrentes fovere, aliud mercede conducere, aut ad se recurrentes, ad scribendam excitare, quod ultimum negat *Hermartus Bavarie Cancellarius*, ex coævis probari.

Cum vero propter præmissos articulos, quos non est dubium, statum Fidei Catholicæ, Sanctæ Romanæ Ecclesiæ, Sacri Imperii contingere, & omnium interesse, opus sit *CONVOCATIONE CONCILII GENERALIS*, instanter, & cum omni devotione ipsum quamprimum commode poterit, ad locum communem, & aptum *petimus congregari*. In quo ad Dei Omnipotentis honorem, Sanctæ Christianitatis bonum statum, & profectum fidelium, nec non pro reverentia Reverendorum Patrum Dominorum Cardinalium, Patriarcharum, Primatum, Archi-Episcoporum, Episcoporum, & totius Ordinis Ecclesiastici, nec non ejusdem Sacri Concilii solemnitate, dante Domino personaliter intendimus interesse.

Leſta & interpoſita eſt hæc appellatio, Anno, die, loco prænotatis, præſentibus Dominis ac teſtibus ſupra ſcriptis. Et Nos Nicolaus, Dei Gratia, Ratiſponſis Eccleſiæ Episcopopus prædictus, ac Nos Ulricus Præpoſitus Eccleſiæ S. Stephani Babenberg. Gotfridus Plebanus in Amberg, Otto de Werden Canonici Eccleſiæ Piſane, & Magiſter Fridericus Notarius civitatis Nurembergens ſupradicti conſitemur, prædictes proteſtationes, & appellationem, ac

cetera ſupraſcripta coram Nobis in ſcriptis facta eſſe, propoſita, & interpoſita per omnia ſicut præſentibitur, anno, die, & loco ſupra ſcriptis, & ſigilla noſtra in teſtimonium præſentibus appendiſſe. Nos vero Henricus de Lapidæ Præpoſitus Eccleſiæ Sanctæ Mariæ novi Collegii civitatis Eſſenſis, Conradus Plebanus in Stauff, Henricus Plebanus in Pfulendorf, & Henricus Hauſnerius Clericus prædicti, conſitemur Nos omnibus præmiſſis interiſſe, viſiſſe & audiviſſe, & quia ſigilla noſtra nobiſcum ad præſens non habemus, ſub Sigillis prædictorum Dominorum, & tui Herdegmi Notarii publici ſubſcriptione nos teſtes ad præmiſſa omnia & ſingula oſerimus, & ita recognoviſſimus eſſe facta. Anno a Nativitate Domini Milieſimo trecentefimo vigefimo tertio, in diſtione ſexta.

Et ego Herdegmus, quondam Conradi de Babenberg, Clericus Diaceſis Babenbergens, publicus Imperiali auctoritate Notarius prædictis omnibus & ſingulis præſens interſui, & ad omnia rogatus ſcripſi, & in publicam formam redigi, ſignumque meum appoſui conſuetum. Superſcriptionem vero hujus vocabuli ea ſupra XXXVI. linea deſcendendo, & ſuperſcriptionem hujus vocabuli ſicut ſupra in XLL linea deſcendendo appoſentes, quia eas feci, & conſcripſi, duxi approbandas & approbo hic in fine.

Joannes Georgius Hermartus ab Hobenburg, Bavaria Cancellarius, in Ludovico Bavaro Imperatore deſenſo. pag. 248. - 264.

Monitorium Joannes XXII. VIII. Idus Octobris A 1323. Avenione ſcriptum, ad Ludovicum miſit, quod lege ſit apud Odoricum Reynaldum b. a. num. XXX. & apud Hermartum Tomo I. pag. 194.

Utriusque ſummam refert Eximius Natalis Alexander *Historia Eccleſiaſtica Seculi XIV. Tom. VII. pag. 42.*

SYNODUS DIOECESANA BREMENSIS,

SUB BURCHARDO, (a) BREMENSI ARCHIEPISCOPO CELEBRATA
Anno Chriſti MCCCXXVIII. Joannis XXII. Papæ XIII.
Ludovici Bavari Regis XIV.

Dominus Borchardus, (b) Archi-Episcopus Bremensis, in præſentia Decani, & Capituli Bremensis, & etiam in præſentia Prælatorum, Abbatum, Præpoſitorum, Decanorum, & aliorum Clericorum beneficiariorum ſuæ civitatis,

& Diaceſis, Feria IV. poſt Feſtum Trinitatis Anno Domini MCCCXXVIII. in Choro Occidentali Eccleſiæ Bremensis, ſecundum receptum morem, & conſuetudinem, celebravit, & tenuit publice *Synodum generalem.*

Quod

Quod eadem die, scilicet: Feria IV. & in eadem Synodo, Dominus Borchardus Archi-episcopus, de consilio & consensu prædictorum, mandatum seu constitutionem, inter alia, edidit de Residen-

na personali in Beneficiis facienda, infra mentem, a tempore mandati & constitutionis iam dicte, computandum, excommunicationis poena, seu sententia, lata in contrarium facientes.

(a) Borchardus, cognomento *Größe*, Plebeio honesto genere, sed non Plebeia virtute Brenæ natus, omnium Ordinum Cleri, Nobilium, populi voris electus, omnium commendatitiis literis & moderatione summa Borchardi, cuius meliori lubenter cessari, ejus electionem confirmavit, consecrari fecit, & Pallio donatum remisit. Hostes & invidios omnes prudentia & collectis militum copiis subesse coegit. Obiit anno 1344. circa festum Assumptæ Virginis, annis 17. in Pontificatu expletis summa omnium hujus & tranquillitatis id temporis insolita.

(b) Hujus Synodi notitiam habuit *Cl. Schœner b. m. ex actis MS.* cujusdam litris, quæ anno MCCCXXVII. exorta est ob Præcedam vacantem in sede Metropolitana Brementensi: in quibus hujus Synodi indicium est.



CONCILIIUM COLONIENSE

Anno Christi MCCCXXX. Joannis XXII. Papæ XIV.
Ludovici Bavari Regis XVI.

*Statuta Synodalia D. HENRICI, Archi-Episcopi Coloniensis,
edita anno Domini M.CCC.XXX.*

CAPITULA SEU RUBRICÆ:

- | | |
|--|--|
| I. Ut omnes fideles semel in anno proprio Sacerdoti confiteantur sua peccata, & communicent. | VIII. De ter proclamationis, matrimonium contrahere valentibus. |
| II. De deferendis ad Reverendissimum Archi-Episcopum, seu ejus Officium. | IX. Ut ordinati, accipiant ab ordinatore suas formatas. |
| III. De iis, qui relictis Ecclesiis in Italia vel alibi adhaerent seu adherent. | X. De benedictionibus per Abbates, & Abbatissas recipiendis. |
| IV. Memoratos excommunicatos, a Canonici, Monachi, & fratribus incubantibus esse vitandos. | XI. De introitu, seu reconciliatione publicæ penitentium. |
| V. De requeantibus literas debitorum perfolutorum. | XII. Ne quis in Ecclesiis violatis celebret, vel his Missam uno die dicat. |
| VI. De precibus pro pace Ecclesie dicendis. | XIII. Præmissa statuta mandantur publicari. |
| VII. Quod excommunicati non habeantur pro absolutis, nisi ostendant literas absolutionis. | XIV. Ne mendici sub celebratione Divinorum obambulent mendicantes. |

HENRICUS, DEI GRATIA, SANCTÆ COLONIENSIS ECCLESIAE &c. UNIVERSIS ARCHI-DIACONIS, ABBATIBUS, PRIORIBUS, DECANIS, COLLEGIIS, CONVENTIBUS SÆCULARIUM, ac RELIGIOSARUM PERSONARUM, LOCORUM PLEBANIS, PRESBYTERIS ET CLERICIS QUIBUSCUNQUE CIVITATIS ET DIOECESIS COLONIENSIS, SALUTEM IN DOMINO SEMPERNAM.

- I. Ut omnes Fideles semel in anno proprio Sacerdoti confiteantur sua peccata, & communicent.

Canonum, quorum Executores sumus, auctoritate ordinaria precipimus utriusque lexus fidelibus nostræ

Tomus IV. Concil. German.

Dioecesis, ut postquam ad annos discretionis pervenerint, omnia sua peccata saltem semel in anno fideliter confiteantur proprio Sacerdoti, & injunctam præsentiam student adimplere: iuscipientes reverenter ad minus semel in seculo

Qq

Palsch

Paschæ singulis annis Eucharistiæ Sacramentum, nisi de ipsius Confessoris consilio, ab huiusmodi Sacramenti perceptione ex causa rationabili ad tempus duxerit abstinendum.

II. *De deferendis ad Reverendissimum Archiepiscopum, seu ejus Officialem.*

Plebani vero, seu Ecclesiarum Rectores, nomina præmissorum, & horum, qui anno, & amplius in excommunicationis sententia, legitimo impedimento cessante, persistierint, & qui in gradibus consanguinitatis, vel affinitatis, vel alio iusto impedimento interveniente, matrimonia contraxerunt, publice usuram exercentes, & reatu perjurii irreveritos, adulteros manifestos, & Ecclesias suas Parochiales saltem in quatuor anni Festivitatibus, & aliis diebus a jure ad hoc statutus non frequentantes, & in notoriis criminibus, utpote incestu, homicidio, effractionibus, & combustionibus, ac violantibus Ecclesiarum, cœmeteriorum, & immunitatum, & in delictis similibus perseverantes, Nobis, ac nostro Officiali singulis Synodis nostris in scriptis, si non palam, saltem secrete repræsentent: alioqui noverint se super his, per Nos, aut Officialem nostrum, pœna canonica puniendos.

III. *De his, qui rebellibus Ecclesiæ in Italia, vel alibi adhæserunt seu adhærent.*

Item præcipimus, ut tam Clerici, quam laici de Italiæ partibus, aut alias ad nostram civitatem, & Diocesin reversi, qui in armis, vel sine armis, rebellibus Sanctæ Romanæ Ecclesiæ servierunt, & adhæserunt, & ob hoc prolatus a Sede Apostolica in eisdem sententiis inciderunt, alique publice excommunicati ab homine, vel a jure, tamdiu in singulis Ecclesiis & Parochiis, in quibus manent excommunicati, de quorum nominibus constiterit, nominatim, alii in genere, nuncientur diebus Dominicis & Festivis, & tam in Divinis, quam extra, eis Christi fidelium communio denegetur, donec de absolutione sua docuerint literis authenticis, ut tenentur. Quod si præter hoc se Divinis violenter ingesserint, & moniti a Celebrantibus, vel ex parte eorundem, ut exeant Ecclesias, & Divinum Officium non perturbent,

in ipsis Ecclesiis remanere præsumpserint, Divina Officia impediendo, præter priorem sententiam, qua hæc prius existerant, de novo excommunicationis sententiam, a qua tantum per Sedem Apostolicam absolvi possint, ipso jure decernimus incurrisse: volentes presentis mandati auctoritate extunc Judices temporales locorum, in quibus hæc contingunt, moneri, & quos presentibus extunc ut exnunc monemus, ut eosdem excommunicatos, a tali violentia, & Divinorum perturbacione compellant, & extra Ecclesias ipsas eos sic ligatos remanere compellant. Alioqui monitione dierum decem præmissa, eos, quos propter hoc in his scriptis excommunicamus, excommunicatos, ut alios supradictos, præcipimus evitari: & hæc per locorum Plebanos Judicibus ipsis specialiter, dum casus præmissi se offerunt, præcipimus intimari.

IV. *Memoratos excommunicatos a Canonicis, Monachis, & Fratribus mendicantibus esse ostendos.*

Item præcipimus, a Canonicis Collegiarum, Monachis, & Sanctimonialibus Conventualium, & fratribus mendicantibus, cujuscunque ordinis Ecclesiarum, & Monasteriorum nostrorum civitatis & Diocesis, quod ad evasionem excommunicatorum prædictorum, præmissa firmiter observari: cum, ut aliqui eos, qui sic excommunicati existunt, ad Divina officia admittere valeant, nullo possint in contrarium privilegio se tueri.

V. *De retinentibus literas debitorum persolutorum.*

Item decentiores literarum super debitis solutis monemus, ut dictas literas retineant, nec eas occultent: alias contrarium facientes, monitione consimili præmissa, exnunc, ut exnunc excommunicamus in his scriptis, & excommunicatos præcipimus nunciari.

VI. *De precibus pro pace Ecclesiæ dicendis.*

Item, ut tam seculares, quam religiosi, tam mendicantes, quam alii, in Missis nedum principalibus per notas decantandis, sed & privatis Missis, singuli cum devotione dicant hunc Psalmum:

Leta.

Letatus sum, post dictum *Pater noster*, cum cæteris orationibus a Sede Apostolica ordinatis, præsentibus admonemus: præcipientes Prioribus Prædicatorum, Guardianis Minorum, nec non Augustinianis, & Carmelitarum Prioribus Ordinum, ut in suis Conventibus a suis singulis fratribus orationes præmissas in singulis Missis solennibus, & privatis faciant observari: ne, si secus fecerint, eorum & aliorum, qui in his negligentes fuerint, inobedientiam in hoc casu, reneamur Sedi Apostolicæ intimare.

VII. *Quod excommunicati non habeantur pro absolutis, nisi ostendant literas absolutionis.*

Item eos, qui auctoritate Judicium delegatorum vel ordinariorum sunt suspensi, excommunicati, vel interdicti, & per compositiones mutuas cum parte adversa factas, vel literas suspensionis, vel excommunicationis destructas, se absolutos esse præterdunt, mandamus esse vitandos, ut prius; donec per literas eorum, a quibus absolvendi (a) sunt, de absolutione sua fecerint plenam fidem: & idem volumus in quibusvis absolutionibus observari, quod tanquam excommunicati tandiu vitentur, & pro excommunicatis habeantur, quousque de absolutione sua fecerint plenam fidem.

VIII. *De ter proclamandis, Matrimonium contrahere volentibus.*

Item præcipimus Ecclesiarum Plebanis, ut formam statutorum in proclamationibus trinis faciendis diebus tribus Festivis a se distantibus observent, cum matrimonia fuerint conjungenda, & non proclamationes duas una die festiva faciant, ut ab aliquibus fieri est consuetum. Alioqui, cum hujusmodi matrimonia taliter celebrata, sint clandestina, transgressorum culpam taliter puniemus, ut poena unius sit cæteris in exemplum.

IX. *Ut Ordinati, accipiant ab Ordinatore suas formatas.*

Item, ne quis se fingat in aliquo esse ordine, nisi de hoc constet; præcipimus, ut singuli ordinandi, ordinis, ad quem ordinati fuerint, ab Ordinatore

suo literas recipiant, quæ formate nuncupantur vulgariter: alias ad ipsius ordinis executionem ab ignotis nullatenus admittantur.

X. *De Benedictionibus per Abbates & Abbatissas recipiendis.*

Item præcipimus, ut Abbates, & Abbatissæ a Nobis, vel nostras in Pontificalibus vices gerente, exnunc, si qui fuerint, benedictiones non habentes, eas deinceps post eorum creationem intra mensem recipiant: alioqui ab administrationis officio & dignitatibus, ad quas assumpti fuerint, auctoritate præsentis mandati noverint se suspensos.

XI. *De introductione seu reconciliatione publice penitentium.*

Item inhibemus, ne publice penitentes deinceps alibi, quam in nostra Diocesi, debitis temporibus ad hoc institutis, se introduci procurent. Alias a suis Plebanis pro introductis nullatenus habeantur.

XII. *Ne quis in Ecclesiis violatis celebret, vel his Missam uno die dicat.*

Item præcipimus, ne quis in Monasteriis, Cæmeteriis, vel Ecclesiis violatis, ante solennem reconciliationem Divina officia celebret, vel duplex Missæ officium uno die dicat, intuitu oblationum percipiendarum, semel tantum conficiens Dominicum Sacramentum.

XIII. *Præmissa Statuta mandantur publicari.*

Præmissa omnia & singula, quæ etiam aliis temporibus pro parte fuerant ipsis Plebanis lecta & intimata in *Savica Synodo*, qui & eorum tunc copiam recepissent, nec fecerunt adhuc ab ipsis Christianitatem Decanis, sub Officialitatis nostræ Curie sigillo, intra mensem a Data præsentium per copiam, & in Capitulis suis proximis sub sigillo eorundem Decanorum, ac singulis Plebanis per copiam ulterius tradi, & ab ipsis Plebanis recipi volumus, & saltem hæc in quatuor festis principalibus anni in Ecclesiis Parochialibus, dum sub Missa aderit populi multitudo, publicari. Alioqui contrarium facientes, & hæc im-

(a) forte: absoluti.

improvidè, & temerarie negligentes, quos propter hoc exnunc ut exnunc, monitione sex dierum præmissa, in his scriptis ab officio Divinorum suspendimus, haberi, & denunciari volumus pro suspensis, & per Officialem nostrum seu Procuratorem Curie nostræ procedi contra eos via juris.

XIV. *Ne mendici sub celebratione Divinorum obambulent mendicantes.*

Item præcipimus, & universos in Domino exhortamur, ut cum pauperes mendicando frequentius in Ecclesiis hori primæ, dum fideles devotioni orationum suarum insistere deberent, suis clamoribus pro Divinis audiendis congregatos, in orationibus suis impediunt,

ne ob id in ipsis Ecclesiis, sed ante fores earundem, elemosynas, quas largiente Domino ipsis decreverint, eisdem largiantur, ut ex hoc apud Deum duplicis mercedem præmiis consequantur. Et hæc ut observentur, per mendicantes, & Plebanos in eorum sermonibus volumus, & mandamus frequentius populo publicari. In quorum testimonium &c. Pronunciatum, lectum, & datum in hac nostra Synodo Priorum & Cleri nostrarum civitatis & Diocesis copia præsentè, Anno Domini MCCCXXX. in crastino Dominicæ INVOCAVIT, in Bonnenfi Ecclesia celebrata.

Statuta Ecclesiæ Colonienfis, editionis Colonienfis anni 1354.

Statutorum D. HENRICI, Archi-Episcopi Colonienfis, ultimorum Capitula, edita in Autumno ANNO DOMINI M.CCC.XXX.

I. *De excommunicatis & criminosis deferendis ad Dominum Archi-Episcopum, seu ejus Officialem.*

II. *Contra detentores Decimarum.*

III. *Ne quis alienigena instituitur ad Ecclesiam, nisi per Officialem admissus.*

IV. *Ut quilibet Presbyter habeat copiam statutorum.*

HENRICUS, DEI GRATIA, &c. ut supra.

I. *De excommunicatis & criminosis deferendis ad D. Archi-Episcopum seu ejus Officialem.*

Multifarie, multisque modis tam Prædecessores nostri Colonieenses Archi-Episcopi, quam Nos, de tempore in tempus studuerunt, & studuimus, nunc per Canonum Sedis Apostolicæ, nunc per statutorum Ecclesiæ Colonienfis editiones, subditos nostros exhortari, monere, & salubriter informare, ut in se ipsis sciant, qualiter in Domo Dei eos conversari oporteat, & commissæ sibi plebis curam gerere teneantur, cum ad reddendam de his Omnipotenti Deo rationem sint in die judicii obligati. Verum, quia immediate ad Nos spectat eorum negligentiam corrigere, & reformare in hac parte: Nos (ne sanguis eorum de nostris manibus requiratur, tum præcipue, ne quis in peccatis perseveret, sit admonendus, & arguendus, & ad viam penitentiae reducendus) in nostra Sancta

Synodo, videlicet in crastino Dominicæ INVOCAVIT, proxime præterito, celebrata, Ecclesiarum Rectoribus, eorumque vices gerentibus, per nostras certi tenoris literas super hac confectas, tunc in eadem nostra Synodo publicatas, inter alia meminimus mandasse, ut quilibet eorum Nobis vel Officiali nostro utriusque sexus hominum nostræ Diocesis nomina in scriptis, si non palam, saltem secreta, prout eis subessent, referrent, qui excommunicationis sententiam per annum, & amplius sustinuerant animo indurato, in eosdem auctoritate statutorum, Canonum, aut judicum quorumcunque promulgatam, & qui in gradibus consanguinitatis, vel affinitatis, vel aliis in Ordinibus sacris constituti, vel de Ordine aliquo existentes, contra statuta Canonum, facti apostatæ, matrimonia contraxerint, publicam usuram exercent, aut qui sint reatu perjuri, notorie hæretici, vel adulteri manifesti, vel aliis criminibus

bus notoriis, utpote incestu, homicidio, effractionibus, & combustionibus, ac violationibus Ecclesiarum, cœmeteriorum, & immunitatum irretiti, & in delictis similibus perseverantes, & aliorum in mandato nostro super hoc confecto contentorum. Cum itaque præmissis per Nos publicatis, nonnulli Christianitatum Decani ab Officiali nostro, & Ecclesiarum Rectores, & alii ab ipsis Decanis copiam præmissorum, tunc vel postea recipere, & publicare, prout eis sub certa poena in dicto mandato expressa injunximus, neglexerunt: Nos attendentes, quod frustra esset, præcepta Synodalia condere, & publicare, nisi executioni debite demandarentur, omnes & singulos Christianitatum Decanos, Ecclesiarum & Capellarum Rectores præsentibus requiramus & monemus, ut intra mensem a data præsentium, eorum, quos in præmissis defectibus, peccatis seu criminibus, vel aliquibus ex eis, eorum statui, vel vitæ contrariis, per evidentiam facti, vel per famam publicam, aut per confessionem propriam persistere, & perseverare noverint, ita quod eorum hoc casu delicta eos notorie suspectos reddant, nomina in scriptis, si non publice, saltem occulte, Nobis vel Officiali nostro repræsentent, vel transmittant, sub eorum sigillis clausis, cum assignatione causæ, quare ipsi ad correctionem talium non processerunt, vel procedere nequiverunt, ut tenentur, vel saltem his se excusent legitime, pro sua in his conscientia revelanda: ut Nos aut Officialis noster extunc qualitate, & circumstantiis personarum & peccatorum hujusmodi consideratis, reformationem medicinale, prout secundum animarum salutem expedire viderimus, Divino fultu auxilio, circa hoc apponere valeamus, dictique nostri subditi tales notorie delinquentes, in tam notoriis peccatis existentes tamdiu, & præcipue hos, quos sententia suspensionis vel excommunicationis Canonis & statuta jam prolata ligant, in Divinis & aliis vitent, quousque Nostras, aut dicti Officialis nostri reformationis & correctionis litteras receperint, de præmissis, & de receptione copie præmissorum, & executione dicti mandati, & publicatione juxta dicti mandati tenorem debite facta, si-

dem faciant Nobis, aut Officiali nostro prædicto, intra mensem supradictum. Alioqui ipsos omnes contrarium facientes, aut qui in præmissis negligentes fuerint, aut remissi, exnunc, ut extunc in his scriptis ab ingressu Ecclesie suspendimus. Illos vero, qui copiam dicti mandati non receperint, nec executionem ejusdem (saltem in principalibus festivitibus) populo, prout in eodem continetur, fecerint nec publicaverint, iusto impedimento cessante, nec intra dictum terminum de hoc impedimento docuerint, & de hoc litteras nostras aut Officialis nostri receperint, in his scriptis auctoritate prioris mandati & præcepti, suspensionis sententiam incidisse declaramus, suspensionemque volumus & præcipimus exnunc nunciari.

II. *Contra detentores Decimarum.*

Item juxta statutum bonæ memorie ENGELBERTI Archi-Episcopi Coloniensis, mandamus, ut quilibet homines decimas, quæ sunt Tributa egentium animarum, & ad hoc a Domino institutæ, ut sint cibus in Domo Domini, Ecclesiis earumque personis debito tempore, & de bonis, & de rebus, de quibus debentur, persolvant. Alioqui eas subtrahentes, & injuriose detinentes, & (velut in aliquibus locis comperitur fieri) prohibentes, ne qui Ecclesiarum decimas, vel ab ipsa Ecclesia recipiant in pensionem, vel Prælati, aut Ecclesiis de ipsa decimis respondeant, satisficiant, vel ducant, vehant, vel ad hoc servicia per se, vel suos præstent, vel negoturas conducant, cum talia in derogationem libertatis Ecclesiasticæ præsumantur, quos propter hoc in his scriptis excommunicamus, excommunicationis sententiam incidisse declaramus, excommunicatos volumus nunciari.

III. *Ne quis alienigena instituat ad Ecclesiam, nisi per Officialem admissus.*

Item præcipimus, ne aliquis, ad quem de jure vel consuetudine institutio in Ecclesiis Parochialibus pertinet, aliquem annalem in ea instituat, vel hi, ad quos horum correctio & jura Presbyterorum spectant, hujusmodi annales vel alienigenas, nisi per Nos, aut Officiale

nostrum approbato, in Ecclesiis vel Capellis nostræ civitatis & Diocesis admittat, aut etiam celebrare permittant, cum tales (ut frequentius) sub fiducia divagationis suæ (quod, dum pro excessibus suis forent puniendi, non valentes per subtractionem Beneficiorum vel bonorum suorum coardari, ad alia loca se transferant præsumptione temeraria) cæteris audacius in locis ioterdictis more stipendiariorum, Divina prophanare & alia multa illicita perpetrare non formidant in Dei offensam & scandalum plurimorum. Nam huiusmodi aonales & alienigenas, contra hæc se regimini Ecclesiarum & Capellarum ingerentes, nunc, & pro tempore existentes (quos, nisi ab his destiterint, & abstinerint, monitione decem dierum præmissa, io his scriptis excommunicationis sententia innodamus) excommunicatos per Decanatus singulos, in quibus hæc attentaverunt, ab Ecclesiarum Rectoribus præcipimus nunciari. Per hoc autem non intendimus prohibere, quin Ecclesiarum & Capellarum Rectores possint, & debeant recipere & habere Capellanos & socios, qui eis in regimine Ecclesiarum & Capellarum suarum assistant, prout hæcenus est consuetum.

IV. *Ut quilibet Presbyter habeat copiam Statutorum.*

Item, quia (ut supra dicitur) paucurant ea, quæ statuuntur & præcipiuntur observari, ex eo præcipue, quia statutorum, & præceptorum copiam non recipiunt, neque habent: præcipimus, ut iuxta D. SIFRIDI Archi-Episcopi Colonienſis Prædecessoris nostri Statutum, quilibet Presbyter Ecclesiam vel Capellam

officians, vel plebem regens, procuret & efficiat cum effectu, ut statutorum, & præcipue Provincialium nostrorum, & præmissorum copiam habeat de verbo ad verbum, ut eam frequentius legens, sciat ex eisdem, ad quid teneatur. Ipsamque copiam, quoties ad Synodum venerit, io manu sua secum deferat, & in Synodo aperte in manibus teneat. Alioqui contrarium facientes, sciant se ob hoc excommunicationis sententiam iocidisse. Præmissa a dictis Christianis Decanis, sub Officialitatis Curie nostræ sigillo intra mensem a data præsentium per copiam recipi, & in Capitulis suis proximis sub sigillis eorundem Decanatum singulis Plebanis per copiam ulterius tradi, & ab ipsis Plebanis recipi volumus, & saltem in quatuor Festis principalibus anni in Ecclesiis Parochialibus, dum intra mensem adent populi multitudo, publicari. Alioqui contrarium facientes, & hæc improvide & temerarie negligentes, quos propter hoc extunc, ut exnuoc, monitione sex dierum præmissa, in his scriptis ab Officio Divinorum suspensos haberi, & denunciari volumus pro suspensis, & per Officiale nostrum, seu Procuratorem Curie nostræ contra eos procedi via juris. Item quorum testimonium, præseotes litteras sigilli nostri appensione fecimus communiri. Pronunciatum, lectum, & datum in hac Sancta Synodo, Priorum, & Cleri civitatis & Diocesis Colonieos, copia præsentis: Anno Domini Millesimo trecentesimo trigésimo, crastino B. Remigii in Ecclesia Bonnenſi celebrata.

Statuta Colonienſia editionis Quenteliana
A. 1554.

CONCILIIUM HERBIPOLENSE

Anno Christi MCCCXXX. Joannis XXII. Papæ XIV.
Ludovici Bavari Regis XVI.

WOLFRAMUS, (a) DEI GRATIA, HERBIPOLENSIS ECCLESIE EPISCOPUS, UNIVERSIS ET SINGULIS PRÆPOSITIS, DECANIS, ARCHI-DIACONIS, ABBATIBUS, PRIORIBUS &c.

I. *De prava consuetudine.*

Detestanda consuetudo in locis plurimis nostræ Civitatis, & Diocesis,

inolevit, quod uno conjugum ante inthronizationem mortuo, alter superstes cum mortuo, juxta feretrum, in quo pos-

positus est, a nonnullis Sacerdotibus, ac siambo viverent, inthronizatur; cum igitur, juxta Apostolum, mortuo viro, mulier sit a lege viri soluta; talia fieri de cætero prohibemus.

II.

Nonnulli Sacerdotes simplices, Sacramentum Confirmationis in mortis articulo præsumunt fidelibus exhibere, quod ab Apostolorum temporibus tunc solis Pontificibus reservatum, ad excusandas excusationes in peccatis, solam consuetudinem prætendentes; unde omnibus Presbyteris districtius inhibetur, ne talia de cætero sua temeritate attemptent, præsertim cum umbra quedam ostendatur in opere, veritas autem non subeat in effectu.

III. De Raptoribus.

Quia ex Statuto Concilii Provincialis Moguntini edito & promulgato contra spoliatores rerum & personarum Ecclesiasticarum, Ecclesiasticis personis civitatibus, & Diocesis, ac Provinciæ Moguntinæ, (ut credimus) sufficienter provisum non existit; de consilio igitur Prælatorum, & Capituli Ecclesiæ nostræ pro utilitate subditorum nostrorum, scilicet Ecclesiasticarum personarum eidem statuto duximus, auctoritate ordinaria, annexandum; quod non solum in locis civitatis & Diocesis nostræ, ad quæ dictam spoliis deducitur, verum etiam in illis locis, in quibus res Ecclesiasticarum personarum, absque mandato Judicis Ecclesiastici competentis, occupari, arrestari, detineri, aut offerri, seu distrahi, domus etiam eorum, sive quæcumque ædificia demoliri contigerit, in eisdem locis cessetur ab officiis Divinorum, sub pena in eodem Concilio Provinciali expressa.

IV. De Tutoribus & Curatoribus.

Ubi majus periculum vertitur, ibi procul dubio consultius, aut cautius est agendum; cum itaque experientia magistra rerum efficax manifestat, quod tutela pupillorum, nec non curæ adulatorum minorum, sæpe sæpius in non modica, imo gravia patrimoniorum, sive

substantiarum ipsarum minorum, suorum parentum industria, laboribus studiis, ac multis variis casibus sollicitæ ut plurimum conquirentium, dispendia, ac detrimenta (vrgant), perutili juris dispositione circa hoc ullatenus non attenta, per ipsorum minorum Curatores plerumque suspectos, delides, & remissos, absque curiosa (b) literas nostri, aut Vicarii nostri in Spiritualibus pro tempore existentis sigillorum appensione communitas, vobis duxerint ostendendas, non obstantibus literis visionis, videmus communiter nuncupatis, Prælatorum & personarum quarumcunque.

V.

Præcipimus: quod nullus Archidiaconorum extra civitatem Herbipolensem, sine licentia nostra, aliquem habeat Officalem, seu causas aliquas nisi valde modicas decidentem; & quia, ubi majus periculum vertitur, cautius est agendum; sub pena excommunicationis specialiter inhibemus: quod nulla causa matrimonialis, in qua consilium peritorum magis, quam in aliis necessarium habetur, extra dictam civitatem aliquo qualiter decidatur; alioquin etiam taliter judicantes suspensos manere volumus, donec de transgressione hujusmodi Nobis emendam secerint sufficientem.

VI.

Licet Archiepiscopus in subditos Suffraganeorum suorum, exceptis quibusdam casibus in jure expressis, nullam prorsus habeat potestatem; nonnulli tamen vestrum, per simplicem juris ignorantiam, consuetudinem onerosam, in nostræ jurisdictionis & honoris non modicam derogationem, & omnium vestrum quoque præjudicium, inducere minus provide præsumentes, ipsius Domini Archiepiscopi, & judicum suorum delegationem, passim suscipiunt, præcepta exequuntur, & in causis per appellationem ad eos devolutis, testimonium ferunt, contra Prædecessorum nostrorum statuta super eo in Synodi, quas celebraverunt, promulgata. Ne igitur ex hujusmodi consuetudine subreptis quisquam de jurisdictione nostra in posterum sibi contra statuta Canonum quic-

(a) Wolframms a Grumbach, Episcopus XIIX. Herbipolensis, sub Ludovici Bavarl motibus rebelles cives expertus: Sedit ab A. 1322. ad 1333. quo obit. *Disceplum Germania Sacra Parte I.*

(b) Hinc hic est in MS.

quicumque vendicat vel usurpet, vobis universis, & singulariter singulis mandamus in virtute sanctæ obediencie, & sub pena excommunicationis late sententie, querentis deinceps nullus vestrum Domini Archiepiscopi Moguntini, seu iudicum suorum prædictorum mandata, seu præcepta aliquatenus exequatur, seu mandatis & præceptis eorum obediat vel intendat, exceptis dumtaxat casibus infra scriptis.

Casus autem, in quibus Archiepiscopus jurisdictionem in subditos Suffraganeorum suorum habet, sunt hi:

1. Cum deviat in Divinis Officiis a consuetudine Metropolitanæ Ecclesiæ, nisi contraria consuetudo, & rationabilis obviet ex adverso.

2. Si subditus delinquit in ejus Dicecesi, aut habet domicilium in ea.

3. Si causa deferatur ad eum per appellationem; aut cum absolutus ab Archiepiscopo, non vult parere Episcopo, videlicet: postquam subditus de injusta excommunicatione de Episcopo suo conquerens, fuit ab Archiepiscopo Canonice absolutus, Episcopo super eo, de quo fuit excommunicatus, satisfacere contempserit, tunc Archiepiscopus potest ipsum subditum Episcopi in pristinas excommunicationis sententias reintrodere.

4. Si causa triennis est inter Episcopum, & Clericum suum, tunc causa illa debet deduci in Synodo, in qua præest Archiepiscopus.

5. Si Clericus habet civilem causam contra Archiepiscopum suum.

6. Quando Canonici, alique manifesta & rationabili causa cessaverunt a Divinis, maxime in contemptum Episcopi, tunc Metropolitanus ad querelam ipsius, tanquam a Sede Apostolica super hoc delegatus, cognita veritate, ipsos poterit castigare.

7. Quando Episcopus est negligens in eo, quod ipse facere deberet, hoc est videlicet: quando Metropolitanus constituit Oeconomos, quos Episcopus neglexit habere in sua Ecclesia; Oeconomi autem dicitur, cui res gubernandæ mandantur.

8. Si aliquis conqueratur Superiori de injusta sententia excommunicationis,

& appellatur post excommunicationem, præbita cautione de stando mandatis Ecclesiæ, est in optione Superioris, an velit absolvere eum, an remittere eum ad absolvendum ad eum, a quo appellavit, præmissa tamen cognitione, quod ex iusta causa appellatum & ex vera, alioquin non transferatur jurisdictio ad Archiepiscopum, nec ipsum absolvere possit; si vero non appellavit, sed per simplicem querelam ipsum adivit, debet eum remittere ad inferiorem, ut ipsum absolvat: & si inferior ipsum absolvere nolit, Archiepiscopus eum absolvat, & si periculum esset in mora propter huiusmodi remissionem, statim eum absolvat. Si quis proponat post appellationem legitime interpositam se excommunicatione fuisse innodatum, vel in forma excommunicationis intolerabilem errorem fuisse patenter expressum; in causis istis primo admittitur probatio, ut appareat, an absolvi debeat, an denunciari non ligatus? si autem in istis casibus absoluto impendi petitur ad cautelam, necesse habet appellans probare primus appellatum intra decendum, quamvis adhuc de veritate causæ non constet.

9. Qui conqueritur coram Superiore excommunicatus, se irrationabiliter excommunicationi vel interdicto suppositum, & offert se ad iustitiam de his, pro quibus sententiam ipsam accepit; Superior periculo imminente, ne in excommunicatione decedat, poterit absolvere, non obitante appellatione illius, qui ipsum excommunicavit.

VII. De Pœnitentia.

Sunt nonnulli Sacerdotes, tanta simplicitate seducti, quod in casibus pœnitentes ad introducendum dumtaxat in Cœna Domini ad Nos transmittant, credentes: quod ad absolutionem illorum casuum sola introductio, sine confessione Nobis, seu Pœnitentiariis nostris faciendâ, sufficiat tunc eisdem; quorum quidem talium Sacerdotum simplicitatem, quod ad hoc, valde reprehensibilem iudicamus, statucimus & mandantes vobis universis & singulis, ut taliter pœnitentibus, in confessionibus vobis fiendis, specialiter injungatis: ut tales casus, antequam introducantur, No-

Nobis, seu Penitentiariis nostris derogant confitendo, ut absolutionis Beneficium consequantur.

Datum *Herbipoli* in Synodo. Anno MCCCXXX. mense Martio.

Ex Schedis P. Joannis Gamoni Soc. Jesu. Juliacensis ex Neuenaur. mortui 1684: Aschaffenburgi descriptis Cl. Schwanst b.m.

PADERBORNÆ SYNODUS

Anno Christi MCCCXXXI. Joannis XXII. Papæ XV.

Ludovici IV. Regis XVIII.

NOS BERNARDUS, (a) Dei Gratia, Episcopus, Wernherus Præpositus, Goticus Decanus, Fredericus Scholasticus, Conradus Cantor, Raynherus Cellerarius, & totum Capitulum ac singuli Canonici de Capitulo Paderborn. statum, qualitatem & conditionem Ecclesiæ nostræ ad animum, & memoriam reducentes inter alia negotia Nobis incumbencia, quæ Nos movent, & vehementer exagitant, videmus, quod ex variis causis, quæ sigillatim, & specialiter exprimi, seu designari nequeunt, multipliciter fatigamur, & quod præter alia incommoda Nobis advenientia multis personis partim minus idoneis, & inutilibus diversimode prægravamur, nam plerique, sicut eis placet, impetrant, procurant, & laborant, se fieri Canonicos, & se recipi in Ecclesia nostra & per mendosâ suffragia, quod sint viles, inutiles, & aliquando inhabiles; in auribus Superiorum nostrorum se dignos, nobiles, potentes, & literat s. merentur, ut sint saltem sub aliqua specie laudis, & sub colore tituli conficti, præter aliqua juris amminicula, in nostris Præbendis & Beneficiis, quod absque præjudicio nostro, & absque gravi dispendio Ecclesiæ nostræ fieri nequit. Excedunt etiam aliqui eorum in processibus fines juris, & metas rationis in tantum, quod si hæc & his similia ad Summi Pontificis cum veritatis notitia deferrentur, multos ex eis porius dignos supplicii quam Beneficiis judicaret. Ut igitur

talibus malignis conatibus, prout Nobis est possibile, & in quantum decet, occurrere ratione prævia valeamus, matura super hoc deliberatione inter Nos sæpe, ac diu præhabita decrevimus, & in hoc pariter, & communiter conveniendo concordavimus, quod si aliqui cujuscunque dignitatis, conditionis aut status existant, qui apud Nos beneficiari desiderant, & scientia, moribus, ætate, natalibus, vel alias ex qualibet justa causa minus idonei reperiuntur, aut si per falsos, indebitos, inordinatos, iniquos, seu abruptos processus, vel per executiones, seu per alia gravamina juris & rationis fundamento carentia, Nos Episcopum, Prælatos de Capitulo, & Capitulum Ecclesiæ Paderborn. prædictos pariter, & divisim molestare seu impetere super præbendis seu Beneficiis nostris eis conferendis qualibet occasione præsumpserint, talibus præsumptoribus communi voto, communibus expensis, communi defensionis præsidio, per debita, licita, & honesta juris & justitiæ remedia occurreremus. Per hoc etiam præsens factum non intendimus ab obedientia Sedis Apostolicæ recedere, vel quidquam aliud attentare, in cujus rei evidentiam sigilla nostra præsentis literæ de voluntate & consensu omnium nostrum publicè sunt appensa. Actum, & Datum IV. Calend. mensis Junii Anno Domini Millesimo trecentesimo tricesimo primo.

Sebastenus Annal. Paderbornens. L. XIII.

AD

- (a) Bernwardus, Episcopus XXVIII. hoc nomine, V. Comes Lippienfis, postquam pæe anniversarius Synodos, & Diocesis iustrationem, Ecclesiæ disciplinam formidisset, ne quid in primario etiam Clero desideraretur, in Concilium vocat Præfules & Canonicos majoris Ecclesiæ, eorumque simul judicio, & voluntate certa utilisque decreta VI. Calend. Julii præscripsit, qui libro Statutorum continentur, in quo hocce per quam laudabile: *De coercendis a Collegio majoris Ecclesiæ, quotquot indigni, aut minus idonei conferantur.*

Tomus IV. Concil. German.

R r

AD ANNUM CHRISTI MCCCXLIII. CLEMENTIS VI. PAPÆ II.
LUDOVICI BAVARI REGIS XXX.

Utrumne BALDUINUS Episcopus noſter, Fratrſ Dynaſtæ Steinfel-
denſis bello ſe miſcuerit, incertum
eſt; id certo conſtat, eum hoc anno *V.*
Idus Septembris, convocato Primarii Cleri ſui
Conſilio, decretum Bernardi V. Epſcopi,
& Capituli innovaſſe, de indignis inpo-

ſterum in Collegium Canonicorum non
admittendis. Id uti jam a Nobis rela-
tum eſt ad annum MCCCXXXI. Ita eo-
dem prope verborum tenore repetitum
ſancit.

*Sebatenus Annal. Paderbornenſ. ad an-
num 1343.*

ANNO CHRISTI MCCCXLIII. CLEMENTIS VI. PAPÆ II.
LUDOVICI BAVARI REGIS XXX.

Statutum Paderbornenſe de Feſto Immaculatæ Conceptionis B. M. V.

NEc minus laudabile Balduini, Ep-
ſcopi Paderani, decretum, ex co-
ſuetudine Praſulum & Canonicorum ſuorum Conſi-
lio, quo feſtum Conceptionis B. Virginis
diem ſolemni ritu per Dioceſin Pader-
bornenſem celebrandam ſancit. Quippe
Eximius inter Epſcopos B. V. cultus ob-

ſervatus. Balduini & Canonicorum no-
ſtrorum exemplo, Ludovicus Monaſte-
rienſis Epſcopus ſeptennio poſt, Feſtum
Virginis ſine originis labe conceptæ diem
per ſuam Dioceſin celebrem præſcripſit.

*Sebatenus Annal. Paderbornenſ. L. XIII.
pag. 303. ad hunc annum.*

CONCILIIUM WRATISLAVIENSE

SUB NANKERO EPISCOPO,

Anno Chriſti MCCCXXXI. Joannis XXII. Papæ XVI.
Ludovici Bavarſ reg. XVI.

IN NOMINE DOMINI AMEN.

NANKERUS, DIVINA ET APOSTOLICÆ SEDIS PROVIDENTIA,
EPISCOPUS WRATISLAVIENSIS, AD PERPETUAM REI MEMORIAM.

Lavaritiæ cecitas & damnanda cu-
piditatis improbitas, ita quo-
rundam animos occuparunt, ut abſti-
nere neſciant a veris, nec debito modo
gaudere conſeſſo. Nonnulli ſiquidem
Sacerdotes & Eccleſiarum Rectores Vra-
tiſlaviensis Dioceſis, temeritate pro-
pria dereliſtis ſuis Eccleſiis, in quibus
reſidere deberent, & curam rerum ge-
rere per ſe ipſos; temporalis lucri gra-
tia, in aliis Eccleſiis Vicarios ſe conſti-
tunt & Miniſtros, ut, cum vix unum
officium adimplere ſufficiant, ſtipendia
ſibi vendicent plurimorum. Sunt &
alii quam plures Clerici, qui etſi pro-
pria Beneficia Eccleſiaſtica non habeant,
quodam tamen negociationis genere vi-
ces & Eccleſias aliorum ſub annuo cen-
ſu contra Canonica ſtatuta recipiunt.

Sic quod una perſona taliter duas Eccle-
ſias, & duæ vel tres perſonæ reperiantur
interdum unam Eccleſiam conduxiſſe.
Quapropter animarum periculis & ſcan-
dalis gravibus, quæ frequenter ex his
tam nefandis abuſibus proveniunt, op-
portunis remedia obviare volentes, non
tam nova cudendo, quam vetera recen-
ſendo; de Fratrum noſtrorum conſilio,
ut damnabilis divagandi, & negociatio-
nis materia Clericis ſubtrahatur, diſtri-
ctius prohibemus:

II. Ne de cætero aliquis maxime
Parochialis Eccleſiæ Rector, ſe a Bene-
ficio ſuo abſentare, & alienare præſu-
mat; niſi forte Eccleſiæ noſtræ Canoni-
cus Parochialem Eccleſiam habeat,
quem præſertim apud majorem Eccleſi-
am reſidentem in hac parte congruit ex-
cuſari.

III. Illis

III. Illis autem, qui se a suis Ecclesiis absque nostra licentia abfentarunt, in virtute sanctæ obedientiæ præcipimus, ut infra sex menses a publicatione præsentium computandos, ad ipsas suas Ecclesias, ut eisdem debita præstent obsequia, revertantur: alioquin infra annum extunc inchoandum eosdem absentes a perceptione proventuum Ecclesiasticorum seu Beneficiorum ipsorum, eo ipso volumus penitus fore suspensos: ad quos si infra illud tempus propria temeritate, vel alio quæsito colore se ingesserint, illi similiter cum Ecclesiis ipso jure perpetuo sint privati.

IV. Sane cum juxta Canonicas sanctiones una Ecclesia *unius* esse debeat Sacerdotis, præsentem etiam prohibemus edito, ne de cætero Sacerdos aliquis duas vel plures in nostra Diocesi Ecclesias possideat, neque duo vel plures Sacerdotes unam Ecclesiam (alicujus etiam a nobis abessendi licentiam obtinentis) conductionis titulo sibi quærant, vel quæritas obtinere præsumant. Alioquin quicumque contrarium in hac parte reperti fuerint attentare, pecunias, quas pro Ecclesiis hujusmodi Conductores Ecclesiarum ipsarum locatoribus dederint, aut dare præsumperint, prorsus amittant: illas autem extunc dandas ad nostræ fabricæ Ecclesiæ deputamus.

V. Mandantes, ut Archi-Diaconi nostri, in quorum Archi-Diaconatibus Sacerdotes in his reperti fuerint excessisse, pecunias hujusmodi exigant & recipiant, ac easdem Procuratoribus Uratislaviens. nostri Capituli representent, in usus dictæ fabricæ fideliter convertendos.

VI. Ad hæc quia plerique Ecclesiarum Rectores, Vicarii, ac alii Clerici nostræ Uratislaviens. civitatis & Diocesis, propriæ salutis immemores, & maxime fidelitatis & obedientiæ juramenti, quod in sacrorum receptione Ordinum præstiterunt, oblii, Majoribus & Prælati suis, ac aliis, quorum jurisdictioni & Imperio sunt subiecti, reverentiam & obedientiam debitam, quam tenentur,

exhibere contemnunt: in eo maxime, quod cum eisdem Rectoribus, Vicariis, & aliis Clericis, aut aliquibus eorum per Nostras, vel per nostri Uratislaviens. Capituli literas; aut aliorum, qui jurisdictionem habere noscuntur, aliquid præcipitur exequendum, hoc nonnulli vel omnino respuunt exequi, vel tam negligenter ac repide exequuntur, quod exinde nullus, vel modicus fructus, aut utilitas subsequatur: sed & alii pro quadam solum apparentia sigillis eorum lignant quidem literas a iudicibus sibi missas, sed in executione mandatorum, seu injunctorum amplius non procedunt, umbram quandam ostendentes in opere, cum veritas non subeat in effectum. Ex qua re multipliciter, quod cum dolore referimus, Ecclesiarum & Cleri, tam Religiosorum, quam secularium jura depereunt, perverforum crescit audacia & judicialis auctoritas cum iustitia evanescit.

VII. Volentes igitur negligentiam & rebellionem illorum, quos ad bonum obedientiæ virtutum præmia non inducunt, tam adjectarum exaggeratione pœnarum, quam adjiciendarum de novo, formidine coercere; De Fratrum nostrorum consilio statuimus: ut quicumque civitatis vel Diocesis Uratislaviens. Clericus in Superioris seu Judicis mandato sibi ad exequendum missus, negligens fuerit & remissus, trium marcarum usualis pecunie pœnam incurrat, solvendarum illi iudici, cujus mandatum quis repertus fuerit contempsisse. Et ad interesse illi nihilominus teneantur, ad cujus instantiam mandatum hujusmodi emanasse constabit.

Volumus autem, ut quoties in executione mandatorum iudicis alicujus contumax quis fuerit & rebellis, toties dictam pœnam nequaquam relaxandam incurrat, gravius nihilominus puniendus, prout protervitas exegerit contumacis.

Lamig Continuatione II. Spicilegii Ecclesiastici pag. 1178.



CONCILIIUM WRATISLAVIENSE

EODEM ANNO.

IN NOMINE DOMINI AMEN.

NANKERUS, DEI GRATIA, EPISCOPUS WRATISLAVIENSIS,
AD PERPETUAM REI MEMORIAM.

I. Horrendorum excessuum execrabilis, & multa præsumptio modernis temporibus impunitatis licentia (peccatis exigentibus) sic excrevit, quod nec Ordini Clericali parcitur, nec Divinæ Majestati deferitur. Ecce enim pro ut frequens dolorosa multorum Nobis insinuatio demonstravit, dum interdum de Clero nostro aliqui Sacerdotes vel Clerici seculares, sive etiam Religiosi, per Nos vel per nostrum Wratislaviensæ Capitulum, seu Officiale nostrum, aut alios, qui jurisdictionem habere noscuntur, pro exequendis mandatis in negotiis Ecclesiasticis ad aliqua certa Diocesis nostræ loca mittuntur; civitatum aut locorum hujusmodi consules; ac alterius secularis gerentes officium potestatis, tamquam honoris, & Ecclesiasticæ dignitatis invidi, libertatem & immunitatem ac alia jura Ecclesiastica suffocare, aut perimere moliantur, Clericos sive Sacerdotes in executione sic missos, injectis in ipsos sic manibus, sacros capiunt, & ablati ipsis literis, quas portant, gravibus ipsos injuriis afficiunt, & ne injuncta sibi mandata præsumant exequi, diras minas & terrores ac perditionem rerum, & corporis cruciatum eis incutere non verentur. Nos igitur tam nefandis ausibus, de Fratrum nostrorum consensu, remediis, quibus possumus, occurrere cupientes, mandamus in virtute sanctæ obedienciæ, firmiter injungentes, ut in quacunque civitate, villa vel castro, vel alio loco nostræ Diocesis, aliquis Clericus vel Sacerdos in executione mandati Ecclesiastici Judicis captus, vel vulneratus, interfectus, aut aliter enormiter molestatus fuerit, juxta tenorem Constitutionis bonæ memoriæ THOMÆ SECUNDI Prædecessoris nostri; non solum in civitate, vel in loco, ubi malum hujusmodi, seu molestiam ipsam Clerico illatam confiterit: sed in tota sede Archi-Presbyterali loci illius, teneatur Ecclesiasticum interdictum, postquam de injuria & mo-

lestia dicto executori illata, Reçtori Ecclesiæ seu loci illius Archi-Presbytero fuerit incitatum, & Patratore præsumptionis ejusdem, in omnibus Ecclesiis sedis ejusdem, per Ecclesiarum Rectores excommunicati ipso facto damno publico nuntientur singulis diebus Dominicis & Festivis, tandiu, donec injuriam passio & Ecclesiæ per eosdem sufficienter fuerit satisfactum.

II. Adjicimus insuper: si Clericus seu Sacerdos in executione prædicta captus & vulneratus, aut aliter læsus graviter, vel quod absit, occisus fuerit; statuimus, nisi læso & Ecclesiæ, infra mensem extunc proxime subsequenter de offensa hujusmodi sufficienter & plene fuerit satisfactum, si quos dicti malefici patratore filios habuerint, vel nepotes, his & omnibus ex sexu virili descendentibus, ab eisdem usque ad tertiam generationem, Clericis Ordinis & Officii & Beneficii Ecclesiastici simulque dignitatis in tota nostra Diocesi janua sit preclusa.

*Contra Violatores dierum Dominica
& Fistor.*

III. NANKERUS &c. Licet Sacrosanctæ Romanæ Ecclesiæ Matris, omnium Fidelium & Magistræ, Sanctorumque Patrum providentia circumspècta, quæ actibus intentis salubribus & operibus exposita pietatis, libenter & solerter exequitur, quæ sunt Dei, sollicita & digna consideratione ad Divini muneris honorem, exaltationem Catholicæ fidei, & salutem fidelium, ac quietem, diebus Dominicis & aliis præcipuis Festivitatibus, ab omni opere illicito, & servili statuerit abstinendum, & in illis cum veneratione debita Divinis obsequiis insistendum: Nonnulli tamen nostræ Diocesis salutis suæ immemores, quod dolentes scribimus, tam salubre statutum hujusmodi seu præceptum, præsumptione diabolica transgredi non verentes

rentea, celebritatem in ipsis diebus Dominicis & quibusdam Festivitatibus aliis violare damnabiliter, simul in unum divites & pauperes non formidant; neglectis enim Divinis obsequiis, pro faciendo mercimonio alii forum visitant, lucris solum temporalibus inhiantes, sed & alii cæteris variis & diversis operibus illicite tunc incumbunt, quibus peccatis exigentibus non immerito Divine magnificentia Majestatis offenditur, & ad flagella incundie, si sane perpenditur, provocata, mundum, in præsentiarum plagis variis afficit & castigat. Volentes itaque de Fratrum nostrorum consilio malis hujusmodi (ne ea per patientiam approbare videamur) opportunis, quibus possumus, remediis obviare; Mandamus vobis Eccles. Rectoribus tam Religiosis quam secularibus, omnibus & singulis in virtute sanctæ obedientiæ firmiter injungentes, quatenus deinceps in vestris Ecclesiis, singulis diebus Dominicis & Festivis, ex parte nostra in virtute sanctæ obedientiæ & sub pœna excommunicationis, vestris Parochianis districtius injungatis, ut omnes dies Dominicos, cæterosque dies Festos Majestati altissime deputatos; nec non & Festivitates alias, ob Sanctorum reverentiam institutas, quæ in nostra Diœcesi *ex antiquo* sunt celebres observata, de vespere in vespere cum omni veneratione celebrent & observent: sic quod in illis & maxime diebus Dominicis aliisque præcipuis Festivitatibus mercatum non faciant, nec aliud quodvis opus illicitum operentur. Universitati autem vestræ committimus & mandamus, quatenus quilibet vestrum in sua Parochia rebellionem illorum, qui Divini timoris, & suæ salutis immemores in aliqua dierum vel Festivitatum hujusmodi de cætero celebritatem præsumpserint violare, monitione præmissa, per excommunicationis sententiam teneantur compescere, & punire, Nobisque eos, qui incorrigibiles fuerint, nunciare. Archidiaconis vero nostris Uratislavien. per suos Archipresbyteros & aliis injungimus firmiter, & mandamus, quatenus quilibet ipsorum per Archidiaconatum suum in singulis sedibus Archipresbyteratus per suos Archipresbyteros hoc nostrum mandatum præsentibus literis his contentum, faciant in Ecclesiis publicari; ne aliquis per ignorantiam se valeat excusare.

Contra celebrantes Divina publice sumente interdicta.

IV. Præterea sunt nonnulli, ut accipimus tam Religiosi, quam seculares Clerici, fame suæque prodigi salutis, tempore *interdicti* non clausis Ecclesiarum januis sed apertis, ac personis in Ecclesiis ipsis frequenter consistentibus, in Sacristia vel in Choro, licet pro tempore brevi clauso, Missas, & alia Divina Officia voce omnino non submissa celebrare præsumunt, nec tamen per hoc *interdictum* se reputant violasse; licet autem per constitutionem Domini BONIFACII PAPÆ OCTAVI, tempore interdicti, Religiosi & seculares Clerici in Monasteriis & Ecclesiis suis, quolibet die possint Missas, & alia Divina Officia celebrare: hoc tamen non licet eis, nisi januis Monasteriorum & Ecclesiarum clausis ac excommunicatis & interdictis exclusis, quibus etiam extra Ecclesiam stantibus, per cancellos & fenestras non licet respicere Corpus Christi, vel quicquam aliud, quod agitur in Altari, vel legentium etiam voces audire. Universitatem ergo vestram hortamur in Domino, & nihilominus in virtute sanctæ obedientiæ districtè mandamus omnibus, ut in hoc vestræ salutis pariter & honori cautius præcavere curetis, ne incaute per violationem interdicti, vestrum aliquis irregularitatis laqueo se involvat, a quo nequaquam poterit alio modo, quam per Sedem Apostolicam liberari.

V. Sane quoniam peccatis exigentibus undique mala plurima nos perturbant, credimus non immerito ad omnipotentem Deum nostrum humilibus & devotis precibus recurrendum, ut, qui culpis offenditur, pœnitentia & precum humili supplicatione placetur. Igitur de Fratrum nostrorum consilio statuimus & mandamus, quatenus in nostra Ecclesia Cathedrali, nec non in omnibus & singulis Parochialibus Ecclesiis civitatis & Diœcesis Uratislavien. juxta de vespere circa crepusculum, omni die de cætero tribus vicibus ad unam partem brevibus intervallis campana pulsetur, ut omnes & singuli Christi fideles ad campanæ sonitum, flexis genibus gratiam matris gratiæ invocantes, & AVE MARIA dicentes, pro bono statu Ecclesiæ & pace terrarum

R. r. 3

nostra

nostrarum deprecatur. Omnibus enim quicumque devote sic pro pace & bono statu Ecclesiarum & terrarum, Dominum Jesum Christum, & gloriosam Matrem ejus tunc exoraverint, de Omnipotentis Dei consili clementia, *quadraginta dierum indulgentiam* impartitur. Quod salutare statutum precipimus ab omnibus & singulis Ecclesiarum Rectoribus &

Prelatis, coram suis plebibus tribus saltem diebus Dominicis solenniter publicari.

Ista sunt, que constituit Dominus Nankerus Episcopus Uratislaviensis sub Anno Domini Millesimo trecentesimo trigesimo primo.

Lunig Continuatio II. Spicilegii Ecclesiastici pag. 1179.

CONCILIIUM TREVERENSE

Anno Christi MCCCXXXVIII. Benedicti XII. PP. IV.

Ludovici Regis xxiv. Imp. ix.

BALDWINUS, (a) DEI GRATIA, ARCHIEPISCOPUS TREVIRENSIS &c. UNIVERSIS PRELATIS, PREPOSITIS, ARCHI-DIACONIS, DECANIS, NEC NON CLERICIS, ALIISQUE BENEFICIATIS, ET IN SACRIS ORDINIBUS CONSTITUTIS, SUARUM CIVITATIS, ET DIOCESES TREVIRENSIS, QUIBUSCUMQUE IN CHRISTO SIBI DILECTIS, SALUTEM ET SINCERAM IN DOMINO KARITATEM.

Licet curis Nobis undique affluentibus, sollicitemur innumeris, ad illa tamen inulium nostrae considerationis dirigimus intentus, per que actus & mores Clericorum, quorum vita & conversatio aliorum sunt norma & exemplum, in melius reformatur. Sane, jam dudum pro reformatione actuum, & morum Clericorum nostrarum civitatis & Dioecesis Trevirensis, ac honesta conversatione eorumdem, que interioris mentis est indicium, nonnulla *Statuta* salubria, & sacris Canonibus fulcita, duximus publice promulganda, statuendo videlicet: quod Clerici quicumque nostrarum civitatis, & Dioecesis Trevirensis decenter incederent in habitu, calceis, caligis, corona, & tonsura Clericali, quodque nullus Canonicus, aut Beneficiatus, vel etiam quicumque Clericus in sacris Ordinibus existens, vestimentis, vel caputis uteretur, quibus manicæ vel fimbriæ, aut aliæ extremitates, seu scissuræ vestimentorum vel caputiorum cum eisdem vestimentis seu caputiis in colore notabiliter discordarent, & specialiter, ne capucia eorum auro, vel argento, vel aliis quibuscumque appositionibus, a panno diversis, componerentur, seu scinderentur, & ne etiam Wardecociis

eum longis manicis, maxime ultra brachium protendentibus uterentur, & quod Wardecocia, seu tunica superioris, breves aut strictas nimium non haberent, sed quod Wardecociis & tunicis superioribus saltem ultra medietatem Suræ, seu musculi cruris protendentibus uterentur; quodque insuper cincti super vestem superiorem non incederent, nisi dum se ad iter prepararent, vel essent in itinere constituti, & quod capillos disjunctos in medio frontis, aut longos nimis non deferrent, & quod tunicis superioribus nodos a panno tunicarum in colore discrepantes non deferrent, maxime ante pectus & locis aliis, Clericis inconformis; Statuimus etiam, & ordinavimus nonnulla alia statum, salutem, & honestatem dictorum Clericorum respicientia, prout in eisdem statutis per Nos editis & solemniter publicatis videri poterunt hujusmodi plenius contineri.

Verum: nonnulli ex prædictis Canonicis, & Clericis prædicta nostra statuta, quamvis ipsis salubria, (b) Ecclesie, ad quam secundo præsentatus fuit, pacifice fuerit adeptus, primam Ecclesiam dimittat realiter & resignet; quod si per quemcumque Archi-Diaconum nostrarum

(a) Baldwinus, Comes Luxemburgensis, postulatus Treverensis Ecclesie Archi-Episcopus anno 1307. defunctus A. 1354. 3. Jan. Frater Henrici VII. Romanorum Regis.

(b) *Hæc hic est in MS.*

rum civitatis, & Diœcesis Trevirensis, seu aliquem alium, ad quem jus investiendi pertinet, tactum fuerit, id ex tunc decernimus irritum & inane, & nihilominus contra ipsos hoc præfens nostrum statutum non servantes per poenas Canonicas procedemus.

Per præmissa autem, quæ ad præfacti Cleri correctionem, & emendationem excessum, qui inter ipsos communis irreperant, specialiter statuenda providimus, veniendi contra salutaria Sacrorum Canonum, vel etiam nostri Concilii Trevirensis instituta, habenas sibi non intelligant esse laxatas, imo eadem statuta, prout salubriter instituta noscuntur, universum Clerum, Nobis subjectum, volumus cum omni obedientia & reverentia firmiter observari.

Datum *Trevis*, Anno Domini MCCCXXVIII. die VIII. mensis Aprilis, & publicatum in vigilia Pasche.

II.

BALDEWINUS, DEI GRATIA, ARCHIEPISCOPUS TREVIRENSIS &c. UNIVERSIS ABBATIBUS, PRIORIBUS, ac ALIIS PERSONIS MONASTERIORUM ORDINIS, seu RELIGIONIS S. BENEDICTI, per SUAS CIVITATEM, ET DIOECESIM TREVIRENSEM CONSISTENTIUM, IN CHRISTO SINI DILECTI, SALUTEM ET SINCERAM IN DOMINO CARITATEM.

Inter cæteras sollicitudines, nostris humeris incumbentes, illud pontifimum insidet cordi nostro, ut Sacra Religio, quam & plantare, plantatamque fovere ex iuncto Nobis Officio utique tenemur, in Divini cultus obsequio, ac morum & honestatis candore, præfulgeat, nec non regulari disciplina, ac aliis spiritualibus & devotis actibus rutillet, nec decreseat, sed ipsa Religio in his, & aliis, ad conservationem & statum ejusdem pertinentibus, debitum & salubre recipiat incrementum.

Sane; licet pro felici, & salubri dicti vestri Ordinis, seu Religionis, statu, ipsiusque atinentis, diversis & quam plura, non sine magna maturitate digesta, emanarant instituta; nonnulli tamen ex vobis (quod dolenter referimus) in observatione regularis discipline, ac statutorum hujusmodi se exhibuerunt, ut intelleximus, hætenus negligentes: alii

qui enim, contra statum Monachatus, proprium seu peculium, sine Superioris sui licentia, habere, tenere, & etiam ipso pro suo libitu disponere non formidant. Aliqui etiam, laxatis honestatis habenis, in caligis diversorum colorum, & calcæis battis ad modum Laicorum, nec non in habitu dictæ Religionis minime congruenti, incedere præsumunt, & qui, cum deberent in suis claustris, juxta regularia instituta, Divinis invigilare obsequiis, hujusmodi claustra abhorrentes, per vicos & plateas, ac ad loca alia inhonesta & suspecta discurrere non verentur; aliqui etiam, abjecta Monachali modestia, cum ipsos extra eorum Monasteria itinerare contingit, ornamenti superflui, nec non pleis altis & strictis diversorum colorum uti præsumunt ad instar secularium personarum, aliaque plura & varia inhonesta ipsi, ac eorum statui, & prædicto ipsorum Ordini non modice derogantia, contra observandam regularis discipline dicti Ordinis, ac Sacrorum Canonum instituta, committere non paveant, in Divinæ Majestatis, cui se totaliter dedicant, offensam, Religionis opprobrium, & scandalum plurimorum.

Nos igitur, considerantes si ista sub quadam dissimulatione transire permitteremus, quod ex hoc major impostum præstaretur securitas delinquenti, cupientes his, in quantum Nobis possibile fuerit, occurrere remediis opportunis, vobis omnibus & singulis firmiter & districte, ac in virtute sanctæ obedientiæ præcipimus & mandamus ac volumus, ut a præmissis, & quibuscumque aliis illicitis, nec non vobis tam per Regularia, quam Canonica instituta inhibitis, penitus abstinere. Et quod Sacras Constitutiones pro conservatione ac reformatione dictæ vestre Religionis, ac vestri status, editas, & specialiter eam, quæ per felicis recordationis Dominum *Innocentium* Papam III. quæ incipit: *Cum ad Monasterium* &c. Extra: *De statu Reg.* & per pie recordationis Dominum *Clementem* Papam IV. in constitutione posita eodem Titulo in Clem. quæ incipit: *Ne in Agro Domini* &c. Et per Sanctissim. in Christo Patrem ac Dominum, Dom. *Benedictum*, nunc Sacro Sanctæ Romanæ Ecclesiæ summum Pontificem in suis con-

constitutionibus de novo editis, salubriter sunt statuta, studeatis cum integritate, & firmiter observare; Et ne aliquis vestrum dictorum statutorum, & in eis contentorum, ignorantiam prætereundum valeat vel exculationem aliquam allegare, volumus & mandamus vobis Abbatibus, Prioribus, & aliis prædicti vestri Ordinis, ad quos correctio pertinet, vel pertinere poterit, universis, ut quibuslibet quatuor temporibus quolibet anno huiusmodi statuta faciatis in domibus vestris Capitularibus omnibus & singulis vestris Commonachis, ibidem præsentibus & auscultantibus, publice legi & solemniter publicari, quodque vos insuper Abbates, Priores, & alii, ad quos correctio Fratrum alicujus Monasterii vestri Ordinis pertinere dinoscitur, vigilem curam & diligentem sollicitudinem gerere studeatis, corrigentes & reformantes in præmissis & aliis omnibus quæ reformationis & correctionis officio videritis indigere, quodque personas universas dicti vestri ordinis vobis subditos, ab illicitis & veritis cohibentes, ad observationem prædictorum statutorum & regularis discipline, prout ut quemlibet vestrum pertraherit, coercitis, ac pœnis, remediis, & viis competentibus compellatis, cum non solum offensâ propnâ, sed etiam aliena ex Prælatorum manibus requiratur; alioquin, si in his quocummodo negligentes fueritis, vel remissi, tam contra vos, quam personas vobis subditos excedentes, per pœnas spirituales & temporales, prout Nobis visum fuerit, procedemus.

Datum Treviris, Anno Domini MCCCXXXVIII. die VIII. Aprilis.

III.

BALDEWINUS, DEI GRATIA, ARCHIEPISCOPUS TREVIRENSIS &c. UNIVERIS, ET SINGULIS, PER SUAS CIVITATEM, ET DIOECESIM TREVIRENSEM CONSISTENTIBUS, SALUTEM IN OMNIBUS SALVATORE JESU CHRISTO.

Dignissimum arbitantes & iustum, ut etiam Creatori omnium Deo, qui omnipotenti sua virtute Nos, ejus servos indignos, formare ad suam imaginem est dignatus, cujusque erga nos fuit, & est, munificentia copiosa, cun-

ctorum temporum curriculis laudes & venerationes debite per creaturas referri debeant & impendi: ei tamen specialis in certis, per anni circulum, diebus, per sacrosanctam Ecclesiam, non absque mysticis rationibus, devotionis, & per orthodoxæ Fidei Professores acceptis, & inconculsæ servatis, ejusdem Creatoris laudes præconis & votivis Divinarum venerationum celebrationibus, ac festivis solemnitatibus propensius insistenti, & a cunctis hujus mundi illecebris, & sæculi pompis omnino vacando, specialium exhibitiones honorum, & exquisitarum venerationum grates & laudes altisonæ intimius persolvantur. Ne quis igitur, ratione ignorantie sacrorum dierum huiusmodi (quorum tamen dierum ignorantia crassa foret & supina) a celebratione & observantia ipsorum dierum Festivorum huiusmodi, in quomodolibet valeat excusare, & ut ab omnibus per civitatem & Diocesim nostras prædictas, celebriter & uniformiter observentur, eosdem dies Festivis & Solemnes, hoc scripti serie, sano & maturo præhabito nostrorum Prælatorum consilio, duximus exprimendos.

Pronuntiantes itaque *Festivitates*, quæ ob Dei reverentiam specialiter statuta noscuntur, videlicet: Nativitatis Domini; Circumcisionis ejusdem; Epiphaniæ; Resurrectionis; eum tribus diebus sequentibus; Ascensionis, diei solius; Pentecostes eum duobus diebus sequentibus; pretiosissimi Corporis Christi; Nativitatis; Annuntiationis; Purificationis, & Assumptionis Virginis Gloriosissimæ Beate Mariæ; Dedicationis S. Michaelis; Nativitatis S. Joannis Baptiste; Beatorum Petri, & Pauli; Joannis Evangelistæ; S. Stephani; S. Jacobi, Andreæ, Matthæi; Philippi, & Jacobi, Bartholomæi, Simonis & Judæ; Thomæ, & Matthiæ, Apostolorum; nec non Inventionis S. Crucis; S. Laurentii Martyris, atque SS. Innocentium. S. Martini Episcopi, qui par censetur Apostolis; S. Mariæ Magdalene; S. Katharinæ Virg. & Martyris; Solemnitatem quoque omnium Sanctorum; & in diebus Festivis huiusmodi jam enumeratis, & quolibet eorum firmiter præcipiendo decernimus:

mus : fore cum summa celebritate per univertos & singulos utriusque sexus, in prætaxatis nostris civitate, & Diœcesi venerandos, & in ipsiſ diebus ab omni opere illicito ac servili, prout Sancta Mater statuit Ecclesia, esse cum debita Deo reverentia abstinendum, & Divino Officio in Deo dedicatis Ecclesiis, ad quas specialiter illis diebus convenire debent, orationibus, contemplationibus, & spiritualibus, & misericordie operibus esse devote vacandum; quos quidem dies omnes, & singulos, per quemlibet Parochialem Presbyterum, aut ejus vices gerentem, celebrentur(a): nisi instans necessitas, quæ legem non habet, suaderet aliquid faciendum; hac insuper adhibita cautela, ut majores anni solemnitates, præcipuis honoribus, & summis Festivitationibus venerandæ, in ambone cujuslibet Ecclesiæ, Fidelium populo publice infinu-entur. Id ipsum etiam in diebus Dedicationis, & Patroni principalis, Martiris, vel Filialis Ecclesiæ, per Parochianos & subditos ejusdem Parochialis vel Filialis Ecclesiæ, quoad veneratio-

nem, & ab illicitis & servilibus operibus vacationem festive decernimus observandum. Ceteros autem dies, sub veneratione & celebritate debitis, in Divino Officio, orationibus & misericordie operibus volumus & statuimus peragi, inhibentes districte universis & singulis Nobis subjectis Presbyteris: ne quis eorundem in hujusmodi diebus a laboribus cessandum præcipiat quovis modo. Unde, si quis in diebus Festorum hujusmodi, agriculturæ, aut vinearum putationi, aut fossuræ, arti vel operi mechanico, aut pro se, vel aliis, victum querendo licite, intendere voluerit, hoc declaramus licere eisdem, nec ob hoc fuit per quempiam corripiendi: devotionem tamen quorumcumque, etiam in prætaxatis Festis ab omni simili opere vacare volentium, ob Divini Nominis gloriam, nullatenus improbamus.

Datum Treviris, Anno Domini MCCCXXXVIII. die VIII. Aprilis.

Ex Codice MS. Ecclesiæ Collegiatae S. Andreae Wormatiæ descriptis Cl. Schwanatus b. m.

(a) forte: celebrent.

Anno Christi MCCCXXXVIII. Benedicti XII. PP. IV.

Ludovici Bavari regis XXIV. Imp. XI.

Ex Comitibus hoc anno 18. Martii Spiræ indictis à Ludovico Bavaro, Metropolitanus Moguntinus cum Episcopis Suffraganeis decem, mittit duos Legatos Avenionem ad Papam: Ulricum Episcopum Curiensem, & Gerlacum Nassoviæ Comitem, exposituros Pontifici studium Ludovici sincerum, se submittendi Pontificis voluntati, & postulata omnia præstandi.

SANCTISSIMO IN CHRISTO PATRI, AC DOMINO SUO D. BENEDICTO, SACRO-SANCTÆ ROMANÆ, ET UNIVERSALIS ECCLESIAE SUMMO PONTIFICI, HENRICUS DEI ET APOSTOLICÆ SEDIS GRATIA ARCHIEPISCOPUS MOGUNTINUS, LUPOLDUS BABENBERGENSIS, JOANNES BASILIENSIS, BERTOLDUS ARGENTINENSIS, HENRICUS EYSTETENSIS, BERNHARDUS PADERBORNENSIS, ULRICUS CURIENSIS, OTTO HERBIPOLENSIS, AC GERARDUS SPIRENSIS, ET HENRICUS AUGUSTENSIS ECCLESIAE RUM ELECTI CUM OMNIMODA SUBJECTIONE, HUMILITATE ET REVERENTIA SE IPSOS AD PEDUM OSCULA BEATORUM.

Cum jam dudum ex miserabili diffidio inter Sacrosanctam Romanam Ecclesiam, ac Dominum LUDOVICUM de Bavaria, Christiani populi

Tomus IV. Concilior. German.

S s

pec-

peccatis exigentibus fuscitate, in Regno & Imperio Romanorum, & precipue in Provincia Moguntina, grandium & diversarum turbationum tempestates emerferint, ac Ecclesiis, Ecclesiasticisque personis, nec non animabus hominum, quod gravius est ferendum, Regni, & Imperii prædictorum innumerabilia provenierint detrimenta, & quotidie majora & plura prioribus occasione dissidii hujusmodi sint, ut ex verisimilibus conjecturis colligitur, ac præsumitur, proventura: Nos grandes & acerbas ex hoc puncturas in nostris cordibus non immerito sentientes, nuper Dominum LUDOVICUM prædictum ad civitatem Spirensis Provincie Moguntinæ prædictæ super hoc specialiter instantivis precibus venire procuravimus ipsum; Nos Archiepiscopus Maguntinus, Argentinenfis, Paderbournensis Episcopi, ac Spirensis, & Augustensis electi prædicti personaliter; Nos vero Babenbergensis, Basiliensis, Eystetenfis, & Herbipolensis Episcopi, aliis nostris, & Ecclesiarum nostrarum pro tunc negotiis prædicti, per nostros solennes nuncios, precibus, consiliis, ac salutaribus monitis non sine magnæ sollicitudinis studio exhortantes, ut ipse ad Divini nominis gloriam, & ad vestræ Sanctitatis ipsiusque Ecclesiæ Romanæ honorem, & reverentiam, nec non ad quietum & salubrem statum Regni & Imperii eorundem, velit ad vestram, & ejusdem Ecclesiæ Romanæ, Sanctæque Sedis Apostolicæ gratiam cum devotione redire, se vestris, & ipsius Ecclesiæ, dictæque Sedis Apostolicæ beneplacitis humiliter per omnia conformando: Qui modicâ deliberatione præhabita se velle stare, ac parere super materia præfati dissidii, ac omnibus ipsum dissidium contingentibus, informationi & ordinationi nostræ, in quantum cum Deo, justitia & honore suo fieri possit, efficaciter repromisit, suas parentes su-

per hoc literas majori suo sigillo munitas super potestate hujusmodi tradita nobis dando, cautiones juratorias, ac fidei-juratorias Magnorum, & plurium Principum, & Baronum nobis super hoc nihilominus offerendo. Clementissimam igitur vestram Beatitudinem omni, qua valeamus, precum instantia, devote ac humiliter imploramus, quatenus redeundi ad gremium S. Matris Ecclesiæ promptitudinem ipsius D. LUDOVICI, qui super materia dissidii hujusmodi ordinationi Ecclesiasticarum personarum duntaxat se submittere non expavit, præmissis quoque turbationibus, dispendiis, & periculis, specialiter Ecclesiis & personis Ecclesiasticis, ut præmittitur, imminetibus, per vestræ Sanctitatis providentiam paternis affectibus ponderatis, prædictum Dominum LUDOVICUM ad reconciliationis gratiam sub modo præmissis, vestræ solite benignitatis clementia recipere non recuset: Partes Regni, & Imperii prædictorum, ac precipue Ecclesiæ, ac personas Ecclesiasticas eorundem partium de periculis, ærumnis, & laboribus prædictis ad statum operatæ quietis per reconciliationem hujusmodi reducentes. Verum, quia ad omnia, & singula præmissa, & ea contingentia, plene, ac pacifice scribenda cedula non sufficeret, Nos Venerabilem Patrem D. Ulricum Curiensis Ecclesiæ Episcopum, & spectabilem virum Gerlacum Comitem de Nassau, de præmissis plenissime informatos, ad pedes Vestræ Beatitudinis duximus fiducialiter destinandos; eandem vestram Beatitudinem ex innimis nostris affectibus exorantes, quatenus eisdem super iis fidem adhibere dignemini creditivam. Datum Spige die XXVII. mensis Martii anno Domini MCCCXXXIX.

*Schætenus Annalium Paderbournensium
L. XIII. pag. 287. 288.*



LU.

LUDOVICI IV. Regis Professio Catholicae Fidei & Ecclesiae.

II. Responsio Canonica ad objectum sibi processum.

LUDOVICUS, DEI GRATIA, ROMANORUM IMPERATOR SEMPER AUGUSTUS, UNIVERSIS ET SINGULIS REGIBUS CHRISTIANORUM, AC PATRIARCHIS, ARCHI-EPISCOPIS, EPISCOPIS, PRESBYTERIS, DIACONIBUS, QUOCUNQUE HONORIS CULMINE PRÆFULGEANT, ET CÆTERIS ECCLESiarUM PRÆLATIS: NEC NON SÆCULARIBUS PRINCIPIBUS, MARCHIONIBUS, DUCIBUS, COMITIBUS, BARONIBUS, CAPITANEIS, DOMINIS, POTESTATIBUS, RECTORIBUS, JUDICIBUS, ET OFFICIALIBUS PROVINCIARUM, CIVITATUM, ET TERRARUM ROMANO IMPERIO SUBJECTARUM, ET IPSARUM QUIBUSCUNQUE INCOLIS, ET HABITATORIBUS, AC OMNIBUS ET SINGULIS CHRISTI FIDELIBUS, TAM ECCLESIASTICIS, QUAM SÆCULARIBUS, AD QUOS PRÆSENTES LITERÆ PERVENERINT, GRATIAM SUAM, ET OMNE BONUM.

Edem Catholicam, quam Sancta Mater Ecclesia Catholica, (extra quam nullus salvetur) in Symbolis, Conciliis, & traditionibus ipsius Ecclesie Sacrosanctæ docet & tenet, firmiter credentes, & ipsius Ecclesie Sanctæ Doctrinam in Sacris Canonibus traditam, sequi volentes: quibusdam allegationibus, impugnationibus, & oppositionibus, quæ contra Nos & electionem ac promotionem de Nobis factam, ad culmen dignitatis Imperialis, & contra Imperialem auctoritatem, potestatem, & dignitatem opponuntur, ne simplicium corda possint inticere, secundum Sacrorum Canonum & Legum tenorem in his scriptis duximus respondere, & contra ipsos impugnantes & opposcentes, & eorum dicta, procedimus, prout inferius continetur.

In primis contra Nos & Imperialem auctoritatem, & Jus Imperii allegatur & obijcitur, quod potestas & auctoritas Imperialis est a Papa: & quod electus in Regem Romanorum ex sola electione non est, nec dici potest verus Imperator, nec habet potestatem, jurisdictionem, & auctoritatem, antequam inauguratur, consecratur, & coronetur a Papa: qui (ut dicunt) tam in temporalibus, quam in spiritualibus habet plenitudinem potestatis. Ad quæ respondemus, hanc opinionem Sacris Canonibus ac juri & rationi pariter obviare, sicut expr: esse patet in Decreto 56. dist. c. Cum ad (a) verum, & Can. Duo (b) sunt, &c. Si (c) Imperator, ubi expresse ha-

betur in hæc verba: Duo sunt quippe, quibus principaliter hic mundus regitur, scilicet auctoritas Sacra Pontificum, & Regalis potestas. Habet quippe Imperator privilegium potestatis suæ, quam administrandas legibus publicis dicimus esse consecutus. Nec Imperator jura Pontificatus, nec Pontifex jura Imperatoria usurpat. Hæc ibi, ubi Glossa ordinaria dicitur, quod istæ potestates sunt diversæ, & quod neutra dependet ab altera, & quod Imperator non habet potestatem, sive Imperium, nisi a solo Deo. 93. dist. c. cap. Legimus, (d) Ubi in textu dicitur, quod exercitus facit Imperatorem: & Glossa super Verbo Imperatorem, dicit sic: Ex sola cuius electione Principem dico cum verum Imperatorem, antequam a Papa consenseretur, ut dixi 63. dist. c. Quanto. Hæc Glossa. Et hoc etiam probatur in Canone Quoniam 10. dist. Ubi de potestate Imperiali, & Pontificali loquitur in hæc verba: Quoniam Mediator Dei & hominum CHRISTUS JESUS sic actibus propriis, & dignitatibus distinctis, officia potestatis utriusque discrevit, ut Imperatores pro æterna vita Pontificibus indigerent, & Pontifices pro cursu temporalium rerum imperialibus legibus uterentur: quatenus spiritualis actio a carnalibus incursumus distaret, & DEO militans (scilicet Papa) maxime se negotiis secularibus implicaret: ac vicissim ille (scilicet Imperator) non videretur Divinis rebus præfisse, qui esset secularibus negotiis implicatus. Hæc ibi, ubi Glossa ordinaria de utraque potestate loquens, dicit sic: Cum ergo potestates istæ distinctæ sint,

(a) Nicol. PP.

(b) Gelas. pp.

(c) Johan. pp.

(d) S. Hieron.

Thomas IV. Concil. German.

est hoc argumentum, quod Imperium non habetur a Papa: & quod Papa non habet utrumque gladium. Nam exercitus facit Imperatorem, 93. distinct. cap. Legimus: & Imperium a solo DEO habetur, 23. q. 4. c. Quæsumus. Alioquin si Imperium haberetur a Papa, posset in temporalibus ad Papam appellari, quod prohibet Alexander Papa IV. quod illa (scilicet temporalia) suum (scilicet Papæ) jurisdictionem non attingunt. Ext. De appellat. n. 1. c. Si quibus: & c. Qui filii sunt legitimi. c. Consuevit, quas inter. Et ita creio ego istas potestates esse distinctas. Hæc Glolla. Et 8. distinct. c. Quo jure, dicitur, quod jura humana per Imperatores, Reges sæculi Deus humano generi distribuit. Et Lex dicit, quod Imperium & Sacerdotium ab eodem principio processerunt in actum, Autem. Quomodo oporteat Episcop. & Cleric. ad ord. perduc. in prin. collat. 1. Nec Imperator jurisdictionem Papæ, nec Papa jurisdictionem Imperatoris perturbare debet, ext. De Jud. c. Novit. Ex quibus & aliis pluribus, quæ brevitatis causa dimituntur, clare patet, quod potestas, & auctoritas Imperialis est immediate a solo Deo, & non a Papa, & quod electus in Imperatore ex sola electione est Rex Romanorum, & habet auctoritatem, jurisdictionem & potestatem Imperialem, etiam antequam inungatur, consecratur, & coronetur a Papa, & quod Papa in temporalibus non habet dictam plenitudinem potestatis.

Sed objicitur, quod ille, qui se Johannem Papam XXII. appellabat, per suos processus de facto cassavit, sive nullam, cassam, & irritam pronuntiavit electionem, de Nobis in Regem Romanorum factam, asserens in suis processibus, Nos administrare non posse jura Imperii: & quod administratio Imperii ad ipsum Johannem pertinebat de jure, & de facto attentans contra Nos, & jura, & libertates Principum Alemanniæ & subditorum Imperii, & contra consuetudines antiquitus rationabiliter introductas, & observatas, prout in ipsis processibus, imo verius excessibus continetur: insuper post dictos processus, quasdam litteras sub Bulla sua dicitur fecisse, & per mundum publice transmisisse, in quibus asserit, se totam Italianam ab Im-

perio & Regno Alemanniæ separasse: insinuans per sua scripta & dicta, quod Papa tanquam Dominus universalis, non solum in spiritualibus, sed etiam in temporalibus totius mundi possit ad suum libitum disponere & ordinare.

Ad quæ omnia duximus respondendum, quod dicti omnes processus, assertiones, & hæræ, & omnia, & singula, quæ per dictum Joannem in prædictis, & contra prædicta gesta, seu attentata fuisse dicuntur, fuerunt, & sunt nulla, & nullius valoris & momenti, rationibus infra scriptis.

Primo ratio est, quoniam Papa, quantumcunque Catholicus & legitimus, non habet tamen potestatem, nec auctoritatem, aut jurisdictionem in temporalibus, & maxime super jura Imperii, quod est immediate a solo DEO, ut evidenter probant Canones, & jura superius allegata. Unde quicquid prædictus Joannes fecit in prædictis, tanquam a non suo iudice factum, nullius fuit momenti, ut probant aperte Canones, 11. q. 1. c. Pen. (a) & 2. q. 1. c. (b) Inprimis, juxta fin. & 16. q. 1. c. Frater (c) mihi, & ext. De jud. c. Al. (d) si Clerici. & ext. De consuetud. c. (e) Ad sustentand. nostrum, & c. Si a non compet. jud. l. 2. & 3. & ulti. cum similibus.

Secunda ratio est ex eo, quod dicti processus, uno verius excessus, fuerunt facti per dictum Johannem contra Nos, & in præjudicium enorme nostrum, & illorum, qui nos elegerunt in Regem Romanorum, & aliorum Principum Imperii, & Alemanniæ ex notione falsis causis, & nullo fori ordine servato, Nobisque & aliis, quorum intererat, absentibus, & nullo modo legitime monitis & citatis. Unde cum Sacri Canones & Jura Divina & humana decernant, sententias, & processus quoscunque promulgaros, absentibus iis, quorum causa agitur, sive ventilatur, & eis legitime non monitis & citatis, nullius exiltere firmitatis, 3. q. 9. Per totum. ubi etiam legitur, Sanctos Pontifices definiturisse in hæc verba: *Omnia, quæ adversus absentes in omni negotio aut loco aguntur, aut judicantur, irrita erunt, & evacuatur omnino, nec aliquam obtinent firmitatem; quia* Divi-

(a) Hadrian. 17.
(d) Alexand. III.

(b) Greg. 17.
(e) Innoc. III.

(c) Greg. 17.

Divina & humana leges hoc fieri prohibent, ut ext. De testib. c. in Nomine (c) Donum, & in antea. de testib. §. Et hic vero. collat. 7. & ff. Qua sent. sine appell. vsc. l. 1. §. Item cum ex dicto: & c. Quando & quando iudex, l. Ea qua. Et maxime in causis, quæ summi Pontificis iudicio deciduntur, ordo juris, & vigor æquitatis, est subtiliter observandus, ut ext. De sent. & re judi. c. In causa. Sequitur, quod prædicti processus, imo verius excessus, fuerunt nulli & nullius valoris penitus, & momenti.

Nec obviat, si dicatur, quod prædictus Joannes, in civitate Avinionis Provincie existens cum sua Curia, per suas literas, quas dicitur ad fores Ecclesie Majoris Avinionis appendi fecisse, Nos absentem citavit: quoniam talis citatio (esto quod appareret) nullatenus fuit, nec est dicenda legitima, rationibus infra scriptis.

Prima ratio, quis sunt Canones & jura ad hoc, quod censeatur, & dici possit citatio firma, necesse, quod qui citandus est, citetur aut personaliter, si inveniri potest: aut si non potest inveniri, publice citetur ad domum suam; alias nisi sic citetur, non potest contra ipsum procedi, ut aperte probatur. 4. q. 5. c. (f) Quinquaginta, & ext. de Dol. & contumac. c. (g) Causam, in text. & in Gloss. & in c. (b) Venerabilis, in fin. & de Cleric. non rescrib. c. (i) Ex tua, & ext. Qui matr. accus. pos. c. (k) 1. & De eo, qui mittitur in poss. causa rei serv. c. ult. & ff. Ex quibus caus. majores, & c. l. Item ad. §. Hec autem, cum similibus. Etsi procedatur, processus nullius est momenti, ut dicitur in superius allegatis juribus. 3. q. 9. (l) c. Crevant, & ff. Qua sent. sine appell. rescind. l. 1. & c. Quando & quando iudex, l. Ea qua. Ex quibus juribus clare patet, dato sine præjudicio, quod talis citatio per literas in civitate Avinionis appensas reperiretur facta fuisse, quod nihilominus processus per ipsum Johannem factus fuisset irritus, & inanis.

Secunda ratio est, quia ad hoc, ut citatio de jure legitima censeatur, & ardeat citatum ad veniendum, necessum est, quod assignetur illi, qui citandus est,

terminus & locus ad comparandum securus. Prout nian fuisse probant jura. ext. De appell. c. (m) Ex parte tua. 33. q. 2. c. (n) Sive de conjugii, ubi dicitur: Procedendus est locus, in quo nulla vis formidetur multitudinis, nec sit difficile testes producere, vel ceteras personas, quæ tam a Simili Canonibus, quam a venerabilis Romanis legibus in hujusmodi controversiis requiruntur. Hac ibi, Et 3. q. 9. c. (o) Hortamur, & ext. Ut lite non contestata c. (p) Accedens 2. & ff. de Judicis, l. Sed locus. Sed notorium est, & indubitatum existit, quod dictus Joannes tam Nos, quam Imperii nostri fideles & amicos odio capitali, & etiam hostili exercitu persequeretur de facto, & civitates & jura Imperii sibi usurpare, & subjugare, quantum poterat, conabatur. Civitas quoque Avinionis, in qua idem Joannes cum suo consistorio morabatur, & ad quam Nos per suas literas evocabat, & ille, qui illius civitatis Dominium detinebat, Nos & Romanum Imperium habebat odio notorio, & antiquo: unde patet, quod desiperet, qui diceret, vel sentiret, talem citationem Nos ad comparandum modo aliquo coarctasse. Quis enim auderet dicere, quod talis consistorii in tali loco periculofo teneretur subire iudicium, & in hostium nostrorum Nos ponere sinum, & mortis periculo ultroneo Nos offerre? Patet igitur, quod talis citatio, si facta reperiretur de Nobis, foret irrita & inanis.

Tertia ratio sumitur, ex eo, quod in Sacris Canonibus & legibus statuitur, quod nullus in propria causa possit judicare, vel jus sibi dicere, ut probatur. 23. quæst. 4. cap. (g) Inter querelas: & quæst. 5. (r) De occidendo, & 4. qu. 4. cap. (s) 1. & c. Ne quis in cau. prop. jud. vel jus sibi dicat. Sed manifestum adeo est & notorium, ut nulla tergiversatione possit negari, quod prædictus Joannes de facto contendeat, scilicet, quod ipse non solum in spiritualibus, sed & in temporalibus, & in Nos, & in totum Imperium, ac jura Imperii habeat plenitudinem potestatis, & quod super hoc contra Nos controversam & litigium de facto movebat, & ju-

S s 3 ra

(a) Greg. IX.

(b) Greg. IX.

(c) Eleuth. rr.

(d) Felic. rr.

(e) S. August.

(f) Carthag. IV.

(g) Innoc. III.

(h) Innoc. III.

(i) Innoc. III.

(j) Fab. rr.

(k) Alexand. III.

(l) Alexand. III.

(m) Nicol. rr.

(n) Greg. rr.

ra Imperii etiam hostiliter sibi pro viribus usurpare conabatur, & Nos & Imperii nostri fideles, quantum poterat, tanquam adversarius, hostis, & inimicus noster & Imperii persequi nitebatur. Unde etiam contra eum tanquam contra adversarium, inimicum & hostem nostrum, & etiam Imperii, pro defensione nostra, & etiam fidelium nostrorum, & juris Imperialis ac fidei, appellamus (t) *ad futurum generale Concilium*, in loco tuto & securo, modo debito, & secundum formam Sacrorum Canonum congregandum. Ex quibus sequitur manifeste, quod dicti processus, immo verius dicti excessus, per dictum Johannem contra Nos, & contra fideles nostros, & jura Imperii, facti fuerunt in propria causa, & temere, & perperam attentati; & quod ipse in ipsis processibus se iudicem simul, & partem effecit: ac per consequens, quod fuerunt irriti, & nullius penitus firmitatis.

Tertio obijciunt contra Nos, quod dictus Johannes tam in Nos, quam in omnes sequaces ac fideles nostros, habentes, & tenentes Nos pro Imperatore, nomine & honore, & Nobis tanquam Imperatori obediētes, & reverentiam exhibentes, & in omnibus admittentes Nos ad Divina, seu nobiscum participantes in Divinis, aut Divina Officia celebrantes coram Nobis, & præsentes Nobis auxilium, consilium, & favorem de facto excommunicationis sententiam fulcravit: (u) & Ecclesias & Universitates, quæ contra facerent, Ecclesiastico supposuit interdicto. Unde dicitur, quod sententia Pastoris, sive iusta, sive injusta, servanda est, & timenda.

Ad quæ respondemus, & dicimus, quod secundum Sacros Canones & jura, hujus sententiæ & processus fuerunt, & sunt nullæ ac nullius firmitatis, nulliusque valoris penitus & momenti: nec sunt aliquo modo timende nec servandæ, nec timendi nec servandi: quod evidenter ostenditur & probatur rationibus infra scriptis.

Prima ratio sic sumitur: Cerrum est, quod cum Prælatus Ecclesiæ in suo mandato excedit formam, & potestatem, Sacris Canonibus sibi traditam, & in contra mandatum hujus facientes, excommunicationes in singulares personas, & in Ecclesias, & Universitates sententias interdicti promulgat, talem sententiam non tenere, sed nullam ipso jure fore, nullatenusque observandum, ut probatur per id, quod legitur, & notatur *ext. de excess. Prælat. c. Cum ad quorundam*. Temerarium enim est, & indignum, aliquem sibi sua auctoritate usurpare, quod Romana Catholica Ecclesia non concedit. *Ext. De privilegio, c. Sine. (x)* Sed (ut supra probatum est evidenter) Sancta Romana Ecclesia Catholica & Apostolica non concedit, sed prohibet Papæ, Jus Imperii, & potestatem in temporalibus usurpare. Quia, ut dictum est, illa Papæ jurisdictionem, quæ solum est in Spiritualibus, non contingunt, ut patet in superius in allegato *text. de Appel. c. Si duobus*. Et manifestum est, quod dictus Johannes per suas antedictas sententias, excessit formam & potestatem Papæ traditam; Quia jus Imperii, & potestatem in temporalibus sibi usurpare conatus est, contra Sacrorum Canonum Constituta. Ergo hujus sententiæ sunt & fuerunt nullæ, & nullatenus observandæ. Et hic est unus de casibus expressis; in quibus sententia de excommunicatione nullatenus est observanda.

Secunda ratio sic sumitur. Certum est de jure, quod ubi est error expressus in sententia, vel in mandato presidentis, puta, quia præcipit, quod non obediat suo Superiori, vel præcipit aliquid contra Deum, vel contra Sacram Scripturam; talis sententia ipso jure nullus est momenti, nec est timenda, nec aliquatenus observanda, ut probatur per illud, quod legitur *extra: de sentent. excomm. cap. (y) Venerabilibus juxta sua. in Gloss. & 1. 1. q. 3. c. (z) Si is, qui præcepit, cum duobus (a) c. seq.* Et idem est ubicunque sententia est ipso jure nulla, ut probatur aperte per illud, quod legitur & notatur *extra. de sentent. excomm. c. (b) Per tuos*

(t) forte: appellavimus, anno 1323. supra pag. 298. buj. Tömi.

(u) A. 1324. & 1328.

(y) Hæc C. in vulg. edit. jam deest.

(a) Eisdem & sunt conjuncta precedenti.

(x) Alexand. III.

(z) Iudori.

(b) Innoc. III.

Et ext. De procurat. c. (c) In nostra presentia, in fine: Et extra: De crimine falsi. c. (d) Super eo, Et ext. De sentent. Et re jud. Sed manifestum est, quod dictus Joannes in dictis suis processibus & sententiis expressit, quod non obediatur Nobis, cui omnes Imperio subiecti obedire & reverentiam exhibere secundum Divina & humana jura sunt adstricti: & quod hoc fecit volendo sibi jus Imperii & potestatem omnimodam in temporalibus contra Dominum, & contra justitiam usurpare, ad quam non extenditur (ut dictum est) ejus auctoritas & potestas. Ergo ipsæ sententiæ sunt & fuerunt nullæ, & nullius penitus firmitatis, nec fuerunt, nec sunt quomodolibet observandæ.

Tertia ratio sic sumitur. Manifestum est, quod quando sententia excommunicationis vel interdicti, quæ prolata est post appellationem legitimam, nulla est, nec aliquatenus est timenda, nec servanda, ut aperte probatur *extr. De offic. Et potest. jud. del. c. (e) Cum olim in fine: Et de sentent. Excomm. c. Venerabilibus, in fine; Et ext. De Appell. c. (f) Ad hac 3. quod Et habetur Et notatur extra de sentent. excomm. c. (g) Per tuas, in Gloss. ord. Et tam per Dominum Hostiensium in apparatu super c. solet, Et in summa, quam per alios Doctores.* Sed manifestum & notorium est, quod Nos dudum contra dictum Johannem, & processus, quos ipse de facto fecit contra Nos, ac potestatem & auctoritatem Imperialem, & præjudicium & derogationem Fidei Catholicæ, quam sancta Romana Ecclesia firmiter hæcenus docuit & credidit, & docet, & credit, & tenet, appellavimus ad futurum generale Concilium in loco securo & congruo congregandum, & ad Sanctam Matrem Ecclesiam Catholicam. Quæ appellatio fuit ad ipsius Johannis noticiam deducta, prout notorium est, & manifestum, & constat etiam per legitima documenta. Et quia ipse Johannes post & contra dicta appellationem, promulgavit, & protulit de facto contra Nos & fideles nostros, & Nos sequentes, & Nobis præbentes consilium, auxilium, & favorem, dictas excommunicationis & interdicti sententias

(si sic dici possunt) ergo fuerunt, & sunt nullæ, & olliis valoris & momenti, nec sunt aliquo modo timendæ nec observandæ.

Nec obstat, quod dicitur, quod Papa non habet superiore, unde (ut aliqui garriunt) non potest ab ipso quomodolibet appellari. Et vere non obstat: quoniam manifestum est secundum doctrinam Catholicam & Sacrorum Canonum, quod Papa, ubi de fide, sive de jure Divino agitur, subest Conciliis, ut patet expresse, & legitur & notatur 15. *Distinct. c. (h) Sicut Simili, in textu Et glossa, Et 25. quæst. 1. c. (i) Sunt quidam, cum capitibus sequentibus, Et 19. Distinct. c. (k) Anastasius.* Ubi dicit glossa ordinaria super verbo, *Concilio: Vultur ergo, quod Papa tenetur requirere Concilium Episcoporum, quod verum est, ubi de fide agitur: Et tunc Synodus major est, quam Papa. 15. Distinct. c. Sicut S. Evangelii.* Ita dicit glossa ord. Et quod Papa, ubi de fide agitur, habet superiore in terris, a quo possit judicari, & per consequens, ad ipsum superiore valeat appellari, probatur etiam notanter per illud, quod legitur, & notatur 40. *Dist. c. (l) Si Papa,* ubi expresse definitur, quod Papa a nemine judicari potest, nisi deviet a Fide Catholicæ. Ergo, si Papa deviat a fide, habet superiore in terris, a quo potest judicari, & per consequens ad ipsum potest appellari. Hoc etiam patet per hoc, quod dicit Augustinus in Epistola ad Glorium & Eleutium, & reliquos Donatistas, ubi de Concilio Papæ & Collegii Cardinalium scribit, dicens sic: *Quasi non sis ad hoc dies possit, Et justissime dici, Ecce putamus illos Episcopos, qui Romæ judicantur (Melchias Papa & alii) non bonos judices fuisse: restabat adhuc plenarium Ecclesie universale Concilium, ubi etiam cum ipsis judicibus causa posset agitari, ut si male judicasse convicti essent, eorum sententia subvertatur.* Hæc Augustinus. Ex quibus & aliis pluribus auctoritatibus, quæ brevitas causa dimittuntur, evidenter patet, quod Concilium universale Ecclesie Catholicæ, ubi de jure Divino, aut de Fide agitur, majus & superius est Concilio Papæ & Cardinalium, & ipsum tollit,

(c) Innoc. III.
(f) Lucii III.
(i) Urban. IV.

(d) Lucii III.
(g) Innoc. III.
(k) ex Pontificali.

(e) Innoc. III.
(h) Greg. IX.
(l) S. Bonifacii.

lit, & solvit, si ipsi repugnet. Cum ergo pro defensione juris Imperii, quod est a jure Divino, & Fidei Catholice appellamus (m) ad Generale Concilium, in loco tuto & securo congregandum: sequitur, quod appellatio nostra fuit interposita ad superiorem, ad quem legitime potuit appellari.

Plures quoque alie rationes & cause sunt, ex quibus cernitur evidenter, quod predictae sententiae fuerunt, nec sunt timendae, nec aliquatenus observandae. Quae rationes & cause in appellationibus & provocationibus, contra adversantes Nobis, & Nos, & Imperium, & Fidem Catholicam, quam sancta Romana tenet Ecclesia, impugnant, solenniter interjectis, seorsim explicantur, quas omnes seriatim presentibus literis explicare, prolixum nimium videretur.

Quamobrem denunciamus & dicimus, processus & sententias, de quibus superius dictum est, fuisse, & esse nullas & nullos, & nullius valoris & momenti, & nullatenus observandas: ac universis & singulis sub nostro Imperio degentibus, cujuscumque status, dignitatis, ac conditionis existant, districte precipimus & mandamus, quatenus nulla persona singularis, aut communis, vel universitas, dictas excommunicationis, & in-

(m) forte: appellavimus.

terdicti sententias praesumat observare, vel facere, aut sustinere quomodolibet observari.

Quicumque autem contra hoc nostrum mandatum praesumpserit facere, vel venire, cum omnibus feudis, quae ab Imperio tenet, ac omnibus jurisdictionibus, gravis & privilegiis, libertatibus, & immunitatibus a Nobis vel Praedecessoribus nostris ei concessis, ex nunc privamus.

In quorum omnium testimonium & fidem praesentes literas fieri fecimus, & nostrae Imperialis Majestatis Bulla jussimus & fecimus communiri. Et ut ipse literae ad communem omnium notitiam deducantur, eas majoris Ecclesiae de Franckenfurt ostiis appendi, sive affigi faciemus, quae hunc processum nostrum quasi sonoro praconio publicabunt, ita quod nullus possit pretendere, vel ignorantiam allegare, quod ad eum predicta non praevenerint, sive quod ea ignoraverit: cum non sit verisimile, occultum, & incognitum remanere, quod tam patenter fuit omnibus publicatum. Datum in Oppido nostro de Franckenfurt, die VIII. mensis Augusti, Anno Domini M.CCC.XXXIIX.

Hervartus ab Hohenberg Bavariae Cancellarius in Ludovico defuncto ad annum 1338. a pag. 762. ad 776.

Electorum Imperii Notificatio de Juribus suis in Electione Imperii manutenendis, tuendis contra quoscunque, & de eo, quod omnes vel major pars tenuerit, firmo futuro, de mutuo auxilio & confederatione.

NOS Dei Gratia Henricus Archiepiscopus Moguntinus, Walramus Archiepiscopus Colonienfis, Balduinus Archiepiscopus Trevirensis, Rudolphus, Ruppertus Fratres, Stephanus, Ruppertus junior, Comites Palatini Rheni & Duces Bavarie, Rudolphus Dux Saxonie, & Ludovicus Marchio Brandenburgensis. Notum facimus cunctis hominibus, qui has literas vident, aut legi audiunt, quod simul consideravimus & perpeximus, SACRUM ROMANUM IMPERIUM in suis honoribus, juribus, & bonis,

etque etiam Nos in nostris honoribus, juribus, consuetudinibus; & privilegiis, quae a predicto Imperio habemus, vehementer his temporibus, atque etiam ante hac impetiti, infirmati & gravati fuimus ac sumus, & propter communem ac manifestam utilitatem totius Christianitatis, atque ad predicti Imperii nostrumque honorem, jura, privilegia, & consuetudines tutandas, defendendas, & manutenendas, unanimiter convenimus, & Nos confederamus, quod predictum Imperium, & nostrum Principalem honorem, quem

ab eo obtinemus, videlicet in electione Imperii, in illius ac nostris iuribus, privilegiis, & consuetudinibus, sicut ab antiquo ad Nos, & ad Imperii Electores pervenerunt, & devoluta sunt, manutene, tueri, ac defendere volumus pro omnibus nostris viribus, ac opibus, sine fraude, contra quoscunque, nemine excepto: siquidem hoc nostrum honorem, iuramentum attingit; nec volumus id intermittere propter ullum mandatum, a quocunque, vel quomodocunque datum, per quod Imperium & Nos Electores in præscriptis rebus ullo modo infirmari possemus. Volumus etiam omnes Dominos & amicos, qui ad Nos pertinent, sive sicut Ecclesiastici, sive seculares, nostros quoque Vassallos, Ministeriales, Castellanos, Officiales, & cives, ad idem faciendum rogare, & inducere, in quantum possumus: & ad hoc efficiendum debet quilibet ex nobis Electoribus alteri auxilium præstare, sine fraude; ut illi nobis in his rebus auxilium & opem ferant, idque nullius respectu intermittant, & ob nulla mandata, a quocunque illa dari possent. Quod si contingeret ullam dissensionem, aut dubium super his rebus inter nos Electores oriri: quicquid Nos tunc omnes aut major pars ex nobis super hoc diffiniemus, & itacuemus, id debet vim habere, acque a nobis observari sine dolo. Omnia hæc præscripta capita, & unumquodlibet horum singularem spondimus

bona fide, & spondemus his præsentibus literis per nostrum principalem honorem, nec non iuravimus hoc ipsum ad Sanctos pro Nobis & nostris Successoribus perpetuo firmiterque tenere, neque contravenire, nec ab hoc desistere ullo modo, sicut in præmissis continetur, & scriptum est. Non debemus, non volumus quoque nec possumus nos, nec quisquam alius, qui nobiscum in hanc confederationem venit (qui iurare quoque hoc ipsum debet, & vovere, sicut in præmissis & sequentibus scriptum est) si ita depravemur, quod Deus avertat, ut contra faceremus, aut facere vellemus; non debemus, inquam, nec volumus, nec possumus contra jvari ulla dispensatione, absolutione, relaxatione, abolitione, in integrum restitutione, neque ullo Beneficio, quocunque nomine illud appellaretur, undecunque, aut quomodocunque fieret, sive per nostras, aut aliorum hominum preces, sive quod latine dicitur, ex officio; neque ulla potestate ejus, qui hæc curare vellet: apud Deum & homines futuri ac dicendi infames, infideles & perjuri, ubicunque vel quocunque modo contra faceremus, aut vepremus, quovis pacto, omni fraude ac dolo a præscriptis capitibus, & singulis eorum exclusis. Ad noticiam horum damus has literas obsignatas nostris signis, quæ datæ sunt in *Ruys, die Jovis post Margarita. A Nativitate Christi M. CCC. XXXIX. Anno.*

Epistola ELECTORUM ad Papam BENEDICTUM XII. pro revocandis sententiis Joannis XXII. contra Ludovicum Imperatorem editis.

Sanctissimo in Christo Patri ac Domino BENEDICTO Papæ: Vestri devoti Filii, HENRICUS Dei & Apostolicæ Sedis gratia Archi-Episcopus Moguntinus, Elector Principum Decanus, nec non per Germaniam Sacri Imperii Archi-Cancellarius: BALDWINUS Archi-Episcopus Trevirensis, Cancellarius Gallie: WALRAMUS Archi-Episcopus Colonienfis, Cancellarius Italie: WALDEMARUS Marchio Brandeburgensis, Camerarius: RUDOLPHUS Palatinus, Dapiter: RUDOLPHUS Dux Saxonie, Portitor ensis;

Tomus IV. Concil. German.

Romanorum Regis, & coronandi Imperatoris legitimi Electores. Gravamur non modice; & turbamur ex intus, cum reverendam Sacrosanctam Romanam Ecclesiam, Matrem nostram, & ipsius Summos Pontifices, quibus reverentiam ac honorem exhibere volumus promptis & devotis animis omni vice; ac sacrosanctum Imperium, & Imperatores, seu Reges ipsius, quorum defensio ad Nos, ac omnes alios Coelectores nostros præ cæteris mundi Principibus specialiter pertinere dinoscitur; sicut temporibus præsentibus, videmus ad invi-

T t cem

cem discordare. Nam ex hoc non potuerunt sibi, & populo Christiano proficere & prodesse, & prout est divinitus institutum, sibi mutuo suffragari. Propter quæ in diversis mundi partibus, Provinciis & terris, ipsis regendas, gubernandas commissis, innumera execrabilia pericula animarum, personarum, & rerum, & diversa scandala in Dei Ecclesia [quod dolenter referimus] sunt subortæ; & majora præsumuntur futuris temporibus, quæ ad planum dici nequeunt vel conscribi, certitudinaliter suboriri: quæ submoveri non possunt, nisi utraque potestas contenta sit suis juribus, & consuetudinibus hæcenus observatis, & reformatur, quæ una contra aliam attemptavit.

§. II. Sanctitati vestræ cum omni devotione, & in modum, quem possumus, meliorem & humiliorem referimus bono zelo, quod super præmissis & ad consulendum & providendum sacrosancto Romano Imperio, cujus jura, honores, bona, libertates, & consuetudines prostrata jacent, & a diversis personis Ecclesiasticis & secularibus sunt & fuerunt hæcenus in grave præjudicium dicti Imperii invasa, occupata, & multipliciter concitata; XV. die mensis Julii anni XXXVIII. in REINSE super alveo Reni [ubi Principes Electores super negotiis Imperii tractandis convenire consueverunt ab antiquo] cum aliis Principibus Electoribus Imperii in unum suum congregati; & diversis deliberationibus & consiliis præmissis, sicut Divinæ gratiæ placuit, omnes unanimes fuimus & nullo penitus discrepante pro defensione & recuperatione jurium, honorum, bonorum, libertatum, consuetudinum sacri Romani Imperii ac totius Christianitatis, AD CUIUS REGIMEN, ET DEFENSIONEM IDEM IMPERIUM PRINCIPALITER ORDINATUM DINOSCIATUR, disposuimus, & ordinavimus pro Nobis & successoribus nostris, & firmavimus jurejurando, per Sacramenta corporaliter a Nobis, & omnibus Coelectoribus nostris præstita; quod jura, honores, bona, libertates, & consuetudines dicti Imperii & nostra, Nobis in electione Imperii competentia ex consuetudine, vel de jure manteneamus, defendamus & illibata conservemus toto

posse, & viribus nostris, contra omnes homines cujuscunque præeminentiæ, dignitatis, seu status existant, & quod hoc non obmittamus propter aliquam periculam rerum, aut personarum, aut præcepta, mandata & processus, per quemcunque modum & formam prolati sint, vel in antea proferantur contra Imperium, & Nos, vel Coelectores nostros; per quæ dicto Imperio, ac Nobis, & Coelectoribus nostris in prædictis juribus, bonis, hominibus, libertatibus, & consuetudinibus præjudicatum sit, vel in futurum posset præjudicium generari.

§. III. Et tandem super præmissis lamentabili desiderio, & causis originalibus, ex quibus ortum dinoscitur, quod inter sanctam Romanam Ecclesiam, ac sacrum Romanum Imperium, & Dominum nostrum LUDOVICUM ROMANORUM IMPERATOREM, jam longis temporibus diligenti & sollicita deliberatione præhabita, Nos, & alii Coelectores nostri cognovimus, & nobis constitit evidenter ex processibus quondam Domini JOHANNIS Papæ XXII. Prædecessoris vestri, quod ipse primo & postea sententias excommunicationis & interdicti (sic dici merentur) ac alias diversas sententias & processus de facto contra Deum & justiciam, & juris ordinem fulminavit contra prædictum Dominum nostrum, Dominum LUDOVICUM Rom. Imperatorem, ac fautores & adhaerentes sibi, qui a majori parte Principum Electorum fuit rite & rationabiliter in Regem Roman. electus in Imperatorem postea consecrandus: "*Quod si de administratione Imperii intromisit, non approbata per prædictum Prædecessorem vestrum ipsius electionis quam in discordia asseruit, celebravit.*"

§. IV. Per quas sententias & processus, cum juri & consuetudini Imperii, præfato Domino nostro LUDOVICO, Nobis & aliis Electoribus Imperii per maxime derogetur; cum jure caveatur & consuetudine, cujus contrarium in memoria hominum non existit, sit rationaliter introductum; & sine cujusvis contradictione legitime observatum. Sicut etiam in prædicto Parlamento per Nos & alios Coelectores nostros præhabita diligenti deliberatione & discussione, ac consilio multorum Principum, Comitum,

tum, Baronum, & Nobilium est concorditer declaratum, & sententialiter definitum: " *Quod vacante Romano Imperio it, qui eligitur concorditer, vel a majori parte Principum Electorum, pro Rege Romanorum ab omnibus est habendus: Et quod nec nominatione, approbatione, confirmatione, consensu, vel auctoritate Sedis Apostolicæ super amministratione honorum Et jurium Imperii inliget, sive titulo Regio affumulo: quodque jura Et bona Imperii amministrare Et gubernare poterit, Et de jure, Et de consuetudine, nulla Sedis Apostolicæ super hoc licentia habita vel obenta.*

§. V. Quare cum Sanctitas vestra teneatur præ omnibus regnis mundi defendere jura Imperii, quod ad defensionem Sedis Apostolicæ, & totius Fidei Christianæ est cælius ordinatum, & sine cujus salubri gubernatione & defensione non potest in opulentia pacis persistere Christianus populus, nec bene colere pacis auctorem: Clementiæ Sanctitatis vestræ supplicamus, cum omni hu-

mitate & reverentia, qua possumus & valemus, quatenus sententias & processus prænotatos, & quicquid exinde ob nos secutum est, totaliter & penitus revocetis, tanquam in præjudicium Imperii & jurium ipsius prolatos. Quæ jura illibata pro posse servare tenemur ratione a Nobis præstiti juramenti, ut obinde in omni obedientia & devotione Ecclesiæ Romanæ & Sanctitatis vestræ debeamus devotioribus animis perpetuo permanere. Et ne si secus fieret, Nos & alii Coelectores nostri, cum aliis Principibus Ecclesiasticis, & secularibus Alamanicæ cogeremur invenire & quærere contra eosdem processus & sententias, quamvis inviti, remedia opportuna. Super præmissis ad Sanctitatem vestram tales transmittimus, quibus in dicendis & petendis nostro Nomine fidem, Vestram Clementiam petimus adhibere.

*Cl. Leibnizius edidit Juris gentium
Parte I. No. LXXXVI. pag. 149.*

Decretum Et Constitutio ab Imperatore & Ordinibus de Jure Imperii facta VIII. August. Anno M. CCC. XXXVIII.

Licet jura utriusque testamenti manifeste declarent, Imperialem dignitatem & potestatem immediate in Filio Dei ab antiquo processisse, & Deum per Imperatorem, & Reges mundi jura humano generi aperte tribuisse: & quod Imperator ex sola electione eorum, ad quos pertinet, verus efficitur Imperator, nec alicujus alterius eget confirmatione seu approbatione: quoniam in terris quoad temporalia non habet superiorem, sed eidem gentes subiant & nationes: & ipse Dominus noster JESUS CHRISTUS mandavit, *quæ sunt Dei Deo, Et quæ sunt Cæsaris Cæsari reddenda.* Quia tamen nonnulli avaritiæ, & ambitionis cecitate ducti, & nullius scripturæ intelligentiam habentes, sed diverentes a tramite recti sensus in quædam iniqua & prava commenta, & in assertiones detestabiles prorumpentes contra potestatem, & auctoritatem Imperialem, & jura Imperatorum, Electorum, & aliorum Principum, & Imperii fidelium committunt fallaciter asserentes: *Quod Imperialis digui-*

*tas Et potestas est a Papa, Et quod electus in Imperatorem non est verus Imperator nec Rex, nisi prius per Papam sive Sedem Apostolicam confirmetur, approbatur, Et coronetur: & per hujusmodi pravas assertiones & pestifera dogmata hostis antiquus movet, jurgia suscitât, contentiones parit, & seditiones procurat. Ideo ad tantum malum evitandum de consilio & consensu Electorum & aliorum Principum Imperii declaramus, quod IMPERIALIS DIGNITAS ET POTESTAS EST IMMEDIATE A SOLO DEO: & quod de jure, & Imperii consuetudine antiquitus approbata, postquam aliquis eligitur in Imperatorem sive Regem ab Electoribus Imperii concorditer, vel majori parte eorundem, statim ex sola electione est Rex verus & Imperator Romanorum censendus & nominandus, & eidem debet ab omnibus Imperio subiectis obedi-
diri; & administrandi jura Imperii & cætera faciendi, quæ ad Imperatorem verum pertinent, plenariam habet potestatem, nec Papæ, sive Sedis Apostolicæ,*

auf alicujus alterius approbatione, confirmatione, auctoritate inogiet vel consensu. Et ea propter hac hæc in perpetuum valitura lege decernimus, "ut *decius in Imperatorem* concorditer, vel "a majori parte Electorum *ex sola electione* consensatur & habeatur ab omnibus "pro vero & legitimo Imperatore, & eidem ab omnibus subjectis Imperio debeat obediri, & administrationem & jurisdictionem Imperialem, & Imperialis potestatis plenitudinem habeat, & habere ac obtinere ab omnibus censetur, & firmiter asseratur; "Quicumque autem contra hæc declarata, decreta vel definita, aut aliquid eorum asserere, seu dicere, aut asserentibus seu dicentibus consentire, vel eorum man-

datis, vel literis, vel præceptis obedire præsumpserint, eos omnibus feudis, quæ ab Imperio detinent, & omnibus gratiis, jurisdictionibus, privilegiis, & immunitatibus a Nobis, vel Prædecessoribus nostris eis concessis ex nunc privamus, & ipso jure & facto decernimus esse privatos. Insuper eos *crimen læsæ Majestatis decernimus incurrisse*, & poenis omnibus impositis crimen læsæ Majestatis committentibus subiacere. Datum in oppido nostro de Franckensfurt, die 8. mensis Augusti, anno Domini M.CCC. XXXVIII.

Cl. Leibnitz codex Diplomaticus Juris
Gustium Parte I. N. LXXVI. pag.
148.



Statuta Synodalia BALDUINI, Archiepiscopi Treverensis, contra Violatores & Invasores tum Clericorum, tum Ecclesiarum.

Anno Christi MCCCIXL. Benedicti XII. Papæ VI.
Ludovici IV. Regis XXVI.

BALDEVINUS, DEI GRATIA, SANCTÆ TREVERENSIS ECCLESIAE ARCHIEPISCOPUS, SACRI IMPERII PER GALLIAM ARCHICANCELLARIUS, UNIVERSIS ET SINGULIS PERSONIS TAM ECCLESIASTICIS, QUAM SÆCULARIBUS PER SUAS CIVITATES ET DIOECESIN CONSTITUTIS, SALUTEM, ET SINCERAM IN DOMINO CHARITATEM.

I. EX credito Nobis dispensationis officio, curis sollicitamur afflicti, curiosaque inquisitione meditando discurremus, ut subditorum nostrorum quieti & commodis, in quorum prosperitate utique prosperamur, jugiter neuitis nostræ studiis intendamus, ut & iidem felici ducti regimine, præserventur a noxiis, & optatis semper proficiant incrementis. Igitur cum nonnulli insurgente diabolo in tantam præsumptionis audaciam prorumpant, ut Clericos, & Ecclesiasticas personas occidere, mutilare, & captivare, captivosque detinere, in suæ salutis dispendium non formident: sicut hucusque pluries, (quod dolentes referimus) dinoscitur perpetratum. Nos tantis periculis cupientes occurrere, & tam nesa-

nos præsumptores condigna animadversione ferre, ut saltem metus poenæ, tales ab hujusmodi præsumptione cohibeat, & compescat: statim tenore præsentium & ordinamus, si quis in hoc genus sacrilegii proruperit, quod aliquem Clericum pro Clerico se gerentem, in terminis nostræ civitatis vel Diocesis occidat, mutilet, vel captivet, seu etiam detineat captivatum, quod contra talem occisorem, mutilatorem, captivatorem, & ipsum Clericum detinentem, per totum Decanatum Christianitatis illius loci, ubi talis occisor, mutilans, seu captivans, vel Clericum detinens, domicilium habuerit, vel jurisdictionem exercuerit, de jure vel de facto, & etiam per totum Decanatum illius loci, ubi talis Clericus captivus detentus fuerit, &

& in qualibet Parochiali Ecclesia alterius Decanatus, ad quam tales malefactores declinare contigerit, quandiu moram ibidem traxerint, & post recessum eorum, per triduum cessetur penitus a Divinis. Quam quidem cessationis Divinorum sententiam, in loca prædicta, ut prædictum est, ponimus per præfentes, tam diu tenendam, & firmiter observandam, donec præfatus occisor, mutilans, vel captivans, seu Clericum captivum retinens, satisfactione debita præhabita per Nos ipsam meruerit, & obtinuerit relaxari. De qua quidem relaxatione per nostras vel Officialium nostrorum literas constare debebit.

II. Præterea cum nonnulli perversi homines interdum alios in prosecutione sui juris impedire tenere molientes, nuntios & portitores literarum & processuum judicialium occidunt, mutilant, & captivant, vel literas & processus quos deferunt, ipsis auferant violententer, in Ecclesiasticæ libertatis contumeliam & contemptum. Nos huic morbo pestifero per oppositionem competentium penarum mederi volentes, ut quos timor Dei a malo non revocat, saltem pena coercet a peccato: & ne quisquam hujusmodi occasione, & prosecutione sui juris & iustitiæ, quam colere summum bonum esse dinoscitur, retrahatur: Statuimus, ordinamus, & volumus, si deinceps quisquam in talem vesaniam inciderit, quod nuncium aliquem literas vel processus aliquos judiciales deferentem, ea occasione occidat, mutilet, vel captivet, vel literas & processus judiciales hujusmodi cuiquam nuncio ipsos deferenti auferat violententer, quod talis occidens, mutilans, seu literas, & processus violententer auferens, juxta statuta alius per Nos desuper edita, sententiam majoris excommunicationis incadat ipso facto, & quod contra talem nihilominus sine alia monitione, & sine alio mandato, in terminis Parochialis loci, ubi præfens fuerit, quandiu ibidem moram traxerit, & post ejus recessum per triduum cessetur a Divinis. Quam cessationis Divinorum sententiam, contra tales occisores, nuntiatores, & captivatores dictorum nunciorum, literas seu processus hujusmodi ferimus, & præfentibus promulgamus.

III. Item quia sæpe contingit, ut ex retroactis compertimus, quod bona Clericorum decedentium a nonnullis personis, quibus nullum jus competit bonis in eisdem, de facto & per injuriam occupantur, surripiuntur, & etiam dissipantur, propter quod eorundem bonorum debita dispositio impeditur. Nos ausus talium bona hujusmodi occupantium, surripiantium, & dissipantium, reprimere cupientes, tenore præfentis statuti omnibus & singulis personis tam Ecclesiasticis, quam secularibus, cujuscumque status, sexus, vel conditionis fuerint, districte, & firmiter inhibemus, ne aliqua bona per aliquem Clericum nobis subiectum, cum decesserit derelicta. S. in quibus jus ipsis non competit, occupent, subripiant, vel quovis modo dissipent. Alioquin volumus & statuimus, si quisquam repertus fuerit, qui contra hoc nostrum statutum bona aliquorum Clericorum decedentium nobis subiectorum, per injuriam occupaverit, surriperit, vel dissipaverit, quod contra talem ipsorum bonorum occupationem, subreptionem, vel dissipationem, in terminis Parochialis loci, ubi talis occupans, subripiens vel dissipans, præfens fuerit, vel moram traxerit, & post ejus recessum per triduum: & nihilominus in terminis Parochialis loci, ubi talia bona sic occupata, surrepta, vel dissipata actu constituta, seu collocata fuerint, vel ubi devenerint, cessetur eo ipso penitus a Divinis. Quam cessationis Divinorum sententiam contra hujusmodi bona Clericorum decedentium, occupatores, surripiatores, ac dissipatores, modo quo præfertur, tenendam præfentibus promulgamus.

IV. Ceterum cum nonnunquam aliquæ personæ Religiosæ de Religiosis etiam Monasteriis personis super bonis negociis seu juribus, ad Monasteria, in quibus hujusmodi personæ deputatæ nuncuntur, spectantibus, suis consanguineis, laicis & aliis personis laicalibus ipsis faventibus querimonias facere non erubescant, ex quo eorum Prælati vel confratribus, ac ipsis Monasteriis interdum injuriæ, damna, & gravamina non modica inferuntur, præfentis statuti tenore inhibemus districte, ac in virtute sanctæ

T. 3. obe

obedientiæ omnibus personis Religiosis, cujuscunque status, sexus, vel conditionis fuerint, ne super bonis vel iuribus sive de personis ad Monasteria, in quibus degunt, vel receptæ fuerint pertinentibus, aliquas querimonias faciant aliquibus personis laicalibus, sive sint eorum consanguinei, vel alias amici, per quos dicti eorum Prælati vel Confratres, vel etiam ipsa Monasteria molestari, damnificari quoquo modo valeant, vel gravari. Et si de cætero alicujus personæ Religiosæ occasione Monasterii ejusdem personæ per aliquos laicos, sive suos consanguineos, sive alios amicos aliquæ injuriæ, vel gravamina illata fuerint, sive damna: cum non sit verisimile, quod inimica hujusmodi (a) religiosa persona talia fierent, & ob hoc scrupulo non careat societatis occultæ: volumus, & statuimus, quod dicta persona, cujus occasione talia gravamina seu damna ipsi Monasterio inferantur, eo ipso de hoc, quod querimonias sic inhibitas fecerit, sit convictus, (b) & eo ipso etiam talis persona conquerens a voce & jure Capitulari in suo Monasterio, sine spe restitutionis per triennium sit suspensa, & ultra hoc nihilominus tanto tempore, quantum ipsius Superior & Conventus arbitrati fuerint, & donec juxta eorundem Superioris & Conventus moderationem ac arbitrium pro qualitate excessus fuerit emendata.

V. Iterum, cum per importunitatem Potentium, Monasteria tam Monachorum quam Monialium, Nobis subiecta, in receptione aliquarum personarum præbendis nondum vacantibus, ut per facti experientiam didicimus, interdum nimium prægraventur: inhibemus, & singulis Conventibus Nobis subditis, tam Monachorum, quam Monialium, & singularibus personis eorundem, ne aliquas Præbendas de cætero aliquibus personis conferant, nisi actu sint vacantes: & ne

aliquas personas sub expectatione futurarum Præbendarum recipiant, seu aliquas promissiones faciant de ipsis præbendis aliquibus personis, cum vacaverint, conferendis: & ne aliquas etiam petitiones super futuris Præbendis admittant, vel quod admittantur, consentiant, divisim vel communiter quovismodo. Alioquin singulares personas de Conventibus huic nostro statuto non obtemperantes, excommunicationis: Conventus vero suspensionis sententias incurrere volumus ipso facto.

VI. Item quia intelleximus, quod nonnulli ex inordinato affectu, & non ob Dei suorumve Sanctorum venerationem, quorundam Sanctorum Festa, quæ nec Romana Ecclesia, nec Nos vel Clerus aut populus nostræ civitatis & Diocesis specialiter, & celebriter veneranda duxerunt, ita, quod in ipsis Festis ab operibus mechanicis, quibus conquiritur victus, cessetur, præsumant indicere, ac pro celebribus coli mandare. Unde in virtute sanctæ obedientiæ districtè duximus prohibendum, ne quis de cætero Prælatus, vel alius cujuscunque status, præminentiae, vel conditionis existat, Nobis subiectus, hujusmodi Sanctorum Festa, in quibus homines ut plurimum, quod cordialiter Nobis displicet, se non Divino cultui, ut deberent, sed voluptati, & ociositati, quæ hostis antiquæ arma fore noscuntur, præbere student, quacunque occasione vel causa, indicare, vel coli, mandare præsumat. Salvis iis Sanctorum Festis, quæ ab antiquo hucusque fuerint in suis locis pro Festis celebribus observata. Datum Treviris, Anno Domini Millesimo trecentesimo trigesimo nono, die prima mensis Junii.

*Ilmus Hontbeimius Historiæ Treverensis
Diplomaticæ Pragmaticæ Tom. II.
pag. 73, 74, 75.*

(a) forte: a religiosa persona

(b) forte: convicta



CONCILIIUM LUBECENSE

Anno Christi MCCCXLII. Clementis VI. Papæ I.

Ludovici IV Regis XXVIII.

*Johannis IV. (a) Episcopi Lubecensis Statutum & Decretum Synodale
contra invasores & violatores bonorum & personarum
Ecclesiæ Lubecensis.*

Quoniam ad officium pertinet præ-
sidentis, nunc antiquorum obser-
vatione; nunc vero editione novo-
rum jurum seu statutorum illicitos au-
sus malignantium, quam sibi possibile est,
refrenare; Nos JOHANNES, Dei gra-
dia, Episcopus Lubecensis, ad reprimen-
dum perverſos quorundam conatus Ve-
nerabilium Patrum Dominorum videli-
cet BORCHARDI & HENRICI Episcopo-
rum Prædecessorum nostrorum felicis
recognitionis vestigiis inherentes, ipso-
rum statuta in suis Synodis edicta inno-
vamus, & quædam alia pro præſentis
temporis qualitate necessaria eis duximus
annectenda. Cum enim quamplurimi
timore Dei postposito, quod conquæ-
rentes referimus, bona nostra Episcopalia
invadant, violenter occupent & rapi-
ant, nec non colonis villanis subditisque
nostris graves multiplicesque injurias
interant eos capiendo, ipsorum bona &
res occupando nomine pignoris, res
eorum violenter capiendo, eos bonis &
rebus spoliando, equos, boves, oves,
& alia pecora eorum in prædam abdu-
cendo per onerosas hospitalitates & in-
debita servitia eos attingendo, & illicitas
exactiones & tallias eis imponendo, &
hæc frequenter contingant, multisque
grassantibus exemplo opus sit, Nos ju-
stitiam nostram & Ecclesiæ Lubec. spon-
sæ nostræ nolentes negligere, de Capi-
tuli nostri consilio & assensu IN PRÆ-
SENTI SANCTA SYNODO statuimus,
decernimus, & decrevimus, ne quis,
cujuscunque status aut conditionis fuerit
Bona nostra Episcopalia violenter inva-
dat, occupet, aut rapiat, colonos, vil-
lanos, aut subditos nostros capiat, res,
vel bona eorum violenter occupet, no-
mine pignoris res eorum violenter ca-
piat, eos bonis suis spoliaret, equos, bo-
ves, oves, & alia pecora eorum in præ-

dam abducat per onerosas hospitalitates
& indebita servitia eos attingat & illicitas
exactiones & tallias eis imponat, nec
præmissa sic occupata, rapta, capta, ab-
lata, seu abducta emat vel teneat, nec
ad præmissa facienda det consilium, auxi-
lium, vel favorem. Si quis vero contra
præsumserit, nisi infra lex dies imme-
diate sequentes, quorum duos pro pri-
mo, duos pro secundo, & reliquos pro
tercio & perempt. termino & moniti-
one canonica sibi assignamus, occupata,
rapta, ablata, seu abducta restituerit, vel
de damnis illatis emendam non fecerit
competentem, excommunicationi se ip-
so facto noverit subiacere. Et ne ali-
quis malefactorum prædictorum statuti
ignorantiam seu decreti nostri valeat
prætereundum, omnibus & singulis Eccle-
siarum Rectoribus & Vice-Rectoribus
per nostram Diocesim constitutis in vir-
tute sanctæ obedientiæ & nihilominus
sub excommunicationis poena distracte
præcipiendo mandamus, quatenus ipso-
rum singuli in singulis Ecclesiis suis
singulis diebus Dominicis & Festivis,
cum populus convenierit ad Divina, hu-
jusmodi Statutum & Decretum per se
publicent, seu per alios faciant publica-
ri. In quorum testimonium sigillum
nostrum una cum sigillo Capituli nostri
prædicti præsentibus sunt appensa; Nos-
que Hermannus de Westerbeke Vice-
Decanus, & Capitulum dictæ Lubecensis
Ecclesiæ sigillum nostrum una cum si-
gillo dicti Domini Episcopi nostri in tes-
timonium præmissorum præsentibus
duximus apponendum. Datum Lubec.
Anno Domini MCCCXLII. tertia
die mensis Julii, quæ fuit in crastino pro-
festo Scti Martini.

*Cl. Lutz aus des Deutschen Reichs-
Archiv Speilegis Ecclesiastica, andere
Theil von Sehen Stiffen.*

SYNO.

(a) Joannes von Muhl ex Scholastico Ecclesiæ suæ electus Episcopus anno 1341. funda-
vit Sacellum in latere Aquilonari Ecclesiæ Cathedralis, obiit peste sive viro A. 1360.

SYNODUS OLOMUCENSIS

Anno Christi MCCCXLII. Clementis VI. Papæ I.
Ludovici IV. Regis XXVIII.

JOHANNES, (a) DEI ET APOSTOLICÆ SEDIS GRATIA, EPISCOPUS OLOMUCENSIS: UNIVERSIS ABBATIBUS, PRÆPOSITIS, ARCHI-DIACONIS, DECANIS, PLEBANIS, VICE-PLEBANIS, ETIAM ECCLESiarUM ET CAPELLARUM RECTORIBUS, TOTIQUE CLERO, ET POPULO, QUIBUSCUMQUE NOMINIBUS CENSENTUR, PER NOSTRAM DIOCESEM CONSTITUTIS, SALUTEM ET SINCERAM IN DOMINO CARITATEM, ET HIS NOSTRIS CONSTITUTIONIBUS FIRMITER OBEDIRE.

Humana natura labilis est ad delicta, & diaboli invidia succrescente contula est lex justitiæ. Unde considerantes, quod licet satis provide per *Canonicas*, ac deinde *Provinciales*, nec non *Prælatuum nostrorum statuta*, circa reformationem morum Cleri sit provium; nihilominus, cum nulla constitutio ad humanæ nature varietates, & ejus machinationes inopinabiles sufficit, quin per machinationes humane sagacitatis, quæ ad malum prona est, & multiplices appetitus noxios in se continet, mentem quandoque sapientum in erroris viam sic abducatur, ut nisi lex limitaris tales affectus noxios restringeret, ex apparentibus potius quam existentibus non formidaret. Quapropter sub maxima lucubratione degentes, noctes insonnes ducimus, Omnipotentis Dei auxilium invocantes, pro nostris subditis, ut ab hujusmodi varietatibus illicitis sibi ipsis consulere faciant abstinendo, ideoque *quandam nostras Constitutiones* necessarias, prout rerum experientia Nos edocuit, *Prioribus* jungentes, non novitatis alicujus conceptione inducti, se veteribus falcimenta præbentes, ut in suis limitibus salubriter perfecterent, *in hoc nostra Sancta Synodo*, cui alias auxiliante Deo præsidemus, vestre caritati ad memoriam duximus adhibendas, mandantes & volentes, ut vos omnes & singuli vestrum eas benigne suscipientes affectu, eis utamini, de cætero locis & temporibus quibuscumque, nec

quisquam suo, sed in earum limitibus ambulet, & ducatur.

Caput I. De Officio Visitatoris.

Cum juxta dictum Salomonis, nemo prudentiæ propriæ innidere debeat, sed quilibet in suis actionibus non suo sensu, sed Canonum auctoritate duci debeat, & ob hoc lex prodita sit, ut appetitus noxius sub juris regulæ limitetur, per quam humanum genus, ut alterum non lædat, jus suum unicuique tribuat, informatur. Stanimus & volumus, quod juxta moderationem factam circa sanctæ Visitationis Officium per Sanctiss. in Christo Patrem & Dominum nostrum Benedictum (b) Pap. XII. per Constitutionem suam novellam, quæ incipit: *Vas Electionis* &c. (c) singuli quorum interest, sanctæ Visitationis Officium exerceant; nostræ autem intentionis existat, ut se regant, & dirigant, si pœnas in eadem Constitutione expressas voluerint evitare.

Caput II. Ut singuli Plebani hac statuta habeant.

Ordinamus, volumus, & sub pœna excommunicationis præcipimus, quod quilibet Archi-Diaconus nostræ Diocesis infra unius mensis spatium, sub nostro sigillo, eandem Constitutionem habeat, & eam de verbo ad verbum omnibus Plebanis sui Archi-Diaconatus requirentibus ipsam dare & exhibere modis

(a) Joannes Oczko, ex Prioribus de Wlaskim, Episcopus Olomucensis XXIV. ex Præposito omnium Sanctorum sit Archi-Episcopus Pragensis, ac demum Cardinalis titulo XII. Apostolorum: magna auctoritate Ecclesiam administravit.

(b) Benedictus XII. eligitur Avenione 24. Decembris A. 1334. antea dictus Jacobus Fumarius, A. 1335. VIII. Januarii coronatus. Obiit A. 1342. 25. Aprilis Avenione.

(c) Extat *Extravagantium Commun. L. III. Tit. X. De censibus, exactionibus, & procurationibus.*

modis omnibus absque diminutione teneatur, subterfugiis quibuslibet incongruis penitus postergatis.

Caput III. Nemo in alia Diœcesi sine licentia sui Episcopi Ordines accipiat.

Cum jam dudum sacris Constitutionibus laudabiliter sit provisum, quod nullus furtive in Diœcesi aliena ordinatus executionem ordinationum sic perceptorum habeat, nisi per suum Episcopum desuper fuerit prius dispensatum; quia tamon efficax rerum Magistra experientia per facti evidentiam Nos edocuit, quod nonnulli Archi-Diaconi per nostram Diœcesim constituti, improvide, cum tamen id facere non possint, tales tolerant, & eis concedunt literas suas; presentibus inhibemus, ne quisquam talium per aliquem Archi-Diaconorum, seu Plebanorum nostrorum ad executionem Ordinum sic susceptorum amplius admittatur, nisi de dispensatione Ordinum sic perceptorum per Nos prius facta, per nostras parentes literas eis facta fuerit plena fides.

Caput IV. Ne quis peregrinus ad Officium Ecclesiasticum admittatur sine literis Episcopi.

Sane jam dudum per bonæ recordationis Dominum CONRADUM Prædecessorem nostrum sacis provide fuit constitutum, quod nullus de alia Diœcesi per Plebanum, seu Rectorem Ecclesiæ, absque licentia Episcopi Diœcesani pro Vicario recipi debeat, seu permitti Ecclesiastica Sacramenta tractare, etiam si diuissimas suorum habuerint Prelatorum. Nos tamen propter transgressorum audaciam, ejusmodi Constitutionem innovantes, statuimus: ut nullus de cætero pro Vicario recipiatur, seu ad ministrationem Ecclesiasticorum Sacramentorum admittatur, nisi prius Archi-Diacono loci presentatus, per ipsum Archi-Diaconum, seu ejus literas patentes, Nobis de novo presentandus, antequam Divinis se ingerat, digno per Nos examini subijciatur, an dignus sit ad animarum regimen suscipiendum: nec tunc etiam, cum repertus fuerit idoneus, recipiatur a quoquam, nisi nostris literis receptoris patentibus nostro sigillo roboratis, fuerit communis.

Tamvis IV. Concil. German.

Caput V. De Festivitatibus celebrandis.

Plebanorum nostrorum petitio continebat, ut ipsis Pastoralis debiti officium edicere dignaremur, quæ Festa Sanctorum per abstinentiam ab omni opere servili annuatim essent per ipsos eorundem subditis indicenda. Nos eorundem iustis petitionibus inclinari, nobiscum, & cum fratribus de nostro Capitulo existentibus deliberatione præhabita diligenti, ipsis ea duximus presentibus exprimenda: Festum videlicet Nativitatis Domini cum tribus sequentibus diebus, Circumcisio, Epiphania, Conversio S. Pauli, Purificatio, Mathiæ Apost. Annunciatio, Festum Paschæ cum tribus diebus sequentibus; Georgii & Adalberti, Marci Evang. Philippi & Jacobi, Inventio S. Crucis, Ascensio Domini, Pentecostes cum duobus diebus sequentibus, Festum Corporis Christi, Joannis Bapt. Petri & Pauli, Margarethæ, M. Magdalene, Jacobi, Laurentii, Assumptionis, Bartholomæi, Nativitatis gloriose Virginis, Mathæi, Wenceslai, Michaelis, Lucæ Evang., Simonis & Judæ, Omnium Sanctorum, Martini, Christini, Nicolai, Andreæ, Thomæ.

Caput VI. De vita & honestate Clericorum.

Cupientes, ne magnus ille voluptatis hortus, quem noster verus Salomon in folio militantis Ecclesiæ plantavit, & a procellosis mundi turbinibus & fluctibus elongavit, vitis aliquid contrahat, sed potius flores & fructus honestatis in eo ubertim succrescant, statuimus: ut omnes Clerici nostræ Civitatis de cætero clerice viventes coronam & consuram deferant, vestem quoque talarem, nec nimia latitudine, seu strictione nitendam, nec nodulis utantur inter manum & cubitum, calceis quoque perforatis & incisis, cultellis fixitalibus, & desuper argentatis, vel alio metallo circumductis non utantur, nec cingulis sericis notatis: item nec cappas sericas, vel virgularas deferant, ut & panceria, arcus, & ballistas, item nec gladios, nisi in itinere constituti, quos tamen statim, cum ad hospitium venerint, deponant. Verum cum propter transgressorum temeritatem necesse est, ut non solum prohibi-

V v

tione

tione sumus contenti, sed etiam poenas delinquentibus adjiciamus, cum poena suos semper debeat tenere auctores. Volumus, ut contra facientes ex tunc, quotiescumque contraverint, marcam solvere teneantur: talem vero Nobis denuntians & legitime probans, sive Clericus fuerit, sive laicus, ex prædicta marca unum florenum a Nobis recipiet indilate.

Caput VII. Ne Jocularibus per Clericum quidquam doneatur.

Huic quoque Statuto duximus salubriter annexendum, ut nullus Clericorum nostræ Diocesis deinceps alicui joculari, seu mimo, ex nuptiis sibi transmissis per aliquem aliquid dare præsumat: contrarium faciens poenas suspensionis IV. mensium ab ingressu Ecclesiæ incurrat.

Caput VIII. Ne Clerici filiis aut filiabus convivium faciant.

Insuper etiam prohibemus, ne quisquam Clericorum nostræ Diocesis, filio vel filie suæ, qui eorum potius sunt pudori, quam honori, nuptias, seu in eorum nuptiis convivium habere audeat publice vel private, cum hæc in grave scandalum redundare non sit dubium; alioquin contrafaciens Episcopo unam marcam, & Archidiacono loci unum fertonem solvere sit adstrictus, & nihilominus per unum mensem integrum in Ecclesia Olomucenti in cappa nigra stare teneatur.

Caput IX. Ut quilibet Rector sigillum habeat.

Cæterum, ne prætextu carentiæ sigilli, quisquam Clericorum nostræ Diocesis occasionem habere possit suorum Prælatorum mandata non exequi, seu provideri eisdem, statuimus sub poena unius marce nostræ Cameræ applicandæ, ut quilibet Rector Parochialis Ecclesiæ, vel ejus Conrector, infra duorum mensium spatium a publicatione præsentis statuti computandum, habere debeat sigillum proprium, nomen suum & Ecclesiæ suæ exprimens, si est Rector, si vero Conrector fuerit, ipsius nomen & cognomen.

Caput X. Ne Clericus hastiludia exerceat.

Hastiludia & torneamenta Clerici, qui sunt in dignitatibus, seu sacris Ordinibus constituti, hoc edicto nostro sibi noverint perpetuo interdicta, ita quod nulla Ecclesiastica persona cum armis exerceat, & si contra fecerint, excommunicationis vinculum eo ipso incurrant, cujus absolutionem Nobis reservamus. Inferioris vero ordinis Clerici, si talibus se ingesserint, eo ipso, per annum integrum inhabiles sint ad Ecclesiastica Beneficia obtinenda.

Caput XI. Quomodo permutationes fieri debeant.

Frequens & assidua multorum insinuatio nostris auribus patefecit, & rerum experientia nos edocuit, quod plerique Clerici exquisitis fraudibus sua beneficia insimul permutare molientes, pecunia seu alia re interveniente, Simoniacam exercent pravitatem; verum quia iniquum hoc, sacris Canonibus inimicum vitium tolerari non debet, duximus providendum, quod de cætero permutationes Ecclesiarum nullæ fiant, nisi prius Nobis per Decanum ruralem loci, & duos viciniore & honestiores Clericos facta fuerit plena fides, quibus ex causis ipsa permutatio fiat, & quod Simonia vel pactio alia illicita non intervenit ullo modo; alioquin sub alia forma huic contraria, sua beneficia per collusionem dimittentes, & alias Ecclesias subintrantes, virtute præsentis statuti, ipsis Ecclesiis sint privati.

Caput XII. Ne Patroni Ecclesiarum compellant ad permutationes.

Sunt nonnulli etiam Clerici, qui a Patronis, sive alias eorum Dominis, quibuscunque nominibus censeantur, cum pro eorum libitu non faciunt voluntatem, sive in dando eis, vel faciendo ad nutum eorum existant, coguntur ad beneficia, quæ sub eis possident, permutanda; ex quo gravamina non modica, & pericula in spiritualibus & temporalibus exurgunt Ecclesiarum & personarum earundem; Nos itaque ad tam detestabile vitium extirpandum duximus statuendum, quod Clerici talibus coactionibus non assentiant, sed illos Nobis sub

ex-

excommunicationis poena denunciare teneantur indilate, Patroni vero talia committentes, jure presentandi careant ea vice.

Caput XIII. De Festivitatibus Patronorum.

Qui suscepto de manu superne benedictionis premio in perhennitate glorie consistunt ad dextram Dei Patris, devote metuendi sunt, & omni veneratione colendi sunt, inter quos Beatissimi & Gloriosissimi Confessores Christi CYRILLUS & METHUDIUS, Patres, Apostoli, & Patroni nostri precipui, qui felicissimum nostræ Ecclesiæ & Diocesis agrum in vineam Domini DEI Sabaoth converterunt, & palmitem multiplicium virtutum, & doctrinam longe lateque in ea extenderunt, fructus uberes proferentes. Volentes autem, ut non solum hi Sanctissimi, sed & loca suo odore glorificato repleta pia & perpetua devotione a Christi fidelibus venerentur; statuimus: ut omnes & singuli subditi nostri per eosdem Clarissimos Sanctæ Fidei Plantatores in domum Domini complantati, nobiscum jocunda mente suscipiant, quæ hæc referimus; videlicet: ut totus Clerus & populus nostræ Diocesis ipsorum festum & diem debeant VII. Idus Martii solemniter una nobiscum per Divinorum Officiorum celebrationem piis ac bonis operibus recolere & observare. Præterea, ut festum S. CHRISTINI PATRONI nostri, cujus corpus in nostra Olomucensi Ecclesiâ requiescit, solemniter in crastinum S. Martini ab omnibus Christi fidelibus utriusque sexus nostræ Diocesis, sub poena excommunicationis festivetur, & in Ecclesiis sub duplici officio observetur. Insuper statuimus & ordinamus, ut festum S. Cordula Virginis annuatim in die XI. Miliium Virginum solemniter festivetur, utpote cujus corpus pariter in nostra Ecclesiâ Olomucensi requiescit.

Caput XIV. De Visitatione Infermorum.

Cum ad infirmos extra septa Ecclesiæ Corpus Christi deportatur, mandamus veneratione solita venerari, videlicet: ut Presbyter indutus superpellicio cum stola circum collum porter illud ad infirmum, nisi loci distantia & temporis qualitas secus expositat: Clericus vero præ-

cedat cum lumine & campandla, & obviantes genu flectant, & qui devote orationem Dominicam cum Ave MARIA dixerint, his XX. dies de injuncta sibi poenitentia misericorditer relaxamus Qui vero Sacerdotem sic ipsum Dominicum Corpus deferentem ab Ecclesiâ usque ad infirmum cum lumine conduxerint, & abinde revertenti se associaverint, XL. Indulgentiarum dies de Beatorum Petri & Pauli, & Patronorum Ecclesiæ confissi suffragiis, de injunctis poenitentis misericorditer relaxamus.

Caput XV. Ut interdictionum ponatur, dum Ecclesiâ depradantur, & Clerici captivantur.

Licet Canon Provincialis Statuti felicis recordationis Domini GERHARDI Archiepisc. Moguntinensis satis provide sub excommunicationis jam late sententiæ poena statuerit, ut quando spoliū Ecclesiasticorum bonorum factum fuerit per laicum, vel Ecclesiasticam personam ad aliquem locum captiva duci contigerit, ex tunc Sacerdotes hoc scientes non expectato super eo Superiorum mandato, abstinere debeant a Divinis; quia tamen facti nos evidentiâ edocuit, nondum ad plenum contra temeritatem & audaciam spoliatorum & captivatorum prædictorum esse proviſum, cum contra hujusmodi Constitutionem exquisitis fraudibus facere moliantur: hinc volumus & statuto præſenti edicimus, ut ad quemcunque locum deinceps prædicti spoliatores seu captivatores talium personarum pervenerint, seu declinaverint, vel etiam ipsum spoliū deductum fuerit, quam diu ibidem permanſerint, eo ipso cesset a Divinis, donec ipsum spoliū plene & integre fuerit restitutum, aut de ipso alias congrue satisfactum.

Caput XVI. Ne Apostata recipiantur.

Ut periculosa rogandi materia seu occasio eo amplius de cetero Religiosis, seu suæ professionis habitum dimittentibus subtrahatur, statuimus: ut deinceps nullus Plebanorum, vel aliquis quicumque Clericus Apostatam Ordinis cujuscunque pro socio in sua Ecclesiâ recipiat, & eum scienter retinens, præter poenam a jure statutam, unam marcam Nobis, & Archi-Diacono loci unum ferro-

nem solvere teneatur. Similem quoque poenam Decanus & Plebanus vicinior hoc sciens, & hoc Nobis denungiare dissimulans, incurrat.

Caput XVII. De Indulgentiis infra Elevationem.

Is, qui in elevatione Hostiæ salutaris humiliter & devote a tempore Elevationis usque post Elevationem flexerit & inclinaverit, X. dies de injunctis poenitentis in Domino relaxamus; ut autem ad præmissa Christi fideles commodius se aptare possint & valeant, volumus & mandamus, ut cum ipsa S. Eucharistia elevatur, iteratis vicibus sonitus campanæ pulsetur.

Caput XVIII. Ut Dedicatio Olomuensis Ecclesiæ festinetur.

Alma mater Ecclesiæ plerumque nonnulla rationabiliter ordinat, quæ postmodum suadente subditorum comodo consultius & rationabiliter revocat in melius, inter alia solemnitates Dedicatarum Ecclesiarum per annos singulos celebrando, ipso Domino nostro exemplum dante, ut qui ad festum Dedicationis Templi cum reliquis populis eandem festivitatem celebraturis, advenit. Statuimus igitur, ut, non obstante observatione hætenus habita, festum Dedicationis Ecclesiæ Sponsæ & Matris nostræ Olomuensis, proxima Dominica post octavas Corporis Christi annis singulis solemniter celebretur, & ab omnibus Christi fidelibus votivis cordibus, & corporalium laborum itineribus sincera devotione frequentetur. Omnibus autem vere poenitentibus & coneridis ipsam Matrem nostram Ecclesiam intra octavas Dedicationis frequentantibus ac visitantibus XL. dies de injuncta eis poenitentia misericorditer in Domino relaxamus.

Caput XIX. Ut Plebanus eligat Rectorem.

Quia sæpe super electione Scholarum Rectoris inter Plebanos & ipsarum Ecclesiarum Rectores suscitatur materia dissensionis, ipsam, quantum Nobis est possibile, tollere cupientes, statuimus: ut Magistri Scholarum electio & ordinatio cum fuerit facienda, de cætero libere ad Parochialem Rectorem, seu ejus

Vicarium debeat perpetuo pertinere, alias electio vel ordinatio de Magistro facta, nisi ipsius consensus accesserit, sit irrita ipso facto, nec ipsum, nisi voluerit, pro Magistro habere teneatur.

Caput XX. De obventibus Plebani.

Statuimus etiam, quia plerumque ipsis Rectoribus Ecclesiarum suarum ad omnia & singula incumbenda onera supportanda non sufficiunt facultates, ut nullus de cætero in aliqua Ecclesia Parochiali nostræ diocesis Magister Cæchez, qui alias vitricus Ecclesiæ vocatur, eligatur sine scitu Plebani loci vel Conventoris ipsius, qui etiam debet esse fidelis & juratus Ecclesiæ, & suum officium fideliter exercere, volentes: ut de ipsis, quæ per ipsum quaesitando cum tabula per Ecclesiam ex oblationibus Fidelium fuerint comparata in festivitatis sequentibus, videlicet: Nativitatis Christi, Paschæ, Pentecostes, Ascensionis, IV. Festivitatibus B. Virginis, Dedicationis Ecclesiæ, seu Patroni, Plebanus medietatem integraliter trahere debeat, in aliis vero diebus ipsi vicici ei tribuant juxta consuetudinem hætenus observatam, de relictis quoque pro ornamentis Ecclesiæ, de cera pro luminibus disponendis, & quidquid ad certum usum fuerit deputatum, ipse Rector Ecclesiæ nihil habere debeat.

Caput XXI. Ut Judei caputia non deferant.

Cum per Sanctorum Canonum Statuta laudabiliter provisum fuerit, ut Judei habitum distinctum deferant, per quem a Christianis discerni possint evidenter, quia vero nullus ex hoc, aut rarus fructus provenit, quin imo ipsi Judei Christianorum habitu utantur distincte, quo ingens inconvenientia Christianæ Religionis dignoscitur provenire; Nos itaque pastoralis astringit sollicitudo, ut in talibus providere debeamus, statuimus, ut Judex, sive Advocatus, & Scabini, seu Juratores deinceps Judeis Caputia deferentibus ea auferre debeant, alioquin id non prohibentes in vita eorum Ecclesiasticis careant Sacramentis, & post mortem Ecclesiastica sequestratura.

Caput

Caput XXII. De Confessionibus.

Sane, licet Bonifacius Papa, sua Constitutione duxerit statuendum, nulla consuetudine introduci possit aliquem, præter sui Superioris licentiam Confessorum eligere, qui eum solvere possit, vel ligare. Ne tamen pro dilatione poenitentiae periculum imminuat animarum, præsertim Statuto favorabiliter indulgemus, ut Plebanus Sociis, & Socii Plebano, vel Plebani Sociis pluribus in Ecclesia existentibus, unus alterum de confessis sibi peccatis absolvi habeat potestatem, casibus Nobis, vel a consuetudine reservatis, dumtaxat exceptis, dum tamen absolvens illius criminis particeps non fuerit, sive Socius in perpetratione illius; ne verecundia, quæ maxima pars est poenitentiae, cessare videatur; quo

casu volumus, quod Plebano proximiori confiteri possit. Ratificantes ex nunc ex speciali gratia omnes Confessiones, & absolutiones hactenus factas per quoscunque contra formam Constitutionis prælatæ.

Diligenter collatum cum suo gemino Textu in Archivo Archi-Episcopali Pragensi sub fide mea jurata observato per omnia concordare testor Praga die 7. Octobris A. 1752.

*Wenceslaus Procopius Duchowitz mpp.
St. Theol. Baccalaureus, formatus
Regie Cap. OS. SS. in Castro
Pragensi Beneficiatus Notarius
Aplicus, & Curie Archi-Episcopalis
Pragensis Archicarius Juratus.*

(L.S.)

CLEMENS EPISCOPUS, SERVUS SERVORUM DEI, AD PERPETUAM REI MEMORIAM.

Erectio Ecclesiae Pragensis in Metropolitanam cum duobus Suffraganeis.

Romanus Pontifex supremæ Majestatis providentia in altissimo dignissimo loco constitutus, ovile Domini suæ curæ traditum, ut ei ex Officio Pastoris incumbit, solite circumspiciens & custodiens, Ecclesias, earumque rationes commutat, & corrigit, sicut necessitas ipsarum Ecclesiarum, & causæ postulare noscuntur pro ædificatione populi, & salutē animarum. Cum sicut Nobis ex una parte a Charissimo Filio nostro Joanne Rege Bohemæ, Illustri, & Nobilissimo Viro Carolo Marchione Moraviæ Primogenito ejus Filio, coram Nobis, & Fratribus nostris S. Romanæ Ecclesiæ Cardinalibus propositum, & reverenter significatum est, (a) Pragensis, & Olomucensis Ecclesiæ, & eorum civitates, & Episcopatus in Regno Bohemæ sit, spectarint jure Metropolitano ad Archi-Episcopum Moguntinum, civitas vero Moguntina ipsa duodecim circiter dierum itinere exinde distet; ad hæc, quod prædicti Regni incolæ, qui Slavica lingua loquuntur, incolas, qui in prædicto Archi-Episcopatu sunt, non intelligant; Item quod ex Pragensi, & Olomucensi civitatibus & Episcopatibus venientes, per latrones & prædones in viis multa pericula subiverint, & quod

magnæ Silvæ, & montes interjaceant, & difficilis sit accessus, & sæpe volentes Moguntium pergere, alias terras transire, & procul circum ire aliis viis, vel ob appellationem, vel ob alias necessitates ab Archi-Episcopo, sicut a Superiore suo, impetrare quærentes, multum laborem, diticultatem, & expensarum damnum pati debuerint; insuper quod ultra hominum memoriam nunquam (nisi semel) prædictæ Ecclesiæ Pragensis, & Olomucensis visitatæ sint; cum bonum Superiorem deceat sibi commissos visitare; sed & hoc magnum inconveniens esse cognoscitur, ut tanta multitudo hominum ab uno tam procul posito regatur. Ex his itaque causis a prædicto Rege, & Filio ejus Primogenito, humiliter rogati sumus, quatenus Pragensis & Olomucensem Ecclesias a tali respectu, dependentia, subjectione Archi-Episcoporum Moguntinorum, & Ecclesiæ Moguntinæ liberare, & hanc Ecclesiam Pragensis in Metropolitanam erigere, & alias Ecclesias in illo Episcopatu, præcipue Olomucensem, Pragensis Ecclesiæ adjungere dignaremur. Nos precibus eorum auditis; volentes in his ordinem certum, & modum servare, & absolutam rerum notitiam accipere, Ve-

V v 3

nera-

(a) *Supple: quod*

nerabili Fratri Bernardo Episcopo Ostiensis, & Dilectis Filiis nostris Bernardo cituli S. Cyriaci, Præfeto Tervisano, ut & Raymundo Ecclesie Novæ B. Virginis Diacono, Cardinalibus, vivæ vocis oraculo mandavimus, ut de hac re personaliter, & oretenus meliorem noticiam acciperent, & quod conveniens judicarent, Nobis fideliter aperirent. Itaque per Episcopum Ostiensem & Cardinales, juxta nostram voluntatem informati, cognovimus, justas, & fere evidentes causas esse eorum petitionis, quod non solum digna res sit, sed etiam omnino necessaria, pro dilatazione præmiorum Dei, & salute animarum. Confidimus enim, quod per hoc multum bonorum salutarium provenire possit, sicut cum Fratribus nostris prædictis diligenter, & sedulo perspeximus, & consilium desuper accepimus, Ecclesiam, civitatem, & Episcopatum Pragensem prædictum, ex consilio Fratrum nostrorum, & ex Apostolice potestatis plenitudine, cum certa scienda nostra, ab omni jurisdictione, potestate, & subjectione Archi-Episcopi Moguntini, qui nunc est, & Dilectorum Filiorum Capituli Ecclesie Moguntinæ eximentes, & omnino liberantes, & soli Ecclesie Romanæ in posterum subjicientes, Pragensem Ecclesiam ad Dei honorem, & gloriam, atque ad exaltationem Fidei Christianæ, & cultus Divini augmentum, & animarum salutem, in Metro-

politam erigimus, & illam dignitatibus, & signis Metropolitanarum Ecclesiarum decoramus, potestate prædicta constituentes, ut hæc Pragensis Ecclesia in posterum pro Metropolitana habeatur, & ejus Pastor Archi-Episcopus nominetur. Dignum etiam est, quandoquidem prædicta Ecclesia ante fuit sicut Filia, & nunc est facta Mater Metropolitana, ut Suffraganeos, & suam peculiarem jurisdictionem habeat, ut ad judicium Archi-Episcopi, qui pro tempore erit, omnes causæ Suffraganeorum, Episcoporum, & Clericorum, & civitatum, & Episcoporum, & Provinciarum, juxta regulas juris Canonici, referantur. Villam vero Litomisl, qui est locus insignis in Episcopatu Pragensi, ad honorem Nominis Dei, & venerationem, pro ædificatione, & exaltatione in civitatem erigimus, & civitatem facimus; Item Ecclesiam hujus Monasterii Novæ civitatis Ordinis Præmonstratensis, in Episcopalem erigimus, cui ab Episcopo Olomucensi, & etiam a Pragensi aliquæ partes ditionum attribui debent, & sic Olomucensis & Litomislensis Ecclesie, & earum civitates, Pragensis Ecclesie erunt Suffraganeæ. Nulli itaque hominum liceat &c. Datum Avenione pridie Calendas Maji, Pontificatus nostri anno secundo.

P. Balvinus vita Ernsti Lib. II. Cap. III. pag. 97. & seqq.

CONCILIIUM ULTRAJECTINUM

SUB JOHANNE (6) DE ARCKEL,

Anno Christi MCCCXLIII. Clementis VI. Papæ II.
Ludovici IV. Regis XXIX.

Epistola Ima Synodalis.

JOHANNES, DEI GRATIA, EPISCOPUS TRAJECTENSIS, UNIVERSIS ABBATIBUS, PRÆPOSITIS, ARCHI-DIACONIS, DECANIS RURALIBUS, RECTORIBUS, CURATIS, AC ALIIS CLERICIS SÆCULARIBUS, AC REGULARIBUS, PER NOSTRAS CIVITATES ET DIOECESIM CONSTITUTIS, QUOS INFRA SCRIPTUM TANGIT NEGOTIUM, SALUTEM IN DOMINO SEMPTERNAM.

I. J. Arckelus revocat varia ante concessa privilegia.

Quia per ambitionis importunitatem petentium nonnulli Prædecessores nostri in diversis per suas ci-

vitates & Dioecsim constitutis, facultates & licentias concesserunt, a casibus Episcopalibus absolvendi, quibusdam in

in Oratoriis celebrandi, & aliis faciendi Missas coram se in suis castris, domibus & habitationibus celebrari, aliquibus ordines interdum sacros a quocunque antistite Catholico recipiendi, nonnullis a suis Beneficiis seu Ecclesiis residentiam exigentibus absentiandi: Quidam etiam quarundam licentiarum, sententiarum & dispensationum Ecclesie concessarum, & factarum pretextu, interdum & indifferere, per alios, qui super his potestatem habent, se a suis Beneficiis residentiam exigentibus absentiant: Nonnulli etiam Præpositi, & Archidiaconi, & Prælati, ac eorum Officiales & Decani suæ potestatis terminos amplificantes, & præsumptuositate propria excedentes, de nostra Episcopali jurisdictione interdum tota, interdum certis casibus saltem de facto, cum de jure nequeant, se intromittant, ex quibus sæpe contingit animas decipi, jura Parochialia lædi, plures insufficientes ordinari, Divinum Officium negligi, cultum Divinum minui, & plurima scandala suscitari. Nos volentes, ut tenemur, prædictæ dubitationis materiam amputare, omnes & singulas facultates, & licentias supradictas, personis non locis concessas revocamus, annullamus, cassamus & irritamus, & cassas & irritas esse volumus & inanes, easque nullius decrevimus esse firmitatis. Inhibentes omnibus & singulis Nobis subditis, cujuscunque conditionis & status extiterint, quibus prædictæ facultates & licentiæ sunt concessæ, ne eorum occasione attemptetis, ulterius facere supradicta, sed deinceps celsitatis penitus ab eisdem. Monemus in super vos omnes & singulos Clericos, & Religiosos, & alios, cujuscunque status & conditionis sitis, qui a prædictis casibus Episcopalibus, absque speciali nostra licentia absolveritis, & vos prædictos Præpositos, Archidiaconos, Prælatos vestrorum Official. & Decan. qui vos de nostra jurisdictione Episcopali, absque nostra speciali commissione intromittitis, quatenus infra quinde-

cim dies, postquam noster processus ad vestrorum notitiam pervenerit, quos pro prima, secunda, tertia, ac monitione Canonica vobis assignamus, cesseris penitus a prædictis, & vos, qui a casibus Episcopalibus absolvetis, causam coram Nobis vel Officiario nostro infra prædictum tempus ostendatis & probetis, qualiter absolvere valeatis a casibus supradictis.

II. Clericos præcipit residere.

Item monemus vos omnes & singulos, in nostra civitate & Diocesi Beneficia quaecunque residentiam requirentia obtinentes, & si quæ in futurum obtinebitis, quatenus infra duos menses, postquam noster processus ad vestram notitiam pervenerit, aut postquam prædictorum Beneficiorum, quæ in futurum obtinebitis, possessionem pacificam fueritis assecuti, quos duos menses pro prima, secunda, tertia, ac monitione Canonica vobis assignamus, ad dicta Beneficia accedatis, personalem residentiam, etiam juxta Beneficiorum exigentiam servitia debita præsturi: aut coram Nobis compareatis causam rationabilem, si quam habetis, ostensuri, quare non teneamini ad residentiam antedictam, taliter, quod mereamini a Nobis super hoc testimoniales litteras obtinere; quodsi dictis nostris monitionibus aut alicui earum non parueritis, cum effectu in vos non parentes excommunicationis sententiam ferimus in his scriptis, cujus absolutionem Nobis posterum reservamus, ad poenas alias processuri, si hoc meruerit protervitas contumacie.

III. Peccata reservata proponit.

Verum ne aliquis de Episcopalibus, seu peccatis, quorum Nobis est absolutio reservata, ignorantiam valeat allegare, vobis eos & ea præsentibus designamus, quæ sunt numero XIX. prout in statutis per felicitis recordationis Dominum GUIDONEM Prædecessorem nostrum

- (a) Joannes, Filius Joannis Domini de Arkel, & Ermingardis, Filie & hæredis unice Ottonis Clivie Comitis, a Clemente VI. declaratus Antistes Ultrajectinus, a Cardinali Gangelino Episcopo Albanensi Romæ consecratus fuit. Circa 1342. inter continus bella præfuit Sedi Trajectensi annis XXII. sed anno 1364. per Urbanum V. factus fuit Leodiorum Episcopus. Demum Leodii anno 1378. VI. Kal. Aprilis mortuus, cadavere Trajectum ad Ecclesiam S. Martini translatum. In sacris & secularibus Literis non vulgariter erat institutus. *Placentius de Episcopis Leodensibus.*

strum editis, plenius continentur. Et sunt hæc, homicidia, sacrilegia, incendia, peccata contra naturam, seu Zodomitica, concubitus personarum Conventualium in sacris Ordinibus constitutarum. Incestus videlicet cum sanguinea, vel affine, vel cum ea, quæ votum castitatis emisit. Iniectiones manuum in parentes, oppressiones parvulorum, negligentia parentum in igne vel aqua natos amittentium, veneficia, perjurya solemnita, fidei fractores, votorum fractores, symonia, adulteria manifesta, hæresis, apostasie, maleficia eorum, qui maleficiunt conjuges, ne possint coire, & qui procurant sterilitatem mulierum vel abortum, Crimina falsitatis in litteris, sigillis vel moneta.

IV. Et pro Concione publicari mandat.

Mandantes vobis omnibus & sin-

gulis Curatis nostrarum civitatum & Diocesis, in virtute sanctæ obedientie, & sub excommunicationis pena, quatenus prædictos casus Episcopales quilibet vestrum in scriptis habeat, ipsique populo lingua materna, & intelligibiliter publice quatuor diebus Dominicis continuis, postquam ipse noster processus ad vestram notitiam pervenerit, & annis singulis duabus Dominicis in Adventu, & tribus Dominicis in XL. Cæterum ut hunc nostrum processum ad omnium vestrum notitiam perducamus, ipsum munimine nostri sigilli roboratum, valvis nostræ Trajectensis Ecclesiæ affigi fecimus, & in nostra generali Synodo publicari. Datum infra nostram Ecclesiam Trajectensem, anno Domini MCCCXLIII. feria tertia post Cantate.

Hensden Batavia Sacra pag. 187.

Epistola Secunda Synodalis.

Anno Christi MCCCXLIV. Clementis VI. Papæ III.
Ludovici IV. Regis XXX.

Jubet Regulares, nec predicare, nec a peccatis præcipue reservatis absolvere, nisi legitime sint admissi.

JOHANNES, DEI GRATIA, EPISCOPUS TRAJECTENSIS, UNIVERSIS ET SINGULIS CURATIS, SEU ECCLESiarUM RECTORIBUS IN NOSTRIS CIVITATIBUS ET DIOECESI CONSTITUTIS, SALUTEM IN DOMINO SEMPTERNAM.

DUm nonnulli Religiosi nostrarum civitatum & Diocesis, extra quatuor Ordines mendicantium, fratres non visi, nec recepti a Nobis, nec Nobis per eorum Superiores præsentati, afferentes se per Nos ad infra scripta receptos, aut ad ea a Nobis specialem licentiam obtinere, se prædicationi populo immiscerent, aut quoscunque a quibuscunque peccatis & commissis passim in foro penitentiali absolvent; volentes his fraudibus obviare, mandamus vobis in virtute sanctæ obedientie, & sub excommunicationis pena, quatenus prædictos Religiosos ad prædicandum populo & audiendum confessiones vestrorum Parochianorum nullatenus admittatis, nisi nostrarum litterarum patentium fide

exhibeant se munitos. Moneatis insuper publice in Ecclesiis vestris omnes & singulos, primo, 2do, 3tio, quos Nos etiam sub monitione monemus, quatenus post sex dies post publicationem præsentium, se prædictis prædicationi & auditioni confessionum fidelium minime ingerant, nisi a Nobis visi & examinati per nostras litteras meruerint approbari. Quia si nostris dictis monitionibus non paruerint, in non parentes excommunicationis sententiam ferimus in his scriptis, quorum absolutionem Nobis impofterum reservamus. Cæterum *supra* &c. Datum, anno Domini MCCCXLIV. feria 4ta post Cantate.

Hensden Batavia Sacra pag. 188.

CONCI-

CONCILIIUM PROVINCIALE MAGDEBURGENSE

Anno Christi MCCCXLIV. Clementis VI. Papæ III.
Ludovici IV. Regis XXXI.

Feria II. post Dominicam Jubilate.

OTTO, DEI GRATIA, SANCTÆ MAGDEBURGENSIS ECCLESIAE ARCHIEPISCOPUS, UNIVERSO CLERO EJUSDEM CIVITATIS, DIOECESIS, ET PROVINCIÆ, SALUTEM IN DOMINO SEMPITERNAM.

Cum per illud statutum, quod Dominus Archiepiscopus *Burchardus* olim contra eos, qui libertates, bona mobilia, vel immobilia, jura, vel jurisdictiones, ad Ecclesiam pertinentes, auferunt, vel invadunt, aut susceperint, vel detinuerint, vel alios defenserint, præstando auxilium, consilium, vel favorem, cujuscumque sint Ordinis, præeminentiæ, conditionis, aut status, non sit adhuc sufficienter provisum: quandoquidem Prælati, Canonici, & Clerus nostræ Provinciæ a nonnullis personis perditionis multipliciter adhuc graventur contra Ecclesiasticam libertatem; cum novis morbis antidota conveniat præparari, *Sacri hujus approbatione Concilii* statuimus, quod hi, qui Ecclesias, vel Cœmeteria, ædificia, seu structuras, nec non Curias Canoniorum Ecclesiarum Cathedralium seu Collegiarum, ac aliorum Clericorum in Immunitatibus, quæ proprie dicuntur *Vryheit*, sive dotibus Ecclesiarum constructas contra Ecclesiasticam libertatem, ac castra, vel munitiones Ecclesiarum, invaserint, impugnaverint, aut violenter occupaverint, vel destruxerint, vel talia fieri mandaverint, vel rata habuerint; ipso facto, si personæ singulares existerint, sententiam excommunicationis incurrant, & in omnibus locis, ubi de hoc constiterit, per

Ecclesiarum Rectores excommunicati publice nuntientur. Si vero universitas fuerit, Ecclesiastico subiaceat interdicto. Specialiter autem in omnibus locis, in quibus personæ singulares prædictæ, vel aliqua persona de universitate prædicta, & eorum complices in maleficio domicilium obtinent, sive de jure, vel de facto jurisdictionem exercent, aut, ubi se receperint, & per triduum post eorum recessum, strictissimum servetur interdictum. Adjicimus etiam, quod si personæ præmissæ infra mensem continue deputandum, satisfactione neglecta, non obtinuerint se absolvi, tunc ab omnibus feodis cadant ipso jure, quæ ab Ecclesia læsa dinoscuntur obtinere. Hæc omnia superscripta in committentes sacrilegium in personas Ecclesiasticas multo fortius volumus observari.

Præterea hujus *Sacri approbatione Concilii* statuimus, & vobis universis ac singulis sub pena suspensionis jam lætæ, Canonica monitione præmissa, præcipimus, & mandamus: quatenus omnes tam Clerici, quam laici, in terminis Ecclesiarum nostrarum constitutos, cujuscumque dignitatis, nobilitatis, conditionis, aut status existant, publice in vestris Ecclesiis moneatis, ne jurisdictionem Ecclesiasticam, Nuntios, mandata nostra, seu litteras nostras contempnendo,

Otto Avenione anno 1327. a Papa impetraverat Archiepiscopatum Magdeburgensem, Filius Ottonis Landgravii Hassiæ, & Adelheidis. Anno 1330. civitatem ob eandem Burchardi antecessoris Banno ligatam solvit, ea conditione, ut 36. Senatores urbe exularent, & 6. altaria ædificarentur. Anno 1333. Magdeburgenses cives eidem Homagium præstiterunt erga reverales. Anno 1335. cives Hallenses a cede Burchardi insontes declarati, & promittit iis absolutorias a Papa. A. 1334. fœdera inita inter Otronem Archiepiscopum, Capitulum, & civitatem contra inferentes injurias Ecclesiis. Mortuus est Otto anno 1361. 30. Aprilis. Sedit 33. annis.

do, vel quocumque alio modo impedire præsumant, vel Judicum nostrorum mandata deferentes verberando, offendendo, seu capiendo. Alioquin contrarium facientes, sententiam excommunicationis incurrere volumus ipso facto, & ab omnibus archibus evitandos, donec vobis de hoc poenitentia facta constiterit, vel aliud mandatum nostrum vel Judicum nostrorum super hoc receperitis, in vestris Ecclesiis publice nuntiatis, quousque a sententiis excommunicationis hujusmodi per Nos, vel Judices no-

stros fuerint legitime absolvi. Adjiciamus insuper, quod quilibet Episcopus in sua Diœcesi, prout sibi videbitur expedire, super hoc Statutum hujusmodi valeat dispensare.

Datum Calvis in Concilio Provinciali, Anno Dom. MCCCXLIV. Feria II. post Dominicam *Jubilæ*.

Clar. Leutze pag. 321. habet confederationem Archi-episcopi, & Capituli Magdeburgensis contra civitatem, sed *Concilio* non meminit in *Historia Diplomatica Magdeburgensi*.

BALDUINI, Archi-Episcopi Treverensis,

Statutum de feriis vindemiæ & messis moderandis, in Capitulis Collegiarum & Monasteriis

STATUTUM MAURICIANUM. (a)

BALDUINUS, DEI GRATIA, &c. AD PERPETUAM REI MEMORIAM.

DUdum, quod dolentes referimus, abolendæ consuetudinis de novo in nostram deductæ noticiam, in Divinorum obsequiorum diminutionem, Cleri opprobrium, & Ecclesiarum non modicum detrimentum, vergens morbus irrepsit: quod videlicet quarundam Ecclesiarum nostræ Diœcesis Decani, & Capitula, nec non Clerus & Ministri eorundem, sub prætextu, & occasione feriarum, ob necessitates hominum a jure, & a Sanctis Patribus indultarum, a festo *Beati Mauricii*, continue usque ad festum *Omnium Sanctorum*, singulis annis, nec choros ad psallendum Altissimo frequentare, nec Divinis curant interesse officiis: propter quod etiam novelli Scholares, & alii doctrinis scholasticis imbuendi, lasciviendi importunitate assumpta, quasi licenter incipiunt, nec desinunt, durante hujusmodi tempore evagari. Cum igitur perversitatibus hominum, qui nec sciunt a vetustis, & prohibitis abstinere, nec debito modo gaudere concessis, non sit aliquatenus indulgen-

dum, attendentes quoque, quod error, cui non resistitur, approbatur videtur: Nos ex commissio Nobis Pastoralis officii regimine, hujusmodi perversitatis morbum nostris temporibus penitus exulari, & exterminari votis ardentibus cupientes, deliberatione matura præhabita statuendum duximus, & statuiimus in iis scriptis: Quod de cætero anno quolibet Decani Ecclesiarum de consilio Capitulorum suorum, aut Capitulum representantium, (b) qualitate temporum, & maturitate vindemiarum considerent attentius tempus hujusmodi feriarum, quoad hoc duntaxat, ut Clerus ipsarum Ecclesiarum ipsis feriis gaudere valeat, pro vinis colligendis, apius, & congruentius uno anno prius, altero autem tardius, juxta exigentiam vindemiarum & temporum, in quo vina colligenda ipsis Ecclesiis (c) a prope situata vix possint recolligi, torqueri, & vasari, citius & brevius, quo fieri poterit, moderentur, statuunt, limitent, & inducant. Hoc statuto nihilominus in virtute sanctæ obedientiæ,

(a) Prava consuetudo in Collegiis Canonicorum per id tempus inoleverat, qua Clerus a festo die S. Mauricii usque ad SS. Omnium celebritatem Divinis interquiescentibus Officiis, vindemiarum prætextu ferias agere, & psalmodiam omittere solebat. Huic erroneo mori corrigendo hoc interdictum edidit Archi-episcopus Berncastelli 16. Septembris. *Bruserus & Masenius in Annal. Trevirens. Tom. II. pag. 215. ad b. a.*

(b) *adde*: pro qualitate

(c) in locis remotioribus ab Ecclesia sita.

dientiz, & sub excommunicationis pena, universis & singulis, quos hoc præsens nostrum statutum concernere, aut tangere poterit, distinctius inhibentes, ne quisquam citra vel ultra tempus per Decanos Ecclesiarum pro vindemiarum feriis, ut præmittitur moderandum, & limitandum, ab Ecclesia sua abesse, & chorum, & Divina Officia non frequentare, seu se a Divinis Officiis, & Horis Canonice absentare occasione feriarum, aut occupatione vinorum quovis modo præsumat: nisi super hoc a Nobis, aut a nostrarum Curiarum Treverensis & Confluent. Offic. aut a Decano proprio impetrata licentia potiatur. Sed omnes unanimiter student, sicut aliis temporibus, Divinis Officiis interesse, & pueri scholasticis insistere disciplinis. Quod si quis Decanorum prædictorum indictionem & limitationem feriarum hujusmodi obmitteret, aut quisvis alter Clericus præmissorum contrarium faceret, contra præsens nostrum rationabile, & salubre statutum temere veniendo, se per tres menses integros a perceptione fructuum

sui beneficii, quod indebitè suis destraudatur obsequiis, noverit auctoritate hujusmodi statuti, ipso facto fore suspensum, fructibus hujusmodi suspensionis tempore provenientibus ad usus pios per Nos, & nostros in hac parte Commissarios, prout expedire visum fuerit, convertendum: nec possit aliquis hujusmodi suspensionis sententiam tollere, nisi Nos, & nostri speciales Commissarii in hac parte. Idem quoque per omnia, & quoad moderationem & indictionem feriarum, gratia *necessum* colligendarum, & quoad Monasteria quorumlibet Ordinum Nobis subiecta, ne in eis circa præmissa, aut eis similia, fiat excessus, volumus, & præcipimus inviolabiliter observari. Consuetudine contraria, quæ in hac parte potius dicenda est corruptela, aliquatenus non obstante. In quorum omnium evidenciam, sigillum nostrum præsentibus est appensum. Datum Berencastell. die XVI. mensis anno MCCCXLIV.

Illmus Houtbeimius Tom. II. Historia Treverensis Diplomaticæ pag. 80. 81.

Diploma CLEMENTIS VI. quo Pragensis Ecclesie in Archi-Episcopalem Erectio confirmatur, & quibus diebus Archi-Episcopus Pallio usus sit, declaratur.

CLEMENS EPISCOPUS, SERVUS SERVORUM DEI, AD PERPETUAM REI MEMORIAM.

Attendentes Pragensem Ecclesiam magno titulo dignitatis inter allarum partium Ecclesias præfulgere, rationabile fore conspicimus, ut Ipsam Pragensem Ecclesiam, & Archi-Episcopos, qui pro tempore inibi præfuerint, spiritualibus gratiarum largitionibus, in iis potissime, quæ ad suum decus, & decorem ex ipsius Ecclesie excellentia dignitatis pertinent, honoramus. Nuper siquidem suadentibus rationabilibus causis, eandem Pragensem Ecclesiam, olim Suffraganeam Ecclesie Moguntinensis, ac tunc de Provincia Moguntina existentis, & Venerabili Fratre nostro Arnesto Episcopo olim Pragensi, in Archi-Episcopum Pragensem electo, regimini ejusdem Pragensis Ecclesie Præsidente, de Fratrum nostrorum consilio, & Apostolicæ plenitudine potestatis in Archi-Epi-

scopalem, & Metropolitanam ereximus, & honoribus ac insigniis Sedis Metropolitanæ duximus decorandam. Et attendentes, quod ipse Arnestus in ejusdem Ecclesie regimine, dum Episcopalis existeret, hæcenus se gessit fideliter & prudenter; & quod illud in posterum attentius gereret, præfatum Arnestum ipsi Ecclesie Pragensi in Archi-Episcopum præfecimus & Pastorem, curam & administrationem ipsius eidem Arnesto in spiritualibus committendo, sibi que deinde Pallium, insignie videlicet plenitudinis Pontificalis a Nobis ex parte sua humiliter postularum, duximus concedendum. Ut autem idem Arnestus, & ejus Successores Archi-Episcopi Pragenses, qui erunt pro tempore, eo licentius Pallio uti possint, quo specialiori Apostolicæ Sedis super hoc fuerint privilegio communi-

Tomus IV. Concil. German.

X x 2

di,

ti, ipsius Arnesti supplicationibus inclinati, eidem Arnesto & Successoribus suis prefatis, ut in ipsa Pragensi & aliis sum Pragensis provincie Ecclesiis, videlicet in Nativitate Domini, & S. Joannis Evangeliste, S. Stephani, & Circumcisionis ac Epiphania Domini, Ramispalmarumque & Cene Domini, Sabbato Sancto, tribus diebus Resurrectionis, nec non in Ascensionis Domini, Pentecostes, Nativitatis S. Johannis Baptiste, & omnium Apostolorum, & quatuor B. Mariæ Virginis, in commemoratione omnium Sanctorum, & S. Michaelis Archangeli, & Ecclesiarum Dedicationibus, ac in principalibus ipsius Pragensis Ecclesie Festivitatibus, & die Anniversarii

consecrationis ipsius Arnesti, & Ecclesiarum provincie Pragensis predictæ, ubi ipsum Arnestum, vel Successores ejus predictos interesse, & Missarum solennia celebrare contigerit, principalibus Festis; & etiam in consecrationibus Episcoporum, & ordinationibus Clericorum, in Abbatum & Abbatissarum, & Monialium benedictionibus, Pallio alias ei rite concessio, & etiam assignato, uti licite valeant, auctoritate Apostolica tenore præsentium indulgemus. Nulli ergo &c. Datum apud Viam novam Avinionensis Diocesis. 8. Kal. Septembris anno III.

Baldius in vita Ernsti primi Archiepiscopi Pragensis pag. 93.

*Joannis de Arckel, Episcopi Ultrajectini,
Epistola tertia Synodica.*

Anno Christi MCCCXLV. Clementis VI. Papæ IV.
Ludovici IV. Regis XXXII.

SEGERUS, CANONICUS TRAJECTENSIS, REVERENDI IN CHRISTO
PATRIS AC DOMINI, DOMINI JOHANNIS, EPISCOPI TRAJECTENSIS, IN
REMOTIS AGENTIS, IN SPIRITUALIBUS VICARIUS GENERALIS,
OMNIBUS, QUOS INFRA SCRIPTUM NEGOTIUM TANGIT,
SALUTEM IN DOMINO SEMPTERNAM.

A. „ Auctoritate Domini nostri Episcopi Trajectensis predicti, omnes & singulos Clericos huic Synodali Congregationi interesse debentes per se, vel per Procuratores idoneos, hic non comparentes, contumaces reputamus, & monemus eosdem, ut infra quindecim dies a die presenti proxime futuros, Domino nostro Episcopo & nobis ad opus ipsius de hujusmodi contumacia satisficiant. Alioquin ipsos & quemlibet ex eis ex tunc in his scriptis suspendimus a Divinis, nisi medio tempore excusationem legitimam præterdiderint, & probaverint coram nobis.

B. „ Eadem auctoritate omnes & singulos Abbates, Præpositos, Archidiaconos, Decanos, Provissores, Ecclesiarum Rectores, Curatos & Clericos civitatis & Diocesis Trajectensis, Synodali jurisdictioni dicti Domini nostri Episcopi

Trajectensis subiectos, citamus peremptorie, ut feria tertia proxima post Dominicam, qua canitur *Cantate*, sub anno Nativitatis Domini, scilicet, ad hora Synodi, vel quasi, cum horis & diebus sequentibus usque ad consummationem ipsius, in Ecclesia Trajectensi sufficienter compareant ad audiendum & prosequendum, quæ propter necessitates Ecclesiasticas ibi fuerint proponenda.

C. „ Eadem auctoritate Decreta Apostolica, Canones, Ecclesiasticas Constitutiones Concilii generalis, Statuta Provincialia & Synodalia Domini nostri Episcopi predicti, & Antecessorum Episcoporum Trajectensium, quæ omnia & singula hic pro lectis insunt, notata & publicata haberi volumus, & Ecclesiasticas censuras ipsis annexas vobis innovamus, insinuamus, & publicamus, & per vos observari in virtute sanctæ obediencie mandamus.

D. „

D. „ Eadem auctoritate absolutiones tam Clericorum , quam laicorum , qui suspensi , interdicti vel excommunicati , Divinis audiendo officiis interessendo , eidem sic ligati se intermiscuerint ; Domino nostro Episcopo & Pœnitentiarius suis Generalibus specialiter reservamus.

E. „ Eadem auctoritate omnibus & singulis Ecclesiarum Rectoribus & eorum loca tenentibus inhibemus , ne homicidas voluntarios in casibus illicitis ad communionem Altaris admittant , nisi prius Episcopali auctoritate reconciliati fuerint Ecclesiasticæ unitati.

F. „ Item omnes & singulas commisiones Provisorum , nec non absolutionum casuum Episcopaliū , nec non quæstorum , seu quæstuariorum , quibus Sigillum Capituli Traiectensis non appendet , tenore præsentium revocamus.

G. „ Item omnes debitores Domini nostri Episcopi occasione sui moderati subsidij monemus , ut infra XV. dies nobis ad opus dicti Domini nostri de hujusmodi debitis satisfaciunt.

H. „ Alioquin ipsos , qui hujusmodi monitioni modo paruerint , extunc excommunicationis sententia innodamus.

I. „ Eadem auctoritate negotium fabricæ Traiectensis , juxta tenorem privilegiorum & indulgentiarum ejusdem Ecclesiæ vobis , & cuilibet vestrum in virtute sanctæ obedientiæ committimus , & præcipimus fideliter prosequendum.

K. „ Eadem auctoritate monemus omnes & singulos debitores dictæ fabricæ , ut infra mensem proximum a die præsentis , ipsi fabricæ de hujusmodi debitis satisfaciunt. Alioquin quemlibet ex ipsis excommunicationis sententia in his scriptis innodamus.

L. „ Eadem auctoritate omnibus & singulis Ecclesiarum Rectoribus præcipimus & mandamus , quatenus singulis mensibus , uno die Dominico populo suo

publice infinuent , quod Reverendus Pater , Dominus noster Episcopus prædictus & Antecessores sui Episcopi Traiectenses injusta quæsitæ , si nesciatur , quibus reddenda sint de jure , usui dictæ fabricæ , per civitates & Diocesim Traiectensem legitime deputarunt , quodque nulli hujusmodi quæsitæ tradere , vel recipere liceat , nisi fabricæ antedictæ , quia felicis recordationis Clemens Papa V. in *Concilio Viennensi* omnia & singula privilegia , quibuscunque locis , Ordinibus vel personis , super receptione hujusmodi male quæstorum concessa , specialiter revocavit & inhibuit , ne se quomodolibet intromittant de eisdem , ipsique ad hoc ordinariæ jurisdictioni subiecti , quocunque exceptionis privilegio non obstante : propter quod in virtute sanctæ obedientiæ inhibemus , ne contra præmissa quisquam hujusmodi male quæsitæ alicui , quam dictæ fabricæ restituat vel recipiat ; alioquin post trium dierum monitionem , ut ex nunc , præmissam excommunicationis sententiam in rebelles fecimus in his scriptis : quodque hujusmodi quæstorum restitutio & dispositio eorundem , de jure ad solos Episcopos in suis Diocæsihus dinoscitur pertinere.

M. „ Eadem auctoritate omnes & singulos dolose dictæ fabricæ negotio detrahenres , nisi infra sex dies resipuerint , ipsique fabricæ satisfecerint , ab ingressu Ecclesiæ & Divinis suspendimus in his scriptis. Absolutiones vero dictarum sententiarum Ecclesiæ dictæ fabricæ latorum Provisoribus ipsius fabricæ indulgemus. Mandamus etiam omnibus Provisoribus & Decanis , ut præsentis processus , quem ex mandato Domini nostri prædicti sigillo signavimus , & valvis Ecclesiæ Traiectensis affligi fecimus , copiam recipiant , per terminos suorum Decanatum , quam citius poterunt , publicare procurant. Datum anno Domini MCCC XLV. mensis Aprilis die xxvi.

Heusden Batavia Sacra pag. 188.



*Joannis de Arckel, Episcopi Ultrajectini,**Epistola quarta Synodica.*

Anno Christi MCCCXLVI. Clementis VI. Papæ V.
Ludovici IV. Regis XXXII.

De Monialibus & cæteris.

JOHANNES, (a) Dei gratia, Episcopus Trajectensis, ut subditis nostris, præsertim sub regulari militia in virginis propositio agnum, quocunque ient, stolis incorruptilibus amictis frequentibus, retrospiciendi lubricum remediis congruis auferamus, antiquorum & novorum Apostolicorum censuram Canonum recententes, impudicas detestabilesque personarum monacharum civitatis & Diocesis, quæ abjecto proposito sanctitatis sacrilega se contagione miscuerunt, & de illicitis complexibus filios procreant, aut alias fidem castitatis, qua cælesti sponso se donaverint, incestuosis contactibus irritant, & de his per evidentiam rei, vel confessionem propriam seu definitionem, secundum Monasteriorum suorum consuetudinem, in notionem publicam deducuntur, ipsasque præter alias penitentias, quas per consuetudines vel statuta eorum Conventuum tractatu communi & voce Capituli perpetuo segregamus, scilicet secundum consuetudinem Bonifacianam, in suis Monasteriis, sub perpetua Clausura manentes, & tantum facinus continua lamentatione deficientes, Purgatorio igne decoquantur.

Masculis (b) vero cujuscunque status, religionis aut conditionis existant, cum quibus scelus tam illicitum perpétrant, in Clausuras hujusmodi accessum interdiciamus. Monachos & masculos prædictos, qui præmissa, & præmissorum aliquid effectualiter non servaverint, & nihilominus omnes & singulos, qui cum Monialibus etiam occulte non ventur concumbere, Omnipotentis Dei auctoritate confisi, præfenti statuto excommunicationis sententia innodamus.

Præterea difformitatem rituum circa

reventias Festivitatum, & dierum celebrum Domini nostri Jesu Christi, nec non Gloriosæ Virginis Mariæ, & Sanctorum ipsius, quam in civitatibus & Diocesi nostris irrepsisse, & nonnulla scandala & schismata suborta cognovimus, Nos qui unum Deum, unam Fidem, unum Baptisma, & unam Ecclesiam confitemur, ad conformitatem ducere cupientes, dies & Festivitates inscriptas, omnibus & singulis subditis nostris præcipimus in virtute sanctæ obedientiæ, Festivas & celebres, (c) & a quocunque servili opere vacantes perpetuis temporibus observare, & in eisdem piis ac devotis actibus infundare, nisi tanta necessitas suadeat, quæ super his per suos Superiores ex causis hujusmodi in minoribus etiam Festivitatibus dispensetur, videlicet, dies Natalis Domini, Sanctorum Stephani, Johannis Evangelistæ, & Innocentium, Circumcisionis, & Epiphaniæ Domini, Sanctorum Pontiani, & Agnetis, Conversionis Pauli, Purificationis, Annuntiationis, Assumptionis, Nativitatis, & Conceptionis Mariæ, & Visitationis Mariæ, Cathedræ, & ad Vincula Petri, Mathiæ, Gertrudis, Resurrectionis Domini, & trium dierum sequentium, Philippi & Jacobi, Inventionis, & Exaltationis Sanctæ Crucis, Ascensionis Domini, Pancratii, & Servatii, Bonifacii, Odulphi, Pentecostes, & trium dierum sequentium, Sacramenti Corporis Domini, Nativitatis & Decolationis Johannis Baptistæ, obitus & Translationis Lebuini, Passionis Petri & Pauli, Translationis & Obitus Sancti Martini, Mariæ Magdalene, Jacobi majoris, Laurentii, Bartholomæi, Lamberti, Mathæi, Mauricii, Michaelis, Remigii, Victoris, Simonis & Judæ, om-

(a) Johannes Episcopus animadvertit in Moniales incestuosas.

(b) Eorumque complices Monachos, et alios masculos.

(c) Atque ut conformitas rituum sit in Festis celebrandis, ea singulatim & copiose præscribit.

omnium Sanctorum, Commemorationis Animarum, Willibrordi, Catharinæ, Andree, Nicolai, & Thomæ, nec non omnes dies Dominicos per anni circulum, quos omnes & singulos, ut supra dictum est, Festivus & celebres præcipimus observari, in quorum testimonium has lit-

teras valvis Ecclesie nostræ Trajectensis affigi fecimus, & Sigilli nostri munimine roborari. Actum in Synodo postea feria 3tia post *Gustate*. Anno Domini MCCCXLVI.

Heusden Batavia Sacra pag. 188.

Joannis de Arckel, Episcopi Ultrajectini,

Epistola quinta Synodica,

ANNO CHRISTI MCCCXLVII. CLEMENTIS VI. PP. VI.

LUDOVICI IV. REGIS XXXIII.

De solutione diversorum dubiorum.

JOHANNES, Dei Gratia, &c. Omnes & singulos Clericos huic Synodali, *Quare A.* Item omnes & singulos Abbates & Præpositos, *Quare B.* Item decreta Apostolica Canonum, *Quare C.* Item absolutiones tam Clericorum quam laicorum, *Quare D.* Item omnibus & singulis inhibemus, ne homicidas voluntarios, *Quare E.* Item omnes & singulas commisiones Provivorum, nec non super absolutione &c. *Quare F.* Item omnes debitores Domini nostri Episcopi, *Quare G.* Item eadem auctoritate negotium fabricæ, *Quare I.* Item eadem auctoritate monemus, *Quare K.* Item eadem auctoritate omnibus & singulis Ecclesiarum Rectoribus præcipimus & mandamus, quatenus singulis mensibus uno die Dominico, *Quare L.* Præterea cum nonnulli Ecclesiarum Rectores subditi nostri supra infra scriptis articulis se rationabiliter dubitare proponant, (a) & se de his per Nos certificari humiliter supplicarunt.

Primo, An cum Festum Annuntiationis Domine transferretur populis ad celebrandum & jejunandum, utrum homines, qui ex voto tenentur, translati tempore teneantur?

Secundo, An Presbyteri Parochiales ex privilegio nostro vel Antecessorum nostrorum, ad usus fabricæ Ecclesie nostræ Trajectensis possint vota aliqua commutare?

Tertio, Cum per statuta Synodalia absolutiones adulteria committentium, sint Episcopo reservatæ; an solutus vel

soluta cum conjugato vel cum conjugata adulterium committere censetur?

Quarto, An aliquibus clandestine contrahentibus, cum propter hoc per statuta Synodalia in excommunicationis sententia sint innodati; an parentes contrahentium hoc mandantes, vel cum prohibere possint, non prohibentes, vel alii hujusmodi contractui interessentes, simili ligentur sententia, & an Curati eorum tales parentes & interessentes possint absolvere?

Quinto, An temporibus, quibus Matrimonium celebrare prohibetur, Rectoribus Ecclesiarum liceat banna pro contrahere volentibus & proponere, & bannis propofitis liceat infra idem tempus matrimonium contrahere, & postea licito tempore dictum matrimonium in facie Ecclesie solemnizare, sine nota inobediencie, vel clandestinitæ, vel excommunicationis sententiæ antedictæ?

Sexto, An Curatis in casibus Nobis reservatis omnino occultis liceat absolvere suos subditos consistentes, non obstant reservatione prædicta, quæ inter occulta & manifesta distinguit?

Septimo, Cujus ætatis esse debeat, qui extrema Unctione infirmorum Oleo inungitur?

Octavo, Quot vicibus, vel quantis interstitiis cuilibet liceat sic ungi?

Novo, An post confessionem novi Chrismatism, Olei Sancti, & infirmorum, alicui Presbytero antiquo uti liceat?

Solu-

(a) *Varia dubia J. Arckelio propofita.*

Solutiones dubiorum.

AD quæ sigillatim statuendo, & discernendo respondemus. *Ad primum* videlicet, quod Festum Annuntiationis prædictum in jejuniis, & Divinorum observatione, ac operum servilium vacatione, ipso tempore translatum servari & celebrari debet, nec quis ad iterationem est obligatus, nisi specialiter hoc vovisset. Et idem (b) de Festo Beati Matthiæ dicimus, quod quandoque propter causas aliquas transferri consuevit. De Festo Nativitatis Dominicæ, cum in sexta feria venerit, observari precipimus, quod Canones statuerant. *Ad secundum respondemus*, quod quamvis olim dicta fabrica hujusmodi privilegium dicitur habuisse, hoc ipsi tamen ex certis casibus non indulgimus: sed ut in votis simplicibus violatis possint absolvere, non tamen dispensare vel commutare, quod Nobis, & nostro Generali Pœnitentiaro specialiter reservamus. *Ad tertium respondemus*, quod quanquam de acceptione stricta ipsius vocabuli, adulterium dicitur committere, qui thorum alterius violat, nec mulier habere thorum dicatur; interpretatur propter peccati communionem & malitiæ partem non conjugatam cum conjugato adulterium committete. De conjugata vero & soluto dubium non existit. *Ad quartum respondemus*, quod parentes hujusmodi mandantes & prohibere valentes, & alii opem, vel operam præstantes clandestino contractui, tanquam in crimine participantes, juris ligantur sententia, nec per Curatos absolvi possint ab illa. Alii vero interestes tanquam pro nuptiis celebrandis, minori ligantur sententia, a qua possint per suos proprios Sacerdotes absolvi. *Ad quintum respondemus*, illud de jure licere, cum sola matrimonii solemnizatio, & benedictio Ecclesiæ duntaxat sint certis temporibus interdictæ. *Ad sextum dicimus*, quod tam in occultis, quam in manifestis, in dictis Statutis Synodalibus expressis Episcopis Trajectensibus est reservata, & Curatis abdicata absolvendi potestas. *Ad septimum respondemus*, (c)

quod cum ex quo quis doli capax esse reperitur, vel pubertati proximus peccare poterit, potest & inungi. *Ad octavum respondemus*, quod quia hoc in jure cautum non reperimus, hoc ipsorum Curatorum arbitrio duximus relinquendum, etiam consideratione habita personarum decumbentium & desideriis earundem, temporum quoque & circumstantiarum, Sacramentum sæpius vel rarius, ne vilescat propter frequentiam, hoc impendant. *Ad novum dicimus*, quod uti non liceat post consecrationem novi, veteri Chrismate & Oleo sacro.

Immo (d) in virtute sanctæ obedientiæ, & sub pœna excommunicationis, quam in modum statuti in his scriptis ferimus in rebelles, prohibemus, ne quis subditorum nostrorum, post diem Cænæ Domini quovis modo, vel quocunque modo necessitatis, sine nostra licentia speciali utatur veteri Chrismate, vel Oleo sacro, & sub eadem pœna precipimus eisdem, ut eadem die Cænæ Domini annis singulis hujusmodi vetus Chrisma & Oleum igne consumant.

Cæterum cum propter ingentem Nobis & Ecclesiæ nostræ necessitatem, ad præsens dictæ nostræ Synodæ interesse personaliter nequeamus, de circumspecta discretionem dilectorum Nobis Dominorum Henrici, Sancti Johannis Officiarii nostri Trajectensis, & Hugonis Sanctæ MARLE Decani, Hugonis Unficii, & Suederi Uterloë, majorum Canonicorum Ecclesiarum Trajectensium confisi, ipsis & eorum cuilibet in solidum tenore præsentium committimus & mandamus, quatenus voce nostra dictæ nostræ Synodæ intersint hac vice. Hæcque statuta, mandata, & declarationes nostras insinuent, & promulgent, Synodalia quoque, pro ut ad Nos pertinent, exequantur, & observent, faciantque, quod decreverint, per Ecclesiasticam censuram firmiter observari. In quorum omnium testimonium has literas sigillo nostro fecimus consignari. Datum anno Domini MCCCXLVII. mensis Aprilis die XXVI.

Heusden Batavia Sacra pag. 190. - 191.

(b) *Quibus hic satisfacit.*

(c) *Sigillatim edicit, quod ex quo aliquis doli capax censetur, ungi possit.*

(d) *Et quod consecro novo, veteri Chrismate vel Oleo uti non liceat.*

Joan-

Joannis de Arckel, Episcopi Ultrajectini,

Epistola sexta Synodica.

ANNO CHRISTI MCCCXLVIII.

Suederus Uterloë, Vicarius Generalis Johannis Traject. Episcopi, antecessorum Traject. Episcoporum Statuta confirmat.

SUEDERUS UTERLOË, CANONICUS ECCLESIAE TRAJECTENSIS, REVERENDI IN CHRISTO PATRIS, AC DOMINI NOSTRI, D. JOHANNIS EPISCOPI TRAJECTENSIS IN REMOTIS AGENTIS, IN SPIRITUALIBUS ET TEMPORALIBUS VICARIUS GENERALIS.

N. **U**Niversis & singulis Clericis &c. Auctoritate Domini nostri Episcopi & Vicariatus prædicti Constitutiones Canonicas, & præsertim Concilii generalis, nec non Statuta Provincialia olim per bonæ memoriæ HENRICUM Archiepiscopum Coloniensem in Concilio suo Provinciali edita, nec non Synodalia Reverendorum Patrum Episcoporum Trajectensium vobis insinuamus, & præcipimus in virtute sanctæ obedientiæ fideliter observari. Cum etiam in tantum excreverit quorundam pertinacia laicorum, quod processus, monitiones, & denunciationes Ordinarium, contra dictorum Statutorum exigentiam, per secularis potestatis abusum impediunt, ne ipsi processus, monitiones, denunciationesque in ipsorum præsentia, vel alias valeant publicari; & ne ex hujusmodi malicia videantur commodum reportare, decrevimus Rectores Ecclesiarum Parochialium, & alios Clericos civitatis & Diocesis Trajectensis, ubi præmissa contigerint, vel contingant, ad sententiam excommunicationum, interdictorum, & Divinorum cessationem, juxta ipsorum Statutorum tenorem, observantiam effectualiter teneri, ac si processus, monitiones, & denunciationes prædictæ in ipsorum laicorum præsentia fuissent executioni mandata, quas etiam sententias sub penis in eisdem statutis contentis, vobis præcipimus observare.

O. **Q**uia vero nonnulli minus idonei per importunitatem, a dicto Domino nostro, & Nobis super audiendis confessionibus, absolutionem impendentis, & poenitentis injungendis, in casu

bus dicto Domino nostro, de jure, vel per statuta, vel alias reservatis facultatem receperunt, nos de præmissis aliter disponere, favente Domino intendentes, omnes commissiones per Dominum nostrum JOHANNEM, (a) vel per Nos super præmissis, sub quacunque forma verborum, vel quibuscunque non obstantibus clausulis, vel quibuscunque personis, vivæ vocis oraculo, vel per litteras gestas, sive habitas, commissione Poenitentiarum generalis dicti Domini nostri duntaxat excepta, tenore præsentium revocamus, & penitus annullamus: Presbyteros etiam in hospitalibus celebrantes monemus, ipsisque præcipimus, ne in ipsis hospitalibus quidquam attemptent, quod in præjudicium Ecclesiarum suarum matricum quomodolibet redundare possit, nec de his, quæ ad regimen curæ Parochialis pertinent, se quomodolibet intromittant, nisi in quantum super his muniti fuerint legitimis munimentis.

Contradictores vero & rebelles post novem dierum monitionem, ut ex nunc præmissa excommunicationis sententia innodamus.

P. **I**tem in virtute sanctæ obedientiæ præcipimus & mandamus omnibus & singulis Ecclesiarum Rectoribus, & eorum loca tenentibus, ut dictorum Provincialium & Synodalia Statutorum, & hujusmodi nostri processus exemplum continue penes se habeant, ne ipsorum supinam ignorantiam valeant allegare. Datum & actum Trajecti in Synodo Generali mensis Maji die XX. anno Domini MCCCXLVIII.

Anno XLIX. non fuerunt Statuta edita.

Heusden Batavia sacra pag. 191.

(a) Erat Joannes hic Episcopus vir doctus admodum tam in secularibus, quam in spiritualibus: Ecclesiis instauravit, restauratis Libris optimis, & ornamentis jussit conferri Librum Pontificalem continentem esse septem Libros. *Buchelius in Notis ad Helam.*

CLEMENTIS VI. Papæ Epistola decretalis

ad Archi-Episcopum Moguntinum contra sectam Flagellatorum, a se prohibitam & reprobam, ut ad alios Germaniæ Episcopos idem scriberetur.

Anno Christi MCCCXLIX. Clementis VI. Papæ VIII.
Caroli IV. Imp. III.

CLEMENS EPISCOPUS, SERVUS SERVORUM DEI, VENERABILIBUS
FRATRIBUS ARCHI-EPISCOPIS, EORUMQUE SUFFRAGANEIS
SALUTEM, ET APOSTOLICAM BENEDICTIONEM.

INter sollicitudines innumeras, & immensas, quibus ultra vires Apostolicæ servitutis debito perurgemur, illud cordi nostro potissimum insidet, & ad hoc attentius studia nostra convertimus & conatus, ut apud omnes Christiani nominis Professores fides orthodoxa fulgeat, Sanctorum Patrum doctrina splendeat, & sic Catholicæ & Apostolicæ Ecclesiæ Romanæ religio sine cujusquam similitudinis, fictionis seu velaminis pallio, pure & inviolabiliter observetur, quod a vinea Domini Sabaoth, cujus cura & custodia Nobis licet immeritis est commissa, vepres & urticæ tam periculose quam damnabiliter succrescentes evellantur; & vulpeculæ, quæ ipsam demoliri nituntur, per Apostolicæ Sedis curam & evidentiam abigantur.

Sane molesta Nobis, licet fide digna magnorum relatio, & multorum assensio, Nostrum, & Fratrum nostrorum non mediocriter turbavit auditum; quod in partibus Regni Germaniæ, & ei convicinis quædam sub pretextu devotionis, & agendæ poenitentiae vana religio, & superstitiosa adinventio procurante favore malorum operum surrexerit; per quam prophana multitudo simplicium hominum, qui se *flagellantes* appellant, decepta verbis fictis acque mendaciis malignorum, assenserunt, Salvatorem nostrum Hierosolymis Patriarchæ Hierosolymitano apparuisse; (cum tamen a longis citra temporibus nullus ibidem prædentialiter fuerit Patriarcha) & sibi aliqui dixisse, quæ colorem veritatis non habentia, nec saporem, quibusdam Sacræ Scripturæ aucto-

ritatibus obviare noscuntur, in illam cordis vesaniam est deducta, & in animæ præcipitationem acta; atque de die in diem suggestionibus hostis antiqui, se, ut Dominicum gregem devoret, transferentis in Angelum lucis, nimium succrescendo deduci (cortina trahente cortinam) periculosius formidatur, quod se per societates, & conventicula (licet caudas invicem colligatas habeant) dividendes diversas circumcunt patrias; cæterorum hominum vitam & statum condemnando, se justificant: Claves Ecclesiæ vilipendunt, ac in contemptum disciplinæ Ecclesiasticæ, habitum certum, nigrum videlicet, ante & retro ipsius vivificæ Crucis impressum habentes signaculum, sine Superioris licentia deferentes, sub nomine poenitentiae gerunt; & alias in causâ insolita congregationes, conventicula, & coadunationes, quæ a jure sunt prohibite, faciunt, & ad alios actus profiliunt, a vita & moribus observantiaque fidelium Christianorum penitus alienos. Ordinationes etiam & statuta, quibus utuntur (imo verius abutuntur) propria temeritate fecerunt, erroris suspitione non vacua, & judicio rationis carentia. Sed ex eo tam pro Deo, quam hominibus odiose per amplius turbamur, acerbiusque & durius anxiamur, quod quidem religiosi præsertim *de Ordinibus mendicantium*, qui alios revocare debuerant, & ad viam reducere veritatis, ab utero Matris Ecclesiæ veluti maledictionis filii nequiter aberrantes, linguas suas, ut alios pertrahant in errorem, acunt, quibus corda debilia vulnerant, & ignorantes Dei justitiam lux propriæ innitentes pruden-

dentia, dum legi Domini nolunt esse subiecti, aliis in persuasibilibus humanæ sapientiæ verbis prædicando, & dogmatizando contra Ecclesiæ libertatem, & Fidei Catholicæ puritatem, ab ipsa veritate subducere moluntur. Quod eo faciunt efficacius, quo conceptum virus latenter effundunt: blandis prius sermonibus audientes, quasi bonum vinum prius ponendo, fatagunt irretire, & cum inebriati fuerint, illud quod est deterius, cum ipsis in perditionis laqueum incidunt, & in profundum malorum pariter demergunt.

Nos igitur tam pernicioso & periculoso principio, per quod ultra Divinæ Majestatis offensam, magnum etiam reipub. periculum, & apud fideles scandalum generatur, ne deteriores processus pariat & successus, obitare volentes, & considerantes, quod cum plerique ex ipsis, seu adherentes eisdem, sub pietatis colore ad impietatis opera laxantes crudeliter manus suas, Judæorum (quos pietas Christiana retinet, & sustinet, offendi eos aliquatenus non permittens) & frequenter etiam Christianorum sanguinem effundere, & opportunitate capta bona Clericorum & laicorum diripere, & suis usibus applicare, ac Superiorum jurisdictionem usurpare, & ad multa alia illicita erumpere minime verentur.

Timendum est, quod tam presumptuosa temeritas & temeraria presumptio, nisi ei perisalubri antidoto occurratur, paritura sit non levem perniciem, nec sine aliquorum morborum lethali contagio præterans in plurimos, sero recipiat medicinam. Attendentes insuper, quod *error, cui non resistitur, quodammodo approbati videtur*, & quod ex Officio Nobis injuncto compellimur, ut quos per iter devium errando currere, & plures in præcipationem secum trahere percipimus, ac in dispersionem multarum gentium ambulare, revocando a devio, ut in viam veritatis & justitiæ dirigant gressus suos, eisque providere per opportuna remedia studeamus; Fraternitati vestræ, de Fratrum nostrorum consilio per Apostolica scripta committimus & districte præcipiendo mandamus, quatenus vos & singuli vestrum in singulis civitatibus vestris & Diocesis, per vos, seu alium,

vel alios, ad inventiones hujusmodi seu ritus prophanos (quos una cum Societatibus, Congregationibus, Statutis, & Ordinationibus supradictis, qui se, ut præmittitur, *Flagellatores* appellant, temerarie attentatos, de eundem Fratrum nostrorum consilio *perpetue prohibitioni* subjecimus, & tanquam illicitos *reprobavimus*) auctoritate nostra reprobetis, in vestris civitatibus, & Diocesis, reprobos & illicitos publice denuntietis: ac omnes tam Clericos seculares, quam regulares, & laicos de prædicta superstitiosa secta, vel societate, quocumque appelletur nomine, existentes, vel eam sectantes, auctoritate prædicta monere, & inducere studeatis, ut ab hujusmodi observantia, secta, & nova religione totaliter desisterent, & resilire procurent. Quodque nullus deinceps prædictam sectam seu conventiculum præsumat intrare, aut ritus, & statuta societatum hujusmodi observare; contrarium facientes per censuram Ecclesiasticam coercendo: nec non eos, in quos temporalem jurisdictionem habetis per penas temporales, de quibus expedire videntis, appellatione postposita compellatis.

Sane ut Religiosi, & alii errorum Magistri, qui prædicando, & dogmatizando simplices decipiunt, & *cæci ducuntur cæcis præbentes, ipsi secum in foveam trahunt*, & si non Divino amore, saltem humana confusione a tam iniquo proposito revocentur: omnes & singulos, cujuscumque sint Ordinis, Religionis, præminentis vel status, quos in præmissis vobis constiterit deliquisse, capiat faciat; non obstante quocumque privilegio vel indulto. (quod eis in nullo suffragari volumus) tam diu captivos detineatis, donec aliud a Nobis acceperitis in mandatis, invocato ad hoc, si opus fuerit, *auxilio brachii secularis*.

Per prædicta tamen nequaquam intendimus prohibere, quin Christi fideles impostam sibi penitentiam, vel etiam non impostam, dummodo recta intentione, & pura devotione ad illam peragendam procedant, in suis hospitibus, vel aliis, absque superstitiosis congregationibus, societatibus, & conventiculis supradictis, possint facere, & se in bonis exercendo virtutum actibus Domino, prout

prout ipse inspiraverit, in humilitatis spiritu deservire.

Ceterum, quia presentes littere nequeunt singulis vestrum propter locorum discrimina commodè praesentari, volumus, quod per te, Frater Archi-Episcopo! eorum transumptum publica manu scrip-

tum & tuo communium Sigillo vestris Suffraganeis transmittatur, cui adhiberi volumus plenam fidem. Datum Avenione XIII. Calend. Novembris. Pontificatus nostri Anno octavo.

Trithemius in Chronico Hirsaugiensi ult. editio.

Electus fuerat Clemens VI. anno Christi 1342. Natus Maji, obiit 1352. VIII. Idus Decembris. Trithemius refert hanc Bullam anno 1348. in Chronico Hirsaugiensi ultima editionis.

Anno 1348. 2. Maji magna Flagellatorum multitudo ex Polonia, Misnia, & Thuringia cum crucibus & vexillis processionaliter intravit Herbipolim, & ibidem triduo permanserunt. Verum, quia nimium quotidie multiplicabantur, nec poterant eos capere urbes, ut simul incederent, in plures se turmas dividerunt, quorum alii Saxoniam, alii Marchiam, alii Bohemiam, alii Austriam, atque alii Hungariam, nonnulli ad partes Rheni, Moguntiam, Coloniā, Treverim, & partes Galliae cum Ducibus singulis atque Magistris intraverunt.

Anno etiam praescripto venerunt in Avenionem, ubi Clemens tunc Papa sextus cum Cardinalibus suis morabatur, Flagellatores, studiosè immitti ad explorandum, quid de illa secta Apostolica sentiret Ecclesia. Intrantes autem turmatim Ecclesias, suo more se flagellabant publice, orabant in modum crucis prostrati super terram, & magna prudentiae signa multipliciter ostendebant, in tantum, quod non solum cives, sed etiam Cardinales in stuporem verterent. Papa vero, cum esset vir undequaque doctissimus, rem alius considerare coepit, & maturā deliberatione in secretario cordis sui praehabitis, sub excommunicationis sententia prohibuit, ne deinceps sese publice flagellarent. Non placuit Cardinalibus ea prohibitio, qui sectam illam putabant sanctissimam, & ideo se Pontifici fortiter nonnulli ex eis opposuerunt. Verum Papa in sui perstantis sententia, sectam illam sub anathematis vinculo damnavit. Quod videntes Principes sectae, magni timore percussi sunt, & in paucis diebus penitus evanuerunt. Tandem Papa in suam sententiam revocatis Cardinalibus, omnibus Archi-episcopis, & Episcopis scribens per Apostolica scripta mandavit, quatenus saepe dictam Flagellatorum sectam in suis Diocesisbus extinguerent, Sacerdotes & Claustrales, qui hac heresi fuissent infecti, carceribus manciparent, tenerentque captivos, donec aliud ab eo reciperent in mandatis, sicut patet in ipsis Literis, quas misit ad GERLACUM Archi-episcopum Moguntinum, & ad alios Archi-episcopos Germaniae, quorum tenorem his inferere utile judicavimus.

Haesemus Trithemius in Chronico Hirsaugiensi ultima editionis pag. 208. 209. Binius Tomi III. Concilior. Parte II. pag. 820.

Pestis anno 1349. per Germaniam grassata, opportunam dedit Flagellatoribus ansam, ad peccata hominum suis flagellis expianda, & ad Divinam iram placandam.

Scabotenus Annal. Paderborn. Lib. XIII. ad b. a.

Wattius scribit, deceptos a desertore Monacho fanaticos hos homines, ex Ungaria in Germaniam propeisse, qui & plures ex mendicantibus Monachis specie pietatis allexit & pertraxit in societatem.

Scabotenus Loc. cit.

CONCILIIUM NAUMBURGENSE

Anno Christi MCCCL. Clementis VI. Papae IX.

Caroli IV. Imp. IV.

JOHANNES, (a) DEI GRATIA, NAUMBURGENSIS EPISCOPUS, UNIVERSIS ET SINGULIS ABBATIBUS, PRIORIBUS, PRAEPOSITIS, DECANIS, PLEBANIS, PRESBYTERIS, CURATIS ET NON CURATIS, ET CLERO NOSTRAE DIOCESES, SALUTEM IN DOMINO SEMPTERNAM, ET MANDATIS NOSTRIS

FIRMITER OBEDIRE.

STatuta Synodalia per Praedecessores quae per negligentiam servata non sunt, nostros edita confirmans, & ea, innovans, & sub excommunicationis poena

(a) Joannes Nobilis de Miltitz, Episcopus Naumburgensis, Obiit A. 1352.

pœna præcipimus inviolabiliter observari, quorum copiam per singulos Decanos rurales nostræ Diœcesis recipi, ac ea una cum statutis Provincialibus per eundem Decanos in Synodis particularibus Clero ipsi subdito, & convocato legi & publicari volumus & mandamus.

Primo; omnes hæreticos, scismaticos, sacrilegos, incantatores, homicidas, & usurarios publicos & manifestos, præsertim decem sexagenas pro una mutantes, Ecclesiasticæ libertatis violatores, excommunicamus in Dei nomine in his scriptis, & vos ipsos singulis diebus Dominicis & Festivis excommunicatos denunciatis.

Item; quia sæpius contingit hæreticos, & eorum fautores, sacrilegos, nigromanticos, homicidas, bannitos, proscriptos, & nonnullos alios, quibus ius omne Ecclesiasticam sepulturam tribui prohibet, contingit trucidari & occidi, & quandoque obtemperantia secularium Iudicum, quidam Religiosi, & ahi Ecclesiarum Curati nostræ Diœcesis taliter occisorum corpora ad Ecclesiasticam recipiunt sepulturam; prohibemus sub excommunicationis pœna, ne dictorum corpora de cætero sepeliantur, nisi Nos, aut Curie nostræ Officialis, eos concesserimus sepeliri.

Item; quod nullus Presbyter, aut Clericus tabernas visitet, nisi viator exiit. Neque fornicarias in domo teneat sub pœna excommunicationis. Insuper omnes & singulos Ecclesiarum Rectores sub eadem pœna monemus, ut manifestos cohabitatores & concubinos Clericos, quos noverint, infra quindenam a tempore notitiæ manifestent; illos etiam, quos noverint institutos de Beneficiis aliorum, qui ex causis legitimis præesse non possunt, sed ex passionibus privatis, absque juris cognitione & dispensatione ad hoc specialiter requisiti, similiter non negligant denunciare.

Item; quod singuli Clerici nostræ Diœcesis juxta Rubricam Nunburgensem in Divinis se regant.

Item, quod Divinum Officium celebretur discipline, & devote in superpellicis, vel aliis vestibus, prout expediat, impleatur; volentesque se in-

duere ad Missam celebrandam, deponant peras cum cingulis, & etiam supplicationes non celebrent absque caligis (a) neque bracciis.

Item; cum in Sacramentorum perceptione singula, quæ eadem maculare possunt, sint refecanda; salubriter consulendum duximus: quod in Sacramento Baptismatis, quod aliorum est janua, Patrinorum pluralitas, qui arrogantie vel cupiditatis gratia solent invitari, abdicetur, maxime cum in pluralitate Patrinorum matrimonialis impeditur copula, & nonnunquam per errorem contrahunt, quos reperta affinitate non sine gravi perturbationis dispendio contingit separari; viris tamen ex utroque Parente Nobilibus, propter sanguinis altitudinem, & quia circa matrimonia sollicitiorem gerunt curam, statum nostrum dictum esse nolumus, sed juxta patris consuetudinem numero patrinorum uti possunt.

Item; licet in jure sit cautum, quod cum ab aliquibus matrimoniis fuerint contrahenda, in Ecclesiis per Presbyteros publice proponi debeant competenti termino prænito, ut infra illum, qui voluerint, & valuerint, legitimum impedimentum opponant, hoc autem cum in Diœcesi nostra fere ubilibet negligatur; Nos hujusmodi negligentie occurrere volentes, præsentis statuto sanximus, ut nullus Sacerdotum præsens statutum de cætero transgrediatur, & ne pretextu ignorantie laici se in hoc panter valeant excusare, volumus, ut singulis diebus Dominicis ab hinc, usque ad Dominicam post Festum Sancti Jacobi Apostoli, hujusmodi nostrum statum per quemlibet Parochialem Sacerdotem in sua Ecclesia publicetur, & materna lingua exponatur.

Item; cum inter ceteros Clericorum, ac etiam Prælatorum excessus heu! hoc maxime inolevit, quod spreta in vestibus forma Ecclesiasticæ honestatis, plurimum delectantur esse dissolutes, & cupiant laicis conformari, sicque quod mente gerunt, habitu profitentur. Unde sacra hac approbante Synodo præcipimus & mandamus, ut singuli Clerici vestem, tonsuram, & mores, juxta Sacrorum Canonum constitutiones gerant,

X y 3

non

(a) forte: atque

non vero vestes amplas, manicas, & ante, retro, ac in lateribus quatuor cilluras habentes, aut ninium extensas, cum vario, vulpino, aut alio ornamento per circumferentias earum, aliquatenus deferant, neque camisas longas ad modum mulierum; præterea capita saltem in publico induant capuciis, vel iis humeros decenter sternant. Et Religiosi, nisi Prælati existant, mitras gestare non præsumant; contrarium facientes tanquam inobedientes puniemus.

Item; prohibemus: ne in Monasteriis Sanctimonialium permittantur habitare ventulæ seculares sub habitu seculari, sed quæcumque, etiam puellæ, seculares in huiusmodi Monasteriis inter

Sanctimonialiales mansionem aliqualem & notabilem facere voluerint, habitum geitent noviciarum, ne propter indecentiam habitus distrahantur & scandalizentur.

Item prohibemus: ne Quæstores aliqui, nisi litteras nostras, exhibuerint quandolibet admittantur, nec ultra continentiam litterarum nostrarum agere permittantur; alioquin admittentes & permittentes sententiæ excommunicationis subiaceant, & ipsi quæstores contra facientes suffragio brachii secularis Nobis præsententur. Datum, . .

Descripte Cl. Sebmatus h. m. ex codice MS. Bibliotheca Metropolitana Ecclesiæ Moguntina.

CAROLI IV. Imp. Litteræ ad Gerlacum

Moguntinum Archi-Episcopum directæ,

Anno Christi MCCCL. Clementis VI. Papæ IX.

Caroli IV. Imp. IV.

Quibus cum hortatur, ut, convocata quantocius Provinciali Synodo, Cleri mores universim reformet.

KAROLUS QUARTUS, DIVINA CLEMENTIA, ROMANORUM IMPERATOR SEMPER AUGUSTUS, ET BOEMLE REX &c. GERLACO, MOGUNTINO ARCHI-EPISCOPO &c. CONSANGUINEO ET DEVOTO SUO DILECTO, GRATIAM SUAM ET OMNE BONUM,

Quemadmodum, cum alias in nostræ Celsitudinis constitutus esses præfenda, devotionem tuam, præfente Venerabili Cavallacensi Episcopo, Apostolicæ Sedis Legato, fuimus allocuti; sic iterum his Imperialibus litteris Te ad exercendum in subscriptis tuum Officium propensius excitamus. Consideravit namque jam dudum, sicut in præfentia considerat, nostra Serenitas, quod antiqui Patres, Canonum conditores, qui Regulam modumque Clericis, & personis Ecclesiasticis pio proposito tradere sunt conati, circa nonnullos Prælatos, & Clericos seculares & Regulares, aliasque personas Ecclesiasticas tuæ Provincie, in vanum vigilasse videntur, nisi Tu eorundem Custos Canonum & Minister, super hac, vigilantius, quam hucusque sit factum, stu-

deas vigilare. Quis enim Canonicos cum Clericis dispensavit, ut fructus Ecclesiarum & Præbendarum percipiant, & de Christi Patrimonia ludo, Hastiludia, & Torneamenta exerceant? habitum militarem cum prætextis aureis & argenteis gestent, & cultros militares; comam & barbam nutrant, & nihil quod ad vitam & Ordinem Ecclesiasticum spectat, ostendant, militaribus se duntaxat & secularibus actibus, vita & moribus, in fide salutis dispendium, & generale populi scandalum immiscendo? Sic hæc singula per multos Provincie tuæ Prælatos & Clericos non est dubium exerceri, & tanto jam esse tempore præterito perpetrata, ac si contra vitam regularem & bonos mores voluerint per irregulares errores & perulantiam præscripsisse, si præscribendi contra

tra virtutes jura locum vitii dedissent.

Talem igitur corruptelam propter zelum, quo erga Domum Dei afficimur, non modicum detestantes, devotionem tuam attente requirimus & hortamur, Teque per Officii tui debitum propensius obsecramus; quatenus una cum Coepiscopis tuis, Metropolitico Jure Tibi subiectis, ad correctionem morum & vitæ Prælatorum, Clericorum, & personarum Ecclesiasticarum tuæ Provinciæ, sollicitæ & constanter assurgens, omnia in præmissis, habitu, vita, moribus, & exemplis, per eos errata corripas, corrigas, & reformes, ac in statum redigas, dictos quoque Episcopos corripere, reformare, & redire facias, sicut melius poteris, salutarem; amicis non pariendo, nec potentibus

deferendo, neque timorem in hac parte justitiæ præponendo, sed potius contra dictores & rebelles per censuram Ecclesiasticam, & per subtractionem reddituum & fructuum suorum Ecclesiasticorum districtius compellendo, donec talia universa sufficienter emendent, & de non transgrediendo in his ulterius, idoneam Tibi, & eisdem Episcopis præstiterint cautionem, cum indigne de Altari vivant, qui ministrare Altaribus erubescunt. Confidit profecto nostra sublimitas, quod accuratam in præmissis debeat tua devotio sollicitudinem tanto ferventius adhibere, quanto diutius in his nostri erratum fuisse &c.

Datum in *Confluentia*, die XVIII. mensis Martii, Regnorum nostrorum XIII. Imperii vero IV.

SYNODUS BREMENENSIS

CIRCA ANNUM MCCCL.

SUB GOTFRIDO, (a) ARCHIEPISCOPO BREMENSI.

Varia Statuta circa juratos Provisores, seu æconomos Ecclesiarum (Kirchgeschworne) &c.

NOS GOTFRIDUS, Dei gratia, Sanctæ Bremensis Ecclesiæ Archiepiscopus, recognoscimus, quod *Præsentibus Nobis Sacrosanctæ Synodo Ecclesiæ nostræ Bremensis*, I. Quæsitum fuit per Venerabilem Virum Dominum Erponem Abbatem Monasterii S. Pauli extra muros Bremenses diffinitum, & sententialiter intimatum, quod si (b) patulum dandum fuerit pro villa, Rector Ecclesiæ pro dote nihil dabit. Item, si Curia deferta fuerit, de agris Curia dabitur præbenda.

II. Item Parochiani Rectori Ecclesiæ ipsorum, domum septem distinctionum, quæ *Pake* dicuntur, comparare & construere tenebuntur.

III. Item laquear super ignem XXIV. pedum in longitudine, duæ Camera per omnia bene conclusæ, una bona fenestra; & (c) dos bene debet esse cooperta, & tecto & parietibus; sicut decet Plebano.

IV. Item si campanarius, non convenit Plebano, potest eum deponere, & alium sibi conducere.

V. Item Jurati Ecclesiæ non debent petere, nisi cum licentia Rectoris illius Ecclesiæ, & debet hæc petitio fieri post Offertorium, & dabunt Rectori tertiam partem, quinque temporibus anni, scilicet in festo Paschæ, Pentecostes, Assumptionis B. MARIE Virginis, Nativitatis Christi, & Dedicationis Ecclesiæ, & omnibus

(a) Godefridus ex Osnabrugensi Episcopo electus Bremensis Archiepisc., familia Comes de Arensburg, anno 1349. Obiit 1363.

(b) Lambecius legit: *Pascuarium*, qui census solvitur pro pascuis.

(c) ibi *Dos* barbarè pro Domo Rectoris Parochialis.

(d) Formula hujusmodi promoti est apud Lindenbrog. Syntagm. rer. German. Septentr. pag. 199. & in fine dicitur: *Sic me Deus adjuvet, & ista quatuor Sancta Evangelia, & quatuor Evangelista, & ista Patrocinia Sanctorum*, hoc est reliquiæ.

nibus aliis temporibus, quando rogaverunt, debent Rectori tertiam partem.

VI. Et quicumque ad annos discretionis pervenerint in dictis quinque festivitatibus anni, tenetur satisfacere unum Offertorium; item, si Jurati cum consensu Rectoris Ecclesiæ posuerunt carbonem, vel triticum ad aliquem locum pertinentem ad Ecclesiæ, de illo sumat sibi Rector tertiam partem: & si in Ecclesia aliquid positum fuerit, habebit Rector tertiam partem; si vero præter ejus voluntatem positum fuerit, sumat Rector totum.

VII. Item Jurati non debent eligi, nisi cum consensu Rectoris Ecclesiæ, & iidem Jurati debent facere computum de bonis Ecclesiæ semel in anno, & nihil debent disponere de eisdem bonis, nisi cum consilio & consensu Rectoris, &

debent jurare (d) ad reliquias Sanctorum, quod justum computum fecerunt. Si Jurati non conveniant, Rector potest eos deponere, & alios eligere.

VIII. Item, si Ecclesiæ aliquid datum fuerit, rectori nihil assignatum fuerit, idem rector habebit dimidiam partem in hoc dato.

IX. Item tres debent esse Ecclesiæ claves ad bona Ecclesiæ, duas debent habere jurati, tertiam vero rector.

X. Idem rector tertiam de Imaginibus Sanctorum accipiet, & habebit de jure Ecclesiæ. Acta sunt hæc in Synodo nostra, prædicta approbante. Datum & actum Bremis anno MCCC . . . Feria quarta post *Lactare*, nostro sigillo presentibus munito.

Lambertus Lib. III. rerum Hamburgensium pag. 71.

CONCILIIUM ULTRAJECTINUM

Anno Christi MCCCCL. Clementis VI. Papæ IX.
Caroli IV. Imp. IV.

*JOANNIS de ARCKEL, Episcopi Ultrajectini,
Epistola septima Synodica.*

De Proclamationibus dandis ante Solemnitatem Nuptiarum.

JOHANNES, DEI GRATIA, UNIVERSIS ET SINGULIS, QUOS INFRA SCRIPTUM TANGIT NEGOTIUM, VEL TANGERE POTERIT IN FUTURUM, SALUTEM IN DOMINO SEMPTERNAM.

Cum Nos licet immeriti, disponente tamen Divina (Providencia), ad Regnum universalis Ecclesiæ Trajectensis assumpti, nobis commissi Gregis Curam gerere mente vigili ex debito nostri officii teneamur, præsertim ut eis, per quos nimium distamur Ecclesiæ & scandala generantur in populo, viam præcludamus, digna sollicitudine meditari; sane cum eo, quod matrimonia contrahere volentes, quamquam ipsi etiam contrahere volentes diversorum existant Episcopatum, vel Parochiarum a se distantium: non tamen in utroque Episcopatum vel Parochiarum hujusmodi, sed in uno eorum duntaxat aliquoties banna, pro eisdem contrahendis matrimoniis fieri procurant, scandala vel pe-

ricula in Dei Ecclesiæ contigerunt, hæcenus etiam contingunt; ea propter statuimus & statuendo præcipimus presentibus, ne aliqui de cetero diversorum Episcopatum vel Parochiarum, quam plurimum a se distantium, matrimonia invicem contrahant, aut contrahere præsumant, nisi bannis & denuntiacionibus, seu proclamationibus in utrisque Episcopatibus & Parochiis, quos dicti contrahentes inhabitaverint, seu habitare consueverint, de quibus originem traxerint, debere præmissis, iidem contrahentes litteras testimoniales obtinuerint super factis proclamationibus antedictis. Alioquin dicta matrimonia clandestina reputamus, & ipsos contrahentes, ac Presbyteros eosdem

dem contrahentes matrimonialiter copulantes, decrevimus & declaramus auctoritate statutorum synodaliū, per Nos alias editorum, fore excommunicationis sententia innodatos, quorum absolutionem Nobis & Officiario nostro Traiectensi specialiter reservamus.

Item omnibus Provisoribus, & Decanis, & Officiariis foraneis nostris, & subditorum nostrorum sub poena excommunicationis inhibemus, ne supra emittendis uno vel duobus bannis, seu proclamationibus, terminis in matrimoniis observandis, aliquatenus dispensent, aut se de eorum dispensatione aliquatenus intromittant.

Quæstoribus modèlis præscribitur.

Item Quæstoribus, qui pro elemosinis quærendis in nostris civitatibus & Diocesi destinantur, sub poena excommunicationis læe sententia prohibemus, ne in tabernis vel aliis locis inhonestis hospitentur, aut sibi mulieres afficient, aut habitum falsæ & fidei religionis assumant aliquabiter sive gestent.

Item eisdem Quæstoribus sub poena excommunicationis inhibemus, ne de cetero aliquid acceptent, seu faciant contra ea, vel eorum aliquid, quæ in decretali edita sunt per Dominum Clementem Papam in Consilio Viennensi, sub rubrica: *De pen. & remissione*, quæ sic incipit: *Alusionibus*, quas nonnulli elemosinarum Quæsttores in suis proponunt prædicationibus, ut simplices decipiant, ut aurum subelli vel fallaci potius ingenio extorqueant ab eisdem. Nam ibi continentur ipsis Quæstoribus sub eadem poena districte præcipiente, antequam ad quæstum admittantur, de observandis in dicta *Decret.* contentis, iuramentum nostris vel Commissariis nostris præstent, & ejusdem decretalis habeant copiam, ne ignorantiam valeant allegare.

Nulli exterorum conferatur Beneficium; nemo in eodem instituitur, nisi legitime fuerit approbatus.

Item omnibus & singulis Abbatibus, Præpositis, & Rectoribus, Archidiaconis, Decanis, Collegiis, ac aliis quibuscunque, ad quos de consuetudine Beneficiorum collatio, seu persona-

rum institutio in eadem, vel curæ, aut officiationum aliquorum Beneficiorum commissio pertinent, ne personis extraneis alienæ Diocesis, aut his, qui professione in aliquo Ordine a Sede Apostolica approbato, tacite, vel expresse facta, eundem suum Ordinem dimiserunt prætextu dispensationis, vel alias quovis colore quæsito, vel etiam in suis Ordinibus permanentes, superiorum suorum non obtenta licentia evagentur, Beneficia conferant, vel ipsos in eodem Beneficio instituant, aut eis Curam, aut officiationem aliquorum Beneficiorum committant, nec Curati & Rectores Ecclesiarum ipsos ad regnum aliquorum Beneficiorum admittant, nisi prius per Nos, aut per Officialem nostrum Traiectensem, per nostri officii litteras patentes approbati fuerint & recepti.

Curatis facultas conceditur absolendi ab adulterio occulto.

Item Curatis nostrarum civitatum & Diocesis, & eorum vicem gerentibus, suos Parochianos utriusque sexus, quos adulterium se commisisse contingat confiteri, dummodo sit occultum, absolvendi in foro poenitentiae duntaxat concedimus facultatem.

Item veteri utendi oleo, dum novum diffculter poterit comparari.

Item eisdem concedimus & damus licentiam utendi veteris olei Sacramento in articulo necessitatis, utpote in articulo mortis, dummodo non notabilis culpa, negligentia vel desidia super novo acquirendo valeat imputari.

Notorii excessus non emendati, ac testamentata non mandata executioni, quot annis deferantur ad Synodum.

Item præcipimus omnibus & singulis Ecclesiarum Curatis, & eorum loca tenentibus, ut excessus notorios & enormes non correctos, infra limites suarum Parochiarum commissos, nec non testamentata seu ultimas voluntates decedentium rite vel legitime factas, infra annum non executas, singulis annis in Sancta Synodo, per eorum patentes litteras vel vivæ vocis oraculo, & in scriptis ad nostram vel nostri Officialis deducant noticiam.

*Rectores Ecclesiarum, eorum Vicarii, ac
etiam Custodes inter Divina Officia
Sacris & ordinatis vestibus
induantur.*

Item, quia Domum Domini decet Sanctitudo, statuimus, ut Rectores Ecclesiarum nostrarum civitatum & Diocesis, & eorum vices gerentes, dum in suis Ecclesiis Divina Officia celebraverint, aut eisdem officiis interfuerint, nec non dum Ecclesiastica Sacramenta suis Parochianis ministraverint, nisi quod ad hoc distantia locorum, vel qualitas temporis aliud exegerit, almucils, & superpellicis, aut aliis sacris vestibus sint induti. Similiter & eorum Rectorem Custodes, seu Sacriste in ipsis Ecclesiis utantur superpellicis, vel sacris vesti-

bus huiusmodi temporibus Divinorum; qui autem nostri Statuti absque legitima & rationabili causa temerarius fuerit violator, per octo dies a Divinis Officiis auctoritate presentium se noverit ipso facto suspensus; quam suspensionem si non sustinuerit reverenter, ex tunc pro ut ex nunc excommunicationis sententiam se noverit incurrisse. Quarum absolutionem Nobis & Officiali nostro presentibus reservamus. Et hoc præiens nostrum Statutum post octavas Beati Johannis Baptiste proxime assueturas, & non prius, volumus obtinere roboris firmitatem. In quorum testimonium &c. Actum in Synodo nostra Traiecti feria 3^a post Cantate, anno Domini MCCCCL.

Hensden Batavia Sacra pag. 192.

Joannis de Arckel, Episcopi Ultrajectini,

Epistola octava Synodica,

ANNO CHRISTI MCCCCLI.

*Gerardus, Joannis Traiect. Episc. Vicarius, Statuta Antistitis
sui renovat.*

GERARDUS de Venio, Canonicus Traiectensis, Reverendi in Christo Patris, &c. Universis & singulis Clericis & laicis, auctoritate Domini nostri Episcopi prædicti omnes & singulos Clericos huic Synodali, &c. *Quære A.* Eadem auctoritate omnes & singulos Abbates, Præpositos &c. *Quære B.* Eadem auctoritate Constitutiones Canonicas &c. *Quære C.* Cum etiam in tantum quorundam justiciariorum, balivorum, judicumque secularium & temporalium Dominorum, civitatum Diocesis Traiectensis præsumptuosa temeritas sic excreverit, ut in certis eorum districtibus ad judicium Domini nostri Episcopi Traiectensis recurrentes super causis, negotiis, seu questionibus, quæ de jure seu antiqua consuetudine ad forum suum Ecclesiasticum pertinent, obtinere non possint justitiæ complementum, quin potius super illos incurrere ad judicium seculare, vel a lite, causa, vel questione desistere compelluntur, præcipiendo Presbyteris, Curatis & Clericis, dictæ Diocesis Traiectensis, ne litteras citatorum, seu monitorum, & excommunicatorum, a Domino nostro Nobis, seu Officiario suo in

huiusmodi causas obtentas executioni demandent & demandare præsumant; decrevimus & declaramus, tales quoscunque balivos, judices seculares, aut Dominos temporales excommunicationis sententiam auctoritate decretalis, quam ut intelleximus, incurrere, & sententiæ excommunicationis subiacere ipso jure; a qua, nisi dicto Domino nostro, cujus cognitio fuerit impedita & jurisdictio usurpata, de damnis & expensis integraliter fuerit satisfactum, beneficium absolutionis se sciant nullatenus obtenturos: quam quidem excommunicationis sententiam, si per 15. dies animo sustinuerint indurato, etiam alia monitione non præmissa, si nobilis fuerit, aut Dominus terre, districtus ipsius, si quem habet, Ecclesiastico sit suppositus interdicto. Et nihilominus in loco, ubi balivus, judex secularis, seu Dominus temporalis Domicilium habet, cesset a Divinis, quousque legitime fuerit satisfactum. Præterea cum nonnulli minus idonei, &c. *Quære O.* Eadem auctoritate negotium fabricæ, &c. *Quære I.* Eadem auctoritate monemus omnes & singulos, &c. *Quære K.* Eadem aucto-

auctoritate omnibus & singulis. *Quare L.* Item in virtute sanctæ obediencie præcipimus & mandamus omnibus & singulis Ecclesiarum Rectoribus &c. *Quare P.* In quorum testimonium &c. Da-

tum & actum Trajecti in Synodo generali. (a) Anno Nativitatis Domini MCCCCLI. XVII. die mensis Maji.

Hendus Batavia sacra pag. 193.

(a) Totius Dioeceseos: sic abuntur voce *Generalis* multi Episcopi in suis Synodis appellandis.

Joannis de Arckel, Episcopi Ultrajectini,

Epistola nona Synodica.

ANNO CHRISTI MCCCCLII.

Nemo laicus tempore interdicti generalis, etiam dum Divina peragere conceditur, ad Sanct. Eucharistiam admittatur.

JOANNES Dei gratia, &c. Auctoritate nostra omnes & singulos huic Synodali, &c. *Quare A.* Eadem auctoritate omnes Abbates, Præpositos, &c. *Quare B.* Eadem auctoritate constitutionis, *Quare C.* Suscepi regiminis cura Nos sollicitat, ut, quæ in Ecclesiis, Monasteriis, & aliis nostræ civitatis & Dioecesis locis, non absque violatione censure Ecclesiasticæ servare vidimus, per appensionem congrui statuti melius conformemus. Cum itaque in nonnullis Ecclesiis ac Monasteriis nostrarum civitatum & Dioecesis observetur, & a longe retroactis temporibus observatum fuerit, ut in aliquo loco nostræ Dioecesis generaliter interdicto, & interdicto hujusmodi a jure vel ab homine aliquibus temporibus, vel per aliquod tempus certis de causis relaxato, ipse populus, & quilibet de populo fanus, & non in mortis articulo constitutus admittatur non sine metu violationis censure Ecclesiasticæ ad Eucharistiæ Sacramentum, quod interdicti tempore decedentibus tamen a sacris Canonibus est concessum. Unde super hoc providere volentes, deliberatione præhabita diligenti, duximus statuendum, ut nullus de cætero laicus tempore Generalis interdicti in quatuor Festivitatibus, quibus licet Divina celebrari, ad Communionem Altaris (seu Eucharistiæ admittatur. Quodsi quisquam Sacerdotum alicui sano tempore festivitatum præsumpserit ministrare, poenam meritam poterit non immerito formidare.

Item statuimus, & poena excommunicationis prohibemus, ne quis Sacerdos nostrarum civitatum vel Dioecesis aliquem ab homine, vel a jure, aut a statutis quibuscunque Provincialibus vel Synodalibus publice excommunicatum, in mortis articulo, ubi excommunicator præsens est, vel commode adiri poterit, nisi ipse Superior, ad quem absolutionis Beneficium pertinet, id impendere recuset, vel plus debito differret, deinceps absolvere presumat: & in casu, quo juxta præmissa in mortis articulo quemquam absolvere contigerit, ipse absolutionem, servata juris forma, modum absolutionis, nomenque, status & conditionem absoluti, & causam, pro qua ligatus fuerat, Nobis aut Officiario nostro, aut illi vel illis, ad quos absolutio pertinuerit, infra XL. dies a tempore absolutionis impensis notificet competenter, vobis mandamus & præcipimus in virtute sanctæ obediencie fideliter observare. Præterea cum nonnulli minus idonei, *Quare O.* Eadem auctoritate negotium, *Quare I.* Eadem auctoritate monemus omnes & singulos, *Quare L.* Item in virtute sanctæ obediencie præcipimus & mandamus omnibus, & singulis, *Quare P.* In quorum, &c.

Anno Domini MCCCCLII. viii. die mensis Maji.

Hendus Batavia sacra pag. 193.

Joannis de Arckel, Episcopi Ultrajectini,

Epistola Decima Synodica.

ANNO CHRISTI MCCCCLIII.

Hæreticis, falsariis Apostolicarum ac Episc. litterarum manifestis, &c. ultra annum in crimine contumacibus, testamenta, ac legata condere interdicatur.

JOHANNES Dei gratia, &c. Omnes & singulos huic Synodali, &c. *Quare A.* Eadem auctoritate omnes Abbates, & Præpositos. *Quare B.* Præcipientes insuper Provisoribus, Decanis, & Rectoribus Ecclesiarum nostræ Diocesis supradictis sub intimatione maledictionis æternæ, & in hujusmodi nostra Synodo proxime ventura, hæreticos, falsarios Apostolicarum & nostrarum litterarum, usurarios manifestos, in gradibus prohibitis conjugatos, & in sententiis excommunicationis ultra unius anni circulum contumaciter perdurantes, testamenta & legata, quæ intra annum a tempore moris legantium & testamenta condentium non sunt executi, nec ad voluntatem decedentium terminata, aliæque crimina graviora, notoria & manifesta, ne præmissorum sanguis de ipsorum manibus requiratur, Nobis, si præsentibus in dicta Synodo fuerimus; alioquin Officiario nostro Trajectensi in scriptis particulariter & specificè denunciare non dimittant. Eadem auctoritate citamus omnes & singulos Decanos, & Proviores, & Ecclesiarum Curatos nostræ Diocesis pro tempore existentes, peremptorie, ut secunda die mensis Octobris proxime venturi compareant coram Nobis Trajecti, si ibidem præsentibus fuerimus; alioquin coram Officiario nostro: vel saltem mittant de quolibet Decanatu, vel Provisoribus duos vel tres Procuratores, ad audiendum salubria monita & mandata. Eadem auctoritate Constitutiones Can. &c. *Quare N.*

Clerici certis temporibus Ecclesiæ Cappis nigris incedere jubentur.

Item statuimus & ordinamus, quod Clerici Beneficiati nostræ civitatis & Diocesis in Ecclesiis Collegiatis, in quibus Beneficia obtinent, a Dominica, qua cantatur: *Vidi Dominum*, usque ad Vigiliis Paschæ, ex-

ceptis Festivitatibus omnium Sanctorum, Maruni, Conceptionis, Purificationis, Annunciationis Mariæ, Natalis Domini cum diebus sequentibus, usque ad octavas Epiphaniæ, Petri ad Cathedram, & Dominicæ Palmarum, cum cappis nigris incedere, Archidiaconis exceptis, non dimittant.

Caveatur, ne unus Clericus alterum rogationum tempore in Ecclesiis trahat, aut propellat.

Item illum usum, qui jam diu inolevit inter Clericos Ecclesiarum Trajectionum puta quo unus alium trahit & retrahit, ejiciens unus alium de loco ad locum, inhoneste in Ecclesiis Nicolai & Gertrudis nostræ civitatis tempore rogationum, penitus reprobamus, ne illum exerceant ulterius prohibentes, districtius precipimus in virtute sanctæ obedientiæ fideliter observari. Præterea nonnulli minus idonei, &c. *Quare O.*

Quæstiones vetito tempore non admittantur.

Inhibemus sub poenis excommunicationis, firmiter injungendo omnibus & singulis Ecclesiarum Curatis nostræ Diocesis, ne aliquem Quæstorem temporibus petitionis S. Martini inducant, sive in XL. sive extra, ad quæstum suum exercendum in Ecclesiis eorum admittere præsumant quoquo modo. Eadem auctoritate monemus omnes & singulos debitores, &c. *Quare K.* Eadem auctoritate omnes & singulos dolose dictæ fabricæ, &c. *Quare M.* Item in virtute sanctæ obedientiæ precipimus & mandamus omnibus, *Quare P.* In quorum testimonium, &c. Datum Anno Domini MCCCCLIII. xx tertio die Aprilis.

Hensden Batavia sacra pag. 194.

Joannis

Joannis de Arckel, Episcopi Ultrajectini,

Epistola undecima Synodica.

ANNO CHRISTI MCCCCLV.

I. De denunciandis illis, qui testamenta non exequuntur.

II. Ex pacto ratione mutui aliquid recipere ultra sortem, usura computatur, Episcopo Traject. aut ejus Vicario reservata.

JOHANNES Dei gratia, &c. Cum Nos alias in nostra Synodo, sub anno Domini MCCCXLIII feria 3tia post *Contate*, omnes & singulos Abbates, & Præpositos, Diaconos, Archidiaconos, Provisores Ecclesiarum, Curatos & Clericos nostræ jurisdictioni subiectos citaverimus preemporie ad secundum diem mensis Octobris proxime venturi coram Nobis Trajecti, si ibidem præsentem essemus; alioquin Officiario nostro, vel saltem mitterent de quolibet Decanatu & Provisoria duos vel tres Procuratores, ad audiendum salubria monita & mandata, omnes hic non comparentes contumaces computamus, *Quare A.* Eadem auctoritate omnes & singulos Abbates, *Quare B.* Præcipientes Provisoribus, ac Decanis, & Ecclesiarum Curatis, sub intimatione maledictionis æternæ constituta Can. &c. *Quare N.* Nostri Officii debita ac ultimas voluntates decedentium exequi volentes, statimus, & sub intimatione maledictionis æternæ præcipimus, ut Rectores Ecclesiarum Parochialium nostrarum civitatum & Diocesis, testamentum seu ultimas voluntates suorum Parochianorum, infra annum a die mortis decedentium non executi vel executi, &

heredes & executores, qui ea exequi infra annum prætermiserint, Nobis aut Officiario nostro Trajectensi infra tres menses annum hujusmodi subsequentes, immediate per se vel per alios procurent denunciare; quod si non fecerint, & in hoc remissi fuerint, Nos contra eos ad poenas Canonis, prout de jure poterimus, procedemus. Præterea illum abusum, quo plerique civitatis & Diocesis Trajectensis abutuntur circa pecunie quantitatem, mutando tali pacto, ut post annum unum pro decem denariis unum denarium recipiant ultra sortem, non attendentes illud dictum Salvatoris: *Mutuum dantes & nihil inde sperantes*; reprobamus istos: & illos, qui acceptis muneribus fructus non computant in sortem, exceptis in casibus a jure concessis, usurarios declaramus, eorum absolutionem Nobis seu Pœnitentiario nostro, qui pro tempore fuerit, reservantes, præcipimus in virtute sanctæ obedientiæ observari. Præcipimus omnibus & singulis, *Quare P.*

Datum Anno Domini MCCCCLV. secunda die mensis Octobris.

Hæuden Batavis sacra pag. 194.

Joannis de Arckel, Episcopi Ultrajectini,

Epistola duodecima Synodica.

ANNO CHRISTI MCCCCLV.

Judices Eccles. non admittantur, nisi saltem Baccalaurei in jure &c.

JOHANNES Dei gratia, &c. Auctoritate nostra omnes & singulos huic Synodali, &c. *Quare A.* Eadem auctoritate citamus, *Quare B.* Eadem auctoritate constitutis Canonis, *Quare N.* Quorum tenor talis est: Pastoralis Nos cura sollicitat, ut in foris Ecclesiasticis nostrarum civitatum & Diocesis observetur, quod a longis re-

troactis temporibus fuerit observatum, quod Clerici juris ignari passim ad causarum Patrocinia seu advocatiam admittantur, in Ecclesiasticæ jurisdictionis illusionem, litigantium dispendium, & Clericorum nostrarum civitatum & Diocesis in jure Canonico vel civili studium, qui amore scientiæ facti sunt exules, de divitiis pauperes semetipsos

exaniant, viram suam omnibus periculis exponunt, & a vilissimis sepe hominibus, quod graviter est ferendum, corporales injurias sine causa perferunt, ac non modicum detrimentum. Nos super hoc providere volentes, deliberatione habita super hoc diligenti, duximus statuendum, ut Judices Ecclesiastici nostræ civitatis vel alicujus loci nostræ Diocesis, ubi copia peritorum facile possit haberi, in causis criminalibus, Beneficialibus, vel prophanis coram eis pendentibus, libellos exceptionis, replicationes, seu alium actum judiciale, a partibus exhibitum de cetero non admittant, nisi subscriptione saltem Baccalaurei in Jure Canonico vel Civili, vel alterius juris periti per Nos ad honorem advocatiæ in civitate ac Diocesi Trajectensi exercendi approbatum: præfens statutum vero ad causas prophanas, quæ summam decem librarum Trajectensi-

um monetæ excedunt, & ad lites jam pendentes volumus non extendi.

Item inhibemus sub pœna excommunicationis omnibus Presbyteris Nobis subditis, ne cadavera mortuorum cum pileo, baculo vel alio habitu flagellatorum, Ecclesiasticæ tradant sepulture, vobis insinuamus & præcipimus, in virtute sanctæ obedientiæ fideliter observari. Præterea cum nonnulli mihi idonei, &c. *Quare O.* Eadem auctoritate negotiorum, &c. *Quare H.* Eadem auctoritate monemus omnes & singulos, dolose. *Quare L.* Præcipimus in virtute sanctæ obedientiæ omnibus & singulis Ecclesiarum Curæis, *Quare P.* In quorum, &c.

Datum Anno Domini MCCCCLV. XIII. die mensis Maji.

Hæc idem Batavia sacra pag. 195. Ex libello Goudæ anno 1484. impresso.

Epistola decima tertia Synodica.

Statutum JOANNIS AB ARCKEL, Episcopi Trajectensis,

Negligentes exequi Legata ad pias causas ad Synodum deferendi.

JOHANNES, DEI GRATIA, UNIVERSIS RECTORIBUS ET ECCLESiarum CURATIS CIVITATIS ET DIOCESES TRAJECTENSIS, NOTARIIS, SEU PERSONIS PUBLICIS, IN DICTIS NOSTRIS CIVITATIBUS ET DIOCESI, SALUTEM IN DOMINO.

AD nostrum spectat Officium, De-functorum exequi voluntates: Cum ergo nonnulli nostrarum civitatum & Diocesis iniquitatis filii, se Christiano nomine inaniter gloriantur, tanquam scorpiones fel in corde habentes, & mel in ore gerentes, se esse amici fideles morientium, piam voluntatum executioni offerunt, & post eorum obitum de animarum redemptione non curantes, eas pias voluntates debite executioni renuntiant demandare: quin potius, ac si hæredes justis existentes, ea, quæ in pios usus legata existunt, nituntur in propriis applicare. Volentes his abusibus obviare, prout Nobis ab alto promittitur, & præsertim, quia ad hoc commonet Nos, & compellit Canon felicitis recordationis domini CLEMENTIS PAPÆ Quinti editus IN CONCILIO VIENNENSIS. Vos omnes & singulos, cujuscunque status & conditionis sitis, mo-

nemus primo, secundo, & tertio, & vobis in virtute sanctæ obedientiæ, qui factionibus testamentorum interfuistis & increretis, & præcipiendo mandamus, quatenus annis singulis in nostra Synodo, quam annis singulis ac feria tertia post Dominicam *Cantate*, in præfenti nostra Ecclesia tenere & servare intendimus, Nobis testamenta, in quibus legata ad causas pias, præsertim ad fabricam istius Ecclesiæ nostræ Trajectensis sunt, quæ per eos executores & manifestes non fuerint executioni mandata, & nomina executorum, & de præteritis instructionem plenariam, Nobis per vos vel per alios fideliter referatis: quod si in prædictis vos de negligentia notari contingat, ad pœnas debitas procedemus. Cæterum de hinc nostrum processum, &c. videbitis.

Hæc idem Batavia sacra pag. 195.

Epistola

Epistola decima quarta Synodica.

Statutum JOANNIS AB ARCKEL, Episcopi Ultrajectini,

*Pro fabrica Ecclesiæ Sancti Martini perficienda instructio
Episcopalis.*

PLacet Domino Episcopo, quod Ecclesiarum Rectores, & Presbyteri per suas civitates & Dioecesim Trajectensem constituti, quartam partem de petitionibus & legatis, per ipsos collectis & acquisitis, seu imposterum acquirendis per eas, ad opus novæ fabricæ Ecclesiæ Trajectensis suæ præbatur, dummodo bene & fideliter reportaverint, & Procuratores novæ fabricæ Ecclesiæ Trajectensis prædictæ effectualiter sentiant, ad arbitrium prædictorum Procuratorum licite recipere valeant, in munera earundem, licet alias per suos certos processus inhibuerit, ne quis eorum de dictis Collationibus, petitionibus & legatis quidquam acciperet.

Item præcipit eisdem in virtute obedientie, ut quisquis eorum recipiat extunc cedulam indulgentiarum, dictæ suæ Ecclesiæ concessarum, & eam scribat in Missali, ac publice suis subditis ipsas indulgentias omnibus diebus Dominicis & festivis, prout in eisdem continetur, ne a modo Ecclesia sua prædicta Trajectensis gravetur laboribus & ex-

pensis, immitendo dictas cedulas Ecclesiarum Rectores & subditis sibi Presbyteris.

Item præcipit Provisoribus, & Decanis Christianitatis, ut quilibet eorum semel in anno, ad unam certam diem & locum determinatum, quos ad hoc præfixerit * q. q. ; Omnes & singulos Curatos Ecclesiarum & Presbyteros in suo Decanatu existentes, (a) ac eisdem præcipiat, ut oblationes & petitiones petitas, ac legata ad opus dictæ fabricæ Procuratoribus infra mensem, post notificationem ipsis factam, reportent fideliter, ut tenentur.

Item præcipit dictis Curatis & Presbyteris in virtute sanctæ obedientie, ut ipsi præcipiant suis subditis omnibus & singulis, & legata dictæ fabricæ detrahentibus & dednentibus, ut infra mensem post insinuationem eis factam, hujusmodi legata Procuratoribus dictæ fabricæ persolvant, seu eisdem cautionem sufficientem faciant.

Heusden Batavia sacra pag. 196.

(a) *Supple: convocet.*

*Gerlaci, Archi-Episcopi Moguntini,**Declaratio super Concilio PETRI.*

GERLACUS, DEI GRATIA, SANCTÆ MOGUNTINÆ SEDIS ARCHIEPISCOPUS, SACRI IMPERII ARCHI-CANCELLARIUS, &c. HONORABILIBUS

VIRIS: JOHANNI PRÆPOSITO, BORCHARDO DECANO, TOTIQUE

CAPITULO ECCLESIAE HALBERSTADENSIS, SALUTEM CUM

SINCERA IN DOMINO CARITATE.

Quia, ut a vobis intelleximus, nuper pro dolor! Ecclesiæ vestræ Concanonicus, per quosdam cives vestræ civitatis Halberstadenfis, in strata publica, intra muros civitatis ejusdem, ensibus evaginatis, violenter fuit invasus & occisus; Nos vestra circum-

specta dilectio duxerat consulendos: nunquid pro eadem occasione, sicuti pro captivitate ejusdem, vel alterius Clerici, si hoc evenisset, sint statuta Concilii generalis observanda, & ad hoc ejus decreta rationabiliter se extendant, vestri dubii rationes quamplurimas annexentes;

Super

Super quibus vestra circumspectæ dilectioni sic duximus mandandum : quod eodem Concilio, olim sano atque maturo consilio, & matura deliberatione præhabita per felices recordationis Dominum Petrum, Archiepiscopum Moguntinum, Prædecessorem nostrum, cum nostris Suffraganeis peracto, contigit per aliquos Jurisperitos in civitate ipsa Moguntina, & ejus Diocesi, de eodem casu, quem movetis, sollicitè dubitare; propter quod ipse Dominus Petrus, Princeps & Auctor ejusdem Concilii, cum sapientibus atque peritis, deliberatione præhabita, ex forma & continentia, ac manifesta eorundem Statutorum Provincialium, fecit unum tantum Synodale statutum talis tenoris.

" Innotescere volumus, & tenore præsentium declaramus: quod statuta contra captivatores Clericorum, per Prædecessores nostros, & Nos edita, ad occisores, & mutilatores eorum, dem extendantur; nolentes, ut de hoc de cætero, vel in Judicio, vel extra, aliquod dubium habeatur."

Quod quidem statutum, quod est declaratorium antiquorum Provincialium statutorum prædictorum, publicatum in nostris sanctis Synodis, continue cum eis servamus, & custodimus, & servari volumus, & mandamus a nostro Clero reverenter, quod & vobis præsentibus indicamus. Scribimus etiam vobis confidenter, quod, ut præmittitur, fecit ipse idem statutum Synodale ex forma & continentia, ac mente manifesta eorundem statutorum, ut credimus.

I. Ex eo, cum hoc ipso Clericus etiam in Equo existens detinetur, capi censetur, longe iniquius, qui ad mortem invaditur, detentus est, cum non sit verisimile, si non esset prius detentus, & circumvallatus, & captus, quin potius evaderet, quam mortem subiret.

II. Præsumendo argumentum a minori, quod accipitur affirmative, & quod longe majus est delictum, occidere, quam captivare; Ergo, si in captivitate cessatur, multo fortius in occisione.

Nec obstat, quod dici possit, quod alie pœnæ super occisione inflicte non excludunt pœnas propter captivitatem inducte (a): sed exaggerant & augmentant eas propter immanitatem criminis. Non obstat etiam, quod dicitur, quod declaratio Archi-Episcopi Moguntini Synodalis ipsius, se extendere possit ad Provinciam; videmus enim, quod & frequenter Archi-Episcopus Moguntinus Statuta & Synodalia, & consuetudines Ecclesiæ Moguntinæ quoad suam Provinciam declarat; ad quod facit optime in prædictis Constitutionibus Synodalibus c. 1. *De Rapto*, c. 2. & 3. *De consuetudine*, ad quod etiam optime facit, quod Archi-Episcopus possit Statuta Concilii declarare: nam constat, quod in majoribus, videlicet: in absolutionibus & dispensationibus impendendis, juxta eadem statuta, potest dispensare & absolovere solus, etiam ad solam relationem Episcopi de satisfactione, ubi agitur expresse de principali præjudicio partium, & eis non vocatis; multo fortius ergo potest Statuta Provincialia declarare, maxime secundum intellectum juris communis, secundum quod ipsa Statuta sunt ordinata & injuncta. Quod autem idem sit intelligendum in occisione, & multo fortius, quam in captivatore, probat C. *De Rapto*, cum C. *Nos igitur*, & C. *Statuimus*, semper se referant ad præcedentia, & etiam in tantum ipsa Capitula se continentur præcedenti, & se referant ad ipsum, quod potius ab aliquibus videantur paragraphi, quam Capitula; & dictum c. *Statuimus*, in fine concludit, quod præcedentia sunt de mutilatoribus & occisoribus Clericorum multo fortius observanda.

Hoc diligenti vestre Inquisitioni transcribimus, ut animum vestrum ex præmissis, & aliis, quæ vos movere poterunt, informetis.

Datum anno Domini MCCCLIV. in crastino Nativitatis Beatæ Mariæ Virginis.

Ex cod. MS. Biblioth. Monasterii S. Petri
Ephord. descriptis Cl. Schannat h. m.

(a) *leg*: inductas.

SYNODUS EYSTETTENSIS

Anno Christi MCCCLIV. Innocentii VI. Papæ II.
Caroli IV. Imp. VIII.

Statuta Synodalia Episcopi BERTHOLDI,
Burggravi Norimbergensis,

Hæc sunt Statuta Synodalia Reverendi Patris & Domini, Domini BERTHOLDI, Dei & Apostolicæ Sedis gratia Venerabilis Ecclesiæ Eystetenſis Episcopi promulgata, anno Domini Millesimo trecentesimo quinquagesimo quarto, in die Sancti Galli Confessoris, in Ecclesia Eystetenſi prædicta.

NOS (a) BERTHOLDUS, Dei & Apostolicæ Sedis gratia Episcopus Ecclesiæ Eystetenſis, (b) *generalem Synodum* celebrantes, diligenti ac sollicita consideratione pensavimus, quod licet universis & singulis nostræ jurisdictioni subiectis, tamquam gregi Dominico Nobis commisso, vigilem debeamus curam impendere; & debite sollicitudinis remedia adhibere, primo tamen & principaliter officii nostri debitum in illos credimus exercendum, quorum vita & conversatio exemplum debet esse, & speculum aliorum, qui in partem sollicitudinis unâ nobiscum vocati, in seipsis debent ostendere, quomodo alios in domo Dei oporteat conversari: ad quorum siquidem ædificationem congruam, & commisit sibi populi instructionem pariter & doctrinam statuta Synodalia subnotata, quæ in ipsa Synodo lecta fuerint, & edita, ac ab omnibus, quorum interest, approbata, ab universis Decanis & Ca-

merariis nostræ Dioceseos per copiam haberi præcipimus, (c) quia in singulis convocationibus in Contratrum suorum præsentia recitari & publicari volumus, ac ab omnibus inviolabiliter observari.

De Prebendis diminutis.

Licet jam dudum, jure & ratione hoc dictante, a Sanctis Patribus salubriter sit statutum, ut cuilibet Sacerdoti Vicario, Plebem seu Parochialem Ecclesiam gubernanti, ratum de ipsius Ecclesiæ proventibus assignari debeat, unde idem Sacerdos cum familia sua, decenter sustentari, jura Episcopalia exsolvere, & hospitalitatem caritativam valeat exhibere; ob hoc autoritate ordinaria statuimus, & districtè & in virtute sanctæ obediencie precipiendo mandamus omnibus & singulis. . . Decanis & Camerariis, ut in suis Decanatus Prebendas Vicariorum in scriptis annotent, siquæ ibidem sint aliquæ antiquæ

Ex codice chartaceo *MS. Vicariatus Eystetenſis*, quem *P. Ignatius Benschab S. J. A. 1759.* 9. Julii ad me misit, descripsi, & contuli & remisi *A. 1759. 7. Augusti.*

(a) Bertholdus Burggravius Norimbergensis, construxit magnificentum castrum Episcopale, post-exauctoratum Albertum ab Hohenfels *A. 1344.* subleſtus Alberto Bertholdus *A. 1351.*

(b) *Generalem* pro totius Dioceseſ Synodo: alio sensu dicitur *Generalis Synodus œcumenica.*

(c) Bertholdi in illustrissima Burggraviorum Norimbergensium gente nati, elogium justum dat *Gretſerus in Catalogo Episcoporum Eystetenſium*, reculo *Tomo X. novæ editionis pag. 86.* Episcopus *XLV.* fuit, ex *Commendatore Provinciali* in *Prussia & Franconia*, anno *1351.* ætatis suæ *XXXI.* A *Clemente VI.* tiara Eystetenſi redimitus *Feria II. Rogationum*, quæ tunc in *VIII. Kal. Junii* incidebat. Sedit annis *XIV.* Carebat ante *Sacris Ordinibus*, sed concessione *Papæ* statim, tamen gradatim, iis insignitus fuit. Obiit *A. 1365.* Sepultus in *Monasterio Heilsbronnensi*, in *Gentilizio Burggraviorum sepulcro.*

quæ diminutæ, aut siquæ sint ibidem minus sufficientes pro labore & sustentatione Sacerdotum, & Nobis hujusmodi diminutionem & insufficienciam in scriptis infra mensem assignent cum effectu, quia circa hoc ex officio nostro, prout tenemur, intendamus providere.

De non amovendis Sacerdotibus.

Item statuimus & precipimus universis Ecclesiarum Rectoribus, ne Sacerdotes, institutos in Ecclesiis, aliquatenus amovere presument, nisi amotionis causa sufficiens coram nobis probata fuit & ostensa.

De non admittendis personis extraneis.

Item statuimus & precipimus, ut Decani & Camerarii nullum Sacerdotem extraneum & ignotum ad consortium suæ fraternitatis admittant; nisi super receptione sua nostras eis exhibeat literas speciales, & nisi eis veraciter constet, quod alias pro suis non sit ejectus excessibus & repulsis.

Ut qualibet Parochialis Ecclesia proprium habeat Sacerdotem.

Adjicimus etiam statuendo, quod qualibet Parochialis Ecclesia proprium habeat Sacerdotem, qui ipsam gubernet & resideat in eadem, ut solitum est ab antiquo, si ipsam Parochiam tenens privationis penam, quam jura infligunt, voluit evitare; nisi facultates Ecclesie sint ita diminutæ, ut ipsam regens residendo in eadem commode non valeat sustentari.

De perpetuis Vicariis presentandis.

Item statuimus & precipimus, ut infra instantem octavam Epiphaniæ, ad singulas Parochiales Ecclesias, quarum ad hoc facultates sufficiant, perpetui Nobis Vicarii presententur, alioquin extunc Ecclesiastico subiaceant interdicto.

Ut veri Pastores de bona vita Vicariorum suorum diligenter inquirant.

Item statuimus & universis veris Pastoribus in virtute sanctæ obedientiæ precipiendo mandamus districte, ut de vita, conversatione, moribus, & idoneitate Vicariorum suorum, antequam

Nobis per Nos instituendi in Ecclesiis presententur, diligenter inquirant: & ipsis presentatis & investitis similiter omni anno de vita & conversatione ac modo regiminis ipsis commissi, ne sanguis subditorum de manibus ipsorum requiratur, inquirere non obmittant, & eos, quos incontinentiæ vicio maxime laborare invenerint, a tempore, quo excessus hujusmodi ad eorum pervenit noticiam, nostris vel Officialis nostri, qui pro tempore fuit, deserant similiter auribus infra mensem, alioquin contra ipsos Pastores ad penam suspensionis ab Officio & Beneficio, in quantum poterimus, procedemus.

De Sacerdotibus concubinariis.

Cum curam animarum gerentes debeant mundis manibus Ecclesiastica Sacramenta pertractare, Deo Sacrilecium non pollutis manibus offerre; Ut autem commissi regiminis curam valeant salubriter exercere, mandamus omnibus & singulis. Decanis, Camerariis, Rectoribus, Plebanis, Viceplebanis, nec non Vicariis per totam nostram Dicecesin constitutis, qui hactenus publici & notorii fornicatores & concubinarij fuerant, concubinas in domibus ipsorum publice tenentes, eis manifeste cohabitando; quatenus infra mensem a publicatione presentium concubinas suas de domibus & habitationibus ipsorum ejeciant & amoveant cum effectu, a familiaritate eorum de cetero omnino abstinendo, alioquin dicto termino elapso tales manifesti & notorii concubinarij ab ingressu Ecclesie & a Divinis noverint se per nos fore suspensos, quas sententias suspensionis in ipso extunc, prout extunc scripsimus in his scriptis, mandantes nihilominus sub pena prædicta omnibus Decanis & Camerariis per totam nostram Dicecesin constitutis, quatenus omnes Sacerdotes concubinariis, publice concubinas in domibus ipsorum post admonitionem, & contra prohibitionem nostram premissam amplius tenentes, ab ingressu Ecclesie & a Divinis per Nos fore suspensos, publice in omnibus convocationibus vestris denunciatis & per Confratres vestros alios in suis Ecclesiis Parochialibus eosdem denunciari procuretis; Nomina quoque ipsorum concubi-

cubinatorum, ut prædicitur, Nobis vel Officiali nostro, qui pro tempore fuit, infra mensem a tempore concede (d) notitiam computandum, literis vestris volumus intimari. Quod si non feceritis, mandatis nostris in hac parte non obediendo, contra vos, in quantum de jure poterimus, ad graviore poenas indubitanter procedemus. Insuper sub poena prædicta damus vobis firmiter in mandatis, ut singulas Clericorum concubinas per evidenciam facti notorias, si amplius ab hujusmodi vicio, competenti monitione præmissa, cessare noluerint, excludatis, & per alios Confratres vestros excludi faciatis penitus a Divinis, nec eis presentibus, aut in cimiterio stantibus, Divina Officia per vos & per alios Confratres vestros ullatenus celebrentur.

Sequitur de Tabernariis & Lysoribus.

Statuimus insuper & prohibemus sub poena prædicta, ne quicumque Clericus in quocunque Ordine, maxime tamen in Sacerdotali Ordine constitutus, tabernas a modo frequentare, aut ludos taxillares continuare præsumat, alioquin lusus hujusmodi totiens Nobis nomine poenæ teneatur in tanto, quantum eum per ludum hujusmodi lucratum fuisse constituerit, seu amisisse. Tabernarii vero si tertio moniti per Decanos suos a frequentatione tabernarum abstinere noluerint, a consortio Fratrum, nec non a tota nostra Diocesi, tamquam incorrigibiles excludantur. Clerici similiter officium tabernariorum publice & personaliter exercentes, de cetero, si intra mensem, a tempore incepti officii prædicti numerandum, non cessaverint, aut si post cessationem amplius dictum officium resumpserint, ipso facto privilegio Clericali noverint se per Nos in personis eorum fore privatos, ac a consortio Contrarum & a tota Diocesi nostra per Decanos penitus excludantur. Insuper Clerici, qui Clericalis Ordinis dignitati non modicum detrahentes, se jocolatores seu hiistriones faciunt in publicis spectaculis per instrumenta musicalia, vel per quicumque alium modum exquisitum spectaculum suorum corporum in publico faciant, si per duos menses ar-

tem illam ignominiosam exercuerint, ut prædicitur, ab ingressu Ecclesie & a Divinis noverint se suspensos. Quas sententias suspensionis in ipsos ex tunc prout ex nunc ferimus in his scriptis. Clerici quoque nutriendes comas & barbas in verecundiam & destructionem honestatis Clericalis tam diu sint a perceptione decimarum & omnium fructuum Beneficiorum suorum suspensi, quamdiu eas indecenter nutrire præsumunt, nisi hoc faciant ex honesta causa vel ex rationabili alia causa. Clerici etiam, & maxime Sacerdotes tonsuras congruentes non deferentes, seu crines non præcedentes, per Decanos eorum tondeantur & præcidantur, seu ipsos tonderi & præcidi procurent & compellant, si indignationem nostram & correctionem velint evitare.

De Vestibus Clericorum.

Sacra insuper Synodo approbante statuimus, ut, sicut in statu Clerici a laicis differunt, sic & in habitu sint distincti. Clerici Beneficij pannorum coloribus a jure prohibitis, videlicet rubris, viridibus, & maxime in caleis (r) non utantur; sed vestes deferant nimia brevitate vel longitudine non notandas. Sacerdotes vero vestes tales curent deferre, non manicas longas, & pendentes formari sibi faciant, prout laici abusive solent deferre. Amplam quoque vestem desuper deferant, non cinctam, maxime cum fuerint in publico spectaculo vel platea, seu in Ecclesia; pileis etiam & cultellis magnis fixoris aut gladiis, seu cuspidibus, vel aliis armis quibuscumque non utantur, nisi forsitan fuerint in itinere constituti, vel alia necessitas, aut metus corporis ipsis incumbat.

Nolumus insuper, imo prohibemus omnino, ne Sacerdotes maxime, aut quicumque alij Diocesis nostre Clerici calceos rostratos, seu per superstitiosam curiositatem incisos portent: alioquin, quociescumque in præmissis, aut aliquo præmissorum deliquerint, totiens Nobis nomine poenæ in quinque solidis Hallerorum brevium per superiores eorum irremissibiliter repetendis teneantur.

Di

(d) lego: conceperit, vel conquirit, vel communicat notitiam.

(r) lego: calceis

De habenda visitatione per Decanos & Camerarios.

Præterea statuimus, & Decanis, & Camerariis sub pena suspensionis ab Officio & Beneficio districtè præcipimus & mandamus, ut assumptis sibi juratis Confratribus Decanatus illius, singulis annis duabus vicibus, videlicet primo post Festum S. Jacobi infra mensem, secundo infra Adventum, & Nativitatem Domini immediate sequentem, omnes Contrates suos in unum locum convocent causa visitationis habendæ, aut singulas eorum Parochias sigillatim accedant, super excessibus eorum inquirendo, & excessus eorum inquisitos nostris auribus deferatis infra mensem, aut Officiali nostro, qui pro tempore fuit; & hæc statuta nostra Synodalia auribus ipsorum tunc serioſius inculcare curetis.

Ne Monachi regant Parochias.

Statuimus insuper districtius prohibentes, ne Monachi, aut quicumque alii Religiosi, seu Clerici, & Sacerdotes seculares, cujuscunque conditionis existant, absque nostra licentia speciali & instructione, ac commissione regiminis animarum, præsumant Parochiales Ecclesias regere, & tenere; alioquin ipso facto ab ingressu Ecclesiæ & a Divinis sint suspensi, qua suspensione durante, si se Divinis ingesserint, laqueum irregularitatis non evadent, a qua nisi per Sedem Apostolicam valeant absolvi.

De Sacramento Eucharistiæ.

Cum Sacramentum Eucharistiæ, propter sanctitatem in se contentam sit excellentius ceteris Sacramentis, & tamquam solus Deus debeat adorari, hoc Sancta Synodo approbante statuimus: ut cum Sacerdos cum Sacramento Eucharistiæ visitat & procurat infirmum, si totum Sacramentum expenditur adeo, quod nihil remaneat in conservatorio seu vase, in reditu Sacerdotis extinguatur candela, & nola aliquatenus non pulsetur; ne fideles vas adorando vacuum idololatriæ vitium incidant, vel incurrant; si autem aliquid superfuerit de hujusmodi Sacramentum, Sacerdos per se ipsum, vel per Sacerdotem alium, vel Ministrum ad hoc aptum, utpote Diaconum, non per Scho-

larem, vel Ministrum alium, quantumcunque via difficilis fuerit vel extensa, ad Ecclesiam ipsum referat vel reportet, alioquin hoc non observans, præter ultionem Divinam ad arbitrium nostrum gravissimæ subiaceat ultioni.

De Confessionibus audiendis.

In Confessionibus vero audiendis illam præcipue diligentiam Sacerdotes observent, ut a penitente peccata usitata & gravia sigillatim, inusitata vero per quidam rerum circumstantias caute perquirant, ne inexpertis detur materia, quod ante nescierant, perpetrandi. In communiori quoque loco Ecclesiæ & suspicione carere sedent Sacerdotes, cum confessiones audiunt, & in spiritu lenitatis audiunt; & instruant confitentem. Immo specialiter inhibemus, ne aliquis Sacerdotum in casibus Nobis, & Episcopis reservatis, maxime notoriis aliquem presumant absolvere in foro penitentis, nisi ex speciali commissione nostra vel Penitentiarii nostri vices nostras in hac parte gerentis. In satisfactionibus vero in jungendis minora (a) majoribus reserventur, in minoribus autem secundum quantitatem culpæ & qualitatem delinquentium se teneant, atque regant. Caveant etiam Sacerdotes, ne verbo, signo, nutu, aut alio quovis modo prodant aliquatenus contentem: quoniam qui peccatum in confessione sibi relatum publicare præsumperit, non solum ab omni Officio Sacerdotali deponendum decrevimus, verum etiam ad agendam penitentiam perpetuum in arctum Monasterium tradendum. Sciant insuper Sacerdotes, quod juxta doctrinam Canonum infirmis non est in jungenda penitentia, sed tantum innoteſcenda. Ita quod satisfactionis impossibilitas Domini nostri Jesu Christi Passione, sui que pretiosi sanguinis effusione suppletur. Item confessio nulli proderit, nisi vere contrito.

Illi sunt Casus Domino nostro Episcopo specialiter reservati, in quibus præter speciem Commissionem nullus neque secularis, nec Religiosus sine Presbyter absolvere debet contentem.

Primo absolvere excommunicatos majori excommunicatione alicui simplici Sacerdoti non competit, sed Domino Episcopo.

(a) forte: minora.

Episcopo, vel ejus vices in hac parte gerenti.

Item non possunt absolvere blasphematores Dei & Sanctorum.

Item non possunt absolvere sortilegos, *incantatores*. (a)

Item ad Dominum Episcopum spectat quorumlibet votorum commutatio.

Item male ablatorum incertorum vel certorum, quando non extant hi, quibus facienda est restitutio:

Item, qui clandestine contrahunt matrimonia, vel contra interdictum ecclesie, ad Dominum Episcopum remittantur.

Item reservatur absolutio Domino nostro Episcopo ab omni enormi publico crimine.

Primo videlicet, quia a nullo homicidio voluntario, vel casuali, alius Sacerdos potest absolvere, nisi Dominus noster Episcopus.

Eciam, qui opprimunt infantes ex proposito, vel ex calu.

Item a crimine perjurii absolutio Domino nostro Episcopo a jure reservatur.

Item a falso testimonio, seu instrumento.

Item ab Incestu.

Item a corruptione Monialium.

Item a coitu cum brutis.

Item a peccato contra naturam.

Item a Sacrilegio.

Item ab adulterio & aliis consimilibus criminibus notoriis Dominus noster Episcopus poterit absolvere. Ex premissorum absolutio sibi soli extitit a jure reservata.

Ne pro ministrandis Sacramentis aliquid exigatur.

Volumus & strictissime precipiendo prohibemus, ne Sacerdotes pro ministrandis Sacramentis, vel pro sepultura fidelium munera quantumcumque modica exigant, aut extorqueant a suis subditis more contrahendum. Ipsi autem Sacerdotibus non interdicimus, ut si subditi eorum post Sacramentorum ministracionem, aut post funerum sepulturam laudabilem & devotam consuetudinem pro hujusmodi Sacramento

rum ministracione a fidelibus introductam nolent observare, ad hoc Officium nostrum seu Officialis nostri implorando possunt licite coartari. . . & ipsos conveniendo . . . compelli.

De Observantia Feriarum & Jejuniorum.

Committimus insuper & mandamus universis Sacerdotibus & Vicariis Ecclesias Parochiales regentibus per nostram Dioecesim constitutis, ut subditi sibi populum ad condignam feriarum & jejuniorum observantiam inducant verbo pariter & exemplo.

De Baptismo.

Baptismus etiam cum suprema reverentia precipimus celebrari, maxime in prescripta forma, & pondere verborum, in quibus virtus Sacramenti consistit in elemento aque, scilicet in his verbis: *Ego baptizo te in nomine Patris, & Filii, & Spiritus Sancti.*

Statuimus etiam & precipimus universis, ut in baptismate tantum unus assumatur Patrinus ad impedimenta matrimonii precavenda. Precipimus etiam, quod nullus filium Sacerdotis, qui ipsam (b) baptizavit, ducat aliquatenus in uxorem.

De damnatis ad mortem.

Volumus & strictissime prohibemus, quod Sacerdotes, cum confessiones illorum audiunt, qui propter eorum excessus suspensio, aut incendio traduntur, a consortium suorum prodicione retrahant, sed eos potius in hac parte, an tales velint, an nolint prodere, propriam voluntati relinquuntur.

De prohibendis petitoribus.

Propter nimietatem Indulgentiarum & quorundam Questionariorum turpitudinem & nequitiam prohibemus, omnes omnino & singulos petitores elemosynarum in Ecclesiis per totam nostram Dioecesim admitti, nisi super his speciales nostras litteras valeant exhibere, quibus habitis, visis, & ostensis, nullus Questionarius laicus admittatur ad predicandum in ambone in aliqua Ecclesiarum Verbum Dei, sed tantum ad indulgentias

A a a 3

simpliciter

(a) *Alia manu additum.*

(b) *forte: ipsam*

simpliciter exponendas. Infuper prohibemus Quæſtionarios omnes & petitores admitti & maxime laicos conjugatos, qui non ſunt familiares Eccleſiarum, ad quas elemofynas intendunt colligere, ſed ſunt extranei, & pro certa quota elemofynarum collectarum conveniuntur ab his, qui Eccleſiis ſolent præſeſſe. Et ſic cum ſuis uxoribus elemofyna per eoſdem expenditur in periculum animarum ſuarum, nec non ſcandalum plurimorum, alioquin contra Sacerdotes, tales admittentes, ad pœnas graves procedemus.

Cum *ſanctis & ſolubris ſit excoꝑatio pro Deſuultis excoꝑare*; ſtatuiſmus, & inuolabiliter obſervari mandamus, ut juxta conſuetudinem Cathedralis Eccleſiæ noſtræ omnes & ſinguli cujuſlibet Decanatus Conſratos annis ſingulis feria ſecunda ante Feſtum Dedicationis ipſius Eccleſiæ noſtræ, omnium Conſratum ſuorum memoriam Deſuultorum apud aliquem locum ad hoc aptum cum Miſſa & Vigiliis præcedenti nocte *Placebo* celebrent ſolemniter & devote.

De Decimis ſolvendis.

Expedi, ut iſte Titulus populo publicetur per Plebanos.

Cum decimæ ſint tributa egentium animarum, quas ſibi Dominus in ſignum uniſverſalis Dominiæ reddi præcepit, easque pro cultu ſuo Clericis conceſſit exhibendas ſecundum *Canonum Sanctiſſimos*; Nos prædictis rationibus & juribus freti ſtatuiſmus declarantes, quod laici decimas de agris, pratis, hortis, & arboribus, nec non de omnibus fructibus, Clericis, ſeu Parochialibus Eccleſiis, nullis deductis expenſis, ſive meſſorum pretium, vel aliorum mercenariorum, ſeu familiæ eorundem, etiamſi de uno fundo & uno anno pluribus vicibus creſcant, arque proveniant plures fructus: & ſimiliter de animalibus, & aliis rebus, licite acquiſitis ſine fraude, quidlibet tribuant integraliter & exſolvant. Alioquin in his excedentes, & minus debite exſolventes, ſi maniſeſti fuerint, & poſt ammorticiſmum ac juſſum non ſuiſſeſcerint Sacerdotum, ad Divina non admittantur, nec eis Eccleſiaſtica ſacra miniſtrentur, & ſi in huiusmodi pertinacia deceſſerunt, Chriſtiana careant ſepultura. Si autem

occulti fuerint, poſtquam in iudicio animarum ad ſolutionem moniti fuerint atque juſſi, ad damnationis periculum ipſi ſuis conſcientiis relinquantur. Firmiter etiam præcipiendo mandamus, ut Decani, Camerarii, Rector, Plebani, & alii noſtræ Diœceſeos Clerici, quibus officium prædicandi & conſeſſiones audiendi eſt injunctum, publice in ſermonibus ſuis, præcipue in Dominicis diebus Quadrageſimæ, & in feſtis Aſcenſionis Domini, Pentecoſtes, Nativitatis Domini, beati Joannis Baptiſtæ, Aſſumptionis & Nativitatis Virginis glorioſæ, ac etiam occulte informet populum ſibi commiſſum, ut ſecundum modum ſuperius expreſſum decimam dent & exſolvant.

Sequitur, quod omnis Chriſtianus conſtitatur ſemel in anno proprio Sacerdoti omnia peccata ſua.

Expedi, ut iſte Titulus populo ſæpius publicetur per quemlibet Plebanum.

Item ſtatuiſmus, ut juxta CONCILIUM GENERALE " omnis utriusque ſexus " quilibet Chriſtianus, poſtquam ad annos diſcretionis pervenerit, ſolus omnia " peccata ſua ſemel in anno proprio Sacerdoti maxime in Quadrageſima conſiteatur. Et in Cena Domini, ut in die " Paſche, aut in die Paſchæ devote corpus Chriſti ſuſcipiat, niſi de ipſius Sacerdotis ſui conſilio ex cauſa rationabili " a ſuſceptione huiusmodi abſtineat illa vice. Alioquin & vivens ſanus ab ingreſſu Eccleſiæ arceatur, & moriens " Eccleſiaſtica careat ſepultura.

De clandestinis Matrimonii prohibendis.

Clandestina Matrimonia contrahi omnino prohibemus, & Plebanos noſtræ Diœceſeos talibus Matrimoniis intereſſe, & auctorizare eadem omnino deteſtamur, ſed in duorum aut trium teſtium præſentia ipſa contrahantur, per quos, ſi queſtio ſuper his emerſerit, veritas comprobetur.

Immo volumus & ſtatuiſmus, ut cum aliqui velint contrahere Matrimonium, quod Plebanus eorum prius in Eccleſia ſua publice nominet perſonas contrahere volentes, & moneat omnes ſuos Parochianos, ſi aliquis eorum ſciat & noverit aliquid impedimentum conſanguinitatis, ſeu affinitatis, ſeu compaternitatis, ſeu

seu aliquid aliud impedimentum, quod iste tale impedimentum infra quindenam opponat, & ad audiendam suam deferat, & tunc audita præcædibili conjectura contra contractum celebrandum, contra, ctus per eundem contrahere volentibus expresse interdicatur; Si autem aliqui contra nostram & juris inhibitionem matrimonium clandestine contraxerint, talis contractus de jure censetur fore legitimus, nisi aliquid canonicum obstat impedimentum, quod sit ellicax ad contractum habitum durandum.

De Laicis tumultuantibus corpora mortuorum in loco interdicto, aut publice excommunicatorum.

Exedit, ut iste titulus populo publicetur per quemlibet Plebanum.

Ex Statutis *Concilii Moguntini* collegimus, statuimus, & mandamus, ut quicumque laici nostræ Diocesis amodo intra cimiterium loci interdicti aliquid corpus, seu corpora mortuorum, aut publice excommunicatorum etiam in loco non interdicto sepelire præsumpserint, aut qui talia præsumptibus opem vel operam quocumque modo adhibuerint in hac parte, excommunicationis incurant sententiam ipso facto, a qua non nisi per Metropolitanum possunt absolvi; ita quod non resumantur Divina, nisi sepulta taliter corpora fuerint exhumata, vel per Nos absoluta.

De (a) Laicis spoliantibus Sacerdotes defunctos.

Exedit, ut iste titulus publicetur populo per quemlibet Plebanum.

Contra laicos insuper Patronos seu Advocatos Ecclesiarum, aut quoscumque alios laicos, qui post mortem Pastoris aut Vicarii ipsum defunctum spoliant universis rebus mobilibus suis, statuimus, ut Ecclesia, in qua defunctus taliter Clericus fuerit spoliatus, interdicto Ecclesiastico sit supposita ipso facto. Nolentes, ut alius Sacerdos Successor reparatam ipsam ante restitutionem omnium ablato- rum & satisfactionem plenariam aliquate-

nus officiare præsumat, alioquin Sacerdos hujusmodi præter irregularitatem, quam ex hoc contrahat, excommunicationis sententiam incurrat ipso facto, relaxationem vero sententiarum hujusmodi tam excommunicationis in personam, quam interdicti in Ecclesiam, solum Metropolitano nostro, seu Romano Pontifici duximus reservandam. Insuper statuimus, siue sit Clericus, siue Laicus Patronus, qui defuncto Pastore vel Vicario, Sacerdotem spolians, vel Ecclesiam, sit in penam a jure præsentandi ex vice suspensus, & immediatus Superior Ecclesiam conferat illa vice.

De Captivatoribus Clericorum.

Exedit, ut iste titulus populo publicetur per quemlibet Plebanum.

Contra captivatores, occisores, mutilatores, seu vulneratores Canonico- rum, etiam in minoribus Ordinibus existentium, & cæterorum quorumcumque Clericorum, pro Clericis se gerentium, aut aliarum Ecclesiasticarum quarumlibet personarum statuimus, quod omnes tales, & omnis eorum, ab ipsis utriusque sexus descendens posteritas, nec ad sacros Ordines, nec ad aliqua Beneficia Ecclesiastica, nec in Clausuris, nec in Canonibus nostræ Diocesis aliquatenus admittantur absque dispensatione nostra speciali: salvo aliis poenis contra tales a jure editis & statutis.

De Usurariis.

Exedit, ut iste titulus publicetur populo per quemlibet Plebanum.

Sunt nonnulli per diversas Diocesis nostræ Parochias & loca consuetudinem Christianam profecti, qui lueris usurarium insistere, & contractus illicitos exercere præsumant, propter quod universis Ecclesiarum Rectoribus, Plebanis & Vicariis damus firmiter in mandatis, ut contra manifestos Usurarios & alios, qui contractus illicitos exercent, penam *Intermissis Concilio* publicent solemniter eorum plebe, ut videlicet nec ad communionem Altaris admittantur, nec Christianam,

- (a) Hujus constitutionis Berchtoldi contra spoliatores defunctorum Sacerdotum meminit *Gregorius in Catalogo Episcoporum Eystettensium* editæ A. 1364. posttridie S. Martini, *Tomo X. op. Gregori novæ editionis pag. 461.* Sed in codice chartaceo Synodi A. 1354. mihi communicato, subjungebatur hæc constitutio immediate veluti emanata in Synodo anni 1354.

nam, si in hoc puncto decesserint, accipiant sepulturam. Nullus etiam Sacerdos oblationes eorum accipiat, quia eas & acceptas cogetur reddere, & ad nostri arbitrium ab executione sui officii noverrit se suspensum.

Quod Parochiales Ecclesias regentes de causis Matrimonialibus, & aliis causis non cognoscent, nec eas desumant.

Ad audientiam nostram quoque ex fide dignorum relatione pervenit, quod nonnulli Decani, Camerarii, Rectores, Plebani, Viceplebani, & Vicarii nostræ Diocesis in gravem jurisdictionis nostræ detractionem, & in suarum periculum animarum de causis Matrimonialibus cognoscere, & easdem dissimulare non vererentur, & his, qui de contractibus Matrimonialibus coram ipsis accusantur seu denuntiantur, negantibus dictos contractus super ipsorum negationem publice in ambonibus suis corporalia deferrent juramenta, actoribus super his perpetuum silentium imponendo, & jurisdictionem nostram sibi in hac parte usurpando: insuper, quod sententias excommunicationis majoris in subditos suos auctoritate propria fulminare præsumunt, nec non personaliter suspensi & excommunicati, ac in præsentia publice majori excommunicatione excommunicatorum scienter se Divinis ingerere non erubescant; Mandata quoque Nostra & Officialis nostri ipsi injuncta vilipendendo, executioni mandare non curant. Et quia quilibet Sacerdos in sua Consecratione ad Sancta Dei Evangelia tacta jurat, quod sit obediens suo Episcopo, ad cujus Parochiam exitit ordinatus; quapropter universis & singulis . . Decanis ruralibus, Camerariis, & aliis Ecclesiarum Rectoribus, Plebanis, Vice-Plebani, & Vicariis per totam Diocesin nostram constitutis sub pœna suspensionis ab ingressu Ecclesiæ districtissime statuendo prohibemus, & sub præstitis in ipsorum consecratione juramentis eos seriose requirimus, & in Domino hortamur, ne de causis matrimonialibus, usurarum, Decimarum, nec non de omnibus aliis causis & questionibus Clericorum vel Laicorum, quæ judicalem indaginem exposcant, & quæ de jure aut consuetudine

ad forum Ecclesiasticum pertinere dignoscuntur, audiant, vel dissimulent, sed eas decidendas ad Officium nostrum, qui pro tempore tunc fuit, adhibita diligentia transmittantur. Sententias etiam excommunicationis majoris in subditos suos fulminare sub dicta pœna omnino prohibemus. Suspensi quoque personaliter vel excommunicati per Nos, vel Officium nostrum, qui pro tempore tunc fuit, in contemptum Clavium Ecclesiæ se Divinis ingerere non prætentant. Alioquin ipso facto a jure & secundum Canonicas functiones irregularitatem noverint se incurrisse, a qua non nisi per Summum Pontificem, seu ejus Penitentiarium Beneficium absolutionis poterunt obtinere. In excommunicatorum insuper præsentia temere & scienter celebrare nullo modo præsumant, alioquin post primam celebrationem ab ingressu Ecclesiæ ipso jure noverint se fore suspensos, & si sic suspensi, & a dicta sententia suspensionis per Nos non fuerint absoluti, secundo se Divinis ingesserint, inqueum irregularitatis ipso facto similiter a jure non evitabunt. Vobis etiam firmiter damus in mandatis, in virtute sanctæ obedientiæ firmiter præcipiendo, ut mandata nostra, & Officialis nostri vobis injuncta per vos executioni debere mandentur, alioquin quicumque ea temere absque causa rationabili coram Nobis proposita exequi neglexerit, ab ingressu Ecclesiæ noverit se fore per Nos suspensum. Contra transgressores nihilominus in præmissis seu aliquo præmissorum præter pœnas juris prædictas ad privationem Beneficiorum suorum justitia mediante procedemus.

Sequitur de Statutis quibusdam brevibus & cottidianis.

Post præmissarum autem constitutionum observantiam saluarem quædam statuta specialia, licet pauca sint, & brevia, devotionem pariter ac salutem augentia, post dictas anneximus, quo propter eorum breviter & de facili observari poterunt & mentaliter retineri; quæque ab omnibus Diocesis nostræ Clericis eorum pro quibus sunt instituta reverentiam singulis diebus observari monemus, volumus, & in Domino, quantum possumus obsecramus; primo, ut omnes Cle-

Clerici in sacris Ordinibus constituti nostræ Diocesis seculares, horas Canonicas legant, seu cantent secundum Breviarium Ecclesiæ nostræ, ac Divina Officia alia quæcumque secundum ritum & consuetudinem ejusdem Ecclesiæ nostræ curent cum devotione celebrare: primo tamen volumus, ut post singulas horas Canonicas de Beata Virgine dicatur: *Salve Regina*, cum Versiculo: *Ave Maria*, & Collectam: *Concede misericors Deus &c.* Item quod cotidie ad gratiam subjungatur Collecta illa de Spiritu Sancto: *Affert nobis quesumus Domine, partus Spiritus Sancti &c.*

Item, quod in omnibus Missis post elevationem Hostiæ salutaris Calix non statim, nisi prius verba ad hoc pertinentia, distincte prolata fuerint, eleveur.

Item cum Hymnus: *Te Deum laudamus*, cantatur, aut dictus, seu lectus fuerit usque ad illum locum: *Non horruisti Virginis uterum*, ob reverentiam Beatæ Virginis quilibet reverenter se inclinet.

Item, quando in Matutinis Textus Evangelicus legitur, biretum, mitra, vel caputia deponantur.

Item, quod singulis diebus in Sacro tribus vicibus in omnibus Ecclesiis Parochialibus nostræ Diocesis fiat campanæ unius sonitus, & tunc tam a Clero, quam a populo ad minus unum *Pater noster*, & unum *Ave Maria* pro bono statu Ecclesiæ nostræ flexis genibus cum devotione dicatur.

Item diem Beatæ Catharinæ Virginis & Martyris eximie deinceps per totam Civitatem & Diocesin nostram ab omnibus cum solemnitate officii & observantia sancta haberi volumus tamquam celebrem & festivam.

Sequitur Festum Insigniorum Passionis Christi, de novo institutum

per Dominum INNOCENTIUM Papam VI. ad supplicationem Domini KAROLI Regis Romanorum quarti. Anno Domini Millesimo trecentesimo quinquagesimo quarto.

BERTHOLDUS, DEI & Apostolicæ Sedis gratia, Episcopus Ecclesiæ Ey-

stetensis, Discretis Viris.. Decanis.. Camerariis, ceterisque Rectoribus.. Plebanis.. Viceplebanis, & Clericis per totam nostram Diocesin constitutis, Salutem & sinceram in Domino caritatem &c.

Vestram discretionem scire volumus, quod nuper Serenissimus Princeps & Dominus noster, Dominus KARULUS, Romanorum & Bohemæ Rex, semper Augustus, Nobis coram ipso constitutis quandam litteram Sanctissimi in Christo Patris Domini Innocentii Sexti veræ Bullæ (a) more Curie Romanæ bullatam legi iussit, & ostendi, in cujus tenore continebatur, qualiter idem Dominus Papa ad laudem & gloriam Salvatoris nostri Domini JESU CHRISTI, & suæ Passionis reverentiam gloriosam, pro veneratione Instrumentorum salutariorum ejusdem Dominicæ Passionis, videlicet: LANCEÆ & CLAVORUM a cunctis Christi fidelibus honorandorum, nec non ad supplicationem cuiusdam Domini Regis illustris, qui in sua custodia prædictam Lanceam, & unum de Clavis, sicut ceteri Imperatores & Reges Romanorum hæcenus obtinuerunt, pro Insigniis Imperialibus, dinoscitur obtinere, de præmissis Lanceæ & Clavis, Dominicæ Passionis Instrumentis, speciale festum singulis annis feria sexta proxima post octavam Resurrectionis Dominicæ ab omnibus Christi fidelibus in Alamaniz & Bohemiz partibus solemniter celebrandum instituit, & causam ordinavit, addens tres annos & tres Quadragenas Indulgentiarum omnibus fidelibus poenitentibus & confessis, qui eodem festo Ecclesiæ seu Capellam, in qua hujusmodi instrumenta recluduntur, visitaverint annuatim, nec non centum dies Indulgentiarum his, qui in præsentia prædicti Domini Regis, & suorum successorum Imperatorum, & Regum Romanorum Catholicorum Missæ & Horis Canonicis interfuerint in Festo præfato. Insuper mandavit Nobis, ac aliis Alamaniz & Bohemiz Archi Episcopis & Episcopis, ut prædictum Festum die præfata annis singulis celebraremus, & faceremus a

no-

(a) Bullam integram habet Gresserus in *Synagmate de Insignibus Imperii*, Tomi I. *Operum Gresseri novæ editionis in Mantissa* pag. 109. una cum Apologia contra hæreticos & pseudo-criticos. Item *Raynaldus in Annalibus Ecclesiasticis* ad annum 1354. No. 18. *Pagi historiam refert in Breviario gestorum Pontificum Romanorum Tomo IV. in vita Innocentii VI. No. XIII. pag. 157.*

nostris subditis celebrari. Volentes itaque Apostolicis & Regalibus obedire mandatis, ut tenemur, vobis omnibus & singulis in virtute sanctæ obedientiæ districtè præcipiendo mandamus, quatenus prædictum festum in honorem Lanceæ & Clavorum, & aliorum instrumentorum Passionis Domini nostri JElu Christi prædicta feria sexta proxima post octavam Resurrectionis Dominicæ singulis annis solemniter celebretis, & vestris Parochianis celebrandum denuntietis, & mandetis, ac in Libris Officialibus Ecclesiarum vestrarum, in quibus cætera Sanctorum Festa continentur, conscribi faciatis; Officium vero speciale hujus Festi, quod idem Dominus Rex per suos Clericos fieri decrevit in Brevis, cum ad Nos pervenerit, recipiatis, & copiam vobis fieri faciatis. Datum

Raynaldus asserit Bullæ Innocentii VI. de festo Lanceæ & Clavorum celebrando exemplaria fuisse, missa ad Magdeburgensem, Pragensem, Coloniensem, Treverensem, Moguntinum, Salisburgensem, Bremensem, Rigensem Archi-Episcopos: eorumque Suffraganeos, quæ extant Romæ in *Registro Episcoporum Innocentii VI.* post Bullam ipsam institutioni festi hic relatam ad annum 1354. No. 18.

De Fests Mobilibus. Et de Litera Dominicali. Item de distantia inter Nativitatem Domini & Dominicam Esto mihi, Item de propriis hominibus Ecclesia nostra diligenter inquirendis.

Cæterum, ne Festa Mobilia per annum futurum Sacerdotes & inexpertos Clericos lateant, scire debent, quod Adventus Domini in Dominica, in qua cadit Festum Sancti Andreæ Apostoli, & prædictum Festum anticipabitur, cum Officio suo Sabbato præcedenti, & sic erunt tres septimane, & tres dies ab Adventu Domini usque ad diem Nativitatis Domini. Item Litera Dominicalis per totum annum futurum D. Item Septuagesima erit proxima die ante Purificationem Virginis Gloriosa, & sic erunt septem septimane a Dominica post Nativitatem Domini usque ad Dominicam *Esto mihi.*

Volumus insuper & mandamus, ut omnes Sacerdotes Ecclesias regentes, tam in publico, quam in privato de propriis hominibus & servis Ecclesiæ nostræ diligenter inquirant. Eos autem, quos invenerint, Nobis, in singulis quatuor Temporibus ad audientiam nostram in scriptis curent deferre.

CONCILIIUM ULTRAJECTINUM

Anno Christi MCCCLV. Innocentii VI. Papæ III.
Caroli IV. Imp. VIII.

SUB JOANNE, EPISCOPO ULTRAJECTENSI,

EPISTOLA XV.

I. Quolibet anno Decretalis Gregorii IX. pro Cathedra publicetur.

II. Notorii excessus & testamenta infra annum ab obitu, non mandata executioni deferenda ad Synodum.

JOHANNES, Dei gratia, &c. Auctoritate nostra omnes & singulos Clericos, huic Synodali, *Quare A.* Eadem auctoritate omnes & singulos Abbates, &c. *Quare B.* Insuper præcipientes Provisuribus, & Decanis, Ecclesiarum Curatis nostræ Diocesis supra dictis, sub intimatione maledictionis æternæ constituta, *Quare N.* Præterea præcipimus omnibus & singulis Ecclesiarum

Reſtoribus, ut quolibet anno semel vel bis Decretalem GREGORII IX., cum ipsorum Parochianorum major pars assuerit, in Ecclesiis suis prædicent & exponant, hujus continentię & tenoris: Is, qui fidem dedit mulieri super matrimonio contrahendo, carnali copula subsecuta, etsi in facie Ecclesiæ aliam duxerit & cognoverit, ad primam redire tenetur; quia licet præsumptum primum matri-

matrimonium videatur contra præsumptionem, hujusmodi non est probatio admittenda. Ex quo sequitur, quod nec verum, nec aliquod censetur matrimonium, quod de facto est postmodum subsecutum. Præterea licet nos alias in *Synodo nostra generali* decrevimus statuendum, quod omnes & singuli Curati Ecclesiarum testamenta, vel ultimas voluntates suorum Parochianorum, infra annum a die mortis decedentium non executi, nec executi, nec non excessus notorios incorreptos, Nobis, aut Officiario nostro denunciarent; nihilominus tamen plerique Ecclesiarum Curati in præmissis negligentes existunt & remissi; hinc est, quod ipsis, & eorum cuilibet districte præcipimus injungendo, ut ante ipsorum a Civitate Trajectensi recessum,

hujusmodi testamenta & excessus, sub juramenti ipsorum, Nobis, aut nostris Commissariis denunciare non obmittant. Si quis vero contrarium præsumpserit, contra eum cum animadversione condigna procedemus. Eadem auctoritate, &c. *Quare B.* Præterea cum nonnulli minus idonei, &c. *Quare O.* Eadem auctoritate negotium, &c. *Quare I.* Eadem auctoritate inhibemus, *Quare Q.* Eadem auctoritate monemus omnes debitores, &c. *Quare H.* Eadem auctoritate omnes & singulos dolose, &c. *Quare M.* Item in virtute sanctæ obediencie omnibus & singulis Ecclesiarum Rectoribus, &c. *Quare P.*

Datum anno Domini MCCCCLV.
quarta die mensis Maji.

Heusden Batavia sacra pag. 196.

Joannis de Arckel, Episcopi Ultrajectini, EPISTOLA XVI

JOHANNES, Dei gratia, &c. Cum nos alias, &c. *Quare N.* Eadem auctoritate omnes & singulos Abbates, &c. *Quare B.* Præterea omnibus & singulis Ecclesiarum Curatis civitatis & Diocesis, quatenus constituta Canonum, & præsertim Concilii generalis, nec non Statuta Provincialia, & Prædecessorum nostrorum Episcoporum Trajectensium, & nostra *Synodalia* firmiter observent, nec non constituta Domini CLEMENTIS Papæ Quinti, in Concilio Viennensi edita, cujus tenor sequitur in hæc verba; "Eos, qui propriæ temeritatis audacia corpora defunctorum, non sine contemptu clavium Ecclesiæ, in cimiteriis interdicti tempore, in casibus non concessis a jure, vel excom-

"municatos publice, aut nominatim interdictos, aut usurarios manifestos scienter sepelire præsumunt, decrevimus ipso facto excommunicationis sententiæ subiacere, a qua nullatenus absolvantur, nisi prius ad arbitrium Diocesani Episcopi eis, quibus per præmissa fuerit injuria irrogata, satisfactionem exhibuerint competentem, nullo eis circa præmissa exemptionis, vel quovis alio privilegio, sub quacunque forma verborum concessio, aliquatenus suffragante, in Ecclesiis suis, cum major multitudo populi affuerit, & quantum primum poterit, solemniter publicari procurent.

Datum anno Domini MCCCCLV. secunda die mensis Octobris.

Heusden Batavia sacra pag. 196.

Potestatem Provisorum ac Decanorum per terminos Hollandiæ, Zelandiæ, limitamus secundum moderationes inscriptas.

Leges circa Immunitatem Ecclesiasticam præfixæ.

Item Provisor & Decanus non molestent aliquem super perjurio, pro eo, quod coram seculari iudice juramentum præstiterit in iudicio, (*) ac di-

Tomus IV. Concil. German.

(*) forte: iuxta.

ctamen legum Patriæ, nisi contra illum qui juravit, sit tanta fama de perjurio, quod illa etiam iudici temporali innoteat. In illo casu corrigetur de perjurio, convictus per Provissorem & Decanum. Emolumenta de correctione cum pro-

B b b 2

venit

ventu æqualiter dividuntur inter Proviforem, & Decanum, & Judicem loci temporalem. Item confugientibus ad emunitatem Ecclefiarum, Provifores & Decani habent potestatem extrahendi eos, quos de jure Ecclefiastica emunitas non defendit, videlicet illos, qui de cimiterio exeuntes homines spoliant, aliena rapiunt, & violentias committunt, & ex tunc ad emunitatem Ecclefiasticam redeunt, & alia similia crimina committentes. Et ex cunctis talibus Provifor præfentare debet hujusmodi Dominis, Epifcopo, & Archidiacono puniendos, fi conviñti fuerint per Judicem Ecclefiasticum seu temporalem, pro ut qualitas delictorum exegerit; videlicet, quod Clerici fic extrahi, & quos emunitas Ecclefiastica non defendit de jure, per Judicem Ecclefiasticum corrigantur, & quod laici conviñti, & quos emunitas Ecclefiastica non defendit de jure, ex emunitate, de qua ejeñti sunt, remittantur, defenfione emunitatis nullatenus gavifuri.

Judices Ecclefiastici non fulminant interdium, sine causa cognitione.

Item Provifores & Decani pro delicto singularis personæ vel fecundarum personarum, non fulminant interdium sententiam sine cognitione causæ.

Item de Clericis non portantibus tonsuram, & vestes Clericales, alias fuit ordinatum, quod infra certum terminum eis statutum se in tonsura & vestibus Clericalibus exhiberent, alioquin non gaudebant privilegio Clericali. Et cum hoc ordinatum nunc exiftit de novo, quod volentes gaudere privilegio Clericali, pro eo, quod asserunt, se in minoribus Ordinibus constitutos, exhibeant se Provifori & Decano loci, & se faciant propriis nominibus eorum scribi pro Clericis, & tales gaudebunt privilegio Clericali, & si quis prædictorum Clericorum postea reperiretur delinquens enormiter, caperetur per Judicem secularem, Provifori vel Decano præfentandus est, & corrigendus secundum qualitatem delicti sui.

Item Provifor & Decanus non molestant homines super violatione Festorum, extra Synodum, nisi fuerit manifesta probatio contra impetendos seu

molestandos, quos tunc Provifor & Decanus poterunt conviñtos de violatione corrigere, & non nisi per justitiam temporalem ad reparationem aggerum aut aliarum rerum, quæ servare non poterunt, compellantur.

Item de fornicatoribus & aliis delinquentibus observetur consuetudo hætenus observata, hoc salvo, quod mulieres maritatæ non vexentur super fornicatione seu adulterio, nisi fornicatio sit publica, vel sit accusata in Synodo.

Nec vexent aliquem per monitiones, aut excommunicationes, nisi legitime citatos.

Item, quod non molestantur aliqui per monitiones aut excommunicationes, nisi prius ita legitime citati fuerint, quod citatio probabiliter credi possit ad eorum noticiam pervenisse.

Non excedant in pecuniarum exactione.

Item, quod Provifores & Decani de citationibus suis & actis judicialibus, in receptione pecuniarum non excedant, sed se conforment in præmissis observantiz Trajectensium Curiarum.

Item de proclamationibus & absentis recipiatur, sicut prætaxatum est.

Item, quod officium Proviforis & Decani in quolibet Decanatu, per unam duntaxat personam idoneam exercentur.

Nec incolæ Patriæ Trajectum protrahantur ad iudicia.

Item, quod incolæ Patriæ, in quibus potestas Proviforis & Decani se extendit, non citentur Trajecti ad instantiam aliorum incolarum ejusdem Patriæ, dummodo citandi realiter in effectu juri parere voluerint coram Provifore & Decano, & Provifor & Decanus amoto quolibet impedimento libere valeant judicare.

Item de bonis Clericorum ad refectionem aggerum, & aquæductuum, ac viarum publicarum, quod de consuetudine Patriæ est observandum, de prædiis laicalibus erit observandum.

Statuta hæc a Joanne Syricio usque ad J. Verburgum, ex veteri libello, Goudæ Anno D. 1484. impresso, quæcunque pro avo isto latinitate, hic dedimus.

Heiden Batavia sacra pag. 197.

SYNO-

SYNODUS PRAGENSIS PROVINCIALIS

Anno Christi MCCCLV. Innocentii VI. Papæ III.
Caroli IV. Imp. VIII.

AB ERNESTO, PRAGENSI ARCHI-EPISCOPO I.

STATUTA LXVIII.

IN NOMINE SANCTÆ, ET INDIVIDUÆ TRINITATIS, PATRIS,
ET FILII, ET SPIRITUS SANCTI. AMEN.

ARNESTUS, DEI, ET APOSTOLICÆ SEDIS GRATIA, SANCTÆ
PRAGENSIS ECCLESIE ARCHI-EPISCOPUS; UNIVERSIS PRÆLATIS, CA-
PITULIS, CONVENTIBUS, PLEBANIS, ECCLESiarUM RËCTORIBUS, CLERO,
ET CLERICIS, AC CÆTERIS CHRISTI FIDELIBUS TAM RELIGIOSIS, QUAM
ETIAM SÆCULARIBUS, PRAGENSEM PER CIVITATESM, DIOECESIM, ET
PROVINCIAM, CONSTITUTIS, IN (a) OMNI SALVATIONE SALUTEM,
ET PRÆSENTIUM OBSERVANTIAM, EX (b) FREQUENTI
LECTIONIS STUDIO, SALUTAREM.

REX magnificus, qui facit (c) mi-
rabilia magna factus, suum (d) mag-
nificentiæ sinum aperiens, *super* (e) no-
stram Pragensem Ecclesiam per sanctis-
simum in Christo Patrem, & Dominum,
Dominum CLEMENTEM Papam VI.
ad precus & solertem instantiam Sere-
nissimi Principis & Domini nostri, Do-
mini KAROLI, tunc (f) Marchionis
Moraviæ, nunc vero Romanorum & Bo-
hemorum Regis, in Metropolitanam
erexit, & Archi-Episcopalis dignitatis
titulo insignivit, Nos quoque super so-
limum Pastoralis præeminentie ipsius Pra-
gensis Ecclesiæ licet immeritos, sua ta-
men, ac ipsius Sedis Apostolicæ digna-
tione locavit. Idcirco ex injuncti Nobis
officii debito, in hujus novitatis pri-
mordio, subditorum utilitati providere
volentes *Summam aliquorum Canonum, &
Constitutionum Provincialium Ecclesiæ Mo-*

guntinæ, quæ olim in nostra Provincia
tenebantur, ac etiam *Statutorum Synoda-
lium* per Nos, & nostros Prædecessores
editorum, quæ pro morum correctione
& decisione causarum & casuum fre-
quentius occurrentium magis utiles, &
transgressoribus periculosiores judica-
mus, de unanimi consilio, & assensu Suf-
fraganeorum, Capitulorum, & Con-
ventuum, omnium quoque Prælatorum,
Personatus, Dignitates, Officia Ecclesia-
stica regentium, plano & brevi stylo,
ut facilius possint memoriæ commendari,
in unum libellum duximus redigendum,
quem, & nullum alium, pro Constitu-
tionibus Provincialibus reputari volu-
mus & haberi; omnes alias Constitutio-
nes Provinciales Ecclesiæ Moguntinæ,
& omnia Statuta Synodalia a Prædeces-
soribus nostris, *vel a* (g) Nobis, usque
ad præfens edita, quo ad nostram Dio-
cesim

B b b 3

cesim

(a) in omnium Salvatore Salutem, *Archivium Pragense.*

(b) ex, *omissum.*

(c) Psalmi LXXI, 18.

(d) magnificentie

(e) Anno 1344. 8. Kal. Maji, anno III. Pontificatus a Clemente VI. Pragensis Ecclesia fuit
erecta in Metropolitam, & subarchidia Moguntinæ Provincie, cum jam ante A. 1343.
pridie Kalendis Maji anno II. Clementis VI. Avenione Pallium eidem missum fuisset,
& quas Suffraganeas Olomucensem & Laomisensem Ecclesiæ civitates obtinisset.

Balsinus in vita Ernesti Archi-Episcopi I. Pragensis L. II. C. III. pag. 97. & sequentibus.

(f) Post mortem Ludovici Bavari Imp. Augusti A. 1347. succedit Carolus IV. Joannis

Bohemie Regis Filius.

(g) Anno 1342. vel prius, ante Archi-Episcopalem Dignitatem Statum Diocesana ab Er-
nesto edita suspicatur *Balsinus in vita Ernesti Lib. II. C. XV:* sed ea nunquam a se
visâ idem affirmat. *Loc. cit.*

cesim præsentibus non infitas, & infita irritantes; imo irritas, & irrita nuntiantes; & omni carere decrevimus roboris firmitate; Ut autem Constitutiones ipsæ ad singulorum perveniant notitiam clariorem, Venerabilibus Fratribus & Coepiscopis nostris, in virtute sanctæ obedientie districtè præcipiendo mandamus, quatenus ipsas mox scribi faciant, & sibi procurent, ac singulis annis, cum suis Synodus celebrant, Clero suo earundem studium & observantiam, studiosius recommendent, Cathedralium vero & Collegiarum Ecclesiarum Capitula habeant earundem Constitutionum *duo paria*, unum sub sigillo nostro, quod in Sacristia fervetur, aliud, quod in Ecclesia sua in loco patenti affixum (*b*) cathenula, a die publicationis earundem, infra trium mensium spatium reponi faciant: Archidiaconi autem, Decani rurales, & Parochialium Ecclesiarum Rectores singuli unum libellum ipsarum Constitutionum sibi comparent, nam lapsis tribus mensibus memoratis, nemo per ignorantiam earundem poterit se tueri.

Cap. I. De Summa Trinitate.

Firmiter præcipimus, ut universi Prelati, Plebani, & Rectores Ecclesiarum nostræ Provinciæ de Sancta & Individua Trinitate Patre, & Filio, & Spiritu Sancto, & articulis Fidei maxime Divinitatem & humanitatem Domini nostri Jesu Christi, concernentibus, nihil aliud tradant, teneant, ac doceant, nisi quod Sancta Romana Ecclesia credit, tenet, & docet. Laici implicate, Clerici vero explicite & distincte; & ne quis Clericorum per crassam ignorantiam articulorum Fidei se possit aqualiter palliare, de ipsis articulis Fidei, & de quibusdam aliis ad salutem fidelium summe necessariis libellum quandam, qui de tribus punctis essentialibus Religionis Christianæ inticulatur in fine harum nostrarum Constitutionum decrevimus annexendum, quem libellum cum præsentibus nostris Constitutionibus mandamus per omnes haberi, & contenta in eo efficaciter observari.

(b) catenula.

(k) serico, species minuta moneta.

Cap. II. De Constitutionibus.

Statuimus: quod Constitutiones seu Statuta Provincialia, quolibet personarum superius expressarum ad Provinciale Concilium secum attulerat, & lectionem eorundem audiat, ac eadem in eodem perlegat, hoc ipsum circa Synodalia Episcoporum Statuta per subditos ipsorum in Synodis Episcopalibus observari mandamus.

Cap. III. De Rescriptis.

Fraudibus impetrantium Rescripta Apostolica, in quibus actor rei potentiam se perhorrescere, falso proponens, tantum, ut Judices extra ipsorum Dicecesim impetret, ut reus fatigatus laboribus & expensis cum eo pro suo libitu concordare cogatur, obviare volentes; Statuimus: quod ipsorum Dicecesanus, vel ejus Officialis, ad instantiam Rei, si hoc notorium fuerit, quod non est tantæ potentie, quam actor merito perhorrescere debeat, teneatur conditionem actoris & rei scribere Judici taliter impetrato, & ipsum petere, ut super hoc rei probationes recipiat potius, quam credat actoris simplici juramento. Nam licet jus permittat hanc perhorrescentiam probari posse juramento, quæ probatio inter ceteras est fragilior, non tamen prohibetur, quin reus volens contrarium probare per testes, quæ probatio fortior est juramento, sit merito admittendus. Adjicientes, quod nullus ad requisitionem cujusque ignoti Judicis, se delegatum vel subdelegatum Sedis Apostolicæ afferentis, aliquam citationem, seu publicationem processuum quorumcumque audeat facere: nisi sibi prius de interdictione ipsius per ostensionem Bullæ Apostolicæ, vel transumpti, auctoritate Ordinarii per (*i*) Manualem publica facta fuerit plena fides. Ut autem de citationibus factis, & processibus executis constare possit, injungimus Decanis, & Parochialium Ecclesiarum Plebanis, ut quilibet ipsorum sigillum proprium infra mensem a præsentium publicatione numerandum, habere teneatur sub poena nihius (*k*) fertonis grossorum Pragensium, Fabricæ Cathedralis Ecclesiæ persolvendi.

Cap.

(i) per manum publicam

Cap. IV. *De (f) Consuetudine.*

Olim ECCLESIA MOGUNTINA, diuturna (m) servata consuetudine, introduxit, ut Archi-Episcopus Moguntinus, vel ipsius Officialis, causas appellationum, vel alias ad Moguntinam Sedem legitime devolutas, subditis suorum Suffraganeorum in toto vel in parte possit committere, & eos ad suscipiendas huiusmodi causas compellere; Nos, considerantes prædictam consuetudinem & statutum pro subditorum litigantium commodo introductas, & ante erectionem nostre Pragensis Ecclesie in Pragensi, & in Olomucensi Diocetibus, observatas, eas in Provincia nostra inviolabiliter servandas, & tenendas de cætero, hoc sacro approbante Concilio, diffinimus.

Cap. V. *De Electione.*

Cum in Ecclesiis Prælatorum, seu Canonicorum Electio, vel Præbendarum, seu Beneficiorum collatio, vel bonorum alienatio, seu obligatio, aut alia ardua negotia Ecclesie imminere facienda, ad talia absentes Canonici sunt vocandi; alioquin ipsis instantibus per Superiorem cassabitur, quod in eorum absentia per præsentes fuerit attemptatum; nisi consuetudo habeat eos ad talia non vocari, vel absentes sint extra Provinciam constituti.

Cap. VI. *De Excommunicatione.*

Excommunicamus (n) omnes seculares, & Regulares Canonicos, ac Monachos, qui in Electionibus aut aliis suarum Ecclesiarum, seu Monasteriorum negotiis persequendis conspirationes fecerunt, eis districte injungentes: ut ipsi utilitatem & profectum Ecclesiarum, & Monasteriorum suorum solummodo habentes præ oculis, recta conscientia & mente libera satagant procurare.

Cap. VII. *De Remuneratione.*

Sunt tamen nonnulli, qui se ad Beneficia Ecclesiastica minus pinguiora procurant institui, ut ratione tituli recipiantur ad Ordines, & demum facti Presby-

teri, temeritate propria, dimittunt Beneficia, & more conductorum servorum singulis annis pro cotidiano victu de una Ecclesia ad aliam se transferunt, facientes, quæ non licet loqui, in Cleri opprobrium, & scandalum laicorum. Nos attendentes: quod nullus sine Superioris sui licentia Beneficium Ecclesiasticum dimittere, vel recipere possit, temeritatem huiusmodi volentes compescere, statuimus: quod tales per Dicecesanos suos suspendantur ab executione Ordinum susceptorum, & nihilominus in exaggerationem facti subdantur poenæ carcerali; verumtamen Beneficium suum aliquis ad manus sui Superioris si renuntiare voluerit, Superior ipse de renuntiationis causa, an sit rationabilis & iusta, & per consequens admittenda, an non simoniaca? vel in fraudem expectantium, aut Ordinum, ut prædicetur, susceptorum, seu per vim & metum extorta, & sic non admittenda; inquisitionem faciat diligenter.

Cap. VIII. *De ætate, & qualitate ad sacros Ordines (o) promovendum.*

Cum Clericorum Ordinatio vel Beneficiorum provisio immineret (p) facienda, Prælati, ex sui officii debito, diligentius inquirent an promovendus ad sacros Ordines, vel ad (q) citatum Beneficium, sit gravis in moribus, ætatis legitimæ, & scientiæ competentis, & utrum sit de thoro legitimo generatus? (nam cum illegitime nato, si in seculo remanet, quo ad sacros Ordines, vel Curatum Beneficium obtinendum solus Papa poterit dispensare) & an promovendus, vel aliquis suorum progenitorum usque ad quartum gradum per paternam lineam ascendendo, occiderit vel mutilaverit aliquem Clericum in saceris Ordinibus constitutum, & pro Clerico se gerentem? & utrum habeat perpetuum Beneficium Ecclesiasticum, vel sufficiens Patrimonium volens ad sacros Ordines promoveri: & si est de alia Dicecesi, utrum habeat commendaticias seu dimissiones Superioris sui litteras; quem autem criminofum, vel defectuo-

(f) De diuturna consuetudine.

(m) diuturne servatam consuetudinem,

(n) In Pragensi Archiepiscopio hoc Caput priori iussu unum fuit.

(o) & curata beneficia

(p) imminuerit

(q) ad curatum

fum invenerint in præmissis, aut aliquo præmissorum, hunc omnino repellant. Præcipimus insuper: quod Episcopi excommunicationis sententiam proferrant in illos, qui furtive ad receptionem Ordinum accesserint, priusquam ordinationem inchoent Clericorum.

Cap. IX. *De Clericis peregrinis.*

Nullus in Ecclesia sua ignotum seu peregrinum Clericum de alia Diocesi venientem ad celebrationem Divinorum in publico præsumat admittere, licet *formatus*, seu litteras suæ ordinationis exhibeat, nisi etiam ostendat litteras Diocesani Episcopi, vel ejus Vicarii, in cujus Diocesi se petit admitti, in quibus contineatur expresse, quod in ejus Diocesi habeat licentiam celebrandi; contrarium faciens, in uno *sertone* grossorum Pragensium pro admissione qualibet per loci Archidiaconum puniatur, pro utilitate fabricæ Cathedralis Ecclesiæ convertendum.

Cap. X. *De Officio Archidiaconi.*

Permittimus, ut Archidiaconi, juxta antiqua statuta Ecclesiæ Moguntinæ, per consuetudinem approbata, personarum in suis sedibus residentes, si juris habent periciam, seu Assessores peritos, causas matrimoniales, & usurarum, audire & diffinire valeant, causis aliis Diocesanis Episcopis, & Officialium examini reservatis; judicata per eos, præterquam in casibus supradictis, sine irrita ipso jure, & nihilominus per loci Ordinariam a suis officiis suspendantur, nec absque suorum Episcoporum speciali licentia ex causa quacumque a Clero suorum Archidiaconatum possint petere subsidium. (d)

Cap. XI. *De Vicariis.*

Multorum querelis, & propria experientia Nos docente, didicimus: quod nonnulli Prælati, seu Canonici, Cathedralium & Collegiarum Ecclesiarum secularium, & Regularium, quorum Dignitatibus, Præbendis, seu Monasteriis Parochiales Ecclesiæ incorporate sunt, vel annexæ, perpetuis Vicariis

earundem assignant sic tenuem portionem, quod de ea Vicarii nequeant sustentari; Nos in his dispositionem *Forum communis* observari volentes, omnibus, ad quos talium Vicariorum institutio, seu investitura pertinet, præsentis statuti serie districtè præcipimus: quod de cætero nullatenus ad Vicarias ipsas præsentatos admittant, nisi ipsis præsentatis pro sustentatione sua, & hospitalitate servanda, ac pro aliis oneribus incumbentibus sufferendis congrua portio deputetur; insuper Rectoribus Parochialium Ecclesiarum, simili discretionem (e) mandamus: ut quoniam (f) ipsis studiorum, vel alia iusta causa, per Episcopum datur licentia se ad tempus a suis Ecclesiis absentandi, non quantam Vicarios, qui eis solvant magnam pensionem, quam verisimiliter de fructibus Beneficii ultra sustentationem comportare non possunt; sed potius illos, quos plebibus suis prodesse crediderint verbo pariter, & exemplo; hujusmodi autem Vicarios, Rectores Ecclesiarum Episcopo loci præsentare teneantur, ut ab eo, præmisso examine, pro illo tempore curam animarum recipiant, quam Rectores ipsi auctoritate propria eis nequeunt delegare.

Cap. XII. *De Officio Legati. (g)*

Quorundam delegatorum, five subdelegatorum, mentem (h) progreditur penculosa temeritas; quod licet a Sede Apostolica simplices in forma commissionis recipiant, nihilominus in earundem auctoritate (i) civitates, oppida, villas, loca, territoria, vel districtus Ecclesiastico subdunt interdicto, & ut malefactum deterius valeant effectui mancipare, in suum subsidium potentiam invocant Brachii secularis; cum auctoritas (k) talium Judicum, ipso jure, sit (l) nulla, omnibus Metropolitico jure Nobis subiectis, ne antedicta hujusmodi teneant, districtius inhibemus, neculare Brachium, quo ad hoc, ipsis præstet aliquod subsidium, vel juvenem.

Cap.

(d) moderatum (e) districtione (f) quando (g) Delegatorum.
(h) in tantum pro mentem (i) nonnunquam etiam pro pecuniario debito
(k) auctoritate talium judicum, vel pro tali causa interdicta posita (l) sine

Cap. XIII. *De Officio Ordinarii.*

Ne inferiores Prælati suorum Superiorum jurisdictionem eludant, Episcopi, Archidiaconis, Decanis, & aliis Prælati, seu eorum Officialibus, in virtute sanctæ obedientiæ, & sub interminatione maledictionis æternæ, distriktius inhibemus: ne subditis suis, seu eis, qui litigant, aut litigaverint, coram eis inhibitionem faciant, aut aliquod impedimentum præsentent directæ vel indirectæ, quominus appellationem, (m) vel alias suas causas ad superiorem deducere valeant, seu perferre examen.

Cap. XIV. *De (n) Vicariis, & Prædictoribus Episcoporum.*

Cum propter occupationes multiplices, aut invaliditates, seu occasiones alias, Episcopi, per se ipsos, non sufficiant ministrare populo Verbum Dei, ac ipsius confessiones audire, maxime propter amplas Dioceses, & diffusas, assumant sibi viros idoneos, ac Sanctum prædicationis officium salubriter exequi potentes, (o) qui plebes sibi commissas vice ipsorum, cum per se nequiverint, solite visitantes eos verbo reficiant pariter & exemplo, ac cæteris, quæ ad salutem pertinent animarum. Habeant, & saltem tres privatos (p) seculares, vel Religiosos industres (q) & peritos, quorum duo apud Ecclesiam Cathedralium sint assidui, tertius Episcopalem Curiam sequatur continuo, quibus plenam suam auctoritatem tribuant in audiendis confessionibus, & absolutionibus impendendis, & eis, cum indigerint, necessaria subministrant, ne per necessarium defectum cogantur desistere ab incepto. Celebrant autem Episcopi Missarum solemnias in suis Ecclesiis Cathedralibus, præsertim in Festivitatibus Domini, & Virginis gloriæ, Clero & populo indulgentias solitas concedentes, & quia plures non re, sed solo nomine, tam Clerici, quam Monachi magis metu poenæ, quam verbo vitæ a suis cohibentur excessibus, statuimus; quod Episcopi singuli suos habeant carceres du-

plicatos, minores scilicet, & magis rigidos, in quibus secundum exigentiam criminum, tales delinquentes ad tempus vel in perpetuum ad agendam poenitentiam recludantur.

Cap. XV. (r) *Ne Beneficia spo-*
liantur.

Præsentem prohibemus Edicto, ne Episcopi, aut Abbates, seu quivis alii Regulares, vel seculares Prælati, aut Ecclesiasticæ, vel laicæ quæcumque personæ, vacantibus Dignitatibus, Personatibus, Prioratibus, vel Ecclesiis quibuscumque sibi subiectis, seu ad Collationem, Præsentationem, Ordinationem, institutionem, vel custodiam pertinentibus, eorundem bona, morientibus eorum Rectoribus vel Ministris, in ipsis inventa, siue vacationis ipsorum tempore obveniant, quæ in utilitatem eorundem expendi, vel futuris debent Successoribus fideliter reservari, occupare, aut in usus suos convertere, quoquo modo præsumant; alioquin Episcopi ab ingressu Ecclesiæ, cæteri vero Clerici ab Officio & Beneficio tamdiu eo ipso noverint se suspensos, quousque restitutionem fecerint de prædictis; laici vero Patroni, pro illa vacatione præsentandi potestate, & nisi (s) occupata plene restituant infra mensem, jure Patronatus ipsius Ecclesiæ perpetuo sine privati.

Cap. XVI. *De (t) Reverentia, & Obedientia.*

Cum inferior suo Superiori regulariter ad exhibendam reverentiam & obedientiam teneatur, quarum exhibitio non nisi per obsequium humilitatis extrinsecus præstitum, aliorum notitiæ innotescit; Quapropter Canonici Cathedralium & Collegiarum Ecclesiarum Prælati, & inferiores Prælati Superioribus, ac universaliter omnes Clerici Majoribus suis in assurgendo, inclinando, & aliis prerogativis, quibus consueverunt honoratioribus revereri, honorem debitum deferant reverenter: ut etiam laici a Clerico fumentes humilitatis exemplum, eis-

(m) appellatione

(n) omisso titulo connectuntur sequentia antegressis.

(r) in opere & sermone

(p) Primarios

(q) industrios

(s) Sine medio titulo sequentia antecedentibus jungit codex Pragense MS.

(t) moniti

(e) De majoritate & obedientia. Cod. Pragense.

eisdem exhibeant reverentiam amplior.

Cap. XVII. *De (u) Obsecutione manuali.*

Quia frequenter Rectores Parochiarum non audent contra Nobiles & Potentes mandata Superiorum exequi propter eorundem tyrannidem belluinam, statimur: quod nullus Presbyter assumat Capellaniam cujuscumque Nobilis vel Potentis, seu ipsorum Capellas tanquam Capellanus administret; nisi prius ipso Diocesano super eo, quod ad ipsius Synodos veniat, & mandata Superiorum sibi injuncta ad sui domum (x), & ipsius castri familie notitiam perferat, obsecutionem faciat manualementem. Item, cum aliquis nobilis Justiciarius, seu laicus quicumque captivaverit aliquem Clericum, seu pro Clerico se gerentem, seu deprezdatus fuerit alicujus Ecclesie bona, Capellani castrorum hujusmodi, & Plebani locorum, in quibus Clericus detineretur captivus, aut preda servatur, non expectato super hoc alio Superiorum mandato, a celebratione abstineant Divinorum, sub poena excommunicationis, quam facientes contrarium incidere volumus eo ipso facto.

Cap. XVIII. *De (y) Rege.*

Omnes Clerici seculares, & religiosi, Metropolitico nostro & Diocesano Nobis jure subiecti, pro Serenissimo Domino nostro KAROLO, Rom. & Boemie Rege, & Gloriosa Conthorali sua Domina Regina, ac eis, qui pro tempore fuerint Boemie Reges & Reginae, in Missis & cotidianis orationibus suis, fundant devotas preces ad Dominum, ut in presenti vias ipsorum dirigat per suorum semitas mandatorum pro statu pacifico subditorum, & in futuro eis premium tribuat Beatorum.

Cap. XIX. *De (z) Postulationibus.*

Repellantur ab Advocatorum, seu Postulationis officio, qui in Presbyteratus ordine, vel in dignitate Prælationis Ecclesiasticæ constituti, nisi proprias, &

Ecclesiæ suæ, aut, cum necessitas imminet, convictarum vel miserabilium personarum causas, non temporalis lucricausa, sed Divinæ retributionis intuitu prosequantur; Religiosi vero, solum in causis suorum Monasteriorum; & tunc, cum super hoc a suis Superioribus mandatum ostendunt, ad hujusmodi Postulationis, vel Procuratoris officium admittantur.

Cap. XX. *De bis, (a) quæ metu sine causa fiunt.*

De multorum inobedientia tam Sæcularium, quam Religiosorum, crudelibus hominibus displicere nolumus, contempnitur nimis (b) Ecclesiastica disciplina: quibus cum a suis Superioribus injungitur, ut contra rebelles processus publicent, vanum metum talium prætexentes, eosdem processus publicare reculant; & ex hoc illi, pro quibus hujusmodi late sunt sententia, beneficio (c) earundem indebitè defraudantur. Ut igitur huic pesti salubris obviet medicina, sacrorum Canonum sequentes vestigia, diffinimus: quod metus amissionis rerum temporalium omnium, aut saltem majoris partis, aut invasionis personæ, propter publicationem hujusmodi processuum imminens, qui, si requirat Superior, probari possit per testes idoneos, subditum ab executione mandati sui excusât; si quis vero ad communicandum excommunicatis, vel celebrandum coram eis, seu in loco supposito Ecclesiastico interdici, sive ad quodcumque simile faciendum se coactum assêrat, quod a jure, vel mandato Superiorum fieri prohibetur, qualiscumque sit metus, quem prætextit, etiam si poterit cadere in constantem virum, eum a transgressionis poenæ non valeat (d) excusare; qui autem absolutionem a sententia excommunicationis vel suspensionis, aut relaxationem interdicti per vim seu metum extorquent, ipso facto sunt excommunicationis vinculo innodati.

Cap. XXI. *De (e) Cessionibus.*

Cum cessiones actionum multis interveni-

(u) Omisso titulo sequentia connectuntur priori.

(y) Hic titulus onstituitur in cod. Prag.

(a) De bis, quæ vi, metuve causa fiunt.

(c) executionis (d) quomodolibet

(e) De alienatione mutandi judicii causa facta. Cod. Prag.

(x) Domini

(z) De Postulando.

(b) nervus Ecclesiasticæ

venientibus causis invalidæ reputentur; ad tollendam super hoc omnem materiam dubitandi; hoc sacro approbante Concilio, illam tantum cessionem, quæ fit in præsentia, & de autoritate proprii Episcopi, vel ejus Officialis, vel alterius ordinarii Judicis, præmissa summaria cognitione, an fiat ex causâ legitima, validam reputamus.

Cap. XXII. De Judiciis.

Hoc sacro approbante Concilio statuimus: quod hi, qui propter pericula verisimiliter imminencia per nuncios personaliter adiri non possunt, ut citentur, in ipsorum Parochiali Ecclesia citentur (f) in publico; & si ibidem etiam citator de periculo dubitat, tunc in ambone Cathedralis Ecclesiæ, continuis tribus diebus Dominicis, citatio talium publice proponatur: contra quos taliter evocatos procedi poterit, si fuerint contumaces, ac si eos apprehendisset citatio personalis. Reus autem, qui per se, vel per alium, seu alios, Judicis nuncios (g) verberat vel captivat, excommunicationis sententiam ipso facto incidit.

Cap. XXIII. De foro competenti.

Quia tam Ecclesiasticus, quam secularis Ordo confunditur, cum unicuique sua jurisdictio non servatur; hinc est, quod spiritualia & secularia judicia convenit esse inpermixta. Quare omnibus Ecclesiasticis Judicibus districtius inhibemus, ne laicos ad instantiam quorumcumque Clericorum, vel Laicorum pro causis secularibus, seu mere civilibus ad suum Consistorium citari faciant, aut de cognitione causarum hujusmodi se aliquatenus intermittant; nisi forte miserabilium personarum, vel in defectum Judicis secularis. Nec e contra, Judices seculares, Clericos pro quibuscumque causis criminalibus vel civilibus, nec etiam laicos super rebus vel possessionibus Ecclesiarum, quocumque titulo eas possideant, ad suum judicium faciant evocari, vel eas audeant judicare; alioquin tam Ecclesiasticus, quam secularis Judex, metas sue potestatis exce-

dens, excommunicationis sententia innoderetur, & actor Clericus, qui reum indebite coram non suo Judice fatigaverit, in expensas condemnetur, & super eadem causâ de cætero nullatenus audiat.

Cap. XXIV. De fide Instrumentorum.

Cum ex eo, quod plerique rudes & ignari, per se protocollos facere nescientes, & alii Notarios publicos se mentientes, conficere instrumenta presumunt, plurima incommoda & pericula oriuntur; quibus Nos obviare volentes, prohibemus: ne pro Notario publico quisquam se gerat, vel quævis instrumenta conficiat, antequam de sua creatione loci Diocesano, vel ejus Officiali fecerit plenam fidem; contrarium faciens, excommunicationis sententiam incidat, & Instrumenta per eum confecta, sint irrita ipso facto.

Cap. XXV. De Appellationibus.

Juris beneficio abutitur appellans, qui (b) sententia obrecta contentus, de justitia forsitan principalis causæ dubitans, appellationem suam (c) consequi prætermittit. Ut igitur parti appellatæ, (k) & honori Judicis, a quo appellavit, provideatur de remedio opportuno, præsentî Constitutione statuimus: quod si appellans ipse, iusto impedimento cessante, suam appellationem non prosequatur, ex tunc Judex ipse, a quo appellavit, eum in pristinas reducat sententias, quousque judicatis pareat, vel appellationem suam debite prosequatur.

Cap. XXVI. De vita, & honestate Clericorum.

Dolenter referimus, quod multorum Clericorum adeo reprehensibilis sit vita, ut ipsi per exemplum mores non instruant, sed potius destruant laicorum; Quapropter universi Clerici, mores & vitam reforment, (l) & ea, quæ ad ipsorum statum & honestatem pertinent, cum magna cauteâ custodiant; nec solum a malo, sed etiam ab omni specie mali se (m) studeant cohibere; caste vivant, a crapula & ebrietate abstineant, quæ

(f) per edictum

(g) spoliât, verberat,

(h) revocatione per appellationis Judicem attentatorum post sententiam obrecta contentus,

(i) prosequi

(k) appellanti

(l) in melius

(m) prudenter

quæ sunt libidinis incentiva; (n) arma non portent nisi per necessitatem, & viarum pericula in itinere constituti, (o) commercia secularia, & præsertim carnicum seu macellanorum, prorsus evitent; nam Clerici, si huiusmodi carnicum, aut etiam tabernariorum officium publice & personaliter exercent, & cum hoc habitum deferant Clericalem, & per Dieceſanum tertio moniti non defecerint ab huiusmodi officiis, vel postea reassumant, Clericorum immunitate non gaudeant; si vero cum hoc abjiciunt habitum Clericalem, etiam quoad personas perdunt privilegium Clericale. Decet etiam, ut Clerici coronam, seu Clericalem tonsuram patenibus auri- bus (p) deferant: & quicumque Clericus publica virgata veste nititur, nisi rationabilis causa subesse, si Beneficiatus existat, per VI. menses a perceptione fructuum suorum beneficiorum (q) sit suspensus; si vero Beneficiatus non fuerit, in sacris tantum Ordinibus infra Sacerdotium constitutus, per idem tempus redditur eo ipso inhabilis ad Beneficium Ecclesiasticum (r) possidendum. (s) Clerici insuper, maxime Beneficiati, (t) tabardis rubeis aut viridibus uti non debent, nec joculariores se faciant, & si (u) post unam aut trinam ammonitionem artem illam ignominiosam exercent, eo ipso privati sint omni (x) beneficio Clericali: alearum & taxillorum ludos fugiant; corearum, torneamentorum, & hastiludiorum, & aliis publicis spectaculis, non intersint; Clausuras Monasteriorum Monialium absque causa rationabili & manifesta, & sine Superiorum licentia, ingredi non præsumant;

Clericos, qui *vagi* communiter nuncupantur, in domibus suis non recolligant, nec eis aliquod munus nec parvum nec magnum tribuant: Ecclesiam Cathedralē & vel Collegiatam, in qua quis Beneficiatus existit, infra Divinum Officium sine religione non intrent. Presbyteri Parochialium Ecclesiarum, campanatores literatos seu Clericos, non laicos uxoratos, habeant, qui cum eis legere & cantare non ignorent, & cum Divinum Officium celebratur, (y) uterque Presbyter & Campanarius, superpellitiis desuper sint induci, insuper nullus Presbyterorum sine Ministro Missam audeat celebrare.

Cap. XXVII. *De cohabitatione (z)*
Clericorum.

Quamvis fornicationis crimen inter cætera crimina sit detestabilius Clericis, utpote, qui inter cæteras virtutes principaliter carnis continentiam profitentur; multi tamen Clerici, suæ salutis immemores, & professionis, non solum temptationibus victi desideria carnis perficiunt, sed etiam temptationem præveniunt, dum, ne frustra temptentur, in domibus propriis vel vicinis, paratas ad malum fornicationis inter tenent (a) mulieres. Ne igitur crimen ipsum videamur per tolerantiam approbare; omnes Clericos, qui de cætero in domibus suis suspectas mulieres, vel etiam extra domum in sua procuratione publice detinent concubinas, si sunt Beneficiati, Beneficiis suis privandos; si vero non habeant Beneficia, ab executione Ordinum per suos Superiores fore decernimus suspendendos perpetuo, quos demum, eorum malitia

(n) & etiam quando convivia præparant, quæ rara sint, Clericis, sex cibariorum seu ferculorum numerum non excedant. Tabernæ non visitent,

(o) officia vel commercia

(p) cum habitu Clericali

(q) quæ obtinet ipso facto

(r) obtinendum

(s) & idem est de aliis Clericis, qui nec Beneficiati sunt, nec sacram vestem talem simul & tonsuram publice deferunt Clericalem. Dignitatem vero, vel Personatum, seu Beneficium aliud obtinens, cui cura imminet animarum, nec non ceteri in Sacerdotio constituti, ac Religiosi quilibet, quos oportet per decentiam habitus extrinseci morum intrinsecam honestatem ostendere, si præterquam ex causa rationabili publice vestem ferant huiusmodi, sunt eo ipso Beneficiati a perceptione Beneficiorum, quæ obtinent, suspensi per annum. Ceteri vero Sacerdotes & Religiosi quilibet per idem tempus annuale redduntur inhabiles ad quæcunque Beneficia Ecclesiastica obtinenda.

(t) caligis, ac seccatis rubeis, ac viridibus

(u) per annum aut post trinam

(x) privilegio Clericali

(y) vel fidelibus Ecclesiastica Sacramenta ministrant

(z) & mulierum

(a) nutriunt

cujus præbenda se credit successurum, districtius inhibemus: ne Capitulum Cathedralis, vel Collegiæ Ecclesiæ, aliquem, non vacante Præbenda, in Canonicum recipiat, (m) nisi evidens Ecclesiæ utilitas id exposcat, quam suo Episcopo exponere tenebitur, & tunc unam personam tantum recipiendi habeant facultatem: quibus obmissis, receptio unius, vel plurium, eo ipso sit nulla; & in pœnam Capituli, Episcopus totidem in eadem Ecclesia Canonicatus & Præbenda conferat, dum vacabunt.

Cap. XXXI. *De (n) indemnitatibus Ecclesiarum.*

Indemnitatibus Ecclesiarum providere volentes, statuimus, ut in Cathedralibus, & Collegiatis Ecclesiis, Prælaturarum, Præbendarum, & cæterorum Officiorum, ac bonorum Ecclesiæ, nec non omnium reddituum & proventuum, & quid ad cujuslibet Dignitatem, Officium, Præbendam seu dispensationem pertineat, sub sigillo majoris Prælati, & ipsius Capituli, habeatur in Sacristia Ecclesiæ clara & fidelis conscriptio, ut saltem novus Prælati, Canonicus, vel Minister, per hujusmodi scripturam de suis juribus & proventibus informatus, recuperare valeat per suum Prædecessorem deperdita, vel neglecta; similiter Libri, & Ornatus, Calices & cætera clenodia (o) Ecclesiæ registrentur, & saltem de anno in annum videantur per Seniores de Capitulo, ut appareat, si qua (p) fuerint distracta, aut (q) a novo acquisita.

Cap. XXXII. *De (r) rebus Ecclesiæ alienandis, vel non.*

Administratores bonorum Ecclesiæ, (r) si (s) quam rem mobilem aut pretiosam, sine consensu majoris sive sanioris partis Capituli, donationis, vel venditionis, vel permutationis titulo alienent aut obligent, invalidus sit contractus; quod si Abbat, Præpositi, Priores, seu alii quivis Monasteriorum, seu Religiosorum locorum Rectores, aliquid de rebus suorum

Monasteriorum, citra formam Canonum, ut prædicitur, alienare præsumpserint, contractus est nullus, & alienantes, per suos Superiores administratione officii perpetui spolientur, nec aliquis creditorum audeat repetere a Successore mutuum, quod fecit Ecclesia per litteras, vel pignorum cautione, (u) nisi prius probet, quod in evidentem utilitatem Ecclesiarum, seu Monasteriorum hujusmodi sit commissum.

Cap. (x) XXXIII. *De Emptione & Venditione.*

Si quis emerit Animalia, vel alias res prædatis, cum in prædonis jus succedat, ad restitutionem eorundem per Census Ecclesiasticum compellatur. Emptor vero vel venditor, qui alterum decipit in legitimo pondere, vel mensura, aut qui scienter ignorantem rem vendiderit viciosam, pœnitere non potest, donec satisfaciatur taliter damnum passio.

Cap. XXXIV. *De Pignoribus.*

Sacrorum Canonum vestigiis inherentes declaramus, quod si quis aliteri casttrum, villam, seu possessionem quamlibet, titulo pignoris obligat, ratione cuius ad eundem Ecclesiam inibi sita: jus pertinet Patronatus, etsi hoc non exprimat, nihilominus apud obligantem jus remanet presentandi, ex eo, quia fructus rei pignorate minuunt debitum principale, fructus vero juris Patronatus, cum sit spiritualis, nequit cum rebus temporalibus compensari.

Cap. XXXV. *De Testamentis & ultimis voluntatibus.*

Cum in officiis charitatis primo loco illis naturaliter obligemur, a quibus Beneficium Nos cognoscimus recepisse, proinde statuerunt, & definierunt Sancti Patres, quod Clericus de bonis per Ecclesiam & intuitu Ecclesiæ acquisitis, non potest condere testamentum, sed bona hujusmodi, si Clericus ipse testatus, siue intestatus decedat, per eum reli-

(m) & in fratrem, nisi

(o) & ornamenta

(q) eorum diligentia

priori titulo conjunguntur.

(r) vacantis, vel alia ex causa legitima Superioris officio deputati,

(s) quam possessionem

[x] Cap. 33. & 34. omissa erant in codice MS. Ecclesiæ Moguntinae.

(n) De rebus Ecclesiæ alienandis, vel non.

(p) per imprudenciam Ministrorum

(r) Hic titulus omisus in Cod. Pragensi, & sequentia

(u) super cautione

relictæ Ecclesiæ, a qua percepit Beneficium, vel Successoris usibus applicentur: salvo quod Pauperibus, & Religiosis locis, & illis, qui sibi viventi servierunt, sive consanguinei sint, sive alii, juxta servitiorum merita, potest donationem facere moderatam. De his vero, quæ personæ suæ industria, vel intuitu, aut ex successione parentum acquisivit, disponere poterit in vita pariter, & in morte. Præterea Statuta locorum, quæ habent, quod nullus ultra certam summam Ecclesiis, vel Clericis donare, seu legare audeat in ultima voluntate, irrita judicamus, cum iniquitatem contineant, & testandi perimant libertatem. Conditores vero hujusmodi Statutorum, ac eisdem utentes, coercentur Canonica disciplina. Invigilent insuper Ordinarii circa executores testamentorum, & ultimarum voluntatum, & contra illos, qui eas impediunt quovis modo, ut ipsæ voluntates extremæ infra tempus testatoris arbitrio limitatum effectui mancipentur. Vel si testator exequutionis terminum non præfixit, ut ipsa executio ultra unius anni spatium, nullatenus prorogetur. Executores etiam ultimarum voluntatum, de bonis defuncti se nullatenus intromittant, donec de eisdem inventarium fecerint sub fide dignarum testimonio personarum.

Cap. XXXVI. *De Sepulturis.*

Illi, qui propriæ temeritatis audacia defunctorum corpora in cæmeteriis, interdicti tempore, in casibus non concessis a jure, vel excommunicatis publice, aut nominatim interdictos, vel usurarios manifestos, scienter sepelire præsumunt, excommunicationis sententiæ subjaceant ipso facto, a qua nullatenus absolvi poterunt, nisi prius ad arbitrium Diocesani Episcopi eis, quibus per præmissa fuerit injuria irrogata, satisfactionem exhibuerint competentem. Quicumque Religiosi, & sæculares Clerici aliquem ad vendendum, jurandum, vel fide interposita, seu alias promittendum inducunt, ut sepulturam apud eorum Ecclesias eligant, vel jam electam ulterius non immutent, excommunicationis sententiam incidunt ipso facto, a qua ab alio, quam a Sede Apostolica præterquam in mortis articulo nullatenus absolvuntur.

Nec valet talis electio. Et is, qui sic elegerit, nec apud sic electam Ecclesiam sepeliri, nec alibi poterit eligere sepulturam, ne contra votum, juramentum, vel promissum hujusmodi a se factum, materiam habeat veniendi; sed contradictione quacunque cessante, sepeliatur omnino apud illam Ecclesiam, apud quam sepeliendus de jure fuisset, si alias sepultura non elegerit. Si vero iidem Religiosi, vel Clerici prædictum in sua Ecclesia, vel Cæmeterio præsumpserint sepelire, ad restitutionem tam sepulti corporis, si petatur, quam etiam omnium, quæ occasione sepulture illius provenierint quomodolibet ad eosdem, infra decemdiem integraliter faciendam obligantur: quæ nisi fecerint, Ecclesia ipsa, apud quam sepultus fuerit, nec non ipsius cæmeterium, ex tunc eo ipso sunt, & tam diu manebunt Ecclesiastico supposita interdicto, donec ab eis facta fuerit restitutio plenaria omnium prædictorum. Plebanus Ecclesiæ, vel ipsius vicæ gerens, si præter licentiam sui Episcopi, vel ipsius in Spiritualibus Vicarii, defunctum intra Parochialem Ecclesiam præsumpserit sepelire, in pœnam unius sexagenæ grossorum Pragensium ad fabricam Cathedralis Ecclesiæ applicandorum incidat ipso facto. Et nihilominus per Episcopum subiciatur poenitentiaæ graviori; nisi is, qui est sepultus, fuisset Presbyter, vel Patronus Ecclesiæ, aut alius ipsius Ecclesiæ notabilis Benefactor.

Cap. XXXVII. (y) *De Parochiis.*

Dominicis, & aliis festivis diebus, Presbyteri Parochiarum, antequam Missam celebrent, plebem interrogent, si alterius Parochianus sit in Ecclesia, qui proprio contempto Plebano ibi Missam velit audire: quem, si invenerint, de Ecclesia ejiciant sine mora. Nullus Presbyter Parochianum alterius, sine proprio Sacerdotis licentia, nisi in mortis periculo constitutum, ad Confessionem recipiat, cum eum absolvere nequeat, vel ligare, neque ei ministrare quodecunque aliud Ecclesiasticum Sacramentum.

Cap. XXXVIII. *De Statu Monachorum.*

Precipimus, ut Abbates, Præpositi, Priores Monachorum, & Canonicorum Regu-

(y) Hoc Caput amissum in cod. Moguntino.

Regularium, nec non Abbatissæ, Magistræ, & Priorissæ Monialium tam in se ipsis, quam in subditis, prout ad cuiuscunque spectat officium, vitam, & conversationem exhibeant, ac habitum deferant regularem, se ipsos, ac suos subditos ab his præcipue, quæ ipsorum professioni obviant, & Ordinis honestati non congruunt, puta circa exquisitum ornatum, vel notabilem excessum in vestibus, cibis, & potibus, equitaturis, & lectisterniis, ac similibus superfluitatibus, seu taxillorum, alearum, & scachorum ludis, ac chorearum lasciviis, totaliter cohibentes, juxta dispositionem suæ regulæ, & Sacrorum Canonum instituta, sollicitè providentes, quod nullus Monachus, vel Canonicus regularis, seu Monialis nisi ratione administrationis, seu officii, possessiones, redditus, vel aliud quidpiam proprii habeat, quin imò illud, quod cuilibet singulari personæ, ex suo labore, vel artificio, aut parentum, seu amicorum largitione obvenit, Superiorum manibus offeratur, ut per ipsorum providentiam circumspectam, emolumentis hujusmodi, communis, vel singularium personarum necessitas sublevetur, spoliatasque suos inquirant, & repetant, ac ipsos carcerum pœnis afficiant, & voluntarie revertentes, paternè suscipiant, salva semper pœnitentia regulari.

Cap. XXXIX. (æ) *De Capellis Monachorum.*

Religiosi in Ecclesiis, ad ipsos etiam pleno jure spectantibus, Rectores sui Ordinis locare non audeant, quæ alias sunt solitæ per seculares Clericos gubernari. Nec Episcopus potest Ecclesias Parochiales, vel certos redditus earundem sine consensu sui Capituli, Religiosorum usus applicare.

Cap. XL. *De Jure Patronatus.*

Volentes viam præcludere, ne quis per subreptionis astutiam præficiatur Ecclesiis, & ne ex institutionibus repentinis inter Patronos, si qui sunt, lites oriuntur ex litibus fortiores, præsentī decreto statuimus: Quod, cum aliquis ad Curatum Beneficium, per quempiam Clericum, vel laicum fuerit præsentatus, Ordinarius loci, seu is, ad quem institu-

tio spectat, per Decanum loci, vel vicinorem Plebanum in Ecclesia, ad quam fit præsentatio, præsentē plebe ad hoc specialiter convocata, publice faciat proclamari. Quod si quis est, qui velit docere de jure suo, quod ad ipsum solum, vel cum alio, seu aliis, jus pertineat præsentandi, aut præsentato aliquid objicere, quod eum reddat inhabilem, ne possit ad idem Beneficium promoveri, veniat infra certum, & peremptorium terminum, ad ipsius instituentis præsentiam, hoc facturus; adjiciendo in proclamatione hujusmodi, quod si infra talem terminum nullus compareat, præsentationi, vel præsentato se opponens, ex tunc ad institutionem præsentati procedetur, juxta formam juris. Institutio vero facta, non premissa proclamatione hujusmodi, sit irrita eo ipso.

Cap. XLI. *De Patronis, & Clericis, qui mediante pacto Ecclesias præsentant, & recipiunt: quod est Simoniacum.*

Detestanda quorundam Patronorum, seu Advocatorum cupiditas, in tantum metas sue potestatis excedit; quod, cum aliqua Ecclesiastica Beneficia vacare contingit, quorum ad ipsos jus pertinet Patronatus, nullam idoneitatem præsentandarum personarum, siue Ecclesiarum, seu Plebium utilitatem attendentes, sed imitatores Giezi, querunt Clericos Simonis Successoris, quos recepta prius ab eis certa summa pecunie, siue cautione, de ipsa in posterum persolvenda, aut promissione de remittendis sibi, vel non repetendis ab eo decimis, vel aliis Ecclesiis juribus: aut quod si eis quandocunque displicentiam fecerint, Ecclesias ipsas dimittere, & litteras præsentationis suæ ipsorum manibus tradere teneantur, aut similibus pactionibus promissis, demum eos instituendos Episcopis repræsentant. Ne igitur hujusmodi execrabile merationis genus jus sibi vendicet de cætero contra Canonicas Sanctiones; hoc Sacro approbante Concilio diffinimus, quod Patronus, Clericus, vel laicus, qui ex conventionē, vel pacto, aut quolibet promissorum, vel simili deprehensus fuerit, aliquem præsentasse, eo ipso, pro illa vacatione jus præ-

(æ) Hoc Caput 39. omisum in cod. Moguntino.

præsentationis amittat, & pro tunc Beneficium huiusmodi per eum, ad quem ipsius institutio pertinet, conferatur. Præsentatus vero (a) non solum eodem Beneficio sit privatus, sed ipso facto redatur inhabilis, ad sacros Ordines, & ad alia quævis Ecclesiastica Beneficia obtinenda.

Cap. XLII. *De Consecratione Ecclesiæ, vel Altaris.*

Si Ecclesiam pollui humani sanguinis, aut seminis effusione contingat, ipsius Ecclesiæ Cæmeterium, si contiguum sit eidem, censetur esse pollutum; & antequam reconcilietur per Episcopum, in ea non debent Divina celebrari, vel aliquis sepeliri.

Cap. XLIII. *De celebratione Missarum.*

In eadem Ecclesia, & eodem tempore, duas Missas sub nota celebrare districtius inhibemus: Adjicientes, quod nullus pro vivis, mortuorum officium audeat facere septimum, tricesimum, vel annuale. Omnibus Sacerdotibus in virtute sanctæ obedientiæ, & sub excommunicationis pena, districtius inhibemus, ne die, qua primam Missam celebrant, seu octo diebus immediate sequentibus, per se, vel alium, invitatum solemnem audeant preparare. Salvo, quod tunc certos Clericos, sæculares, & Religiosos, paucos tamen, & sine solemnitate qualibet procurare poterunt. Sic tamen, quod joculariores, & histriones nullatenus admittantur. Missarum etiam novarum Officia, quas sancta Romana, & universalis non recepit, seu instituit Ecclesia, penitus reprobamus. Historias novas, Hymnos, Sequentias, nisi in Concilio Provinciali, aut in Episcoporum Synodis approbentur, in Ecclesiis legi, aut decantari districtius prohibemus. Quod enim sanctorum Patrum decreto non est sancitum, superstitionis non est adinventionibus præsumendum. Si cui per Nos, aut Suffraganeorum nostrorum aliquem conceditur, quod in Altari viatico portatili Divina coram ipso possint officia celebrari; non in loco ventoso, seu alias periculofo, vel inhonesto, hoc fieri debere intelligimus. Unde si quis Pres-

byterorum, occasione concessionis huiusmodi contra præmissa Divina celebrare præsumperit, eo ipso per unum mensem a Missæ Officio, præsentis statuti vigore noverit se suspensum.

Cap. XLIV. *De Baptismo.*

Quia Sacramentum Baptismi omnium aliorum est janua, quo careps, non est capax cujuscunque alterius Sacramenti, Presbyteri cum exacta diligentia studeant providere, ne in collatione ipsius, tam in prolatione formæ verborum debita, quam immersione in aqua, circa quæ tota virtus Baptismi versatur, aliqua negligentia committatur. Forma autem verborum, de qua nihil potest obmitti, nec ei debet aliquid interponi, est ista: *Ego te baptizo, in nomine † Patris, & † Filii, & † Spiritus Sancti.* Immersio vero fiat trina, sic, quod primam faciat statim, cum incipit formam verborum proferre, ultimam autem finiendo formam. Hanc autem formam frequenter Plebani doceant plebes suas. Nam propter necessitatem istius Sacramenti, sine quo nullus potest salvari, etiam laici quicunque, vir, vel mulier, pater, vel mater, puerum, vel adultum baptizare poterunt in suo vulgari proferentes formam verborum, in mortis articulo constitutum. Et cum in tali necessitate per huiusmodi personas, quis fuerit baptizatus, Presbyter a baptizato, & personis circumstantibus, diligenter inquirat, si forma debita sit servata: quam si servatam invenerit, circa Baptismum unctiones tantum supplere debitas non obmittat. Si vero circa formam erratum fuerit, tunc ipsum denuo baptizet. Quod si verisimiliter dubitatur, an quis rite, vel non rite fuerit baptizatus, tunc baptizetur sub hac forma: *Si baptizatus es, non te rebaptizo, in nomine † Patris, & † Filii, & † Spiritus Sancti.*

Cap. XLV. *De custodia Eucharistiæ, Chrismat, & aliorum Sacramentorum, vasorum, & vestimentorum sacrorum.*

Statuimus, ut in Ecclesiis Chrisma, & Eucharistia, Oleum sacrum, Aqua Baptismi, sub fidei custodia, sive seris conserventur, ne possit ad illa temeraria manus

(a) taliter

manus extendi, pro nephandis aliquibus exercendis. Si vero is, ad quem spectat custodia, ea incaute reliquerit, tribus mensibus ab officio suspendatur. Et si per ejus incuriam aliquid nephandum inde contigerit, graviori subiaceat ultioni. Relinqui nolumus incorrectum, quod quidam Clerici Ecclesias sic exponunt suppellectilibus propriis, & etiam alienis, ut potius domus laicæ, quam Dei Basilicæ videantur, non considerantes, quod Dominus in Evangelio non sinebat, ut vas transferretur per templum. Sunt & alii, qui non solum Ecclesias dimitunt incultas, verum etiam vasa Ministerii, & vestimenta Ministrorum, ac pallas Altaris, nec non & ipsa corporalia, tam imunda relinquunt, quod interdum aliquibus sunt horroni. Quia vero zelus nos comedit domus DEI, firmiter prohibemus, ne hujusmodi suppellectilia in Ecclesiis admittantur, nisi propter hostiles incurfus, aut incendia repentina, seu alias necessitates urgentes, ad ea oportet haberi refugium. Sic tamen, ut necessitate cessante, res in loca pristina reportentur. Precipimus quoque, ut in Oratorio, vasa, corporalia, & vestimenta prædicta, munda, & nitida conserventur. Nîmis enim videtur absurdum, in sacris fordes negligere, quæ dedecere etiam in prophanis.

Cap. XLVI. *De Festivitatibus celebrandis.*

Ut circa Celebrationem Festivitarum sit Ecclesiarum nostræ Provinciæ concordia singularum, statuimus, ut in subscriptis diebus tantum, Clerici, & laici debeant a servilibus operibus abstinere. Primo in Festivitatibus Christi, videlicet: Nativitatis, Circumcisionis, Epiphaniæ, & Resurrectionis ipsius, cum duobus diebus immediate sequentibus, Ascensionis ipsius, & Pentecostes, cum duobus immediate sequentibus, Corporis Christi, in Festivitatibus Sanctæ Crucis, Inventionis scilicet, & Exaltationis, & omnibus diebus Dominicis. In quatuor Festivitatibus Beatæ Virginis Mariæ, Nativitatis, Annunciationis, Purificationis, & Assumptionis. Item, in die Angelorum, quod dicitur festum S. Michaelis. In festo Nativitatis Sancti Joannis Baptistæ. Item, in diebus Apostolorum, videlicet:

Matthiæ, Philippi, & Jacobi, Petri, & Pauli, Jacobi Majoris, Bartholomæi, Matthæi, Simonis, & Judæ, Andreæ, Thomæ, & Joannis Evangelistæ transitus tantum. Item, in diebus Beatorum Martyrum, Scythiani, Laurentii, Viti, Wenceslai passionis tantum, Adalberti, & quinque Fratrum, scilicet, Benedicti cum fratribus. Item, Confessorum Martini, Nicolai, & Procopii. Item Mariæ Magdalene, & Margarethæ, Ludmillæ passionis tantum, & Carbarianæ. Item, in festo omnium Sanctorum. Item, Episcopus Festivitates Patronorum suæ Ecclesiæ, in sua Diocesi potest facere celebrari. Et qualibet Parochialis Ecclesia festum Patroni sui, in cujus est honorem principaliter dedicata, & Anniversarium Dedicationis diem in sua Parochia faciat celebrari. Item, in diebus Beatorum Marci, & Lucæ Evangelistarum, & quatuor Doctorem Ecclesiæ, Gregorii, Ambrosii, Augustini, & Hieronymi, quorum festivitates felices memoriæ Bonifacius Papa mandavit in universis Ecclesiis sub officio duplici solenniter venerari: Et populus in sua Parochiali Ecclesia Divino officio peraudito, ad sua opera licite se convertit.

Cap. XLVII. *De Observatione Jejuniorum.*

Quidam novitatum avidi sectatores, jejunia per Ecclesiam indicta violant, propter quedam alia jejunia, quæ faciunt diversis fictionibus hominum adinventæ. Cum autem omnes novitates sint suspectæ, & propter hoc fugiendæ, maxime autem illæ, quæ Sanctorum Patrum obviant institutis, districtius inhibemus, ne aliquis quodcumque jejunium Ecclesiæ propter aliud votivum audeat solvere, sed universi Fideles utriusque sexus, præsertim a viginti annis super omnia jejunia, quæ per Ecclesiam indicuntur, vel consuetudine Patris approbantur, cum summa diligentia studeant observare, nisi forte aliquis debilitate, vel infirmitate gravatus, refectione cibatorum egeat, & tunc de licentia Superioris, si commode adiri poterit. Nec sufficit licentia simplicis Sacerdotis, nisi jejunanti periculum immineret.

Cap.

Cap. XLVIII. *De Ecclesiis ædificandis.*

Ecclesiam, seu Basilicam denuo nullus ædificet, nec antiquam transferat, nisi per Episcopum, vel ejus Commissarium, in locum structuræ ponatur lapis primarius benedictus, alias ædificium diruatur, ædificans temerarius Clericus, vel laicus Canonice puniatur. Nec Episcopi socii Diœcesanorum, seu Vicarii, qui communiter Suffraganei appellantur, hujusmodi primarium lapidem ponant, maxime in locis, in quibus Ecclesiæ alias non fuerunt, nec ædificatas consecrent, sine Diœcesani licentia speciali, qui ex officio suo providere tenetur, ne Ecclesia erigatur sine dote congrua, luminaribus, & ornamentis, & absque alterius Ecclesiæ notabili detrimento. Cum autem hujusmodi Episcopo per Diœcesanum committitur, ut in Diœcesi sua Ecclesiarum construendarum primarios lapides ponat, seu constructas consecret, in tali generali mandato non comprehenduntur Collegiatae Ecclesiæ, nisi de speciali Diœcesani commissione: nec potest ipse subditos solvere, vel ligare. Insuper singulæ Parochiales Ecclesiæ duorum altarium, vel maxime trium numero sint contentæ, nisi essent Collegiatae, in quibus altaria, arbitrio Diœcesani multiplicari poterunt, secundum exigentiam multitudinis Ministrorum. Quicunque Ecclesiastica Beneficia obtinent, omnino adjuvent, ad recta reficienda, vel Ecclesias emendandas. Collectores eleemosynarum pro fabricis Ecclesiarum, quos quidem *vitricos* appellant, deputati, sint omnium exceptione de plebe majores, & iidem eleemosynas fidelium inconsultis Ecclesiarum Rectoribus non expendant.

Cap. XLIX. *De Immunitate Ecclesiarum & Ecclesiasticarum Personarum.*

Licet laicis in Ecclesiis in Ecclesias, Ecclesiasticasve personas, ac eorum bona, omnis autoritas sit ablata tam Jure Canonico, quam Civili; nonnulli tamen laici nitentes in vetitum, immunitates eorum diversis conatibus infringere moluntur. Nos super his volentes eorum ausum reprimere, *auctoritate hujus Sacri Concilii*, sub obtestatione Divini Judicii, & maledictionis æternæ districtius inhibemus, ne de cætero ad hujusmodi teme-

rarías manus præsumant extendere, quod videlicet aliquem confugientem ad Ecclesiam, quantumcunque malefícium commiserit grave, Judex laicus, seu quivis alius, quantumcunque sæcularem Dignitatem obtinens, seu potestatem exercens, de Ecclesia violenter præsumant extrahere, immunitatem Ecclesiæ taliter violando. Sed potius ad instantiam Rectoris Ecclesiæ, ad quam fugit, eidem vitam, & membra illaesa conservent, & ipsum pecuniaria, vel alia disciplina puniant mitiori; nisi malefactor ad Ecclesiam fugiens publicus latro fuerit, vel nocturnus prædator agrorum, aut si in ipsa Ecclesia, vel ejus cimiterio homicidium, vel membri truncationem sub spe immunitatis perpetraverit. Tales enim quolibet immunitatis privilegio sunt indigni. Nullus sub excommunicationis pœna in Ecclesia, vel de Ecclesia munitionem, seu fortalitiu præsumat erigere, vel facere, aut ipsius cimiterium pro ejus firmitate fossatis quibuslibet vallare. Nullus laicorum Clericum quemcunque deferentem coronam, & habitum Clericalem, sine demandatione Ecclesiastici Judicis captivare præsumat. Quod si fecerit, excommunicationis sententiam incidit ipso facto, a qua eum solus Papa absolvere potest. Et nihilominus in ejus opprobrium Clerus civitatis, villæ, oppidi, vel castri, seu Parochiæ, in quibus Clericus captus est, seu detinetur captivus, eo ipso, alio non expectato mandato, cessationem faciat a Divinis, donec per Diœcesani providentiam, ad cujus notitiam id perferant sine mora, vel aliter liberetur. Nec aliquis consanguineorum, seu amicorum Clerici, taliter captivati, pro ipsius liberatione sub excommunicationis pœna aliquid audeat solvere, vel de solvendo ponere cautionem. Verum si Clericus vagabundus, in furto, vel alio maleficioprehendatur, & habeatur de fuga suspectus, tunc ex hac nostra generali licentia, quam presentibus impartimur, sæcularis potestas sub testimonio tamen Clericorum, si commode haberi poterit, vel alio fide digno, poterit malefactorem hujusmodi captivare, ac eum quamprimum Ecclesiastico judicio præsentare, juxta traditiones sacrorum Canonum puniendum. Qui autem ausu sacrilego Prælatum, Canonicum, aut quem-

cunque Clericum pro Clero se gerentem occiderit, seu mutilaverit; præter alias diversas pœnas juris, omnibus feodalibus, si quæ ab Ecclesia tenuit, sit eo ipso privatus, & ad Ecclesiam, a qua ea tenuit, libere revertantur. Jus Patronatus, si quod in una, vel in pluribus Ecclesiis habuit, ipso facto perdat, & ad Diœcesanum Episcopum devolvatur: filii ejus, & nepotes usque ad quartum gradum per masculinam lineam descendentes, ad Ordines, seu quodcumque Ecclesiasticum Beneficium nullatenus admittantur. Illi autem, qui omnem maliciam superantes, Archi-Episcopum, vel Episcopum fuerint hostiliter infecuti, vel eorum aliquem percusserint, ceperint, vel occiderint, seu ipsis malefactoribus ad hoc præstiterint consilium, auxilium, vel favorem; ipsorum filii, & nepotes descendentes, ut una cum supra ipsis ad hoc quomodo libet cooperantibus, ipso facto pœnas incidunt a jure statutas. Eos, qui temporale Dominium obtinentes suis subditis aliquando interdiciunt, ne Prælati, aut Clerici, seu personis Ecclesiasticis quidquam vendant, aut emant aliquid ab eisdem, neque ipsis bladum molant, coquant panem, aliqua obsequia exhibeant, vel exhibere præsumant; cum talia in derogationem libertatis Ecclesiasticæ vergant, eo ipso excommunicationis sententiæ decernimus subjacere. Insuper præsentî constitutione jubemus, ut locorum Diœcesani contra eos, qui ab Ecclesiis, vel ecclesiasticis personis pro eorum rebus propriis, quas non negotiandi causa deferunt, aut deferri faciunt, vel transmittunt, gabellam, seu theloneum suo, vel alieno nomine exigunt, vel extorquent in suarum animarum periculum, & eorum, a quibus talia exigunt, præjudicium, & gravamen; excommunicationis, & interdicti sententias a jure prolatas, postquam de hoc ipsis constiterit, omnino publicent, & a suis subditis tam diu faciant publicari, donec illi sic ablata, restituant, & de transgressione hujusmodi satis faciant competenter. Ad hæc quicumque servari faciunt Statuta edita, vel consuetudines introductas, contra Ecclesiæ libertatem, Statutarii, & Scriptores Statutorum ipsorum, nec non Potestates, Consules, Rectores, & Consiliarii locorum, ubi hujusmodi statuta, & consue-

tudines editæ fuerint, vel servatæ, nec non & illi, qui secundum ea præsumpserint judicare, vel in publicam formam scribere judicata, in excommunicationis sententiam incidunt ipso facto.

Cap. L. De Sponsalibus, & Matrimoniis.

Si inter virum, & mulierem legitimus consensus interveniat de præsentî, ita quod unus alterum mutuo consensu, verbis consuetis expresse recipiat, utroque dicente: *Ego accipio te in meam, & ego te in meum*, vel alia verba consensum exprimentia de præsentî, non liceat alteri ad alia vota transire. Quod si tegerint secundum matrimonium, imo verius adulterium de facto contractum, etiam si sit carnalis copula subsecuta, separari debent, & primum in sua firmitate manere; Verum si inter ipsos accessit tantum promissio de futuro matrimonio contrahendo; utroque dicente: *Ego te recipiam in meam, & ego te in meum*, sive verba similia; & alter eorum, antequam carnaliter se cognoscant, aliam seu alium per verba sibi desponsaverit de præsentî, dato, quod prima promissio de futuro per interpositionem fuerit juramenti firmata, ei tamen præjudicat de præsentî desponsatio post secuta. Illi vero, qui primam promissionem per secundum contractum irritam fecit, est de violatione fidei poenitentia injungenda. Carnalis vero copula si sequatur promissionem de futuro, eo ipso matrimonium efficit: sic, quod ei in nullo præjudicat quicumque contractus matrimonialis postmodum consecutus. Constitutionem quoque generalis Concilii, tum inhibitionem, contrahendum periculis providentem, censemus districtius observandam, ut cum matrimonia fuerint contrahenda, diebus Dominicis, vel aliis Festivis, in Ecclesiis per Presbyteros coram plebe publice proponatur, trium dierum ad minus, termino præfinito, ut infra illum, qui voluerit, & valuerit, legitimum impedimentum opponat. Sed & ipsi Presbyteri nihilominus investigent, utrum aliquod impedimentum obstat, & si nec per oppositionem alicujus, nec per investigationem propriam infra eundem terminum inter volentes contrahere, ali-

aliquid impedimentum invenerint, Presbyteri ipsi factis interrogationibus confectis, eos non differant copulare. Si vero ex oppositione cujuscuque, vel alias contra copulam contrahendam apparuit probabilis conjectura, per Presbyteros interdicatur contractus publicæ, & expresse, donec, quid fieri debeat, super eo, per Episcopum, vel ejus Officiale, ad quorum hæc noticiam perferant, sint edocti. Si quis autem edicto hujusmodi prætermisso, clandestina, vel interdicta conjugia inire præsumpserit in gradu prohibito, etiam ignoranter, soboles de tali conjunctione susceptæ prorsus illegitima censeatur, de parentum consensu nullum subsidium habitura: cum ipsi parentes taliter contrahendo affectatores ignorantie videantur. Pari modo proles illegitima censeatur, si ambo parentes impedimentum tæcentes legitimum, præter Ecclesie interdictum, etiam in conspectu Ecclesie contrahere præsumpserint. Sane, si Parochialis Sacerdos hujusmodi clandestinas conjunctiones prohibere contempserit, aut quilibet etiam regularis, qui eis præsumpserit interesse, per triennium ab officio suspendatur, gravius puniendus, si culpe qualitates postulerit. Sed & his, qui taliter copulare præsumpserint, etiam nullo alio impedimento obstante, condigna poenitentia per Episcopum injungatur. Si quis vero ad impediendam legitimam copulam, malitiose impedimentum objecerit, Canonicam non effugiet ultionem. Nullus autem elapso dicto denunciationis termino, matrimonium audiat, seu contra illud testificans, nisi denunciationem hujusmodi probabiliter ignoraverit, vel nisi juret, quod post terminum denunciationis illud didicerit, quod opponit, & quod ad hoc ex malitia non procedat. Cum autem Presbyter contrahentes matrimonium legitime copulavit, eis Benedictionem Sacramentalem impendat, si neuter contrahentium alias fuerit in matrimonio constitutus. Nam si benediceret secundas nuptias, per Episcopum cum literis testimonialibus ab officio, Beneficioque suspensus, ad Sedem Apostolicam est mittendus. Laici sub excommunicationis poena nubentes non audeant copulare, nec aliqua statuta

condere, quæ libertatem contrahendum matrimonium impediunt quovis modo. Cognitionem vero causarum matrimonialium Plebani, & Decani rurales sibi penitus noverint interdictam.

Cap. LI. De Cognatione Spirituali.

Spiritualis cognatio, sive comparationis, in viginti casibus matrimonium contrahendum impedit, & dirimit post contractum, scilicet, inter levantem, & levatum, levatum, & filios levantis, levatum, & conjugem levantis prius cognitam: Parentes levati, & conjugem levantis prius cognitam: Levantem, & Parentes levati. Item inter baptizatum, & baptizantem: baptizatum, & filios baptizantis: baptizatum, & conjugem baptizantis prius cognitam: Parentes baptizati, & conjugem baptizantis prius cognitam: Baptizantem, & parentes baptizati. Item inter confirmatum, & levantem: confirmatum, & filios levantis: confirmatum, & conjugem levantis prius cognitam: Levantem, & parentes confirmati. Item, confirmatum, & confirmantem: confirmatum, & filios confirmantis, & conjugem confirmantis prius cognitam, Parentes confirmati, & conjugem confirmantis prius cognitam: confirmantem, & parentes confirmati. Ne igitur occasione spiritualis cognationis in matrimonio difficultates emergant, districte præcipimus, ut ad prædicta baptismi, & confirmationis Sacramenta, per quæ tantum comparentur hujusmodi contrahuntur, solum unus vir, vel mulier cum compatre levante, de cetero admittatur: non obstante in contrarium prava consuetudine, cum sit contra sacrorum Canonum instituta.

Cap. LII. De Consanguinitate, & Affinitate.

Qui Divino timore postposito in animarum suarum periculum sciens in quarto, vel infra consanguinitatis, vel affinitatis gradu, aut cum monialibus contrahere matrimonialiter non verentur, nec non Religiosi, & Moniales, ac Clerici in sacris Ordinibus constituti, matrimonia contrahentes, præter alias penas juris, excommunicationis sententiam incidunt ipso facto.

sub excommunicationis pœna inhiſcant diſtricta omnibus Chriſtianiſ, ne cum Judæis commercium aliquod audeant exercere. Quia ſimilitudo exterioris habitus, quem Judæi cum Chriſtianiſ indiſtinctim deferunt, plerumque tantum periculum inducit, quod per errorem Chriſtianiſ Judæorum, & Judæi Chriſtianorum mulieribus commiſcentur. Ne igitur tam damnatæ commixtionis exceſſus, per velamen erroris hujusmodi, quandoque ſimulan, ulterius excuſari poſſit; ſervimus, ut maſculi Judæorum in capitiſ ſuis pilea lata, ut antiquitus conſueverunt, & non capucia, deferant. Mulieres vero ſub peplo, ſive alio velamine capitiſ ornarium, ſive levaturam eminentem ſupra frontem ponant: ſic, quod omni tempore per hujusmodi ſigna a Chriſtianiſ diſcernantur. Quæ ſigna, ſi Judæi, infra duorum menſium ſpaciũ a publicatione præſentium non aſſumpſerint, ut eſt dictum, ex tunc eiſ, per excommunicationiſ ſententiã Chriſtianorum communio ſubrahatur, & in pœnam temporalis Domini loci, qui ipſos ad hoc non compellat, Cleruſ ſeculariſ, & Religioſuſ civitatiſ, oppidi, ſeu villæ, in quibus Judæi taliter indiſtincti morantur, eo ipſo generaliſ cæſationem faciãt a Diviniſ, donec per Judæoſ ſtatuto præſenti fuerit obediũ. In die Paſceſves Dominiç Paſſioniſ, Judæi in publicum non prodeant, & per totam illam diem oſtia, & fenetras ſuaſ clauſas teneant, ne in Chriſtianorum conſpectum, qui tunc ſacraſſimæ Paſſioniſ memoriã exhibent, lamentationiſ ſigna præſtudent, per ſuaſ deriſioneſ, & blaſphemiaſ in contumeliã proſiliant Creatoriſ. Nulli eorum publico præſentantur officiũ. Si quiſ autem hæc commiſerit, excommunicationiſ ſententiã innotatur. Judæo vero officiũ, tamdiu Chriſtianorum communio in commerciis, & aliis denegetur, donec in uſum Pauperum Chriſtianorum ſecundum providentiã Dioceſaniſ Epiſcopi convertatur, quidquid fuerit a Chriſtianiſ adeptuſ occasione officiũ ſic ſuſcepti, & officiũ cum pudore dimittat, quod irreverenter aſſumpſit. Synagogas novas conſtruere nullatenus admittantur: ſed antiquas, ſi corruerunt, vel

ruinã minantur, reſedificare poterunt: non autem, ut eaſ exaltent, aut ampliores, aut præcioſiores faciãt, quam antea fuiſſe noſcuntur, qui uique promagno debent habere, quod in veteriſ Synagogiſ, & ſuiſ obſervantiſ tolerantur. Ad Baptiſmum non cogantur inviti, nec in perſoniſ, vel rebus ſuiſ, ſine judicio puniantur: nec in ſuiſ Feſtivitatiſ perturbentur, nec eorum Cœmiteria per exhumationem corporum, vel aliaſ violentur.

Cap. LVI. De Hæreticiſ.

Hæretici, quaruſcunque ſectarum, & credentēſ ipſorum errorib긑, necnon receptatores, deſenſoreſ, & fautores eorum excommunicati ſunt, quos univerſi fideleſ Chriſti, maxime Parochiaſ Presbyteri, Dioceſano loci, vel Inquiſitori hæreticæ praviatēſ denunciare tenentur, ut pro ſuiſ demeritiſ ultionem recipiant, & ne fideſum corda eorum doctriſ pelliſeris corrumpantur.

Cap. LVII. Contra Chriſtianiſ, qui ad ritum tranſierunt, vel redeunt Juſæorum.

Etiã ſi hujusmodi redeuntēſ, dum erant infanteſ, aut mortis metu, non tamen abſolute, ſeu præciſe coacti baptizati fuerint, eſt tamen contra eoſ tanquam contra hæreticoſ, ſi fuerint de hoc conſeſſi, aut per Chriſtianoſ, ſeu Judæoſ conviſi, & ſicut contra fautores, receptatores, & deſenſoreſ talium procedendum.

Cap. LVIII. De Raptorib긑.

Mandamus univerſiſ Plebanis, & aliis Clericiſ, cujuſcunque ſunt ſtatuſ, in virtute ſanctæ obedienciæ, & ſub pœna privationiſ Beneficiũ, ne aliquem raptorem, proſcriptum, baſnitiũ, proſugum, vel incendiariũ, aut eorum rapinaſ, in domib긑 ſuiſ recolligant, vel conſervent, aut ipſiſ etiã extra domoſ ſuaſ, expenſaſ ſeu alimenta miniſtrent, ſive ipſorum literaſ, vel legationeſ, ad quacuſcunque perſonaſ perferant, a quib긑 plerumque hujusmodi pelliſerum genuſ hominũ, per comminationeſ de occidendiſ perſoniſ, vel earum boniſ cremandiſ, pecuniaſ extorquere conantur.

Cap.

Cap. LIX. *De Usuris, & Usurariis.*

Usurarium pravitatem, qui plerumque mercatorum famam inquinant, dum sub mercationis velamine, diversis adinventis fraudibus plus secum contrahentes damificant, quam illi, qui nullo quæsito colore, directe mutant ad usuras, detegere cupientes; & ne etiam juris ignorantiam simulatam circa hoc possint prætere, & sic suos errores de cætero, frivolis rationibus excusare: Declaramus, & dicimus, quod, cum usura tantum committatur in mutuo; mutuum autem in iis rebus consistit, quæ determinantur numero, pondere, vel mensura; non solum is, qui expresse rem huiusmodi eo pacto, vel principaliter ea spe mutuatur, ut aliquid emolumentum temporale ultra sortem recipiat, quantumcumque sit parvum, sive sit fructus, seu proventus rei pignoratæ, in sortem non computatur, usurarius est censendus; sed & ille, qui mercem quamcumque venditionis tempore, communi æstimatione minus valentem, & quam tunc venditurus erat, carius vendit, solutionem precii differens ea vice, & qui itacum solvit precium cujuscumque rei emptæ pro minori, quam tunc valeat, lucri causa, ejusdem rei traditione dilata ad terminum, in quo constat, ipsam rem plus valere, usurarii sunt censendi: & qui tales esse probari possunt, ad notitiam Diocesani, vel eorum Officialium perferantur, ut per eos ad restitutionem usurarum ipsi, vel eorum hæredes distractione Canonica compellantur. Confessores autem in foro animæ, tales ad restitutionem inducant efficaciter, si suarum animarum damnationem cupiunt evitare. Sane si quis in illum errorem inciderit, ut pertinaciter affirmare præsumat, *exercere usuras, non esse peccatum*, ille, velut hæreticus condemnatur. Prædicimus autem Plebanis locorum, ac illis, qui habent officium prædicandi, quod saltem semel singulis mensibus statutum præsens, fidelibus exponant vulgariter, ac eos salutaribus inducant monitis, ut abstineant a criminibus, & fraudibus usurarum. Et innotescant omnibus, ac eis in remedium peccatorum suorum injungant, ut ipsi in nostro, seu Suffra-

ganeorum nostrorum Consistorii usuras, aliquo de prædictis modis solutas, repetant, vel si nondum solverint, sedolvere promiserint, a promisso se, & suos fidejussores absolvi penant.

Cap. LX. *De Falsariis.*

Plerumque Parochialium Ecclesiarum Rectores, & alii simplices Clerici, decipiuntur per falsarios literarum, dum juris ignari, falsitatem eorundem, quæ non solum in sigillis, & eorum applicatione, verum etiam in rasuris chartarum, & alias multipliciter perpetrantur, deprehendere nescientes, falsas, pro veris recipient.

Volentes igitur inconvenientiis, & periculis, quæ ex huiusmodi incauta credulitate sequuntur, occurrere; statuimus, ne de cætero aliquis Plebanorum, vel quæcumque alia Ecclesiastica persona, literas, quæ dicuntur a Sede Apostolica, vel ejus Penitentiariis, seu a quocumque alio de ignotis partibus, super indulgentiis, petitionibus elemosynarum, vel dispensationibus, seu quibuscumque aliis negotiis impetratæ, in favorem, vel præjudicium cujuscumque audeat approbare, nec ipsas, in sua Ecclesia permittat aliquatenus publicare, nisi prius per Diocesani loci, vel ejus Officialis, patentes literas fuerint approbatæ. Quod si portiores huiusmodi literarum, contradicente Plebano; eas publicare, vel earum prætextu elemosynas, seu alios quoscumque actus præsumpserint exercere: ipsi Plebanus, eos cum rebus suis, auctoritatem habeat arrestandi, cum adiutorio, si opus foret, brachii secularis, sic, quod ipsos una cum rebus, & literis Diocesano, vel Archidiacono loci, quam cito commode poterit, studeat præsentare.

Cap. LXI. *De Sortilegiis.*

Parochiales Presbyteri plebes suas frequenter informant, ut sciant sortilegas artes, & incantationes sub prolatione quorumcumque verborum, vel scriptura characterum, quibuslibet infirmitatibus hominum, seu animalium, nihil posse conferre remedii, vel sterilitati agrorum, vel arborum, seu potestati tonitruorum, vel grandinum providere, & eis sub excommunicationis poena præcipiant, quod a for-

a fortilegiis, & superstitionibus quibuscunque abstinere, nec fortilegos consulant, vel ad domos suas recipiant, sed quod ipsi Plebano tales denuntient, ut turpiter dehonefati ejiciantur de plebibus, ne per eos simplicium conscientie polluantur.

Cap. LXII. *De Excommunicato, Interdicto, vel Suspensio celebrante.*

Is, qui celebrat majori excommunicatione ligatus, aut cui est ingressus Ecclesie interdictus, si in ea se Divinis ingerat, celebrando, vel concelebrando in suo agens officio, sicut prius: & ille, qui scienter celebrat in loco supposito interdicto, irregularitatem incurrunt, a qua nequeunt per alium, quam per Romanum Pontificem liberari. Talis etiam, cui est ingressus Ecclesie interdictus, si, interdicto hujusmodi durante, decedit, non debet, sicut nec excommunicatus excommunicatione majori, in Ecclesia, vel Cœmeterio Ecclesiastico sepeliri. Illi vero, qui scienter celebrat præsentem excommunicato excommunicatione majori, est ingressus Ecclesie interdictus. Et si hoc interdicto durante celebrat, irregularis efficitur, ab ea tantum per Summum Pontificem liberandus. Qui autem sic irregularis in contemptum clavium Divina præsumpserit profanare, Beneficiis suis privetur perpetuo, & nihilominus subjiciatur poenitentiae carcerali.

Cap. LXIII. *De injuriis, & damno datis.*

Si culpa tua factum est damnum, vel injuria irrogata, seu aliis irrogantibus auxilium præbueris, aut hæc imperitia tua, seu negligentia evenerunt; de jure super his satisfacere te oportet. Nec ignorantia te excusat, si scire debuisti, ex facto tuo injuriam verisimiliter posse contingere, vel jacturam. Quod si animalia tua alicui nocuerunt, tu ad satisfactionem teneris, nisi eadem animalia dando passis damnum, velis liberare te ipsum: quod tamen ad liberationem tuam non proficeret, si fera animalia, vel quæ naturaliter consueverunt nocere, dato, quod domesticata fuissent, & quam debueras, non curasti, diligentiam adhibere. Sane, licet ille, qui oc-

casione damni dat, damnum videtur dedisse; fecus tamen est in illo dicendum, qui ne damnum eecideret, de contingentibus nil obmisit. Et si injuriam passus secundum Christianitatis legem injurianti rancorem, ex corde, gratis, pro DEO dimittere teneatur; satisfactionem tamen pro eadem, coram competenti judice potest petere, dimissione rancoris hujusmodi non obstante.

Cap. LXIV. *De Poenitentis, & Remissionibus.*

Omnis utriusque sexus fidelis, postquam ad annos discretionis pervenerit, omnia sua solus peccata, saltem semel in anno, fideliter confiteatur proprio Sacerdoti, & junctam sibi poenitentiam pro virilibus studeat adimplere: suscipiens reverenter ad minus in Pascha Eucharistiae Sacramentum, nisi forte de proprii Sacerdotis consilio, ob aliquam causam rationabilem, ad tempus ab ejus perceptione duxerit abstinendum, aliquin, & vivens ab ingressu Ecclesie arceatur, & moriens Christiana careat sepultura.^(a) Unde hoc salutare statutum frequenter in Ecclesiis publicetur, ne quisquam ex ignorantie cecitate, velamen excusationis assumat. Si quis autem alieno Sacerdoti voluerit, iusta de causa, sua confiteri peccata, licentiam prius postulet, & obtineat a proprio Sacerdote, cum aliter ipse illum non possit solvere, vel ligare. Sacerdos autem sit discretus, & cautus, ut more periti medici, superinfundat vinum, & oleum vulneribus lauciant, diligenter inquirens, & peccatoris confitentis, non alterius circumstantias, & peccati, per circumlocutiones cautas, maxime circa inusitata peccata, quibus prudenter intelligat, quale ei debeat præbere consilium, & remedium adhibere, diversis experimentis utendo, ad sanandum agrotum. Nam si peccator dicat, se non posse, vel nolle in futurum ab aliquibus peccatis mortalibus abstinere, dato, quod pro præteritis poenitentiam sit paratus suscipere, tamen, quia contritionem veram non habet, quæ requiritur, quod & præterita plangat, & in futuro ab eisdem, & similibus abstinere proponat, absolvi non debet; sed ejus confessione recepta crebris, & salubribus monitis ad-

(a) Concilii Lateranensis anni 1215. Statutus Canon 21^{mus}.

abstine

abstinendi propositum, aliquali sibi imposita poenitentia inducatur. Caveat autem Sacerdos omnino, ne verbo, aut signo, aut alio quovis modo seriose, vel jocose prodat aliquatenus peccatorem; sed si prudentiori consilio indigerit, illud absque ulla expressione personæ, caute requirat. Quoniam, qui peccatum in poenitentiali iudicio sibi detectum præsumpserit revelare, non solum a Sacerdotali officio decernimus deponendum; verum etiam ad agendam perpetuam poenitentiam, in arctum Monasterium detrudendum. Presbyteri circa principium Quadragesimæ, in suis Prædicationibus, suas plebes sollicitent, ut Confessiones suorum peccatorum ad finem ipsius Quadragesimæ non differant, sed eas statim faciant, cum jejunium, seu alia quæcunque bona opera ad salutem non prosint, in peccatis mortalibus constitutis; & induti superpellicis in Ecclesia confessiones audiant: poenitentibus, qui confitentur, se furis, rapinis, usuris, vel aliis fraudibus facultates aliorum abstulisse, ante omnia male ablatorum restitutionem injungant, in toto, vel in parte, prout eorundem se facultates extendunt, cum non dimittatur peccatum, nisi restituatur ablatum. Nec confitentibus sibi præcise comparationes Missarum injungant, sed mandent certum, quod erogandum pauperibus Presbyteris, vel aliis, prout rationabilis devotioni videbitur congruere confitentis. Casus reservatos, auctoritati Summi Pontificis, vel Episcopis de jure ad eosdem remittant; nisi habens casus hujusmodi sit in mortis articulo constitutus, quo cessante periculo super criminibus Papæ, vel Episcoporum auctoritatis reservatis, pro recipienda poenitentia ipsorum, vel Poenitentiatorum eorundem se conspectui repræsentent. Cum autem vocatur Presbyter ad curandum infirmum, priusquam ad eum deferat Corpus Christi ipsius, si non imminet mortis periculum, familiariter confessionem recipiat; ne per multorum præsentiam, & tumultum, qui ob devotionem, & indulgentias comitantur ipsum Presbyterum Sacramentum Eucharistiæ deferentem, impediatur devotio confitentis. Ab infirmis in periculo mortis positis, pura est inquirenda con-

fessio peccatorum, non tamen illis imponenda est quantitas poenitentiae, sed innotescenda, & cum amicorum orationibus, & elemosinarum studiis, pondus poenitentiae sublevandum: quod si forte migraverint, ne obligati, a communione, & confortio veniæ, fiant alieni. A quo periculo, si Divinitus erepti convalescerint, poenitentiae modum a Sacerdote sibi impositum, diligenter observent. Et ideo secundum auctoritatem Canonica, ne illis janua pietatis clausa videatur, orationibus, & consolationibus Ecclesiasticis, sacra unctione Olei inuncti, secundum Statuta Sanctorum Patrum, Communione viatici reficiantur. Aliis vero pro qualitate peccati, & præsentium arbitrio, tempora poenitentiae sunt decernenda. Licet Fratribus *Prædicatoribus*, & *Minoribus* sit a jure permittum, ut ex iis personæ sufficientes, idoneæ, vite probatæ, discretæ, modestæ, æque peritæ, per eorum certos Superiores *electi & præsentati Diocesani locorum*, in eorum civitatibus, & Diocesibus, de ipsorum humiliter petenda licentia, gratia, & beneplacito, confessiones sibi confiteri volentium audire, & imponere poenitentias salutare, & absolutionis beneficium impendere possint: Quia tamen sumus certo cernus informati, quod iidem Religiosi contempta ejusdem juris forma, indifferenter omnes, dummodo sint Presbyteri, etiam non præsentati Episcopo, confessiones audiant singulorum, in apertam damnationem suarum, & sibi confitentium periculum animarum; Ne per errorem hujusmodi animarum subditorum nostrorum periclitentur de cætero, hoc *Sacro provocante*, ac *approbante Concilio*, omnibus Rectoribus Parochialibus nostrarum Diocesis, & Provincie firmiter inhibemus, ne Parochianos suos permittant, dictis Fratribus confiteri, nisi illis duntaxat, qui per parentes literas Diocesani Episcopi pro ipsis Confessionibus audiendis nominati fuerint deputati. Quas quidem literas de Cancellaria nostra, & Suffraganeorum nostrorum, gratis, & sine solutione pecunie aliqua ipsi fratres habent recipere, & eas Rectores Ecclesiarum ad requisitionem ipsorum fratrum sub excommunicationis pœna teneantur in suis Ecclesiis publicare. Verumtamen
si Epi-

si Episcopus fratribus ipsis, ut præmittitur, electis, & præsentatis, sine causa recuſaverit audiendi confessiones licentiam exhibere; ex tunc fratres ipsi ex speciali concessione Apostolica id faciendi, habent liberam facultatem. In nullo tamen casu, circa absolutionem, majorem auctoritatem habent, quam Parochiales Presbyteri, nisi Episcopus, vel Superior, qui potest, ipsis uberiorem gratiam specialiter duxerit concedendam. Nec etiam possunt dicti fratres, seu quisvis alii Religiosi, Clerici, vel laici, sine speciali licentia Parochialis Presbyteri, ministrare alia Sacramenta, & qui contrarium faciunt, excommunicationis sententiam incidunt ipso facto.

In Ecclesiis quoque Parochialibus, dicti fratres predicare non possunt, nisi de ipsorum Rectorum beneplacito & assensu. Cum autem fratres ipsi, diebus Festivis, in suis domibus, in mane prædicationes faciant, non eas in tantum protrahant, quod plebs ad prædicationem, & summam Missam, sive Parochiz, quibus tunc interesse tenentur, negligat horam debitam veniendi. Nec Parochianos in suis sermonibus detineant, nisi forte domorum suarum Festivitates indicant, nec gyrando per Ecclesias, & eorum ambitus, populum aqua benedicta aspergant, aut cereorum, cinerum, vel frondium palmarum benedictionibus occupent, cum talia in Parochialibus Ecclesiis de jure, & antiqua consuetudine peragantur. Non impediunt etiam dicti fratres per suas prædicationes, stationes, & processiones solennes, quas observat Ecclesia generalis, quin imo fratres ipsi se in his debent Parochialibus Ecclesiis conformare.

Plerique Episcopi, per indiscretam, & superfluum indulgentiarum concessionem, claves Ecclesie contemptibiles reddunt, & poenitentialem satisfactionem enervant, non advertentes, quomodo Romanus Pontifex, qui plenitudinem obtinet potestatis, in hoc tantum moderamen consuevit observare, qui in Capella sua personaliter celebrans, vel predicans, interessentibus contritis, & confectis, ad maximum septem annos indulgentie & carenas totidem largitur. Ne igitur per temeritatem hujusmodi, simplicitati fidelium de cætero

illudatur, decernimus, ut secundum dispositionem juris communis, cum dedicatur Basilica, non extendantur indulgentie ultra annum, sive ab uno solo, sive a pluribus Episcopis dedicetur. In anniversario vero dedicationis tempore, quadraginta dies de inunctis poenitentis, indulta remissio non excedat. Et similiter, quando ex aliis rationabilibus causis, per litteras suas Episcopus hujusmodi remissiones suis subditis voluerit indulgere, quadraginta dierum, & non amplius numero sit contentus. Nec remittentium indulgentias subditi participant alieni, nisi hoc, ut ipsi, uti possent, eis proprii iudices specialiter duxerint indulgendum.

Huic autem statuto necessario duximus annexendum, quod nullus Clericus secularis, vel Religiosus exemptus, in Ecclesia sua, seu Monasterio, indulgentias, præterquam Diocesani loci audeant publicare, vel nisi per Diocesani patentes litteras fuerint approbatæ. Nam frequenter in diversis Ecclesiis, sive locis multorum annorum, & carenarum indulgentie sub nominibus summorum Pontificum, & etiam Episcoporum ignotorum conceduntur, quæ propter nimium excessum de falsitate vehementer sunt suspectæ, & propter hoc hujusmodi indulgentiarum litteræ, per Diocesani examini & approbati debent, cujus interest, ne ipsius subditi ex spe, quam(a) hujusmodi mendosæ & falsas indulgentias obtinent, ab agendis, condignis poenitentis retrahantur. Prohibemus insuper, ne publice poenitentes alias, quam in die Cœnz Domini, reconcilientur Ecclesie, & eis relaxentur carenz, & nisi idem a suis Plebanis testimoniales portent litteras, quod vere sunt poenitentes, & quod jam poenitentiam, vel ejus partem aliquam peregerunt. Si Episcopus subito concesserit, ut sibi possit idoneum eligere Confessorem, ille, quem is elegerit, in casibus, qui idem Episcopo specialiter reservantur, nullam habet penitus potestatem, nisi hoc in concessione specialiter exprimat, cum in generali concessione illa non veniant, quæ non esset quis verosimiliter in specie concessurus. Nulla quoque potest consuetudine introduci, quod aliquis præter sui Superioris

Tomus IV. Concil. German.

E c c a

licen-

(a) forte: per, addendum.

licentiam Confessorem sibi eligere valeant, qui eum possit solvere vel ligare.

Cap. LXV. *De Sententia Excommunicationis, Suspensionis, & interdicti.*

Sacro approbante Concilio prohibemus, ne quisquam Prelatus, vel Judex, de jure, vel consuetudine excommunicandi potestatem habens, in aliquem procedendo tanquam Judex excommunicationis sententiam, nisi competenti ad monitione præmissa, & præsentibus personis idoneis, per quas, si necesse fuerit, possit probari monitio, promulgare præsumat.

Excommunicationem autem in scriptis proferat, & causam excommunicationis expresse scribat, propter quam excommunicatio proferatur. Exemplum etiam hujusmodi scripturæ, excommunicans teneatur excommunicato tradere infra mensem, si fuerit requisitus, super qua requisitione, volumus fieri publicum instrumentum, vel literas testimoniales confici, sigillo autentico consignatas. Si quis autem Judicium hujus constitutionis temerarius exierit violator, etiam si alias fuerit iusta excommunicationis sententia, per mensem unum ab ingressu Ecclesiæ, & Divinis noverit se suspensum.

Et hæc eadem in suspensionis, & interdicti sententiis volumus observari. Plebani vero, seu Parochiarum Rectores, excommunicandi auctoritatem sibi noverint penitus interdictam. Quod si propria temeritate quempiam excommunicare præsumperint, Superioris arbitrio proinde puniantur. Cum autem in prolatione sententiarum hujusmodi magnaturus requiratur, Episcopi & alii Judices Ecclesiastici sententias ipsas, per se ipsos, in rebelles proferant, & demum publicationem seu denuntiationem eorundem, Plebanis locorum committant. Qui commissione super hoc, seu mandato recepto, induci Sacerdotali veste ad Altare, seu in ambone Ecclesiæ stantes, exposita populo excommunicationis causa accensis candelis projectis ad terram, excommunicatum denuntiabunt publice & precipient, ut ab ipsius communione abstineant universi. De-

nunciare etiam debet Episcopus, eum, quem excommunicavit, vicinis Episcopis, qui ad ipsius requisitionem, talem in suis Dioecesibus excommunicatum denuntiabunt, & ipsum tanquam excommunicatum vitabunt, & a suis subditis arctius facient evitari.

Cap. LXVI. *Qui absolutionis Beneficium parvipendunt.*

Nonnulli majore excommunicatione ligati, & publice denuntiati, absolutionis Beneficium parvipendunt, ex eo, quia Clerici seculares, & Religiosi, & maxime exempti, eis non solum in communibus actibus, & extra Divinum Officium, verum etiam in Divinorum celebratione communicare præsumunt: Et si quandoque Clerici ipsi de communione seu participatione hujus arguantur, respondent nonnunquam mendaciter, quod talis excommunicatio ad eorum noticiam non pervenit. Quia vero excommunicatos excommunicatione majori, tam exempti, quam non exempti vitare tenentur, & si eis communicant, excommunicationem incurrunt minorem, ne sit necessarium, quod singulorum auribus singulariter inculcetur, ex quo sententia ipsa publice promulgatur; diffiniendo statimus, quod quando excommunicationis sententia in *Ecclesia Cathedrali, Synodo, Parochia propria, vel alio loco debito* & patenti solemniter fuerit promulgata seu publicata, ipsi excommunicato participans se, quin hujusmodi Canonice puniatur, per ignorantiam nullatenus valeat excusare, nisi doceat, quod tempore promulgationis ipsius sententiæ fuerit extra Dioecesim, vel alibi, in tanta distantia constitutus, sic, quod ad eum talis excommunicatio non pervenit, nec potuerit verisimiliter pervenisse. Insuper ille, qui dum esset sanus corpore, absolutionis Beneficium a sententia excommunicationis, qua innodatus existit, petere negligit, seu contemnit; in ægritudinis læso absolutionem petens, antea non absolvatur, donec ponat idoneam cautionem, quod sive convalescat, sive moriatur secundum possibilitatem suam per se, vel per alium plenarie satisfaciatur de commisso, ratione cujus fuit excommunicationis vinculo innodatus. Qui vero ex-

com-

communicatus moritur, ipsius cadaveri Christianorum communio denegetur.

Cap. LXVII. *De Verborum significatione.*

Intelligentia verborum ex causis dicendi assumenda est: quia non sermoni res, sed rei est sermo subiectus, verba ex communi usu sunt intelligenda.

Cap. LXVIII. *De Regulis Juris.*

" Dubia in meliorem partem sunt interpretanda.

" Utilius scandalum nasci permittitur, quam veritas relinquatur.

" Necessitas licitum facit, quod in lege licitum non habetur.

" Res sacræ a quoquam injuste violari non debent.

" Non iuste facit, qui ex timore servili aliquid facit.

" Desistat peccator, quia offendens in uno (c) salutat est omnium reus.

" Non potest esse Pastoris excusatio, si lupus oves comedit, & Pastor nescit.

P R A G Æ,

Imprimebantur apud Nicolaum Straus, Anno MDCVI. accurante Georgio Bartholdo Pomtano a Braitenbach, S. Metropolitane Ecclesie Pragensis Præposito, Archi-Episcopatus Officiali & Vicario generali.

(c) Jacobi C. II, v. 10.

Statutum Synodale Domini ARNESTI,

Archi-Episcopi Pragensis, nondum typis datum.

IN NOMINE DOMINI. AMEN.

ARNESTUS, DEI, ET APOSTOLICÆ SEDIS GRATIA, SANCTÆ PRAGENSIS ECCLESIE ARCHI-EPISCOPUS; UNIVERSIS PRÆLATIS, CAPITULIS, CONVENTIBUS, DECANIS, PLEBANIS, VICE-PLEBANIS, CÆTERISQUE ECCLESIARUM RECTORIBUS, TAM RELIGIOSIS, QUAM SÆCULARIBUS, IN NOSTRA ECCLESIA, CIVITATE ET DIOECESI PRAGENSI CONSTITUTIS, SALUTEM, ET SINCERAM IN DOMINO CHARITATEM.

I. *ET* licet in libro Constitutionum sive Statutorum Provincialium sit præmissum, & per Nos dudum mandatum, ut in omnibus Ecclesiis tam Cathedralibus, quam Collegiatis, & in aliis Ecclesiis ruralibus dicte nostre Diocesis liber scriptus habeatur earundem constitutionum; tamen ne se aliquis per ignorantiam valeat excusare, ex superabundanti virtute sanctæ obedientie districte præcipiendo mandamus, quatenus omnes & singuli videlicet Prælati, Capitula, & Conventus, ceterique Ecclesiarum Rectores, & Capellarii, prædictum librum constitutionum, sive statutorum Provincialium mox sibi scribi faciant, & se secundum easdem regant, plebi suæ, in quantum eas tangunt, ipsas exponendo, similiter & Ecclesia nostra Cathedralis, ac aliæ Ecclesie Collegiate statuta specialia per Nos data in singulis ipsorum Ecclesiis habeant, & con-

tenta in eisdem fideliter observent cum effectu.

II. Cum enim ex injuncti Nobis Officii debito, dictam nostram Diocesin quolibet anno visitare teneamur; omnibus personis Ecclesiasticis in Diocesi nostra constitutis innotescimus, & mandamus, ut se ad sanctæ visitationis officium præparent, quam, DEO concedente, instaurare volumus per Nos, vel per Commissarios nostros speciales tempore opportuno.

III. Inhibemus, ne ullus in Ecclesia sua Clericum peregrinum, seu ignotum ex alia Diocesi vel Provincia ad celebrationem Divinorum in publico admittere præsumat, licet literas suæ ordinationis exhibeat; nisi etiam ostendat nostras, vel nostrorum Vicariorum in Spiritualibus literas, in quibus contineatur expresse, quod in nostra Diocesi habeat licentiam celebrandi: & quod universi

Rectores Ecclesiarum, seu ipsorum vi-
cos gerentes omnibus diebus Dominicis
& Festivis ante sermonem seu exhorta-
tionem, quam facient ad populum, Do-
minicam orationem, & Symbolum Apo-
stolorum in vulgari præmittant, & sic
ab oratione, & fidei fundamento ser-
mo, vel exhortatio incipiat, & pro-
cedat.

IV. Mandamus etiam universis De-
canis, & Plebanis, ac aliis Clericis, cu-
juscunque sint status, vel præeminen-
tiæ existant, ne aliquem raptorem, pro-
scriptum, bannitum, profugum, vel
incendiarium, aut eorum rapinas in do-
mibus suis recolligant, vel conservent,
aut ipsis extra domos expensis mini-
strent, sive ipsorum literas, vel legatio-
nes ad quascunque personas deferant,
& si quos tales invenerint, vel sci-
verint, Nobis, vel Officialibus nostris,
seu Archidiaconis locorum eos sine mo-
ræ diffugio significant: hæreticos, & qua-
runcunque sectarum, & ipsorum erro-
ribus credentes, nec non receptatores,
defensores, & fautores eorum Nobis,
sive nostris requisitoribus hæreticæ pra-
vitatibus denuntiant ex nomine, ut quod
pro suis excessibus ultione condignum
promant, ipsisque inquisitoribus nostris
in causa fidei omni consilio, & auxilio
assistant, quoties fuerint requisiti.

V. Omnibus Archidiaconis præ-
fate nostræ Diocesis in virtute S. Obedi-
entiae injungimus, & mandamus, ut
Clericos, quos notorius criminibus sci-
verint irretitos, utpote concubinos,
falsarios, contemptores sententiarum,
fures, tabernarios, lutores, taxillorum,
& chorearum, habitum, & tonsuram
Clericalem deferentes, ac arma sine ne-
cessitate gestantes, corrigant, & etiam
incarcerandi eosdem, si opus fuerit,
nostram presentibus habeant potesta-
tem, quamdiu non duxerimus revocan-
dum.

VI. Item, ut in omnibus Ecclesiis,
Monasteriis, exemptis, & non exem-
ptis, Festum Lanceæ & Clavorum Domi-
ni nostri Jesu Christi a Fidelibus Christi
devotius celebretur; mandamus & præ-
cipimus, ut prædictum Festum proxima
seria sexta post octavam Paschæ, prout
per Sanctissimum Patrem, & Domi-

num, Dominum *Innocentium sextum* Pa-
pam modernum est institutum, solem-
niter & reverenter per totam nostram
Provinciam celebretur, in cantu noctur-
no, pariter & diurno nostræ Pragensi
Ecclesiæ se conformando: volentes, ut
Archi-Diaconi & Decani locorum copi-
am historiæ de Festo prædicto compila-
re a Nobis incipiant, & suis subditis ul-
terius minitrent.

VII. Insuper præcipimus, & man-
damus, ut ob reverentiam sacrorum
Corporum & Reliquiarum, ac aliorum
Sanctorum, quorum Corpora & reli-
quias Serenissimus Princeps, & Domi-
nus, Dominus *Carolus Quartus* Divina fa-
vente Clementia Romanorum Impera-
tor, & semper Augustus; ad honorem
& decorem Regni Bohemæ in Pragen-
sem civitatem attulit, & ipsa in sancta
Pragensi Ecclesia collocata eidem Eccle-
siæ donavit, perpetuis temporibus possi-
denda, *Festum solationis prædictarum Reliquia-
rum*, per nostram Archidiaconem, &
Provinciam in octava sancti *Stephani Proto-*
Martyris cum debita reverentia, & de-
votione celebrent in cantu, & *legen-*
dum more, & ordine, prout in Pragen-
si Ecclesia agitur, tenendo, & similiter
observando.

VIII. Monemus quoque omnes
Plebés, Plebanos, & Rectores Ecclesia-
rum, ut plebes suas informant, & in-
ducant, ut osculum pacis post Agnus
DEI per Clericum ipsis porrectum so-
lum propter XI. dierum indulgentias
per Nos dudum datas, & concessas mutuo
inter se recipiant, alter alteri porrigen-
do: & si eos ad hoc inducere non pos-
sent, indulgemus, ut tabula cum Cru-
cifixo in signum pacis ad osculandum
deferatur.

IX. De cætero mandamus omnibus
Archi-Diaconis, & Decanis, ut presen-
tis scripti seriem, seu copiam, a nostris
Notariis recipiant Sigillo nostro appres-
so consignatam. In quorum omnium
testimonium presentes literas fieri volu-
mus, nostrorum Sigillorum appressio-
ne communiendas. Datum & actum
apud prædictam Ecclesiam nostram Pra-
gensensem, Anno Domini MCCCLV. (a)
in die S. Lucæ Evangelistæ, Archi-Epi-
scopatus nostri anno XII.

Dis-

Diligenter collatum cum suo genuino textu, in Archivo Archi-Episcopali Pragensi sub fide mea jurata assertato, per omnia concordare testor, Pragæ die VII. Octobris Anno MDCCLVII.

(L.S.)

WENCESLAUS PROCOPIUS DUCHOWSKY, Sac. Eccl.
Regiæ Capellan. OO. Sanctior. in Castro Pragensi Beneficiatus,
Notarius Apostolicus. Curia Archi-Episcopalis Pragensis Archi-
viciarius Curatus.

(a) Eodem die & anno Statuta Provincialia Ernesti edita fuisse, putat Balbinus in *vita Ernesti Archi-Episcopi I. Pragensis L. II. Cap. XV. pag. 204. 205. 206.* Et hanc Epocham nec aliquo argumento firmet, nec sollicite inquireat.

Cæterum Ernestus, Divini & Ecclesiastici juris peritissimus, annos XIV. in Academiis Bononiensi & Paduana iisdem incubuit: Curiam Romani Pontificis, Avenione tunc hærentem plus semel adivit.

Unusquisque Canonicorum Ecclesiæ Metropolitanæ Pragensis, priusquam ad Statum & Capitulum admittatur, sancte jurare debet in hæc Statuta Ernesti: eadem Carolus IV. Imperator & Bohemiæ Rex aurea Bulla confirmavit.

Balbinus in vita Ernesti Lib. III. Cap. I. pag. 224. 225. Eadem extat descripta in Codice MS. Bibliothecæ Moguntinæ, ubi eam Cl. Schannatus b. m. descripsit, sed mutilam multis Capitulis, & ad annum 1366. relatum.

CONCILIIUM SPIRENSE

Anno Christi MCCCCLVI. Innocentii VI. Papæ IV.
Caroli IV. Imp. IX.

GERHARDUS ab ERNBERG, Episcopus Spirensis, BERTHOLDUM BECKHART VON RORBACH Sacræ Scripturæ Testimoniis ab erroribus liberare conatus est, sed frustra: ergo sæculari potestati eundem tradidit: in loco supplicii denuo interrogatus? num errores detestari vellet? Respondit non posse a se suam veram fidem abjici: ergo a Iudice sæculari igne consumtus, periit.

POST hæc tempora judicabatur Spiræ Beghardus Bertoldus de Rorbach. Hic antea in Herbipoli quosdam articulos reclamaverat, videlicet: quod Christus in passione sua sic fuerit a Patre derelictus, quod præ nimio dolore dubitavit, salvare animam suam deberet. Secundus articulus: quod Christus in cruce propter nimiam passionem & dolorem, maledixerit Beata Mariæ Virgini. Tertius: quod maledixerit terræ, quæ suscepit ejus sanguinem de Cruce. Propter præmissa fugiens, ad Diocesium Spirensem venit, ubi articulos hos veros asseruit. Addidit etiam, quod homo in hac vita in tantum proficere possit, quod nec orare, nec jejunare cum oporteret; Item: quod laicus illuminatus possit plus proficere in docendo,

& plus sit sibi credendum, quam Evangelio, aut Doctoribus Sacræ Scripturæ. Item: quod homo devotus in perceptione cibi communis possit percipere tantam gratiam, ac si acciperet Eucharistiæ Sacramentum. Et quia relapsus; tradebatur Curia sæculari, & est incineratus.

Naucleus Volumine 2do Chronographia pag. 1015. concordat Chronicon Spirensem Episcoporum Germanicum, scriptum a Philippo Simonis, Capituli Cathedralis Secretario, ex Bibliotheca Cl. D. Joannis Pistorii.

Vulgatum & impressum Friburgi in Brisgoia anno 1608.

SYNO-

SYNODUS CAMINENSIS

ANNO MCCCLVIII

JOANNES, Dux Saxonie Inferioris, Episcopus Caminensis X. *Synodum conscripsit . . . neque Chastitatem seu Chori-Episcopum habuit, ut alii inter Prædecessores, sed ipsemet tam spiritualia, quam temporalia dexterrime administravit.*

P. de Wuis Historia Episcopatus Caminensis Cap. XXIX.

Fortè an in eadem Synodo Monasterium *MARIÆ Theresie* in memoriam Deiparæ anno 1356. ædificatum, a Bugislawo quinto & fratre, consecravit. Obiit 1372. anno 29no suæ Sedis: ætatis 43. sepultus in sua eccl. Cathedrali Caminensi.

Cramer Historia Ecclesiæ Pomerania Lib. II. Cap. XXVIII. pag. 71.

SYNODUS DIOECESANA MAGDEBURGENSIS

Anno Christi MCCCLXII. Urbani V. Papæ II.
Caroli IV. Imp. XIV.

THEODORICUS, Archi-Episcopus Magdeburgensis, anno suo secundo *in die S. Lucie* personaliter præfedit Synodo, assidentibus sibi Domino Ebronensi Episcopo, & Abbatibus pluribus infusatis, in qua Synodo nihil gravami-

nis actum est, sed pro pace & contra pestilentiam Missas & Suffragia idem Archi-Episcopus injunxit, ad hoc nihilominus suam Indulgentiam largiendo.

Meibomius Tomo II. Scriptorum Germaniæ. Chronicon Magdeburgense.

Theodoricus, humili loco natus Stendalæ, ex Cisterciensi Cœnobio a Carolo IV. eductus fuit primo Confiliarius, dein Regni Bohemiæ Cancellarius, & Supremus Camerarius. Anno 1553. 1. Martii fuit Episcopus Mindensis. Anno 1360. a Cæsare creatus Imperii Administrator & Advocatus. Anno 1361. a Carolo IV. proponitur Innocentio VI. pro Cythra Magdeburgensi, ad cuius instantiam liberatur a vinculo Mindensis Ecclesiæ, & ad Magdeburgensem transferatur Sedem, Bullâ datâ Avenione A. 1361. XII. Kal. Junii. Anno 1361. 27. Septembris aggreditur solemnem ingressu Sedem Magdeburgensem. Obiit A. 1367. 16. Decembris, sepultus in sua Metropolitana.

Cl. Lentzen Magdeburgica Ecclesiæ Diplomatica Historia.

CONCILIUM EYSTETENSE (a)

SUB BERTHOLDO EPISCOPO,

Anno Christi MCCCLXIV. Urbani V. Papæ III.
Caroli IV. Imp. XVI.

REGISTRUM

- | | |
|--|--------------------------------|
| I. De Summa Trinitate, & Fide Catholica. | IV. De prædicatione Verbi Dei. |
| II. De Hæreticis & Superstitiosis. | V. Omnis utriusque sexus. |
| III. Contra Blasphemias. | VI. De inductione Firiarum. |

VII.

- (a) Impressum Eystadii anno 1484. typo Walkeri de Reutlingen: aperiente Archivarium Synodaliū Statutorum Wilhelmo Episcopo Eystetensi nobili a Reichenaw, qui obiit anno 1496. *Liber extat in Collegio Augustano Societatis Jesu in 4to.*

- VII. De observatione jejuniorum.
 VIII. De interdictu nuptiarum.
 IX. De examine Sacerdotum.
 X. De Sacramento Ecclesiæ.
 XI. De Baptismo.
 XII. De Sacramento Eucharistiæ & officio Missæ. Constitutio Philippi quondam Episcopi Eystadensis XXXIXa.
 XIII. De Sacerdotibus exiitibus in peccatis.
 XIV. De custodia Eucharistiæ.
 XV. Ex Statutis D. Bertholdi.
 XVI. De Sacramento Unctionis extrema.
 XVII. De Matrimonio.
 XVIII. De Confessionibus audiendis.
 XIX. Cofus Episcopales.
 XX. Forma absolutionis.
 XXI. Ne pro Sacramentis administrandis aliquid exigatur.
 XXII. De Cultu Divino peragendo.
 XXIII. De Recordatione Fratrum.
 XXIV. De Regularibus. Statutum Domini Alberti.
 XXV. Ne Monachi regant Parochias.
 XXVI. De vita & honestate Clericorum.
 XXVII. Contra Concubinaris.
 XXVIII. De Adulteris & Uferariis.
 XXIX. De Libertate Ecclesiastica.
 XXX. De Captivatoribus Clericorum.
 XXXI. De spoliatis Sacerdotibus defunctis.
 XXXII. De Præbendis dimittendis.
 XXXIII. De Decimis solvendis.
 XXXIV. De Testamentis Clericorum.
 XXXV. De officio & juramento Decanorum.
 XXXVI. Ne quis Rectorum de causis matrimonialibus cognoscat.

- XXXVII. De Quaestionibus & Litteris extraneorum Judicum.
 XXXVIII. De Magistris fabricæ Ecclesiarum.
 XXXIX. De Conciliis Provincialibus, & Synodis celebrandis. Ex Concilio Basileensi anno 1436. posteriori editioni insertum.
 XL. De publicis Concubinariis. Ex Concilio Basileensi.
 XLI. De excommunicatis vitandis. Ex Statutis Wilhelmi Episcopi.
 XLII. De Interdictis servandis.
 XLIII. De Cultu Divino celebrando.
 XLIV. Quo tempore quisque in Choro esse debet.
 XLV. Qualiter Hora Canonica extra Chorum dicenda sunt.
 XLVI. De his, qui tempore Divinorum vacantur per Ecclesiam.
 XLVII. De Tabula pendente in Choro.
 XLVIII. De his, qui in Missa non cantant Credo.
 XLIX. De Pigrioribus Divinum Cultum.
 L. De tenentibus Capitula temporis Missæ Majorum.
 LI. De Spectaculis in Ecclesiis non faciendis. Ex Basileensi Concilio A. 1435.

Hinc liquet editionem Statutorum Ecclesiæ Eystetensis, quæ anno 1484. impressa est, inchoare collectionem a Concilio Bertholdi celebrato 1364., sed & posteriorum Conciliorum Canones illi annexisse ante A. 1484. statutos.

IN NOMINE DOMINI. AMEN.

Nos BERTHOLDUS, DEI GRATIA, EPISCOPUS EYSTETENSIS. AD UNIVERSORUM ET SINGULORUM, PRÆSENTIUM ET FUTURORUM, AD QUOS PRÆSENTES PERVENIERINT,

NOTICIAM VOLUMUS PERVENIRE,

Quod quidem inter sollicitudines nostras ista debet esse præcipua, ut a laboribus nostris voluntariis, prout ex debito Pastoralis tenemur Officii, quietum & pacificum statum Nobis subiectis, maxime personis Ecclesiasticis procuremus. Ita quod Clerici, nostri cooperatores officii, una cum rebus ipsorum immunitate & remuneratione Ecclesiastica pacifice gaudeant. Ut qui

sponte obsequiis Divinis & Ecclesiarum necessitatibus se subiciunt, nostris provisionibus consolentur. Sane quidem quorundam laicorum non satianda cupiditas tam in vita, quam post mortem Clericorum res & bona in DEI Omnipotentis & Ecclesiasticæ libertatis offensam, præjudicium, & gravamen impudenter & potenter invadit, totaliter occupat, adeoque violenter usurpat, quod alioquin ante-

Bertholdus, Burgravius Norimbergenfis, a Clemente VI. dictus Episcopus Eystetensis sedit in Cathedra hujus Ecclesiæ ab A. 1355. ad 1365. quo obiit.

Tonus IV. Concil. German.

F f f

antequam anima migret a corpore, ablati lectis, suppellectilibus, & facultatibus aliis, relinquuntur corpora solo stratu, & quo tradantur Ecclesiasticæ sepulture, defici substantia; ut nec decentes exequiæ valeant celebrari. Propter quod nonnulli Clerici sumptus inutiles faciunt & majores, dicentes, sibi nil velle in vita detrudere: ex quo post mortem rebus suis a laicis totaliter spoliuntur, & aggregata laboribus alieni diripiunt, nec de eorum substantia provideatur domesticis vel amicis.

Unde Societates Clerici insolitas adunt, sumptus superfluos subeunt, pauperibus eroganda vane dissipant, nec Ecclesiarum facultates, ut deberent, dispensantur.

Nos inculcatam sic sæpe querelam ad animum revocantes, laicali potentie, imo insolentie obviare, ac aviditatis & presumptionis morbo mederi, & provide providere curantes, Pastoralis suffulti præsidio, deliberatione super hoc cum honorabilibus *Raimondo* Præposito, *Goffrido* Decano, & Capitulo nostro diligenti præhabita, ipsorum accedentibus consilio & assensu statuimus, & ordinamus, auctoritate ordinaria concedimus, & præsentibus indulgemus, ut omnes, & singuli Ecclesiarum Rectores, Plebani, & Viceplebani, Capellani, & Altarium Capellani, quique Clerici seculares nostræ Diocesis, disponendi, & ordinandi de rebus suis mobilibus, & immobilibus, & easdem donandi, testandi, legandi, vel eorum duobus testibus idoneis suum testamentum condendi, seu nominandi, & recipiendi Executores sui testamenti, qui de rebus, ut præmittitur, testantis disponere valeant, plena potestate gaudeant, & liberam habeant facultatem, prout suarum salutis congruere viderint animarum, absque tamen Ecclesiarum & Beneficiorum suorum, quas & quæ obtinebant, vel obtinent, præjudicio sive damno. Et quicquid iidem nostræ Diocesis Clerici, vel eorum Executores de rebus suis, ut præmittitur, quibuscumque disposuerint, & ordinaverint, donaverint, vel pro sua expresserint ultima voluntate, id firmiter & inviolabiliter volumus observari, & debite executioni mandari: & nec per Nos, vel Successores, aut Officiales nostros, imo nec per quancumque per-

sonam Ecclesiasticam vel mundanam infirmari aliquantulum, vel infringi: mandantes, & firmiter injungentes, ac presentibus inhibentes omnibus & singulis presentibus & futuris, Nobilibus & ignobilibus, personisque Ecclesiasticis & mundanis, & specialiter nostris & Ecclesie nostræ Castellanis, officiariis, Judicibus, præconibus, nec non quibuscumque aliis, cujuscumque conditionis seu status existant, jurisdictionem a Nobis vel nostris Successoribus obtinentibus; ne quis quempiam Clericorum nostræ Diocesis cujuscumque gradus, conditionis, vel ordinis, in personis vel rebus, & contra prædictam libertatem perturbet, invadat aliquomodo, seu molestat in vita vel in morte. Siquis autem contra hanc nostram libertatem statutum seu ordinationem attemptare presumpserit, Omnipotens DEI indignationem se noverit incursum, & nostram seu Successorum nostrorum non eluset ultionem. Talemque ut rerum Ecclesiasticarum spoliatores per nostrum vel Successorum nostrorum Vicarium in Spiritualibus, vel Officiale Curie Eystetensis, qui pro tempore fuerint, usque ad restitutionem ablatarum, & satisfactionem condignam excommunicari volumus, & taliter procedere nihilominus contra ipsum mediante justitia juxta sacrorum Canonum sanctiones, ut quem timor DEI a malo non revocat, Ecclesiasticæ saltem coerceat severitas discipline. Siquis vero Clericorum nostræ Diocesis, ut præfertur, propriæ salutis immemor, suum testamentum coram duabus personis fide dignis taliter non conderet, & intestatus decederet, Volumus, & statuimus, quod de ejusdem intestati rebus, & bonis relictis, siquid ultra solutorum debitorum, & exequiarum suarum celebrationem supererit, disponatur per Nos, vel Successores nostros secundum sacrorum Canonum & antiquorum Patrum sanctiones, ac etiam secundum consuetudinem, per *Episcopos Prædictos* nostros hactenus observatam. Volumus etiam, quod in perpetuam hujus nostræ libertatis concessionis, & constitutionis memoriam per singulos Decanatus nostræ Diocesis, singuli Decani, Camerarii, Plebani, & alias quomodolibet Beneficiati, qui hac gaudere voluerint libertate, semel duntaxat

taxat in anno, videlicet secunda feria proxima post octavas Corporis Christi conveniant ad unam Parochialium Ecclesiarum, vel ad duas, si convenienter ad unum locum omnes venire non poterint singulis annis & perpetuo, & nihilominus ibidem duas Missas cum nota, Primam pro Episcopis Benefactoribus, & fidelibus defunctis, Secundam pro salute vivorum Episcoporum & Benefactorum, & pacifico statu Ecclesie; Alii vero Sacerdotes omnes & singuli alteram earundem Missarum sine nota, prout uniuscujusque conscientia dixerit & devotio, devote celebrent & attente. Mandamus etiam firmiter & districte in virtute sancte obediencie: quatenus singulis annis & in talibus congregationibus copia hujus nostre Constitutionis per Decanos & Camerarios legatur publice & aperte: insuper strictissime prohibemus, ne in talibus congregationi-

bus ulla fiat per Clericos & Sacerdotes enormitas vel excessus: cum vita Clericorum esse debeat laicorum & simplicium forma & specula. Unde sic unusquisque, cui Deus suum talentum credidit, & dispensandum tradidit, caute videat, ne vel scandali alieni quoque reatus & oculi sui propriis excessibus cumulentur. In quorum omnium testimonium & perpetuam roboris firmitatem presentes literas conscribi, & Nostri, ac etiam Capituli nostri supradicti sigillorum appensione fecimus communiri. Datum & actum Eystet. Anno Domini Milleesimo, trecentesimo, sexagesimo quarto, in crastino Sancti Martini Episcopi & Confessoris.

Joh. Haur. de Falkenstein inter Episcopatus Euchsadiensis Statuta Diocesis A. 1733. excusis Francofurti & Lipsia post Codicem Diplomaticum Nordgavicum pag. 45.

CONCILIIUM PROVINCIALE MAGDEBURGENSE

Anno Christi MCCCCLXX. Gregorii XL Papæ I
Caroli IV. Imp. XXIV.

AB (α) ALBERTO II. MAGDEBURGENSI ARCHIEPISCOPO
CELEBRATUM,

*In quo simul Antecessorum suorum, notanter BURCHARDI III.
Archi-Episcopi, Statuta innovantur.*

ALBERTUS, DEI GRATIA, SANCTÆ MAGDEBURGENSIS ECCLESIAE
ARCHIEPISCOPUS, UNIVERSIS PRÆLATIS, CAPITULIS, CONVENTIBUS,
CLERO, ET CLERICIS, AC CHRISTI FIDELIBUS TAM RELIGIOSIS, QUAM
SÆCULARIBUS SEXUS UTRIVSQUE, PER NOSTRAM MAGDEBURGENSEM
PROVINCIAM VENERABILIBUS CONSTITUTIS, IN DOMINO SALUTEM,
AC PRÆSENS OPUSCULUM GRATANTER ACCEPARE, LECTIONIS
STUDIO FREQUENTI MEMORIÆ COMMENDARE, ACCEPTA-
TUMQUE DISTRICTIUS EFFECTUALI OBSERVANTIA
ADIMPLERE.

Licet a diversis nostris Prædecessoribus, Conciliis diversis celebratis, plurimarum Statuta & diversa Provincialia, per quæ tam Clericorum, quam laicorum itatus resplenderet adornatus; vitiis repulsis, scandalis resecatis, & nocivis qui-

(α) Anno 1368. Dom. 1. Adventus introducitur Magdeburgum Albertus Bohemus, a Papa rogatu Caroli IV. ex Episcopo Olomucensi Magdeburgensis nominatus Archi-episcopus. Anno 1372. ab Archi-Episcopo Magdeburgensi ad Episcopatum Leitomischlensem transit. *Lentzen* pag. 337. ad 340.

Tomus IV. Concil. German.

F f f 2

quibuscumque eminus profugatis, edita & promulgata pervenerunt in lucem. Et quanquam felicitis recordationis Borchardus, Prædecessor noster novissimus, & tali nomine designatus, omnium Prædecessorum suorum, & nostrorum, Statuta, in unum collecta opusculum, sub certis rubricis adunasset, tamen modum & formam, quam alii Archi Episcopi in suis Statutis Provincialibus digne servarunt, prætermisit observare, causa congruenti ipsum pro temporis tunc concurrentis dispositione movente. Nos vero, Ordinem & Rubricas positas in Constitutionibus Sacre Rom. Ecclesie, quam sequi expedit, quia ex ipsa sola veritas conspicitur, sequi volentes, quia turpis est pars, quæ suo minime conformatur universo, Statuta Provincialia prædicti Borchardi, & aliorum Prædecessorum nostrorum, & quæ ipsis *in hoc præfati Concilio* per Nos edita, de consensu & approbatione Venerabilium Fratrum nostrorum, & Coepiscoporum nostræ Provincie: *Missumsis, Merseburgensis, Nuenburgensis, Havelbergensis, & Brandenburgensis*, adiecimus, aliis statutis Prædecessorum nostrorum immutatis, ac in melius reformatis, aliis etiam penitus resecatis, prout tempus exposcit, & causarum de novo emergentium facultas requirit ordinare, secundum Rubricas, & juxta Ordinem in Constitutionibus Romanæ Ecclesie observatum, præfenti opusculo fecimus inscribere minutatas, ut legentibus Provincie subditis, qui ad ipsum observantiam astricti tenentur, facilior sit aditus, & statuta ipsa, cum casus ipsorum, vel aliquis eorum in dubium venerit, faciles inveniendi sit. Statuta autem Prædecessorum nostrorum quæcumque, & cujuscumque tenoris existant, etiam Nostra, præfenti quæ volumine minime reperiuntur inserta, & præfentibus annumerata, volumus habere pro cassatis & rejectis, nec quemquam de nostræ Provincie ad ipsum observantiam in iudiciis vel extra, in actibus suis, sed duntaxat ad ea, quæ in præfenti volumine continentur, fore obligatum.

I. De Summa Trinitate, & Fide Catholica,

(b) Quæ propter sui exquisitissimam & probatissimam perfectionem, ac clarissimam & lucidissimam veritatem, adjectione vel declaratione ulla non indigeat, ad quæ inprimis tanquam principium, medium, & finem salutis omnium, corda, manus, & oculos elevamus devoti, nihil aliud est credendum, tenendum, vel dicendum, nisi quod Romana credit, tenet, docet etiam piissima, sanctissima, & prudentissima Mater nostra, ita tamen, ut omnes Prælati articulos Fidei principales fideliter suos subditos doceant, laicos simpliciter credere, sicut Ecclesia, (*) explicite & distincte.

(c) In primis igitur statuimus: ut si aliquis Clericus, vel laicus, utriusque sexus, cujuscumque dignitatis, religionis, vel status existat, ausus sit præsumptione damnabili publice prædicare, vel occulte docere, credere, vel tenere, quod Sacerdos in mortali existens peccato non possit contingere Corpus Christi, seu sic ligatus non possit solvere, ligare suos subditos a peccatis, pro hæretico & incredulo habeatur. Quem errorem *hujus sacri Concilii approbatione* damnamus, anathematizamus, & penitus reprobamus, cum sacre Scripturæ dicat auctoritas: quod siue bonus, siue malus sit Minister, per utrumque Deus effectum gratiæ confert; non enim, quæ sancta sunt, coinquinari possunt, nec ipsa Sacramenta potest hominum malitia profanare. Unde Sacerdos, quantumcumque pollutus existat, Divina non potest polluere Sacramenta, quæ purgatoria cunctarum contagionum existunt; licet ergo a quocumque Sacerdote, ab Ecclesia tolerato, Divina Mysteria audiantur, & alia recipiantur Sacramenta Ecclesiastica.

II. De Constitutionibus.

(d) Canonum Statuta primum, & demum Constitutiones Provinciales, tam a nostris Prædecessoribus, quam a Nobis editas, & præfentibus insertas, ab omnibus fieri ac inviolabiliter custodiri mandamus, sub obtentu jurium & honorum

(b) Albertus Archiepisc. ex Concil. Magdeburg.

(d) Idem ibid.

(*) Clericos vero

(c) Idem ibid.

norum eorum; post præsentem publicationem ignorans ignorabitur, & negligens negligetur.

(c) Statuimus: ut præfens libellus de Constitutionibus Provincialium in singulis Ecclesiis Cathedralibus sub sigillo nostro, ac deinde in aliis Collegiatis, & Conventualibus nostræ Provinciæ, infra tres menses a publicatione præsentium computandos, sub sigillo Diocesanorum, sine excusatione qualibet, habeatur conscriptus, & in Choro jaceat, ut sic patere possit cuilibet legere seu videre volenti. Ut autem communis utilitas in prædictarum constitutionum in notitiam luculentam cunctorum deveniat; Venerabilibus Fratribus, & Coepiscopis nostris injungimus & mandamus in virtute sanctæ obediencie, quatenus ipsas mox scribit faciant, ac anno quolibet in singulis eorum Synodis injungant toti Clero, ubi sic commode fieri poterit, aut alibi legi faciant, & injungant subditis suis, ut eas quilibet sibi procuret, & tenorem earum memorie recommender, & maxime Archidiaconis, & suis subditis, scilicet: ruralibus Archi-Presbyteris, & Presbyteris hoc injungant. Nos insuper, de omnipotentis Dei misericordia, & Beatorum Petri, & Pauli Apostolorum ejus auctoritate, nec non *Mauritii, & ejus Sociorum*, Patroni nostri, meritis confisi, omnibus vere poenitentibus & confessis, qui eas sibi comparaverint, legant, aut legi audierint, quotienscumque hoc fecerint, XL. dies de injuncta sibi poenitentia relaxamus.

(f) Præfenti statuto, *sacro approbante Concilio*, ordinamus, & mandamus districte observari, ut quilibet Episcopus cum suo Capitulo nostræ Provinciæ pro se, ac suis Capitularibus, Prælati, Religiosi, & secularibus, ac generaliter pro Clericis suæ civitatis, & Diocesis universis procurent, & habeant, sine defectu, constitutionem felicis recordationis *Frederici, & Caroli IV.*, Romanorum Imperatorum, quam & Nos cum nostro Capitulo, eo modo servare intendimus, & quantum possumus, nostros Successores exhortamur, sub Bulla Papali perpetuo durante. Volumus etiam, ut quater in anno quilibet Curatus civita-

tis & Diocesis nostræ Provinciæ, videlicet: Dominicis diebus immediate quatuor tempora sequentibus, suis Parochianis infra Missarum solemnia eandem pronuntiet publicando in lingua teutonica, & suos Parochianos ammonere diligenter, ut sibi caveant, ne in penas dictæ *Caroline* incendant laqueari. Volumus autem & mandamus, ut in singulis Synodis Episcopalibus, Prælati, & Clerici universis, ibidem præsentibus dicta *Carolina* diligenter publicetur, quam in præfenti statuto in fine volumus de verbo ad verbum annotari. (g)

III. De Rescriptis.

Cum secundum legitimas sanctiones, Præfens Provinciæ delegatos Principes, ad ipsius Provinciæ declinantes, non debeat ex officii debito sinere amplius facere, quam eorum legatio intendat;

(b) Attendentes, quod iudices delegati a Sede Apostolica, & a Legatis a Latere, vel aliis Legatis, conservatores deputati, gratiarum Executores, vel ab eis subdelegati iudices, subconservatores, vel subexecutores deputati, communiter vel divisim, potestatem eis habitam & mandatorum suorum fines transgredunt multis modis, & fraudibus exquisitis etiam Bullæ Apostolicæ, per nonnullos iniquitatis filios falsificantur, vel etiam alias ipso jure sunt nullæ. . . cum ergo processus, earum auctoritate fulminati, sunt ipso jure & facto nullæ, nec quis ad earum executionem observantiam tenetur obligatus, diversos fulminant processus, limites sui mandati excedentes, locum Ecclesiastico iurisdictioni, seu cessationi generali, pro rebus mobilibus, vel pro pecuniaria summa supponentes; Unde, sacro approbante Concilio, statuimus: ut nullus Plebanus, seu Vicarius, vel quicumque alius Clericus vel Prælatus citationem, seu processum aliquem a Iudice delegato Sedis Apostolicæ, vel subdelegato ipsius, vel a Legato dictæ Sedis Apostolicæ, etiam a latere, gratiarum executoribus, vel conservatoribus, vel ab ipsis communiter subdelegatis, vel divisim sibi directo, de citando quemcumque, monendo, vel trahendo &c. aliquatenus exequantur, nisi

F f f 3

(g) idem ibid.
(h) idem ibid.

(f) idem ibid.

(g) desideratur in MS.

nisi fuerint per *vidimus* Diœcesani approbati, pro quo *vidimus* Officialis, Episcopi, vel alius, qui hoc officium habet exercere, non amplius accipiet, quam III. solidus denariorum communium, & in illa Diœcesi currencium; contrarium faciens sit ab ingressu Ecclesiæ suspensus, quousque porti sic indebite exactionatæ duplum restituat.

Statuimus etiam: rescripta conservatoria Papalia, litteras gratiarum Legatorum quorumcumque, & subdelegationes, prædictis Officialibus, vel aliis, qui hoc officium gerunt per nostram Provinciam, pro examinatione diligenti facienda, & ut evitentur omnis falsitas & corruptela, exhiberi debere. Si autem contingit quemquam Plebanum, Curatum, seu Clericum, etiam in dignitate constitutum, in civitatibus & Diœcesibus nostræ provincie, per Iudices delegatos Sedis Apostolicæ &c. citari vel vexari pro eo, quod sine *vidimus* suæ Diœcesis eorum citationes & processus alios quoscumque, requisiti spreverint recipere, & executioni debitæ demandare; ex tunc Episcopus, cui prædicti Plebani, Curati, & alii Clerici subsunt, & in cuius civitatibus & Diœcesibus nostræ provincie sunt Beneficiati, ipsos totius Cleri sumptibus & expensis defendere non tardabit, cum ad ipsum spectet, & suam defendere jurisdictionem teneatur; nihilominus, si Episcopus in præmissis negligens inveniat, subdito, si quæ damna receperit, & expensas fecerit, ad arbitrium nostrum, vel nostri in Spirituallibus Vicarii sibi plenarie restituat, & cum effectu.

IV. De Electione.

(i) Item; quamvis provisum sit Canonice de illis nondum in sacris Ordinibus constitutis, quibus de Ecclesiis Parochialibus providetur, & qui tales Parochiales Ecclesias ea de causa dumtaxat recipiunt, ut eas bonis, & rebus inventis in eisdem, mobilibus præcipue (taceamus de alienatione rerum immobilium) possint spoliare, etiam fructus universos primi anni, infra quem deberent ad Sacerdotium promoveri, recipiunt, in usus suos convertunt minime promoti, di-
stas Parochiales Ecclesias sic spoliatas &

defraudatas tacite resignando vel expresse Patronis earum, & Collatoribus. Volumus autem jus, quod in casu illo providit ad permittentes infra annum, siue sine promoti, siue non, prorogari, ita ut bona inventa in dotibus Ecclesiarum prædictarum apud Ecclesias tales debeant sine qualibet diminutione suis Successoribus remanere pro eorum sustentatione. In præmissis vero reperi culpabiles, & delinquentes a perceptione Beneficiorum, quæ obtinent in Provincia nostra, volumus esse suspensos, nec fructus ipsorum posse facere suos, nec utilitatem suam debere convertere, donec ablata Priori Ecclesiæ cum omni restituant integritate.

V. De scitamento in Ordine faci- endo.

(k) Statuimus: ad terrorem malefactorum, ut universi Episcopi Provincie Magdeburgensis, ac eorum Vicarii, quando volunt, & debent ordines celebrare, committant Examinatoribus Clericorum ordinandorum, sub anathematis interminatione, ut inter cætera perquirenda si dehi diligentia perquirant, sub obtentu honoris præcipiendi, a singulis ordinandis, Religiosis cujuscumque Ordinis, vel secularibus, ut, si Patres, avi, ac progenitores eorum, usque ad quartam lineam ascendentem, captivaverint, captivatum detinuerint, occiderint, mutilaverint, proscripterint, bannaverint, disfidaverint Clericum in sacris constitutum, & pro Clerico se gerentem, etiam si in minoribus fuerit constitutus, & pro tali se gerebat, habitum, & tonsuram destituerint; eum, quem in aliquo præmissorum affectum per aliquem progenitorum suorum usque ad lineam memoratam invenerint, si factum istud sit notorium, vel scitum in loco nativitatis suæ, nullatenus admittant. Prælati vero, vel eorum vices gerentes, quorum interest investire, vel instituere præsentatos, ante investituram vel institutionem cum summa diligentia de his querant, & quos tales invenerint, vitio progenitorum laborantes, de quo præscriptum est, nullo modo instituant, vel investiant ad aliquod Officium Ecclesiasticum, etiam dignitatem: & si tales quovis modo per negligentiam ordinantium fuerint ordinati, vel

(i) idem ibid.

(k) idem ibid.

vel per propriam taciturnitatem, cum de hoc constitit; sint ab Ordinibus sic susceptis suspensi, & maneant, donec a suis Diocesani dispensationem meruerint obtinere. Instituti etiam in Beneficio, vel in claustris professi, vel Monasterio oblati, sint ipso facto, jure quod habent in Beneficiis, privati: oblato veto & professi a dictis claustris expellantur, vel saltem suspensi maneant ab Ordinibus sic susceptis, donec Diocesani sui cum eis dispensaverint, ipsorum metris, & laudabili eorum conversatione hoc exigente, & cum Beneficio instituti etiam Diocesani, prout viderint expedire, habeant plenam in his potestatem dispensandi: Examinatores insuper, & Prælati, ac eorum vices gerentes, qui secus in premissis agere præsumperint in futurum, per suos Superiores immediatos suspensionis sententia percillantur, alius etiam pro tanta negligentia per Diocesanos suos Ordinarios graviter puniendi.

VI. De Renuntiatione.

(J) Nullus Ecclesiam vel Beneficium Ecclesiasticum dimittere, vel recipere præsumat, sine Superioris sui auctoritate, qua sub pena suspensionis, omnibus firmiter inhibemus, etiam quodcumque fuerit, Curatum, vel non Curatum, quod ea de causa recepit dumtaxat, ut sub ipsius titulo ad sacros Ordines, & ad Sacerdotium promoveatur. Nam decens est, ut in recipiendo Beneficia Ecclesiastica, Canonum statuta observentur, sic & pari modo in dimittendo, & in renuntians Beneficio, seu Beneficiis Ecclesiasticis, debent Canonibus observari.

VII. De Temporibus Ordinationum.

(m) Statuimus, quod nullus ad examinationem aliquatinus admitatur, nisi ante constetatur omnia sua delicta idoneo Sacerdoti: & quia pauci sunt, qui sua delicta, vel sequelas intelligant delictorum, ideo per differentem Confessorem debet instrui ordinandus, & talem, seu tales, Vicarius Episcopi, qui statuta Canonum non ignorat, seu alios idoneos pro ordinandis, secundum ipsorum pluralitatem, seu paucitatem, tempore ordinationis deputabit, etiam in loco, ubi

continget Ordines celebrari, vel Vicario in Pontificalibus, qui Ordines celebrabit, si de ejus puritate conscientie confusus fuerit, tribuet facultatem ordinandos in confessione expediendi. Et talibus Confessoribus injungimus, sub interminatione maledictionis æternæ, ut ordinandos, quos invenerint repellendos in foro suo, id est: animæ, ubi factum est occultum, amoneant, ne quovis modo ad Ordinum suscepciones procedant: si autem casus eorum non præstaret eis perpetuum impedimentum, sed esset dispensabilis per Episcopum suum, vel Papam, vel per alios, sicut Archi-Episcopum, vel per Cardinales, certis in casibus eis specialiter reservatis, pro dispensatione remittant ad eosdem Superiores obtinenda.

VIII. De Clericis peregrinis.

(n) Nullus in Ecclesia sua ignotum, seu peregrinum de alia Diocesi venientem ad celebrationem Divinorum in publico præsumat admittere, licet formatus, seu litteras suæ ordinationis exhibeat, nisi & ostendat litteras Diocesani Episcopi, vel ejus Vicarii, in cujus Diocesi se petit admitti, in quibus continetur expresse, quod in ejus Diocesi in Spiritualibus habeat licentiam celebrandi; ne ignoti, & de longinquo venientes, qui frequenter sunt apostate, criminosi, & irregulares in sua temeritatis malicia foveantur, & tribuatur audacia Divina prophanandi. Contrarium facientes in una marca puri, & defecati argenti, pro admissione qualibet per loci Archidiaconum puniantur: si vero Archidiaconatus non habeatur, per loci Diocesani, vel ejus Vicarium in Spiritualibus, cujuscumque etiam dignitatis fuerit, Abbas, Præpositus, seu Decanus, medietatem, reliquam vero medietatem fabricæ Cathedralis Ecclesiæ convertendam.

IX. De officio Ordinarii.

(o) Cum quilibet Archi-Episcopus, & Episcopus, Canone disponente, tenetur Dominicis diebus singulis, & Festivitatibus aliis, præsertim summis, in Ecclesia suo populo sibi credito se præsentem exhibere, Missam celebrare, verbum Dei proponere, Indulgentias dare, unde

(J) idem ibid.
(o) idem ibid.

(m) idem ibid.

(n) idem ibid.

unde præcipimus: ut quilibet Episcopus nostræ Provinciæ, maxime in summis Festivitatibus, nisi necessitate prohibente, vel causa rationabili excusante, sit præsens in Ecclesia sua Cathedrali, verbum Dei proponat, vel se præfente per alium idoneum proponi faciat, & Indulgentiam populo det, Missam in eadem Ecclesia devotius celebrando.

(p) Post hæc statuimus: ut singuli Episcoporum nostræ Provinciæ suos carceres habeant juxta Ecclesiam Cathedrali, pro Clericis dumtaxat, & specialiter. Itaque nullatenus cum suribus, & aliis ultimo supplicio deputatis, vel deputandis Clerici detineantur, sed in carceribus, in quibus falsarii Clerici, vel Monachi incorrigibiles, & apostatæ, vel alii, qui hoc meruerunt, recludantur perpetuo, vel ad tempus, prout eorum exposcerit excessus, ad quod efficacius consequendum aliæ Ecclesiæ, si opus fuerit, subsidium conferant & juvamen; Episcopus tamen cum suo Capitulo carcerem procurabit apud Ecclesiam majorem, vel in alio loco congruo, & eisdem carceris unum, vel plures, secundum quod opus fuerit, suis sumptibus & expensis, juratos tamen prius, quod fideliter velint præesse incarcerationis, & eos custodire diligenter, & humaniter tractare, deputabit, & de expensis nihilominus etiam incarcerationis providebit, juxta Canonum Præcepta, in victu pariter, & amictu.

X. De Officio delegati.

(q) Qui frequenter injuriati Clerici saculares, vel Religiosi, facultatibus destituti, vel minus idonei, etiam si eis rerum affluentia favit copiose, vel metu concussi, & tali, qui merito cadere debet in constantem virum, contra suos Injuriantes pro justitia consequenda cum satisfactione debita non præsumunt actionem intentare: statutorum nostræ provinciæ etiam Executores in civitate, vel Diocesi deputati, ubi Clerico, vel Religioso injuria illata est, injuriantium potentiam perhorrescentes, contra tales, requisiti per dictos Clericos, vel ex suo Officio procedere, & processus fulminare formidant; Ne ergo Injuriantes & Cle-

ricis secularibus, seu Religiosis injuriam seu violentiam, & bonis Ecclesiarum suarum in suis juribus, & libertatibus, familia, consanguineis, nepotibus, vel neptibus inferentes, transeant impuniti, & de suæ temeritatis violentia commodum reportent, gloriantes cum illis, qui *latentur cum malefecerint*; Sacro igitur approbante Concilio, præfenti statuto ordinamus: ut Clerus cujuslibet civitatis, & Diocesis nostræ Provinciæ habeat unum, vel plures Procuratores Fiscales, quos etiam in locis congruis, & securis, ubi Tyrannorum potentiam non habeant formidare, Episcopus loci cum consensu sui Capituli, Prælatorum, & sanioris partis Cleri suæ civitatis, & Diocesis deputabit, qui Clericorum secularium, Religiosorum injuriam, & Promotores Curie, cum Clerici injuriati saculares, vel Religiosi propter inopiam vel injuriantium potentiam, suam justitiam contra injuriantes prosequi non præsumunt, dictorum injuriatorum justitiam coram Executore loci *Kölnius*, vel *Urbani* prosequi festinabunt; & requisiti procurerit processibus juxta statuta nostræ Provinciæ cum suis penis contra injuriantes & usque ad satisfactionem congruam promulgari, & per subditos nostræ Provinciæ arctius observari: prædicto vero Procuratori Fiscali, seu Procuratoribus, Episcopus loci, & per quem suo Clero fuerit, vel fuerint deputati, eis de expensis, quas in prosecutione injuriarum, & pro injuriatis Clericis, vel Religiosis facient, si injuriati prædictis Procuratoribus de stipendio congruo pro suis laboribus, & expensis satisfacere noluerint, seu inopia eos excusante non potuerint, providebit.

(r) Congruum reputamus, & consonum equitati, quod Executores statutorum nostræ Provinciæ, sibi debeant, necessitate seu utilitate urgente, in vicem suffragari; unde præfenti statuto sanximus: quod quilibet Executor, dum super processibus, & sententiis per eum in sua Diocesi factis, & habitis, Executorem alterius Diocesis super eis publicandis, ac etiam observandis duxerit per suas litteras requirendum, quod idem requisitus, occasione postposita, nisi in

(p) Idem ibid.

(r) Item ex eodem.

(q) Idem ibid.

(r) Borchardus Archiepisc. ex Concilio Hallensi.

necessariæ indispensabili se excusare volent, requisitionem admittere teneatur.

(f) Si Executor in aliqua Dieceſi noſtræ Provinciæ deputatus, executionis ſuæ miniſterium facere negligat, ſeu deſineat conquerenti, & poſſimum per Procuratorem ſiſcalem requiſitus, ad inſtantiam injuriæ paſſi, ſeu pro eo: ex tunc ad Epiſcopum loci Ordinarium in caſu hujusmodi recurratur, qui Executor ſuum pro commiſſa negligentia corrigat, & ad faciendum debitam executionem compellat, adſicientes: quod nec per Nos, nec per Coepiſcopos noſtros ſententiæ Executorum rite & rationabiliter late, de factis poſſint vel debeant revocari, nec eorum officium aliquatiter impediri.

(g) Cum Statutorum noſtrorum remediſ intendamus, contra notorias injurias & violentias provide decernimus: quod Executores Statutorum hujusmodi ad ea, quæ judicialem indaginem exigunt, ſe nullatenus intromittant, nec ad talia, quæ ordinem judicium requirunt, ſuam extendant aliquatenus poſteſtatem, quia in talibus juris & judiciorum ordinem ſervare juxta Canonum inſtituta expedir & rigorem.

(h) Plerumque tamen id, quod notorium aſſeritur, apud Executorem notorium non habetur, & ob hoc teſtes quinque producantur a parte, ut Executor de notorio ſiles ſiat; unde a quibuſdam revocatur in dubium: an executor exceptiones propoſitas contra teſtes productos ad notorium oſtendendum admittere teneatur; & licet ſuper eo diverſi Doctores ſentire diverſimode videantur, quibuſdam aſſentiens, exceptiones hujusmodi debere admitti, aliis vero aſſerantibus, ipſas in caſu hujusmodi repellendas; Nos tamen decernimus & declaramus, illi opinioni favore Eccleſiarum, & Eccleſiaſticarum perſonarum poſius adhaerendum, quæ exceptiones tales aſſerit non eſſe contra teſtes hujusmodi admittendas; tales namque ad judicem ordinarie procedentem, non autem ad Executorem, qui circa notoria intendit, pertinere videntur: niſi exceptiones obſectæ adeo ſorent

ſufficientes & notoriæ, quod nulla poſſent tergiverſatione celari, quod diſcreti executoris arbitrio duximus relinquendum.

XI. De Majoritate & Obedientia.

(x) *Sacro appropinquante Concilio*, ſtatui-
mus: ut nulli Clerici Nobilium Capellani, in Capellis caſtrorum Dominorum ſuorum celebrare præſumant, ſeu conferre Sacramenta Eccleſiaſtica, niſi ante Epiſcopo loci, ſi diſctæ Capellæ ſubſint Epiſcopo immediate, & ad eas habeat inſtituere: vel alteri Plebano, Archidiacono, Præpoſito, Decano Rurali, qui habeat jus in diſctis Capellis, manua-
lem obedientiam faciant, & ad Synodos veniant, & Capitula, certis temporibus & ſtatutis, recepturi, & mandata Eccleſiaſtica; & prædicaturi ſuis Dominis & eorum Caſtreanſibus, Secundum quod fuerit oportunitas: cum Plebani, in quorum terminis caſtra conſiſtunt, hoc facere frequenter non audeant propter tyrannidem Dominorum. Qui autem, ante obedientiam ſic præſtitam Prælatiſ, ut præmittitur, quibus ſubſint immediate, Capellas tales officiari præſumpſerint, ſint ipſo factis excommunicati, & nuntientur per Eccleſiarum Rectores tanto tempore, quouſque ſatiſſificent & obediant, ut dictum eſt.

XII. De his, quæ vi, metus &c.

(y) Cum obedientia potentiffime meritum vite conferat, & victimis præfertur, in quibus aliena caro, ſed in ipſa propria Deo conſecratur; nonnunquam plures Plebani, Sacerdotes, & Clerici hoc minime attendunt, & cum eis Superiorum mandata diriguntur, etiam pro executione debita faciendâ requiſiti, tanquam vano metu conculſi, & talem allegantes, ipſa mandata ſeu proceſſus exequi, & debite executioni mandare, in ſuarum animarum periculum contemnunt, pœnas diverſas Eccleſiaſticas frequenter, & legales aliquando ob hoc miſerabiliter incurrunt laqueati, & dum pro Chriſto, & ipſius Sponſæ, Sanctæ Matre Eccleſiæ, cuius ſtipendio, & Chriſti patrimonio laute reſiciuntur ſaginati, ex adverſo aſcendere, ac pro libertatibus con-

(f) Idem ex eodem.

(g) Idem ex eodem.

(h) Idem ex eodem.

(x) Albertus Archiepiſc. ex Concil. Magdeburg.

(y) Idem ex eodem.

Tome IV. Concilior. German.

conservandis bellare refugiant; quapropter censura Ecclesiastica contemnitur, nervus disciplinae Ecclesiasticae dissolvitur, clavium potestas ludibrio fit & vilescit; Sævi hujus igitur Concilii provida deliberatione sanximus diffinientes: ut nullus Prælatorum, Plebanorum, Curatorum, seu Clericorum nostræ Provinciæ debeat se excusare, quo minus requisitus, ad executionem mandatorum suorum Prælatorum &c. procedant, & debite exequantur, & ipsi eadem observent, & per suos faciant observari: etiam si pœnas & censuras contineant Ecclesiasticas, seu legales, etiam si merum corporum & rerum suarum temporalium amissionem pro sua allegent excusatione inane: cum revera quisque Prælatum, Plebanum, Curatum, & Clericum (taceamus de laicis) potius debet omnia mala pati præsentis status, quam malum inobedientiæ incurrere: etiam si per idoneos testes coram Superiore, a quo mandata & processus diriguntur, se offerunt paratos ad probandum hujusmodi merum: in his enim, quæ in non faciendo consistunt, upote cum mandatur non communicare cum excommunicatis, non celebrare in locis interdictis, aut coram majoris sententiæ excommunicatis, seu aliis hujusmodi, nullus omnino, nec rerum, nec corporum, probatus meritis, quemquam possit vel debeat excusare a talium observatione firmiter & intrepide exequenda. Quia melius est viam veritatis non agnovisse, quam ut quis post agnitam ab ea discedat, ut propheta: & idololatra sceleratus.

XIII. *De alienatione Judicii mutanda &c.*

(a) Quia plerumque cessiones actionum in fraudem fiunt, aliquando vero pure & simpliciter ex causa legitima, vel ex causis, statuimus: ut cessiones actionum, quæ iustis causis, vel causa procedunt, in præsentia ipsorum Episcoporum, vel Judicum, vel Officialis ipsorum, & de licentia eorundem, si subsint legitimæ causæ, fiant; jurent etiam, cedentes, quod non simulate, sed vere cedunt, aliquin secus (*) stans decernimus non tenere.

(a) Et quia quidam propter potentiam, quidam propter crudelitatem

magnam personaliter citari non possunt, quidam etiam, qui in castris habitant, ita quod nulli propter eorum tyrannidem citatio ad eos pervenire, vel aditus haberi securus subinqueat; idcirco provida & necessaria deliberatione statuimus: ut contra tales citationis edictum apud Parochialem Ecclesiam ipsorum publice & legitime proponatur; quod si Parochialis Sacerdos eos citare non possit, & hoc coram Superiore, non simplici vel proprio juramento, sed iustis probaverit documentis; in Cathedrali Ecclesia tribus Dominicis diebus continuo citentur in ambone, dummodo citandi infra unam dietam sint a Cathedrali Ecclesia distantes: alioquin ad tres quindenae solemniter evocentur, & ex tunc contra hujusmodi, ac si personaliter citati fuerint, procedatur; ne ex malitia hujusmodi valeant commodum reportare.

XIV. *De foro competenti.*

(b) Præterea, quidam crudeles homines & perversi, dum ad forum Ecclesiasticum in causis etiam, in quibus habet Ecclesia merito judicare & cognoscere, ab actoribus evocantur, illius auctoritatis, qua dicitur: *Qui (c) bonrat missum mittentem bonrat*, immemores existentes, Nuncios Ecclesiasticorum Judicum, citationis, executionis, vel alias judiciales, & jurisdictionis litteras deferentes, verbis quandoque probrosis, & diris verberibus afficientes, quosdam etiam captivos vulnerantes, mutilantes, & nonnullos occidentes, alios interdum suis rebus temere & publice spoliantes, multipliciter afficiunt, & perturbant, & impediunt citationem, & litterarum executionem, & in non modicam Ecclesiasticæ libertatis contumeliam & injuriam. Considerantes igitur, malitiis hominum non esse aliquatenus indulgendum, hoc sacri approbatione Concilii, duximus statuendum, ut reus, nuncios actus judicialia deferentes, per se, vel per alium verberans, spolians, vulnerans, mutilans, occidens, & captivans, lites etiam non contestata, auctoritate hujus Concilii, habeatur penitus pro convicto: Actor vero in causa reconventionis similia perpetrare per se, vel per alium non formidans, super instituta contra eum actione amplius nullatenus audiat, & infu-

(a) Idem ex cod.

(b) Idem ex cod.

(*) *lego: pacta, vel cessa*

(c) *Luce IX, 48. X, 16.*

(d) Idem ex cod.

insuper uterque, ac omnes alii, qui nomine ac occasione eorum talia præsumpserint, usque ad condignam satisfactionem læso, & iudicibus, lummaria cognitione super huiusmodi forfacto præhabita, percellantur adeo iustis & gravibus poenis, ut alii metu poenæ a similibus arceantur: ita etiam, quod si tales sint Clerici, poena in captivantes Clericos, vulnerantes, mutilantes, verberantes, & occidentes, promulgata, in Statutis nostris Provincialibus, & Prædecessorum nostrorum huic volumini inscriptis usque ad satisfactionem congruam districtius observetur, poenis etiam a Canonibus & Legibus, talibus inflictis nihilominus rigore observatis.

Præterea, huius approbatione Concilii, statuimus: & vobis universis & singulis Rectoribus Ecclesiarum Parochialium, seu vices eorum gerentibus, per nostram Provinciam constitutis, sub poena suspensionis ab ingressu Ecclesiæ precipimus, & mandamus: quatenus omnes tam Clericos, quam laicos, in terminis Ecclesiarum vestrarum constitutos, cuiuscumque dignitatis, nobilitatis, conditionis, aut status existant, publice in vestris Ecclesiis moneatis: ne jurisdictionem Ecclesiasticam, nuntios, mandata nostra, seu litteras nostras, vel Judicum nostrorum, etiam nostrorum Suffraganeorum, & Judicum Ecclesiasticorum quorumcumque nostræ Provincie deferentes, verberando, offendendo, &c. seu ipsas litteras lacerando, vel quocumque alio modo impedire præsumant; alioquin contrarium facientes, sententiam excommunicationis incurrere volumus ipso facto, & excommunicatos nunciamus, & ab omnibus arctius evitandos singulis diebus Dominicis, accensis candelis, & pulsatis campanis, cum Nobis de hoc per evidenciam facti confiterit: etiamsi aliud mandatum nostrorum Judicum, seu Suffraganeorum nostrorum, vel eorum Judicum super hoc non receperitis, in vestris Ecclesiis publice nuntiatis, quosque a sententiis excommunicationum huiusmodi per Nos, vel Iudices nostros, seu nostros Suffraganeos, vel eorum Iudices, sicut in civitate, vel Diocesi, vel altero eorum excessus hu-

jusmodi commissus reperitur, fuerint legitime absoluti. Adjuvamus insuper, quod quilibet Episcopus in sua Diocesi, prout sibi expedire videbitur, super statutis huiusmodi valeat dispensare.

(c) Cum laici, etiam cuiuscumque dignitatis, status, & præminentie fuerint, de rebus Ecclesiæ disponere non habeant, multo fortius Prælatos, & Clericos, seu quemcumque de personis Ecclesiasticis, vel laicam religiosam alicui religioni dedicatam, etiamsi nondum fuerint tacite professus, vel expressè, cum omnes tales sint in sortem Domini electi, & a seculari potestate, & iudicio tam in criminalibus, quam in civilibus Christi privilegio exempti; unde universis Iudicibus secularibus per nostram provinciam constitutis districtius inhibemus, & mandamus, ne quonquam Prælatum, tam regularem, quam secularem Clericum, vel laicum Religiosum contra Ecclesiasticam libertatem ad cuiuscumque instantiam laici, vel Clerici, vel ex suo officio ad iudicium trahere seculare per se, vel per alium procurent, etiam ipsum iudicare, vel sententiarum præsumant: actor vero, si laicus fuerit, qui hoc procuraverit cum iudice, ambo sint majoris excommunicationis sententia ligati ipso facto, quos sic citatos, & Iudicis Officialis Episcopi in Synodo Episcopali, & in propriis eorum Parochiis, ac aliis vicinis sic excommunicatos, donec parti citatæ, & Episcopo loci de huiusmodi excessu satisfactionem præstiterint ad condignum, publice faciat denunciare. Clericus vero, qui sic procura verit Clericum alium, ad sui, vel alterius instantiam, ad iudicium evocare seculare, sit ipso Beneficio suo meliori, si plura obtinet in nostra provincia, ipso facto privatus; si vero unum dumtaxat, eodem etiam ipso facto sit privatus; si vero nullum Beneficium obtinet in nostra provincia, domicilium tamen habens, aut aliunde veniens, hunc excessum committens in nostra provincia, propter quem se subditum nostræ jurisdictioni facit; volumus præfenti constitutione esse inhabilem ad Beneficium Ecclesiasticum in nostra provincia obtinendum; donec a Nobis, si hunc excessum commiserit in nostra Diocesi, vel civi-

(c) Idem ex eodem.

civitate, seu a nostris Suffraganeis, in quorum civitatibus, vel Diocesis, vel alterius eorum huiusmodi excessus commiserit, satisfactione condigna præmissa, fuerit cum eo interim indultum.

XV. De Fide Instrumentorum.

(d) Cum ex eo, quod plerique adeo rudes, & ignari inveniuntur, quod per se protocolia facere penitus ignorent, & alii, se Notarios publicos mentientes, conficere instrumenta præsumant, ex quibus incommoda, & pericula oriuntur, quibus Noa obviare volentes, prohibemus: ne pro Notario publice quisque se gerat, vel quævia instrumenta conficiat in nostra provincia, vel quisquam eis utatur confectis, antequam de creatione sua loci Diocesano, vel ejus Officiali fecerit plenam fidem; contrarium faciens, excommunicationis sententiam incidat ipso facto, & instrumenta per eum confecta sint irrita ipso facto, & alias per loci Diocesani, conficiens cum utentibus scienter, poena debita puniatur.

XVI. De Jurejurando.

(e) Cum Legia veteris auctoritas, & Evangelica veritas invincibilis præcipiat, quod omne verbum in ore debeat stare duorum, vel trium. Unde prohibemus omnibus Spiritualibus, & secularibus iudicibus, ne de cætero in iudicio in quacumque causa, juramentum deferant decisorium reo, adversa parte volente intentum suum per testes probare fide digna, & hoc potente.

XVII. De Exceptionibus.

(f) Quoniam exceptio de loco non tuto nonnunquam ad fugam ab opponente confingitur, ut ejus ope eviteretur iudicium, & conquerens defraudetur: id quod, sicut experientia docuit, plerumque fieri consuevit coram Executoribus statutorum nostre provincie: quamvis autem exceptio eadem adeo videatur legitima, quod si repulsa fuerit, licite valeat appellari. An igitur Executor statutorum exceptiones huiusmodi teneatur admittere vel repellere, non immerito dubitatur. Unde, juxta prudentum consilium, ac doctrinam, duximus statuendum:

dum: quod si quis coram Executoribus, locum ad quem curatus existit, sibi oggerit non securum; idem excipiens, ad mandatum Executoris debeat exprimere coram eo, quid illo loco securo, quem postulat, velit proponere vel probare, & si tale quid exprimere iussus contumaciter recitaverit, extunc Executor in negotio proposito, tali exceptione non obstante, procedere non obmilet: si vero aliquid vel aliqua dixerit exprimendum, Executoris relinquatur arbitrio, an super tali aut talibus expressa sit exceptio admittenda, & locus alius securus super expressis & propositis assignandus.

XVIII. De Appellationibus.

(g) Quia sæpe contingit in causa appellationum, ad Noa a nostris Suffraganeis appellari; statuimus: ut si infra duos menses, huiusmodi appellantes, prosequi appellationes suas non curaverint, ex tunc per inferiores Iudices, a quibus appellarunt, in pristinas sententias extrudantur, & tam diu eisdem ligati publice nunentur, quousque iusta causa cessante, ad appellationum suarum prosecutionem redire festinent, vel pareant iudicatis.

XIX. De Vita, & honestate Clericorum.

(h) Ad hæc, quia Clerici vagabundii, qui *Everhardus* dicuntur, quorum vita Deo odibilis est, Clericos, & ipsos laicos scandalizant discurrendo per terras, in villis, quæ earent propriis Sacerdotibus, celebrare præsumunt; statuimus: ut tales ad mandatum Diocesani, vel loci Archidiaconi teneantur in custodia carcerali.

Contra illos Clericos militares, & præsertim in sacris constitutos, qui Clericali schemate derelicto, comam nutriunt, gestantes habitum laicalem; demum post tyrocinia, & actus alios militares, quos interdum exercent, habitum pristinum resumentes, ad Beneficia priora se admitti impune desiderant, sic terram *vitis duas* ingredi non verentur, Hoc *Sacro Concilio* approbante, statuimus: ut apostantes huiusmodi, si a Prelatis suis, & Capitulis evocati, ad suas Ecclesias, & Præbendas redire voluerint,

(d) Idem ex cod.

(e) Idem ex cod.

(f) Borchardus Archiep. ex Conc. Hallens.

(g) Albertus Archiepisc. ex Concil. Magdeburg.

(h) Idem ex cod.

rint, non aliter admittantur, nisi disciplinæ Clausstralis carcerem tanto tempore sustineant, quanto a suis Ecclesiis eos confiterit taliter aberrasse, & sic reversi debent ultimum in Choro, Capitulo, aliisque actibus, locum duntaxat perpetuo obtinere.

XX. De Cohabitatione Clericorum.

(i) Attendentes, quod omnibus Dei Ministris, & in ejus sortem sua providentia electis, sit a sacris Canonibus præceptum, ut non solum abstineant a malo, sed etiam ab omni specie mali. Unde quolibet Canonicos, tam Cathedralium, quam Collegiarum Ecclesiarum nostræ Provincie, ceterosque Beneficiarios hortamur, & in visceribus Christi obsecramus, ne amodo in stussis, venariis, & publicis balneis recipiant, ubi suspectarum personarum præsentia se præbet frequenter scandalose; sed in stussis suarum Ecclesiarum balnea sua faciant, personis suspectis longe exclusis; has autem stussas in singulis Ecclesiis Cathedralibus, & Collegiatis nostræ provincie, si non habeantur, volumus ædificari, vel si sunt defectuosæ, infra mensem restaurari, & debitis temporibus calefieri, idque ad minus de quindena in quindenam, deputatis ad hoc consuetis & honestis ministris.

Religiosis universis nostræ provincie in Monasteriis degentibus, quibus urbium locorumque publicorum aditus omnino interdictus est, prohibemus præsentis nostri statuto, ne quis de cætero in stussa publica, extra septa sui Monasterii, balnea subire attemptet: præsens etiam statutum ad Sanctimonialia nostræ provincie, prout concernit Religiosis, observandum extendimus. Transgressores vero hujus statuti volumus, si Canonici sunt, vel Beneficiati, per suos Episcopos pœna debita emendari, si vero Religiosi vel Moniales fuerint, pœna graviore post carceralem, per suos Prælatos præcipimus emendari.

Attendentes insuper, quod scriptum est, & dictum præcipue Sacerdotibus, & Clericis universis: *Sancti estote, quia Sanctus Ego sum*: (k) Præcipimus, hujus approbatione Concilii, ut universi in sacris Ordinibus constituti, studeant caste

vivere, quatenus in conspectu omnipotentis Dei, puro corde, & mundo corpore valeant ministrare. Si quis autem Clericorum deinceps visus fuerit incontinentiæ vitio laborare, publice concubinam secum detinendo, vel alias a se positam in domo nutriendo aliena, post ammonitionem Canonicam ei per Prælatos suos immediatos factam verbo, vel scriptis, illam de sua domo non expulerit, vel a se positæ victum & amictum non subtraxerit, Officio, & Beneficio suo priverit; si vero nec sic, fautorem libidinis suæ curavit evitare, quia crescente contumacia, crescere debet & pœna; anathematis gladio feriatur. Qui vero concubinas ulque ad hæc tempora tenuerunt, ne delictum præteritum transeat impunitum, eos sub tali pœna duximus religandos, ut si Canonici fuerint, vel Beneficiati, in Ecclesia eorum XL. diebus in claustris suis quadragesimali cibo vescantur; si autem hoc agere contempserint, Præpositis, Decanis, & Capitulis Ecclesiarum suarum, sub anathemate prohibemus, ne prædictarum fructus eis ministrarent, vel ad chorum, vel ad confortium eos admittant, nisi digna poenitentia, de qua præmittitur, persacta plenarie. De Clericis concubinariis ruralibus, rigor superius expressus fervetur, quorum Archidiaconi, si eos in suis iniquitatibus voluerint confovere, vel eorum dissimulare excessus, sciant ab officiis se suspendendos.

XXI. De Institutionibus.

(l) Cum frequenter magis a tramite Regulæ, & Statutorum observantia deviare videntur, qui amplioribus privilegiis præfulgent, præsertim Hospitalarii Fratres de Domo Teutonica; sanximus, ne Ecclesias Parochiales, quas unitas sibi & incorporatas habent, per suos Confratres officiare præsumant, sed Clericos seculares, & idoneos, Episcopo, sive Archidiacono loci infra debitum tempus præsentent, qui istos instruant tanquam perpetuos Vicarios in eisdem, ordinata ipsis portione congrua, & jurabunt dicti Fratres pro se, & suo Conventu, quod hujusmodi portionem dicto instruendo per pactum non minuent, vel alias quocumque modo sibi auferent in parte, vel

G g g 3 in

(i) Idem ibid.

(k) Levitici XI, 44.

(l) Idem ibid.

in toto, & quod dictum Vicarium sic instituendum non procurabunt amoveri, cum talis titulum habeat perpetuum in Beneficio.

Præterea statuimus: ne Religiosi cujuscumque Ordinis existant, fines privilegiorum suorum excedant. Si qui etiam Religiosorum, per donationem, vel alium legitimum titulum, jura Patronatus aliquorum Beneficiorum Ecclesiasticorum acquisiverint, talia Beneficia, propria temeritate, suis usibus non usurentur; sed ipsis vacantibus, ad ea Sacerdotes idoneos seculares, per quos regi consueverunt, non Fratres sui Ordinis, vel alterius præsentent, nec bona ipsarum Ecclesiarum corporalia, vel incorporalia, seu libertates quascumque detracta, suis Monasteriis seu Domibus applicare præsumant; contrarium facientes, auctoritate præsentis constitutionis Jure Patronatus, quod ad ipsa Beneficia habuerunt, privari volumus, & jus Patronatus ad loci Dioecesanum, sine omni exceptione, devolutum volumus. Si quas etiam Ecclesias Parochiales, infra quarum limites, granges de Monasterio habuerint, terras, agros, prata, vel vineas, aut alia bona, de quibus jure decimasolvere tenentur, in decimatione defraudaverint, omnes ipsis ad hoc opem, & operam dantes, & ipsorum servitiis intendentes, decernimus ipso facto sententiam excommunicationis incurrisse.

Item; cum Beneficia Ecclesiastica sine diminutione conferri debeant; quidam Ecclesiarum Patroni, personis idoneis prætermisissis, tales ad ea præsentent, qui paucis debeant esse contenti, reliquum suis usibus applicando; unde ad hujusmodi mali perniciem extirpandam statuimus: quod si tales Clerici portione debita se spoliare sinerent, ad Episcopum suum querelam non detulerint, auctoritate hujus consilii, sint ipso facto suspensi, & nihilominus eidem Ecclesiis præventur per Episcopum, & de Plebano idoneo providetur ipsis Ecclesiis, seu Beneficiis. Si vero ad Superiorem querelam detulerint, ipse Patronum per censuram Ecclesiasticam ab hujusmodi molestatione compescat, adjiciendo nihilominus, quod si in hoc pertinax Patronus exstiterit, jure præsentandi sit priva-

tus, & Episcopus, ut ante, Patronatus jure fungatur.

XXII. De rebus Ecclesie non alienandis.

(1) Hoc Sacro Concilio approbante, districtius inhibemus; ne aliquis Episcopus, vel Prelatus, Capitulum, vel Conventus, aliqua bona immobilia Ecclesie sub pignoribus ponant, aut alienent sine expresso consensu Episcopi, & juris solemnitatibus, quæ in hujusmodi alienationibus requiruntur, alioquin factum ipsum decernimus irritum, & inane, & Episcopi, qui hoc fecerint, ab ingressu Ecclesie suspendendi: alios vero Prelatos ab Officio, & Beneficio: personas vero alias excommunicationis sententiae ipso facto decernimus subjacere.

Item; de rebus Ecclesie, & ornatu, nulli privatæ personæ ad obligandum aliqua concedantur, & si aliquibus sint concessa, illa infra infra mensem redimere, & Ecclesie restituere compellantur.

Item statuimus: ut proventus fabricæ, uni, vel duabus personis fide dignis committantur, qui eos ad opus Ecclesie convertant utiliter, & justam de ipsis reddant rationem. Et quia pauci sunt in singulis Ecclesiis, qui prædia, & redditus plene cognoscunt; statuimus: quod prædia, redditus, & servitutes Ecclesiarum, Monasteriorum, Officiorum, Beneficiorum etiam laicorum, qui Ecclesie specialiter obsequuntur, in duobus libris conscribant, & quibus terminis redditus præmissorum sint colligendi; quorum unus ponatur in loco Ecclesie, vel Monasterii turo; alius vero liber reservetur ubi privilegiis, & clenodia reservantur.

XXIII. De Pignoribus.

(m) Detestanda quorundam temeritas, qui in causa sua jus sibi dicere contra sanctiones legitimas moliantur, nonnunquam personis Ecclesiasticis exhibet se molestam: cum enim aliquid questionis contra personas Ecclesiasticas habere proponunt, licet personæ prædictæ Ecclesiasticæ paratas se exhibent, stare coram suo Judice Ecclesiastico competente; nihilominus tamen iidem temerarii impig-

(1) Idem ibid.

(m) Burchardus Archiep. ex Concil. Hellenf.

noratores, qui vulgo *Phōsing* dicuntur, frequenter in rebus, & bonis ad Beneficia dictarum Ecclesiasticarum personarum spectantibus, vel ad personas eorum committere non verentur, unde, non modica damna & injuriæ oriuntur; attendentes igitur, quod præmissas invasiones, de cætero conniventibus oculis dissimulare non debemus: unde, provida deliberatione sacri hujus Concilii, sancimus: quod quæcumque persona, licet ipsorum Advocati, vel Officiarii, quæ hujusmodi *Phōsing* fecerit, aut fieri mandaverit, si persona fuerit singularis, ipsam excommunicationis sententiæ majoria volumus ipso facto subjacere; si requisitus per Executorem ex officio suo, vel ad instantiam injuriam passi infra XV. dies, res personæ Ecclesiasticæ non restituerit integraliter, damna reficiat cum satisfactione de injuriis ea occasione illatis.

. . . *Lacuna in MSS.* . . .

Ita ut laicis, quibus tempore interdicti, Divinorum participatio omnino est interdicta, ea per viam illicitam, lucri & questus causa concedatur; Et quia hujusmodi abusionem committentes, tam Clericos seculares, quam Religiosos Ordinum, vinculo excommunicationis constrinxit, ne ipsi in nostra provincia degentes statuti poenam non incurrant, volumus, & mandamus prædictum statutum URBANI in singulis Synodis nostris ac Fratrum, & Coepiscoporum nostræ provincie legi, & publicari; ut metu poenæ ipsius abusum prædictum de nostra provincia extirpemus.

(*) Statuimus: ut cum Sacramentum Eucharistiæ, quod summa dignum est veneratione, ad infimum deferretur, Presbyter nullatenus in calepodiis, sed calceatus incedat, in habitu decenti, superpelliceo indutus, deferens desuper stolam, corpusque Dominicum decenter ante pectus suum portet, luminariis cereis ardentibus antelatis, cum campanula continue resonante, & fideles hortamur ut Presbyterum deferentem sequantur humiliter, & devote ad infirmum, & de infirmo redeuntem ad Ecclesiam: Indulgentiam XL. dierum ipsis elargiendo.

(*) Idem ibid.

(*) Idem ibid.

XXX. *De observatione jejunii.*

(*) Adhæc etiam prohibemus: ne adultus ordinaria & statuta jejunia presumat infringere, nec hujusmodi necessaria jejunia prætextu voti, & extraordinarii jejunii violare: quia tale dampnum tali lucro Deus nolit compensari. Inherentes ergo priori Concilio, pravam quorundam consuetudinem reprobamus, qui sextam feriam violant, sabbatho, vel alia die hebdomadæ jejunantes: quod de cætero fieri, hujus sacri auctoritate Concilii, firmiter prohibemus, & præsertim alia jejunia superflua, quibus Deum tentare videntur: vel dum sic jejunant, ut tribus buccellis panis, & totidem cerevisiæ vel aquæ, pro die naturali sint contenti, vel alio modo superfluo jejunant usque ad visionem syderum, more Gentilium & Judæorum. Hæc & hujusmodi similia cum Religioni Christianæ sint inimica, hujus sacri Concilii approbatione, de cætero fieri prohibemus, injungentes Confessoribus tam secularibus, quam Religiosis, ut contentes sibi ab hujusmodi jejuniis superfluis retrahant: districtius eis injungentes, ne talia de cætero faciant, sed Ecclesiæ jejunia, quæ Deo sunt accepta, cum omni sinceritate observent.

XXXI. *De Ecclesiis.*

(*) Prohibemus etiam, ut Religiosi, vel quilibet alii, Ecclesias de novo fundare, vel fundatas transferre sine Episcopi Diocesani licentia, & sine primarii lapidis benedictione non presumant aliter fundam Ecclesia diruarur, & is, qui fundat, sive Clericus, sive Monachus, ab officio suspendatur, alia nihilominus poena, juxta Superiorum arbitrium puniendus; si vero laicus sit, usque ad satisfactionem, excommunicationis vinculo innodetur. Item Altaria superflua per Parochiales Ecclesias omnino tollantur; nec aliquid de novo fiat, nisi Episcopo permittente.

Excommunicamus & anathematizamus omnes, qui dedicatis Deo Ecclesiis ausu sacrilego prophanant, aut munitiones de ipsis faciunt, & cimiteria perfodiunt, ossibus mortuorum ejectis.

Ad hæc, sacro approbante Concilio, irritamus omnia statuta & consuetudi-

(*) Idem ibid.

tudines, quas civitates, vel oppida, Consules, & quæcumque alie personæ contra libertates Ecclesiasticas edere adversus Canonicas functiones præsumunt, & eadem mandamus infra duos menses, post hujusmodi publicationem statuti, penitus aboleri.

Novas etiam exactiones, quæ vulgo *Ungelt* dicuntur, vel alio nomine, nulla civitatum instituat, & ab institutis, post hujusmodi edicti publicationem, infra mensem, desistat, nec mensuras rerum venalium ab antiquo servatas minuere, vel immutare præsumat; de servis vero & mancipiis Ecclesiarum in civitatibus residentibus, & post mortem eorundem, Ecclesiæ debita jura recipere minime prohibeantur.

XXXII. De Sponsalibus & Matrimonio.

(g) Cum Sacramentum Matrimonii sit magnum, & omni reverentia & celebritate dignum; sacro hoc approbante Concilio, statuimus: ne quis laicos, cujuscumque etiam conditionis, status, vel præminentie fuerint, præsumat aliquis copulare in domibus, vel extra Ecclesiam. De Desponsatis vero statuimus: ut eorum proprii Sacerdotes tribus diebus Dominicis, aut aliis Festivis diebus tribus, a se distantibus, per Edictum publice proponantur infra Missarum solemniam coram Christi Fidelibus, & Parochianis; ut si quis, vel si qui sunt, qui inter desponsatos de futuro aliquod impedimentum noverint, illud infra tempus proclamationis in facie Ecclesiæ, & consanguineis ipsorum omni studio adhibito, & sine difficultate revelent.

XXXIII. De Judæis.

(r) Cum gens Judaica Crucis sit inimica, & nostræ Religioni, ut rei evidentia multis signis edocuit. Unde, sacro hoc approbante Concilio, statuimus: ut in septimana Dominice Passionis domos suas, & fenestras clausas teneant, nec de domibus suis in publicum prodeant, sed ante de sibi necessariis pro illo tempore provideant, ne Christiani sacratissime Passionis memoriam exhibentes, ab eodem Judæorum populo illudantur. Judæos vero contrarium fa-

cientes volumus per locorum Ordinario penis pecuniariis graviter mulctari, & eorum rebellionem exigente, si in præmissis culpabiles reperti fuerint, contra eo brachium invocari faculare.

Insuper districte præcipiendo præsentis Concilii approbatione, mandamus: ne provincia nostræ Comites Barones, per se, vel per alios, dicti Judæis seculares dignitates, officia publica, & privata, de cætero regenda committant; cum valde sit indecens filium liberæ filio ancillæ subesse debere, & humiliari; quod si quæ jam commissa sunt infra XV. dies, post publicationem præsentium, revocentur, quæ & Nos præfenti Concilio revocamus. Insuper nullus Judæus nostræ provincie Christianos, masculinum, vel feminam, in domibus suis in servitio teneat, vel extra, vel in mensa, nec in stupa. Inhibemus etiam Christi fidelibus universis nostræ provincie, ne aliquo tempore infirmantes, seu sani, Judæos medicos ad se advocent, nec medicamina, vel consilia quovis modo ab eis recipiant; contrarium facientes per locorum Ordinario volumus excommunicari, & qui in illa infirmitate decesserint, nisi digne poeniterint, Ecclesiastica careant sepultura.

XXXIV. De Hæreticis, & Schismaticis.

(r) Universos Canones, & Statuta prout a sancta Matre Ecclesia sunt edita, Spiritu Sancto docente, qui universum Corpus Ecclesiæ suo statu regit, & vivificat, observare tenemur. Quapropter hujus sacri Concilii approbatione, tanquam veræ fidei Zelatores præcipimus, & mandamus, in omnibus suis Capitulis, & articulis, ea districtius, omni metu ac potentium terrore cessante, observari, & potissime per Coepiscopos, & Confratres nostros, eorumque Vicarios in Spiritualibus, ad quos hoc principaliter pertinet, ut ipsi diligenti studio sollicita cura, & toto conatu invigilent ut hæretici, & schismatici in suis civitatibus, & Diocesisbus reperti, penitus exterminentur, frequenter scrutinium contra eos obliervent, eis debitas penas infligendo, & si opus est, pro executione ul-

(g) Idem ibid.

(r) Idem ibid.

(r) Idem ibid.

ultima, brachia ad hoc seculari invocato.

XXXV. *De Maleficiis.*

(†) Cum veteri Testamento omne genus aruspicum, malefici, & incantationis, sub poena corporis fuit prohibitum, & interdictum. Unde omnes augurium facientes, masculos, & feminas, Phytones, & Phytionissas, maleficos, incantatores, presenti statuto, approbante sacro Concilio, excommunicamus; & volumus eos ad Nos remitti absolvendos, inhibentes sub interminatione Divini Iudicii: ne quis, Religiosus, Curatus, vel Sacerdos aliquos in ista causa absolvere presumat. Si autem tales reperti fuerint, & vere, non simulate, ad gremium sanctæ Matris Ecclesiæ redire voluerint, signa penitentiae edentes, absolutione obtenta per Diecepsanum, aut Vicarium in Spiritualibus, quibus reservata est; nihilominus, quia Deum creatorem temptantes sponte Idololatriam commiserunt, volumus, ut IV. diebus Dominicis, nudis pedibus, cum Processio sit per Cæmeterium, Crucem, & vexilla antecedant, caput abjecto: processione finita ante fores Ecclesiæ maneat, & post omnes introeant, accedentes chorum illic sic stantes, nudis pedibus, non longe retro Presbyterum, siue caput, cingulum gerentes in collo, totam Missam in signum veræ penitentiae audiant.

XXXVI. *De Apostatis.*

(*) Contingit aliquoties, quod nonnulli Clerici, vinculo excommunicationis adstricti, vel prophani, vel aliter ad Divinorum celebrationem indigni, e Diecepsi, in qua de his habetur notitia, fugientes, ad Diecepsim aliam se transferant fraudulenter, ut sic debitas suorum excessuum poenas evitent, & Divinis se ibidem ingerunt officiis. Cum itaque malevolis non sit indulgendum; præcipimus: ut Executor in ea Diecepsi, in qua prædicti præsumptores se receperunt, eos per suas litteras denunciare teneatur, ut & Episcopi tales excommunicatos faciant ab omnibus cautius evitandos.

XXXVII. *De Raptibus, & Clericorum occisionibus.*

(x) Considerantes, quod Clericorum quorumcumque, præcipue in dignitate constitutorum, siue Religiosi fuerint, siue seculares, occisionibus seu mutilationibus, tanti criminis attemptata enormitate nondum sit sufficiens poena per constitutiones Prædecessorum nostrorum, & nostras, inflicta; *Sacro hoc approbante Concilio*, presenti statuto ordinamus, & adjicimus: quod ultra alias poenas, emendas, & satisfactiones, prædicti occisores & mutilatores, & eorum quilibet, debet tribus diebus Dominicis le continue sequentibus, nudatis pedibus & corpore, femoralia dumtaxat habens, in Ecclesia Cathedrali civitatis & Diecepsis illius, in qua Clericum occidit, vel mutilavit, stare, & sic nudus & discalceatus, deferens rotam in dorso, & virgam in qualibet manu, processionem antecedere, donec circuitu facto, sancta processio Ecclesiam ingreditur, & ante illam januam, per quam processio ingreditur, subsistet, & duobus ultimis Prælati, vel Canonici in processione, cuilibet unam virgam præsentabit ad manum, & in signum veræ penitentiae, petet se ab eis emendari, qui virgis receptis ipsum pro qualibet vice emendant. Nolumus etiam emendam per quemquam debere remitti, nec prædictos facinorosos ad communionem Christi fidelium recipi & admitti, nisi emendam præscriptam in forma sua observaverint, ultra alias emendas & penitentias prædictis injunctas a Lege, vel a Canonibus. Et hujusmodi Constitutionem volumus districtius observari per illos, qui proprios Capellanos, Plebanos, seu Curatos occidunt vel mutilant, vulnerant, captivant, & detinent captivos, & similiter per Vasallos & omnes subditos Ecclesiarum & Monasteriorum, in præmissis delinquentes.

XXXVIII. *De Usuris.*

(y) Contra usurarios, juxta *Statutum Lateranense Concilii*, procedatur, ut si notorius fuerit ipsorum excessus, sine distinctione quolibet, Ecclesiastica

careant

(†) Idem ibid.

(x) Borchard. Archiepisc. ex Concil. Hallensi.

(*) Albertus Archiepisc. ex Concil. Hallensi.

(y) Idem ibid.

Tomus IV. Concil. German.

H h h

careant sepultura : si quis autem tales sepelire præsumperit , suis beneficiis spoliatur. Excommunicationis sententia singulis diebus Dominicis , & Solempnibus , proferatur in omnes , quicumque usuras de cætero præsumperint. Hoc priori Concilio adjunctes : ut si notorii usurarii demum in ægritudine constituti , absolvi desiderant , nullatenus audiantur , nisi primicus satisfaciant , vel hæredes suos tales habeant , quod pro eis satisfaciant , in quantum possibile fuerit , de usuris.

XXXIX. De excessibus Privilegiatorum.

(2) Ex multorum subditorum nostrorum querelis recepimus , quæ & ipsi quidem dolenter referimus , & experientia didicimus evidenti , quod Mendicantium Ordinum Fratres , suæ institutionis & Professionis facti immemores , soli incedere in campis , in civitatibus , & in villis , nunc pedestres , nunc in equis , nunc in curribus , aliquando sine habitu , aliquando habitum suæ Professionis deferentes , præsumunt , & Curatos nostræ Provinciæ , quibus deputati Terminarii ad iuportandum cum eis eorum onera , eorumque subditis facti sint in gravamen : & cum solum in Adventu Domini usque ad diem Circumcisionis inclusive , & per Quadragesimam usque ad Octavam Paschæ , & per festam Pentecostes deberent in locis , ubi Terminarii deputati sunt , requisiti & licentiam per Curatos , in verbo Dei proponendo , & audiendis Confessionibus præstare subsidium , suis sanctis moribus populum ad salutis perfectionem incitare ; nunc vero privilegiis eis concessis præsumptuose ab Ecclesiâ universali abeuntes , se per totum annum in locis , in quibus Terminarii deputati sunt , & in domibus solum mulieribus , quas ipsorum *Martus* (ut eorum verbis utamur) habitare non verentur : ex quibus scandala plurima oriuntur in populo ; nunc Medicorum officium exercentes , nunc se artifices in diversis artibus mentientes , victum per tales abusus quærentes , & quod deterius est in stufis communibus inter populares balneari non verentur. Unde , *Sacro approbante Concilio* , præfenti statuto ordinamus : ne quis mendicantium ordinum frater de cætero præsumat solus , etiam in habitu suæ professionis , per

quævis loca nostræ Provinciæ incedere , vel morari in locis , & domibus , ubi sunt Terminarii deputati , ultra tempora præscripta ; nec ea exercere , quæ suæ Religionis non conveniunt. Contrarium facientes , volumus per Curatos , in quorum Parochiis sunt deputati , ad suos Superiores ad mandandum in claustris suis remitti , & de cætero eos pro Terminariis minime sustineri. Si autem prædictorum ordinum mendicantium Fratres , sic solis reperti , vel in stufis communibus balnearibus , injuria facta fuerit ; volumus eis per Executores Statutorum nostrorum nostræ Provinciæ minime subveniri , nec ipsos ad prædicandum verbum Dei in Ecclesiis nostræ Provinciæ , vel ad audiendum confessiones , vel ad petendum caritativa subsidia , a populo nostræ Provinciæ per Plebanos & Curatos amplius admitti.

Præterea , sacri hujus Concilii auctoritate , sub pena excommunicationis jam late sententiæ , mandamus omnibus Religiosis , ne subditos Plebanorum , maxime autem Begghardos , Begginas , & inclusos , aut alias ejusmodi personas communicent corpore Domini , aut alia porrigant Ecclesiastica Sacramenta parvulis , & adultis , hoc etiam sub eadem pena Religiosis omnibus firmiter inhibentes : ut cum processiones , & solennes stationes sunt , quas observat Ecclesiæ generalis , ne populum abstrahant ab eisdem , prædicationes tunc ipsis instituendo : imo in prædicationibus sedulo proponant , quod totaliter tenentur inirellere Festivitatibus , & quod peccant , se ab hujusmodi abstrahendo : & populo exponant , quod matricem Ecclesiam in præcipuis Festivitatibus tenentur accedere ; ipsique tunc abstineant ab omnibus allecivis , quibus terrâ posset populus , quominus ad solemnitatem veniat. Interdicimus etiam omnibus Religiosis mendicantibus , ne ipsi præsumant facere novas adinventiones in processionibus , & aliis , nec diebus Dominicis aut Festivis circuitus faciant per ambitum , & Coemiteria , nisi diebus Dedicationum suarum Ecclesiarum. Requiritur igitur omnes Coepiscopos nostræ provinciæ , ut diligenti cura invigilent , ut mendicantium Ord. Fratres in præmissis culpabiles reperti , de tanto temeritatis excessu satisfacere , per distributionem Ecclesi-

(2) Idem ibid.

clerasticam compellantur, Executores
statutorum hoc efficiente.

sanctimonialium volumus diligenter ob-
servari.

XL. *De Verborum significatione.*

(a) Parum esset malitiis hominum
occurrere per novorum statutorum san-
ctiones, nisi quilibet ad ipsorum obser-
vantiam, prout sui status concernit de-
corem, iusto modo compellatur. Sacro
igitur approbante Concilio, statuentes
ordinamus: quod licet statuta Provincia-
lia præsentis opusculi sint ab omnibus
subditis nostræ provincie debita reveren-
tia, & observantia amplectenda; tamen
non omnibus omnia præscripta videntur,
sed aliqua Prælati, aliqua Canonicis se-
cularibus, aliqua Curatis, & Plebanis,
aliqua vero Religiosis utriusque sexus;
Quapropter volumus, & præcipimus:
ut Plebani, & Curati statuta præsentis
opusculi habeant, & frequenter perle-
gant, & præsertim, quæ eis specialiter
injunguntur, memorie commendent,
ne penas ipsorum incurrant. Insuper
Monachi, & ipsorum Prælati, & qui
cumque Regulares statuta ipsos concer-
nentes in decore conservantur, volumus sin-
gulis septimanis feria VI, ipsis congrega-
tis in unum, lectione diligenter reci-
tari, & istum modum per Præpositos

(a) idem ibid.

REGULÆ JURIS.

" Omne statutum præsentis opuscu-
li, aut continet mandatum, aut con-
siliium.

" Statutum, continens mandatum
aut præceptum, obligat omnes subdi-
tos nostræ Provincie, quibus dirigetur
sub pena peccati.

" Statutum, continens consilium,
licet transgressor penam non mere-
tur, tamen personis prodest ipsum
adimplendo.

" Sicut diversi sunt status hominum
nostræ provincie, ita oportuum fuit
diversa statuta edere, quibus mali
retrahantur a noxiis, & boni dirigantur
vel instruantur ad opera virtutis.

" Omne statutum præsentis nostri
opusculi, continens præceptum, sive
affirmativum, sive negativum, ligat
& constringit subditos nostræ Provincie,
quibus dirigitur secundum suam li-
mitationem, & adjectas condiciones.

Sanctorum Patrum Regulis, & sta-
tutis quilibet Christianus regatur in vi-
ta verbis, & factis, ut sciat, & faciat,
quod acceptum est Omnipotenti DEO,
qui vivit, & regnat per omnia sæcula sæ-
culorum. Amen.

SYNODI COLONIENSES

AB ANNO MCCCXXXIII. AD ANNUM MCCCXLVIII.

SUB WALRAMO, (a) ARCHIEPISCOPO COLO-
NIENSI, EX PRÆPOSITO LEODIENSI, ET THESAURARIO
COLONIENSI A PAPÆ NOMINATO, CELEBRATÆ.

SYNODUS COLONIÆ Anno MCCCXXXIII. Autumnal.

Joannis XXII. Papæ XVIII. Ludovici IV. reg. XX.

MCCCXXXIII. *Synodus Autumnalis Colonie, sub Walramo, in crastino*

S. Remigii. Schatenus T. II. Annal. Paderb. ad h. a. pag. 275.

Statutum I. Nullus Clericus titulo Patrimonii approbandus: competens Patrimonium,
quod 24. solidos grossorum Trevorensem annue reddat.

Statutum II. Indebita ætatis Candidati rejiciendi.

Statu-

(a) Synodi hæc Colonienses sub Walramo & Wilhelmo Archiepiscopis per oblivionem
locis suis omisse, hic sub unum conspectum simul ponantur, licet annis suis singu-
lar, uti & in Coloniensi impressione A. 1554. sub uno conspectu simul collocatæ sunt.

Tomus IV. Concil. German.

H h h 2

Statutum III. *Tabernarii officium Clericis secularibus, & Religiosis interdictum.*

Statutum IV. *Declaratio Statuti Henrici II. anni 1321. in Clericos non portantes habitum Clericalem & hospitalia exercentes.*

Statutum V. *Innovatio Statuti Conradii Archiep. Colon. A. 1260. de modo & forma Officii Divini exercendi.*

Coloniensis Ecclesiæ anni MCCCXXXV. Synodus

Verna & Autumnalis.

MCCCXXXV. Synodus Verna Colonia, Dominica: Invocavit.

Canon I. *Officialis Colonie non habet potestatem absolvendi Clericos excommunicatos ob hospitalia, vel vestium licentiam.*

II. *Ne plures Missæ una die fiant.*

III. *Contra Pastores non promotos, non residentes.*

IV. *Ne Patroni presentent ineptos aut sub pactis illicitis.*

V. *Contra Beggardos & Suftriones.* Craffino Dominicæ Invocavit.

MCCCXXXV. Bonnæ post festum Petri ad Vincula.

Statutum I. *De non promotis & non residentibus.*

II. *Statuti Engelbertini Declaratio contra injicientes manum in Clericos.*
In Vigilia B. Remigii.

III. *Innovatio Statuti Henriciani contra Beggardos & Suftriones.*

Ipso die B. Remigii A. 1335.

Coloniensis Ecclesiæ anni MCCCXXXVI. Synodus

Verna & Autumnalis.

MCCCXXXVI. Brulæ in Craffino B. Valentini M. Synodus Verna.

Schoten. *Annal. Paderborn.* Tom. II. ad h. a. pag. 281.

Statutum I. *De non residentibus & non promotis ad sacros Ordines.*

MCCCXXXVI. Synodus Autumnalis. Leggenich: in præsentia Synodi die B. Matthiæ Apostoli.

Statutum I. *Indulta pro Monialibus, vela non gestantibus in publico, revocantur.*

II. *Communantibus incendiis, & tandem post affigentibus, pena dilata.*

Colonie, dum Synodus ibi esset congregata in craffino B. Remigii, quæ erat ad Octobris.

Coloniensis Ecclesiæ anni MCCCXXXVII. Verna

& Autumnalis Synodus.

MCCCXXXVII. in vigilia B. Matthiæ Apostoli Statutum promulgandum coram Concilio in craffino B. Remigii quolibet anno celebrando.

Statutum I. *De Synodi observatione.*

II. *De habitu & tonsura Clericorum.* Gudesberg in vigiliis B. Michael.

III. *De ciuctura & vestibus Clericorum.* Ibidem.

Coloniensis Ecclesiæ A. MCCCXXXVIII. Synodus Autumn.

MCCCXXXVIII. Brulæ Sabbato post festum B. Matthiæ.

Statutum I. *Non habentes Beneficia ad Ordines non promovendi, & non habentes statum.*

Statu-

Statutum II. *Contra Quasitores elemosinarum, publicatur Bulla CLEMENTIS V. ex Concilio Viennensi: Abusionibus.*

Brulæ in vigilia S. Michaelis.

Statutum III. *Tabelliones nominati ab Officiali examinatos admittendos.*

De Capituli assensu & consensu in crastino S. Michaelis.

Statutum IV. *De annis gratis ultra triennium non extendendis.*

Constitutio extravagans Joannis XXII. suscepti Regimini publicatur.

Synodus Coloniensis Ecclesiæ A. MCCCXXXIX.

MCCCXXXIX. Statutum I. *De expellatione trienni, ultra quod anni gratis non extenduntur.*

Statutum II. *De Confraternitate S. Petri, & ejus interpretatione.*

Colon. Ecclesiæ Synodus autumnalis A. MCCCXLIV.

MCCCXLIV. *Feria VI. post Festum S. Andreæ.*

Statutum I. *Moderatio Statuti de triennio annorum gratis ad quadrennium extenso.*

Statutum II. *Conjungenda tempora & expellantias in utilitatem Ecclesiæ convertendas.*

Statutum III. *Permittentem posse redimere duos annos pro tribus libris grossorum monete Domini Coloniensis.*

Colon. Ecclesiæ A. MCCCXLVI. Synodus autumnalis.

MCCCXLVI. *Feria VI. post Remigii.*

Statutum I. *De Clericis & Religiosis vina vel cerevisiam vendentibus contra vel præter modum permiffum.*

Colon. Ecclesiæ A. MCCCXLVIII. Synodus autumnalis.

MCCCXLVIII. *Die S. Michaelis.*

Statutum I. *Contra committentes fraudem in observatione interdicti generalis.*

Statutum II. *Eodem anno, & die monentur Conventuales, ut exhibeant privilegium, de admittendis suis Procuratoribus ad Divina, flante interdicto.*

COLONIÆ SYNODUS AUTUMNALIS

ANNO MCCCXXXIII.

WALRAMUS, DEI GRATIA, SANCTÆ COLONIENSIS ECCLESIE
ARCHI-EPISCOPUS, SACRI IMPERII PER ITALIAM ARCHI-CANCELLARIUS,
AD PERPETUAM REI MEMORIAM.

Quia plerique ad sacrorum Ordinum fastigia, non ut convenit, aspirantes, dum eis Beneficii competens titulum prætendendi (eo quod Beneficium non habeant) facultas non suppetit, sub fraudis cujusdam commento falso allegant, sufficiens Patrimonium se habere: & cum ab eis super hoc probatio exigitur, personas forte vel literas

ignotas, aut suspectas, quod sufficiens obtineant Patrimonium, producere non verentur, & ad ipsos sacros Ordines, immo in Presbyteros sic promoti, cum revera nihil, vel parum in bonis habeant, in Cleri, & Sacerdotalis dignitatis opprobrium, mendicare, & ob mendicitatis angustiam, lucra sectari illicita ac turpia compelluntur;

H h h 3

I. Quod

- I. *Quod nulli Clerici ad Sacros Ordines sub titulo Patrimonii per Examinatores admittantur, nisi sub distinctione inferius annotata.*

Statuimus igitur, ne de cetero quicumque sub titulo Patrimonii ad aliquem sacrorum Ordinum per Examinatores ad hoc deputatos, aut deputandos aliquo aliter admittatur; nisi nostras super hoc literas habeat, & ostendat: quas si ostenderit, super eo tamen, quod sufficiens Patrimonium obtineat, nisi ad minus literas alicujus Prælati, aut Christianitatis Decani, seu Curati, aut Canonici, vel duorum Presbyterorum idoneorum literas habeat, sigillis notis signatas: & nihilominus per duos testes idoneos juratos, & per proprium juramentum coram nostris Examinatoribus hoc doceat, & ostendat. Volumus etiam, quod sic (a) ad titulum Patrimonii, his habitis & receptis probationibus promovendus suo se obliget præstito juramento, quod sic obtinere se probavit, nequaquam alienet in toto, vel in parte, quousque sit Ecclesiasticum Beneficium competens pacifice affecturus. Mandamus etiam Examinatori seu Examinatoribus ad hoc deputatis, deputandis, præsentibus, & futuris, sub poena suspensionis ab officio, quam (monitione sex dierum exnunc præmissa) in quolibet eorum ferimus, ne omisis prædictis probationibus & juramentis, aut aliqua eorum parte, aliquem sub titulo Patrimonii ad aliquem sacrum Ordinem audeant admittere, seu præsumant. Competens autem Patrimonium vocamus, & æstimamus, de quo viginti & quatuor solidi grossorum Turonensium regalium expendi commode ad minus possunt annuatim.

- II. *Ne per Examinatores ad Ordines admittantur, qui debita ætate non sunt.*

Licet præsentati sub titulo Ecclesiarum, seu Monasteriorum citra literaturæ, & ætatis examinationem, ad sacros Ordines in nostra Diocesi recipi consueverunt, & admitti: quia tamen (sicut experti sumus) nonnulli sub titulo Ecclesiarum, & Monasteriorum secularium, & Religiosorum, ad sacrorum Ordinum susceptionem aliquoties præsentantur, qui ex ipso solo affectu

pro eo suscipiendo ordine, ad quem suscipiendum præsentati sunt, ætatis patii defectum apparent evidenter: statui-
mus, ut Examinatores pro tempore existentes, coram quibus se ordinandi præseotare debent, quantumcunque sub titulo Ecclesiarum aut Monasteriorum secularium aut Religiosorum fuerint præsentati, sic præsentatos diligenter inspiciant: & si quis ex eis, quoad suscipiendum ordinem, ad quem præsentatur, patii defectum ætatis (cujus ipsum esse debere statuta declarant Canonica) ex ipso solo apparuerit, seu videatur evidenter ad aspectum, ad susceptionem talis Ordinis nullatenus admittatur, donec ad debitam perveniat ætatem: vel nisi docuerit Canonice, quod quamquam minoris appareat, sufficientis tamen, quoad hunc Ordinem suscipiendum, ad quem præsentatus fuerit, sit ætatis. Vicario etiam nostro in Pontificalibus pro tempore existente, ne sub titulo Ecclesiarum, Monasteriorum, vel secularium seu Religiosorum quenquam, de quo aliquo modo, quoad ætatis sufficientiam, pro eo adipiscendo ordine, quem desiderat, poterit verisimiliter hæsitari, sine Examinatoris examine, & admissione ad hunc Ordinem admittere præsumat, nostram interdiximus potestatem.

- III. *Declaratio Statuti D. HENRICI Archiepiscopi, ne Clerici seculares, vel Religiosi, Officium Tabernariorum exerceant.*

Cum bonæ Memoriz HENRICUS Prædecessor noster statuendo prohibuerit, ne Clerici seculares, & Religiosi, Officium Tabernariorum exerceant: nos tamen per hoc Statutum, quenquam a venditione vinorum, si qua ei a Beneficiis, seu aliunde præter negotiationis causam derivata fuerint, dummodo hoc sine dolo, nec in fraudem sui prædicti Statuti fecerit, modis hætenus consuetis, & decentibus, prohibere: a nonnullis in dubium revocatur, qui modi sint consueti, & decentes, & circa venditiones vinorum hujusmodi, Clericis observandi? Statuto igitur præfati duximus declarandum, modos venditionis consuetos, & decentes fore, quod scilicet hæc vinorum venditiones sine caupo-
num

(a) forte: sub titulo.

num vociferatione, & clamore, & quantum in venditoribus est, sine fraude, absque remansione, & demoratione hominum bibentium ea vina intra, vel ante domum, ac intra immunitatem, in quibus vina venduntur, fiant: & potare hæc vina volentibus, ne eis ibidem remanendi, & demorandi occasio præbeatur, pocula five amphoræ, sicut in tabernis publicis laicalibus fieri consuevit, non commodentur, nec aliquo modo minustrentur: suntque secundum tenorem præfati Statuti, de cætero a Clericis vinorum vendiciones exercende. Eos autem Clericos, qui secus fecerint, in penas virtute præfati (b) Statuti in ipsos promulgatas, incidere decernimus.

IV. *Declaratio statuti ejusdem D. HENRICI Archiepiscopi, & adjectio punarum, contra Clericos non portantes Coronas, & Vestes statui Clericali congruentes, & hastiludia exercentes.*

Felicis recordationis HENRICUS Prædecessor noster, de suorum Capituli, & Prælatorum consilio in Clericos quoslibet Beneficiatos, non portantes assidue Coronas in capite, quæ secundum sui Ordinis, & status decentiam detestæ appareant, interdicti ab ingressu Ecclesiæ sententiam, quam extunc (monitione quindecim dierum præmissa) ipsos incurere voluit, promulgavit: similiter in Clericos vestes scaccatas, omnino virides, aut omnino glaucas, aut omnino rubeas, aut a lateribus vel ante petus notabiliter (c) fissas, aut nodatas, publice desuper sine causa rationabili portantes, unius mensis monitione præmissa, ne hujusmodi vestibus uterentur de cætero, decrevit, statuendo penas constitutionis Clementina, quæ incipit: *Quoniam qui obiectis* &c. extendendas volens, & statuens, ut Clerici talibus vestibus post hunc mensem utentes publice, penas hujusmodi (quæ, quoad Beneficiatos, est suspensionis sententia per sex menses a perceptione fructuum Beneficiorum, quæ obtinent) incidant ipso facto. Nonnulli tamen Clerici Beneficiarii, effectum harum penarum, & Clericalis militiæ (immo etiam aliqui ex eis, qui sacrorum Ordinum sunt caracte-

re insigniti) minime attendentes, quo ad usum, & utilitatem privatam stipendiorum Beneficialium, Clericalis militiæ stipendiarii esse volunt, ad obsequia vero, quæ horum stipendiorum receptio exigit, se nequaquam obnoxios reputantes, adscribunt dedecori, vile æstimant, aut autumant inhonestum, in hujusmodi characteris Clericalis militiæ, & sacrorum Ordinum, quos sibi assumpserunt, signis, & insignis, in tonsura scilicet, & habitu eos decentibus, conversari, & incedere, & in publico comparere. Hanc itaque tonsuram abhorrescentes, & habitum, in capillorum longitudine, in capitibus, & in barbis, absque coronis, minime tonsurati, & in vestibus prohibitis, & omnino indecentibus, & quod deterius est, in Choro, & Capitulo, immo serviendo in ordine, barba, & sine corona Clericali, decente statum, & ordinem, incedentes, laici adeo se conformant, ut inter ipsos, & laicos, etiam excessive delicatos, & mundanos delectus modicus, immo nullus quoad tonsuram, & habitum valeat perpendi. Quidam etiam eis, hastiludiis (ex quibus homicidia, & membrorum mutilationes probabiliter sequi possunt) cum militibus, & armigeris laicis, in locis etiam, ubi Beneficia obtinent Ecclesiastica, temere se immiscant, ipsa hastiludia corporaliter exercendo. Quibus Nos competentem cupientes adhibere medelam, in Clericos quoscumque cujuscunque dignitatis, conditionis, aut status existant, barbam ultra consuetum Clericis modum nutriendas, penam interdicti ab ingressu Ecclesiæ: item in exercentes hastiludia in locis, in quibus Beneficia Ecclesiastica obtinent, & tunicas, quibus manicæ coloris alterius, quam sint ipse tunicæ, sunt assuæ, portantes, penam suspensionis per sex menses a perceptione Beneficiorum, quæ obtinent, secundum prædictorum continentiam statutorum duximus extendendas: statuentes, ut qui deinceps in has interdicti, vel suspensionis penas ex dictis causis inciderint, & durantebus his interdicto, & suspensione, & antequam absolutionis literas ab hujusmodi sententiis a Nobis, seu nostro Officiali, meruerint obtinere, & eas Capitulo suo ostenderit, maxime hi, qui in Choro, & Cap-

(b) mandati.

(c) forte: scissas.

Capitulo, aut in serviendo in officio sine coronis decentibus statum, & ordinem, & cum barbis ultra quindenam non abrafis, seu in vestibus prohibitis comparuerint, ne quicquam de suis Beneficiis, etiam sibi ab alio quocunque oblatum, recipere, nec ex distributoribus, pro Præbendarum, fructuum, proventuum & obventionum distributionibus faciendis a Capitulo deputatis, eis quicquam de eorum præbendis, sive in grosso, sive in quotidianis distributionibus, ministrare præsumat: aliqui tam recipiens, quam ministrans scienter, eo ipso se noverint excommunicationis sententia, quam ex nunc ferimus, innodatos. Et si durantes huiusmodi interdicti seu suspensionis sententia, & antequam sic interdicti, & suspensi, ut dictum est, se doceant absolutos, ipsi quicquam de suis præbendis receperint, & Capitulum Ecclesiæ, in qua interdicti, & suspensi huiusmodi negligentias commiserunt, ratum habuerint, hanc receptionem expresse, seu tacite, dissimulare (ne hoc nostrum statutum effectum habeat) cupiens, a tractatibus Capitularibus eo ipso volumus esse suspensum tamdiu, donec ipsos interdictos, & suspensos induxerit integre, & sine diminutione aliqua restituere sic percepta: tollentes præsentis auctoritate statuti, ipsi interdictis taliter, & suspensis quicquam de præfatis fructibus, redditibus, proventibus, & obventionibus ab ipso Capitulo, seu a quocunque alio, remittendi, dandi, seu restituendi potestatem.

V. *Innovatio Statuti D. CONRADI Archiepiscopi, de modo, & forma tenendis, & exercendis circa Officium Divinum, cum adjectione penarum contra non observantes.*

Quamquam olim bonæ Memoræ Prædecessor noster CONRADUS, de Consilio Capituli, & Priorum suorum, statuendo præcepit, ut Divinum Officium, in Choro cuiuscunque Ecclesiæ Collegiatae nunquam absque Ordine Ministrorum Sacerdoti ministrare debentium, scilicet Diaconi, & Subdiaconi, decantaretur: in Ecclesia tamen nostra, & nonnullis aliis Ecclesiis Collegiatis (quod cum cordis amaritudine referimus) ad hoc his temporibus est devenum, quod

frequenter propter ministrantium, seu a terius eorum defectum (eo quod illi Canonici, quibus ex more pro ministrando in officio ad Altare in suo Ordine hebdomada designatur, hoc ministrandi officium facere negligunt, neque curant) Missarum solennia omittuntur: ex quo DEUS offenditur, ordo Ecclesiasticus confunditur, excrescit inde votio populi, scandala oriuntur: & ipsa nostra Ecclesia (quæ cæteris subjectis Ecclesiis, in Divinorum Officiorum peractione solenni deberet esse speculum, & exemplar) occasione negligentia ipsorum reputari poterit Divinorum. Cui Nos volentes omnino, ut tenemur, remedio occurrere opportuno, statuendo renovamus, ut sicut in prædictis continetur statutis, in nostra, & qualibet nostræ civitatis, & Diocesis Ecclesiæ Collegiata, quoties opus fuerit, post ingressum ad Capitulum, ante omnem tractatum disciplinæ vel etiam alterius cuiuscunque actus seu negotii, Decano præsentem, vel absentem tabulæ Capitulares, lectionem habentes inscripto distincte, quid unicuique sit cantandum aut legendum in choro, legantur, & audiantur diligenter: vel Cantor, vel Succentor, seu alius, ad quem hoc pertinet de consuetudine Ecclesiæ, vel cui hoc duxerint committendum, poterunt cuilibet, quid sibi legendum aut cantandum in choro incumbat, referre. Et secundum hoc præcipimus cuilibet, quatenus id, quod sibi faciendum, cantandum, seu legendum incumbit, per se, vel per alium compleat reverenter. Huic etiam statuto addimus, quod si aliquis Sacerdos, Diaconus, aut Subdiaconus, cui in summo Altari celebrandi, aut serviendi Ordine, per lectionem prædictam, aut Cantoris aut Succentoris relationem, seu ejus, ad quem hoc de consuetudine pertinet, seu ex eorum parte, hebdomada fuerit deputata: seu is, qui secundum aliquarum Ecclesiarum consuetudinem, ex gradus ordine, aut alio quovis modo, præter aliquam lectionem, aut intimationem faciendam, se Missam celebraturum scit, vel scire debet: nisi per causam legitimam, vel rationabilem evidenter (ita quod per se, vel per alium explere non valeat) impidiretur, per se celebret, & serviri per alium modo debito, & consuetudo faciat, & procuret. Alioqui si cessan-

cessante hujusmodi legitima, & rationabili causa evidenter, hoc neglexerit, pro cuiuslibet officii unius Missæ negligentia, a perceptione distributionum, & omnium observationum (præter fructus grossos, qui corpus præbendæ appellantur) tandiu ipso facto sit, & maneat suspensus, quousque grossos quatuor Turonenses regales, nomine pænæ, collector suspensionum de hujusmodi ejus fructibus toties quoties in una Missa suam non fecerit officium, scilicet pro singulæ Missæ defectu singulos quatuor grossos, recipiat: vel ipse negligens aliunde satisfaciatur, in eos usus, in quos suspensionum distributiones quotidianæ servari, & expendi consueverunt, servandos, & exponendos: & de hujusmodi pænâ in parte, vel in toto quicquam ipsi negligenti remittendi, Capitulo vel alicui adimimus potestatem. Quod si hoc suspensione durante talis sit negligens, receptioni harum distributionum, aut obventionum, aut partis ejus alicujus, etiam si Administrator, vel quicumque alius eos seu hujusmodi partem sibi offerat, immisceatur, recipiendo distributiones, & obventiones hujusmodi seu earum partem, ipso facto excommunicationis sententiæ, quam

exnunc ferimus, ipsum negligentem, & sibi distributiones, & obventiones hujusmodi scienter offerentem seu dantem, volumus subjacere, pænâ præmissa nihilominus in suo robore duratura. Volumus etiam hanc scripturam, & lecturam in Capitulis Ecclesiarum, in quibus de consuetudine ex gradus Ordine, aut alio modo celebraturi seu ministraturi, quando celebrare aut ministrare debeant, nesciunt, nec scire tenentur, nec alias eis intimatio fieri solet, Cantor, vel Suecentor, seu alius, ad quem hoc de consuetudine pertinet, fieri procurent, aut relationem faciant, ut est dictum. Alioqui ipse Cantor, seu is, ad quem hoc de consuetudine pertinet, toties quoties hoc negligenter omiserit, & lex hoc defectus Missæ decantandæ evenierit, dictis pœnis, prout superius enarrantur, subjaceat ipso facto. In quorum testimonium, sigillum nostrum una cum sigillo Capituli nostri duximus præsentibus apponendum.

Datum Colonie in crastino B. Remigii Confessoria, Anno Domini MCCCXXXIII.

Statuta Ecclesiæ Coloniensis impr. A. 1554.

CONCILIIUM COLONIENSE

VERNUM ET AUTUMNALE,

Anno Christi MCCCXXXV. Benedicti XII. Papæ II.
Ludovici IV. Regis XXII.

Cap. I. Quod Officialis Coloniensis non habet potestatem absolvendi Clericos, excommunicationis sententiam incurrentes, propter habitudinem aut indecentiam Vestrum seu Tonfura, nisi recepta prius ab eis cautione Juratoria de parendo mandatis Ecclesiæ.

WALRAMUS, Dei Gratia, sanctæ Coloniensis Ecclesiæ Archi-Episcopus, Sacri Imperii per Italiam Archi-Cancellarius &c.

Alias Statuta quædam Synodalia, edita per bonæ memoriæ HENRICUM Prædecessorem nostrum, super Tonfura, & Vestibus Clericalibus, in aliqua sui parte in nostris Statutis Synodaliis de-

Tomus II. Concil. German.

claramus, & extendimus ad eos, qui barbas statum Clericalem non decentes nutriunt: nec non ad eos, qui habitudinem in locis, in quibus Beneficiati existunt, exercent: additis, subtractis, & muraria quibusdam, sicut hæc in ipsis nostris Statutis plenius continentur. Quia vero nonnulli in pœnas horum Statutorum ex suis incidentes delictis, quasi parvi, immo nihil reputant, a nostro Officiali, a suspensionis, interdicti, excommunicationis sententiis, in eisdem statutis prolatis, quas incidunt, absolutiones petere, & impetrare, sic etiam, quia quasi ex hujusmodi facili imperatione, recidivare continue in pœnas sententiarum hujusmodi non formidant, & præfatas sententias

l i i

viii.

vilipendunt: ipsi Officiali nostro, ne de cætero eos, qui in tales sententias suspensionis, interdicti, & excommunicationis prolapsi fuerint, ab hujusmodi absolvere præsumat, omiſſa ſolemnitate juris, qua cavetur, quod tales, absolviendi non ſunt ſine cautione Juratoria præſtanda *de porendo mandatis Eccleſiæ*, & poſtquam talem præſtiterint cautionem, eis in virtute hujusmodi juramenti injungat, quod de cætero ab his, propter quæ has inciderunt ſententias, abſtineant: & aliter, quam præmiſſis obſervatis per omnia, prædictos ſic ligatos absolviendi a ſententiis hujusmodi, prædicto Officiali noſtro totalem adimimus poteſtatem.

Datum Anno Domini 1335. die Dominica, qua cantatur *Innocevit*.

Cap. II. *Ne quis plures Miſſas una die celebret.*

WALRAMUS, Dei Gratia, ſanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius &c.

Quoniam ſacrorum Teſtatoribus *Regulis Canonum*, cuilibet Sacerdoti ſufficere, quod unam de die Miſſam duntaxat celebret, præterquam in caſibus exceptis, regulare exiſtat, immo, & valde felicem eſſe Presbyterum, qui unam digne de die celebret: Nonnulli tamen Sacerdotes, non in caſibus permiſſis ſibi, immo (quod horrendum eſt) avaritiæ ducti cupidine, vel nolentes ſibi habere ſocios in Eccleſiis, in quibus præſecti ſunt, ut amplius de redditibus earum ſibi abſorbeant, de quibus tamen ſibi, & ſocio poſſent pro ſuis neceſſitatibus ſatiſſacere competenter: vel qui tanquam mercenarii aliis ſerviunt, ut amplius lucrentur: ex pacto etiam & condicto onus celebrandi quaſi quotidie, ſeu æternis diebus, Miſſas duas in ſe recipiunt, *contra eorundem ſacrorum Canonum inſtituta*, quod de cætero omnino prohibemus: inhibentes ex nunc univerſis Presbyteris noſtræ Civitatis, & Diœceſis, ne quis de cætero plus quam unam Miſſam una die, niſi per aliquem de caſibus a jure excepta, manifeſte, & plane ſe excuſare valeat, celebrare præſumat. Contrarium facientes, quos Nos monitione (qua Nos ex nunc omnes, & ſingulos monemus) novem dierum præmiſſa, excommunica-

mus in his ſcriptis, excommunicatos per Decanos Concilii, & locorum Plebanos ſeu eorum vices gerentes, volumus publice nunciari. Si qui etiam de cætero tales facere præſumpſerint, ex nunc Decanis Chriſtianitatum in virtute ſanctæ obediætiæ diſtrictè mandamus, ut tales ad Nos, ſeu Officiale noſtrum deferant: pœnam ſibi ſuper hoc debitam recepturos.

Datum caſtino Dominicæ *Innocevit*, Anno Domini 1335.

Cap. III. *Contra Paſſores non promotos, & non residentes.*

WALRAMUS, Dei gratia &c. Dilectis in Chriſto Decanis Chriſtianitatum, nec non Plebanis Eccleſiarum noſtræ Civitatis & Diœceſis, aut eorum vices gerentibus, Salutem in Domino ſempiternam.

Quoniam inter cætera, quæ noſtræ conſiderationis oculis in noſtra civitate & Diœceſi, poſtquam ad regimen Colonienſis Eccleſiæ, licet immeriti, Divina diſponente clementia, aſſumpti fuimus, correptione digna proſpexit, unum notabiliter periculolum & deſtabilem comperimus abuſum & peſſimam corruptelam, ſcilicet, quod in noſtra Diœceſi non pauci, immo in multitudine copioſa, Eccleſiarum Reſtores ſeu Paſtores, poſtquam pacificas ſuarum Eccleſiarum poſſeſſiones adepti ſunt, ad annum, & amplius, immo per multos annos, ad ordinem Sacerdotii non promoti exiſtunt: aliqui vero in ſuis hujusmodi Eccleſiis non reſident, circa diſpenſationes & licentias eorum, qui ſuper his poteſtatem habent canonice diſpenſandi: fruſtusque ex ipsis ſuis Eccleſiis, nec non redditus & proventus non eo minus tollere verentur. Cui morbo, etſi competentem apponere intendamus medelam; quia tamen idem morbus ex diſſimulatione noſtrorum Prædeceſſorum adeo communis irrepſit, quod tales ſic non promoti & non reſidentes, corruptelam hanc nominant conſuetudinem, ſua hac in parte peccata notoria, hac allegatione pudenda defendere fatigantes: nos in præmiſſis, omiſſa pro nunc contra eos executione juſtiæ rigoroſe omnes tales & ſingulos, cujuſcunque ſtatus ſeu conditionis exiſtant, in hujus-

hujusmodi *Sancta Synodi Congregatione* rogamus, hortamur in Domino & monemus, ut se intra tres menses a data præsentium sic disponant, non promoti scilicet, ut promoveantur, & non residentes, de cætero residentiam faciant personalem. Alioqui sciant nos contra eos, prout nobis melius faciendum, & utilis visum fuerit, sine dubio processuros.

Cap. IV. *Ne Patroni vel impositi præsentent ad Ecclesias, vel aliqui intercedentibus pactis illicitis.*

Item quia nonnulli (quod utique non minus præmissis dolendum est) Ecclesiarum curatarum Patroni existunt, ipsi quospiam præsentare incumbit, & carnali, seu alio inordinato affectu desiderio circa aliquos, fortasse suos filios aut cognatos, aut alia affinitate seu amicitia conjunctos, qui vigesimum quintum ætatis suæ annum minime attigerunt; & sic defectu ætatis obstante, ad Beneficia curata minus habiles existunt, tales sic inhabiles, ad tales præsentare Ecclesias gerunt in voto, verisimiliterque dubitant, tales, si præsententur, per eos, ad quos horum pertinet admissio, admitti nequaquam debere; cum quibusdam, forte Presbyteris, seu aliis quibus ætatis, licet non justitiæ seu conscientie maturitas suffragatur, paciscuntur, & inter se conducunt quod scilicet tales Presbyteri se præsentari ad tales præsentant Ecclesias, & postquam admissi fuerint ad easdem, eas ad ipsorum Patronorum voluntatem debeant dimittere, & certam partem modicam fructuum, reddituum, & obventionum earundem Ecclesiarum sibi reservare, ipsi Patroni toto residuo remanente. Aliqui etiam simpliciter cum Patronis conveniunt, ut ad Ecclesias aliquas præsententur, de certa portione ad tempus, seu quamdiu ipsas Ecclesias tenuerint, anno quolibet persolvent. Et sic tales Presbyteri suæ salutis immemores, pessima specie simoniacæ pravitatis infecti, ad tales Ecclesias non intrantes per osium, eas possident: immo verius occupant minus juste, & curæ talium Ecclesiarum non capaces, populos harum Ecclesiarum decipiunt, circa prædictos fructus, redditus, provenus & obventiones committendo spoliis & rapinam. Cui quantum pos-

sumus, occurrere cupientes, omnes & singulos tales, hujusmodi peccati turpitudinis labe respercos, in præsentia congregatorum in hac *Sancta Synodo* monemus nostra auctoritate, ut tales, Ecclesias, quas sic præsentati obtinent, immo occupant, statim coram Nobis, seu Officiali nostro, & præsentæ persona publica, verbo & facto publice dimittant, ad eas (nisi super præmissis egerint poenitentiam, & dispensationem ad hoc habuerint) nequaquam de cætero reversuri. Et coram Nobis, aut prædicto nostro Officiali compareant, Nostrum, seu ipsius Officialis super hoc audituri mandatum. Monemus etiam omnes & singulos hujus rei conscios, ut Nobis, seu prædicto Officiali nostro tales personas, sic Ecclesias obtinentes, nominent, & revelent. Alioqui tam prædictos, sic Ecclesias obtinentes, quam conscios & non revelantes, (quos, monitione decem dierum præmissa, in his scriptis excommunicamus) excommunicatos nominatim, quorum nomina sciveritis, reliquos in genere, publice in vestris Ecclesiis nuntiatis, & per Plebanos, seu eorum vices gerentes, intra vestros constitutos Decanatus, nostra auctoritate, quam vobis in hac parte committimus, nunciari præcipiatis. Inimamus etiam eisdem, quod si prædicti tales, sic Ecclesias obtinentes, se Nobis, seu Officiali nostro non præsentaverint seu nominaverint, nostram indignationem incurrant: & si eam expectare maluerint, nullam a Nobis gratiam inveniant, (quam tamen, si se ipsos offenderint, firmiter expectare poterunt) verum consequantur id, quod iustitia dictaverit rigorosa. Et ne aliqui ex eis, crassam præsentium prætereundæ valent ignorantiam, quamvis necesse non sit, id, quod in hac *Sancta Synodo* ita publice promulgatur, singulorum auribus inculcare; vobis in virtute sanctæ obedientie, & sub pena excommunicationis districte præcipiendo mandamus, quatenus has nostras literas, & in eis contenta, in vestris Ecclesiis, & per Plebanos, seu eorum Vicarios, intra vestros Decanatus constitutos, publicatis, & nostra auctoritate publicari omnimode faciatis. Datum crastino Dominicæ *Innocentii*, Anno Domini 1335.

Tomus IV. Concil. German.

l i i 2

C.V.

Cap. V. *Contra Beggardos & Sueltriones.*

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius &c. Dilectis Abbatibus, Præpositis, Decanis Ecclesiarum Collegiarum, nec non Collegiis & Conventibus, ac Decanis Christianitatum, Plebanis, & eorum vices gerentibus, nec non omnibus & singulis Clericis secularibus & religiosis, ac universis Christi fidelibus nostrarum Civitatis & Diocesis, Salutem in Domino sempiternam.

Olim bonæ memoriæ HENRICUS Prædecessor noster, homines, qui Beggardii & Sueltriones appellantur, propter vitam & conversationem eorum suspectam, eorum sectam cupiens extirpare, ne communione eorum periculosi, cæterorum Christi fidelium gregem tanquam oves morbidæ inquinarent, processus quosdam fecit, in quibus eos, monitione Canonica præmissa, suam præcepit exire Diocesim: & si qui manere debeant, sub certis modis, & conditionibus fuerant remansuri; ipsosque postmodum si remanerent, seu ad suam reverterent Diocesim, & civitatem, vel venirent, seu mandatis suis salubribus non parerent, monitione legitima præmissa excommunicavit, & excommunicatos mandavit publice denunciari, & alios diversos, & eis merito formidandos processus, contra ipsos duxerat emittendos: Nosque ejus vestigiis inhaerentes, secundum eorundem processuum continentiam, contra eos, & eorum personas nostros processus duximus faciendos ac etiam publicandos, sicut hæc ad vestram, seu vestrum majoris partis noticiam devenisse, minime dubitamus, prout hæc & alia in literis tam Prædecessoris nostri, quam nostris super hoc confectis, plenius continentur. Verum quia, prout ad nostram relatum est audientiam, hujusmodi hominum perniciofa de novo incipit adeo in nostra civitate & Diocesi invalescere multitudo, ut nisi de novo eis per competentia contraria resistatur, pejora prioribus pericula subintrabunt: Vobis Plebanis & vices vestras gerentibus, in virtute sanctæ obedientiæ, & sub pœna excommunica-

tionis districte præcipiendo mandamus quatenus contra omnes hujusmodi clarum homines, Beggardos & Sueltriones, secundum prælati Prædecessoris nostri, & nostorum processuum continentiam procedatis, ipsos processus contra eos, & ipsos in domos suas recipientes communicantes eisdem, seu eis quicquam dantes, nec non eorum fautores & eis opem seu operam conferentes procedatis. Vosque omnes, & singuli prædicti ipsos archies eviteatis: & innamur vobis, quod si in præmissa executione aliqui ex vobis inventi fuerint desides, vel remissi, contra tales per rigorem justitiæ sine dubio procedemus.

Datum crastino Dominicæ Invocavit Anno 1335.

C. VI. *De non promotis, & non residentibus.*

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius &c. Dilectis in Christo universis, & singulis Decanis Christianitatum nostræ Diocesis, salutem in Domino.

Cum nuper in Concilio proximæ præterito in majori Ecclesiæ nostræ Colonienfi celebrato, omnes & singulos Ecclesiarum Parochialium (a) Pastores non promotos ad Sacerdotium, aut non residentes, moneri, requiri & hortari in Domino charitative fecerimus, ut intra certa tempora promoveri se facerent, & in suis Ecclesiis residerent, nisi eos cause rationabiles excusarent: alioqui Nos processuros contra eos fuerimus comminati: quo non obstante, nonnulli in sua pertinacia persistentes, non promoti, ac non residentes, & ad susceptionem ordiois Sacerdotii, & ad residentiam faciendam, sicut prius, hætenus se non disposuerunt, & adhuc minime se disponunt. Quocirca vobis committimus & mandamus, quatenus quilibet vestrum per se, seu per alium, aut alios vice, & auctoritate nostra, quas cuilibet vestrum in hac materia committimus, fructus universos Ecclesiarum hujusmodi non promotorum, & non residentium, prout cuilibet vestrum subsunt, sequestratis, & in sequestro sub (b) firma custodia teneatis

(a) Rectores

(b) fide

tis & referveris, quousque aliud receperis in mandatis. Volumus etiam, ut si qui ex eis causis rationabiles juris proponere (c) voluerint, quare tales non promoti, & non residentes, ad præmissa minime teneantur, coram Officiali nostro Colonienſi probent, & proponant, & ejus super hoc declarationem recipiant. Si qui vero ex eis, in hujusmodi rationabilibus causis deficiunt, vel eas non habuerint, in fructibus hujusmodi suarum Ecclesiarum, aut parte aliqua eorum, cum verisimiliter hanc poenam plus timere consueverint, prout quantitas eorum contumacie exegerit, decernimus multandos. Quos quidem fructus Dilecto in Christo Sigillifero Colonienſi, dum, & prout requisierit, volumus assignari, & ei rationem fieri de eisdem: Ecclesias etiam prædictorum non promotorum, & non residentium, quarum fructuum sequestratio forsitan impediretur violenter, expresse vel occulte, per quamcunque personam cujuscumque Dignitatis, Status, aut conditionis existat, monitione sex dierum præmissa, Ecclesiastico supponimus interdicto, in ipsasque personas in hoc culpabiles, excommunicationis sententiam ferimus in his scriptis. Et tam diu Ecclesie maneat interdictæ, & personæ excommunicatione denunciætur, quousque Ecclesie fuerint relaxatæ, & personæ mereantur a Nobis, seu ab Officiali nostro absolutionis Beneficium humiliter obtinere. Nomina vero non promotorum, & non residentium, & Ecclesiarum, quas obtinent, aut quid in præmissis feceritis, Sigillifero nostro prædicto intra novem dies post receptionem nostri mandati, rescribere nullatenus omitatis. Nomina etiam illorum, qui in hoc præsentis nostri mandato rebelles aut impediētes tacite seu expresse, per se, seu per alios, fuerint reperi, quam cito talem rebellionem aut impedimentum intellexeritis, prædicto nostro Sigillifero rescribere, & intimare non differatis. Datum Bonnz Fria quinta post festum B. Petri ad Vincula, Anno Domini 1335.

(c) habuerint

C. VII. *Declaratio super Statuto edito a D. ENGELBERTO contra eos, qui manus violentas injiciunt in Clericos.*

WALRAMUS, DEI gratia, Sanctæ Colonienſis Ecclesie Archi-Episcopus, Sacri Imperii per Italiam Archi-Cancellarius:

Cum olim bonæ memoriæ ENGELBERTUS noster Prædecessor, in primo Capitulo Statutorum tunc Synodaliū, quod inticulatur: *Contra eos, qui manus in Clericos, vel personas Ecclesiasticas injiciunt temere violentas*: quosdam probandi modos, per quos, seu per quorum alterum ad minus, probari & constare deberet de iniectione hujusmodi violenta, ad hoc, quod prædictum Statutum contra eos editum servaretur, expresserit sub his verbis, scilicet: Cum de iniectione hujusmodi confiteretur per facti evidentiam, vel publicam famam, vel aliam fidem, coram loci Ordinario faciendam per juramentum injuriam passi, si fuerit persona honesta & fide digna, vel per testes: & in Statutis subsequentiū, quæ de injuriis personarum Ecclesiasticarum, ac Monasteriorum, & rerum Ecclesiasticarum, seu ad eas, vel ad ea pertinentium, faciunt mentionem, modos probandi non expresserit & constandi; in hujusmodi tamen Statutis iidem probandi & constandi modi, per multa tempora, puta per quadraginta annos & amplius, nedum hujusmodi Statutis existentibus Synodalibus, verum etiam postquam per bonæ memoriæ HENRICUM Prædecessorem nostrum in Provinciali Concilio congregato, autoritate & consensu hujus Provincialis Concilii, ad ipsam nostram Provinciam in omni forma, modo, ac clausulis, & tenoribus, & poenarum adjectionibus suis fuerunt extensi & Provincialia facta, usque ad hæc tempora sint observata a nostris subditis pacifice & quiere: quia tamen ad Nos noviter devenit, apud nonnullos in dubium revocarum esse, an hæc subditorum nostrorum observantia, ex eo, quod prædicti modi probandi, in præfato primo Capitulo duntaxat expressi sunt, sint sic de jure hætenus observata, & in antea observanda: Nos minime ambi-

gentes, ut Ecclesiasticis personis, Ecclesiis, & Monasteriis, ac earum rebus contra multiplices injurias, quæ frequenter ipsis & multipliciter irrogantur, celeri subveniretur remedio, nec ipsos Prædecessores nostros in hac parte in odium injuriatorum, ad probationes aliquas, in quibus prorsus ad celere non posset perveniri remedium oppressorum, remittere voluisse, & ob hoc eodem probandi modos & constandi, cum eadem sit ratio primi & omnium subsequentium Statutorum, & si quodammodo non exprefferint, fieri debere, eorundem Prædecessorum nostrorum fuisse absque dubio voluntatem. Auctoritate igitur præsentis statuti, de consilio & consensu dilectorum in Christo Capituli & Prælatorum nostrorum decernimus, dicimus, & declaramus, juris observantiam prædictam rationabilem, ac intentioni prædictorum Condentium correspondentem, & ita debere a nostris subditis sine contradictione qualibet, absque dubitationis scrupulo, de cætero observari. Datum anno Domini 1335. in vigilia B. Remigii Confessoris.

C. VIII. *Innovatio Statuti D. HENRICI
Archi-Episcopi, contra Beggardos
& Suestriones.*

IN Nomine Domini, Amen. WAL-
RAMUS, DEI gratia, Sanctæ Co-
loniensis Ecclesiæ Archi-Episcopus, Sa-
cri Imperii per Italiam Archi-Cancellarius, Dilectis in Christo Præpositis, Archi-Diaconis, Abbatibus, Decanis, Prioribus, & Prælatibus, Ecclesiarum Rectoribus nostrarum civitatis ac Diocesis Colonienfis, ac aliis nostris subditis universis, Salutem in Domino sempiternam.

Cum alias bonæ memoriæ HENRICUS Prædecessor noster, multa diligentia & deliberatione præhabitis, quosdam homines, Beggardos & Suestriones vulgariter nuncupatos, cum suis receptatoribus, defensoribus, & fautoribus, propter sectam, quam sequuntur, & errores varios Fidei Catholicæ contrarios, exigente justitia excommunicasset, & excommunicatos per omnes Ecclesias civitatis & Diocesis nostræ mandasset publice nunciari, diversis nihilominus pœnis contra eos in suis processibus pro-

mulgatis, quos & Nos in pluribus nostris Synodaliibus Conciliis innovari fecimus publice & solemniter publicari, prout hæc & alia in ipsius nostri Prædecessoris processibus atque nostris plenius continentur: Nos demum fide dignorum assertionibus inclinati, asserentium complures ex his, dictorum Beggardorum & Suestrionum abjecto habitu & spretis erroribus, reconciliationis gratiam & absolutionis beneficium affectare, etiam erroris (a) sectam hujusmodi & habitum abjurare; certo nostro Commissario super his inquirendi, eosque, vel eas ab ipsis processibus, atque pœnis in ipsis contentis, absolviendi dedimus potestatem. Verum quia de novo, nonnullos hujusmodi habitus delatores, & sectæ professores, non abjuratis secta & habitu hujusmodi, immo ipso habitu non abjecto, a dictis processibus & pœnis in ipsis contentis, per dictum nostrum Commissarium (quod tamen nec speramus, nec credimus) se publice percipimus asserere absolutos: Nos, qui præcipue in votis gerimus, ut negotium Catholicæ Fidei nostris prospereatur temporibus, & errores hujusmodi a finibus fidelium extirpentur, præsentibus declaramus, nostræ intentionis nec fuisse, nec esse, quod ipse noster Commissarius ipsos Beggardos aut Suestriones a dictis processibus & pœnis eximeret, vel absolveret, aut eos ipsis decerneret non teneri, nisi prius ipsi, ipsorum erroribus, secta etiam & habitu hujusmodi, abjuratis, sub communi vita & habitu Christi fidelium, vivere laudabiliter & devote. Decernimus etiam & declaramus, absolutiones ipsis Beggardis & Suestrionibus datas, & decreta super ipsis facta aliter a quovis nostro Commissario, quod tamen non credimus, non tenere. Quo circa vobis & cuilibet vestrum sub pœnis in dictis processibus expressis & prolati, præcipimus & mandamus, quatenus dictæ sectæ professores & habitus hujusmodi delatores Beggardos & Suestriones, una cum suis defensoribus, receptatoribus & fautoribus excommunicatos, & a cunctis Christi fidelibus evitandos publice nunciatis, contra eos, sicut prius, procedentes, secundum dicti nostri Prædecessoris, & nostrorum continentiam mandatorum, ipsi in omni
sua

(a) errorum

sua forma executioni fideli debite de-
mandando. Datum ipso die B. Remigii

Confessoris, Anno Domini MCCC-
XXXV.

COLONIÆ SYNODUS DUPLEX

ANNO MCCCXXXVI. VERNÆ ET AUTUMNALIS.

I. De non residentibus, & non promotis ad sacros Ordines.

WALRAMUS, Dei gratia, Sanctæ
Coloniensis Ecclesiæ Archi-Epi-
scopus, Sacri Imperii per Italiam Archi-
Cancellarius, Dilectis in Christo omni-
bus, & singulis Christianitatum Deca-
nis nostræ Diœcesis, salutem in Do-
mino.

Meminimus Nos dudum paterna so-
licitudine ex officii nostri debito, omnes,
& singulos nostræ civitatis, & Diœcesis
Ecclesiarum Rectores ad Sacerdotium non
promotos, aut etiam promotos, in suis
Ecclesiis minime residentes, charitative
monuisse, & induxisse, ut intra certa
competentia tempora, cessantibus aliis
Canonicis impedimentis seu privilegiis,
se promoveri in Sacerdotes procurassent,
& in suis Ecclesiis residerent. Verunta-
men complures ex eis, nostris moniti-
onibus, & inductionibus salubribus spre-
tis, intra hujusmodi tempora se minime
promoveri procurarunt, neque in hujus-
modi suis Ecclesiis curaverunt residere,
aut privilegia, sive Canonica impedimen-
ta, aut Statuta allegare seu prætere-
re, quare ad hoc non tenerentur, vel com-
pelli non deberent. Unde Nos talium
non promotorum seu non residentium tem-
erariam audaciam animadvertentes, fructus
hujusmodi Ecclesiarum mandavimus,
& commisimus, per vos, & quemlibet
vestrum, prout vobis fuverant, seque-
strari, & teneri fideliter in sequestro,
quousque aliud perciperetis super his in
mandatis: hac tamen moderatione tunc
adjecta, ut si quis eorundem non promo-
torum, aut non residentium, privilegiis
aut aliis causis rationabilibus, seu Canoni-
cis impedimentis se tueri posset, quominus
hujusmodi nostris monitionibus, &
sequestrationibus fructuum parere tene-
rentur, coram Nobis aut Officiali nostro
Coloniensi illas proponerent, & proba-
rent, & suam declarationem reciperent, &
determinationem. Aliarum vero Eccle-
siarum (quarum Pastores nullam habent

exculationem contra hanc nostram seque-
strationem) mandavimus fructus nostro
Sigillifero per vos Decanos assignari, &
ei rationem fieri de eisdem, nili com-
pnerent hujusmodi Pastores de his cum
eodem. Et ne hujusmodi sequestra-
tionis nostræ mandata præfata, ludi-
briosa reddant, Ecclesias hujusmodi non
promotorum, aut non residentium, in
quibus, vel quarum aliqua, sequestratio
nostra præfata impediretur violenter, ex-
pressè, vel occulte per quamcunque per-
sonam cujuscunque status aut conditionis
existeret, monitione sex dierum præmissa,
ut desisterent, Ecclesiastico in Scriptis sup-
ponimus interdicto: & in culpabilem, seu
culpabiles in istis, promulgamus similiter
propter hoc in scriptis, præfata Canonica
monitione præmissa, sententiam excom-
municationis: & mandavimus eosdem ex-
communicatos, si satisfacere non curarent
de commissis, & absolutionis Beneficium a
Nobis, aut a dicto Officiali nostro obti-
nere, publice nunciari. Sane cum non-
nulli ex dictis Pastoribus, ad huc non pro-
moti, seu non residentes reperiantur, qui
nec privilegia, seu causas rationabiles, aut
Canonica impedimenta, quare ad hoc
minime tenerentur, coram Nobis, aut dicto
Officiali nostro ostenderunt: & his
non obstantibus, contra nostram seque-
strationem fructus hujusmodi suarum Ec-
clesiarum, sicut prius perceperunt, &
absportaverunt, in animarum suarum
grave periculum, & scandalum plurimo-
rum, ac nostram, & nostrorum manda-
torum parvi pensionem. Propter quod
vos Decanos Christianitatum prædictos,
& quemlibet vestrum requirimus, vobis-
que mandamus, quatenus fructus per
vos (a) sequestratos, & vestræ custodiæ
deputatos, præfato Sigillifero nostro as-
signetis, & rationem de his faciatis intra
tres septimanas, a data præsentium nu-
merandas. Ecclesias vero Pastorum
non promotorum, aut non residentium,
qui fructus earum sine licentia nostra, vel
ordinatione habita cum Sigillifero nostro, per-
ce-

(a) nos

perceperunt, & abspertaverunt (quas propter hoc Ecclesiastico supponimus interdicto) interdiktis publice nuntiatis, mandantes inibi interdiktum inviolabiliter observari. Ipsos vero Pastores, seu alios, qui in hoc culpabiles existerint, & sunt, & propter hoc sententiam excommunicationis inciderunt, excommunicatos publice in vestris Ecclesiis, & eorum, & alibi, ubi opportunum fuerit, nuntietis, & faciatis ab aliis nuntiari, ubi & quando de hoc fueritis requisiti: mandantes eisdem & aliis, qui scienter in ipsis Ecclesiis sic interdiktis in contemptum clavium, divina celebraverint officia, immo potius profanaverint, qui nisi de celeri satisfactione sibi prospexerint, contra eos nominatim tanquam contra irregulares, prout iustitia exegerit, procedemus, nomina horum, qui dictum nostrum sequestrum impediverunt, seu fructus sequestrationis abspertaverunt, & nomina Ecclesiarum earundem, Nobis aut praefato Officiali nostro fideliter rescribentes.

Datum Brulz in crastino B. Valentini Martyris Anno Domini 1336.

C. II. *Revocantur omnia indulta praetensa, per quae Moniales consueta velamina tollendi auctoritatem sibi concessam excusare volunt, & falso allegant.*

WALRAMUS, Dei gratia, Sanctae Colonienfis Ecclesiae Archi-Episcopus, Sacri Imperii per Italiam Archi-Cancellarius, universis praesentes literas visuris, & audituris, salutem in Domino sempiternam.

Quoniam animarum subditorum nostrorum periculis, ex nostri Officii debito praecavere, quantum possumus, teneamur, illarum tamen excessibus personarum, quae specialiter Divino sunt mancipatae ministerio, praesertim quando ipsorum dissimulatio correctionis excessuum, non absque nostra aliquali infamia poterit non modica perdurare, debemus occurrere, quanto celerius possumus, toto nisu, ne in aliis errorum occasio (qui positi sumus, ut aliorum corrigamus errores, sedentes super speculam) videamur, cum testante sacro (b) Canone crudelis sit, qui famam suam ne-

gligit. Sane his temporibus (quod do-
lenter referimus) nonnullae Sancti Augu-
stini, & Sancti Benedicti Ordinis Mona-
stiorum nostrae civitatis, & Diocesis
Sanctimonialiales, Ordinis ac Status sui,
ac Jurum, & Statutorum Synodali-
um Praedecessorum nostrorum super hoc edi-
torum immemores, & eorum poenas
formidabiles minime formidores, tam
intra, quam extra Monasteria sua habiti-
bus, quibus ex eorundem injunctio-
ne Statutorum uti tenentur, abjectis, seu
in majori parte mutatis, incedere publice
non verentur, & habitibus ac ornamen-
tis etiam ad instar mulierum secularium,
suum Ordinem, Statum & regulam nequa-
quam decentibus, se permittit illicitis in ex-
cessu, prout de hystanquam de notoriis,
non potest alicui de populo non constare:
& nonnullae ex eis, ut suae hujusmodi
inordinationis excusationem habere in
talibus teporentur, in nostri Status inju-
riam asserunt, prout ad Nos pervenit,
Nos eis, ut talibus ipsis uti liceat, in-
dulsisse. Nos igitur, licet non credamus,
nec recordemur, Nos eis verbo vel
facto aliqua talia indulsisse, per quae fo-
mentum licentiae eis talia faciendi pos-
sint elicere quoquo modo: ex abundanti
tamen (ut cunctis nostra hac in parte
pareat intentio) hujusmodi calva excu-
sationis consueta velamina omnino tollere
cupientes, omnia, & singula quibuscun-
que Sanctimonialibus, & earum Praelatis
cujuscunque Ordinis, Status, & condi-
tionis nostrae civitatis & Diocesis in ge-
nere, vel in specie indulta, sub quacun-
que verborum forma concepta, dicta,
vel scripta per Nos, aut nostro nomine
aut auctoritate quocunque modo, quae
aliquem intellectum, per quem hujus-
modi abusum praedictae Sanctimonialiales,
seu eorum Praelate valeant de cetero co-
lorare, & tanquam nostram se habere su-
per hoc licentiam pro excusatione pro-
tendere, trahi possent (cum intentionis
nostrae non fuerit, sicut nec esse debuit,
quin semper Praedecessorum nostrorum
Statuta salva, & incolumia voluerimus,
remanere) praesentibus revocamus, &
nullius penitus volumus fore momenti:
immo nostrae non fuisse intentionis, quin
praedicta Statuta praedecessorum nostro-
rum super statu, & decernia praedictarum
Sanctimonialium, & suarum Praelatarum
edicta,

(b) Nolo 12. q. 1.

ediſta, in ſuo remanerent robore, & ad ea tenerentur efficaciter obſervanda, liis noſtris literis declaramus. Mandantes eiſdem ſanctimonialibus omnibus, & ſingulis, ac earum Prælatiſ in præſentia omnium *in hac ſacra Synodo congregatorum*, ut prætextu cuiuſcunque noſtræ licentiæ, ſi quam hætenus ex eiſ aliquæ minus veraciter allegarunt, Statuta præſata aliquid non excedant, nec pro ſui Status, & habitus aliquo abuſu, tuitione ſeu exceſſu, noſtræ licentiæ prætextu audeant ſeu debeant ſe aliquid excuſare. Datum Lechenich in die Beati Mathiæ Apoſtoli, Anno Domini 1336.

C. III. *De comminantiſ incendium, & tædas ante portas ſeu oſtia appendentiſ.*

WALRAMUS, Dei gratia, Sanctæ Colonienſiſ Eccleſiæ Archi-Epiſcopus, Sacri Imperii per Italiam Archi-Cancellarius &c.

Quædam in hiſ partibus (prout apud omnes notorium eſt) abuſio inolevit, quod quidam iniquitatis filii, dum ab aliquibus, quos ſibi in aliquo injuriatos aliquando, aut alias obnoxios conſingunt, aliqua contra Deum & Juſticiam nituntur fallaciter extorquere; ad Sacerdotes aliquos accedunt, quibus prædicunt, quo ſub Sacramentaliſ confeſſionis titulo exponere deſiderent aliqua eiſdem, ipſiſ poſtea committendo, quod ipſi Sacerdotes abſque illorum nominum expreſſione, ſeu certa denominatione, hiſ, quos ſibi injuriatos ſeu obnoxios ſic conſingunt, dicant, quod aliqui deveniunt ad ipſos Sacerdotes, qui ipſiſ dixerint, quod niſi ipſi prædictiſ iniquitatis filiis certas pecuniarum ſummâſ per tales Presbyteros tranſmittant, eorum curteſ, grangiaſ ſeu domoſ volent incendio devaſtare: aut tædaſ quaſdam eorum portis ſeu oſtiis clam appendunt, in ſignum, quod domoſ taleſ, grangiaſ, ſeu curteſ concremare proponant, niſi ſecundum eorum voluntatem aliquantæ ſummæ pecuniaſ eiſ ſolvant: & denuo ad ipſoſ accedunt Presbyteroſ, eiſ ſuum in hac parte dicentem propoſitum, hiſ, quorum portis aut oſtiis tædaſ appendant, per ipſoſ Presbyteroſ indicandum ſub Sacramentaliſ confeſſionis no-

mine, ut eſt dictum. Nonnulli etiam Presbyteri nimia ſimplicitate, immo vera detenti ignorantia cœcitate, ſub cuiuſdam pietatiſ, & monitioniſ faciendæ velamento, taleſ iniquitatiſ filioſ, circa talia audiunt, & eorum ſic relata (eo quod huiuſmodi ſclerati aſſerunt ſe talia ſub Sacramentaliſ confeſſionis titulo dicere ipſiſ Presbyteriſ) ſub hoc confeſſionis Sacramentaliſ titulo recipiunt, & ſe debere recipere exiſtimant, & ea ulteriuſ abſque illorum ſic conſentientium nominum expreſſione ſeu designatione apud illoſ, a quibuſ ſic ipſi extorquere cupiunt, exponunt, & frequenter ſic ab innoxiiſ pecuniæ extorquentur, & ſcleratiſ, & noxiis aſſignantur. Prætereâ, quod magiſ pernicioſum exemplo eſt, & graviuſ dolendum, de quibuſdam audivimuſ Sacerdotibuſ, quod aliquando, eſi nulluſ eiſ talia dixerit, ſeu etiam aliquas tædaſ aliquorum portis ſeu oſtiis non appenderint, per ſe tædaſ huiuſmodi appenderunt, alioſ hoc feciſſe, & ſibi ſub Sacramentaliſ confeſſionis retuliſſe nequiter conſingenteſ, & ſic aliquando pecuniaſ extorſerunt. Noſ itaque, ne taleſ homineſ pernicioſi, de ſua commodum reportent nequitia, eorum (quantum poſſumuſ) malitiis occurrere cupienteſ, de noſtri Capituli conſilio, & conſenſu, hoc fieri de cætero autoritate præſentis ſtatuti omnimode prohibemuſ: monenteſ univerſoſ Presbyteroſ noſtræ civitatiſ, & Dioceſiſ, ne, ſi qua ſibi talia occurrerint, ſub titulo huiuſ Sacramentaliſ confeſſionis recipiant, ſicut nec recipere poſſunt, cum talis confeſſio (per quam expreſſe apparet, nedum conſentientem velle aliquid a peccato abſtinere, verum plane intendere peccati flagitium perpetrare) Sacramentaliſ naturam confeſſionis excludat. Talia etiam eiſ de cætero ſic dicenda audire reſutent, vel ſi audierint caſu, dicta, nominaque dicentium, & facti circumſtantiâ, plane hiſ, quorum intereſt, expriment: dum tamen per expreſſionem huiuſmodi, ipſi talia dicenteſ, vitam, & membrum non ſint veriſimiliter perdituri: circa quam expreſſionem, eorum conſcientiam oneramuſ: nec de hiſ: ut ipſiſ iniquitatiſ filiis aliquid deur, vel promittatur, aut ipſi aliquam utilitatem conſequantur ſub præ-

dicta confessionis specie, & modis præfatis, se nullatenus intromittant. Alioqui ipsos omnes, & singulos contrarium facientes, monitione ex nunc decem dierum præmissa, excommunicationis sententiæ volumus subiacere: omnes etiam, & singulos Clericos, & laicos, qui tædæ de cætero apposuerint aliquorū portis seu ostiis, aut aliqua signa clandestina, seu furtiva, seu aliqua sub Sacramentalis confessionis specie aliquibus Sacerdotibus exposuerint, ad hunc finem, quod per appositionem talium tædarum, vel aliorum signorum clan-

destinorum, & furtivorum prætensionem, & talis confessionis per aliquem Presbyterum relationem, nec expresso nomine seu designato faciendam, ut propter hoc emolumentum aliquod extorqueatur, eadem excommunicationis sententiæ, quam autoritate præsentis Statuti in ipsos serimus, innodamus. Datum & publicatum in Ecclesia nostra Colonienſi, dum esset ibidem Sancta Synodus congregata. Anno Domini 1336. in crastino S. Remigii Confessoris, quæ fuit dies secunda mensis Octobris.

SYNODUS COLONIÆ A. MCCCXXXVII. VERNA ET AUTUMNALIS.

C. I. De Synodi observatione.

WALRAMUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, Dilectis in Christo, nostras in sacra ventura Synodo, in crastino Dominicæ *Innocentii*, in Ecclesia nostra Colonienſi celebranda, vices gerentibus, salutem in Domino sempiternam.

Multis modis, & in pluribus sacris Synodis, hætenus per Prædecessores nostros, & per Nos celebratis, universos Prælatos, Collegia, Christianitatum Decanos, nec non Vicarios, cæterosque in Synodis Colonienſis Ecclesiæ, diversis vicibus, prout observatz fuerant, congregatos, rogatos, hortatos, ac requisitos, nec non ipsis mandatum ex parte nostrorum Prædecessorum intelleximus, & a Nobis meminimus, ut sicut Statuta Prædecessorum nostrorum, præsertim pie memoriz SIFRIDI nostri Prædecessoris, præcipiunt, in ipsis Synodis præsentialiter, vel per Procuratores in suo casu, & cum decenti habitu & modo, ac habentes Statuta ipsius nostræ Ecclesiæ in manibus, comparerent: nonnulli tamen ex eis, huiusmodi salubres rogatus, hortationes, requisitiones, & mandata minime adverentes, secundum ipsorum Statutorum continentiam, venire, & stare, & comparere in ipsis Conciliis non curarunt, poenas in ipsis expressas minime formidantes, forte supina quadam & crassa prædicti Statuti, Domini SIFRIDI maxime, ignorantia volentes suam inobedientiam excusare,

Verum etsi de rigore juris, ut forsitan pluribus videretur, circa præmissa ioculabiles videntur hi, qui circa talia exceſſerunt; quia tamen huiusmodi statuti poenæ sunt multum formidabiles, & secundum aliquorum reputationem, prædicti excedentes, reputari deberent suspensionis, excommunicationis, & irregularitatis nexibus damnabiliter laqueati: Nos tamen misericorditer agere volentes, delicta, quæ sic per eosdem delinquentes hætenus facta sunt, liberaliter remittimus: Vosque a sententiis suspensionis & excommunicationis eosdem delinquentes (si & in quantum in ipsos inciderunt) vice nostra ad cautelam absolvere studeatis: super irregularitatibus vero & eorum dispensationibus ipsos ad Sedem Apostolicam (si & in quantum ipsos eorum urgent conscientie, præsertim rationaliter informate, quibus conscientis ipsos in hac parte relinquimus) remittentes. Cæterum, ne per hanc crassam & supinam ignorantiam de cætero valeant se tueri, & omni semota excusatione fucata, (a) ad prædicti statuti SIFRIDI observantiam totalem sciant & noscant se de cætero penitus obligatos, ipsum statutum, quod est primum inter statuta ipsius SIFRIDI, & quod sic incipit: *Licet de Clericis, qualiter eos cum modestia* &c. de verbo ad verbum volumus, & omnino præcipimus, legi publice intelligibiliter in sacra Synodo memorata, & eisdem ibi præsentibus, ac aliis omnibus, quorum interest, publice prædicti, post prædictam nostram Synodum,

(a) sicla

dum, omnes Prælatos, Collegia, Christianitatum Decanos, Plebanos, Capellanos, Vicarios, ac omnes & singulos, de quibus in ipso statuto mentio fit, pœnis in ipso statuto expressis, si contrarium fecerint, innodatos secundum ipsius continentiam & plebendos, & per vos, qui præsentés fueritis, hoc præcipimus declarari. Prædictum etiam statutum cum omnibus suis clausulis & pœnis extendi volumus ad Concilium in crastino B. Remigii Confessoris anno quolibet celebrandum. Datum anno Domini 1337. in vigilia Beati Mathiæ Apostoli.

C. II. De tonsura & habitu Clericorum.

WALRAMUS, DEI gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, Dilectis sibi Abbatibus, Præpositis, Decanis Ecclesiarum Collegiarum, ac Collegiis & Conventibus, ac Decanis Christianitatum, Plebanis, & eorum vices gerentibus, nec non omnibus Clericis secularibus & religiosis, ac universis Christi fidelibus nostrarum Civitatis & Diocesis Colonienſis, salutem in Domino sempiternam.

Quoniam diversi generis hominum distingui & fecerni per habitum Professores, consule editiones tam Civiles, quam Canonice decreverunt, ut hi, qui specialiter Divino sunt officio mancipati, & contemplationi & orationi dediti, ab omni conformatione cessent temporalium, & in se, qui sunt forma aliis & exemplar, quomodo deceat *in domino deum venerari*, per decentiam habitus extrinseci ostendant morum intrinsecam honestatem: & quod corde gerunt, ore prædicent, actu demonstrent, tanquam militiæ Dei & Ecclesiæ militanti specialiter deputati, a secularibus sint sejuncti: contra lascivientes per ejusmodi habitum; coronam, crines, & incesum quemlibet Ordini Clericali minime congruentem, a nostris Prædecessoribus, & a Nobis sub duris pœnis & gravibus sententiis emanarunt successive, prout reformationi horum & honestati Cleri expedire pro tempore putabatur, diversimodæ sanctiones. Sane cum humana infirmitas, vitiolorum imitatrix, quæ

plus vetitis, quam concessis solito immoratur: nonnullos nostræ Civitatis & Diocesis tam Clericos, quam Prælatos, hujusmodi prohibitionibus non contentos adeo excæcavit, ut inter ipsos (quod dolenter referimus) quasi communis morbus irrepserit, quod se in incesu, moribus, vestibus, & capillis, laicis, & plus etiam, quam vel hos deceat, studeant conformare: & tamen quoad usum & utilitatem privatam stipendiorum beneficialium, Clericalis militiæ stipendiarii esse volunt: ad obsequia vero, quæ horum exigit receptio, nequaquam se obnoxios reputantes, adscribunt dedecori, vile æstimant, & autumant inhonestum, in horum ordinum signis & insigniis, in tonsura scilicet & habitu eos decentibus, conversari, & in publico comparere, minime advertentes, quod ipsi Clericalis militiæ, immo aliqui ex eis, sacrorum Ordinum sunt caractere insigniti: ac quod non solum crudeliter famam suam negligunt, & Cleri statum deformant; sed & plerumque more femineo laborare contra propria sua commoda moluntur. Incedunt siquidem in vestibus artibus & strictis, quibus cum difficultatibus induuntur: in tantum ut brevibus, quod vix per eas genua & inferiora femoralia conteguntur. Wambosius etiam cum longis manicis, per particulas appendentes, scissis & non scissis, ac non solum longis, sed ultra genua pendens: & aliqui nimis brevibus, amplis & latis multipliciter complicatis utuntur, subtus pro prima subveste Wambosia apparent contra Clericalem decentiam deferentes: & quod nec licet in aliis vestibus, eadem variata ex diversis coloribus & figuris, etiam scacata & virgata, ex texturis sericis & aliis induuntur. Vestes etiam scacatas rubei & viridis coloris, seu quibus de alio colore manica est assuta, ante pectus & ultra cubitum, multum & notanter nodatas, a lateribus scissas, ibi & in longum ad oram ac in manicis cum quadam revolutione furratas, ita quod ad modum chordæ exterior apparet ipsa notabiliter furratura.

Nonnulli etiam CORONAS non deferunt, & si ipsas deferunt, in locis hoc faciunt indebitis, retro videlicet in capite, ut dum velint, ipsas, de quibus de-

Tonus IV. Cancil. German.

K k k . s

berent,

berent merito gloriari, possint sub criminibus occultare. Quidam etiam comam & barbam exquisitè nutriunt, & desuper cincturis (a) de auro & argento, quod potius deberet ad usus pauperum erogari, multifarie ornatis, se cingunt: quibus tectas sive peras preciosas & simili modo ornatos cultellos triforios, & non solum triforios, sed & semigladios (b) appendunt, & eisdem non tantum in populo & in grande Cleri scandalum, sed & intra immunitates, & in Ecclesiis, ubi Beneficiati sunt, & (quod deterius est) quando Divinis interfunt Officiis, in Omnipotentis DEI offensam deferre publice non verentur. Caligis rubeis, glaucis & viridibus se caligant: & calceis modo vario perforatis & incisis, sic etiam, quod incisum corium aliquibus in calceis appendet per frustra volitantia hinc & inde, obliis coelestis militiæ, cui adscripti sunt, tanquam inservientes armatæ militiæ induuntur. Aliqui etiam ex dissolutionis fomite, caputis veniunt longis, quorum similibus Monachi conversi intra septa sui Monasterii solent uti, causam legitimam contingentes, quod ipsorum caputiorum caudis nuda manuum a fratribus protegant: quas non solum decentius & commodius, sed & utilius & celerius præservaret ab his abusivis, si eisdem uterentur, vestium ampliando. Plures etiam quedam caputia perforata scissa & fissa, cum magnis panni particulis pendentibus: quidam vermiculata filis sericeis, aureis & argenteis, eademque desuper variis contextis & depictis figuris ornata deferunt, statum suum in præmissis, & pluribus aliis plus, quam laici, dissolventes, & adeo in suis stultitiis & superstitionis adinventionibus gloriantes, ut suo (c) iudicio plus laudetur, qui plures & magis raras formas adinvenit, & gestat: & in his abusivis plus laicis se conformant, sic quod nullus delectus vel modicus perpendi valet inter tales Clericos & laicos excessive delicatos, & plus etiam, quam eosdem decent, dissolutos.

Nos igitur cupientes ex debito Pastoralis nostri Officii (ut tenemur) præmissis, quæ nuper in *visitatione nostra generali*, nonnullis nostræ Civitatis Ecclesiis personaliter per Nos impensa, ac in

aliis per *nostros Commissarios facta*, tanquam notoria, & quia pro more jam evidens abusus inolevit, reformationi nostræ reservavimus speciali, competentem adhibere medelam; ut eos, quos ad delationem habitus, tonsuræ, incessus, & conversationem honestam congruentes Ordini Clericali, virtutum præmia non inducant, licet de rigore juris secundum decretum *Innocentii Papa II.* (qui præcipit, ut *Clerici universi, in statu incuti, in habitu corporis, Deo, & hominibus placere student*, & nec in superfluitate fissuræ, aut colore vestium, nec in mensura, inveniunt, quorum forma, & exemplum esse debent, offendant ad spectum, sed potius, quod eorum deceat sanctitatem: quod si moniti ab Episcopis, emendare noluerint, Ecclesiasticis careant Beneficiis) contra toties monitos, ad privationem Beneficiorum suorum procedere nunc possemus: quoniam iustum esset, ut Beneficiis privarentur, qui eisdem se reddunt indignos, & ipsorum insigniis abutuntur, ut similem cum illis, quorum sectantur gestus, & leges, reciperent in legibus disciplinam: saltem mitius, prout ad præsens proficere credimus, tam adjectarum penarum exaggeratione, quam adjiciendarum de novo formidine, possemus a suis ausibus temerariis refrænare. Monemus igitur universos, & singulos nostrarum civitatis, & Diocesis Priores, & Prælatos, & Clericos, Beneficiatos, & quoscunque etiam alios in sacris Ordinibus constitutos, pro Clericis se gerentes, cuiuscunque dignitatis, & præminentie, conditionis aut status fuerint, quatenus a præmissis omnibus, & singulis abusivis, præsertim coram Nobis, nec non in locis, aut intra Ecclesias, & immunitatem Ecclesiarum, ubi Beneficiati existunt, penitus abtineant, & honeste incedant, secundum decentiam Clericalem, tonsuram ac habitum deferant suo Ordini congruentes. Et superius cincti, nusquam compareant, nisi tempus hoc requirat, vel recessuri sint a locis, ubi degunt, aut sint in itinere constituti. Alioquin Nobis in præmissis, vel præmissorum quolibet non parentes, vel contrarium facientes, *triginta sex dierum monitione præmissa*, quorum ipsis duodecim pro primo, duodecim

(a) cincturis

(b) gladiolos

(c) ipsorum

cim pro secundo, reliquos vero duodecim pro tertio termino peremptorio, & monitione Canonica assignamus, ex nunc prout extunc excommunicationis sententiam ferimus in his scriptis: Monentes nihilominus vos omnes, & singulos nostræ civitatis, & Diocesis Ecclesiarum Collegiarum Decanos, nec non Subdecanum Ecclesiæ nostræ Colonienfis, in virtute sanctæ obedientiæ, & sub pena excommunicationis latæ sententiæ, quam in vos, & quemlibet vestrum, sex dierum monitione præmissa, in his scriptis ferimus, si non feceritis, quod mandamus: quatenus vos Decani prædicti, auctoritate vobis in hac parte competente, nec non tu Subdecane, prædicta auctoritate, quam tibi in hac parte per præsentem specialiter indulgemus, postquam vobis post dictam nostram monitionem, aliquem de Prælatiis, Canonicis seu Clericis Ecclesiarum Nostrarum apparuerit excedere in præmissis, seu aliquo præmissorum, super quo vobis, & simplici volumus adhiberi relationi vestræ plenam fidem: statim absque moræ dispendio, quantocius poteritis, Administratoribus, & Distributoribus fructuum, reddituum, proventuum, & obventionum, Præbendarum, & Beneficiorum suorum, nec non distributionum, & præsentiarum, inhibeatis, & interdicatis, quibus Nos præsentibus interdiciamus, & etiam inhibemus, ne post monitionem vestram, ipsis quicquam de præmissis, sive in grosso, sive in minuto, distribuunt sive administrent quomodolibet, vel assignent; cum illis fructus Beneficiorum suorum merito subtrahantur, quibus Ecclesiastica communio denegatur. Alioqui in Administratores, & Distributores prædictos, in præmissis contrarium facientes, sex dierum monitione præmissa, excommunicationis sententiam ferimus in his scriptis. Volumus etiam quod nomina rebellium præsentis nostro mandato, nobis intra mensem, postquam vobis de huiusmodi rebellione apparuerit publicum per incessum, fideliter referatis, ut contra eosdem, prout eorum protervitas exegerit, per alia juris remedia arctius (a) procedere valeamus. Porro vos etiam omnes, & singuli suprad-

icti, præmissis inobedientes, & rebelles, lapsi dicto nostræ monitionis termino, tanquam excommunicatos, & a communione hominum exclusos, nequam ad Divina Officia admittatis, nec cum ipsis interfiris eisdem, sed eos in actibus legitimis ac in omni humanitatis solatio penitus eviteris, sicut penas a jure statutas super his, incurrere formidatis: ut sic rubore confusi, a præmissis abstinere, & ad gremium Ecclesiæ Matris suæ redire, & dictis sententiis, absolutionis Beneficium quærere compellantur. Quarum (b) absolutionem, Nobis, & Officiali nostro duntaxat, præsentibus reservamus, ipsi Officiali nostro eosdem absolvendi (nisi prius exacta ab ipsis, & præstita juratoria cautione, quod mandatis Ecclesiæ parere debeant humiliter; & postquam talem cautionem præstiterint, eis injungat in virtute huiusmodi juramenti, quod de cætero ab his, propter quæ has inciderunt sententias, abstinebunt) potestatem omnimodam adimittentes. Per præmissa autem nolumus, nec intentionis est Nostræ, jurisdictioni vestræ Decanorum, quam vobis in correctionem prædictorum excessuum quomodolibet vindicare poteritis, in aliquo derogare: seu tuam Subdecani (cui propter hoc, quod Decanus Ecclesiæ nostræ Colonienfis hætenus non fecit, nec adhuc facit in ipsa Ecclesia nostra residentiam personalem in præmissis auctoritate nostra exequendis dedimus potestatem) ad alia, quæ tibi non competunt, prorogari: sed hinc inde jurisdictionem vestram, nec plus auctam, nec diminutam, sed in suo statu salvam manere providemus sicut ante, poenis etiam, & sententiis aliis a jure commui, Prædecessorum nostrorum statutis, atque nostris præceptis aut mandatis, contra & in præfatos absoles prolatis & expressis in suo robore nihilominus duraturis. Insuper vobis universis, & singulis Christianitatum Decanis per nostras civitates & Diocesis constitutis sub pena excommunicationis latæ sententiæ, quam in vos, & vestrum quemlibet sex dierum monitione præmissa in his scriptis ferimus, si præsentis nostro mandato non parueritis, districte præcipiendo mandamus, quare-

K k k 3

nu8

(a) acrius

(b) Quorum

nus postquam Nobis aliquem Pastorum, Plebanorum, Rectorum, seu Vicariorum perpetuorum Ecclesiarum seu Capellarum, intra limites vestrorum Decanatum consistendum, aut ipsas Ecclesias, seu Capellas quomodolibet Officiarium, & Regentium, lapso dictæ nostræ monitionis termino, excedere in præmissis, seu in aliquo præmissorum apparuerit publicam per incesum, Nobis ex tunc nomina ipsorum excedentium, intra mensem fideliter referatis, ut DEO auctore ad graviora (prout intendimus) procedamus. *Datum Godesberg, in Vigilia S. Michaelis. Anno Domini 1337.*

C. III. *De Censura, & Vestibus Clericorum.*

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius &c. Dilectis sibi Abbatibus, Præpositis, Decanis, Ecclesiarum Collegiarum, nec non Collegiis, & Conventibus, ac Decanis Christianitatum, & eorum vices gerentibus &c.

Nuper Nos in Synodo nostra proxime præterita inter alia, quæ pro reformatione Status Clericalis tam in habitu quam tonsura, in quodam nostro mandato per Nos facto, & inibi publicato, universis & singulis Prioribus, Prælatiis, & Clericis, nostrarum civitatis, & Diocesis, cujuscunque Ordinis, Status aut conditionis existerent, dummodo pro Clericis se gererent, inhibuimus eisdem, cum facti experientia informati didicissemus, propter gestationem cingulorum desuper in architudine, & brevitate vestium, & aliis, habitum, & incesum Clericalem multipliciter deformantibus, ipsos in abusus varios incidisse, quos verisimiliter prosequimus ex prohibitione cinguli posse facilius aboleri, ne usquam cincti desuper comparerent, nisi in casibus quibusdam exceptis, sub poena excommunicationis late sententiæ, sine qua alias nihil Nos proficere putabamus, aliisque gravibus poenis, in eodem mandato nostro prolatiis, & expressis, duximus inhibendum. Verum quia nonnulli Ecclesiæ nostræ Canonici, se personaliter nostro conspectui præsentantes, Nobis pro se, & aliis suis Concanonicis, de cætero in decendi eos habitu, & tonsura

debita, & patente incedere promiserunt, ut cincturis simplicibus desuper uti valerent, sine aliis abusionibus in dicto mandato nostro prohibitis: quodque sententiam excommunicationis in eodem mandato nostro latam, cum inde possent gravia etiam animarum pericula provenire, & non solum culpabiles, sed infantes, & alios innocentes per eam posset contingere laqueari, salvis tamen aliis poenis in dicto mandato, & in aliis nostris Prædecessorum nostrarum Statutis, præceptis, & mandatis expressis, & prolatiis, tollere dignaremur, instantius supplicantes. Unde Nos cum Capitulo, & Prioribus nostris deliberatione præhabita diligenti, qui Nobiscum quo ad correctionem suorum subditorum, quoad alias abusiones, in dicto mandato, Statutis, & præceptis, expressas & prohibitas, secundum formam, & modum eorundem vellent in antea diligentius insurgere, ipsaque mandata, statuta, & præcepta in omni sui (a) forma alias observare: dicto periculo attendentes, & præcipue, quod non modicum jam in reformatione habitus, & tonsuræ Clericali statui congruennis proficimus, immo multum; dictam excommunicationis sententiam in singulis suis clausulis in dicto mandato expressam, & prolatam, præsentibus tollimus, & penitus amovemus. Eisdem Prioribus, Prælatiis, & Clericis nostrarum civitatis, & Diocesis universis & singulis, ut cincti superius, cingulis tamen simplicibus, sine peris, & cultellis, dummodo his cingulis, dum religionem deferunt, non utantur, neque propter hoc magis strictas, & breves vestes deferant, sed alias in habitu competenter longo, & lato: in tonsura vero in loco debito sita, patente, & suo Ordini congruente, publico se conspectui exhibeant, nec alias abusiones in eodem mandato nostro prohibitas committant, incedere valeant utque ad crastinum Dominice Invenient, proxime adventuræ: Interim experiri volentes, an ex cessatione causæ prohibitionis dictorum cingulorum, Nos ad hoc moventis, quod Nobis promissum est, ut præsertur, sequantur in effectu, & ut eos decet, in habitu, & cinctura assuescant in publico comparere, præsentibus indulgentes: sic tamen, quod si quis.

(a) sua

si quisquam per publicum incesum, dicti mandati nostri in aliis abusionibus invennus fuerit violator, extrunc sibi per personas ad hoc in dicto nostro mandato deputatas fructus, redditus, & distributiones quæcunque sui Beneficii, vel Beneficiorum, si plura obtinet, auferantur, & penitus denegentur, & alias fiat, prout in eodem nostro mandato continetur: ita etiam, quod si qui eisdem fructibus, redditibus, distributionibus, obventionibus seu receptioni eorundem se ingesserint, seu quicquam etiam a volente recipiant de eisdem, extrunc sententiam excommunicationis (quam in his scriptis in eisdem ferimus, præter etiam eas sententias, quas auctoritate priorum nostrorum Statutorum sive mandatorum, propter hoc incidere dignoscuntur) incurant ipso facto. Quarum absolutio-

nem Nobis, & Officiali nostro, secundum formam tamen alias ei indultam, presentibus reservamus: Incumbentes nihilominus eisdem nostris Prioribus, Prælati, & Clericis, quod nisi a prædictis abusionibus studeant effectualiter abstinere, Nos ad dictam excommunicationis sententiam, privationem suorum Beneficiorum, & alia graviora, prout expedire videbitur, procedemus. Per præmissa autem intentionis nostræ non existit, eos teneri pro absolutis, qui contra prædictum nostrum mandatum faciendo, jam in excommunicationis sententiam inciderunt, donec absolutionem earum sententiarum, quas ante revocationem nostram præsentem inciderunt, ostenderint competenter. Datum, ut supra &c.

SYNODUS COLONIÆ AUTUM- NALIS ANNO MCCCXXXVIII.

C. I. *De non habentibus Beneficia, ad Ordines non promovendis. Et de Clericis, nisi prius receperint ab Examinatoribus approbationem super debitis transfiguratione, & ætate, similiter non promovendis.*

WALRAMUS, DEI gratia, Sanctæ Coloniensis Ecclesiæ Archi-Episcopus, Sacri Imperii per Italiam Archi-Cancellarius &c. Dilectis sibi Abbatibus, Præpositis, Decanis, Pastoribus, Plebanis &c.

Cum sub vetustæ consuetudinis velamine, qua tam regulares, quam seculares Collegiati Ecclesiæ, per nostras Civitatem & Diocesi constitutæ, illos in suis Ecclesiis beneficiatos Clericos, quos ex transacta vita per honesta muneris conversationis exempla, ad sacrorum susceptionem Ordinum, prout in suis Ecclesiis Divini cultus ministerium exigebat, idoneos reputarunt, Nobis, aut vice nostra Ordines celebriter conferenti, pro suscipiendis eisdem, ad titulum suarum Ecclesiarum, citra aliam examinationem & scrutinium, ut hoc suis dimissum est conscientia hæcenus, præsentarunt complures, ad præsentationem Ecclesiarum huiusmodi, de quorum vita & conversa-

tione ipsa aliquoties non constabat, titulos non habentes, imo (quod peius est) perpaçiones & renuntiationes præhabitas, spe habendi ab ipsis Ecclesiis titulum, penitus destitutos, intercedentibus quorundam precibus importunis (quibus prout frequenter fit, non concedenda conceduntur) ipsa Ecclesiæ aliquoties reluctantes, adhuc contra conscientias proprias inducuntur, & experientia non solum ad sacros Ordines, sed ad Sacerdotium etiam didicimus jam promotos: qui tandem ducti penuria in Omnipotentis DEI offensam, & in sui ordinis periculum, venale suum officium visi sunt exponere, & ostiatim querendo victum, in totius Cleri opprobrium publice mendicare. Cupientes huic morbo ex officio nostri debito competentem adhibere medelam, vobis districte sub interminatione æternæ maledictionis, & sicut illesam vultis præfatam consuetudinem observari (meretur enim suum usum amittere consuetudo, cum trahitur in abusum) presentibus inhibemus, ne quempiam, nisi actu in vestris Ecclesiis obtinentem beneficium, ad titulum earundem, pro suscipiendis sacris Ordinibus Nobis, aut cui hoc committendum duxerimus, de cætero præsentis, nec quispiam ad eas pro-

euret se a vobis, ubi actu non obtinet beneficium, presentari, nisi super eo a Nobis per patentes nostras litteras, obtinuerit specialem licentiam & consensum, & se prius nostris Examinatoribus cum ipsis litteris, antequam procedat ad Ordines, representet: & tam litterarum huiusmodi, quam de vita, scientia, moribus, & ætate, & aliis, quæ in huiusmodi scrutinio (a) fuerint indaganda, approbationem obtineat ab eisdem. Qui vero contra præmissa ad titulum alicujus Ecclesiarum vestrarum, de cætero ad aliquem sacrum Ordinem procuraverint promoveri, Canonica monitione præmissa, sententiam excommunicationis (quam in his scriptis ex tunc prout ex nunc ferimus) huiusmodi præsumptorem incurere volumus ipso facto. Insuper cum nonnullos in Ecclesiis vestris etiam actu Beneficiatos, qui prætextu præfate consuetudinis citra examinationem aliquam, ad locum, ubi conferuntur Ordines, processerunt, ex (b) eo, quod minus erant congrue tonsurati, ab ipso loco in conspectu omnium non sine magno scandalo amoveri, & ad sacros suscipiendos tunc Ordines, invenerimus non immerito refutari: Nos malo huiusmodi, antequam ad lucem sic scandalose prodeat, occurrere fore salubrius attendentes, vobis universis & singulis nostrarum Civitatis & Diocesis, Clericis districtè præcipiendo mandamus, quatenus non obstant præfata consuetudine, antequam vos ad sacros suscipiendos Ordines præparatis, & ad locum, ubi conferuntur Ordines, reponatis, personas vestras Examinatoribus nostris, qui pro tempore fuerint, presentetis, approbationem saltem ab ipsis super tonsuratione & ætate debitè recepturi. In quo, si reperti fueritis negligentes, non solum vos volumus & mandamus publice refutari, sed & nos contra vos juxta qualitatem facti arctius (c) procedemus. Datum Brulæ Anno Domini 1338. sabbato post festum B. Mathie Apostoli.

C. II. *Contra Quæstiones Eleemosynarum, & diversos abusus, & temerarias præsumptiones eorum.*

WALRAMUS, Dei gratia, sanctæ Colonienfis Ecclesiæ Archi-Episcopus

pus, Sacri Imperii per Italian Archi-Cancellarius &c. Dilectis sibi Abbatibus, Prepositis, Decanis, Plebanis, & eorum Vices gerentibus salutem in Domino sempiternam.

Morbo, qui in nostram Diocesis quasi communis irrepsit, quod nonnulli Eleemosynarum quæstiones, se fore alios mentiuntur: & ut pauperum substantias rapiant, & aurum subelli, imo potius fallaci ingenio extorqueant, ad alia, quam eis competant, suæ extendunt limites potestatis: super votis quidem de facto dispensant: a perjuriis, homicidiis, & peccatis aliis, sibi consistentes absolvent: mala ablata incerta, data sibi aliqua pecunie quantitate remittunt, tertiam aut quartam partem de penitentis injunctis relaxant: animas tres, vel plures Parentum, aut amicorum, illorum, qui Eleemosynas eis conferant, de purgatorio (ut afferunt misericorditer) extrahunt, & ad gaudia Paradisi perducunt: & alias complures abusiones committunt: nonnulli etiam se confingunt habere potestatem per litteras Apostolicas, quas non habent: & si habent, eis (ut præmittitur) abutuntur) ut per eas etiam ante, quam ipsæ litteræ per Nos examinate fuerint, sint admissi: huic inquam morbo cupientes mederi, remedio a sede Apostolica jam proviso, vobis Constitutionem per felic. recordation. Dominum CLEMENTEM Papam Quintum, contra huiusmodi abusores etiam in CONCILIO VENNENSI in præfenti nostra Synodo duximus publicandam, cujus tenor de verbo ad verbum dignoscitur esse talis:

A Busionibus, (d) quas nonnulli eleemosynarum Quæstiones in suis proponunt predicationibus, ut simplices decipiant, & aurum subelli vel fallaci potius ingenio extorqueant ab eisdem, cum in animarum cedant periculum & scandalum vergant plurimum, viam (prout est Nobis possibile) præcludere cupientes, juxta statutum Concilii generalis duximus prohibendum districtè, ne Quæstiones aliqui, nisi Apostolicas vel Diocesani Episcopi litteras exhibuerint, quomodolibet admittantur, nec permittantur: cum solum ipsis competat, indulgentias sibi concessas insinuare populo, & charitativè

(a) scrutinio pro examine

(b) & eo

(c) scrius

(d) Inter CLEMENTINAS Lib. V. Tit. IX. De penitentibus & remissionibus. Cap. II.

"tativa postulare subsidia suppliciter ab
 "eodem: nullatenus CHRISTI populo
 "prædicare, vel aliquid exponere, quam
 "quod in literis continebitur supra dicta.
 "Literas quoque Apostolicas DIOECESANI
 "EPISCOPI, ne quid fraudis committi
 "valeat per easdem, antequam admit-
 "tantur Quæstores, examinent diligen-
 "ter. Ad hoc (a) cum aliqui ex hu-
 "jusmodi Quæstoribus, sicut ad no-
 "stram audientiam est perlatum, non
 "sine multa temeritatis audacia, & de-
 "ceptione multiplici animarum, indul-
 "gentias populo *motu suo proprio* de factò
 "concedant: super votis dispensent: a
 "perjuriis, homicidiis, & peccatis aliis
 "sibi confidentes absolvant, male abla-
 "ta, incerta, data sibi aliqua pecuniæ
 "quantitate, remittant: tertiam aut quar-
 "tam partem de poenitentis injunctis re-
 "laxent: animas tres, vel plures Paren-
 "tum, vel amicorum illorum, qui elee-
 "mosynas eis conferunt, de purgato-
 "riis (ut *asserunt mendaciter*) extrahant,
 "& ad gaudium Paradisi perducant: Be-
 "nefactoribus istorum, quorum Quæ-
 "stores existunt, remissionem plenariam
 "peccatorum indulgeant (& aliqui ex
 "ipsis, eos a pœna & a culpa) *ut eorum*
 "*verbis utamur* absolvant: Nos abusus
 "hujusmodi, per quos censura vilescit
 "Ecclesiastica, & clâvium Ecclesiæ au-
 "thoritas deducitur in contemptum, om-
 "nimode abolere volentes, ea per quos-
 "cunque Quæstores fieri, vel attentari
 "de cætero districtius inhibemus: om-
 "nia & singula privilegia, si qua super
 "præmissis, vel eorum aliquo sint aliqui-
 "bus locis, ordinibus, vel personis
 "Quæstorum hujusmodi, quomodocun-
 "que concessa, ne ipsorum prætextu sit
 "eis materia talia ulterius præsumendi,
 "authoritate Apostolica, quantum ad præ-
 "missa, penitus revocantes. Quæstores
 "autem, qui deinceps in præmissis, vel
 "aliquo præmissorum deliquerint, vel
 "alias etiam quibuscunque privilegiis suis
 "abusi fuerint, sic per locorum Episco-
 "pos puniri volumus, nullo prorsus eis-
 "dem quæstoribus in hac parte privilegio
 "suffragante; quod (b) a suis temera-
 "rariis ausibus, qui ubique (ut commu-
 "nis habet assertio) nimium excreverunt,
 "pœna formidine propensius compell-
 "cantur.

Hujusmodi igitur auctoritate Con-
 stitutionis, vobis universis, & singulis
 Abbatibus, Prioribus, Prælati, & Cle-
 ricis, sub pœna suspensionis a Divinis,
 quam in vos, & vestrum quemlibet hu-
 jusmodi nostri mandati transgressorem,
 monitione tamen Canonica præmissa, in
 his scriptis ferimus, districtius inhibemus,
 ne aliquos elemosynarum Quæstores, eti-
 am antea admissos per vos, quacunque
 auctoritate fungantur, etiam si literas
 Apostolicas super eo se habere asserant,
 & ostendant, nisi vobis *literas nostras pa-
 tentes* exhibuerint, quibus vobis appa-
 reat, quod per examinationem nostram
 diligentem, ipsas literas Apostolicas ta-
 les invenerimus, quod earum prætextu
 sint merito admittendi: nec ex tunc per
 vos ad alia admittantur, quam quæ ex-
 pressa in his examinatis per Nos literis
 continentur. Quæstores autem, qui in
 antea suam ultra, quam in ipsorum literis
 exprimitur, extenderint potestatem, vel
 qui in præmissis, vel aliquo præmissorum
 deliquerint, per vos eo ipso volumus,
 & mandamus, ad competentes diem, &
 horam coram Officiali nostro, cui in hoc
 committimus Vices nostras, non obstante
 quocunque exemptionis privilegio citari,
 pœnam pro meritis recepturos. Et diem,
 & horam citationis vestræ per literas ve-
 stras patentes, Sigillo vestro, vel alio
 authentico sigillatas, vel per alia legiti-
 ma documenta prædicto nostro Officiali,
 quanto citius poteritis, ante citationis
 terminum intimari curetis. Datum Brule
 Anno 1338. Sabbatho post Festum B.
 Mathiæ Apostoli.

C. III. *Cassatur consuetudo, qua majorem
 Præbendam adoptans, si illa ab eo postmo-
 dum evincatur, debeat minori
 Præbenda, quam prius ob-
 tinebat, esse pri-
 vatus.*

WALRAMUS, Dei gratia, Sanctæ
 Colonienſis Ecclesiæ Archi-Episco-
 pus, Sacri Imperii per Italiam Archi-
 Cancellarius, universo Clero nostrarum
 civitatis, & Diœcesis salutem in Domino
 sempiternam.

Cum in quibusdam nostræ Diœcesis
 Collegiatis Ecclesiis, in quibus non-
 nullæ minores, & quædam majores
 Præbendæ existerent dignoscuntur, & ad
 majore-

(a) hæc (b) quoad
 Tomus IV. Concil. German.

maiores per ipsas minores gradatim ascensus consuevit haberi, sic, quod senior in gradu minores obtinentium Præbendas, majorem Præbendam vacantem adoptare potest secundum consuetudinem ibi hæctenus observatam: dicaturque pro consuetudine observari, eo ipso, quod minorem obtinens Præbendam majorem adoptat Præbendam, quam sibi, & nulli alii competere opinatur, etiam in hoc errore ducatur probabilis, & ipsa Præbenda major ab eo, tanquam sibi non competens, sententialiter evincatur, licet nunquam ipsam majorem Præbendam possederit, vel occupaverit, vel fructus ex ea receperit, ipsa minor Præbenda sua, quamvis nec re, nec verbo dimissa fuerit, vacare censetur, & tanquam vacans, alii conferri potest, ipso adoptante ad eam nullo tempore regredi valituro: & propter hoc a multis didicimus in dubio revocari, an præmissa (dato etiam quod sint consuetudine introducta, cum potius contraria rationi, quam consona, videantur) de jure possint & debeant pro consuetudine observari. NOS igitur, quia ex hoc dubio plures perplexitates inter Beneficiatos ibidem etiam inevitabiles experimento didicimus evenisse, & complura prævidemus posse (nisi occurratur) scandala provenire; ut de cætero tollatur ambiguitas, & sedetur opinio in præmissis: præfatam consuetudinem, tanquam nulla ratione fulcitam, non fuisse, nec esse observandam, præsentibus declaramus: mandantes ipsis Ecclesiis, ut eandem de suis observantiis studeant abolere. Datum Bruns, anno Domini 1338. in vigilia B. Michaelis Archangeli.

C. IV. *De Tabellionibus ad exercendum officium Tabellionatus non admittendis, nisi primus per Dominum Officialem examinatus & admissus.*

WALRAMUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius &c. Dilectis sibi Abbatibus, Præpositis, Decanis, Pastoribus, Plebanis &c.

Quoniam morbum per nostras Civitatem & Diocesim generalem, compluribus nostris damnosum subjectis, & periculosum Reipublicæ, cognovimus ex

facti evidentia irrepressisse, quando passim hi, qui se ad dictas nostras Civitatem & Diocesim transfugerunt, vel in eisdem degerunt, ad tabellionatus exercendum officium se senserunt admitti, complures nulla legitima potestate fulciti, utpote, qui ab illis (quorum aliqui suam creandi potestatem, quam tamen asseruerint & asserant ab Imperiali culmine processisse) de facto solum absque ullo, aut cum minus sufficiente sibi titulo, usurparunt: aliqui etiam eorum penitus sunt ignoti, sic quod eorum potestas, cum nec ostendi, nec famari possit, potius conficta presumitur a creatis, quam usquam rerum existere in natura) asserunt se creatos, vel qui suæ creationis nullam ostendunt, vel ostendere possunt penitus potestatem: quosdam etiam tam grammaticæ, quam contritiuum ignaros, aut infames, perjuros & infideles, aliasque leves personas, hujusmodi didicimus officium usurpasse. Propter quod juramentum, quod in creatione tabellionum præstari consuevit, super contritiis usurariis, & aliis per vim & fraudem conventis, nec non aliis factis, extrajudicialibus, ubi ipsi conscientibus rogati non fuerint, immo (quod periculosius) nec presentes, ad voluntatem hoc petentium per falsitatis commentum, quædam etiam ex sui forma falsa, & cum falsis datis, & indictionibus, nonnulla incerta, & deseduoſa, ex corruptione grammaticæ, complura confici vidimus publica instrumenta, quibus multi nostri subjecti, etiam innocentes, status & honoris, & honorum suorum periculum subierunt: Nos igitur tam generalem pestem, & mortiferam plus omnibus venenosam, per quam, sine defensione, in se innocens, potenter succumbit, & sibi latenter concilius potenter ascendit, de nostris terminis extirpare radicitus, quo possumus, conamine cupientes, omnibus & singulis, iustis-cunque conditionis, aut status fuerint, (eis tamen exceptis, qui ab Imperiali autoritate sine medio processerunt,) qui in nostra civitate, & Diocesi in antea tabellionatus officium voluerint exercere, præsentibus inhibemus; ne hujusmodi officium in judicialibus, vel extra judicialibus factis, quoquomodo exercent clam vel palam, nisi prius ad Officialis nostri pro tempore existentis se præsen-

sentiam contulerint, cui in plenam, & specialem presentibus tribuimus potestatem : & per eum, & cujus autoritate hoc officium exercendi sibi potestatem vendicent, & de aliis, quæ fuerint indaganda, reperti admissibiles, & idonei ad hujusmodi exercitium in eisdem licentialem admittantur; quorum nomina posthac ab ipso Officiali nostro volumus registrari. Alioquin in omnes, & singulos contrarium facientes, sex dierum monitione præmissa, excommunicationis sententiam ferimus in his scriptis : & nihilominus instrumentis per ipsos confectis nullam fidem per præsens nostrum statutum volumus ac decernimus adhiberi: inhibentes, etiam vobis omnibus, & singulis sub pena suspensionis a Divinis (quam ipso facto incurrere volumus contrarium facientes) ne aliquis vestrum quarumcunque commissionis literarum prætextu, quenquam in rebellionem creet, nisi prius ipsum in his, quæ de jure rebellio scire debet, examinaverit diligenter, & per examinationem solertem convenienter idoneum repperit, ad ipsum Officium exercendum, & etiam juramentum præstiterit, in ipsa creatione præstari debitum, & consuetum. Datum & actum de Capituli nostri consilio & consensu. Anno Domini 1338. in crastino B. Michaelis Archiepiscopi.

C. V. De annis gratia ultra triennium non extenditur. Et quod observetur Constitutio: SUSCEPTI REGIMINIS, per JOANNEM Papam XXII, edita.

WALRAMUS, DEI gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius : Dilectis sibi Abbatibus, Præpositis &c.

Omnium malorum radix cæca (a) cupiditas, excitatis sibi nomen proprium (b) adoptavit : quæ dum suo ardore avendo diffunditur, nec in se, nec in aliis videt, quod indiget rectæ (c) judicio rationis, sed solum ambit, quo suo appetitui, quamvis insatiabili, satisfiat. Ex hac autem sitienti radice per solertem investigationem in Visitatione nonnullarum Ec-

clesiarum, nostrarum Civitatis & Diocesis, tam per Nos, quam nostros in hac parte Commissarios nuper facta, cognovimus processisse, quod fructus Beneficiorum vacantium in eisdem ad certos annos de consuetudine, vel statuto competentes Ecclesiæ vel defuncto, ipsis sic totaliter applicantur; quod in locum defuncti, eisdem annis durantibus, nullus substituitur, qui serviat Ecclesiæ in Divinis : propter quod ipsæ Ecclesiæ debito Ministrorum obsequio, præsertim [uti sapius contingit] plurimum Beneficiorum vacationibus concurrentibus, non absque grandi cultus detrimento Divini, & fundatores locorum suis votis & piæ institutionis (d) proposito defraudantur. In tantum etiam a quibusdam Ecclesiis in numero annorum exceditur; quod qui hujusmodi Beneficia Canonice obtinent, & ad quos alias fructus ipsorum de jure pertinere deberent, spem abjiciunt hujusmodi fructus consequendi : & contra Clericalis status decentiam, necessitate cogente, urgentur se negotiis secularibus immiscere, & in foro (quos potius deceret in Vineâ (e) Domini) conversari. Quædam etiam Ecclesiæ non contentæ suis excessibus, in præmissis abusus adjiciunt, quo coincidentibus ejusdem Beneficii, antequam ipsum obtinens, fructus percipiat ex eodem, pluribus vacationibus, ex ultima vacatione completum sibi annorum numerum deberi hactenus observant : licet etiam de primis vacationis tempore, uno duntaxat die excepto, omnium annorum curricula effluxissent : propter quæ (f) experimento didicimus, unum & idem Beneficium suo ministerio in talibus Ecclesiis decem & octo annis & amplius destitutum. Item nonnullæ Ecclesiæ de facto observant, licet nulla super eo præscripta consuetudine, vel alia causa rationabili se tueantur, quod ubi via permutationis aliquis ad eorum transferatur Ecclesiam, sibi per biennium stultus cedere debeant sic translati, etiam si Beneficium, ad quod transferatur, subjaceat expectantis anteceditis, quod & utique in nostræ autoritatis, per quam plene & libere unus translatorum in locum transferatur alio-

(a) I. Timoth. VI, 10.

(b) eleemosynis

(c) propria

(d) damno

(e) recto

(f) quod

alterius, præjudicium, immo Divini cultus detrimentum, & contra permutationis negotium, cum hoc agatur, ut qui transfertur, ibi se valeat utilis exerceere, dignoscitur redundare. Insuper ipsas Ecclesias in observatione Constitutionis: SUSCEPTI REGIMINIS, per felic. Record. JOANNEM Papam XXII. editæ, qui præmissis in parte salubriter duxerat providendum, non solum desides, sed contra eandem quamplurimum quibuscumque confictis coloribus excessisse invenimus: eo quod asserunt se habere consuetudinem (in dicta Constitutione utique reprobata) per quam receptos ad Beneficia ipsius Ecclesie post juramentum ab eisdem præstitum de suis consuetudinibus observandis (ac si juramento hujusmodi adstringantur) ad non utendum, immo renunciandum ipsi Constitutioni, licet & hoc ipsum non teneat, simplices alliciunt & inducunt: volentibus etiam ea vi, ita difficiles se reddunt, quod a suo conamine indirecte coguntur penitus abstinere. Et his suis abusionibus ut valeant quietius immorari, & sic fructus dictis annis cedentes, suis condisionibus (quas Capitulares attulunt) usurpare, quos Divites & CHRISTI patrimonio dilataros, pro luxuriantie victus, sub colore, quod Ecclesiarum utilitatibus reserventur, quæ a proveniunt communibus, & illorum, qui plus ab Ecclesia receperunt, deberent potius procurari, suis privatis subus imbutare, & sic in eis pauperes defraudare: quo aliqui pro Ecclesiastico stipendio & Clericali titulo acquirendis se ipsos exinaniverunt, patriæ suæ sunt exules, & de divitiis facti pauperes quotidie experimur, eorum observantibus adscribunt, & consuetudinibus, licet nulla præscriptione juventur, quod fructus suorum Beneficiorum dicto tempore expectantes, licet alias sint habiles ad Capitulum & Capitulares tractatus ipsius, nec vocari debeant, nec admitti, ad quæ ratione Canonis, etsi nullam actum Prebendam inibi obtinerent, de jure deberent alias evocari.

NOS igitur ex suscepti cura regiminis, de agro Nobis commisso, dictam abusionem tribulos, ne suis plantationibus invaleant, & ex tempore licere credatur, quod est ratione prohibi-

tum, extirpare funditus scientes: vobis distincte præcipimus & mandamus, quatenus dictam Constitutionem SUSCEPTI REGIMINIS, in omni sui (g) forma diligentius observetis, & omni studio caveatis, ne penas contentas & expressas in eadem tam formidabiles, incurrat. Prohibemus etiam, ne aliquid per vos, vel alium, clam vel palam, directe vel indirecte, quovis ad hoc quæsito colore, ad renuntiandum ipsius Constitutionis Beneficio, vel non utendum eadem, inducat, vel induci quomodolibet procuretis: sed volentem ea uti quemlibet libere sine offusciculo permitatis, nec propter hoc eidem graves in aliquo vos reddatis. Alioquin in omnes & singulos contrarium facientes, vel fieri procurantes, sex dierum monitione præmissa, excommunicationis sententiam ferimus in his scriptis.

Item, quia causas rationabiles cessare reperimus, immo (ut profertur) vergere in abusum, quod tot annis (sic aliquæ Ecclesie sibi competere contendunt) Beneficiati beneficiorum suorum fructus debeant expectare, Nos in hac parte alias Ecclesias ad uniformitatem cum nostra Ecclesia Cathedrali, & nonnullis aliis Ecclesiis, quæ suis antiquis observantibus nituntur, sic ut nec ipsis expectantibus nimis grave, nec ipsis Ecclesiis, nec defunctis nimium præjudiciale reddatur, reducere volumus: statuentes, ut nulla Ecclesia nostrarum Civitatis & Diocesis, sibi & defuncto, ultra triennium fructus Beneficiorum ipsius Ecclesie vacantium, vel in antea vacaturorum, etiam si durante expectantibus vacant pluries successive, de cætero vendicent vel usurpent. Sed ulterioribus expectantibus & biennii (quod tam cessante causa rationabili, quam consuetudine legitime præscripta, de facto solum sibi quædam Ecclesie, factis permutationibus vendicarunt) penitus abrogatis, Ecclesie, quæ non paucioribus gaudent annis, pro se & defunctis triennio sint contentæ: sic quod ubi defunctus minus non habet biennio, & Ecclesia minus anno, ipse defunctus biennio & Ecclesia gaudeat solo anno. Si vero minus, tunc quilibet suis utatur observantibus: sic tamen, quod triennii curricula in dictis expectandis non transcendantur.

(g) sua

(b) eodem

dantur. Dīctō autē durante triennio, in locum defuncti, ne Ecclesia debito Ministrorum obsequio defraudetur, in easu, ubi obtinens Beneficiū, dicta Constitutione SUSCEPTI REGIMINIS non uteretur sua sponte, de fructibus ipsius Beneficii, Minister, ad debitum Ecclesiæ servitiū impendendū, idoneus ordinetur. Volumus etiā, quod in eam obtinens Beneficiū [dummodo alias sit habilis] vocem habeat in Capitulo: & sicut alius vocem habens, admittatur ad Capitulum, & vocetur: eique quotidianæ distributiones, ut aliis, si Divinis adfuerit, tribuantur. Quæ non solum ad Beneficia vacatura, sed & quæ vacarunt antea, quorum tamen expectantiæ adhuc pendent, ut simul juncti anni præteriti & futuri, sub triennio limitentur: & postquam lapsum fuerit triennium, vel si jam lapsum est triennium, omnino expectantiæ sint extinctæ, extendi volumus & mandamus: non obstantibus contrariis consuetudinibus, indulgentiis vel statutis nostris, vel Prædecessorum, vel ipsarum Ecclesiarum, quacunque Nostra vel Prædecessorum nostrorum confirmatione vallatis: quas & quæ (quia causæ eorum cessant, & ea vergere in abusum, ut prædicitur, cognovimus) viribus per præsentēs penitus vacuumus. Datum Brulæ anno Domini 1338. in crastino B. Michaelis, & publicatum in Synodo in crastino B. Remigii.

Quoniam Extravagantis hujus: SUSCEPTI REGIMINIS, a JOANNE Papa XXII. editæ, in præcedente mandato & postea rursus aliquoties celebris mentio fit, eaque hic tam sedulo observari præcipitur; ne ex ignotis procederemus, simul ut studioso ad manum esset, de quo diligenter adco WALRAMUS agit, visum est, eum hic de verbo ad verbum, quemadmodum in Extravagantibus haberetur, subicere, idque hoc pacto:

Constitutio Extravagans JOAN- NIS Papæ XXII.

" Suscepti regiminis Nos cura sollici-
" tat, ut quæ in Ecclesiis non abs-
" que dispendio ministrorum, & cultus
" detrimento Divini servari videamus,
" per appositionem congrui moderami-

" nis melius reformemus. Cum itaque
" in nonnullis Ecclesiis observetur, &
" a longis retroactis temporibus fuerit
" observatum, quod fructus primi vel
" secundi, aut alterius cujuscunque se-
" quentis anni Beneficiorum vacantium
" in eisdem, defuncto, vel fabricæ, aut
" Ecclesiis, vel personis habentibus annua-
" lia, de consuetudine, privilegio, vel
" Statuto applicentur in totum: ita,
" quod illi, qui hujusmodi Beneficia Can-
" onice obtinent, & ad quos alias de
" jure fructus ipsi spectare deberent,
" nihil inde percipiunt: unde illud in-
" conveniens sequitur, quod commode
" nequeunt ad impendendū serviti-
" um debitum residere in Ecclesiis, in
" quibus Beneficiati existunt. Nos de
" illo super his remedio providere vo-
" lentes, per quod hi & illi in fructuum
" perceptione prædictorum participant,
" & Ecclesiæ debitis servitiis non frau-
" dentur, præsentī decreto statuimus de
" fratrum nostrorum consilio, quod illi,
" qui fructus prædictos sibi hætenus in-
" tegre vendicabunt ex privilegio, de
" consuetudine, vel statuto, nihil exinde
" ultra summam, pro qua unumquodque
" Beneficiorum ipsorum consuevit in decimæ
" solutione taxari, prætextu cu-
" jusvis privilegii, consuetudinis vel
" statuti, quovis modo percipient: sed
" ipsius summæ perceptione duntaxat
" sint omnino contenti, totali residuo
" prædicta obtinentibus Beneficia reman-
" suro: nisi forsitan illi, qui fructus eos-
" dem soliti fuerint (ut præfertur) cum
" integritate percipere, per se mallet
" ipsum habere residuum, & obtinentibus
" ipsa Beneficia summam dimittere me-
" moratam: quo casu, percipiendi, quod
" maluerint, illis relinquimus optio-
" nem, sic quod intra decem dies, post-
" quam sciverint Beneficia ipsa vacare,
" ii, quibus annua lia ipsa debentur ex
" privilegio, consuetudine, vel statuto, aut
" ipsorum annalium collectores, quam
" partem habere voluerint, an scilicet
" decimæ taxationem, vel illa dimissū, re-
" siduum (nulla subbustatione præmissa)
" eligere teneantur. Quam electionem,
" si intra dictos decem dies non fecerint,
" ut est dictum, extunc ad eum, cujus
" est Beneficiū, hujusmodi optio, vel
" electio transeat ipso jure. Et hoc in
" Eccle-

" Ecclesiis & partibus illis , in quibus
 " Beneficia majora & alia , quantum ad
 " solutionem decimarum , sunt taxata , vo-
 " lumus observari. In illis vero parti-
 " bus & Ecclesiis , in quibus decima-
 " rum taxatio non est facta , servetur ,
 " quod fructus & obventiones Beneficii
 " tunc vacantis , quos in decima solvere
 " consuevit , per medium dividantur :
 " quorum medietatem habeat is , cui an-
 " naliū per alterum de prædictis modis
 " perceptio est concessa : Reliquam ve-
 " ro medietatem percipiat ille , cui Be-
 " neficium est concessum , pro sustenta-
 " tione sua , & aliis Ecclesiæ oneribus
 " supportandis : quorum , si alter de præ-
 " dictis , prædicta medietate voluerit
 " esse contentus , altero contentari no-
 " lente , pars volentis ipso jure transeat
 " ad nolentem : & volens , fructus &
 " obventiones illius Beneficii percipiet
 " universos , eidem Beneficio congrue
 " faciens deserviri , ac ejus supportans
 " onera consueva. Et si quicquam ali-
 " quis prædictorum ultra præmissa per-
 " ceperit , illudque his , ad quos perti-
 " nebit , intra mensem non restituerit
 " eum effectū , eo ipso si Episcopus , vel
 " Superior Prælati fuerit , a Pontifica-
 " libus , & ingressu Ecclesiæ noverit se

" suspensum : Si autem Capitulum ,
 " Universitas , vel Collegium ; Ecclesia-
 " stico interdicto se noverit (donec præ-
 " dicta cum integritate restituerit) sub-
 " jacere. Si vero aliqua singularis per-
 " sona Ecclesiastica , vel mundana id fe-
 " cerit , excommunicationis incurrat
 " sententiam ipso facto : a qua , nisi re-
 " stitutione præmissa (præterquam in
 " mortis articulo) minime absolvarur :
 " non obstantibus quibuscunque privi-
 " legiis , vel indulgentiis , aut contrariis
 " consuetudinibus , aut contrariis statu-
 " tis , juramento , confirmatione Sedis
 " Apostolicæ , aut alia quæcunque fir-
 " mitate vallatis. Quæ omnia quoad
 " hæc , autoritate Apostolica revoca-
 " mus , cassamus , & irritamus , & nul-
 " lius deinceps esse volumus firmitatis.
 " Nulli ergo omnino hominum liceat
 " hanc paginam nostræ constitutionis ,
 " revocationis , cassationis , & volunta-
 " tis infringere , vel ei ausu temerario
 " contraire. Si quis autem hoc atten-
 " taverit , indignationem Omnipotentis
 " DEI , & Beatorum Petri & Pauli Apo-
 " stolorum ejus , se noverit incurfu-
 " rum.

" Datum Avinione Kalendas No-
 " vembrii , Pontificatus nostri Anno II.

COLONIÆ SYNODUS

ANNO MCCCXXXIX.

C. I. *De expectatione triennii, ultra quod
 anni gratia se non exten-
 dunt.*

WALRAMUS, Dei gratia, Sanctæ
 Coloniensis Ecclesiæ Archi-Epi-
 scopus, Sacri Imperii per Italian Archi-
 Cancellarius, dilectis in CHRISTO om-
 nibus & singulis &c.

Nuper sitientes Divini cultum no-
 minis, nostris temporibus augmentari ,
 & ea , quæ in detrimentum ipsius a non-
 nullis Ecclesiis nostræ Diocesis abusive
 observata fuerunt , tamquam ratione ca-
 rentia extirpari , super observatione con-
 stitutionis , SUSCEPTI REGIMINIS,
 per felicis recordationis Dominum JO-
 ANNEM Papam XXII. editæ , circa
 quam aliqui ex ipsiis , quæsitis ad hoc
 circumventionibus , dum fructus suorum

Beneficiorum expectantes, ei renunciare,
 vel non uti , opponendo , comminan-
 do , vel se eisdem graves reddendo , aut
 blandiendo induxerunt , quampluri-
 mum excedebant , non permittentes ali-
 quem libere ea uti : nec non restrictione
 annorum expectantiarum , compe-
 tentium Ecclesiæ & defuncto , ut quo-
 tiescunque eis durantibus vacet idem Be-
 neficium successive , ipsi triennium non
 transcantant : quo nihilominus durante,
 si Beneficiarius sua sponte dicta constitu-
 tione non uteretur , Minister substituat
 idoneus , qui Ecclesiæ serviat in Divi-
 nis : ipsæ etiam Beneficiarius , si alias sit
 habilis , vocem in suo habeat Capitulo,
 & non solum veniens admittatur , sed
 etiam sicut alius advocetur , eique ut
 alii quotidianæ distributiones , si Divinis
 adfuerit, tribuantur : mandatum nostrum ;
 in

in parte videlicet super dictæ Constitutionis transgressione poena vallatum, ne subditis nostris, dum eam sic circumvenire putarunt, laqueus pateret, emisimus, & in *proxima præterita nostra Synodo* fecimus solenniter publicari. Verum, quia tandem experientia certa didicimus, quod nonnulli dictorum excedentium sola prohibitione sua audacia non contenti, immo etiam in sententias dictæ Constitutionis & Nostras quamplurimum formidabiles, incidere non timentes, dictum mandatum nostrum ludibriosum non solum verbis contemnunt, sed & eo & dicta Constitutione uti volentibus realiter se opponunt: confingunt etiam & asserunt, eos per hoc perjurium incurrere, eo quod contrarium dicti mandati nostri, asseribunt suis observantis & statutis, quæ se observaturos tempore sui introitus more solito jurarunt. Quidam etiam eis, quod ante prædictum mandatum, dictæ Constitutioni renunciaverint, obijciunt: defectum tamen eorum in Divinis supplere negligunt, imo nolunt, & ut ipsum mandatum circumveniant & defraudent, ipsis Divinis interessebus distributiones minuunt, quas (a) tunc inter se postea in quantitate distribui consuevit alibi partiuntur. NOS igitur conveniens reputantes, ut quos excessum prohibeo, & DEI timor a malo non revocat, saltem cohibeat severitas Ecclesiasticæ disciplinæ: vobis omnibus & singulis dictæ præcipimus & mandamus, quatenus dictum nostrum mandatum, quod Nos præfatis innovamus in omni sui forma, & singulis suis Capitulis, non obstantibus juramentis prædictis & renunciationibus ante ipsum factis, quos propter detrimentum Divino cultui inde verisimiliter subsecuturum decernimus non valere, sine fraude aliqua firmiter observetis. Alioqui contrarium facientes, vel fieri procurantes directe vel indirecte, clam vel palam, quovis ad hoc quæsito colore, sex dierum monitione præmissa, a tempore publicationis præsentis nostri mandati, excommunicationis sententiam (quam in his scriptis exnunc prout extunc in ipsos ferimus) incurrere volumus ipso facto. Denunciamus insuper, & per vos denunciari mandamus excommunicatos eos omnes & singu-

los, qui Constitutione: SUSCEPTI REGIMINIS, prædicta, contra prohibitionem dicti mandati nostri, postea sunt abusi: volentes ipsos a vobis, de quibus confiterit, in judicialibus & extrajudicialibus præsertim in Divinis Officiis, evitari. Datum anno Domini MCCCXXXIX.

C. II. *De Fraternitate S. Petri, & de ejus interpretatione.*

WALRAMUS, Dei gratia, Sanctæ Colonienfis Ecclesiæ Archi Episcopus, Sacri Imperii per Italiam Archi-Cancellarius, dilectis in CHRISTO Abbatibus, Prioribus, Præpositis, Archidiaconis, Decanis &c.

ETSI promotio tam magnifici operis fabricæ Ecclesiæ majoris Colonienfis, præcipue Nobis, qui speciali vinculo illi jungimur, & CHRISTI Fidelibus cunctis debeat in pietatis visceribus insistere; decet tamen & est debitum, ut vigeat discretio, sic quod (b) illud non effugiat judicium rationis, ne, dum hujusmodi fabricam promovisse putemur, succrescat dispendium, aut alia illicita compensatio pro favore hujusmodi inconvenientis admixta. Dudum siquidem nonnulli Prædecessores nostri, & Nos ipsi, ad promovendam felicem consummationem structuræ dictæ fabricæ multum laudabilem, & non modicum sumptuosam, corda gerentes ardentia, indulsimus & concessimus, ut utriusque sexus homines, qui fraternitatem ejusdem Ecclesiæ nostræ receperint, & pensionem annuam promissam, & exinde debitam devote persolverint, si autoritate *Statutorum* Ecclesiæ nostræ *Provincialis aut Synodalis*, vel nostra ordinaria quacunque, vel Officialis nostri, vel Archidiaconorum nostrorum, vel Decanorum, aut aliorum quorumcunque nostræ jurisdictionis Ecclesiæ fuerint interdictæ, ipsosque fratres seu eorum liberos infirmari, vel mori contigerit (dummodo non fuerint usurarii manifesti, vel excommunicati, aut interdicti) inungantur: & si decesserint, corpora defunctorum tradantur Ecclesiasticæ sepulture: quibus exequiis, & Missis fideles Christiani poterunt interesse, si voluerint, non obstante hujusmodi inter-

(a) tamen

(b) forte: illa

Interdictio: quod interdictum, seu quæ interdicta, quo ad unionem, & ad ipsam diem sepulture & exequiarum, ducimus relaxandum, non ergo ad alia: interdictis tamen huiusmodi, lapsis diebus exequiarum prædictarum, in suo robore ulterius duraturis. Et postmodum ad ambitiosam, & importunam quorundam instantiam, per quam multoies non concedenda conceduntur, præmissis indulgentiis nostram declarationem subiungimus, videlicet, quod etiam hi, qui ad cursum vice sue pensionem annuam non darent, sed cum potuerint, largiuntur, & ascribi faciunt ad fraternitatem prædictam, quod a die largitionis, & oblationis usque ad annum gaudere debent omnibus & singulis libertatibus, privilegiis, & gratis fabricæ supradictæ: sic tamen, quod si anno revoluta hoc non facerent, ab huiusmodi libertatis gratia forent exclusi: nihilominus tamen quocunque postmodum tempore ascribi possent, & gaudere libertatibus antedictis. Verum, quia experientia didicimus, quod per declarationem nostram huiusmodi, sibi quidam, contra tamen intentionem nostram, quandam occasionem, quamvis fatuam, assumpserunt, qua ipsi & nonnulli infirmi, qui dum essent sani, de hoc minime curaverunt, pro sola gloria humana, & vivorum solatio, exequiarum post mortem solennia affectantes, se ad dictam fraternitatem, & privilegia ejusdem pro uno denario, vel duobus fecerunt recipi & ascribi. Unde in aliquibus partibus nostræ Dicecesis (ubi magis contra libertatem Cleri invaluit audacia perversorum) raro contingebat, quin tempore generalis interdicti Missarum solennia pro sepulturis huiusmodi secundum prædicta privilegia haberentur: propter quod ibidem (c) dissolveretur pariter & (d) vilesceret nervus Ecclesiasticæ discipline, & libertas Ecclesiæ destrueretur, pro qua dicta interdicta sunt provide adinventæ. Laqueos enim illius per hoc contra Clerum eo licentius animati, non querunt satisfacere, nec curant populares, & eorum Domini insurgere contra ipsos: De honestate etiam honor fabricæ, cujus tanta privilegia passim ab omnibus comparari posse pro tam vili pretio publicantur: & si inde dictæ fabricæ, secun-

dum quorundam opinionem, aliquod emolumentum quomodolibet eveniret (quod tamen credere non valemus, cum res minori taxatæ præcio, ut frequentius refutentur, quæ pro iusto, vel majori avidius peterentur) non est talis tamen cum tantis inconvenienciis compensatio admittenda. Nos igitur crebris super his Cleri in dictis partibus miserabiliter afflicti lamentationibus excitati, præfatam declarationem nostram, tanquam per importunitatem obtentam, & quæ tracta est contra intentionem nostram notorium in abusum, cum omni suo effectû præsentibus revocamus, & de consilio & consensu Capituli & Prælatorum nostrorum declaramus & statuimus, quod si duntaxat, qui se in Fratres dictæ Fraternitatis faciunt recipi & ascribi, sani vel infirmi, pro annua pensione ad minus unius Somborni bladi mensuræ Colonienfis, aut pro sex solidis Colonienfis pagamenti, singulis annis ad dies vice eorum præstantis & solvendis, & de hoc sufficienter secundum consuetudinem & exigentias locorum, ubi talia sunt, caveatur, ita quod hoc firmum sit, nec de eo possit postea quæstionem seu dubitatio suscitari, gaudebunt pro se & suis liberis secundum indulgentias nostras, & Prædecessorum nostrorum prædictorum, quoad dictam inunctionem, & diem Ecclesiasticæ sepulture cum Missa pro Defunctis, in forma, qua superius est expressum. Quod sic duximus declarandum: gaudebunt quoad diem, id est, spatium diei, quo præmissa sine fraude possunt commode expediti: & quoad hoc, & non quoad totam diem, interdicta huiusmodi tantummodo relaxamus. Non est tamen intentionis nostræ, quin præter indulgentiam huiusmodi inunctionis, Missæ, & Sepulture tempore interdicti, Christo devoti Fraternitatem prædictam pro minori, de quo eis Deus inspiraverit, possent habere, ac Fratres ejusdem Fraternitatis appellari, & participare in Missis, orationibus, jejuniis, vigiliis, castigationibus, & aliis operibus charitatis, quæ ob dictam Fraternitatem, & ut Fratres illius eorum participes sint, fuisse dignoscuntur hæcenus instituta. Summo itaque opere caveatis, ne in his, quæ pro tutela libertatis vestræ duximus ordinanda, inveniamini in aliquo trans-

(c) forte: dissolvitur

(d) forte: vilescit.

transgressores, ita quod de cætero nulum Fratrem dictæ Fraternitatis, in indulgentia Unctionis, Sepulturæ & Missæ prædictarum participem habeatis, nisi tantum dederit, & de hoc etiam sufficienter caverit, de quo tamen vobis, qui Curati illius fueritis, plene constat, quan-

tum, & sicut superius est taxatum & statutum. Alias contra vos tanquam transgressores interdictorum & prophatores Divinorum, ad officiorum vestrorum privationem, & alias penas Canonicas, quantum de jure poterimus, arctius procedemus. *Datum, ut supra.*

COLONIÆ SYNODUS AUTUMNALIS

ANNO MCCCXLIV.

- I. *Moderatio Statuti de tribus annis expectandis, ad quadriennium extensa.*

WALRAMUS, DEI gratia, Sanctæ Colonienfis Ecclesiæ Archi Episcopus, Sacri Imperii per Italiam Archi-Cancellarius, Dilectis sibi Præpositis, Decanis Ecclesiarum Collegiarum, nec non Collegiis, Decanis Christianitarum, Plebanis, & eorum vices gerentibus, ac universis Clericis nostrarum Civitatis & Diocesis, salutem in Domino sempiternam.

Quoniam novis morbis supervenientibus, convenit nova antidota preparari, dudum quidem quoddam mandatum edidimus, & sub anno Domini Millesimo trecentesimo trigésimo octavo in nostra Generali Synodo tunc celebrata fecimus solenniter publicari, per quod volentes in annis expectandarum, Ecclesiis nostrarum Civitatis & Diocesis, de privilegio, consuetudine vel statuto competentibus, pro fabrica vel defuncto, moti quibusdam rationibus juri & æquitati (ut videbatur) consonis, ipsas Ecclesias ad conformitatem reducere cum nostra Ecclesia Cathedrali, revocatis & annullatis penitus illis expectantibus, quas post factas permutationes sibi aliquæ Ecclesiæ vendicabant, annos hujusmodi expectantarum in Ecclesiis illis, quæ plures habebant, duximus sub triennio limitandos. Verum quia tandem diversarum Ecclesiarum querelis frequentius excitati didicimus, & etiam experientia facti percepimus, quod nonnullæ Ecclesiæ ex limitatione prædicta in eorum Fabrica & ornamento Ecclesiæ, ad quorum usum fructus annorum expectantarum prædictarum convertebant, & con-

vertere tenebantur, senserunt notabile detrimentum: Nos igitur cupientes dictam limitationem, & mandatum propter eam (e) factam totaliter moderari, quod non reddatur Ecclesiis in hujusmodi usibus nimium præjudiciale, nec etiam expectantibus nimis grave, & de consensu Capituli Ecclesiæ nostræ Colonienfis ita duximus statuendum, quod Ecclesiæ nostrarum Civitatis & Diocesis, quæ prius ante mandatum nostrum prædictum, habebant quatuor annos expectantarum aut plures, solummodo quatuor annos, sicuti illos prius habuerunt pro defuncto & fabrica de cætero obtinebunt:

- II. *De conjungendis temporibus, & expectantibus in utilitatem Ecclesiæ convertendis.*

Sic tamen, quod si expectans, hujusmodi præbendæ fructus aliquo tempore expectaverit, & postea tacite, vel expresse cesserit vel decesserit, primæ & ultimæ expectantiæ conjungantur, & conjunctæ simul, numerum dicti quadriennii nostræ transcendant. Ecclesiis etiam, quæ post permutationes habebant ante dictam limitationem, duorum annorum aut plurium expectantias, restituimus solummodo duos annos, sic, quod istorum duorum annorum fructus non debeant Ecclesiarum Canonici inter se dividere, sed in utilitatem Ecclesiarum duntaxat fideliter convertere pro fabrica vel ornatu.

- III. *Quod permutans potest redimere duos annos pro tribus libris grossorum monetae Domini Colonensis.*

Statuimus tamen, quod ipsi permutantes, si voluerint, fructus hujusmodi

(e) forte: factum.

Thomas IV. Concil. German.

modi duorum annorum in qualibet Ecclesia pro tribus libris grossorum Turonensium, monetæ nostræ, aut valore eorundem, aut unius anni pro XXX solidis ejusdem monetæ, quem elegerint redimendum, redimere poterunt: & hujusmodi redemptione facta, statim intrabunt plenam perceptionem, & participationem fructuum Præbendarum suarum, & quotidianarum distributionum, aliarumque obventionum, proventuum, jurium, & reddituum ipsarum Ecclesiarum pro duobus, vel uno anno, secundum quod redemptio processerit, sicuti facerent, si sibi horum annorum expectantia non obstaret. Et prædicta pecunia debet tantummodo converti pro ornatu Ecclesiæ, aut ad usus fabricæ, ut præterit: per præmissa autem illis Ecclesiis, quæ ante præfata nostræ limitationis mandatum, post alicujus Canonici cessum, tacitum, vel expressum, aut decessum expectantia-

rum quatuor, aut post permutationes duos annos antea legitime & Canonice non habebant, nihil novi censetur attributum: sed manebunt in suis consuetudinibus, privilegiis & statutis, quoad numerum ac alia, eo vigore & firmitate, sicuti ea ante revocationem hujusmodi habuerunt. Porro, quod ad præfata nostram moderationem pertinet, dictæ nostræ limitationis mandatum, pœnasque & sententias in ipso latas, & expressas, cum omni suo effectu, præsentibus revocamus, & penitus annullamus. In cujus rei testimonium, sigillum nostrum una cum sigillo Capituli nostri prædicti, præsentibus est appensum.

Et Nos Capitulum Ecclesiæ Coloniensis, in signum consensus nostri prædicti, & testimonium præmissorum, sigillum nostrum duximus præsentibus appendendum. Datum Anno Domini MCCCXLIV. feria VI. post Festum S. Andrea Apostoli.

COLONIÆ SYNODUS AUTUMNALIS

ANNI MCCCXLVI.

- I. *De Clericis, & Religiosis vina seu cerevisiam dividendis contra vel præter forum, & modos permixta.*

WALRAMUS, Dei gratia, Sanctæ Coloniensis Ecclesiæ Archi-Episcopus, Sacri Imperii per Italiam Archi-Cancellarius, universis in hac præsentis Sacra Synodo congregatis, salutem in Domino.

Patre memorie HENRICUS olim Prædecessor noster, constitutioni olim per felicis recordationis CLEMENTEM Papam quintum super hoc editæ non inconsulte inherens, statutum contra Clericos tam seculares, quam Religiosos, tabernariorum officia exercentes, edidit, ipsum præcipiens sub diversarum poenarum exaggeratione censuræ Ecclesiasticæ, a suis subditis observari: per quod tamen statutum, quinquam a venditione vinorum, si qua ei a Beneficiis suis, seu aliunde præter negotiationis causas derivata fuerint, dummodo hoc sine dolo, nec in fraudem hujus statuti fecerit modis hæcenus con-

fuetis & decentibus, noluit prohibere. Quod etiam statutum ad personas secularium, sive Ecclesiarum secularium, seu Monasteriorum duxerat extendendum. Nosque propter hæc, quia super hoc fuerat dubitatum, modos consuetos & decentes, quibus Clerici & Ecclesiasticæ personæ, vina de suis Beneficiis, vel aliunde, præter negotiationis causas derivata, possent licite venditioni exponere, in quodam nostro statuto declaravimus explicite in hunc modum: "Quod scilicet horum vinorum venditiones sine cauponum vociferatione & clamore, & quantum in venditoribus est, sine fraude, absque demeritatione hominum bibentium ea vina intra vel ante domum, ac intra immunitatem, in quibus vina venduntur, fierent, & potare volentibus hæc vina, ne eis ibidem remanendi, & demorandi occasio præbeatur, pocula sive amphoræ, sicut in tabernis publicis laicalibus fieri consuevit, non commodarentur, nec aliquo modo ministrarentur: Eos quidem Clericos & Ecclesiasticas personas, qui secus venditionem vinorum fece-

" fecerint; in poenas dicti statuti in ipsos promulgatis, incidere decernentes." Verum quia percepimus veraciter, quod harum formidine poenarum, nonnulli Canonici, Clerici, & Monachi, nec non Canonice & Monasteriorum femine intra immunitates his statutis contrarium facere, & diversis modis fraudem circa ea committere non verentur: Quidam enim ex eis, cum vociferatione cauponum & receptione ad domus suas potantium, & accommodatione poculorum sive amphorarum, & absque omni dissimulatione, tanquam laici tabernarii, alii autem cum quadam aliquorum ex his modis dissimulatione, etsi non habeant caupones alta voce vociferantes, discurrentes tamen per plateas, & intelligibiliter (*hæc subiisse*) præconizantes, huiusmodi vina esse in domibus eorum venalia, conducunt. Sunt etiam quidam ex eis, qui hominibus in his partibus, ubi vina crescunt, suas mutuunt pecunias, sub spe vina pro eisdem pecuniis rehabendi, & hæc vina, postquam ea habuerint, vendendi: alique vina emunt huiusmodi, & sic se non intelligere fingentes, quod hæc vina ex negotiationis causa proveniant, ad ducibulum ea vendunt. Item specialiter aliquorum Monasteriorum Sanctimonialis alique, contra easdem eorundem statutorum prohibitiones, vendere cerevisiam hætenus præsumpserunt; sunt etiam aliqui & alique ex præmissis, qui & quæ in suis domibus alios laicos aut laicas in his casibus prohibitis vina vendere admiserunt. Prælati etiam & Prælatæ personarum sic delinquentium, ad quos & ad quas hoc corrigere & non permittere specialiter pertinet, etsi eas non lateat, nec latere valeat, subconvenitibus pertranscunt oculis: nec hoc prohibent, sed permittunt; immo quod peius est, percepimus ipsos Prælatos & Prælatas aliquos & aliquas, vina & cerevisiam extra modum, per eadem statuta interpretatum, venditioni exponere pro se ipsis: & sic his & aliis modis diversis, prohibitis, & indecentibus, contra statuta huiusmodi hætenus multipliciter est excessum. Et sicut ab aliquibus fide dignis audivimus, quia super his, dum in eorundem statutorum poenas personæ sic delinquentes incidunt

manifeste, per Officialem nostrum ab his faciliter absolvuntur, facilitas huiusmodi veniæ ipsis tribuit materiam delinquendi.

NOS igitur volentes his, quantum possumus adhibere remedium oportunitum, in hac Sacra Synodo monemus omnes & singulos Prælatos & Prælatas, ad quos & ad quas personarum sic delinquentium pertinet correctio de consuetudine seu de jure, ut dum per aliquos, seu aliquas, suos subditos & subditas circa præmissa statuta, & eorum interpretationem, sicut supra posita sunt, delinquere intellexerint; eos secundum suæ Ecclesiæ & Monasterii huiusmodi, quantum in eis est, corrigere consuetudinem non omitant, & nihilominus Officiali nostro, quam cito sciverint, intiment, seu faciant intimari. Item omnes & singulos & singulas personas Ecclesiarum & Monasteriorum nostræ Civitatis & Diocesis, masculos & feminas cujuscunque dignitatis & status, ne in præmissis, aut aliquo præmissorum excedant, seu fraudem faciant, monemus per præsentem, monitione termini sex dierum præmissa, quorum duos pro primo, duos pro secundo, & reliquos duos pro tertio & peremptorio termino ipsis & cuilibet eorum assignamus. Alioquin ipsos & ipsas, Prælatos & Prælatas, ac personas sic delinquentes, aut fraudem committentes in præmissis aut aliquo eorum, excommunicationis sententia, quam in quolibet eorum ex nunc pro ex tunc serimus, subdimus in his scriptis. Et ne in venditione vini & cerevisiæ, ejusque modis delinquentibus, seu fraudem facientibus, impetrantæ absolutionis ab hac excommunicationis sententia facilis, causam seu occasionem tribuat libentius delinquenti: volumus, quod de cætero taliter delinquentes seu fraudem committentes ab huiusmodi excommunicationis sententiam nullatenus absolvantur, nisi ante omnia jurent, stare mandatis Ecclesiæ; & idem Officialis, seu alius, aut alii quicunque, super hoc a Nobis habentes potestatem absolvendi, ipsis in virtute juramenti præfati injungant, quod de cætero talia, qualia commiserunt, & similia, facere non audent: & quod quicquid emolumentum, quod ex his ven-

dicionibus habent, seu habere se sperant, sub virtute hujusmodi juramenti plane & plene absolventi revelent, & tantum, ad quantum hoc emolumentum se extendit, in poenam hujus peccati commissi, Sigillitero nostro Curie, nostro nomine assignent cum effectu, ut in eo, in quo excesserunt, puniantur, & his perfectis demum absolvantur: alias autem absolvendi eisdem, quam per istum modum, ipsi nostro Officii totalem adimimus potestatem. Verum, quia contentis in his literis feminæ, propter sui fragilitatem non possunt (sicuti viri) applicare ita de facili intellectum, ut nulla horum ignorantia se valeant excusare universis & singulis Ec-

clesiarum Parochialium Rectoribus, præsertim civitatis nostræ Colonienfis, in quorum Parochiis Ecclesiæ Canonicarum Regularium, & Monasteria Sanctimonialium sita sunt, mandamus sub pena excommunicationis, quam (monitione sex dierum præmissa) in quolibet eorum huic mandato non obedientium, ferimus in his scriptis, quatenus quilibet ipsorum, hujus nostri mandati de verbo ad verbum copiam recipiat, & Monasteriis, & Ecclesiis præfatis, prout eis subsunt, plene & plane ejus intentionem exponant, ne ejus ignorantiam prætereant ulli modo. Datum anno Domini MCCCXLVI. feria sexta post Remigii Confessoris.

COLONIÆ SYNODUS AUTUMNALIS ANNO MCCCXLVIII.

I. *Contra committentes fraudem in observatione generalis interdicti.*

WALRAMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universis Prælati, Canonicis, Ecclesiarum Rectoribus, Clericis, Capellanis nostræ civitatis & Diocesis, salutem in Domino.

Quia Nobis a fide dignis veridice est relatam, qualiter nonnulli Presbyteri & Ecclesiarum Rectores naturam (f) interdicti, maxime generalis, forsitan negligenter ignorantes, alii vero fraudulenter circa ipsius observantiam verfant, ut infra narratur, peccant multipliciter & delinquant.

Inprimis, quia quidam Presbyteri quibusdam, volentibus intrare Ecclesiam, præsentibus, legunt Missam usque ad Offertorium inclusive: quibus præsentibus tunc, usque ad peractam Communionem exclusis, & demum post Communionem peractam admissis, osculum pacis communicant, & Missæ benedictionem largiuntur. Item aliqui, in aliquibus Ecclesiis unum interdictum de-

asseribus inter locum Altaris, & totam residuam Ecclesiæ partem, circa Altare dimisso modico spatio, interponunt: & populum ibidem extra hoc interdictum, dum Missas dicunt, esse permittunt, quod totam Missam populus auscultare intelligibiliter poterit & audire. Item quod diebus Dominicis & Festivis aliqui Presbyteri indui sacris Vestibus, coram populo Missæ legunt officium, sine tunc Sacramenti consecratione, ostendentes tamen ipsis hostiam antea alio tempore consecratam, dantque pacis osculum, & Missæ benedictionem præsentibus universis.

Item quidam Presbyteri laicos aliunde advenientes passim admittere ad interendum solenniis non verentur. Item in Festivis quatuor principalibus, in quibus jura permittunt campanas pulsari, & januis apertis Divina Officia solenniter celebrari, excommunicatis prorsus exclusis, nonnulli Presbyteri excommunicatis & interdictis corpus Domini cum administrant.

Item Presbyteri, qui præsent in castris Capellani, Capellarum Rectores, sub quodam fraudis commento recipiunt

(f) Natura interdicti est, ut eo communis aliqua graviter delinquens, vel delinquentibus tacite vel expresse consentiens, puniatur, donec resipuerit, seu delictum suo assensu commissum, vel conniventia tacite approbaturum, vindicaverit. Multa extant in sacris Scripturis exempla, sæpe magnas multitudines graviter punitas esse, quæ impiis communicasset, ut inter alia patet in his, qui a tabernaculis Core, Dathan, & Abiron recedere non curarunt, Numer. 16. & Apostolus Corinthios, ob communicationem cum incestuoso, graviter arguit. 1. Corinth. 5.

unt notabiles personas, imo & quandoque Dominas ad serviendum sibi in Missis, ut sub hujusmodi velamento personarum hujusmodi Missis valeant ininteresse. Cum itaque his, & aliis pluribus observationem interdictorum Ecclesiasticorum, maxime generalium (quarum tamen poenarum usus ad conservationem jurium & libertatum Ecclesiarum, & Ecclesiasticarum personarum, propter, & contra impressiones, & violentias potentie laicorum, Clericis oppido infestorum, ut plurimum in nostra Diocesi est inventus) personarum Ecclesiasticarum, puta Presbyteri & Ecclesiarum Rectores contra propria laborantes commoda, & quorum magis ininterest, ut hujusmodi interdicta absque læsione aliqua integre observentur, agant plerumque adeo negligenter, imo etiam fraudulenter, quod unde violentiarum & injuriarum, quæ continue Ecclesiis & personis Ecclesiasticis graviter irrogantur, repressio sperabatur, quasi quædam defensio sequitur in effectu.

Quocirca vos omnes & singulos sub obtestatione Divini judicii hortamur, vobis & cuilibet vestrum in virtute sanctæ obedientie mandantes, quatenus ab omnibus & singulis negligentis & fraudibus, & similibus penitus abstinentes, dum incumbit vobis aut alicui vestrum interdictum observandum aliquod, maxime generale, pure & absque omni simulatione curetis omnimodo observare, Ecclesiis scilicet vestris eo tempore, dum officia celebrari debebunt Divina, circumcirca penitus obseratis, ac omnibus & singulis Clericis, & laicis incolis, seu extraneis quibuscunque exclusis, præter eos, quos jus interesse permittit: sic, quod dum Divina voce submissa officia in vestris peraguntur Ecclesiis, ab extra Ecclesiam existentibus audiri nequeant, nec videri. Alioqui monitione novem dierum præmissa, contrarium facientes, negligentiam scilicet ac fraudem, quominus hujusmodi observetur interdictum in sua debita forma effectualiter, (sicut debet) quomodolibet committentes, præter alias poenas a jure statutas, sciant se excommunicationis sententiam, quam in eorum quemlibet in his scriptis serimus, incursum. Per clausuram autem Ecclesiarum in-

terdictarum, tempore celebrationis Divinorum, in ipsis faciendorum, superius per Nos expressam, tollere nequaquam intendimus, quin si aliqua Ecclesia capacitatis magnæ, habens forsitan Sacristiam, seu locum sufficienter capacem, pro Divinis celebrandis officiis aptum & parietem adeo spissum, a cæteris Ecclesiarum partibus ita notabiliter separatum, quod manifeste apparet, voces ipsa Divina Officia celebrantium, ab his, qui in Ecclesia, extra tamen hujusmodi Sacristiam vel locum forent, nequaquam posse auscultari alicqualiter, seu audiri: ut exclusis omnibus & singulis de jure excludendis, præsertim si Ecclesia talis fuerit, in qua populus singulari affectione ad orandum est solitus convenire; ne Christi fideles in tali orandi devotione contingat aliquo modo impediri, in tali Sacristia seu loco tempore interdicti, absque ejus injuria, possint Divina officia licite celebrari. Datum anno Domini MCCCXLVIII. die antepenultima mensis Septembris.

II. *Monentur Conventuales, ut exhibeant privilegium, quod se habere prætulerunt, de admittendis laicis suis procuratoribus ad Divina tempore interdicti.*

WALRAMUS, DEI gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, Dilectis in Christo Prælatiſ, Canoniciſ Ecclesiarum, Christianitatum Decanis, Ecclesiarum Curatorum Rectoribus, Capellanis, Clericis nostræ civitatis & Diocesis salutem in Domino.

Ad Nos pervenit, quod quidam Religiosi, domos claustrales in nostris civitate & Diocesi, in quibusdam locis habentes, his temporibus, quibus in illis locis generale interdictum oportuerat observari, & hoc interdictum, matrice hujusmodi loci Ecclesia observante, ipsi Religiosi de majoribus hujusmodi loci multos homines, immo longe, & in excessivo numero, plures, quam indigeant, laicos constituunt, & suos nominant Procuratores, Cujus prætextu ipsos, sic nominatos Procuratores suos, secum admittunt Divinis interesse officiis, asserentes sibi hoc virtute cujusdam privilegii, eia auctoritate Sedis Apostolicæ concessi,

M m m 3

com.

competere & licere. Verum quia de hoc Nobis nequaquam constat privilegio, nec omnino credimus, quod hujusmodi privilegium sub tali forma (quod adeo esset juri nostro Ordinario, & Ecclesiis, & Ecclesiasticis Persona Nobis subdita, ac earum libertati præjudiciale, maxime prout ipsi eo, etiamsi haberent, uti dicuntur) a Sede Apostolica sit concessum. Ut itaque circa hoc privilegium de veritate plenius informemur, universos, & singulos harum domorum religiosarum, assentientium privilegia hujusmodi se habere, Rectores sive Prælatos, quocunque censentur nomine, in ipsis nostra civitate, & Diocesi constitutos requirimus, quatenus per se, seu Procuratores suos ad hoc deputatos, compareant coram dilectis Nobis Decano Ecclesiæ Sanctensis nostræ Diocesis, & Officiali nostro Colonienfi, quibus quoad hoc committimus vices nostras, in domo ipsius Officialis intra hunc diem, & Festum omnium Sanctorum proxime futurum, quocunque die intra hunc, & hujusmodi Festum constitutum, seu constitutos, quem seu quos simul seu successive decreverint eligendum seu eligendos, ostensuri in prima sui forma privilegium hujusmodi, ut per ipsos nostros hujusmodi Commissarios videatur, & integre legatur, ipsiusque articuli ipsis copia assignetur.

Mandamus etiam vobis Ecclesiarum Parochialium Rectoribus horum locorum nostræ civitatis & Diocesis, in quibus dicti religiosi domos habuerint conventuales; quatenus inhibeatis omnibus, & singulis vestris Parochianis, ne prætextu nominationis, seu ordinationis hujusmodi procuratoris, generalis tempore interdicti, Divinis, etiam in prædictorum religiosorum domibus, interesse præsumant, quousque ipsi nostri Commissarii super privilegio hujusmodi fuerint (ut continetur superius) informati; alioqui monitione novem dierum præmissa, in omnes, & singulos contrarium facientes excommunicationis sententiam ferimus in his scriptis. Volentes, ut ipsos excommunicatos in vestris Ecclesiis publice nuncietis. In his exequendis unus alium, seu alios non expectet, & quod in præmissis feceritis, Nobis per scripturam authenticam rescribatis. Datum anno Domini

MCCCXLVIII. die antepenultima mensis Septembris.

III. *Ne Clerici inordinati se immisceant tractatibus Capitularibus, nisi invitati per suos Decanos & Capitulum. Et ne aliquis in sacris existens, alium in sacris non existentem incitet ad interessendum tractatibus hujusmodi pro sua voluntate consequenda.*

WALRAMUS, Dei Gratia, sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius. Dilectis in Christo Abbatibus, Præpositis, Decanis, Capitulis ac Personis Capitulorum singularibus Ecclesiarum Collegiarum ac Monasteriorum Civitatis & Diocesis Colonienfis, salutem in Domino.

Olim bonæ memoriæ HENRICUS Prædecessor noster, quoddam Statutum edidit sub hac forma:

Licet Canon felix recordat. CLEMENTIS PAPÆ quinti, extra *De etate & qualitate ordinandorum*, qui incipit: UT HI, inter cetera statuerit, &c. ut supra.

Verum quia hujus Statuti salubris intentio in aliquibus Capitulis ita in oblivionem, immo in dissimulationem dicitur devenisse, quod etiam non existentes in sacris, passim cum in sacris existentibus, etiamsi a Decano suo, & Capitulo minime sint vocati, immo, ut audivimus, contra sui prohibitionem Decani, existentibus in sacris assidere præsumunt & tractatibus Capitularibus interesse, se in hoc excommunicationis sententiæ damnabiliter involvendo: & quod adhuc amplius est detestandum, ad talia facienda, ab aliquibus in sacris existentibus ipsi in sacris non existentes, aliquando (ut certo didicimus) incitantur; propter quod volentes eorum periculis, quantum possumus, occurrere, præfatum statutum huic nostro insertum mandato, de verbo ad verbum, ut deinceps omnibus, quorum interest, pateat, in hoc sacro Concilio ex abundanti volumus recitari, ipso statuto non eo minus in forma statuti in suo robore validum. Inhibemus nihilominus in sacris existentibus Decanis, ceterisque Prælati-

tis, ac aliis vocem in Capitulis habentibus, ne tales in Sacris non existentes, interesse suis tractatibus, aut sibi ipsos, non existentes in Sacris, ad intrandum in tractando confidere permittant. Alioqui, qui ex Prælati, & ex sex Senioribus in ingressu ad Canonica-tus & Præbendas, contrarium fecerint cum eis tractando, aut ipsos non existen-tes in sacris, ad intrandum Capitulum, & ad remanendum, & tractandum ibi-dem actus Capitulares, induxerint, seu

animaverint, seu etiam admiserint, nisi tunc demum, cum (secundum idem sta-tutum) per Decanum & Capitulum vo-cati fuerint, seu concorditer invitati; monitione novem dierum præmissa, in his scriptis excommunicationis sententia innodamus. Datum anno Domini M-CCCXLVIII. penultima die Septem-bris.

*Ex impresso Coloniae in Officina Quente-
liana A. 1554.*

CAPITULA SEU RUBRICÆ DECRETORUM SYNODALIIUM

AB ANNO MCCCCLI. ad MCCCCLXII.

SUB WILHELMO (a) DE GENNEPE ARCHI-EPISCOPO
COLONIENSI.

Coloniæ Synodus Verna anni MCCCCLI. v. martii.

MCCCCLI. *Disciplina Ecclesiastica D. WILHELMI Archi-Episcopi.*

Coloniæ Synodus Verna A. MCCCCLII. XXV. Februar.

MCCCCLII. *De Clericis bastiludia exercentibus, & declaratio, quod bonæ memoriæ WAL-
RAMUS hujusmodi Statuta non revocaverit.*

Scharrens Annal. Paderbornæ Tom. II. pag. 327.

Coloniæ Synodus Verna & Autumnalis A. MCCCCLIII.

XXV. Februarii BONNÆ celebrata.

MCCCCLIII. I. *Processus & Mandata contra Clericos & Religiosos, imitatores sectæ FLA-
GELLATORUM.* A. 1353. in crastino Dominicæ: Jubilate.

II. *Ut literæ impetrantium; sive dispensationum non recipiantur sine Episco-
pali examine.* A. 1353. 10. Junii.

III. *Contra Clericos inordinate viventes, tam in vestibus, quam in tonsuris &
aliis.* A. 1353. in Synodo Autumnali in crastino S. Remigii.

IV.

(a) Wilhelmus, Baro de Gennep, ex Præposito Sufatensi electus Archi-Episcopus, anno 1349. ab Papa CLEMENTE VI. Avenione consecratur 1. Novembris. Providus, & sapientissimus, & beneficus Præsul. Sedit annos XII. Men-ses XI. Dies XV. Obiit Coloniæ A. 1362. 17. Kal. Octobr. Anno 1356. inter-fuit Comitibus Norimbergæ & Metis, dum conderetur AUREA BULLA. Disciplinam Cleri multis saluberrimis Legibus & Conciliis, non tantum annuis sed in anno Vernis & Autumnalibus emendare statuit: puta annis 1351. 1352. 1353. 1354. 1356. 1357. 1359. 1362., quæ in tam diversis Conciliis edita Statuta semel sub uno conspectu ponimus.

- IV. Aggravantur pœne in eos, qui Clericos occidunt, seu lethaliter vulnerant.
A. 1353. eodem loco.
- V. Contra illos, qui officium Tabernariorum exercent injuste.
A. 1353. Sabbato post S. Severini Episcopi. Schatenus *Annal. Paderb.* Tom. II. ad h. a. pag. 329.
- VI. Contra illos, qui se non curant promoveri debito tempore ad sacros Ordines, nec curant promoveri. A. 1353. eodem anno & loco.

Coloniæ Synodus Verna A. MCCCLIV.

- MCCCLIV. I. Confirmatio Statutorum Domini HENRICI & WALRAMI de tonsuris, basilidiis, & vestibus Clericalibus. In crastino Dominicæ: Invocavit.
- II. Contra illos, qui vagantur, & discurrunt in Ecclesiis, quando Chorus cantat, vel quando Divina celebrantur. Verna tantum.
- III. De commutatione votorum, & voti restitutionibus. Eod. anno & loco.
- IV. De eodem cum inhibitione contra Religiosas. A. 1354. in crastino Palmarum.

Coloniæ Synodus Verna A. MCCCLVI.

- MCCCLVI. I. Ne Religiosi quicunque quæstum publicum faciant, vel male quæsitæ incerta, alias, quam ad fabricam Ecclesiæ Coloniensis ordinent.
A. 1356. in crastino Dominicæ: Invocavit.
- II. Contra exercentes Contractus Händgelt. Eodem anno & die.

Coloniæ Synodus A. MCCCLVII. Verna & Autumnalis.

- MCCCLVII. I. Contra Beggardos, & Suftriones, & eorum receptatores. A. 1357. 25. Febr.
- II. Contra injectores manuum in Clericos & Ecclesiasticas personas.
In eadem Synodo Verna A. 1357. 25. Februarii.
- III. Ne aliqui Domini temporales, vel Judices, seu Consules, aliquid attentent in præjudicium Sanctæ Ecclesiæ, in obrogandis piis & laudabilibus consuetudinibus. In eadem Synodo Verna ejusdem anni & diei.
- IV. Ne aliquis assumatur in Capellanum, vel Vicarium sine Episcopali licentia, & quod Rectores de elemosinis retentis fabricæ tentantur satisfacere.
A. 1357. in crastino Cinerum.
- V. Confirmatio indulgentiarum Fabricæ Coloniensis Ecclesiæ, & de cæteris remissionibus, & Quæstoribus, item de Indulgentiis specialibus Benefactorum Fabricæ. A. 1357. Dominicæ: Invocavit.
- VI. Ubique Flagellatores exercent exercitium scellæ suæ, cessandum est per triiduum: absolutionem excessuum eorumdem retinente sibi Diocesano.
A. 1357. Schatenus *Annal. Paderb.* Tom. II. p. 339. ad h. a.
- VII. De usurariis manifestis & exercentibus contractus dictos: Händgelt.
A. 1357. in Synodo Autumnali 30. Septembris.
- VIII. Quod homines existentes de loco interdicto, non debeant admitti ad Sacramenta Ecclesiastica in locis non interdictis. Ibidem, ut supra.
- IX. Privilegia Fratritatis S. Petri, non solum magnis donis, sed medicis etiam, affectu magno datis, posse obtineri: & quod durante interdicto ultra annum, homines habentes Fratritatem S. Petri non debent inungi, nec Ecclesiastica tradi sepultura. In crastino S. Remigii A. 1357. in Synodo Autumnali.
- X. Ne aliquis celebret in altari portatili, aut viatico, sine licentia Episcopali.
A. 1357. eodem loco & anno.
- XI. Ne Religiosi extra sua Monasteria moram trahant, & contra receptatores eorum. Ut supra.

MCCCLVII. XII. *Ne Quasfores cum crucibus, vel calicibus admittantur in Parochiis sine licentia data per Episcopum, aut Capitulum. Ut supra.*

XIII. *Contra detentores, & subtrahentes Legatorum fabricæ Ecclesiæ majoris Colonienfis. Ut supra.*

XIV. *De pena eorum, qui Statuta prius publicata non sunt executi. De delatione Corporis Domini, & sortilegis. Ut supra.*

Coloniæ Synodus A. MCCCLX. Autumnalis.

MCCCLX. *De vita, habitu, & honestate Clericorum & Monachorum, & de penis excellentibus infligendis.*

Bulla INNOCENTII VI. de A. 1359. III. Kal. Maji, publicata Coloniæ A. 1360. I. Octobris in Synodo Autumnali.

Coloniæ Synodus A. MCCCLXII. Autumnalis.

MCCCLXII. I. *Quando Clerici in superpellicio incedere debeant, & de Sacramenti Eucharistiæ ad infirmos delatione.*

II. *De Custodibus & Campanariis.*

III. *Ne Altaristæ, seu Vicarii, Pastori in aliquo derogent.*

IV. *De absolutione pro cadavere impetrata, seu impetranda.*

In Synodo Autumnali Coloniensi A. 1362. 21. Octobris.

COLONIÆ SYNODUS VERNA

ANNO MCCCLI.

WILHELMUS, DEI GRATIA, SANCTÆ COLONIENSIS ECCLESIAE
ARCHI-EPISCOPUS, SACRI IMPERII PER ITALIAM ARCHI-CANCELARIUS,
UNIVERSIS PRÆLATIS, ECCLESiarUM RECTORIBUS, ET CLERICIS,
SALUTEM IN DOMINO SEMPITERNAM.

Quamvis de univerforum statu Clericorum, Nobis subjectorum, prospere dirigendo, cura Nos Pastoralis officii sollicitudine quotidiana fatigat; circa illa tamen, quæ honestatem, mores, & modestiam ipsorum Clericorum, & domus Dei decorem respiciunt, affectionis potioris sollicitamur instantia. Cum itaque nonnulli Clerici Nobis subjecti, a via modestiæ deviant, Clericalis honestatis vestibus Clericalibus impudenter abjectis, alias laicales ordini, & statui Clericali non congruentes, in contemptum dignitatis Clericalis, in publico deferre non formidant, nec nomine, nec re se venerabili Clericorum cœtui in aliquo conformant, sed satore malorum operum procurante, in illam vesaniam sunt deducti; quod prophanos ritus laicorum concomitari non erubescunt, & elata præsumptione, & præsumptuosa elatione, habitum & statum Clericalem postergant,

& vitam Clericalem non ducunt, ac tonsuram Clericalem decentem portare contemnunt, & recusant, immemores, quod ipsi de Patrimonio Domini nostri Jesu Christi reficiuntur diutine, & sublimantur. Et cum ad ea nostra versatur intentio, etiam ad illa ex paternæ charitatis officio diligentem operam, & operosam diligentiam intendimus adhibere, per quæ Clerici Nobis subjecti, ab imminentibus scandalis, & futuris vilipensionibus valeant præservari. Verum licet hujusmodi errori & excessui nostri Prædecessores per Canonica tam utilia, quam salubria Statuta super hoc edita, occurrerunt, ultra tamen provisiones eas tam Juris Canonici, quam civilis, Statuta quadam promulgarunt, per quæ ipsi ab hujusmodi devio & errore retrahere ipsos, & eis succurrere existimant; sed nunc pro dolor evidenter Nobis apparet, quod dolenter referimus, hujus-

Tomus IV. Concilior. German.

N n n

modi

modi Clericos in labyrinthum erroris incidisse. Quare opus est, ut huiusmodi perniciosi, & periculosi excessibus, & erroribus, per quos scandalum in Clero, ac populo, & in Ecclesia Dei continue generatur per opportunitate provisionis remedium salubriter occurratur, præferim cum error, cui non resistitur, quodammodo approbari videatur. Cumque per operam nostræ sollicitudinis, intendimus medelam circa præmissa adhibere, per quam cultus Divinus cum debita decencia propagatur, & status Clericorum jam (proh dolor) lapsus reformetur, qui undique in Collegiatis, Conventualibus, & aliis Ecclesiis nostrarum civitatis, & Diœcesis Coloniën. tum propter abusum, tum etiam propter torporem negligentie Prælatorum est destitutus. Quos Prælatos & præsertim Decanos, rogamus & exhortamur, obsecramus, & sub virtute sanctæ obediencie monemus, ut suos Concanonicos, & alios eis subiectos, viis, modis, & sub pœnis & multis quibuscunque, quæ de jure, vel consuetudine Canonice, & aliis suis subditis injungere possunt, inducant, & effectualiter faciant, & procurent nostrorum Prædecessorum Statuta & nostra, præsertim infra scripta, inviolabiliter observari, ne ad vindictam ex officii debito contra eosdem Prælatos insurgere perurgeamur. Quam vindictam & ultionem nostram iidem Prælati, si negligentes inventi fuerint in præmissis, sibi inferri indubitanter expectabunt. Unde ad præcavendum etiam, ne Clerici prædicti, vel aliqui ex eis, occasionem se excusandi de præmissis usurpent, pro eo, quod frivole allegare possent, quod dicta Statuta nostrorum Prædecessorum, maxime piæ memoriæ Dominorum *CONRADI, SIFRIDI, HENRICI, & WALRAMI*, Archiepiscoporum Coloniënsium, in eorum notitiam non venissent, nec ipsis de eorum promulgatione constaret: cum hoc præsumi non debet, nec verisimiliter præsumendum existit, immo hoc frivolum debet reputari, & majori ob hoc pœna tales sic se excusantes sunt plectendi: cum in illis magis plectibilis sit offensæ, per quos ad excusandas excusationes in culpis, delinquendi autoritas usurpatur. Volumus igitur, & mandamus, & præcipi-

mus, dicta Statuta nostrorum Antecessorum prædictorum, per Nos innovata, & nostra, quorum tenor inferius describitur, notificari, publicari, & insinuari Clero nostrarum civitatis, & Diœcesis in sancta Synodo proxime in Ecclesia Coloniën. si celebranda, ipsaque Statuta tenore præsentium literarum, ex Capituli nostri, & Priorum nostrorum consilio & assensu, approbamus, confirmamus, & præcipimus inviolabiliter observari, sublati tamen pœnis in statutis Dominorum *HENRICI & WALRAMI* nostrorum Prædecessorum prædictorum, comprehensis, præsertim super punctis infra scriptis, & quicquid ex ejusmodi pœnis subsecutum est, vel ob eas, penitus ex certis causis Nos moventibus revocamus, & eas volumus haberi pro infectis. Sequitur autem series Statutorum prædictorum, & publicandorum, in hunc modum.

*Disciplina Ecclesiastica D. WILHELMI
Archi-Episcopi.*

I. In primis, ut Canonici nostrarum civitatis & Diœcesis, alique Clerici & focii, exquisite comam non nutriant, neque barbam, quodque coronas assidue deferant, quæ secundum sui ordinis & status decenciam appareant detectæ: tonsuras & rasuras in crinibus & barbis habeant decentes, nec aliquis crines suos totaliter abradat, seu super pectine abscondat, sine licentia sui Decani.

II. Item, ut Canonici, & alii Clerici non sint manifesti concubinarij, nec fœminas secum in domo retineant, de quibus suspicio incontinentiæ possit haberi. Nam tales animadversione condigna plectendi sunt, prout in Statutis Dominorum quondam *CONRADI & SIFRIDI* nostrorum Prædecessorum, plenius continetur.

III. Item, ut Clerici vestes omnino virides, glaucas, aut rubeas, scacatas, virgatas, seu complicatas ante pectus, vel aliquos ultra cubitum notabiliter nodos habentes, aut quibus de alio colore manica est affluta, & vestes supra vel infra rugatas, seu a lateribus scissas: ibi & in longum ad oras, & in manicis cum aliqua revolutione furratas, nec non vestes nimis arctas, vel nimia brevitate notatas, non deferant, nec manicis ultra modum

modum longis & scissis, in suis vestibus utantur.

IV. Item non debent uti subtus pro prima subveste Wambosis variatis ex diversis coloribus & figuris: etiam scacatis & virgatis ex texturis sericis & aliis, non utantur.

V. Item caligas virides, glaucas vel rubeas non deferant: neque calceos variis modis perforatos, incisos vel laqueatos.

VI. Item non utantur caputiis longis, quorum similibus Monachi conversi intra septa sui Monasterii solent uti: neque deferant caputia perforata, scissa vel fissa, cum magna panni particulis pendentibus, nec (a) vermiculata filis sericis, argenteis, vel aureis, de eisdem desuper variis contextis, ac depictis figuris & gemmis ornata.

VII. Item Canonici & Clerici cum Rutinis vel cultellis trusoribus non incedant, praesertim in Choro vel Stationibus, & coram suis Prelatis & intra immunitatem.

VIII. Item hastiludia non exercent, maxime in locis, ubi sunt Beneficiati.

IX. Item Canonici ac ceteri Clerici Ecclesiarum Collegiarum intra vel extra immunitatem sine religione non compareant coram suis vel aliis Prelatis, si suo in habitu vel religione incedant. Praelatus etiam, nisi sit de licentia eorundem, siue sit eques, siue pedes.

X. Item non intrent aliquam Ecclesiam Collegiatam Canoniceorum sine religione.

XI. Item veniant ad processiones consuetas & debitas frequenter, & faciant inclinationes intrando cum processione, & exeundo choram, DEO, & Prelatis suis reverenter, sicut antiquitus est consuetum, etiam indinent incipiendo antiphonas, vel cum cantaverint versum, vel cum thurificaverint, & quando legerint Lectiones, & cum legitur *Gloria Patri* ad Psalmos, quando canitur *Gloria in excelsis*, & *Credo in unum Deum*, sicut ab antiquo est consuetum.

XII. Item Canonici & ceteri Clerici frequentantes Chorum, non utantur in

capite caputiis, cappis choralibus, nigris assutis, dum Divina peraguntur. Et hoc idem in Capitulo, nec non in Stationibus, quae fiunt in Ecclesia vel in ambitu, observetur.

XIII. Item pileolos seu birretos non deferant inconsumptos, sed textos seu seminigros.

XIV. Item ad Matutinas post *Psalmum*, & ad Vesperas post primum *Psalmum*, & ad Completorium post primum *Gloria Patri* nemo intret Chorum: & quamdiu legitur Evangelium ad Missam, nullus intret vel exeat Chorum.

XV. Item Sacerdos celebraturus Missam, non accedat ad Altare sine Ministris, & nullus vel Diaconus, vel Subdiaconus legat ad Missam, nisi Sacris sit indutus ornamentis, prout ejus ordo requirit, nec recedat, nisi officium totaliter sit expletum. Sacerdote etiam stante in altari, Ministri non recedant ab altari, nec sedebunt, sed Sacerdoti fideliter ministrabunt.

XVI. Item Canonici etiam in festis novem Lectionum per se, vel per alios suos Concanonicos, ad Missam ministrent, & legant in locis debitis, & ad hoc deputatis, maxime in Ecclesiis, in quibus non est consuetum, quotidie per Canonicos ministrare.

XVII. Item nullus ministrans ad Altare, aut regens Chorum, vel legens lectionem, calopodibus utatur.

XVIII. Item nullus sedeat in Choro, nisi hodie & locis, in quibus est consuetum.

XIX. Item Canonici & Clerici non vagentur in choro, vel in Ecclesia de loco ad locum, nec fabulentur, quamdiu Divina (alios impediendo) inibi peraguntur, sed morate & discrete incedant in Divinis.

XX. Item Canonici & Beneficiarii horas Canonicas, & de *Domino nostra* quolibet die discretere, & distincte dicant, maxime Beneficiarii vel in sacris Ordinibus constituti.

XXI. Item Canonici & ceteri Clerici venientes cum cruce ad stationes in choro, maneant ibidem, nisi causa rationabilis cogat eos exire, donec cum cruce

(a) vinculata

Tomus IV. Concil. German.

cruce recedant. Et Magistri Scholarium suos Scholares decenter faciant stare, & manere in choro.

XXII. Item quicumque cantabit versum in choro, incipiet responsum secundum vocem suam, ut bono modo cantare valeat, ne ibi confusio fiat.

XXIII. Item Canonici sacros recipient ordines, cum a suis Decanis fuerint moniti; nec aliquis Canonorum ad Ordines accedat, nisi petita, & obtenta licentia ejus, ad quem hoc pertinet in sua Ecclesia de consuetudine vel de jure.

XXIV. Item Canonici comedant in immunitatibus suis in domibus propriis, vel habeant hospites suos in eadem, quod tamen volumus committere discretioni Decanorum suorum, secundum quod ipsi magis viderint expedire.

XXV. Item Canonici, vel Clerici nocturno tempore per plateas non vadant cum insolentia & clamore.

XXVI. Item non vadant die, vel tempore nocturno in plateas aut locis publicis ad tabernas, vel choreas.

XXVII. Item Canonici, & alii Clerici vina vendere non debent, nisi secundum formam, & modum, & continentiam mandatorum pater memorie D. WALRAMI nostri Prædecessoris, quem volumus in suo robore permanere, una cum penis & sententiis expressis, & in eisdem contentis.

XXVIII. Item nullus Canonicus solus vadat per civitatem sine famulo vel socio.

XXIX. Item unusquisque sciat, quid sibi legere, vel cantare incumbat: frequenter legantur tabule in Capitulo, qui legere, vel cantare debeant, & commemorationes defunctorum, & aliqua lectio de regula. Si Decanus est præsens, Decanus: si non, Prior intret Capitulum cum cæteris fratribus, & hebdomadarius Sacerdos dicat vers. *Preclara*. & deinde finita *Preclara* &c. ante quencunque tractatum, tractetur de disciplina, intra quam quilibet Canonicus debet esse tacitus, compositus & mansuetus.

XXX. Item, ut Canonialis disciplina, correctionis & reformationis officium libere valeant Decani, & alii Præ-

lati circa suos Canonicos & subditos exercere, decernimus & statuimus, ut executionem eorum nulla consuetudo, vel approbationis Beneficium valeat impedire.

XXXI. Item Canonici incarcerati non debent a carcere absolvi (b) præsentibus aliquibus extraneis, quibus non constat de disciplina.

XXXII. Item Canonicus quamdiu fuerit suspensus, non debet comparere coram fratribus sui Capituli, vel Decano, vel ulro eorum conspectu se præsentare.

XXXIII. Item statuimus, quod nemo private legat horas suas in choro, dum Divina ab aliis peraguntur.

XXXIV. Item statuimus, quod Canonici suis Decanis sint in Capitulis obediētes, prout disciplina Capitularia requirit, mandatis ac monitionibus suorum Decanorum humiliter pareant, tam in majoribus quam in minoribus, ut tenentur. Et non intendimus correctioni, & authoritati Decanorum, quas habent de jure, vel consuetudine in Canonicos & alios suos subditos, per Nostra & Prædecessorum nostrorum statuta, in aliquo derogare.

XXXV. Item statuimus, & districte præcipimus, quod Statuta præsertim præsentia ponantur in choro cujuslibet Ecclesie, ut Canonici & alii possint ad ea accedere perlegendum.

XXXVI. Item statuimus, quod eadem Statuta præsentia in singulis Capitulis nostrarum civitatis & Diocesis post nostram sacram Synodum, quamprimo hoc commode fieri poterit, publicentur. In quorum omnium testimonium, & roboris firmitatem, Sigillum nostrum una cum Sigillo Capituli nostri præsentibus est appensum. Quod Nos Capitulum pro Nobis, & Prioribus Colonienfibus, in signum consensus nostri præstiti, præsentibus duximus apponendum. Datum anno Domini Millesimo trecentesimo quinquagesimo primo, quinta die mensis Martii.

NOTANDUM,

Quod Gloria in excelsis, & Ite missa est, per totum annum est cantandum, quotiescunque novem lectiones habent.

(b) precibus aliquorum extraneorum, quibus &c.

habentur. Excipiuntur Adventus Domini (præter Festa Beatorum Andreæ & Thomæ Apostolorum) & Septuagesima usque ad Festum Paschæ, & præter Festum Conversionis Sancti Pauli, & Purificationis Beatæ Mariæ, si in Septuagesima evenerit, & Festa Beatorum Petri & Matthiæ Apostolorum, & Annuntiationis Dominicæ. In quibus Festis cantatur: *Ti Deum laudamus, Gloria in excelsis, Credo in unum Deum, & Ite missa est.* Nota, quod in nocte Nativitatis Domini, ad primam & secundam Missam *Ite missa est* non dicitur, quævis *Gloria in excelsis*, & *Credo in unum Deum* cantetur, sed *Benedicamus* sine Benedictione. Ad summam vero Missam dicitur *Ite missa est* cum Benedictione. Item a Nativitate Domini usque ad octavam Epiphaniæ, cantatur *Gloria in excelsis*, & *Ite missa est*, excepto Festo Innocentium, ubi *Gloria in excelsis, Gloria Patri*, ad Missam, & ad omnes horas *Alleluja, Credo, & Ite missa est*, non dicitur, sed omnis in octava cantatur. (c) Sed si Festum Innocentium in Dominica evenerit, omnis præmissa dicuntur. Item in Coena Domini, ubi Christus conficitur, cantatur *Gloria in excelsis, Credo in unum Deum, & Ite missa est*, & alias non.

Item in Vigilia Paschæ, quævis *Gloria in excelsis* cantetur, tamen *Ite missa est*, & benedictio subicitur.

Item a Festo Paschæ ad octavas Pentecostes, omni die dicitur *Ite missa est*: *Gloria in excelsis* vero non nisi in Festis Sanctorum, sicut sunt Georgii Martyris & aliorum. Item in hebdomada Trinitatis cantatur *Gloria in excelsis, Credo in unum, & Ite missa est*. Item rogatus Missam celebrare, *Gloria in excelsis, & Ite missa est*, de quolibet sancto poteris cantare. De Patrono idem facies, excepto in Adventu Domini, & Quadragesima, & Septuagesima. Item intra Octavas Petri, & Pauli Apostolorum, Assumptionis, & Nativitatis Beatæ Virginis, & Patroni, cantatur *Gloria in excelsis, & Ite missa est*, si de eis cantatur. Item nota, quod *Credo in unum*, in omni Missa non est cantandum, nisi in Festis Sanctorum, quorum mentio sit in symbolo, scilicet Nativitatis Domini, octava Nativitatis Domini, a Vigilia Epiphaniæ inclusive,

usque ad octavam ipsius, a Festo Ascensionis ipsius, a Festo Pentecostes ad octavam, de sancta Cruce, in omnibus Festis sanctæ Mariæ, in Festis Apostolorum & Evangelistarum, si de eis cantatur: in Dedicatione Ecclesiarum. Quiddam vero in Festis beatæ Mariæ Magdalene, quia Apostolorum fuit Apostola: tamen non (d) cantatur *Credo*. Item in Festo omnium Sanctorum cantatur *Credo in unum*, & omnibus diebus Dominicis per annum: a Nativitate Domini usque ad Vigiliam Epiphaniæ, cantabitur Præfatio: *Quia per incarnati verbi*. Et post octavam Nativitatis Domini addes præfationi Collectam: *Deus, qui salutis*. A Festo Epiphaniæ ad octavas ipsius cantabitur præfatio: *Quia cum unigenitus tuus*, cum sua Collecta, de quocunque sancto celebretur. Ab octava Nativitatis Domini usque ad Purificationem quocunque de Sancta Maria celebretur, præfatio erit: *Quia per incarnati verbi*, cum Collecta: *Deus, qui salutis æternæ*, similiter ipso die Purificationis, Annuntiationis, eadem præfatio dicitur. Item ab octavis Epiphaniæ usque ad Cineres, dicitur præfatio quotidiana. Item a Festo Cinerum usque ad Passionem Domini, erit præfatio: *Qui corporali jejuni*; exceptis Dominicis diebus, in quibus præfatio quotidiana dicitur. Item a Dominica Passionis usque ad Parasceven erit præfatio: *Qui salutem humani generis*; & *Gloria Patri*, super introitum Missæ subicitur. A Vigilia Paschæ usque ad Ascensionem Domini præfatio erit: *Te quidem Domine*, quæcunque festum superveniat. Post octavas Paschæ usque ad Ascensionem Domini, addes Collectam: *Deus, qui resurrectionis Dominica*. A die Ascensionis Domini usque ad Vigiliam Pentecostes, erit præfatio: *Qui post resurrectionem*. A Vigilia Pentecostes usque ad octavas erit præfatio: *Qui ascendens*. Hebdomada Trinitatis erit præfatio: *Qui cum unigenito Filio tuo*. Et nota, quod ab octava Pentecostes usque ad Nativitatem Domini, dicitur præfatio quotidiana, Dominicis diebus exceptis usque ad Adventum Domini, in quibus cantabitur præfatio Ss. Trinitatis cum sua collecta. Si vero Collecta obmittitur, præfatio

N n n 3

tio

(c) forte: Esti

(d) forte: non passim cantatur

rio quotidiana diceretur, festis tamen exceptis, quæ proprias habent prælationes. In Dedicatione Ecclesiarum Collecta *Trinitatis* cum sua prælatione dicitur. Item nota, quod nulla Dominica per annum, per totam hebdomadam suam servat *Gloria in excelsis*: *Credo in unum, Ite missa est*, nisi illa Dominica, *Dum medium silentium*, & *In excelsis Throno*, & Dominica *Exultet*. Item nota, quod nulla vigilia cujuscunque Sancti, servat *Gloria in excelsis*: *Credo in unum*: *Ite missa est*: *Alleluja*,

nisi evenierit in Dominicam. Item in die omnium Sanctorum prælatio quotidiana dicitur. In Nativitate Domini ad tres Massas dicitur: *Communicantes*, tantum ipso die. In Cena Domini: *Communicantes*, & *Hanc igitur, Qui pridie*. A Vigiliis Paschæ usque ad octavas est servandum: *Communicantes*, & *Hanc igitur*. In Ascensione Domini: *Communicantes*, tantum ipso die. A Vigilia Pentecostes usque ad octavas est servandum: *Communicantes*, & *Hanc igitur*.

SYNODUS COLONIÆ A. MCCCLII. VERNÆ.

De Clerici hospitalia excentibus, & declaratio, quod bona memorie WALRAMUS hujusmodi Statuta non revocaverit.

WILHELMUS, Dei gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius, univerſis in ſancta Synodo conſtitutis, ſalutem in Domino.

Quia (ſicut non notorium eſſe non poteſt) Prælati, Canonici, Curati, Capellani, & Clerici noſtræ civitatis & Diceceſis, in conſura, in habitu, & in pluribus aliis, puta in haſtiludiis, & in vinorum venditione, & in Divinorum Officiorum negligentia, & in pluribus enormitatibus, & vanitatibus frequenter, & enormiter excedere non verentur: & quanguam per Prædeceſſores noſtros maxime bonæ memoriæ *CONRADUM*, *HENRICUM*, & *WALRAMUM* Archi-Epiſcopos Colonienſes, Statuta, ad reprimendum exceſſus hujusmodi emanarunt: tamen minime profuerunt, quando nonnulli ex eis hujusmodi enormitatibus ſe non metunt immiſcere: & cum Statuta hujusmodi in Statutorum Eccleſiæ noſtræ corpore contineantur, hic in præſentibus literis ea non duximus inferenda, ſed omnes noſtros Prælatos, Canonicos, Curatos, Capellanos, Presbyteros, & quoscumque alios, ad eorum tenores duximus remittendos: & quia prædicta Statuta hujusmodi multum ſunt poſſibilia, immo periculosa illis, qui ipſa ad unguem (ſicet eis ligarentur) non curarunt hæcenus obſervare: ob id, ut ad noſtram

devenit noticiam, nonnulli ex noſtris ſubditiis præſatis, falſam ſibi quandam revelationem circa præmiſſa fingentes, falſo aſſerunt, & minus veraciter famam ſparſerunt, quod ſcilicet bonæ memoriæ *WALRAMUS* Prædeceſſor noſter prædictus hæc Statuta in toto, ſeu in parte revocaverit, & quod propter hoc ipſi, nec non eis ſubditi, non ligentur. Cum itaque hoc ſimpliciter non credamus, immo non ſit verum, ſed contrarium veritati, idcirco huic dolo volentes, quantum poſſumus, obviare, præſata Statuta, non fuiſſe nec eſſe per aliquem revocata, immo in omni ſuo robore, & firmitate remanſiſſe, & adhuc remanere, & remanere debere, præſentibus declaramus: ipſa ex abundanti, noſtra auctoritate, ſicut Statuta ante fuerant, ſtatuentes, & mandantes in virtute ſanctæ obedientiæ omnibus noſtris Prælatiſ, Canoniciſ, Decaniſ Chriſtianiſtatam, Curatiſ, Capellaniſ, Presbyteriſ, & Clericiſ noſtræ civitatis, & Diceceſis, ut prædicta Statuta omnia & ſingula, ad correctionem morum edita, per præſatos noſtros, & quoscumque alios Prædeceſſores, ſicut edita ſunt, firma teneant atque rata: Specialiter etiam ex certa noſtra ſcientia dilectiſ Nobiſ Decaniſ Eccleſiarum Collegiatarum majoriſ, & aliarum Eccleſiarum noſtræ civitatis & Diceceſis injungimus & mandamus in virtute ſanctæ obedientiæ (cum eis hoc ſpecialiſ incumbat, tanquam judicibꝫ correctioniſ, & diſciplinæ ſuorum Canonicorum, & Capellanorum) ut circa obſervantiam prædictorum Statutorum ſe ita exhibeant vigilantes, quod ipſi eorum Canonici & Vicarii in talibus

de

de cetero non excedant: scituri pro certo, quod si per alicujus eorum desidiam seu dissimulationem aliquis suorum Canonicorum in contentis in præfatis Statutis, seu eorum aliquo exceßerit, manifeste Nos contra Decanum, cujus talis Canonicus subditus fuerit, ad ipsum propter hoc puniendum rigore juris, quo possumus, procedemus: Volentes, quod si aliquis suorum subditorum, ita inven-

tus fuerit contra suum Decanum, propter talia ipsum punire volentem, adeo dyscolus & protervus, quod ipse suus Decanus talem subditum non poterit corrigere commode bono modo, hoc Nobis non differat intimare: & Nos ei circa hoc adhibebimus remedium oportunum. Datum Colonie mensis Februarii die 25. Anno Domini MCCCII.

SYNODUS DIOECES. COLONIÆ

A. MCCCIII. VERNA ET AUTUMNALIS

SUB EODEM ARCHI-EP. WILHELMO.

I. Processus & Mandata contra Clericos, & Religiosos, imitatores Sæctæ FLAGELLATORUM.

WILHELMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archicancellarius, universis Christianitatum Decanis, & Ecclesiis, Capellarumque Rectoribus nostræ civitatis & Diocesis Colonienfis salutem in Domino.

Nuper in sacra Synodo in crastino Dominicæ, qua cantatur *Invocavit*, in Ecclesia sancti Cassii diætæ nostræ Diocesis celebrata, omnes & singulos Clericos & Religiosos, cujuscunque Status, Ordinis, conditionis, aut præminentie existerent, qui de sæctæ Flagellatorum, aut ipsorum imitatores, aut sectatores extiterunt, per nostras certi tenoris literas monuimus palam, publice, & solenniter, quatenus de suis excessibus, per sæctæ hujusmodi nefariæ exercitium, & tempore exercitii ipsius in opprobrium totius fidei Christianæ damnabiliter præsumptis, Deo., Nobis, & Ecclesiæ intra unius mensis spatium a die publicationis dictarum literarum nostrarum computandum, condignam præstarent emendam: alioqui ipsos omnes & singulos Clericos & Religiosos prædictos, quos propter hoc (dierum dicti mensis monitione Canonica præmissa) in scriptis excommunicavimus, excommunicatos palam, & publice in Ecclesiis & in Capitulis nostrarum civitatis & Diocesis mandavimus nunciari. Verum licet dictarum literarum nostrarum executio, & publicatio in sacra Synodo prædicta adeo

publice, & solenniter facta fuerit, quod nulli Clerici, aut Religiosi, quos hoc tangit negotium, præmissorum ignorantiam aliquatenus valeant allegare, complures tamen Clerici & Religiosi, qui de sæctæ ipsa, seu ipsius sæctæ imitatores extiterunt, spretis nostris mandatis, & monitionibus prædictis, excommunicationis sententiam in dictis literis nostris latam in eosdem, incidere minime formidarunt, in animarum suarum grave periculum, & scandalum plurimorum. Vobis igitur & cuilibet vestrum sub pœna suspensionis ab officio Divinorum districtè præcipiendo mandamus, quatenus intra quindenam a tempore receptionis harum nostrarum literarum, Capitula vestra congregetis, ac Clericis vestrorum Decanatum has literas nostras fideliter intimetis, ipsis vice & auctoritate nostra mandantes, quatenus in Ecclesiis suis & Capitulis suis, Clericos & Religiosos quoscunque, qui præmissam excommunicationis sententiam inciderunt, ut præfertur, quorum nomina sciveritis, aut ipsi sciverint, nominatim & in specie, alias vero in genere, excommunicatos palam & publice, & alta & intelligibili voce singulis diebus Dominicis & Festivis coram populo nuncient, & vos ipsos excommunicatos nunciatis, & ab omnibus Christi fidelibus arctius evitandos, vobisque Decanis ac universis Ecclesiarum & Capellarum Rectoribus nostrarum civitatis & Diocesis, sub pœna suspensionis prædictæ, districtè præcipiendo mandamus, quatenus nomina Clericorum & Religiosorum quorumcunque, qui sententiam excom-

excommunicationis prædictam inciderunt, quorum nomina sciveritis, intra quindenam a tempore publicationis præsentium ipsis faciendæ, Nobis rescribatis, & vos Decani prædicti rescribere nullatenus omittatis.

Datum sub Sigillo nostro ad causas, anno Domini MCCCLIII. crastino Dominicæ, qua cantatur: *Jubilate*.

II. *Ut litera impetrantium, siue dispensationum, non recipiantur sine Episcopali examini.*

WILHELMUS, Dei Gratia, sanctæ Colonienſis Ecclesiæ Archi-Epiſcopus, Sacri Imperii per Italiam Archi-Cancellarius &c.

Cum nonnulli Clerici peregrini & alienigenæ, nostræ Colonienſis Diœceſis, originis ratione, falſo ſe eſſe prætendentes, a Sede Apoſtolica literas gratiaſ, quarum vigore de Beneficiis Eccleſiaſticis ſub certa forma mandatur eis provideri: alii tam Clerici, quam laici, ab eadem Sede literas ſuper diverſis defectibus, irregularitatibus, & cum quibusdam, ut impedimento legitimo (ut exprimunt) non obſtante, matrimonium contrahere valeant ſubrepticiæ & obrepticiæ: alii vero a Sede Apoſtolica literas falſas de juſtitia (ut experientiâ docuit ſæpius) ad Nos, & ad certos Prælatos noſtræ Diœceſis retroactis temporibus impetrarunt; unde contingit Clericos, & perſonas literatas noſtræ Diœceſis, de Beneficiis Eccleſiaſticis non poſſe debite in eadem provideri, eosque in ea parte cum eorum magno incommodo ſupplantari: alios quoque in Beneficiis, vigore diſpenſationum prædictarum ſubrepticiæ obtentarum periculoſe negligi, ceterosque in matrimonio (earundem diſpenſationum vigore) contracto, cum periculo animarum ſuarum remanere, & nonnullos per prædictas literas falſas cum onere ſumptuum & expenſarum indebite prægravari: Nos hujusmodi morbo peſſimero in dicta noſtra Diœceſi pro tempore præterito plurimum uſitato, quantum in Nobis eſt, remedium cupientes ponere oportunit, vobis & cuilibet veſtrum ſub poena late ſententiæ in his ſcriptis diſtincte præcipimus & mandamus, quatenus antequam ad

executionem literarum hujusmodi Apoſtolicarum vobis præſentandarum quorumcunque de cætero procedatis, præſentatores earundem ad Nos, ſeu ad Officiale noſtrum pro examinatione earundem, quanta ſit eis adhibenda fides, ut dictis occurratur periculis, transmittatis, ad vos cum literis ſub ſigillo noſtro, aut dicti Officialis noſtri ſigillatis, in ſignum viſionis & examinationis hujusmodi factæ abſque moræ diſpendio reverſuros. Ex ne ignorantiam aliquam in præmiſſis cauſari valeatis, volumus, ut quilibet veſtrum copiam præſentis noſtri mandati recipiat, & apud ſe tenere nullatenus omittat. Datum anno Domini Milleſimo trecentefimo quinquageſimo tertio, X. die Junii.

III. *Contra Clericos inordinate viventes tam in veſtibus, quam in conſuetudinibus, & aliis.*

WILHELMUS, Dei gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius &c.

Bonæ memoriæ Prædeceſſores noſtri HENRICUS, & poſt eum WALRAMUS, Archi-Epiſcopi Colonienſes, Statuta quædam contra Clericos non portantes aliſque coronas in capite detectas, & ſecundum ordinem ſui ſtatus, & decenſiam competentes: nec non contra Clericos veſtes ſcâcatas, aut omnino virides, aut omnino rubeas, ſeu glaucas, vel a lateribus, vel ante pectus notabiliter (*) ſiſſas, aut nodatas, publice deſuper ſine cauſa rationabili portantes: Item contra Clericos barbas portantes, nec non contra eos, qui haſtiludiis publice ſe immiſcent, ipſa haſtiludia corporaliter exercendo, præſertim in locis, in quibus Beneficia Eccleſiaſtica obtinent: Item contra portantes tunicas, quibus manicæ alterius coloris ſunt aſſutæ, magnis poenis vallata ediderunt, ipſisque, ad quos hoc pertinet, mandaverunt, ne illis, qui poenas hujusmodi inciderunt, quicquam de ſuis Præbendis, proventibus, fructibus, redditibus, & obventionibus adminiſtrarent. Et ſi aliqui prædicti Clerici receperint, poenis formidaliſſimis involverunt, ſicut in eorum noſtrorum Prædeceſſorum præ-

(*) forte: ſiſſas.

præfatis Statutis, maxime ipsius WAL-
RAMI plenissime continetur. Nos ve-
ro, dum nostræ Ecclesiæ Colonienſi pri-
mum præſecti ſumus, ſperantes ipſos
Clericos, de quibus circa præmiſſa ſuſpi-
cio fuerat, ſe prorsus debere ab hujus-
modi exceſſibus abſtinere, pœnas Sta-
tutorum hujusmodi ad noſtrum bene-
placitum duximus ſuſpendendas. Ve-
rum, ubi per hanc ſuſpenſionem, quam
ex vera clementia pro tempore fecimus,
proficere credebamus, invenimus dete-
rius provenire. Sunt enim inter illos
nonnulli Clerici, qui (in præmiſſis ma-
lum malo addentes non curant, immo
verecundantur, ſe Clericos apparere)
circa præmiſſa peccare communiter, &
publice non deſiſtunt: immo reputant
ſe in his corrigi non poſſe merito nec
debere: & quanquam prædicta omnino
reputari debebunt circa omnes Clericos
indecentia, in ipſis tamen Beneficiariis,
maxime Canonicis præbendis, hæc
abſurdiſſima reputamus, eo quod hi,
quod vivunt, & vivere volunt de patri-
monio JESU CHRISTI, inſignia Cleri-
calia publice portare dedignantur: cu-
jus occaſionem, & cauſam non modicam,
Eccleſiarum Collegiatarum Decanis,
ad quos correctio ſuorum Canonico-
rum *de conſuetudine pertinet*, & *de jure*,
eo quod tales exceſſus diſſimulant,
& eos in talibus corrigere vel ſimilibus
omnimode prætermittunt, merito im-
putamus: quanquam etiam ipſis Decanis
in civitate noſtra ſuimus locuti ſuper
his aliis vivæ vocis oraculo ſerioſe. Quo-
circa volumus & mandamus, præſata
Statuta in omni ſui forma poſt quindecim
a data præſentium, in ſui robore
firmiter obſervari: ſuſpenſionem de his
per Nos factam, penitus revocantes:
Vobisque, & Decanis Collagiatarum Ec-
cleſiarum noſtræ civitatis & Dioceſis
mandamus in virtute ſanctæ obediencie,
ut ſi indignationem noſtram volueritis
evitare, quilibet ex vobis ſuos Canonico-
s, & Vicarios, & Clericos, maxime
in prædictis exceſſibus, ita efficaci-
ter corrigere ſtudeat, quod de cætero de
his non ſit amplior correptione (f) oportuna,
ſcientes pro certo, quod ſi in his
aliqui veſtrum fuerint deſides vel remiſſi,
contra tales, licet invitoſ Nos ad debi-

tas pœnas procedere oportebit. Da-
tum anno Domini Milieſimo trecentefimo
quinquageſimo tertio, Feria IV. poſt
Michaelis, quæ fuit craſtinum B. Remigii
Epiſcopi.

Schæzen. Annal. Paderborn. Tom. II.
pag. 329. ad h. a.

IV. *Aggravantur pœna in eos, qui Clericos
occidunt, ſeu letaliter vulnérant.*

WILHELMUS, Dei gratia, Sanctæ
Colonienſis Eccleſiæ Archi-
ſcopus, Sacri Imperii per Italiam Archi-
Cancellarius, univerſis Eccleſiarum Præ-
latis, Prioribus, & Reſtoribus noſtræ
civitatis, & Dioceſis, & aliis Nobis ſub-
diſcis, ſalutem in Domino ſempiternam.

Quanto hominum natura moderno
tempore, ut experientia (quod dolenter
referimus) edocet, longe prioribus
ſolito temporibus malitiis dedita pronior
eſt ad malum, tanto plus convenit au-
ſus temporum nefarios, & conatus oportuno
pœnarum remedio conſulcius re-
formari. Sane, ſi quis, ſuadente dia-
bolo, Clericum (manus in eum injiciens
temere violentas) interfecerit, ſeu
vulnus letale intulerit, unde ipſum poſtea
contigerit expirare, ſalvis aliis pœ-
nis tam a jure, quam per ſtatuta contra
hujusmodi occiſores Clericorum, a no-
ſtris Prædeceſſoribus edita, jam dudum
inſiſtis, quæ præſentibus innovamus,
& inviolabiliter præcipimus obſervari,
de noſtri Capituli & Prælatorum Colo-
nienſium conſilio & aſſenſu ſtatui-
mus ſalubriter, & ordinamus, ut hujusmodi
occiſores, ſeu occiſorum & interfecto-
rum filii ſeu hæredes per masculinam li-
neam deſcendentes uſque ad tertiam
generationem inclusive ſint ipſo facto
præſentis noſtri authoritate ſtatui perpetuo
inhabiles ad quæcunque Beneficia
ſeu Officia Eccleſiaſtica in noſtra civitate
& Dioceſi Colonienſi, ut ſic pœnæ for-
midine ab hujusmodi nefariis exceſſibus
commitendis ſtrictius arceantur. In
quorum teſtimonium &c.

V. *Contra illos, qui officium Tabernario-
rum exercent injuſte.*

WILHELMUS, DEI gratia, Sanctæ
Colonienſis Eccleſiæ Archi-Epi-
ſco-

(f) forte: neceſſaria, ab oportet.

Tomus IV. Concil. German.

scopus, Sacri Imperii per Italiam Archi-Cancellarius, dilectis in CHRISTO Abbatibus, Decanis, & Capitulis Monasteriorum utriusque sexus in civitate Colonienſi moram trahentibus, nec non ſingulis eorum, ac Clericis, nec non Monachis & Monialibus, ſalutem in Domino.

Prædeceſſores noſtri bonæ memoriæ HENRICUS & WALRAMUS, conſiderantes Statum Clericorum, & Religioſorum omnimode non decere, quod ſe involvunt & involvere nentur negotiis ſecularibus, præſertim Tabernariorum officio, quod omnino conditionem ipſorum (g) dedecet atque ſtatum, felic. record. CLEMENTIS PAPÆ VI. veſtigiiſ inhiærentes, ſub magnarum vallaſione poenarum tam Clericis ſecularibus quam Religioſis, ſtatutis ſuper hoc editis, inhibuiſſe huiusmodi tabernariorum officium dignoſcuntur, ſicut hæc in eorum ſtatutis ſuper hoc editis plenius ſunt expreſſa. Nonnulli tamen Clerici ac Eccleſiaſtica perſonæ utriuſque ſexus, poenas huiusmodi non verentes, tale officium tabernariorum intra civitatem Colonienſem, modis circa hoc prohibitis, vinorum, immo & aliæ perſonæ Eccleſiaſticae ſæminæ, ce-reviſiæ venditioni frequenter inſiſtunt, ſtatutis non obſtantibus ſupradictis. Nos itaque attendentes Prædeceſſorum noſtrorum prædictorum intentionem circa præmiſſa fuiſſe laudabilem atque ſanctam, vobis univerſis & ſingulis in virtute ſanctæ obedientiæ, & ſub poenis præcipimus antediſtis, ne vina quæcunque vel cereviſiam præter & extra formas & modos in prædictis ſtatutis expreſſas, vendere præſumatis quoquo modo. Alioqui præter poenas præſatas, ſcilicet excommunicationis & ſuſpenſionis (quas eo ipſo incidunt venditiones huiusmodi facientes, ſive ſint Clerici, ſive perſonæ Eccleſiaſticae, aut Monachi ſeu Moniales, ſeu Canonice ſeculares) quemlibet ſcilicet & quamlibet huiusmodi Clericorum & perſonarum in tantis ſummis, quantas in pecunia ratione huiusmodi venditionis receperunt per ſe vel per alios nomine poenæ condemnamus: volentes & mandantes eiſdem & cuilibet eorum, ac earum, ut tantas ſummas, quantas ex talibus venditionibus recepe-

rint, Sigillifero curiæ noſtræ perſolvant abſque diminutione aliqua totaliter & complete. Alioqui (ſalvis aliis poenis a Prædeceſſoribus noſtris talibus excenſibus illatis, in quas hos forefactores incidere volumus eo ipſo facto) monitione ſex dierum præmiſſa, in eoſdem ſimilem excommunicationis ſententiam ferimus in his ſcriptis. Inhibemus nihilominus Officiali noſtro Colonienſi, ne præſatos delinquentes, ſic venditiones vinorum modo tabernariorum exercentes, aliquæ abſolvere a talibus excommunicationibus præſumat, niſi ante omnia jurent, ſe ſtare debere mandatis Eccleſiæ, & niſi ea, quæ ex commercio huiusmodi receperint, Sigillifero noſtro integraliter perſolvant: & his præſtis, eiſ & cuilibet eorum in virtute iuramenti ſui præſtiti, idem Officialis injungat, quod venditiones ſimiles de cætero nulloatenus exercent. Et ſine hoc ordine, ipſi Officiali noſtro, ne de cætera aliquam perſonam in his delinquentem præſumat abſolvere, præcipimus: immo, ipſos abſolvendi ſine hoc ordine, totalem adimimus potestatem. Et ne ignorantiam horum Statutorum cauſari valeatis, vos ad eorum tenores, cum in Conciliis prædictorum noſtrorum Prædeceſſorum ſic ſolenniter publicata, diximus remittendos. Volumus etiam & mandamus, quatenus quælibet Eccleſiarum noſtrarum, & Monasteriorum civitatis noſtræ Colonienſis, habeat præſentis noſtri mandati penes ſe copiam totaliter & complete. Datum anno Domini MCCCLIII. Sabbato poſt S. Severini Episcopii.

Scriptum Colonienſia impreſſa anno 1554.
Schutenus Annal. Paderborn. Tom.
II. pag. 329.

VI. *Contra illos, qui ſe non curarunt promovere debito tempore ad ſacros Ordines, nec curant promovere.*

WILHELMUS, Dei gratia, Sanctæ Colonienſis Eccleſiæ Archi-Epiſcopus, Sacri Imperii per Italiam Archi-Cancellarius, univerſo Clero noſtræ civitatis & Dioceſis ſalutem in Domino.

Ex injunctæ Nobis debito ſervitutis adſtringimur, ut ad reformandos mores & actus, prout ex alto Nobis permittitur,

(g) forte: dedecora.

tur, solenter intendamus, ibique præcipue congruæ reformationis remedia apponere studeamus, ubi majus periculum inspicimus imminere, & scandala frequenter exoriri. Sane quam detestabile existat, quod nonnulli Beneficiati, Beneficiis certum Ordinem habentibus annexum, in Officiis, Dignitatibus, Personatibus, Archidiaconatibus, seu Gradibus Ecclesiasticis fore se afferant constitutos, & pro talibus se etiam reputari & haberi desiderant; insignia tamen clericalia, utpote vestes, habitum & Tonfuram Clericalem deferre, & ad Ordines sacros, quos hujusmodi sua Beneficia, Officia, Dignitates, (*) Status, Archidiaconatus, seu alia quocunque nomine censeantur, requirunt de consuetudine, vel de jure, promoveri non curent, experientia Nos docuit evidenter. Hinc est, quod Nos pio sollicitudinis studio ductos, licet in casibus præmissis sit (tam ex constitutionibus, quam ex Statutis Prædecessorum nostrorum editis) aliquatiter jam provisum, provisioni tamen hujusmodi, quatenus ipse constitutiones, & Statuta eo fortius & diligentius observentur, præsentis nostri Statuti tenore penas condignas adjicere oportet. Præsentis itaque perpetuo valitura constitutione, de nostri Capituli, ac Prælatorum Colonienfium consilio, & assensu statuimus & ordinamus, quod quicumque Clerici Beneficiati nostræ civitatis & Diocesis, cessante causa legitima, Tonfuram non deferunt publice Clericalem, ipso facto præsentis nostri auctoritate Statuti a percep-

tione fructuum Beneficiorum suorum, quæ in nostra civitate, & Diocesi obtinent, aut in futuro obtinebunt, sine suspensi. Ceterum Beneficiati quicumque in Cathedrali, vel Collegiatis Ecclesiis secularibus, vel Regularibus nostræ civitatis & Diocesis prædictarum, qui Dignitates, Personatus, Archidiaconatus, Officia, seu Præbendas, quibus cerni Ordines sunt annexi, aut debentur, pacifice obtinent nunc, aut obtinebunt in futurum, si legitimo cessante impedimento, ad hujusmodi Ordines, quos Dignitates, Personatus, Archidiaconatus, Officia, seu Beneficia prædicta requirunt, quovis modo etiam de consuetudine, vel de jure, si Subdiaconalis aut Diaconalis Ordo forsitan existat, intra sex menses: si vero Presbyteralis Ordo fuerit, intra annum a tempore pacifice possessionis adeptæ Beneficiorum prædictorum, sepromoveri non fecerint, extunc a perceptione fructuum Beneficiorum eorundem, quæ hujusmodi requirunt, sine ipso facto autoritate ejusdem præsentis Status nostri suspensi: quos in utilitatem dictorum Beneficiorum hujusmodi, a quorum perceptione fructuum sunt suspensi, decernimus convertendos, quam suspensionem, si postmodum hujusmodi Beneficiati per sex menses contumaciter sustinuerint, statuimus ipsos dictis suis Dignitatibus, Personatibus, Officiis, Archidiaconatibus, aut Beneficiis hujusmodi Ordinem requirentibus, eo ipso extunc fore & esse privatos. In quorum &c.

COLONIÆ SYNODUS DIOECESANA

VERNA ANNO MCCCLIV.

- I. *Confirmatio Statutorum D. HENRICI & WALRAMI de Tensuris, hospitalibus, & Rectoribus Clericalibus.*

WILHELMUS, DEI gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universis in hac Synodo congregatis, salutem in Domino.

Quia in sacra Synodo in hac Ecclesia, nunc in crastino, B. Remigii proxime præte-

rito congregata, mentio facta fuit, quod fuit, quod scilicet recordationis HENRICUS, & WALRAMUS Archi-Episcopi Colonienfes quædam Statuta ediderant contra Clericos, sine coronis debitis in capitibus, & cum barbis non abasis, ac etiam vestibus indecentibus incedentes, nec non hastiludia corporaliter exercentes, salubria & juri Divino consonantia, ipsos Clericos, ne de cætero talia faciant, rigore prohibentia, cum consen-

- (b) Personatus,

Tomus IV. Concil. German.

O o o 2

cenſuræ Eccleſiaſticae exaggeratione multimoda ediderunt: quæ quidem Statuta tunc Noſtra etiam authoritate mandavimus integre obſervari & teneri. Verum quia Nos poſt hæc a noſtra Capitulo, & a nonnullis Prælatiſ noſtræ civitatis & Dioceſiſ, quibus viſum tunc fuerat, hæc Statuta nimis fore pungentia, & nihilominus captioſa, interpellati fuimus, ut ea mitigare, ſaltem quantum ad poenas in eis expreſſas, aliqualiſter dignaremur. Et quanquam in hoc ipſiſ quodammodo, in quantum ſalva conciencia poteramus, condeſcendimus, ipſas poenas ad noſtrum beneplacitum ad aliqua modica tempora ſuſpendentes, perantesque eos, quos harum poenarum formido non moverat, charitative ſaltem amor virtutis ad obediendum ſtatutis huiusmodi aliquantulum commoveret, ſalvis interim ipſiſ Statutis in ſuo robore duraturis. Veruntamen quia procedente tempore experti fuimus, Nos nedum nihil in remiſſione huiusmodi profeciſſe, quin imò horum intentionem Statutorum prædictos Clericos noſtros, ut in pluribus, amplius, quam antea, contempniſſe, eapropter tunc ſuſpenſionem huiusmodi poenarum in huiusmodi Concilio revocavimus, & prædicta ſtatuta cum omnibus ſuis poenis, prout ſunt edita, obſervari omnimode præcepimus, ſicut hæc in mandato ſuper hoc conſecto, & tunc inibi publicato, plenius continentur. Nunc autem, ſicut ad noſtram devenit noticiam, nonnulli Canonici Eccleſiarum noſtrarum civitatis & Dioceſiſ, conſinxerunt (ut dicitur) mendaciter & inter ſe communiter tabulantur, Nos nedum poenas huiusmodi, quin imò ipſa ſtatuta, prout ſunt edita, revocaſſe, ſe forſan in hoc, ſi in aliquibus eorum poenas inciderunt, excuſare intendentes: propter quod noſtram excuſationem, & circa hoc noſtram intentionem, volentes omnes noſtros ſubditos non latere, & eorum, qui in Noſtalia conſingunt mendacia, ad diminutionem etiam noſtri honoris directæ tendentia ſententiam propalare: (*) præſentes literas in veſtrum omnium deduci volumus noticiam, quod publice proteſtemur & proteſtamur, Nos nequaquam hæc ſtatuta unquam ullatenus revocaſſe. Abiit enim, quod horum Prædeceſſorum noſtrorum intentionem tam ſalubrem, ſu-

per jure naturali, & Divino fundatam, præteritum ſine cauſa rationabili, quæ in revocando hæc ſtatuta eſſe non poſſet, ut apparet ſubtiliter intuenti, revocaverimus, ſeu intendamus aliqualiſter revocare.

Quocirca omnibus noſtris ſubditis diſtriçte mandamus, quatenus hæc ſtatuta ipſa in omni ſui forma cum ſuis poenis, prout edita ſunt, obſervent, & ſe ſciant ea totaliter obſervare debere: immo ad cautelam majorem, denuo ſtatuiſmus, ea eſſe penitus obſervanda. Et hæc ſtatuta (ne ſingi poſſint per aliquos de his craſſa ignorantia vel ſupina) volentes certius designari, ad oculum demonſtramus, ſcilicet ipſius quondam HENRICI, quod ſic incipit:

IN Nomine Domini, Amen. HENRICUS, Dei gratia, &c. ad perpetuum rei memoriam.

Licet conſulta proviſione a Sanctiſ Patribus, etiam a noſtris Prædeceſſoribus &c. & ſic finit: Expedit enim, ut ipſos poena ſimiliſ committeretur, quæ faciunt per &c.

Secundum: quod eſt WALRAMI Prædeceſſoris noſtri, incipit: Filiiſ Recordat. HENRICUS Prædeceſſor noſter, de ſuorum Capituſi & Prælatorum conſilio in Clericos &c. item finit: Tollentes auctoritate præſentis ſtatuti ipſiſ interditiſ talibus & ſuſpenſiſ quicquam de præſatis fructibus.

Item Tertium, quod eſt ejusdem WALRAMI Prædeceſſoris noſtri, incipit: Quicquam olim bonæ memoria Prædeceſſor noſter CONRADUS de conſilio Capituſi, & Priorum ſuorum, &c. & in fine: Alioqui ipſe Cantor, ſeu is, ad quem hæc de conſuetudine pertinet, toties, quoties hæc &c.

Item cum bonæ memoriæ SIFRIDUS, olim Coloniæniſis Archi-Epiſcopus, Monachorum nigrorum, qui nominantur Ordinis Sancti Benedicti, & Monialium ejusdem Ordinis, itagum in pluribus ſentens declinare, & ob hoc volens eos in debitum ſtatum reponere, Statutum ediderit, quod incipit: Statuiſmus, ut nullus Monachus, aut Monialis, clauſtrum ſuum exeat, per civitates, villas, vel oppida diſcurrendo &c. & finit: Licet Dominus CONRADUS Prædeceſſor noſter auctoritate hæc manſerit, Nos parum adſciimus, & non ſervantes excommunicamus in his ſcriptis.

Quia

(*) per præſentes

Quia evidentia facti, hujus Statuti utilitatem ostendit, decernimus ipsum vobis omnibus publicare; volentes & decernentes, Statutum hujusmodi ac Statuta prædicta omnia, & singula Prædecessorum nostrorum, in quantum sunt hætenus pro Statutis habita, Statutorum habere, & habere debere vigorem, & ea sub poenis in eis expressis inviolabiliter observanda. Datum in crastino Dominicæ Invocavit, anno Domini MCCCLIV.

II. *Contra illos, qui vagantur, & discurrunt in Ecclesiis, quando choros cantat, vel quando Divina celebrantur.*

WILHELMUS, Dei gratia, Sanctæ Colonienſis Ecclesiæ Archi-Episcopus, sacri Imperii per Italian Archi-Cancellarius, universis in hac Sacra Synodo congregatis, salutem in Domino.

Quia indecens, & honestati Clericali contrarium reputamus, quod in quibuidam Ecclesiis Collegiatis, Nobis subiectis, præsertim in Ecclesia nostra majori, fieri conspiciamus, videlicet, quod temporibus illis, quibus in ipsis Ecclesiis Clerici, qui celebrationi Divinorum interfunt, superpellicis, aut chori pellicis induuntur, nonnulli Canonici, & alii Clerici Ecclesiarum prædictarum, nulla rationabili causa expofcente, in cappis incedunt, sicque per Ecclesias circumquaque pervagantes, Missa principali, & aliis horis dimittis, & quodammodo spreto, aliquoties Missas penitiales audiunt, aliquoties vanis, & prophanis colloquiis (quæ in Ecclesiis præcipue cessare debent) tempus deducunt, distributiones quotidianas sibi vendicant, ac si Divinis Officiis interſent.

Igitur universis Ecclesiarum Collegiarum Nobis subiectarum Decanis in virtute obedientiæ districtè præcipiendo mandamus, quatenus Canonicos & Clericos Ecclesiarum suarum, ab his & similibus indecentiis, per suspensionem & alias poenas (prout ad ipsorum spectat officium) dehinc correctione compellant, ac administratoribus distribu-

tionum quotidianarum, sub dictarum interminatione poenarum inhiſcant, vice & autoritate nostra, quibus etiam, & Nos tenore præſentium inhiſcimus districtius, ne dictis Canonicis & Clericis, diebus, & temporibus inconſuetis in Ecclesiis, dum ibidem Divina celebrantur officia, in cappis, causa rationabili cessante, incedentibus, distributiones quotidianas administrent. Alioqui tam cootra Decanos in præmissis negligentes, quam etiam contra administratores prædictos contrarium facientes acriter procedemus. Datum anno Domini Millesimo trecentesimo quinquagesimo quarto, crastino Dominicæ Invocavit.

III. *De commutatione votorum, & vagis reſtitutionibus.*

WILHELMUS, Dei gratia, sanctæ Colonienſis Ecclesiæ Archi-Episcopus, Sacri Imperii per Italian Archi-Cancellarius (1) &c.

Etiā omnibus & singulis indigeotibus personis, & Ecclesiis charitative tenemini secundum vestram poſſibilitatem opera misericordiæ impertiri, Ecclesiam sponsam Colonienſi sponsæ nostræ, quæ vestra honorabilior Parochialis est Ecclesia, & ad quam omnia charitativa opera, quæ nedum in civitate & Diœcesi, verum etiam in ipsa provincia exercentur, tanquam ad suam majorem Ecclesiam dirigantur, & cui (k) specialis amoris nexu & unione ſpirituali estis obligati, in ſuis tenemini necessitatibus ſpecialius ſubvenire: pro cujus etiam exaltatione Nos maritalis copula, qua ei ſpiritualiter alligamur, ferventius iotendere urget; & compellit. Nos itaque Prædecessorum nostrorum veſtigis inhiſcentes, ex Beneficiis, quibus vos & ſingulos veſtrum, omneſque Chriſti fideles ad ſubveniendum ipsius Ecclesiæ fabricæ (quæ quam honorabiliter ſit incepta, & in parte ad effectum Dei gratia deducta, non eſt hic in patria, qui ignoret) invitare poſſumus, quantum licet permiſſione Divina, ordinavimus, & intendimus ordinare, ut per hoc ipsa fabrica ad ſinem deveniat deſtinatum: & vos veſtrum largitione

O o o 3 elee-

(i) forte: Univerſis tam Eccleſiaſtici, quam ſecularis ſtatus Nobis ſubjectis, in Civitate & Diœceſi noſtra Colonienſi conſtitutis, ſalutem in Domino.

(k) ſpirituális

eleemosynarum ab hoc consequamini præmia sempiterna. Hinc est, quod vos omnes & singulos requirimus, monemus & hortamur, vobis in virtute sanctæ obedientiæ mandantes, quatenus, qui ex vobis aliqua vota fecerunt, vel fecerint, & ea ex aliqua causa perficere non poterunt, ita quod ea desiderent ex causa legitima commutari, super hoc nullatenus quenquam, nisi pœnitentiariæ nostræ curam gerentem, & intra Ecclesiam nostram residentem, aut suum Plebanum, si Sacerdos & Residentis fuerit, dum tamen ipsum sufficientis discretionis & scientiæ existiment, requirant: & secundum ipsius pœnitentiariæ nostræ curam gerentis, & in Ecclesia nostra residentis, aut sui Plebani (ut dictum est) consilium, horum votorum suscipiant humiliter commutationem: nec non, quod sibi ratione hujusmodi commutationis injunctum fuerit, perficiant reverenter: & intimamus vobis præsentibus, quod aliis nostræ pœnitentiariæ curam gerentibus quibuscunque, vota hujusmodi commutandi totalem adimimus præsentibus potestatem, non obstantibus quibuscunque literis, sub quacunque forma ipsis super hoc concessis: quas quoad hunc articulum præsentibus revocamus; verum ipsi, pœnitentiariæ nostræ curam gerenti, & in Ecclesia nostra Residenti, nec non universis Plebanis nostræ civitatis & Diœcesis, ac eorum Vicariis in virtute sanctæ obedientiæ, & in remissionem suorum peccaminum injungimus, quatenus ipsi suis Parochianis plene, & plane exponant, ita, quod in hoc non sint ignorantes: quod scilicet, si ad eos venient pro suorum votorum commutationibus, & commodo, talia vota in eleemosynas pecuniarias distribuendas valeant, & ea ratio exigit commutari; ut hujusmodi eleemosynas pecuniarias ad fabricæ præfatæ subsidium largiantur, ipsis omnino autoritate nostra injungant: immo in hoc casu commutationem votorum alio modo fieri nolumus, & fieri prohibemus. Cæterum, quia nonnulli Religiosi & sæculares, Capitula, Collegia seu Conventus, aut singulares personæ asserunt se habere a Sede Apostolica, seu a Pœnitentiarario, vel a Nobis, seu a nostris Prædecessoribus, vel quocunque alio potestate hujusmodi vota commutandi, &

illicite acquisita seu extorta, quorum Domini ab his, qui ea illicite acquisierunt, & extorserunt, prorsus ignorantur: quæ quidem illicite acquisita, & extorta, in subsidium prædictæ nostræ fabricæ sicut ex officio nostro possumus, deputavimus assignanda: sibi reservanda, & ad usus alios, quam ad usus prædictæ nostræ fabricæ deputandi sub quocunque velamento, & si forsan ex eis aliqui (quod non credimus) hujusmodi habeant potestatem, alii plures eandem potestatem non habentes, sibi tamen eam fallaciter usurpantes, sub falsis transeunt narrationibus, & deceptionibus, ita quod plures ex communi populo illiterato, ignorantia ducti simplicitate, immo verius cæcitate, ad horum simplicem relationem, quamquam literas suæ potestatis non videant, quas si viderent, nequaquam intelligerent; ipsis talia falsa asserentibus fidem adhiberent, & commutationem suorum votorum secundum eorum consilium & assertionem recipiunt, eisque injuste acquisita & extorta, seu ad eorum consilium distribuunt, se ab eis sic posse absolvi, non tam provide, quam fatue reputantes, dum absolvi se existimant, fortioribus vinculis se illaqueant, & ampliori gravantur sarcina peccatorum.

Nos igitur hujusmodi animarum periculo occurrere cupientes, prædictis Capellanis, & eorum Vicariis mandamus in virtute sanctæ obedientiæ, & sub excommunicationis pœna, quatenus universis & singulis suis Parochianis inhibeant autoritate nostra, quibus etiam præsentibus inhibemus, ne de cætero cuiquam Religioso seu sæculari Capitulo, Collegio, Conventui, seu singulari personæ, cujuscunque dignitatis, præeminentiæ, status, aut conditionis fuerint, de tali fidem adhibeant potestate; nisi prius coram dilectis in Christo Capitulo nostro Colonienſi, quibus in hac parte committimus vices nostras, literas suas, quas sub tali potestate se habere dicunt, seu contendunt, ostendant in prima sui forma: & hujusmodi ostensione literarum (1) ab ipso Capitulo nostro literas testimoniales reportent, quod scilicet hæc literæ sint veræ, & non adulterinæ, & habentes eas, potestate hujusmodi merito uti valeant, atque possint. Si qui vero

ex

(1) forte: facta.

ex vobis contrarium fecerint , adeundo scilicet aliquem ex ipsis , & eorum consilium , seu mandatum tanquam potestatem habentium vota commutandi , & acquisita , & extorta illicite recipiendi , aut de eis quicquam disponendi , nisi (sicut dictum est) eos habere testimoniales Capituli nostri literas plene constet (quos propter hoc sex dierum monitione præmissa , omnes & singulos in his scriptis excommunicamus) excommunicatos nominatim , quorum nomina sciveritis , reliquos vero in genere publice nunciari , & ipsos ad Ecclesiastica Sacramenta ullatenus non admitti (volumus) , donec a Nobis seu ipso Capitulo meruerint absolutionis Beneficium obtinere . Volumus etiam , & in virtute sanctæ obedientiæ , nec non sub pena excommunicationis universis Plebanis , & eorum vices gerentibus mandamus , quatenus in his literis nostris contenta , qualiter die Dominica ante quodlibet Festum principale præcedente , & aliis diebus Festivis , quibus magis tam pro informatione subjeutorum suorum , quam pro utilitate ipsius fabricæ viderint expedire , in Missarum solenniis , & in predicationibus , sive immediate post , plene , & plane ac distincte proponant , & exponant , ita quod in hoc sufficienter informetur , ac etiam in confessionibus eadem contentibus exponant , ne ex ipsorum ignorantia , per ea , quæ eis pro salute animarum suarum non expediunt , seducantur . Ita in præmissis vos vigilantes & sollicitos exhibentes , quod ex hoc retributionem consequamini æternam , nostramque evadatis indignationem , immo , & vos super eo habeamus merito commendatos . Datum anno Domini mccc. lvi. crastino Dominicæ Invocavit .

IV. *De eodem, cum inhibitione contra Religiosos.*

WILHELMUS, Dei gratia, Sanctæ Colonienfis Ecclesiæ Archi-Episcopus , Sacri Imperii per Italiam Archi-Cancellarius , &c.

Præcipimus , quod vota , seu quæcunque peregrinationes , si debeant commutari vel redimi , quod hæc fiant de consi-

lio Sacerdotum Parochialium Ecclesiarum , ex causis iustis ; & redemptiones eorundem , sive in pecunia , sive in rebus aliis fiant : & illicite acquisita , nisi sentantur , quibus ex debito sint reddenda , ad usum fabricæ Ecclesiæ nostræ Colonienfis deputamus & concedimus per presentes . Concessionibus vero commissionibus super his recipiendis , a Prædecessoribus nostris factas quibuscunque Religiosis , & aliis , presentibus revocamus : inhibentes vobis , & cuilibet vestrum in virtute sanctæ obedientiæ , & sub excommunicationis pœna , ne quis alius cujuscunque conditionis , Status , Dignitatis , aut Ordinis existat , hujusmodi votorum redemptiones , & commutationes facere , aut in alium usum convertere presumat , vel converti præcipiat , quam fabricæ nostræ prædictæ : Qui autem hujusmodi redemptiones ac illicite , ad usum alium converterit vel converterent , converti præceperit , seu præceperint , illum vel illos , quem vel quos (sex dierum monitione præmissa) excommunicamus in his scriptis . Præcipimus etiam sub eadem pœna per singulos , & universos Plebanos , & Rectores Ecclesiarum nostræ civitatis & Diocesis Colonienfis , nominatim , quorum nomina sciri poterunt , & alios in genere , excommunicatum , & excommunicatos singulis mensibus , quando requisiti fuerint , publice nunciari . Si vero Religiosi , vel alii quicunque , se dicant habere auctoritatem a Sede Apostolica recipiendi illicite , faciendi commutationes & redemptiones votorum hujusmodi , volumus , quod ipsi auctoritatem , & privilegia , si qua super hoc sint ipsis concessa , Decano & Capitulo nostro Colonienfi intra quindena post publicationem presentium literarum , exhibeant & ostendant . Præcipimus etiam universis singulis Plebanis prædictis , sub pœna prædicta , ut Parochianis suis intiment & publicent quatuor diebus Dominicis per circuitum anni cujuslibet , vel pluries , prout eorum discretioni videbitur expedire . Datum anno Domini mccc. lvi. in crastino Palmarum .

COLONIÆ SYNODUS A. MCCCLVI.

VERNA.

1. Ne Religiosi quicumque quæstum publicum faciant, vel male quæstus incerta, alias quam ad fabricam Ecclesiæ Coloniensis ordinent.

WILHELMUS, Dei gratia, Sanctæ Coloniensis Ecclesiæ Archi-Episcopus, Sacri Imperii per Italiam Archi-Cancellarius &c.

Et si de statu cunctarum Ecclesiarum nostræ civitatis & Diocesis prospere dirigendo, cura Pastoralis Officii Nos sollicitet & fatiget, pro exaltatione tamen & promotione majoris Ecclesiæ Coloniensis nostræ Sponsæ, cui Spirituali conjugio copulamur, affectionis sollicitamur instantia potioris. Rationi quoque congruum fore reputamus, quod ad hoc nostra jure dingatur intentio, & diligentem operam, ac operosam diligentiam adhibeamus, per quod ipsa Ecclesiæ, ejusque solennis fabrica sec. structura, non solum ab imminetibus præservetur periculis, sed cooperante Altissimo, continuum recipiat incrementum. Dudum siquidem a nostris bonæ memoriæ Prædecessoribus Coloniensis Ecclesiæ Archi-Episcopis, & a Nobis dictæ fabricæ per multa privilegia libertates & indulgentias varias, ex affectione paternæ est provissum & indultum, quod penitentiarum nostri pro tempore existentia, cujuscunque Ordinis aut conditionis existerent, dictam fabricam verbaliter & realiter promoverent, vagas & incertas restitutiones, male ablata, subtrahita, vel inventa bona, & alias illicite acquisita, & obventiones, quæ provenirent ex commutationibus votorum, tradi facerent ad usum prædictæ fabricæ, nec deberent per quempiam alibi assignari; nonnulli tamen religiosi, qui circa hujusmodi officia penitentiarum versantur, sicut veridica relatione didicimus, provisiones hujusmodi quadam (a) incurialitatis imagine infringere moliantur, & malorum operum instigante satore, hujusmodi bona & obventiones sua Monasteriis applicari procurant. Plerique religiosi, non sine multa temeritatis sudacia quæstum publicum faciunt, Monasteriis suis & alibi indulgentias populo motu proprio & de

facto concedendo, sine exhibitione aliquarum literarum a Sede Apostolica, nostris Prædecessoribus, aut a Nobis obtenturarum, ut simplices decipiant, & pecunias subtili & fallaci potius ingenio extorqueant ab eisdem. Nonnulli etiam Fratres de Ordine mendicantium, quibus secundum juris dispositionem, a Nobis petita licentia, & concessa audiendi confessiones eis confiteri volentibus, saltem suam in alienam messem mittentes, super votis dispensant: & suis terminis non contenti, a casibus Episcopalibus, Nobis & nostris Penitentiaris reservatis, absolvunt: cum tamen ipsi fratres uberiores auctoritatem non habeant in absolviendo, quam Parochialium Ecclesiarum Rectores: & quod perniciosum est exemplo, multi de ipsis fratribus sine aliqua licentia a Nobis petita, vel obtenta, de confessionibus populi se intromittunt, in præjudicium rectorum prædictorum, penas varias & sententias contra tales & præmissorum quorumlibet transgressores a jure prolatas damnabiliter incurrendo. Nos vero abusus hujusmodi, per quos censura vilescit Ecclesiastica, clavium Ecclesiæ autoritas deducitur in contemptum, & fabricæ prædictæ structura damna, & dispendia notorie patitur & jacturas, omnimode abolere volentes, præsertim cum hujusmodi procedant in gravem Dei offensam, nostræ Pontificalia dignitatis præjudicium, plurimorum scandalum, & deceptionem multiplicem animarum; inhibemus & interdicimus universis & singulis confessoribus & quæstoribus, cujuscunque Ordinis aut Religionis, status aut conditionis existant, ac aliis, ipsisque districte precipiendo mandamus, quatenus ex nunc in antea a talibus abusionibus & corruptelis prorsus abstineant: amplius hujusmodi pecunias, res & bona, quæ dicuntur vagis restitutiones, non exigant, extorqueant, vel acquirant & recipiant, & Christi Fidei vota commutare de cætero non præsumant. Nec confessores Religiosi prædicti (exceptis nostris Penitentiaris, potestatem absolvendi & dispensandi in casibus Episcopalibus a Nobis habentibus) absolutionem alicui & dispensationem

(a) forte: incivilitatis

nem amodo impendant, non ostendis per eos primo *Nostri literis desuper nostro Sigillo sigillatis*, & in vestris Ecclesiis super hoc publicatis. Alioqui in ipsos quæsttores, & eorum quemlibet, non exemptos, & non privilegiatos, quos Nos sex dierum monitione Canonica præmissa (quorum ipsis & eorum cuilibet duos pro primo, duos pro secundo, & reliquos duos pro tertio, & peremptorio termino assignamus) in his scriptis excommunicationis sententias promulgamus. Insuper Religiosos Viros, Priores, Guardianos, Prælatos, & Superiores Fratrum quorumlibet Ordinum mendicantium prædictorum, requirimus sub poenis infra scriptis, quatenus omnes & singulos suos subditos moneant efficaciter & inducant, ac sub interminatione maledictionis æternæ eisdem inhiubeant, ne in sermonibus suis Ecclesiarum Prælati detrahant, aut retrahant laicos ab Ecclesiis suarum frequentia vel accessu, seu indulgentias pronuncient indiscretas: & cum confessionibus Testamentorum intererunt, aut in suis confessionibus, & restitutionibus dictorum male ablatorum, Ecclesiis & dictæ fabricæ debitis, non retrahant Testatores, aut ipsos etiam confidentes, nec legata vel debita, aut male acquisita, ablata incerta, sibi aut aliis sui Ordinis Fratribus vel conventibus, in dictæ fabricæ aut aliorum præjudicium, fieri seu erogari procurent: si vero, qui præmissa, vel aliquid de præmissis, attentare præsumpserint, poenis illis, quæ secundum eorum regulam, vel statuta, pro gravibus culpis eis consueverunt imponi, subiaceant, & jure subiecti denuncientur, super quibus absque manifesta necessitate cum eis non audeant dispensare. Et si Priores, Guardiani, & Prælati Ordinum prædictorum, de his, quæ occasione præmissorum excessuum ad eos quoque modo provenierint, dictæ fabricæ, Ecclesiis aut personis Ecclesiasticis damnificatis seu læsis, satisfactionem plenariam non exhibuerint intra mensem, postquam per vos super hoc fuerint requisiti, suspensionis sententiam jam dudum contra tales a jure promulgatam, usque ad satisfactionem debitam eo ipso declaramus, & denunciamus incurrisse, & vos extunc

iplos sic suspensos, in vestris Ecclesiis publice nunciatis, & nihilominus universis & singulis vestris Parochianis utriusque sexus hominibus, diebus Dominicis & Festivis latius exponatis, & ipsis vice, & autoritate nostra publice inhibendo interdicatis, quibus & Nos presentibus interdicimus, ne ipsi de cetero vel eorum aliqui, dictis confessoribus religionis vel quæsttoribus aliis, hujusmodi pecuniarum, rerum, & bonorum subtrahant, inventorum, aut alias illicite acquisitionum summas, quæ vagæ dicuntur restitutiones, in confessionibus, vel extra subtiliter extorquentibus, aliquo modo dent, tradant, vel assignent, in præjudicium fabricæ supradictæ: nec votorum commutationes ab ipsis recipiant: vel pro votorum commutatione ipsis aliquid dent, tradant, vel assignent, vel aliis ad tradendum, dandum, vel assignandum eis aliquid pro hujusmodi vagis restitutionibus, aut votorum commutatione, præsent consilium, auxilium, vel favorem: & ne ad eorum quæstum publicum, aliquas ipsis elemosynas offerant, vel assignent: nec a religiosis confessoribus, terminariis, & aliis prædictis, nisi a Pœnitentiariis potestatem a Nobis in Episcopaliibus casibus absolventi, & dispensandi duntaxat habentibus, absolutionem, & dispensationem recipiant, nisi prius ostensis vobis & vestrum cuilibet desuper literis nostro Sigillo sigillatis, a Nobis obtentis, & per vestras Ecclesias & Capellas publicatis. Alioqui omnes & singulos utriusque sexus, vestros, & cujuslibet vestrum Parochianos, inhibitioni, & interdicto nostro hujusmodi non parentes, sed contrarium facientes, quos, & Nos, Canonica monitione præmissa novem dierum, quorum ipsis & cuilibet eorum, tres pro primo, tres pro secundo, & reliquos tres pro tertio & peremptorio termino assignamus, in his scriptis in Nomine Domini excommunicamus: & quorum inobedientium nomina sciveritis, excommunicatos nominatim publice nunciatis. Datum anno Domini MCCCLVI, in crastino Dominicæ Invocavit.

II. Cœ-

II. *Contra exercentes contractus Hantsgelt.*

In Synodali Congregatione facta universis Clericis &c. Præcipiendo mandamus, ut publice & in confessionibus denunciante, contractus, qui dicuntur Hantsgelt, fore usurarios, & non posse exerceri sine periculo salutis æternæ: & illos, qui non formidant manifeste excercere, & tales contractus manifeste exercentes, usurarios esse. Nec admittant tales ad Altaris communionem, nec ad sepulturam Christianam, nec eorum oblationes recipiant: & si quis acceperit,

aut Christianæ sepulture tradiderit, & quæ acceperit, reddere compellatur: & donec ad nostrum arbitrium satisfecerit, ab officii sui executione maneant suspensus.

Item præcipimus, decretalem Gregorianam, quæ incipit: *Quoniam usurarii*, quam SIXTUS interfecit inrer Statuta sua, sub rubrica: *De usurariis manifestis*, contra exercentes contractus prædictos, publice & diligenter observari, & servandam intimari. Datum &c.

COLONIÆ SYNODUS A. MCCCLVII. VERNA ET AUTUMNALIS.

I. *Contra Beggardos, & Suesfriones, & eorum Receptatores.*

WILHELMUS, Dei gratia, Sanctæ Colonienfis Ecclesiæ Archi Episcopus, Sacri Imperii per Italiam Archi-Cancellarius. Universis Prælati, ceterisque Clericis, & Personis Ecclesiasticis, salutem in Domino sempiternam.

Ad eliminandam pestiferam hominum quorundam (qui Beggardi & Suesfriones appellantur) sectam, propter vitam & conversationem eorundem suspectam, ac propter varios, Christianæque Fidei contrarios (quos ii homines profitentur) errores olim bonæ memoriæ Reverendi Patres HENRICUS & WALRAMUS Prædecessores nostri contra homines præscriptos, ne communione sua contagiosa, ceterorum Christi Fidelium gregem, tamquam oves morbidæ coinquinarent, in pluribus Synodalibus Conciliis, auctoritate eorundem Prædecessorum nostrorum celebratis, varios fecerunt processus: in quibus inter cetera homines prædictos, & eis communicantes, ipsosque hospitantes, domos & hospitia eis aut alicui, seu aliquibus ex eis locantes, concedentes aliquid vel dantes, seu aliquo humanitatis solatio subvenientes eisdem, monitionibus legitimis præmissis, excommunicarunt, excommunicatosque mandaverunt publice nunciari: aliosque multiplices, formidabilesque processus du-

xerunt emittendos, prout in literis, & processibus eorundem Prædecessorum nostrorum super his contentis, & in publicam notitiam deductis, plenius continetur. Verum, quia prout nostram noviter, non absque displicentia gravi, relatum est audientiam, huiusmodi hominum perniciofa denuo incipit adeo in nostra civitate, & Diocesi invalescere multitudo, quæ, nisi denuo eis per competentia contraria resistatur, verendum est, quod finaliter sua contagione execranda, totum commaculent ipsum gregem, aliæque pejora prioribus pericula subintrabunt. Vobis igitur Ecclesiarum Parochialium Rectoribus, & vices nostras gerentibus, in virtute sanctæ obedientiæ, & sub excommunicationis poena districte præcipiendo statui-
mus & mandamus, quatenus contra omnes & singulos huiusmodi sectæ homines Beggardos & Suesfriones, secundum eorundem Prædecessorum nostrorum processuum continentiam (quos tenore præsentium in omnibus suis punctis, & clausulis ratificamus, confirmamus, & præsentibus innovamus) procedatis: ipsosque processus contra homines præscriptos, ac ipsos in domibus suis recipientes, aut (a) alios communicantes eisdem, seu eis quicquam dantes, nec non eorum fautores, & eis opem, seu operam conferentes, fideliter & frequenter publicetis, ac executioni demandetis debite. Vosque omnes & singulos prædictos homines ipsos archi-
epi-
scopi.

(a) alias

teris. Intimamus etiam vobis, quod si aliqui ex vobis in executione præmissa inventi fueritis desides vel remissi; contra tales per rigorem justitiæ sine dolo procedemus.

Datum sub Sigillo nostro anno Domini Millesimo trecentesimo quinquagesimo septimo. 25. die mensis Februarii.

II. *Contra Injessores monum in Clericos & Ecclesiasticas personas.*

WILHELMUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, &c.

Multiplicata fide dignorum ad Nos perduxit relatio, quod complures scelerati, qui propter violentas manuum injectiones in Clericos, Ecclesiasticasve personas, dudum fuerunt, & hodie sunt autoritate Canonis, qui sic incipit: *Si quis suadente diabolo*, in favorem tonus Clericalis Ordinis edicti, majoris excommunicationis sententia innodati, adeo sunt in suis maliciis, & perverſitatibus obſtinata quadam elatione indurati, quod sententias hujusmodi (eo quia denunciantur) damnabiliter vilipendunt, abſolutionisque Beneficium petere dedignantur, in grave animarum suarum dispendium, grandeque scandalum, ac non mediocriter periculum tonus Ordinis Clericalis. Quapropter universis Ecclesiarum Reſtoribus, & eorum vices gerentibus nostræ civitatis & Diocesis, sub excommunicationis pena districte præcipiendo mandamus, quatenus universos & singulos sacrilegos hujusmodi, quorum nomina sciveritis ad præſens, aut in posterum perceperitis, nominatim & specie, alios vero in genere, campanis pulsatis, candelisque accensis & in terram projectis, & pedibus concutatis, excommunicatos publice & solenniter denunciatis, & ab universis Christi Fidelibus archus evitandos. Datum anno Domini mcccclvii. vigesimo quinto die Februarii.

III. *Ne aliqui Domini temporales vel judices, seu consules aliquid attentent in præjudicium sanctæ Ecclesiæ in abrogandis prius & laudabilibus consuetudinibus.*

WILHELMUS, Dei gratia, Sanctæ Colonienſis Ecclesiæ Archi-Episcopus.

Tomus IV. Concil. German.

scopus, Sacri Imperii per Italiam Archi-Cancellarius &c.

Præsumptuosa quorundam Dominorum temporalium, Judicum, Scabiorum, Consulum, Juratorum, civitatum Reſtorum, aliorumque laicorum, in nonnullis nostræ jurisdictionis terminis, contra Dei Ecclesiam, suam extendens potestatem temeritas, sic excrevit, quod consuetudines ac observantias vetustas ac laudabiles, pia fidelium devotione introductas, non absque scrupulo hæreticæ pravitaris infringere moliantur, inhibendo, seu opem, operam, consilium vel favorem ad hoc præſtando, aut alias callidis occultisque machinationibus, seu condiclis verbis & factis efficiendo, ne tempore exequiarum, ac in septimo, tricesimo, & anniversariis Parochianorum defunctorum, Ecclesiarum quarundam Parochialium panes, carnes, & casei, seu pisces, vinum vel cerevisia, seu candelæ cum denariis, seu aliæ res quælibet, prout juxta morem & consuetudinem prædictos Ecclesiarum earundem, ab antiquis temporibus obtentum fuit, a Christi fidelibus offerantur. Cumque præmissa in Divinæ Majestatis offensam, (a qua laici præscripti suas merito sibi datas recognoscere deberent potestates) ad Ecclesiarum earundem grandem perniciem cedere dignoscantur; Nos hujusmodi ausibus nefariis occurrere cupientes, districtius inhibemus, ne quis in dictis præscriptis, vel aliis quibuscunque dictas consuetudines infringat, aut violat, infringere, aut violare procuret, nec per se, aut per alios, quibuscunque machinationibus, condiclis verbis vel factis, quælibetque efficiendo impediatur, quominus dictæ, aut aliæ quævis oblationes, ecclesiis, aut Ecclesiasticis personis quibuscunque libere offerantur: nec ad prædicta facienda denique consilium, auxilium, vel favorem publice vel occulte. Insuper mandamus, quod in contrarium attentata revocent, & revocari procurent cum effectu. Alioquin in omnes & singulos in præmissis contrarium facientes, aut in aliquo ipsorum inobedientes, & rebelles, decem dierum monitione præmissa, excommunicationis sententiam, quam etiam ipsos per jus commune incidisse reputamus, ferimus

in his scriptis. A qua, nisi Reſtori Eccleſie, cujus oblatio (ut prædicitur) impedita fuerit, vel diminuta, de injuriis, damnis, & expenſis, nec non intereſſe prius integre fuerit ſatiſfactum, nullatenus abſolvantur. Volentes, quod univerſi & ſinguli Eccleſiarum Reſtores, & eorum vices gerentes prædicti, quorum intereſt, præmiſſa ſuis Parochianis ſingulis diebus Dominicis & Feſtibus publicare non omittant. Datum anno Domini MCCCCLVII. 25. die menſis Februarii.

IV. *Ne aliquis aſſumatur in Capellanum, vel Vicarium ſine Episcopali licentia, & quod Reſtores de eleemoſynis retentis, Fabricæ teneantur ſatiſfacere.*

WILHELMUS, Dei gratia, Sanctæ Colonienſis Eccleſiæ Archi-Epiſcopus, Sacri Imperii per Italian Archi-Cancellarius. &c.

Ad noſtrum non ſine diſplicitentia pervenit auditum, quod nonnulli Reſtores ſeu Curati Eccleſiarum Parochialium noſtræ civitatis & Dioceſis Colonienſis prædictæ, a ſuis etiam Eccleſiis ſtudio literarum, ſeu pro aliis cauſis licitis & honeſtis de noſtra licentia, aut aliorum Prælatorum ſuorum, quibus hoc de jure comperit, ſe abſtentant: & ut animarum cura in hujusmodi exerceatur Eccleſiis, & deſerviat laudabiliter in Divinis, præſtari Reſtores, ſeu Curati, Eccleſiarum ſuarum regimen per locorum Ordinarios Vicariis temporalibus ad annum, vel ad tempus aliud faciunt committi, qui temporales Vicarii, onere hujusmodi Eccleſiarum Regimini aſſumpto, Beneficia, & eleemoſynas, quas ad conſummandam ſtructuram fabricæ Sanctæ noſtræ Eccleſiæ Colonienſis glorioſam, Chriſti fideles ipſorum Curatorum ſubditi, pro ſalute & remedio animarum ſuarum liberabiliter conſulerunt, colligunt, ipſæque eleemoſynas & beneficia collecta, Procuratori fabricæ prædictæ ſtatutis temporibus minime repræſentant, & nonnunquam aliqui eorum, ante redditam rationem beneficiorum, & eleemoſynarum prædictarum, tolluntur e medio: alii vero ad loca remotiora ſe tranſferunt, & quandoque extra noſtram Dioceſim, ubi per Procuratores fabricæ

prædictæ ſuper eleemoſynis percepris per eoſdem Vicarios & collectas, commode nequeunt conveniri. Ex quibus aliisque veritatibus & fraudibus per ipſos temporales Vicarios exquiritis, nobilis ſtructuræ dictæ fabricæ, quæ (ut cunctis liquet intuentibus) immentis indiget ſumptibus, grande ſuſtinet diſpendium & jacturam.

Nos igitur, quia almæ noſtræ Colonienſis Eccleſiæ, ejusque ſtructuræ ſpectabilis diſpendia diſſimulare non poſſumus, quin poſtquam Nobis cognita fuerint, adverſus ea oportunitis remediis occurramus, ut opus tam laudabile tamque pium, quod poſſime cordi noſtro inſidet, maxime noſtro proſperetur in tempore, & felicius ſurgat in altum; omnes & ſingulos Reſtores, ſeu Curatos Eccleſiarum Parochialium, & Capellarum noſtræ civitatis & Dioceſis, tam exemptos, quam non exemptos admonemus, & cautos ſibi eſſe volumus, ut in toto tempore ſuæ abſentiæ Vicarios idoneos, fideles & honeſtos, Eccleſiarum & Capellarum ſuarum Regimini præponi faciant, qui beneficia & eleemoſynas prædictas fideliter colligant, & collectas Procuratori prædicto ſine diminutione aliqua tradant & assignent debitis temporibus, & conſuetis: quoniam ad hoc ipſi Reſtores & Curati, de antiqua & approbata conſuetudine noſtræ Colonienſis Eccleſiæ & Statutis, teneantur & obligati eſſent, ſi ſuis in Eccleſiis perſonaliter reſiderent: ſcientes, quod damna, ſi qua Fabrica memorata, culpa ſeu dolo dictorum Vicariorum in ſuis beneficiis & eleemoſynis pertulerit, ipſi Reſtores & Curati eidem Fabricæ ex integro de jure tenentur reſpondere, ipſamque in his indemnem penitus conſervare. Datum craſſimo Cinerum, Anno ut ſupra.

V. *Confirmatio Indulgentiarum Fabricæ Colonienſis Eccleſiæ, & de cæteris remiſſionibus & Quæſtoribus, item de indulgentiis ſpecialibus Benefactorum Fabricæ.*

WILHELMUS, Dei Gratia, Sanctæ Colonienſis Eccleſiæ Archi-Epiſcopus, Sacri Imperii per Italian Archi-Cancellarius. &c.

Cum ex debito noſtræ Paſtoralis dignitatis primitivo officio, Matri noſtræ Eccle-

Ecclesiæ Colonienſi merito providere tenemur, quin potius, ut devotio veſtra ex meritis ipſi Eccleſiæ impendendis, apud Nos valeat commendari, ne veſter labor atque affectus a Nobis vacuus tranſire videatur, vobis Prælatiſ & Sacerdotibus, qui in negotio diſtæ matris Eccleſiæ fideles inveniri fueritis & devoti, quicquid ex negligentia, torpore, ſeu oblivione in horis Canonicis, aut in Miſſis contra Deum & Ordinem veſtrum omiſiſtiſ, dummodo contriti fueritiſ atque confeſſi, totum de Dei miſericordia duximus indulgendum. Et ut ad majoris mercedis cumulum omnes Chriſti fideles ferventius provocemus, ſtatuiſmus ratiſicantes, ut omnes indulgentiæ venerabili Matri* noſtræ Eccleſiæ Colonienſi conceſſa, in noſtra Provincia omnibus Chriſti fidelibus manum largitatiſ ad laudum & laudabile opus porrigentibus, ad æternæ ſalutis augmentum ſint valiturnæ. Nos etiam ad excitandam & in Domino exhortandam fidelium devotiōnem, hoc de noſtro ſponſimus, quod omnibus Chriſti fidelibus diſtæ Eccleſiæ Benefactoribus, quadraginta dies de penitentiis ipſiſ injunctiſ ob peccata oblita, vota fracta (ſi ad ea redierint) offeſſas patrum & marum ſine manuum inſectiōne violenta, juramenta, quæ mentis imperu, & ſine diſcretione ſunt prolata, mendacia ex levitate, ſeu joco, & pietate diſtæ, vaniloquiis ſuperflua & inutilia, & bona quocunque modo illicite acquiſita (ſi neſciantur hi, quibus reddenda ſunt, & in ſubſidium diſtæ fabricæ Colonienſiſ Eccleſiæ conferantur) miſericorditer relaxamus.

Inſuper, ut ad majoris mercedis cumulum omnes Chriſti fideles efficacius & ſerventius provocemus, præcipimus in virtute ſanctæ obediētiæ, & ſtatuiſmus, ut ſinguli Sacerdotes noſtræ Diœceſiſ ſinguliſ menſibus duas Miſſas, unam præn vivis, & aliam pro defunctiſ celebrant. Diaconi veto & Subdiaconi, nec non & Moniales, ſinguliſ anniſ duo Pſalteria perlegant pro Benefactoribus, & Eccleſiæ noſtræ Fraternitatē, ipſiſ exponendam zelo devotiōis accenſiſ aſſumentibus, ut pro tantatū orationum beneficio æternæ vitæ mereantur eſſe conſortes. Item, ut cognoscat diſcretio veſtra, quod Nos prædictam ſanctam &

laudabilem noſtram Eccleſiam Colonienſem ſummo amore proſequamur, præcipimus & ſtatuiſmus, & mandamus ſub pœna ſuſpenſiōis Divinorum Officij veſtri, ne aliq̃ua negotia cujuſcunque ſint conditioniſ, rominiſ, aut authoritatiſ, aut petitoriſ, cujuſcunque ſint conditioniſ, in veſtriſ Eccleſiſ admittiſ poſt exhibitiōnem præſentium: immo nullatenus ipſoſ promoveatiſ ſeu recipiat, niſi de mandatiſ noſtriſ, & conſenſu ipſoſ ſeiveritiſ tranſire, noſtriſque literiſ tranſeant, quæ de præſentibus plenam & ſpecialem faciunt mentionem. Hæc omnia & ſingula ſtatuiſmus, indulgemus, & tenore præſentium mandamus. Datum Dominica *Invoavit*, anno Domini MCCCXLVII.

VI. *Ubiunque Flagellatores exercent exercitiū ſectæ ſuæ, ceſſandum eſt per triduum, abſolutiōnem exceſſum coruſum retinente ſibi Diœceſim.*

WILHELMUS, DEI gratia, Sanctæ Colonienſiſ Eccleſiæ Archi-Epiſcopuſ, Sacri Imperij per Italiam Archi-Cancellariuſ, &c.

Ad eliminaudam flagitioſam hominum quorundam (qui ſe FLAGELLATORES appellabant) ſectam, tam Apoſtolica, quam Noſtra ordinariæ authoritatiſ, varioſ Nos pridem proceſſuſ meminimus emiſiſſe: quorum diſtinctiōne, diſtæ ſectæ Sectatores, ab ejus exercitiō in noſtra civitate & Diœceſi Colonienſi deſiſtere ſunt compulſi. Ad noſtrum tamen non abſque perturbatione gravi pervenit auditum, quod nonnulli ſuperſticioſi homineſ & neſandi in hujusmodi deteſtabilem & damnatum recidivanteſ errorem, hiſ diebus hujusmodi ſectæ exercitiū intra noſtræ jurisdic-tiōniſ terminoſ teſtaurare præſumpſione diabolica præſumpſerunt, falſo conſingenteſ & a Nobiſ ſuper hoc licentiā accepiſſe.

Nos igitur, ne hujusmodi ſectæ neſariæ recidiva peſte reſurgat exercitiū, vobiſ & cuilibet veſtrum ſub excommunicationiſ pœna diſtincte præcipiendo mandamus, quatenus in veſtriſ Eccleſiſ publice moneatiſ homineſ præſcriptoſ peſtiſeroſ, quōſ & Nos tenore præſentium monemus, ut intra ſeptem dieſ poſt veſtram monitiōnem, Deo & Nobiſ de hujusmodi ſuiſ pernicioſiſ exceſſuſ con-

dignam præstent emendam. Alioqui ipsos omnes & singulos, qui hoc anno sectæ prædictæ exercitium restaurare præsumperunt, vel in posterum exercere præsumunt (quos propter hoc hiscripta excommunicamus) excommunicatos nominatim & in specie, quorum nomina sciveritis, vel in posterum scire poteritis: alias vero in genere publice & solenniter, campanis pulsatis, candelis accensis, & in terram projectis & extinctis, intimetis: & in locis quibuscunque, ad quæ hujusmodi sectæ exercitium exeundo pervenerint, quamdiu ibi fuerint, & per sequens triduum, cesserit penitus a Divinis. Hortamur insuper & requirimus universos terrarum Dominos, Potestates & justitios seculares, ut hujusmodi homines a sectæ prædictæ exercitio arcere studeant manus appositione militaria. In quo nedum reipublicæ non modicum consulent, quin etiam obsequium acceptum Divinæ præstabunt Majestati: absolutione omnium præmissorum transgressorum Nobis tantummodo reservata. Datum anno Domini MCCC.LVII.

VII. *De usurariis manifestis, & exercitiis contractibus dictis Santsgest.*

WILHELMUS, Dei gratia, Sanctæ Colonienſis Ecclesiæ Archi-Episcopus, Sacri Imperii per Italiam Archi-Cancellarius, &c.

Omnibus, quibus ex privilegio competit proponere Verbum Dei, præcipiendo statuimus, & mandavimus, quatenus in sermonibus suis, & in confessionibus occulte Christi Fidelibus, contractus, quos Santsgest vocant, directæ, & manifeste esse usurarios, & absque periculo salutis æternæ exerceri non posse, denunciare & intimare non obmitterent ullo modo. Verum, quia ex multiplici fide dignorum relatione ad nostrum pervenit auditum, quod complures Ecclesiasticæ & seculares personæ adhuc in diversis nostræ Diocesis locis, ab hujusmodi contractibus minime abstinere formidantes, ipsos etiam exercere manifeste non verentur; vobis mandamus & injungimus, quatenus hujusmodi contractus manifeste exercentes, usurarios manife-

stos esse denunciatis: nec ipsos ad communionem Altaris admittatis: nec ipsi, si in hoc peccato decesserint, Christianam accipiant sepulturam: sed nec oblationes eorum quisquam recipiat. Qui autem accepit, aut ipsos Christiane traderit sepultura, & quæ accepit, reddere compellatur, & donec ad arbitrium nostrum satisfecerit, ab officii sui executione sit suspensus. Insuper decretalem Gregorianam, quæ incipit: *Quamquam usurarii*, inter Statuta D. SIFRIDII Archi-Episcopi Colonienſis, nostri Prædecessoris, sub rubrica: *De usurariis manifestis*, insertam contra contractus prædictos publice exercentes, observetis, & observandam intimetis. Datum anno Domini MCCC.LVII. ultima die Septembris.

VIII. *Quod homines existentes de loco interdicto non debeant admitti ad Sacramenta Ecclesiastica in locis non interdictis.*

WILHELMUS, Dei gratia, Sanctæ Colonienſis Ecclesiæ Archi-Episcopus, &c.

Perniciosus quidam, ut intelleximus, in nonnullis nostræ Diocesis partibus abusus inolevit, quod loco aliquo, Ecclesiastico supposito interdicto, Parochiani loci interdicti, ad vicinas Ecclesias pro Divinis audienda accedunt, & ibidem indifferenter ad Divina & alia Sacramenta Ecclesiastica a Plebanis admittuntur: quod sicut juri contrarium, ita correctione dignum judicantes, statuimus, ut diebus Dominicis & Festivis Presbyteri, antequam Missam celebrent, interrogent, si aliquis in Ecclesia sit, qui sit de loco interdicto: quem si invenerit, statim ab Ecclesia abjiciatur. Presbyterum autem aut Plebanum, qui proprium vel alienum Parochianum interdictum, scienter ad aliquod Sacramentum Ecclesiasticum admittit, ab officio Divinorum, trium dierum monitione præmissa suspendimus. Datum &c.

IX. *Pri*

IX. *Privilegia Fraternitatis S. Petri non solum magnis donis, sed modicis etiam officiis magno datis, posse obtineri, & quod durante interdictione ultra annum, bonum habentes Fraternitatem S. Petri, non debent ungi, nec Ecclesiastica tradi sepultura.*

WILHELMUS, Dei gratia, &c.

Cum sicut ad Nos id fide dignorum perduxit relatio, ac summa valida publica acclamatione lucidius attestatur, quod nonnulli civitatis & Diocesis nostræ prædictæ, Nobis subditi, non pauci numero, qui zelo devotionis, qua opus distissimam fabricæ nostræ Ecclesiæ Colonien-sis (cum omni exactissima operariorum diligentia, miranda preciositate, ex fide-lium largitione elemosynarum continua jam dudum inceptum) prosequuntur, pro Fraternitate Beati Petri, oblati ad id opus debite perficiendum suis elemo-synas, juxta suarum virium facultates, se asscribi, & participes privilegiorum, lib-ertatum & gratiarum ejusdem fieri desi-deranter affectant. Sed quia ad hujus-modi Fraternitati quendam ascribendum, rerum & bonorum oblatorum quantita-tem, quam offerentis pro modo facultat-um, mundi cordis affectum æstimant, licet indebite, plus attendi, & per hoc ad hujusmodi fraternitatem (si id, quod possent, non quod vellent, si suppet-erent facultates, offerrent) verentur se, quamvis immerito, ultatenus non posse admitti nec ascribi. Eapropter devotio-ni hujusmodi subditorum nostrorum pio compatiens affectu, ac volentes eosdem (*) tam laudabili proposito, ad salutem animarum suarum salubriter confovere, præsentibus duximus ordinandum, spe-cialiter indulgentes eisdem, quod hi, qui de bonis sibi a Deo collatis, tantum ad structuram fabricæ Ecclesiæ nostræ præ-dictæ solvendum annuatim se adstrinxe-rint & contulerint, quantum, compen-saris eorum facultatibus, de consilio & judicio Curatorum suorum, commode solvere poterunt & conferre, se dictæ fraternitati facere possint, & faciant ad-scribi, privilegiis, indulgentiis ac gra-tiis, & libertatibus, ac immunitatibus quibuscunque, a Nobis & nostris Præde-cessoribus dictæ Fraternitatis Fratribus

concessis (non obstantibus literis nostris quibuscunque, seu Prædecessorum no-strorum huic indulto nostro forsan dero-gantibus) libere poturi; exceptis se-pultura, & extrema Unctione, eis nulla-tenus ministrandis in locis illis, quæ per unum annum continue Ecclesiastico fue-runt supposita Interdicto. Ita tamen, quod hujusmodi futuri fratres, elemo-synas suas prædictas, inspirante Deo, successu temporis de bono in melius au-gere studeant, prout (præstante Deo) ipsorum aucti fuerint, & exereverint facultates, ut exinde procul dubio cen-suplum in terris recipere valeant, & in cælis vitam possidere sempiternam. Da-tum crastino B. Remigii, anno Domini MCCCLVII.

X. *Ne aliquis celebret in Altari portatili aut viatico sine licentia Episcopali.*

WILHELMUS, DEI gratia, &c.

Querela multorum Rectorum Ec-clesiarum Parochialium, nostrum pulsa-vit auditum, se in suarum proventus Ecclesiarum notabilem deplorantium sustinere jacturam ex eo, quod plerum-que Dominis temporalibus, militibus, armigeris, aliisque pluribus in multitu-dine innumera, ut in Altari portatili coram se Missarum solennia possint facere cele-brari, dicimus concessisse. Cum igitur privilegium in alterius præjudicium non sit concedendum, aut si ex post facto, in alterius dispendium vergat, merito sit revocandum: ea propter conces-siones quaslibet, quibuscunque personis factas de celebrando, aut de facien-do coram se in Altari portatili celebra-ri, ultra duos menses a data præsentium durare nolumus, sed ipsas penitus revocamus. Datum anno Domini MCCCLVII. ultima die mensis Septembris.

XI. *Ne Religiosi extra sua Monasteria mo-ram trahant, & contra receptatores eorum.*

WILHELMUS, Dei gratia, &c.

Vergit quidem in totius Religio-nis opprobrium, grave quoque & ni-mium detestabile scandalum parit in po-pulo, actibusque nefariis aditum præbet, immo in perniciem multorum au-divi-

(*) in tam

divimus redundare, quod quamplures Religiosi per nostram civitatem & Diocesim Coloniensem moram (p) trahendo, aliqui etiam ex ipsis, de suorum inconsulta & juri contraria licentia Prælatorum, suorum Monasteriorum loca, extra quæ tamen, sicut piscis extra aquam vita carent, passim & publice, quasi oves aberrantes, discurrendo vagantur, nullasque suorum Monasteriorum utilitates exequentes, negotiis in toto secularibus ultra alios se nimis irreverenter immiscere non verentur: quod correctionis lima necessaria conspiciamus indigere, ipsosque ad Pastores animarum suarum convertere satagentes, universitati vestræ præsentibus intimamus, hos Religiosos, cujuscunque ordinis aut conditionis existant, amodo contra sui ordinis substantiam, & contra id, quod sonat verbum hoc, MONACHUS, quod solitarium significat, in statu prædicto, in mortali peccato versari, in suarum grave periculum animarum. Eapropter universos & singulos requirimus, vobisque sub pena excommunicationis districte præcipiendo mandamus, quatenus ab hujusmodi Religiosorum conversatione, familiaritate, hospitii, seu domicilii locatione, seu concessione, seu sub alterius cujuslibet coloris titulo, præstatione penitus abstinere: vosque Parochiales Ecclesiarum Rectores & eorum vices gerentes, eosdem Religiosos & subditos vestros utriusque sexus, præsentis nostri mandati contemptores, hospitia aut domicilia hujusmodi Religiosis quocunque colore exhibentes, aut conversationes habentes quascunque cum eisdem, quorum nomina sciveritis, nominatim & in specie, alios vero in genere, vice & autoritate nostra moneatis, quos etiam & Nos monemus per præsentem, ut prædicti Religiosi intra quindecim dierum spatium ad Monasteria sua redeant, in ipsis (ut status Monasticus exigit, hujusmodi vagationibus & discurtionibus postpositis, ut decet) continuo permanfuri: dictique nostri subditi prædicto nostro mandato pareant cum effectu: alioqui ipsos (quos Nos dictorum quindecim dierum monitione Canonica præmissa in his scriptis excommunicamus), excommunicetis, & ab universis Christi fidelibus arctius evitan-

dos (cum plena & fidei hujusmodi mandati executione) palam & publice nuncietis: nisi dicti Religiosi causam rationabilem, quare extra Monasteriorum suorum septa possint sic degere, ipsi vel aliquis eorundem intra dictos dies præterdant: & ipsi subditi nostri, quare hujusmodi mandato nostro minime parere teneantur, coram dilecto Nobis Officiali Curie nostræ Colonienfis (cui in præmissis, & ea quoquo modo tangentibus, committimus vices nostras) allegaverint. Diem vero monitionis vestræ, ac nomina monitorum executionis præsentium, Nobis liquide rescribatis vos, qui præsens nostrum mandatum fueritis executi. Datum Colonie sub sigillo nostro, anno Domini MCCCXVII. ultima die mensis Septembris.

XII. *Ne Quæstores cum crucibus, vel calicibus admittantur in Parochiis, sine licentia data per Episcopum, aut Capitulum.*

WILHELMUS, DEI gratia, &c. Meminimus Nos jam dudum & vicibus multiplicibus sub certarum pænarum adjectione, decrevisse Christianitatum Decanis, ac Rectoribus investitis, & Sacerdotibus universis Ecclesiarum & Capellarum, in nostra Diocesi constitutis, ne Quæstores aut Petitores, cujuscumque forent nominis, autoritatis, sive conditionis, in suis Ecclesiis admitterent, promoverent, seu reciperent, nisi ipsos transire scirent cum Nostris, & Capituli nostri Colonienfis literis certis & expressis. Sane ex parte vestra Nobis oblata petitio continebat, quod cum nonnullæ hæcenus fuerint, & sint personæ prophane, & profuge, quæ diabolicæ persuasionis instinctu sub falso titulo Nunciorum fabricæ Ecclesiæ Colonienfis, & cum literis confectis, in aliquibus Ecclesiis Diocesis transeundo, beneficia & elemosynas ad consummandam structuram fabricæ memoratæ petant, colligant, & recipiant, in præjudicium & jacturam ejusdem fabricæ, cui subripiunt ea, quæ ei a Christi fidelibus donantur, quatenus eidem fabricæ, & vobis super his de oportuno remedio providere dignemur. Nos igitur non solum præjudicia & jacturas, quibus gloriosa fabrica & structura Ecclesiæ Colonien-

(p) trahentes

Ionienſis memoratæ per prædictos ex-
ceſſus impeditur, vitare, ſed etiam ex-
cedentium huiusmodi exceſſus corrigere
cupientes, quod cum efficacia perficere
neguivimus, cum ipſi exiſtunt proſugi,
niſi perſonaliter capiantur: idcirco au-
thoritate præſentium committimus &
diſtrictè univerſis & ſingulis Officiariis
ubilibet conſtitutis mandamus, & requi-
rimus Officiarios aliorum Dominorum,
quatenus delinquentes, cum per vos,
vel per nuncios veſtros requiſiſi fuerint,
authoritate noſtra capiant, etiamſi Cle-
rici fuerint, detineant, & Nobis ipſos
repræſentent, pro meritis & modo cul-
pæ poenam recepturos. Præterea expo-
ſuiſtis Nobis, quod ſint nonnullæ perſo-
næ utriuſque ſexus, quæ novæ mendi-
catis, ſive extorſionis pecunie a Chriſti
fidelibus ſpeciem adinvenientes, nulla
authoritate ſuffulzæ, cum crucibus &
imaginibus, ſive calicibus, quas portant,
ſine verecundia, & cum ſcandalo publi-
ce petunt, & recipiunt eleemoſynas in
præiudicium non modicum fabricæ me-
moratæ: quocirca præcipimus & inhi-
bemus ſub poena excommunicationis
Decanis, Plebanis, Rectoribus, & Vi-
cariis Eccleſiarum & Capellarum univer-
ſis noſtræ Diœceſis, ne de cætero tales
in ſuis Eccleſiis admittant, niſi Noſtris
& Capituli noſtri literis ſint munice:
immo huiusmodi perſonas omnes & ſin-
gulas (quas ſex dierum ſpatio pro termi-
no peremptorio & monitione Canonica
præmiſſa, niſi deſtiterint a præmiſſis, ex-
communicamus in his ſcriptis) in Ec-
cleſiis veſtris publice nunciatis excommu-
nicatos. Et ut forſan nonnulli ſpiritu-
alem poenam formidantes minime, tem-
poralis metu poenæ a prædictis arcean-
tur; Vobis officiariis noſtris ſub obtentu
gratiæ noſtræ, & nihilominus vobis
& aliis Officiariis prædictis in virtute
ſanctæ obediencie, & ſub poena excom-
municationis diſtrictè præcipiendo man-
damus, quatenus ubicunque & quodeſ-
cunque a præſentium exhibitore fueritis
requiſiti, prædictis perſonis (ſicut præ-
dictur) cum crucibus, imaginibus, ca-
licibus, vel monſtrantiis mendicantibus,
eaſdem cruceſ, imagines, calices, ſeu
monſtrantias authoritate noſtra auferatis,
ipſosque præſentium exhibitori tradatis,
& ut aſſignentur Procuratori fabricæ
prædictæ fideliter, mandetis, ut ſic præ-

ſentis perſonæ metu poenæ, ab huius-
modi foreſactis & exceſſibus diſcant ulte-
rius abſtinere. Datum anno Domini, *ut
ſupra.*

XIII. *Contra detentores & ſubtractores
Legatorum Fabricæ Eccleſiæ ma-
joris Colonienſis.*

WILHELMUS, DEI gratia, &c.
Multifariis excitatos clamoribus
Nos oportet occurrere præiudiciis &
jaſturiſ, quibus Sancta noſtra Colonien-
ſis Eccleſia, in glorioſa templi ſui fabrica
& ſtructura opprimitur, & multipliciter
impeditur, præſertim per Plebanos &
Rectores Eccleſiarum Civitatis & Diœce-
ſis noſtræ Colonienſis, qui eleemoſynas
& legata fabricæ ipſius Eccleſiæ, tem-
pore debito minime reportant & repræ-
ſentant: unde omnes & fabricæ Eccle-
ſiæ noſtræ prædictæ, & aliorum nego-
ciorum ad ipſam fabricam ſpectantium,
eleemoſynarum ſeu legationum, ultra
diem reportationis earundem indiſtæ,
ſeu indicendæ, detentores ſeu ſubtracto-
res authoritate a DEO Nobis conceſſa,
propter contemptum clavium & ſacri-
legium commiſſum, decem dierum mo-
nitione Canonica præmiſſa, excommu-
nicationis vinculis in his ſcriptis innoda-
mus: & præmiſſa non ſolum ad futura,
ſed & jam pendencia, ſubtracta & de-
tenta, & in reportatione dilata ipſi fabri-
cæ extendi volumus, & ligari detento-
res & ſubtractores huiusmodi præſentia
poena poſt publicationem mandati hu-
juſmodi, niſi intra tempus præſentis mo-
nitionis ſatiſſaciant de perceptis & ſub-
tractis.

Expoſitum etiam eſt Nobis, quod
nonnullæ perſonæ utriuſque ſexus, quæ
novæ mendicatis, ſive extorſionis pecu-
niæ a Chriſti fidelibus colore adinve-
nientes nulla auctoritate ſuffulzæ, eum
crucibus & imaginibus, calicibus, ac aliis
monſtrantiis, quas portant, publice ele-
moſynas petunt & recipiunt in præiud-
icium fabricæ prædictæ. Quocirca
præſigimus univerſis Chriſtianitatum De-
canis, Plebanis, & Rectoribus, & Vi-
cariis Eccleſiarum, & Capellarum noſtræ
Diœceſis, ne de cætero tales, aut alios
Quæſtores, aut quæſtus quocunque
publicos, in ſuis Eccleſiis & Capellis ad-
mittant, niſi Noſtris, aut Officialis no-
ſtri, & Proviſoris fabricæ prædictæ liti-

ris sint muniti: Immo eos (quos monitione decem dierum præmissa, in his scriptis excommunicamus) excommunicatos nominatim denunciatis, nisi intra huiusmodi monitionis terminum a præmissis desistant, & Nobis de commissis satisficiant competenter. Inhibemus insuper universis & singulis Christianitatis Decanis, Ecclesiarum Rectoribus, Plebanis, Vicariis, Capellarum Rectoribus nostræ Diocesis, ne consentiant, ut aliqui stipites, sive trunci pro eleemosynis colligendis, in eorum Ecclesiis, Capellis, & Parochiis ponantur, seu locentur, prout hoc etiam inhibuit est in Statutis D. HENRICI Archiepiscopi Colonienfis nostri Prædecessoris sub penis expressis in eisdem. Datum anno Domini ut supra MCCCLVII.

XIV. *De pena eorum, qui Statuta prius publicata non sunt executi. De delatione Corporis Domini & sortilegis.*

WILHELMUS, Dei gratia, Sanctæ Colonienfis Ecclesiæ &c.

Animarum periculis occurrere desiderabiliter affectantes, transactis temporibus diversa mandata emisimus salubria, quæ & in diversis Synodis Congregationibus solenniter fecimus publicari: sed quia propter desidiosam aut nullatenus factam executionem aliquorum mandatorum prædictorum, per eos, quibus executio prædicta tunc iuncta fuit facienda, modicum exinde fructum adhuc sensimus pervenisse; ea propter aliqua ex mandatis ipsis renovanda censuimus, vestrisque auribus repetitis vicibus inculcanda, illis, quorum huiusmodi executio mandatorum faciendi tunc iuncta fuerat, sub pena suspensionis ab officio Divinorum (quam in ipsos & eorum quemlibet, si non

fecerint, quod mandamus, trium dierum Canonica monitione præmissa ferimus in his scriptis) districte præcipiendo mandantes, quatenus ipsi, & eorum quilibet, mandatorum dictorum (secundum continentias eorundem) executionem fidelem & efficacem facere studeant, ac Sigillifero Curie nostræ, quando & qualiter executionem ipsam fecerint, per literas suis sigillis sigillatas rescribant intra mensem: taliter in his legentes, ne subditorum suorum excessus dissimulando, suos facere videantur, Nosque contra ipsos proinde acius procedere compellamur.

Mandata vero prædicta, sic incipiunt: Primum, *Uxoriarum voraginem*: Secundum, *In Synodo Sancta*: Tertium, *Pergit quidem*: Quartum, *Perniciosus quidam, ut intelleximus*: Quintum vero, *Multiplata fide dignorum*. Insuper, ne propter injuriam Sacerdotum Divina indignatio gravius ardeat, sub pena excommunicationis districte præcipiendo mandamus universis Sacerdotibus, quatenus cum ipsi Dominici Corporis Sacramentum ad infirmos deferunt, in decenti habitu, superposito mundo velamine, ferant & referant manifeste & honorifice ante pectus cum omni reverentia & timore. Ad hoc, quia execrandas Divisionum, incantationum, & sortilegiorum superstitiones in nostra Civitate & Diocesi Colonienfi invaluisse percepimus, ne ipsorum assiduitate noxia Christi fideles in idolatriam pertrahantur, universos utriusque sexus homines huiusmodi maleficiis se de cætero multiplicantes, aut ipsa fieri procurantes, excommunicamus in his scriptis, ac per vos Ecclesiarum Rectores, vestrasque vices gerentes, singulis diebus Dominicis & Festivis excommunicatos mandamus publice nunciari. Datum ut supra A. MCCCLVII.

COLONIÆ SYNODUS AUTUMNALIS ANNO MCCCLX.

WILHELMUS, Archiep. Colon. anno MCCCLX. publicat Edictum Pontificium ad se missum.

De vita, habitu, & honestate Clericorum & Monachorum, & de penis excedentibus insipientibus. Ex Decreto Papæ Innocentii VI.

WILHELMUS, Dei gratia, Sanctæ Colonienfis Ecclesiæ Archi-Epi-

scopus, Sacri Imperii per Italiam Archicancellarius, universis Ecclesiarum & Mona-

Monasteriorum Prælati, & Clerici, Ecclesiasticisque Personis nostrarum Civitatis, & Diocesis Colonienſis, ſalutem in Domino ſempiternam.

Sanctiſſimi in CHRISTO Patris & Domini noſtri INNOCENTII, Divina Providentia Papæ Sexti, litteras accepimus in hæc verba:

INNOCENTIUS EPISCOPUS, SERVUS SERVORUM DEI,
VENERABILI FRATRI WILHELMO,
ARCHI-EPIſCOPO COLONIENſI, SALUTEM ET APOSTOLICAM
BENEDICTIONEM.

Eſſi de cunctorum Chriſti Fide-
hum, ſuper quorum univer-
ſali cura & cuſtodia ſumus conſtitui,
deſectis & exceſſibus doleamus ab inci-
mis, de Prælatorum tamen & Cleri-
corum deſectibus tanto nimirum do-
lemus acerbius, & profundius con-
turbamur, quanto ſentimus graviora
inde eiſdem fidelibus animarum peri-
cula provenire. Nuper ſiquidem ad
aures noſtras rumor inſeſtus de parti-
bus Alemaniz progreſſus, fide digna
reſeratione perduxit, quod nonnulli
ſolo vocabulo Clerici & Eccleſiaſtica
perſonæ, non ſolum in minoribus
gradibus conſiſtentes, ſed etiam ad
faſtigium Paſtoralis dignitatis eveſti,
de parvulis præbendis effrenato quo-
dam vivendi modo libitum pro licen-
tia capientes, & per diſſolutionis lu-
bricum, & ſine ullo rationis Imperio
gradientes, neglecta Clericalis hone-
ſtatis obſervantia, & gravitate Eccle-
ſiaſtica religionis abjecta, vitam ſuam
Deo & Eccleſiaſtickiſtæ miniſteriis dedi-
catam, quibuſvis ſecularibus actibus
contra ſacrorum Canonum prohibi-
tiones ſe immiſcent in ludis, hoſtialibus,
tormentariis, & aliis militaribus & pro-
hibitis eiſ actibus, nec non in deſe-
rendis veſtibus ſecularibus, ac aliis
quibuſdam a jure prohibitis ornamen-
tis, dilapidantes bona pauperum, &
Patrimonium Jeſu Chriſti, in Dei of-
fenſam, propriæ ſalutis diſpendium,
& pernicioſum populi talia conſpicien-
tis exemplum. Nos igitur attenden-
tes, quod, qui tanquam Dei Miniſtri
poſiti ſunt ad abolendas maculas ſub-

ditorum, immaculatam & irrepre-
henſibilem debeant ducere vitam ſu-
am, & quali lumen accenſum ſuper
candelabro poſiti, gregem Domini-
cum ſibi commiſſum, in viam rectam
dirigere verbo pariter, & exemplo:
conſiderantes itaque, quod ſæpe pejora
malis addere ſolent impunitates deli-
ctorum, & propterea hujusmodi ta-
lium perſonarum exceſſibus debitis
obviare remediis cupientes, fraterni-
tatem tuam requirimus pariter, &
monemus attente, per Apoſtolica
ſcripta tibi nihilominus mandantes,
quatenus juxta villicationis tuæ debi-
tum officium, & incumbens tuis hu-
meris onus miniſterii Paſtoralis, at-
tenta diligentia, & diligenti attentione
te ſollicitum reddas, & vigilem circa
Prælatos & Clericos, aliaſque perſo-
nas Eccleſiaſticas, cujuſcunque gra-
dus & dignitatis exiſtant, tibi ſubje-
ctos, ab hujusmodi exceſſibus coer-
cendos: ſi quos in prælatam temeri-
tatem, & laſciviam inveneris incidiſſe
ut a talibus actibus proſus abſtineant
ſeculares hujusmodi uſus morum,
gravitati Eccleſiaſticae penitus inde-
centes, abjiciant, & Diviniſ obſequiis
vocationis ſuæ non immemores inte-
gritate vitæ & geſtibus modetiſtè inten-
dant, correptionis tuæ limam in per-
cinaces, & negligentes, prout ad tu-
um ſpectat officium, efficaciter impen-
ſurus: & etiam *Venerabilibus Fratri-
bus noſtris Episcopis Suffraganeis tuis*
mandaturus, ut circa ſubditos ſibi
Clericos, & perſonas Eccleſiaſticas
ſimilem curam adhibeant, & ad hu-
juſmodi corripiendos abulus vigilan-
ter advertant. Sic ergo adhibeas debi-
tæ ſollicitudinis tuæ curam, & tuum
miniſterium impleas in prædictis,
quod apud Nos, cum tolerare negli-
gentiam non poſſimus, adhuc ſo-
lertæ præconium merearis, & contra
delinquentes eoſdem aliud remedium
adhibere non ſit opus. Cæterum ut
hæc omnia tibi latius & apertius in-
noteſcant, venerabilis Frater noſter
Epicoſopus PHILIPPUS Cavallicen.
Apoſtolice Sedis Nuncius, per no-
ſtras litteras: & Dilectus Filius Con-
radus Præpoſitus Eccleſiæ S. Mauricii
Moguntienſis, laſor præſentium, per
Nos vivæ vocis oraculo plenius infor-

Tomus IV. Concil. German.

Q q q 2

mati,

"mati, eidem fraternitati tuæ Nostræ
 "mentis propositum plenius explica-
 "bunt & seriosius, quibus vel eorum
 "alteri, dabis in prædictis cum efficacia
 "operis plenam fidem: Nihilominus
 "præfatis Episcopo & Præposito, vel
 "alteri eorundem, super quibusdam
 "aliis, pro parte nostra tibi viva voce
 "latius referendis, tam plenarie, quam
 "efficaciter crediturus. Datum Avi-
 "nionæ, tertio Calendas Maji, Pontifi-
 "catus nostri anno (a) septimo.

Volentes itaque prædicta Apostolica
 Nobis directâ adimplere mandata, ne de
 damnabili possumus negligentia repre-
 hendi, dissolutiones, indecentias, &
 abusus varios, quibus Clericos & Ecce-
 siasticas personas Nostrarum civitatis &
 Diocesis Colonienſis, excedere, & scan-
 dalose deformari comperimus, Aposto-
 licis jam dictis compulsi præceptis, Pa-
 storali emendationis sarculo evelle re-
 pientes, suspensiones quarumcunque
 pœnarum, & censurarum Ecclesiasticarum,
 in Statutis & mandatis quondam Re-
 verendocum Patrum Dominorum HEN-
 RICHI & WALRAMI Archi Episcoporum
 Colonienſium Prædecessorum no-
 strorum, pro reformatione vitæ, & ho-
 nestatis status Clericalis editis, pridem
 promulgatarum, nuperque ad preces di-

lectorum Nobis Decanorum nostræ Di-
 ocesis, & aliarum Ecclesiarum Collegi-
 um Colonienſium, aut alias qualiterc-
 que per Nos factas, quia Decanos ip-
 sos in correctione dissolutionum, abusion-
 & excessuum prædictorum Nobis positi
 per eosdem, invenimus notorie ne-
 gentes, quantum ad infra scriptos abul-
 & indecentias revocamus, cassamus,
 nullius deinceps esse volumus firmitati
 sed Statuta & mandata prædicta, o-
 pœnis, sententiis & censuris Ecclesia-
 cis quibuscunque contentis, & pro-
 tis in eisdem, quoad dissolutiones,
 decentias, & abusus eosdem, cum si-
 scripto moderamine innovamus, ea
 statum primævum restaurantes. Ne i-
 tem Clerici, & personæ Ecclesiasticæ
 prædictas pœnas huiusmodi utique for-
 dabiles, iudicant quodammodo impu-
 nite, monemus universos & singulos
 Clericos sæculares Beneficiatos, & non
 Beneficiatos, in Sacris tamen Ordinibus
 constitutos duntaxat, & etiam Religio-
 sos, cujuscunque Ordinis, gradus, &
 conditionis existant, ne de cætero ves-
 tes partitas, virgatas, taliatas, seacatas
 aut quibus manica, vel alie particule
 alterius coloris sunt assutæ, aut omnis
 rubæ, aut omnino virides, aut glaucæ
 pro Superiori veste desuper cinctas, a
 (b) botoratas, vel notatas præter tog-

(a) Innocentius VI. adiit Pontificatum A. 1352. XV. Kal. Januarii.

(b) Vocabulum istud botorata aliter atque aliter in aliis hujus operis locis scribitur, mo-
 enim botorata, modo botenata, aut botonata, aut boronata. Quid autem vi
 ista, seu voces sibi vellent, nondum iis, qui hæc notabant, neque ex doctis, neq-
 ex barbaris dictionariis inter notandum constabat.

Si botoratarum, aut boronatarum, scriptum legeretur, facile ex voce partim Teutonica, partim
 Latina conjiceretur, assuras illas, sive appendices simbrii vestium extrinsecus aditis
 isto vocabulo innui ac vetari, ut quæ non tam necessitatis & utilitatis, quam or-
 tus & ostentationis, immo vanitatis potius gratia assuantur: ideoque Clericis, qui
 potissimum simplicitas deceat, maxime vitandas. Quævis vero & hodie, ne
 olim modo inter vulgares & mediocres, ut taceantur superbi divites, botonatum
 seu boronatarum (licet in præsentiarum & hoc maxime in loco vocabulis istis, qui
 facilius intelliguntur, uti: Nam boro, sive botona, navale potius aliquid, quæ
 quod ad vestimenta spectat, innuere aut sonare videtur) istarum luxus & cura si
 in proclivi est vulgo cernere, quam limbi & assutæ istæ prætextæ curiose, immo
 superflue & inanes, plus aliquando negotii exhibeant, plusque lucri sartoribus a-
 ferant, quam vel universis rotas vestimenti futura: idque tum præcipue, si ad
 ramenta ista ostentatoria, seu appendices superbie ex preciosis & variis, maxime i-
 ris & artificiosis, non simplicibus rebus fiant. Videtur proinde hic esse sensus
 quod sursutaria pellicia vestimenti Clericalis non debeat foris existere, neque illi
 loco quicquam extra, quod luxui magis & ostentationi, quam usui & necessitati
 inserviat, assui) nisi tantummodo superne circa collum, quodque abinde usque
 pedes, superior aut exterior vestis Clerici non fissa & aperta, verum solida geſt-
 debeat, quemadmodum hodie etiamnum in solemnibus choralium summi tem-
 Colonienſis vestimentis apparet. Notatio editoris Statut. Colonienſis. A. 1554.

vel scissas, confuticas in aliqua sui parte, nisi in spatulis, & manicis duntaxat pro superiori veste, aut caputiola parva subtus brachia colligata, vel vinculis, vel nodis alteri vesti affixa, aut etiam caputia, vel alias vestes scissas per particulas pendentes, vel auri vel argenti, aut texturarum, vel circumferentiarum appositione ornatas, vel manicas, aut wambosia defuscata, vel tela linea (b) aut ex alia quacunque materia defuper, vel etiam sub wambosis fericia, vel sem fericia, stndatica, vel vellura indumenta pro prima veste ferant: nec togis, quas in fraudem Statutorum, & mandatorum prædictorum deferre consueverunt, sub choripelliciis aut cappis, nisi in matutinis duntaxat, induantur. Barbas quoque intra tres septimanas non rasas in Ecclesiis vel eorum Capitulis, calceos etiam per particulas pendentes scissos, vel etiam multipliciter perforatos alicubi non deportent. Sed vestes Clericales decentes, & honestas ad minus usque ad medium tibia, vel ultra suram longas, & non nimium strictas, & coronas ad minus singulis tribus septimanis rasas, in loco capitis debito apparentes, & assidue detectas portent: hastiludia & torneamenta in locis Beneficiorum suorum similiter non exerceant ullo modo. Presbyteri vero, quos propter tanti præminentiam Ordinis præcipua morum decet honestas, vestes, quas sibi de cætero novas facient, usque ad talum vel prope longas, coronas quoque largas, & capillos capitis non in totum rasos, sed infra decuratos, & subus siletem in parte patentibus, deferant: manicas vero wambosiorum intra mensuram unius quartalis & dimidiæ ulnæ Colonienfis longas vel largas non habeant, sed intra mensuram prædictam, latitudinem & longitudinem sibi restringant earundem. Non tamen prohibere intendimus, quin Clerici seculares in itinere constituti, vel a locis, in quibus consistunt, statim eadem hora recessuri, vel equites exituri, vestes competenter breves, nodatas & defuper cinctas, ferre possint. Monemus insuper universos & singulos Monachos & Canonicos Regulares, ac etiam Moniales, cuiuscunque præminentie, Ordinis vel conditionis existant, etiam si allegent, quod de consuetudine Monasteria sua deferere & matrimonium contrahere

possint, ne de cætero habitum suum religionis dimittant, aut vestibus secularibus induantur, neque vestes botenatas vel nodatas, aut seculares, seu calceos infra talum bassos aut vestes, vel zonas seu cingulos auro, argento, vel gemmis ornatas, in aliquo loco publice deferant, sed vestes huiusmodi seculares, & corrigas ornatas (ut præfertur) vendant absque ulla fictione sine fraude. Neve Monachi & Canonici Regulares prædicti, in aliquo loco tabbardis utantur, quia tabbardus, ipsorum habitus in jure, vel ipsorum regulis descriptus, vel eis permixtus non existit, sed per abusum usurpatus per eosdem. Sed Monachi ipsi cucullas largas & usque ad terram longas, nodatas, sed infra in totum clausas, vel stotos aut cappas, aut scapularia ferant secundum Constitutionis Clementis, quæ incipit: *Ne in agra*, continentiam & tēnorem. Neve Moniales pepa seu fericeos pannos capitis, qui *Crussete* in vulgari idiomate appellantur, aut etiam acus, grossa habentes capita, aut gemmis ornatas deportent. In omnes & singulos utriusque sexus homines, quos supradictæ monitiones & inhibiciones nostræ tangunt, & prout ipsos & eorum quolibet concernunt, etiam si sub toga vel cappa huiusmodi vestimenta, & alia prohibita prædicta detulerint, monitione triginta dierum præmissa, quos a publicatione præsentium currere volumus, excommunicationis sententiam ferimus in his scriptis. Inhibemus insuper tam Clericis secularibus, quam religiosis, Ecclesiasticisque personis quibuscunque supradictis, ad quos fructuum & proventuum grossorum, vel distributionum quotidianarum Ecclesiarum, seu Monasteriorum eorundem administratio, exhibitio, vel quævis distributio pertinet, ne talibus excommunicatis quicquam de fructibus, proventibus, obventionibus, quotidianis distributionibus, vel præsentis, vel per se, vel per alios quocunque colore quæsito, distribuant, vel administrant quovis modo. Alioqui ipsos Administratores & Distributores pro tempore; dictorum triginta dierum monitione præmissa, excommunicamus in his scriptis: quos omnes & singulos excommunicatos volumus publice nunciari. Absolutionem vero omnium & singulorum, qui

Q q q ,

huius

(b) aut alia quacunque.

huiusmodi sententias incurrint, Nobis duntaxat reservamus.

Monemus etiam universos & singulos Abbates, Decanos Ecclesiarum Collegiarum, & Monasteriorum prædictorum, & alios quoscunque Nobis subditos, cuiuscunque Ordinis, Status, Sexus, aut Conditionis existant, ad quos, vel ad quas personarum, Ecclesiarum, & Monasteriorum suorum correctiones pertinent, ipsisque sub excommunicationis pœna districte præcipiendo mandamus, quatenus ipsi & eorum quilibet, ultra pœnas præscriptas, etiam per consuetudinarias Ecclesiarum, & locorum suorum pœnas, personas easdem, prout ipsi subsunt, pro præmissis, & aliis quibuscunque indecentiis, dissolutionibus & abusionibus, & præsertim pro Divinorum negligentia officiorum, corrigere non tepefiant. Nostræ enim intentionis non existit, correctionibus disciplinariis Ecclesiarum & Monasteriorum prædictorum, seu jurisdictioni quorumcunque in aliquo derogare: multiplices enim pœna merito percelluntur, qui in præmissis multipliciter excedentes, Divinam offendunt Majestatem, suos Superiores despiciunt, statum Clericalem, in quo sunt, unde & temporalem alimoniam & honores habent præcipuos, inhonorant: sicque in se & in alios, eos suo pernicioso corruptentes exemplo, peccant scandalose.

Cæterum, quia in nonnullis Collegiis Ecclesiis supradictis consuetudinem, immo damnabilem abusum invaluisse percepimus, scilicet quod Decani Ecclesiarum earundem, & alii jurisdictionem habentes, Canonicos, & alias personas

Ecclesiasticas, Ecclesiarum suarum, Divina Officia & Ministeria non facientes, aut eisdem non interessentes, aut alias excedentes, per censuras & pœnas ipsarum Ecclesiarum & Monasteriorum prædictorum disciplinares consuetudines corrigere non possunt, subtrahendo scilicet eisdem Canonicis aliquid, etiam modicum, vel magnum de fructibus Præbendarum suarum; Hanc igitur malam consuetudinem, immo perniciosam corruptelam sacris inimicam Canonibus, & Divinæ inviolatæ Majestati damnamus & reprobamus, inhibentes universis, & singulis Prædictis, Canonicis & Monachis, & Ecclesiasticis personis prædictis, ne de cætero huiusmodi corruptelam serrent, aut secundum eam judicare præsumant. Alioquin sex dierum monitione præmissa, quos a dicta publicatione præsentium currere volumus, contrarium facientes, ab Officio Divinorum suspendimus in his scriptis. Mandamus etiam universis & singulis Abbatibus, nec non Collegiarum Ecclesiarum, & Conciliorum seu Christianitatum Decanis, & Præpositis Monasteriorum nostrarum civitatis, & Diocesis prædictarum, sub excommunicationis pœna, quatenus intra octo dies a data præsentium continue subsequentes, præmissorum copiam de verbo ad verbum recipiant, ac ea omnia & singula, quam primum commode possent, personis Monasteriorum, & Ecclesiarum ac Conciliorum suorum publice convocatis. In quorum omnium & singulorum testimonium, Sigillum nostrum præsentibus est appensum. Datum Colonia anno Domini MCCCXLX. die prima mensis Octobris.

COLONIÆ SYNODUS AUTUMNALIS

ANNO MCCCXLX.

1. *Quando Clerici in superpellicio incidere debent, & de Sacramenti Eucharistiæ ad infirmos delatione.*

WILHELMUS, Dei gratia, Sanctæ Colonienfis Ecclesiæ Archi-Episcopus, Sacri Imperii per Italiam Archi-Cancellarius, universis & singulis Parochiarum Ecclesiarum Rectoribus, Plebanis, ac in eis Ecclesiis, & intra limites ipsarum Beneficiatis & intitulatis,

Civitatis & Diocesis nostræ Colonienfis, Salutem in Domino.

Ex officii nostri debito frequentibus clamoribus incitati, subditorum nostrorum excessus corrigere, mores indecentes & gestus reformare, negligentiam & desidiam eorum ulterius sine scandalo dissimulare non valentes, cogimur a temerariis ausibus, pœnarum adjectione, eisdem coercere: statuentes de Capituli nostri

nostri, & Priorum Colonienſum Eccleſiarum conſilio & aſſenſu, & ſtrictius inhibentes ſub pœna ſuſpenſionis ab officio, quam in contrarium facientes, ferimus in his ſcriptis: Ne quis Eccleſiarum Parochialium Plebanus, Rector, aut Curatus, Vicarius, aut locum tenens eorundem, ſeu Altariſta, aut in ipſa Eccleſia quomodolibet intitulatus, Divinis officiis celebrandis, & eo tempore, quo ibi Divina fuerint, nec non in commendationibus peragendis & commemorationis ſcandis defunctorum, ac viſitationibus ſepulchrorum eorum cum Pſalmis, Collectis, & Orationibus conſuetis, in adminiſtrandis Sacramentis Euchariſtiæ, Viatici, Pœnitentiæ, & extremæ Unctionis fidelibus, quos in domibus eorum infirmantes, debet accedere, ſine ſuperpellicio & religione intereſſe in Eccleſia, aut ipſa ſine religione Sacramenta adminiſtrare præſumat: ita tamen, quod adminiſtrando Sacramentum Euchariſtiæ lumen & nola eum præcedant reverenter, egrediendo Eccleſiam & regrediendo: & intra civitatem, villam, vel oppidum calopodibus (propter pericula vitanda) non utatur: ſitque Presbyter huiusmodi munitus Euchariſtiis, in quantum poſſibile fuerit, nec vacuus reveratur, ne forte homines idololatrentur, non Creatorem, ſed creaturam adorando. Eſti omnes Euchariſtiæ forſan propter multitudinem expenderet infirmorum, in redeundo ceſſet lumen, & ſonitus campanellæ. Confeſſiones etiam ſubditorum ſuorum non languentium, nec debilium, ſed valentium accedere ipſam Eccleſiam commode, in ipſa Eccleſia volumus in loco aperto, non ſerato, humiliter & devote audiri, & pœnitentias pro modo culpæ inſigri ſalutares.

II. De Cuſtodibus ſive Campanariis.

Statuimus etiam, ſub pœna prædicta inhibentes, ne quis Rector, ſeu ejus vices gerens, cuſtodem ſeu campanarium (qui quantum poſſibile ſit, perſona literata exiſtat) niſi indutum ſuperpellicio, ſeu linea veſte decenter (ut moris eſt) ſuperiori, alia veſtimenta regente, ad miniſtrandum ſeu ſerviendum in Divinis ſibi aliquoſque ſuſtineat vel admittat. Quod ſi talis cuſtos vel campanarius ſe contra voluntatem aut prohibiti-

nem dicti Rectoris, ſeu ejus vices gerentis, huiusmodi ſervitio & miniſtrationi ingerat animoſe, nec ipſius Rectoris aut Vicarii monitis acquieſcat, niſi intra decem dies continuos, huiusmodi reſiſtentiam & prohibitionem ſequentes, de huiusmodi rebellione condignam Nobis, & Rectori, injuriam paſſo, præſtet emendam, ſit præſentis Noſtri ſtatuti authoritate, huiusmodi ſua cuſtodia ſeu officio campanariæ privatus ipſo facto, & alteri idoneæ perſonæ per eum, ad quem pertinet, libere committatur: ita, quod, ſicut rei qualitas expopoleſerit, Canonica diſtinctione alterutrius, culpam feriat delinquentis.

III. Ne Altariſtæ, ſeu Vicarii, Paſtori in aliquo derogent.

Mandamus igitur & diſtincte ſub excommunicationis pœna injungimus omnibus & ſingulis Altariſtis, Capellanis perpetuis, Beneficiatis & inticulatis in Eccleſiis Parochialibus ſupradictis, aut intra limites eorundem, quatenus Plebanis & Rectoribus matricis Eccleſiæ, quoad jura, ipſis tam de jure, quam de conſuetudine debita, intendant reverenter, ſi Noſtram & Canonicam effugere velint debitam ultionem. Inſuper mandata, ordinationes, & præcepta, cum ipſarum additione penarum tam per Nos, quam Prædeceſſores noſtros ſub quacunque verborum forma, contra Rectores, Plebanos, & eorum vices gerentes Eccleſiarum Parochialium prædictarum (qui recepta cautione excommunicatos authoritate Noſtra, in mortis articulo, juris permiſſione duxerint abſolvendos, quam intra certum terminum in dictis mandatis expreſſum, Officiali noſtro, aut Sigillifero noſtræ Curie Colonienſis ſignificare tenebuntur) edita, præſentibus repetimus & renovamus, ut eorum tranſgreſſores a temerariis eorum auſibus reſtrænentur.

IV. De abſolutione pro cadavere impetrata, ſeu impetranda.

Præterea ſtatuiſmus & ordinamus, ut ſi aliquis auſu temerario abſolutionem alicuius obtinuerit a Nobis, ſeu Officiali noſtro, a quacunque excommunicationis ſententia, authoritate noſtra, ſeu Statutorum Provincialium ſeu Synodali-um, vel quomodocunque lata, falſo & menda-

mendaciter asserens, excommunicatum hujusmodi vitam ducere in humanis, cum jam de medio sit sublatus, eo ipso sententiam excommunicationis incurrat hujusmodi impetrator, quam in his scriptis ferimus in eundem: dictamque absolutionem sic per fraudem, & dolum ei subreptitæ contra formam juris impensam, cum impendi his duntaxat, in quibus, dum vixerint, signa pœnitentiæ apparuerint (ita quod non contemptus religionis, sed necessitatis articulus, & ipsorum angustia, eos absolvi viventes impediunt) debeat: decernimus & pronunciamus, prout est irrita, nullius de jure existere firmitatis. Plebani vero & Rēctores, eorumdemque Vicarii, & vices gerentes, qui hujusmodi absolutionibus scientes uti, dictosque excommunicatos nominatim & publice, tam mortuos, quam adhuc viventes, absolvent de facto, seu eorum corpora, in contemptum clavium propriæ temeritatis audacia, prætextu dictæ absolutionis, Ecclesiasticæ tradere præsumperint sepulture, pœnas contra participantes excommunicatis in crimine damnato in jure expressas, nec non in constitutione

felic. record. CLEMENTIS V. *Eos qui* in Concilio Viennensi salubriter edita, descriptas, non immerito poterunt formidare. Pœnas autem & sententias, per Nos in hujusmodi Statutis nostris lasas, post mensem unum, immediate sequentem publicationem eorumdem, in Synodo Sancta proxima, per Nos seu nostra auctoritate celebranda, solenniter factam, ipsorum volumus incipere tenere transgressores: mandantes universis & singulis Christianitatum Decanis Foraneis nostræ Diœcesis, ut recepta eorum copia, intra quindecim dies a tempore publicationis eorumdem, Plebanis, & Rēctoribus, & Presbyteris, in suis Decanatibus, & intra limites ipsorum constitutis, publicent, & insinuent ea ipsis, ne dicta Statuta, per ignorantiam supinam & crassam, se causari possint, aliquatenus ignorasse.

Datum Colonix sub Sigillo nostro, & editum anno Nativitatis Domini MCCCCLXII. XX. die mensis Octobris.

Impressum Colonia A. 1554. Typo Quentelio.

CONCILIIUM COLONIENSE

AUTUMNALE,

Anno Christi MCCCCLXX. Urbani V. Papæ VIII. Caroli IV. Regis XXV.

SUB FRIDERICO III. ARCHIEPISCOPO COLONIENSI,

Revocantur & irritantur indulta confessionalia, & aufertur potestas Episcopalis omnibus, præterquam Pœnitentiariis Ecclesiæ Coloniensis ad hoc deputatis, & indicitur Synodus celebranda.

FRIDERICUS, (a) DEI, ET APOSTOLICÆ SEDIS GRATIA, ARCHIEPISCOPUS COLONIENSIS, SACRI IMPERII PER ITALIAM ARCHICANCELLARIUS, UNIVERSIS ET SINGULIS, AD QUOS PRÆSENTES LITERÆ PERVENERINT, SALUTEM IN DOMINO SEMPITERNAM.

Quia pro qualitate temporis, modi quod illius cursu & mutabilitate mutantur. Hinc est, quod cum Prædecessores nostri

(a) Fridericus, Comes Saræwerdensis, eligitur Archiepiscopus Colonix anno 1370. Obiit A. 1414.

nostri pluribus & diversis personis Ecclesiasticis, tam Religiosis quam secularibus, quibuscumque ad tempus certum, quibuscumque vero sine temporis determinatione non tam motu proprio, quam importuna petentium instantia, considerata tunc temporis qualitate, per suas certi tenoris literas, subditorum Civitatis & Diocesis nostræ Colonienfis, etiam eorum certo numero tunc expresso, confessiones audiendi, & eos in casibus a jure specialiter reservatis absolvendi, ac poenitentias salutaris injungendi potestatem duxerunt indulgisse. Accidente itaque ex eo, quod nonnulli concessione & indulto hujusmodi, sicut relativis accepimus fide dignis, non minus provide, quam indiferece & periculose (quod tamen ad præsens silentio præterimus) in hoc versantes, quamplurimum sint abusi, id quod ad subditorum prædictorum salutis compendium, circa quod tunc eorum Prædecessorum nostrorum dirigebatur intentio, egisse

videbantur, morbum quodammodo letiferum latenter ingerens, scandalum paravit & parat, ac errorem inducit, & Episcopalem (& in hac parte quodammodo detrahendo) parvipendit potestatem; omnes & singulas concessiones & indulta hujusmodi, *sua potestate Poenitentiariorum in Ecclesia nostra Colonienfi consistente, & creata provide tradita*, nec non literas super hoc sub quacunque forma verborum concessas, etiam si in eis forsan cautum existat, quod hujusmodi literæ vires obtineant, non obstante revocatione quacunque generali vel speciali, nisi nominatim & expresse in hujusmodi revocatione mentio sit habenda specialis, penitus & in totum revocamus, & ex causis supradictis & aliis Nos movensibus irritamus.

Datum sub sigillo nostro, præsentibus, quas in Synodo Sancta proxime celebranda volumus publicari, appenso, anno Nativitatis Domini MCCCXX. primo Sabbatho post Lamberti.

Revocantur literæ, quibuscumque Eleemosynarum Quæstoribus bucusque concessæ, præterquam pro Ecclesia Majori Colonienfi, & ejus Fabrica.

FRIDERICUS, DEI ET APOSTOLICÆ SEDIS GRATIA ARCHIEPISCOPUS COLONIENSIS, SACRI IMPERII PER ITALIAM ARCHICANCELLARIUS, UNIVERSIS ET SINGULIS ECCLESiarUM PAROCHIALIUM RECTORIBUS, SEU EORUM VICES GERENTIBUS, CIVITATIS ET DIOECESIS COLONIENSIS SALUTEM IN DOMINO.

Cum dudum, sicut accepimus, Prædecessores nostri per suas (a) certi tenoris literas diversis quæstoribus eleemosynarum super hoc concessas, per quas universitatem vestram exhortando, vobis dicuntur injunxisse, quatenus quæstoribus hujusmodi, dum ipsi ad vos, vestrasque Ecclesias, pias fidelium eleemosynas & grata charitatis subdita petitori, declinaverint, gratoque admittere & charitative curaretis: nonnulli quæstorum in hac parte literis obtentis adulterinis, alii vero literis sibi concessis nequiter abutentes, nonnullas etiam abusiones in suis sermonibus ad populum factis publice predicando, ad quarendas hujusmodi eleemosynas & subulter extorquendas constringunt. Quidam vero, qui minus ad id idonei, & modesti, & (b) indifereci existunt, cum literis hujus-

modi pro petendis eleemosynis & quarrendis destinantur, & multipliciter excesserunt & excedunt, in suam grave dispendium animarum, saluti populi & devotioni fallaciter illudentes. Quapropter præfatas hujusmodi Prædecessorum literas, quibuscumque eleemosynarum quæstoribus, præterquam his, qui pro Ecclesia nostra Colonienfi & ejus fabrica, ad vos, vel vestrum quemlibet, & Ecclesias vestras declinantes, accesserint, eleemosynas petitori, sub quacunque verborum forma concessas, penitus revocamus & in totum.

Datum sub sigillo nostro, præsentibus, in Synodo Concilio celebrando publicandis, appenso, Anno Nativitatis Domini MCCCXXI. penultima die mensis Septembris.

SE-

(a) sui (b) difereci.

Tomus IV. Concil. German.

R r r

SEQUUNTUR CAPITULA SYNODI ANNI MCCCLXXI.

CAP. I. *Vult Episcopus exequi literas Apostolicas, in forma Pauperum ad ipsum directas.*

FRIDERICUS, DEI ET APOSTOLICÆ SEDIS GRATIA ARCHIEPISCO-
PUS, SACRI IMPERII PER ITALIAM ARCHI-CANCELLARIUS, UNIVERSIS
ET SINGULIS, QUORUM INREREST, AUT QUOS PRÆSENS NE-
GOTIUM TANGIT, SEU TANGERE POTERIT,
QUOMODOLIBET IN FUTURUM,

Volumus esse notum, quod cum dudum Sanctissimus in CHRISTO Pater & Dominus noster, D. GREGORIUS IX. per suas certi tenoris literas sub ea forma, secundum quam Sedes Apostolica pro pauperibus Clericis scribere consuevit, Nobis directas, cum clausula, quod si huiusmodi literas exequi non possemus, nec vellemus, aliæ personæ in eisdem literis expressæ, eas executioni demandarent, mandaverit, quatenus de debita conversatione Clericorum nonnullorum nostrarum civitatis & Diocesis, juxta formam literarum prædictarum inquisito & reperto, ac pronuntiato ipsos habiles existere, & idoneos ad huiusmodi beneficia, juxta eorundem literarum tenorem obtinenda, eisdem de ipsis beneficiis spectantibus ad collationem Prælatorum seu Capitulorum, Monachorum, Conventuum, vel personarum civitatum nostrarum prædictarum, qui & quæ in eisdem exprimuntur, providere curaremus. Verum, cum nonnulli, prout ad nos fida perduxit relatio, prætendentes nos literas huiusmodi exequi tunc non potuisse nec voluisse ad inquisitionem & pronuntiationem prædictas, alii vero ad ulteriorem earundem executionem processerunt literarum: igitur, ne circa præmissa contra formam dictarum literarum per quemcunque vigore clausulæ supradictæ quicquam, quod viribus non subsistat, ad perniciem etiam & jacturam huiusmodi pauperum Clericorum contingat deinceps attentari: & si quid forsan indebite præsumptum fuerit, per appositionem debiti remedii ipsis Clericis, si petant, in hoc casu opportune valeat subveniri, universitati vestræ ac omnibus & singulis, quorum interest, insinuamus, quod in præfata Synodo, ne quemquam lateant, præmissa mandamus publicari,

quod nostræ intencionis est, prout etiam prius quotidie exitit, dictas literas exequi voluisse & velle reverenter, ut tenemur, juxta earundem continentiam & tenorem, super quorum etiam executione & per alias nostras certi tenoris literas, Officiali nostro Coloniensi sub certa forma commisimus vices nostras.

In quorum testimonium, sigillum nostrum præsentibus duximus apponendum. Datum anno Domini MCCCLXXI. penultima die mensis Septembris.

CAP. II.

FRIDERICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHI-CANCELLARIUS, UNIVERSIS ET SINGULIS TAM SECULARIBUS QUAM REGULARIBUS ECCLESIA-
RIUM ET MONASTERIORUM ABBATIBUS, PRE-
POSITIS, PRELATIS, PRIORIBUS, DECANIS,
COLLEGIIS, CONVENTIBUS, PLEBANIS, EORUM-
QUE VICES GERENTIBUS, CÆTERISQUE BENEDI-
CTIS CLERICIS ET RELIGIOSIS, CUIUSCUNQUE
STATUS, CONDITIONIS AUT ORDINIS EXISTANT,
NOSTRARUM CIVITATIS ET DIOCESES CO-
LONIENSIS, NOBIS SUBDITIS, SALUTEM
IN DOMINO SEMPERTERNAM.

ET si de cunctorum passim & generaliter Nobis subditorum, super quorum universalem curam & custodiam sumus constituti, delictis, negligentis, & excessibus doleamus ex intus; de Prætorum tamen secularium, & Regularium Clericorum, & personarum Ecclesiasticarum utriusque sexus defectibus, tanto nimirum dolemus acerbius, & profundius conturbamur, quanto sentimus graviora ex eisdem animarum pericula provenire, & specialiter personis Monasticis, in quibus sacre Religionis abjecta devotio, multis actibus illicitis aditum præbens, periculosior invenitur. (b) Eapropter nonnullas sacrorum Canonum constitutiones

(b) Et propterea.

exequentes, ac Statuta, ordinationes, & Præcepta nostrorum Prædecessorum innovantes, qui hujusmodi talium personarum excessibus fatigant debitis obviare remediis, quorum etiam (ut de ipsis cognitio plenior habeatur) effectum ut sequitur, fecimus annotari, sic duximus ordinandum.

C. III. *De Vestibus Clericorum Beneficiatorum.*

Imprimis igitur contra Clericos, qui gravitate Ecclesiasticæ Religionis abjecti, in deferendis vestibus Ordini suo non congruentibus, contra Canonum prohibitiones excedere non verentur, constitutionem felicis Recordationis Domini CLEMENTIS PAPÆ Quinti, in Concilio Viennensi editam, qua cavetur inter cætera, quod Clericis quicumque, virgata vel partita veste publice utens, nisi causa sublit rationalis, si Beneficiarius extiterit, a perceptione fructuum Beneficiorum, quæ obtinet, per sex menses sit ipso facto suspensus. Si vero Beneficiarius non fuerit, in sacris tamen Ordinibus constitutus citra Sacerdotium, per idem tempus sit eo ipso facto inhabilis ad Beneficium Ecclesiasticum obtinendum.

Idem quoque dicta Constitutio censuit observandum de Clericis aliis, qui vestem virgatam vel partitam simul, & tonsuram publice deferant (c) Clericalem. Dignitatem vero, Personarum seu Beneficium Curarum obtinentes, ac Sacerdotes, nec non & Religiosi, si vestes deferant hujusmodi, præterquam ex causa rationali, eo ipso a perceptione fructuum Beneficiorum quæ obtinent, per annum continuum sint suspensi: & Sacerdotes non Beneficiarii, & Religiosi cæteri, per idem tempus anni reddantur inhabiles ad Beneficium Ecclesiasticum obtinendum: Hanc inquam, constitutionem exequentes, nec non Statuta, ordinationes, mandata, & præcepta bonæ memoriæ Domini WALRAMI, edita circa præmissa, innovantes, quæ incipiunt, *Felicit Record.* HENRICUS &c. statuentes, quo (d) cavetur inter cætera, quod suspensus hujusmodi, si durante ipsa suspensionis poena, aliquid de fructibus sui Beneficii, seu Præbendæ percipiat, & ministrans quid ei ratione Præbendæ suæ mi-

nistraverit scienter, uterque ipsorum excommunicationis poenam incurrat ipso facto. Et Capitulum, si in hac parte culpam vel negligentiam, dissimulationem vel rashabitionem commiserit, sit suspensum ipso facto. Et Statutum ejusdem quondam Domini WALRAMI, quod incipit, *Quoniam diversi, &c.* cum ejus mitigatione ibi subsequente innovantes, eas & ea præcipimus inviolabiliter observari: statuentes de consensu Capituli nostri, & Priorum Colonienfium, poenas & sententias supradictas, locum habere debere in futurum, ipsasque sententias serimus in his scriptis in omnes & singulos Clericos, juxta distinctiones superius annotatas, qui vestem superiorem ante pectus a summo dorsum inferius usque ad oram deferre publice præsumant botonatam, vel ultra spatium, quo quis commode caput suum ipsi vesti inferre poterit, eam induendo. Si quis vero Clericus juxta morem detestabilem, qui modernis temporibus inolevit, vestem superiorem (ipsius manicam unam ante pectus, & aliam post dorsum vertendo) publice deferre sine causa justa, & irreverenter incedere præsumpserit, si secularis fuerit Beneficiarius, vel carens Beneficio, vel Religiosus administrationem habens, hujusmodi vestem intra mensem dare pauperibus teneatur. Religiosus vero administrationem habens, intra idem tempus ipsam teneatur suo Superiori assignare, in pios usus convertendam. Alioquin si secus fecerit, dicto mense elapso, se noverit incidisse suspensionis sententiam ab Officio, & Beneficio, quam serimus in eum in his scriptis.

C. IV. *De Tonsura & Corona Clericorum Beneficiatorum, & ne barbas deferant.*

Præterea Constitutionem felicis Rec. Domini GREGORII PAPÆ Noni, & aliam in Concilio Carthaginensi editam, in quibus sub excommunicationis poena, prohibetur Clericis, ne nutriant comam & barbam, nisi ex justa causa, exequentes eas inviolabiliter præcipimus observari. Statuta quoque, mandata & præcepta bonæ memoriæ Domini HENRICI, quæ incipiunt: *Item præcipimus in virtute* &c. & Domini WALRAMI, quæ incipiunt:

(c) minus Clericalem.

(d) quibus

piunt: *Felicis Recordationis* &c. nec non Domini WILHELMI, Archi-Episcopo-
rum Colonienſium, Prædeceſſorum no-
ſtrorum, quæ incipiunt: *Bona memoria*
Prædeceſſores noſtri &c. edita contra Cleri-
cos, qui coronam ſeu tonſuram Eccle-
ſiaſticas debitas, juxta ſtatus & ordinis
recepti exigentiam non deferunt, barbas
& comas nutriunt, ſine cauſa juſta por-
tando: quibus in effectu cavetur inter
cætera, in ordinatione videlicet & ſtatu-
to dicti Domini HENRICI, quod Clerici
beneficij civitatis & Diœceſis Colonien-
ſis, tonſuram Eccleſiaſticam ſecundum
ſui ſtatus & ordinis exigentiam, decen-
ter & parenter, ac publice in capite aſſi-
due portare negligentes, interdicti ſen-
tentiam ab ingreſſu Eccleſiæ (quindecim
dierum monitione Canonica præmiſſa)
incurrunt. In ordinatione vero, ſtatuto
& mandato dictorum Dominorum WAL-
RAMI & WILHELMI, prædictorum
(qui huiusmodi pœnæ ſuſpenſionis ab
ingreſſu Eccleſiæ, quam etiam ad Cleri-
cos barbas deferentes extendunt, pœ-
nam ſubſcriptam addiderunt) cavetur,
quod Clericus barbam nutriens ſine cauſa
juſta, eamque deferens ultra quindecim
non abſeram, nec coronam ſeu tonſu-
ram ſtatui & ordini ſuo congruentem
portans publice in capite, & propter
hoc pœnam ſuſpenſionis ab ingreſſu Ec-
cleſiæ incidit ſupradictam, a fructibus
ſuorum beneficiorum ſit eo ipſo ſuſpen-
ſus: & ſi ſic ſuſpenſus exiſtens, quic-
quam de fructibus huiusmodi receperit,
aut quicquam ei aliquid miniſtraverit,
tam recipiens quam miniſtrans, eo ipſo
ſe noverit excommunicationis ſententiam
incidiffe. Et Capitulum Eccleſiæ, ſi col-
legiata fuerit, ſuſpenſionis, ſi in culpa
exiterit vel negligentia, vel admini-
ſtrationem huiusmodi factam, ratam,
& gratam habuerit, & ipſa Eccleſia in-
terdicti ſententias incurrant ipſo facto.
Idemque D. WILHELMUS per ſuum
poſtmodum ſtatutum, quod incipit: *Ex*
ayuntur, tales non deferentes tonſuram
Clericalem, ipſo facto ſuſpenderit, præ-
ſentibus innovantes, ſalvo, quod loco
quindecim prædictæ, quo ad radendam
barbam, vel tondendum, ſpatium trium
ſeptimanarum ſubrogamus. Eaque ſta-
cuta, mandata, & præcepta, quæ etiam
ad Clericos haſtiludia in locis, in quibus
Beneficij exiſtunt, exercentes, provide

extenderunt, & pœnam ſuſpenſionis a
perceptione fructuum Beneficiorum ſuo-
rum per ſex menſes, in contrarium fa-
cientes intulerunt: nec non ſtatutum
ejusdem quondam Domini WILHEL-
MI, quod incipit: *Multimodorum exagge-*
ratione &c. ſtatuiſſimus, & aliud, quod in-
cipit: *Suſtiſſimi in Chriſto Patris* &c. nec
non ejusdem Domini ſtatutum in hoc
caſu editum, quod incipit: *Statuimus,*
ut quilibet Clericus ſive ſecularis, ſive Reli-
gius &c. mandamus & præcipimus
(niſi quatenus per noſtram ordinationem
eis detractum reperitur) inviolabiliter
obſervari, ipſas ſententias ex abundanti
repetentes, quas dicta monitione cano-
nica præmiſſa, in non parentes & rebel-
les ferimus in his ſcriptis.

C. V. *Ne Religioſi dimittant habitum.*
De Conſeſſoribus ipſorum. Et ne va-
gentur extra ſua Mo-
nasteria.

Inſuper felicis record. Domini BO-
NIFACII PAPÆ VIII. Conſtitutionem,
per quam diſtinctius inſubetur, ne aliquis
Religioſus, quamcunque Religionem ta-
cite vel expreſſe proteſſus, ubicunque
locorum habitum ſux religionis temere
dimittat, huiusmodi temerarium viola-
torem excommunicationis ſententia ple-
ctens ipſo facto. Nec non Conſtitutio-
nem felicis rec. Domini CLEMENTIS
PAPÆ QUINTI, in Concilio Vienneſi edi-
tam, quæ inter cætera ſacræ Religionis
Monachis nigris Ordinis S. Benedicti,
omnem in veſtibus inordinatum ſeu ex-
quiſitum ornatum & cultum, nec non in
equitatis & lectiſterniis quemvis nota-
bilem interdicit exceſſum, præcipiens,
ut ſuperior veſtis ipſorum habitui proxi-
ma, nigri aut bruni coloris, juxta mo-
rem apud eos obſervari ſolitum in regio-
ne, qua degunt, exiſtat: exequentes, ab
huiusmodi eis interdictis & vetitis abſti-
nere, ac præceptis & ſtatutis huiusmodi
obedire, ipſis præcipimus firmiter &
mandamus. Statuta vero, mandata &
præcepta felicis record. Domini HEN-
RICI, quæ incipiunt: *Volumus etiam* &c.
quo inſubetur, ne quis Abbas vel Abba-
tiſſa, cujuſcunque religionis non exem-
ptæ, civitatis & Diœceſis Colonienſis,
abſque ſpeciali licentia Archi-Epiſcopi
Colonienſis, vel Sedis Apoſtolicæ autho-
ritate, Monachis aut Monaſibus ſui Mo-
naſte-

nafterii Confeflorem aliunde, quam de fuo ordine, prout ipforum ftatuit religio, eligendi vel affumendi concedat poteflatem. Nec non bonæ memoriæ Domini WILHELMII Archi-Epifcoporum noftrorum Prædecefforum mandatum, quod incipit: *Vergit quidem* &c. in quo inter cætera, omnes & fingulos Monachos extra Monafteria fua non intitulos, urentes (ut dicunt, licet inconfulte, indebite, & indifcrete, etiam contra juris & ordinis fui difpofitionem regularem) licentia fuorum Abbatum feu Prælatorum, qui nulla fuadente utilitate Monafteriorum fuorum, aut neceffitate exigente, (a) fe conferunt ad aliena negotia exequenda, pro libito vagantes, ad fua Monafteria (monitione canonica præmiſſa, fi fecus fecerint, in eos excommunicationis ſententiam tulit) redire præcepit. Nec non ſtatutum bonæ memoriæ Domini SIFRIDII Archi-Epifcopi Colonienſis, quod incipit: *Statuimus, ut nullus Monachus* &c. quod poſtmodum pie recordationis Dominus WILHELMUS Archi-epifcopus Colonienſis Prædeceffor noſter, in quodam ſtatuto ſuo, quod incipit: *Item cum bonæ memoriæ SIFRIDUS olim* &c. idem ſtatuens approbavit, ſub certa tamen poſtmodum facta declaratione, quæ incipit: *Cum nos dudum Concilium Synodale in Capitulo Ecclæſiæ noſtræ* &c. quam quidem declarationem bonæ memoriæ ANGELBERTUS Prædeceffor noſter etiam eſt ſecutus, eam repetendo in ſua ordinatione, quæ incipit: *Cum nos dudum* &c. factam, in hac parte innovantes, cum dicta declaratione præcipimus & mandamus, quo ad religioſos Ordinis prædicti, ſalva Conſtitutione: *Quoniam, qui abiectis* &c. ſed & talis in Concilio Viennæſi edita. Nec non dictum ſtatutum, quod Dominus SIFRIDUS ad Canonicos Regulares S. Auguſtini & Præmonſtratenſium Ordinum, ſalvis eorundem Ordinum inſtitutis, extendebat, extendimus, in quantum ipſorum Ordinum patitur inſtitutio regularis, cui (ut clarum eſt) dicti Monachi inſerviunt lexiori, præcipimus inviolabiliter obſervari: pœnasque & ſententias, in dicto ſtatuto expreſſas, repetentes, eas in contradictores & rebelles, Canonica monitione præmiſſa, ſerimus in his ſcriptis.

C. VI. Contra Moniales portantes ſecularia veſtimenta.

Subſequenter pie recordationis D. BONIFACII PAPÆ Octavi, quæ incipit, (b) *Periculofe* &c. & D. CLEMENS PAPÆ Quinti in Concilio Viennæſi editam conſtitutionem, conſervationem & reformationem ſtatus, & morum Monialium, cujuſcunque Religionis aut Ordinis extiterint, præcipimus obſervari diligenter: In quibus inter cætera caveatur, ut virtutum Domino, debitum reddant famulatum, nec Monachali poſt-poſita modeſtia, extra ſua Monaſteria impudenter diſcurrant: pannis ſericis, & variorum foderaturis, (c) & virgatis ſeu diverſorum colorum caputulis non utantur. Nec non Statutum bonæ memoriæ D. SIFRIDII ARCHIEPISCOPI COLONIENSIS, quod incipit, *Statuimus ut nullus Monachus aut Monialis* &c. quod poſtmodum bonæ memoriæ WALRAMUS, in quadam ſua ordinatione, quæ incipit, *Quæquam animarum* &c. laudavit & approbavit. Et WILHELMUS in Statuto per eum edito, quod incipit, *Item cum bonæ memoriæ SIFRIDUS* &c. idem ſtatuyendo repetit, pœnam adijciens excommunicationis in contrarium eorum, quæ in eodem Statuto perſtringuntur, facientes, innovamus cum pœnis & ſententiis contentis in Statutis ſupradictis.

C. VII. De Presbyteris Concubinariis, & Focariis ipſorum.

Porro Statutum bonæ memoriæ D. CONRADII Prædecefforis noſtri, per SIFRIDUM ejus Succefſorem (qui idem ſtatuit contra concubinarios publicos, & notorios, qui concubinis ſuis in ſuis domibus cohabitavit) innovatum, quod incipit, *EX CONCILIO bonæ memoriæ* &c. in quo inter cætera mandatur ſub excommunicationis pœna, quæ in contrarium facientes fertur, & quæſi ſententiam ſecus faciens incurrit ipſo facto, quod Sacerdotes manifeſti mulierum cohabitatores, concubinas ſuas de domibus ſuis, & Parochiis intra decem dies expellant, eis pro termino peremptorio, & monitione Canonica assignatos: quodque mulieres ipſæ per ſententiam excommunicationis in eas ferendam, Parochiam ipſam exire

R r r 3 com-

(a) urgente (b) De voto & voti redemptione in VI. (c) id eſt: pelliceis ſuffulturis.

compellantur, innovamus: statuentes, ut huiusmodi notorii fornicatores supradicti, quibus concubinæ suæ in domibus eorum cohabitant, si tales focarias publicas in domibus suis eis cohabitantes tenere præsumpserint per decem dies, nec eas a se abiecerint, & abegerint; & si dictæ fornicariæ notoriæ, abinde non recesserint, tam ipsi focarii cohabitatores notorii, quam fornicariæ, (a) sententiam excommunicationis incurrant præsentis nostri statuti auctoritate, quam in eos, & eorum quemlibet serimus in his scriptis.

C. VIII. Ut capto aliquo Clerico statim cessetur a Divinis.

Item licet jam dudum certus modus per nostros Prædecessores traditus, sit omnibus manifestus, quo servato nullus Prælatus, Rector, vel alicuius Ecclesiæ intitularus civitatis & Diocesis Colonienfis, pretextu dubii aut ignorantie supinæ, quovis colore quæsito (in grave tamen suarum periculum animarum) ab observatione statutorum prædictorum nostrorum Prædecessorum, & mandatorum, pænarum, & sententiarum latorum in eisdem, se rationabiliter valeat excusare: tamen ne quis ad declinandum executionem eorundem mandatorum, conscientia scrupulosa dubitate se dicat, ubi æqua ratione dubitandum non est, statutum dudum in provinciali Concilio Coloniaensi super hoc salubriter editum, ut de huiusmodi modo prædicto cognitio certior habeatur, ipsum innovantes duximus annotandum, in hæc verba: "Statuimus, ut Prælati, Archidiaconi, Præpositi, Decani, Rectores Ecclesiarum, seu (b) Capellani ac eorum Vicarii, quam cito capti vitas Clerici, vel spoliū, aut aliquod forisfactum, de quibus est supradictum, ad eorum notitiam, vel fama deferente, vel alio quocunque modo pervenerit, statim cessetur (c) a Divinis, ubi hoc juxta præmissa fuerit faciendum, & ad observationem, & executionem dictarum sententiarum per se vel per alios teneantur. Alioquin non obstant excusatione crasse ignorantie, pænis & sententiis subiacent supradictis.

(a) alias: focariæ.

(b) Capellarium

(c) cessent

C. IX. Contra Usurarios, & exercentes contractum, qui nuncupatur Sandgelsb.

Præterea felix Record. D. ALEXANDRI PAPÆ Tertii Constitutionem, Quia in omnibus &c. contra Usurarios in Concilio generali editam, quæ prohibet usurarios manifestos ad Altaris communionem admitti, præcipientes oblationes eorum non recipi, & in morte eis denegari Ecclesiasticam sepulturam, Clericos contrarium facientes, donec ad arbitrium Episcopi satisfaciant, ab executione sui officii vult manere suspensos. Nec non felix Record. Domini GREGORII PAPÆ Decimi Constitutionem: Usurarum voraginem, quæ Concilium Lateranense prædictum pænis adiectione juvat, ipsum Concilium innovando: & constitutionem: Quæquam usurarii, in Concilio Lugdunensi, editam, quæ statuit, quod manifesto usurario (licet ipse usuras extortas restitui mandaverit, Ecclesiastica tamen denegabitur sepultura, nisi prius satisfaciat, vel secundum formam illius constitutionis idonee caveatur, sepeliendo eos contra illam constitutionem, pænam Lateranensis Concilii prædictam incurrant, testamenta ipsorum aliter facta non valeant: nec eis testamentis condendis aliquis debet interesse, vel eos absolvere, vel ad confessionem admittere. Nec non pax Record. Domini CLEMENTIS PAPÆ Quinti constitutionem, Ex gravi, in Concilio Pienensi editam, per quam Officiales communiatum, facientes, dicantes, vel scribentes Statuta super usuris solvendis, non repetendis, non restituendis, vel judicantes secundum illa Statuta, vel non delentes illa statuta, si possunt, intra tres menses de libris communiatum, vel illa statuta servantes, sunt excommunicati: & pertinaciter asserens, exercere usuras, non esse peccatum, hæreticus est censendus. Executioni mandantes eas, præcipimus, & mandamus, inviolabiliter observari. Statutum quoque bonæ memorie SIFRIDI, quod incipit, Statuimus, ut usurarii &c. & WICHOLDI Prædecessorum nostrorum, quod incipit, Excommunicamus, & excommunicatos nostimus &c. & HENRICI, quod incipit, Item statuimus, ut usurarii &c. per quæ quidem statuta & mandata

idem

idem Prædecessores nostri usurarios manifestos, qui ultra sortem principalem seu debitum principale aliquid receperint, excommunicarunt, & excommunicatos publice mandarunt, vigore huiusmodi statutorum, & mandatorum nuntiari: Nec non etiam statutum, ordinationem & mandatum bonæ memoriæ WILHELMI Prædecessoris nostri, quod incipit, *Omnibus, quibus ex privilegio* &c. in quo contractus detestabiles, qui moderno tempore pullulant communiter & vigent, quos vulgus *Handgeld* appellat, idem Prædecessor noster usurarios, prout re vera sunt, censuit & declaravit, ipsosque contractus tanquam vere usurarios damnavit, & ab eis præcepit, ut illicitis, abstineri contractibus: atque omnes, & singulos huiusmodi contractus *Handgeld* nuncupatos, manifeste exercentes, publicos: & clam exercentes, occultos seu non manifestos usurarios fore denunciavit: & ipsos decrevit pœnis, & sententis contra usurarios latis subiacere: Innovantes, (a) ipsa statuta prædicta sub pœna in eisdem & aliis in iure expressis, statuentes, mandantes, & declarantes eadem, ut supra mandavimus, firmiter observari.

Usurarios autem manifestos vocat in hoc casu dictum statutum SIFRIDI, Statuimus &c. de crimine huiusmodi per confessionem in iudicio factam, aut per sententiam contra tales super huiusmodi crimine latam convictos, quæ in rem transivit iudicatam, vel per evidentiam facti, vel rei evidentiam, quæ nulla potest tergiversatione celari.

C. X. *Ne aliquis Sacerdos inebrietur, vel calceos rostratos deferat.*

Præterea cum ex decreto Concilii *Agathensis*, quod incipit, *Ante omnia* &c. *ebrietas* (quæ omnium vitiorum fomes est, & nutrix) Clericis summe vitanda sit, & Apostolus Sacerdotem damnet (b) *violentum*, Sacerdotesque in Templo Domini ministrantes, lege veteri vinum, & ficeram bibere prohibiti sunt, ne crepula & ebrietate corda eorum gravarentur: Nos dicto Concilio, quod ebrium Sacerdotem triginta dierum spatio a communionem submovet, inhxerentes, statuimus & ordinamus, si quis Presbyter Beneficia-

tus gale deserviens, incaute se inebriaverit: vel ebrius existens, in Ecclesia in qua intulatus existit, Divinum perturbaverit Officium, vel insolentiam commiserit, aut Clericum intulatum, vel servitorem illius Ecclesiæ in ea vel ejus immunitate verbo vel facto, probris, contumeliis, aut quibusvis aliis injuriis affecerit, per unum mensem continue, presentis nostri statuti auctoritate a perceptione fructuum Beneficiorum suorum sit suspensus ipso facto: intra quem, si aliquid etiam sibi oblatum ex fructibus ipsis percipere præsumpserit, licet paratus id fuerit restituere sine mora, excommunicationis sententiam incurrat eo ipso, (c) quam in ipsum serimus in his scriptis, ipsumque sic excommunicatum, usque ad satisfactionem condignam publice præcipimus nuntiari. Dignum enim est, ut is, qui Christum annuntiat ut Sacerdos, ab omnium vitiorum incentivo prestare se debeat alienum: & secus agens, censura debita a vicis arceatur.

Pœnam quoque & sententias per Nos latis in hac constitutione & ordinatione ad Clericos, cujuscunque gradus extiterint, & personas Religiosas, calceos rostratos portantes, seu more militum desuper notabiliter perforatos, duximus ad ipsam constitutionem extendendas.

C. XI. *Quod Matrimonium contrahere volentes, debito modo proclametur.*

Item Statutum seu mandatum piæ memoriæ Domini HENRICI Prædecessoris nostri, quod incipit, *Item præcipimus Ecclesiarum Praetis*, &c. in quo præcepit, banna seu proclamationes matrimoniorum inter sponsalia, & matrimonia contracturos fieri debere tribus diebus Dominicis vel Festivis, a se distantibus, & non una die duas simul proclamationes fieri, innovamus & præcipimus, statuentes illud idem, & addentes, quod in huiusmodi proclamationibus faciendis & imminentibus, nomina, & cognomina personarum contrahere volentium & debentium, expresse, & clare, & intelligibiliter ad populum in Ecclesia tempore congruo recitata publicentur, ut si quod impedimentum inter eos extiterit, quo mi-

(a) innovamus

(b) I. Timoth. III, 2.

(c) ipso facto

minus legitime valeant matrimonialiter copulari, Ecclesia plenius certificati possit de eodem. In contrarium facientes, suspensionis ab Officio & Beneficio sententiam ferimus in his scriptis.

C. XII. *De Cautionibus recipiendis in mortis articulo ab absolvendis.*

Item precipimus, statuimus, & mandamus sub pena suspensionis ab officio, quam in contrarium facientes ferimus in his scriptis, quod si quis Rector Parochialis Ecclesiarum nostrarum civitatis, & Diocesis, aut ejus vices gerens, aut alius Presbyter Nobis subditus, cui Parochianum suum excommunicatum majoris excommunicationis sententia, juxta constitutionem, Parochiano, à felicis Rec. GREGORIO PAPA Nono editam, in mortis articulo incumbit absolvere, prius, quam eum absolvat, idoneam cautionem, id est, fidejussionem, vel pignoratitiam, si poterit: alioqui juratoriam recipiat de satisfaciendo parti, & excommunicatori, & parendo juri intra mensem, si convalescit. Alioqui intra mensem post ejus mortem, per suos fidejussores, qui se ad id obligabunt bona fide, aut per traditionem, & venditionem pignorum receptorum, ad quod idem excommunicatus, ejusque heredes, si & qui presentes fuerint, contentient expresse, quodque etiam idem Rector seu Presbyter absolvens, intra dictum mensem pramissa omnia, & singula cum nominibus, & cognominibus excommunicati sic absolvi, & fidejussorum ejusdem, nec non qualitatem, valorem, & estimationem pignorum receptorum (quid super his opus sit factum, sciscitaturus) parti ad cujus instantiam talis processit excommunicationis sententia (si commode ipsius copiam habere poterit) ut Officiali nostro, & Sigillifero Curie Colonien-sis fideliter quotocitius non differat intimare.

C. XIII. *Quod moniti ab Officiali Colonien-si, nisi intra terminum monitionis satisfecerint, sint excommunicati.*

Item Statuto & præcepto felicis Recordationis D. HENRICI Prædecessoris nostri inherentes, quod incipit, *Item*

cum plures, &c. precipimus sub excommunicationis pena, & mandamus, ne quis monitus auctoritate nostra, seu Officialis nostri (ut intra certum peremptorium terminum expressum, parti de expensis, vel interesse, vel alias, & Nobis seu Officiali nostro de contemptu, vel alias, ubi ex officio procedi contingit, satisfaciatur competenter: alioqui, quod dicto termino lapsa, excommunicationis sententiam, in ipsis literis, & scriptis latam incurrat) transacto hujusmodi termino, nullatenus pro absoluto (taliter monitus) a dicta excommunicationis sententia, sed potius pro excommunicato teneatur, nisi literas absolutionis super hoc exhibuerit competentes: etiam si forte interveniente amabili compositione inter partes, termino hujusmodi monitionis pendente, pars acquiescat adversa: vel ipsas literas excommunicationis subtrahi, furripi, vel etiam (ut frequentius factum didicimus) studioso lacerari contingat.

C. XIV. *Contra injectores manuum in Clericos, vel minas, vel alius damna Ecclesiarum aut personis Ecclesiarum in quibus Beneficiati sunt, inferentes.*

Item licet statutum, quod incipit: *Item cum magnum sit scandalum*, dudum per felicis Record. Dominum HENRICUM, Prædecessorem nostrum, ejusque Suffraganeos in Provinciali Concilio Colonien-si editum contra Clericos, sacrilegium in Clericos committentes, manus mittendo violentas, aliquantulum sit provisum: tamen futuris periculis, quæ in aliis partibus (quod dolenter reterimus) in hoc casu novimus accidisse, occurrere cupientes, precipimus & mandamus omnibus & singulis tam Cathedralis, quam aliarum Ecclesiarum Collegiarum nostræ civitatis & Diocesis, sub pena suspensionis, quam in Capitulum singularium personarum ferimus in his scriptis, si secus fecerint, ut intra quatuor menses a tempore publicationis hujusmodi nostri mandati, juramento quod per novum Canonicum, vel alium, ibidem Ecclesiastico vel laicali officio intitulandum vel intitulatum, tempore receptionis suæ in Canonicum & in fratrem, locum, vel intitulatum, de consuetudine ipsius cujuslibet Ecclesie præ-

fieri

stari consuevit, inter cætera Capitula in huiusmodi iuramento descripta, interferant & inscribant, interfieri & inscribi, & annexi faciant hanc clausulam, quod ipse Canonicus, vel talis inticulatus, in nullam personam ejusdem Ecclesie suæ, cujuscunque ordinis vel conditionis existat, in ipsa Ecclesia beneficiatam & inticulatam, aut quæ alias de ejus gremio fuerit, eam capiendo, occidendo, vel aliis injuriis enormibus lethaliter afficiendo, non fœvier per se vel alium, publice vel occulte, animo suspecto & diffinio consilio scienter, nec eidem, nec Ecclesie suæ in bonis & rebus violenter inferat damna incendis, & rapinis, debito justitiæ & juris executione contentus. Istudque Capitulum, inter alia per huiusmodi Canonicum novum vel inticulatum præstari facient sine fraude, ut sic sinistra in eogitatione voluntas cautius reprimatur, ne in actione postmodum periculosius dominetur. Quod si præstare noluerit vel recusaverit, suspensionis sententiam, quam a perceptione fructuum beneficii (propter quod in ipsa Ecclesia iuramentum est præstiturus) ferimus in his scriptis, autoritate præsentis nostre ordinationis & mandati se noverit incidisse.

C. XV. *Ut servitores Dominorum Ecclesiasticorum, possint deferre vestes Clerici prohibitas.*

Item cum per nonnulla statuta Prædecessorum nostrorum, & Nostra, Clerici vestes panni certi coloris tincti deferre (si locus fecerint poenas & sententias in ea parte latis incursum) districte prohibeantur: decernimus & declaramus ex certa causa, huiusmodi statuta, mandata, pœnaeque & sententias Clericos, qui ex largitione vel munificencia nostra, vel aliorum Principum, seu Dominorum Ecclesiasticorum, quorum familiares vel servitores existunt, vestes huiusmodi coloris prohibiti forsan deferentes, non completti, & locum in eis non habere.

C. XVI. *Quod quilibet tenetur in anno semel confiteri, & Sacramentum Eucharistiae a proprio accipere Sacerdote.*

Item statutum bonæ memoriæ Domini HENRICI Prædecessoris nostri,

Tomus IV. Concil. German.

seu præceptum, quod incipit: *Canonem, quorum sumus executores &c.* in quo mandato præcipit, ut omnis utriusque sexus fidelis Diocesis Colonienfis, postquam ad annos discretionis pervenerit, omnia sua peccata [prout in Concilio generali perstringitur] suo proprio Sacerdoti, si ea alteri legitime confessus non fuerit, saltem semel in anno, fideliter confiteatur, & adjunctam sibi poenitentiam pro viribus studeat adimplere, suscipiens reverenter ad minus in festo Paschæ annis singulis Eucharistiae Sacramentum, nisi forte de proprii Sacerdotis consilio, ob aliquam causam rationabilem, ad tempus ab ejus perceptione duxerit abstinendum, repetendo præsentibus innovamus. Per hoc tamen, quin Prædicatorum, Minorum, & aliorum Ordinum Fratres, & alii, quibus ex privilegio vigore Constitutionis: *Dudum &c. in Concilio Viennensi editæ*, vel alias id competit, confessiones sibi confiteri volentium, libere licetque audire, ac eisdem poenitentias imponere salutare, nec non eisdem beneficium absolutionis (nisi in casibus Episcopis specialiter reservatis) juxta formam constitutionis prædictæ impertiri valeat, nullatenus derogando.

C. XVII. *Ne Clerici uxorati vel bigami, in spiritualibus causis judicent.*

Item statutum seu mandatum dicti quondam Domini HENRICI, quod incipit: *Item ut erroribus &c.* mandans, ut nullus Clericus uxoratus vel bigamus, sub quocunque colore quæsito in causis Ecclesiasticis vel Spiritualibus, judicare aut jurisdictionem exercere præsumat, declarans & decernens, si locus factum fuerit, irritum (prout est) inane, repetendo præsentibus innovamus.

C. XVIII. *De Fructibus Beneficiorum, ex causa permutationis aut alias vacantium.*

Item felicitis Record. Domini WALRAMI Prædecessoris nostri statuta, mandata, & præcepta per ipsum edita, quorum primum incipit: *Omnium malorum radix &c.* & statutum ejusdem, quod incipit: *Item quæ causas &c.* cum ejus modificatione, quæ incipit: *Cum movetur morbus &c.* in quibus, ne Ecclesie, dum eis vacantibus, fructus Beneficiorum vacantium in eisdem, ad certos annos

S s s

usui

usui Ecclesiæ vel defuncto debitos, ad alios usus indebite, & aliquando plus debito tempore, & ultra tempus debitum convertuntur, non sine gravi cultus Divini detrimento, debito ministrorum destitutæ diutius deplorent obsequia, opportuno subvenitur remedio.

Item statutum ejusdem Domini WALRAMI, quod incipit: *Item nonnullæ &c.* per quod contra abusum, quo se nonnulla Capitula Ecclesiarum defendere conantes, contendunt, ubi via permutationis legitimæ aliquis Beneficiatus in alienum locum transfertur, per biennium debere expectare, priusquam fructus Beneficii permutati in eorum Ecclesia percipere valeat, eos fructus sibi usurpantes, quamvis is in cujus locum talis Beneficiatus transfertur, seu translatus est, suæ expectantiæ tempus pro non modico temporis cursu, transacto, juxta consuetudinem Ecclesiæ ipsius jam compleverit, salubriter provideretur. Item statutum seu mandatum ejusdem quondam Domini WALRAMI, quod incipit: *Insuper ipsas Ecclesias &c.* cum ejus innovatione, quæ incipit: *Nuper scientes &c.* quod quidem statutum callidis machinationibus aliquorum Capitulorum Ecclesiarum Collegiarum Civitatis & Diocesis Colonienfis prædictæ, quæ Clericos simplices, impetrantes Canoniciatus & Præbendas in eorum Ecclesiis, dum vacant, allectos inducunt, propter juramentum, quod de observandis consuetudinibus Ecclesiæ suæ præstiterant, ut constitutione extravagante Domini JOANNIS PAPÆ Vigefimi secundi: *Suscepti Regimini*, & ejus Beneficio non utantur: quinimo quod etiam expresse renuntient eidem; debitæ provisionis remedium apponit, ipsaque innovatio statuti seu mandati, pœnas & sententias adjicit. Item statutum ejusdem quondam Domini WALRAMI Archiepiscopi, quod incipit, *Statuimus tamen &c.* quod permittit & facultatem concedit libere permutantibus, si voluerint fructus Beneficii duorum annorum expectantiæ suæ pro tribus libris grossorum Turonensium monetæ suæ, aut valore eorundem, seu fructus Beneficii unius anni expectantiæ consuetæ XXX. solidis ejusdem monetæ redimere, convertendis in utilitatem Ecclesiæ, & ornatum, ac fabricæ usum. Nec non statutum seu

mandatum præfati Domini WALRAMI quondam Archiepiscopi, quod incipit: *Dudum Prioribus &c.* in quo quidem statuto & mandato idem Dominus WALRAMUS in omnes & singulas personas, impedimentum præstantes, vel difficultatem ingerentes, quo minus dicti permutantes, in singulis Ecclesiis, in quibus hujusmodi factam constat esse permutationem, fructus Beneficiorum duorum annorum vel unius, ut præfertur, & pro summa superius taxata, redimere poterunt, & ad hujusmodi redemptionem libere admittantur, excommunicationis sententiam tulit, Canonica monitione præmissa, & in scriptis: quam excommunicationis sententiam, si per duodecim dies continuos contumaciter sustinerent, si quidem personæ ipsæ, Capitulum constituentes, seu major pars ipsius Capituli fuerint; extunc Ecclesiam ipsam, cujus personæ, ut præmittitur, rebelles fuerint, gratia prædicta expectantiarum & privilegio, in eisdem scriptis penitus spoliavit, & privavit, exnunc innovamus: eaque & contenta in eisdem, sub pœnis & sententiis in eisdem expressis, quas Canonica monitione præmissa, exnunc ferimus in contradictores & rebelles in his scriptis, precipimus, & mandamus firmiter observari. Præfata quoque statuta, mandata, & præcepta cum suis pœnis & sententiis, ibidem & per Nos latas, ad impetrantes, quo ad redemptionem duorum annorum, vel unius pro summa trium librarum Turonensium grossorum, vel XXX. solidorum Turonensium grossorum monetæ nostræ faciendam, & ad quæcunque Monasteria sæcularia & Regularia, in quibus Canoniciatus & Præbendæ sæculares, & pro personis & Clericis sæcularibus fundati sunt, & consistere dignoscuntur, extendimus per præsentem.

C. XIX. *Contra illos, qui in Consistorio Ecclesiastico deliquerint contra Officiale, Advocatos, vel Procuratores.*

Item statutum seu mandatum bonæ memoriæ Domini HENRICI Prædecessoris nostri, quod incipit: *Item omnes illos &c.* per quod quidem mandatum seu statutum fertur excommunicationis sententia in omnes & singulos, qui in

in Consistorio nostro Colonienſi, dum Officialis noſter ibi vel alibi, aut ubiquis alius Officialis jurisdictionem habens, præſederit pro juſtitia reddenda, in Advocatum, Notarium, aut Procuratorem, aut Officiarium Curie noſtræ vel ipſius, manus temere injecerint violentas, & in quoscuque qui ad id dederint conſilium, auxilium vel favorem: & ſi tales excommunicati, animo pertinaci & contumaciter per triduum ſuſtinuerint excommunicationis hujusmodi ſententiam, minime ſatiſfaciendo, nec emendam præſtando condignam, ad denuntiationem noſtri Officialis, vel alterius Officialis prædictorum, in Parochia, ubi & in qua tales delinquentes Parochiani extiterint, ceſſari præcipitur a Divinis: innovamus, & in eos, qui taliter exceſſerint, ſententias excommunicationis, Canonica monitione præmiſſa, ferimus in his ſcriptis, volentes in eorum Parochiis, modo & forma ſupradictis, ceſſari a Divinis, quousque præſtiterint emendam condignam.

C. XX. Quod omnes habeant Capita Statutorum Colonienſium.

Cæterum omnia & ſingula ſtatuta Prædeceſſorum, uſu & moribus utentium recepta & uſitata, quæ Canonum conſtitutionibus, ac Sanctorum Patrum, & Regularibus non obviant inſtitutis,

innovamus, & ea firmiter & inviolabiliter ſtatuito obſervari mandamus: præcipimusque nihilominus ſub excommunicationis pœna omnibus & ſingulis Eccleſiarum Parochialium Rectoribus, ſeu eorum vices in hoc Synodo gerentibus, ut omnium & ſingulorum ſtatutorum Colonienſis Eccleſiæ & Prædeceſſorum noſtrorum, quæ nunc expreſſe cum inſertione & recitatione effectus & vigore eorum innovamus, recitari ſcientes, ſi ea non habuerint: nec non eorum ſtatutorum & mandatorum per Nos editorum, & quæ nunc fecimus, & mandamus publicari, copiam ſolicite recipiant & procurent intra duos meſes a tempore publicationis ſeorundem, vel quanto citius (intra tamen dictum tempus) habere poterint. Capitula vero & Conventus Sæcularium & Regularium Eccleſiarum & Monafteriorum, eadem ſtatuta innovata (ſi non habuerint) & mandata Prædeceſſorum noſtrorum, atque Noſtra fideliter tranſcripta, intra tres meſes a publicationis tempore prædicto ſtudeant obtinere, in armariis Eccleſiarum ſuarum ſub ſida cuſtodia cautius obſervanda, ne quis ignorantiam eorum poſtmodum ſupine forſan allegando, ſed ab eorum obſervatione debita valeat excuſare. Datum ſub ſigillo noſtro, præſentibus appenſo, Anno Domini MCCCLXXI. caſtino B. Remigii Confeſſoris,

Quod Curati intra meſem reſideant in Beneficiis ſuis curatis, & indicitur Synodus proxima.

FRIDERICUS, DEI GRATIA, SANCTÆ COLONIENSIS ECCLESIÆ ARCHIEPISCOPUS, SACRI IMPERII PER ITALIAM ARCHICANCELLARIUS, UNIVERſIS ET SINGULIS, TAM SÆCULARIBUS, QUAM REGULARIBUS, ECCLESIARUM ET MONASTERIORUM ABBATIBUS, PRÆPOSITIS, PRÆLATIS, PRIORIBUS, DECANIS, COLLEGIS, CONVENTIBUS, PLEBANIS, EORUMQUE VICES GERENTIBUS, CÆTERISQUE BENEFICIATIS, ET CLERICIS, ET RELIGIOſIS, CUJUSCUNQUE STATUS, CONDITIONIS AUT ORDINIS EXISTANT, CIVITATIS ET DIOCEŒSIS COLONIENSIS, NOBIS SUBDITIS, SALUTEM IN DOMINO SEMPERTERNAM.

AD audientiam noſtram ſida relatione pervenit, quod nonnulli Eccleſiarum Collegiarum & Monafteriorum utriusque ſexus Prælati, nec non Eccleſiarum Parochialium Rectores, noſtrarum civitatis & Dioceſis Colonienſis, ipſas Eccleſias & Monasteria deſerentes, in aliis locis reſident, contra ſacrorum Canonum Sanctiones: propter quod curæ animarum & diſciplinæ Eccleſiaſticæ

ipſis commiſſæ, multipliciter detrahitur, ac eorum ſubditi, & Eccleſiæ, & Monasteria, in ſpiritualibus & temporalibus damnabiliter deſraudantur. Nos igitur hunc morbo tam deteſtabili, quam pernicioſo medelam adhibere cupientes, omnibus & ſingulis Eccleſiarum & Monafteriorum Prælatiſ utriusque ſexus, curam animarum habentibus, per quos in ipſis Eccleſiis & Monasteriis Eccleſiaſtica

fica disciplina gubernatur, ac Ecclesiarum Parochialium Rectoribus, nostrarum civitatis & Diocesis prædictarum, districtè præcipiendo mandamus, quatenus intra unius mensis spatium, a data præsentium computandum, ad suas Ecclesias & Monasteria, in quibus Prælati & Rectores existunt, revertantur, & de cætero personaliter continue resideant in eisdem, onera seu officia ipsis vigore Prælaturarum suarum, seu Regiminis incumbencia, auctore Domino, feliciter gubernando. Quod si quis eorum secus fecerit, dicto mense elapso, Canonica monitione præmissa, ipsum excommu-

nicationis sententiam (quam pro nunc, prout extunc ferimus in his scriptis) incurrere volumus ipso facto, alias penas nihilominus eidem, prout ipsius contumacia seu protervities exegerit, infligendi: absolutionem autem omnium & singulorum, qui dictam excommunicationis sententiam incurrerint, Nobis specialiter reservantes. Et ne aliquis prædictorum aliquam ignorantiam protendere valeat in præmissis, volumus in proxima instanti Synodo nostra Colonia celebranda, publicari. Datum Lechnich sub Sigillo nostro præsentibus in testimonium appenso, anno ut supra.

SYNODUS COLONIENSIS

Anno Christi MCCCLXXII. Gregorii XI. Papæ II. Caroli IV. Regis XXVI.

SUB FRIDERICO III. ARCHIEPISCOPO COLONIENSI

Tenor Privilegiorum Cleri Coloniensis.

FRIDERICUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHICANCELLARIUS, DILECTIS VOBIS IN CHRISTO PRIORIBUS, PRÆLATIS, ac UNIVERSO CLERO CIVITATIS ET DIOCESES NOSTRARUM COLONIENSIS, SALUTEM IN EO, QUI EST OMNIUM VERA SALUS.

Iustis petentium desideriis, dignum est Nos promptum facilemque præbere auditum: & vota petentium, quæ a rationis tramite non discordant, affectu prosequente complere. Eapropter petitiones vestras Nobis nuper oblatas, benigno prosequentes affectu, gratiosè vobis omnibus, & singulis omnem indignationem, si quam contra vos, vel aliquem vestrum, communiter vel divisim, unquam concepimus, ex puro corde omnino remittimus, & medullitus indulgemus, vobisque omnia privilegia, omnesque immunitates, libertates & gratias, a Prædecessoribus nostris vobis concessas, & Ecclesiarum consuetudines licitas & honestas, confirmamus, & præsentis pagine scripto innovamus. Vo-

bisque nihilominus infrascriptas libertates & privilegia, ad amicitie mutue & conventionis reciproce compaginem indissolubili glutino connectendam, liberaliter concedentes:

C. I. *Inprimis*, quod omnes & singuli Officarii nostri, qui nunc sunt, & qui in posterum per Nos creabuntur, inter alia in juramento ipsorum contenta, coram Nobis & nostris, nomine Cleri Civitatis & Diocesis nostrarum Coloniensis, juramentum hujusmodi recipientibus, jurabunt specialiter & expresse, quod personas, res, & bona Ecclesiastica, tempore administrationis suæ, pro posse suo defendent, nullasque talibus & exactiões ab eis recipient, collectasve imponent, nec libertates eorum impediunt, vel

Fridericus, Archiepiscopus Coloniensis, h. a. Diocesis suam ingressus, pacem in urbe inter Magistratum & Cives conciliavit, eosque adduxit, ut Sconfilium adversus Cleri libertatem editum rescinderent. Subinde ad Clerum formandum postmodum Remigii celebrem Diocesis Synodum evocavit, in qua tum vetera Episcoporum Decreta renovata, tum multis novis additis Cleri & populi disciplinam in melius composuit. *Scriptum Annal. Paderborn. T. II. pag. 382. ad annum 1371.*

vel perturbabunt. Et si contrarium (quod absit) per eos, eorumve subditos, vel familiares actum fuerit, intra unius mensis sparium, requisiti ex parte ipsorum, qui passi sunt injuriam, de præmissis condignam præstent emendam: extunc denunciatione Nobis facta, ipsos a suis Officiis, & administrationibus deponimus: & nihilominus contra eos, ne quovismodo transeant impuniti, per statuta Ecclesie nostræ Colonienfis secundum ipsorum senicm procedatur.

C. II. *Item* volumus, & præsenribus indulgemus, quod bona Ecclesiarum, & Ecclesiasticarum personarum communiter vel divisim, quæ negotiationis causa minime deducuntur, per loca, ubi ex parte nostra telonium recipitur seu vectigal, transcurrant, sine protractione per telonarios nostros transire, expedire & libere permittantur: ita tamen, quod ipsi telonarii fides fiat per literas Capitulorum Colonienfium, quorum bona deducuntur, sub sigillis ipsorum, inserto in eisdem literis, quot caratæ vini, vel quantitates bonorum aliorum, ex parte ipsorum & nomine deducantur, & nihilominus per juramentum deducentis bona hujusmodi, comprobentur dictarum personarum ea bona esse, nullis aliis viis seu bonis intermixtis, quorum nomine deferuntur. Dicti etiam telonarii nostri, qui nunc sunt, & qui in posterum per Nos creabuntur, jurabunt in Capitulo Colonienfi, vel super juramento alibi præstito, de præmissis observandis dabunt literas apertas, depositionis, & præfatas statutorum penas subituri, si contrarium fecerint, ut in articulo proximo est expressum.

C. III. *De Testamentis Clericorum.*

Adjungentes præmissis, quod quilibet Prælati, & Clericus nostrarum civitatis & Diocesis Colonienfis prædictarum, coram duobus vel tribus testibus fide dignis, suum testamentum, seu ultimam suam voluntatem de bonis suis quibuscunque libere valeat ordinare: habeantque testamenta, & voluntates hujusmodi & ipsorum executiones, absque cuiuscunque impedimento vel obstaculo, roboris pleoitudinis efficacem.

C. IV. *De Visitatione.*

Et ut Clerus civitatis nostræ Colonienfis, peculiari munificentia nostræ gaudeat prerogativa, ipsis, si Nos eos visitare contigerit, ab hinc ad sexennium, procuraciones remittimus per præsentem.

Prælati & Clerici, qui, quibus sub Judicibus conveniendi.

Insuper ut statui Prælatorum, & Cleri nostrarum civitatis & Diocesis Colonienfis prædictarum, per Nos uberius (quod summe appetimus) consularur, jurgique memoria perennetur idem status, præsentibus declaramus, Prælatos & Priores civitatis & Diocesis Colonienfis prædictarum, auctoritate ordinaria non posse aliter conveniri, nisi coram Nobismetipsis, & secundum eorum consuetudinem hætenus observatam: quodque Canonici Ecclesiarum Collegiarum civitatis Colonienfis, ab Officiali nostro & aliis Ordinariis Judicibus, ad Decanos suos, pro quibuscunque causis conventi, remitti debeant hoc petentes: nec alias auctoritate ordinaria judicari valeant, nisi in defectu iustitiae per Decanos & Capitula expedite reddendæ, secundum eorum consuetudinem hætenus observatam.

C. V. Quia, pro dolor, novis machinationibus laici Clericis de die in diem amplius sunt infesti; contra novos morbos nova medicamenta cogimur preparare. Idcirco ad eximendum Clerum nostrum in præmissis, & libertandum eundem, statuta Prædecessorum nostrorum volumus recenseri, corrigi, & emendari addendo & subtrahendo, & etiam acuendo penas in eis contentas, prout Cleri utilitas hoc suadebit, Officialem nostrum, qui pro tempore fuerit, executioni dictorum statutorum efficaciter, & fideliter depuraturi; nec per Nos, nec per dictum Officialem, vel quemcunque alium, hujusmodi executionem revocaturi, vel etiam relaxaturi simpliciter, vel ad tempus, nisi laeso secundo eorumdem statutorum tenore fuerit satisfactum.

C. VI. *Insuper* etiam vobis omnibus & singulis bona fide permittimus per præsentem, quod vos singulos & universos, tam in personis, quam rebus redditibusque, proventibus & obventionibus ve-

stris quibuscunque, omnibus modis, quibus poterimus, defensabimus, & tuebimur, & conservare studebimus effective. Et quod contra læsores & injuriatores vestros, ac libertatum & immunitatum vestrarum turbatores, cujuscunque status aut præminentie existant, & præsertim contra eos, qui de bonis vestris, quæ per loca quæcunque negotiationis causa minime deferuntur, telonia, pedagia, seu vectigal extorquent, durius quam poterimus acrimonia, brachiique nostri secularis potentia procedemus, dum super his per aliquem vestrum in præmissis læsum, fuerimus requisiti.

C. VII. Et quia ex conquestionibus vestris nuper accepimus, quod Ecclesie, Monasteria & personæ Ecclesiasticæ nostræ jurisdictionis, in suis curti- bus per Dominos temporales, ac interdum per nostros Officiarios, in vestris & aliis oneribus quam plurimum prægravantur: igitur sinceritatibus vestris præsentibus bona fide promittimus, quod super his perpenso consilio vias & modos excogitabimus, ut Vos Ecclesieque vestre, & Monasteria prædicta hujusmodi oneribus indebite, & excessive non graventur.

C. VIII. Etiam vobis omnibus & singulis benigna provisione prospiciemus, quod Clerici & personæ Ecclesiasticæ quæcunque, dum (ut interdum evenit) relaxationes interdictionum Ecclesiasticorum, in Ecclesias suas vel loca autoritatis nostræ, aut statutorum Ecclesie nostræ latorum, impetrare coguntur, per Sigilliferum Curie nostræ pro tempore existentem, indebite non aggraventur exactionibus importunis.

Cæterum vobis omnibus & singulis prædictis, bona fide præsentibus, promittimus, quod vobis omnes immunitates, libertates, privilegia, & gratias vobis per Nos concessas & concessas, effectualiter & firmiter observabimus, & per nostros Officiarios quoscunque inviolabiliter mandabimus & faciemus observari.

C. IX. De Decimis.

Promittimus insuper, quod quodcumque a Collegiis & Clericis, nostræ jurisdictioni subiectis, Decimam seu De-

cimas recipere nos continget, quod pro ipsis Collegiis, ipsorumque Dignitatibus & Officiis, ac Ecclesiis Parochialibus & Capellis, ipsis unitis & annexis, ulteriorem solutionem Decimarum non exigemus, aut exigi faciemus, nisi prout ipsa Collegia hætenus Decimasolvere consueverunt.

Præmissis etiam ad benevolentie vestre exuberantiam plenior, gratiosè duximus annexendum, quod nec Nos, nec Officiarii nostri in comitatu de Hykenrode, vel aliis territoriis Nobis subiectis, a Nobis deputati, vel etiam deputandi, de bonis seu terris Ecclesiarum, Decimas Nobis nunc solventium, exactiones seu tallias extorquebimus, seu extorquebunt.

C. X. De panis in Hykenrode.

Et nihilominus Coloni Ecclesiarum & Monasteriorum in comitatu Hykenrode, pro pena, quæ vulgariter dicitur *Wedde*, septem solidos & sex denarios tantum solvent; nec ad aliam penam judicariam, quæ *Wedde* dicitur, ratione possessionum, terrarum, seu bonorum Ecclesiarum & Monasteriorum prædictorum tenebuntur, nisi pena linguis sint plectendi, vel penam quæ *Ho-wedde* dicitur, incurrerint, quas luent, sicut in aliis territoriis observatur.

Item si contingeret Nos decimas intra sex annos a Sede Apostolica impetrare, nos illas defalcabimus de decimis, nobis nuper per vos concessis.

Item si contingeret vos vel ecclesias vestras bonis vestris spoliari, nos decimas nobis per vos concessas moderabimur sic, ut ipsarum solutio vobis non existat nimium onerosa.

C. XI. De Decimis Papæ.

Si vero Dominus noster Summus Pontifex Decimas sibi dari vellet, Nos ad evadendum, seu ad mitigandum ipsarum solutionem, vobis consilio & auxilio assistemus, in quantum absque Sedis Apostolicæ injuria possumus & offensa. In quorum omnium robur & testimonium, Sigillum nostrum majus præsentibus duximus apponendum. Datum Colonie anno Domini Millesimo trecentesimo septuagesimo secundo, die vigesima sexta mensis Augusti.

CON-

CONCILIIUM MONASTERIENSE

SUB FLORENTIO EPISCOPO,

Anno Christi MCCCLXX. Gregorii XI. Papæ I.
Caroli IV. Regis XXIV. xxv. Martii.

Statuta Synodalia Reverendi in Christo Patris & Domini, Domini FLORENTII, Episcopi MONASTERIENSIS, feliciter incipiunt: PRIMUM: quod omnes utriusque sexus semel in anno confiteantur integre omnia sua peccata proprio Parochiali, & ab eodem capiant Eucharistiæ Sacramentum, & quod Fratres mendicantes non habent ampliorem potestatem in audiendis Confessionibus, quam Curati.

FLORENTIUS, DEI gratia, Monasteriensis Episcopus. Dudum pie memoriz Dominus EVERHARDUS Monasteriensis ecclesie Episcopus, Predecessor noster, Statutum Synodale Diocesani in Synodo sua Generali Diocesana fecit, & statuit: quod omnes Sacerdotes Parochialium ecclesiarum frequenter & diligenter admonerent suos subditos utriusque sexus homines: "ut postquam" ad annos discretionis pervenerint, omnia peccata sua integre, & ad minus semel in anno confiteantur proprio Sacerdoti Parochiali, & injunctam eis poenitentiam studeant adimplere, suscipiendo reverenter in Pascha ad minus Eucharistiæ Sacramentum, nisi de consensu proprii Sacerdotis ob aliquam rationabilem causam duxerint abstinendum, alioquin vigentes, ab ingressu Ecclesie arceantur, & morientes, Christiana careant sepultura." Quod quidem Statutum de Concilio & consensu Capituli nostri Monasteriensis approbamus, & confirmamus, ac renovamus, ac volumus inviolabiliter observari, vobis, & cuilibet vestrum districte precipiendo injungimus, quatenus frequenter & publice de ambone infra Missarum solemnias, & extra, prout magis congruit, singulis diebus Dominicis & Festivis vestris subditis publice & materna lingua exponatis, seu ad eorum notitiam deducatis hujusmodi Statutum Synodale. Mandantes eisdem vestris subditis, & admonentes eisdem, quibus & Nos presentibus in virtute sancte obediunt, & sub poena excommunica-

tionis mandamus, & monemus eosdem, ut contenta in hujusmodi statuto in omni sui forma observent: alioquin contrarium facientes, & nostris hujusmodi mandatis non obediens, in quantum rigorosius de jure poterimus, procedemus: quia in sacris Canonibus est scriptum, quod si quis venerit contra Decretum Episcopi, ab Ecclesia abjiciatur. Ceterum declaramus & decernimus, quod si quis opinaretur, seu asserere conaretur, quod Fratres Minores, & Prædicatores, aut Augustinenses latiore, ampliore, & majorem auctoritatem habeant absolvendi ipsos confitentes, quam ecclesiarum Parochialium Rectores, & Curati: & dictorum Ordinum Fratres haberent in mille casibus auctoritatem a peccatis absolvendi, in quibus Ecclesiarum Rectores absolvere non possent, nec deberent, quod hujusmodi opinio & assertio est erronea, & contra sacros Canones, & contra Statuta, & Decretum Papæ, prout expresse habetur in C. Dudum: quod alias incipit: Super Cathedrali de Sepultura, & in C. Per hujus autem concessionem, ubi cavetur: Minores, Prædicatores, & Augustinenses ampliore non habent potestatem in confessionibus, quam Curatis, & Parochialibus Sacerdotibus est concessa, nisi forsitan eis Ecclesiarum Prælati, id est, Diocesani uberiores in hac parte gratiam specialiter ducerent faciendam. Vobis autem Plebanis, & Parochialium ecclesiarum Rectores, & Curatis precipue districte precipiendo mandamus sub poena suspensionis ab ingressu ecclesie, quam in vos, & quolibet vestrum,

trium

trium dierum tamen monitione pro termino preemptorio præmissa, ferimus in his scriptis, si non feceritis, quod mandamus, ut copiam præmissorum infra sex dies a data præsentium continue currentes, ab Officiali nostro recipiatis, ac præmissa Parochianis vestris infra decem dies a data præsentium continue subsequentes, in Ecclesiis vestris publicetis, ne aliquam occasionem ignorantie super his præsumant, & prætendant, & quidquid in præmissis feceritis, ac nomina rebellium, seu monitorium, Nobis fideliter rescribatis, & eorum absolutionem Nobis, seu Officiali nostro specialiter referamus, in quorum omnium testimo-

nium sigillum nostrum, una cum sigillo Capituli nostri ad causas in signum sui consensu appposito, præsentibus est appensum. Et Nos Capitulum Ecclesie Monasteriensis recognoscimus, sigillum nostrum in signum consensu, una cum sigillo Reverendi in Christo Patris, ac Domini D. nostri FLORENTII, episcopi Monasteriensis, prædicti appendisse.

Datum anno Domini Milleſimo CCC. LXX. in crastino Assumptionis Beate MARIÆ Virginis.

Impressum Monasterii Westphaliæ in 4to anno 1486. Recusum a Lumig. Continuat. II. Spicilegi Ecclesiastici pag. 806.

Statutum aliud Domini FLORENTII de peregrinis euntibus in via sine licentia, & de locis interdictis & consimilibus.

FLORENTIUS Dei gratia, Monasteriensis Ecclesie Episcopus. Perniciosus quidem, intelleximus, in nonnullis nostræ Diocesis partibus abusus invaluit, quod loco aliquo ecclesiastico supposito interdicto, Parochiales loci interdicti ad vicinas Ecclesias, seu capellas contiguas pro Divinis audiendis officiis accedant, & ibidem indifferenter admittuntur, sacros Canones contemnendo; quod sicut juri con-

trarium, ita correctione dignum judicamus. Mandamus sub pena excommunicationis firmiter observari præcipimus, ut diebus Dominicis & Festivis, & aliis, cum opus fuerit, Presbyteri quicunque antequam Missam celebrent, populum interrogent, si aliquis in Ecclesia seu Capella sit, qui de loco interdicto existat? quem, seu quos invenerint, statim ab Ecclesia ejicient.

Statutum: quod cessante Matrice Ecclesia cessabunt omnes alie a Divinis.

Cum vero in jure cautum existit, quod non decet membra a capite discedere, sed juxta scripturæ testimonium omnia membra caput sequuntur; Mandamus, & sub pena prædicta præcipimus observari, cum nostra sponsa Monasteriensis Ecclesia a Divinis cessat officiis seu interdicta teneatur, ne censura incurtatur Ecclesiastica, in cæteris locis sacris a Divinis cessari dictæ nostræ Monasteriensis civitatis, & in continentiis Beneficiis nolumus apertis celebrari janguis. Cæterum ad Nos fide dignorum perduxit relatio, famaque valida ac publica acclamante lucidius attestatur, nonnullos utriusque sexus homines Nobis subditos mole debitorum paupertatis prohdolor variarum excommunicationum sententiarum laqueatos, atque oneratos frequenter itinera peregrinationis in diversis mundi partibus & locis facere, hætenus licentia Venerabilium Dominorum

Parochialium Ecclesiarum Rectorum minime petita, & obtenta præsumpserunt. Cum autem iter peregrinationis non solum Clericis, Episcopi licentia non obtenta, sed etiam sit a jure prohibitum: mandamus, & præcipimus sub pena superius expressa, ne deinceps subditi nostri itinera peregrinationis facere præsumant, nisi confessi petita & obtenta ab eorum Plebano licentia; quam licentiam excommunicatis & interdictis penitus denegamus concedendam. Presbyterum autem proprium, aut alienum Parochianum publice excommunicatum, vel interdictum, scienter ad aliquod Ecclesiasticum Sacramentum, vel Divinum Officium admittentem, seu contrarium facientem, ab Officio Divinarum, trium dierum monitione præmissa suspendimus: laicos vero inhibitioni & interdicti minime parentes, sed contrarium facientes, quos Nos Canonica monitione sex dierum præ-

præmissa (quorum duos pro primo, & duos pro secundo, & reliquos duos dies pro tertio & peremptorio ipsis, & eorum cuilibet assignamus in his scriptis) in nomine Domini excommunicamus, excommunicatos publice nunciatis: Sacerdotes vero attendant diligenter, contrarium facientes, & nomina illorum ad Nos, vel Officiale nostrum referant sub pœna superius expressa, ut debite puniantur, ne ab ipsis Sacerdotibus notam negligentie requiramus; mandamus etiam universis & singulis Abbatibus, nec non Collegiatarum Ecclesiarum, & Curatarum Decanis, Præpositis, Plebanis nostrarum civitatis & Diœcesis Monasteriensis, populum sub se habentibus, sub pœna excommunicationis,

quam infra octo dies a datâ præsentium continue sequentes, currere volumus, præmissorum copiam de verbo ad verbum sub sigillo Officialis tergatenus appresso, & omnia & singula subditis eorum frequenter publicent, & insinuent, ne præmissa per ignorantiam supinam atque crassam se excusare aliquammodo possint ignorasse.

● Datum in Castro Wolbecke nostro sub sigillo. Anno Domini M.CCC. septuagesimo primo, decima quinta die mensis Martii.

Impressum Monasterii Westphalorum anno 1486. Recusum a Lunig. Continuat. II. Spicilegii Ecclesiastici pag. 807.



Epistola I. URBANI Papæ VI. ad Archiepiscopum Coloniensem, ejusque Suffraganeos, denuntians CLEMENTEM ANTI-PAPAM, ejusque Electores Cardinales a se excommunicatos, esse vitandos.

URBANUS EPISCOPUS, SERVUS SERVORUM DEI, VENERABILIBUS FRATRIBUS ARCHIEPISCOPO COLONIENSI, EJUSQUE SUFFRAGANEIS, SALUTEM ET APOSTOLICAM BENEDICTIONEM.

Nuper cum vinea Domini Sabaoth S. videlicet R. E. ventrem doleret, & amaricatis visceribus gravia emittere suspiria cogeretur ex eo, quia filios uteri sui, quos enutriverat, & de infimis ad culmina dignitatum extulerat, videlicet iniquitatis & perditionis alumnos, Robertum olim Basilicæ duodecim Apostolorum vulgariter dictum Gebennensem, Joannem olim tituli Sancti Marcelli, vulgariter dictum Ambianensem, Geraldum olim tituli Sancti Clementis vulgariter dictum majoris Monasterii, Præbiteros, & Petrum

(a) olim Sancti Eustachii Diaconum, Cardinales conspiciebat matris ubera spernere, & a rectitudinis tramite deviare, & non solum leges & monita materna despiciere, sed eorum matris uterum, quantum in eis erat, viperinis moribus (b) amantibus (c) laniare, & quod ipsi inconfutilem Domini tunicam scindere satagentes, scandalorum & scismatum seminaria præparabant, ac famæ suæ præligi, & honoris proprii persecutores effecti, non tantum se ipsos nexibus peccatorum involvere, sed in reprobam sensum ducti alios

(a) Perrus de Luna electus a schismaticis Cardinalibus anno 1394. sub nomine Benedicti XI. vel XII. vel XIII. sedit Paniscolæ in Catalonia annis terre XXX. contra veros Papas ad annum 1424.

(b) Avenione cepit schisma sub nomine Clementis VII. contra Urbanum VI. Obiit hic Antipapa anno 1394. Robertus antea dictus, Filius Comitis Gebennensis.

(c) forte: amarissimis.

Tonus IV. Concil. German.

alios secum ad præcipitum trahere conabantur. Nos qui Divina disponente clementia prædictæ vineæ sollicitudinem & curam gerebamus, prout gerimus, adversus huiusmodi prætergresses veritatis & fidei rectæ semitam, & prævaricationem addentes, ut eandem vineam demoliri in virtute Altissimi de Fratrum nostrorum consilio decrevimus exsurgendum, & contra ipsos & nonnullos alios adhaerentes ac faventes in istius nominatos per infra scriptum modum mediante iustitia duximus procedendum. Siquidem cum prædicti nequam viri, nescientes in semitis iustitiæ dirigere gressus suos, & timorem Dei præ oculis non habentes, contra conspirationes, colligationes & machinationes diversas facere, & in Ecclesia Dei schisma & divisionem ponere, & civitatem nostram *Anagninensem*, & *Castrum sancti Angeli de urbe*, & nonnulla alia castra, terras & loca Nobis & dictæ Ecclesie subiecta occupare, & occupari facere, & illarum occupationibus auxilium, consilium, & favorem præbere præsumpserunt, & præsumerent, & insuper, ut dictam civitatem & alias terras Provincie nostræ Campaniæ facilius occupare, & occupata tenere, & alios ad consensendum eorum iniquis voluntatibus & operibus violenter attrahere possent, magnam multitudinem gentium armigerarum, qui *Britones* & *Vascones* nuncupantur, ad dictas civitatem & Provinciam venire fecissent, & exinde quamplurima homicidia, sacrilegia, rapinae, depopulationes, & alia mala ac damna & scelera fuissent subsequuta. Nos qui salutem zelabamur illorum, sperantes illos ad cor reversuros, & viam iustitiæ repetituros, eos per Venerabilem Fratrem *Petrum Episcopum Portuensem*, & Dilectos Filios nostros *Simonem* &c. tales Cardinales, pluries per diversos alios probos Prælatos, ac magnæ authoritatis viros, ac etiam per literas nostras iteratis vicibus, ut ad viam veritatis & iustitiæ redire, & ab huiusmodi erroribus resipiscere vellent, duximus exhortandos, ac requirendos. Sed præfati nequam viri in sua pertinacia & superbia obstinati, post monitiones & exhortationes huiusmodi contra Nos, antea in urbe per ipsos & alios, ad quos

spectabat, in Papam electos, ac debitis & consuetis solennitatibus observatis inthronizatos, & publice coronatos (quibuscum tanquam cum Papa, & Summo Pontifice, in Missarum solemnibus, & consistoriis publicis ac privatis, consulendo & ordinando de Scitu Romanæ Ecclesie ac Reipublicæ, recipiendu a Nobis Ecclesiastica Sacramenta, ac dignitates, ac Beneficia Ecclesiastica pro se & aliis a Nobis impetrando, per plures menses tractaverunt) diversos libellos diffamatorios fecerunt, & ad diversos Prælatos, & Principes mundi transmiserunt, & tandem in profundum descendentes maiorum, & cupientes sanctæ Matris Ecclesie scindere unitatem in Civitate *Fundanensi* cum quibusdam aliis, quos cum machinationibus & diabolicis suggestionibus ad eorum impium propositum attraxerunt: congregati in domo iniquitatis filii Honorati Gaitani olim Comes (d) civitatis Fundorum, cum ipsius Honorati auxilio & favore præfatum Robertum temere eligendo *ANTI-PAPAM* fecerunt, ipsumque ausu sacrilego Papam nominare præsumebant, & præsumunt, ipseque Robertus se Papam nominare ausu temerario non pavebat, nec pavebat. Præterea cum etiam iniquitatis alumnus *Petrus olim Archiepiscopus Arlensis* & *Camerarius* noster dudum diabolico spiritu instigatus de urbe prædicta, ubi Nobiscum erat, sine licentia quasi furtive recessisset, & de Camera nostra quam plurima jocalia, & alias res & bona magni valoris & pretiosa, ad Nos, & ad Romanam Ecclesiam pertinentia secum asportasset, ad dictam civitatem Anagninensem se conferens, cum præfatis sceleratis viris *Roberto*, *Joanne*, *Geraldo*, & *Petro* olim Cardinalibus, diversas colligationes, & contra Nos conspirationes ordinare, & facere, ac ad conducendum dictas gentes armigeras ad dictam civitatem Anagninensem consilium, auxilium, & favorem præbere, & tam ipse, quam perditionis filii *Jacobus* olim Patriarcha Constantinopolitanus, *Nicolaus*, tales & tales Episcopi, ac etiam iniquitatis filii *Honoratus* Gaitanenensis olim Comes Fundorum, *Antonius* olim Comes (e) *Cisertanenensis*, *Franciscus de Pico* olim Præfectus urbis, *Joannes de Malsbreck*, & tales

(d) lege: Comitibus

(e) forte: Caferanenensis.

tales ac tales in reprobum sensum dati, præfato Roberto *ANTI PAPÆ* adhærere & favere, & eorum linguis transeuntibus super terram, os in cælum ponere præsumentes, non fuissent veriti, (d) verentur publice asserere, & per alios asserere & prædicare, Nos non esse Papam & Romanum Pontificem, & eorum falsis & confictis mendaciis quam plurima & enormia mala de nobis dicere, & se ab unitate Romanæ Ecclesiæ separare, schisma & divisionem, quantum in eis erat, in Dei Ecclesiā ponere.

Nos nequeuntes abque gravi offensa Christi, & remoriū conscientia tot & tantos excessus & scelera amplius tolerare, adversus præfatos sceleratos viros in virtute Altissimi de dictorum fratrum consilio, ut præmittitur, duximus extirgendum, & contra ipsos super præmissis procedendum, ac eis ad hoc legitime citatis, & aliis debitis solemnitatibus observatis, per nostram *diffiniti-
onem sententiam* decrevimus ac declaravimus præfatos Robertum, Joannem, Gerardum, & Petrum olim Cardinales, nec non Jacobum olim Patriarchum, Petrum &c tales ac tales laicos fuisse, & (e) etiam *SCHISMATICOS* & *APOSTATAS*, & contra Nos conspiratores, & blasphemos, & tanquam hæreticos puniendos, & reos criminis læsæ Majestatis, ipsosque propter præmissa fore excommunicatos, & anathematizatos, ac in penas & sententias contentas in processibus fœlicis recordationis JOANNIS XXII. & CLEMENTIS VI. summorum Pontificum Prædecessorum nostrorum contra occupatores & invalores, & turbatores terrarum ecclesiæ Romanæ factis: ac declaravimus, dictum Robertum, Joannem, Gerardum & Petrum olim Cardinales tu-

isse, & esse depositos, & ipsos deposuimus a Cardinalatibus, commodo & honore. (*Et infra*) absolutione eorum, præterquam in mortis articulo, Romano Pontifici reservata. Et insuper decrevimus, quod quicumque aliquem prædictorum scienter præsumerent ecclesiasticæ sepulture tradere, excommunicationi subiaceant, a qua absolvi non possunt, nisi prius propriis manibus extumulerent, & procul ejicerent ab ecclesiastica sepultura corpora eorundem. *Et infra.* Qui vero contra præmissa, aut aliquem præmissorum facerent, seu qui præfatum Robertum, qui se Clementem Papam nominat, scienter Papam nominarent, tenerent, crederent, seu prædicarent, aut ab eo quascunque gratias, indulgentias, privilegia, aut quævis beneficia peterent, per se, aut per alium; si personæ singulares, excommunicationis, si vero Communitas, seu Universitas fuerit, aut foret, interdicti sententias incurrerent eo dicto. A qua quidem excommunicationis sententia aliquis absolvi & interdicti hujusmodi ab alio, quam a Romano Pontifice relaxari non possent. Decrevimus quoque fore absolutos a debito fidelitatis homagii seu ligii, & alterius cujuscunque obsequii omnes & singulos, qui eisdem damnatis, superius nominatis, juramento, obligatione, promissione, vel quacunque firmitate vallato antea fuissent astricti: alias etiam penas eisdem damnatis infligimus, & a jure inflictas decrevimus in suo robore duraturas. (*Et infra*) Datum Romæ apud Sanctam MARIAM trans Tyberim. VIII. Idus Novembris, Pontificatus nostri anni primo.

*Binius Cœcilien. Tom. III. Pars II.
pag. 823. 824.*

(d) forte: nec verentur.

(e) forte: & esse

Decretum ALBERTI III. Episcopi

Herbipolensis, latum in Synodo anni MCCCLXXIII.

ALBERTUS, Dei gratia, Episcopus *Herbipolensis*. Tenore præsentium pateat universis, quod infrascripta, coram recedente memorie, Domino OTTONE, episcopo Herbipolensi, Præ-

Tomus IV. Concil. German.

decessore nostro olim diffinita, & a Nobis in Synodo nostra nuper confirmata, (altercationibus inter Plebanos, seu Curatos, ac Religiosos, præteritum quatuor Ordinum Fratrum Mendicantium, Sa-

T t t t

terdo

cerdotes, hætenus habitis in hac parte, deinceps cessare debentibus) per nostras civitatem, & Diocesim Herbigopolitenunda sunt in modum, qui sequitur:

I. Secundum Catholicam, & Canonicam veritatem, omnes utriusque sexus Parochiani, tenentur, saltem semel in anno, peccata sua Plebano suo fideliter confiteri, & etiam ab eo, ad minus in Pascha, suscipere Eucharistiæ Sacramentum, nisi ipse Parochianus, de sui Plebani licentia vel consilio duxerit ab eo ad tempus abstinendum; alioquin ipse Parochianus & vivens ab ingressu Ecclesiæ arceatur, & moriens Christiana careat sepultura: Illi vero, qui prædictis Fratribus confitentur, non magis tenentur eadem peccata iterum confiteri, quam si illa alias confessi fuissent proprio eorum Sacerdoti, seu Plebano.

II. Item prædicti Presbyteri Religiosi Ordinum Mendicantium, non omnes quidem licentiam habent audiendi libere confessiones, & absolutionis beneficium impendendi, sed dumtaxat, qui a Superioribus suis electi, ad tam salubre officium exercendum, per patentes litteras nostras fuerint nominati deputati; quas quidem litteras de Cancellaria nostra, juxta formulam, quæ sequitur,

ipsi Fratres gratis, & absque solutione pecuniæ aliqua, habent recipere.

III. " ALBERTUS &c. Venerabilibus Divinorum Rectoribus N.N. præsentibus requisiti, salutem, & sinceram in Domino caritatem. Religiosos & devotos Fratres N.N. Conventus & Monasterii Ordinis N. Nobis per eorum superiores ad confessiones oppidanorum ibidem, & particulariter ipsius Conventus, audiendas, rite præsentatos, quos ad hoc admittimus, protestatione tamen hac adjecta: ut ipsi, & non alii de fratribus eorum aliquam audiendi confessionem, ut præmittitur, habeant auctoritatem, per præsentem vobis transmittimus, exhortantes vos, quantum eosdem sic admissos publice in Ecclesiis prænuntiari faciatis: casibus tamen, de more, & consuetudine, Nobis reservatis &c.

Attamen Parochiani, dictis Fratribus confessi, tenentur nihilominus semel in anno etiam suis Plebanis, aut, de ipsorum licentia, aliis Presbyteris confiteri.

Datum Herbigopoli, anno Domini M. CCC.LXXIII. Die XX. mensis Octobris.

Ex codice MS. FF. Minorum Conventualium Herbigopoli descripsit Cl. Sebnatt. b. m.

CONCILIIUM COLONIENSE

Anno Christi MCCCLXXV. Gregorii XI. Papæ V.
Caroli IV. Regis XXVIII.

SUB FRIDERICO III. ARCHIEPISCOPO COLONIENSI.

Ut omnes Curati, Prælati, vel Pastores, resideant personaliter in suis Beneficiis curatis, & indicitur Synodus proxima.

FRIDERICUS, DEI GRATIA, SANCTÆ COLONIENSIS ECCLESIE ARCHIEPISCOPUS, SACRI IMPERII PER ITALIAM ARCHICANCELLARIUS, UNIVERSIS ET SINGULIS TAM SÆCULARIBUS, QUAM REGULARIBUS, ECCLESiarum ET MONASTERIORUM ABBATIBUS, PRÆLATIS, PRIORIBUS, DECANIS, COLLEGIS, CONVENTIBUS, PLEBANIS, EORUMQUE VICES GERENTIBUS, CÆTERISQUE BENEFICIATIS, CLERICIS ET RELIGIOSIS NOSTRARUM CIVITATIS ET DIOECESIS COLONIENSIS, NOBIS SUBDITIS, SALUTEM IN DOMINO SEMPITERNAM.

Pastoralis officii debitum exequentes, Ecclesiarum & Monasteriorum utilitatibus, eorumque (præsertim Offi-

cii Divini, Ecclesiasticæque disciplinæ neglectæ) defectibus volentes, quantum in Nobis erat, salubriter provide-

re,

re, nuper constitutionem fecimus, per quam inter cætera singulis Ecclesiarum Collegiarum, & Monasteriorum nostrarum civitatis & Dicecesis prædictarum Prælati utriusque lexus, curam animarum habentibus, per quos in ipsis Ecclesiis & Monasteriis Ecclesiastica disciplina gubernatur, vel ad quos ipsius disciplinæ correctio noscitur pertinere, suas Ecclesias & Monasteria, in quibus Prælati existunt, in aliis locis residendo deferentes, mandavimus, ut intra unius mensis spatium a data hujusmodi nostre constitutionis seu mandati, tunc emissi, computandum, (a) ad suas Ecclesias & Monasteria, in quibus Prælati existerent, redirent, de cætero personaliter continue residendo in eisdem. Verum ut accepimus, nonnulli prætendentes, hujusmodi constitutionem per Nos revocata seu suspensam, ipsas Ecclesias & Monasteria in locis aliis residendo deserunt & dimittunt. Propter quod honoribus, statui, disciplinæ, & utilitatibus Ecclesiarum ipsis commissis plerumque detrahitur, eorumque subditi, Ecclesiarum & Monasteria, in spiritualibus & temporalibus multipliciter defraudantur: Nos volentes huic morbo tam detestabili & pernicioso, quantum in Nobis est, debitum adhibere remedium, constitutionem & mandatum prædicta vel facta, ut præmittitur, in hac parte innovantes, omnibus & singulis Ecclesiarum & Monasteriorum Prælati utriusque lexus, curam animarum habentibus, seu per quos in ipsis Ecclesiis & Monasteriis disciplina Ecclesiastica gubernatur, seu consueverit gubernari,

nostrarum civitatis & Dicecesis prædictarum, sub pœnis infra scriptis dictis præcipiendo mandamus & injungimus, quatenus intra unius mensis spatium, a tempore publicationis præsentium computandum, ad suas Ecclesias & Monasteria, in quibus Prælati existunt, revertantur, & de cætero personaliter & continue resideant in eisdem, officia, curas & disciplinas, & onera ipsis vigore suarum Prælaturarum incumbenda, Authore Domino feliciter gubernando: alioqui omnes & singulos contra facientes, seu in præmissis, vel aliquo præmissorum negligentes, culpabiles, & rebelles, dicto mense elapso (quem ipsi & eorum cuilibet pro termino peremptorio monitione canonica præstigimus & assignamus) excommunicationis sententiam, quam pro nunc prout extunc, & extunc prout extunc, ferimus in his scriptis, incurrere volumus ipso facto: alias nihilominus pœnis ipsis & eorum cuilibet, prout eorum contumacia seu protervitas exegerit, inflicturni, absolutionem omnium & singulorum, qui præfatas excommunicationum sententias vel eorum aliquam inciderint, Nobis vel Commissario nostro super hoc deputando, specialiter relevantes. Et ne prædictorum aliquis aliquam possit saltem debitam prætereignam ignorantiam in præmissis, volumus præmissa in proxima nostra instanti Synodo Coloniz celebranda publicari. Datum Poppelsdorff Anno Domini 1375. die prima mensis Martii.

Statuta Colonienſia impressa A. 1554.

Lamig. Spicilegii Ecclesiastici Fortsetzung
1. Thell pag. 551.

CAP. I. *Ut fructus Beneficiorum vacantium spectantes ad Fabricam, aut pecunia pro Statutis edita, non dividatur inter Canonicos. Et ne Censu annui aut usufructuales redditus vendantur sine auctoritate Episcopi.*

FRIDERICUS, DEI GRATIA, SANCTÆ COLONIENSIS ECCLESIE &c. UNIVERSIS ET SINGULIS TAM SÆCULARIBUS, QUAM REGULARIBUS ECCLESiarUM ET MONASTERIORUM ABBATIBUS, PRÆPOSITIS, PRÆLATIS, PRIORIBUS, DECANIS, COLLEGII, CONVENTIBUS, ECCLESiarUM PAROCHIALIUM RECTORIBUS, CÆTERISQUE BENEFICIATIS, CLERICIS, ET RELIGIOSIS, CUJUSCUNQUE STATUS, ORDINIS, VEL CONDITIONIS EXISTANT, NOstrarUM CIVITATIS ET DIOECESIS COLONIENSIS, NOBIS SUBDITIS, SALUTEM IN DOMINO SEMPITERNAM.

SUſcepei Pastoralis Officii Nos cura sollicitat & inducit, ut quibusdam abusuſibus deestandis, a sola cupiditate, virtutum noverca, contra jus seu

T t t 3

con-

(a) computandi

consuetudines Ecclesiarum & Monasteriorum antiquas, non absque cultus detrimento Divini, in ipsis Ecclesiis & Monasteriis introductis, novis (*) & inventis remediis succurramus. Sane experientia facti didicimus, & comperimus Relatione fide digna, nonnullos Ecclesiarum & Monasteriorum nostrarum civitatis & Diocesis Colonienſis Prælatos, personas Ecclesiasticas & Ministros, vitio avaritiæ sic intentos, ut fructus primi, secundi, vel alterius cujuscunque sequentis anni Beneficiorum vacantium in eisdem, Ecclesiarum seu Monasteriorum hujusmodi, fabricæ, & usibus aliis de consuetudine, privilegio vel statuto, solitis applicari, nec non ea, quæ per novas seu noviter receptas vel admittas personas in eisdem, ad Ecclesiarum vel Monasteriorum ornamenta consueverunt, & debent de jure erogari & converti, suis student privatim ulibus imbutare, licet imminuentibus ruinis, vel ædificiis inibi reformandis, imbutata prædicta exponere reculaverint, renuerint, vel non potuerint, inopia eorum exigente. Unde hujusmodi Ecclesias & Monasteria in suis videmus ædificiis & structuris plerumque deficere, siquæ in aliquibus vix locus salvus remanet, pro Divinis ibidem officiis celebrandis.

Aliud etiam detestatione dignissimum, eadem Nobis relatio patefecit, Prælatos, Personas, & Ministros, seu Capitula & Conventus in Ecclesiarum & Monasteriorum detrimentum, ac supervenientium Ministrorum fraudem, usurpare consuetudinem, quinimo potius corruptelam, per quam interdum occasione debitorum, vel damnorum etiam levium incumbendum, interdum etiam causa rationabili (prout jura volunt) nulla subsistente, certos de fructibus & redditibus Ecclesiarum, & Monasteriorum, & Beneficiorum vendunt, & distrahunt redditus & pensiones, sive census annuos, aliquando perpetuos, aliquando usufructuales, seu ad vitam, Superioris autoritate vel licentia minime requisita. Unde tamen illud sequetur (prout in aliquibus sequi vidimus) inconueniens, quod temporalibus, sine quibus spiritualia non diu possunt subsistere, ab Ecclesiis & Monasteriis improprie sic distractis, Beneficiarii ob hoc

in Ecclesiis & Monasteriis residere, & eorum onera supportare commodè non valentes, Divinò plerumque neglecto officio, contra Clericalis status decetiam, negotiis urgentur secularibus immiseri. Nos igitur volentes, quantum in nobis est, hujusmodi abusionum morbis, ne nimis invalescant, debiti appositione remediū subvenire, vobis universis & singulis sub pœnis infra scriptis, districte præcipiendo mandamus, quatenus fructus primi, secundi, vel alterius cujuscunque anni sequentis, Beneficiorum vacantium quorumcunque, ab antiquo Ecclesiarum & Monasteriorum fabricæ solitis applicari, nec non ea, quæ per novas seu noviter receptas personas vel admittas, ut prædicitur, Ecclesiis & Monasteriis erogantur, & hæcenus erogari & solvi quovis modo seu eolore quæsito consueverunt, non vobis, seu alicui vestrum imbuteris, nec ad alios privatos vestros usus quomodolibet applicetis, sed ipsarum Ecclesiarum & Monasteriorum fabricis & ornamentis, in & ad usus eorundem exponendis, prout ex antiquo introductum exitit, jure permittente, fideliter conservetis. Item, quia in hujusmodi reddituum, pensionum, sive censuum perpetuorum, vel ad vitam, venditionibus supradictis causas rationabiles plerumque cessare, immo (ut præfertur) eas vergere reperimus in abusum; statuendo prohibemus, ne Capitula, Conventus, vel persone Ecclesiarum vel Monasteriorum Civitatis & Diocesis Colonienſis, in aliquo de & super Ecclesiis & Monasteriis ipsis, seu Ecclesiis & Monasteriorum prædictorum fructibus, redditibus, sive bonis, pecunia etiam inde recepta, redditus, pensiones, sive census annuos perpetuos, sive usufructuales, dividant, nisi Nostra vel Commissarii nostri super hoc autoritas & licentia sit obtenta. Alioqui in omnes & singulos contrarium facientes, vel fieri procurantes, quindecim dierum monitione præmissa, si singulares persone fuerint, suspensionis in Ecclesiam vero vel Monasterium, in qua vel per cujus personas contraventum fuerit, interdicti sententias ferimus in his scriptis. Non obstantibus consuetudinibus, indulgentiis, vel statutis nostris, Prædecessorum nostrorum confirmatione valla-

(*) etiam

vallatis, contrariis quibuscunque: quas & quæ (ut prædicitur) vergere novimus in abusum, per præsentis viribus vacuumus. Datum *Bonna*, Nostro sub sigillo præsentibus appenso. Anno Do-

mini 1375. mensis Martii, die undecima.

*Ex typo Colonienſium Statutorum A. 1554.
Deſcriptiſ Lunig Spicilegii Eccleſiaſtici
Borſſequng 1. Thile pag. 352.*

CAP. II. De impediendis Jurisdictionem. De violatoribus Immunitatum. Et de excommunicatis per annum & amplius, non tumultandis.

FRIDERICUS, &c. UNIVERSIS ET SINGULIS CHRISTIANITATUM DECANIS, ET ECCLESIAIARUM PAROCHIALIUM RECTORIBUS, seu EORUM VICES GERENTIBUS, PER CIVITATEM ET DIOECESIN COLONIENSEM NOSTRAS CONSTITUTIS, SALUTEM IN DOMINO.

Quanquam sacris Canonibus, & nonnullorum Prædecessorum nostrorum ordinationibus, certarum additione penarum sit constitutum, ne quis literarum Apostolicarum imperatores, vel alios ad iudices & forum Ecclesiasticum recurrentes super causis, questionibus, seu negociis, quæ ad idem forum de jure, vel antiqua consuetudine pertinere noscuntur, quominus coram Iudicibus Ecclesiasticis ordinariis, vel delegatis, & per eosdem vel literas Apostolicas de causis, quæ ad cognitionem pertinent eorundem iustitiam consequantur, impediatur, vel super illis ad iudicium sæculare recurrere, vel in foro sæculari litigare, seu alias a lue, causa, seu questione desistere per se vel alium compellatur, seu compelli faciat vel procuret modis & coloribus quibuscunque; tamen plurimum fide dignorum relatio frequens & assidua, nostrum pertulit ad auditum, nonnullos intra nostrarum civitatis & Diocesis Colonienſis, seu nostræ jurisdictionis spiritualis limites consistentes, etiam castrorum, oppidorum, territoriorum seu districtuum, villarum & locorum nostræ temporali jurisdictioni subditorum, Officiarios, Scultetos, Consules, Scabinos, Advocatos, Iudices, Juratos, Commissarios, Inhabitantes, Incolas, nuncios, & præcones, jurisdictioni temporali præsidentes, seu eam quomodolibet exercentes, tanquam jurisdictionis, libertatis, privilegii, & honoris Ecclesiastici nemulos, in tanti erroris devenisse malitiam, quod literas Apostolicas & ordinarias, etiam super litibus, causis, questionibus & negociis ad forum, cognitionem & Iudices Ecclesiasticos, de jure aut antiqua consuetudine pertinentibus, impetrari, & impetratas

exequi, & eis uti prohibent, vetant & impediunt: ipsarumque imperatores, executores, nuncios seu latores, seu alias ad forum, Iudices vel Iudicium Ecclesiasticos, de & super causis prædictis quomodolibet recurrentes, ad iudicium sæculare transire, seu a lictibus, causis, questionibus, & negotiis prædictis desistere, ac ipsis literis prædictis (quas, quod deterius est, quandoque partibus auferunt, & laniant, seu auferri & laniari mandant) renunciare, præceptis, pœnis, comminationibus & mandatis variis & diversis compellunt & inducunt, ac alias faciunt & procurant, dando ad hoc consilium, auxilium, vel favorem, quominus Sedes Apostolica atque nostri, Iudices Ecclesiastici querulantibus ministrare, ipsique querulantes libere possint coram eis iustitiam obtinere, in Sedes Apostolicæ & nostræ ordinariæ jurisdictionis Ecclesiasticæ vilipendium & contemptum. Unde & ex debito nostri Pastoralis officii incitati, huic errori, totque nefandis ausibus, quos dissimulare diutius non valemus, congruis volentes remediis obviare, Sacrorum Cæſarum & Prædecessorum nostrorum Statuta, universos & singulos supradictos hortamur in Domino & requirimus, & monemus, ipsis & eorum cuilibet sub pœnis infraſcriptis inhibentes & injungentes, ut de extero a prohibitione, compulsionem, comminationem, & impedimentis & mandatis prædictis abſtineant, nec quiscquam cuſcuſcunque gradus, status, vel conditionis exiterit, Apostolicam aut nostram jurisdictionem Ordinariam Ecclesiasticam, in literarum & mandatorum quorumcunque Imperationibus, executionibus, cognitionibus, decisionibus & modis aliis, quibus ipsi jurisdic-
tio

ctio exercetur, per se vel per alium prohibeant, impediunt, usurpent, vel retardent, seu prohiberi, impediri, usurpari, vel retardari faciant, vel procurent quovis modo, dando ad hoc auxilium, consilium, vel favorem. Si quis vero prædictorum, cujuscunque etiam status aut conditionis extiterit, contra præmissa venire, vel quicquam attentare præsumpserit, excommunicationis sententiam auctoritate Canonis, & etiam nostra (quam quindecim dierum monitione Canonica præmissa, exnunc prout extunc ferimus in his scriptis) se noverit incurrisse ipso facto: a qua, nisi tam judici (cujus cognitio vel jurisdictio impedita vel usurpata fuerit) quam parti in prosecutione sui juris turbatæ, de injuriis, damnis, expensis & interesse, per eum vel eos integre fuerit satisfactum, nullatenus absolvatur. Et nihilominus, etiam si in mortis articulo fuerint absoluti, nisi debita & plenaria his, quibus ea (ut præmittitur) facienda fuerit, satisfactio præstita extiterit, Ecclesiastica carere volumus sepultura: mandantes insuper vobis Ecclesiarum Parochialium Rectoribus, ac vices vestras gerentibus universis, sub excommunicationis poena, quam in vos & quemlibet vestrum, quindecim dierum monitione Canonica præmissa, ferimus in his scriptis, si non feceritis, quod mandamus, quatenus in Ecclesiis vestris, ut ad (a) omnem possint devenire notitiam, nec quisquam ignorantiam prætere valeat de eisdem, fideliter publicetis: ac omnes & singulos, si quos sciveritis in specie: reliquos vero in genere, quos jurisdictionem Ecclesiasticam (ut prædicatur) impedivisse vel perturbasse constiterit, singulis diebus Dominicis & Festivis, in Ecclesiis vestris, dum major ibidem fuerit populi multi-

tudo, excommunicatos publice nunciatis.

Item, quia plerique (ut accepimus) Ecclesiarum, Cœmiteriorum, Immunitatum, & Dotum violatores, ipsarumque & personarum; rerum, & bonorum Ecclesiasticorum invalores, incendiarii, & raptores, nec non illi, qui per annum & amplius excommunicationis sententia innodati, ad gremium Sanctæ Matris Ecclesiæ, pro absolutionis beneficio impetrandum, redire negligunt, & contemnere diversas per Prædecessores nostros Archiepiscopos Colonienfes contra tales emissas sententias & mandata, instigante diabolo, non verentur: & quasi in malitiis obstinati, data ad hoc opera, Divina student officia multoties perturbare: unde volentes, ut ipsorum crescente contumacia, etiam crescere debeat & poena, statuimus, ut omnes & singuli malefactores & rebelles hujusmodi, Ecclesiarum, Cœmiteriorum, Immunitatum & Dotum violatores, nec non ipsarum personarum, rerum, & bonorum Ecclesiasticorum invasores, incendiarii, & raptores, ac illi, qui per annum & amplius excommunicati, ad gremium Sanctæ Matris Ecclesiæ, pro absolutionis obtinendo beneficio contumaciter redire negligunt vel contemnunt, Ecclesiastica (etiam si in mortis articulo fuerint absoluti) careant sepultura: nec in Ecclesiis, cœmiteriis, vel aliis locis sacris per aliquem possint sepeliri, nisi prius a nobis, vel Officiali nostro super hoc licentia sit obtenta: cæteris nostris & Prædecessorum nostrorum ordinationibus & statutis, circa præmissa, quibus in nullo derogare volumus, in suo robore firmiter duraturis. Datum *Bonna* nostro sub sigillo, anno Domini 1375. mensis Martii, die undecima.

*Ex impressis Statutis Colonia A. 1554.
Descriptis Lunig Spicilegii Ecclesiastici
Sortierung 1. Theils pag. 558.*

(a) ut ad omnium

CAP. III. *Contra Usurarios, Lombardos, ac Handgelt capientes.*

FRIDERICUS, DEI GRATIA, &c. UNIVERSIS ET SINGULIS CHRISTIANITATUM DECANIS, ET ECCLESiarUM PAROCHIALIUM RECTORIBUS, SEU EORUM VICES GERENTIBUS, PER CIVITATEM ET DIOECESIN NOSTRAS COLONIENSEM CONSTITUTIS, SALUTEM IN DOMINO.

Quamvis usurarum voraginem, quæ animas devorat, & degentium salutem exhaurit, utriusque tam veteris, quam novi testamenti pagina dereferetur, sitque

sitque jure communi, ac ceteris (a) nostrorum Prædecessorum Archi-Episcoporum Provincialibus & Synodalibus Ordinationibus & Statutis salubriter editis, & dudum etiam publicatis prohibitum manifeste, ne quis Christi fidelium Nobis, aut nostræ jurisdictioni spirituali subjeutorum, detestandis usurarum lucris studeat inhære; hujusmodi tamen usurarum modus ita invaluit, & in communem usum, immo verius abusum & errorem, prodiit & processit, ut nonnulli utriusque sexus homines, cupiditatis & ambitionis detestande vitii excecati, aliis negotiis prætermisiss, sibi quasi licere, pecunias suas sub usuris exponere, & ipsas exercere nituntur, & quotidie exercent in animarum suarum periculum, populi scandalum, & Fidei Catholicæ confusionem & contemptum. Et quia fama publica & experientia facti didicimus, hujusmodi usurarum morbum pestiferum in nostris civitate & Diocesi Colonienſi, etiam ad subditorum nostrorum, tam religiosorum, quam secularium, depauperationem permaximam, per quosdam usurarios manifestos, qui vulgariter *Lombardi* appellantur, mentas paratas ad pecuniam pro usuris cuilibet mutuandam publice tenentes, ac alios utriusque sexus homines per emptionem & alios contractus illicitos, & vulgariter *Hantgelt* appellatos, exercentes seu recipientes, plurimum frequentari: Nos igitur ex suscepti cura regiminis, subditorum nostrorum providere saluti, & de agro Nobis commisso, hujusmodi abusionum & errorum tribulos, ne nimis invaleſcant, & ex tempore licere credatur, quod est jure prohibitum, extirpare funditus cupientes, præfatorum Prædecessorum nostrorum Archi-Episcoporum Colonienſium statuta, contra eosdem usurarios edita, ut prædicitur, innovantes, vobis universis & singulis Ecclesiarum Rectoribus, & eorum vices gerentibus supradictis, in virtute sanctæ obedientiæ, & sub excommunicationis poena (quam in vos & quemlibet vestrum quindecim dierum monitione Canonica præmissa, ferimus in his scriptis, si non feceritis, quod mandamus) districte præcipiendo mandamus, quatenus

dictos usurarios omnes & singulos, quorum nomina sciveritis in specie, aut quos laor præsentium vobis duxerit nominandos, reliquos vero in genere moneatis, ut infra septem dies, post vestram monitionem immediate sequentes, ab usuris & contractibus (b) cessent penitus & desistant, Deoque, Nobis, & Ecclesiæ de præmissis excessibus satisfaciant cum effectu. Alioquin ipsos omnes & singulos, quos Nos extunc, propter hoc in his scriptis excommunicamus, singulis diebus Dominicis & Festivis, dum Missarum solennia peraguntur, autoritate statutorum per bonæ memoriæ Dominos SIFRIDUM & WILHELMUM nostros Prædecessores editorum, campanis pulsatis, candelis accensis & extinctis, ac in terram projectis, nec non pedibus conculcatis excommunicatos publice nuntiatis, nec ad communionem Altaris ipsos, aut aliquem eorum admittatis, aut oblationes eorum recipiatis: nec ipsos, si in hoc peccato decesserint, sepeliatis, donec DEO (c) & Ecclesiæ satisfaciant de præmissis, aliudque a Nobis receperitis in mandatis. Moneatis insuper omnes & singulos utriusque sexus homines, eosdem usurarios manifestos & alios supradictos scientes, cognoscentes & occultantes, vel qui ipsis in aliquibus pecuniarum summis vel rebus aliis tenentur, aut sunt obligati, ut intra dictæ monitionis terminum, eosdem usurarios Nobis prodant, indicent & revelent, nec dictis usurariis eorumque consortibus & familiaribus, de hujusmodi debitis, ipsis aut aliquibus eorum satisfaciant, aut bona seu res, ad ipsos spectantes & pertinentes, si quas, aut si quas penes se habent & tenent, ipsis reddant vel restituant: sed (d) ipsas aut ipsa, penes se in sequestro & arresto, nomine nostro retineant & observent, quousque de hujusmodi excessibus publicis & manifestis, Deo, Nobis, & Ecclesiæ emendam præstiterint satisficientem & condignam. Alioquin ipsos omnes & singulos contrarium facientes, quos Nos extunc, propter hoc in his scriptis excommunicamus, excommunicatos in Ecclesiis vestris una cum dictis *Lombardis* manifestis, eorumque consortibus & familia.

(a) certis

(b) illicitis *Hantgelt* cessent

(c) Nobis & ecclesiæ

(d) forte: seu

miliaribus, publice intra Missarum solennia nuntiatis, intimantes eisdem & aliis quibuscunque, quorum interest, aut interesse poterit, quod Nos ad executionem dictæ excommunicationis pœnæ, ac etiam interdicti Ecclesiastici positionem, & alias, prout (r) in quantum gravius poterimus, & juris ordo exegerit, procedemus.

Insuper vigore statuti quondam Domini SIFRIDI prædicti, omnibus & singulis Jurisperitis, Advocatis, & aliis quibuscunque, tenore præsentium inhibemus, ne quis dictis usurariis, eorumque confortibus, & familiaribus, in executionibus hujusmodi nostri mandati, nominandis, in hujusmodi causis & negotiis, aut eorum appendiciis, patrocinium aut consilium aliquod præstet publice vel occulte, nisi antea coram Nobis ju-

ramentum præstet, quod quam cito sciverit vel scire poterit causam esse usurariam, causam ipsam non fovebit ulterius, nec patrocinium, nec consilium aliquod clam vel aperte impertietur usurario vel usurariis supradictis. Alioqui ipsos jurisperitos, Advocatos, & alios etiam quoslibet contrarium facientes, trium dierum monitione Canonica præmissa, excommunicamus in his scriptis, quos etiam excommunicatos volumus publice nuntiari. Et quid in præmissis feceritis, Nobis litera vestris præsentibus transigendis liquide rescribatis. Datum Bonne Anno Domini MCCCCLXXV. mensis Martii die 12.

Ex impressis Statutis Colonia A. 1554.

*Descripsit Luwig Spiclegii Ecclesiastici
Hortsehung 1. Theil pag. 554.*

(r) prout &

CONCILIUM AUGUSTANUM

ANNO CHRISTI MCCCCLXXVII.

SUB BURCARDO, AUGUSTANO EPISCOPO.

BURCARDUS anno 1377. Augustæ Synodum celebravit.

Corbiniani Kramm Hierarchia Augustana pag. 270.

Burchardus ab Ellerbach, electus a Collegio summæ ecclesiæ Episcopus, ordine XLIX. rexit Ecclesiam annis 31. Obiit anno 1404. 9. Martii.

BRANDENBURGENSIS SYNODUS

ANNO CHRISTI MCCCCLXXX. VII. MARTII.

SUB THEODORICO DE SCHULENBURG EPISC.

Statuta in hac Synodo edita fuerunt XXVIII. quorum Epitomen in *Potsdamii quinta essentia N. 37.* legere poteris; in *Bibliotheca Brandenburgica D. Küsters* eadem extant pag. III.

Theodoricus von der Schulenburg, Episcopus Brandenburgensis, ab A. 1351. Ordinis XXXVI. Obiit anno 1393. VI. Kal. Maji.



CON-

CONCILIIUM OLOMUCENSE

Anno Christi MCCCLXXX. Urbani VI. Papæ III.
Wenceslai reg. II. feria II. post fest. Ss. Trinitatis.

Epistola Synodica scripta e Synodo Diœcesana, confirmatoria Statuti editi a JOANNE Prædecesore in Ecclesia Olomucensi.

JOANNES, (a) DEI ET APOSTOLICÆ SEDIS GRATIA EPISCOPUS OLOMUCENSIS, HONORABILIBUS ET DISCRETIS VIRIS, PRÆPOSITIS, DECANIS, ARCHIDIACONIS, PRESBYTERIS, ECCLESiarUM RECTORIBUS, ALTARISTIS ET VICARIIS PER ECCLESIAM, CIVITATEM ET DIOECESIM NOSTRAS CONSTITUTIS, SALUTEM IN DOMINO, QUI EST OMNIUM VERA SALUS.

Honorabiles, devoti, dilecti &c. Accessimus (b) voce veridica, & experientia didicimus cottidiana, quod statutum felicis memoriæ Domini JOANNIS Olomucensis Episcopi, nostri Prædecesoris, quod incipit: *Licet Canon Provincialis statuti* &c. Qui (c) defensionem Ecclesiasticæ libertatis adversus captivatores Clericorum, & spoliatores bonorum Ecclesiasticorum, cum magna maturitate factum, & multis retroactis temporibus tunc & servatum: modo (quod cum cordis amaritudine referimus) non servatur, nec debite exequitur secundum sui monitum & tenorem; pro eo vobis omnibus & singulis in virtute sanctæ obedientiæ & sub excommunicationis pœna, quam vos, & quilibet vestrum incurere volumus, si in præmissis fueritis negligentes, trium tamen dierum monitione prævia, districtè præsentibus injungimus & mandamus: quatinus ipsum statutum sic alias inviolabiliter observatum, quotiens, & quando personam Ecclesiasticam captivari, & bona Ecclesiarum invadi contige-

rit, non expectato Superiorum mandato, secundum continentiam statuti antedicti rigide servetis & observari faciatis, cessando a solemnibus (d) Divinorum, donec menti & verbis ejusdem statuti satisfactum fuerit cum effectu, nullam negligentiam in præmissis commissuri, si de obedientia potius commendari volueritis, quam de inobedientia reprehendi.

Datum Cbrensis, in Synodo per Nos celebrata Anno Domin. MCCCLXXX: Feria II. post Festum Sanctissimæ Trinitatis.

Sumptum ex codice MS. Bibliotheca Metropolitana Moguntina, diligenter collatum cum suo genuino textu in Archivo Archi-Episcopi Pragensi, sub fide mea jurata asserto, per omnia concordare testor. Praga die 7. Octobris A. 1752.

Wenceslaus Procopius Duchowsky mpp. Regia Capella OO. SS. in castro Pragensi Beneficiatus, Notarius Apostolicus, & Curia Archi-Episcopalis Archievangelus juratus.

CON-

- (a) Joannes de novo foro, Episcopus Lithomistensis, ac Caroli IV. Augusti Cancellarius, ad Ecclesiam Olomucensem postulator Episcopus XXV. ipsius curam non invitatus suscepit. Hic Monasterium Eremitarum S. Augustini in Lithomisi a fundamentis erexit, ac liberaliter dotavit; Ecclesiam Olomucensem, per familiares JOHANNIS Marchionis ignis consumptam injuria, restituit. Moritur anno Christi MCCCLXXX, in Lithomisi humatus in Monasterio a se fundato.

Catalogus Episcoporum Olomucensium post historiam Bohemæ Dabrovii Episcopi Olomucensis, anno 1575. Basileæ impressam.

(b) Accepimus

(c) in, pro: qui

(d) solemnibus

Tomas IV. Concil. German.

V v v 2

CONCILIUM SALISBURGENSE

Anno Christi MCCCLXXX. Urbani VI. Papæ III.
Wenceslai Regis II.

PILGRINUS II. Archi-Episcopus Salisburgensis XXXV. anno 1380. circa
Festum S. Jacobi celebravit Concilium Provinciale, vocatis & præsentibus
suis Suffraganeis, & aliis pro tunc vocandis.

*Ex Chronico Salisburgensi tantum indicat Hanfzius Tomo II. Germania
Sacra pag. 460.*

CONCILIUM PRAGENSE

Anno Christi MCCCLXXXI. Urbani VI. Papæ IV.
Wenceslai Regis III.

*Statuta JOHANNIS, Archi-Episcopi
Pragensis, Legati Apostolici, in CONCILIO PROVIN-
CIALI edita.*

JOHANNES, DEI GRATIA, SANCTÆ PRAGENSIS ECCLESIAE
ARCHI-EPISCOPUS, APOSTOLICÆ SEDIS LEGATUS, UNIVERSIS
PRÆLATIS, CAPITULIS, ABBATIBUS, PRÆPOSITIS, ET CONVENTIBUS
QUORUMCUNQUE ORDINUM, PLEBANIS, ECCLESiarUM RECTORIBUS,
ET CÆTERIS CHRISTI-FIDELIBUS TAM RELIGIOSIS, QUAM SÆCULARI-
BUS PER RATISPONENSEM, BAMBERGENSEM, ET MISNENSEM, DIOE-
CESES, LEGATIONIS JURE, NOBIS SUBDITAS, CONSTITUTIS, SALUTEM

IN DOMINO SEMPERNAM, ET INFRASCRIPTORUM SALUTARIUM MANDATORUM AC JURI
STUDIO ET EXACTA DELIGENTIA FREQUENTIAM SALUTAREM.

Gloriosus Deus, & in suis donis
semper magnificus, qui sua largi-
flua bonitate celestia & terrestria dispo-
nens, per suorum incrementa donorum
sanctam Pragensem Ecclesiam, cujus re-
gimini ipso donante, quamvis immeriti,
presidemus, per singulos gradus prenun-
ciat, dum ipsam per intercessores & me-
rita beatissimorum Patronorum Boëmiae
de virtute ambulat in virtutem, & de no-
bili prerogativa Archiepiscopalis Eccle-
siasticæ Prælatuæ jam dudum sub felicis
recordationis Domino Urbani PP. V. gra-

dum conscendit altioris præ eminentis dig-
nitatis. Sane olim recolendæ memoriæ
Angustus, primus Archiepiscopus Pragen-
sis, Prædecessor noster, in sua provin-
cia extirpatis vitiis, volens plantare vir-
tutes quædam *Statuta Provincialia* ad mo-
dum & instar decretalium per articulos
edidit, & rubricatas, in quibus reforma-
tione morum in subditis de honestate Cle-
ricorum & vita ac statu ipsorum, ac eti-
am de judicii & contractibus succincte,
juridice & pulcherrime sunt statuta, &
nedum simplices & Juris Canonici & ci-
vili

villis notitiam non habentes, verum etiam provecti possent in statutis hujusmodi absque alia revolutione librorum multa tanquam in ortulo colligere salutifera documenta. Nos itaque in partem sollicitudinis, superna dispositione vocati, ex injuncto Pastoralis Officii fructum in Domino Domini facere cupientes, attendentes præsertim, quod ratione legationis in omnes Ecclesiarum secularium & Regularium Rectores, Clericos, & Prælatos, sine personarum & Ordinum differentia & defectu, utpote Apostolicæ Sedis Vicariatus jurisdictione, paucorum & brevium statutorum, ac cum libello, qui de tribus punctis Christianæ Religionis communiter appellatur (observantiam) ad prædictas Ratisponensem, Bambergensem, & Misnensem Dioceses præsentibus duximus extendendam, volentes & in virtute sanctæ obedientiæ districtè præcipiendo mandantes, ut Domini Episcopi dictarum Diocesium & Abbates copiam eorundem infra duorum mensium spatium, & infra alios sequentes tres menses omnes & singuli alii Prælati, Decani Collegiarum, seu Priores principales Conventualium & Regularium Ecclesiarum & Monasteriorum de Cancellaria nostra recipiant, & habere cum effectu procurent, alioquin contra eos ad pœnas Canonicas, Deo Nobis propitio, procedemus. Volentes nihilominus ut in habendo, legendo, & reverendo statuta prædicta modus talis per omnia teneatur, sicut in prohemio præfati Prædecessoris nostri clarius continetur, præfatique Domini Episcopi Archidiaconos rurales suarum Diocesium, qui forte propter viarum periculum ad hoc sanctum Concilium vocati, non sunt adhibendi, memorata statuta in omnibus suis punctis & articulis infra scriptis juxta ipsorum arbitrium observantiam cogere studeant. Nos enim intendimus ea, quæ præmisimus, auctore Domino ad executionem debitam perducere & debito effectui mancipare. Prohemium ergo statutorum de quibus supra fit mentio, sequitur & est tale: *In Nomine sanctæ & indivisæ Trinitatis, Patris, & Filii, & Spiritus Sancti amen. Arrestus Dei & Apostolica Sedis gratia &c. Rex magnificus, qui facit miracula solus &c.*

I. Licet sub rubrica de *Excommunicationibus celebrandis* inter alia statutum esse noscatur,

quod festum gloriosissimi Ducis & Martyris Wenceslai debeat celebrari, prout nedum in Pragensi, Olomucensi, & Luthomirensi Diocesium, verum etiam in Regno Daciæ miraculose, ut pia fidelium tenet credulitas, a Christi fidelibus celebratur, quia tamen pœna non est in non celebrantes specialis expressa, possent fortasse Clenus & populus Ratisponensis, Bambergensis, & Misnensis Diocesium in celebratione hujusmodi esse desides & remissi: ideoque, hoc sacro Provinciali & legationis nostræ Concilio approbante, statuimus & ordinamus, ut dies Passionis tantum sanctissimi Martyris supradicti, qui suo glorioso triumpho Martirii hanc Patriam & alias regiones vicinas multis honoribus sublevar & extollit; qui quidem dies in vigilia diei Angelorum, quæ Festum S. Michaelis dicitur, observari consuevit ab omnibus Christi fidelibus dictarum Diocesium, annis singulis perpetuis temporibus sub officio duplici & cum omnimoda abstinentia a serialibus operibus solemniter celebretur, & ejus officium, nocturnum, atque diurnum cum historia sub nota in Cancellaria nostra recipiatur cum effectu; & quia plus timeri solet quod specialiter præcipitur, quam quod generaliter imperatur, omnibus Prælati, Plebanis, & Curatis, ac aliis Plebium curam gerentibus, quibus datum est proponere Verbum Dei, in virtute sanctæ obedientiæ præcipimus & mandamus, quatenus singulis annis aliquo die Dominico vel Festivo, diem S. Wenceslai prædicti per sex vel plures dies præcedentibus, hoc ipsum per se, vel alium, vel alios plebibus suis insinuent & injungant;

II. Item ad Rubricam de *Hæreticis & Schismaticis*, duximus adjungendum: dolenter enim referimus quod in Diocesium supradictis, prout certa relatione percepimus, insunt hæreses multum pestiferæ, & signanter secta Saraboytarum & illorum rusticorum Waldensium damnatorum, & quia Domini Episcopi, ad quos directe pertinet suas Dioceses purgare malis hominibus, in hujusmodi negotio sanctæ fidei sunt negligentes plurimum atque tardi, parentes fortassis expensis, & inquisitionem hæreticæ praviratis non habentes; Nos de Fratrum nostrorum consilio hoc sacro approbante Concilio duximus

mus statuendum, ut prædicti Domini Episcopi contra tales pestiferos per se, vel Inquisitores instituendos ab eis diligenter invigilent & attendant, ad quod ipsos per viscera Misericordiae Dei & per sponsonem Sanguinis Jesu Christi præsentibus excitamus & invitamus; & nihilominus ipsos in virtute juramenti, quod in sacra Episcopali solemnitate præstiterunt, commonemus, & ad eor reducimus: ut si in dicto sancto negotio resistentiam aliquam, quod absit, fortassis habuerint; ad Nos confidentes refugiant, ut Nos, videlicet per auxilium & brachium Magnifici, Serenissimi, & invictissimi Principis Domini Wenceslai Romanorum & Bohemiarum Regis inclityi, Divina in omnibus gratia præcedente, oportuna remedia adhibere in Domino valeamus: alioquin ipsorum Dominorum Episcoporum negligentiam, Deo Nobis auctore, supplebimus, & inquisitionem in dictis Diocæsisbus per Nos ipsos curabimus deputare.

III. Item Manifestum est, proh dolor! & experientia publica notorium habetur ubique, quod nonnulli fautores *Roberti Antipapæ Gebennensis*, quidam latenter, alii publice prædicant & etiam dogmatizant, Sanctissimo Domino nostro Urbano Papæ VI., quem constat esse Successorem Beati Petri & Vicarium Jesu Christi, mordaciter detrahentes, quorum Gebennensis, & sui sequaces iniqui, litteras & Epistolæ ambitione plenissimas præferunt, portant & spargunt: Nos cum præfato Domino nostro, ut membra capiti, & ut Filius Patri, realiter comparari cupientes, statuimus & amodo mandamus, ut omnes Episcopi legationis jure Nobis subiecti, dictos schismaticos & fautores, litterarum portatores, & dantes eis consilium, auxilium, vel favorem, quos scienter, vel de hoc infamatos esse reppererint, capiant & captivari procurent: ipsorumque captivitatem infra XIV. dies Nobis vel nostris in Spiritualibus Vicariis studeant intimare, & in præmissis taliter se habeant, ut a Deo mercedem perpetuam & a Domino nostro Summo Pontifice, ac Nobis ejus Vicario, gratam vicissitudinem valeant obtinere. Abbates vero, Præpositi, & Decani, & alii Ecclesiarum Prelati, si quos tales cognoverint, ipsos suis Episcopis infra VIII. dies postquam sciverint, denun-

tiare studeant, & eorum nomina, conditiones, & loca, verbo vel scripto designare.

IV. Præterea intelleximus, & nimis graviter portamus, quod in aliquibus Diocæsisbus consuetudo talis prorepsit, quod locorum Ordinarii, ad quos Beneficiorum erectio pertinet de consuetudine, vel de jure, Beneficia ipsa, quæ de novo fundantur, de censibus illicitis, usurariis, & usuris omnino sapientibus erigunt atque creant: Nam ut præfertur, pecunias super certis possessionibus vel pensionibus mutant fundatores sub conditionibus remendi. De quibus pensionibus taliter & omnino incestis & pravis Beneficia perunterigi & creari, Nos huic malo, & pernicioso obviare volentes exemplo, attendentes præstetim, quod hujusmodi erectiones de talibus redditibus vergunt in interitum animarum, & propter vicissitudinem eorundem nulla sunt stabilitate subnixæ; statuimus, ut nullus Christi Fidei de talibus redditibus Beneficia fundare valeat vel dotare; ordinarii etiam in virtute sanctæ obedientiæ & præstiti juramenti districte præcipiendo mandamus, ut nullus eorum talia Beneficia presumat facere erigi vel creare, sed fundatores ipsorum ab hujusmodi facto sub obtestatione Divini Judicii studeant divertere. Nos enim, si secus factum fuerit, decernimus irritum & inane, volentes, ut prædicti redditus taliter deputati illis, quorum quo ad... existunt, dominium, fructibus computatis in sortem reddant, & sine difficultate qualibet assignentur.

V. Item fertur & experientia probatur, quod in dictis Diocæsisbus Monachi quorumcumque ordinum passim & indifferenter ad Parochiales Ecclesias præsentantur, & per Ordinarios instituuntur in eis, propter quod magna pericula occurrunt animarum, & junibus Episcopalis & Archidiaconalibus plurimum derogatur. Cum ergo illud sit juri communi contrarium, & ab omnibus moribus alienum; statuimus, ut nullus Episcopus, vel alius, ad quem institutio vel destitutio nostra pertinet, quempiam Religiosum ad Ecclesiam Parochialem, per sæcularem Clericum regi solitam, confirmare, vel instituere præsumat, nisi fortassis esset Canonicus Regularis, aut Sancti Benedicti Ordinis, cum quo posset Episcopus dis-

pen-

penfare, vel si Parochia ipsa per Religiosum tanto tempore gubernata fuisset, de cuius contrario memoria hominum nullatenus haberetur.

VI. Item fama referente dicimus quod Monachi & Religiosi, qui velle aut nolle non habent, aut propter professionem omnino abdicaverunt grangias, curias, & possessiones temporales, seu castra amicorum, nec etiam aliorum gubernatione reguntur, se temporalibus & secularibus immisceant negotiis in scandalum plurimorum. Nos huic periculoso morbo celeriter occurrere cupientes omnes Episcopos, Abbates, & alios ipsorum Prælatos obsecramus in Domino, ipsis nihilominus in remissionem peccatorum injungimus, & in virtute obedientie præcipimus & mandamus, ipsorum officium excitantes, ut tales Monachos infra duorum mensium spatium a noticia presentium ad Monasterium studeant revocare, & pro excessu præterito poenitentiam inungere salutarem.

VII. Item. Sub titulo de *Officio Ordinaris* talia adicimus: presenti cum suspitio & amaritudine cordis dolenter referimus, quod Parochialium Ecclesiarum Rectores, qui Diocesis Pastores communi vocabulo nuncupantur, & eorum Superiores, quibus visitationis, correctionis, & prædicationis officium competit de consuetudine, vel de more; in tantum sunt de neglectu culpabiles, quod fortassis, ut verisimiliter formidamus, de ipsorum manibus subditorum sanguis & animæ requiruntur. Nam pro vero dicimus, & hoc ipsum quoque experientia sensuali comprobimus, quod eorum subditi usuras, divinationes, sortilegia, interpretationes & alia superstitiosa pariter & nefanda impune & libere exercere præsumunt: Cle-

rici etiam in sacris constituti, & Ecclesiarum Parochialium regimini præfidentes concubinas publice tenent in domibus, & alias in tonsura & in habitu taliter inhoneste se gerunt, quo fiant in scandalum plurimorum. Nos talibus animarum periculis, quantum est Nobis ex alto concessum, obviare volentes, statuimus, & Apostolica & Provinciali auctoritate mandamus, quatenus hi, qui de jure vel de consuetudine visitare tenentur suos subditos, infra tres menses a data presentium incipiant visitare, visitationem ipsam ea correctione & reformatione salubri studeant sine intermissione qualibet consummare. Provideant insuper, ut populus laicalis oratione Dominica & Symbolo sit sufficienter instructus, & quod Sacramenta Ecclesiastica ministrantur. Præsertim contra usurarios per denuntiationes ac censuras Ecclesiasticas viniliter & intrepide procedere non obmittant, alioquin si præfati, quibus competit visitatio, per se vel alios non inceperint, ut præmittitur, visitare, ipsos & eorum quemlibet dicto tempore elapso, quod eis pro monitione Canonica duximus statuendum.

Ut autem nullus ignorantiam præmissorum possit prætereundere quovis modo, volumus & mandamus, ut omnes Episcopi, Abbates, Præpositi, Decani, & alii Prælati diocesium prædictarum copiam cartæ presentis infra tres dies in Cancellaria nostra recipiant cum effectu.

Datum *Praga*, Anno Domini MCCCLXXXI. die penultima mensis Aprilis.

Ex Codice MS. Bibliotheca Metropolitana Moguntina descripsit Cl. Schottatus b. m.

CAMERACENSE CONCILIUM

ANNO CHRISTI MCCCLXXXIII.

In causa Schismatis Romani inter Urbanum VI. & Clementem VII. Anti-Papam, Avenione a Gallis electum A. 1378.

Defunctum 1394.

Superius cum de Concilio Medinæ Castrensis agerem, indiculum documentorum quousque in Colbertino Codice descripto-

rum ex Balazio dedi: hac inter monumenta extare notavi sermonem factum pro sedando Schismate, per Guidonem Cardinalem Pida;

Pistavenſem in Synodo Cameracenſi anno Domini MCCCXXXIII die prima Octobris Pontificatus Clementis VII. anno ſecundo. Habes hic Concilium Collectoribus bucuſque ignotum: cujus tamen ſolum nomen ſupereſt, neque enim tractatus ille Guidonis Piſtavenſis, de hoc argumento, quod legitur in Anecdotis Martene Tom. II. pag. 1193. idem eſſe poteſt cum oratione hac pro Concilio habita, cum Benedicſti Pontificis memorie, qui Pontifex non niſi anno MCCCXCIV. cepit. Integra tamen orationis huius deſectum utcuſque ſuppleant fragmenta ejus quædam apud Baluzium in notis: ad vitas Paparum Avenionenſium Tom. I. pag. 1106. occurrentia; in unum: Haſſenus Cl. Manſi.

Ad primam oppoſitionem ſua objectionem de literis reſponſo &c. quod h. illas literas petiit ab omnibus nobis. Reſponſum fuit a: quod nunquam de more ſacrum Collegium noſſicat per ſuas literas electionem Romani Pontificis Principibus, vel aliis, & ſic ſe habet veritas. Et paulo poſt: Ipſe tamen hoc non obſtante cum omni inſtantia eas habere voluit; ad quem finem poteſt bene cogitare! Et infra: Imo etiam cum ſecundum ſtilum Curie, quando Collegium ſcribit, littere ſigillantur ſolum ſigillis trium Priorum Ordin. cum tunc actu duo Piores

eſſent Italici, videlicet Dominus Florentinus, & de Urſinis, ſuſpicans, quod propter nationem, de qua etiam erant, ipſorum teſtimonia reputarentur ſuſpecta, petiit, quod alii duo loco illorum ſigillarent. Sed reſiſtentibus Dominis Italicis, non potuit hoc obtinere, licet contriſtatus fuerit contra unum de Dominis. Satis propter evitandum omnem ſuſpicionem & ſcandalum, quod poſſet inde ſuſcitari, literas Domini conceſſerunt.

Nonne etiam illi Adverſarii Dei & Eccleſie falſiſſima miracula conſinxerunt ad ſimplicem populum magis ſeducendum? Nonne dixerunt publice, quod Dominus noſter Papa CLEMENS VII. ſtatim, quando ab intruſo reſceſſit, habuit ſignum tæhæ impreſſum in facie, & hoc multis Regibus & Principibus per ſuas literas conſcripſerunt, de cujus contrario per aſpectum ſui vultus evidenter apparet? Nonne publicaverunt publice, quod in prima Miſſa, quam celebravit, Corpus Chriſti auſugit ab Altari? cujus contrarium per duo millia teſtium, ut ex teſtimoniis, qui in electione & coronatione ipſius præſentes fuerunt, maniſeſtiſſime probaretur.

Manſi Tom. III. Supplementi Concilior. pag. 666.

PRAGENSIS SYNODUS

ANNO CHRISTI MCCCXXXIV. IN FESTO S. LUCÆ.

Pradicavit in hac Archi-Epiſcopali Synodo Sermonem de emendatione morum Cleri & populi *Matthæus de Cracovia.*

Hæc tantum Petrius Tom. I. Theſ. noviff.

Matthæus de Cracovia cur dicatur, neſcitur: credens fuit de ea urbe, propterea Polonus, ſea Chriſt. Bernardus Petrius Ord. S. Bened. Tom. I. Theſauri noviffimi *Ancedotorum in Prefatione* pag. 14. aſſertit eundem non Polonum, ſed Germanum natione, genere Pomeranum fuiſſe, de quo eodem aliis codices MSS. videt Petrius.



SYNO-

SYNODUS DIOECESANA WORMATIENSIS

AB ECCHARDO A DERS EPISCOPO, CELEBRATA

Anno Christi MCCCLXXXIV. Urbani VI. Papæ VI.
Wenceslai Regis V.*Hujus Synodi, cujus Acta intercederunt, mentionem facit Charta sequens:*ECKARDUS, DEI ET APOSTOLICÆ SEDIS GRATIA, EPISCOPUS
WORMATIENSIS.

Presentium tenore profiteamur, quod cum nuper, videlicet: Anno MCCCLXXXIV. in Feria secunda ante Festum Ascensionis Domini citari mandavimus, Dilectos Nobis in Christo Joannem Horne, Decanum, ceterosque omnes & singulos Canonicos Ecclesiæ nostræ Collegiæ S. Petri Vallis-Wimpinensis, ut coram nobis comparere deberent WORMATIÆ, objectioni per nos eis datæ, quod ad Synodum nostram Feria IV. post Dominicam, qua cantatur in Ecclesia Dei: *Quasi modo geniti*. WORMATIÆ celebratam, venire obmisserunt, responduri.

Comparentibus igitur in termino præassignato coram nobis, Alberto de Auerbach Præposito, Johanne Thesaurario, & Joanne de Nysperg, Canonico dictæ Ecclesiæ Wimpinensis, ipsius Ecclesiæ, & Concaneonicorum suorum nomine, pro excusatione absentię Synodi allegantibus: quod tempore ab antiquo, de cujus initio memoria hominum non existat, apud Prædecessores nostros etiam sit observatum, quod pro Ecclesia Wimpinensi, & omnibus personis ejusdem, Prælati, Canonici, Beneficiati, & Officiati, una persona ipsius Ecclesiæ, nomine aliorum omnium, & pro ipsis, in Synodis episcopalibus semper transmissa sit, & consuevit interesse; & quod in Synodo nostra præscripta Johannes dictus

de *Veningen*, Presbyter prebendatus Ecclesiæ ejusdem Wimpinensis, religione indutus, juxta morem antiquum interfuerit nomine Decani, Thesaurarii, & Canonicorum ipsius Ecclesiæ; Audita igitur allegatione illa, & defensione, cum etiam fide dignorum testimonio simus sufficienter informati, allegationem & defensionem præscriptas, nobis propositas, continere veritatem; Nos, volentes dictam ecclesiā nostram Wimpinensem, Prælatos ipsius Ecclesiæ, Canonicos, Beneficiatos, ceterasque personas ejusdem, in iuribus suis, & consuetudinibus laudabilibus, paterno more, semper pie conservare, & ne nunc, vel in futuro, a Nobis, vel Successoribus nostris Episcopis WORMATIENSIBUS, quovis modo in his aggraventur, sollicite providere, consuetudinem de persona unica de ipsa Ecclesia Wimpinensi, nomine aliarum omnium personarum ejusdem, ad Sanctam Synodum episcopalem, consuetis temporibus, transmittendam, ex certa scientia approbamus, & presentibus sigilli nostri appensione roboratis, in testimonium perpetuum confirmamus.

Datum anno Dom. MCCCLXXXIV. Feria IV. ante Festum Dominicæ Ascensionis.

Ex Archiv. Eccles. Colleg. Wimpinens.

CONCILIIUM WORMATIENSE

ANNO CHRISTI MCCCLXXXIV.

SUB ECCHARDO A DERS, EPISCOPO.

Cum civitas & populus Episcopi & Cleri immunitates aperta vi impugnarent: Episcopus & Clerus Wenceslaum Imp. imploravit contra violato-

Tomus IV. Concilior. German.

res Clericalis Immunitatis: Imperator scripsit & ad varios Nobiles & Cives WORMATIENSIS, ut ab his injuriis in Clerum desisterent sub poena Banni Imperia-

X x x

lis

lis ex Norimberga & Moguntia, quas literas Imperiales refert Cl. Sebastianus in codice Probationum Historie Wormatiensis N. CCXIX. CCXX.

Deinde ipse Episcopus Wormatiensis cum universo Clero fœlus defensivum iniecit contra civium Wormatiensium ausus

temerarios: & ob hunc finem Synodum celebrat anno MCCCCLXXXIV. XXII. Novembriis.

Relatum a Sebastianus in codice Probationum Historie Wormatiensis N. CCXXI. pag. 193.

CONCILIIUM SALTZBURGENSE

Anno Christi MCCCCLXXXVI. Urbani VI. Papæ VIII.
Wenceslai Regis VIII.

*In causa disciplinæ Ecclesiasticæ tempore PILGRINI Archi-
Episcopi celebratum.*

TITULI CAPITULORUM.

- | | |
|--|--|
| I. De modo dicendi Horas Canonicas. | X. Contra vilipendentes sententias excommunicationis. |
| II. De absolutionibus impendendis. | XI. De publicatione Constitutionis Bonifacii VIII. contra recipientes pedagias a Clericis. |
| III. De abutentibus indulgentiis a Superioribus super absolutionibus concessis. | XII. De occupatoribus Beneficiorum, & eorum bonorum. |
| IV. De modo absolutionis impendendæ in casibus dubitalibus. | XIII. De usurariis, & eorum panis. |
| V. De habitu Clericorum. | XIV. Ne Clerici conveniantur coram secularibus Judicibus. |
| VI. De eodem, & differentia habitus majorum ab inferioribus. | XV. Ne ignoti Presbyteri admittantur ad Divina. |
| VII. De munda conversatione verum, & usorum Divino cultui deputatorum. | XVI. De Notariis publicis. |
| VIII. Ne Mendicantes admittantur sine Diocesani licentia & testimonio litterarum. | XVII. Ut Episcopi, Prelati, & Rectores habeant quæstiones sigillatim. |
| IX. De Immunitate Clericorum, & eorum rerum, ab impositionibus secularium Dominorum. | |

Hæc sunt instituta Domini PILGRINI, Archi-Episcopi Saltzburgensis, Apostolicæ Sedis Legati, publicata in Provinciali Concilio Saltzburgensi, anno M. CCC. LXXXVI.

P R Æ F A T I O.

AD LAUDEM & HONOREM, ac GLORIAM NOMINIS DEI, ac SALUTEM DOMINICI GREGIS NOBIS COMMISSI:

NOS PILGRINUS, DEI gratia, Archi-episcopus Saltzburgensis Ecclesiæ, Apostolicæ Sedis Legatus, Joannes Gurzensis, Fridericus Chiemensis, & Joannes Secoviensis, Ecclesiarum Episcopi, una cum aliis Venerabilibus Patribus, ac Procuratoribus suis, ac Coepiscoporum nostrorum, & quorundam

aliorum Prelatorum presentium, nobiscum in hoc Sacro Provinciali Concilio residentibus, ad correctionem excessuum, & reformationem morum, diligenter ac matura deliberatione præhabita, infrascriptas Constitutiones edidimus salubres & utiles, jure fundatas, æquitati consonas, & per quas subditorum servatur honestas:

stas: quas per locorum Ordinarios, Prælatos, Archidiaconos, & alios Ecclesiarum Rectores, per totam nostram Provinciam publicari, & sub penis in eis contentis præcipimus inviolabiliter observari.

CAPITULA.

I. *De modo dicendi Horis Canonicis.*

Quia ut accepimus, Clerici diversi diversimode in Horis Canonicis, & diversis officiis diversum præstandi tenent modum, contra Canonica instituta: Volentes igitur huic morbo remedium apponere opportunum, districte præcipimus, ut ab omnibus & singulis Clericis secularibus in præstando idem modus & ordo in Divinis Officiis, & Horis Canonicis observetur: ita quod unusquisque in hoc sum Cathedrali Ecclesie, sive fuerit Regularis, sive secularis, rationabiliter se conformet. Si quis hujus constitutionis transgressor exhiberit, per loci Ordinarium, vel Archidiaconum, Canonica monitione præmissa, ab ingressu Ecclesie suspendatur. Religiosos vero in suis rationabilibus observantiis volumus remanere.

II. *De Absolutionibus impendendis.*

Sanctione præfenti, sub interminatione maledictionis æternæ districte prohibemus, ne aliqua majori excommunicatione notatos, aut suspensos, vel in homicidio, furto, sacrilegio, falso testimonio, perjurio, incestu, instrumentorum & litterarum falsitate, & aliis casibus Sedi Apostolicæ, vel Nobis specialiter, vel nostris Suffraganeis, aut aliis competentibus iudicibus reservatis, quacunq; præsumant absolvere, vel vota commutare. Quod si quis fecerit, ab officio suspendatur, donec pro superiorum arbitrio satisfaciatur competenter.

III. *De abutentibus indulgentiis, a superioribus super absolutionibus concessis.*

Cum interdum tam a Sede Apostolica, quam ex speciali indulto, plerisque gratiose concedatur, ut in casibus superioribus reservatis cum sibi subditis dis-

pensare, ac eos absolvere, ac eis pro modo culpæ poenitentiam injungere valeant competentem;

Verum quia nonnulli indulto hujusmodi abutentes, poenitentias hujusmodi in pecuniarum proprium, & buralem quæstum vertunt: Nos igitur attendentes, quod privilegium meretur amittere, qui concessa sibi abutitur potestate: discernimus hujusmodi indulgentias a Nobis concessas, vel in posterum concedendas, post hujusmodi abusum esse nullas, vacuas, & inanes: declarantes etiam absolutiones, quas tales abutentes impenderint, similiter fore nullas. Abutentes quoque eo ipso suspendimus a Divinis, donec pro qualitate culpæ absolutionis Beneficium a suis superioribus meruerint obtinere.

IV. *De modo absolutionis impendenda in casibus dubitalibus.*

Volumus, & omnibus Ecclesiarum Rectoribus districte præcipimus, ut in casibus dubitalibus, præcipue periculum, vel salutem animarum concernentibus, ad superiorem recurrant confidenter: vel saltem peritiores, vel sapientiores studeant super his diligenter requirere; quod si non fecerint, & eorum incuria vel negligentia, periculum aliquod emergerit, gravi subiaceant ultioni.

V. *De habitu Clericorum.*

Quoniam per decentiam habitus extrinseci oportet Clericos intrinsecam morum honestatem ostendere, districte prohibemus, ne aliqui Clerici sine capucio capitis, bireto, capello, vel pileo cooperto, in Ecclesia, seu alias in publico præsumant incedere, cum hoc honestatem non deceat Clericalem. Quod si quis contra fecerit, per superiorem acriter puniatur.

VI. *De eodem, & differentia habitus majorum ab inferioribus.*

Canonica testatur auctoritas, quod ex majore decore & majoritate ornatuum apparere debeat majoritas dignitatum. Hinc est, quod firmiter inhibemus, ne Clerici in publico utantur vario, (a) vel illud

(a) Vide Glossarium du Cangii, verbo: *varis*.

Tamius IV. Concil. German.

illud deferre præsumant, nisi in dignitatibus fuerint, vel Canonici Ecclesiarum Cathedralium, vel in gradu magisterii scientiæ litterarum fuerint constituti. Adjicientes quoque, ne ipsi Clerici, maxime non Beneficarii, cincturis corrigiis, aut peris auri vel argenti ornatum habentibus utantur, aut etiam veste, vel alio habitu indecenti.

VII. *De munda conversatione rerum & vasorum Divino cultui deputatorum.*

In plerisque Ecclesiis mappæ, pallæ Altaris, Corporalia, & alia vestimenta, ac vasa Divino cultui deputata, tam inculca, tam immunda relinquuntur, ut interdum quibusdam sint horroni, contra statutum Concilii generalis. Et licet alias super his tam a viris, quam a Legatis Sedis Apostolicæ, quam etiam a nostris Prædecessoribus satis utiliter sit provisum: Nos vero repetitis eorum constitutionibus, volentes expressius providere; universis custodibus, sacristis, Ecclesiarum Rectoribus, præcipimus, quatenus omnia vestimenta, ornamenta & vasa supradicta, per ipsos munda & nitida & præcipue Ecclesiastica Sacramenta, sub clausura & fide custodia conserventur. Si quis vero in transgressione hujusmodi statuti culpabilis fuerit, usque ad condignam satisfactionem ab officio suspendatur.

VIII. *Ne mendicantes admittantur sine Diocesani licentia & testimonio litterarum.*

Quia Religiosos, præcipue fratres mendicantes, decet puritatem omnimodam in suis actibus observare: tamen sæpe divagandi & dissolutionis materiam mutantur, scandalum aliorum & tanquam pseudo Prophete fabulosis prædicationibus audientium animos plerumque seducunt: & quamquam invitati ipsarum Ecclesiarum Rectoribus ipsi fratres, nisi per eosdem Rectores vocati, vel invitati ad hoc fuerint, de jure non audeant, nec debeant predicare: volumus tamen, quod nequaquam dicti Rectores ipsos invitent, vel admittant, nisi de proponendo Verbum Dei a suis Superioribus licentiam habeant, & de illa sæpe dictis Rectoribus faciant plenam fidem. In civitatibus

vero & Diocesi, in quibus ipsorum fratrum loca consistunt, ac in locis vicinis, nullatenus ad dictum officium predicandi, vel ad confessiones admittantur, nisi (b) locis Diocesanis Canonice præsentati fuerint prius & admissi.

IX. *De Immunitate Clericorum, & eorum rerum, ab impositionibus secularium Dominorum.*

Dum Ecclesiæ & Ecclesiasticæ personæ, ac res ipsorum, non solum jure civili, quin imo & Canonico, & Divino, secularibus personarum tassilis, collectis, & exactionibus sint immunes, nonnulli tamen Ecclesiasticæ libertatis & immunitatis æmuli, hujusmodi libertatem offendere moluntur. Nos igitur ipsorum ausus, quantum possumus reprimere cupientes, statutum Domini JOANNIS Episcopi Tusculani, Apostolicæ Sedis Legati, qui invalores, & occupatores, & detentores Ecclesiasticorum bonorum, vel dantes in his auxilium, consilium, vel favorem, si postquam per Ecclesiarum Prelatos, vel Rectores requisiti fuerint, infra mensem non destiterint, vel de damnis datis non satisfecerint, extunc subicit Ecclesiastico interdictio; ad hujusmodi exactores, collectores, & talliatores, declaramus extendi, ut extendimus sanctionem præsentem: omnibus Ecclesiarum Prelatis & Rectoribus, sub excommunicationis pœna, districte præcipient, quatenus hujusmodi statuta inviolabiliter observent, ac nihilominus singulis annis ter in suis Ecclesiis fideli populo studeant predicare.

X. *Contra vilipendentes sententias excommunicationis.*

Multi in profundum malorum venientes, adeo Ecclesiæ claves, & Ecclesiasticæ censure sententias vilipendendo contemnunt, quod tam incorrigibiles plerique talium facti, in suæ damnationis periculum, in hujusmodi sententiis moriuntur. Quare statutum Domini FRIDERICI Prædecessoris nostri, quod per omnes civitates & Dioceses mandat, tales sententias publicari per Ecclesiarum Prelatos, & observari præcipimus, ut sic malignorum perversitatibus obviatur.

(b) forte: locorum

XI. De publicatione Constitutionis Bonifacii VIII. contra recipientes pedagias a Clericis.

Constitutiones felices recordationis Bonifacii VIII. editas contra eos, qui ab Ecclesiis & Ecclesiasticis personis, pro earum rebus propriis, quas non negociandi causa deferunt, vel deferri faciunt, vel transmittunt, suo vel alieno nomine, pedagias, vel quidagias exigunt, vel extorquent, eosque, qui in his culpabiles fuerint, si personæ sint singulares, excommunicationis, si vero collegium, civitatem, vel castrum, vel locum alterius concernit, interdicti sententiæ subiacere: per locorum Ordinarios, Prelatos, & Archidiaconos, ac Parochiales Ecclesiarum Rectores præcipimus solemniter publicari: quemadmodum etiam in *Piemenesi Concilio* est provide constitutum.

XII. De occupantibus Beneficiorum, & eorum bonorum.

Omnibus volumus esse notum, quod tam Episcopi, quam alii Ecclesiarum Prelati, & quæcunque alie Ecclesiasticæ personæ, qui bona vacantium dignitatum & Ecclesiarum quarumcunque sibi subiectarum, seu ad collationem, vel ad præsentationem eorundem pertinentium, occupant, rapiunt, aut usurpant, vel in suos usus convertunt; ipsi Episcopi ab ingressu ecclesiæ; inferiores vero, ab officio & beneficio de jure sint suspensi, donec de occupatis satisfaciant cum effectu: laici vero, si Judices fuerint, aut ecclesiarum Patroni, bona hujusmodi rapientes vel usurpantes, juxta statutum felices recordationis Domini FRIDERICI, Prædecessoris nostri, eo ipso sententiam excommunicationis incurrant: in locis vero, ad quæ eadem bona delata fuerint, postquam hoc Reſtoribus ecclesiarum innotuerit, juxta ejusdem statuti tenorem tandiu cessatur a Divinis, donec de ablatis congrue fuerit satisfactum.

XIII. De usurariis & eorum penis.

Apud multos ita crimen usurarum invaluit, quod nonnulli nullis negotiationibus vel laboribus student intendere: putantes sibi hoc licere, quod Præ-

lati, vel alii ecclesiarum Rectores, in animarum suarum periculum negligunt id corrigere, ac per hoc in majoris damnationis laqueum se immergunt. Nos igitur recolendæ memoriæ Domini JOANNIS Tusculani Episcopi, Legati Sedis Apostolicæ, ac aliorum Prædecessorum nostrorum vestigiis inherentes, qui crimen hujusmodi fuerint specialiter detecti: decernimus eosdem usurarios, postquam per suos Rectores trina monitione nominatim moniti fuerint, & infra mensem ipsi ab eadem pravitare non destiterint, eo ipso excommunicationis sententiæ subiacere. Quapropter singulis ecclesiarum Prelatis, ac Reſtoribus districte præcipimus, ut omnes manifestos usurarios moneant, & inducant, quatenus ab hujusmodi pravitare infra unius mensis spatium curent studiose desistere, ac de perceptis satisfacere cum effectu. Quod si non fecerint, extunc excommunicati publice nuncientur. Certificetur nihilominus, quod si in hoc crimine sine satisfactione Canonica cautioni (c) de satisfaciendo decesserint, Christiana careant sepultura. Ipsi quoque Rectores, & scienter sepelientes eosdem, simili de jure excommunicationis sententiæ sint ligati. Declaramus insuper manifestos usurarios esse, de quibus est publica vox & fama, & certa sunt indicia, & argumenta, quod pecunias mutuunt ad uluras, easque recipiunt, vel fructus rei pignorate ex pacto, vel alias sibi usurpant, vel imbuſant, nec computant in sortem pecuniæ pignorate.

XIV. Ne Clerici conveniantur coram secularibus Judicibus.

Sæpe contingit, quod aedum laici, sed Ecclesiarum Prelati, & alii Clerici (quod dolentes referimus) alius alium ad secularia trahant judicia, contra Canonicas & legitimas sanctiones: ex quo non modicum ecclesiasticæ libertati detrahitur, ac ecclesiæ plerumque in suis juribus & libertatibus grandia dispendia patiuntur. Nos volentes his malis, quantum possumus, obviare: decernimus, quod, si Prelatus, vel quivis alius Clericus, alium Prelatum vel Clericum, vel etiam laicum quæcunque aliam ecclesiasticam personam, coram seculari

X x x 3

judi-

(c) forte: vel cautione

judice trahere, vel convenire, aut tractus seu conventus sponte & judicialiter præsumpserit respondere: tam trahentes, quam tracti, ultra penas contra tales a jure prolatas, eo ipso se noverint, excommunicationis sententiæ subjacere.

XV. *Ne ignoti Presbyteri admittantur ad Divina.*

Firmiter inhibemus, ne Presbyteri peregrini vel ignoti ad Missarum solemniam celebranda in publico admittantur, nisi per literas testimoniales, vel Canonicæ de ipsorum ordinatione ecclesiarum Prælati & Rectoribus fiat fides.

XVI. *De Notariis publicis.*

Placuit nostro *Sacro Concilio*, ut nullus se Notarium publicum asserens, in officio tabellionatus aliquatenus admittatur, nec credatur ejus instrumento, nisi coram loci Ordinario, vel ejus Officiali de suo officio faciat plenam fidem, cum sæpe ex Notariis incognitis & imperitis grandia pericula soleant provenire.

XVII. *Ut Episcopi, Prælati, & Rectores habeant (d) Quatuor singillatim.*

Dudum fuit in nostra Provincia constitutum, ut Episcopi suffraganei omnes provinciales Constitutiones habeant singillatim, easque suis subditis, sicut juris est, studeant publicare. Verum,

(d) forte: Constitutiones.

quia hujusmodi statutum, fructum modicum hucusque produxit: Nos igitur illud ampliare, & penæ adjectione valere volentes, ne ipsarum ignorantiam ipsi vel subditi prætereundum valeant, vel quoslibet allegare; statumus, & districte præcipiendo mandamus, quatenus omnes & singuli ecclesiarum Prælati, Archidiaconi, ac Parochi, ecclesiarum Rectores, tam Legatorum Sedis Apostolicæ, quam Nostrar, & Prædecessorum nostrorum Constitutiones scriptas habeant, quas non habentibus de nostra Cancellaria præcipimus exhiberi, sub petentium tamen sumptibus & expensis. Quod si ipsi Prælati, & Archidiaconi infra sex mensium spatium a data præsentium, rationabili causa cessante, ipsas per se, vel alios non receperint, seu habuerint: ipsos, & quemlibet ipsorum, qui in hoc negligens vel remissus fuerit, eo ipso ab ingressu ecclesiæ suspendimus, donec a suo Superiore absolutionis beneficium meruerit obtinere.

Acta sunt hæc *Salzburgi* in nostro Archi-Episcopali Palatio, anno Domini MCCCXXXVI. Pontificatus Sanctissimi in Christo Patris, & Domini, Domini URBANI, Divina Providentia Papæ VI. anno VIII. Mensis Januarii.

Harduinus Tom. VIII. Concil. pag. 1900. post editionem Regiam & Lobbesnam.

CONCILIIUM MOGUNTINUM

SUB CONRADO II. ARCHIEPISCOPO MOGUNTINO,

ANNO CHRISTI MCCCCLXXXVII. URBANI VI. PAPÆ IX.
WENCESLAI REGIS IX.

Contra Waldenses invalescentes Moguntia.

ANNO MCCCCLXXXVII. invaluit sub Conrado de Wimpurg, Archiepiscopo Moguntino, Waldensium secta, Lutheranae haud dissimilis, adeo ut 36. civitates Moguntini, ea hæresi infames, Bingium sint abdocti, & ibidem combusti.

Latomus Catalog. Archiepisc. Moguntin.

Meuckenius Tom. III. Scriptorum Germania pag. 542.

Serarius verum Moguntin. Lib. V. pag. 867.

CONCILIIUM COLONIENSE

Anno Christi MCCCXC. Bonifacii IX. Papæ II.
Wenceslai Regis XII.

*Quomodo Clerici Beneficiati Horis Canonicis & Tractatibus
Capitularibus interesse debeant.*

FRIDERICUS, DEI GRATIA, SANCTÆ COLONIENSIS ECCLESIAE
ARCHIEPISCOPUS, SACRI IMPERII PER ITALIAM ARCHI-CANCELLARIUS,
ET APOSTOLICE SEDIS LEGATUS, UNIVERSIS ET SINGULIS ABBATIBUS, PRIORIBUS,
PRÆPOSITIS, ARCHI-DIACONIS, DECANIS, ET CAPITULIS, PAROCHIALIUM
ECCLESiarUM, CAPELLARUM, ET ALTARIUM RECTORIBUS, PER CIVITATEM ET
DIOECESIM COLONIENSEM CONSTITUTIS, SALUTEM IN DOMINO.

CRebra veridicorum relatione, & oculata fide cognovimus, quod quinquam Scitita bonæ memoriæ Domini, SIFRIDI, HENRICI, WALRAMI, & WILHELMI, Prædecellorum nostrorum Sanctæ Coloniensis Ecclesiæ Archiepiscoporum, *pro vita, honestate, statu & honore Clericorum & Ecclesiasticarum personarum* provide facta & ordinata, innovaverimus, ac sub certis & gravibus poenis, & sententiis firmiter observari mandaverimus, prout in litteris nostris desuper confectis plenius continetur: dolentes tamen, & amaricati referimus, quod nonnulli Ecclesiarum, & Monasteriorum Prelati dictarum civitatis & Dioecesis, ad quos Clericorum, & Beneficiatorum sibi subjectorum correctio spectat & disciplina, in reformatione Status Ecclesiastici, Canonicorum, & Beneficiatorum correctionibus & disciplinis, sunt quamplurimum desides & negligentes, ita quod per eorum desiliam & negligentiam, cultus Divinus deperit & diminuitur: Beneficium, quod datur propter officium, servicio debito defraudatur: atque ubi quadraginta vel circiter Beneficiati sunt residentes, vix quinque aut sex, ad Matutinas, & ad alias Horas veniunt decantandas. Cæteri vero circa commensationes, ebrietates, superfluas (a) & nocturnas atque illicitas vagationes, ut de aliis taceamus, noctem vertentes in diem; ferè totum noctis tempus expendunt: reliquum somno relinquentes, non ad concitandum avium, sed vix hora tertiarum excitantur. Et cum campanas præsentiarum aut distributionum pulsari audiant, non quæ

Dei sunt, sed propria sua querentes, & ad Ecclesias tanquam acceptali currentes, receptis, licet omnino non deferitis, præsentis, seu quotidianis distributionibus, statim ab inde discurrunt, & Divinis interesse contemnunt: & quod deterius est, sunt & nonnulli, qui nec Horas Canonicas, nec de Domina nostra legunt. In aliquibus etiam Ecclesias, prohi dolor, hic modus inolevit, ut decantatis Tereis, Responsorio & Versu in Vigiliis, statim Decanus & Canonici de Choro recedentes ad domos Capitulares, pro suis & Ecclesiarum suorum tractatibus, factis Capitularibus, colloquutionibus, collationibus, factis & negotiis expediendis, progredientes recedunt, vix tribus aut quatuor Vicariis in Choro, pro vigiliis complendis, Missa defunctorum & commendatione peragendis, relictis. Et in huiusmodi tractatibus & factis Capitularibus Ecclesiarum seu Monasteriorum suorum peragendis, nedum publicis, verum etiam disciplinaribus & occultis, adeo sunt incompotiti, tumultuosi & violenti, quod voluntatem suam & libitum rationi aliorum præferre conantes, commodum proprium, & suorum extorquere nituntur per importunos clamores & disturbia, ac interruptiones vocum assidentium aliorum. Et, quod deterius est, per opprobria, insultationes & contumelias, minas, insidias, persecutiones & invasiones, ac alias injurias & violentias enormes, tam in locis Capitularibus, Ecclesiis & Immunitatibus, quam extra, perpetrant & perperam committunt, quod

(a) superfluitates

quod ex his Ecclesiæ ipse & Monasteria, disciplina Ecclesiastica, status, honor, & bona, seu prædia Ecclesiarum & Monasteriorum, miuere & damnabiliter percunt & negliguntur: Canonici & personæ Capitulares, rationalia & iusta proponentes, opprimuntur, vocabisque suis Capitularibus, & libertate loquendi sibi debita spoliuntur, in Omnipotentis Dei offensam, Divini cultus diminutionem, Ecclesiarum & Monasteriorum desolationem, & exinanitionem, fraternæ pacis, & concordie dispendium, laicorum ridiculum, scandalum populorum, personarum Ecclesiasticarum confusionem, detrimentumque non modicum & gravamen. In quibusdam etiam Ecclesiis, ubi duodecim, & sexdecim Missæ, aut plures, seu pauciores celebrari deberent, heu vix duæ, aut una celebrantur. Laici quoque Beneficia seu Præbendas non eo modo, quo instituta existunt, deseruiunt. Sunt denique & nonnulli Clerici seculares & Religiosi, ac in sacris Ordinibus constituti in civitate & Diocesi Colonienfis Beneficiati, statuta supradicta minime curantes, imo potius contemnendo vilipendentes, qui vestes virides & rubeas, calceos rostratos, cincturas desuper tabbardos cum cultellis trisoris in publico & intra septa Ecclesiarum, Monasteriorum, ac in ipsis Ecclesiis, Monasteriis, & Choris, dum Divina celebrantur, deferunt, & sine tonsura cum capillis decurtatis, vel saltem absque debita tonsura incedunt: & cum tali viatico habitu choreas & publica spectacula visitant, ac visitare & frequentare non formidant, omnem per hoc ordinem, statum & honestatem Clericales denigrando confundentes, propter quæ Divinis cultus diminuitur, odia provocantur, dissensiones pullulant, Christi Fidelium devotio deperit, & quamplurima animarum pericula generantur: & prohi dolor delinquentium huiusmodi tantum invaluit temeritas & audacia, quod jam inter Clericum taliter incedentem, & laicum, differentia haberi vix poterit, seu discerni. Unde Nos talia detestabilia atque nefaria deinceps sustinere, seu diutius dissimulare non valentes, vos omnes & singulos supradictos, & vestrum quemlibet presentibus, qui fueritis requisiti, seu fuerit requisitus: ita tamen, quod unus vestrum

aliud non expectet, nec alter vestrum pro altero se excuset, requirimus & monemus, vobisque in virtute sanctæ obediencie & sub pœna excommunicationis, quam ferimus in his scriptis, trium tamen dierum monitione Canonica præmissa, districte præcipiendo mandamus, quatenus accedentes, quo propter hoc fuerit accedendum, & accedere fueritis requisiti: moneatis omnes & singulos Ecclesiarum quarumcunque, & Monasteriorum civitatis & Diocesis prædictarum Prælatos, ad quos correctio & Ecclesiarum, & Ecclesiasticarum personarum status, & reformatio dignoscuntur pertinere, quos & Nos tenore presentium requirimus & monemus, eisquæ & eorum cuilibet in virtute sanctæ obediencie districte præcipiendo mandamus, quatenus ipsi solum Deum præ oculis habentes, subditos suos in his, quæ ad disciplinam, Divinum cultum, vitam Canonicam & honestam spectant, taliter corrigant, reformet & emendent, ut Divinus cultus augeatur, fructus Beneficiorum debite deserviantur, Horæ Canonice tam nocturnæ, quam diurnæ, tractum, distincte & devote decantentur: Missæ juxta exigentiam Beneficiorum celebrentur, ac alia debita & onera, per laicos etiam adimplenda, rite peragantur. Alioqui contra ipsos & ipsorum quemlibet procedemus, & negligentes in præmissis, juxta modum excessuum Canonice puniemus, prout Nobis videbitur, iustitia mediante.

Insuper sub pœna excommunicationis, quam ferimus in his scriptis, sex tamen dierum Canonica monitione præmissa, districte præcipimus & mandamus omnibus & singulis Præpositis, Decanis, Canonicis & Capitulis civitatis & Diocesis Colonienfis, quod decreto in antea nullatenus accedant aut vadant ad quoscunque tractatus, collationes aut collocaiones pro quibuscunque etiam factis & negotiis, nisi vigiliis, Missa defunctorum & commendatione penitus peractis & completis: & quod nemini quotidianas distributiones, sive presentias faciant dari aut distribui, neque dent vel distribuunt, nisi illis, qui in choro fuerint, quando tertium Responsorium & tertius versus in vigiliis, Evangelium in Missa Defunctorum & Psalmus: *Memento Domine David*, in commendatione de-

decantantur aut legantur : & qui in altero istorum trium non fuerit , careat portione , & parte distributionum , aut præsentiarum , ipsum illa vice contingente . Et quod hoc jurare faciant Camerarios , aut præsentiarum distributores , durantibus suis officiis inviolabiliter observaturos . Inhibemus etiam , districtius præcipiendo omnibus & singulis Canonicis , & cuilibet eorum , sub poena excommunicationis supradictæ , ut in tractatibus & factis Capitularibus , ac aliis colloquutionibus , & collationibus quibuscunque , inter se communiter , vel divisim habendis , taliter sine composu , & moratu , quod ex hoc Ecclesiarum , & Ecclesiasticarum personarum scandala & vituperia , damna , dispendia , & gravamina non exurgant : & ne per clamores importunos & disturbia , aut interruptiones vocum aliorum , & præsertim per opprobria , insultationes , & contumelias , ipsi , vel aliquis eorum , contra alium vel alios quomodolibet insurgat , vel insurgant : & quod nec ipsi , vel aliquis eorum per se , vel alium , seu alios , ullo unquam loco vel tempore , per minas quascunque verbo , vel facto quomodolibet

illatus , vel inferendas , aut per insidias , persecutiones , vel invasiones violentas , aut alias injurias enormes quascunque contra alias personas Ecclesiasticas , aut aliquam earum quomodolibet foveant , vel insurgant , foveant , vel insurgat publice , vel occulte ; sed iustitia , & juris executione coerenti , causas & quæstiones inter se motas , vel movendas , via iustitiæ prosequantur . Alioqui omnes & singulos , in præmissis culpabiles & rebelles , prædicta Canonica monitione præmissa , sententia excommunicationis , quam ferimus in his scriptis , innodamus : gravius nihilominus processuri , prout Nobis videbitur , iustitia median- te . Damus insuper dilecto Nobis Officiali curiæ nostræ præmissa declarandi , processus aggravandi , & suspendendi , & sententiæ absolvendi , & cætera in præmissis faciendi , prout ei videbitur expedire , tenore præsentium plenam , & liberam potestatem . Datum Godesberch nostro sub Sigillo præsentibus appenso , Anno Domini 1390. die 16. mensis Septembris .

Ex typo Colonienfium Statutorum A. 1554.

CONCILIIUM ULTRAJECTENSE

Anno Christi MCCCXCII. Bonifacii IX. Papæ IV.
Wenceslai Regis XIV.

In quo cognita causa Monachi cujusdam sacrilegi.

IN DEI NOMINE. AMEN.

FLORENTIUS de Wewelichoven , Dei & Apostolicæ Sedis gratia , Episcopus Trajectensis , nec non eadem gratia Fratres ARNOLDUS Episcopus Capitioliadensis , WENEMARUS , Episcopus Symbolienfis , HUBERTUS , Episcopus Yppusenfis , BERTOLDUS , Episcopus Lindienfis , ANDREAS , Episcopus Miylconienfis , & JACOBUS , Sareptensis , conjudices in negotio infra- scripto . Præsidente rationis Imperio in animo judicantis fedit in examine veritatis pro tribunali iustitiæ , & quasi Rex in solio iudicii reclinato , de cuius ore pro- cedit gladius bis acutus . Cujus etiam aspe- ctu terribili propriæ voluntatis dissipatur

arbitrium , noxius appetitus absque personarum delectu sub juris regula limitatur . Hæc enim fuit æterni prudentiæ judicis , de cuius vultu recta judicia pendent , ut iudices constituerentur in orbe , qui iustitiam diligant , filios hominum judicent , & pro modo culpe feriant delinquentes . Sane cunctis inau- ditam sæculis scelerum immanitatem tu- am , qui caput es scandali & petra offensionis , non sine grandi cordis mœstia attendentes , & tuam insuflissimam temeritatis audaciam , quæ nimirum cœ- lum perturbat , & terram tremere facit , crebris , suspiciosisque angustis recen- sentes , cogimur , ut contra te ad debite ,

Tomus IV. Concil. German.

Y y y

quam

quam meruisti animadversionis vindictam, exigente iustitia, procedamus. CHRISTI igitur nomine invocato pro tribunali, & solum Deum præ oculis habentes, communicato nobis virorum prudentium, & jurisperitorum consilio plurimorum, quia Nobis per tuam confessionem, & alias evidenter, & legitime constat, 1. quod tu literas Apostolicas falsasti, 2. & titulum Pontificalis apicis temerarie, & fallaciter usurpare, & tibi ascribere, 3. & perquam plurimis hominibus ordines minores & majores conferre, 4. Christum conficere, 5. Ecclesias, Capellas, & altaria consecrare & reconciliare, 6. in frontibus confirmare, cæteraque Pontifici duntaxat incumbencia exercere, sub falso, & per te conficto Episcopali titulo, in Treverensi, Moguntinensi, Argentina, & Trajectensi Diocæsi, aliisque locis, per decem annorum curricula, & ultra, quumque Episcopos non esses, nec sis de facto, in tue & multarum grave periculum animarum, totius Catholicæ, & universalis Ecclesiæ contemptum frontose, & damnabiliter præsumpsisti. Lacet etiam per diutina satis tempora Nos FLORENTIUS, Trajectensis antedictus, tibi spatium poenitendi in carceris nostri custodia reservato, dum pie clementiæ motu duxerimus indulgendum: quatenus etiam Altissimum, quem tam graviter tuis nefandis reatibus offendisti, placare studeas, & ipsius misericordiam devotis, crebrisque precibus lacrymosis assequi posses; tu tamen nesciens ad cor reverti, & poenitiæ agere dignos fructus, quamvis diutius expectatos, indurato corde, & obstricto animo tempora poenitudinis tibi per Nos misericorditer, ut antefertur, indulta, quod dolenter referimus, usque in tempus præsens in tue salutis dispendium parvipendere nullatenus horruisti. Idcirco Nos FLORENTIUS, Coepiscopi superius nominati, propter, & ad actum præsentem convocati specialiter, & præentialiter congregati, secundum ea, quæ vidimus, audivimus, & cognovimus, cognoscimus, atque scimus, te ad eundem legitime ciarum, ab omnibus Ecclesiasticis Ordinibus, & officio Sacerdotali, tanquam literarum Apostolicarum falsarium, Sacramentorum Ecclesiasticorum abusorem, & hostem, animarum fidelium vastatorem, ac sacrorum Ca-

nonum transgressorem perpepno, 1. degradamus, deponimus, & privamus, 2. teque actualiter degradandum, & deum degradatum Curie seculari relinquendum, & legitime citra mortis periculum puniendum fore, in his scriptis finaliter condemnamus.

Post prædictam sententiam in eum præsentem laram, seorsim ducebatur degradandus, & vestimentis Sacerdotalibus induebatur, & ferendo calice cum vino, & patena cum hostia in manibus suis, ac si debuisset Missam solemniter celebrare, reducebatur coram Episcopo Trajectensi, qui detrahendo sibi insignia Sacerdotalia, videlicet calicem cum patena ac casulam & stolam, utebatur his verbis: *In remotione planeta auferimus tibi vestimentum, & insignia Sacerdotalia, teque honore Sacerdotali privamus. Quo facto Episcopus in continenti, in signum deletionis Sacerdotalis, cum vitro exunxit leviter citra sanguinis effusionem loca manuum, quæ fuerant inuncta, ducens tractum cum illo vitro a pollice dextero per indicem sinistram. Deinde fecit secundum tractum a pollice sinistro per indicem dextrum sicut moris, quum Episcopus aliquem in Sacerdotem inungit. De hac ratione seu tonsione manuum notatur in tertio parte specul. tit. de accu. §. secundo loco: verbi, Degradandum. Talis tamen ratio in decreto degradationis de poenis lib. PL non præcipitur, nec etiam prohibetur, sed duntaxat sit mentio de racione, vel tonsione capitis ut not. ib. Jo. Andr. super verbo: Radatur, in novella.*

Quo completo, iterato secessit ad partem, & induebatur habitu Diaconali, scilicet dalmatica, & stola pendente super humerum ejus sinistram, ut moris est Diaconum vestiri, & sic ferendo codice Evangeliorum in manibus suis representabatur coram Episcopo prædicto, qui hæc sibi contrahendo dixit: *In remotione planeta auferimus tibi vestimenta, & insignia Diaconalia, teque honore Diaconali privamus.*

Post huc abili iterato seorsum, & induebatur tunica Subdiaconali, & manipulo in sinistro ejus brachio apposito, & ferendo in manibus suis codicem epistoliarum, reducebatur coram Episcopo, & tunc etiam sibi addebatur calix vacuus cum

cum patena in manu, quia illum in collatione Ordinis Subdiaconalis de manu Ordinatoris accepit. Quo facto Episcopus sibi hæc detrahendo præmisit hæc verba: *In remotione planete auferimus tibi vestimentum, & insignia Subdiaconalia, teque bonore Subdiaconatus privamus.* Privatus supradictis insignibus, ut prius, secessit ad partem, cingulum deponendo, & albam exuendo: & indutus superpellicio Clericali, ferendo in manibus suis candelabrum cereo extincto, & ampullam, coram Episcopo fuit representatus, & Episcopus ei abstulit candelabrum cum cereo & ampullam, & immediate post hoc exiit eum superpelliceo, quo induerat eum Ordinator in collatione primæ tonsuræ, & pronuntiavit in hæc verba: *Auctoritate Dei Omnipotentis, Patris, & Filii, & Spiritus Sancti, ac Nostra, tibi auferimus habitum Clericalem, & depomi-*

mus, degradamus, spoliamus, ac eximus te omni ordine & privilegio Clericali. Deinde Episcopus incepit cum forcipe tondere parumper capillos capitis sui. Et postea barbitonsor illud cum novacula perfecit: ita quod in eo nullum remaneret vestigium tonsuræ, vel Clericatus.

Postremo his peractis inducebatur habitu laicali, & relinquebatur Judici seculari, ut in suum forum eum reciperet, cum protestatione, quod penam sanguinis ei non infligeret, quia hoc Episcopo petere non licet, ut patet ex *Cap. Ne Cleric. vel Mon. C. Sententiam*, & *De crim. fals. C. Ad audientiam*. Ideo supplicabant Domino Traiectensi, & ejus Sculteto, illi sex Episcopi prædicti, aliique Prælati ibidem præsentis, quod citra mortis periculum dignarentur circa eum sententiam moderari juxta Decretum: *Novimus. de verb. sign.*

Monachus quidam scelestus Episcopum se, nulla licet consecratione initium gerebat, idque muneris sibi Apostolicarum literarum, quas ipse fabricaverat, autoritate delatam jactabat. Fraude hac usus Sacerdotes plures, aliosque minores Clericos sacris Ordinibus consecraverat, donec tandem FLORENTIUS, Episcopus Ultrajectensis, cuius se Suffraganeum dicebat, rem subodoratus, ad Romanum Pontificem detulit, eoque mandante eum detrulit in carcerem; tum septem adhibitis Episcopis judicium solenne instituit. Judicium istud *Synodum* appellat Raynaldus in *continuatione Baronii* ad annum 1391. quare locum hic suum meretur; totamque ejus historiam hanc exhibeo ex veris MS. codice Ultrajectino vulgata a *Matthæo in Analectis Tom. III. pag. 281. nov. edit.*

Anno Domini ccc. xcii. ultima die Septembris, quidam Jacobus, Ordinis Fratrum Minorum Presbyter, de Ducatu Juliacensi oriundus, fuit in civitate Traiectensi super quoddam solarium in medio Noode de lignis erectum verbaliter & actualiter per modum infra scriptam degradatus pro eo, quod ipse sibi usurpando per quasdam literas confectis Apostolicis, quas falsavit, titulum & nomen Episcopi Lavacensis, in Diocesi in Suffraganeum Episcopi Traiectensis assumptus aliquandiu, & antea per decem annos in Trevirensi, Maguntinensi, & Argentina Diocesibus Ordines minores & majores, ceteraque Episcopalia celebrare & exercere præsumpsit. Post degradationem vero fuit relictus tanquam laicus Sculteto & Scabinis Traiectensibus ibi præsentibus, & cum in suum serio recipientibus. Et per eorum sententiam in eodem loco, præsentente Domino FLORENTIO Episcopo Traiectensi, fuit idem Jacobus adductus ignis cremationi in cacabo, prope dictum solarium inferius parato. Tandem tamen per gratiam fuit ereptus de cacabo, & capite in eodem loco truncatus.

Constitutis igitur Domino FLORENTIO prædicto, aliisque sex Episcopis subscripitis, & singulis eorum induris Pontificalibus, ac sedentibus in solario supradicto, Magister Arnoldus Po vice, ac de mandato eorum in dictum Jacobum talem sententiam promulgavit.

Manf. Tom. III. Supplementi Conciliorum pag. 674.



SYNODUS PRAGENSIS

Anno Christi MCCCXCII. Bonifacii IX. Papæ IV.
Wenceslai Regis XIV.

*JOANNIS, Archi-Episcopi Pragensis, variae Synodales
CONSTITUTIONES.*

JOANNES, DEI GRATIA, SANCTÆ PRAGENSIS ECCLESIE ARCHIEPISCOPUS, APOSTOLICÆ SEDIS LEGATUS, UNIVERSIS ET SINGULIS PRÆLATIS, PRÆSENTIBUS CLERICIS SÆCULARIBUS ET RELIGIOSIS, CURATIS ET NON CURATIS, AUT EORUM LOCA TENENTIBUS, NOBIS ORDINARIO ET LEGATIONIS JURE SUBJECTIS, SALUTEM IN DOMINO.

INter cunctas sollicitudines nostras, quibus Nos Pastorale officium & debitum injunctæ servitutis astringit, illa debet esse præcipua, ut Gregis Domini Nobis superna dispositione commissi animarum cura non negligatur, & ne illum lupus rapax, aniquus humani generis inimicus, invadat, ejusque sanguis de nostris (quod absit) Prophetæ dicente, manibus requiratur. Sane, cum secundum Canonicas Sanctiones, ultimo deputandis supplicio negari, si perant, non debeat Pœnitentiæ aut Eucharistiæ Sacramentum, abuturum damnabiliter in quibusdam locis Provincia & Diocesis nostræ contra hoc introductum, hac Synodali Constitutione abolere omnino volentes, omnes & singulos Barones, Nobiles, Justiciarios, Bailivos, Capitaneos, Burgimagistros, Magistros civium, Judices, & Juratos, ac alios Dominos temporalem jurisdictionem obtinentes, Nobis ordinario & legationis jure subiectos requirimus, monemus & hortamur, & per viscera misericordie Domini nostri JESU CHRISTI obsecramus in Domino, ut ab hujusmodi desistant abusu; mandantes, & injungentes in virtute sanctæ obediencie, & sub pena excommunicationis, præfatis Prælati, & Ecclesiarum Parochialium Rectoribus, & Plebanis, quatenus præfatos Dominos Barones, Nobiles, Justiciarios, Bailivos, Capitaneos, Burgimagistros, Magistros civium, Judices & Juratos, nec non alios Dominos quoscumque præfidentes eis, & temporalem jurisdictionem obtinentes, & in eorundem Parochiis consisten-

tes, toties, quoties opus fuerit, moneant & requirant, quos & Nos præfatis nostri statum requirimus & monemus auctoritate, ut ipsi præfatum usum damnabilem aboliri facientes, omnes & singulos ultimo supplicio deputandos, ante hujusmodi supplicium, si perant, aut affectaverint ex devotione, permittant recipere & sumere Pœnitentiæ, & Eucharistiæ Sacramentum, seu viaticum cum effectu, quibusvis impedimentis, seu fucatis occasionebus procul moris. Quod si præfatorum Prælatorum præfidentium, seu Plebanorum monitionibus & requisitionibus, ac præfenti nostræ Synodali Constitutioni acquiescere non curaverint; damus, & tenore præsentium plenam concedimus facultatem præfatis Plebanis & Præfidentibus, in præfatos Barones, Nobiles, Justiciarios, ac alios Dominos omnes & singulos supradictos, temporalem jurisdictionem obtinentes, non parentes hujusmodi nostræ salubri constitutioni, sententias Ecclesiasticæ censuræ, toties, quoties opus fuerit, proferendi, & monitione Canonica præmissa promulgandi, nec non ad denunciationem eorundem procedendi, si necesse & visum fuerit expedire. Rarus etiam atque gratus habebimus sententias, quas præfati Prælati, Plebani, & præfidentes in tales Nobiles rite tulerint, & faciemus; auctore Domino, firmiter observari.

Præterea, in tantum, peccatis exigentibus, corda quorundam Presbyterorum Simoniacæ servitus depravat, quod nec Baptismi, Eucharistiæ, Pœnitentiæ,

AUT

aut extremæ Unctionis Sacramenta, nec benedictionem nubentium, aut exequias seu sepulturam mortuorum, sive alia quæcumque spiritualia, suis nolint subditis ministrare, nisi pro huiusmodi spiritualibus, seu administratione ipsorum, eis solvatur, vel promittatur præmium ex pacto, pro suæ turpitudinis excusatione, imo verius accusatione, diuturnam consuetudinem prætendentes: & quamvis hæc per statuta Provincialia, dudum per Prædecessores nostros edita, sunt expresse prohibita & vetita; Nos attendentes, quod ea, quæ super iis repetuntur, melius memorie commendantur: ne tam perniciosam venalitatem videamur nostris temporibus approbare, prædictum statutum, in libello statutorum Provincialium expressum, per nostrum præsens statutum duximus repetendum, mandantes: quatenus singula prædicta Sacramenta, & res sacre, non obstante quacumque consuetudine, sine exactio-
ne cuiuscumque temporalis emolumenti libere conferantur, & quicumque de cætero præmissorum, vel alicujus ex præ-

missis venditor deprehensus fuerit, si est Rector Ecclesie, perpetuo ipsa privetur; si vero Vicarius, seu Socius fuerit, ad nostros carceres, ut poenitentiam agat, detrudatur. Insuper Archi Diaconi locorum, seu Decani rurales, si pro sacris liquoribus, Censurate, vel Oleo, per se, vel alios aliquid præsumpserint extorquere, suis beneficiis perpetuo spolientur; & quia defidia & oblivio mater ignorantie existunt & confusionis, oleo districte præcipimus & mandamus omnibus Archi-Diaconis, & Decanis civitatis & Diocesis nostre Pragenfis, quatenus libellum statutorum huiusmodi, & aliorum per Prædecessores nostros, & Nos editorum, tam *Provincialium*, quam *Synodali*um, habeant, & in suis convocationibus integre legant & publicent sub pena suspensionis ab ingressu Ecclesie &c.

Datum Praga, anno Dom. MCCC-LXXXII. die XVII. mensis Junii.

Ex codice MS. Bibliotheca Metropolitana Pragenfis describat Cl. Schomatus h. m.

CONCILIIUM MONASTERIENSE

Anno Christi MCCCXCIII. Bonifacii IX. Papæ V.
Wenceslai Regis XV.

*Statutum Reverendi in Christo Patris ac Domini, Dni OTTONIS (a)
Episcopi Monasteriensis, feliciter incipit:*

- I. Confirmat Statuta Antecessorum Gerbardi & Everbardi.
- II. Lubberto excommunicato communicantes suspendit.
- III. Jurisdictionem Archi-Diaconorum suspendit.
- IV. Spolia mortuorum vetat.
- V. A Colonienfi nulla rescripta recipienda.
- VI. Decanus Monasteriensis non habet jurisdictionem, nisi in suis Caponicos.

OTTO, DEI GRATIA, MONASTERIENSIS EPISCOPUS, UNIVERSIS ET SINGULIS ABBATIBUS, PRÆPOSITIS, DECANIS, PRÆLATIS, CANONICIS, ECCLESIAE ET CAPELLARUM RECTORIBUS, CAPELLANIS, VICARIIS, ET ALIIS CLERICIS QUIBUSCUNQUE NOSTRÆ CIVITATIS ET DIOECESIS SALUTEM, ET COGNOSCERE VERITATEM.

NOS habita deliberatione cum fidelibus nostris Canonis Ecclesie Monasteriensis non excommunicatis, apud quos jus Capituli decernimus residere, ac Prædecessorum nostrorum vestigiis inhaerentes:

Y y y 3

I. Om.

(a) Otto III. Comes de Hoya floruit ab anno 1392. ad 1424. 3. Octobr.

I. Omnia & singula (*) per felicis recordationis Monasterienses quondam Dominos *Gerbardum* (b), & *Everbardum* (c), Prædecessores nostros sunt statuta, & ordinata, & mandata, secundum formam & tenorem eorundem per præsentem nostram constitutionem confirmamus, ratificamus, & approbamus, & inviolabiliter præcipimus observari.

II. Item, cum *Lubbertus de Langhen* jam dudum Apostolica, & Nostra auctoritatibus sit excommunicatus, & quidam Canonici Monasterienses Archidiaconi dicto Lubberto communicent, & in sua malitia & pertinacia assistant, & eundem præsumptuose foveant, in eisdem sententiis excommunicationis ex hoc innodati;

III. Nos eorundem Archidiaconorum præsumptionem punire volentes, jurisdictionem, quam habere dignoscuntur, ratione dictorum Archidiaconatum suspendimus per præsentem: unde vobis universis præcipimus & singulis sub pena excommunicationis lætæ sententiæ, ne quis deinceps se intromittat nomine eorundem, aut eisdem tanquam Archidiaconis obediat vel intendat.

IV. Item, cum quædam consuetudo pessima, quæ potius dicenda est corruptela, in civitate & Diocesi Monasteriensi invaluerit, quod Archidiaconi civitatis & Diocesis Monasterienses vestes, equum, si habuerit aliquis, aut certam summam pecuniæ, & res alias, nomine exuviarum ab executoribus, sive hæredibus Rectorum, sive Vicariorum Ecclesiarum Monasterienses civitatis & Dioceseos defunctorum recipere non verentur: minus attendentes, quod indecens est, quod quidquid a bonis decedentium recipere volunt, ultra id, quod sacri Canones statue-

runt: unde nos eandem consuetudinem tanquam juri contrariam amovemus, & reprobamus, præcipientes sub pena excommunicationis lætæ sententiæ, ne quis deinceps de bonis Clericorum decedentium, seu eorum hæredibus, seu executoribus testamenti Ecclesiæ dictæ consuetudinis extorqueat, vel recipiat quomodo.

V. Item statuimus, & ordinamus, & sub pena excommunicationis lætæ sententiæ mandamus, ut nulla persona Ecclesiastica nostræ civitatis & Dioceseos, mandata, monitiones, vel sententias Domini Colonienfis Archiepiscopi, vel ejus Officialis recipiat, vel exequatur, cum ad id secundum statuta INNOCENTII Papæ Quarti non teneatur.

VI. Item pronunciamus, & decernimus, quod Decanus Monasteriensis, qui pro tempore fuerit, & Capitulum Monasteriense conjunctim vel divisim in vos, vel in aliquem vestrum jurisdictionem, vel mandata non habere, nec eorum præceptis vel sententiis vos, vel aliquem de vobis obligari, vel innodari. Si vero aliquis in hoc per ipsos conjunctim vel divisim in vos, vel in quemlibet vestrum attemptari contigerit, illud attemptatum ex nunc irritamus, & nullum nuntiamus, quod & vos, ubi necesse fuerit, publicetis; Salvo, quod Decanus Monasteriensis, qui pro tempore fuerit, quemadmodum alii nostri Decani, postquam in jus confirmationis Canonice sunt adepti, jurisdictionem in suos Canonicos, quod Nostra, & Prædecessorum nostrorum auctoritate recipere consueverunt.

Ex libro Monasterii Westphalorum impresso A. 1486.

(*) *supple*: quæ

(b) *Gerhardus Comes de Marca.*

(c) *Everhardus de Deest.*



CONCILIIUM MONASTERIENSE

EODEM ANNO.

*Reverendi in Christo Patris, & Domini, Domini OTTONIS
de HOYA, Episcopi Monasteriensis, Statuta Diœcesana
feliciter incipiunt:*

OTTO, DEI, ET APOSTOLICÆ SEDIS GRATIA, MONASTERIENSIS
ECCLESIAE EPISCOPUS, UNIVERSIS ET SINGULIS PRIORIBUS, PRÆ-
POSITIS, DECANIS, ARCHI-DIAONIS, ECCLESIAEQUE PAROCHIA-
LIUM ET COLLEGIATARUM RECTORIBUS, AC ALIIS QUIBUSCUNQUE
PERSONIS ECCLESIASTICIS, PER CIVITATEM ET DIOECESIM MO-
NASTERIENSEM CONSTITUTIS, SALUTEM IN DOMINO
SEMPITERNAM.

Cum ad id Pastoralis cura Nos indu-
cat, ut regimini Pastoralis suis tem-
poribus juxta necessitatem nostram sub-
venire teneamur, cum vero status di-
versorum Presbyterorum, & Clerico-
rum aliorum Beneficiorum, & non
Beneficiorum, in nostris civitate & Dîe-
cesi Monasteriensi prædictis, commoran-
tium taliter se habeat, ut merito inde
suscipio habetur: alii tonsurâ debita
Clericali, nec vestibus decenibus, & pro-
ut eorum status requirit, non utentes,
imo, quod deterius est, tabernis, hi-
strionibus, ludis se immiscentes, in præ-
missis Privilegia Clericalia renuntiantes:
alii autem temporibus *Synodorum Gene-
ralium* in habitu laicali, religione spre-
ta comparent, non exhibentes Statuta
Provincialia aut Diœcesana, ex quibus
posset edoceri, quoquomodo & qualiter
se & subditos suos regere possent, &
deberent: alii vero, qui Rectores Eccle-
siarum, & Capellarum Curatarum, &
non Curatarum existunt, nonnullos tam
Religiosos, quam seculares Presbyteros
aliam Diœcesim, & maxime ignaros,
ad Evangelizandum Verbum Dei, &
Divina, seu Missarum solemnia in Eccle-
siis, & Capellis celebrantes sine nostra,
aut Vicarii nostri in Spiritualibus licen-
tia admiserunt, & continue sic admittere
minime curant: alii vero Capellas rura-
les, in eorum Parochiis constructas, &
Deo dicatas, & sacratas, per eorum sub-
ditos, licentia nostra ad hoc minime ob-
tenta, devastari, destrui, & annihilari
permiserunt, & adhuc permittere non
formidant: alii vero, qui Rectores Pa-
rochialium Ecclesiarum, & Collegiata-

rum, & Capellarum Curatarum ex-
sunt, coram excommunicatis celebrare
non abhorrent, eosque causâ avaritiæ,
seu amicitiae, & ob alias causas, dictos
Curatos ad hoc moventes, singulis die-
bus Dominicis, & Festis excommunica-
tos, prout tenentur, excommunicare
recusant, & recusant. Nos vero ex
Pastorali Officio in præmissis omnibus,
prout juste tenemur, obviare volentes,
vobis omnibus personis Ecclesiasti-
cis prædictis sub excommunicationis in-
obedientiæ, & irregularitatis poenis,
quas in vos, & in quemlibet vestrum
ferimus, nisi feceritis, quæ mandamus,
districte præcipimus, & mandamus, ne
vestrum aliquis tabernis, ludis, histrio-
nibusque se immisceat, sed unusquisque
vestrum tonsuram debitam Clericalem,
& vestes decentes, prout Statuta Pro-
vincialia, Synodalia, & Diœcesana edi-
cunt, deferentes incedant: vobis vero
Parochialium Ecclesiarum, Capellarum
curatarum Rectoribus, qui ad regen-
dum gregem Dominicum estis instituti,
ut eundem gregem, vosque metipsum
multoties ex humana fragilitate errantes,
eo salubrius regere, & ab errore ad vi-
am veritatis reducere possitis, præcipi-
mus, & mandamus sub poenis antedi-
ctis, quotiens unusquisque vestrum
Provincialia, Synodalia, & Diœcesana
sibi procuret statuta, semper Synodali-
um tempore nunc in antea Generalium,
Monasterii celebrandarum, se coram
Nobis, aut in Spiritualibus Vicario no-
stro, cum eisdem statutis per eundem Vi-
carium signandum præsentaturus, vobis
vero Ecclesiarum Collegiatarum, Para-
chia,

chialium, ac Capellarum Rectoribus prædictis, ac quorumcunque locorum, ac Monasteriorum Prælati, Superioribus, præcipimus, & mandamus sub pœnis supradictis, ne de cætero aliquem Religiosum, nisi vobis per Nos, aut Vicarium nostrum in Spiritualibus præsentatus fuerit, Seu Presbyterum sæcularem, nisi per Nos, aut eundem Vicarium examinatus fuerit, & admissus, in vestras Ecclesias ad aliquos actus Sacerdotes exercendos, recipiatis, & admittatis. Cæterum autem vobis omnibus prædictis, qui Ecclesias, seu Capellas rurales, ut præmittitur, destrui permisistis, præcipimus, & mandamus; quatenus monentis omnes & singulos, quorum nomina sciveritis, in specie, reliquos vero in genere, earundem Ecclesiarum, seu Capellarum destructores, nisi hoc de Nostra, aut piæ memoriæ *Domini Heydenrici*, Ecclesiæ Monasteriensis Episcopi, Prædecessoris nostri, seu ejusdem, sive nostri in Spiritualibus Vicarii licentia factum fuerit speciali; ut infra septem dies post vestram monitionem, quam Dominica die Passionis Domini proxime futura, post executionem præsentium per vos fieri volumus, ut valorem earum Ecclesiarum, & Capellarum, vobis, & Provisoribus Ecclesiarum vestrarum conjunctim, ad structuras Parochialium, Collegiatarum Ecclesiarum vestrarum convertendum donent, & assignent: alioquin propter hoc eisdem, dictis septem diebus elapsis, in his scriptis excommunicamus, excommunicatos publice eisdem nuntietis, nomina, & cognomina monitorum Nobis per vestras authenticas literas liquide rescribentes sub pœnis supradictis: inhibentes nihilominus omnibus & singulis vestris

subditis communiter, vel divisim, quibus, & Nos sub excommunicationis, & viginti marcarum denariorum Monasteriensium per quemlibet contrarium facientem, Nobis solvendarum pœnis, præsentibus inhibemus, ne quis Capellas, seu Ecclesias rurales, noviter Deo dicatas, destruere, seu annihilare præsumat, nisi hoc de Nostra, aut in Spiritualibus Vicarii nostri licentia fecerit speciali: contrarium in præmissis facientes, excommunicationis sententiam, pœnamque pecuniariam volumus incidisse: & nihilominus, ne vestrorum Curatorum, Rectorum, & Prælatorum Ecclesiarum prædictarum aliqui per Parochiam aliquam possint prætereignam, & valeant: ut etiam boni, ne in malum cadant, abhorreant, mali etiam de malo in bonum reducantur; Vobis præcipimus, & mandamus, quatenus per vos, aut vestros Capellanos de cætero semel in mense ex registro inibi excommunicatis conscripto, aut conscribendo per vos excommunicari mandavimus, aut Officialis curiæ nostræ mandavit, vel forsan mandabimus, seu mandabit excommunicatos, eisdem excommunicetis, seu excommunicari faciatis, mandantes vobis, & cuilibet vestrum districte præcipiendo sub excommunicationis lætæ sententiæ pœna, quatenus quivis vestrum præsentis nostri mandati copiam a Notario Cameræ Curiæ nostræ, & Sigillo Curiæ ejusdem munitam recipiat, antequam de civitate Monasteriensi recedat.

Datum sub Sigillo Curiæ nostræ prædictæ, quo utimur in præmissis, Anno Domini millesimo ccc. nonagesimo tertio, feria tertia post Dominicam *Oculi*.

Lunig Continuatio II. Spicilegii Ecclesiastici pag. 808. 809.

Aliud OTTONIS Episcopi Statutum.

ANNO CHRISTI MCCCXCVIII.

OTTO, DEI GRATIA, EPISCOPUS MONASTERIENSIS, UNIVERSIS ET SINGULIS ECCLESiarUM PAROCHIALIUM, CAPELLARUM, ALTARIUM, DIVINORUMQUE RECTORIBUS, PER CIVITATEM ET DIOECESIM MONASTERIENSEM UBILIBET CONSTITUTIS, SALUTEM

IN DOMINO.

INter alia statuta per felicitis recordationis LUDOWICUM Prædecessorem nostrum edita, statutum de laicis, se de

bonis, & rebus Ecclesiasticis intromittentibus, duximus innovandum, & præsentibus innovamus, cujus tenor sic inci-

incipit, & est talis : " Frequens itaque
 " & assidua Nos querela circumstrepit ,
 " quod quidam laici ausu sacrilego non
 " solum de rebus , & personis Eccle-
 " siasticis , & maxime Ecclesiarum Pa-
 " rochialium, se ingerunt, verum etiam
 " de reliquiarum oblationibus, clavibus,
 " & Ecclesiarum ornamentis , & lega-
 " tis se intromittunt contra Ecclesiasti-
 " cam libertatem. Nos vero attendentes,
 " quod cum laicis de rebus , & personis
 " Ecclesiasticis disponendi , & iudicandi,
 " vel de vita eorum aliquid investigandi,
 " nulla attributa sit facultas , sed ipso-
 " rum iudicio, quidquid illud est, refer-
 " vandum ; provide diximus statuen-
 " dum , ut laici de cætero se de talibus
 " non intromittant absque consilio , &
 " consensu Rectorum Parochialium Eccle-
 " siarum, volentes, quod duo viri honesti
 " & idonei in singulis Ecclesiis Parochiali-
 " bus Rectori Ecclesiæ adjungantur, qui
 " singulas claves cum Plebano , oblatio-
 " nes universas ad luminaria, vel ad fabri-
 " cam pertinentes , in una arca concludant,
 " & de communi consensu assumptis,
 " cum hoc opus fuerit, de Pa-
 " rochiis aliquibus providis & honestis, fa-
 " cturi, prout plus expedire viderint uti-
 " litatibus , & necessitatibus Ecclesiarum.
 " Insuper prohibemus sub insinuatione
 " maledictionis æternæ, ne laici de cætero
 " in Ecclesiis, cimiteriis, aut plateis trun-
 " cos , aut imagines ratione questus po-

nant , vel deferant eum tabulis circum-
 euntes,questum congregantes , absque
 consilio, consensu , & voluntate, & or-
 dinatione Rectorum Parochialium Eccle-
 siarum : & taliter conquesta in usus , &
 utilitates Ecclesiarum convertantur, de
 quibus omnibus tam receptis , quam
 expensis , Rectores Ecclesiarum cum
 Magistris fabricarum singulis annis in
 Synodo quadragiesimali coram Archidiacono suis
 teneantur reddere rationem , de qua
 computatione Archidiaconi nil emolu-
 menti sibi poterunt vendicare. Qui vero
 contrafecerint , si personæ fuerint sæcu-
 lares, excommunicationis, si vero Col-
 legium, vel universitas civitatis, vel cas-
 tri, vel loci alterius, cuiuscunque ipsa
 civitas, caltrum , vel locus, interdicti
 sententias ipso facto incurrant, monitione
 Canonica præmissa, nec ab excom-
 municatione hujusmodi absolutionem,
 vel interdicto relaxationem obtineant,
 donec de transgressione satisfecerint com-
 petenter. Executione facta reddite litte-
 ras sigillatas, locum executionis , atque
 diem liquide rescribentes. Datum sub
 Sigillo Curie nostræ Monasteriensis ma-
 jori. Anno Domini millesimo ccc. nona-
 gesimo octavo, feria sexta post Domini-
 cam Oculi.

*Impressum Monasterii Wipphorum an-
 no 1486. in 4to.*

*Recensum a Luing. Continuat. II. Spicil.
 Ecclésiast. pag. 809.*

Aliud Statutum ejusdem Domini OTTONIS.

ANNO CHRISTI MCCCCXIII

OTTO, DEI, ET APOSTOLICÆ SEDIS GRATIA, MONASTERIENSIS
 ECCLESIE EPISCOPUS, UNIVERSIS ET SINGULIS ABBATIBUS,
 PRIORIBUS, PRÆPOSITIS, TAM CONVENTUALIUM QUAM COLLEGIATA-
 RUM ECCLESiarUM DECANIS, ARCHIDIACONIS, THESAURARIIS, SCHOLASTICIS, CANTORIBUS, CANONICIS, PAROCHIALIUM ECCLESiarUM, CAPELLARUM,
 ET ALTARIUM RECTORIBUS, CÆTERISQUE PRESBYTERIS CURATIS ET NON CURA-
 TIS, AC CLERICIS ALIIS PER CIVITATEM ET DIOCESEM NOSTRAM MONASTERIENSEM
 CONSTITUTIS, ET EORUM CULIBET SALUTEM, ET SINCERAM IN DOMINO CHARITATEM,
 ET MANDATIS NOSTRIS INTRA SCRIPTIS FIRMITER OBEDIRE.

CUM Domum Domini decet sancti-
 tudo, Ministrosque pudicos, hu-
 miles, pacificos, & modestos Rex pacifi-
 cus pia miseratione disposuit, nonnulli ta-
 men in ministerium Domini assumpti,
 quos virtutis amor a vitiis non retraxit, im-
 punitatem excessus sperantes sua effre-
 nata pertinacia, sui ipsius honoris ac toti-
 us status Clericalis prodigi, diversis abu-

sibus, & actibus abusivis, imo prohibi-
 tis inverecunde se implicant , & immi-
 scent, ac ministerium sibi traditum Deo,
 & Ecclesiæ non curant impendere , ad
 hoc se non teneri , temere asserentes ,
 vel saltem impendunt minus plenarie,
 ac peccatum adjucentes peccato , de
 præmissis , cum male fecerint, gloriantur.
 Ideoque, ne culpabiles in præmissis

Tomus IV. Concil. German.

Z z z

11

sis ex dissimulatione, vel permissione, saltem tacite, videamur præbere consensum, & ob hoc argui, seu de negligentia reprehendi valeamus; ad compescendos seu abolendos abusus, & indecentia quæcunque, monemus omnes & singulos Clericos supradictos, vobisque, & vestrum cuilibet in virtute sanctæ obediencie districte præcipiendo mandamus, quatenus infra triginta dies a data præsentium computando, quorum decem pro primo, decem pro secundo, & reliquos decem dies pro tertio, & peremptorio termino, ac monitione Canonica præfigimus, & assignamus, quascunque focarias, seu concubinas, si quas habetis, a vobis, & domibus vestris ita remote repellatis, quod verisimiliter nihil sinistra possit suspicari de eisdem, nec easdem resumatis, sed continenter vivere studeatis, & caste ab omni libidinis vicio: quatenus in conspectu Omnipotentis Dei puro corde, & mundo corpore valeatis ministrare, & familiam honestam vobiscum in domibus vestris teneatis. Et subditi, qui per eorum Prælatos comprehensi fuerint in incontinentie vicio, prout magis & minus peccaverint, ab eorum Ordinariis, & Prælatibus infra prædictum terminum triginta dierum debite puniantur: alioquin Nos prælatorum Prælatorum negligentiam suppletentes in præmissis, tales puniemus secundum Canonicas sanctiones poena decenti, ut inde abstineant a peccato. Et qui ea de causa per Nos, vel Prælatos suspensus, Divina Officia celebrare præsumperit, Beneficio Ecclesiastico spoliatur, & pro duplici culpa perpetuo deponatur. Item a crapula, & ebrietate omnes Clerici supradicti se distigenter abstineant, ut vinum sibi temperent, nec ad bibendum quispiam incitetur, cum ebrietas inducat mentis exilium, & libidinis provocet incendium. Insuper tabernas, ludos taxillorum, & alios illicitos actus non visitetis, neque frequentes usuras, & negotiationes per vos, vel alios non exerceatis: conspirationes contra vos invicem, & maxime contra Prælatos, & Majores vestros non faciatis: consuras, & vestes deferatis Clericales ultra genua protendentes, quas si non habetis, infra triginta dierum spatium vobis procuretis cum effectu: Beneficia vero Ecclesiastica habentes, prout

eorum Beneficia exigunt, & requirunt, in quatuor proximis temporibus, & deinceps aliis temporibus a jure statutis, ad sacros Ordines se promoveri faciant, & procurent. Cæterum mandamus vobis Ecclesiarum Parochialium, Capellarum, & Altarium Rectoribus, ut super conjugii Sacramento non permittatis subditos vestros amicabilem compositionem, sive transactionem inire sub poenis infra scriptis, & vestris subditis, & Parochialibus sub excommunicationis poena inlibeatis, ne fidem sibi mutuo dent clandestine, & in occulto super matrimonio contrahendo, vel etiam clam contrahant matrimonium, sed publice coram Presbytero, & pluribus aliis adstantibus hoc faciant.

De Clandestinis Nuptiis.

Item omnes & singulos, qui clandestinis nuptiis interfuerint, in his scriptis excommunicamus, nisi infra mensem a tempore contractus hujusmodi matrimonii Officiali, aut Sigillifero Curie nostræ Monasteriensis hoc revelaverint cum effectu: quod si non fecerint, ipsos singulis diebus Dominicis, & Festis excommunicatos publice nuntietis, & teneatis, donec & quousque Beneficium absolutionis litteratorie a dicto nostro Officiali meruerint obtinere. Monemus insuper Provisores, Structores Ecclesiarum, & Capellarum prædictarum, quos per vos, & quemlibet vestrum sub poenis antedictis moneri præcipimus, & mandamus, quatenus infra mensem a data præsentium immediate sequentem Ecclesias, Capellas, & coemiteria violatas, & violata, Altariaque dicata, nondum adhuc consecrata, neque confirmata, reconciliari, consecrari, & confirmari procurent realiter, & cum effectu. Requirimus etiam omnes & singulos Testamentarios, & Executores Testamentorum, Beneficiatorum defunctorum, & quarumcunque personarum Ecclesiasticarum civitatis & Diocesis prædictarum, quatenus Sigillifero Curie nostræ Monasteriensis prædicto de bonis testatorum inventis infra mensem, & de dispositione eorundem bonorum inventorum infra annum post obitum testatorum immediate sequentem certificent, & informant, ut tenentur; alioquin contra eosdem, prout de jure poterimus, censura Ecclesiastica me-

me-

mediante procedemus: & manifestos, sive Executores Testamentorum, sive ultimarum voluntatum illorum, qui ultra annum decesserunt, & dicto Sigillifero nostro de bonis testatorum per eisdem inventis, nondum adhuc computum reddiderunt, licet per Nos, & nostra mandata ad hoc sepius fuerint requisiti, in his scriptis excommunicamus, excommunicatos singulis diebus Dominicis & Festis publice nuntiatis, & teneatis. Insuper requirimus, & in Domino exhortamur omnes & singulos Dominos Abbates, Priores, Præpositos, Decanos, & Archidiaconos, ac alios quoscumque de jure, vel consuetudine jurisdictionem in subditos habentes conjunctim vel divisim, quatenus infra unum mensem a data præsentium proximum, & immediate sequentem, excessus culpabiles suorum subditorum corrigant, & Beneficiatos quoscumque, qui se a Beneficiis hucusque absentarunt, & absentant, ad personalem residentiam cogant, & inducant: sic quod nullus Beneficiatorum in Diocesi nostra Monasteriensi a personali residentia sui Beneficii sine legitima causa, & absque speciali licentia sui Prælati se absentare præsumat: alioquin negligentiam ipsorum Prælatorum auctoritate nostra supplere volentes, contra ipsos delinquentes, & personaliter non residentes, prout juris fuerit, procedemus. Inhibemus etiam universis & singulis Ecclesiarum Parochialium, Capellarum, & Altarium Rectoribus, ne aliquos Monachos, cujusvisque status, vel ordinis fuerint, ac Presbyteros extraneos, ignotos, in suis Ecclesiis, & Capellis admittant ad Divina; nisi penitus per Nos, vel Commissarium nostrum fuerint approbati, & admissi, & de eorum admissione per patentes literas, sigillo dictæ Curie nostræ Monasteriensi sigillatas legitime constiterit. Insuper mandamus vobis Rectoribus Ecclesiarum prædictarum, ac Clericis, & Campanariis earundem, ut infra Missam, & alia Divina Officia religione, ut decet, sitis, & sint induti, & in casibus, in quibus poenitentes ad Superiores remitti debeant, studentis diligenter informare, agentesque poenitentiam solemnem in die Jovis Sancto ad Ecclesiam nostram Monasteriensem reconciliatos, transmittatis. Cæterum processus & mandata quoscumque, &

quæcumque, tam Nostra, quam Prædecessorum nostrorum auctoritatibus, de consensu Capituli nostri Monasteriensi emissos, & emissas, & plures in Sancta Synodo Generali in dicta nostra Ecclesia Monasteriensi celebrata in præsentia Prælatorum, ac aliorum Clericorum civitatis & Diocesis Monasteriensi tunc ibidem congregatorum, executos, & executas, una cum statutis tam Provincialibus, quam Synodalibus, in omni eorum forma præsentibus innovamus; ipsosque, & ipsa vobis universis & singulis supradictis intimamus, intinuamus, & notificamus, ac eos, & ea cum & sub poenis & censuris in eisdem contentis, & expressis, firmiter & inviolabiliter observare præcipimus, & mandamus. Insuper vobis Dominis Abbatibus, Prioribus, Præpositis, Decanis, Archidiaconis, Ecclesiarumque Parochialium, Capellarum, & Altarium Rectoribus nostrarum civitatis & Diocesis prædictarum, & vestrum cuilibet sub poenis infra scriptis districtè præcipiendo mandamus, quatenus copias tam Provincialium felices recordationis Dominorum CONRADI, ENGELBERTI, SIFRIDI, WIGBOLDI, HENRICI, WALRAMI, Sanctæ Colonienſis Ecclesiæ Archiepiscoporum, quam Synodaliū vide licet LUDOWICI & FLORENTII, Monasteriensi Ecclesiæ Episcoporum, Statutorum vobis in debita forma infra hinc & festum Sancti Michaelis Archangeli proxime venturum procuretis, ut vos secundum formam & tenorem eorundem debite regere, & gubernare valeatis, ac copiam eorundem statutorum in proxima sancta Synodo tunc proxima & immediate sequente, Sigillifero Curie nostræ prædictæ nostro nomine per vos, & quemlibet vestrum realiter, & cum effectu sub eisdem poenis exhibere, præcipimus & mandamus. Omnia & singula, & quodlibet præmissorum sub poena excommunicationis læz sententia, quam ferimus in his scriptis, & centum florenorum Rhenensium sine nova declaratione nostra, inviolabiliter observari, præcipimus, & mandamus. Insuper mandamus vobis Archidiaconis, & aliis Prælati, ac Rectoribus Ecclesiarum supradictarum, ut copiam recipiatis ex præmissis, ut ea vestris subditis, ne aliquam ignorantiam præmissorum prætereundere valeant, possitis intimare, absentes vero, qui

qui ad hanc sanctam Synodum absque Nostra, sive dicti nostri Sigilliferi petita, & obtenta licentia speciali non venerint, vel qui sine religione dictam sanctam Synodum intraverint, præsentibus iudicamus contumaces, & super huiusmodi contumacia, prout juris fuerit, procedemus. Per hoc præsens nostrum mandatum Ecclesiam nostram Monasteriensem, & Beneficiatos in eadem, propter gloriam & honorem ejusdem nolumus in præmissis, seu in aliquo præmissorum coarctari, vel ligari. In quorum testimonium sigillum Officialatus Curiae nostrae Monasteriensis majus, quo utimur, ad præmissa præsentibus est appensum.

Datum anno Domini M.CCCC.XIII. sabbato post Dominicam Oculi.

*Impressum Monast. Westphal. anno 1486.
Recusum a Lunig. Continuat. II. Spicil.
Ecclesiast. pag. 809.*

Statuta Provincialia Coloniensia, ac Synodalia, seu Dicecesana Monasteriensia fidelissima Johanne Limburgio, Aquisi, Monasterii Westphaliae electissimo caractere impressa. Anno nostrae salutis M. CCCC. LXXXVI. pridie Idus Octobris finem feliciter sumpserunt.

*Tinxerat hæc formis sculptores arte Joannes
Limburgus superans, nec Polyclete negas.
Hoc sibi Pelle juvenis tribuisset Apelles
Pictor, & ex auro, qui dedit ora ducit.*

CONCILIIUM COLONIENSE

Anno Christi MCCCC. Bonifacii IX. Papæ XI.
Ruperti Imp. I.

Post Visitationem Generalem Domini FRIDERICI:

FRIDERICUS, DEI GRATIA, SANCTÆ COLONIENSIS ECCLESIAE
ARCHIEPISCOPUS, SACRI IMPERII PER ITALIAM ARCHI-CANCELLARIUS,
APOSTOLICÆ SEDIS LEGATUS, UNIVERSO CLERO, CÆTERISQUE
ECCLESIASTICIS PERSONIS NOSTRARUM CIVITATIS ET
DIOECESIS, SALUTEM IN DOMINO SEMPERNAM.

QUoniam in *Visitatione Generali* per Nos *personaliter* in nostra, & in nonnullis aliis Civitatis & Dicecesis nostrae Sæcularibus & Regularibus Ecclesiis, per certos nostros in hac parte *Commissarios* nuper facta, comperimus, in ipsis Ecclesiis & earum personis plurima, Deo utique & Nobis ingrata, ac Reformatione & correctione digna; ad quæ reformanda & corrigenda, licet multis arduis Ecclesiae nostrae prægravemur negotiis, solerti cura intendimus, & ea tam Prædecessorum nostrorum innovatione, quam novorum statutorum editione, nec non aliis viis & modis, quibus de jure possumus, reformare & corrigere, sicut nostro incumbit officio, desiderabiliter affectamus.

C. I. *Innovatio Statutorum Archi-Episcoporum Coloniensium.*

Inprimis igitur omnia & singula Prædecessorum nostrorum statuta &

mandata, præsertim ea, quæ pro Divini cultus augmento & reformatione morum, actuumque Clericorum, & Ecclesiasticarum personarum hætenus salubriter emanarunt, quæque etiam dudum Nos innovasse meminimus, denuo ex abundanti tenore præsentium innovamus, universis & singulis Prælati nostrae Cathedralis, aliarumque Ecclesiarum Collegiatarum, Regularium & Sæcularium civitatis & Dicecesis nostrarum, in virtute sanctæ obedientiæ, districtè præcipiendo mandantes, quatenus ipsi statuta & mandata huiusmodi, atque Nostra, cum eorum moderationibus & declarationibus, quorum copiam dictarum Ecclesiarum Capitula & Conventus vigore mandati super hoc a Nobis pridem emissi, & in Sancta Synodo publicati, habere tenentur, diligenter per se ipsos observent, & a suis subditis faciant inviolabiliter observari, ipsorumque

que statutorum ac mandatorum temerarios transgressores, prout ad eos, & eorum quemlibet pertinet, taliter corrigere & punire non differant, quod metu poenæ curent ea diligentius observare, eorumque poena sit ceteris in exemplum. Illos vero, qui excommunicationis, aut suspensionis, vel interdicti sententias in dictis statutis & mandatis prolatas, incurrerint, volumus & mandamus a perceptione fructuum Beneficiorum suorum tam diu remanere & teneri suspensos, ac in Divinis vitari Officiis, donec a Nobis, vel Officiali Curiae nostrae Colonienfis fuerint absoluti, & de absolutione huiusmodi Capitulis vel Praelatis suis, per Nostras, vel ipsius Officialis nostri literas, fecerint plenam fidem.

C. II. *De Diaconis Ecclesiae maioris Colonienfis.*

Item, quia in Ecclesia nostra Colonienfi, sicut in *Visitacione praedicta* invenimus, dudum fuit & adhuc est evidens Diaconorum defectus, praesertim ex eo, quod Canonici, qui de consuetudine ipsius Ecclesiae debent esse Diaconi, & eidem in Diaconatus ordine servire, quamvis per Decanum ejusdem Ecclesiae sepius moniti ditulerunt, & differunt, etiam absque causa rationabili, ad huiusmodi ordinem se facere promoveri, propter quod Ecclesia ipsa in Missarum celebrationibus ac Capitularis disciplinae debitis observationibus, aliasque spiritualibus & temporalibus gravia sustinuit & sustinet detrimenta; Nos volentes super hoc de oportuno providere remedio, requirimus & monemus sub poena suspensionis ab officio & beneficio, universos & singulos Canonicos Ecclesiae nostrae praedictae, qui juxta praesatam consuetudinem deberent ad dictum Ordinem esse promoti, & non sunt, ut intra quatuor menses post publicationem praesentium continue & immediate sequentes, ad eundem ordinem, cessante impedimento legitimo, se faciant promoveri. Alioqui monitioni nostrae huiusmodi non parentes, a perceptione omnium fructuum, reddituum, & proventuum Praebendarum, quae in dicta Ecclesia obtinent, sint ipso facto suspensi. Inhibentes districte, & sub excommunicationis poena, quam in his scriptis fe-

rimus, universis & singulis, ad quos fructuum, reddituum, proventuum huiusmodi ministratio, seu quaevis distributio pertinet, ne talibus sic suspensis quicquam de huiusmodi fructibus, redditibus, & proventibus, aut etiam quotidianis distributionibus, per se, vel per alium, seu alios, quovis colore quaesito, distribuunt, vel ministrent. Si qui vero Canonici legitimam habuerint excusationem, propter quam a susceptione memorati ordinis velint & debeant merito supportari, illam coram Nobis, aut Officiali Curiae nostrae Colonienfis intra praedictos quatuor menses proponere, & probare debebunt. Et ne diutius praefata Ecclesia nostra Diaconorum patatur defectum, volumus & ordinamus, quod si dicti Canonici sic (ut praefertur) moniti, non fuerint intra quatuor menses praefatos ad ordinem antedictum promoti, quod ex tunc quatuor inferiores Canonici proximiores in gradu, ad hoc habiles & idonei, seu tot, quod ad minus quinque vel sex Diaconi ad ministrandum, ac serviendum in memorato ordine sufficientes & idonei, sint in ipsa Ecclesia continue residentes, possint & valeant ad praesatum ordinem ascendere, & ad illum se facere promoveri, ac in eodem libere & licite ministrare: quibus etiam sub poena suspensionis antedictae praecipimus & mandamus, ut ad ordinem ipsum, cum ad hoc per dictam Ecclesiam Decanum fuerint moniti, & requisiti, procedere non recusent. Ut autem ad hoc facilius inclinentur, statuimus & ordinamus, quod tales post eorum promotionem, nec non alii idonei, si qui inferioris gradus ejusdem Ecclesiae Canonici, jam ad ordinem illum existunt promoti, gaudeant & potantur in Capitulo, & extra, omnibus honoribus, emolumentis, & prerogativis, quibus ipsius Ecclesiae Canonici Diaconi gaudere hactenus consueverant, & solent. Ordinationem quoque praescriptam deinceps perpetuo, quando, & quoties in ipsa Ecclesia opus fuerit, volumus obierari. Non obstantibus quibuscunque ejusdem Ecclesiae contrariis consuetudinibus, ordinationibus, & statutis, quibus in hac parte ob urgentem ipsius Ecclesiae necessitatem, & evidentem utilitatem, duximus derogandum.

C. III. *Contra inobedientes in receptione
Ordinum quarumcunque Ecclesiarum
Civitatis & Diocesis Colo-
niensis.*

Item cum non solum Ecclesiæ nostræ Majori, verum etiam universis civitatis & Diocesis nostræ Ecclesiis, ne in ipsis Ministrorum defectus existat, teneamur ex officii nostri debito providere: idcirco felicitis Rec. Domini WILHELMII, Prædecessoris nostri, inhaerentes statuto, quod incipit: *Ex injuncta Nobis* &c. quibusdam tamen additis & mutatis, innovando statuimus & ordinamus, quod Beneficiarii quicumque in nostra Coloniensi, vel aliis Collegiatis Ecclesiis civitatis & Diocesis prædictarum, qui Dignitates, Personatus, Officia, seu Præbendas, vel alia Beneficia Ecclesiastica, quibus certi ordines sunt annexi, aut debentur, pacifice nunc obtinent, aut obtinebunt in futurum, si legitimo cessante impedimento, ad hujusmodi ordines, quos Dignitates, Personatus, Beneficia, seu Officia requirunt, quovis modo etiam de consuetudine, vel de jure, si Subdiaconalis, vel Diaconalis ordo forsan existit, intra sex menses: si vero Presbyteralis ordo fuerit, intra annum a tempore pacificæ possessionis adeptæ Beneficiorum prædictorum, se promoveri non fecerint, extunc a perceptione fructuum Beneficiorum eorundem, quæ hujusmodi requirunt, sint ipso facto auctoritate præsentis nostri statuti suspensi; quos deductis oneribus eisdem Beneficiis incumbenibus, in usus Fabricæ, seu ornamentorum Ecclesiarum, in quibus Beneficia ipsa consistunt, decernimus convertendos. Quam suspensionem, si postmodum hujusmodi Beneficiarii per sex menses contumaciter sustinuerint, volumus & mandamus, ipsos dictis suis Beneficiis, hujusmodi ordines requirentibus, extunc per suos Superiores, ad quos hoc pertinet, omnino privari, & illa aliis idoneis conferri personis, qui velint & possint ad hujusmodi ordines intra tempus prædictum Canonice promoveri, penis aliis, quæ contra tales promoveri ad ordines recusantes, statuuntur in jure, nihilominus in suo robore duraturis.

C. IV. *Contra negligentes Missam, aut Evangelium vel Epistolam cantare.*

Item Statutum bone mem. WALRA-
MI Prædecessoris nostri, quod incipit, *Quaquam alim bone memoria* &c. editum contra Canonicos negligentes cantare Missam, aut Evangelium, vel Epistolam, cum ipsis ex ordine hæc cantanda incumbunt, præsentibus specialiter innovantes, præcipimus & mandamus statutum hujusmodi in omni sui forma firmiter observari: adjicientes eidem, quod negligentia seu defectus Canonici non cantantis per se, vel alium Missam, aut Evangelium, vel Epistolam, cum hæc sibi incumbunt, possit per quemcunque alium ipsius Ecclesiæ Cononicum, ad hoc idoneum, negligente Canonico etiam irrequisito, suppleri. Cui sic alterius in præmissis suppleenti defectum, volumus, & sub pena excommunicationis (quam ferimus in his scriptis) præcipimus & mandamus, statim finita Missa, per distributorem præsentiarum seu quotidianarum distributionum pro tempore ejusdem Ecclesiæ, de hujusmodi præsentis seu distributionibus ipsi negligenti tum competentibus, seu in posterum competituris, quatuor grossos Turonenses antiquos, seu eorum in alio pagamento valorem, sine contradictione qualibet solvi & ministrari, quos ipse distributor eidem negligenti postmodum defalcare poterit & debebit.

C. V. *Ut Prælati Ecclesiarum, compellant Clericos suos ad celebrationem Divinorum.*

Item, quia propter reprehensibilem Prælatorum negligentiam & desidiam, ut in *Visitatione prædicta* comperimus, Horæ Canonice, & alia Divina Officia, tam in nostra majori, quam in aliis Collegiatis Ecclesiis nostræ civitatis & Diocesis, sæpe negligenter & indevote, ac plerumque a paucis psalluntur, & celebrantur personis; districte injungimus, & in virtute sanctæ obedientiæ præcipiendo mandamus dictarum Ecclesiarum Prælati, quatenus ipsi, prout ad eos & eorum quemlibet pertinet, Canonicos, Vicarios, & Altaristas, ceterosque dictarum Ecclesiarum Beneficiarios, eis subiectos, sine licentia, & rationabili causa absentes, & non residentes,

denres, ad residendum moneant, & requirant.

Præsentibus vero, ad interfessendum frequenter, debitisque temporibus, horis, & Officiis memoratis, nec non ipsos Vicarios, & Altaristas ad celebrandum assidue Missas in suis Altaribus, ut tenentur, studiose inducant: contra rebelles, & contumaces in præmissis, vel aliquo præmissorum, seu alias quomodolibet delinquentes, debitam exercent disciplinam, si DEI offensam, & Nostram vitare voluerint ultionem.

Verum, quia nonnulli prædictarum Ecclesiarum Canonici, & alii Beneficiati, propter eorum absentiam a perceptione fructuum Præbendarum, & Beneficiorum suorum, per suos Prælatos, & Superiores rite suspensi, suspensionem hujusmodi (ut accepimus) quandoque pluribus annis contumaciter sustinent: quidam etiam suspensione ipsa durante, nihilominus fructus suarum Præbendarum, & Beneficiorum hujusmodi, interdum de facto usu temerario percipere non ventur: propter quæ, Præbendæ, & Beneficia hujusmodi, plurimque debitis servitiis indebite defraudantur.

Nos itaque attendentes, quod crescente contumacia, crescere debet & pœna: statuimus & ordinamus, quod quicumque præfatarum Ecclesiarum Beneficiatus, deinceps hujusmodi suspensionem per annum integrum pertinaci animo sustinuerit, seu qui durante suspensione ipsa, quicquam de Beneficii sui fructibus, a quorum perceptione est suspensus, propriis temeritate perciperit, excommunicationis sententiam, quam serimus in his scriptis, ipso facto incurrat.

C. VI. *Ut Beneficiati, non absint se a Beneficiis suis sine licentia suorum Prælatorum: Et tunc faciant deserviri Beneficiis suis per Vicarium.*

Præterea statuimus, quod quicumque Canonici aut Vicarii, vel alias in aliqua prædictarum Ecclesiarum Beneficiatus seu intitularus, voluerit ex licitis, & rationabili causa abesse, tenetur a suo Prælatro, seu ab illo, vel illis, cui seu quibus de jure, vel consuetudine hoc competit, licentiam petere & obtinere: qua petita & obtenta, debet per aliam perso-

nam idoneam, Beneficio suo, a quo se absentat, durante ejus absentia, facere deserviri: quod si non fecerit, volumus & præcipimus, ut per Decanum, & Capitulum Ecclesie, in qua Beneficium hujusmodi est constitutum, minister substituat idoneus, qui eidem Beneficio, & Ecclesie interim deserviat, in Divinis, cui de fructibus, & redditibus ejusdem Beneficii, mandamus per ipsos Decanum & Capitulum congrue provideri.

Quicumque vero sine licentia a suo Beneficio se absentare præsumpserit, etiam si per alium idoneum hujusmodi Beneficio deserviat, nihilominus a perceptione fructuum ipsius Beneficii, per illum ad quem id pertinet, suspendatur. Salvis tamen in his rationabilibus cujuslibet Ecclesie observantiis, consuetudinibus, & statutis, quibus per hanc constitutionem non intendimus derogare, aut eis præjudicium aliquod generari.

C. VII. *Ne quotidiana distributiones Præsentiarum, fiant in absentes.*

Item ut Canonici, & alii prædictarum Ecclesiarum Beneficiati seu Clerici, horis Canonicis, Missarum celebrationibus, aliisque Divinorum Officiis, dum in ipsis peraguntur Ecclesiis, curent frequentius interesse: statuimus, ut distributiones quotidianæ, in quibuscunque rebus constiterint, quæ pro defunctorum memoris, vel alia quavis de causa in dictis Ecclesiis, Canonicis, & aliis Beneficiatis earum dari consueverant & solent, non dentur nisi illis, qui hujusmodi officiis & memoris, tempore quo celebrantur & fiunt, in choris earundem Ecclesiarum præsentialiter interfunt, licet in ipsis Ecclesiis præsentibus existant. Qui vero aliter de distributionibus ipsis quicquam receperint (illis tamen, quos infirmitas, seu iusta & rationabilis corporis, ac evidens Ecclesie utilitas excusaret, nonnullis etiam Ecclesiarum Prælati, quibus de antiqua ipsarum Ecclesiarum consuetudine, & observantia, distributiones hujusmodi etiam in absentia sunt solite ministrari, exceptis) rerum sic receptarum dominium non acquirant, nec faciant eas suas, imo ad omnium restitutionem, quæ contra hujusmodi nostrum statutum receperint, teneantur. Mandantes,

dantes, & districte præcipientes universis administratoribus pro tempore dictarum distributionum, ut statutum hujusmodi fideliter tenere & observare procurent. Alioqui contrarium facientes, ipso facto excommunicationis sententia innodamus. Præmissis insuper addendo statuimus, & sub pœna prædicta mandamus, ut præfatæ distributiones, quatenus facultates, & vires honorum, ac reddituum ad eas faciendas assignatorum patiuntur, dentur horis, temporibus & modis, & ad hoc per illos, qui eas de suis, vel aliorum bonis ordinarunt, rationabiliter constitutis: & prout horæ, tempora & modi hujusmodi, in libris memoriarum cujuslibet Ecclesiæ, annotati & conscripti existunt: reprobantes penitus & omnino detestabilem abusum, qui in quibusdam Ecclesiis inolevit, in quibus illi, qui in commendatione animarum, dum legitur Psalmus *Miserere*, præsentem existunt, licet ante & post se absentaverint, distributiones, quæ pro defunctorum memoriis largiuntur, integraliter percipiunt, ac si totali Animarum Officio, videlicet Vigiliis, Missis, & Commendationi, præsentiter interfuissent. Præsentis vero quis uno die habere non potest in duabus Ecclesiis civitatis Colonienfis, nisi sit Prælati in una ex ipsis.

Item, ut his, qui in duabus, vel pluribus Ecclesiis nostrarum civitatis & Diocesis Canonici, vel alias Beneficiarii existunt, vagationis & dissolutionis subtrahatur occasio: statuimus & ordinamus, quod nemo deinceps una die in diversis Ecclesiis, in quibus Beneficia detinet, quotidianas distributiones percipiat, nisi in aliquas prædictarum Ecclesiarum sit Prælati, seu alias ei hoc competat ex privilegio, vel jure alio speciali: ne, dum ad plures uno tempore festinat Ecclesias, nulli earum debitum famulatum impendat.

C. VIII. *De annis gratia, defunctis ac Ecclesia debitis, redimendis.*

Item cupientes Divinum cultum nostris augeri temporibus, qui, propter defunctorum Canonicorum Præbendas, quarum fructus de consuetudine (ut accepimus) in singulis fere Collegiatis Ecclesiis nostræ civitatis & Diocesis, ad certos annos ipsis Ecclesiis, & defunctis de

facto totaliter applicantur, in multis Ecclesiis est non modicum diminutus, constitutionem, *Suſcepti regimini*, per sel. Rec. JOANNEM Papam XXII, super hoc editam, volumus & mandamus in omni sua forma diligentius observari. Præterea concedimus & indulgemus his, qui Præbendas Sacerdotales, in dictis Ecclesiis jam obtinent, vel in posterum obtinebunt, salva moderatione prædictæ Constitutionis, *Suſcepti regimini*, quod ipsi, si voluerint, omnium & singulorum annorum expectantiarum, in quolibet Ecclesia videlicet, quemlibet annum, quem elegerint redimendum, possint & valeant pro 30 libris grossorum Turonensis monete quondam Domini WALRAMI, Prædecessoris nostri, aut eorum valore redimere, sicuti idem Prædecessor noster in quadam constitutione sua super hoc edita, his, qui via permutationis Præbendas in dictis Ecclesiis assequuntur, noscitur indulgisse. Præterea statutum ejusdem Prædecessoris nostri, quod fructus annorum expectantiarum, aut pecuniam, quæ a Canonicis via permutationis intrantibus, & fructus hujusmodi redimentibus datur, inter singulares Canonicos dividi prohibet, sed in communem utilitatem, videlicet ad fabricam, vel ornatum ipsarum Ecclesiarum duntaxat converti, volentes inviolabiliter observari, ipsum propter multorum abusum duximus pœna adjectione innovandum: statuentes, ut transgressores dicti statuti, excommunicationis sententiam ipso facto incurrant: a qua absolvi non valeant; donec ea, quæ de memoratis fructibus seu pecuniis in eorum privatam utilitatem conversa fuerint, plene & integraliter restituant, & de transgressione hujusmodi satisfecerint competenter.

C. IX. *Si expellens moritur, antiquam fructus percipiat, Successor ejus tempora sua continuat, nec denuo tempus incipiat.*

Item quia WALRAMUS Prædecessor noster præfatus, ne Præbendas Ecclesiarum, in quibus vacantibus Præbendis, fructus earum per certos annos defuncto, & Ecclesiis de consuetudine applicantur, nimis diu suis servitoribus, & ministris carere contingat, aliisque legitimis rationibus motus, duxit providere statuendum, ut nulla Ecclesia civitatis & Diocesis Colonien-

lonienſis, ſibi & deſcendto ultra quadriennium fructus Præbendarum iplius Eccleſiæ vacantium, etiamſi durantibus annis expectandorum vacent pluries ſucceſſive, vendicer, vel uſurpet: ſæpe dubitatur a multis, ſi aliquis Canonicus poſt completum dictorum annorum numerum, ad perceptionem fructuum Præbendæ ſuæ ſic admiſſus decedat, vel Præbendam ſuam ſimpliciter, vel permutatione, vel alia quavis ex cauſa reſigner ſeu dimittat, utrum dictum ſtatutum etiam locum habeat in hoc caſu? Nos dubitationem huiusmodi in caſu præmiſſo locum habere declaramus, ipſumque ſimilitudine rationis inducti, ad eundem caſum extendimus & prorogamus, mandantes, & ſub pœna ſuſpenſionis ab officio & beneficio diſtrictè præcipientes, ut ſuccellor in tali Præbenda, ſine ulteriori expectatione ad perceptionem fructuum iplius Præbendæ, qualibet difficultate ſemota, benevole admittatur, non obſtante contraria conſuetudine, ſi qua forſan ab aliquibus prætendatur Eccleſiis, vel perſonis de factò ſervata, quam, utpote abuſionem, & corruptelam, penitus abolemus.

C. X. *Ut Miniſtri maneat apud Præbyterum circa Altare.*

Item, quia nonnulli Diaconi, & Subdiaconi in noſtra Majori, aliſque Collegiatis Eccleſiis noſtræ civitatis & Dioceſis, Sacerdotibus ad Altare pro tempore miniſtrantes, plerumque (ut intelleximus) tempore celebrationis Miſſarum, dum circa Altaris miniſterium deberent eſſe ſolici, & cum debita veneratione intenti, circumſpecti ipſum Altare hinc inde irreverenter vagantes, prophanis, ac vanis nedom virorum, ſed etiam mulierum colloquiis intendere non formidant in Divinæ Maieſtatis offenſam, & adſtantium ſcandalum populoꝝ: quidam vero huiusmodi miniſtrantium, & nonnulli alii earundem Eccleſiarum tam Canonici, quam Vicarii, Chorum pro tempore in dictis Eccleſiis regentes, & lectiones legentes, nonnunquam calopodiis contra ſtatuta bonæ memoriæ WILHELMII, Prædeceſſoris noſtri, ſuper hoc edita, indecenter utuntur: quidam etiam contra memorati Prædeceſſoris noſtri ſtatuta, ſæpius legunt private Horas ſuas in Choro,

Tonus IV. Concil. German.

dum Divina inibi officia ab aliis ſolemniter peragantur: ſunt inſuper nonnulli, qui raro ad Chorum conveniunt: ſunt & alii, qui Chorum ipſum abſque rationabili cauſa, ante finem Divini officii frequenter exeunt: & ſunt nonnulli, qui tempore Divinorum, dum ſpirituallibus canticis & orationibus deberent humiliter & devoto inſiſtere, in Eccleſia de loco ad locum vagantur, ac vanis & ſuperfluis laicorum & aliorum colloquiis, & conſabulationibus intendunt, prout hæc, & plura alia indecentia comperimus ex Viſitatione antedicta: Nos igitur ſuper his providere cupientes, ipſarum Eccleſiarum Decanis, ad quos huiusmodi exceſſuum ſpectat correctio, in virtute ſanctæ obedientiæ diſtrictè injungimus, quatenus tales ſic corrigant, quod metu pœnæ a præmiſſis, & aliis conſimilibus exceſſibus, & indecentiis proriſ abſtineant, & alii eorum exemplo perterriti, ſimilia facere, pertimeſcant.

Inſtimamus etiam eiſdem Decanis, quod ſi ipſi circa correctionem huiusmodi exceſſuum, ſeu indecentiarum, negligentes & remiſſos ſe exhibuerint, Nos contra eos, propter hoc ad pœnas debitas procedemus, & nihilominus eorum negligentias; prout Nobis ex officii noſtri debito incumbit, ſupplere curabimus remediis opportunis.

C. XI. *De Stationibus, qualiter ſint obſervandæ, & de præſentibus dandis eiſdem.*

Item, ut Stationes ſolite & conſuetæ in civitate noſtra Colonienſi, & extra, honorifice & decenter tenentur & ſiant, ſtatuiſmus & ordinamus, quod distributiones quotidianæ, quæ Canonici, & aliis Beneficiariis, huiusmodi ſtationibus intereſſentibus dari ſolent, nullis de cætero dentur, niſi illis, qui proceſſionaliter ad locum, ſeu Eccleſiam, ubi ſtatio ſervatur, vadunt, ac Chorum ipſius Eccleſiæ intrant, ibique uſque ad finem Divini Officii perſeverant, & peracto officio, cum cruce ad Eccleſiam ſuam revertuntur: exceptis illis, quos ad revertendum cauſa rationalis excuſaret. Et ut huiusmodi ordinatio noſtra ſuum melius ſortatur effectum, inhibemus ſub pœna excommunicationis, diſtributoribus pro tempore dictarum

A a a a

diſtri-

distributionum, quod distributiones huiusmodi, nisi post stationem completam & reditum processionis, nulli cuiuscunque etiam status, dignitatis, vel conditionis extiterit, tribuant seu ministrent, nec in hoc fraudem aliquam committere quovis modo audeant, vel presumant.

C. XII. *De Baculo Sancti Petri.*

Item, cum Baculum B. PETRI de Ecclesia nostra Colonienſi ad aliquam stationem cum Cruce processioniter (ut moris est) portari coningeret, ipsum in Ecclesiam cum Cruce & processione solenniter & devote (ut decet) reportari precipimus & mandamus, non obstante contraria observantia, quam velut inhonestam, & contra reverendam Beato PETRO Patrono nostro debitam, merito detestantes, observari de cætero districtius inhibemus.

C. XIII. *De Choralis Pelliceo.*

Item statutum CONRADI, bonæ memoriæ Prædecessoris nostri, ut videlicet in civitate nostra Colonienſi Canonici in magnis festivitibus, & solennibus stationibus sine choralis pelliceo in Ecclesiis, vel earum Choris non incedant: quod quorundam temeritas male servat: volentes huiusmodi statutum, quod honestati congruit, pœnæ adminiculo juvare, transgressores ipsius in amissione quotidianarum distributionum, quas illa die in Ecclesiis, in quibus Beneficiati existunt, habituri forent, multari volumus, & puniri.

C. XIV. *De propina vigore literarum Apostolicarum, vel Ordinis receptionis.*

Item statuimus, cum quis vigore Apostolicæ, aut alterius gratiæ, seu admissionis, vel receptionis suæ ad quodcunque Beneficium, in aliqua dictarum Ecclesiarum consistens, Decano, & Capitulo, seu Canonicis ipsius Ecclesiæ, in qua huiusmodi literas publicari, seu admissionem, & receptionem fieri contingit, semel dederit propinam ab antiquo eis dari solitam & consuetam: si idem postmodum huiusmodi Beneficium, tanquam sibi non debitum dimiserit, seu ab eo finaliter evictum fuerit, & vigore ejusdem gratiæ aliud Beneficium in ea-

dem Ecclesia fuerit affectus, vel ut assequatur insitit; propter hoc ad aliam propinam denuo solvendam, seu dandam nullatenus teneatur: sub excommunicationis pœna districtè inhibentes, ne aliqui prætextu alicujus etiam consuetudinis, hæcenus observare, quam minus æquam & rationi contrariam reputamus, propinam huiusmodi plus quam semel in casu præmissio, a quoquam directè, vel indirectè præsumant exigere, seu extorquere. Contrarium facientes, ad restitutionem sic exactorum teneri volumus, & efficaciter obligari, nulla eis in hoc eorum, quibus restitutio facienda fuerit, remissione, liberalitate, seu gratia valitura.

Ultra antiquam consuetudinem, non est augmentanda propina a Vicariis, Altariis, seu Chorifociis.

Præterea ex Pysitione antedicta intelleximus, quod Decanus, & Capitulum Ecclesiæ nostræ Majoris, suis propriis commodis inhiantes, nuper paucis annis elapsis, quandam ordinationem sua autoritate fecerunt de facto, per quam, antiquam propinam a Vicariis, Altariis, & Chorifociis ipsius Ecclesiæ, eum de novo in ipsa Ecclesia recipiuntur, dari solitam, augmentare temere præsumperunt, in ipsorum Vicariorum, Altaritarum, & Chorifociorum præjudicium non modicum & gravamen: Nos ordinationem huiusmodi, utpote illicitam, cum sacris sit inimica Canonibus, merito reprobantes, eam quatenus de facto processit, cassamus, tollimus, & irritamus, eisdem Decano & Capitulo sub excommunicationis pœna firmiter inhibentes, ne de cætero memoratam propinam novam, ab aliquo exigere, vel recipere, quocunque colore quaesito, præsumant, sed antiqua propina contenti existant. Alioqui tam exigentes & recipientes, quam etiam huiusmodi novam propinam solventes, eo ipso excommunicationis sententiam se noverint incurſuros. Præfatam autem inhibitionem & ejus pœnam, in quibuscunque etiam Collegiis Ecclesiis nostrarum Civitatis & Diocesis, earumque personis, simili morbo infectis, locum habere volumus, & ad easdem extendi.

C.XV.

C. XV. *Panes, qui dantur loco distributionum quotidianarum, non debent dari aliis, quam his, qui interfunt Divinis.*

Item cum ea, quæ ad certum usum, largitione fidelium sunt destinata, ad illum debeant, & non alium usum converti, inhibemus sub excommunicationis poena, quam in omnes & singulos contrarium quomodolibet facientes, seu fieri procurantes, serimus in his scriptis, ne quotidianæ distributiones in Ecclesia nostra Colonienſi in ſemelſis (quæ *panes canonicos* communiter nuncupantur) conſiſtentes, & Canonicis, ac Vicariis, seu Altariſtis, & Chorificiis ipſius Eccleſiæ, Divinis Officiis ac Defunctorum memoriis, dum in ipſa Eccleſia peraguntur, intereſſentibus, dari, ac miniſtrari conſueverunt, & debent, ad quorum uſus distributiones huiusmodi (ut ex dicta Viſitatione cognovimus) ſpecialiter & duntaxat ſunt deputatæ, perſonis aliis (ſicut a nonnullis annis proxime præteritis citra, eas in dictorum Canonicorum, Vicariorum, & Chorificiorum præiudicium comperimus indebite miniſtratas) de cætero ullatenus miniſtrantur.

C. XVI. *De Cista Vicariorum.*

Item, quia propter frequentes mutationes Vicariorum, & Altariſtarum in noſtra Cathedrali, vel aliis Collegiatis Eccleſiis noſtrarum civitatis & Dioceſis complures literæ, ut ex præſata Viſitatione, percepimus, ſuper fundationibus, ac bonis, ac juribus Vicariorum, & Altariſtarum dictarum Eccleſiarum conſectæ, damnabiliter ſunt deperditæ & neglectæ: Nos earundem Vicariorum, & Altariſtarum indemnitatibus in futurum (quantum poſſumus) præcavere volentes, præcipimus & mandamus, ut intra ſex menſes, poſt publicationem præſentium continue ſequentes, in qualibet prædictarum Eccleſiarum, per Capitulum earundem, procurentur expenſis Rectorum Vicariorum, & Altariſtarum prædictorum, una bona & conveniens ciſta, quæ duas habeat ſeras, & duas claves diverſas, quarum unam ſenior Canonicus Preſbyter, juxta ſui introitus ordinem, & aliam ſenior Vicarius, ſeu Altariſta cujuſlibet Eccleſiæ, reſidentes, fideliter cuſtodiant & conſervent. Et cum unum illorum

Tomus IV. Concil. German.

abefſe contigerit, alteri Seniori poſt eum, clavem ſuam uſque ad ejus ratiſimum cuſtodendam committat. Ad quam quidem ciſtam quilibet Vicarius, ſeu Altariſta uniuſcujuſque Eccleſiæ, univerſas literas ad ſuam Vicarium, ſeu Altare ſpectantes, ſimul in aliquo parvo ſcrinio inclufas reponere teneatur, copiis ipſarum literarum apud ſe retentis, ita quod quandocunque aliquis huiusmodi Vicariorum, ſeu Altariſtarum, literis ſuis originalibus in iudicio vel extra indiguerit, ad dictam ciſtam valeat habere recurſum. Quicumque vero Vicarius, ſeu Altariſta, ſine cauſa legitima, contra præmiſſa, vel eorum aliquod ſe oppoſuerit, volumus illum tam diu a perceptione fructuum ſuæ Vicariæ, ſeu Altariſtaris manere ſuſpenſum, donec ea, quatenus ipſum concernunt, effectualiter curaverit adimplere.

C. XVII. *De abſentia quindecim dierum in anno quatuor Clericorum majoris Eccleſiæ Colonienſis.*

Item licet bonæ memoriæ ADOLPHUS, Eccleſiæ noſtræ Canonicus, dum vixit, dudum in teſtamento ſuo per eum rite condito, de conſenſu Decani pro tempore, & Capituli ipſius Eccleſiæ, ad Divini cultus augmentum, inſtituit, & ordinavit quatuor Clericos, qui Horis nocturnis & diurnis Chorum dictæ Eccleſiæ frequentare, & Divinis Officiis inibi quotidie temporibus debitis intereſſe deberent; quibus ob hoc, idem ADOLPHUS de bonis ſuis certos redditus deputavit, prout hæc & alia in dicto teſtamento, in libro privilegiorum ejusdem Eccleſiæ conſcripto, dicuntur plenius contineri: tamen, ſicut Nobis ex præſata Viſitatione innotuit, nonnulli ex dictis Clericis aliorum ſerviitiis inſiſtentes, & quidam eorum aliis implicati negotiis, a dicta Eccleſia ſe abſentant, & ad prædictum chorum raro conveniunt, quamvis cum integritate percipiant redditus antedictos, propter quæ Eccleſia ipſa debito Miniſtrorum ſerviſio, & præſati ADOLPHI pia ordinatio indebite defraudatur. Nos volentes ſuper hoc paſſerna ſolicitudine providere, firmiter inhibemus, ne aliquis dictorum Clericorum, deinceps cujuſcunque perſonæ Eccleſiaſticæ vel Sæcularis obſequio, per

A a a a 2

quod

quod a frequentatione dicti Chori possit aliquatenus impediri, se deputer, vel adstringat, nec a dicta Ecclesia sine expresso consensu Decani & Capituli ipsius Ecclesie, ex causa legitima, nec ultra 15. dies in anno se absintet. Si quia vero contrarium fecerit, per dictos Decanum & Capitulum suo privetur stipendio, & in ejus locum alter idoneus per eosdem Decanum & Capitulum intra mensem postea substituitur. Alioqui dicto mense elapso, nos ipsorum negligentiam supplere curabimus, ut tenemur.

C. XVIII. *Reparatio in temporalibus Ecclesia Coloniensis.*

Item circa bona temporalia ad mensam Capituli Ecclesie nostre Coloniensis spectantia, sine quibus spiritualia diu subsistere nequeunt, in quorum dispositione, gubernatione, & administratione, plurimos defectus, negligentias, & abusiones, eidem Ecclesie, & personis ipsius damnosus, & præjudiciales comperimus, ut sequitur, providendum.

C. XIX. *Separatio inter Præpositum & Capitulum Majoris Ecclesia Coloniensis.*

Imprimis statuimus, & ordinamus ac volumus, quod separatio bonorum temporalium, dudum sub anno Domini M.CCCLXXIV. die octava mensis Januarii anni ejusdem, inter THEODORICUM de Marck, tunc Præpositum, ex una, Decanum & Capitulum Ecclesie nostre Coloniensis supradictæ parte ex altera, per Nos, & de consensu & autoritate nostris facta & ordinata, nec non per fel. Record. Dominum GREGORIUM Papam XI. approbata & confirmata, tam per Præpositum, quam per Decanum, & Capitulum pro tempore ejusdem Ecclesie, in omnibus, & per omnia juxta sui tenorem & formam, perpetuo, & inviolabiliter observetur: volentes, prout idem Dominus GREGORIUS voluit, quod bona, possessiones & jura, de quibus in separatione ipsa mentio habetur, & jus percipiendi ea, inter singulares Canonicos ipsius Ecclesie non dividantur, sed perpetuo in communi remaneant, & ad usus Præbendarum, & suppletionem earundem, per communem Officiarium,

per prædictum Capitulum deputandum, gubernanda, & administranda: decernentes irritum & inane, quemadmodum dictus Dominus GREGORIUS etiam decrevit, si secus a quoquam quicquam attentatum jam sit, vel in posterum attemptetur. Quod etiam sub pena excommunicationis, quam in his scriptis ferimus in contrarium facientes, districtissime prohibemus.

C. XX. *Revocatio separationis Bonorum Majoris Ecclesia Coloniensis.*

Consequenter quia quorundam Canoniconum Ecclesie nostre præfatæ Coloniensis, avaritiæ cæcitas, animos occupavit & occupat, ut quæ per vias dictarum divisionum bonorum prælatorum, jure & dicta separationem prohibente, interdita noverint, per vias commissionis, & locationis, & aliis exquisitis modis & viis, fraudem juri & dictæ separationi committentes, sibi usurpare temere præsumperunt, & præsumunt: unde ex verbis, & mente dictæ separationis pronunciamus, decernimus, & presentium tenore declaramus, pronuntiationes, commissiones, seu divisiones quorumcumque bonorum prædictorum, aut quocumque alio nomine vocentur, quandoeunque post datam dictæ separationis factas, & maxime illas de Anno Domini mcccxxvii. de mense Septembri, die decima octava ejusdem, & alias postmodum sub Anno Domini mcccxxviii. de mense Decembri ejusdem anni factas, fuisse, & esse de ipso jure nullas, irritas & inanes, ac contra tenorem, mentem, & formam dictæ separationis ac Ecclesiam, contra juris dispositionem, & utilitatem ipsius Ecclesie, & Capituli ejusdem, attentatas & præsumptas, aliasque fuisse, & esse nullius roboris, vel firmitatis, ipsas pronuntiationes, commissiones seu divisiones, etiam quibuscumque nominibus consentant, de facto, prout de facto tantum processerunt, in omnibus suis punctis & clausulis, & per omnia, quantum ad prædicta bona, revocamus. Monemus insuper omnes, & singulos Canonicos ejusdem Ecclesie, cujuscunque status, gradus, vel conditionis exsistant, in dictis pronuntiationibus nominatos & expressos, & singulariter quolibet eorundem conjunctim, & divisim,

vifim, qui occasione dictarum pronuntiationum, feu alterius earundem, curtes, bona, & poffeffiones, decimas, redditus, feu jura quæcunque, vel qualiacunque de & ex prædictis bonis habent, tenent, vel poffident, fub pœna excommunicationis, quam ferimus in his fcriptis, quatenus hujufmodi bona, poffeffiones, curtes, decimas, domus, redditus, feu jura, prout ipfi, & quilibet ipforum tenent, omnia & fingula, intra quindecim dies poft publicationem hujufmodi immediate fequentes, quorum dierum quinque pro primo, quinque pro fecundo, & reliquos quinque pro tertio termino, & monitione Canonica assignamus & cuilibet eorum, conjunctim, & divifim, in manibus Capituli ejufdem Ecclefie, verbo & factò abfque fraude libere dimittant, & extra manus fuas ponant: ulterius occasione, vel caufa dictarum pronuntiationum fe non intromittant de eisdem: nec fructus de cætero, redditus, vel proventus recipiant ex eisdem, fed libere ipfa omnia, & fingula ad Capitulum fupradictum cum fuis pertinentiis, fructibus, redditibus, & proventibus, & in communi habenda, ac per communem *Officiarium* ipfius Ecclefie deputatum vel deputandum, regenda, & gubernanda reverti permittant, & quantum in eis eft, reverti & redire faciant, & fine fraude, & dolo procurent. Difpofitionem autem, & declarationem de levatis, & perceptis indebite per eofdem Canonicos hucusque de & ex bonis antedictis, noftre reservamus declarationi, ipfosque Canonicos ad Nos venire, & remitti volumus & precipimus, intra alios quindecim dies, extunc immediate fequentes, fuper hoc noftam voluntatem audituros, fub pœna fufpenfionis ab Officio, quam in ipfos, & quemlibet ipforum (fi non fecerint) in his fcriptis, dicta monitione Canonica præmiſſa, ferimus.

Inhibemus etiam autoritate fupradicta, fub pœna excommunicationis latæ ſententiæ, quam in fingulares perſonas, & ſuſpenſionis in Capitulum ferimus in ſcriptis & promulgamus, ſi forte contra inhibitionem noſtram hujufmodi quicquam fecerint vel fecerint, attentaverint ſeu attentaverit quovis modo, quovis etiam quæſito colore, quatenus de cætero a talibus, vel conſimilibus diviſionibus, pronuntiationibus,

commiſſionibus, aut quovis alio nomine vocari poſſint, præfatorum, vel conſimilium bonorum, poffeffionum, curtiarum, decimarum, reddituum, & jurium, abſtineant. Sed omnia & ſingula, in communi, & ad communes uſus perpetuo per communem *Officiarium* gubernanda, regenda, & adminiſtranda remanere permittant. Difpofitionem, & ordinationem bonorum immobilium, ad quotidianas diſtributiones ſeu præſentias in Eccleſia noſtra antedicta ſpectantium, in jam dictis pronuntiationibus inter nonnullos Canonicos diviſorum, ut in *viſitatione noſtra* hujufmodi comperimus, Nobis in poſterum reservamus.

C. XXI. *Eccleſia Coloniensis major ultra annum non committat Officia hic ſubſcripta.*

Similiter ex eisdem, & aliis rationabilibus cauſis Nos moventibus, pronuntiationes ſive commiſſiones *Officiorum* quatuor villarum ſeu locorum, videlicet in *Erpel*, in *Woringen*, in *Gluuel*, & in *Friubem*, ad Eccleſiam, & Capitulum noſtrum Coloniense ſpectantium, & pertinentium, quibuſcunque, & per quæcunque perſonas, ſive in perpetuum, ſive ad tempus longum vel breve, ultra unum annum factæ fuerint, præſentium tenore tanquam nullas, & invalidas de jure, & contra tenorem, & mentem ſeparationis antedictæ præſumptas & attentatas, quatenus de factò proceſſerint, caſſamus, irritamus, & penitus revocamus; mandantes omnibus, & ſingulis, & cuilibet eorum ſingulariter, qui de dictis officiis, vel aliquo eorundem hætenus ſe intromiſerint, & de præſenti intromittunt, quos etiam tenore præſentium monemus, & diſtincte requirimus, quatenus intra quindecim dies poſt publicationem præſentium immediate ſequentes, dicta officia & quodlibet ipſorum, ipſaque villas libere & expedite dimittant, & ſe de cætero occasione dictarum pronuntiationum ſeu commiſſionum, nullatenus intromittant, permittentes ipſa, & quodlibet eorundem ad ordinationem & diſpofitionem ipſius Capituli libere reverti. Alioqui ipſos omnes, & ſingulos contrarium facientes, & quemlibet ipſorum, dicta monitione, quindecim dierum præfixione, pro Canonica monitione præmiſſa, in

his scriptis excommunicamus, & excommunicatos publice præcipimus evitari. Prætera statuimus & ordinamus, quod dicta officia villarum, de cætero singulis annis, & ad unum annum tantum, & duntaxat, sicut cætera officia annalia ipsius Ecclesiæ, personis iide dignis, & idoneis uni vel pluribus, sive sint personæ hujusmodi de gremio Ecclesiæ, sive extranei, per Capitulum committantur, ita quod omnis utilitas & emolumentum, obventio seu proventus, ex ipsis officiis provenientia, competenti salario Officiorum salvo, in usus cedant Capituli antedicti, qui Officarii pro tempore, teneantur, sicut cæteri officia annalia habentes, de hujusmodi proventibus, & obventionibus singulis annis debitum facere computum & rationem: decernentes irritum & inane, si secus a quoquam fuerit attentatum. Et nihilominus in contrarium facientes, tam committentes quam recipientes, præsentis constitutionis autoritate ab Officio, & Beneficio, & ab ingressu Ecclesiæ sint suspensi: quam suspensionem si per quindecim dies continuos, quos pro Canonica monitione eisdem, & eorum cuilibet assignamus, sustinuerint, extunc prout exnunc sententia excommunicationis autoritate prædicta sint, & quilibet eorum sit innodatus, quousq; officia hujusmodi libere dimittant: quos etiam extunc, tanquam excommunicatos, mandamus publice evitari.

C. XXII. *Alienationes seu locationes rerum Ecclesiasticarum, qua forma servanda faciende.*

Præterea statuimus, volumus, & tenore præsentium ordinamus, quod quando deinceps ob necessitatem, utilitatem, commoditatem, seu aliam rationabilem, & legitimam causam, Ecclesiæ & Capituli prædictorum, possessionum, obedientiarum, curtium, decimarum, grangiarum, domorum, bonorum, reddituum seu jurium, vel rerum quarumcunque immobilium, unius seu plurium (quocunque nomine censeantur) & ad ipsam Ecclesiam nunc, vel in antea, & in futurum spectantium, venditio, locatio, conductio ad firmam, vel in emphytheusin, datio, vel commissio in perpetuum, vel ad certum tempus pro annua pensione concessio, vel alias alienatio im-

minet facienda, hujusmodi venditio, concessio, commissio, datio, vel locatio seu alienatio, quocunque nomine censeris possit, ultra formam juris, & alias de consuetudine servari debitam, & consuetam, minime fiat, & peragatur, antequam de consensu omnium Capitularium, totiusque, vel majoris partis Capituli ejusdem, maturæ deliberatione, & tractatibus, & termini certi præfixione, ac debita licitatione præmissis ac alias legitimis. Et detur seu concedatur ipsa res sic alienanda, vel committenda, plus de pensione, seu precio cum sufficienti cautione offerenti, sive hujusmodi offerens, de gremio ipsius Capituli sit, vel aliunde superveniens. Eo tamen salvo, quod cæteris paribus, videlicet in oblatione pretii seu pensionis, Capitularis non Capitulari, & Senior Capitularis in Præbenda, Juniori præferatur: & alias, vel alio modo contractus hujusmodi, quocunque nomine censeatur, factus seu celebratus, sit ipso jure nullus & invalidus, consuetudine, vel observantia contraria quacunque non obstante: & ultra hoc, citra vel contra præfatos modum & formam, aliter seu alio modo alienationes concedentes, seu committentes, ac etiam recipientes, ipso facto sententiæ excommunicationis subiaceant, quam in his scriptis in eosdem, & quilibet eorum ferimus & promulgamus.

C. XXIII. *Pensionem sive censum Ecclesiæ debitum non solvens, quomodo ad solutionem cogendus.*

Item quia in dicta visitatione manifeste comperimus, nonnullos ex Canonici Ecclesiæ nostræ antedictæ, qui ratione bonorum, possessionum, curtium, decimarum, domorum, & obedientiarum, quas sub annuis pensionibus inde solvendis a dicto Capitulo ad firmam, seu quovis titulo receperunt, & per retroacta tempora non modica tenuerunt, & de præsentibus tenent, in solutione pensionum suarum hæctenus nimium fuerant, ac de præsentibus existunt remissi & negligentes, poenas non leves, sed utique valde formidabiles, in quodam statuto Capitulari, super solutionibus hujusmodi pensionum dudum edito, comprehensas parvipendentes, propter quæ sine dubio, prout quotidiana testatur experientia, Ecclesia nostra Colonienfis supradicta in Divino cultu, quo cæteris civitatis & Diœ-

Dioecesis nostrarum Ecclesiis, tanquam caput præsurgere merito deberet & consuevit, detestabiliter est diminuta, & miserabiliter destituta: & in bonis temporalibus etiam eapropter intolerabilibus damnis & dispendiis afflicta, & ut verisimiliter timendum est, in futurum, nisi celerius provideatur, passura est graviora: quibus quidem salubriter occurrere incipientes, præfatum statutum Capitulare, dudum videlicet sub anno 1333. feria quarta post Dominicam, qua celebratur in Ecclesia Dei pro Officio Missæ: *Orali mei &c.* per Capitulum Colonienſe auctoritate, voluntate & consensu bonæ memoriæ Domini HENRICI Archiepiscopi Colonienſis Prædecessoris nostri super præfatis solutionibus pensionum, reddituum, & assuetuum, Capitulo antedicto ratione possessionum, curtium, decimarum, iurium, & aliorum bonorum tunc debitorum, & in futurum debendorum, provide & matura deliberatione prævia factum, & ordinatum, ac etiam per singulares Canonicos ejusdem Ecclesiæ Capitulariter juramentis per eos corporaliter præstitis firmatum, in omnibus suis punctis & clausulis, & per omnia præsentibus innovamus: mandantes, & præcipientes eisdem Canonicis, & personis, in & sub dicto statuto comprehensis, quod ipsi tam præsentem, quam futuram, cujuscunque status, gradus, seu conditionis existant, pensiones ab eis debitas sine dilatione qualibet solvant Capitulo antedicto, & plenarie eurent satisfacere de eisdem, juxta modos & formas in statuto ipso plenius traditas & expressas. Alioqui contrarium facientes, vel in hoc negligentes, ultra pœnas in statuto ipso positas, ab officio & beneficio, & ab ingressu Ecclesiæ sint suspensi, quos & eorum quemlibet presentis Constitutionis nostræ tenore suspendimus, & sic suspensi tam diu maneant, quousque realiter solvendo, de pensione hujusmodi debite extiterit satisfactum.

C. XXIV. *Officiorum Ecclesiasticorum in exigendis Ecclesiæ debitis, aut monachis debitoribus negligenter, quomodo castigandi.*

Præterea Officiarii quicumque dictæ Ecclesiæ nostræ pro tempore, quibus juxta tenorem dicti statuti incumbit, no-

mina negligentium in solutionibus pensionum talium, in Capitulo in scriptis præsentare, & præsentari facere, dolo, fraude, prece, amore, & dilatione quibuscunque seclusis, studeant & eurent cum effectu, terminis & temporibus sibi in ipso statuto præfixis & limitatis. Alioqui Officiarii ipsi, videlicet quilibet, quantum ipsum contingit, in hoc negligentes vel remissi, videlicet qui nomina non solventium in scriptis (ut dictum est) non curaverint præsentare, sint & quilibet eorum sit presentis Constitutionis nostræ auctoritate consimiliter ab Officio & Beneficio, & ab ingressu Ecclesiæ suspensi, quousque presentationem supradictam in scriptis, & in Capitulo duxerint faciendam. Quam suspensionem supradicti Canonici Ecclesiæ nostræ, in solutione pensionum negligentes, ut dictum est, aut ipsi Officiarii, aut aliquis eorundem, si sustinuerint per quindecim dies continuos animo indurato, quos quindecim dies tam dictis Canoniceis, quam Officiariis quibuslibet supradictis, & cuilibet eorundem pro Canonica monitione præmissa assignamus; extunc sententiam excommunicationis, quam ferimus etiam in his scriptis, ipso facto incurant: quos extunc, prout ex nunc, tanquam publice excommunicatos, districte præcipimus evitari: Inhibentes etiam sub pœna suspensionis consimili Præfentariis in ipsa Ecclesia pro tempore, & aliis Officiariis, seu Administratores Præbendarum, seu portionum quorumcunque, quatenus hujusmodi suspensione, seu excommunicatione durante, sic suspensio seu suspensio pro tempore suspensionis hujusmodi nihil penitus & omnino distribuunt, vel administrent.

C. XXV. *Meringarum (a) solutio quam serville semper facienda.*

Præterea statuimus, & ordinamus, quod Canonici hujusmodi, seu alii quicumque, quibus ratione honorum, possessionum, decimarum, curtium seu iurium, vel quacunque de causa incumbit, vel in futurum incumbet, Meringas in pane, vel in vino, seu pecuniis, seu aliis rebus quibuslibet, dare vel distribuere, seu administrare, quod illas Meringas sine dilatione, remissione, negligentia quacunque seu intermissione singulis temporibus solvant, distri-

(a) Meringa, significat augmentationem salarii.

struant & administrant, prout consueverunt ab antiquo & ordinatum, excusatione qualibet, super distributione huiusmodi non facienda, semota. Et si forte pretenderetur vel diceretur, quod redditus, fructus seu proventus, jam tunc, videlicet solutionis seu distributionis tempore, percepti vel percipiendi, ad huiusmodi integram distributionem non sufficerent, quo casu volumus, & ordinamus, quod hi, qui hic, cui vel quibus distributio huiusmodi incumbit facienda, in proximo die Capitulari, postquam propter huiusmodi defectum ipsas meringas cum integritate supradicta administrare cessaverint, in Capitulo ipso, quod ad hoc specialiter sibi procurabit, plenam relationem inibi faciet de defectu supradicto, & de diligentia sua, contra non solventes fructus seu redditus, ad huiusmodi meringarum administrationem spectantes, per ipsum sufficienter facta doceat: alias de suo proprio tantundem in usus supradictos (a Capitulo tempore rationis seu computationis per ipsum faciende, vice versa recepturus) mutuet seu accommodet, quod distributio prædicta integre, & sine diminutione (ut supradictum est) fiat. Alioqui in præmissis aut aliquo præmissorum negligens, vel remissus, ultra penas in statuto Capitulari, supra proxime dicto expressas, ab Officio, & Beneficio, & ab ingressu Ecclesiæ sit præsentis constitutionis vigore suspensus, quousque defectus huiusmodi integraliter, & plenarie suppleat, & restauret: qua suspensione durante, nihil penitus de fructibus Præbendæ, seu quotidianis distributionibus ei administraretur, sub pena suspensionis similis, quam in Administratores Præbendarum, & Præsentarios, qui contra fecerint, senius in his scriptis.

C. XXVI. *Officiorum quorumcumque causa rationem facere debentes, qua pena ad computum præstandum urgendi.*

Præterea in virtute sanctæ obedientie, sub excommunicationis pena districte præcipientes mandamus omnibus, & singulis Canonicis, cæterisque Beneficiariis in nostra Majore, & aliis Collegiatis nostrarum civitatis & Diocesis Ecclesiis, & eorum cuilibet, cuiuscumque status, dignitatis seu conditionis existant, qui in

ratione & computatione faciendis, ratione officiorum sibi hætenus a Capitulo suo commissorum, ac qui in Pensionum, assuetuum, seu reddituum, seu pecuniarum summis, dicto Capitulo, sive ratione possessionum, curium, decimarum, domorum, obedientiarum, meringarum, bonorum, reddituum, jurium, sive officiorum, aut alias quacunque iusta causa debitorum, seu debitarum solutione, hætenus fuerint, & adhuc existunt negligentes & remissi, in toto vel in parte, quatenus intra quinquaginta dies continuos a die publicationis præsentium numerandos, huiusmodi computum, & rationem faciant, & reliqua Capitulo ipsi restituant, ac de huiusmodi pensionibus, assuetibus, redditibus, & pecuniarum summis, dicto nostro Capitulo plenarie satisfaciant cum effectu: alioqui dictis quinquaginta diebus elapsis (quos pro monitione Canonica, & competenti termino ipsis, & eorum cuilibet assignamus) ipsos, & eorum quemlibet, quos etiam in his scriptis excommunicamus, tanquam excommunicatos, publice tenore præsentium denunciamus ab omnibus arctius evitandos.

* Item statuimus & ordinamus, quod Canonici officiiis quicunque, officia animalia, seu perpetua, in Ecclesia vel extra, ad ipsam Ecclesiam tamen spectantia, actu vel in futurum habentes, ratione quorum ad computum, & ad rationem sunt vel fuerint adstricti faciendum, Capitulo supradicto illum computum, seu rationem ipsi facere teneantur & faciant, & quilibet eorum in fine officii sui, vel intra quindecim dies proxime tunc sequentes: perpetua vero habentes, singulis annis ante festum Beati Petri ad Vincula, in Capitulo memorato, & ipso in hoc specialiter & legitime indicto: Alioqui Canonicus in hoc negligens, vel remissus, ad officium habendum pro sequenti anno sit penitus inhabilis, & omnino incapax, & ad aliquod officium intra dictum annum assumi, & id ei committi districte prohibemus. Et ultra hoc ipse idem inhabilis, & incapax teneat, quousque negligentiam suam purgaverit cum effectu, computum debite faciendo. Et nihilominus pro illo anno, quo sic negligens fuerit, salario sibi ratione officii sui huiusmodi competenti careat omnino, & solvi ei prohibemus: quod

quod salarium, si jam ante computum hujusmodi faciendum forte percepit, restituere teneatur, & restituat intra mentem Capitulo antedicto. Alioquin non computantes, committentes, tenentes, & recipientes, & non restituentes, ut præmissum est, conjunctim & divisim, ab Officio & Beneficio, & ingressu Ecclesie, præsentis Constitutionis nostræ autoritate sint suspensi.

C. XXVII. *Præsentia in defunctorum memoris obvenientes, præsentibus tantum danda.*

Item statuimus & ordinamus, quod ea, quæ pro memoriis defunctorum inter præsentes Canonicos, Vicarios, & Chorifocios distribuenda certis diebus, & horis anni, a viginti annis citra sunt specialiter deputata, sive in pecunia numerata, sive in aliis speciebus quibuscunque consistant, integraliter sine qualibet diminutione eisdem diebus & horis dentur, & distribuantur tantum præsentibus supradictis.

C. XXVIII. *Vota seu Suffragia in Capitulis quomodo scrutanda & audienda.*

Item statuimus, quod de cætero in tractatibus capitularibus & negotiis per Capitulum expediendis, negotio proposito, tractatu secuto, omnibus & singulis Canonicis præsentibus & residentibus, Capitulum legitime ad hoc indicatur: omnia singulorum Canonicorum Capitularium per Decanum, vel alium ad quem de consuetudine votorum spectat scrutinium, vota diligenter scrutentur: & quilibet de modestia audiat: & singulorum votis auditis, super negotio expediendo concludatur, & prævaleat, quod majori & saniori parti Capituli visum fuerit, & placuerit, consuetudinibus & observantiis quibuscunque contrariis, quæ dicendæ sunt corruptelæ, non obstantibus: exceptis gravioribus, videlicet ubi agitur de gratia alicui, seu aliquibus faciendâ, in quibus contradictio rationabilis unius Canonici Capitularis præsentis, possit illud impedire. Alioquin actus ipse Capitularis, ipso jure sit invalidus, nullius valoris vel momenti.

Tomus IV. Concil. German.

C. XXIX. *Officia singula singulis personis, non uni plura, committenda.*

Item cum singula Officia singulis personis sint committenda, prout sacrorum Canonum tenet autoritas, statui-
mus, volumus, & ordinamus, quod singula Officia annalia Ecclesie nostræ Colonienfis, consuetæ Canonicis ipsius Ecclesie committi, singulis personis, non uni plura, committantur. Et si si-
cus fiat, ipso jure commissio non valeat, & tam committentes, quam recipientes Officia talia plura, ab ingressu Ecclesie, & ab Officio, & Beneficio sint suspensi, quousque ipsa Officia dimittant libere, & resignent. Et nihilominus sic plura recipiens, pro illo anno ad Officia dictæ Ecclesie sit inhabilis, & ei Offici-
um committi, districte prohibemus.

C. XXX. *Officia annalia quomodo committenda.*

Item circa Officia hujusmodi annalia, a Capitulo sæpe dicto singulis annis committenda, volumus, statuimus, & ordinamus, modum & formam infra scriptos observari: sic videlicet, quod singulis annis, die ad hujusmodi Officia committendum præfixa, de & ex gremio totius Capituli, & omnium Canonicorum Capitularium, tunc in loco Capitulari comparentium, eligantur tres Canonici Capitulares ipsius Ecclesie, qui tres sic electi, ex tunc statim in Capitulo publicati, intra mentem proxime tunc sequentem, distribuere, & committere habeant & possint Officia annalia supradicta, singula singulis ex Canonicis, non uni plura, ut supra scriptum est, secundum Deum & iustitiam, prout ipsi pro utilitate Ecclesie & Capituli visum fuerit expedire: semotis & exclusis omni dolo, & fraude, gratia, odio, invidia, vel favore. Et hæc præmissa dicti sic electi, post publicationem eorundem, statim in præsentia Capituli talibus Sacrosanctis, jurent ad Sancta Dei Evangelia, se juxta posse & nosse facturos. Et si forte dicti tres omnes, in hujusmodi distributionibus & commissionibus faciendis concordare non possent, ex tunc prævaleat & subsistat, ac prævalere & subsistere censemus, quod a duobus eorundem tantum ordinatum fuerit in & circa commissionibus Officio-
rum

B b b b

rum hujusmodi & firmatum, tertii contradictione aut dissentiu non obstante. Alias vel alio modo & forma distributiones, & commiffiones Officiorum hujusmodi fieri, sub pœna excommunicationis, quam in his scriptis ferimus in contrarium facientes, tam committentes, quam recipientes, districtissime prohibemus. Et nihilominus commiffiones & distributiones aliter factæ, ipso jure non valeant, contraria consuetudine & observantia, quibus in hac parte tanquam irrationabilibus & corruptelis derogandum duximus, non obstantibus quibuscunque. &c.

C. XXXI. *De Cellarariis Ecclesiæ Majoris Colonienfis.*

Præterea ordinationem quandam Capituli Ecclesiæ nostræ de Cellarariis ipsius Ecclesiæ, & eorum Salaris, dudum factam, tanquam justam, æquam & rationabilem, approbamus, confirmamus, & ratificamus: ipsamque denuo auctoritate nostra præsentium tenore statuimus & innovamus, volentes, mandantes, & præcipientes, eam tam inviolabiliter observari sub pœna excommunicationis, quam in contrasacientes, & eam non servantes quovis modo, ferimus in his scriptis, quibusque hujusmodi officium committi prohibemus sub simili excommunicationis pœna, quam etiam in committentes ferimus in his scriptis, donec hujusmodi recepta, & detenta injuste, plenarie restituant.

C. XXXII. *De Subcellarariis Cellararij a Capitulo sustituyendo.*

Statuimus, pronuntiamus, & ordinamus, quod quicunque Cellararii Ecclesiæ Colonienfis, deinceps per Nos aut nostrum Capitulum admissi, vel admittendi, cum infrascriptis punctis, & conditionibus stabunt contenti, & contra ipsa puncta non veniant aliquo ingenio, vel colore. Sicque Capitulum ipsum deinceps in perpetuo eliger, & eligere debet unum Subcellarium idoneum, qui Cellarius distribuet Dominis Canonicis corpus Præbendæ: nec non Cellarius pro tempore, salarium eorum pro rata: nec etiam dicti Cellarii sic admissi, vel admittendi, se de fructibus aut redditibus aliquibus ipsius Cella-

riaræ intromittent, aut ipsum nostrum Subcellarium, pro tempore per Capitulum sic assumptum, in recipiendo aut exponendo dictæ Cellariaræ redditus, aut in quibuscunque aliis ad eam pertinentibus, impediunt quovis modo. Data, acta, & ordinata sunt hæc in loco Capitulari nostræ majoris Ecclesiæ, die Capitulari ad hoc (ut moris est) præfixa, & per sonum campanæ nostræ Capitularis, capitulariter celebrata. Anno Domini M. CCC. LXXVI. ipso die Beati Barnabæ Apostoli.

C. XXXIII. *Continuatio post literas separationis.*

Illos vero, qui post dictam ordinationem Capitularem, plus de salario hujusmodi hæcenus receperint, ad Nos remitti, & venire volumus, & præcipimus intra quindecim dies post publicationem præsentium immediate sequentes, sub pœna suspensionis officii sui, nostram super hoc voluntatem audituros.

C. XXXIV. *De Domibus Canonialibus vendendis.*

Præterea Capitulo nostro suprascripto, & singularibus personis ejusdem, sub suspensionis, & interdicti pœnis districtè inhibemus, ne vendant, committant, vel locent, vel alio quovis quaesito colore assignent uni Canonico, vel alteri cuiquam in Ecclesia Colonienfi Beneficiario, plures domos Canonicales pro usibus suis & suorum: & domum pro tempore habens Capitularem sive hereditariam, a dicta Ecclesia tamen dependentem, si aliam habere procuraverit, vel affectus fuerit ex successione hereditaria, ex concessione, venditione, vel assignatione Capitulari, vel alias quomodolibet, ille domum suam priorem, si hereditaria foret, intra annum continuuum, a die acquisitionis secundæ computandum, in Capitulo Canonico Ecclesiæ ejusdem vendere, vel alias jus suum, quod ipse habet, dimittere libere teneatur, dummodo emptorem pro competenti pretio habuerit. In quo pretio, si concordare nequiverint, illud Capitulum, vel major pars ejus, super suis contentis taxabunt: ad quam taxationem intra quindecim

decim dies tunc immediate sequentes, idem Capitulum, vel major pars, sub poena suspensionis, quam in his scriptis ferimus, faciendam teneantur: quod si non, ipso facto post dictum annum, & quindecim dies poenam suspensionis ab Officio & Beneficio, quam in his scriptis in sic contra facientes promulgamus, inevitabiliter incurrant.

C. XXXV. *Ne Laici habitent in domibus
Canonicis vel Sacerdotum.*

Præterea sub poena excommunicationis, quam etiam in his scriptis ferimus in quolibet contrarium facientem, districte prohibemus, ne de cætero quicquam domos Capitulares sive hereditarias, ab aliqua Ecclesiarum dependentes, quas Canonici, seu Beneficij ipsius Ecclesie inhabitare consueverunt, laicis seu extraneis personis quibuscumque concedere, dare, vel locare, committere, seu vendere ad inhabitandum, aut in eis nuptias, aut choreas publicas, vel alia secularia negotia exercendum, vel alios quoslibet usus, præsumant. Et si forte actu aliquæ domorum hujusmodi, locatæ, commissæ, vel concessæ sint, locationes, commissiones, & concessionem hujusmodi illi, ad quos per-
tinent hujusmodi domus, intra duos menses post publicationem præsentium immediate sequentes, quos ipsi & eorum cuilibet pro monitione Canonica assignamus, studeant sub poena excommunicationis antedicta cum effectu revocare. Quas etiam & Nos nostro ex officio præsentium autoritate revocamus. Item volumus & ordinamus, & districte præcipiendo in virtute sancte obedientie, & sub excommunicationis poena (quam in his scriptis in quolibet contravenientem ferimus) mandamus, quod statutum & ordinatio olim per felicis record. HENRICUM, Archiepiscopum Colonensem, Prædecessorem nostrum, ac Decanum, & Capitulum Ecclesie Colonensis sub anno Domini MCCXXIII. in vigilia Beati Laurentii, de & super custodia & conservatione Clavium Majoris Sigilli Capituli Ecclesie nostre ejusdem facta & edita, quæ etiam tenore præsentium Nos innovamus in omnibus suis punctis & clausulis, prout edita & facta existunt per Decanum & Capitulum nostrum antedictum, observentur. Actum & pronuntiatum anno Domini MCCC. die XVI. Mensis Decembris, quæ fuit Feria V.

Ex Typo Statutorum Quenteliano anni
1554.



S U P P L E M E N T U M
CONCILIORUM GERMANIÆ.

Addenda ad pag. 590. Tom. II. Concilior.

CANONES DUO CONCILII ALTHEIMENSIS,

Diverſi a mea Editione,

Ex Chartario Farſenſi editi a Mabillonio in Annal. Benediclin. Tom. III. in appendice pag. 705.

HOc ibidem inventum eſt de Epiſcopis, Presbyteris, & Clericis, ſi hereditas a Domino Rege, vel ab alio Principe, vel amico ſuo, ſeu per hæreditariam ſortem ſibi devenierint, vel acquiſierint, donare eis liceat, cui voluerint, dum vivunt, pro remedio animæ ad Eccleſiam quamcunque elegerint, vel conſanguineis ſuis vel amicis: ſi autem antea obierint, quam firmiter perfece- rint, Altari, cui ſerviunt, omnia perpetuo ſanctificentur, & in eis tradantur. Similiter de Presbyteris ſtatutum eſt.

Hildepertus, Maguntienſis Archi-Epiſcopus, ſubſcripſi.

Ruobertus, Treverenſis Archi-Epiſcopus, ſubſcripſi.

Unni, Hammaburgenſis Archi-Epiſcopus, ſubſcripſi.

Adalwaldus, Sardiſenſis Archi-Epiſcopus, ſubſcripſi.

Et reliqui Epiſcopi VII. ſubſcripſerunt, nec non & Abbates, cum cæteris ſacri Ordinis viris ſubſcripſerunt.

Monachus, quem Canonica electio a jugo Regulæ Monachicæ Profeſſionis abſolvit, & ſacra Ordinatio de Monacho Epiſcopum facit, velut legitimus hæres paternam ſibi hæreditatem poſtea jure vindicandi poteſtatem habeat; ſed quidquid acquiſierat, vel habere viſus fuerat, Monafterio relinquat, & arbitrio Abbatis ſui, qui fuerat ſecundum Regulam Sancti Benedicli. Poſtquam enim Epiſcopus ordinatur ad Altare, quo ſanctificatur & titulatur, ſecundum ſanctos Canones, quæ acquirere poterit, reſtituat.

Hallenus Mabillon. loco citato.

Differens in pluribus a mea Editione. Cur autem ad annum 936. rejiciat Synodum, quæ juxta plures Synchronos ad A. 916. referatur, nſcio, niſi ob mortes Epiſcoporum hoc anno notatas: qua occaſione refert hanc Synodum, ſed obſervat 4. ex his nondum fuiſſe anno 916. Archi-epiſcopos, eſſi ſic ſubſcripti ſerantur.

Eodem Tomo II. Conciliorum.

NOTA AD SYNODUM AUGUSTANAM
ANNI DCCCCLII.

Preſuit Synodo Frithuricus, ſeu Friduricus Moguntinus, antea Benediclinus. Heroldus Juvavenſis, ſeu Saltzburgenſis, Manalſes Mediolanenſis, Petrus Ravennas, Archi-Epiſcopi. Anno Wormarienſis Epiſc. Godefridus Nimeſenſis (ſeu Spirenſis) Epiſc. ex Monacho Wiſſenburgenſi.

Hæc nomina ex ſolis Benediclinis Epiſcopis refert Mabillon. Tom. III. Annal. Benediclin. pag. 517.

Addenda

Tom. III. Concil. Germ. pag. 103.

AD SYNODUM TRIBURIENSEM ANNI MXXXV.

C A N O N:

Virgines sacre, si pro lucro animæ suæ, & propter districtiorem vitam, ad aliud Monasterium pergere disposuerint, & ibidem commanere decreverint; Synodus concedit. Si vero fuga disciplinæ alium quæsierint, ad locum redire cogentur . . . quia, qui de Monasterio ad Monasterium transit, redire cogendus est.

Stephanus (a) Tornacensis Episcopus, Epist. I. ad Robertum Pontinacensem recitat hunc Canonem Concilii Triburienfis in Bibliotheca Patrum Parisina: Quem cum ad istud Concilium referri nec filius, nec rei argumentum prohibeat, illum G. L. Mansi Synodo huic adscribendum censet Tom. I. Supplem. Concil. ad ann. 1135.

(a) Stephanus Tornacensis Episcopus adiit Episcopetam anno 1193. Obiit 1203. scripsit Epistolâ CCXL.

Tom. III. Concil. German. pag. 279. confer

*REINHARDI Episcopi Diploma**cum sequenti, & variantes nota.*

IN NOMINE DEI OMNIPOTENTIS.

REINHARDUS, B. STEPHANI PROTO-MARTYRIS DEVOTUS FAMULUS, SANCTE HALBERSTADENSIS ECCLESIE DIVINA

GRATIA ANTISTES.

IN instituendis ac confirmandis Sancte Ecclesie iustitiis, & Religionis incrementis, Episcopale precipue decet providere vigilantia: unde quamvis Matris Ecclesie ruinas frequenter multiplicari videamus, & eis, peccatis nostris exigentibus, pro debito nostro ad occurrendum minime per omnia sufficiamus; Divina tamen favente gratia susceptum in his officii nostri ministerium pro posse nostro recogitare studebimus. Notum itaque facimus presentibus & cunctis retro futuris, Sancte Ecclesie fidelibus filiis, quod Nos in Ecclesia, Nobis credita, inordinata corrigere, & correctâ fideli devotione persequi cupientes, quandam Sanctimonialium Congregationem apud Villam *Schenigge* institutam, sed inutiliter ac sine fructu sancte religionis, omnisque honestatis, dies suos deducentem, communicato fidelium Ecclesie nostre consilio renovimus, & fratres juxta traditionem Regule B. Augustini communem vitam ducentes, illuc substituvimus. Quia vero prioris claustrilo-

ca ad constituenda domicilia Congregationis inconvenientia vidimus, fidelibus Ecclesie nostre consulens, in Curiam nostram, quam in superiori parte ejusdem Ville habuimus, ipsum claustrum utilitatis & commodorum gratâ transtulimus, antiqua tamen Ecclesia cum bonis, mediis, omnibusque iustitiis suis in potestatem & subjectionem ipsius Congregationis perpetua stabilitate cedenti. Dei igitur Omnipotentis auctoritate, Sancteque Scripturæ preceptis informati, statuimus, & firmando precipimus, ut regularis Professionis Ordo ibidem Divina favente gratâ incommutabiliter perseveret, nullusque post factam ibi Professionem sine Preposito, totiusque Conventus licentia abcedere, seu ad aliam vitam vel ordinem presumat transmigra-
re. Patre quoque ejusdem Ecclesie ob-
eunte vel decedente, nemo ibi violent-
ter, seu alio quolibet malo conamine
pessiciatur, sed unanimitate & concor-
dia fratrum ita integraque persistente,
electionis eis firma permaneat libertas;
videlicet, ut de eodem claustris, aut ali-

unde, si opus est, ejusdem tamen Professionis, in paternitatis officium idonea persona sumatur. Ceterum pro removenda omni infestationis molestia, decernimus, ut omnia ejusdem Ecclesie predia, in villis, agris, silvis, pratis, ac molendinis, salva semper & illibata permaneant, Deo ibi famulancium usibus debita commoditate proventura. Tres quoque mansos nostri juris, in eadem villa sitos, omnemque decimam eorum possessionis, ex eadem *Scheniggense* villa, ad Nos pertinentes, in eorum sustentationem, obtentu Divine indulgentie concedimus, statuentes, ut tam hec, quam omnia, que vel per Nos, nostrosque Successores, aut per alios fideles, congrua ac justa acquisitione, quoquomodo in futurum consecuti fuerint, sine omni gravaminis opportunitate, sub eorum ditione permaneant. Apostolica itaque traditione pro auctoritate Patris, & Filii, & Spiritus Sancti statuimus, ut eandem Ecclesiam, ad officium Divini cultus informatam, nemo unquam hominum temeraria fugatione aut exactione inquietare, vel ejus possessiones diripere, auferre, vel ablatas retinere, ullo modo presumat; sed in pace, & tranquillitate Ecclesiastice Religionis, secura semper & libera consistat. Siquis igitur huic nostre institutionis scripto pernaciter obviare presumpserit, nisi celeri & digna correctione resipuerit, a visceribus matris Ecclesie sine dilatione

sequestratus, Divino iudicio plectendus subiaceat. Omnes autem eandem Ecclesiam in pace & quiete foventes, ejusque profectum fidei congratulatione prosequentes, pretiosa B. Laurentii Martyris oratio, & gratuita Domini Dei nostri benedictio semper tueatur. Amen.

Hec itaque Statuta & Decreta ut firma semper & illibata permaneant, in verbo Dei Omnipotentis, & B. Petri Apostoli auctoritate, vinculo anathematis interposito, precipimus, & sigilli nostri impressione inviolabiliter consolidamus.

In hujus condonationis testimonium interfuerunt *Elferus*, majoris Ecclesie Prepositus; *Fridericus*, Decanus; *Conradus*, Camerarius; *Elferus*, Abbas de Hugesborg; *Marticus*, Abbas de Hilefineborg; *Thietmarus*, ejusdem Scheniggenensis Ecclesie Prepositus; *Fridericus*, Comes Palatinus, ejusdem loci Advocatus, cum aliis quam plurimis fidelibus. Data in *Halberstad* XV. Kal. Novembris in publico Concilio: Incarnationis Dominice Anno M. C. XX. Indiæ XIII. Prefatus Domini Calixti PP. annis II. Ordinationis vero Domini *Reinhardi*, Episcopi XIII. feliciter Amen.

*Ex Originali MS. communicavit Dullenburgo loc ipso anno 1761. 8vo
Jbris Cl. D. ab Erath, Confiliarius
Aurico Nassovicus.*

Confer etiam Diploma pag. 280. cum eo, quod hic subjicitur, quod idem Cl. D. ab Erath ex Originali descriptum transmissit:

IN NOMINE SANCTE ET INDIVIDUE TRINITATIS.

REINHARDUS, DEI GRATIA, SANCTE HALVERSTADENSIS ECCLESIE DICTUS EPISCOPUS, BEATI STEPHANI PROTO-MARTYRIS HUMILIS ET DEVOTUS FAMULUS, OMNIBUS CHRISTI-FIDELIBUS, TAM FUTURIS QUAM PRESENTIBUS, IN PERPETUUM! GRATIA VOBIS ET PAX ADIMPLEATUR!

Officii nostri debitum exoptulat, Nos religiosos Viros, Fratres nostros, Regulam Beati Augustini Professos, in contemplative vite dulcedine quiescentes, & cum Maria ad pedes Domini sedentes, & verbum illius audientes, optimam etiam partem eligentes, paterno karitatis affectu diligere, & cum

Martha in active vite labore pias pro eis sollicitudines gerere, & eos per omnia in suis opportunitatibus pro posse nostro confovere. Et cum per Apostoli preceptum operari bonum ad omnes doceamur; maxime tamen domesticis fidei, Apostolice utique vite imitatoribus assistere informamur.

Ea-

Eapropter notum esse cupimus omnibus Christi fidelibus, qui coequalem nobiscum sortiti sunt fidem, quod Schenningensis Cenobii novellam plantationem, & quarundam Sanctimonialium ob inuicem earum conversationem remotionem, loci etiam, in quo manebant, necessariam mutationem, & cetera, que litteris prioribus adnotavimus, & posterorum memorie transmisimus, rata esse censuimus, nec aliquid eorum, que scripta sunt, immutamus: ut videlicet Regule Beati Augustini Canonica Professio in eodem loco in perpetuum permaneat, nullusque post factum inibi vocum absque licentia Capituli recedere audeat: in statuendis etiam Prepositis Canonice electionis libertas firma perduret: predia fratrum, que prius Sanctimonialia ille possederant, & que postmodum adiecimus, nullus temere invadat: ipsos & bona eorum ruentes Dei Omnipotentis gratia custodiat, & persequentes eos ultio Divina percellat. Presentem etiam paginam posteritati fideliter scribimus, in qua locum quendam, qui *Cabo* dicitur, in . . . Idem situm, in quo felicis memorie *Oda*, Comitissa, Regia stirpe orta, Sanctimonialium Congregationem pio voto collocaverat, sed peccatis exigentibus malorum hominum . . . ione sepius desolatus est, cum universis allodiis, que illi atinebant, Schenningensium Fratrum utilitati, Episcopali auctoritate delegamus, eundem etiam locum & omnia ad ipsum aliquando attinentia, omnium hominum potestati & usui, anathemate interposito, abdicamus; Divina quoque illis celebrari, locumque ipsorum ab aliquo incolæ, nisi voluntate Schenningensis Prepositi & fratrum ejus, nullius presumptioni assensum damus. Nullus etiam Successorum nostrorum, nec aliqua profus Ecclesiastica, secularive persona, annum eorum censum, & jus litonum, qui eis servant, & antiqua traditione usque ad nos statutum, pro decimis, addere, vel minuere, vel mutare presumat. Preterea, quem vulgato nomine Advocatum vocant, Prepositus, & Fratres eligant, & si plus iusto forte importunus esse voluerit, Episcopali auctoritate alium magis idoneum illi substituant.

Hec autem sunt predia, que vene-

rabilis Matrona, & ejusdem loci Abbatissa, alique illi Cenobio attulerunt:

In villa, que dicitur *Hogrimstorp* xviii. arce, cum decem & novem mansis. In *Helmerstorp* xv. arce cum xii. mansis. In *Suommere* xii. mansi & dimidius, & xv. arce. In *Lucbstorp* xi. arce & octo mansi. In *Rodenstorp* xii. mansi & xvi. arce. In *Gerdstorp* vii. arce cum v. mansis. In *Ligerstorp* xi. arce & totidem mansi. In *Hellstorp* iii. mansi & vii. arce cum adjacente silva. In *Badstede* i. mansus & i. arce. In *Dalmerstorp* i. mansus & arce. In *Edendorp* mansus & arce. In *Bollinge* vi. mansi & x. arce. In *Swardstede* vii. arce cum tot mansis. In *Bulstinge* ii. arce & ii. mansi. In *Bimstorp* iii. arce & ii. mansi & dimidius. In *Buga* mansus & arce. *Eclstede* & *Stendorp* juxta *Gardstorp* cum omni utilitate: & in silva, que *Hauistede* dicitur, & his conigua est, participatio. *Hoptorp* cum omnibus attinentiis. *Lindum* dimidia cum omni utilitate. *Schumbiche* ex integro, exceptis duobus mansis nostri juris, quos etiam Beato Laurentio in *Scheninge* contulimus. In *Chieringerode* mansus & arce. In *Alenstede* iii. mansi & dimidius, & ii. arce. In *Bemistede* mansus & arce. In *Ukenheim* ii. mansi & dimidius cum tot arceis. Juxta *Bardstede* in *Mestebusen* unum panitale, & dimidium in *Becetebusen*, que solvunt xxiii. solidos. In villa *Schamigge* xxii. arce & vii. mansi cum pratis & usibus silvarum, & utilitate salis, & molendinum in superiori parte ejusdem ville: preterea omnia predia Parochialis Ecclesie Beati Stephani Protho-Martyris in eadem villa, que fratrum usibus assignavimus.

Has itaque possessiones, quas prefens pagina continet, quas videlicet supra dicta nobilis femina, & alie Abbatissa, vel reliqui fideles iusta donatione priori loco delegaverant, in villis & locis desertis, in campis & silvis, in agris, cultis & incultis, in vineis & vineis, in arbutis & arboribus, in pratis & pascuis, in aquis & aquarum decursibus, in molis & molendinis, in piscationibus & venationibus, in exilibus & redilibus, in viis & inviis, in adquisitis & acquirendis, vel etiam ea, que aliquorum violentia Cenobio subtracta sunt, in ipso suo . . . Beati Laurentii Deo simulandum usibus hoc testamento assignata.

Et

Et ne in posterum Inquietorum temeraria presumptione auferri debeant, sigillo nostro, que scripta sunt, roboramus: In nomine etiam Patris, & Filii, & Spiritus Sancti, auctoritate Apostolorum Petri & Pauli, potestate quoque Kalixti Summe Sedis Pontificis, & banno nostro *Scheningensi* Monasterio, & omnibus in eo merita Beati Laurentii devote venerantibus, & eorum possessionibus, quas in presenti iuste possident, & in futurum concessione Pontificum, largitione Regum, liberalitate Principum, oblatione Fidelium, seu quibuslibet iustis modis adipisci poterunt, eterna pace firmamus, & hanc ab Omnipotentis Dei misericordia perpetuam eis imprecamur & optamus.

Si quis igitur hec Statuta nostra sciens contraire temptaverit, & Fratres nostros, & bona eorum in aliquo infestare presumpserit, non sit ei hereditas in Regno Christi & Dei, sed abscissus ab unitate corporis Ecclesie non resurgat in consilio iustorum, si non agnoscens reatum suum resipuerit, & pro temeritatis ausu Patri Cenobii & Fratribus satisfecerit.

Omnibus autem eidem loco & Deo in ipso servientibus, que iusta sunt, deferentes, & tam ipsos, quam bona eo-

rum pace prosequentes & defendentes, gratuita Dei Omnipotentis misericordia preveniat & subsequatur, & gloriosa Beati Laurentii, incliti Martiris, intercessio tueatur. Amen.

* Hujus pagine testes sunt hii: *Eberhardus*, majoris Ecclesie Prepositus: *Gerhardus*, Decanus: *Martinus*, Custos: *Conradus*, Camerarius: *Martinus*, Abbas Hilfincburgensis: *Alfridus*, Abbas Hugoburgensis: *Gerhardus*, Prepositus Sancti Johannis in civitate: *Thutmarus*, Prepositus Scheningensis Cenobii: *Fridricus*, Palatinus Comes junior: *Rudolfus*, Marchio: *Adelbertus*, Comes de Ballenstide: *Adelbertus*, Comes de Wernigerode: *Beringerus*, Advocatus majoris Domus: *Willerus*, Prefectus in civitate: *Engelmarus*, Vice-Dominus: *Eberhardus*, Advocatus Schaniggensis Cenobii, & alii quam plures Nobilium & Ministrantium.

Actum *Holstadii*: anno Dominice Incarnationis Mill. centesimo XX. primo, Indictione quarta decima, in publica Synodo, in festo Beati Luce Evangeliste, Prefatus Domini Kalixti Pape II. anno tercio, Regnante Heinricho V. Romanorum Imperatore Augusto, anno Ordinationis Domini Reinhardi Episcopi XIII. feliciter. Amen.



CONVENTUS EPISCOPORUM

APUD THEODONIS VILLAM,

Anno Christi MCXXXII. Innocentii II. Papæ III.
Lotharii II. Imp. VII.

*Pax restauratur, quum Simon, Dux Lotharingie, usurpatus
in S. Deodati Ecclesia exactiones remittit.*

IN NOMINE SANCTÆ ET INDIVIDUÆ TRINITATIS.

EGO Dux SIMON Lotharingorum & Marchio, in celebri Conventu apud Theodonis villam, coram Domino ALBERONE Archi-Episcopo Reverentissimo Treverensi, presentibus quoque tribus Episcopis: STEPHANO Merensi, HERMANNO Tullensi, & ALBERONE Virdunensi, multisque aliis Regni Principibus, qui causa pacis convenerant, subscripsit pravas exactiones

tempore meo in Ecclesia S. DEODATI inductas, Divina Clementia inspirante recognovi, & assensu & voluntate conjugis meæ Excellentissimæ Ducissæ ADELIDIS ad Ecclesiam præstatam veniens, easdem exactiones subscriptas ad corpus B. DEODATI deposui, & ibidem una cum MATTHÆO filio meo abjuravi, videlicet placitum Palatii, ad quod nullus de hominibus S. DEODATI, ad

ad Præbendam Fratrum pertinentibus, venire cogendus est. Fortunam, incendium, raptum, & quandam exactionem, quæ vulgo talia dicitur, quam Ministeriales mei apud *Cochincourt* aliquando exigebant. Si quis autem de hominibus S. DEODATI ad Præbendam Fratrum de susceptione concambii impetrus fuerit, secundum legem Tullensium vel Metensium respondebit. Actum est hoc apud Theodonis villam anno Dominicæ Incarnationis MCXXXII. Indiæ. X. in Sede Apostolica Præsidente INNOCENTIO PP. II. regnante Rege Augusto

Romanorum, fratre nostro LOTHARIO, ALBERTO, ejusdem Ecclesiæ Præposito. Ad stipulationem autem & abjuratone facta horum Virorum Illustrum testimonio: *HENRICUS* Venerabilis Tullensium Episcopus, *Hugo* Abbas, *Henricus* Archiepiscopus, *Jocelmus* Abbas Calmoensis, *Witerus* de Gondricourt, *Vancus* cognomento *Canis*, *Petrus* de Brixet, *Roissus* de Brixet, *Albertus* de Dumet, *Walterus* de Lanfrancourt, *Albertus* de Aricere villa, & *Leuwinus* frater ejus, *Volfricus* puer, *Simon*, *Gerardus*, *Pologi* Advocatus.

ALBERONIS, Archi-Episcopi Treverensis, *Testimoniales de Duce in hoc Conventu absoluto.*

IN NOMINE SANCTÆ ET INDIVIDUÆ TRINITATIS.

EGO ALBERO, DIVINA FAVENTE CLEMENTIA, TREVERORUM HUMILIS MINISTER ET SERVUS, APOSTOLICÆ SEDIS LEGATUS, DILECTIS FRATRIBUS IN CHRISTO, CANONICIS S. DEODATI, EORUMQUE SUCCESSORIBUS, IN PERPETUUM.

Si providentiæ Pastoralis officium rationabiliter & congrue dispensamus, oportet Nos Ecclesiarum oppressiones & molestias propulsi, & eas paterno solatio confovere, ut tanto interior Deo liberius serviant, quanto in exterioribus minime perturbantur.

Quocirca præsentis paginæ testimonio fieri volumus, & præsentium memoriæ, & sequentium posteritati, quod in præsentia nostra, & Venerabilium Fratrum & Coepiscoporum nostrorum STEPHANI Merensis, HENRICI Tullensis, ALBERONIS Virdunensis, & multorum Principum, qui nobiscum apud Theodonis villam pro pace reformanda convenerant, Albertus Præpositus, & alii Canonici Ecclesiæ S. Deodati conquesti sunt super Duce SIMONE, quod ipse violentas exactiones & injustas consuetudines temporibus suis super prædictæ Ecclesiæ servos & possessiones induxisset, & quedam jura ad se per violentiam retinisset. Verum Divina cooperante Clementia præfatus Dux assensu & voluntate ADELEIDIS, Nobilis Ducissæ uxoris suæ, omnia illa, de quibus in eum querela fundebatur, in præsentia nostra quærpivit & abstulavit. Et quia jam dudum pro ea injuria

erat excommunicatus; Ecclesiæ pristinam restituens libertatem, a Nobis est ibidem absolutus. Deinde ad prædictam Ecclesiam veniens, ad corpus S. DEODATI violentis illis exactionibus omnibus renunciavit, & ibidem cum MATTHÆO Filio suo subscriptas pravæ consuetudines damnavit & abjuravit: istas scilicet, quod ad placitum Palatii nullus hominum S. DEODATI, ad Præbendam Fratrum pertinentium, aut plus venire cogeretur. Fortunam quoque, raptum, incendium, & quandam exactionem, quæ vulgo talia dicitur, quam Ministeriales ejusdem Ducis apud *Cochincourt* aliquando injuste exigebant. Si quis præterea de hominibus S. Deodati, ad Præbendam Fratrum pertinentibus, de susceptione concambii impetrus fuerit, secundum legem Tullensium, vel Metensium respondebit.

NOS igitur paci & libertati Ecclesiæ non tantum in debuis nostris, sed etiam in posterum providere volentes, ut hoc firmum & inconvulsam permaneat, auctoritate Dei & Nostræ præcipimus & stabilimus, & in testimonium hujus rei præsentem paginam sigilli nostri impressione firmavimus & consignavimus. Quod si aliquis postmodum in-

Tomus IV. Concil. German.

C c c c

fringe-

fringere vel infirmare tentaverit, anathematis eum vinculo, donec satisfaciat, astringimus & innodamus.

Acta sunt hæc anno Dominicæ Incarnationis MCXXXII. Indictione X. Apostolicæ Sedi præsidente Domino Papa INNOCENTIO II., Regnante Imperatore Romanorum Augusto LOTHARIO II. Anno Ordinationis nostræ II.

Ego ALBERO Dei gratia, Treverorum humilis Minister & Servus, manu mea Sc. Ego Godefridus Præpositus Sc. Ego Fulmarus Decanus Sc. Ego Arnulfus Archi Diaconus.

Mortene ex Schedis Domini de Riguet, Præpositi S. Diodati, Tomo IV. Thesauri novi Auctororum pag. 136. 137.

SYNODUS HALBERSTADENSIS

ANNO CHRISTI MCXLI.

IN NOMINE SANCTE ET INDIVIDUE TRINITATIS.

EGO RODOLPHUS, DEI gratia, Sanctæ Halberstadenſis Eccleſiæ Episcopus, religioni & utilitati Ecclesiæ volens consulere, in omnibus, que gerenda sunt, sic auctoritate Christi & Ecclesiæ testimonio agere satago, ut, que in præſenti confirmantur, in futuro secura permaneant. Itaque hujus Sacri Concilii noticiam & testimonium super hæc re requiro, ut noverint, qualiter Contrater noster Bodo, Scheniggenſis Monasterii Præpositus, quatuor mansos in villa Odenheim, & dimidium in Saligge, XXX. libras libris a Monasterio Thribicensi solita cambia commutaverit, anuente Præposito Heinricho, & Abbatiſſa Juthata. Actionem vero hujus commutationis utriusque Monasterii Advocati, Athelbertus Comes, & Gevehardus pari consensu & more legitimo perfecerunt. Præterea Venerabilium Personarum, que huic negotio aderant, testimonium suffragatur & auctoritas, ut iuste convelli nunquam possit, quod eorum præſentia & reverentia confirmatum fuisse suffecerit, etiamſi nulla testamenti confirmatio adhiberetur. Aderat namque Ekkebertus, Abbas Hujusburgenſis: Sigebodo, Abbas Hilſeneburgenſis: Buchardus, Abbas Uuimedeburgenſis: Conradus, Præpositus Niwenburgenſis: Bodo, Præpositus Scheniggenſis: & ceteri quam plures Viri Religioſi, quos sub occasione sacre ſolemnitatis VII. Martyris Archi Episcopi, ad laudem nominis ſui in Monasterio Thribi-

ensi aggregaverat. Aderat quoque, que de tota Provincia ſolemnitatis gratia confluxerat, copioſa populi multitudo, a qua noticiæ & testimonium rei geste requisitum est, nec fuit, qui refragaretur, cum per omnia iuste & legitime factum fuerit. Hanc ergo commutationem clavibus cæli confirmamus, testimonio Christi roboramus: ut deinceps nullus temerare audeat, quod tali auctoritate confirmatum est; nulli namque tutum est temerare, quod Eccleſia ligaverit in terra, quoniam teste Christo ligatum est in cælo.

Actum est in magna Synodo, in Festivitate Luce Evangeliste, anno Dominicæ Incarnationis Millesimo centesimo quadragesimo primo, Indictione prima, feliciter Amen.

Godefridus & Samson Sacerdotes Ecclesiæ nostre; Hubertus & Heinrichus, conversi ejusdem Ecclesiæ; Hermannus & Bertheherus, conversi Thribiceniſis Ecclesiæ; Kichih, Advocatus noster de Cletligge.

Athelbertus Comes. De Wereningorthe; Gevehardus de Horneburg; Hermannus de Rimbeke; Giselbertus de Silſide, & alii quam plures aderant.

Communicavit ex Originali inspecto Cl. D. ab Erath Consiliarius Naffensis Dillenburgius.

CON-

CONCILIIUM PROVINCIALE TREVERENSE

ANNO CHRISTI MCLII.

JUSSU EUGENII PAPÆ III. CELEBRATUM,

In quo iudicio Episcoporum & Abbatum, aliorumque Ecclesiasticorum Virorum, Mattheus illustris Dux Lotbaringiæ Romaricensi Ecclesiæ ad banc diem infensus, ad concordiam adducitur, juraque omnia prædictæ Ecclesiæ confirmat, ablata restituit. &c.

IN NOMINE SANCTÆ, ET INDIVIDUÆ TRINITATIS.

HELLINUS, DEI GRATIA, TREVERENSIS ARCHI-EPISCOPUS, DILECTÆ FILLÆ JUDITH, EADEM GRATIA ABBATISSÆ ROMARICENSIS, ET SORORIBUS EJUS IN POSTERUM.

Querimonias tuas contra Ducem MATHEUM jam per tempora multa agitas, & tandem secundum præceptum Domini Papæ coram Episcopis, & Abbatibus, & Principibus terræ a Nobis definitas, utile duximus tibi & Ecclesiæ tuæ sigillo nostro, & auctoritate tam nostra, quam Suffraganeorum nostrorum diligenter munire.

De diversis igitur querimoniis assensu communi statuis, quod Capitulum vestrum liberam electionem habeat, & de Præpositis, & de Cancellariis præficiendis, & Dux electioni illi celerem præbeat assensum, salvo jure suo. Si autem persona quæcumque electa postmodum Ecclesiæ inutilis fuerit, ipsa voce Capituli, qua præstituta fuerit, deponetur. Quibusdam Præpositis Beneficia, & redditus suos, unde vivere debent, quos ab Ecclesia tenent, alicui in feodum dare non licebit, neque Dux feodificare eos coget, immo etiam dare, & accipere in fide & veritate prohibebit. Quando autem Præpositus Vosagi, & Cancellarii in Potestatibus placitum tenere voluerint, laudante, & assentiente Advocato, diem placitandi præfigere debent. Summam autem quæstus definiunt Præpositus, & Cancellarii consilio & assensu Advocati, consilio tamen Ministri Ecclesiæ præcedente. Tallias autem, quas ipse Dux & Advocati sui injuste super homines Ecclesiæ facere consueverant, penitus quirpiverunt. Clerici & Ecclesiæ, & res eorum a Duce, & ab advocatis, & a venatoribus non inquietabuntur; sed in nobili libertate, ut dignum est, in pace remanebunt.

Tomus IV. Concilior. German.

Servitium vero, quod venatores ab Ecclesiæ exigebant, ex toto dimissum est. Dominus autem Dux vel Ministri sui non cogent homines Ecclesiæ exire extra bannum suum ad placitandum: neque Dux quempiam hominum Ecclesiæ absque Abbatis placitabit. De omni autem quæstu super homines sumto, in omni negotio, & in omni proventu, Ecclesia medietatem recipiet. Advocati vero in potestatibus avenam non accipient, nisi pastione cum fidelitate renunciata, & nisi Ecclesia plenarie avenam suam ad cervisandum prius acceperit. Vacas verò, quas nuper Advocati injuste in potestatibus accipere in natale Domini consueverant, penitus a modo non accipient. Superpræpositi vero, & Subadvocati, qui a Duce, & ab Advocatis injuste substituebantur, a modo radicitus extirpantur. Super mundiculos vero Minister Ecclesiæ, & Advocatus placitum tenere debent, & Ecclesia totum censum habebit, nisi in duabus potestatibus, videlicet campi, & Archarum, in quibus non nisi dimidia pars census est Ecclesiæ: idem vero de placito fabrorum, Ecclesia videlicet medietatem quæstus recipiet. Quando vero Dux in quolibet castrorum suorum morabitur; de suo vivet: si vero per terram transiens, ad quamlibet Ecclesiæ curiam pernoctaverit, villicus de communi quæstu per curiam cum fidelitate sumto, eum procurabit, & hoc semel in anno, & in mane recedet. Si vero Advocati percurias aliquando pernoctaverint, de jure suo vivent. Qui si forte in aliquo pa-

C c c c 2

cem

cem istam infregerint, nisi ammoniti a Duce infra sex septimanas ablata restituerint, Dux terram eorum sibi sit, eisque prohibebit, ne in eis aliquid accipiant, donec Ecclesie satisfecerint. Insuper ex praecepto Domini Papae sub vinculo anathematis nexi tenebuntur, donec resipuerint, & Ecclesie satisfecerint. Forum vero Archarum esse concedimus, ita ut absque omni dolo, & absque multa acquisitione, & absque omni genere exactionis teneatur. De tabernis relatione fidelium discussum est, quod in tertio anno in xxx. duabus potestatibus Dux suum vinum vendet solo obolo carius; quod vinum rustici debent deducere, & infra Abbatiam accipere, & in loco nominato solo die expectare. Apud Girsbach medietatem veneraciarum, & quiritus in placuis & avenam recuperavimus. Usuagium nemorum recognovit Dux, & concessit hominibus ecclesie, ubi antiquitus habere solebant ex ratione fidelium. Si vero postmodum Dux terram vestram aliquibus minis, aliqua exactione, aliqua precatone, vel alicujus extorsionis genere oppresserit, vel aliquam supradictarum pactionum, aut per se, aut per Advocatos suos infregerit; quotiescumque ecclesia reclamaverit, absque omni retractatione ipse cum suis, & cum terra sua vinculo anathematis iterum nexus teneatur: nisi ammonitus, vel repressus, infra quadraginta dies penituerit & satisfecerit, ipso Duce in hunc modum concedente.

Ego MATHEUS, DEI patientia, Lotharingorum Dux, & Marchio, ductus penitentia, spe retributionis aeternae, in his, in quibus laeseram Romaricensem Ecclesiam, consilio religiosorum Virorum, Clericorum, & laicorum, cum Romaricensi Ecclesia feci praescriptam compositionem, & posui in sacratam manum Domini Archi-episcopi: & charam Trevirensi, & Tullensi ecclesie inde feci, quod hoc bona fide servabo; & si aliquando, quod absit, per Me, vel per meos fuerit contra hoc factum, nisi infra quadraginta dies, si ammonitus fuero, satisfaciam, & ablata restituum, meo assensu Trevirensi, & Tullensi Ecclesia in me, & in terram meam sine iudicio dent anathematis sententiam.

Hujus compositionis testes sunt Stephanus, Metensis episcopus: Henricus, Tullensis episcopus: Albero, Verdunensis episcopus: Arnulfus, Alexander, Bruno, Trevirentes Archi-Diaconi: Henricus, Cantor: Baldricus, Magister Scholaris: Sigericus, Abbas S. Maximini: Bertolfus, Abbas S. Eucharii: Richardus, Abbas de Sprinckirbach: Philippus, Decanus Metensis: Roscelinus, Archidiaconus: Hugo, Magister Scholaris: Richerius, Praepositus S. Salvatoris: Albertus, Primitivus Viridunensis: Willemus, Decanus: Richardus, Archidiaconus: Andreas, Archidiaconus: Hemboldus, Abbas Gordienensis: Manegaldus, Abbas S. Michaelis: Hugo albus, Decanus & Archidiaconus Tullensis: Henricus, Archidiaconus: Magister Haimo, Archidiaconus: Roricus, Archidiaconus: Cisterciensis Ordinis Rannulphus, Abbas de Claustro: Bernardus, Abbas Marimondensis: Milo, Abbas de Crista: Odo, Abbas Belliprati: Richardus, Abbas de Vallibus. Romaricensis ecclesie testes sunt: Theobaldus, Praepositus: Cono, Cancellarius: Petrus, Cancellarius: Magister Widricus, Salsurienensis: Theodericus de Dommo Martini: Magister Hagano. Nobiles & Milites: Henricus, Dux de Leubare: Henricus, Comes de Namur: Henricus, Comes de Solm: Fridericus, Comes de Piam: Gotsuinus, Comes de Facermont: Folmarus, Comes de Gyl: Albertus, Comes Chiniacensis: Conradus, Comes Salvagii: Ulricus, Comes de Aira. De Familia S. Petri: Engelbertus, & Fridericus frater ejus: Hemboldus, & Guillelmus frater ejus: Hermannus, & Galterus frater ejus de Palatio: Theodonicus de Roumont: Ulricus de Sampinn. Hi duo cum Duce erant, Magister Bovo, Tullensis Archidiaconus: Roricus, Abbas Calmosiacensis: Durannus, Abbas Bellicampi.

Aetum autem est hoc anno ab Incarnatione Domini M.C.LII. Epacta XII. Indictione XV. concurrente secundo. Data Treviris per manum HELLINT, Trevirensis Archi-Episcopi, XVII. Cal. Septembris.

Martens & Durand Tomo VII. veterum Scriptor. & Monumentar. Collectio- nis amplissima.

HAM-

HAMBURGENSE STATUTUM DE SYNODO ANNUA, A TRANSALBIANIS EPISCOPIS INVISENDA.

HARTWICI I. Archi-Episcopi Bremensis Statutum de Provinciali Synodo, quod Lubecensis, Razeburgensis, Zwerinensis, Cisalbiani Episcopi, quot annis Hamburgum ad Synodum veniant, uti ad Bremensem Synodum suo tempore Bremæ servandam Transalbiani.

IN NOMINE SANCTÆ ET INDIVIDUÆ TRINITATIS.

EGO HARTWICUS, DEI GRATIA, SANCTÆ HAMBURGENSIS
ECCLESIE ARCHI-EPISCOPUS.

Pastoralis officii nostri sollicitudo Nos admonet, pia Antecessorum nostrorum studia considerare, & ne ipsorum religio facta ulla possint refragatione perturbari, vigili cura providere. Notum igitur cupimus tam presentibus quam futuris, quod cum Venerabilis Pater & Antecessor noster ADALBERO, totius Parochiæ suæ diligentem curam gereret, prælegit Metropolim suam Hamborg, per sevitiam Barbarorum propter Evangelium JESU CHRISTI sæpius vastatam, & jam quasi jure postliminii reversam, reformare, & in statum pristinum revocare: fecundissimam illam matrem gentium considerans, omnique devotionis officio venerandam protestatus, & tanto majorem offerri debere consolationem, quanto majori plaga & propioribus insidiis, & tam longiturna paganorum infestatione turbaretur. Quæ qualis & cujus sit meriti, quibusve eam dignitatibus præferre debemus, Pontificum & Principum Romanorum apud nos deposita nos instruunt privilegia: quæ idem Venerabilis Pater noster diligentius intuens, licet eadem Ecclesia in sua vastatione nominis conservasset dignitatem, ut plene tamen in ea pristinum remansisse declararet honorem, ne propter temporis lapsum & frequentem paganorum insultum de libertatis suæ titulo posset suboriri dubium, Canonicos in ipsa restituere in omni libertate & jure Metropolitico, ipsis a Sancta Romana Ecclesia, Pontificibus & piissimis Principibus concessis, usque ad vice suæ excessum cum debita conferens reverentia.

NOS igitur, qui eandem ecclesiam, licet indigni, gubernandam suscepimus, factum ejus per omnia commendantes, & confirmantes, ut ex laboris nostri sollicitudine eidem aliquid adjicere videamur, quia jam Suffraganeos habere desierit; in quadem parte Slavie, adjutorio nobilis viri Henrici Ducis Saxonie devicta, tribus Suffraganeis, scilicet: Lubic, Razeburg, & Zwerin. ipsam decoravimus, auctoritate Sedis Apostolicæ, cujus LEGATIONE fungimur, statuentes, quatenus prædictæ ecclesiæ novellæ ad Hamburgensem ecclesiam, tanquam ad METROPOLIM suam, in omnibus respectum habeant, & ut Matrem debito honore venerentur, nec non ejusdem Sedis ARCHI-EPISCOPO tantum secundum Canonum Sanctiones exhibeant debitam obedientiam & reverentiam: jura etiam & consuetudines tam BREMENSI, quam HAMBURGENSIS ecclesiæ, quæ post Unionem ipsarum fideliter ab Antecessoribus nostris suo tempore servatæ sunt, & quæ maxime propter viarum & aquarum pericula, & locorum distantiam ad commodum utriusque Provinciæ provide institutæ sunt, in perpetuum servandas decernimus: ita ut in Hamburgensi ecclesia semel in anno cum Suffraganeis, Prelatis, Clericis, Nobilibus, liberis, tantum Cisalbanis, Provincialis Synodus: in Bremensi vero, sicut consuetum est, suo tempore tantum cum Transalbanis Generalis Synodus celebretur. Ut autem prædicta omni ævo rata permaneant, præsentem chartam scribi, & Sigilli nostri appensione signari fecimus.

C c c c 3


Ne

Ne quis autem nostræ Confirmationis paginam infringere præsumat, sub anathemate & districti iudicii intermi-

natione prohibemus. Aetum Hammenlurg, anno Dominicæ incarnationis MCLX. Indiët. VIII.

Lunig Spicilegi Ecclesiastici 1sten Theils Fortsetzungs Anhang Privilegio LXXII. inter Bremensia pag. 104. 105.

Donationem Comitatus Stade, a Friderico I. factam A. 1180. Sigefrido Archiep. Bremensi, sub nube plurimorum Episcoporum, aliorumque testium exhibet *Lunig Loc. cit. Privileg. Bremens. LXXV. pag. 106. 107.*



Ad pag. 420. Tom. III.

De Concilio Lateranensi III. sub Alexandro III. hæc addenda ex Anonymi Bremensium Archi-Episcoporum Catalago pag. 63.

IN eodem Concilio BERTHOLDUS Bremensis electus, petivit Consecrationem, certissimus ordinari. Sed pridie federat in Concilio inter Episcopos infusus, cum tamen non esset Presbyter: unde magnam contraxit invidiam, & Magister GERARDUS sic pro eo allegabat:

Domine Pater! Ecce Bremensis Ecclesia concordii & unanimi voto offert Sponsum suum, Magistrum Bertholdum, Virum undique dignum, & moribus approbatum, scientia decoratum, liberalibus artibus instructum, utriusque Testamenti pagina eruditum, Decretorum, Legumque industria peritum, Virum, ut apparet, personatum Canonice, & sine omni contradictione electum, petitque hodie a Te accipere Gradum Sacerdotii, & cras Episcopalem Benedictionem.

Papa breviter. Credimus tibi bene Magister. Sed dictum est: Manum nemini cito (a) imposueris. Loquemur cum Fratribus nostris. Audiemus etiam diligentius modum electionis.

Examinantur Bremenses per duos Cardinales: Reinerum Papiensem, & Jo-

annem Neapolitanum, & inventi sunt, discordare.

Papa in Consistorio suo sententiatu est. Fratres, vidi vestrum electum, placet persona, placet sententia, placet eloquentia, placent etiam, quantum novimus, mores, verum modus electionis displicet: præfertim, quia est infra sacros Ordines, non dico, Subdiaconatum, sed acolythatum electus: quo gradu secundum vigorem juris licet contrahere matrimonium; quod Canonice obviat institutis. Audivimus etiam super hæc appellationem factam; quam coactus est resignare appellator. Insuper denuo se fecit eligi: & secunda electio cassavit primam. Præterea electus vester ante sacros Ordines suscepit Regalia de manu Imperatoris.

Hæc non admittunt dispensationem de facili: & alia, quæ præterimus. Inde est, quod electionem vestram infirmamus, & irritam judicamus, data sententia. Volenti loqui deposito BERTHOLDO, non est data audientia; sed ostiarii clamabant: Levate, Levate, Levate.

(a) 1. ad Timoth. V, 22.



CONCILIUM RIGENSE

ANNO CHRISTI MCCXV.

Divisio Proventuum Estoniæ jam baptizati in tres partes.

Convenerunt Seniores Rigensium cum Episcopis : Alberto Livoniarum, & Theodorico Estoniarum, & Fratribus Militiæ (Christi) considerantesque bellum Ruthenorum sibi forte imminere, divisionem quandam fecerunt super omnibus Provinciis Estoniæ, per Livoniensem Ecclesiam subjugatis ac baptizatis; describentes Ecclesiæ Livoniensi & Episcopo Rigensi, tertiam partem proven-

tuum omnium ac tributorum de Estoniæ provenientium; ut sicut laborum & bellorum, sic etiam consolationum particeps existeret: adariam partem Elbensi Episcopo: tertiam vero Fratribus Militiæ Christi, pro laboribus & expensis suis adjudicabant.

Gruber Orig. Livonia sacra & civilis.

CONCILIUM RIGENSE

ANNO CHRISTI MCCXXIV.

SUB ALBERTO, LIVONIENSI EPISCOPO III.

Reverso ex Revalia, Estoniæ Metropoli, jam baptizata, & in fidem Apostolicæ Sedis recepta GUILLELMO de SABAUDIA, episcopo Mutinensi (post Sabinensi, demum S. R. E. Cardinali, Lugduni anno 1251. defuncto) rursus Rigam convenerunt ad eum Episcopi (a) Lambertus Semigallorum, vel Selonienfis, Joannes Rigensis ecclesiæ Præpositus, Cives, Sacerdotes, Clerici, Fratres Militiæ Christi cum Vassallis Nobilibus ecclesiæ, civesque Rigenses. Et presentibus his omnibus in ecclesia B. MARIE celebravit solemnè Concilium in Quadregesima Domini propter INNOCENTII (b) instituta, ea ad memoriam revocando, & nova adjiciendo, quæ novellæ plantationis ecclesiæ necessaria videbantur.

Posthoc vero, peractis cunctis & terminatis tam inter Episcopum, Clericos, Fratres Militiæ (Christi seu anseros) & civitatem Rigæ, quantum in præsentia tenore suæ plenipotentie terminare poterat, & sufficientibus indulgentiis datis ac concessis, valedicens ex animo cunctis, & benedicens; Reversus est ad naves suas, commendans oratione sua Livoniam totam Beatæ DEI Genitrici MARIE Virgini JESU CHRISTO, Domino ac Salvatore nostro, cui est honor & gloria in sæcula sæculorum. Amen.

Chronicon vetus Livonia, editum a Cl. Gruber in originibus Livonia sacra & civilis pag. 176, 177.

(a) Albertus III. Livoniæ Episcopus, qui ex castro Ykeskola transfudit Sedem in civitatem Rigam anno 1205.

(b) Canones Concilii Lateranensis anni MCCXV. sub Innocentio III. conditi & promulgati.

CON-

CONCILIIUM HILDESEMENSE

Anno Christi MCCXXXVI. Gregorii IX. Papæ IX.
Friderici II. Regis XVII.

IN NOMINE &c. CONRADUS, &c. HILDES. EPISC.

QUoniam in brevi tempore humana & labitur, & transit memoria; idcirco de his, quæ coram Nobis geruntur, ne oblivione intercidant, publica fieri permittimus Instrumenta: ad memoriam itaque futurorum cupimus pervenire, quod Dominus dictus de Gandersheim Miles, heredum suorum C. & L. & Juttæ voluntarium habens consensum, dimidiam decimam in Brunen, quam a Nobis in feodo tenuit LXX. libra receptis ab Ecclesia S. Godehardi in Hildesheim, ejusque Abbate Ludolpho (a), in manus nostras juxta vil-

lam in Herwic, cum Heredibus jam expressis, coram Viris idoneis tam Ecclesiasticis quam secularibus, Domino R. (b) Majore Præposito, H. Custode &c. Militibus autem . . . & coram toto Clero in Generali nostra Synodo resignavit, Nos vero resignatione facta, pro Deo & animæ nostræ remedio, favore Religione, & obtentu singularis erga Nos devotionis jam dicto contulimus Conventui, in proprietatem & beneficium assignando. Datum, &c.

Ex cod. MS. Biblioth. Mogunt.

- (a) Ludolphus von Goltzen ex Conventuali Monacho ad S. Godehardum octavus Abbas, eligitur anno 1228: Præfuit decennio. Moritur A. 1238. Ita *Laurenstein*.
(b) Reinholdus, anno 1235. electus Præpositus Majoris Ecclesiæ Hildesienfis, teste *Babovius in seris Præpositorum*. Citatur a *Laurensteinio* pag. 217. in *Hist. Diplomat. Hildes.*

Tom. III. pag. 587.

CONCILIIUM PROVINCIALE MOGUNTINUM

Anno Christi MCCLIX. Alexandri IV. Papæ V.
Interregni Germaniæ III.

§. I. De clandestina dispensatione.

STatuimus: ut matrimonium cum reverentia, & honore in conspectu Ecclesiæ celebretur, sic, ut cum matrimonium fuerit contrahendum, in Ecclesiis publice per Parochialem Presbyterum tribus diebus Dominicis & Festivis a se distans publicè proponatur: ut si quod impedimentum matrimonii contrahendi noverint aliqui, illud infra terminum competentem, ab ipso Presbytero præfigendum, in facie Ecclesiæ sine difficultate revelent. Excommunicationis quoque sententia in genere proferatur in omnes, hujusmodi impedimentum celantes; si quis autem, non præmissa de-

nuntiatione, clandestina & interdicta conjugia inire præsumpserit, etiam ignominanter, soboles de tali conjunctione susceptæ, illegitima est censenda. Parochialis etiam Sacerdos, si tales conjunctiones prohibere contempserit: aut quilibet etiam regularis, qui eis præsumpserit interesse, per triduum ab officio suspendatur. Quibus quidem Sacerdotibus in virtute sanctæ obedientiæ injungimus districtius in his scriptis, ut hoc salutare statutum, & pœnas in eo expressas in quolibet quarta parte anni in ambonibus Ecclesiarum suarum duobus Dominicis diebus ad plebem publicent, ne quis per ignorantiam excusare se valeat, ne pœnas, de quibus prædictur, incurrat.

§. II.

Ne fide vacante aliquid innovetur.

Statuimus: ut quicumque defuncto Episcopo relicta ab eo, aut sede vacante, bona Ecclesiarum occupavit, ipso facto excommunicationis sententiam incurrat, quam Successor inviolabiliter facies observari, nullatenus relaxet siue restitutione, & satisfactione condigna, de sui Capituli consilio, & assensu.

De Vita & Honestate Clericorum.

De Clericis vagabundis est statutum, & prohibetur: quod nullus a Clericis, vel personis Ecclesiasticis recipi, nec dari quidquam debeat eisdem, cum vitam ducant reprobam, & infamem.

Item; contra Clericos militares, qui Clericali schemate derelicto comam nutriunt, & gestantes habitum laicalem coram Prelatis suis, & in Ecclesiis, in quibus habent Beneficia, neque reverenter incedunt, statuimus & precipimus: ut apostantes hujusmodi, si, antequam a suis Prelatis, siue Capitulis evocati, & prius habitis Beneficiis fuerint spoliati, ad suas Ecclesias, siue Præbendas redire voluerint, non aliter admittantur, nisi discipline claustralis carcerem tanto tempore sustineant, quanto a suis Ecclesiis eos confiterit aberrasse.

De Beghardis, & Beguinis reprobatis.

Statuimus: quod secta, & habitus, nec non conventicula Beghardorum, claustrum per plateas, & vicus civitatum, oppidorum, & villarum, hoc vulgare: *Broth durch Gott*, & quæ aliæ singularitates a sancta Dei Ecclesia non receptæ, sint penitus reprobati: & mandatur universis Pæbanis, per civitates, Diocesium, & Provinciam *Moguntia*, constitutis, ut eosdem *Beghards* publice tribus diebus Dominicis, vel Festivis ammonerent, ut, hujusmodi singularitatibus derelictis, se teneant sicut alii Christiani, & quod non prædicet in cavernis, vel in aliis locis secretis, & non conveniant cum Beguinis, se conformantibus eisdem in moribus, habitu, & incessu; alioquin extra Parochias suas eos expellant. Idem etiam de Beguinis pæbueris statuimus.

De Capitulis Monachorum.

Quia Religiosi quidam per *Fratres sui*

Ordinis officiant Ecclesias unitas sibi, & id fratribus illis sit occasio dissolutionis: cum iidem eo sint promiores in lubricum, quo ex religioso titulo se autumant exemptos, ac Prælati eorundem per Ordinarios tales corrigi minime patiantur, sed quasi pro ordinis scandalo evitando ipsos ad domos suas revocant, vel ad alias Parochias mittunt; autoritate hujus sacri Concilii duximus statuendum: ut Religiosorum Ecclesiarum, per fratres eorum non officientur, sed per Clericos secularis, ut saltem de reliquiis, quæ de mensa religiosorum ceciderint, sustentari valeant pauperes Sacerdotes, qui in vituperium ordinis Sacerdotalis publica egestate laborant; ita quod sint verissima illa verba Hieronymi dicentis in Canone: *Mendicet infelix Clericus in plateis.*

De statu, & habitu Monachorum, & Monialium.

Statuimus etiam, ut, juxta Concilium *proxime celebratum*, Monachi, & alii Religiosi quilibet, alterius coloris vestibus, quam ejus, qui *Ordini* congruit, non utantur, siue cottidianæ, siue pluviales existant. Et ut Monasteria *Ord. S. Benedicti & S. Augustini*, juxta observationem suæ Regule, efficacius reformentur; prohibemus districte, ne quæ Abbas, vel Abbatisa, duas habeat Abbatias, & etiam nulli Monacho, vel Moniali, duo officia in Monasterio assignentur; nisi Abbatis providentia, de assensu Capituli, propter evidentem necessitatem Monasterii id duxerit ordinandum.

Item; nullus Monachus in Abbatem, vel ad aliquod officium, nisi dudum expresse professus fuerit, assumatur, & si qui taliter jam assumpti (a)..... debeat, vel aliqua hujusmodi transmittantur eisdem, non hoc prius recipiant, quam Magistræ, vel Abbatis id significant: ut, de ejus arbitrio, quid de hoc (b) missum est, fieri debeat, statuatur, & labores eorum veniant in commune. Quod & de Monachis irrefragabiliter volumus observari.

Item; statuimus: ut in singulis Monasteriis fenestræ *Parlatoria* duplicata habeant ferramenta, & ut Moniales suis Præpositis & Prælati in rebus licitis, & honestis obediant, nec cuiquam alii præ-

(a) Hic ingens Lacuna est in MS.

Tomus IV. Concil. German.

(b) *supple:* quod

D d d d

ter eorum licentiam sua confiteantur peccata; ipsi etiam Præpositi & Prælati claustra Monialium non introeant, nisi summa, magna, & evidens necessitas id exigat.

Præterea; etsi contra Moniales, quæ de suis claustris propter aliquos enormes excessus, aut animi levitate temere fugientes, & in seculo seculariter per aliqua temporum spatia conversantes, & tandem penitentia ductæ, ad claustra, de quibus fugere præsumperunt, humiliter redire volunt, certæ ac variæ pœnæ, juxta qualitatem, & quantitatem excedentium, a sanctis Patribus sint statutæ; quidam tamen Abbates & Abbatissæ, ac ceteri Magistratus, penis in sacris Canonibus, circa sui Ordinis Regulam, contra hujusmodi profugas personas expressis, non existentes contenti, graviores, & quasi importabiles pœnas ipsis in sui reversione imponere non verentur, vel etiam, quod deterius est, easdem personas, quantumcumque humiliter postulantes aditum ad sua claustra, ex quibus taliter exiverunt, admittere unanimiter contradicunt. Cum ergo, juxta sacrorum Canonum diversas auctoritates, pœnæ non ampliandæ, sed potius sint restringendæ, & longe melius sit, de misericordia, quam de crudelitate, Deo reddere rationem: cum etiam Dominus per os Prophetæ pollicitus sit, sic dicens: *Peccator in quacunque hora conversus fuerit, Et ingemuerit, omnium iniquitatum suarum minime recordabor.* Nos attendentes, quod ubi Pater-Familias largus Dispensator extiterit, non decet famulum esse tenacem; ut peccandi via, & occasio personis talibus præcludatur, provida deliberatione *Concilio hujus*, decernimus statuendum, & sub pœna suspensionis universis Abbatibus, Abbatissis, & cæteris Monasteriorum Magistratibus, cujuscumque Ordinis, seu conditionis existant, aut quocunque nomine appellentur, injungimus firmiter & districte, ut suis fratribus, & sororibus, in apostasiam labem ex quacunque causa prolapsis, desiderantibus, & appetentibus cum humilitate, & devotione regressum suum, portam misericordie, quam alma Mater Ecclesia nulli penitenti claudere constituit, more pii Patris-Familias, qui filium primo prodigum, & postmodum penitentem paterne recepit, liberaliter studeant aperire; ita quod hu-

jusmodi personas, redire ad sua claustra volentes, quantumcumque excessus earum graves fuerint, vel enormes, juxta cujuslibet ordinis disciplinam sive regulam, & consuetudinem observatam, sine qualibet contradictione recipiant & admittant: ita tamen, quod propter earum excessus, nec victus subtrahatur eisdem, sed alias, sicut prædiximus, regulariter puniantur; alioquin prædictam suspensionis sententiam per Ordinarios locorum, seu Officiales eorum, in omnes contradictores, procedente tempore, juxta quod eorum potervia meruerit, præcipimus promulgari.

De Raptoribus.

Statuimus, & præcipimus sub pœna excommunicationis, quam transgressores incurrunt, ut, non solum in terminis illius Archidiaconatus, in quo Prælatum, vel Religiosum aliquem, vel Clericum, habentem sacros Ordines, & pro Clerico se gerentem, contingit tenere capivari, sed & in terminis illius Archidiaconatus, in quo quempiam talium destineri contingerit, ipso facto cessetur a Divinorum Officiis.

De Judæis.

Statuimus: ut in universis civitatibus, oppidis, castris, & villis, civitatis, Diœcesis, & *Provincia Aloguina*, Gens Judæorum, utriusque sexus, infra II. menses post publicationem hujusmodi statuti, talia signa, & habitum, quibus, seu per quem sine ambiguitate a Christiano populo distinguatur, sibi eligat, & deferat manifeste: dignitates quoque seculares, & officia publica, scilicet: in quibus de gente præfata aliquis præest, & principia Christiana prorsus dimittat. Alioquin in omnibus locis, ubi Judæi dicto statuto obedire nolentes, habitare, vel domicilia obtinere noscuntur, in pœnam Christianorum Potentum, tam diu cessetur ab Officio Divinorum, donec per prædictos Principes & Nobiles Christianos, in quorum Territoriis prædicta gens perfida, & misera conversatur, ad observationem præmissorum omnium compellatur. Ipsi autem Judæi per locorum Diœcesanos indirecte per subtractionem communionis fidelium, excommunicationis sententia percellantur. Si quis vero de gente præfata in die Parasceve visus fuerit in platea, vel per ostium domus sue pro-

prospicere vel fenestras, ad quod probandum duorum Christianorum stabitur juramento, is loci Diocesano in marca argenti, pœnæ nomine, teneatur: ad cuius solutionem etiam omnes defendentes cum, per excommunicationis sententiam compellantur; & ne quis Christianus huiusmodi statuti ignorantiam valeat allegare, universis Ecclesiarum Rectoribus per Mogunt. civitatem, & Provinciam constitutis, in quorum Parochiis Judæi mo-

rantur, sub pœna excommunicationis, auctoritate *dicti Concilii*, latæ sententiam præcipimus firmiter & districte: ut quilibet in sua Parochia singulis diebus Dominicis, singula quatuor tempora immediate sequentibus, infra Missarum solemniam publice præfatum statutum lingua materna non obmittat exponere.

Ex codice MS. Bibliotheca S. Petri Erfordie descripte Cl. Schannatus b. mem.

CONCILIUM BREMENSE

ANNO CHRISTI MCCLXVI. MENSE NOVEMBRI.

SUB WIDONE, CARDINALI LEGATO AD ECCLESIAM BREMENSEM, HILDEBOLDO, BREMENSI ARCHIEPISCOPO, QUI OBIT A. MCCLXXIII.

ANNO XV. SUE SEDIS.

FRATER WIDO, MISERATIONE DIVINA IN LUCINA PRESBYTER CARDINALIS, APOSTOLICÆ SEDIS LEGATUS, AD PERPETUAM REI MEMORIAM.

Humanæ naturæ sauciata condicio, quam hostis antiqui invidia gratus spoliare, & in naturalibus vulnerare fraudulentis conatibus elaborat, ligamenta requirit salutarium præceptorum, infusionem quoque olei, per quod intelligitur pia ammonitio: & vini, per quod punitiva correptio, vel increpacio figuratur, sicut in homine, qui descendit ab Hierosolyma in Jericho, & incidit in latrones, pio schemate declaratur. Hinc est, quod, cum Dominus noster Summus Pontifex, Vicarius Jesu CHRISTI, Nos, ad Bremensem Ecclesiam, cum plenæ Legationis officio duxerit destinandos, ea libenti & diligenti animo cogitamus, ordinamus, atque statuimus, quæ liberatæ Ecclesiasticæ conveniant, animarum saluti proficiant, finem imponant vitis, remissionem peccati, vitæ ordinem, moribus disciplinam. Verum quoniam expedit, ut Sacramenta Ecclesiæ, in quibus, tanquam in vasis medicinalibus, populus devotus & humilis antidotum gratiæ recipere consuevit, in honore & reverentia ab omnibus habeantur; cum ea plerumque contingat effici vilia, propter vilem, & abominabilem Ministrorum Ecclesiæ conversationem: universis personis Ecclesiasticis Provincie memoratæ districte præcipimus, ut in victu, vesti-

tu, gestu, & aliis operibus, & circumstantiis status sui sic honeste se habeant & decenter, ne propter ipsos nomen Ecclesiasticum inter laicos blasphemetur. Eisdem imprimis districtius inhibentes, ne de patrimonio Crucifixi inimicos se faciant crucis Christi, sicut illi, quorum Deus venter est, & qui terrena sapiunt, non Divina. In conviviis suis modestiam & mediocritatem observent, superfluitatem indebitam resecantes. Ebrietatem omnium vitiorum comitem & nutricem devitent. Prelati vero a gravaminibus abstineant subditorum, & maxime cum Ecclesias visitant, moderentur expensas, coerceant eversionem, numerum, prout in generali Concilio extitit distinctum, sibi & gregi suo taliter intendentes, ut zelatores justitiæ & modestiæ amatores, & generaliter omnium sectatores bonorum operum ostendantur. *Præsentis igitur Concilii* approbatione præcipimus, ut continenter & caste vivere studeant; ut puro corde, & mundo corpore Domino possint in Offertorio Ecclesiastico ministrare. Si qui de cætero deprehensi fuerint detinere publice concubinas, nisi se ab eis, & earum consorcio separaverint, ita quod in domibus ipsarum, aut ipsis, aut aliis quibuscunque non cohabitent, nec ad illas accedant; extunc omni Beneficio

Tomus IV. Concil. German.

D d d d 2

Eccle.

Ecclesiastico (a), & per eos, ad quos dictorum Beneficiorum spectat collatio, personis idoneis conferantur: illis exceptis, quæ nostras collationi hac vice duximus reservanda. Illi vero, qui Subdiaconi, aut aliis Superioribus Ordinibus insigniti, fornicariam aliquam sub uxoris specie animo sibi præsumpserint, de facto matrimonialiter copulandi, omni officio Ecclesiastico perpetuo sint privati. Et sicut ob culpam omnis ejus posteritas legitur condemnata: sic poenam talibus infligendam, in progenie, quæ de coitu sic damnato nascitur, duximus protendendam, statuentes, ut filii, nec non qui tam incestuosum & sacrilegum concubium duxerint eligendum, ab omnibus bonis eorum mobilibus habeantur penitus alieni, & quidquid eis fuit ab ipsis relictum in morte, vel in vita donatum, inter Episcopum & civitatem loci ejusdem æqualiter dividatur. Præfatos vero filios nota semper infamie comitetur. Et quia, sicut intelleximus, aliqui Prælati tales, in scandalum totius Ecclesiæ ipsius, in iniquitatibus, & immunditiis, ob tenu pecunie, confovent, & defendunt, qui eos deberent a suis iniquitatibus & immunditiis ex injuncto sibi officio revocare; excommunicamus in scriptis & anathematizamus omnes illos, tam Clericos, quam laicos, tam Prælatos, quam subditos, tam minores, quam majores, & medios, qui hujus (b) cohabitatores, sive clam, sive palam, in suis iniquitatibus præsumpserint defendere: nec non & illos, qui præstabant consilium vel auxilium, opem vel operam, quominus observetur istud nimirum salutare statutum, quod legi præcipimus annis singulis in *Synodo Episcopalis & Provincialibus*, ne aliquis prætextu ignorantie se valeat excusare. Illi vero, sive laici, sive Clerici fuerint, qui de cætero filias, sorores, aut cognatas personis in sacris Ordinibus constitutis, sive ratione matrimonii, quod multi errore cæcati fieri posse credunt, ut dicitur, seu ratione concubinitus duxerint concedendas: sive mediatores extiterint, aut fautores; introitum Ecclesiæ sibi noverint interdictum. Si vero aliqui Clerici tanti furoris (c) arrepti fuerint, ut in Prælatos suos, aut alios, quos ad exequendum tam salubre statutum contigerit deputari, præsumant insurgere, aut se in

sua turpitudine viribus temporalibus defendere, sicut nonnulli jam fecisse dicuntur, ipso facto, Officio, & Beneficio Ecclesiastico sint privati, nec restitui valeant, nisi cum eis per Sedem Apostolicam fuerit dispensatum. Et cum in plerisque locis quorundam iniquitas tantum invaluerit, quod in rebus Ecclesiæ furtum reputetur sagacitas, rapina probitas, & violentia fortitudo: *Synodali judicio diffinimus*, ut qui bona Ecclesiarum scienter detinent occupata, nisi infra instantem quadragesimam eadem restituerint, & de damnis aut injuriis satisfecerint competenter; extunc introitum Ecclesiæ sibi noverint interdictum, nec ab Episcopis, aut aliis Ecclesiarum Prælati ad communionem Domini corporis admittantur. Qui vero obstinata mente, dum vixerint, satisfacere non curaverint, nullus Clericus secularis, vel regularis sepulture ipsorum interesse præsumat. Adicientes, ut singulis annis in *Synodo* illi, qui Clericos rapuerint, verberant vel occidunt, vel alias, in ipsos manus iniiciunt violentas, excommunicati denuncientur, & nominatim illi, de quibus constitit manifeste. Quicunque vero personam Ecclesiasticam enormiter vulneraverit, mutilaverit, vel occiderit, vel captivaverit, non nisi per Sedem Apostolicam absolvatur. Et in ipso facto, si quid tenebat, illud perdat, & res suæ in utilitatem Ecclesiæ convertantur. Adicientes, quod in illa Diocesi, in qua aliquem Canonice Cathedralis Ecclesiæ, vel in dignitate Ecclesiastica constitutum capi contigerit, vel captum detineri; usque ad libertatem ipsius, & exhibitionem debitæ satisfactionis cessetur generaliter a Divinis. Similiter & in illa Parochia, in qua res Clericis violenter ablatas capi, vel detineri contigerit, usque ad restitutionem & satisfactionem congruam a Divinis cessetur. Item cum matrimonii Sacramentum non sit incontinentie præcipitium, sed potius remedium contra illud; non absque dolore cordis audivimus, quosdam in hac provincia sic a fux carnis voluptate, vel terrena cupiditate deceptos; quod in gradu prohibito de facto temere contrahentes, quod non tam matrimonium, quam contubernium censerit dicitur, se incestuose luxurie villitati immergere, & Sacramentum matrimonii, quantum in ipsis

(a) *supple:* priventur(b) *forte:* hujusmodi(c) *supple:* æstu

ipsis est, polluere non verentur. Nos itaque tantum excessum conniventibus oculis pertransire non valentes, sub pœna excommunicationis districtius prohibemus; ne absque dispensatione Sedis Apostolicæ tale de cætero matrimonium, seu contubernium contrahatur. Alioquin Sacerdotes, qui tales conjunxerint, & Sacerdotali officio se noverint esse suspensos. Illi vero, qui scientes sic permiserint se conjungi, ipso factò ab ingressu Ecclesiæ suspendantur. Sub eadem pœna, (*) qua illis, qui jam absque dispensatione Sedis Apostolicæ tale matrimonium contraxerunt, districtè præcipimus, ut a cohabitatione invicem abstinentes, Diocæsano suo, seu alio (d) Prælatò, ad quem de jure vel consuetudine pertinere dinoscitur talium causarum cognitio, rei veritatem insinuare non tardent, convocatis, qui fuerint evocandi: & causâ diligenter examinatâ, quod Canonicum fuerit, statuât, faciens, quod decreverit, per censuram Ecclesiasticam inviolabiliter observari. Episcopi vero, seu alii Prælati, de causis matrimonialibus cognoscetes, omnino caveant, ne cupiditate devicti, non solum dirimenda non dirimant, verum etiam separanda redintegrare, prætextu pecuniæ, & alterius commodi, non non præsumant. Si quis autem contra hoc venire præsumpserit interdictum, eo ipso se noverit Officio, Beneficioque privatum. Laici vero, qui de pœnis inferendis personis conjunctis in causâ matrimoniali, seu accusatoribus se intromiserint, cum ad ipsos non pertineant, sed ad judicem Ecclesiasticum, coram quo negotium ventilatur, per censuram Ecclesiasticam compescantur, cum ex hoc multi ab accusatione matrimonii retrahantur. Item cum detentores plurium personarum, vel dignitatum, seu beneficiorum Ecclesiasticorum cum cura, sint factorum Canonum transgressores, & fructus talium Beneficiorum percipiendo, furtum committere dignoscantur; Statuimus, ut omnis, qui hujus (e) dignitatum, personatum, vel dignitatum, seu Beneficiorum cum cura pluralitatem retinent, nisi super hoc dispensatum fuisse, coram Nobis infra proximam quadragesimam doceant manifeste, nec si cum eis non sit dispensatum, eligant ergo unum de prædictis Beneficiis retinendum, &

alia infra terminum memoratum libere in manibus eorum resignent, ad quos illorum collatio dignoscatur pertinere; alioquin ex tunc ab omnibus Ecclesiasticis Beneficiis, dignitatibus, seu Personatibus se noverint esse privatos. Præcipimus autem illis, ad quos illorum Beneficiorum, dignitatum, seu Personatum Collatio pertinet, ut aliis personis idoneis eadem conferant, & assignent. Quod si infra terminum determinatum a jure, hoc adimplere non curaverint, ad proximum Superiorem collatio devolvatur. Item cum judiciorum vigor, jurisque publici tutela sit in medio constituta, ne quis sibi sumere audeat ultionem, præsentî decreto statuimus, ut si quis aliquid contra quemcunque Clericum, vel laicum de jure competere crediderit, nequaquam in ipsum sponte insurgere, aut res ejus propria auctoritate occupare præsumat, sed ipsum vocari faciat coram iudice competente. Adjicientes, quod ille tanquam contumax puniatur, qui ne ad ipsum citatio perveniat, inferendo minas, vel injurias, præsumpserit impedire. Item ad aures nostras quorundam laicorum gravis excessus pervenit, quod Ecclesias Parochiales de factò detinent contra Canonicas sanctiones: qui nisi infra proximam natiuitatem Domini dimiserint libere & absolute, ipsos excommunicamus in his scriptis, districtè præcipientes, ut illi, ad quos prædictarum Ecclesiarum ordinatio pertinet, ex tunc personas idoneas instituant in eisdem. Item cum Ecclesia, ad quam fideles ad audienda Divina conveniant, domus sit orationis, non negotiationis, nec spelunca latronum, nec locus armorum, seu materialium gladiatorum; Statuimus, ut quicunque ad Ecclesias ad audienda Divina convenerint, inter ipsas, vel cœmeteria eorum, arma non inferant, sed extra dimittant: cum tales Judæis similes videantur, qui ad capiendum Christum cum gladiis, & fustibus convenerunt: transgressores hujus statuti per excommunicationis sententiam compescantur. Item, cum sicut (f) perpendimus, Bremensem visitando provinciam, homines ejusdem provincie ad committendum homicidium proni sint ac proclivi, volentes tantam refrenare nequitiam, ut inter ipsos improbos sit tuta innocentia, & malignorum coerceretur audacia; præsentî

D d d d 3 decre.

(*) forte: illis, qui (d) lege: aliū (e) forte: hujusmodi (f) forte: reperimus

decreto statuimus, ut quicumque laicus in publico hominem interfecerit, pœnitentiam faciat privatam, & publicam, & carenas similiter, & hoc secundum arbitrium Diœcesani sui. Alioquin Ecclesiastica careat sepultura, nisi forte jam incepta pœnitentia, morte sit præventus. Nihilominus præcipientes sub pœna excommunicationis iudicibus secularibus, sub quorum iurisdictione homicidium a laicis contigerit perpetrari; ut homicidas requirant, & eos puniant secundum legitimas sanctiones: & si quis in hoc negligens apparuerit, per Diœcesanum Episcopum autoritate *hujus Concilii* per censuram Ecclesiasticam compellatur. Item, sicut intelleximus fama crebrescente, Beneficia Ecclesiastica a nonnullis Prælatibus hujus Provinciæ per vitium Simoniacæ conferuntur: Nos ergo huic morbo pestifero congruum remedium adhibere volentes, districte præcipimus; ne id de cætero fiat: & quicumque sentit morsum conscientiae hominis super Beneficio per Simoniam dato, vel recepto, illud infra instans Pascha resignet, qui simoniace recepit: & qui obtulit, pœnitentiam agat, & si quid accepit pro eo, restituat. Alioquin dantem scilicet & recipientem ex tunc excommunicationis vinculo innodamus. Item statuimus, ut unusquisque liberam testamenti factionem habeat, & liberam testandi voluntatem, non obstantibus quibuscunque statutis per quoscunque editis, videlicet, quod non

valeat testamentum, nisi fiat parentibus consensibus, vel laicis aliquibus de ipso municipio, vel loco testantibus: cujusmodi statuta decrevimus nullius fore momenti, abolereque præcipimus & abradi. Conservatori vero horum statutorum, & apparitoribus eorundem, nisi resipiant, introitum Ecclesiæ denegamus. Sub eadem interminatione injungentes eisdem, ut etiam statuta contra Ecclesiasticam libertatem edita ab ipsis, præmoniti a Diœcesanis Episcopis, studeant revocare. Item cum raptus & corruptionis Dinæ filiz Jacob exemplo, periculosum esse noverimus vel discursum, vel egressum mulieribus religiosis; præfenti decreto statuimus, ut Moniales, quæ evidenti necessitate exire debuerint, maturæ sint & honestæ, & cum tali societate se teneant, ut non solum propriæ salutis periculum, sed & sinistra suspicio inde non valeat exoriri. Adjicientes, ut illis Monialibus, qui Præpositos habere consueverunt, Religiosi, seu Regulares præficiantur, si personæ idoneæ de talibus potuerint inveniri; si vero propter defectum regularium, personas eis oportuit præfici seculares, tales instituantur, qui morum maturitate præfulgeant, & probata diutius castitate. Acta fuerunt hæc in Concilio Bremensi, Mense Novembris, Anno Domini M. CC. LXVI.

Lunig Spicil. Ecclesiast. 1. Theil Gortsehung's Anhang pag. 114, 115, 116.

Ad pag. 644. Tom. III. Anni MCCLXXV.

CONCILIIUM PATAVIENSE.

INVITATORIÆ

Litære PETRI Episcopi Pataviensis XLII. ad Abbates Altahensem, Varnbancensem, Manseensem, & Aspasitensem, ac Præpositos de S. Nicolao, Reicherspergensensem, Ranshoven, Suben & de Osterhoven, ad Capitulum Pataviæ, proxima II. feria post Dominicam *Reminiscere* celebrandum, Datæ Pataviæ XI. Kal. Martii.

Videtur Petrus Constitutiones Concilii Pataviensis, proxime celebrati, in usum deducere voluisse, proinde anno 1275. convocatum hoc Concilium fuisse.
Hanfiz. Tom. I. German. sacra pag. 414.

Tomo III. pag. 734.

CONCILII HERBIPOLENSIS

ANNI MCCLXXXVII.

Clausula extat in Libro Statutorum, impresso Hagenoæ A. 1512.

HAs nostras Constitutiones in eodem Herbipolensi Concilio promulgatas, in singulis Cathedralibus Ecclesiis, infra Legationis nostræ terminos constitutis, sub nostro sigillo haberi volumus & publicari, prout superius legitur, omni anno. Ut his nostris Constitutioni-

bus adhibeatur in perpetuum plena fides, eas appensione nostri sigilli fecimus communiri. Actum Herbipoli, anno Domini MCCLXXXVII. mensē Martii; feria tertia post: *Latere Hierusalem*. Pontificatus Domini Honorii Papæ Quarti anno secundo.

CONCILIIUM BREMENSE

SUB GISELBERTO, ARCHIEPISCO. BREMENSI,

Anno Christi MCCXCII. Nicolai IV. Papæ V.

Adolphi Regis I.

GYSELBERTUS, DEI GRATIA, SANCTÆ BREMENSIS ECCLESIE ARCHIEPISCOPUS, AD PERPETUAM REI MEMORIAM.

EXecrabilis horribilium scelerum, & multa præsumptio per importunitas licentiam contractorum, nostris temporibus sic excrevit; ut quidam perditionis filii, qui obstinatis animis ad exercenda quæque nefaria velociter currere sunt edocti, nunc ad illam crudelitatis fœvitiam non verentur manus extendere, quod Episcopos capere audeant, includere, & carcerali custodiæ mancipare. Propter hoc Clericalis dignitas contemnitur, dum Ecclesiarum Prælati, filii Syon incliti, velut vasa testacea conteruntur. Certe ne in his magis infolēscat crudelis cervicositas impiorum, & superbia Deum odientium libere semper ascendat. Nos una cum Razeburgen. Zwerinen. & Lubicen. Ecclesiarum Episcopis, Suffraganeis nostris, nec non totius Provincie Prælati, tam regularibus, quam secularibus, & pluribus Clericis, tam Religiosis, quam aliis in nostra Bremensi Ecclesia, in Provinciali Concilio congregatis, deliberatione diligenti habita, consensu, approbatione prædictorum omnium accedente, statuimus: ut si in nostra aliquos, vel Episcoporum nostræ Provincie in sua, vel aliena capi contigerit; in

illa Diœcesi, in qua captus tenetur, & in sua cessetur generaliter a Divinis. Similiter a Divinis cessari præcipimus, & in territorio, in quo capitur, vel deducio- ni hujusmodi Dominus dicti territori consensum præstiterit vel juvamen. Quod si infra mensem a captivitate idem Episcopus detentus fuerit, totam Provinciam supponimus per sententiam, quam nunc ferimus, Ecclesiastico interdicto. Item cum hujusmodi scelerum pertractores ipso facto sint excommunicatione ligati a Canone sententiæ promulgate, volumus & præcipimus, ipsos ab omnibus Ecclesiarum Rectoribus nostræ Provincie excommunicatos, expressis eorum nominibus, nunciari singulis diebus Dominicis & Festis, & a Christi fidelibus, usque ad satisfactionem condignam certius evitare. Illos etiam, qui ipsis communicare præsumpserint, præterquam in casibus a jure concessis, si Canonice moniti, & communione talium se non abstraxerint, sive laici fuerint, sive Clerici, religionis, vel ordinis cujuscunque; præcipimus a locorum Ordinariis auctoritate nostra, & dicti Concilii excommunicationis vinculo innodari. Insuper dicti sacrilegi perso-

nam

nam standi in iudicio non habeant, testimonium eorum nihil fidei afferat, & tanquam rei crimine laxæ Majestatis, inter vivos ab omnibus pro-fus legitimis actibus sint exclusi, & post mortem, nisi sibi a Sede Apostolica de absolutionis Beneficio providerint, bestialem cum bestiis recipient sepulturam. Feuda, si qua ab Ecclesia tenuerint, ipso facto amittant: nec infeudentur a novo, qui talibus Beneficiis ex eorum maleficio se reddiderunt indignos: filijs etiam patratorum hujusmodi scelerum, capientium scilicet, quam raptos detinentium, in Clericatu politis, ad ecclesiasticos Ordines, Beneficia ecclesiastica, & honores, nisi parentes eorum celeri sibi satisfactione prospexerint, prohibitus sit assensus. Ad hoc statui-mus, & firmanus in his scriptis, ut si qui Clerici, Monachi, aut Regulares, cujuscunque ordinis, religionis, status, conditionis, aut gradus existant, qui prædictos sacrilegos ad ecclesiasticam sci-enter receperint sepulturam, sint suis officiis, beneficiis, locisque privati, & a Clericali ordine penitus alieni. Item de Episcopis alienis, per nostram Provin-ciam transeuntibus, sic volumus observari: quod in territorio nostræ Diocesis, vel Provincia, in qua eos capi contigerit, si Dominus ejusdem territorii captioni eo-rum assensum & opem præstiterit, ac per totam Diocesim, in qua capti detinentur, donec ad eorum liberationem, Divina officia intermittantur: & capientes, ac ipsos captos detinentes, per totam nostram Provinciam usque ad satisfactionem condignam, excommunicari publice denuntientur. Statuimus insuper, & in-violabili Constitutione firmamus, ut si qui domos, vel curias Episcoporum, alio-rum Prælatorum, vel Canonicorum per vim confregerint, aut alias dotes eccle-siæ in ruinam, quive ad hoc consilium, & auxilium, opem, vel operam præstite-rint efficacem; ut sacrilegi invasores a Diocesano loci, cum ad ejus notitiam pervenerit, excommunicentur, & per totam Diocesim usque ad condignam satisfactionem excommunicari publice nun-tientur. Si vero usque ad viæ suæ exitum in sua pertinacia persisteant, Ec-clesiastica careant sepultura: quos si Pa-rochialium Ecclesiarum Clerici ex certa scientia ad sepulturam receperint, pro

ipso suis Beneficiis ex hac nostra senten-tia, quam in his scriptis exnunc serimus, sine privati, & is ea libere conferet, ad quem collatio pertinet eorundem. Si vero Religiosi Monachi, vel Canonici eos sepelire præsumperint; in eo loco, in quo sepulti fuerunt, Ecclesiasticum ponimus interdictum, donec corpus ef-fodiant: & super nostri transgressione statuti emendam exhibebunt competen-tem Diocesano & Ecclesiæ, in cujus lo-ci injuriam hanc fecerunt. Addentes, ut si Dominus terræ, civitas, oppidum, aut quæcunque communitas, in Domibus, Ca-nis, aut præmittitur, terrarum Domi-ni eisdem pœnis, contra singulares perso-nas annotatis superius, subjacebunt: nec non & ipsius terra, civitas, communi-tas, vel oppidum, nisi monitione præmis-sa satisfecerit, a Diocesano loci suppona-tur Ecclesiastico interdicto, quod usque ad condignam satisfactionem per totam Diocesim præcipimus inviolabiliter ob-servari. Item si Canonicum Cathedralis Ecclesiæ, aut alienius Collegii, vel per-sonam ecclesiasticam alias in dignitate, vel personatu capi contigerit, & captum detineri; statuimus, ut usque ad liberationem ipsius, & exhibitionem debitæ satisfactio-nis, in Diocesi, in qua captus detinetur, cesset generaliter a Divinis. Sacrilegi quoque, expressis eorum nominibus, per totam Provinciam singulis diebus Domi-nicis excommunicati publice denuntien-tur. Item, si quisquam de Prælatorum, vel Canonicorum familia captus fuerit, nulla adversus eum, coram ipsius Domi-no, vel Prælatore, scilicet, & Canonico instituta querela; taliter diffinimus, ut ejus captivatores, vel detentores, Canonica monitione præmissa, ab Ordinario loci excommunicationi subdantur, donec captum libertati pristina restituant, & ei ac Domino satisfactionem exhibeant competentem. Insuper statuimus, ut in singulis nostris, Suffraganeorum nostro-rum, ac Archi-Diaconorum nostrorum nostræ Diocesis, & Provinciæ Syn-odis, ab his, qui eis præsent, Clerici prophani excommunicentur, anathema-tizentur: & una cum laicis, contra libera-tos Ecclesiasticos statuta edentibus, ac eis utentibus, qui ipso facto Canonis sententia sunt ligati; excommunicati publice nuntientur, prout secundum

Deum

Deum videbitur expediens & consultum. Item statuimus, ut Ecclesiarum, Monasteriorum, aut aliorum piorum locorum Advocati in personis, aut bonis earundem Ecclesiarum, Monasteriorum, aut piorum locorum sibi debito usurpantes contenti his, quæ ipsi jura permittunt, hoc est, pœnis delinquentium moderatis, ex justo judicio provenienti- bus, ab injuriis & injuriis gravaminibus omnino desistant, & personas Ecclesiasticas, Procuratores, aut nuncios Ecclesiarum, seu ecclesiasticarum personarum in petendis, aut percipiendis decimis, censibus, vel aliis redditibus eorundem, & in pignoribus pro eisdem decimis, censibus, seu redditibus, ut in quibusdam locis assolet, capiendum non impendant, & requisiti, eos impediri a suis subditis modo aliquo non permittant. Quod si a dictis Advocatis, vel eorum nuntiis secus fuerit attemptatum, Canonica contra ipsos, ubi commode fieri possit, & verisimile sit ad eorum posse noticiam pervenire, admonitione præmissa, ex abundanti tribus Dominicis diebus de ambone majorum Ecclesiarum illius Diocesis, in qua dicti Advocati delinquant, publica fiet mentio, ut ab injuria desistant, & commisso infra terminum de ambone sibi statuendum satisfactionem exhibeant congruentem. Alioquin extunc ab Ordinario loci excommunicentur, ac per totam Diocesin excommunicati publice nuntientur. Ceterum si Dominus terre fuerit Advocatus, & per se, vel suos deliquerit in præmissis, tota illius terra, vel si singularis sit persona, Parochia, in qua moratur per mensem de ambone statutum, ab eodem loci Ordinario supponitur ecclesiastico interdicto. Præterea (*) raptore, & invalores, & detentores rerum mobilium, seu immobilium ad mensam episcopalem, Monasteria, Capitula, alia pia loca, seu personas ecclesiasticas pertinentium, si continua monitione infra terminum præmissa a loci Ordinario, sibi statutum restitutionem & satisfactionem plenariam cum effectu non duxerint faciendam; hoc observatum volumus & teneri, quod supra de Advocatis, terrarum Dominis, & personis singularibus est statutum. Ceterum, ut fortiori caritatis vinculo uniti, alter alterius onera portantes, contra præmissorum statuto-

rum transgressores, ac alios delinquentes instandus procedamus, & ut ipsi majori rubore suffusi citius resipiscant, hac Synodali Constitutione sanximus, ut Nos, & Successores nostri, & quilibet supradictorum Coepiscoporum, nostrorum Suffraganeorum, invicem tenere debeamus, & observare nostras sententias, & per nostras Dioces. exequendam ab earum latore sumus requisiti. Verum, si in personas spectabiles, illustres, aut alios Nobiles, scilicet terrarum Dominos, sententias proferre contigerit, postquam a Sede Metropolitana, cui nunc favente Domino præsumus, fuerint confirmate, ipsa mandata per totam nostram Provinciam fideliter exequantur. Archidiaconorum etiam per nostram Diocesin, & Provinciam constitutorum sententias, nec Nos, nec Successores nostri, nec aliquis Coepiscoporum nostrorum, absque causæ cognitione relaxabimus ullo modo. Item omnibus, & singulis Prælati ac Clerici nostræ Diocesis, & Provincie prohibemus, ne in domibus suis, vel commensationibus scolares vagos, qui goliardi vel histriones alio nomine appellantur, per quos non modicum vilescit dignitas Clericalis, ullatenus recipiant. Illos maxime, qui in sacris constituti sunt ordinibus, a Clericali habitu apostatantes & ordine, laicalem habitum assumpserunt. Quod cum præmissis statutis omnibus & singulis sub excommunicationis poenâ precipimus firmiter observari. Postremo ne circa hæc aliquis occasionis vel ignorantie possit velamen prætere, statuimus, volumus, & mandamus, ut hæc salutaria statuta semel quolibet anno in Episcopali Synodo, vel Capitulo, publice recitentur. Verum quia plus firmitatis, asserre videtur, quod specialiter injungitur, quam quod generaliter imperatur, suprascriptis omnibus etiam includimus, & inclusum esse volumus Diocesis nostræ honorabile Capitulum Ecclesie Hamburg. In quorum omnium, & singulorum, testimonium, & approbationem totius Concilii accedentis consensu sigillum nostrum præsentibus duximus apponendum.

Datum & actum Anno Domini MCCLXXXII. feria secunda post Dominicam, qua cantatur *Lactare*.

E c c e

Nota.

Tomus IV. Concil. German.

(*) supple: circa

Nota. Simile statutum per omnia de verbo ad verbum, excepto dato, loco & nomine statuentis, fecit Dominus JOHANNES, Archi-Episcopus Bremenſis, in Provinciali Concilio, in Ecclesia Hamburg. celebrato, Anno Domini MCCCXVII. die Lunæ, menſis Maji, poſt Dominicam: *Exaudi*.

Lamig Spicil. Eccleſiaſt. Contin. l. P. in Append. pag. 118, 119, 120.

CONCILIIUM FRANCOFORDIENSE

ANNO CHRISTI MCCXCIII.

ANNO MCCXCIII. Congregatio Episcoporum, Abbatum, aliorumque Ecclesiasticorum hic Francofurti habita fuit: Quorum opinantur hunc Conven- tum a recens electo Pontifice Romano ordinatum fuisse: in quo pœne in blasphemos adulteros, fornicatores, aliosque criminosos statuta fuere.

Hæc Letsnerus in *Chronico Francoford. Germanice edito T. I. L. 2. C. 4.* Erronea tamen videtur opinio eorum, qui Synodum hanc à recens electo Rom. Pontifice coactam putant: nam si vera est Papebrochii supputatio; ab obitu Nicolai IV. Papæ Romani Sedes vacavit mensibus 26. diebus 29. scilicet, a 14. April. anni 1292. ad 5. Jul. 1294. adeoque hoc Concilium non sub Successore Nicolai, sed Sede adhuc vacante celebratum fuit.

Statutum GERARDI, Archi-Episcopi Moguntini, datum A. C. MCCXCIV.

GERHARDUS, DEI GRATIA, S. MOGUNTINÆ SEDIS ARCHIEPISCO-
PUS, SACRI IMPERII PER GERMANIAM ARCHI-CANCELLARIUS: DI-
LECTO IN CHRISTO ABBATI ECCLESIE S. JACOBI SCOTO-
TORUM IN ERFORDIA SALUTEM IN DOMINO.

Plum esse dignoscitur, ut glorian-
bus in sua malitia per Nos taliter
ubiſtatur, quod repressis eorum insulti-
bus vacantes Divino cultui in observan-
tia mandatorum Domini liberius valeant
delectari: cum igitur *Monasterium Moun-
tis S. Petri in Erfordia, Ordinis S. Benedicti*,
quod affectione amplectimur singulari,
a nonnullis, qui latentur, cum male fe-
cerint, & in rebus pessimis gloriantur,
super bonis suis diversis patiuntur inju-
rias & pressuras, sicut Nobis Abbatis &
Conventus ejusdem Monasterii queru-
losa insinuatio patefecit; Nos eorum
providere quieti & malignantium cona-
tibus obviare volentes, Devotioni tue
committimus & mandamus, quatenus

ipsis contra raptorum, prædonum, &
invasorum maliciam efficaci præsidio de-
fensionis assistens; non permittas eos
in rebus & bonis eorum indebitè mole-
stari, molestatores hujusmodi auctorita-
te nostra, juxta *Formam Moguntinens.*,
& *Alsbassenburgens.* Conciliorum Statutorum
per centuram Ecclesiasticam compescen-
do: proviso, ne te de his, quæ causæ
cognitionem requirunt, & quæ personas
& bona hujusmodi non contingunt, re
aliquatenus intromittas. Alioquin litte-
ras & processus, quas earum auctoritate
habere te contigerit, viribus carere de-
cernimus. Datum Erfordiz anno Do-
mini M.CC.XCIV. VI. Non. Octo-
bris.

Gerhardus II. ab Epſtein electus anno 1288. a Papa Nicolao IV. contra æmulum Emeri-
cum de Schöneck Romæ ordinatus fuit. Obiit anno 1304. 25. Februarii: Præfuit
annis 16. an sub eo Erfordiz Concilium celebratum fuerit, *Scripsimus tacer.*

Altero

Altera ejusdem Constitutio. .

GERHARDUS, DEI GRATIA, SANCTÆ MOGUNTINÆ SEDIS ARCHIEPISCOPUS, SACRI IMPERII PER GERMANIAM ARCHI-CANCELLARIUS, DILECTIS IN CHRISTO ABBATI ET CONVENTUI MONTIS S. PETRI, ORD. S. BENEDICTI IN ERFORDIA, SALUTEM IN DOMINO.

VEstræ devotionis votis ac desideriis rationabilibus favorabiliter annuentes, hanc vobis gratiam duximus faciendam, & in privilegium vestræ Ecclesiæ concedimus per præsentem, ut cum campana pulsata fuerit apud Ecclesiam S. Mariæ Erford. in signum interdicti, seu cessationis Divinorum, ad requisitionem vestram, ac Prelatorum aliarum Ecclesiarum Conventualium, Decanus, qui pro tempore fuerit Ecclesiæ memoratæ, vobis causam interdicti, vel cessationis hujusmodi absque difficultate qualibet exponere teneatur: quam si rationabilem inveneritis, cessetis ab Officiis Divinorum; alioquin juxta conscientias vestras in cessando, & non cessando, quod vobis inspiratum fuerit, faciatis: Prete-

rea Statuta Conciliorum Moguntini, & A-schaffenburgeris propter accessionem Clericorum edita, declinantes, statumus: ut cum Clericus reperitur interfectus, & interfectoris persona ignoratur omnino, aut existat profuga, vel tanta paupertate oppressa, quod ab eo satisfactio nequeat extorqueri; non obstantibus statutis prædictis, celebrare Divina libere valeatis, cum idem de eo, quod non est, & quod non apparet, judicium videatur, & inanis sit actio, quam excludit inopia debitoris: ceterum volentes privilegia, libertates, statuta, & consuetudines rationabiliter introductas, vestræ Ecclesiæ non minui nostris temporibus, sed augeri. Datum Erford. idus Octob. Anno Domini MCCXCIII.

GERHARDI II. Archi-Episcopi Moguntini STATUTA ECCLESIASTICA,

Edita ANNO CHRISTI MCCXC. vel MCCXCVIII.

GERHARDUS D. G. S. MAGUNTINE SEDIS ARCHIEPISCOPUS, SACRI IMPERII PER GERMANIAM ARCHI-CANCELLARIUS, DILECTIS IN CHRISTO PREPOSITIS, DECANIS, CETERISQUE PRELATIS, ET CLERO CIVITATIS ET DIOECESIS MAGUNTINÆ, SALUTEM IN DOMINO.

CUM Officium Pastorale, quod suscepimus, postulet & requirat, ut fœdutorum nostrorum remediis, & maxime circa ea, quæ ad cultum Divini Nomini, & honestatem Ecclesiarum ac morum correctionem pertinent, intendere debeamus; ne subditorum nostrorum culpa propter nostram negligenciam Nobis valeat imputari; Quædam, quæ visitationis officium exercendo invenimus, quibusdam statutis Generalibus corrigere decrevimus, ac eam emendare.

Decani compellant subditos ad frequentationem Chori.

Statumus igitur, & sub pena suspensionis districte precipiendo mandamus, ut Decani Ecclesiarum Nobis subjeotarum de cetero studiose invigilent, ut subiectos sibi ad frequentationem Chori, & ad disciplinam Choralem servandam, ac celebrandum & ministrandum quodlibet in suo ordine, seu officio, pena, qua convenit, coerceant & compellant.

Subditi Decanis reverentiam ac honorem exhibeant.

Precipimus etiam subditi predictorum Decanorum in virtute sancte obediencie, ut ipsi Decanis, in his, & aliis preceptis suis licitis, & honestis exhibeant debitam obedienciam & honorem. Vobis etiam Decanis omnibus & singulis precipimus in his scriptis, quatenus vestros Concanonicos & Socios Chori publice moneatis, ut reverentiam in omnibus locis, juxta consuetudinem cujuslibet Ecclesie Prelatis debitam, ipsis plane, & reverenter exhibeant: alioquin omnes contrarium facientes, quociens & quando vobis confiterit, a suis Beneficiis per octo dies suspendatis; in tantum, ut si dictam suspensionem ultra predictum terminum animo sustinuerint indurato, de premisis satisfacere non curando; ex tunc ipsos usque ad satisfactionem condignam per excommunicationis sententiam compellatis. Quicunque etiam Decanorum ex quacunque causa prefens mandatum nostrum diligenter non fuerit executus, ipsum a perceptione sue Prebende per octo dies volumus esse suspensum; contra eum graviter processuri.

Decime non debent locari Canonice tarrendum Ecclesiarum.

Item volentes Ecclesiarum indempnitatibus precavere, & inter fratres liti materiam, quantum possumus, amputare; statuimus, quod a Decanis & Capitulis, decime, aut alia bona Ecclesiarum, Prelatis aut Canonicis earundem sub annuo censu, seu pensione nullatenus locentur, seu etiam concedantur; ne exinde inter fratres questiones exurgant, & querele concrecant, aut lites & odia eruantur. Quod si Decani & Capitula contra hanc inhibitionem venire presumpserint; tam diu una eum conductores a Divinis Officiis sint suspensi, donec locaciones hujusmodi revocent, & retractent.

Ne quis in Civitate Mog. duo obtineat Beneficia.

Item cum Ecclesiarum Personatus

& Officia, maxime ea, que requirunt Chori frequentacionem, & residenciam personalem, sint talibus conferenda, que in ipsis volunt & possint personaliter residere; sequentes vestigia sel. record. Predecessorum nostrorum, statuimus, ut nullus in civitate Moguntina duas Prelaturas, Personatus, sive Officia, Canonicatus & Prebendas, in diversis Conventualibus Ecclesiis, aut etiam in una talium Conventuali, Officium cum Prelatura habeat, vel habere presumat. Quod si quisque Canonicorum duas Prelaturas, Personatus, Officia, Prebendas, & Canonicatus simul habeat: infra tunc mensis spacium dimittat ipsorum alterum, seu resignet; alioquin primum quod ex predictis Prelaturis, ... recepit, ex tunc vacare decrevimus ipso jure. Injungentes omnibus & singulis, ad quos electio, provisio, presentacio, collacio seu institutio ipsius Beneficii, videlicet Prelature, Personatus, . . . pertinet, ut infra tempus a Canone prehnitum, ad id aliam Personam idoneam eligant, ordinent, seu presentent.

Clerici non nutrant tortos crines: neque Chores se uniusseunt: Arma ne portant.

Item statuimus, firmiter precipientes, ne Clerici nutrant tortos crines, que vulgariter *Cruie* dicuntur. Nec *Mistras* extra domos & curias suas deferant, nisi in equis constituti fuerint ad eundem, vel equitandum parati; & Chores laicorum in plateis vel vicis se nequaquam immisceant, vel *corizent*. (*) Volumus quoque, ut loricas, gladios, cultellos fixorios, seu alia arma nocturno tempore in laicali habitu incedentes, sub tunicis, aut alias non deferant quoquo modo; ne, si hoc modo fuerint deprehensi, tradantur judicio seculari.

Clerici sub Divinis Officiis non transcant sine religione.

Transitum non faciant per Ecclesiam sine superpellicis, sive cappis, eo tempore, quo Divinum Officium peragitur. In eisdem vestibus etiam nimia brevitate notatis, & lateralibus scissis, aut cum collirio eminenti, seu nimis alto dispo-

(*) *corizare*, idem est, quod Choresis agere, saltare. *Breidenbach* † itinere *Hierosol.* pag. 216: Omnis hospitis nostri familia insanire cepit & cantare, & corizare, & cum instrumentis musicis ludere.

† BERNARDUS: Can. Mogunt. An. 1484. Decanus. Obiit A. 1497. f. Maji.

dispositis, dum superpelliceis sunt induti, de cetero non utantur. In pectoralibus, vel collo, uno, duobus, vel tribus nodulis sint contenti; Attendentes prudenter, quod conversatio & habitus Clericorum, dissimiles esse debeant a laicis; & sit dignum, ut, qui similem cum aliis vitam suscipiunt, similem sentiant cum aliis disciplinam.

Prelati & Clerici, qui res injuste subtraxerint, restituant easdem infra mensem.

Item, cum Clerici in sortem DEI electi sic dignitate, ita fide & caritate laicos precellere debeant, & circa omnes fideliter se habere, maxime autem circa Ecclesias, quarum stipendiis sustentantur; Firmiter precipimus, & mandamus, ut Prelati, Canonici, & alii Clerici, qui res Ecclesiarum suarum subtraxerint, occulte vel manifeste, & detinent minus juste, restituant integraliter infra mensem; alioquin ex tunc suspensionis vinculo ab officio & beneficio, quam in eos ferimus, se noverint innodatos.

Clerici obligati Ecclesiis licito modo, satisfaciant sub suspensionis pena.

Illi etiam Prelati & Clerici, qui Ecclesiis licito modo, id est, non ex maleficio, sed contractu, vel quasi, sunt in debitis obligati; si a die publicationis hujusmodi nostrorum statutorum infra duos menses non satisfecerint, vel arbitrio Capituli cautionem, quam per Capitula volumus a Debitoribus ipsis studiose requiri, pro ipsis debitis solvendis non prestiterint competentem; eodem vinculo suspensionis, quod in eos ex tunc proferimus, se noverint irretitos.

Clerici in religione non vadant ad forum.

Item precipimus, ut Clerici non frequentent forum rerum venalium in superpelliceis, sive cappis, vel in religione alia constituti, nec portent calopides (") Corpus Dominicum deferendo, vel Ecclesias transeundo; nec Sacerdotes calceis excisis utantur, dum ad Altare ministrant.

(*) Calcei lignei, aut saltem calcei, quorum pars inferior lignea est, superior vero coriacea. DuFren. T. II. pag. 55. In Regesto.... Non portentur Calcei in Choro sub pena distributionum unius diei. Item inibemus, ne aliquis deambulet per Chorum in Calceopidis, seu patinis ferratis, vel non ferratis, dum Hora canuntur.

Tractatus Capitulares non debent observari nisi vocatis vocandis, & in loco ad hoc deputato.

Item sub pena suspensionis Officii & Beneficii jam late sententie firmiter inibemus, ne quas conspiraciones, colligaciones vel confederaciones illicitas in Ecclesiis faciant, vel procurent. Et cum, quod omnes communiter tangit, debet ab omnibus approbari; & loca certa & communia ab antiquo in Ecclesiis sunt statuta, in quibus Tractatus Capitulares haberi consueverunt; statui- mus, ut deinceps ab aliquibus de Capitulo, Tractatus qui super rebus seu statu Ecclesie aliquatenus habeantur, nisi vocatis omnibus, quorum interest, & qui de jure vel consuetudine possunt & debent hujusmodi tractatibus interesse, nec in locis aliis, quam in locis communibus, ad hoc ab antiquo deputatis, Conventicula sua privata & specialia habeant, nisi de communi consensu totius Capituli ex aliqua causa rationabili seu necessaria contingat ad tractatus hujusmodi locum alium assignari.

Si qui autem contra statutum hujusmodi super rebus, vel statu Ecclesie aliquid tractare, vel ordinare presumpserit in prejudicium ejusdem Ecclesie, vel personarum ipsius; tractatus & ordinationes hujusmodi decernimus non valere, & nullius penitus esse momenti. Tractatores, & Ordinatores ipsos, usquead satisfactionem condignam, in his scriptis a voce Capituli suspendentes.

Clerici non debent tenere in suis domibus famulas suspectas.

Item, quia nonnulli Clerici in domibus suis famulas, sive Beckinas, servicii nomine secum habent; ne hac occasione Angelus tenebrarum, qui in Angelum lucis aliquando se transformat, ut simplices & incautos subtilius fallere valeat, sua, eos, quod absit, calliditate decipiat; Precipimus & mandamus, ut post mensem unum nullus Clericorum secum in hospitio famulam habeat, vel Beckinam, nisi erate, consanguinitate, vel affinitate reputari valeat non suspecta; E c c e 3 quod

quod si fecus a quoquam factum fuerit, contra talem gravius procedemus.

Non vendere in suis domibus vinum.

Statuimus etiam, & precipimus observari, ut nullus Clericorum in domo sua, vel in curia vinum vendat, nisi illud vinum tantum, quod de Beneficio, vel patrimonio suo habet.

Fructus deputati ad Fabricam, in alium usum converti non debent.

Insuper, ne, quod pia devocione introductum est, transeat in abusum, & cupiditate qualibet annuletur; adnectendum duximus, statuendo firmiter inhibentes, ne fructus Prebendarum, ad Fabricam deputati, in alios usus, quam ad Fabricam de cetero convertantur; praesertim cum plures Ecclesie in edificiis colabantur, & alios defectus sustineant in ornatu.

Mercimonia Vini & Annoni interdicta.

Item statuimus, ne Prelati vel Clerici nostre civitatis & Dyocesis negociationem exercent, emendo vel vendendo, vinum, annonam, vel res alias causa lucri, secundum quod Canonice prohibent sanctiones; Et qui huiusmodi statuti transgressores extiterint, vel existunt, nisi se infra unius mensis spacium a tali Negociatione subtraxerint, ex tunc ipsos ab Officio, & Beneficiis suis suspendimus ipso facto.

Clerici, Usurarii & Concubinarii excommunicantur, nisi se correxerint.

Insuper Clericos usurarios, & turpe senus querentes, ac Clericos concubinarios manifestos, nisi se infra mensem correxerint, excommunicamus in nomine Domini in his scriptis. Adjicientes, ut nullus Prelatorum, Canonico- rum, seu aliorum Clericorum quorumcunque nostre civitatis, vel Diocesis aliquem in domo, vel familia, seu procuracione sua habeat, qui turpe senus exerceat vel usuras. Si quis vero Prelatus, Canonicus, vel Clericus in familia, domo, seu procuracione sua aliquem habeat, ipsum a se removeat intra mensem, alioquin ex tunc eum ab Officio & Beneficio suspendimus in his scriptis.

Hec Statuta in singulis Ecclesiis per Decanos debent publicari.

Predicta autem Statuta Generalia, quae de Concilio Sapientum invenimus, necessario statuenda, precipimus inviolabiliter observari, & in singulis Ecclesiis ad minus bis in anno in praesentia omnium, qui de membro Ecclesie fuerint, per Decanos Ecclesiarum sollempniter publicari, ne quis ab earum observancia per ignoranciam se valeat excusare. Actum & Datum Anno Domini MCCLXXXVIII. Idus Septembris. (*)

(*) Hos numeros verus Scriptor tam arcte conjunxit, ut parae subiectum sit Divinationi, an legere oporteat: 1290. VIII. Idus Sept. aut: 1298, Idus Sept. Inter ea D. JOHANNES loco post titulum signato, ad ann. 1290. isthaec Statuta retulit: quem etiam in ordine locandi fuisse fecimus; nisi aere ambigue asterisco semel annotavisse annum 1298, signo, quod istam aliunde exploratum habuerim, cui rei gratia proprium. *Adnotatio Cl. Dom. Valent. Ferd. de Gudenus Cod. I. Diplom. ex quo haec decernimus a pag. 907.*

Statutum Capituli Cathedralis Ecclesiae

Mindensis contra Praepositum praepientem sibi Praebendas, directum ad Ludolphum, Mindensem Episcopum.

NOS GEROLDUS, Decanus, & Canonici Mindensis Ecclesiae infra scripti, considerantes versusiam Domini nostri Volquini Praepositi, querentis vias callidas per suos, ut videtur, consiliarios, excogitando per cavillationes injustas formam, Nobis non ministrandi Praebendas. Ne Nobis in praesenti, & nostris Successoribus in futuro per

cavillationes hujus, per nostram taciturnitatem, praepjudicium generetur; decrevimus consensu unanimi, & pari voce jurantes, talis sacro-sanctis Evangelis, quod omni timore, & metu, & favore postpositis, stabimus pro jure petendi Praebendas nostras contra ipsum Praepositum, & contra quemlibet animi obedientiarum sive consolatore

Præ-

Præbendarum nostrarum detentorem, actione quacunq̃ue, & per Ecclesiasticam censuram excommunicationis, suspensionis ab officio, seu administrationis, interdicti, privationis, sive modis aliis quibuscunq̃ue. Petentes vos Reverendum Patrem, & Dominum nostrum, LUDOLFUM, Mindensem Episcopum; ut vos excommunicationis sententiam generalem, volentes, & consentientes, in omnes illos ex Nobis(*), qui contra decretum, & juramentum nostrum, prout supra dictum est, venire præsumserint ullo modo; nisi simul omnes in unam sententiam decreverimus convenire, ne nostris temporibus jura

(*) *supple: feratis*

Præbendarum pereant, a nostris Prædecessoribus hucusque gloriose defensa.

Et Nos LUDOLFFUS, Dei gratia Mindensis Ecclesie Episcopus, mandamus sub pena excommunicationis late sententie in his scriptis in illum, & illos, qui venerint contra decretum, & juramentum præmissa, ut omnia inviolabiliter observentur. Ego Geroldus, juravi, & Sigillum meum apposui &c. Datum Anno Domini MCCC. feria secunda post Invocavit.

Lunig Spicil. Ecclesias. Continuation. III. pag. 51. in appendice.

Mindensis Synodi Statutum,

Excommunicandos esse eos, qui debitos census Ecclesia, & Clericis suo tempore solvere negligunt.

ANNO CHRISTI MCCCII.

LUDOLFUS, DEI GRATIA, MINDENSIS ECCLESIE EPISCOPUS.

AD certitudinem præsentium, & memoriam futurorum Prelatorum, Capitulorum, Monasteriorum, Sacerdotum, & aliorum Clericorum nostre Mindensis Diocesis. Querelis frequentibus excitati de hominibus, sibi censuibus utriusque sexus, quod ipsum censum statuti temporibus non persolvant: de Capituli nostri consilio duximus statuendum, quod quicumque censuales sibi utriusque sexus homines emphyoteute, villici, seu alii, quocunque nomine censeantur, sive sint Clerici, sive laici: cujuscunque ordinis, status, vel condi-

tionis existant, censum proventuum suorum statuto termino non solverint, & moniti, infra quindecim dies de hoc non satisfecerint competenter; incurrant excommunicationis sententiam ipso facto. In cujus rei testimonium, Nostrum, & Capituli nostri sigilla præsentibus sunt appensa. Datum Mindæ in die Purificationis B. Mariæ, Anno Domini MCCCII.

(*L. Episc.*) (*S. Capituli*)

Lunig Continuation. III. Spicil. Ecclesias in appendice pag. 51.

Mindensis Concilii, sub Godefrido Episc.

Declaratio & Renovatio Statutorum antecedentium.

ANNO CHRISTI MCCCIII.

GODEFRIDUS, DEI GRATIA, MINDENSIS ECCLESIE EPISCOPUS, AD PERPETUAM REI MEMORIAM.

Vestigiis Prædecessorum nostrorum inherere volentes, ipsa Statuta recensemus cum quibusdam, & additionibus, & declarationibus, in hunc modum:

Ad reprimendam malitiam perverforum contra transgressores Canonum multæ de novo pene, tam in *Lugdunensi* (a), quam in *Herbipolensi* (b) Conciliis sunt statutz, qua-

(a) Anno 1274. Generale XIV. Concilium.

(b) Anno 1287. Tomo III. nostro.

quarum aliquas ad præfens recitare duximus, ut earum periculis auditis, attentius evitentur.

Primum est, quod Parochiales Ecclesie non conferantur alicui, nisi vicissimum quintum annum attigerit.

Secundum: quod nullus habeat potestatem, plures curas animarum, aut plures dignitates, sine dispensatione Domini Papæ, aut plures Præbendas, vel Beneficia simplicia in nostra Diocesi, sine nostræ dispensationis licentia speciali.

Tertium est, quod Beneficiati in Ecclesiis curatis residentiam faciant personalem, & Ordines sacros recipiant infra annum; alioquin Beneficiis sint privati, nisi juxta statuta Canonica voluerint ad studium se transferre.

Quartum est, qui tenent notorie concubinas, quod tales sunt suspensi ipso facto, & Beneficiis privati.

Quintum est, quod illegitime natis non conferantur Ecclesie curæ, nec etiam Ecclesias conducant, nec conduci Ecclesiastica Sacramenta ministrent, sine dispensatione Domini Papæ.

Sextum est, quod nullus Ecclesiam, seu Præbendam aliquam, vel Beneficium Ecclesiasticum, aut Proventus ipsorum, qui ad eum de jure non pertinent, in alterius præjudicium recipere, aut retinere præsumat: & qui contra fecerint, ipso facto sententiam excommunicationis incurrant, & omnes consentientes eisdem, tanquam participantes in crimine criminosis.

Septimum est, quod Universitates civitatum & locorum, aut Consules, sive Scabini, qui prohibent, ne aliquis conqueratur coram Ecclesiastico Judice, & statuta condunt contra Clerum, sive Clericos, & Ecclesiasticam libertatem, excommunicationis, & interdicti sententias subeant ipso facto.

Octavum est, quod qui bona Ecclesiarum vacantium, & Clericorum decedentium mobilia, seu immobilia, diripere, aut occupare præsumpserint; ipso facto sententiam excommunicationis incurrant.

Novum est, quod qui Ecclesias, vel Monasteria, bonis eorum, vel Beneficiis spoliant, vel procurant spoliari, vel aliter persequuntur, pro eo, quod personas

aliquas nolunt eligere in Ecclesiis, sive Monasteriis, sint excommunicati ipso facto.

Decimum est, quod in Archidiaconatibus, ubi Clerici, vel personæ Ecclesiasticæ detinentur captivi, Presbyteri statim, postquam ad notitiam ipsorum pervenerint, in ipsis Archidiaconatibus tamdiu cessent a Divinis, quousque dimissione talium captivorum, Divina merito restituenda per nostras literas decernamus. Hæc omnia ex *Concilio Lugdun.* & *Heripol.* collecta, districte præcipimus ab omnibus fideliter observari. Alioquin penas, contra transgressores editas, exequemur tempore opportuno.

Insuper etiam Capituli nostri, & omnium Prælatorum nostrorum consensu accedente, statuimus, quod omnes, qui res Ecclesiarum, vel Monasteriorum, vel etiam Clericorum, rapiunt, vel occupant violenter, ipso facto sententiam excommunicationis incurrant: & ad quamcunque Parochiam, civitatem, vel munitionem, eadem res rapte, vel spoliata deferantur, sive deducantur, vel etiam reponuntur, Sacerdotes Parochiarum, civitatum, vel munitionum, statim, ut eis constiterit, cessent a Divinis, quamdiu teneantur.

Prohibemus etiam, ne Clerici vestibus scissis a lateribus utantur, nec togis virgatis in marginibus, neque pileis cum sertis infusis superius: sed utantur habitis congruenti, & tonsuras habeant Clericales. Monachi quoque Ordinis sancti Benedicti in eundo, & equitando habitum suum portent; si præpæ latus, & per Nos inferendas voluerint evitare.

Pena Statuti Papalis contra usurarios manifestos talis est: quod ipsi non sunt admittendi ad confessionem, nec ad Sacramentum Altaris, nec ad Ecclesiasticam sepulturam: & quod nullus debet interesse testamentis eorum, nisi prius de ulura satisfecerint competenter.

Item quicumque seculares, vel Religiosi, ad sepulturam Ecclesiasticam receperint usurarios manifestos; ipso jure suspensi sunt ab executione Officii sui, donec ad arbitrium Episcopi satisfactionem præstent debitam, & condignam.

Igitur ne aliquis ignorantie velamine se de his valeat exculare, vobis uni-

versis

verſis & ſingulis in virtute ſanctæ obedi-
entiæ diſtrictè præcipiendo mandamus ;
quatenus pœnas hujus , & ſtatuta Papa-
lia , ſicut præmiſſa ſunt , in Parochiis
veltris publicetis , & publicari faciatis

ſingulis diebus Dominicis , & Feſtivis. Da-
tum anno Domini 1308.

*Lunig Continuation. III. Spicil. Eccleſiaſt.
in Appendice pag. 52.*

GODEFRIDI Mindenſis, ejusque Capituli

*Statutum, quod Præpoſiti debitas Præbendas Clericis ſuo tem-
pore ſolvant, aut Officii ſui jacturam faciant.*

ANNO CHRISTI MCCCXI.

IN NOMINE DOMINI. AMEN.

GODEFRIDUS, DEI GRATIA, EPISCOPUS, ET CAPITULUM ECCLE-
SIÆ MINDENSIS, AD PERPETUAM REI MEMORIAM.

Olim Prædeceſſores noſtri, videntes,
redditus Præpoſituræ noſtræ eſſe
nimis tenues, & exiles: quatuor villica-
tiones videlicet in Bekkerſen, Uſſen, Ul-
beke, & in Dudenhuſen: quas quidem
villicationes de manu laicali redeme-
runt magna pecunie quantitate, ei-
dem Præpoſituræ applicaverunt condi-
tionaliter; ut Præpoſiti, qui pro tempo-
re forent, propter augmentum reddituum
ſuorum omni occasione poſtpoſita
deberent Canonicis, & Vicariis, & Of-
ficiatis Præbendas ſuas ſtatutis terminis
integraliter miniſtrare. Quumque Præ-
poſiti, qui fuerunt pro tempore, hoc
non ſemel, ſed ſæpius facere neglexe-
runt; ſeditiones, & tractatus odioſi mul-
tociens ſunt exorta. Nos communi
conſenſu, & deliberatione volentes tali
morbo remedium adhibere, hac conſti-
tutione, perpetuo valitura, ſanximus;
ut quicumque Præpoſiti electi fuerint,
qui Præbendas ſtatutis terminis non mi-
niſtraverint, moneri debeant a Decano,
& Cellerario, ut infra tres meſes a die
monitionis eis factæ illud competenter
emendent; alioquin ipſo jure, & facto
per conſtitutionem præſentem ſint Præ-
poſitura privati: & ſi de hoc contendere
voluerint, incurrant ſententiam excom-
municationis ipſo facto. Atque ſi forte
duo Præpoſiti in diſcordia eligantur,
nullus ipſorum de Præpoſitura intromit-
tere ſe debet. Quod ſi forte contra
hoc facere præſumpſerint; ſimiliter,
ſi quid juris habuerit, ipſo facto amit-
tat: & ſimili modo, ſi de hoc contendere

voluerit, ſententiam excommunicationis
incurrat. Sed licet inter ipſos electos
pendente, collectio fructuum, & Præ-
bendarum miniſtratio apud Capitulum
remanebit. Et ſi contingat villicationes
in Dungen, in Ekerſen, & in Hal-
len quocunque caſu ad collocaſionem
Præpoſiti devenire ſimul, vel ſigillatim;
illas non conferet alicui alteri villico, niſi
conſilio Capituli mediante. Volumus
etiam, quod novi Canonici tempore
emancipationis ſuæ præſens ſtatutum ju-
rent cum aliis ſtatutis Eccleſiæ ſe inviola-
biliter ſervaturos. Et Nos Episcopus, &
Capitulum ſigilla noſtra præſenti ſtatuto
duximus apponenda, & ad majorem fir-
mitatem ego *Hincricus*, Decanus, hoc ſtatutum
juravi, & ſigillum meum appoſui.
Nos *Hincricus*, Decanus, *Göberhardus de Baſtorpe*,
Johannes de Sevenborgh, *Volquinus de Monte*,
juravimus. *Ludolfus de Arheim*, ſub
pœna Canonica, & Præbendæ me obli-
go, & ſtatutum non ſervando, ipſo facto
meis Beneficiis ſim privati. *Wolkin-*
dus Præpoſitus Hamelaſis, *Ghyro Voſ*, *Ri-*
chardus Voſ, Magiſter *Jacobus*, *Herman-*
nus de Manderslo, *Johannes Seale*, *Lodewicus*
de Bardelove, *Hermanus de Hardenborgh*,
Bruningus de Engbeborgh, *Bernardus Du-*
mel, *Johannes Lubbeke*, *Ekkericus Poſt*, *Bern-*
bordus de Lippia ſtatutum hoc juravimus,
& ſigilla noſtra appoſuimus. Datum &
actum Anno Domini MCCCXI. feria ſe-
cunda infra ſeptimanam Trinitatis.

*Lunig Continuation. III. Spicil. Eccleſiaſt.
in Append. pag. 53.*

Statutum HENRICI, Episcopi Hildesheimensis, quo ratificat Facultatem donandi Ecclesiis sua bona, modo consensus adsit propinquissimorum Heredum.

ANNO CHRISTI MCCCXII.

NOS HENRICUS, DEI gratia, Hildensemensis Ecclesie Episcopus, tenore presentium publice recognoscimus & testamur, quod ad inquisitionem ex parte Heinemanni Schlengerdes, ac uxoris sue Domine Gertrudis, talis qualis sententia coram Nobis, presentibus nostris Ministerialibus ac Fidelibus, nullo contradicente, dictata fuit & inventa: quod quilibet homo cujuscunque conditionis aut status existat, sua bona propria donando, vendendo, aut permutando transferre potest libere in quamcunque voluerit Ecclesiam & personam, solum cum consensu propinquissimorum heredum suorum, aliorum consanguineorum suorum consensu ad hoc minime requisito. Ex generalibus contra specialia declarantes, pronunciamus, quod predicti Heinemannus & uxor sua Gertrudis, omnia sua propria bona, quae habent in villa, & in campis

villae Bortvelde cum consensu solum filiae suae, cum plures non habeant heredes, simul & densum vendendo, donando, permutando transferre possunt libere, translatione efficaci & valitura, in quamcunque voluerint Ecclesiam vel personam, consensu omnium aliorum consanguineorum suorum ad hoc minime requisito. Et nos auctoritate nostra ratificamus, stabilimus, & confirmamus presentibus, quicquid per ipsos actum fuerit in hac parte; sub excommunicationis sententia districtus inhibentes, ne quis contra hoc quid audeat attentare. Et in horum omnium testimonium sigillum nostrum presentibus duximus apponendum. Actum & datum anno Domini MCCCXII. decimo tertio Calendarum Novembris.

Cl. ab Erzb. Traktat von den Erbtheilungen im Herzogl. Braunsch. Lüneb. Hauß pag. 44.

GODEFRIDI Mindensis Statutum,

- I. De residentia Beneficiorum apud sua Beneficia.
- II. De illegitimis, absque dispensatione Apostolica ad Officium Ecclesiasticum non admittendis.
- III. Prohibetur usus Altaris portatilis sine licentia speciali.

ANNO CHRISTI MCCCXIII.

GODEFRIDUS, Dei gratia, auctoritate presentium, una monitione pro tribus, & peremptorie monemus, & sub poena excommunicationis, quam in omnes, & singulos transgressores hujus mandati nostri, & aliorum omnium in presenti littera contentorum, serimus in his scriptis, districtè mandantes, quatenus singuli habentes Beneficia Ecclesiastica, qui hactenus defuerunt, intra tempus mensis, a presenti tempore computandum, ad Beneficia sua redeant, & personalem residentiam faciant in eisdem. Mandamus insuper, & sub eadem poena districtus inhibemus, ne Sacerdotes,

defectum natalium habentes, de curis animarum, seu Beneficiis, nisi litteras dispensatorias a Sede Apostolica super his obtinuerint, se aliquatim intermittant: quas quidem litteras infra tempus mensis nobis exhiberi volumus, & ostendi. Præterea sub poena prædicta firmiter inhibemus, ne quis a modo in altari portatili, sive lapide itinerario, in nostra Diocesi Missam celebrare præsumat, nisi de nostra licentia speciali. Datum &c.

Luwig Continuation. III. Specul. Ecclesiast. in Appendix pag. 54.

GODE

GODEFRIDI, Mindensis Episcopi,

Renovatio Statutorum: De vita & honestate Clericorum, & de non alienandis Bonis Ecclesiasticis.

GODEFRIDUS, DEI GRATIA, EPISCOPUS ECCLESIE MINDENSIS, DILECTIS IN CHRISTO PRÆPOSITO, DECANO, TOTIQUE CAPITULO EJUSDEM ECCLESIE MINDENSIS SPECIALITER, NEC NON GENERALITER UNIVERSIS ABBATIBUS, PRÆPOSITIS, DECANIS, PLEBANIS, VICE-
PLEBANIS, ET ECCLESiarUM, ET CAPELLARUM SACERDOTIBUS, ET RECTORIBUS, NEC NON CLERICIS UNIVERSIS, PER CIVITATEM, ET DIOECESIN MINDENSEM CONSTITUTIS, AD QUORUM NOTITIAM ISTÆ LITERÆ PERVENERINT,
SALUTEM IN DOMINO.

Meminimus, olim bonæ memoriæ Domin. quondam LUDOLFUM Episcopum, Prædecessorem nostrum, utilitati Ecclesiæ sue, ac saluti subditorum suorum, sicut merito debuit, intendentem, de vitæ, & bonæ conversatione Clericorum, aliisque necessariis, & maxime de alienationibus, & obligationibus rerum Ecclesiasticarum non faciendis, & alienatis, & obligatis recuperandis, quædam Statuta, præhabita deliberatione provida edidisse, ac executioni mandasse: non quidem, ut in ipsis dicitur, jus novum statuendo, sed leges, & Canones recensendo. Et licet Nos aliquando eadem forte Statuta, quorundam de Capitulo nostro inductu pariter, & rogatu, utcumque duxerimus revocanda; considerantes tamen, hujusmodi revocationem tam Ecclesiæ, quam subditis nostris, periculosam fieri quamplurimum & damnosam, prout evidentia facti declarat: eo quod aliqui verisimiliter, prætextu revocationis prædictæ, alienationes, seu obligationes rerum Ecclesiasticarum postmodum eo libentius facere præsumperunt: ex quo accidit, quod aliquibus cedentibus, aut etiam decedentibus, eorum in Beneficiis Successores ipsorum Beneficiorum debitis fructibus, & proventibus contra justitiam defraudantur. Igitur ne magis utile vitari per id, quod minus utile, videatur, Nos, matura deliberatione præhabita, supra dictam revocationem, a Nobis quomodolibet factam, tenore presentium publice retractantes, quædam Statu-

ta in utilitatem Ecclesiæ salubriter edita, propter causas præmissas juxta omnem sui tenorem innovamus, & in statum pristinum auctoritate ordinaria reponimus in nomine Domini in his scriptis. Mandantes nihilominus vobis universaliter singulis, & singulariter universis in virtute sanctæ obedientiæ, & sub poena excommunicationis, quam a tempore notificationis presentium, unius mensis monitione præmissa, in quemlibet vestrum hujus nostri mandati temerarium contemptorem ferimus in nomine Domini in his scriptis; quatenus, si qua de rebus in mobilibus, vel hominibus Ecclesiæ vestrarum alienata fuerint, aut obligata; vos, qui alienatores aut obligatores talium estis, res tales, & homines, ad jus, & proprietatem Ecclesiæ, ad quas pertinent, infra dictum tempus mensis cum exacta diligentia reducat. Alioquin enim contra presentis nostri mandati temerarios contemptores dictam excommunicationis sententiam taliter persequemur; ut, quos timor Dei a malo non revocat, saltem eos coerceat severius Ecclesiæ disciplinæ. Vos autem Sancti Martini, & Sancti Johannis Mindensis Ecclesiæ Decani, sigilla vestra in testimonium publicationis hujus mandati, & omnium præmissorum præsentibus apponatis. Latum, publicatum, & actum in majori Ecclesiâ, Sabbato infra octavam Assumptionis Beatæ Mariæ Virginis gloriose. Anno Domini MCCCXIII.

Lunig Continuation. III. Spicil. Ecclesiæ.
Pag. 33, 34.

Cathedralis Capituli Mindensis Statutum

De distributione Panis Præbendalis.

NOS BRUNINGHUS, Decanus, & Capitulum Ecclesiæ Mindensis, considerantes, quod obedientiarii Ecclesiæ nostræ, qui Panem præbendam statuis ad hoc temporibus ex consuetudine, juramento vallata rationabili, & præscripta, Nobis ministrare consueverunt, vel saltem aliqui ex eisdem novis advenientibus frugibus, fructibusque proventuum suorum percepis, annonam suam distrahant, consumunt, & expendant: & etiam aliqui eorundem debitis gravati, creditoribus suis exsolvent, ad alleviandam sarcinam debitorum: propter ea, quæ dicta sunt, ministracionem panis Præbendalis in certis temporibus contingit impediri sepiissime, vel differri; matura deliberatione præhabita de communi consensu, & unanimi voluntate, salubre remedium contra hujusmodi impedimentum, seu dilationem panis nostri Præbendalis decrevimus adhibere, ordinantes, & inviolabiliter statuantes: ut singulis annis, quibus obedientiarius annonam, de qua per circum anni, certis & statutis ad hoc temporibus, panem Præbendam ministrare debet, infra festum Martii, & festum Beati Thomæ Apostoli ad claustrum nostrum, & ad locum ad hoc deputatum, integraliter, & absque diminutione adduci faciat. Ita quidem, quod in pane nostro Præbendali nullus deputatus ad hoc temporibus sit defectus. Et ut statutum hujusmodi inviolabiliter observetur, poena illud vallare decrevimus inferius annotata, videlicet, quod quicumque obedientiarius in adductione annonæ suæ in termino prænotato, ut dictum est, fuerit negligens, & remissus sit inobediens; ipso facto a Præbendæ suæ fructibus sit suspensus, nullam gratiam habiturus, nisi Capitulo de præmissis satisfiat. Et ut hoc statutum nostris perpetuis temporibus duraturum debitum in suo vigore fortitur effectum; Petimus vos Reverendum Patrem, ac Dominum nostrum Godefridum, ut illud dignemini confirmare.

Et Nos GODEFRIDUS, Mindensis Episcopus, statutum hujusmodi, sicut providè factum est, auctoritate nostra ordinaria in nomine Domini confirmamus, & Sigillum nostrum una cum Capituli nostri Sigillo præfenti scripto apponi fecimus super eo. Datum anno Domini MCCCXVII. Calendas Junii III.

(Sign.)
(Eps.)

(Sign.)
(Cap.)

Præposito Mindensis Ecclesiæ, viam universæ carnis ingresso, antequam de Successore ipsius tractaretur, Canonicis juraverunt, quod quicumque inter eos Præpositus eligeretur, bona, quæ in præfenti habentur vacantia, non alienabit. Sed alienata bona fide recuperabit, & Præbendam fratrum bona fide ministrabit, quam Præbendam bona fide, & sine dolo requiret. Si vero Præpositus in administratione Præbendarum negligens fuerit; Decanus, & quidam de Capitulo verbis pacificis ipsum commoneant, ut infra mensem neglecta suppleat: & si post admonitionem in ipso mense subtrahat non dederit, nisi causam legitimam post admonitionem ostendere valeat, scil. grandinis, ignis, & rapinæ communis; eo ipso a Præpositura cadat, & insuper in eligendo, vel impediendo Successore suo vocem in Capitulo non habeat ea vice, ut autem hoc juramentum a memoria non recedat, & idem Præpositus, si necesse fuerit, suo convinci valeat juramento; hujus testimonii literam Episcopi nostri, & ipsius Præpositi Sigillis communivimus.

Auscultata & collacionata est præfens copia per me JOHANNEM BERÜH. Clericum Mindensem Diocesi. publicum Imperialis auctoritate Notarium, & concordat cum suo Originali, quod protestor meam propria.

Lung. Continuation. III. Spicil. Ecclesiast. in Appendice pag. 54. 55.

Fragmen.

Fragmentum Concilii generalis XV. Viennensis.

*Ex Chron. Monachi & Procuratoris Egmundani, apud Ant. Matthæum
Tom. IV. Analekt.*

Anno MCCCXVII. erant in villis, & in finibus, quasi totius Christianitatis, quædam *Begine* mulieres, longo per præterita tempora habitum griseum cum FF. aliis deferentes, sibi que Magisterium, & . . . absque

Superioris confirmatione procurantes, qua habitus & regulatio, ut nunc per Dominum Papam abjicitur, sicut in septimo decretalium, causis dilucide propofitis continetur.

Clemens V. in Concilio Viennensi damnavit sectam Beguardorum, & Beguinorum *Alamanniæ*: quorum VII. errores recenset. At Joannes XXII. *Extravagantium Lib. III. T. IX. pag. 366.* hæc ita moderatur: Licet Beguinorum status sit a Clemente V. reprobatus; permittitur tamen mulieribus fide dignis, non culpabilibus, non suspectis, sub habitu Beguinarum vivere.

CONCILIIUM MOGUNTINUM

ANNO CHRISTI MCCCXVIII.

SUB PETRO, ARCHI-EPISCOPO MOGUNTINO, CELEBRATUM:

In quo, quæ constituta fuerint, cognoscere est ex sequenti Epistola, quam e codice quodam MS. Academiæ Marburgensis affert *Georg. Crist. Joannis in Tom. novo Script. Hist. Mogunt.*

PETRUS, DEI GRATIA; SANCTÆ MOGUNTINÆ SEDIS ARCHIEPISCOPUS, SACRI IMPERII PER GERMANIAM ARCHI-CANCELLARIUS, UNIVERSIS ET SINGULIS PER CIVITATEM ET DIOECESIM MOGUNTINAM CONSTITUTIS, SALUTEM IN DOMINO, ET NOTITIAM SUBSCRIPTORUM.

Cum sicut non sine dolore & frequenti querela didicimus plurimum, nonnulli Archidiaconi nostræ Diocesis contra Statuta Provincialis Concilii Moguntini, pœnas etiam comprehensas in statutis hujusmodi, non verentes, fructus Beneficiorum, super quibus coram ipsis aut eorum Officialibus lis vertitur, pendente lite suis usibus applicant, & hætenus applicarunt, facientes propterea litem, facilius & brevi tempore possibilem terminari, in grave tam Beneficiorum, quam partium præjudicium, prorogari: quam ipsi fructus pendente lite forent ei, qui in lite vinceret, reservandi. Nos, quia parum valerent jura vel statuta, nisi executioni debite mandarentur, ex debito nostri officii Pastoralis, transgressiones hujusmodi, urgente etiam ad hoc Nos

conscientia, pœnis in prædictis statutis comprehensis prævenire taliter cupientes, ne sit aliis exemplum similia perpetrandi: jus etiam Nobis per hoc acquisitum nolentes negligere in hac parte; in hac *Sacra Synodo* sub pœna excommunicationis late sententiæ in his scriptis, quam contrarium facientes incidere volumus ipso facto, statuimus & firmiter inhibemus, ne aliquis Archidiaconus civitatis & Diocesis Moguntinæ, qui hætenus talia perpetravit, quemquam de quocunque Beneficio præsumat inantea investire, & ne aliqui ab ipsis aliquas investituras de cetero ad quæcunque Beneficia præsumant recipere ullo modo, sed a Nobis investituras recipiant, ad quos vigore prædictorum statutorum pertinet investire, decernentes cum hoc irritum & inane, si fe-

P f f f 3

cus

cus ad quemquam fuerit attemptatum : eos etiam , qui hactenus contrarium attemptaverunt , in virrute sanctæ obedientie præsentibus amonemus , ut de commissis infra unius mensis spatium satisficiant , ut tenentur ; alioquin contra eos modis , quibus expedit , procedemus.

Item sub pœna excommunicationis prædictæ latæ sententiæ in his scriptis restrictius inhibemus , ne Archidiaconi vel eorum Officiales judicent , vel Notarii aliquid scribant , vel Advocati advocacionis officium exercent , aut Procuratores procurent coram ipsis in causis quibuscunque pecuniariis , duarum marcarum argenti excedentibus quantitatem , ad quam summam alias ipsis de speciali gratia ultra statuta prædicta concessimus judicare , licet ultra summam prædictam sepe , sicut didicimus , judicaverint & judicent , prædicta nostra gratia abutendo.

Item multorum clamoribus excitati , iustis quoque & necessariis causis Nos moventibus in hac parte , sub pœna excommunicationis , quam transgressorum quemlibet incurrere volumus , latæ sententiæ in his scriptis , firmiter inhibemus , ne aliquis Archidiaconus civitatis vel Diocesis Moguntinæ , aut ejus vices gerens , pro eo , quod aliquem vel aliquos de aliquibus Beneficiis ecclesiasticis investiat , quidquam exigat , extorqueat , recipiat vel requirat , & ne aliqui per se , vel per alium quidquam pro eo , quod investiantur , dare præsumant , excepto literarum salario , quod tamen unum portionem argenti non excedat . Quapropter Archidiaconi , vel vices eorum gerentes , a veris Patronis ad Beneficia ecclesiastica in concordia præsentatos Canonice , ultra unius mensis spatium non differant investire : alioqui Nos post lapsum dicti mensis , nisi rationabilis causa confiteretur , investiemus taliter præsentatos.

Item sub prædicta pœna excommunicationis latæ sententiæ , quam in his

scriptis proferimus , & transgressores incurrere volumus ipso facto præsentibus , ne aliquis sine nostra obtinenda donospeciali gratia (&) licentia super eo , fructus Beneficii vel Beneficiorum , quæ tenent (a) cum cura , in quo , vel in quibus non facit residentiam personalem , recipiat , vel se de eis , vel per alium aliquatenus intro mittat , sed ipsos nostræ dispositioni pro mensa nostra dimittat , cui nostræ mensæ ex speciali indulto Sedis Apostolicæ competere dinoscuntur : & etiam ut non promoti infra statuta a jure tempora , (b) ad quos Beneficia , quæ tenent , requirunt , se de fructibus Beneficiorum talium nullatenus intro mittant , sed nostræ dispositioni ipsos dimittant in usus debitos convertendos.

Item sub pœna excommunicationis jam latæ sententiæ omnibus & singulis Ecclesiarum Pæbanis & Vicariis præcipimus , (c) quæ sibi demandantur , utantur , nullam etiam pro sigillatione literarum hujusmodi recipiant pecuniæ quantitatem ; volentes , quod post prædictos duos menses , nulli executioni credatur ; nisi fuerit sigillo ejus , cui scripta fuerat , sigillata.

Item statuimus in hac Sancta Synodo , & firmiter præcipimus , in his scriptis , quod per totam civitatem , & Diocesis Moguntinam cessatio Divinorum clausis januis & exclusio populo uniformiter observetur.

Item , quia Stationarii sive Questuarii , sicut expenimentaliter didicimus , sæpe & quidem frequenter in commissis sibi negotiis nostris litteris abutuntur , & licet aliquando ad tempus aliquæ sint concessæ , quod diutius est transactum , tamen ipsis uti præsumunt , ac si habeant roboris firmitatem , homines miserabiliter defraudando ; nonnulli etiam falsis utantur litteris in hac parte , sicut Nobis scientibus hoc plurimum est compertum : Nos igitur præmissis adhibere oportuum remedium cupientes , omnes litteras nostras , etiam filiorum nostrorum , (d) sub

(a) *fort.* tenet.

(b) *Nota Cl. Joannis* : Hæc verba , ad quos Beneficia , quæ tenent , requirunt --- ita se habere in *M.S.*, Cl. Vir *Joan. Joach. Sebröderus* in Academia Marburgensi linguarum Orient. PP. dignissimus , qui id rogata meo curate inspicit , mihi significavit.

(c) Et hæc verba : quæ sibi demandantur , utantur , ita se habent in *M.S.*

(d) Hæc verba : etiam filiorum nostrorum , item distincte satis in *M.S.* leguntur . Vix tamen dubium , quin a Librario depravata sint , forte , loco vocis *familiarium* per compendium literarum scriptæ , posito vocabulo *filiorum*.

sub quacunque forma, vel sub quocunque ignore, quibuscunque Monasteriis, Ecclesiasticis, vel personis datas, vel concessas, in his scriptis penitus revocamus, & de cetero nolumus habere alicujus roboris firmitatem: & si ex aliquibus iustis causis ad hoc Nos moventibus aliquas concedemus, illas Prælati & Plebani locorum, ubi devenerint, inspiciant diligenter: & si in data ipsarum eas viderint expirasse, vel in ipsis deprehenderint falsitatem, aut utens ipsis plus per eas præsumat facere, quam vires litterarum hujusmodi patiuntur; utentem talibus litteris non obmittant corporaliter detioere, quousque, quid cum tali fieri debeat, a Nobis recipiant in mandatis.

Item exequendo constitutionem publicè nuper editam, sub pœna excommunicationis in eadem constitutione prolata, præcipimus firmiter & mandamus, ne aliqua pro Begina se de cetero teneat, statu, habitu; re vel nomine, aut alio quovis modo, & ne aliquis hominum ipsas voveat in statu, vel in habitu Beginarum.

Item omnes concessiones quibuscum-

que personis religiosis super audiendis confessionibus, in casibus Nobis a jure reservatis, & super ministrandis Ecclesiasticis Sacramentis, subditis Plebanorum, præsentibus revocamus, nolentes, quod de cetero habeant roboris firmitatem.

Item sub pœna excommunicationis latæ sententiæ præsentibus inhihemus, ne vagæ restitutiones alicui hominum, quam *Joanni de Treviri* Præbendario, & *Dilectissimo Ffß* Vicario Ecclesiæ Moguntinæ, nostris Penitentiariis, præseotentur, vel etiam ad aliquos usus alios convertantur, absque nostra licentia speciali.

Fratres autem *Prædicatores, Minores, Augustinenses, & Carmelitas*, cum ipsi pauperes elaborant vineam Domini, & in ea multarum salutis proficiant animarum verbo pariter & exemplo, discretionis vestre duximus commendandos, diligentius injungentes, ut cum ad vestras Parochias pervenerint, propter Deum benivole recipiatis, & benigoe pertractetis eosdem, sub pœna excommunicationis præcipientes, ne aliquis contra justitiam ipsos perturbet, vel molestat. Datum anno Domini MCCCXVIII, VII. Id. Junii.

POMESANIENSE CONCILIUM

VEL RISEBURGENSE IN PRUSSIA,

ANNO CHRISTI MCCCXXII.

ANNO MCCCXXII. die 22. Augusti obiit Lutho de Baldersheim, Episcopus Vtus Pomesanienfis, vel Riseburgenfis in Prussia. Hic tempore sui Regiminis convocavit *Synodum* suæ Diocesis, in qua reperit 450. Parochos, 175. Vicarios & Diaconos.

Hartknock Dissertat. XII. subjunctâ Chronico Prussie Petri de Duisburgo.

ASCHAFFENBURGENSE CONCILIUM PROVINCIALE

A PETRO, MOGUNTINO ARCHIEPISCOPO, HABITUM

ANTE ANNUM CHRISTI MCCCXXVIII.

PETRUM, Moguntinam Archiepiscopum, ultra Concilium illud, quod habuit Moguntinæ anno MCCCX. a Labbeo indicatum, & a Venero ejus editore ex Lunigii Spicilegio supplementum, aliud etiam Provinciale Concilium in urbe Aschaffenburgenfi habuisse, discimus ex Synodo Diocesana Hildesheimensi anni MDCLII. apud *Lunig. Spicileg. Continuat. II. pag. 707.* Unde pariter intelligimus, Suffraganeos Episcopos

illi habendo convenisse. De anno nihil constat, sed cum Petrus Cathedram illam ab anno MCCGVI. circiter ad MCCCXXVIII. tenuerit, intra tempus illud collocandum esse constat. Ipse quidem Petrus Aschaffenburgensis Concilii sæpe meminit in suis constitutionibus Concilii Moguntie habiti anno MCCCX. sed Concilium illud est alterum ab hoc diversum, à Gerardo Archi-episcopo anno MCCXCII. habitum, hujus vero Concilii a Petro habiti constitutiones geminas has profero, quas affert idem Herbipolense Concilium apud *Lunig ibid.* *Hactenus Cl. Mansi in Supplemento.*

*Ex Concilio Provinciali Aschaffenburgensi D. PETRI,
Archi-Episcopi Moguntini.*

Item statuimus, & ordinamus, ut si aliquis Clericus vel laicus utriusque texus cujuscunque dignitatis, religionis, vel status existat, ausus sit, præsumptione & pertinacia damnabili publice prædicare, vel occulte docere, credere, vel tenere, quod Sacerdos in mortali peccato existens non possit efficere Corpus Christi: seu sic ligatus non possit ligare, vel solvere suos subditos a peccatis; pro hæretico, & incredulo habeatur, & errorem hujusmodi sacri Concilii approbatione condemnamus, anathematizamus, & penitus reprobamus; cum sacre Scripturæ dicat auctoritas, quod siue bonus, siue malus sit minister, per utrumque Deus effectum gratiæ suæ confert. Non enim, quæ sunt sancta, coinquinari possunt, nec ipsa Sacramenta potest hominum malitia profanare; unde Sacerdos quantumcunque pollutus existat, Divina non potest polluere Sacramenta, quæ purgatoria cunctarum contagionum existunt. Licite ergo a quocunque Sacerdote ab Ecclesia tolerato, Divina mytheria audiantur, & alia recipiantur Ecclesiastica Sacramenta.

*Ad idem, de Blasphematoribus & Sor-
tilegis.*

Quamvis sacris Canonibus, & sanctorum Patrum traditionibus contra manifestos sanctorum blasphemos, ac damnatum & abominabile scelus idololatriæ, videlicet incantationes, superstitiones, & sortilegia Phitonum & Phitonissarum, in locis diversis sufficienter

cautum & provisum existat; quia tamen (quod mentis amaritudine referimus) adhuc vitia talia in multis locis Nobis subiectis existunt in usu, quapropter erroribus & periculis exinde in dies confurgentibus, quantum in Nobis est, obviare cupientes, districtè statuto præsentì, perpetuo duraturo, præcipimus; ut contra tales statuta Canonica desuper edita summa cum diligentia ab universis Nobis subiectis practicentur, & in confessionibus de peccatis hujusmodi solers fiat inquisitio, & tam mares, quam mulieres talia exercentes, a communione Sacramentorum excludantur, ac pro absolutione ad Nos, vel Vicarium Nostrum remittantur. Et nihilominus, si qui publici blasphemi reperti fuerint, vel de hujusmodi incantationibus, vel superstitionibus ab Ecclesia reprobatis se intromiserint, vel eisdem fidem adhibuerint, ut ab his intra breve tempus eis statuendum desistant, volumus moneri sub pœna suspensionis a Divinis & Ecclesiastica sepultura, a qua non nisi per Nos, vel Vicarium nostrum, aut nostros Superiores valeant liberari & absolvi. Hoc etiam statutum nostrum salutiferum, ne quis illius ignorantiam prætereundum possit, volumus per Rectores Ecclesiarum, ac curam animarum habentes, in Cancellis Ecclesiarum, si & quoties expedire visum fuerit, solemniter publicari.

*Ex Dominico Mansi Supplem. Concilior.
Tomo III. pag. 430, 431.*

CON-

CONCILIUM MOGUNTINUM

ANNO CHRISTI MCCCXXVII.

ANNO MCCCXXVII. Præfide Matthia Archi-Episcopo Moguntino cum Suffraganeis, Abbatibus, Prælatiis, & Sacerdotibus, Moguntinæ Generale, id est, Provinciale habitum fuit Concilium, in quo plura pro Reformatione Status Clericalis constituit, quæ tamen vul-

lum aut modicum habuerunt profectum, ob mortem Matthiæ, & novum a Papa datum Successorem.

Jomius Tam. novo Script. Hist. Mogunt. pag. 303.

Tritheim. Chron. Hirsaug. edit. S. Gullesf. T. II. p. 166.

CONCILIUM HALBERSTADIENSE

ANNO CHRISTI MCCCXXVIII.

ALBERTUS, DEI GRATIA, HALBERSTADIENSIS ECCLESIE EPISCOPUS, OMNIBUS CHRISTI-FIDELIBUS, QUORUM INTEREST, AUT INTERESSE POTERIT, SALUTEM, ET IN DOMINO CARITATEM.

Recognoscimus, & præsentibus protestamur, quod anno Domini MCCCXXVIII. in die Beati Lucæ Evangelistæ, Nobis præfidente *Generali Synodo* deputato tempore & loco consueto fuit quesitum: si aliquem contingerit Altare aliquod de novo ædificare, & id congrue dotare in aliqua Ecclesia, quis procurare teneretur, ut idem Altare consecraretur? Et in eadem Synodo sententialiter diffini-

tum, quod is, qui ædificasset dictum Altare, & dotasset. Cui sententiæ omnes, tam Clerici, quam laici concordarunt. Unde ipsam de consensu omnium tunc præsentium approbavimus, & præsentibus approbamus. Datum & actum anno & die prædictis.

Synodalem hanc habemus ineditam chartam communicavit Cl. D. ab Erzb. Consiliarius Auriaco-Nassovicus.

Albertus II., e Duce Brunswicensi, Episcopus Halberstadenus ab anno 1326. ad 1358. quo obiit.

Synodica GERLACI, Episcopi

Wormatiensis,

ANNO CHRISTI MCCCXXXI.

GERLACUS, DEI GRATIA, ELECTUS, CONFIRMATUS ECCLESIE WORMATIENSIS; PRÆPOSITIS, DECANIS, ET CAPITULIS, CÆTERISQUE PERSONIS ET VICARIIS PER DIOCESEM NOSTRAM CONSTITUTIS, SALUTEM IN DOMINO SEMPTERNAM.

Cum Officio nostro Pastoralis congruat, statum Ecclesiarum Nobis hæcenus male observata in melius re-

formarum. Gerlacus Baro Pineetna ab Erpach, Episcopus Wormatiensis XXXIX. *judice Cl. Schannato in historia Episcopatus Wormatiensis*, electus anno 1329. *Synodum* anno 1331. *indixit: severius in utrumque Clerum inquisivit, & ad primum vigorem unius mensis & unius dormitorii Canonicos revocare allaboravit.* Hinc Baldunum Treverensem Archi-Episcopum suæ Ecclesie Administratorem ac Patronum deligere voluerunt. *Vota effecta caruere: rediit concordia inter Gerlacum, & Clerum teste charta Ludovici I. Regis apud eundem Schannatum No. 191. Obiit Gerlacus anno 1332. XV. Kal. Januarii, teste eodem pag. 394, 395.*

Tomus II. Concil. German.

G E E E

formare ; statuimus inprimis & ordinamus, & sub pœna suspensionis ab officio omnibus, & singulis præcipimus, & mandamus: ut Divinum Officium horis debitis solemniter celebretur, & quilibet Canonicorum, & Vicariorum suis diebus per se cantet & legat, sed impeditus legitime, per alium idoneum fieri hoc procurer. Decanos etiam, quibus cura talium specialiter imminet, hortamur in Domino, ut, excusso negligentie somno, in promotionem Divini Officii de cætero jugiter tam sollicitè invigilent, ne culpa negligentie exigente, graves juris, & nostras pœnas, eos contingat non immerito formidare.

II. Item; sub pœna excommunicationis laxe sententia, quam in his scriptis incurrere (Canonica tamen trium dierum monitione præmissa) volumus transgressores hujus nostri mandati, videlicet: ut infra VIII. dies a publicatione præsentium proxime computandos, sigillum cujusque Capituli, sub tribus diversis clavibus in arca firma includatur, quarum unam Decanus, qui pro tempore fuerit, habebit, alias vero duas habebunt duo seniores in introitu; dum tamen custos non sit unus ex illis senioribus, quem custodem aliquam illarum clavium volumus retinere, cum idem totum Ecclesiæ armarium habeat sub clausura; & si Decanus, vel aliquem alium claves hujusmodi habentem, abesse contigerit, alteri seniori post eum in introitu præsentis committat; quod sic committendo, & descendendo per singulos, per omnia volumus asseruari: nolumus tamen quod duæ claves hujusmodi apud unam personam ad tempus quantumcumque modicum servantur, sicut pœnam supra proxime positam voluerint evitare.

III. Item; sub eadem excommunicationis laxe sententia pœna (Canonica tamen monitione præmissa) præcipimus & mandamus: ne de cætero aliquæ litteræ, & specialiter super receptione Canonicorum sub expectatione Præbendarum, a quibuscumque sigillentur, nisi requisitis requirendis, & majoris, & sanioris partis Capituli, vel totius, ubi juris necessitas hoc requirit; cæterum in his scriptis cassamus & irritamus omnes, si quæ hujusmodi clandestinæ factæ sunt receptiones, cum & juri communi, & statutis Provincialibus directe sint contrariæ; te-

servantes Nobis ex nunc omne illud jus, quod per cassationem, & reservationem Prædecessorum nostrorum Wormaltensium Episcoporum de talibus receptionibus Nobis ac ipsis exstitit acquisitum.

IV. Item; quia plus timeri solet, quod specialiter præcipitur, quam quod generaliter imperatur; præcipimus specialiter & mandamus: quatenus secundum rationis exigentiam, Decano obedientia, & cæteris majoribus reverentia exhibearur in licitis & honestis; idemque Decanus subditos suos, exemplo Salvatoris, qui fecit & docuit, non solum verbo corrigat, sed etiam verbo instruat pariter & exemplo: nam quod a Prælato agitur, a subditis facile trahitur in exemplum.

V. Item; sub pœna excommunicationis præcipimus & mandamus: ut vina, blada, numerata Pecunia, & alia res Ecclesiæ non dentur alicui persone sine iusta & urgenti causa, & totius, vel majoris partis Capituli præsentis ibidem, & maxime in causis, & casibus in quibus etiam absentes merito sunt vocandi.

VI. Item; sub pœna excommunicationis, quam Canonica monitione præmissa, transgressores incurrere volumus, præcipimus & mandamus; ut nulla persona Ecclesiæ vadat sub expensis Ecclesiæ communibus ad torneamenta, ad hastiludia, aur alios privatos usus, & commoda non communia, cum ex talibus casibus Ecclesiæ plurimum graventur.

VII. Item; sub interminatione Divini Judici præcipimus, & mandamus: ut ipsarum Ecclesiarum consuetudines rationabiles, sine fraude inantea fideliter observentur: quibus delicientibus provocetur ad consuetudines Matricis Ecclesiæ, post has autem ad jus commune. Quod si consuetudo allegata negetur ab aliquo cuius interest, allegans ipsam ex nunc necessario probare habeat ad minus per duos idoneos Testes de Ecclesia, qui in virtute juramenti per eos Ecclesiæ præstiti, deponant & asserunt: se ita, & usque in præsentem diem non aliter vidisse & audivisse in certis terminis judicari.

VIII. Item; statutum (si tamen sic dici meretur) quod absentes duas partes fructuum Præbendæ, tertiam Ecclesiæ relinquent-

linquendam, præcipere indulget, propter paucitatem personarum Deo servientium, in his scriptis cassamus, & irritamus, & perpetuo abolemus.

IX. Item; in virtute sanctæ obediencie firmiter præcipimus & mandamus; ut singulis annis ad minus semel in anno Portarius, Cellarius, Magister Fabricæ, Præsentiarum, Suspendiarum, & cæteri Ecclesiarum Officiarii, quocumque nomine censeantur, de officiis suis, tum creditis, debitis, ac neglectis in Capitulo, convocatis ad hoc omnibus & singulis Canonicis, Præbendis, & Vicariis, quorum interest, qui volunt & possunt interesse, debitam reddant rationem.

X. Item; sub pœna in statuto Provinciali, contra conviciatores edito, promulgata, præcipimus & mandamus: ne

aliquis Prælati, Canonicus, aut alia quævis persona, cujuscumque conditionis aut status existat, contra aliam quantumvis ipsius Ecclesiæ personam, aliqua verba contumeliosa, vel opprobriosa de cætero habeat, sed per vias juris justiciam suam, non convitiis, coram judice competenti prosequatur.

XI. Item; statuimus & ordinamus: ne de cætero alicui excommunicato, suspensio, vel interdictio, durantibus hujusmodi sententiis, quidquam de Præbendæ suæ fructibus assignetur, nisi appellaverit, vel alias, quare id fieri debeat, habeat justam causam.

Datum *Wormatiæ* in Synodo; Anno Dom. MCCCXXXI. crastino Purificationis Virginis Gloriosæ.

Descripta Cl. Schannatus ex Archivo Ecclesiæ Collegiata Wimpincensi.

CONCILIIUM TREVIRENSE PROVINCIALE

ANNO CHRISTI MCCCXXXVII.

Statutum I. Moderatio in vestium luxu præscripta.

II. Pœna contra violatores Statuti.

III. Nemo præsentandus, nisi cum consensu Patronorum,

IV. Et ætate præscripta ad Officia Ecclesiastica.

V. Probatio ætatis per juramentum exigenda a præsentatis.

VI. Post Primam quotidie lecto Martyrologio fiat memoria anniversarii postridie faciendi, cum mentione pecunie legata pro memoria.

VII. Præsentia pro Memoriis nonnisi præsentibus in Choro cedant, solis infirmis exceptis.

VIII. Statuta hæc publicanda & observanda.

NOS BALDEVINUS, DEI GRATIA, SANCTÆ TREVERENSIS
ECCLESIAE ARCHIEPISCOPUS, &c.

§. I.

STATUIMUS & ORDINAMUS, ut Clerici quicunque nostræ civitatis & Diocesis Treverensis, decenter incedant in habitu, calceis, caligis, corona, & tonsura Clericali, & ne quis Canonicus, aut Beneficiatus, vel etiam quicumque existens in sacris Ordinibus post mensem computandum a die publicationis præsentium, vestimentis, vel capuciis utatur,

Tomus IV. Concil. German.

quibus manice, vel simbræ, vel alie extremitates seu scissuræ vestimentorum, vel capuciorum cum eisdem vestimentis, vel caputis notabiliter in colore discordent, & specialiter de caputis, ne auro vel argento, vel aliis quibuscunque appositionibus a panno diversis componantur, vel seindantur, vel Wardecociis cum longis manicis ultra brachium procedentibus utantur. Item prædictis personis

G g g g 2

War.

Wardecocia, seu tunicas superiores, nimis breves aut strictas penitus interdiciamus. Sed volumus, & eisdem præcipimus, ut de cætero utantur Wardecociis, & tunicis superioribus saltem ultra medietatem suræ, seu musculi cruris procedentibus: per hoc tamen eis non interdiciamus, quin in equitando vestimentis brevioribus uti possint. Item prohibemus, ne quis de prædictis personis cinctus super vestem superiorem, incedat ullo modo, nisi cum in itinere fuerint, vel se ad iter præparaverint causa proficiscendi: aut capillos capitis sui deferat disjunctos, seu divisos in medio frontis, seu etiam nimis longos. Item dictis Canonicis, & Clericis prohibemus, & interdiciamus tunicas superiores, nodos habentes, a tunica hujusmodi superiori in colore discrepantes, & maxime ante pectus, & in aliis locis Clericis in consuetis.

§. II. Si quis vero contra præmissa, aut aliquid præmissorum venire præsumserit, si Canonicus fuerit, eo ipso sit suspensus a perceptione distributionum, quæ in Choro dividuntur: & si vocem habuerit in Capitulo, etiam ipsa voce careat ipso facto, nec ex tunc ad tractatus Capitulares admittatur, nec sibi de distributionibus quidquam detur; nisi prius per Nos ad præmissa fuerit restitutus. Officiarius vero, qui tali ante nostram restitutionem distributiones Chori scienter dare præsumserit, similiter voce Capituli, si Canonicus fuerit, careat ipso facto. Si vero alter Beneficiatus fuerit, a perceptione fructuum sui Beneficii, eo ipso sit suspensus. Verum si Pastor, Vicepastor, Vicarius, seu Rector alicujus Parochialis Ecclesie, Altaris vel Cappellæ, contra præmissa, vel aliquid præmissorum venire præsumserit, similiter a perceptione fructuum sui Beneficii eo ipso sit suspensus: nec se tunc de hujusmodi fructibus intromittant, nisi de nostra licentia speciali. Et si fructus Beneficiorum excedentium in præmissis, ob aliquam aliam causam fuerint sequestrati, hujusmodi sequestrum relaxari volumus, neque tolli, nisi in ipsa relaxationis littera de prædictis, suspensione fructuum, & restitutione nostra ad eosdem specialis mentio habeatur.

§. III. Item inhibemus omnibus & singulis Rectoribus, seu Pastori-

bus Parochialium Ecclesiarum, ne aliquos præsentent ad Vicarias perpetuas suarum Ecclesiarum, nisi consensus Patronorum earundem Ecclesiarum ad id accedat. Et ne Archidiaconi Nobis subditi, aut eorum Officiales eos admittant ad hujusmodi Ecclesias, vel eos instituant in eisdem, nisi eis prius constiterit per parentes litteras ipsorum Patronorum de consensu hujusmodi, & quod ipsarum Ecclesiarum redditus, & proventus, ad quas sic præsentati fuerint, sufficiant ad sustentationem congruam, Rectoribus & Pastoribus, & Vicariis supradictis, si fortassis ipsos contingat in hujusmodi Beneficiis simul facere residentiam personalem. Alioquin si a quoquam secus actum fuerit, vel attentatum quomodolibet, decernimus irritum & inane.

§. IV. Præterea quia nonnulli Ecclesiarum, & aliorum Beneficiorum Ecclesiasticorum Patroni, ad vacantes ipsæ Ecclesie, seu Beneficia, quæ tantum actu Sacerdotibus, vel promovendis infra annum conferri debent, nonnunquam minores annis, vel alias omnino inhabiles præsentant personas, vel etiam quandoque, loco talium minorum, confecto quodam velamine præsentant Presbyteros aliquos, seu personas alias idoneas Archidiacono, seu eorum Officiali instituendas in Beneficiis memoratis. Nos fraudi hujusmodi cupientes, in quantum possumus, remedium adhibere, prædictis Archidiaconis, & eorum Officialibus ac quibuscunque aliis personis Ecclesiasticis, quorum interest, sub pœna suspensionis officii sui, districtius inhibemus, ne aliquos tales ipsos præsentatores admittant, vel instituant inscienter ad Beneficia memorata.

§. V. Et ut fraudibus talium plenus obvietur, statuimus & volumus: quia Archidiaconi seu Officiales prædicti specialiter a quibuscunque personis ipsis præsentatis, ante admissionem, vel institutionem ipsorum, ad Beneficia prædicta exigant, & recipiant corporalia ipsorum juramenta, quod ipsi vere, & non fictè, se nulla conditione, pacto, seu promisso interveniente, & sine spe aliqua sacra, vel faciendi cuiquam de Beneficiis ipsis resignandis suis Patronis successu temporis, ipsis Archidiaconis, seu Officialibus, sint ad hujusmodi Beneficia præsentati: alioquin si secus actum fuerit, admissio-

nes & Institutiones ut sic factas, irritas, & inanes esse, dictoque præsentatos suspensos = Beneficiis, & Officiis decernimus ipso facto.

§. VI. Item ordinamus, & districte præcipimus observari in nostra Cathedrali Ecclesia, & singulis Collegiatis Ecclesiis Nobis subjectis, quod singulis diebus Prima decantata, Martyrologium lectum fuerit, pronuntiatur anniversarium Defunctorum, quod sequenti die fuerit peragendum, & summa pecunie pro hujusmodi anniversario interessentibus Vigiliis & Missæ dividenda.

§. VII. Item statuimus, & ordinamus, quod Canonici & Vicarii Ecclesiæ nostræ Treverensis, & aliarum Ecclesiarum Nobis subjectarum, ad horas Canonicas, Vigiliis pro Defunctis, & Missas, debito tempore secundum statuta, & ordinationes suarum Ecclesiarum, intrent chorum, & ipsis horis intersint eo tempore, quo distributiones Chori fuerint dividendæ: quas nulla ordinatione, statuto, sive pacto obstant, tantum inter præsentem ibi tunc Canonicos & Vicarios, juxta consuetudines ipsarum Ecclesiarum, in Choro, & non extra Chorum, dividi, & dari volumus, & præcipimus per Officiarios, qui ad hoc fuerint deputati: exceptis illis Canonicis & Vicariis, quos infirmitas, seu justa & rationalis necessitas corporalia, aut evidens Ecclesiæ utilitas excusaret. Inhibemus etiam districte præfatis Officiariis, ne aliquas distributiones occasione collectionis reddituum, seu censuum suarum Ecclesiarum sibi usur-

pent, dum non interfuerint Divinis Officiis, in quibus dividendæ sunt hujusmodi distributiones. Et quia nonnulli plus temporalem solent pœnam, quam Spiritualem seu Ecclesiasticam sententias, quod dolenter referimus, formidare, & ut sic frequenter ad subditorum noxam tendit, quod ipsis ad remedium est provisum, sententia excommunicationis in aliis statutis nostris, super præmissis, & eorum occasione per Nos editis prolatis, ne subditi nostri eisdem sententiis, pro ut hætenus fieri est compertum, damnablem se involvant, decernimus revocandas, & præsentibus revocamus. Nolumus tamen illos, qui dictis nostris sententiis, seu Canonis, jam ligati noscuntur, per hujusmodi absolutionem esse absolutos. Sed quod ab eisdem sententiis per Nos, vel per nostros in hac parte vicegerentes obtineant specialiter se absolvi.

§. VIII. Præterea ut præmissa omnia & singula observentur, ne aliqua ab eorum observatione, prætextu ignorantie se possit excusare, præcipimus omnibus & singulis Decanis Nobis subditis; ut eorum copiam recipiant infra mensem, ab Officialibus nostris Treverensibus, sive Confluent. & ea suis subditis publicent, & diligenter faciant observari, si ipsi Decani pœnam Canonicam, & nostram voluerint evitare. *Datum Trever. Anno Domini Millesimo tricentesimo tricesimo septimo, die vicesima mensis Maji.*

Ilmus Hombertus Historia Pragmatica Diplomatica Treverensis Part. II. pag. 77, 78.

Baldwinus Treveris celebrata Synodo, Cleri formare disciplinam, tueri libertatem, & Monachorum in votivæ paupertatis offensione, & luxu vestium effusum licentiam severissimis cohibere Legibus institit, extant de hac re literis ac typis vulgata decreta, quæ etiam ejus in Ecclesiæ suæ retinendis institutis & Cleri fordibus abstergendis arguunt solertiam. *Brewerus Annal. Treverensium Lib. XVII. pag. 389. veteris Edition.*



CONCILIUM TREVIRENSE

ANNO CHRISTI MCCCXXXVIII

BALDUINI Archi-Episcopi Epistola ad Clerum.

*Edita quidem hoc Tomo IV. pag. 318. sed cum ingenti biatu,
qui suppletur ex Almo Hontbenio.*

BALDUINUS, DEI GRATIA, &c. UNIVERSIS PRÆLATIS, PRÆPOSITIS, ARCHIDIACONIS, DECANIS, SCHOLASTICIS, NEC NON CLERICIS ALIIS, BENEFICIATIS, ET IN SACRIS ORDINIBUS CONSTITUTIS, SUARUM CIVITATIS ET DIOECESIS, QUIBUSCUMQUE IN CHRISTO SIBI DILECTIS, SALUTEM ET SINCERAM IN DOMINO CHARITATEM.

I.

Lect cōis Nobis undique affluentibus sollicitemur innumeris, ad illam tamen introitum nostræ considerationis dirigitur intentius, per quæ actus, & mores Clericorum, quorum vita, & conversatio aliorum sunt norma & exempla. in melius reformatur. Sane jam dudum pro reformatione actuum, & morum Clericorum nostrarum civitatis & Diocesis Treverensis, ac honesta conversatione eorundem, quæ interioris mentis est indicium, nonnulla statuta salubria, & sacris Canonibus sulcata, duximus publice promulganda: statuendo videlicet, quod Clerici quicunque nostrarum civitatis & Diocesis Trevirensis decenter incederent in habitu, cakeis, caligis, corona, & tonsura Clericali, quodque nullus Canonicus aut Beneficiatus, vel etiam quicunque Clericus in facia Ordinibus existens, vestimentis vel capucis uteretur, quibus manicæ vel simbræ, aut aliæ extremitates, vel scissuræ vestimentorum, vel capuciorum, cum eisdem vestimentis seu capucis in colore notabiliter discordarent: & specialiter, ne capucia auro, vel argento, vel aliis quibuscumque appositionibus a panno diversis, componerentur, seu scinderentur: & ne etiam Wardecociis cum longis manicis, maxime ultra brachium procedentibus, uterentur, & quod Wardecocia seu tunicas superiores breves, aut strictas nimium non haberent: sed quod Wardecociis & tunicis superioribus saltem ultra medietatem fursæ seu musculi cutis procedentibus uterentur. Quoque insuper cincti super vestem superiorem non ince-

derent, nisi dum se ad iter præpararent, vel essent in itinere constituti: & quod capillos disjunctos in medio frontis, aut longos nimis non deferrent: quod dicti etiam Canonici & Clerici, in tunicis superioribus nodos a panno tunicarum in colore discrepantes, non deferrent, maxime ante pectus, & locis aliis Clericis inconfusis. Alioquin contrarium facientes certis penis artari præcipimus, & constringi. Scavimus etiam, & ordinamus nonnulla alia, statum, salutem, ac honestatem dictorum Clericorum respicientia, prout in eisdem statutis per Nos editis, & solemniter publicatis, videri poterunt plenius contineri. Verum nonnulli ex prædictis Canonici Clerici prædicta nostra statuta quamvis ipsi suble-

(a) parvi pendentes eadem, & prout per facti experientiam didicimus, observare hadenus minime curaverunt. II. Igitur Nos considerantes & attendentes, quod idolum bene agitur, si errantium hominum vita corrigatur, ac volentes in his negligentium defectum ulteriori executione supplere: vobis & cuilibet vestrum precipimus & mandamus, quatenus prædicta nostra statuta in omnibus, & singulis suis Capitula, prout per Nos edita sunt, & prout quolibet vestrum respiciunt, vel coningere possunt, studeatis firmiter observare, quodque vos Praelati, Praepositi, Archidiaconi, Decani, & Scholastici, & quilibet vestrum, Canonici, & alios Clericos vobis immediate subiectos, ad hoc teneatis, coherceatis, nec non viis & modis, ac pœnis competentibus potissime in di-

(a) *Hac impressa jam fuerant a pag. 318. b. T. suppletur sequentia ex Ilmo Hontbenio.*

Etis nostra statuta comprehensa, inducatis, ut eadem nostra statuta ipsorum salutem ac bonum respicientia, teneant, & observent. Alioquin tam contra vos, quam dictos Canonicos, & Clericos vobis subditos, ac dictorum nostrorum statutorum transgressores per pœnas spirituales, & temporales, prout opportunum Nobis visum fuerit, procedemus. III. Præterea cum in tantum quorundam processerit ambitio, ut plures Dignitates, Personatus, seu Ecclesias Parochiales, curam animarum habentes; contra sacrorum Canonum instituta recipere, & receptas illicite detinere non formident; & cum unius officium vix implere sufficiant, sibi stipendia plurimorum recipiunt; Nos huic morbo, quamvis alias per sacros Canones super hoc sufficienter provisum existat, cum ulteriorum tamen executione occurrere cupientes, statuimus, & ordinamus, ac precipimus inviolabiliter observari, quod quicumque duas, vel plures Personatus, Dignitates, seu Ecclesias Parochiales actu curam animarum habentes, sine dissolutione legitima, & contra constitutionem recolendæ memoriæ Domini JOANNIS Pape vigesimi secundi, super hoc prolatam, quæ incipit: *Excecrabilis, qui transiit*. easdem Dignitates, Personatus, vel Ecclesias infra mensem, a publicatione præsentium computandum, in manibus Superiorum relinquant effectualiter, & dimittant, regressum ad easdem Dignitates, Personatus, vel Ecclesias, seu aliquam eorum, seu earum, sine nova præsentatione, vel collatione, minime habituris. Alioquin ipsos ad hoc faciendum per pœnas Canonicas, & prout opportunum Nobis visum fuerit, compellimus. Et ut inani hujusmodi Dignitatum, Personarum, & Ecclesiarum multitudini, quas quidam per ambitionis vitium recipere non formidant: quæ quidem multitudo Canonibus inimica, materiam dissolutionis, & evagationis inducit, certumque continet pe-

riculum animarum, opportunius occurratur; statuimus, & ordinamus, quod si aliquis habens aliquam Parochialem, ad aliam fuerit præsentatus, ad tertiam, seu aliam nullatenus investitur vel admittatur, nisi prius in præsentia eorundem juret solemniter, & promittat, quod postquam possessionem, vel quasi, illius Ecclesiæ, ad quam secundo præsentatus fuerit, pacifice fuerit adeptus, primam Ecclesiam dimittat realiter, & resignet. IV. Volumus etiam & statuimus, quod si aliquis duas, vel plures habens Ecclesias, ad eas sine dispensatione Canonica, contra prædictam constitutionem, execrabili tenens, ad tertiam, seu aliam fuerit præsentatus, quod ille sic præsentatus, ad tertiam, seu aliam, nullatenus investitur, vel admittatur ad eam, nisi prius illas Ecclesias, quas prius contra Constitutiones Canonicas tenuit, & per quarum detentionem, ad alias se inhabilem reddidit, effectualiter & realiter dimiserit, ac se habitari ad alia Beneficia consequenda per Superiorem, ad quem hoc pertinent, procurarit: quod si secus per quemquam Archidiaconum nostrarum civitatum, vel Diocesis, seu aliquem alium, ad quem jus investiendi pertinuerit, factum fuerit, id ex nunc decernimus irritum & inane: & nihilominus contra ipsos hoc præsens nostrum statutum non servantes, per pœnas Canonicas procedemus.

Per præmissa autem, quæ ad prædicti Cleri correctionem, & emendationem excessum, qui in ipso ut communis irreperant, specialiter statuenda providimus, veniendi contra statuta sacrorum Canonum, vel etiam nostri Concilii Treverensis instituta, habenas sibi non intelligant esse laxatas: imo eadem statuta prout salubriter instituta noscuntur, per universum Clerum Nobis subiectum, volumus cum omni obedientia, & reverentia firmiter observari. Datum Treveris Anno MCCCXXXVIII. die VIII. mensis Aprilis.

Ernst Honthenius Tomo II. *Historia Diplomat. Trever.* pag. 78, 79, 80.

CONCILIUM SALTZBURGENSE

ANNO CHRISTI MCCCXL.

Rudolphus quidam Presbyter calicem cum sanguine Christi apud

Saltzburgam in majori Ecclesia de Altari sumens diffundit, quod prius fecerit Hal-

Hallis in Ecclesia Beati Zenonis. Qui captus & postea productus (*coram Synodo*) dixit Judæum, & Paganum sine Baptismo posse salvari: & in Akari non esse verum Christi corpus: & demones posse redire ad pristinam dignitatem, quia solo peccaverunt cogitati. Cum nollet respicere; per HENRICUM Epi-

scopum Salsburgensem, Magistro Ruthmaro Sekovienti Præfule, Conrado Chimensi, & aliis Prælatiis præsentibus degradatus, seculari potestati traditur, & crematur.

Anonymi Leobienfis Chronicon Lib. VI. apud Hier. Petz, Tom. I. Scriptor. Austria pag. 957.

Addenda Tom. III. pag. 209.

CONVENTUS RUTHARDI,

Archi-Episcopi Moguntini, Abbatum & Prælatorum Cleri Moguntini, in quo stabilitur Littera Foundationis Monasterii quondam Cambergensis Diæc. Herbipolensis.

IN NOMINE SANCTÆ ET INDIVIDUÆ TRINITATIS.

EGO RUTHARDUS, Moguntinensis DEI gratia Archi-Episcopus: Omnibus Sanctæ Ecclesiæ Fidelibus notum esse cupio tam futuris, quam præsentibus, quod Dominus quidam Burghardus in honore Sanctæ DEI Genetricis MARIE, ac S. Nicolai in monte, qui Kamberg nominatur, Monasterium quoddam construxit, ad quod ipsum locum cum omnibus nunc in præsentiarum illuc collatis, iustitiis & pertinentiis prædiorum, & mancipiorum, seu quarumcunque rerum ex toto super Altare S. NICOLAI libera manu sua, & fratrum suorum Comitum scilicet *Ruggeri*, & *Henrici* tradidit DEO, & S. NICOLAO, in proprietatem, & prædicti Monasterii Abbat in liberam dispositionem, Monasterio & Fratribus Deo sub Regula Monastica inibi servituris, ad utilitatem, & ne unquam a posteris suis, vel quibuslibet personis Deo fervientium deinceps illic destrui posset.

Postea D. Burghardus prudenter idem Cenobium cum omnibus suis pertinentiis nunc collatis, & de hinc confessoris tempore Domini mei felices memorie WEZELONIS Archi-Episcopi, in præsentia ipsius, Archi-Episcopi Sedi Moguntinæ subdidit propria manu sua, & fratris sui prædicti *Ruggeri*, tradendo absque omni contradictione ad Altare S. MARTINI, ubi etiam ab eodem

Domino Burghardo firmissime statutum est, & a Domino meo Wezelone laudatum, ut Fratres Cenobii illius nunc ibidem congregati, & adhuc in Christo congregandi, quandocunque Patre suo spiritali orbatu fuerint, habeant liberam potestatem secundum Regulam S. Benedicti, inter se, vel undecunque, si opus fuerit, Abbatem eligendi: quem postquam Fratres regulariter elegerint, hoc solum faciendum est, ut eum cum magna veneratione perducant ad Archi-Episcopum, gratia suscipiendi ab eo virgam Regiminis absque omni prorsus contradictione Episcopi vel alicujus.

Præterea hoc etiam diligentissime notandum est, secundum Statuta Domini mei *Wezelonis*, & Domini *Burghardi*, nulli Abbatum hujus Cenobii unquam licere de prædictis Ecclesiæ quidquam alicui secularium accommodare, sed si quisquam Abbas diaboli consilio, quod Deus prohibeat, hoc decretum infringere, Fratres ejusdem Cenobii hanc a Domino Wezelone, & a me habeant licentiam, ut de hoc accusatum & convictum deponant, & in ejus locum juxta prædictam libertatem alium eligant.

De *Advocati* quoque electione hoc statutum esse notandum est, ut quicumque Abbas loco illius cum consilio Fratrum suorum ad defendendum Monasterii

Hoc Monasterium præfens est Ecclesia Collegialis nobilium Canonorum ex Regulari in secularem statum conversa anno 1488. Nonas Decembr. indultu Pape Innocentii VIII. sub Rudolfo de Scherenberg Episcopo Wurtzburgensi, Abbate ultimo Sifrido.

naſterii libertatem & juſtitiam utilem invenire poſſit, qui non pro terreno comodo, ſed pro æterna mercede hoc Patrocinium ſuſcipere velit, hunc abſque alicujus contradictione eligat, & bannum legitimum non jure hæreditario eum a Rege ſuſcipere efficiat; cuius Advocati libero conceſſum eſt arbitrio, ut, ſi velit, ſemper poſt ſancſtam ebdomadam Pentecoſtes ſecunda ſeria, placitum habeat in villa, quæ dicitur *Duſgentol*, & non in anno ſæpius, niſi ab Abbate invitatus. In prædicto autem placito ad ſervitium ejus debet Abbas maldrum frumenti pro faciendò panem, & fiſingum unum porcinum, & duos ovinos, & vinum, cæteraque ad hæc ſufficientia. Si autem hic Advocatus temerario jure contra ſtatuta aliquem faciat Subadvocatam, aliasque calumnias vel injurias Monafterio, Abbati vel familiae faciat, omnino poteſtatem habeat Abbas, cum adjutorio Epiſcopi & conſilio Fratrum hunc reprobare, & alium ſibi utiliorem undecunque eligere.

Noſum ſit & hoc, quid ſervicii Dominus Burghardus ſtauiſſet, Abbatem ejusdem Cenobii debere ſingulis annis Domino meo *Wzecho*, & ejus Succelloribus, & Eccleſiæ ipſius: ſcilicet, ut ſemper in feſtivate S. Martini ſuper Altare ejus mittat Mitram Archi-Epiſcopalem, & duo Corporalia: ut nunquam cogatur Abbas in expeditionem ire, vel Curiam frequentare, aut ad colloquium curiale ex juſtitia venire, niſi forte Archi-epiſcopus ejus ſpiritali conſilio indigeat ad utilitatem Eccleſiæ. Quæ neceſſitate cogente fraternaliter invitatus, debet ad Dominum ſuum cum paucis Monachis & ſervientibus inermis karitative venire, niſi forte triduum proprio ſervitio, & non diutius, niſi diligenter ab Archi-epiſcopo rogatus, & tunc alimenta ſibi & equis ſufficienter accepturus.

Hoc quoque ſtatutum eſſe recordamur, ſi forte Dominus Archi-epiſcopus ſemel vel bis in anno ad prædictum Cenobium cauſa fraternalis viſitationis, vel alia cauſa veniat, ut Abbas eum cum omni veneratione & ornatu, ſicut Dominum ſuum ſuſcipiat, & ſecundum facultates ſuas una ſola die, & non plus, ei ſervitium dare faciat.

Adhuc quoque ſtatutum aſſe intelligite, ut quicumque ſit Archi-epiſcopus, in eodem Cenobio ſemper Prebendam ita plene, ſicut Monachus unus habeat, quæ cotidie in reſectorio fratrum ſuper menſam principalem ponatur, & poſtea pauperibus in elemoſynam ejus erogetur, & ut obitus & anniverſarius ejus cum Miſſarum ac Vigiliarum ſolempniis ibi diligenter ſemper celebretur.

Ad horum omnium confirmationem, cum utrique, ſcilicet Dominus meus *Wzecho*, & Dux *Burgundus* omnia decreviſſent carta annotari, & kartulam ipſam ſigilli ipſius impreſſione inſigniri, priuſquam hoc factum eſſet, perſolvit ſæpe dictus Dominus meus, ad tumultum detrimenti & doloris noſtri, corporali diſſolutione debitum moriendi.

Cui cum ego indignus peccator, ad comparationem ipſius nec etiam vermiculus nominandus, neſcio qua Divina diſpoſitione in Epiſcopum ſucceſſiſſem, primum duas vineas, quas Dominus meus *Wzecho* illuc tradidit: unam ſcilicet in Rudenſheim, alteram in Lorcha cum areis duabus ad eas pertinentibus, pro anima ejus & mea, ego quoque tradidi ad idem Cenobium S. Nicolao in proprietatem, & Fratribus ad utilitatem. Deinde cum conſenſu & rogatu prædicti Domini *Burgardi* cartulam illam ſecundum prædicta ſtatuta præcepti diligenter componi.

Illud etiam ſecundum ſtatuta Domini *Wzechonis* addam ad confirmationem Privilegii, ut ſi ego, quod Deus prohibeat, vel aliquis Succellorum meorum, prænotatum juſ & leges ejusdem Cenobii ex aliqua parte velim infringere, vel de prædiis, & aliis rebus nunc illuc collatis, vel adhuc conferendis, aliquid inde auferre: Abbas cum fratribus ſuis primum caritative per principalem Præpoſitum, cæterosque Principes meos me ſtudeat avertere; quod ſi non proſit, ut deinde querimoniam faciat toti Conventui fratrum S. Martini, & ſi illud non proſit, ut poſtea faciat hoc idem privilegium recitari in audientia totius *Synodali Concilii*, ubi ſi evidentia injuſtitie per interventum circumſedenſium fratrum, meam pertinaciam vel alicujus Succellorum meorum,

non possit emollire, tunc demum auctoritate hujus kartulæ habeat licentiam eundi Romam ad Sedem Apostolicam, ut per ejus auctoritatem cogamur ab incepta injustitia desistere. Hujus sanctæ Sedis Legationi, si civitatem non præbeamus assensum obediendi, nulla diutius utatur Abbas dilatione, quin, si velit, idem Cœnobium sub prædicta justitia & legibus tradat Romanæ Ecclesiæ ad altare S. Petri, ad formulam hujus kartulæ aliam suscipiens ab Apostolica Sede.

Hæc omnia, ut multis innotescant, statutum est, ut semper subcustos Ecclesiæ S. Martini hanc kartam in *duobus annis Conciliis* in audientia omnium circumfidentium & stantium legat. Pro hoc singulis annis in *posteriori Concilio Bazoniensi* ab Abbate & nuntiis ejus accipiat, & si ipse alterutra vice hoc negligat, nihil se ab eo accepturum sane cognoscat.

Et ut hoc succedentium posteritati melius notum fiat, & semper stabile &

inconvulsū permaneat, placuit nomina testium tam Clericorum quam laicorum, qui eadem confecti & pacto interfuerunt, annotari, kartulam ipsam nostri sigilli impressione signari. Hi sunt testes: *Adelmannus* Abbas S. Albani. *Godboldus* principalis Præpositus. *Embricho* Camerarius urbis Moguntinæ (a). *Arnoldus* Custos (b). *Auselmus* Præpositus S. Stephani. *Volkoldus* Decanus. *Joannes* Magister (Scholasticus) *Embricho* Cantor. *Eluoldus* Præpositus (agustus) *Richardus* Præpositus S. Marci ad Gradus. *Dietmarus*. *Guntmarus*. *Godscalcus*. *Zeizolfus* (al. *Cyzolfus*). *Reges*. LAICI: *Gerardus* Comes. *Wiggerus* Comes. *Rutgerus de Hufan*, & frater ejus *Heinricus*, & *Heinricus de Newenstatt*. *Borchard de Wildshut*. *Heinricus* Comes. *Heinrich*. *Dutber*. *Sifrid*. *Folmar*. *Embricho*. *Hartman*. *Wolfram*. *Margwart*. *Adelbrath*. *Walther*. *Arn*. *Angeln*.

Gudenus Codic. Diplomatic. Tomo I. N. XVI.

- (a) Camerarius urbis Moguntinæ idem ac Præfex judicii civici, perdurans sub Cameraarii titulo ad huc, *des Weltschen Gerichte Cämmerer*.
(b) Custos Moguntinæ ædis, simulque Præpositus Erfurtensis, quamobrem una cum Præposito sequenti, *Volkoldo* Decano ut ut Moguntinæ Majoris, præponitur.

Conventus Diocesanus Moguntini Archiepiscopi, & Prælatorum Cleri & Procerum.

SUMMA. Quomodo terra inculta & montosa prope RUDESHEIM exculsa fuerit, & redacta in statum vinearum?

Addendus Tomo III. pag. 407.

IN NOMINE SANCTE ET INDIVIDUE TRINITATIS.

SIFRIDUS, Moguntinus Archiepiscopus. Nostræ speculationis exigie officium, ut Nobis commissa summa diligentia lucrificare studeamus, ita ut in omnibus utiliora & meliora prospiciamus. Noverint itaque universi tam futuri, quam presentes Christi, nostrique fideles, quod pago nostro in *Rudesheim* & in *Ingens* quedam terra inculta jacebat, que per omnia nostre jurisdictioni atinebat, quam populus noster Dei in dictis villis nostris renovare, & excolere ex nostra concessione querebat, super hoc habita deliberatione cum fide-

libus nostris, Clericis, & laicis satisfecimus petitioni populi nostri, & terram istam montosam & incultam eis concessimus, ut eam excolerent, & in usum vinearum redigerent. Iussimus ergo terram illam eis dividi, & quid inde, cum eam excoluissent, & fructiferam reddidissent, solvere deberent, iussimus distinguere.

Hac etiam in pactione posuimus, ut de manso, qui *Fiscalmus* dicitur, annuatim septem Ame vini, & de singulis aliis mansis carrata vini, & de jugere, quod majorem fertilitatem haberet urna vini,

vini, & de singulis aliis jugeribus, quo minus valere dinoscerentur, dimidia turna daretur, & hec omnia singulis annis *sub nomine & jure decime* solverentur.

Ut etiam eundem populum nostrum magis benivolum & promptum ad excolendam terram illam haberemus, indulgimus eis, ut in campo nulla in eos fieret angaria, sed postquam fructus suos collegerint, omnes simul, solverent Nobis, & Successoribus nostris annuatim de manſis & jugeribus, uti predictum est, sub nomine *Decime* quadraginta carratas vini pontici: ita tamen, ut intra se habita estimatione, quantum quisque de terra illa possideret, & ita summam illam nobis solvendam congererent, ut nullum contra jus gravare invenirentur. Et hec omnia Scultetus noster ab eis reciperet, & nulli alii de prememorato jure nostro aliquid responderent.

Statuimus etiam, ut si quis hoc pro voluntate suaolvere negligeret, quod ab eo Archi-Episcopus compositionem

& satisfactionem exigere & accipere deberet, ita quod unius delictum in multitudinem non redundaret.

Ut autem hec nostre pietatis concessio rata & inconcussa omni permaneat evo, desiderante & petente populo hanc cartam conscribi, & impressione sigilli nostri insigniri precepimus, & banno confirmavimus.

Hujus rei Testes sunt:

Razo Prepositus. Hartwin Prepositus. Arnoldus Prepositus. Ruobrat Decanus. Folcott. Gebhart. Gercebinus Magister. Burchard. Aldewin. Bertram. Alde. Ruogger. Cuno. Ernbert. Otto. Milo. Aldewin. Ruodolf Comes. Diado. Ruobrat. Ruodiger. Johannes. Suiger. Dietbert. Milo.

Acta sunt hec anno Dominice Incarnationis MLXXIV. Indiæ XII. Regnante HEINRICO Quarto, Regni ejus anno XVIII.

De Gudenus Tomo I. Codicis Diplomatici.

WEZELONIS, Archi-Episcopi Moguntini, Traditio de Bonis, que sunt apud Villam, que dicitur LORCHA, inter annos 1084. & 1088. utpote Presulatum ipsius concludentes.

Alenda Tom. III. pag. 201.

IN NOMINE SANCTE ET INDIVIDUE TRINITATIS.

EGO WEZELINUS, Moguntinus Gratia Dei Archi-Episcopus, notum esse volo tam futuris, quam presentibus Christi, & Ecclesie fidelibus, quod quidam Canonicus Sedis nostre, EMBRICHIO nomine, fratribus suis ejusdem Ecclesie Canonicis, quedam bona sua tradidit pro animabus parentum suorum, & pro remedio anime sue, ea videlicet ratione, ut in unoquoque mense (quod tunc a fratribus conlaudatum est) die, Vigiliam & Missam pro eisdem parentibus suis, & omnibus fidelibus defunctis faciant, & ipsa die unusquisque eorum denarium pro carne, & panem, vel obulum pro pane & mensuram bonam optimi vini accipiat.

Facta est autem hec traditio presentibus & probantibus sorore sua Gwoda,

Totius IV. Concil. German.

ejusque marito Richolfo, ceterisque heredibus suis ad Altare S. Nicolai, quod est in clauſtro, per manum Gerhardi, Comitis nostri; quem Advocatum idem Embrico, me petente, accepit a Domino meo Imperatore Henrico, hoc etiam interpositio, ut predicta Gwoda & maritus ejus, fraternitatem & locum sepulture, orationisque communionem cum fratribus habeant.

Hec autem sunt bona, que tradita sunt: quinque mancipia, que non aliud jus, quam meliores servientes fratrum habeant, quorum nomina hec sunt: Godebolt, Ruobert, Bernhart, & uxor ejus Giseburg, & filia eorum Friderun. Arce in Moguntia septem & dimidia. Tres mansi in Irlenheim cum vineis suis, & omnibus pertinentiis,

H h h h 2

quo;

quorum unusquisque singulis annis decem solidos, quatuor capones in Festo S. Martini persolvit. Mansus unus in Muomeubem cum suis vinetis, qui item decem solidos & quatuor capones in Festivitate S. Andree persolvit.

In villa autem, que dicitur Loricha domus bona cum omni suppellectile sua. Vinee bone, quarum quantitas & denominatio hec est: vinea Beceche in Geiderichedale, que habet mensuras virgas. . . in longitudine & . . in latitudine.

Item in vinea, que dicitur Bezelini, versus villam, XX. virgas in longitudine, & XXV. in latitudine, & quidquid in eadem vinea ante obitum fratris sui ad se venerat hereditario jure. Item in vinea, que dicitur Rubea, XII. virgas in longitudine & V. in latitudine. Item vinea, que dicitur Udelberti, que habet XV. virgas in longitudine, & VII. in latitudine. Item vinea in Ockenberge, que habet XII. virgas in longitudine & VIII. in latitudine. Item vinea in Bahendale, habens IX. virgas in longitudine & IV. in latitudine. Item in Wixelinesleva vinea habens XIII. virgas in longitudine & V. in latitudine.

Item in Hengeresgruben IV vinee. Preterea vinea quedam in Mannendal, quam idem Embrico, & coheredes sui jam dudum pro anima patris sui voverant. Hanc etiam item ipse, & soror sua per manum mariti sui legitima traditione pro prescriptis bonis addiderunt ea conditione, ut semper in anniversario patris eorum prescripta karitas illius mensis fratribus detur, & centum pauperibus Christi centum panes albi, centum alecia, & centum biberes vini tribuantur.

Habuit autem idem Embrico in predicta villa *Loricha* fiscalem mansum, cujus servicii jus a me suscepit in Beneficium. Hunc omnimodis, hereditatem scilicet, & Beneficium michi reddidit, rogans, ut ego illum predictis bonis adderem, & sic partem commemorationis

haberem, & mea traditione cetera confirmarem.

Ego igitur particeps esse cupiens devotionis istius, tradidi fratribus eundem mansum in proprietatem, quem ipsi duobus supra traditis servientibus suis *Godebaldo* videlicet dimidium, qui dicitur: der *Rammonesbuben*, & *Bernardo* dimidium, qui dicitur: der *Migenbuben* cum arvis, vinetis, agris cultis & incultis in hereditatem dederunt, ea ratione, ut non alium censum, non aliud servitium inde debeant, nisi hoc tantum, ut semper ambo, vel mutatis vicibus alter eorum excolendis prescriptis vineis prelint, si forte, ut sepe fit, negligentia, vel malitia male culta ad minorem reditum cogantur. Vini quoque inde collecti, & vasis infusi, octo karreas intra octavam S. Martini in sua navim impensa inferant, & suo labore Moguntiam ante portam, que dicitur, *Epylopi*, perferant. Si autem alter istorum absque legitimo herede, id est, qui ad fratres pertineat, mortuus fuerit, dimidium mansum, quem ille habuit, in hereditatem accipiat *Ruothardus*, qui est unus de supradictis servientibus fratribus. Et ita semper mansus iste in hereditatem istorum maneat, nisi forte omnes absque heredibus mortui fuerint; tunc fratres alios duos fideles servientes in locum istorum provideant. Bona igitur hec nullus sibi in hereditatem vel officium aliqua ratione usurpet, sed quicumque proximus de consanguinitate ejusdem Embriconis in majori Ecclesia Canonicus fuerit, is alteri preponatur in hoc officio, quem ad hoc fideliorem & prudentiorem fratrum communis probaverit electio.

Ut autem hec traditio omni evio stabilis & inconvulsa permaneat, scriptam & in plenaria Synodo nostra recitam Banno nostro confirmavimus, & Signilli nostri impressione insigniri precepimus.

De Gudenus Cod. I, Diplomatici pag. 383.

ERFOR-

ERFORDIÆ Conventus Archi-Episcopi

Moguntinæ, cum Suffraganeis, & variis Prælatiſ e Clero, in quo quotidiana Præbenda Canoniciſ S. Severi danda, auctoritate Præpoſiti S. Severi Erfordiae determinatur.

Addendus Tomo III. ad pag. 279.

IN NOMINE SANCTE ET INDIVIDUE TRINITATIS.

Notum ſit omnib꿿 tam futuri, quam præſentis temporis fidelib꿿, quater inter Canonicos Eccleſiæ Beati SEVERI, & Præpoſitum ADELBERONEM de danda cotidiana eorum Præbenda convenerit. Deſtructiſ poſſeſſionib꿿 Eccleſiæ, frequentib꿿 incendiis, & rapiniſ tempore Præpoſiti EMBRICHONIS, qui idem Embricho cotidianam eorum Præbendam adminiſtrare non poterat, partitionem bonorum fieri elegit, unam ſub fratrum ditione, & deliberatione ad ipſorum uſus relinquens, & alteram ſibi retinens. Sed Præpoſitus ADELBERO poſt eum Subſtitutus hanc partitionem recuſavit, & cotidianam Præbendam dare elegit.

Cotidiana vero Præbenda talis eſt, ſeptem panes Sigalini (a) in ſeptimana, Dominicis dieb꿿 album panem per annum, in jejunio vero cotidie. Et iſti panes tam albi, quam nigri ad convivia pertinentes, equales ſint panib꿿, qui dantur ad ſanctam Mariam, in magnitudine & albedine. Carnes vero hiemaleſ & ſtiſvaleſ equales ſint carnib꿿, que dantur ad S. Mariam. In ſecunda feria dimidi꿿 caſeus & tria ova, ſimiliter in quarta & ſexta feria. Cereviſia equalis ſit cereviſiæ, que datur ad S. Mariam. In

Feſto S. Martini inter galloſ & gallinaſ duodecim unicuique.

In jejunio unicuique Becharium (b) unum de piſiſ ad duos dieſ, & cotidie Allecia (c) & quinque ratices. De Porro (d) quoque, quantum vir unus ambab꿿 manib꿿 poteſt comprehendere.

Hæc autem ſunt convivia. *Primum* in Feſto S. Severi. *II.* in Feſto omnium Sanctorum. *III.* in Nativitate S. Martini. *IV.* V. & VI. in Natali Domini. *VII.* in Circumciſione. *VIII.* in Epiphania. *IX.* in Natali S. Severi. *X.* in Purificatione S. Mariæ. *XI.* in Quinquageſima. In ſecunda feria unum caſeum, & X. ova unicuique, ſimiliter & in tertia feria. *XII.* convivium in die Palmarum. *XIII.* in Cæna Domini, præter mandatum (e). *XIV.* XV. & XVI. in Paſcha. *XVII.* in Aſcenſione. *XVIII.* XIX. & XX. in Pentecoſten. *XXI.* Natali S. Johannis Baptiſte. *XXII.* in Dedicatione Monaſterii. *XXIII.* in Feſto Apoſtolorum Petri & Pauli. *XXIV.* in Aſſumptione S. Mariæ. *XXV.* in Natali ej꿿. *XXVI.* in die S. Michaeliſ.

In unoquoque autem convivio IV. fercula. Primum Saſſamentum (f). *II.* H h h h 3 Pul.

(a) *Sicalum, Sigala, Sigale*: vox triſaria apud *Du Freſne Tom. 6. edit. Pariſ. pag. 482.* unaqueſlibet panib꿿 noſtriſ accommodata. Uti 1) *Sicalum*: frumentum, ordeum, ſpelta, avena, ſiligo, ſeba, cicere. Eſſent igitur panes de ſariis ex frugum genere vario compoſiti. 2) *Sigala*: *Ciron. Navalic.* Non ſunt nobiſ amplius præter quinque modia ſigalæ, & tria ſextaria tritici. 3) *Sigale*: in vita *Aldrici.* Debetur inde de paſſione inter frumentum & ſigale modii XXXIV. Quæ ultima denotatio præ cæteriſ videtur aptior, quod accedant ad nigredinem, qui ſequitur, litteræ contextuſ, ſuiſ indicat.

(b) *Becharium*: Inſtrumentum ad formam caliciſ. Germanice: *Becher*, ſpecies menſuræ liquorum.

(c) *Allecia*: in ſingulari *Alece*, pro *Halec*, Piſciculuſ ad ſaſſamenta idoneuſ. *Du Freſne Tom. I. pag. 303.* (Haleceſ)

(d) *Porro*: Alinum.

(e) *Mandatum*: Ablutio pedum, quæ ſit in Cæna Domini; cum ſcilicet Choruſ cantat illud Chriſti: *Mandatum novum do vobis.* ubi cruſtali (Oblaten) cum vino diſtribui ſolent, non modo præſentib꿿 ex officio Clericis, ſed & ſpectatorib꿿 laiciſ; in parvuloſ hinc inde amygdalæ & id genus bollaria ſparguntur.

(f) *Saſſamentum*: vox, tam ſaſſam carnem, quam piſcem admiſcentem.

Pulmentum (g), ita ut in duas capetas (b) dividatur gallina. III. due carnes ealide, cum porro & hancicis. IV. Affatura, & de cerevisia bona ad hec convivia, quantum fratres voluerint. In die S. Walburgis duo Camifalia (i) unicuique, aut VII solidos pro illis. In Festo S. Marie unicuique Phaltinam (k) unam, quæ valeat XXX. denarios, & in fine illius duos denarios alligatos (l) & duo tunicalia (m), que inter fratres circum-eant, quorum utrumque valeat III. solidos. In Festo S. Michaelis unicuique II. pelles ovinas ad calceos. In Festo S. Martini II. foccos de cocto. (n) In Festo S. Thome duo plaustra lignorum.

Hujus cyrographi series definita est, precipiente, & confirmante eam Venerabili Moguntine Ecclesie Archi-Episcopo, & Apostolice Sedis Legato ADELBER-

TO presentibus & consulentibus Episcopis, Domino BRUNONE Spirensi (o) & Domino BUCONE Wormatiensi. Preposito quoque S. Marie Embrichone, aliisque illius Ecclesie Canonicis: Decano Dirolto, Scholastico Arnoldo, Cantore Erwino, Archi-Presbytero Gelberno, Adelgero, Hilterico, Theoderico, Walterico, Adelgero.

Quod pene pretermisum fuit, de vino sic convenimus, ut Prepositus suis & sumptibus, & cultoribus vineam excoletet, & dimiditatem fratribus daret.

Data in Erpesfort. VII. Kal. Octobr. Anno incarnationis Dominice MXXI. Indi. XIV.

(Impressum juxta cernieut Adelberti Archi-Episcopi Sigillum)

- (g) *Pulmentum*: vox veteribus cognita, sed sequiori ætate maxime in regulis Monasticis usurpata, ubi pro quovis oblatio accipitur. *Du Fr. Tom. 5. pag. 971.* Pulmentum dabimus salsum, assum, vel coctum; - Ovis, cerebrum, piscem tenerum &c. Pulmentum vero ex mediæ qualitatis materia, ut ova, pulres, olera; quibus in mentum allitus est gallus, quod videlicet pulmentum unus illorum arrepto cultello, ut rhus est, in frusta dissectum.
- (b) *Capetas*: in duas æquales partes gallinam dividi vult, unamquamque in Capeta, sive Scutella apponendam. Providebit Cæsararius (in Refectorio) Scutellas, Scyphos & Capetas. *Du Fr. Tom. 2. pag. 238.* subdens, Capeta videri idem ac *Capis*: quod aliquin connexitatem cum re gallinaria habent, patet ex analysi pag. 244. ad d. vocabulum *Capis*: Accipiunt ova Gallinarum & rumpunt ea, & in cacia, vel capice lignea, aut terrea, quæ tamen sit flagrata, ponunt ea, sed in rumpendo ovo, remouent fumantem testæ ovi. Nec errare putaverim: Capeta fuisse scutellam, ferculo ex gallinis unice destinatam.
- (i) *Camifalia*: Camifale, interula, interior tunica, hoc est, Supparum, quod vulgo dicitur Camisa. Ex *Isidorus*: Camisas vocamus, quod in his dormimus in *camis*; id est, in stratis nostris.
- (k) *Phaltina*, sive *Cappa tunicata*: respectu mulierum *Faile* vocatur, vestimentum scilicet, quo caput & totum corpus vice pallii operiunt.
- (l) *Denarios alligatos*: hos cum in Glossariis quaesiverim frustra, sic interpretari licet de modico pecunie, seu denariis, qui in Phaltinam, & in finem illius, subintellecto inferne, sive in phaltinæ Sunara (secundum mirabiles veterum mores) alligari poterant, & ex obsoleta isthac consuetudine derivari reor, quod etiamnum *Bamberge* Canonici ac Vicarii summe ædis cuilibet *bini* distribuuntur denarii, involuti linteo, filoque confusi, quos proin denarios alligatos non absone dixeris, in iisque memoriam veterum illorum alligatorum, conservatam.
- (m) *Tunicalia*: Clericorum vestis propria, variz significationis.
- (n) *Soccus de Catto* (non de corio) Soccus sive calceus, ea figura, ut distingat talum. *Item*: Succi non ligantur, sed tantam intromittantur. Cotto, *alias*: culcitrum indignant. *Rufus*: Conum, vel Coopertorium de grossis ovium pelibus, & panno grosso coopertum. *Du Fr. Tom. 1. pag. 1131.* Ut dicam, quod est, calceamentum hyemale.
- (o) *Brunone Spirensi* fuit Adelberti Moguntini Frater. *Note hæc sunt Clm de Gudemur.*

Ex Tomo I. Codicis Diplomatici de Gudemur.

SYNO:

SYNODUS MOGUNTINA

ANNO CHRISTI MCCXXVII.

SIGEFRIDI Pronuntiatio super bonis Ecclesiarum Advocatiis.

Abbeida Tom. III. pag. 526.

IN NOMINE PATRIS, ET FILII, ET SPIRITUS SANCTI. AMEN.

SIFRIDUS, DEI GRATIA, SANCTE MOGUNTINE SEDIS ARCHIEPISCOPUS.

Requiritum est a Nobis in Synodo Moguntina per sententiam generalem, si Advocatus alicujus Ecclesie bona, in quibus ipse jus obtinet Advocacie, jure possit hereditario possidere? Nos igitur univerforum, qui ad Sanctam Synodum convenerant, freti consilio sententionando dicimus, quod nullus laicorum in bonis Ecclesiasticis jus hereditarium poterit obtinere, in quibus ipse

ejusdem Ecclesie extiterit Advocatus. Sententiam igitur coram Nobis in Synodo Moguntina latam, & ab omnibus approbaram, per Archiepiscopatum nostrum precipimus inviolabiliter observari.

Datum anno Dominice Incarnationis MCCXXVII. Pontificatus vero nostri anno XXVI.

De Gudenus Cod. I. Diplom. pag. 493.
N. CXG.

CONVENTUS APUD NORTHUSEN

ANNO CHRISTI MCCXXXIX.

SUMMA. Tractatus sollemnis inter Ducem Brunsvicensem OTTONEM, & Archiepiscopum SIFRIDUM.

Abbe Tom. III. pag. 562.

DEI GRATIA OTTO DE BRUNSWIC DUX.

Hec est forma compositionis & Unionis, qua cum Venerabili Domino SIFRIDO Archiepiscopo Maguntinensi in concordiam ducti sumus.

Recepit siquidem Nos Archiepiscopus in Devotum suum & filium adoptivum, & porrexit Feoda illa Nobis & heredibus nostris, que Avus noster HENRICUS Dux Saxonie bone memorie tenuit ab Ecclesia Maguntina, collationem suam in pagina sua protestans, de his Nobis, & heredibus nostris sicut de jure, & ubicunque debet, Warandiam prestiturus.

Bonorum autem illorum suorum, que Urbere vulgariter nominantur, & libere sibi vacant, & maxime bonorum Advocatiarum in Heiligenstet, Geismere, & Northese Advocatiarum jura sibi libera remanebunt. Item promisit Nobis ad stare in justa causa nostra contra omnes, preter quam contra Imperium & Archi-

Episcopum Coloniensem, ac preter illos, quos salvo honore suo non poterit impugnare.

Unde Nos donationem Ecclesiarum in Homburg & Bursfelde cum proventibus & pertinentiis earumdem, infeodatis sive liberis; decem quoque Ministerialium nostrorum, quos inter mares & feminas inter Renum & Wyltram eligendos duxerit: illam inquam donationem sibi & Ecclesie Maguntinensi olim anno gratie MCCXXXIII. factam a Nobis, nostra pagina renovamus, & quod fecerimus legitime, protestamur. Renuntiavimus etiam Advocacie in Geismere, quam de jure debuissimus habuisse.

Sed & vicissitudine digna promissimus ei & Ecclesie Maguntine in justis causis

causis suis assistere, & servire contra omnes, Imperio tamen excepto, & eis quos honore nostro salvo, nec debemus, nec possumus impugnare. Si vero de aliquo nostro homine, qui est juris & potestatis nostre, querimoniam Nobis moverit Archi Episcopus, Nos eundem infra sex septimanas post querimoniam Nobis factam, offerimus ei vel ad satisfactionem, vel secundum gratiam, aut iustitiam responsurum. Quod si facere non poterimus, erimus Adjuvatores ejus contra illum turbatorem suum, donec satisfecerit habundanter, in gratia vel in jure. Hec autem confederatio inter Nos inita & firmata durabit inviolabiliter decem annis.

Ut autem omnia hec, sicut ordinata provide sunt, & gesta per viros providos & fideles, semper maneant inconvulsa, ea pagina nostra presenti, sigillo nostro munita, duximus. roboranda cum eorum testimonio, quorum nomina sunt subscripta.

Venerabilis C. *Hildensemensis* Episcopi. G. de Jaza. H. de Heiligenstat, & R. Sancti Cyriaci in Brunswic.

Prepositorum, & Magistri M. Sco-
lastici Hildensemensis.

Laicorum vero :

Heinrici de Stalberg, Comit. *Frederici* de Honstein, Comit. & *Godefridi* de Cigenhagen, Comit. *Hermani* Advocati de Cygemberg. *Hermani* de Uslaria. *Ernsti* de Uslaria. *Godefridi* Mariscalci de Biegen, *Heinrici* Pincerne de Appolde. *Heiderici* Vicedni de Kusteberg. *Bernardi* de Dorst. *Jordani* Dapiferi. *Willerici* Mariscalci. *Juliani* Pincerne. *Anthoni* de Heimburg. & aliorum quamplurium.

Acta hec sunt apud Northusen Anno gratie M.CC.XXXIX. Datum apud Heiligenstat XVI. Kal. Julii.

† Sigillum OTTONIS Ducis de Brunswic. in forma magna Leonem exhibens.

De Gudenus Cod. I. Diplom. pag. 552.

CONCILIIUM PROVINCIALE MOGUNTINUM

ANNO CHRISTI MCCXLIII. VII. Kal. Julii,

Abbasdem Tomo III. pag. 569.

*Deciditur Controversia de Proedria Suffraganeorum Eysteten-
sis Ecclesie, contra Hildensemensem, Paderbornensem, & Wor-
matensem, ejusdem Ecclesie Suffraganeas.*

Est impressum Tom. III. pag. 569. omissa hac Prefatione, ex Clmo Gudenus suppleta.

SCire debent univerſi, quod Beati Bonifacii egregii Confessoris Xpi, & Patroni Sancte Ecclesie Moguntine, tempore eo, quo eandem Ecclesiam regerat, B. Willibaldum Confessorem Xpi, cujus Avunculus erat, & quem tenerrime diligebat, Eystetenſi Ecclesie Pastorem prefecit. Quae Ecclesia, cum esset satis honeste per Beatum Willibaldum cooperante sibi Sancto Bonifacio glorioſe fundata, & dotata, & nomen Principatus glorioſe poterat, tum in rebus, tum in honore obtinere; B. Bonifacius ob dilectionem S. Willibaldi Eystetenſem Ecclesiam magnam volens sublimare, & honorem ejus augmentare, cum ipsam

prae ceteris Ecclesiis, quae ejus Metro-
poli ſuberant, diligeret; de consilio ſuo-
rum Suffraganeorum, & accedente ſui
Capituli consensu, de conscientia, &
omnium Ecclesie Moguntinae Ministe-
rialium & Vassalorum indicto ad hoc
Concilio in eadem Ecclesia, de Domini
Papae tunc temporis consilio, concien-
tia & permissione, Beatum Willibaldum,
& Ecclesiam suam Eystetenſem, & om-
nes ejus in dicta Ecclesia successores
Episcopos, prae omnibus ſuis Suffra-
ganeis, & eorum Ecclesiis primum post se,
in honore, in Sessione, & ejus Ecclesiam
in perpetuum fore, pronuntiavit:

Et Ecclesia Moguntina Pastore va-
cante,

cante, vel Episcopo in Provincia non existente, vel eadem Ecclesia in discordia manente, quod Sanctus Willibaldus, & ejus Successores in omnibus, medio Tempore, donec Ecclesie & ejus Episcopi status reformaret in melius, dictam Ecclesiam nominibus regere deberet imposterum, & gubernare. Quæ

ordinatio per Papam tunc temporis est confirmata, & privilegiata, & in Ecclesia Moguntina in antiquis libris illius Ecclesie est conscripta. In quo vero jure & honore, Ecclesia Eysthetensis & ejus Episcopi, ab illis temporibus, quo ordinatio facta est talis, & erat, sine omni quievit contradictione. *Cetera l. cit.*

CONCILIIUM MOGUNTINUM

ANNO CHRISTI MCCLXI.

*Sententia Excommunicationis adversus SOPHIAM Brabantinam,
& Filium ejus HENRICUM.*

Alde Tom. III. pag. 596.

IN NOMINE DOMINI. AMEN.

NOS WERNHERUS, DEI GRATIA, ARCHIEPISCOPUS
MOGUNTINUS.

Quia nobilis mulier Domina *Sophia*, nata *Eliabeta*, relicta quondam Ducis Brabantie, & natus ejus, qui se nominat *Laudgravius Thuringorum* nostre Diocesis terras, possessiones, villas, jurisdictiones, & munitiones, que temporibus pie memorie Patris nostri, Domini SIFRIDI Archiepiscopi Moguntini, tertii Predecessoris nostri, ceperunt Ecclesie nostre vacare per mortem quondam *Henrici, Landgravi Thuringorum*, in Romanorum Regem electi, eo quod Rex ipse decessit absque herede, de jure capaci feudorum suorum, detinent injuriose: & per singulos Predecessores nostros, ac etiam per nosmetipsos moniti abundanter & sepe, quinimo propter hoc per D. GERHARDUM, Archiepiscopum Ecclesie Maguntine, tandem excommunicati & interdicti, sicut notum est, & nulla potest tergiversatione celari, non curant ipsi Ecclesie nostre restituere, & satisficere de dampnis & injuriis irrogatis; auctoritate ordinaria in scriptis excommunicamus eam, & ipsum natum suum, & omnes auxiliatores eorum. Singula quoque loca,

in quibus de jure, vel facto jurisdictionem exercent, Ecclesiastico subicimus interdicto, precipientes ipsas excommunicationis & interdicti sententias usque ad satisfactionem condignam ab omnibus inviolabiliter observari.

Actum in Concilio Moguntino, Anno Domini M.CC.LXI. feria quarta post octavam Pasche.

Nos *Eberhardus*, D. G. Wormatiensis, *Heimicus*, Spirensis, *Waltherus*, Argentinenfis, & *Iringer*, Herbipolensis, Episcopi, Suffraganei Ecclesie Maguntine testamur, quod Reverendus Pater & Dominus noster, Dominus *Wernherus* Archiepiscopus Maguntinus, presentibus Nobis & Prelatis plurimis in Concilio Moguntino, auctoritate Sedis Apostolice contra Tartaros specialiter convocato, suprascriptas excommunicationis & interdicti sententias protulit, viva voce & in scriptis.

*De Gudenus Codice I. Diplomatico
No. CCIC. pag. 680.*

DIGRESSIO AD SÆCULUM XIV.

- §. I. *Canonistæ Germani hujus Sæculi.*
- §. II. *De Fratricellis & erroribus circa pauperum cibum male intellectam ortis.*
- §. III. *De Beghinis & Begardis.*
- §. IV. *De Pseudo-Episcopis Livonia.*
- §. V. *De fæta Flagellatorum.*
- §. VI. *De hæresi Lollardorum.*
- §. VII. *De erroribus Eckardi.*
- §. VIII. *De instituto Fæsto Latæce & Clavorum ab Innocentio VI.*
- §. IX. *De duobus Bullis Clementis V. contra Henricum VII. novam revocatis.*
- §. X. *De duplici gladio ante Bonifacium VIII. a magnis Canonistis & Cœlis-
tis usurpato.*

§. I. De Canonistis Germanis Sæculi XIV. ab anno MCCC. ad MCCCC.

ETIAM Authores, qui materiam Juris ci-
vilis vel Canonici hoc Sæculo tracta-
runt, sub hoc nomine non citantur,
sed sub nomine Historiographorum, Mora-
listarum, Glossatorum Gratiani, Summu-
larum peccatorum, Confessariarum; reapse
tamen tractant materiam juris Canonici pro-
priam, maxime circa discrimen potestatis
Imperialis & Pontificiæ, jurisdictionis Epi-
scopalis & Parochialis supra mendicantes &
regulares Ordines. Sic ergo

Imus. ENGELBERTUS, Abbas Ad-
montensis Monasterii, Ord. S. Bened. in Stir-
ia, exunte Sæculo XIII. & hoc nascente
florens, testibus Trithemio, Posslevino, &
Perzio: inter varii generis libros, ab ipso
editos, ad nostrum forum spectant:

1. *Tractatus de initio, progressu, & fine
Imperii Romani.*
2. *Poema Epicum in laudem Rodulphi Im-
peratoris.*
3. *Institutio Principis Christiani.*

Iludus. HENRICUS STERO, Mona-
chus Altahensis, Ord. S. Benedicti:

Scriptit *Annales a primo Anno Friderici
Barbarossæ, seu 1152. ad electionis Ro-
dulphi I. annum 1273.* deinde: *Histo-
riam Rodulphi Habsburgici, Adolphi
Nassovici, Alberti Austriaci ad annum
1305, continuatam a duobus Mona-
chis.*

Illudus. EBERHARDUS, ex eodem
Monasterio Altahensi, Archi-Diaconus Ra-
tisonensis.

Continuavit *Annales Steronis.*

IVus. SIGEFRIIDUS, Misenensis, ex
Ordine FF. Prædicatorum: scripsit
*Chronicon ad ann. 1307. exorsus ab orbem
dita. aciebat Pistorius.*

Vtus. PETRUS de Saxonia, Ord. Mi-
norum, in sacris Scripturis eruditus, in Jure
Canonico nobiliter versatus, circa ann. 1319.
floruit, teste Eysengreinio. adita ab hoc sunt

Summa Cœsum: opus insignis & utile
Confessoribus, ait Trithemius de Script.
Eccles. *Wadingus Script. Ord. Mine-
rum.*

Vltus. SIBERTUS de BEKA, Teuto-
nicus Geldriensis, Ord. Carmelit. Scripsit
præter alia

1. *De Confessoris novi juris.*
2. *Super Regulam Ordinis Carmel.
Lucius Biblioth. Carmelit.*

Vllmus. JOANNES, natus Friburgi in
Briggoia, Dioc. Basileæ, Ord. Prædicator.
Concionator tantæ fæmæ, ut ipso Bononiæ
contra usuras prædicante, populus omnes
usurarios ex urbe eiecerit. Obiit An. 1314.
VI. Idus Martias, postquam resignato Epi-
scopatu Olmæ in Hungaria, recieit ad Con-
ventum suum. Scripsit

1. *Registrum, sive Tabulam Alphabeticam
tam super textum summa Raymundi
de Pennafort, quam super Apparatum
Guillelmi Redonensis, ex eodem Ord.
Prædicatorum.*
2. *Quæstiones casuales, tam super casus con-
tentos in summa Raymundi, quam
non, vel minus plene contentos: dein-
de super aliis materiis excerptas &
dispositas tum Alberti Magni Responsi-
onibus Episcopis, tum S. Thomas, tum
Innocentii V., sive Petri de Tarentasia,
denum ex F. Ulrico, & summa Gos-
fridi, & ex summa D. Ebradunensis.*
3. *Summam Confessorum.*
4. *Manuale collectum de summa Confessorum.*
5. *Confessionale.* Ex hoc curioso opusculo
lego ritum faciendæ confessionis fide-
lium Sæculi XIV. nam

Lutherus sub nomine *Licentii Evangelii*, aut Lutheri rogatu Beatus Rhenanus Selektidienfis curavit opus precipuum Marfilii imprimi anno 1522. hoc titulo:

Defensor Pacis tribus diffinitionibus, seu partibus distinctus, ad Ludovicum Bavarum scriptus circa A. MCCCXXXIX. in Fol.

Recusus in 8vo Francofurti An. 1592. a Francisco Gomanbrugenfi.

Recusus iterum a Goldasto in Folio in Monatchia Imperii A. 1612.

Alia Marfilii Menandri opera:

De Translatione Imperii a Græcis ad Francos, a Francis ad Germanos, & de institutione Electorum.

Consultatio de divortio Joannis Filii Regis Bohemæ a Margarita Ducissa Carinthiæ. In quo Tractatu conatur stabilire jus Principum in Matrimonium. Et hic Tractatus a Joanne XXII. prohibetur.

Utrum Marfilius Patavinus, & Joannes de Janduno ante mortem revocarint suos errores, nescio. Michael de Cæsena, & alii fratres ejus, Monachii residentes, devoti olim Ludovico Bavaro, ablegarunt ad Capitulum Generale Ordinis Minorum an. 1348. Veronæ, pro exoranda absolutione a Censuris. Guillelmus Occam, unus e precipuis Ludovici defensoribus, qui & Generalis Ordinis fuerat, misit ad Generalem Ordinis Sigillum, quod hæcenus apud se servavit, & simul libellum supplicem ad Papam pro se & fratribus poenitentibus. Papa, Brevis ad Generalem Ordinem scripto, eadem committit facultatem absolvendi ab Censuris præscripta formula, qua abjurarent errores, hæcenus pertinaciter propugnatos. Bulla Papalis data est 8. Junii A. 1349. At Michael Cæsensis jam Monachii mortuus erat anno 1343. 29. 9bris.

Vide *Wadingi Annales Minorum ad h. a.*

Contra Marfilium Patavinum, extat Bulla anni 1327. citatoria ejusdem & damnatoris errorum, uti & Joannis Janduni, vel de Janduno: errores hi enumerantur a Pontifice, ipsisque, ut hæresiaris, cum poenis infligi solitis in hæreticos, attribuuntur, data Avenione X. Kal. Novembris, anno Pontificatus Joanne XII.

Bulle ejusdem meminit ex Italis Joannes Turrecremata, ex Hispanis Alvarus Pelagius, ex Germanis Albertus Pigicus, Doctor Coloniensis, Præpositus Ultrajectensis, qui pleno volumine Marfilii errores confutavit & debellavit. Bullam eandem recudit *Dunmout Tom. I. pag. 21. Corporis Diplom. & Lang Spicil. Ecclis. Tom. I. N. 363.*

Anno 1328. attentata fuit Papæ Joannis XXII. condemnatio per Ludovicum Augu-

stum hortatoribus Marfilio & Janduno, quorum afflicti Pontifici errores recitat, & refutat *Reynaldus* ad annum 1328. a No. 12. ad 15.

Anno 1328. sacra Ascensionis die 5. Maji Ludovicus Augustus aliud insaudum facinus attentat: Petrum de Corbaria, ex fratribus Minoribus, Antipapam eligit, creant, coronat: creantur pseudo-Cardinales. An. 1336. ipse Ludovicus Augustus literas cum Legatis misit ad Papam Benedictum XII, per quos reconciliari desiderat Ecclesiæ: præterita detestatur: erroribus Marfilii & Janduni ab Ecclesiis damnatorum remittit.

Refert has Literas ad h. ann. *Reynaldus* expansus.

XI. LUDOLPHUS DE BABENBERG, Juris Ecclesiastici & Civilis callentissimus, Joannis Andreæ Bononiensis discipulus, magno Procerum consensu eligitur Episcopus Bambergensis xxvii, anno 1352. ab Innocentio VI. Avenione confirmatus & consecratus: eximia cum laude prudentiæ & sobrietatis Diocesan gubernavit: in Moguntino Conventu Episcoporum, & Procerum anni 1353. luxum vestium in Clericis damnavit. Anno 1363. morbi dolore confectus mortem obiit, obvirtutis & doctrinæ summæ Cæsari, Imperio, & omnibus gratissimus. Scripsit

1. *Tractatum de jure Regni & Imperii Romanorum*, Balduino Archi-episc. Trevirensi inscriptum: quem librum ad fidem antiquorum codicum integritati suæ restitutum, cum notis *Marquardi Freheri* edendum curavit *Marthius Berniggerus* Argentorati MDCLXIV. in 4to.

In eo libro masculè tueretur Jus Augustum & Regium citra columnas in Papam, aut detrahenda jura Sedis Apostolicæ: præclare omnia probet ex Historicis, ex corpore Juris Canonici & Cæsarei.

2. *Tractatum de Peterum Germania Principum & Regum liberalitate erga Ecclesiam*, Dicitur Rudolpho, Saxonie Duci. *Cl. Ludewig ex Annalibus Bambergensibus Hoffmanni.*

XII. PETRUS DE PALUDE, Burgundio, Ord. Prædicatorum, perillustri gente sanus, in Orientem profectus fidei propagandæ causa, redux fuit nominatus Patriarcha Hierosolymitanus. Mortuus Parisiis ultima Januarii an. 1341. Præter Theologica scripsit ex Jure Canonico:

1. *Tractatum de causa immediata Potestatis Ecclesiæ*: in quo agit de potestate Petro & Apostolis attributa: de ea, quæ Papæ, Episcopis, & Curatis rebyteris competi.

2. *Træ*

2. *Traſlatum de paupertate Chriſti & Apoſolorum.* Contra Michaelē de Celiſia MS.

XIIIus. JORDANUS Saxo de Quedelimbürg, ex Ordine Eremitarum S. Auguſtini, mortuus circa A. 1380. *Dupius* in Bibliotheca nova Auzorum Eccleſiaſticorum eidem a quibusdam attribui dicit

Chronicon tranſlati Imperii Romanorum in Germanos, impreſſum Baſilæ anno 1559.

XIVus. GERARDUS MAGNUS, (Germanice *De Groot*) Daventriæ natus A. 1340, abſolutis in Sorbona Pariſina ſtudiis, Ultrajecti Canonicus, & Aquigrani Præpoſitus fuit. Beneficiis his abdicatis, Fratres vitæ communis, ſeu bonæ voluntatis Daventriæ in Patria inſtituit, ſcholas latinas juventuti aperuit, verbi Divini præco zeloſiſſimus. Obiit A. 1384. 20. Auguſti: dignus, cujus vicem ſcriberet Venerandus Thomas de Kempis, ejusdem olim Alumnus. Scripſit per multos libros, quos *Miræus* in Bibliotheca Belgica recenſet. Ad iis hoc ſpectant

- De contritiſſimis & uſuris.*
De locutione curæ Poſtoris.
Traſlatum de paupertate.
Epistoſa de ſchismate ad Cantorem Pariſienſem.
Traſlatum de Beneficiis Curatis.
De regimine Monachiorum.
De gradibus Eccleſiaſticorum.
 Cætera aſctica, vel pro concionibus.

XVus. RADULPHUS DE RIVO, Tungrenſis eccleſiæ Docans, Theologiæ, Juris ſacri, & humaniorum literarum notitia penitior illuſtris, ſcripſit præter alia:

1. *De Canonum obſervantia*, ſæpe recuſum librum Colonie, Pariſis, Lugduni in Bibliotheca Pa.
 2. *De Pfalterio obſervando.*
 3. *Kalendarium Eccleſiaſticum.*
 Obiit anno 1403. IV. Non. Novembris.
Foppens in Bibliotheca Belgica.

XVIus. BERTAMUS, ex Ord. FF. Prædicatorum, Episcopus de Theſſis, Vicarius Pontificalis Episcopi Metenſis, mortuus A. 1387. ſcripſit

Traſlatum de ſchismate, dictum Canonis Archi-Epiſcopi Trevereniſi.

XVIIus. HENRICUS EUTA, vel OYTA, Profeſſor Viennæ in Aulſtria. Scripſit

Traſlatum de Contritiſſimis.

Studium Juris conſultis hoc Sæculo familiarē, & frequentiffimum erat, gloſſam, vel ſummarium ſcribere in collectis a Gratiano Decretales: item in libros V. Gregorii IX,

in ſextum Bonifacii, quibus adde Clementinas hoc ſæculo XIV. natus, & *Extravagantes*; Nullum un ſecundus fuerit Juris interpretibus, auctoribus, commentatoribus hoc noſtro ſæculo XIV: uti Theologi occupabantur in compendiis Magiſtri Sententiarum, vel gloſſis, ſcholiis in eundem ſcribendis.

§. II. De erroribus & hæreticis hujus Sæculi, ac primo DE FRATICELLIS.

JAm ſæpe monui, non omnes eos errores, qui etiam a maximis viis vocantur hærefes, & quorum autores dicuntur hæretici, hæreſiarchæ, eſſe hærefes vel hæreticos.

Ex celeberrimo Ordine S. Franciſci nonnulli ſuo in ſenſu abundantes, & Regule S. Franciſci circa obſervantiam voti paupertatis majorem & puriorem intelligentiam prætexcentes, adeo exorbitarunt, ut non tantum ſui Ordinis Superioribus, ſed & Summis Pontificibus, & Episcopis, ac Prælatiſ denegarent obedientiam, quia quod ſe illis omnibus perfectiores, ſanctiores, Evangelii obſervantiores exiſtimabant; notebant ſui ſubjici, & obedire.

PETRUS DE MACERATA, & PETRUS DE FORSEMARCONIO, Minores Fratres, hoc ſpiritu aſſiati, a Celeſtino V, qui Pontificatum abdicavit, & vitam æremiticam reſuſcepit, ſingebant ſibi datam ſacularem, vivendi vitam Eremiticam, & Regulam S. Franciſci ad literam obſervandi.

PETRUS JOHANNIS OLIVI, Minor Frater, Commentarium eodem tempore in Apocalypſin S. Joannis edidit, in quo eccleſiam Romanam, eique adherentes Episcopos veluti Babylonem carnalem, Chriſto adverſam, deſcribebat, prædicebat, hujus carnalis Babylonis finem inſtare: S. Franciſcum novam Babylonem ſpiritualem ædificaffe: ejus Regulam eſſe quintum & novum evangelium. Hoc auctore gloriantes, attentant, ſuum ſibi Generalem, ſuos Guardianos, ſua Monaſteria eligere, creare: reliquis omnibus denegare obedientiam. Joannes XXII, hos extravagantes & commenta Petri Joannis Olivi condemnavit.

Verum cum idem Joannes XXII, Ludovico Bavarico Imp. inſeſſus eſſet; hic itorum Fratrum, quos inter nonnulli eloquentes, acuti, & Pape adveſantes erant, agmine & libris ſtipante, eosdem protexit, Moſachii recepit, aſiit, & eorum ſententiæ calculum ſuum adject, non quod illam magnificeret, ſed ut Pape adverſandi anſam ſpecioſam prætenderet. Horum anteſignii erant

Guillelmus Occam, & ceteri supra nominati.

GERARDUS SAGARELLI Parmensis, post omnia bona sua in projecte vine & pudoris homines profusa, ad mendicantem redactus, eam exercuit, & vilissimorum hominum faciem sibi adiunxit: quibus perfudit Regnum Filii Dei, qui facit Sapientia Dei, jam finitum esse, Regnum vero Spiritus sancti, qui totus amor est, jam succedere, in quo omnia communia, usque ad feminas. Ex secta horum secta.

Anno 1305. in Comitatu Növariensi, Provinciae Lombardiae exorta est haeresis pessima, cujus auctor fuit quidam FRATER DULCINUS, Sagarelli discipulus, non Religiosus alicujus Regulae approbatae, sed lupus sub pelle ovina habitus Religiosi. Hic zizania disseminans in medio tritici pessimorum errorum, inter catecos asserens, quod omnia deberent esse communia, etiam mulieres ad commixtionem, quod quidem peccatum non esset, sed actus charitatis: quod Papa & Cardinales, ceterique Praelati ecclesiae non essent veri Pastores, cum non fervarent vitam evangelicam, sed ipse esset verus Apostolus Christi, dignus Papatu, cum pluribus aliis articulis falsitatis. Multos secum populares utriusque sexus, vilis tamen conditionis, ad illam haeresin attraxit, usque ad numerum quatuor milium, qui habitabant in montibus, & locis sylvestribus, ut animalia bruta. Cum deficiebant eis victualia, praedabantur undecunque habere poterant: tanquam omnia forent communia, per duos autem annos 1306. & 1307. permansit talis congregatio haereticorum.

Raynaldus ad hanc annum.

Anno 1308. Clemens Papa iussit adversus Dulcinum, eique adhaerentes *sacram militiam* cogi. Dulcini sectatores per Bohemiam virus suum sparsisse, narrat Raynaldus in *Annal. Ecclesiasticis*.

Praedicatores Fratres sub Episcopo Vercedensi crucem cum plena pccatorum indulgentia praedicabant, & exercitum magnum congregabant adversus Dulcinum, inter mortuina Novariae delitescentem: quem, unaque cum ipso CL. personas ceperunt, semi mortuos prae fame & frigore. CCCC. gladio interfecti.

Tandem per Curiam secularem facta executio. Margarita scortum Dulcini ante ejus oculos membratim concisa, dehinc & ipse Dulcinus membratim sectus, & utriusque ossa & membra igne exusta sunt eam quibusdam complicitibus pro merito seclerum, a Papa, Episcopis, & Inquisitoribus cognitorum: nec tamen perversum Dulcini dogma cum ipsius cineribus penitus est extinctum.

Hec ex MS. Vaticano, Martino Polono, Joanne Villano, S. Antonino, & aliis coarctis refert Odoarius Raynaldus in Annal. Ecclesiasticis ad annum Christi 1308. N. IX.

Vides hic Lector erudite, quam horrenda errorum monstra ex falso intellectu verborum Christi de paupertate eruperint in Italia, Gallia, Germania, incipiendo a medio Saeculi XIII. ad medium hoc XIV. Saeculum: & nisi Ecclesia invocasset brachium secularis Magistratus, chaos omnium bellorum, seditionum, praedarum, anarchia, sodomia, & nescio, quid non malorum, in mundum erupisset: quod quidem arma spiritalia, & Jurisdictionem ecclesiasticam pedibus calcabant, & anarchiam in humanum genus introducebant.

Anno 1321. iterum exorti sunt novi in Germania motus oberroneam paupertatis Evangelicae intelligentiam. Franciscus de Latta, Minorita Germanus, finxit se Prophetam esse, sibi Divinitus significatum, omnes Minoritas, qui Apostolicis privilegiis usi, paupertatis Franciscanae acerbiterem mitigarent, letali peccato devinctos teneri; se vero a Christo constitutum, ut Minoritarum disciplinam pristino splendore restitueret: praecipiebaturque sodalibus, ut Praefulum suorum jugum excuterent. Addebat vir insanus, dictis suis obtemperandum, idque a Christo imperatum: in eoque prorupit vesanius; ut dicta sua tanquam oracula promulgaret, quorum specimen ex Vaticano MS. communicavit Raynaldus n. 19. *Annalium Ecclesiasticorum Tomo XV. pag. 217. & seqq.* In civitate Spirensis ecclesiis, ostiis, & portis similia usura.

PAGI Judicium de voto Paupertatis Minorum.

Cum anno 1322. Fratres Minores sub Michaele Caesare, Ministro Generali, PERUSII Capitulum Generale celebrarent: tractata in eo controversia, declaratum est ab eis, inherere se Decreto Ecclesiae Romanae per NICOLAUM III. Cap. EXIIT promulgato, & per ipsum JOANNEM XXII. in *Decretali: QUORUMDAM EXIIT*, commendato: quo Nicolaus determinavit, Christum, & Apostolos nihil jure proprietatis, & Domum, seu juris proprii, neque in speciali, neque in communi habuisse. Hancque propositionem non esse haereticam, sed sanam, catholicam, & fidelem. Duplices ea de re Capitali Perusini literas ex Alvaro Pelagii de planctu Ecclesiae Lib. 2. Cap. 62. refert Wadingus, datis Idibus Julii ejusdem anni, quas reliqui fere omnes Magistri Theologiae ejusdem Ordinis in Anglia, & ubique locorum approbant, & confirmant, dival-

divulgatis scriptis addentes, paupertatem Fratrum Minorum majoris esse perfectionis, quam aliorum mendicantium, propter abdicatam Dominium, nec nisi solum nudum usum eis exemplo Christi reservatum. In quo sane damnanda erat illorum Minorum audacia, qui controversiam in Sedis Apostolicæ discessione tunc temporis actū pendentem præjudicare ausi sunt adversus ipsammet Nicolai III. constitutionem, qua se tueri profitebantur: in ea enim dixit Nicolaus: *Si quid penes aliquem in his ambiguitatibus emergerit, ad culmen prædictæ Sedis Apostolicæ deducatur; ut ex Auctoritate Apostolica, sua in hoc manifestetur intentio; cui soli concessum est in his statuta condere, & edita declarare.* Unde Michæle Casenate exauctorato, Geraldus eorumdem Minorum Minister Generalis creatur: illius & aliorum Fratrum audacia & temeritatem castigat in *Tractatu, quem ex MS. Bibliotheca Vaticana, laudat Ostorius Raynaldus, ejusque fragmentum describit anno 1322. Num. 35.*

Hæc cum Joannes Papa intellexisset; eodem anno, sexto Idus Decembris, quoad paupertatem Fratrum Minorum Constitutionem edidit, quæ incipit: *AD CONDITORUM CANONUM*, & extat inter *Extravag. Tit. De verborum significatione*, quæ declaravit, Decretalem EXIIT, qua Nicolaus III. Dominium & proprietatem rerum tam in comuni, quam in speciali Fratribus Minoribus abrogaverat, simplicem duntaxat usum fuisse eis reliquerat, Dominio ac proprietate Ecclesiæ Romanæ servatis, non intelligi de rebus, quæ usu consumuntur; in quibus Dominium illud ipsi restituit, ac prohibet ipsorum Procuratoribus, ne Sedis Apostolicæ nomine cuiquam litem inferrent, rescisso quo ad hoc MARTINI QUARTI privilegio. "Quis sane mentis credere poterit, inquit inter alia Joannes XXII. in sua Constitutione, quod intentio fuerit tunc patris, (scilicet Nicolai III.) unius ovi, seu casei, aut frustis panis, & aliorum usu consumptibilium, quæ fratribus ad consumendam e vestigio conferuntur, Dominium Romanæ Ecclesiæ, & usum fratribus retinere?" Renunciavit itaque Dominio illi peculiarium rerum, quæ penes Minores habebantur, aut illis offerbantur, prohibuitque eis amplius habere Syndicos, aut procuratores, qui nomine Sedis Apostolicæ res illas exigerent, aut curarent.

Postea alia Constitutione edita IV. Idus Novembris anni 1324, inhibuit: ne quis contra definita, ordinata, seu facta per ipsum, verbo, vel scripto, scienter approbet aliquid, vel defendat. Si quis vero contra præsumpserit, tanquam contumax, & rebellis Romanæ Ecclesiæ ab omnibus habeatur.

Quod attinet ad questionem *De Christi, & Apostolorum paupertate*, Joannes papa post accuratissimum ejus examen, pridie Idus Novembris anni 1323. Constitutionem edidit, quæ etiam extat inter *Extravag. Cap. Cum istis nonnullis*, quæ hanc propositionem: *Christus & Apostoli in speciali non habuerunt aliquam, nec in communem*; ejusque assertionem pertinacem, erroneam & hæreticam declaravit, eo quod sacre Scripturæ contraria esset: nec non & illam, quæ quis pertinaciter affirmare auderet, *Christum, & Apostolos in iis, quæ ipsos habuisse sacra Scriptura testatur, nequaquam jure ipsis utendi, seu consumendi, aut ea vendendi, seu donandi, vel ex ipsis aliis acquirendi habuisse.* Hæc Joannis XXII. Constitutiones, cum Michael Casenas Minister Generalis, aliisque quidam Minorum pertinaciter oppugnaverint, Joannes nova Constitutione IV. Idus Novembris anni 1324. ut jam dixi, edita, quæ incipit: *Quia quorundam mentes*, superiores Constitutiones vindicavit, & confirmavit, & ab omnibus tanquam hæreticos haberi ac vitari iussit eos, qui verbo, vel scripto defendere, vel approbare proscriptam illam propositionem præsumerent; *Quod Christus, & Apostoli, in iis, quæ habuisse leguntur, tantum habuerunt absque jure aliquo, simplicem usum fuisse.* Ex quo, inquit, si verum esset, sequeretur, usum Christi fuisse non justum, quod blasphemiam continet. Extat hæc Constitutio inter *Extravag. Tit. De verborum significatione*. Ceterum de contradictione, quæ videtur esse inter Constitutiones Joannis XXII. & Nicolai III. *De paupertate Christi & Apostolorum, ac Fratrum Minorum* legendi Bellarminus Lib. IV. de Romano Pontifice Cap. 14. Wadingus, Raynaldus in *Annalibus*, & Pagi in *Breviario Chronologico* &c.

§. III. De Begginis & Begardis.

Vox Beghina diversimode a diversis scribitur etiam ab iis, qui Sæculo XIV. de ipsis agunt. Aliis scribitur Begina, aliis Beggina, aliis Beguina. Rursum Begardi aliis audiunt Bogardi, Beguardi &c. cujus diversitatis id esse videtur fundamentum, quod illorum fundatricem quidam esse velint sanctam Beggam, Pippini Lundensis filiam, & Sanctæ Gertrudis sororem, quæ Sæculo VII. floruit in Brabantia: alii vero insinuant eorum auctorem fuisse contendunt piū quendam Sacerdotem Leodiensem, qui Lambertus le Begue (quia balbus erat) de S. Chrilophoro dicebatur.

A S. Begga sua illos nomina accepisse, verosimile non videtur, tum quod ante Sæculum XII. nulla Beghinarum, nulla Begardorum

dorum reperitur mentio: tam quod fundata a S. Begga Ecclesia instituta fuerit pro Sanctimonia libus Canonissis; Beghinarum autem, de quibus hic agimus, vivendi ratio longe diversa fuerit a Regulæ & Instituto Sanctimonia libis & Canonissarum. Nam

1. Non tenebantur una simul domo cohabitare;
2. Ordinariis loci, vel Parochis, vel alteri spirituali Directori parebant.
3. Nullum certum ad habitum adstringebantur; ceteri plerique griseum vel nigrum eligerent, certe modestum, ab omni pompa & luxu remotissimum,
4. Nullum votum, ne continentie quidem edere cogebantur, multo minus perpetuitatis, cum de suo viverent: adeoque longissime aberant a Fratricellis, pauperibus de Lugduno &c.

Auctores coevi & suppetes apud *Chapevillanum* L. 1. *Episc. Leodiens.* pag. 128. libum institutionem adscribant Lamberto le Begue, qui sæculo circiter medio duodecimo floruit: cujus a cognomine mulieres & puellæ, quæ caste vivere proponebant, Beguines gallice cognominantur, inquit *Ægidius Aurea vallis Monachus in Episcopis Leodiensibus* C. 52.

Illud certum, Beghinas, Begardosque nulli Regulæ vel Monachorum, vel Sanctimonia libis, nec veteri Augustinianorum, aut Benedictinorum, nec recentiori mendicantium alligatos fuisse; sed vitæ genus honestum & ab Ecclesia permixtum duxisse: nec Ordinem specialem constituisse, sed Beghinæ singula sua & constitutione vel arbitraria, vel ab aliis libere accepta vixisse.

Certum præterea, non omnes in Germania, Belgioque Beghinas, aut Begardos illis imbutos fuisse erroribus, quos Clemens V. papa Viennensi in Concilio jure reprobavit, adeoque nec omnes sub eadem damnationis sententia fuisse contentos, nec omnium & singulorum vivendi institutum fuisse ab Ecclesia prohibitum. Declarat hoc satis *JOANNES XXII. PP.* his verbis: *Tir. de Religios. domib.* "Sane per prædicta (scilicet) minime contra statum Beghinarum prohibere nequaquam intendimus, quin si fuerint aliquæ mulieres, quæ promissa continentia, vel etiam non promissa, honeste in suis conversantur hospitibus, penitentiam agere voluerint, & virtutum Domini in humilitatis spiritu deservire; hoc eisdem liceat." Certe mulieres quandoque in ædibus parentum, alias in communi domo simul habitantes, continentium servantes [cum, vel sine voto continencie, aut obedientie] vitam honestam ducentes, Ecclesiis devotæ frequentantes, Diocesanis locorum, vel Parochis, vel alteri Directori spirituali obediens, has Joannes XXII. Cle-

mentis V. Successor, non solum Clementina Constitutione non dampnatas affirmavit, sed commendavit potius, eorumque curam locorum Ordinariis commisit, ut constat ex *Petro de Herentalis Canonico Pramonstratensi in ejusdem Joannis XXII. sexta vita apud Baluzium*, in qua ipso initio, postquam locutus est de Constitutione Clementis V., quam mox afferemus, hæc subdit: Quam constitutionem moderando revocavit Joannes Papa per unam, quæ incipit: *Relata ratio non patitur, ut innocentes ad paria cum nocentibus judicentur*: Ubi sermo est de Beguinis innocentibus, quarum institutum adhuc durat tam in Belgio, quam Leodiis, & quæ illud profitentur, possunt ad nuptias transvolare. De his sine cubio loquitur *Continuator Guillelmi Nangii*, qui ad annum 1317. scribit, Beguinas, non obstante condemnatione status earum, processu temporis invaluisse: cum melius longe sit, eas sic esse, quam laxatis habitibus in sæculi pompis & vanitatibus evagari: inter ipsas etiam sunt multæ bonæ, & religiosæ personæ, & inter ipsas exercentur opera pietatis.

Quod igitur nonnulli & nonnullæ tum Beghinarum, tum Begardorum, ab *Alvaro Pelagio*, aliisque Sæculi XIV. Scriptoribus relictæ, magnos illos a Clemente V. recensitos errores adoptaverint: quod illi, illæve, tum Fratricellis, tum Pauperibus de Lugduno, tum Sæculariis aliis se se immiscuerint, non communis istud institutum, sed private horum malicie vitio imputandum est: quod autem a multis Beghinarum & Begardorum status, cum Fratricellorum, FF. spiritualium, aliorumque fecis hujusmodi sectis, promiscue confundatur, manifestus error est, a nobis minime imminendus.

Quod Sæculo XII. XIII. XIV. Leodiæ Coloniz, & in Belgio primæ ac plurimæ Beghinæ, tum etiam Begardi fuerint, non negamus: Hæreticos fuisse, saltem omnes, prorsus negamus.

Ut porro appareat, quam fædi ac enormes damnatarum Sæculo XIV. Beghinarum, Begardorumque errores fuerint, quam alieni ab honesto aliorum Beghinarum Instituto; ipsum Clementis V. Bullam in Concilio Viennensi datam subjicimus.

BULLA CLEMENTIS V. Qua in & cum Concilio Viennensi damnat sectam Beguardorum & Beguinarum in Alemannia: erro-

res earum enumerat, excolet Episcopos
ad eos coercentos.

A. C. MCCCXI.

AD nostrum (qui desideranter in
votis gerimus, ut Fides Catho-
lica

lica nostris prosperetur temporibus, & pravitas hæretica de finibus fidelium extirpetur) non sine duplicentia grandi pervenit auditum, quod secta quædam abominabilis, quorundam hominum malignorum, qui *Begardi*, & quarundam mulierum infidelium, quæ *Beguina* vulgariter appellantur, in Regno Alemanniæ (procurante satore malorum operum) damnabiliter insurrexit: tenens & asserens doctrina sua sacrilega, & perversa, inferius designatos errores: *Primo* videlicet, quod homo in vita præsentis tantum & talem perfectionis gradum potest acquirere, quod reddetur penitus impeccabilis, & amplius in gratia proficere non valebit: nam (ut dicunt) si quis semper posset proficere, posset aliquis Christo perfectior inveniri. *Secundo*, Quod jejunare non oportet hominem, nec orare, postquam gradum perfectionis hujusmodi fuerit assecutus: quia tunc sensualitas est ita perfecte spiritui & rationi subiecta; quod homo potest libere concedere corpori, quidquid placeat. *Tertio*, Quod illi, qui sunt in prædicto gradu perfectionis & spiritu liberatis, non sunt humanæ subiecti obedientiæ, nec ad aliqua præcepta Ecclesiæ obligantur: quia (ut asserunt) ubi Spiritus Domini, ibi libertas. *Quarto*, Quod homo potest ita finalem beatitudinem secundum omnem gradum perfectionis in præsentis assequi, sicut eam in vita obtinebat beata. *Quinto*, Quod quælibet intellectualis natura in se ipsa naturaliter est beata: quodque anima non indiget lumine gloriæ, ipsam elevante ad Deum videndum, & eo beate fruendum. *Sexto*, Quod se in actibus exercere virtutum est hominis imperfecti, & perfecta anima licentia a se virtutes. *Septimo*, Mulieris osculum (cum ad hoc natura non inclinet) est mortale peccatum: actus autem carnalis (cum ad hoc natura inclinet) peccatum non est, maxime cum tentatur exercens. *Octavo*, Quod in Elevatione Corporis JESU CHRISTI non debent assurgere, nec eidem reverentiam exhibere; asserentes, quod esset imperfectioris eisdem, si a puritate, & altitudine suæ contemplationis descenderent, quod circa Ministerium seu Sacramentum Eucharistiæ, aut circa Passionem humanitatis Christi aliqua cogitent. Nonnulla etiam alia sub simulata

Tomus IV. Concil. German.

quodam sanctitatis specie dicunt, faciunt, & committunt, quæ oculos Divinæ Majestatis offendunt, & grave in se continent periculum animarum. Cum autem ex debito commissi Nobis officii hujusmodi sectam detestabilem, & præmissos ipsius execrandos errores (ne propagentur ulterius, & per eos corda fidelium damnabiliter corrumpantur) extirpare ab Ecclesia Catholica necessario habeamus; Nos SACRO APPROBANTE CONCILIO, sectam ipsam cum præmissis erroribus damnamus, & reprobamus omnino: inhibentes districtius, ne quis ipsos de cætero teneat, approbet, vel defendat.

Eos autem, qui secus egerint, animadversione Canonica decernimus puniendos. Porro Diocesani, & illarum partium Inquisitores hæreticæ pravitatis, in quibus *Begardi*, & *Beguina* hujusmodi commorantur, suum officium circa eos diligenter exerceant, inquirentes de vita & conversatione ipsorum, qualiterve consentiant de articulis Fidei & Ecclesiæ Sacramentis: in illos vero, quos culpabiles reperirent (nisi abjuratis sponte prædictis erroribus penituerint, & satisfactionem exhibuerint competentem) debitam exerceant ultionem.

Clementinarum Lib. V. Tit. III. De hæreticis Cap. III.

Status præsens Begbinarum & Begardorum.

EXTANT Treveris, Aquisgran, Coloniae fratres Begardi, Beggardi variis inflexione nuncupati, qui iidem & Alexiani (Coloniæ ob reliquias S. Alexii in eorum Oratorio asservatis) & alumni S. Joannis de Deo nuncupati volunt: omnes hi viri ante annum 1300. Begardi vocabantur, & erant. Sorores autem Beghinæ pauperes Susestrinæ vocabantur, quia manuum labore, & stipendiis, ob obsequia moribundis & mortuis exhibita se nutriebant.

Nunc communi vocabulo *Celita* nominantur, & licet olim a variis impognati, interventa tamen Civitatum Germaniæ, Episcopis Diocesaniis, & Pontificibus Romanis commendati fuere, & ab his defensi, data eisdem Regula S. Augustini: unde Coloniae ab Episcopo, vel Nunno Apostolico, antea Patri Priori FF. Crucigerorum, nunc Eremitarum Augustinianorum Provinciali, qua Commissario & Visitori, subiecti sunt.

Anno 1473. Festo S. Antonii, Cellitæ

K k k k

Colo-

Colonienses præscriptam ab Ordinario Professionem ex Sixtina Bulla, ceu religionis susceptæ Sacramentum ediderunt. Fæminæ Cellitisæ intra Coloniam sex Conventus habent, nunc Religiosæ, Regulam S. Augustini professæ: invitatae & rogatae, erga stipendium serviunt ægrotis juvandis. Bagardi autem Coloniz omnia cadavera ex lege publica tumulant.

Ægid. Gelenius de Coloniz magnitudine L. III. Syntagmate LI.

Status Beginarum in Belgio.

Certum est, in Belgio Beghinarum curias sive Beghinagia hoc Sæculo, imo jam inde a Sæculo XIII. valde florere laude disciplinæ, & Catholicæ Fidei sub Episcoporum tutela. D. Petrus Coens, S. Th. Licentiatum, & Canonicum Antverpiensis, anno 1629. edidit *eruditam Disquisitionem historicam de origine Beghinum, & Beghinagiorum Belgii*, Leodii impressam. Epitomen do:

1. S. Begga præter Monasterium Andanense non fundavit Beghinagium.
2. Ante A. 1170. nomen *Beghine* nullibi notum fuit.
3. Leodii primum Beghinagium fundatum fuit circa A. 1173. Nivellense circa A. 1207. Lovaniense A. 1234. Theonis ante A. 1400. Tencramundæ 1223. Antverpiæ A. 1230. &c.
4. Episcopi Leodienses & Cameracenses primi eas adoptarunt, leges præscripserunt: aliæ leges ab aliis Curatis vel presbyteris date.
5. plurimæ Virgines inde a temporibus Apostolorum continentiam servarunt, media via inter Monasticam, Eremiticam, & sæcularem, quæ omnes possent Beginæ dici, licet sic non fuerint dictæ ante Sæculum XII.
6. Multi Papæ & Episcopi has in Sæculo servantes continentiam, seorsim domi suæ, vel gregatim habitantes, sine vel cum votis, laudarunt, approbarunt, docuerunt.
7. Nullum Concilium damnavit Beghinas vel Bogardos, nisi eos, qui errores a Clemente V. damnatos, tuebantur.

§. IV. De Pseudo-Episcopis circa annum MCCCXI. per Livoniam grassantibus.

Reperti sunt in Germania nonnulli, qui cum sacris Pontificalibus initiati non essent, agebant Episcopos, seseque sacris

muneribus ingerebant; de quibus graves querelas afferente apud Sedem Apostolicam, Friderico Rigenfi Archi-episcopo, CLEMENS V. Joanni Bremenfi, & Magdeburgensi Archi-episcopis, atque Alberto Capellano Pontificio partes demandavit, ut temerariis hominibus, qui non electi, non confirmati a Sede Apostolica, non consecrati, Episcopale munus sibi arrogarent; judicium intenderent, atque excurrende quatuor mensium spatio in Romana Aula ad causam dicendam se siltere juberent. Ad pietatem vero in Livonia amplificandam, quam illi impostores extinguere moliebantur, eidem Friderico Rigenfi Archi-episcopo egregie in viros religiosos, quorum consuetudo ad infideles ad Christum pelliciendos, & fideles bonis moribus excolendos plurimum valebat, affecto, ac Successoribus auctoritatem concessit, ut Prædicatoribus ac Minoritis in singulis urbibus ædes constituere permitteret.

*Odoricus Raynaldus Annal. Ecclesiastic. Tom. XV. ad ann. 1311. n. 71.
Ex Libro VI. Epistol. Clementis V. 207.*

§. V. De secta Flagellantium,

Quæ in Digressione ad Sæculum XIII. §. XIII. diximus summarie de Statu sectæ Flagellantium: hic pro hoc Sæculo XIV. integram damus ex Trithemio.

Circa hæc tempora (a) surrexit nova quædam secta, *Flagellatorum* (b) nuncupata, cujus auctores de Ungaria venientes in Germaniam, & Italiam, multos novitate sua infecerunt. Incedebant medio corpore nudi, caput operientes caputio, pileoque; a lumbis autem deorsum linea camisia pudibundis operimentum præstabant. Cum incederent alio tempore, quo se flagellare non solebant, nigro utebantur habitu, crucem ante & retro portantes albi coloris assutam. In sinistra manu crucem gestabant ligneam, & in dextera flagellum, quod nodos in extremitate ternos habebat, quibus aculei de ferro erant infixi. His se se flagellis publice in Ecclesiis, & extra, cunctis inspectantibus usque ad effusionem sanguinis sub prætexu poenitentiz sæpius flagellabant, deinde in modum crucis prostrati super terram orationem Dominicam orabant, & maximam coram omni populo devotionem mentis in Deum ostendebant. Multa & magna devotionis exercitia falsa sub specie faciebant poenitentiz, quam ipsi non ex judicio Sacerdotum, sed propria sibi assumptione imponebant, carmina in lingua materna canentes, quæ

(a) *Trithemius in Chronico Hirsaugiensi ad annum 1348. initium refert. Chronicon Coloniense & plerique cœvi ad ann. 1349. adscribunt.*

(b) *Vocantur & alio nomine Fratres Crucis, Kreuzbrüder, quia & lava manu crucem, & in vestibus ante & retro signum Crucis albi coloris portabant.*

que puritati Ecclesiasticæ traditionis ut plurimum erant contraria. Circumierunt per civitates, oppida, & villas: *Præcipuum unum* cum vexillo crucis, & duos *Præceptores* sequentes, quorum iussu obstricti erant in omnibus. Neminem in suum recipiebant consortium, nisi prius iurasset: (c) "omnia se ita ut eorum sectæ firmiter observatum, haberetque tantundem substantiæ temporalis, quod quatuor *denarios Wirttembergenses* pro suis expensis quotidie potuisset exponere, quia non mendicabant publice, vel occultim;" Divites tamen pauperibus humiliter subvenire carabant. Erant in ea secta multi claustrales *Ordinum Mendicantium*, Sacerdotes quoque seculares, nobiles, cives, viri, & mulieres, qui omnes summa turmatim incedentes, mundum in stuporem verterunt, & brevi tempore valde multiplicati creverunt, multos paucum secum in errorem pravam ducentes. In *Suevia* compositis hanc sectam acceperunt quidam claustrales mendicantes, Sacerdotes, laici, viri, & mulieres, numero ducenti, unum inter se Principem, & duos habentes Magistros, quorum præceptis obtemperabant.

Venerunt de *Suevia* processionaliter ad *Spiram*, & majus templum ingressi, ceremonias & flagellationes cum orationibus cunctis mirantibus suo more pericrucerunt. *Spirenses* autem cum novitate rei, tum religionis intuitu, eo quod plures etiam nobiles ex eis novissint, misericordiam, in eos exercere volentes in domos suas hospitalitatis gratia invierunt, & tam subito a civibus omnes rapti fuerunt de plateis, ut ex templo, qui invitare pergeret, nullam inveniret, essentque receptores, quoniam qui recipere multo plures, *Spiram* exantibus supra centum e civibus se illis coniungunt, quos tamen in societatem eorum noluerunt recipere, nisi præstito prius de articulis & ceremoniis eorum firmiter servandis iuramento, haberetque de propria substantia sua quilibet singulis diebus in sumptus communes quatuor denarios exponere.

Cum venissent ad *Argentoratum*, ubi tunc erat CAROLUS IV. Germanorum Rex, tantus eorum fuit numerus, ut certo minime possit aestimari. *Carolus* autem Rex videns, quemadmodum omnes sicut pecora transierunt in unum, Religiosos mendicantes & Sacerdotes ex eis separavit, interdicens illis, ne promiscuis turbis immiscerentur, sciens fortassis, sectam non bonis principiis subnixam.

Anno autem *Richardi Abbatis* (1348) secunda die mensis *Maj* magna Flagellatorum multitudo ex *Polonia*, *Mysia*, & *Thuringia* cum crucibus & vexillis processionali-

ter intravit *Herlipolim*, & ibidem trihuo permanserunt. Verum quia nimium quotidie multiplicabantur, nec poterant eos capere urbes, ut simul incederent, in plures se turmas diviserunt, quorum alii *Saxoniam*, alii *Marchiam*, alii *Bohemiam*, alii *Austriam*, atque alii *Ungariam*, nonnulli ad *partes Rheni*, *Moguntiam*, *Coloniæ*, *Trevirorum*, & *partes Gallie* cum Ducibus singulis atque Magistris intreverunt.

Anno etiam præscripto venerunt in *Avenionem*, ubi CLEMENS tunc Pape Sextus cum Cardinalibus suis morabatur, Flagellatores studiose immitti ad explorandum, quid de illa secta, Apostolici sentiret Ecclesiæ. Intrantes autem turmatim Ecclesias suo se more flagellabant publice, orabant in modum crucis prostrati super terram, & magna poenitentiae signa multipliciter ostendebant, in tantum, quod non solum cives, sed etiam Cardinales in stuporem verterunt. Et multis quidem notabilibus viris placuit eorum conversatio, Pape vero, cum esset vir undecunque doctissimus, rem alius considerare cepit, & mentis deliberatione in secreto cordis sui præhabita, sub excommunicationis sententia prohibuit, ne deinceps se se publice flagellarent. Non placuit Cardinalibus ista prohibitio, qui sectam illam putabant sanctissimam, & ideo se Pontifici fortiter nonnulli ex eis opposuerunt. Verum Pape in suis peritis sententia sectam illam sub anathematis vinculo damnavit. Quod videntes Principes sectæ magno timore percussi sunt, & in paucis diebus penitus evanuerunt. Tandem Pape in suam sententiam revocatis Cardinalibus, omnibus Archiepiscopis, & Episcopis scribens per Apostolica scripta mandavit, quatenus sæpe dictam Flagellatorum sectam in suis Diocesisbus extinguerent, Sacerdotes & Claustrales, qui hæc hæresi fuissent infecti, carceribus manciparent, tenerentque captivos, donec aliud ab eo reciperent in mandatis, sicut patet in ipsa literis, quas misit ad GERLACUM, Archiepiscopum Moguntinam, & ad alios Episcopos Germaniæ, quarum tenorem his inferere utile iudicamus.

BULLA CLEMENTIS VI. contra Flagellatores.

CLEMENS EPISCOPUS, SERVUS
SERVORUM DEI, VENERABILIBUS FRATRIBUS ARCHIEPISCOPIS, EORUMQUE
SUFFRAGANEIS, SALUTEM ET
APOSTOLICAM BENEDICTIONEM.

Inter sollicitudines innumeras & immensas, quibus ultra vires Apostolicæ

(c) *Idem præsens iuramentum iis, qui recipi ad societatem Flagellatorum volebant.*

Tonus IV. Concil. German.

K k k k 2

ficæ servitutis debito perurgemur, illud cōrdi nostro potissimum inhiidet, & ad hoc attritus studia nostra convertimus & conatus, ut apud omnes Christiani nominis Professores fides orthodoxa fulgeat, sanctorum Patrum doctrina splendeat, & sic Catholicæ & Apostolicæ Ecclesiæ Romanæ Religio sine cuiusquam simulationis, seu velaminis pallio pure & inviolabiliter observetur: quod a vinea Domini Sabaōth, cuius cura & custodia Nobis licet immeritis est commissa, vepres & urticæ tam periculose, quam damna biliter succrescentes evellantur, & vulpeculæ, quæ ipsam demoliri (a) nituntur, per Apostolicæ Sedis curam & providentiam abigantur.

Sane molesta Nobis, licet fide digna magnorum relatio & multorum assertio, nostrum & Fratrum nostrorum non mediocriter turbavit auditum, quod in partibus Regni Germaniæ & ei convicinis quædam sub prætextu devotionis, & agendæ penitentiae vana religio & supersticiosa adinventio procurante satore malorum operum surrexerit, per quam prophana multitudo simplicium hominum, qui se *flagellantes* appellant, decrepta verbis fictis, atque mendacibus malignorum, assentientium, Salvatorem nostrum Hierosolymis Patriarchæ Hierosolymitano apparuisse (cum tamen a longis circa temporibus nullus ibidem præsentialiter fuerit Patriarcha) & sibi aliqua dixisse, quæ colorem veritatis non habentia, nec saporem, quibusdam Sacra Scripturæ auctoritatibus obviare nescuntur, in illam cordis vesaniam est deducta, & in animæ præcipitationem acta, atque de die in diem suggestionibus hostis antiqui se, ut dominicum grægem devoret, *transferentis in Angelum lucis*, (b) nimium succrescendo deduci (cortina trahente cortinam) periculosus formidatur, quod se per societates & conventicula (licet caudas invicem colligatas habeant) dividentes, diversas circumeunt patrias; cæterorum hominum vitam & statum condemnando, se iustificunt. Claves Ecclesiæ vilipendunt, ac in in contemptum disciplinæ Ecclesiasticæ, habitum certum, nigrum videlicet, ante & retro ipsius vivificæ crucis impressum habentes signaculum, sine Superioris licentia deferentes, sub nomine penitentiae gerunt,

& alias in causa insolita congregationes, conventicula, & coadunationes, quæ a jure sunt prohibita, faciunt, & ad alios actus prosiliunt, a vita & moribus, observantiaque fidelium Christianorum penitus alienos. Ordinationes etiam & statuta, quibus utuntur, imo verius abutuntur, propria temeritate fecerunt, erroris suspitione non vacua, & iudicio rationis carentia. Sed ex eo tam pro Deo, quam hominibus odiose per amplius turbamur, acerbiusque & durius anxiamur, quod quidam religiosi, præsertim de ordinibus mendicantium, qui alios revocare debuerant, & ad viam reducere veritatis, & ab utero Matris Ecclesiæ veluti maledictionis filii nequiter aberrantes, linguas suas, ut alios pertrahant in errorem, acuunt, quibus corda debilia vulnerant, & ignorantes Dei Justitiam, suæ propriæ innitentes prudentiæ, dum legi Domini, nolunt esse subiecti, aliis in persuasibilibus humanæ sapientiæ verbis prædicando & dogmatizando contra Ecclesiæ libertatem & fidei Catholicæ puritatem, ab ipsa veritate abducere moliantur: quod eo faciunt efficiacius, quo conceptum virus latenter effundunt, blandis prius sermonibus auditores, quasi bonum vinum prius ponendo, satagunt irretire, & cum inebriati fuerint, illud, quod est, deterins, cum ipsis in perditionis laqueum incidunt, & in profundum malorum pariter immerguntur.

Nos igitur tam pernicioso & periculoso principio, per quod ultra Divinæ Majestatis offensam, magnum etiam reipublicæ periculum & apud fideles scandalum generatur, ne deteriores processus pariat, & successus, obstare volentes, & considerantes, quod cum plerique ex ipsis, seu adhaerentes eisdem, sub pietatis colore ad impietatis opera laxantes crudeliter manus suas, Judæorum, quos pietas Christiana retinet, & sustinet, offendi eos aliquatenus non permittens, & frequenter etiam Christianorum sanguinem effundere, & oportunitate captata bona Clericorum & laicorum diripere, & suis usibus applicare, ac Superiorum jurisdictionem usurpare & ad multa alia illicita erumpere minime vereantur.

Timendum est, ne tam præsumptuosa

(a) Cantic. II, 35.

(b) II. Corinth. XI, 14.

tuosa temeritas & temeraria præsumptio, nisi ei perfolubri antidoto occurratur, paritura sit non levem perniciem, nec sine aliquorum morborum lethali contagio, properans in plurimos, sero recipiat medicinam.

Attendentes insuper, quod error, cui non resistitur, quodammodo approbari videtur, & quod ex Officio Nobis in iuncto compellimur, ut quos per iter devium errando currere, & plures in præcipationem secum trahere percipimus, ac in dispersionem multarum gentium ambulare, revocando a devio, ut in viam veritatis & iustitiæ dirigant gressus suos, eisque providere per opportuna remedia studeamus. Fraternalitati vestre de fratrum nostrorum consilio per Apostolica scripta committimus, & districte precipiendo mandamus, quatenus vos & singuli vestrum in singulis civitatibus, vestris Diocesisbus per vos, seu alium, vel alios, ad inventiones huiusmodi, seu ritus prophanos (quos una cum societatibus, congregationibus, statutis & ordinationibus supradictis, qui se, ut præmittitur, *Flagellatores* appellant, temerarie attentatis, de eorundem fratrum nostrorum consilio perpetue prohibitioni subiecimus, & tanquam illicitos reprobavimus) auctoritate nostra reprobetis, in vestris civitatibus & Diocesisbus, reprobos & illicitos publice denuntietis, ac omnes tam Clericos sæculares, quam Regulares & laicos de prædicta superstitiosa secta, vel societate, *quocumque appellatur nomine*, existentes, vel eam sectantes, auctoritate prædicta monere & inducere studeatis ut ab huiusmodi observantia, secta, & nova religione totaliter desisterent, & resistere procurent. Quodque nullus deinceps prædictam sectam, seu conventiculum præsumat intrare, aut ritus & statuta societatum huiusmodi observare; contrarium facientes per censuram Ecclesiasticam coercendo, nec non eos, in quos temporalem iurisdictionem habetis per penas temporales, de quibus expedire videritis, appellatione postposita compellatis.

Sane ut Religiosi, & alii errorum Magistri, qui predicando & dogmatizando simplices decipiunt, & cæci ductum cæcis præbentes ipsos secum in

foveam trahunt, & si non Divino amore, saltem humana confusione a tam iniquo proposito revocentur, omnes & singulos cujuscunque sint Ordinis, Religionis, Præeminentiæ, vel status, quos in præmissis vobis constiterit deliquisse, capi faciatis; non obstante quocunque privilegio, vel indulgo (quod eis in nullo suffragari volumus) tam diu captivos detineatis, donec aliud a Nobis acceptis in mandatis, invocato ad hoc, si opus fuerit, auxilio brachii secularis.

Per prædicta tamen nequaquam intendimus prohibere, quin Christi fideles impositam sibi penitentiam, vel eam non impositam, dummodo recta intentione & pura devotione ad illam peragendam procedant, in suis hospitibus vel alias, abique superstitiosis congregationibus, societatibus, & conventibus supra dictis, possint facere, & se in bonis exercendo virtutum actibus, Domino, prout ipse inspiraverit, in humilitatis spiritu deservire.

Ceterum quia præsentis literæ nequeunt singulis vestrum propter locorum discrimina commode præsentari, volumus, quod per te, Frater Archiepiscopo, earum transumptum publicè manuscriptum, & tuo communium Sigillo vestris Suffraganeis transmittatur, cui adhiberi volumus plenam fidem; Datum Avenione XIII. Calend. Novemb. Pontificatus nostri anno octavo.

His literis Romani Pontificis Archiepiscopi, & Præsules Germaniæ susceptis, memoratam Flagellatorum sectam in suis Diocesisbus damnatam, superstitiosam, impiam, & reprobam a Rom. Ecclesia publice denuntiari fecerunt; & sub Censuris prohibuerunt gravissimis: spontanea voluntate penitentes de commisso errore, cum pietate receperunt ad gratiam; contemnentes vero mandatum Ecclesiæ, & in sui temeritate perdurantes, variis cruciatibus addictos, aut mori compulerunt, aut ad S. Matris Ecclesiæ Catholicæ redire uniterunt. Plures ea tempestare Clerici, Sacerdotes, atque Claustales de mendicantium Ordinibus, qui *Flagellatores*, aut *focii fuerunt*, aut Magistri, juxta Mandatum Papæ carceribus mancipati sunt, & quibus etiam nonnulli in vinculis obierunt. Duravit tamen Flagellatorum discursus in annum sequentem, & omnes deinceps evanuerunt.

Tribemius Chron. Hirsaugiensis Tom. II.
ad annum 1348.

K k k k 3

Pri-

Prima festa Flagellatorum anno MXL VII. alius MLVI. sub Petro de Honestis Damiani dicto exorta est, altera vero hoc seculo XIV. nullo certo Auctore circa A. MCCCXLIX.

§. VI. De Walthero Lollardo, (a) ejusque Sectatoribus.

ANNO MCCCXIX. quidam Hypocritæ Gyrovagi, qui Lollardi, sive Deum ludibantes vocabantur, auctore ac duce Lollardo Walthero, per Hannonium & Bathaniam quasdam mulieres nobiles deceperunt, ac dein foedissimis erroribus multas Germaniæ Provincias infecere.

Articulorum a Lollardis assertæ hæreses, *Trithemius* teste, *Primus* erat: Nullam vanitatem esse dicebant, & nullius vel reverentiæ, vel utilitatis.

II. Luciferum cum demonibus caelo injuria pulsatum dicebant, tandemque Beatitude cum omnibus suis restituendum: Michaelem & omnes Angelos æternis cruciatibus deputandos, hominesque ab eorum secta alienos similiter esse damnandos; unde cum se mutuo salutarent, dicebant: Salutet te injuriarum pulsus, id est, Lucifer.

III. Iste nefandissimus fuit: dicebant enim, Maria, si Virgo mansit post partum, non hominem, sed Angelum peperit.

IV. Dicebant, se duodecim habere Apostolos, qui totum Imperium singulis annis perlustrarent, & duos ex eis ordines, & professiones Seniores singulis annis paradisum intrare: potestatem ab Elia, & Enoch ligandi, & solvendi accipere, quam aliis communicarent in eadem secta constitutis.

V. Sacramentum Baptismi irridebant, dicentes: Si Baptismus est Sacramentum, ergo quodlibet balneum est Sacramentum, & per consequens quilibet balneator esset Deus.

VI. Sacramentum poenitentiae turpiter virabant, confitentes non Sacerdotibus, sed laicis in genere peccata sua, non speciem exprimentes, sperantes se ex hac confessione omnium peccatorum, & a poena, & a culpa remissionem plenariam recepturos.

VII. Sacramentum Dominici Corporis non credebant, Hostiam consecratam Deum fictitium appellantes.

VIII. Sacramentum quoque Matrimo-

nii juramentum meretricium in vulgari nuncupabant.

IX. Sacramentum extremæ Unctionis irridebant, & interrogari, super eo quid sentirent, unanimiter responderunt: nos credimus, olera quanto fuerint oleo plus condita, tanto esse meliora. Consecrationes Ecclesiarum, Cœmeteriorumque, & Benedictiones palmarum, solis, aquæ, & cereorum, quæ in Ecclesia sunt, nihil esse dicebant.

X. Item dicebant, Deum nec scire, nec punire mala, quæ sub terra fierent: unde in speluncis & cavernis subterraneis convenientes, pater cum filia, frater cum sorore, ac filius cum matre indifferenter turpitudinem carnis suæ exercebant.

XI. Romanam Ecclesiam non Christi, sed gentium infidelium esse dicebant, omniaque Statuta Ecclesiæ cum Prælati & Ministri ejus contemnebant.

XII. Jejunium irridebant, carnibus omni tempore, etiam in sexta feria Parasceves, vescabantur.

XIII. Dies festos non servabant, sed in die Paschæ laborabant.

XIV. Perjurium, dicebant, non esse peccatum.

XV. Merita, & intercessionem quorumlibet Sanctorum posse hominibus pro Deum præstare, Suffragia negabant.

Sed & alios complures Articulos profitebantur erroris, quorum prolixitas inferna his, inquit *Trithemius*, tedium lectoribus, ut vereor, generaret: adeo enim griffata sunt hæc hæresis, ut in Austria, Bohemia, finitimisque Provinciis plusquam octoginta millia hominum in eam sectam jurati & professi numerarentur.

Et infra: Multi eo tempore in Austria fuerunt in diversis locis combusti, qui omnes unanimiter in suis erroribus pertinacissime usque ad mortem cum magna hilaritate permanserunt: inter quos puella una speciosa, nomine Gisle, dum jam esset cremanda, interrogatur a Judice, si adhuc virgo? quæ coram omnibus respondit: super terram adhuc virgo sum, sub terra vero minime; credebant enim suavi, virgines sub terra non posse defflorari, etiam si a mille viris cognoscereantur, neque stuprum esse peccatum.

Gloriosi talibus Patriarchæ possunt hujus

(a) Lollardorum nefaria dogmata per Germaniam, Austriam, & Bohemiam sparsa fuisse, narrat Trithemius in Chronico Hirsaugiensi; Sanderus de visibili Monarchia: Ciesbrardus in Chronico: Hocsemius: coævas auctor Chronice Colonienfis Germanicæ. Una cum Beguardis, Lollardos emersisse sub Henrico VII. affirmat Odoricus Raynaldus Tomo XV. ad annum Christi 1318. v. 44.

Lollardorum nomen infame Wicleffitis, vulgo inditum fuisse, assertit Raynaldus ex eo, quod Walsinghamus Wicleffitas passim Lollardos fuisse vocatos scribat, sed Wicleffus post Lollardum vixit & erravit: Nos singulas hæreses loco & tempore suo discernimus.

jus Sæculi novatores, qui plura ab his veneranda haurere. Non tulit autem impune scelus sceleris Princeps Walterus, qui Coloniae exultus fuit. Anno MCCCXXII. (a) cum hæresim, quam scriptis propagarat, tueretur pertinaciter.

Odoricus Raynaldus in Annal. Ecclesiast. ad annum 1319.

(a) *Chronica Colonienfis ad ann. 1322.*

Tritheim. in Chronico Hirsaugensi ad eundem annum hujus Sæculi 22dum.

§. VII. D. Ekardo, Dominicano fratre, Coloniae primum, dein Romæ damnato sub vitæ finem resipiscente.

Emersit e sacra Prædicatorum familia blasphemus quidam Ekardus, (a) sacræ paginæ Doctōratus laurea donatus, & a Thaulero laudatus: qui cum errores sceleratissimos disseminaret, primum a Colonienfi Archi-Episcopo in quæstionem fidei vocatus fuit, tum causa ejusdem ad Sedem Apostolicam devoluta, cum iterum exerceri cœpisset, constitit tum utroque examine, tum Ekardi ipsius confessione, ipsum prædicasse, scripsisse, ac docuisse nonnulla, quæ cum Fide Catholica pugnant, & alia, quæ hæreses suspitione laborabant, ac propterea ex sacri Cardinalium Senatus consilio damnata fuere. Tum etiam Pontifex in eos omnes, qui eos errores pertinaciter tuerentur, quæstionem haberi iussit, injunxitque partes Archi-Episcopo Colonienfi; ut litteras Pontificias, quibus ii errores confutati erant, in Provincia sua promulgaret; ne inficerentur simplicium animi, iisque maxime, apud quos Ekardus, dum vivebat, errores fuderat.

JOANNES &c. AD PERPETUAM REI MEMORIAM.

Dolenter referimus, quod quidam his temporibus, de partibus Teutoniæ, Ekardus nomine, Doctōrque, ut fertur, sacræ paginæ, ac Professor Ordinis Fratrum Prædicatorum plura voluit sapere, quam oportuit, & non ad sobrietatem, neque secundum mensuram fidei, quia a veritate auditum avertens, ad fabulas se converterit; per illum enim patrem mendacii, qui se frequenter in lucis Angelum transfiguratur, ut obscuram, & tetram caliginem sensuum pro lumine veritatis effundat, homo iste seductus, contra lucidissimam veritatem

fidei in agro Ecclesiæ spinas, & tribulos germinans, ac nocivos carduos, & venenosos paliuros producere satagens, dogmatizavit multa, & fidem veram in cordibus multorum obnubilantia, quæ docuit, quam maxime coram vulgo simplici in prædicationibus suis, quæ etiam redegit in scriptis.

Ex inquisitione siquidem contra eum super his auctoritate Venerabilis Fratris nostri HENRICI Colonienfis Archi-Episcopi prius facta, & tandem auctoritate nostra in Romana Curia renovata, comperimus evidenter constare per confessionem ejusdem Ekardi, quod ipse prædicavit, dogmatizavit, & scripsit viginti sex articulos, tenorem, qui sequitur, continentes.

Articulus primus. Interrogatus quandoque, quare Deus mundum non prius produxerit, respondit tunc sicut nunc, quod Deus non potuit primo producere mundum, quia res non potest agere antequam sit; unde quam cito Deus fuit, tam cito mundum creavit.

Articulus secundus. Item concedi potest mundum fuisse ab æterno.

Articulus tertius. Item simul, & semel quando Deus fuit, quando Filium sibi coæternum, per omnia coæqualem Deum genuit, etiam mundum creavit.

Articulus quartus. Item in omni opere etiam malo, tam pœnæ, quam culpæ, manifestatur, & relucet æqualiter gloria Dei.

Articulus quintus. Item vituperans quempiam vituperio, ipso peccato vituperii laudat Deum; & quo plus vituperat, & gravius peccat, amplius Deum laudat.

Articulus sextus. Item Deum ipsum quis blasphemando, Deum laudat.

Articulus septimus. Item quod petens hoc, aut hoc, malum petit & male, quia negationem boni, & negationem Dei petit, & orat Deum sibi negari.

Articulus octavus. Qui non intendunt res, nec honores, nec utilitatem, nec devotionem internam, nec sanctitatem, nec præmium, nec Regnum Cælorum, sed omnibus iis renunciaverunt, etiam

(a) *Odoricus Raynald. Annal. Eccles. ad annum 1329, aliis scribitur Echardus.*

etiam quod suum est, in illis hominibus honoratur Deus.

Articulus nonus. Ego nuper cogitavi, utrum ego vellem aliquid recipere a Deo, vel desiderare: ego volo valde bene de hoc deliberare, quia ubi ego essem accipiens a Deo, ibi essem ego sub eo vel infra eum, sicut unus famulus, vel servus, & ipse sicut Dominus in dando; & sic non debemus esse in æterna vita.

Articulus decimus. Nos transformamur totaliter in Deum, & convertimur in eum simili modo, sicut in Sacramento panis convertitur in Corpus Christi: sic ego convertor in eum, quod ipse operatur me suum esse. Unum, non simile: per viventem Deum, verum est, quod nulla ibi est distinctio.

Articulus undecimus. Quidquid Deus Pater dedit Filio suo unigenito in humana natura, hoc totum dedit mihi: hic nihil excipio, nec unionem, nec sanctitatem, sed totum dedit mihi, sicut sibi.

Articulus duodecimus. Quidquid dicit Sacra Scriptura de Christo, hoc etiam totum verificatur de omni bono & Divino homine.

Articulus decimus tertius. Quidquid proprium est Divinæ naturæ, hoc totum proprium est homini iusto, & Divino: propter hoc iste hoc operatur, quidquid Deus operatur: & creavit una cum Deo Cælum & terram, & est Generator verbi æterni, & Deus sine tali homine nesciret quicquam facere.

Articulus decimus quartus. Bonus homo debet sic conformare voluntatem suam voluntati Divinæ, quod ipse velit, quidquid Deus vult: & quia Deus vult aliquo modo, me peccasse, nollem ego, quod ego peccata non commissem: & hæc est vera poenitentia.

Articulus decimus quintus. Si homo commisisset mille peccata mortalia, si talis homo esset recte dispositus, non deberet velle, se ea non commisisse.

Articulus decimus sextus. Deus non præcepit actum exteriorem.

Articulus decimus septimus. Actus exterior non est proprie bonus, nec Divinus: nec operatur ipsum Deus proprie, nec parit.

Articulus decimus octavus. Afferamus fructum actuum, non exteriorum, qui nos bonos non faciunt; sed actuum interiorum, quos Pater in nobis manens facit, & operatur.

Articulus decimus nonus. Deus animas amat non opus externum.

Articulus vigesimus. Quod bonus homo est unigenitus Filius Dei.

Articulus vigesimus primus. Homo nobilis est ille unigenitus Filius Dei, quem æternaliter Pater genuit.

Articulus vigesimus secundus. Pater generat me suum Filium, & eundem Filium: quidquid Deus operatur, hoc est unum, propter hoc generat ipse me suum Filium sine omni distinctione.

Articulus vigesimus tertius. Deus est unus omnibus modis, & secundum omnem rationem, ita, ut in ipso non sit invenire aliquam multitudine in intellectu, vel extra intellectum: qui enim duo vider, vel distinctionem videt, Deum non videt: Deus enim unus est extra numerum, & supra numerum, nec ponitur unum cum aliquo: sequitur, nulla igitur in ipso Deo distinctio esse potest, auxintelligi.

Articulus vigesimus quartus. Omnis distinctio est a Deo aliena, neque in natura, neque in personis probatur: quia natura ipsa est una, & hoc unum, & quælibet persona est una, & idipsum unum, quod natura.

Articulus vigesimus quintus. Dum dicitur: *Simon diligit me plus his?* sensus est, id est, plus quam istos, & bene quidem, sed non perfecte; in primo enim & secundo & plus & minus, & gradus est, & ordo. In uno autem nec gradus est, nec ordo: qui igitur diligit Deum plus, quam proximum, bene quidem, sed nondum perfecte.

Articulus vigesimus sextus. Omnes creature sunt unum purum nihil: non dico, quod sint quid modicum, vel aliquid; sed quod sint unum purum nihil.

Obiectum præterea extitit dicto Eckardo, quod predicaverat alios duos articulos sub his verbis:

Articulus primus. Aliquid est in anima, quod est increatum & increabile;

si tota anima esset talis, esset increata, & increabilis, & hoc est intellectus.

Articulus secundus. Quod Deus non est bonus, neque melior, neque optimus; ita male dico, quandocunque voco Deum bonum, ac si ego album vocarem nigrum. Verum Nos omnes supra scriptos articulos, per multos Sacre Theologiæ Doctores examinari fecimus, & Nos ipsi cum fratribus nostris illos examinavimus diligenter, & demum, quia tam per relationem Doctorum ipsorum, quam per examinationem nostram invenimus primos quindecim memoratos articulos, & duos etiam alios ultimos, tam ex suorum, sono verborum, quam ex suarum connexione sententiarum, errorem, seu labem hæresis continere; alios vero undecim, quorum primus incipit, Deus non præcipit &c. reperimus nimis male sonare, & multum esse temerarios, de hæresique suspectos, licet cum multis expositionibus, & suppletionibus, sensum Catholicum formare valeant, vel habere. Ne articuli huiusmodi, seu contenta in eis, corda simplicium, apud quos prædicati fuerunt, ultra inficere valeant, neve apud illos, vel alios quomodolibet invalescant; Nos de dictorum Fratrum nostrorum consilio præfatos quindecim primos articulos, & duos alios ultimos tanquam hæreticos, dictos vero alios undecim tanquam male sonantes, temerarios, & suspectos de hæresi, & nihilominus libros quoslibet, seu opuscula ejusdem Ekardi, præfatos articulos, seu eorum aliquem continentes damnamus, & reprobamus expressè: si qui vero eisdem articulos pertinaciter defendere, vel approbare præsumpserint, contra illos, qui prædictos quindecim articulos, & duos alios ultimos, seu eorum aliquem sic defenderint, aut approbaverint, tanquam contra hæreticos; adversus vero eos, qui alios dictos undecim articulos, pro utionant verba eorum, descenderint, aut approbaverint, velut contra suspectos de hæresi procedi volumus, & mandamus.

Porro tam illis, apud quos præfati articuli prædicati seu dogmatizati fuerint, quam quibuscunque aliis, ad quorum devenire noticiam, volumus notum esse, quod, prout constat per publicum instru-

mentum inde confectum, præfatus Ekardus in fine vite sue fidem Catholicam proticens, prædictos viginti sex articulos, quos se prædicasse confessus exitit, nec non quæcunque alia per eum scripta, & docta sive in scholis, sive in prædicationibus, quæ possent generare in mentibus fiddium sensum hæreticum, vel erroneum, vel veræ fidei inimicum, quantum ad illum sensum revocavit, ac etiam reprobavit, & haberi voluit pro simpliciter & totaliter revocatis, ac si illos, & illa sigillatim, & singulariter revocasset; determinationi Sedis Apostolicæ, & nostræ, tam iè, quam scripta sua, & dicta omnia submittendo. Datum Avin. VI. Kal. Aprilis. Pontificatus Nostri anno XIII.

§. VIII. De festo Lanceæ & Clavorum hoc Sæculo instituto.

ANNO 1354. INNOCENTIUS *Lanceæ & Clavorum Christi* in Bohemia, & Alenannia festum instituit, hac occasione: LUDOVICUS, Marchio Brandeburgensis, Ladovici Bavari, se pro Imperatore olim gerentis, Filius natus major, Carolo IV. Romanorum Regi, anno 1349. reconciliatus, tradidit Lanceam, Clavos, partem Crucis, & alia Insignia Imperialia, quæ a Patre habuerat, ut scribit *Joannes Nauclerus*; quæ distinctius explicans *Dubravus in Hist. Bohemorum Lib. 12.* ait: prædicta signa Imperialia fuisse gladium Caroli Magni, Lanceam Christi, dexteram portionem Sanctæ Crucis cum uno clavo, & mappa, qua ultima mensa Domini strata fuit, quæ Carolus in Bohemiam asportavit. Sed *Rehdorfer*, qui ea se vidisse, ait, in solemnitate Baptismi Wenceslai filii Caroli, qui anno 1361. ex Bohemia in Bambergensium Diocesim afferri jussisset, prædictis insignibus Imperialibus alia addit, ad eam annum scribens: "Intignia Imperialia, quæ tunc vidi, de quibus
" Papa festum indicit, sunt hæc: primum
" ferrum Lanceæ, quæ transfixit Latu Christi;
" Item Clavus cum aliquali petia ligati
" Sanctæ Crucis, quæ transfixit manum
" Christi: item gladius Caroli Magni, primi
" Imperatoris Romanorum, quem tunc Imperator tenebat in manibus, & corona,
" qua coronatus est in Imperatorem a Leone
" Papa III.: item gladius Mauritii Martyris:
" item petia Brachii Sanctæ Annæ Mariæ
" Mariæ Virginis, & dens Joannis Baptiste:
" item petia cordis, qua Christus fuit ad collam
" lammam ligatus: Spongia, qua fuit in
" cruce potatus; & alie plures Reliquie San-

"etorum." Sed vel fallitur, vel memoria labitur *Rebderfus* scribens: Papam de his omnibus Reliquiis Festum indixisse; nam *Auctor primæ vitæ Innocentii VI.* loquitur tantum de Lancea & Clavis Christi: Ad Caroli instantiam, *inquit*, dictus INNOCENTIUS Festum solenne ordinavit de Lancea & de Clavis Christi in Alamannia & Bohemia observandum, & colendum temporibus successivis. *Auctor etiam secundæ vitæ ait*: Ad petitionem Domini Imperatoris festum Lanceæ, & Clavorum Christi instituit per Alamanniam, & Bohemiam die Veneris post octavas Paschæ celebrandum. Et quidem recte, nam INNOCENTIUS in Diplomate, quod ad hujus festi institutionem dedit Avenione Idibus Februarii, anni secundi Pontificatus, seu anni 1354. quod extat apud *Raynaldum Num. 18.* meminit folius Lanceæ, quæ transfixum est latus Christi & unius ex Clavis, quibus cruci affixus fuit, indulgentiasque concedit iis, qui anquam visitaverint Ecclesiam, in qua Lancea & Clavis fuerint, in die Festi, seu feria sexta post octavam Resurrectionis Dominicæ.

Baronius ad annum MCCCCXXIX. agit de Lancea ex Christi clavis confecta, quæ dicebatur fuisse Constantini Magni, quamque Henricus Germaniæ Rex extorsit a Rodolpho Burgundiæ, & Italiæ Rege, quæ præeunte tam ipse Henricus, quam ejus Successor Otto, sæpius hoies fugarunt, *ut legitur in gestis B. Gerardi Abbatis Broniensis*, apud *Sirium* die 3. Octobris, & in *Luitprando Lib. 4. Cap. 12.* Addit *Baronius in hist. de gestis Angl.* post *Bedam Lib. 2. Cap. 8.* assertionem esse de alia lancea, quæ Caroli Magni fuisset, ferreturque esse eadem, quam Centurio lateri Christi impogisset. Sed Romani contendunt verum ferrum Lanceæ, quo Christus in cruce transfusus est, in Basilica Vaticana a populo Christiano inter alia Dominicæ Passionis Sanctissima monumenta coli, sicque illam Lanceam, quæ in thesauro Imperiali servabatur ex aliqua parte Clavorum Dominicorum, conjuncto alio ferro, eleganti opere elaboratam, dono traditam RODOLPHO Burgundiorum Regi fuisse, & a Rodolpho extortam ab Henrico Germaniæ Rege. . . .

Utrum Corona, de qua loquitur *Rebderfus*, fuerit illa, quæ Carolus Magnus coronatus est Imperator a Leone III, & diversa non sit ab ea, quam in capite habebat anno Millesimo, quando corpus ejus repertum fuit, divinari non potest. Ceterum Sanctum Ludovicum, Franciæ Regem, ferrum Lanceæ, quo Christus transfusus est, cum Spongia, quæ potatus est, una cum aliis pretiosis & sacris Reliquiis, quæ diversis credituribus, & diversis temporibus a Fran-

cis Constantinopoli imperantibus pignori obligata fuerant, BALDUINI II. Imperatoris Constantinopolitani consensu & voluntate redemisse, easque in sancta Capella collocasse cum Corona Christi spinea, Anno 1238. pluribus ostendit *Spondanus ad eum annum Num. 6. & seqq.* Pagi in *Breviario Historico Tomo IV. pag. 157.*

§. IX. De duabus Bullis Clementis V. ab Innocentio VI. revocandis, rogatu Caroli IV.

CAROLUS IV. Imperator anno 1359. *juxta Spondanum* binas CLEMENTIS Quinti Pontificis Constitutiones, quarum altera incipit: *Romani Principes*, quæ in corpus Juris Clement. Tit. De jurjur. & altera, quæ incipit: *Pastoralis*, quæ extat etiam in *Clementinis, Tit. De sent. & re judic.* Henrici VII. Imperatoris avi sui, cujus causa latæ fuerant, & aliorum antecedentium Imperatorum memoriam offuscare apud Innocentium Papam causatus, semel atque iterum rogavit eas revocare, missis ad hoc Archiepiscopo Pragenfi, & Episcopo Argentinensi, quod Innocentius, re cum Collegio Cardinalium communicata, non esse sibi integrum facere excusavit; eo quod fuissent illæ magna consilii deliberatione decretæ, & mature consideratæ, cæterisque Sanctionibus Apostolicis in corpore Juris Canonici adjunctæ; non tamen eo quod in *Synodo Generali Viennensi* mature consideratæ fuissent, ut scribit *Spondanus*: quia hæ Constitutiones editæ sunt post Concilium Viennense, quod finitum est die sexta Maji anni 1312, cum prior constitutio edita fuerit post coronationem Henrici VII, quæ peracta est Romæ die 29. Junii ejusdem anni: & posterior post mortem ejusdem Imperatoris, quæ contigit anno 1313. die 24. Augusti.

Pagi in Breviario Tom. IV. pag. 165. N. XXII.

§. X.

DOCTRINAM de DUPLICI IN ECCLESIA GLADIO non excogitavit primus *Bonifacius VIII.*: jam pridem ante illum hac allegoria Imperatores ipsi usi erant.

Ita *Henricus IV. in Comit. Wormat. A. 1077.* " Ipse Salvator in passione de DUO-
" RUM GLADIORUM sufficientia typica
" intelligi innuit, cui cum diceretur: Do-
" mine, ecce duo gladii hic; Respondit:
" Satis est, significans, hac sufficienti duali-
" tate SPIRITUALEM & MATERIA-
" LEM GLADIUM in Ecclesia esse geren-
" dum,

"dum, quibus omne nocivum foret amputandum: videlicet SACERDOTALI ad obediendum Regis pro Deo; REGALI vero, ad expugnandos inimicos exterius, ac obediendum interius. Ita quoque *Fridericus I. Imp. A. 1159. in Epist. ad Episcopos Transmontanos*: "Quod in Passione sua Christus duobus GLADIIS contentus fuit, hoc in Romana Ecclesia, & in Imperio credimus mirabili providentia declarasse; cum PER HAC DUO REKUM CAPITA, & principia TOTUS MUNDUS tam IN DIVINIS, quam IN HUMANIS, ordinetur. Cumque unus Deus, unus Papa, unus Imperator sufficiat, & una Ecclesia Dei esse debeat."

Et anno 1177. in *Epist. ad Eusebium Imperat. Constantinop.* "Sicut ille Rex Regum, à quo omnis potestas, Romanum Imperium caput totius orbis constituit; ita etiam Sedem Romane Ecclesie omnium Ecclesiarum unicam Matrem, Dominam, Magistratamque ordinavit, quod utique duorum numero GLADIORUM signavit, quos dixit orbi sufficere ipse author Fidei Christianae. Quapropter tum prudentiam commoneamus, quatenus Nobis, & Romano Imperio honorem debitum recognoscas, & Summo Pontifici, quem nomine Sanctum appellas, debitam exhibeas reverentiam & honorem." *Fridericus quoque II. in Constit. I. contra heret.* "Committi Nobis cura Regiminis cælitus, & Imperiale, cui dante Domino præfideamus, satyrium dignitatis, MATERIALEM, quo DIVINUM A SACERDOTIO fungimur, GLADIUM adversus hostes fidei, in exterminium heretice pravitate, exigunt exerceendum. Nec non tres S. R. I. Electores: Palatinus, Saxo, Brandenburgicus, in Ratificatione donationum, Pontifici per Rudolphum I. factarum, vel confirmatarum de anno 1179. hic est, qui MATERIALEM GLADIUM ad ipsius nutum excutit, & convertit, ut ejus præsidio Pastor Pastorum adjutus, oves libi creditas SPIRITUALI GLADIO protegendo communit, temporali refrænet & corrigat.

Ex *Thesib. Houthelmijus editis Treviris A. 1760.*

§. XI. Wenceslaum quindecimem non fuisse electum Regem Romanor.

ius conditionibus, quas a Pontifice præscriptas, Spondanum meminit.

Antequam Avenione Gregorius recederet, recepit literas, quibus Carolus IV. Imperator eum rogabat, ut Filium ejus primogenitum Wenceslaum, jam olim in consortium Regni Bohemæ electum, etiam in Regem Romanorum, Imperii futurum Successorem, annum licet tantummodo decimum quintum ætatis agentem ab Electoribus evehi permitteret, cum ad hujusmodi electionis celebrationem, inquit Carolus in literis ad Pontificem ea de re scripsit Nuremberg anno Domini 1376, Indictione XIV, II. Nonas Martii, quæ extant *apud Raynaldum Num. 13*. Nobis viventes procedi non valet sine vestris beneplacito, assensu, & gratia, & favore, *Spondanum num. 5*. addit, id permississe Gregorium ea conditione, ut Wenceslaus ante omnia, exemplo Henrici VII. ipsius proavi, & Caroli patris, ex formula præscripta juraret, se bonæ Ecclesie Romane non occupaturum, libertatem Ecclesiasticam non violaturum, sed conservaturum: in administrationem Reini & Imperii, ante solemnem inaugurationem, a Pontifice, vel ejus licentia ab alio factam, se se non intromissurum, quin imo nec ipsos Regis, aut Imperatoris titulos sine Scilicet Apostolicæ consensu susceperum, scriptis ea de re literis ad eosdem Carolum, Wenceslaum, & Principes Imperii, ad principium mensis Maji. Verum in literis Gregorii Papæ ad Carolum, quæ extant *apud Raynaldum* laudatum, quibus prædicti Wenceslaus electionem permittit, nihil tale reperitur, datæ sunt autem *Avin. V. Nonas Maji anno VI.* Post hæc Wenceslaus electus est Romanorum Imperator die decima Junii Francofurti, sed ejus electio confirmata tantum est ab Urbano VI.

Pagi in Breviario Tomo IV. pag. 223. in vita Gregorii XI. No. XXIV.



Addenda Supplemento Tomi IV.

CONCILIIUM HALBERSTADIENSE

Anno Christi MCCXCVI. Bonifacii VIII. Papæ II.
Adolphi Regis IV.

SUMMA. VOLRADUS, (a) Episcopus Halberstadenſis, deſinit, dotem uxori ex bonis hæreditariis dari non poſſe ſine conſenſu hæredum.

ANNO Domini MCCXCVI. quarta feria poſterius Palmas, Nobis, VOLRADO, Halberſtad. Eccleſie Episcopopo, *Sacraſancte Synodo* in noſtra majori Eccleſia Halberſtad. præſidentibus, exiit queſitum, generaliter diſtinctum, & ab omnibus finaliter applicatum, quod nullus omnino vir poſſit bona hereditaria, que in ſtructuris, pecoribus, equis, ac manſis, nomine hereditario

poſſideret, uxori ſue in dotem abſque hæredum contentu alicqualiter dare, ſeu etiam designare. In cujus rei teſtimonium ſigillum noſtrum præſentibus dedimus apponendum.

Datum anno & die prædictis.

Ex autographo conſervo manu ſua deſcripſit & communicavit Cimus D. ab Erath, Conſiliarius Regiminis Neſſovico-Dillenburger.

- (a) Volradus Episcopus XXVIII. Halberſtadienſis, Dominus in Krannigfeld, ſedit ab anno 1255. ad hunc annum: quod tamen Cl. Lentzen poſitive non audeſt aſſerere. Ultimum ejusd. Diploma de anno 1293. refert ex Meiſenſio, ſed ex Reimanno aliud de A. 1297. *Lentzen Hiſt. Diplom. Halberſtad.*

VERDENSE CONCILIUM

Anno Chr. MCCCXXXIII. Joannis XXII. PP. XVIII.
Ludovici Imp. XIX.

SUMMA. Quantitas Decimæ majoris & minoris ſolvenda deſinitur.

ANNO MCCCXXXIII. Feria ſexta infra octavam Pentecoſtes coram Nobis JOANNE (a), Divina Providentia Verdenſis Eccleſie Episcopopo, diſtinctum fuit in *noſtra Synodo Generali*, quod quilibet decimalis de jure tenetur de decima majori præſtare duo pluſtra de ſuis frugibus ad ſpatium unius miliaris unum pluſtrum de frugibus hyemalibus, aliud de eſtivalibus in locum Domini ſui, ad quem decima videtur pertinere.

Secundo fuit diſtinctum de decima minuta, quod partes ultra numerum exiſtentes, & hoc numero decem incompleto (b) ſis de polledris, vitulis,

apibus, bobus, ovibus, edis, agnis, aut de aliis quibuscunque debent de illo præſenti anno conſiderari, & uſque in futurum annum penitus reſervari, donec numerus decennarius compleatur, & debent frequentius decimari, & hoc eſt de ſingulis annis faciendum. Acta hæc ſunt in Eccleſia Beate Virginis in Luneborch coram multis Viris ydoneis, & discretis.

In cujus teſtimonium Sigillum noſtrum præſentibus eſt appenſum.

Cl. D. ab Erath Conſiliarius Neſſovico-Dillenburger communicavit.

- (a) Joannes Ep. Verdenſis XXXVII: poſtea tranſlatus ad Eccleſ. Friſingenſem: Magiſter erat in Medicinis, & Medicus Papæ: unde ad Rom. curiam evocatus, Godefrido de Werpe Canonico Verdenſi, Eccleſiam Verdenſem in ſpiritualibus & temporalibus gubernandam commiſit. *Chron. Epporum Verdenſium* pag. 219. *Apud Leibniz Tom. II. Script. Brunſwicenſ.*

- (b) an ſive, an lit?



SYNODUS TRIDENTINA

Anno Christi MCCCXXXVI. Benedicti XII. Papæ II.

Ludovici Regis XXII.

SUB HENRICO III. EPISCOPO.

STATUTA XXXI.^m

IN Christi Nomine, Amen. Ad honorem & reverentiam DEI Patris Omnipotentis, & Beatissime Genitricis ejus MARIE Virginis gloriose, nec non Patroni nostri Beati VIGILII Martiris gloriosi, & ad salutiferum & pacificum statum, ac instructionem, conservacionem, & reformationem omnium jurium & honorum tam Nostrorum, quam & totius Capituli nostri, & Cleri Ecclesie Tridentine.

NOS Frater HENRICUS, DEI & Apostolice Sedis gracia Tridentinus Episcopus (a). Assistentibus nobis unanimiter, & nemine discrepante, ad omnia & singula infra scripta consentientibus, & volentibus, ac approbantibus Venerabilibus Viris Dominis Henrico de Ralo Decano, Gerardo Archidiacono, Nicolao de Michlina Scholastico, Franciscus de Placentia, Antonio de Mediolano, Petro de Ralo, Federico de Mantua, Dino de Bononia, Fulcerio de Coneglano, Bartolomeo de Valleffella, Johanne de Brixia, Laurencio ac Guilielmo de Brixia, Nicolao ac Jacobo de Tajo, Franciscus de Clessio, Otto de Piano, Johanne de Azano, Henrico de Landelsperch, Ottebello de campo Tridentino, Rollandino de Parma, Canonicis Tridentinis: nec non Honorabilibus Viris Dominis Venturino de Mantua, ac Martino de Novaria Mansionarius, Juliano de Burgonovo, Geminiano de Cremona, Blasio de Coneglano, Johanne de Castro, Alberto de Mantua, Johanne de Sabaudia, Ognabeno de Schogozamoris, Federico de Tajo, Johanne de Sancta Cruce, Mansionarius & Cappellanus dicte Ecclesie Tridentine, & aliis Canonicis dicte Ecclesie Tridentine tanquam toto Capitulo, ac majori dupliciter & saniori parte ipsius Capituli personalem & continuam facientibus ref-

sidentiam in eadem, in choro ipsius Ecclesie ad sonum campane, ut moris est, ad Capitulum pro agendis infra scriptis, una nobiscum, & cum universis de Clero nostro intrinseco & extrinseco nostre civitatis Tridenti, & Diocesis per Nos nuper ad nostram Generalem Synodum vocato specialiter congregatis: Primo & ante omnia, ipsa etiam *Synodo approbante*, (b) non derogantes propterea aliquibus nostris aliis, & ejusdem Capituli, ac Predecessorum nostrorum, & prefate nostre Ecclesie juribus, constitutionibus, seu provisionibus, aut ordinamentis, consuetudinibus juridicis, vel statutis sub quacunque forma editis, observatis, & factis, sed eas, & ea verius innovantes, ac presentis scripti serie in quantum possumus & jus patitur confirmantes, has infra scriptas additiones, seu constitutiones, & provisiones, ac ordinamenta pariter & statuta, Nos semper hujusmodi veteribus conformando constitutionibus, seu consuetudinibus validis, & statutis pro evidenti & necessaria utilitate nostra, dictique nostri Capituli, & Cleri, Successorumque nostrorum, & Ecclesie prelibate. Insuper & in quantum Divinus cultus augmentatur exinde, & talis respicitur animarum, salvis semper prius & in omnibus prius plenarie observatis Apostolice Sedis (c) Vni Patriarche, Aquilegensis, & Legatorum, seu Delegatorum, vel Nunciorum suorum, eorum preteritum, quorum interest vel interesse poterit, in futurum, ac Nostra, & dicti Capituli nostri jurisdictione, reverentia, & honore omni modo jure, auctoritate, via & forma, quibus melius ac sanctius, & validius possumus, & debemus, facimus, edimus, componimus, & creamus. Que decernentes perpetuo duratura illa sub penis infra scriptis, ac in virtute sancte obediencie mandamus & volumus per

L III 3

per

(a) Notus vide sub hujus Concilii finem.

per omnes & singulos, quos tangunt, vel in futurum tangere poterunt, plenissime & inviolabiliter observari.

Ut Residentes Canonici visitent Officium.

I. Ob summe Reverentiam Trinitatis statuimus & ordinamus, ut omnes Canonici Prebendati in nostra Cathedrali residentes Ecclesia, non semper plenam, immo plenissimam per effectum residenciam facere teneantur, ad eandem suam Cathedrali Ecclesiam ad Horas continue accedendo: ita quod per eos Divinum Officium nocturnum videlicet & diurnum solemniter, ut congruit, peragatur. Et qui in Matutino ante Invitatori, in Missa ante Kierieleison per totum, & in Vesperis ante primi Psalmi completionem non venerit, & si venerit, non perseveraverit usque in finem predictarum Horarum, vel si exiens ex aliqua iusta causa non redierit ante finem dictarum Horarum; distributionibus suis ad hoc dari deputatus & solutis, secundum Horas neglectas careat illa die vel Hora, ad alios perseverantes illico devolvendis, nisi forte infirmitas vel alia iusta causa, ut in servicio Capituli, & ipsius scitu & licencia eum probabiliter excuserit.

Quantum absens percipere debeat.

II. Ut in augmentum Divini Cultus & in absencium dampnum profectus, que evidens residentibus eluceat, presertim in favorem ipsorum residencium volentes antiquissimis & prescriptis & jam dudum observatis & juratis in eadem Ecclesia constitutionibus consuetudinibus & statutis Nos duce Domino conformare, hoc presenti edicto statuimus & ordinamus, quod quicumque fuerit in dicta Cathedrali Ecclesia Canonicus Prebendatus, etiam si Decanus fuerit, qui ibi duas Prebendas obtinet, quando est Canonicus & continuam annualem residenciam non fecerit, ut teneatur, Prebendis careat integris ejus anni, & sibi tanquam absenti XXV. libre parv. Veron. pro unaquaque Prebenda per Caniparium communis dicti nostri Capituli, vel per ipsum Capitulum, qui ipsam Prebendam regant, gubernent, & colligant, vel ambas quando habet, ut jura Ecclesie melius confer-

ventur, sicut semper est observatum hactenus, tantummodo assignentur: de quibus pro anno quolibet dicte sue absencie quilibet penitus sit contentus. Residuum autem hujusmodi sue Prebende ad Canipam dicte communis perveniat cum effectu: salvo quod si relederit aliqua parte anni, tunc pro rata temporis, quo relederit, ratam Prebende percipiat retinendo sibi etiam partem XXV. libr. seu computando pro rata temporis, si dictas XXV. libras absens antea receperit.

Idem ut proxima Rubrica, & ne liceat alicui locare &c. suam Prebendam.

III. Item statuimus, quod quilibet absens Canonicus Tridentinus, qui Prebendam suam habere debuerit, vel debeat ex privilegio, vel de jure, in studio legitime commorando, vel in servicio Domini Episcopi vel Capitali existendo, LXIV. libr. Veron. parv. anno quolibet sue Prebende Canonialis redditibus tantummodo sit contentus, prout est semper observatum, sibi vel Procuratori suo in civitate Tridenti per ipsius communis Caniparium assignandis, postquam de jure suo predicto Capitulo fecerit plenam fidem. Residuum hujusmodi reddituum eidem taliter dispensato, seu Procuratori suo vel Nuncio, potestas recipiendi, vel petendi, ex nunc in antea sit penitus interdicta, immo ipsum totale residuum ad eandem communis canipam integre devolvatur pro celebrandis Missis suarum Septimanarum, & Collectarum, & aliis oneribus supportandis. Nec liceat de cetero ipsi taliter dispensato redditus ipsos Canonicales aliquibus locare, aut committere, sive dare, seu cuiquam locationis aut commissionis, vel alio titulo sive causa recipere exigendos: ex nunc enim illum certum reddimus statuantes, ut redditus iidem per dictum Caniparium totaliter exigantur, nec ei taliter danti sive recipienti quicquam de hiis per eundem Caniparium volumus seu quoquomodo intendimus ultra dictas LXIV. libras debere de cetero responderi. Aliter autem omnis locacio sive alienacio aut conductio talium reddituum, que contra presentem nostram Constitutionem & Statutum facta foret, vel fieret

ficeret in futurum, nisi forte facta esset vel fieret dicto Capitulo, vel ejus nomine Canipario dictæ communitatæ, aut ejus Procuratori, vel Sindico pro dictis, ut premittitur, pecunie quantitatibus, viribus penitus non substat, & tanquam nullam esse volumus, & nullam debere vel posse de cetero subsistere firmitatem.

Pro presenti reputatur Residens in Tridento, vel in Beneficio in ejus districtu.

IV. Nemini derogare volentes, cum vel eos de dicto Capitulo, qui in civitate Tridenti, vel ejus districtu ad sua Beneficia continuam residentiam faciunt, & domicilium proprium & verum cum propria familia in civitate habent, nusquam pro absentibus, sed pro continue residentibus, haberi, seu intelligi vel notari volumus, etiam si per unum aut duos menses continuos, vel interpolatos in anno semel & non ultra, moram traxerint extra territorium Tridentinum, dummodo causis etiam cessantibus proxime scriptis de ipsius Capituli licentia se absentaverint, & consensu: nisi forte extra territorium ipsum Canonicales redditus suos exigere vel recipere necessario compellantur. Aliiter contraveniens quilibet xxv. libras in anno Veron. parv. pro dicta sua Canonicali Prebenda in Tridento a Canipario dicti Capituli recipiat, ut semper consuetum est, vel solummodo pro rata temporis ejus, quo residens fuerit. Absencie vero tempore in sui prejudicium redundante Canonicales ipsos suos recipiat fructus pre-taxatos.

De Officio Mansionariorum.

V. Mansionarios, qui bini unam valore parem ex Canonicalibus Prebendis equis percipiunt portionibus annuatim, quemadmodum & suum sibi in choro nostre Cathedralis Ecclesie commissum officium eos arcat, ad continuam, nisi forte iusta & probabilis causa excuset, eosdem tunc per substitutos ydoneos astringimus residentiam personalem, quos omnino non minus ad perfectionem in eadem Ecclesia totius officii nocturni videlicet & diurni obnoxios reddimus, quam alios Prebendatos. Sed amplius tanto eos, quanto Beneficiorum suorum intuitu deputatum eis officium

hoc exposcit. Inviolabiliter statuentes, quod liceat ipsorum cuilibet, ymmo & ipsorum quilibet, qui in Sacerdotali sive Presbyterali officio, sive Presbyterali Mansionaria fuerit constitutus, sicut & de jure & approbata consuetudine ad hoc astringitur, omnino teneatur & debeat suam in dicto choro, vel alias in dicta Ecclesia per ordinem, omni cessante scandalo & errore, facere septimanam. Et qui Septimanarius fuerit, continue sit de primis, qui ad chorum veniat, tam ad denunciandum & providendum Libros & Officium decantandum, quam ad alia incumbencia, & ad se etiam ibi sive toris spectancia peragenda suppleendum, etiam si ea animarum curam respicere dinoscatur, nuocians sive jubens super Psalmos, Antiphonas, Responsorias, Versus, & alia incumbencia, prout ad eum pertinet, ex inferioribus in eadem Ecclesia Beneficiatis seu Ministrantibus, quibus placet, nullo ex eis penitus in contrarium attentante. Et si in veniendo, vel in executione sui Officii defecerit idem Septimanarius per contemptum, aut aliquis ex inferioribus ipsis apparuerit cum impediens, vel jussum ejus negligens in predictis, ad arbitrium Deani Tridentini, vel eo absente, dignorum, vel antiquioris Canonici, tunc ibi presentis, in pecunia secundum clementia illico puniatur, & secundum penas in proxima inferiori nostra Constitutione contentas & insertas.

Ut Capellani absentes citentur ad residendum & qualiter teneantur celebrare Officium.

VI. Quoniam ex Capellanorum seu Prebendariorum improvidentia & tempore, quorum Altaria in nostra majori Ecclesia pro animarum salute specialiter sunt fundata, persepe contentio oritur, nimio proinde scandalo premmur & gravamur; ut de cetero in decantatione Missarum & Officii congruenti animarum provideatur saluti, & ad remotionem tante contencionis & scandali populo satisfiat, hoc sancto & inviolabili Edicto statuimus & ordinamus, ut cum plures in dicta Ecclesia sint numero Prebendati, & pauci ex eis resident in eadem: statim absentes omnes ad continuam residentiam, sicut sua requirunt Bene-

Beneficia, personaliter sine citati, qui omnibus Horis Canonicis nocturnis videlicet & diurnis per se, omni exceptione remota, vel si causa rationabilis affuerit, tunc per Substitutum idoneos teneantur effectualiter deservire. Nemo ex eis absque Decani, vel eo absente, Archidiaconi aut Scholastici vel antiquioris Canonici tunc presentis licentia, de dicta Ecclesia, dum Divino Officio intenditur, se audeat quomodolibet absentare. Et quia prave per ipsos deductum est in usum cotidie & verius in contemptum, quod diebus præcipue solemnibus, Dominicis videlicet & Festivis, nullus quasi ex eis pro consecutione alicujus lucris de mane maxime in Choro dictæ Ecclesie ad Officium reperitur; inhibemus itaque in virtute sanctæ obediencie, & sub excommunicationis pena mandamus eisdem, ne aliqui ex eis extra dictam Ecclesiam ire presumat de cetero ad celebrandum alibi ad sepulturas, aut septima, tricesima vel anniversaria aliqua, nisi de ipsius Decani licentia processerit & mandato. Preterea ordinamus & volumus, ut per eos Divinum Officium oneste, solemniter & devote, omni cessante confabulatione, vel risu, tractum, distincte & intelligibiliter cum cantu & nota, aut submissa voce, ut convenit in prefata Ecclesia cotidie peragatur, nec ulla interim fiat altercatio inter eos. Continue etiam sint de primis & ultimis ad dicendum Officium & supplendum, nec intrent Chorum nisi prius superpellicio sint induti. Omnes iidem secundum suorum Status & Ordinum exigentiam deserviant sibi ipsis & maxime Dominis Decano, Archidiacono, Scholastico, (d) & Canonicis, ut teneantur, quorum Sedes ob dignitatum reverentiam non preoccupent, nec in Choro ullo modo sedere audeant super eos. Sedes autem exterioris Chori eis pro suis sedibus specialiter deputamus. Non enim conveniens arbitramur, quod inferiores superioribus preferantur. Missas suas devote unam post aliam celebrent in dicta nostra Ecclesia, alioquin contraveniens quilibet pro septimana qualibet, qua contra fecerit, etiam si negligentia solius diei affuerit, XX. solidorum Veronensium parvorum (penam/sabaz). Insuper nemo ex eis sub eadem pena XX. solidorum civitatem exeat ad

loca, vel extra loca dicta accedendo, nec in civitate extra ipsam Ecclesiam ad celebrandum, nec ad sepius, tricesima sive anniversaria, nec ad funera sub pena V. solidorum Veronensium parvorum sine speciali licentia petita & obtenta a suprascriptis nostris Commissariis, vel altero eorumdem, etiam si per quemquam fuerit requisitus. Illi siquidem qui Matutini, Missæ & Vesperarum neglexerint Horas, in VI. den. Veron. pro qualibet hora ipsarum, qui vero Prime, Tercie, Sexte, None, & Completorii neglexerint Horas, in II. den. Veron. pro qualibet Horarum ipsarum irremissibiliter puniatur, nisi forte celebratio vocæ Missæ cum probabiliter excusaret.

Ut Missæ per Capellanos celebrentur in Ecclesia.

VII. Ad removendum omnem defectum, qui circa celebrationem Missarum in prefata majori Ecclesia Prebendariorum susdente contemptu diucius pululavit, statuimus & ordinamus, ut omni die quinque Missæ ad minus, una, post aliam, ut plene satietat populo, interim dum Regalis, ut vulgari regionis utamur, celebratur Missa noviter instituta (c) & ante, nec minus post Missam Conventualem per Capellanos, seu eorum loco ministrantes ibidem servato ordine celebrentur: volentes ut quinque primi celebrantes suam faciant septimanam, alii quinque aliam, & sic per ordinem successive, quousque eorum numerus residendum compleatur. Quo completo tunc ad primos V. fiat reiteratio talis perpetuo & inviolabiliter ad Dei laudem animarumque salutem, & satisfactionem populi duratura. Et si forte casus occurreret, quod unus ex ipsis quinque simul & semel esset Conventualis & Ebdomadarius, tunc eo casu sibi licitum sit & possit loco sui alium subrogare, dum tamen ipsius Conventualis & Ebdomadarii officium nullatenus negligatur, & per consequens prefatus Missarum quinque numerus non frangatur. Quod si secus fecerint, ad arbitrium nostrum pecuniarium, vel predictorum quibus supra commissum irremissibiliter puniantur.

De Officio Ebdomadarii Conventualis.

VIII. Ne stilus in executione Divini Officii per Ministrorum defectum quomodolibet varietur, statimus & ordinamus, ut qui Ebdomadarius Conventualis extiterit, sicut ad septimanarium mansionarium spectat esse de primis ad inveniendum, & providendum libros, & officium decanandum, & alia sibi propterea incumbencia peragenda, sic per consequens Ebdomadarius ipse Conventualis ad Chorum veniens continue sit de primis, qui Invitatorium in Matutinis & alias Horas incipiat, Antiphonam super *Benedictus*, *Magnificat*, & *Nunc dimittis*, nec non Capitula, & alias Oraciones dicat ad suum Officium pertinentes. Insuper & ad Missam Conventualem se preparat indillate de Versiculis, Responsoriis, & *Benedicamus*, seu de ceteris aliis ad Officium spectantibus se nullatenus intermittens, sed soli Mansionario Septimanario dicenda, vel committenda reliquat, ad cujus Officium plene spectat. Et si forte Mansionarius ipse absens fuerit iusta causa, tunc alius Mansionarius, vel Ebdomadarius ipse aut alius de Choro eo nequeunte, suppleat loco sui. Quod si contraxerit ipse, vel aliquis ex predictis, talem contrahentem ad eandem penam pecuniariam, vel ampliorem ad nostri, vel predictorum nostrorum Commissariorum arbitrium quibuscumque horis predictis incurrere volumus & ligari, ad quam alios inferiores subicimus Prebendatos.

De Regimine Chori in solemnibus & Festivis diebus.

IX. In solemnitatibus, que in anni circulo, vel alias infra annum occurrunt venerabilibus celebrari, ut Nativitatis Domine, Circumcisionis, Epifanie, Resurrectionis, Ascensionis, Pentecostes, Corporis Domini nostri Jesu Christi, & omnium Festivitarum Beate Virginis Marie, Beati Johannis Baptiste, Sancti Laurentii, & in Festivitate Patroni nostri Beati Vigilii, & omnium Apostolorum pariter & Sanctorum, nullus de Choro Lectionem aliquam legat in Matutinis nisi de licencia Decani, vel eo absente majoris & antiquioris Canonici in Choro post ipsum. Insuper nullus de inferioribus Prebendatis Responsoria

dicere audeat, sen ante aliquem incipere nisi de licencia Mansionarii, vel alterius ipsorum, seu Ebdomadarii, si abessent, vel aliorum Ministrorum licencia Cappitorum (*Capetorum*) (f). Volentes quod eodem Ministri, seu Mansionarii, vel Ebdomadarius prelibati de scitu Decani, vel ejus de Choro, ad quem spectat, teneantur omnes conscribere, vel notare ad hujusmodi Lectiones, Responsoria, & Antiphonas deputandas, & *Benedicamus* in Vesperis dicere, Introitumque Missæ incipere, & cetera exequi diligenter secundum quod diei solemnitas iuxta devotius exequendum. Et si nos qui presumus aliis ad Cathedralē Ecclesiā pro celebratione Missæ accedere non possemus, tunc Decanus, vel major Canonicus nequeunte Decano, si comode poterunt, Missam ipsam cum Diacono, & Subdiacono celebret & decanet. Si vero contigerit nos venire, tunc eo casu dictam Missam de jussu nostro, vel Decani, duo Canonici in Diaconum & Subdiaconum se preparant indillate, nisi forte alios ipsorum loco Canonici, vel non Canonicos ad hoc duxerimus eligendos. In aliis vero solemnitatibus, semiduplicibus, vel simplicibus fiat Officium debitum & servetur. Alias contrahens quilibet in predictis, vel eorum aliquo per unum, vel duos dies a die inobediencie computandos ab Officio suspensum se noverit, secundum quod culpa talis exegerit contemptoris.

Ut feria sexta pulsetur & celebretur Capitulum.

X. Circa reformationem sedulam nostri Satus intendentes cura vigili, quibus duce Deo poterimus studis, & diligentiis insudare presertim, & in recuperatione nostrorum dispersonum jurium evidens consequatur utilitas, & per consequens agenda quilibet in melius disponantur, hac presenti constitutione statuimus irrefragabiliter, & firmamus, ut omni sexta feria in Sacristia, vel alio loco dicte nostre Ecclesie ad sonum campane, ut moris est, omnes de Capitulo super agendis suis, & dicte Ecclesie ad Capitulum congregentur. In quo quidem Capitulo Majores, & Seniores in proponendo minoribus, & junioribus preferantur. Unus alium non interrumpat verbis, sed attente, & discrete per ordi-

nem audiat, & secreta Capituli, nisi forte de ipsius voluntate processerit, aliis non pandantur. Et que major, & sanior pars ipsius Capituli dicte sexte serie, vel alio die quolibet convocati, & facti, ubicumque, & quandocumque convocatum, seu factum extiterit iudice tamen, & solemniter, & vocatis, qui causis seu rei preteritu fuerint evocandi, ipsa namque major, & sanior pars explicaverit, seu firmaverit debere fieri, & procedi, rata habeantur & valida, eamque vim, & eundem vigorem, ac perpetue robur obtineant firmitatis, & per consequens ea omnia & singula, ac omnes presentes & absentes Canonici Prebendati in suo conscripti Collegio tanquam totum & universale Capitulum Tridentinum illa sic ad invicem deliberassent, sive deliberaverint absque difficultatis obstaculo, plenissime fiant, & indillate procedant, quinymmo pocius & inviolabiliter exequantur, proviso quod in electionum, seu provisionum negotiis ponderosis agendis debita solemnitas observetur.

Ut recipiendi in Canonicos Prebendatos, aut Officiatos presentent Jurjurandum.

XI. Nullus preterea in Canonicum, vel ad aliud Beneficium, seu Officium, vel Dignitatem, aut alium actum ad Capitulum quoquomodo pertinentia, que prestationem juramenti requirunt, recipiendus imposterum ad receptionem hujusmodi admitatur, sed tamdiu recipi differatur, quousque de observandis preteritis, presentibus, & futuris dicti Capituli, ac ipsius Ecclesie approbatis consuetudinibus & statutis per se, vel Procuratorem suum ad hoc legiptime constitutum debitum & solitum prius prestiterit juramentum: Facta sibi copia statutorum, & sibi indulto termino ad deliberandum si duxerit postulandum. Hoc tamen semper salvo, quod ante omnia in tali actu solemniter convocetur Capitulum, vel hii ex eo, qui reffidentes fuerint, vel comode poterint convocari, & tunc ipsius recipiendi infra debitum terminum diligenter discutiantur jura, & eis discussis, si jure sibi suffragante meruerit, ad receptionem hujusmodi admitatur: sin autem viis iudicis repellatur. Quod si secus factum

fuerit, volumus, & intendimus, quod talis receptio vel repulsio ipso facto nullius sit valoris.

Quod nullus de Capitulo audeat trahere ad Judicium aliquos alios de Capitulo.

XII. Nullus insuper de dicto Capitulo, etiam si minor ipsius Capituli pars fuerit in causa aliqua, vel causis Capituli, & se tangentibus quoquomodo alium, vel alios ad iudicium presumat trahere, vel vocare alias, nisi ipsius Capituli, vel majoris & sanioris partis ejus processerit voluntate, omne commodum vel incommodum, quod exinde trahens perceperit, se subire non dubitet, & super se noscat denuo redundare; nisi forte talis res vel causa foret, propter quam singularis persona vel collonellus unus de collonello ejusdem Capituli ratione videlicet & causa tantummodo ipsius Capituli vexaretur, tunc eo casu ut alibi tactum est, ad hujusmodi commodum, vel incommodum omnes de Capitulo tenentur, dum tamen qui vexabitur, quam citius commode poterit, significet Capitulo vexationem hujusmodi ut occurrat.

De Responsione fienda cuicumque extra Capitulum aliqua in Capitulo petenti.

XIII. Unum denuo statuentes, quod si quis extra dictum Capitulum, vel de illo existens aliqua pecierit, vel proposuerit in eodem, non ante responsum tubicum per ipsum Capitulum prebeatur eidem, quam prius Proponente excluso, omnes de ipso Capitulo invicem convocentur, & tunc deliberatione premissa, per Decanum, vel unum de Capitulo ad iussum ejus, Curialis, & debita fiat responsio Proponenti.

De Advocatis, Sindicis, & Tabelionibus Capituli.

XIV. Grandem contumeliam & verius dampnum evidens per subtractionem jurium Capituli hactenus, ne dicamus cum grandi amaritudine degustati, statuimus, ut quatuor vel plures, si Capitulo videbitur expedire fideles, & circumspecti Viri per ipsum Capitulum eligantur, inter quos saltem duo unus omnino

nino de Capitulo, & alter extrinsecus Procuratores sint generales, & Sindici. Tercius Tabelio ad causas, & quartus Prolocutor, seu Advocatus Capituli prelibari salariari per illud annuo salario competenti, quorum Syndicorum mandatum extendi volumus ad genera causarum, & maxime ad petendum, exigendum, & recipiendum, & bona, possessiones, & jura ipsius Capituli perditā, alienata illicitē, & distracta recuperandum cum clausulis opportunis. Addentes rationabili causā moti, ut omnes de suo Collonello Canonici residentes habere teneantur, & de cetero sint astricti Librum unum sive Quaternum, in quo omnes locationes, & saltem que sient imposterum immediate, cum stipulare fuerint per Notarium, sive Notarios Capituli, reddigantur in scriptis. Alium etiam Quaternum haberi volumus, in quo omnia jura Capituli antiqua, presentia, & futura cum auctoritate Judicis, & sub manu publica registrentur, ad ejus executionem prefatos Syndicos de Capitulo expensis ipsius Capituli specialiter & in solidum deputamus. Et a publicatione hujus statuti quilibet Canonicus residens, Prebendam suam in scriptis clare designatam, totaliter, & descriptam infra annum, vel XII. menses dictis Syndicis pro executione hujusmodi faciendā tradere teneatur. Et Canonicus, qui hec neglexerit infra dictum terminum adimplere, ipso transacto distributionibus careat continue, donec hoc duxerit adimplendum. Quas si caniparius sibi dederit, resarcire & reponere in communi de suo proprio teneatur. Quilibet etiam Canonicus, qui Prebendam optaverit, sub eadem pena hoc idem faciat, de dimissa infra dictum terminum ab optatione, si non fuerit designata.

Quomodo, & coram quo Locationes fieri debeant.

XV. Quoniam persepe contingit, quod nos per nostras locationes & investituras, & alia acta quæ plurima nostris juribus indebite spoliemur. Attendentes nostras divisiones Prebendarum pro evidentissima utilitate Capituli, & singularum personarum ipsius per Capitulum ipsum factas, & in augmentum

verius hujusmodi Prebendarum, volumus, arque statuimus, & ordinamus, ne per aliquem Prebendarium de aliquibus possessionibus, vel rebus ad rationem sue Canonice Prebende quoquomodo spectantibus investire aliquem, vel locationes, nisi prius vocatis & presentibus Decano, si commodè haberi poterit, & presentes fuerint insuper, qui de Collonello fuerint residentes, saltem tribus ex eis de cetero celebrentur. Et si unus vel duo essent de Collonello solummodo residentes, & tales locationes, seu investiture requirerentur omnino fieri, & effectui mancipari, tunc in presencia Capituli, vel majoris & sanioris partis, & ejus consensu in Majori Ecclesia, & non alibi, nisi necessitas immineret, per ipsos unum vel duos prefatos incluso Prebendario effectui debito & licito deducantur. Provisio quod locationes hujusmodi, seu investiture in personam dicti Prebendarii prefatis sic vocandis sibi assistentibus, & ipsarum Prebendarum divisione durante solemniter stipulentur. Insuper & quod quelibet libra piperis semper ad eundem Prebendarium, si prefens, vel ad eos de Collonello tunc ipsi actui presentes, integre, aut pro rata perveniat tanquam sua, hoc enim intelligi volumus & servari, ubi & quando idem Prebendarius in civitate Tridenti noster fore prefens, vel alias ipsi Prebendario in eodem teretorio existente suos de Capitulo ad hoc legitimus Procurator. Secus autem, si in suo districtu, vel alibi, ad recipiendum vel recuperandum possessiones intenderet, vel alia Prebendalia jura sua, in quo casu tales investituras, & locationes sine cujusvis contradictione & requisitione facere valeat idem Prebendarius, & supplere, dum tamen hoc faciat, tanquam Procurator & Syndicus dicti Capituli ad hoc specialiter & legitime constitutus. Sin autem pro absente locatio fiat, tunc ad omnes de Capitulo, qui presentes locationi fuerint, pro rata deveniat dictum piper. Similiter illud idem sentimus, ac fieri, & servari volumus, & intendimus super possessionibus, seu de possessionibus & rebus aliis, que investituram, seu locationem celebrandam requirant ad Prebendas seu Beneficia Decanalia Dignitatis. Insuper & Manfionarias, &

Cappellanos spectantibus quoquomodo.

*Ne Locationes fiat Potentibus &c, Item
qualiter Decanus habet committere
curam animarum.*

XVI. Super jurisdictionibus autem seu honoribus decimisve localicis, vel conducticis, aut bonis, vel possessionibus seu juribus, insuper & Ecclesiis, aut aliis quibuscumque ad dictum Capitulum, vel ad aliquem Colonellum seu singularem personam Prebendam ex eis spectantibus se duximus irrevocabiler statuendum, ne de hiis vel aliquo eorundem aliqua de cetero fiat commissio aut dacio, seu locacio, vel investitura, presertim in personam porentem (g) vel que sit impotens in solvendo, nec ultra quinquennium possit fieri ullo modo, sed solummodo ad Capitulum seu Colonellum, vel ad illam Prebendam singularem personam, ad quam de jure spectaverit totaliter, vel in parte commissio talis seu dacio, vel locacio, aut investitura pertineat pleno jure, salvo quod Ecclesiarum Sancte Marie de Tridento, & Sancti Pauli de Epiano locacio fiat per totum Capitulum, vel majorem & saniores partem ejusdem, eo quod ex eisdem Ecclesiis ad totum Capitulum commodum, vel incommodum dinoscitur pertinere. Et si aliqua possessio seu jus, vel res aliqua pretextu ficti retenti in Capitulum, vel Colonellum, aut singularem personam Prebendam ceciderit, ipso jure talis possessio, seu jus, vel res ad dispositionem liberam dicti Capituli si ad Capitulum, aut dicti Colonelli si ad Colonellum, seu ad ejusdem singularis persone si ad singularem personam pertinet, plenarie resolvatur, ita quod idem Capitulum seu Colonellus, vel singularis persona ad quod, seu quem, vel quam de jure spectare noscitur de hujusmodi jurisdictionibus, seu honoribus, aut decimis, seu Ecclesiis, vel bonis, & possessionibus aut juribus juridice sine ipsius Capituli, & Ecclesie, & omnium personarum prejudicio committere, aut requisitis prius requisitis predictis, ut supra dictum est, locare, & dispensare valeant pro suo libito voluntatis. Provisio quod Decanus ad quem spectat quoad ipsas Ecclesias de cura provideat animarum, prout tenetur.

Alioquin que in contrarium presumpta fuerint pro infectis habeantur ex nunc, & nullam obtineant roboris firmitatem.

De occupatis Episcopo, aut Capitulo.

XVII. Quoniam in nonnullos, qui Dei nomen in vanum recipere non formidant, ceca cupiditas sic exarsit, quod bona & jura quamplurima ad Nos & dictum Capitulum nostrum communiter, & divisim ac plenissimo jure spectantia contra Deum & justiciam occupant, & illa nullo titulo, vel injusto mala fide, & conscientia remordente in sue salutis dispendium, & nostrum omnium grave prejudicium, & injuriam detinent occupata (h). Universis igitur, & singulis de Clero nostro Curam animarum habentibus, ac eorum vices gerentibus, nec non Vicariis Ecclesiarum ad dictum Capitulum spectantium quibuscumque, seu eorum vices gerentibus in civitate Tridentina, & ejus Diocesi constitutis commitimus sub excommunicationis pena, & in virtute sancte obediencie districte mandamus, quin potius, volumus, & statuimus, per eos debere implaciter observari, ut quandocumque peccatorum confessiones in foro penitentie eos audire contigerit, a confitentibus ipsis cum omni diligencia requirere studeant, utrum de hujusmodi bonis, & juribus aliquid detineant occupatum seu eorum noverint detentores. Quod si quicquam se confessi fuerint detinere, vel detinentes eadem, non prius ipsis super hoc beneficium absolutiois impendant, quam Nobis a dicto Capitulo occupata, seu detenta hujusmodi cum fructibus inde perceptis, vel qui post occupationem percipi potuerunt, restituerint cum effectu, & tales propalaverint detentores, seu Nobis, vel ipsi Capitulo, aut Notatio publico nostro, aut ipsius Capituli nomine recepturo de restitutione ipsorum plenarie facienda intra quindecim dies tunc immediate sequentes bonam, & idoneam presterint cautionem. Ad hec omnes alios Ecclesiarum Praelatos seu eorum loca tenentes Diocesis Tridentine requirimus in Domino & hortamur, ut ob ipsius Domini nostri ac prefati Patroni reverentiam & amorem (i), contra quorum nutum talia occupantur, circa investigationem hujusmodi se digneant, & velint ferventi studio

studio reddere sollicitos & attentos , ita quod eorum solerti diligencia suadente a Retributore omnium salubre premium consequantur. Et ut omnium hujusmodi bonorum nostrorum , & jurium reddamus ulterius cerciores, omnisque cesset fraus, & obstacula perverforum, addendo statuimus, ut in civitate Tridenti, & in quibuscumque aliis locis seu terris, & regionibus Dioecesis ejusdem, auctoritate Judicis Ordinarii, & cum auxilio, etiam si necesse fuerit brachii secularis, per Scharios seu Procuratores nostros, & dicti Capituli, & amplius per tres, vel quatuor personas de antiquioribus regionum, bona, possessiones, & omnia jura hujusmodi detenta, & non detenta Sindicis nostris, vel dicti Capituli, quos supra constitui ordinavimus, seu ad requisitionem, & jussu eorum Notariis publicis per viam Sacramenti, ac omnia (*) alia licita via & forma diligenter, & per ordinem designentur, & sic designata ut scire possimus, que Nos & dictum Capitulum ex illis possidemus, & que Nobis, & ipsi Capitulo occupata detinentur, sub manu publica in nostro Registro ad perpetuam rei memoriam reddigantur. Alioquin contrafacientes quoslibet ex predictis, si que eis in hac parte commississimus, vel committimus quoquomodo contempserint taliter puniemus, quod punicio talis erit ceteris in exemplum.

De Thesauris, & Paramentis Ecclesiarum.

XVIII. Thesaurum Ecclesiasticum non solum in nostra majori Ecclesia, sed & in aliis Nobis subjectis Ecclesiis civitatis & Dioecesis Tridentine, ut libros, cruces, calices, paramenta, & alia ornamenta Divino Cultui deputata, per Sacristam ipsius majoris Ecclesie, nec non per Vicarios, seu Ministros in aliis dicti Capituli Ecclesiis deputatos, vel imposterum deputandos ipsi Capitulo infra XV. dies immediate a presentis nostre ordinationis, seu Statuti noticia subsequentes, ut ejus qualitatem, & quantitatem scire possint, in scriptis statuimus sub pena centum solidorum Veron. parvul. Capitulo applicanda, diligenter, & solemniter designari in Registro aliorum jurium ipsius Capituli per Caniparium, vel Sacristam sub pena XX. solidorum illico conscriban-

tur. Illumque per eos munde teneri volumus, & denuo sub tuta, & fida custodia conservari, prestita prius per eos competentis, & idonea cautione, quod Thesaurum ipsum fideliter, & turissime conservabunt, nisi forte iidem tales fuerint, qui in bonis habeant, vel alias de eis, seu contra eos nulla suspicio pressumatur.

De Custodia Sigilli.

XIX. Sigillum commune Capituli, vel Sigilla, non per omnes manus transant gubernanda, sed per tres ex Nobis sub tribus diversis clavibus in Sacristia nostre majoris Ecclesie, vel in loco alio magis tuto secretissime conserventur, & cum incumbit aliquid sigillandum, prius per Capitulum, vel Majorem & Saniores partem ejus solemniter intuendum, unus saltem ex ipsis custodibus id omnino suppleat in persona, nec per interpositam personam hoc presumat exequi quoquomodo, nisi forte persona de Capitulo fuerit antedicto, & tunc semper eo presente propria etiam in persona, ita quod per ipsorum conservationem tutissimam nulla imposterum oriatur contentio, vel alias aliquis suspicio habeatur.

De Electione Caniparii, & reddenda ratione.

XX. Per Caniparium communitalis nostre juxta sibi commissum officium omnem fidelitatem, & diligenciam volumus exhiberi, quem de dicto Capitulo, & ab ipso Capitulo decernimus penitus eligendum. (k) Qui quidem Deum semper habens pre oculis in exigenda, & recipiendo, & alia faciendo, & exercendo nusquam negligens sit ullatenus, vel remissus, unicuique de Capitulo tribuens, & dans quod pro parte sua rationabiliter, & integraliter sibi cedit, rationem insuper de sua Caniparia post annum completum infra octavam Beati Galli, quamvis ante Officium dimiserit, nisi ex causa legitima per Capitulum prorogetur, Capitulo, vel illis seu cui jussu fuerit, vel commissum fuerit per eosdem integram, & plenariam redditurus. Aliter si contra fecerit tandem per alios Caniparios successores suos, seu per Capitulum sibi Prebendales sui redditus denegentur, quousque sine cuiusvis dampno, vel injuria id suppleverit

M m m 3 cum

(*) forte: omni

cum effectu, Caniparius autem in Hebdomada Sancti Johannis Baptiste creetur, vel si visum fuerit confirmetur. Et qui officium dimiserit, retenta, & non exacta exigere, & de ipsis rationem reddere nihilominus teneatur, & infra octo dies a die reddite rationis exhibere in scriptis Capitulo eadem non exacta.

Ne Libri aut Calices exportentur de Ecclesia.

XXI. Statuimus insuper, & ordinamus, ut nullus Canonicus, Mansionarius, Capellanus, Vicecapellanus, aut Clericus ipsius Ecclesie audeat, sive presumat sub pena V. Sol. Veron. parvul. asportare extra ipsam Ecclesiam de cetero aut in Armariis ipsius Ecclesie, sive banchis claudere, vel quomodolibet occultare calices, libros, seu paramenta, vel doplerium, & hujusmodi, immo indilate reportare studeant ex hiis quodlibet asportatum, nisi hoc faceret de scitu & licentia Sacriste, vel saltem Monachi (1), qui nunc est, vel pro tempore fuerit.

De Penit Inobedientium.

XXII. Quamvis ad levationem & exactationem superscriptarum penarum, presertim contra Prebendatos inobedientes, ut premissimus, & temerarios infidelium Decanum deputaverimus, ut majorem; non tamen ob ejus dignitatis reverentiam decens & conveniens arbitramur, quod per manus ejus hec omnia & precipue minima supleantur. Quamobrem presencium serie ordinamus, ut per Sacristam, seu Monachum ejus locum tenentem dicte nostre Ecclesie, qui nunc est, vel pro tempore fuerit, hec minime penitus exequantur, ex nunc committentes eidem suum in hac parte pertinens officium, declarando, quod singulis diebus & horis punctare, seu notare teneatur, & debeat omnes & singulos predictorum omnium, sive superscriptorum, & infracriptorum transgressores, ut quos per totam septimanam punctaverit, seu notaverit sabato quolibet Decano puniendi, vel eo absente, Capitulo referre habeat antedicto, ut tales ipsi penis debitis puniendi ad sui reformationem, & aliorum exemplum in melius se emendant. Et ut idem Monachus, seu Sacrista se promptiorem exhibeat ad hujusmodi sibi commissum officium exequendum

volumus, quod decima pars omnium exigendorum de dictis penis sibi pro sui labore, dum tamen rite perferent, applicetur. Relique vero partes ad ipsum Capitulum, sive ad Fabricam Ecclesie, & maxime ad ea, que circa Altare communiter expendantur, sive in lavacione corporalium, camifarum, ampullarum, & funum campanarum, & incensum, si defecerit emptione & ad alia hujusmodi, prout dicto Decano, & Capitulo melius & utilius videbitur expedire, totaliter devolvantur. Aliter vero, si idem Monachus ex contemptu vel malitiose subtraxerit, seu obmisit hos punctare, penas eorum taliter commissorum prefato Decano, & Capitulo perolvere teneatur, & sit astrictus, & nihilominus constitutio prefens perpetuam obtineat roboris firmitatem.

De Comperatione Pallii, sive Panni ferici.

XXIII. Ad perpetuum rei memoriam dignum & congruum arbitramur, ut hii, qui ab Ecclesiis honorem & commodum consequuntur, restat etiam, quod eisdem Ecclesiis aliquem honorem impendant. Sane cum Ecclesia nostra Tridentina in paramentis, & capis, & stque palliis, & aliis utensilibus ad ornatum cultus Divini magnum defectum paciat, statuimus, & ordinamus, ut de cetero quicumque in dicta nostra Ecclesia Tridentina erit de novo creatus Canonicus, & Prebendarius, sive auctoritate Apostolica, sive quavis alia auctoritate, de primariis fructibus dicte sue Prebende teneatur, & debeat emere unum pallium pulcrum, & decens de serico pro hujusmodi paramentis, & capis, sive utensilibus fiendis pro dicta Ecclesia Tridentina, & hoc precipimus fieri infra annum a die adepti pacifice possessionis suorum Canonicatus, & Prebende predictorum computandum. Si vero dicti primarii fructus fuerint pro Camera Domini Pape reservati, sicuti interdum fieri consuevit, secundarii fructus ipsius Canonici eodem modo ad dictum honorem similiter deputamus. Ubi autem talis Canonicus in prestando dictum pallium fuerit negligens vel remissus, ex nunc committimus, & mandamus, ut Caniparius Capituli nostri, qui nunc est, vel qui pro tempore fuerit,

fuerit, teneatur, & debeat cum auxilio Nostro, aut Vicarii nostri, vel dicti Capituli totum de Prebenda dicti Canonici recipere, atque exigere, ut possit dictum pallium emere. Si autem in primo anno idem Canonici, causam rationabilem ante omnia assignando, non possit dictum pallium commode emere, tunc a Nobis, vel a dicto Capitulo de longiori termino dispensationem humiliter petat. Hoc autem salubre statutum a publicatione prefencium in perpetuum volumus robur firmitatis obtinere, & inviolabiliter observari.

De solucione Procuracionum &c.

XXIV. Dignum censemus, & consonum rationi, ut quod omnes tangit, ab omnibus etiam debeat approbati, & circa hoc participari communiter singula, que occurrunt oneri & honoris. Quare presentis scripti serie statuimus, & ordinamus, ut si contigerit Sedem Apostolicam, Dominum Patriarcham, vel Dominum Episcopum Tridentinum, aut Legatos, vel Delegatos, seu quosvis alios Nuncios, seu Capitula, Collegia, Universitates, aut Communitates, vel singulares personas, qui vel que hoc de jure facere possint, quicquam a Capitulo visitationis, seu procuracionis, inquisitionis, vel katedratici nomine, aut alia quacunque iusta de causa petere, vel exigere vellent, petita huiusmodi per ipsum Capitulum communiter tribuantur, vel alias singulariter secundum rationem decime modernam & observatam hucusque estimationem, si pro meliori fuerit Canonicalium Prebendarum. Convenit enim, ut sic huic oneri subiciantur omnes de ipso Capitulo equaliter & de jure, quemadmodum & ipsi honoribus cottidie sublimantur. Statutum hoc non solum ad predicta extendi debere volentes, sed ad omnia genera causarum, que toti Capitulo, aut uni Colonello super quacunque re, aut uni ex dicto Capitulo ratione, vel pretextu, aut occasione ipsius solummodo moverentur, ad quorum omnium supportationem totum ipsum Capitulum teneri volumus incessanter.

De Anno mortis fructus defuncti Canonici.

XXV. Humane nature debito, quod omnino persolvere nos convenit suaden-

te, statuimus tenore prefencium, & firmamus, ut quodcumque contingit aliquem ex residentibus Canonici dicti Capituli in civitate, vel Diocesi Tridentina, aut alibi in servicio nostro, vel prefati Capituli, aut sui pro procuracione, exactione suorum Canonicalium reddituum existendo viam carnis ingredi universe, heredes ipsius ex testamento, vel ab intestato legitimi, seu quilibet alius, cui hoc relinqueretur, seu iudicaretur, aut fidei committeretur, vel legaretur, pro ipso decenti, & honorabili sepulture tradendo, & ipsius septimo, tricesimo, & anniversario faciendo fructus omnes, & redditus, ac proventus Canonicali Prebende ejusdem defuncti totaliter per ipsum annum sui decessus inclusis, & computatis omnibus aliis redditibus, quos antea infra ipsum annum idem defunctus dum viveret recollectit, sine cujusvis contradicione, impedimento, vel molestia habere, & percipere debeant, ac integraliter consequantur. Principium autem seu inchoacionem anni decessus huiusmodi esse decernimus diem Festi Nativitatis Beati Johannis Baptiste de mense Junii. Tunc decessum ipsum proximè precedentem, si nem vero diem inclusive proximè sequentis Vigilie ejus Festi. Et si in die decesserit dicti Festi, tunc ab ipsa die usque ad idem proximè sequens Festum, prefati heredes seu Legatarii, vel Fideicommissarii ipsos omnes redditus integraliter ut supra diximus consequantur. Intelligentes, quod decimas, vel alios redditus, qui ante dictum Festum Sancti Johannis obvenierint & colliguntur, defunctus, vel heredes sui predicti non habeant bis in anno.

De Optione Prebendarum.

XXVI. Statuentes insuper & firmitates, quod tunc liceat seniore Canonico per se, vel Procuratorem suum infra XX. dies a die decessus huiusmodi computandos, Prebendam ipsius defuncti relicta sua, si sibi placuerit, adoptare, sub illo, vel illi ascribi consorcio, vel Colonello sub quo, vel cui idem defunctus antea noscebatur, ascriptus. Si vero post lapsum ejusdem termini duxerit adoptandum, ex nunc prout ex tunc talis adoptio inefficax, & nullus sit momenti. Et sic singulis Canonici gradatim liceat, si voluerint, suas Prebendas relinquere, & alias infra

fra eundem terminum, sicut de jure debuerint, adoptare. Nichilominus etiam Prebenda ipsa sic relicta, & ultimo vacans alii conferatur, vel per Capitulum fiat electio de novo Canonico ad eandem. Et qui ad eam electus, vel eam quavis auctoritate de jure fuerit consecutus, sub illo Colonello, seu consortio censeatur, sub quo erat ipsam proxime derelinquens.

Ut Canonici Prebendarum celebrent Officium, & conferant Ecclesiastica Sacramenta per se, vel alios in Ecclesiis sibi unitis.

XXVII. Quoniam ubi majus periculum imminet, ibi in animarum subsidium caucius, & salubrius est agendum; statuimus, ut omnes de suo Colonello Canonici residentes, vel quilibet Canonici Prebendatus refidens pretexto & occasione nove divisionis Canonicalium Prebendarum Ecclesiis sibi unitis, & subditis Divinum Officium facere, & Ecclesiastica Sacramenta conferre per se, vel suos sufficientes & honestos Vicarios honorifice & decenter, prout juri ordo exoptulat, sicut semper observatum est aeternus, sint stricti, ita quod omni cessante scandalo & errore nil omnino saluti depreceat animarum.

Qui possunt vel debeant administrare Sacramenta etc.

XXVIII. Unum adhuc denuo recolentes, & firmiter statuantes, ut si aliqui in extremis laborantes apud Katedralem Ecclesiam suam elegerint Sepulturam, & Ecclesiastica pecierint Sacramenta; Decanus, vel unus ex Canonicis, si voluerint, possint; Mansionarii vero, ad quos proprie spectat, teneantur hujusmodi Sacramenta conferre, & alia quolibet supplere, que ad curam pertinent animarum, salvo semper jure Plebanorum, seu Parochianorum. Sed Capellani omnino se ad hec, vel super hoc nullatenus intromittant, quibus, cum ad se non spectent, presencium serie totaliter inhibemus, nisi forte Decano, & Canonicis hoc facere nollentibus, didis vero Mansionariis absentibus, vel causa nequeuntibus, id omnino per Capellanos oportet fieri, & suppleri. Tunc eo casu iidem Capellani hoc non tamen absque Decani, vel eo absente, unius de Capitulo voluntate & licentia exequantur.

De Electionibus, Confirmationibus etc.

XXIX. In electionibus, seu collationibus, aut provisionibus, five institutionibus, confirmationibus, & investituris, seu quibuscumque alis dispositionibus Ecclesiarum quarumcumque, Dignitatum, Personarum, Officiorum, Beneficiorum, animarumque cure, & aliorum omnium & singulorum ad totum nostrum Capitulum communiter, vel divisim spectantium, per ipsum Capitulum, si communiter ad se spectat, vel per maiorem & majorem partem ejusdem, si divisim per illum, vel illos, ad quem, vel ad quos sic divisim pertinet, servato semper juris ordine, & requisito semper Capitulo, & de ipsius seculo, consilio, & assensu, mature & solempniter procedatur.

De Distributionibus, & Consuetudinibus, & de Relictis Capitulo, vel singulari Persona.

XXX. Illud idem super cottidianis distributionibus solitis hucusque dari, & aliis bonis, & antiquissimis ipsius Capituli & prefate Ecclesie nostre consuetudinibus jam prescriptis perpetuo, & inviolabiliter volumus, & decernimus observandum, dummodo causa non sit talis & sic legitima, propter quam distributiones, & consuetudines ipse cassande, seu abolende omnino forent, vel merito suspendende. Superaddentes etiam per consequens, & volentes, quod si qua relicta, seu judicata, vel donata fuerint ipsi Capitulo communiter, vel divisim relicta, seu judicata, vel donata hujusmodi, si communiter toti Capitulo ad ipsum totum Capitulum, si vero divisim, ut Colonello, vel singulari persone Capituli ad ipsum Colonellum, vel singularem personam sine cujusvis contradictione tantummodo devolvantur, & ad dominium ipsorum talium plenarie transferantur. De quibus bonis sic devolutis eadem singularis persona nullam distractionem, vel alienationem possit facere tempore vite sue. Condizione tamen hac apposta, & cautela, quod quandocumque contigerit eandem singularem personam debitum naturae persolvere, ea omnia sic relicta, seu judicata, vel donata Ecclesie intuitu, quod in dubio presumatur, ad ipsius decedentis, dum vivebat, Prebendam distinctam: si distinctam habe-

habebat, aliter ad Colonellum illum, de quo decedens fuerat, denuo revertantur.

De Apostatis, & vagis Sacerdotibus.

XXXI. Apostatas notos, vel sibi similes, non solum in nostra Majori, verum etiam, nec in aliis Nobis, & dicto Capitulo, subjectis Ecclesiis ad Divinum Officium de cetero admitti volumus quomodo, ymmo per omnes indifferenter Ecclesiarum Rectores, & presertim in ipsa majori Ecclesia per Decanum, & alios Vicarios, seu conductores Ecclesiarum ipsius Capituli nunc deputatos,

vel imposterum deputandos, ipsos tales omnibus postpositis reici volumus totaliter & expelli. Idem quoque contra Sacerdotes advenas, sive vagos ad easdem Ecclesias undecumque concurrentes fieri volumus, & observari, similiter statuentes, ut non prius ipsi ad Divinum Officium admittantur, nisi per testimoniales literas, seu formata legiptima, vel per testimonium fide dignum eidem Decano in nostra Ecclesia, vel eo absente, Capitulo, & in aliis ecclesiis Prelatis earum, aut Vicariis, seu conductoribus antedictis de suis ordinibus, seu dispensationibus fecerint plenam fidem.

Nomina illorum omnium Prelatorum, qui personaliter, vel per Procuratorem interfuerunt in predicta Sancta Synodo.

Vener. in Christo Pater Dominus Frater HENRICUS, Dei & Apostolice Sedis gratia Episcopus Tridentinus, personaliter.

Dnus Henricus de Ralo, Decanus & Canonicus, personaliter.

Dnus Girardus de Surbuch, Archidiaconus, personaliter.

Dnus Nicolaus de Michsina, Scholasticus, personaliter.

Dnus Johannes de Castris, Nepos dicti Dni Episcopi, Canonicus, personaliter.

Dnus Jacobus de Brixina,

Dnus Alexander de Leudro,

Dnus Franciscus de Placencia,

} Canonici, per Procuratores.

Dnus Antonius de Mediolano, Canonicus, personaliter.

Dnus Andreas de Rubeis, de Parma, Canonicus.

Dnus Petrus de Ralo,

Dnus Federicus de Mantua,

Dnus Dominicus de Bononia,

Dnus Fulcerius de Coneglano,

Dnus Bartholomeus de Valesela,

Dnus Johannes de Brixia,

Dnus Laurencius de Brixia,

Dnus Guilielmus de Brixia,

Dnus Nicolaus de Tajo,

Dnus Jacobus de Tayo,

Dnus Franciscus de Clesio,

Dnus Franciscus Ulipfis, de Roma, Canonicus.

Dnus Oto dictus de Epiano, Canonicus, personaliter.

Dnus Johannes de Azana, de Pricia, Canonicus, per Procuratorem.

Dnus Nicolaus de Veletro, de Roma, Canonicus.

Dnus Hendricus de Ladesperch, Canonicus, personaliter.

Dnus Otobelus de campo Tridentino, Canonicus, personaliter.

Dnus Rolandinus de Rangonibus, de Parma, Canonicus, personaliter.

Dnus Venturinus de Mantua, Mansionarius, personaliter.

Dnus Martinus de Novaria, Mansionarius, personaliter.

Dnus Julianus, Presbiter de Burgonovo, Pro-Sacrista, personaliter.

Dnus Presbiter Geminianus de Cremona, Capellanus Altaris S. Massencie, persf.

Dnus Presbiter Blasius de Coneglano, Capellanus Altaris S. Johannis, personaliter.

Dnus Presbiter Johannes de Castro, Capellanus Altaris S. Marie, persf. (m).

Dnus Presbiter Julianus de Burgonovo, Capellanus Altaris S. Katarine, persf.

Dnus Presbiter Albertus de Mantua, Capellanus Altaris Omnium Sanctor. persf.

Dnus Johannes de Sabaudia, Capellanus Altaris SS. Petri & Pauli, per Procuratorem.
 Dnus Dnus de Bononia, Rector Capelle Palatii, personaliter.
 Dnus Laurencius de Bnxa, Plebanus in Pinedo, personaliter.
 Dnus Leonardus, Plebanus de Civezano.
 Dnus Johannes, Plebanus de Mejano. (n)
 Dnus Odoricus de Campo, Plebanus de Pao.
 Dnus Michael de Castronovo, Conductor Abbacie S. Laurencii.
 Dnus Archi-presbiter de Supramonte.

In Valle Lagari.

Dnus Jacobus, Archipresbiter de Avolano, personaliter. (o)
 Dnus Odoricus de Archo, Archipresbiter de Lizana.
 Dnus Delaitus, Archipresbiter de Murio, personaliter.
 Dnus Franciscus de Tuyeno, Rector Ecclesie de Yferia, per Procuratorem.
 Dnus Petrus de Ralo, Archipresbiter Plebis de Lagaro, personaliter. (p)
 Dnus Jacobus, Rector de Pomarolo, personaliter.
 Dnus Jacobus, Rector S. Antonii, personaliter.
 Dnus Federicus de Tuyeno, Prior S. Yllarii, personaliter. (q)
 Dnus Prior S. Margante, personaliter.

In Vallibus Anani & Solis.

Dnus Petrus, Plebanus S. Laurencii, personaliter. (r)
 Dnus Simon, Plebanus de Castrofondo, personaliter.
 Dnus Coradinus, Plebanus de Clozo.
 Dnus Numus, Plebanus de Revoo.
 Dnus Ognabenus, Plebanus de Livo.
 Dnus Guilielmus, Plebanus de Maletto.
 Dnus Bonomatus, Plebanus Valfane.
 Dnus Riprandus, Rector de Tonalo, sive Henricus de Pavilo, personaliter.
 Dnus Bonifacius, Plebanus de Arfo, personaliter.
 Dnus Albertus de Mantua, Plebanus de Fondo, personaliter.
 Dnus Henricus, Plebanus de Cleslo.
 Dnus Guala, Plebanus de Tafulo, personaliter.
 Dnus Sicherius, Plebanus de Flaono, personaliter.
 Dnus Jacobus, Plebanus de Eno.
 Dnus Andreas, Rector Plebis de Spuoro, personaliter.
 Dnus Andreas, Plebanus de Tono, personaliter.
 Dnus Johannes, Plebanus de Mecio.
 Dnus Martinus de Novaria, Plebanus S. Heusebii, personaliter.
 Dnus Henricus, Plebanus de Amblo.
 Dnus Guilielmus, Plebanus de Tayo, personaliter.
 Dnus Girolodus, Plebanus S. Sifinii, personaliter.
 Dnus Henricus, Plebanus de Corado.
 Dnus Johannes, Plebanus S. Marie de Romeno, personaliter. (s)

In Judiciaria.

Dnus Jacobus, Archipresbiter de Nachu, per Procuratorem.
 Dnus Bernardus, Archipresbiter de Ripa, personaliter.
 Dnus Aldrigetus, Archipresbiter de Bono, personaliter.
 Dnus Andreas de Sporo, Archipresbiter de Tegnalo, personaliter.
 Dnus Dnus, Archipresbiter de Randena, personaliter.
 Dnus Ektor, Archipresbiter de Leudro.
 Dnus Bartholomeus, Archipresbiter de Tegnalo. (t)
 Dnus Facius de Romalo, Archipresbiter de Condino.
 Dnus Guilielmus, Archipresbiter de Lomaso.
 Dnus Semblantus, Archipresbiter de Banalo.
 Dnus Coradus, Archipresbiter de Blecio.

Dnus . . . Archipresbiter de Teno, personaliter.
 Dnus Coradus, Archipresbiter de Archo.
 Dnus Petrus, Archipresbiter de Cavedeno.
 Dnus . . . Archipresbiter de Calavino.
 Dnus Nivabenus, Prior de Campeyo.
 Dnus Guillelmus, Prior S. Thome apud Archum.

In Longum Ataffis.

Dnus Bernardus, Vicarius Plebis de Caldario, personaliter.
 Dnus Otto, Vicarius Plebis de Epiano, personaliter. (a)
 Dnus Henricus, Plebanus de Tiffina, personaliter.
 Dnus Henricus, Rector Ecclesie de Formiano, personaliter.
 Dnus Henricus, Plebanus de Leunano.
 Dnus Henricus, Rector Ecclesie S. Georii supra Leunano.
 Dnus Coradus, Rector Ecclesie de Guriano, personaliter.
 Dnus Henricus, Rector Ecclesie de Grifano.
 Dnus Michael, Plebanus de Marniga, personaliter.
 Dnus Dalvasius de Bononia, Plebanus de Vilandres, personaliter.
 Dnus Johannes de Wanga, Plebanus.
 Dnus Bartholomeus, Plebanus de Sarantina, per Procuratorem.
 Dnus Walterius, Rector S. Zenesi.
 Dnus Guarnardus, Rector de Milten.
 Dnus Aldevrandus, Plebanus de Scenano, personaliter.
 Dnus Sifridus, Rector Plebis de Mayer. (x)
 Dnus Diatrius, Rector Plebis de Chelro.
 Dnus Nicolaus, Plebanus de Bozano.
 Dnus Philippus de Bononia, Plebanus Plebis de Nova.
 Dnus Henricus, Prepositus Augensis, per Procuratorem. (y)
 Dnus Benedictus, Plebanus de Egna, personaliter. (z)
 Dnus . . . Rector S. Bartholomei supra Egnam, personaliter.
 Dnus Blasius, Plebanus de Cimbria, personaliter. (aa)
 Dnus Franciscus, Plebanus de Flemis, personaliter.
 Dnus . . . Rector S. Floriani.
 Dnus Federicus, Plebanus Ecclesie de Salerno.
 Dnus Federicus, Prepositus S. Michaelis.
 Dnus . . . Rector Ecclesie de Zovo.

Millef. CCC. XXXVI. Indictione Quarta, die XIV. Januarii, Tridenti in Ecclesia Cathedrali, presentibus omnibus Prelatis & Rectoribus Ecclesiarum superscriptis, & insuper Religiosis Viris, Fratribus Johanne de Ordine Cisterciensi, infra scripti Domini Episcopi, & Benedicto de Tridento professio Monasterii S. Laurencii prope Tridentum Ordinis S. Benedicti testibus &c. Ven. Pater Dnus Henricus, Dei & Apostolice Sedis gratia Episcopus Tridentinus, Pontificalibus decoratus, tenuit *Synodum Generalem*, & primo publicari fecit literas super facto decime Papalis, (bb) & postea fecit monicionem signatam B. & deputavit collectores &c. Item die XV. dicti mensis publicavit Constitutiones signatas signo D. & G. Item die XVI. dicti mensis iterum renovavit ipsas Constitutiones, & omnes alias superscriptas, & jussit ad cautelam per nos Dinum, & Albertum Notarios fieri publica Instrumenta. (cc)

ADNOTATIONES AD SYNODUM TRIDENTINAM

anni 1336, impressæ Tridenti anno 1761.

- (a) Idem titulus hujus Episcopi legitur in multis aliis chartis, una anni 1320, altera de anno 1326, tertia in charta de anno 1327. qui titulus certe non quadrit in Episcopum excommunicatum & interdictum.
 (b) Fuit igitur vera *Synodus Diocesana*.

Tom. IV. Conciliar. German.

N n n n a

(c)

- (c) Qui Apostolicam Sedem adeo reveretur, qui eidem rebellis dici poterit?
- (d) Hinc colligit non fuisse *Præpositum*.
- (e) In margine Synodi adscriptum Episcopos Hinderbachius: *Missæ Regalis noviter quando instituta?* Clarius id demonstrat MARIANI in *suo Tridento* pag. 59. & seqq. Inter
 "anniversaria & sanctiora officia Episcoporum, & Principum, & illustrium personarum, quæ multa occurrunt, notabilis est illud, quod fit 2. Maji pro memoria HENRICI Regis Bohemæ, & Comitum Tirois; hic postquam relicta fuisset ab-lara Tridentinæ Ecclesiæ a MATHIASO Patre suo, Regia munificentia instituit Legatum speciale anno 1334. cantandi sacri quotidiani perpetui sub auroram in Cathedrali Ecclesiâ, quod dicitur *Missæ Regiæ*. Huic fundando desuit Rex mensiæ Episcopali reditus in Tramen valde uberes.
- (f) Lectio vocis *Capitulum*, quam in alio codice MS. reperio, præferenda videntur: quæ significatur *amictus Capæ*. In *Glossario Du Cange* sacre vestes *Capæ chorales* ex sunt, quibus *Clerici vel Sacerdotes in Choro amictuntur*.
- (g) Longa experientia docuit, Potentes solere fieri præpotentes.
- (h) Si tempore hujus Synodi [quo Tridentinæ Ecclesiæ pace gauderet] iusta extrabant motiva querelarum ob diversas usurpationes bonorum Deo dictorum paratas, ex cæca & ardente aliorum cupiditate, contra Deum & Justitiam: quales iniuriæ illæ fuerint Ecclesiis temporibus honestioribus, quando vigeat, testibus antiquis chronici doctrina perversa ARNALDI, prætendens ad solos seculares spectare Dominium temporale, & Episcopis solum spirituale Dominium competere? De cætero hæc Henricus episcopus sensit errores Arnalditicos, quod *Ecclesiæ temporalia habere non possit*; qui error sparsus fuit a Marfilio Passivino, & Joanne de Janduno (sive Gandavensi, ut Annotator) & remittit ad Alvarum Pelagium *Lib. I. de Planctu Ecclesiæ cap. 68*. Alius error non minus noxius Ecclesiæ spargebatur per Diocesan nostram, cujus dux DUCIMUS, de quo *Villanus Lib. VIII. cap. 84*.
- (i) Si contra hujusmodi usurpatores procedendum est, ob ipsius Domini nostri, ac Beati Vigiliæ Patrum reverentiam & amorem: igitur hæc bona non sunt ulla mandata uni pære temporalia, sed uni Deo & Sanctis consecrata.
- (k) *Canonicus* est is, cui cura incumbat, redditus Capitulares exigendi, colligendi, registriandi, computandi: is non solum erat eligendus a Capitulo, sed debeat ipse esse Capitularis.
- (l) Hic voce *Monachi* non intelligitur veri nominis *Monachus*, sed vice, vel *Sub-Sacristanus*, qui vulgari Tridentino idiomate dicitur *Monago*. Id apparet in proxima Rubrica.
- (m) Rejicit Annotator Lectorem ad notam (e) pag. 606.
- (n) De *Mejano*, idem est, *Meano* supra Tridentum sita. Non vero *Semiana*, de quo Paulus Diaconus *L. III. c. 30*. nec *Semiana* destructa Francorum incursionibus interpretanda est per *To Asejano*, sed per *Mezzano*, Latine *Semione*, in valle Solis existens, qua via, dicta hodie *Ponte di Legno*, penetrarant Franci in Tridentinum districtum. Unde nunquam inducitur, ut credam per *Semiana* significari *Seregnano* super Tridentinum situm ad dexteram rivi Fersina, vicinum Cavezzano.
- (o) Cum hæc primo nominetur *JACOBUS Archi-Presbyter de Avolano*, vel *Volano* in Valle Lagaro, conjici hinc potest hujus Ecclesiæ antiquitas: quæ & vocatur *Parochia antiquissima in antiquitatibus Rovereti* pag. 74. ubi prænominatus Jacobus Archi-Presbyter de Avolano dicitur primus subscriptus in actu celebrato Tridenti A. 1336. cum jure deberet dici primus subscriptus in *Synodo anni ejusdem*. Notetur & ex prædictis *Commentariis de Rovereto*, Avolanum & Volanum in chartis antiquis promiscue scribi: unde probabile sit, *Volano* Pauli Diaconi non esse, nisi *Volanum*.
- (p) In Synodo nostra non dicitur *Archi-Presbyter Plebanus de Lagaro*, uti in commentariis adductis legitur, sed *Archi-presbyter plebis de Lagaro*, hoc est, prædicti rustici inter *Pomaro* & *Nogaretto*: hoc est, in eodem loco, in quo confirmatum fuit *Testamentum Wilhelmi de Castellbarco*, signatum anno 1316. (leg. 1319.) in quo nominatur ista plebs de *Lagaro*, his verbis: *Item relinquo plebi S. Mariæ de Lagaro &c.* Vocatur item *Brianus de Lagaro* in fœdere anni 1154. apud *antiquitates Eistenjæ & Italarum Muratori* pag. 341. & apud *Primum Diaconum* L. 3. c. 9. *Comes Longobardorum de Lagaro, Rogilo nomine*. Supradictus *Petrus de Rallo*, Archi-presbyter plebis de de Lagaro videtur idem, qui prædictus Canonicus. Hinc in Testamento *Fridrici de la Scala* Comitis de Valle Pulicella publicato Tridenti anno 1339. vocatur *Petrus de Rallo Canonicus Majoris Ecclesiæ Tridentinæ*, & Archi-presbyter plebis de *Lagaro*, Tridentinæ Diocesis; ubi & nominantur duo alii memorati in hac Synodo, nempe *Henricus de Rallo* Decanus Majoris Ecclesiæ Tridentinæ, *Rolandinus de Lagaro*.

Ragonibus, Canonicus prædictæ Majoris Ecclesiæ Tridentinæ. Meretur legi hoc Testamentum in *Notitiis historicis Ecclesiæ Peronenfis* post libr. 4. pag. 809. & seqq.: cum in eo multe exquisitæ notitiæ insint: inter quas memoratus testator multam devotionem præ se fert erga Monasterium Minorum, & S. Michaelis Tridenti, & civitatem Marano. Ex eodem Testamento discimus, quod *Sophia* uxor *D. Azonis de Castibarco* erat ejusdem Testatoris filia, quæ *D. Henricus J. Egus* ejusdem Atevis erat. Ibidem memorantur *Fr. Martinus* Sacerdos, & *Fr. Bartholomæus* Conventus de S. Maria de Montebaldo, ut prætereamus alias notitias Fratrum Minorum prædictorum, & Eremitarum Tridenti. Notarius rogatus fuit *Guillelmus*, natus quondam Conradini de Campo Tafulli, Imp. publ. auctor, Notarius.

- (f) In Archæo castelli Tridentini extat charta scripta in forma authentica anni 1303. ex qua certiores sumus, quod " Anno 1197. Indiæ. 14. die Jovis primo intrante Majo in Stroparolo in præsentia D. Conradi Capellani, Porcardi Canonici, Archiepiscopi byteri de Brentonico, D. Pelagrini de Beseno, Briani de Caltrobarco, Oudrici de Arcu &c. &c. Dnus Conradus Episcopus Tridentinus consecravit Ecclesiam S. Ylari de Stroparolo, concessa indulgentia iis, qui intererant cum firma trewa (pace) in rebus & personis: excommunicationi supponens eos, qui venientes & redeuntes offenderent, & hoc singulis annis esse voluit. Tribus diebus ante annuale forum concessit, & omnes accedentes securos fecit in tota sua jurisdictione præter bannitos, latrones, falsarios, & maleficios. A Galtadione de Præstis fieri decrevit, vel ab alio ab Episcopo designato; Ecclesiam illam cum Hospitali ab omni jurisdictione liberum esse voluit, & soli Episcopo Tridentino subjectionem, eamque gaudere fecit iuribus communibus contemnitarum communiarum de Lagaro, de Avolano, & de Lizant. " Id quod in hac charta dicitur *Hospitali*, in altera anni 1333. dicitur *Monasterium S. Marii*.
- (g) Hic cum videns subscripsum primo *Petrus Phebanus S. Laurentii* in Sarnonico, videtur argui posse antiquius ejus Ecclesiæ. Vide supra pag. 286. & 598. ait *Annator*. Hic solum monebo, non posse credi diversam hanc ecclesiam *S. Laurentii* ab ea, quam indicavit Gregorius Turonensis. Ideo D. Abbas Joannes Baptista Bovius Novariensis in *Theatro Morali Dogmatico-Historico Tomo II.* circa finem *tertiæ Tractatus* pag. 537. eam collocat in *Briana*, loco octo vel decem millibus distito Novaria, tum quia hic auctor nimiam per se fert philantiam suæ patriæ, tum quia præfata Ecclesiæ, quæ prælaudati Gregorii Turonensis *L. 1. C. 42. de gloria Martyrum* sita apud *Briones Italiæ castrum*, non dicit esse *Brionium Novariensæ castrum*, & aliud est *Briana*, aliud apud *Briones*, vel *Breons*, nominatos etiam Cassiodoro, Venantio fortissimo, Paulo Diacono, Valerio, Pagio; quantum enim distant *Briana* Novariensis, tantum sunt *Sarnonico* Anasiniæ vicini.
- (h) Hinderbachius Episcopus Tridentinus sextus ab Henrico III. manu sua in Synodi margine adnotavit: *desunt Phebanus de Sarnonico, qui est XX. quartus*.
- (i) Dum repetitur *Tignak*, error est vel in hac voce, vel priore loco intelligendus Archiepiscopus de *Tior*, qui locus a me in chartis observatus vocatur modo *Tigionum*, alias *Tijonum*, iterum *Tilionum*, mox *Tilanum*.
- (k) Id est *Epan*, vel *Eppan*, qui locus merito a Wollfigango Lazio *L. VII. Chorographiæ Austriæ* vocatur propterea Comitatu celebris.
- (l) Hic locus apud diversos Scriptores diversa nomina obtinet, nempe *Castrum Magionse, Mojez, Maiz* &c. vicinus est *Marano*. Nescis est dubitare cum D. Muratori in *Annalibus Italiæ* anni 723. (uti observatur in *Commentariis antiquis de Rovereto*) utrum locus hic situs sit in *Tirol*: uti nescis est dubitare, an *Maranum* sit situm in *Tirol*: quando in prædicto testamento *Friderici de la Scala* nominantur *Sorores Minores Ordinis Sanctæ Clare de Marano, Comitatus Tirolis*: & ibidem *Testamentum* eam per me factum in *Burgo Marani, Comitatus Tirolis* &c.
- (m) In charta anni 1314. nominatur *Monasterium Ecclesiæ Augensis juxta Bozanum*, & inter testes ejusdem chartæ comparat nomen *Onuchiani Militis de Sagromus de Perona*. Inter documenta insignis Præposituræ in Gries, quo circa A. 1406. translata fuit ob aquas antiquior præpositura Augensis, non solum extat *Friderici I. Imp. Diploma* de A. 1199. verum & confirmatio ejusdem a *Friderico II. Imp.* emanata anno 1237. Extant & aliæ chartæ, e quibus colligitur dictam Præposituram in Augensem fundatam fuisse anno 1160. ex religione Comitris & Comitissæ de Greiffenstein, & fuit institutus primus Præpositus ejusdem *Henricus ex celebri ejusdem Sacri Apostolici Ordinis Collegio Neuburgensi assumptus*. Aliud superest *Diploma Friderici I. Imp.*, unde apparet, quod idem Tridenti existens *II. Kal. Novembris anno Domini MC. LXXI. Indictione XII.* voluerit privilegiatam & protectam Præposituram Augensem juxta consilium *Alberti* Tridentini Episcopi, & Advocatorum, id est Dominorum

rum Comitum de Eppan, Friderici & Henrici. Huic privilegio & protectioni Cōsarcare Ecclesiæ Augensis accedit aliud privilegium & protectio pontificia Alexandri III. quod incipit: *Alexander Episcopus, servus servorum Dei, dilectis Filiis Henrico Præposito Ecclesiæ Sancte Marie in Auga Bozani, ejusdemque Fratribus tam presentibus, quam futuris regularem vitam professis &c.* finis: *Datum Avinionis per manum Gratiani Sancte Romane Ecclesiæ Subdiaconi & Notarii, III. Kal. Februarii, Indict. VII. Incarr. Dom. anno MCLXXIII. (MCLXXIV. corrigi Adnotator) Pontificatus vero Dni Alexandri PP. III. anno XV. (L. S. sub plumbo.)* Observandum est, ex tali Bulla edita sub Adelpheto, alias Alberto, non tantum non colligi excommunicatum vel interdictum Episcopum: imo velle Papam, ut id Decretum obtineat plenum vigorem *salva Sedis Apostolicæ auctoritate & Diocesi Canonica iustitia.* In eadem Præpositura servatur Instrumentum Consecrationis Ecclesiæ in Auga, ac confirmationis omnium possessionum, nec non concessionis libere eligendi Præpositum, per Udalicum Patriarcham Aquilegiensem. Initium: *Udalricus, Dei gratia, Sancte Aquilegensis Ecclesiæ Patriarcha, Apostolicæ Sedis Legatus, dilectis in Christo Fratribus Henrico Præposito, & Canonicis Augensis Ecclesiæ tam futuris, quam presentibus regularem vitam professis &c.* finis: *Ego Udalricus, Aquilegiensis Patriarcha, propria manu subscripsi. Ego Walchyon, Belemignensis electus Abbas, subscripsi. Dat. anno Dom. Incarr. MCLXXIX. Indict. XIII. XI. Kal. Decembris in civitate Aquilegiæ. Ego Udalricus, Aquilegiensis Archidiaconus & Præpositus, subscripsi. Ego Clemens Dni Patriarchæ Capellanus, iussu ipsius hanc paginam conscripsi & dedi. Ego Magister Dominicus, Capellanus Dni Patriarchæ subscripsi. (L.S.)* Nota, in presenti instrumento dici, fundatam fuisse Augensem Ecclesiā a Dilecta quondam consanguinea nostra illustri & Deo devota *Camilla Mechtild de Moritz* Deum osculatum suum heredem instituentē. Hæc erat uxor *Arnoldi* Comitis de Greifenstein. Hæc notitia debet Adnotator Tridentinus moderno Dignissimo & Rmo Præposito de Gries, Alberto Martino Præb. quas series, ait, ad nos perlitas nec integras edere valuimus, nec oportuniori loco, quam hic citare.

- (2) *Egna* igitur distinguenda est ab *Eao*, vel *Enno*. *Egna* est in Anaunia, *Enno* in valle Anelina. Hinc *Olivandinus de Enno*, & *Harinus de Enno* apud Ughellum *T. V. col. 606. & 630*: non erant oriundi ex *Egna*, sed ex *Enno*, vel *Enno* in Anaunia. Rursum *Hennum* nominatum in statuto Capituli interpretandum est *Enno*, non *Egna*.
- (aa) De loci huius antiquitate in Tridentino districtu nota eruditissimus Canonici Dionysii in *Dissertatione de duobus Episcopis Aldone & Notingo pag. 23*. "Quis non videat a Cimbris orti, qui eo loci insederint post insignem cladem, quam a Mario acceperant? Sicut Panvinus noster testatur, supra montes scilicet Germaniæ finitimos, Cimbrorum reliquias reperiri." Inter castella destructa a Francis in Territorio Tridentino numerat Paulus Diaconus non solum supra memoratos *Valenes*, sed etiam *Cimbriam*, simul cum *Maletto* memorato in hac Synodo.
- (bb) Adnotat id loci Hinderbachius Episcopus: "Ista impositio Decime facta tempore Joannis PP. XXII. fuit postea revocata per Dnum Benedictum PP. XII. prout apparet ex quadam Bulla ejusdem per nos reperta inter Bullas & Litteras Apostolicas Monasterii S. Laurentii ultra Poadrem, & reposita inter alia jura & litteras Ecclesiæ ad futuram rei memoriam." Si Episcopus Henricus voluit publicari Decimam, impositam a Joanne XXII. jam reverentem se & devorum præstitit, minime numerandas inter *excommunicatos* vel *interdictos*.

In archæo Monasterii S. Clare in vico Tridentino de *Sancta Cruce* dicto, extat charta pergamentum originaria appenso sigillo, qua idem Henricus Episc. confirmat quoddam *authenticum Privilegium Sanctissimi Patris D. Joannis Divina Providentia Pape XXII.* quo privilegio Pontificio Sanctionibus ejus loci eximebantur a solvenda decima, collectis, vectigalibus, tributis, ex visitatione aliisve de causis impositis. Privilegium Pontificum datum fuit *Avinionis XV. Kal. Octobr. Pontificatus nostri anno secundo.* Charta Episcopalis sic: *Actum & datum Tridenti in Bonocomilio castro nostro die Lune undecimo Februarii, Nat. Domini anno Millesimo trecentesimo vigesimo, Indict. tertii, presentibus sapientibus viris Dnis Milancio de Milancis de Bononia, Antonio de Leandro, Guillelmo de Belerzanis, Justiniano de Gardahis, Nicolao & Oddorico de Spanolis Jurisperitis &c.* Hinc vide Lector, an excommunicatus, vel interdictus a Papa dici possit Episcopus hic Henricus.

Inter Episcopos, qui coronarunt *Ludovicum Bavarium*, non tantum non agnoscitur ab Aventino, sed nequidem a Joanne Georgio Herwarto, nec a Vito Ampeckio tribus Bavaris Historicis.

Episcopus noster *F. Henricus* non amabatur admodum a *Ludovico Bavaro*, verum ab *Hen-*

Henrico VII. Rursum Ecclesia Tridentina non habuit faventem Ludovicum Marchionem Brandenburgensem, filium Ludovici Bavari Imperatoris. Nam Muratori in *vitis Principum Carvaticorum Tomo XVI. Scriptor. Italiae col. 178.* ait: Jacobus Carvaticus, dictus Minor, Tridentinis auxilia, quibus se adversus Marchionem Brandenburgicum, Ludovici Bavari filium, tuerentur, misit.

- (α) Hæc Synodus continebatur in codice pergamenæ Archivii castelli Tridentini, scripto Sæculo XIV. Ibidem extat aliud Apographum hujus Synodi, minoris antiquitatis, cujus usus quandoque succurrit. In fine hujus codicis extat Catalogus Episcoporum Tridentinorum, in quo ADOLPHO II. datur titulus *Beati*, eidemque manu altera adscribitur: *habetur pro Beato.*

Hætenus Aduocator Tridentinus.

Epistola Synodalis Moguntinæ Diœcesis.

Anno Christi MCCCXXII. Joannis XXII. Papæ VII.

LUDOVICI IV. REGIS IX.

SUMMA. Matthias, Archi-Episcopus Moguntinus, notificat omnibus Prælatiis suæ Ecclesiæ Litteras patentes Joannis PP. contra errores Joannis de Polliaco Doctoris Parisiensis ad se directas, publicandas in Congregationibus Synodalibus.

MATTHIAS, DEI ET APOSTOLICÆ SEDIS GRATIA SANCTÆ MOGUNTINÆ SEDIS ARCHI-EPISCOPUS ELECTUS: UNIVERSIS PRÆSENTES VISURIS SEU AUDITURIS, SALUTEM & NOTITIAM SUBSCRIPTORUM.

Litteras Sanctissimi Patris ac Domini, Domini JOANNIS Pape Vicefimi secundi, non cancellatas, non abrasas, non viciatas, nec in aliqua sui parte suspensas, de vera Bulla a filo canapis, Nobis per manus Religiosorum virorum Fratrum Heremitarum Ordinis Sancti Augustini præsentatas: vidimus in hæc verba:

JOANNES EPISCOPUS, SERVUS SERVORUM DEI, VENERABILIBUS PATRIBUS, PATRIARCHIS, ARCHI-EPISCOPIS, AC DILECTIS FILIIS, ELECTIS, AD QUOS PRÆSENTES VENERINT, SALUTEM ET APOSTOLICAM BENEDICTIONEM.

Vas electionis, Doctor eximius, & egregius Prædicator, cujus prædicatione mundum docuit universum, presumptuosam illorum audaciam refrenat sollicitus, qui prudentiæ propriæ innitentes, in errores varios prolabantur. Non plus sapere quam oportet, sed ad sobrietatem sapere, salubris doctrina suggestit, ut, juxta sapientis eloquium quisque suæ prudentiæ modum ponat. Sane jam dudum, cum dilectum Filium, Magistrum Joannem de Polliaco, Sacræ Theologiæ Doctorem, certis ex cau-

sis de fratrum nostrorum consilio ad nostram præsentiam vocassemus, fide digna relatio ad nostrum perduxit auditum, quod ipse in quidam articulis, poenitentiae Sacramentum, non sobrie, sed perperam sapiebat, infra scriptos articulos, periculosos continentes errores, docens publice in suis prædicationibus & scholis. *Primo*, si quidem asserens, quod confessi fratribus, habentibus licentiam generalem audiendi confessiones, tenentur eadem peccata, quæ confessi fuerant, iterum confiteri proprio Sacerdoti. *Secundo*: quod stante statuto: *Omnis utriusque sexus*, edito in Concilio Generali, Romanus Pontifex non potest facere, quod Parochiani non teneantur omnia peccata sua semel in anno proprio Sacerdoti confiteri, quem dicit esse Parochialem curatum: imo nec Deus posset hoc facere, quia, ut dicebat, implicat contradictionem. *Tertio*, quod Papa non potest dare generalem potestatem audiendi confessiones, imo nec Deus, quin confessus habenti generali licentiam, teneatur eadem iterum confiteri suo proprio Sacerdoti, quem dicit esse, ut præmittitur, Parochialem Curatum. Nos igitur

" igitur scire volentes, si suggesta Nobis
 " veritatem haberent, articulorum præ-
 " missorum copiam eidem Magistro Jo-
 " anni fecimus assignari; & ad defen-
 " sionem sui, plenam sui audientiam
 " præbuimus tam in nostra, & dicto-
 " rum fratrum nostrorum præsentia in
 " Consistorio, quam alias coram aliqui-
 " bus ex ipsis fratribus per Nos ad hu-
 " jusmodi deputatis. Verum, licet præ-
 " fatus Magister dictos articulos & con-
 " tenta in ipsis defendere niteretur, as-
 " seribat tamen, se paratum credere,
 " & tenere in præmissis & aliis ea, quæ
 " credenda, & tenenda esse Sedes Apo-
 " stolica diffiniret. Nos igitur atten-
 " dentes, quod dictorum articulorum
 " assertio, prædicatio, & doctrina, re-
 " dundare poterant in multarum perni-
 " tiam animarum; ipsos per plures Ma-
 " gistros in Theologia exanimari feci-
 " mus diligenter. Nos ipsi etiam, cum
 " dictis fratribus nostris, collationem
 " solertem habuimus super ipsis. Per
 " quas quidem collationem, & exami-
 " nationem super hoc præhabitis, com-
 " perimus, præmissos articulos doctrinam
 " non sanam, sed periculofam multum,
 " ac veritati contrariam, continere.
 " Quos etiam articulos omnes, & sin-
 " gulos, idem Magister Joannes, veris
 " sibi rationibus, opinioni suæ dudum ha-
 " bitæ contrariis demonstratis, in con-
 " sistorio revocavit; asserens, se crede-
 " re eos non veros, sed ipsorum con-
 " trarium verum esse; cum diceret, se
 " nescire, rationibus sibi factis in contra-
 " rium, respondere. Ideoque ne, per
 " assertionem, predicationem, & do-
 " ctrinam hujusmodi, in errorem, quod
 " abfit, animæ simplicium prolabantur;
 " omnes prædictos Articulos, & quem-
 " libet eorundem, tanquam falsos, &
 " erroneos, & a doctrina sana devios,
 " auctoritate Apostolica damnamus, &
 " reprobamus de fratrum consilio prædi-
 " ctorum. Doctrinam ipsa contrariam,
 " veram esse Catholicam, asserentes:
 " cum illi, qui prædictis fratribus con-
 " sentient, non magis teneantur eadem
 " peccata iterum confiteri, quam si alias
 " illa confessi fuissent eorum proprio
 " Sacerdoti juxta dictum Concilium Ge-
 " nerale. Optantes autem, virtutis vi-
 " tas notas esse fidelibus, & cunctis erro-
 " ribus præcludere aditum, ne subin-
 " trent; felicis recordationis Alexandri

" Quarti, & Clementis Quarti, Romano-
 " rum Pontificum Prædecessorum nostro-
 " rum vestigia imitando, universis &
 " singulis districtius inhibemus, ne quis-
 " quam prædictos articulos, per Nos,
 " ut præmittitur, damnatos, & etiam re-
 " probatos, vel contenta in eis, vel
 " aliquo ipsorum, utpote a Catholicis
 " mentibus respuenda, tenere audeat,
 " seu defendere quomodolibet vel doce-
 " re. Quo circa universitati vestræ per
 " Apostolica scripta districtè præcipiendo
 " mandamus, quatenus universi, &
 " singuli vestrum, in civitatibus & Dio-
 " cesibus vestris, convocato Clero com-
 " munitè, præmissa omnia & singula
 " per vos, seu alios solemniter publice-
 " tis. Nos etiam eidem Magistro Jo-
 " anni mandavimus, quod ipse in scho-
 " lis & in sermone, Parisiis, prædictos
 " articulos & contenta in eis, tanquam ve-
 " ritati contrarias, propriæ vocis oraculo,
 " & asseveratione constandi, publice de-
 " beat revocare. Quod se facturum di-
 " ctus Joannes efficaciter repromisit.
 " Datum Avinionæ, nono Kal. Augusti,
 " Pontificatus nostri anno quinto.

Et quia Nos, juxta mandatum
 Apostolicum in præmissis litteris Nobis
 factum, per Nos ipsos solemni publica-
 tione dictarum litterarum intendere non
 possumus, arduis Ecclesiæ nostræ præ-
 pediti negotiis; omnibus Præpositis,
 Archidiaconis, seu eorum vices geren-
 tibus nostræ civitatis & Diocesis præci-
 piendo mandamus districtius in his scrip-
 tis, quatenus in Congregationibus ro-
 rum Synodaliibus prædicta omnia, & sin-
 gula faciant solemniter publicari, quan-
 docunque fuerint a supradictis fratribus
 requisiti: intimantes Clero suo, quod
 eisdem fratribus, ad quos affectione trahi-
 mur specialiter pro eo, quod se Nobis, &
 Clero semper consueverunt reverenter,
 & humiliter conformare, privilegium
 audiendi confessiones fidelium juxta de-
 clarationem præmissam, sicut & alia ipso-
 rum Privilegia, super quibus conservandis
 auctoritate Sedis Apostolicæ sumus spe-
 cialiter deputati, velimus omnino, quan-
 tum possumus, integraliter conservare.

Datum Erfordie VI. Kal. Septemb.
 anno Domini MCCC. vicesimo secundo.

*Ex originali in Archivo FF. Augustiniani-
 rum Moguntia descriptis Cl. de Guldenus
 in Sylloge variarum Diplomatariorum
 Monumentor. Francof. A. 1728. p. 613.*

MIN.

MINDENSIS ECCLESIAE

STATUTA

ANNO CHRISTI MCCXXX. Nos. Decembris.

UNIVERSIS HANC PAGINAM INSPECTURIS, FRATER JOHANNES,
ORDINIS PRÆDICATORUM, DOMINI PAPE POENITENTIARIUS,
SALUTEM IN CHRISTO JESU.

Ad Mindensem Ecclesiam à Venerabili Patre Ordone, sancti Nicolai in carcere Iuliano, Diacono Cardinali, Sedis Apostolice Legato, ad exequendum ibidem VISITATIONIS, vel INQUIRITIONIS Officium destinati, quedam in ea duximus salubriter ordinanda, que Statutis, & aliis amminiculis dignum duximus stabilem.

Imprimis igitur statuimus, ut DECIMUM OBEDIENTIE, & OCTO DECIMÆ sicut sunt distincte per Prepositum, Custodem, Scholasticum, Cantorem B. & E. Canonicos Mindenses, auctoritate precedente Episcopi, & Capituli, & approbatione postmodum subsecuta, perpetuo sic maneant inconvulsi: hoc ipsum de banis volumus observari, qui dicte visitationis tempore de consensu ejusdem Episcopi, & Capituli in quinq; Archidiaconatus rationaliter sunt distincti, exceptis illis Prelaturis, Ecclesijs sunt annexi.

II. Statuimus insuper, quod excepta obedientia HEMMINCEREN &c. que Prepositus perpetuo est annexa, cetera novem semper Superioribus post Decanum secundum ordinem assignentur. Si autem aliquem illorum novem contingit cedere, vel decedere, vel obedientiam perdere quolibet justo modo; ipso jure succedat in ea, qui priorem locum inter illos, qui decimas habent, noscitur obtinere, que & de non habentibus decimas, & illis, qui post eos inferiores fuerint, volumus observari. Id quod vacante obedientia Successor a Decano, vel Preposito, si decima illa fuerit, sine omni contradictione in continenti debeat investiri, hominio a recipiente requisito nullatenus aut recepto.

III. Statuimus etiam, quod nulla istarum obedientiarum, vel decimarum dividatur, vel duobus, vel pluribus af-

signetur, sed uni tantum & per ordinem simpliciter atque pure: & qui vacantem obedientiam vel decimam infra tres dies voluerit (*) acceptare, sibi impuet, nullam postmodum habiturus: prestabit atrem Obediensarius juramentum de indempnitate obediencie, & fidei amministrazione Prebende, & quod eam de pinguibus possessionibus sive obediencie expediat & percolvat, etsi dampnum in aliquibus sustineat, dummodo possessione vel fructu penitus non privetur. Tunc vero supercrescentes fructus in usus suos poterit convertere, cum Prebenda fratrum fuerit totaliter expedita.

IV. Item statuimus, ut NUMERUS VIGINTI QUATUOR CANONICORUM MAJORUM inviolabiliter observetur. Ita quod nullus, nisi vacante Prebenda, quavis astutia eligatur ibidem aliquatenus nisi unus: quod si una vacante plures fuerint electi votis fratrum in plures divisus, ille Prebendam obtineat, quem sententia ab Ordinario promulgata dictaverit optinere, vel qui solus remanserit cedentibus aliis sine lite, omni pactione, omni arbitrio & quovis alio modo, penitus relegatis.

V. Item nullus eligatur ad Prebendam minor QUATUORDECIM ANNIS, nec in Prepositum, vel Decanum, seu ad alias Dignitates ejusdem Ecclesie aliquis assumatur, nisi ad minus VIGINTI QUINQUE ANNORUM EXISTAT. Ut autem premissa Capitula firmitus observentur, Prepositus, Decanus & Capitulum Mindense nostro indubi confilio ad perpetuam eorum observantiam se coram Nobis corporaliter juramento prestituto astrinxerunt.

VI. Post hec autem, que juramento firmata sunt, ut superius est premissum, quedam alia, que sequuntur, duximus statuenda: videlicet, ut nemo de-

O o o o

inceps

Thomas IV. Conciliar. German.

(*) forte: noluerit.

inceps Canonicus in Ecclesia Mindensi emancipetur vel instilletur, nisi prius prenotata Capitula & alias consuetudines Ecclesie Mindensis se juret inviolabiliter servaturum.

VII. Item statuimus de Archidiaconatibus, ut preter illos, qui dignitatibus sunt annexi, quinque alii non pravis, sed viris prudentibus & fidelibus Ecclesie Mindensis Canonicis conferantur, qui Archidiaconatus suos visitent per se ipsos, & Ecclesias cum vacaverint, *DIGNIS CONFERANT* sine *PRETIO* dato, quovis ingenio spectato.

VIII. Item de *PREPOSITURIS SANCTI MARTINI & S. Johannis* Mindensis duximus observandum, videlicet ut nullis nisi discretis *MAJORIS ECCLESIE CANONICIS* conferantur.

IX. Item omnes residentiam faciant, vel penam a Nobis contra absentes statutum incurrant, scilicet, ut tempore absentie fructus Prebende non habeant, sed Decanus & Cellerarius colligant ad usum Capituli bona fide, nisi causa studii aut peregrinationis, vel Ecclesie negotii, aut sui officii ad Mindensem Ecclesiam pertinentis, sive infirmitatis causa, ex indulgentia Decani, vel totius Capituli ex probabili causa, sive solius Decani juxta modum hactenus observatum alicujus absentia valeat rationabiliter excusari.

X. Item statuimus, ut nullus Canonicorum sive de anno gratie, sive de bonis in Ecclesia acquisitis, *CONCUBINE*, AUT *FILIIS* suis possit ullo modo *CONDERE* testamentum. Et si fecerit, Ecclesiastica careat sepultura, & testamentum omnino irritum reputetur.

XI. Legatum quoque per manum Decani, Scholastici, Cellerarii, qui pro tempore fuerint, in communes usus Capituli redigatur.

XII. Item statuimus, ut si quis Canonicorum, vel Vicariorum chori de cetero cohabitare presumpserit concubine, vel extra domum eam publice procurare, si post trinam monitionem Decani, vel alicujus Canonici infra octo dies in Capitulo factam, non resipuerit, Prebenda ipsius, & quidquid a Mindensi Ecclesia in Beneficio obrinebat per manum Decani & Cellerarii ad communes usus Capituli fideliter colligatur; ille vero ab ingressu Ecclesie, Officioque Divino interim sit suspensus, quoad usque vitium postpositum supradictum, & de culpa sua eorum Decano & Capitulo condignam susceperit penam manifeste: pena simili puniendis, qui presatum manutenerent presumpserint testamentum.

XIII. Item statuimus, quod precipue in Choro, Refectono, & Dormitorio honeste, modeste & discipline se habeant: qui autem aliter se habeant, a Decano pro qualitate commissi graviter puniantur.

XIV. Ordinavimus etiam & statuimus, ut idem Decanus in hiis, que ad Prebendas & ad obedientias, & ad servitium pertinent, & ad Ecclesiasticam disciplinam, compellendi, coharctandi, puniendi plenariam habeat potestatem. Qui si fuerit negligens, & remissus, preter celestem vindictam, qua Eli percussus fuit, depositionis penam poterit formidare. Acta sunt hec Anno Domini MCCXXX. Non. Decembr.

*Signum Fratris
Johannis Ord.
Predicatorum.*

*Lunig. Specilegii Ecclesiastici Continuat-
tio III. Fortschung pag. 57.*



MIN-

MINDENSIS Synodalis Constitutio

ANNO CHRISTI MCCLXXIX.

SUMMA. Volquinus Episcopus vetat, vivo substitui alium, loco non vacante.

VOLQUINUS, DEI GRATIA, MINDENSIS ECCLESIE EPISCOPUS,
AD CERTITUDINEM PRESENTIUM, ET MEMORIAM
FUTURORUM.

Olim a sanctis Patribus noscitur institutum, ut nullus ex Clero ordinetur in locum viventis, ne quis desiderare mortem proximi videatur, cum hoc etiam leges gentilium condemnare curarent. Sane Johannis de Beldersen Clericus, & alii quidam premisse constitutionis, aut contemptores, aut immemores, satagentes in locum viventium se intrare in nostra Mindensi Ecclesia, de facto procuraverunt se ad Beneficia non vacantia installari. Ne igitur facti perveritas transeat presumptoribus in exemplum, Nos requisito consensu singulorum de Capitulo nostro statuimus, & habita ipsorum omnium unanimi voluntate, cum pene adjectione sanximus, ut quicumque talia de cetero superstitionis adinventionem presumpserit, idem presumptor, ut in eo, in quo deliquerit,

puniatur, nullum Beneficium Ecclesiasticum, Prebendam videlicet, vel Ecclesiam in Mindensi civitate vel Dyocesi amplius consequatur: sed penitus cum spe de acquirendo Beneficio in predictis civitate & Dyocesi eo ipso sit privatus, quod locum viventis taliter affectare presumpsit. Hec quippe constitutio sub obedientia & fidei datione manualiter prestata a singulis, & omnibus Canonici vallata & confirmata existit, nostro quoque ac supradicti Capituli Sigillis munita. Facta est hec constitutio Sabato post Ascensionem Domini anno ejusdem MCCLXXIX.

(S. Capit.)

Lunig Spicil. Eccl. Continuat. III. pag. 58. Fortsetzung.

MINDENSIS SYNODUS

ANNO CHRISTI MCCXCIX.

Confirmatur à Metropolitâ Wichboldo, Coloniensi Archi-Episc.

SUMMA. Statuta Ludolfi, Mindensis Episcopi, contra Invasores Ecclesiarum corroborantur.

WICHBOLDUS, DEI GRATIA, SANCTE COLONIENSIS ECCLESIE ARCHIEPISCOPUS, SACRI IMPERII PER YTALIAM ARCHI-CANCELLARIUS;
HONORABILIBUS VIRIS PREPOSITO, DECANO, ET CAPITULO MINDENSI, AC CLERO UNIVERSALI CIVITATIS ET DIOCESIS
MINDENSIS, SALUTEM IN DOMINO.

Sua Nobis Venerabilis in Christo Frater LUDOLFUS, Episcopus Mindensis infirmatione monstravit, attentius nostri Officii debitum implorando, quod cum ipse alias de communi Prelatorum suorum & Capituli Mindensis consensu

in Synodo sua Generali, pro vestro bono communi statueret, ut omnes raptiores rerum Ecclesiasticarum excommunicationis sententiam incidant ipso facto, quodque loca, ad que res hujusmodi deferuntur, quodam loci Plebano sciente,

Tom. IV. Concilior. German.

O o o o 2

ibi-

ibidem fuerint, Ecclesiastico sint supposita interdicto. Preterea cum ipse similiter pro reformatione discipline, nec non equali distributione Prebendarum, & ob reverentiam rerum Ecclesiasticarum alienatarum Ecclesie Mindenensis in aliis omnibus ipsa Ecclesia jam dudum defectus est perpessa varios, disciplina in eadem Ecclesia per vos Canonicos, prout antiquitus decenter servabatur, ut cum religione vestra in locis debitis incedatis, observari, & fructus Prebendarum vestrarum equali distributione inter singulos dividi, ac res Ecclesiasticas laycis de cetero ad FIRMAM non concedi, vel pignorare facias, cum per talia sepius Ecclesie tuis bonis iustis defraudentur, & alienata infra mensem, nisi alienatores ex iusta causa ulteriorem terminum ab ipso obeinuerint, recuperari mandavit, in contrarium facientes excommunicationis sententiam proferendo. Nos huiusmodi statutum & mandatum approbare & confirmare auctoritate Metropolitana curamus. Nos igitur advertentes, quod pium & salubre sit malorum insulibus

obviare, & Ecclesiarum indemnitatibus precavere: premissum statutum per eundem Dominum Episcopum de raptoribus Ecclesiarum Dyocesis non sine deliberatione provida editum, immo & Episcopi ejusdem mandatum de disciplina, & equali distributione Prebendarum, ac bonis Ecclesie sue Mindenensis non alienandis, & alienatis recuperandis emissum, prout ab eodem Episcopo rite & provide facta sunt, auctoritate Metropolitana confirmamus, & a vobis omnibus & singulis observari volumus & mandamus, harum nostrarum testimonio litterarum. Contrarium facientes omnipotentis Dei & beati Petri Principis Apostolorum indignationem se noverint graviter incursum, nostramque sciant reverentiam pariter offendisse. In cujus rei testimonium presens scriptum conscribi, & nostri Sigilli munimine secimus roborari. Datum apud Brule in octava beati Martini. Anno Domini MCCXCIX.

Lwig Spicil. Eccles. Contin. III. Fortsetzung pag. 58.

MOGUNTINÆ DIOECESIS SYNODUS

Anno Christi MCXXVII. Honorii II. Papæ III.
Lotharii Regis II.

SUMMA. Adelbertus Archi-Episcopus Lege Synodali definit, S. Disibodo, de locis, ubi creverint fruges, dandam esse Decimam.

ADELBERTUS, DEI GRATIA, MOGUNTINUS ARCHI-EPISCOPUS,
ET APOSTOLICÆ SEDIS LEGATUS.

Notum esse cupimus omnibus tam future, quam presentis generationis Fidelibus, qualiter Antecessor noster, felicitis memorie, Dnus RUTHARDUS Archi-Episcopus, inter cetera, que pro remedio anime sue, ac pro spe eterne retributionis contulit Fratribus in Cœnobio B. DISIBODI Deo militantibus, tradidit etiam Decimam omnium pertinentiarum ad Episcopalem Curiam, que sita est in monte B. Albani Martyris, excepta Dominicali terra Episcopatus S. Albani, S. Victoris, S. Marie in Campo, S. Nicomedis Martyris. Quam

laudabilem ac Deo placitam traditionem Banni sui obligatione fratribus firmavit, Nos quoque auctoritate nostra firmamus.

Eandem vero Decimam exterius persolvendam, in agris scilicet, vineisque pro fecunditate aut sterilitate anni, & fundi, prout iusticie regula exigit, & jam frequentior usus fere apud omnes obtinuit, succedente mutabilitate temporum plebs, ut semper in deterius prona est, postponens iusticiam, collectis tantum frugibus & repositis, mensuram quandam ad placitum denominatum

nam perfolvere usurpavit potius, quam elegit. Et hec abusus perniciosior dandis, quam accipientibus, istis quidem in dampno temporalium rerum, illis vero in periculo animarum, multis annis perduravit, fratribus illi pro posse renitentibus, Nobisque annuatim de injuria sua proclamantibus.

Volentes ergo utrique provisum ac consultum esse, respectu Divine misericordiae, & assidua fratrum querela tandem devicta, totius controversie hujus finem hoc ordine fecimus.

Quæsitæ enim a Prelatis & Rectoribus Ecclesie nostre sententia & judicio, super hujusmodi causa & diffensione decretum est ab eis *LEGE SYNODALI in locis, ubi creverint fruges, dandum esse Decimam.*

Quod tandem cogente iustitia, & rogatu quoque, & exhortationis nostre efficacia, pace, & assensu illorum collaudatum, & confirmatum est.

Ne vero aliquorum presumpcio commutationem hanc de non legali ad legale, de injusticia ad iusticiam tam rationabiliter factam infringere, vel infirmare imposterum audeat, sub anathemate interdicimus. Atque in signum & testimonium totius actionis hujus hanc chartam conscribi, & sigilli nostri impressione insigniri fecimus, proprie manus subscriptione roborantes eam. Sunt autem Testes hujus rei:

Fulbertus, Abbas S. Albani. Werenboldus, abbas S. Jacobi. Adelhun,

abbas S. Disibodi. Bernhelm, abbas de Spanheim. Richardus, major Prepositus. Cuno, Custos & Decanus de Domo. Thuringbertus, magister Scholarum. Hartmannus, Cantor & Prepositus S. Mauricii. Godescalcus, Prepositus S. Marie in Campo. Henricus, Bingenfis Prepositus. Ludovicus, Prepositus de Franckenevort, & alii multi de Clero.

De Liberis autem: Eggebertus Comes. Adelbertus de Veluibrucan. Wolfram de Sueneburg. Gerone de Alveldunn.

De Ministerialibus & Urbanis.

Ernolt, Vice Dominus. Warmundus Scultetus. Ruthart Magister Monasterio. Emicho. Walther. Conrad de Hepenhefle. Obbreche. Luifrit. Folbrecht. Otto, & frater ejus Luifrit. Eigelwart, & frater ejus Dudo, & alii quamplures.

Acta sunt hæc anno Dominice Incarnationis MCXXVII. Indiçhone V. Regnante Domino Lothario, hujus nominis tertio, anno Regni ejus secundo.

Signum Domini *ADELBERTI*, Moguntini Archi-Episcopi, & Apostolice Sedis Legati.

Data Moguntie per manum Godeschalci Capellani, VI. Kal. Martii.

De Gudenus Codicis Diplomatici Tom. I. No. XXVIII. pag. 65. 66. 67.

Mentio Synodi Magdeburgensis, quæ superest absque Actis, vel Statutis in ea Canonibus.

MCVII. *MAGDEBURGENSI in Provincia HALÆ Quadragesimali tempore ex more habuit Colloquium Synodale HENRICUS Archi-Episcopus X. Obiit anno eodem. XII. Kal. Maji, FERIA II. Paschatis illucescente, antecedente FERIA V. in Catha Domini supra vires laborans, Clericatus consecrationem cum toto illius diei Officio, sed sibi ultimo pergit. Sedit annos IV. Menses octo.*

Chronicon Magdeburgense Anonymi apud Meibomium Tom. II. Scriptorum Germaniæ pag. 321.

EBER-

EBERVINI, Wormatiensis Episcopi, CONSTITUTIO Canonica,

*Post Visitationem suam Diocesim factam a GERARDO Moguntino Metropolitano,
edita anno MCCC.*

*De Præsentiis, tempore interdicti, & quandocumque Divinum
non habetur officium, non percipiendis.*

EBERVINUS, DEI GRATIA, EPISCOPUS WORMATIENSIS. DECANO ET
CAPITULO ECCLESIE NOSTRE - - - SALUTEM, ET SINCERAM
IN DOMINO KARITATEM.

Cum nuper Reverendus Pater, Dominus noster GERHARDUS, Archiepiscopus Moguntinus, auctoritate Metropolitana in dicta nostra Ecclesia exercens Sancte Visitationis officium, inter cetera delictum, sive excessum hujusmodi notorium invenerit corrigendum sive reformandum; videlicet, quod eo tempore, quo Divina Officia in eadem Ecclesia non habentur, sive Ecclesiasticum servatur interdictum, cotidianas distributiones, sive presentias, que non solent, nisi presentibus in Divinis officiis certis temporibus ministrari, absentes tamen eas requirere & recipere non verentur, contra Statutum Sanctissimi Patris Nostri, Dni BONIFACII Octavi, quod incipit: *Alma* &c. editum

super eo; dictus Dominus noster Archiepiscopus in corrigendis & reformandis hujusmodi, & aliis defectibus & excessibus Nobis commiserit vices suas; Vobis universis & singulis auctoritate predicta in virtute sancte obedientie precipiendo districte mandamus, quatenus in hujusmodi cotidianis proveniendis sive presentias, certis temporibus, sicut premissum est, distribuendis & percipiendis secundum formam Constitutionis supradicte observetur, & observari faciat inconvulsa. Sic faciendum, si Canoniam effugere volueritis ultionem.

Datum Wormati Anno Domini MCCC. xiii. Kal. Februarii.

*De Guden Cod. Diplom. Tom. III.
pag. 1.*

Mentio Synodi Magdeburgensis

ANNI MCCCLXII

THEODORICUS ex Monacho Cisterciensi in Carya, Archi-Episcopus ab Innocentio VI. PP. provisorius, anno secundo sui Præsulatus die S. Luca personliter præsedit Synodo, assistentibus sibi Domino Ehrenfridi Episcopo, (.) & Abbatibus pluribus insulatis, in qua Synodo nil gravaminis actum est, sed pro pace & contra pessilentiam Missas & Suffragia idem Archi-Episcopus injunxit, ad hoc nihilominus suam indulgentiam largiendo.

Chronicon Magdeburgense Anonymi, editum a Meibomio Tom. II.
Scriptorum Germaniæ pag. 343.


FINIS TOMI IV. CONCILIORUM GERMANIÆ
Anno 1761. Mense Decembri.



VA
1524450







162

41

21

162

72

9

